


Pajelwɔajan Dios
pejjamechan



New Testament in Guayabero (CO:guo:Guayabero)

Pajelwajaan Dios pejjamechan
New Testament in Guayabero (CO:guo:Guayabero)

copyright © 2009 Wycliffe Bible Translators, Inc.

Language: Guayabero

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guayabero

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 18 Apr 2025 from source files dated 29 Jan 2022
809259d4-ca58-5124-9a05-fd84078a3de3

Contents

San Mateo	1
San Marcos	81
San Lucas	130
San Juan	213
Hechos	273
Romanos	346
1 Corintios	379
2 Corintios	413
Gálatas	435
Efesios	447
Filipenses	457
Colosenses	465
1 Tesalonicenses	472
2 Tesalonicenses	479
1 Timoteo	483
2 Timoteo	492
Tito	499
Filemón	503
Hebreos	505
Santiago	529
1 San Pedro	538
2 San Pedro	547
1 San Juan	553
2 San Juan	561
3 San Juan	562
Judas	564
Apocalipsis	567

Mateo Ielpox Jesucristo pejwɛajnan

Ampilap Jesucristo pejwɛajnapijiw (Lc 3.23-38)

¹ Xan, Mateo, amxot lelaxaelen Jesucristo pejwɛajnapijiw pejwɛalan. Jesucristo David pamon. Davidbej Abraham pamon.

² Abraham paxɛalan pawɛl Isaac. Isaac paxɛalan pawɛl Jacob. Jacob xabich paxipon. Kaen pawɛl Judá.

³ Judá paxi. Kaen pawɛl Fares. Asan pawɛl Zara. Japi pen pawɛl Tamar. Fares paxɛalan pawɛl Esrom. Esrom paxɛalan pawɛl Aram.

⁴ Aram paxɛalan pawɛl Aminadab. Aminadab paxɛalan pawɛl Naasón. Naasón paxɛalan pawɛl Salmón.

⁵ Salmón paxɛalan pawɛl Booz. Booz pen pawɛl Rahab. Booz paxɛalan pawɛl Obed. Obed pen pawɛl Rut. Obed paxɛalan pawɛl Isaí.

⁶ Isaí paxɛalan pawɛl David. Japon David, reypon Israel tɛajnprijwliajwa. Rey David paxɛalan pawɛl Salomón. Japon pen pawɛl Betsabé. Japow majt Uriás pijow.

⁷ Salomón paxɛalan pawɛl Roboam. Roboam paxɛalan pawɛl Abías. Abías paxɛalan pawɛl Asa.

⁸ Asa paxɛalan pawɛl Josafat. Josafat paxɛalan pawɛl Joram. Joram paxɛalan pawɛl Uzías.

⁹ Uzías paxɛalan pawɛl Jotam. Jotam paxɛalan pawɛl Acáz. Acáz paxɛalan pawɛl Ezequías.

¹⁰ Ezequías paxɛalan pawɛl Manasés. Manasés paxɛalan pawɛl Amón. Amón paxɛalan pawɛl Josías.

¹¹ Josías paxi. Kaen pawɛl Jeconías. Japamatkoiyan judíos bu'fos esclavosliajwa Babilonia paklowax poxade, jaxotde malech tanbichliajwapi Babilonia paklowaxrijwliajwa.

¹² Do baxael, judíos kofas wɛt, japi nawia pejtɛajnpoxadin. Do jawɛt, Jeconías paxɛalanpon. Japon pawɛl Salatiel. Salatiel paxɛalan pawɛl Zorobabel.

¹³ Zorobabel paxɛalan pawɛl Abiud. Abiud paxɛalan pawɛl Eliaquim. Eliaquim paxɛalan pawɛl Azor.

¹⁴ Azor paxɛalan pawɛl Sadoc. Sadoc paxɛalan pawɛl Aquim. Aquim paxɛalan pawɛl Eliud.

¹⁵ Eliud paxɛalan pawɛl Eleazar. Eleazar paxɛalan pawɛl Matán. Matán paxɛalan pawɛl Jacob.

¹⁶ Jacob paxɛalan pawɛl José. José pijow pawɛl María. Japow Jesús pen. Jesús Iap Cristo, Dios to'aspon jiw bu'welija.

¹⁷ David pamjiwkolapikal, Abraham sɛapich, puexa japi catorce. Do baxael, judíos bu'fos wɛt esclavosliajwa Babilonia paklowax poxade, japibej catorce matxajus wɛt, David sɛapich, pamjiwkolakal. Do baxael, Cristo nalaelt wɛt Judea tɛajnpɛxot, japonbej catorce pamjiwkolakal, Babilonia paklowaxxot nawenpi sɛapich.

Jesucristo nalaelt pox (Lc 2.1-7)

¹⁸ Jesucristo nalaelt wɛt, ma-aech. Jesucristo penaxaelpow, japow pawɛl María. José jumdut, asamatkoi japow fisliajwapon. Pe José japow bu'moejs-el wɛtɛuk, japow moejow Espiritu Santo pejpamamaxtat.

19 José chiekal pachaempon. Japonliajwa wepachaema-esal tasalaliajwapon japow jiw pejwajnalel, masoxtat moejow xotow. Samata, José nejchaxoel kofsliajwapon María.

20-21 José japox nejchaxoelafal wut, Dios pej-ángel jumtispon, xamoejt wut: “José, David pamon, inabey nejchaxoele' María fis-elaliajwam nijowliajwa! María paxulch faenaxael. Japon nalaelsaxael Espíritu Santo pejpamamaxtat. Japon asamatkoi jiw bu'weyaxael. Samata, jwulduim Jesúswaltat!” —tis José Dios pej-ángel, xamoejt wuton.

22 Puexa japoxan ja-aechlisox, me-ama Dios pejprofeta chajia jum-aech:

23 “Kaeow pawis, chinax poi bu'moejs-esalpaw, masoxtat moejowaxael. Japow paxulchaxael wut, poiyaaxael. Pawalaxaelon Emanuel” —aech Dios pejprofeta. (Japawul jumchiliajwa: “Dios xatisxot” —chiliajwa.)

24 José nathikt wut, fitlison María pijowliajwa, me-ama Dios pej-ángel jumtispon, xamoejt wut.

25 José bu'moejs-el María, japow moejow xot. María paxulan nalaelt wut, José wulduw paxulan Jesúswaltat. Jum-aechon: “Pawalaxaelon Jesús” —aech José.

2

Ithaej matabijs patpox juimt julanlelsan

1 Jesús nalaelt Belén paklowaxtat, Judea tujnuxot. Japamatkoiyan Herodes reypon Judea tujnuxot. Japamatkoiyan wut, ithaej matabijs pat juimt julanlelsan Jerusalén paklowaxxot.

2 Pat wuti, wujnachaemt wut, jum-aechi:

—¿Amxotkat nalaelt judíos pejrey? Xanal taenx ithaejt, yamxuch pijan, julan wut juimt julanlelsan. Samata, xanal fulaenx itpaeliajwan sitaeyax japoch yamxuch —aech ithaej matabijs.

3 Rey Herodes japox wultaen wut, xabich nejchaxoelon. Jerusalén paklowaxpijiwbej japox wultaen wut, xabich nejchaxoeli.

4 Do jawut, Herodes to'a pejjiw wuljaesliajwapi puexa sacerdotespaklochow, judíos chanaekabuanapibej. Japi pat wut Herodesxot, Herodes wujnachaemt wut, jum-aechon japiliajwa:

—¿Amxotkat nalaelsaxael Cristo, japon to'axespon Dios? —aech Herodes.

5 Japi jum-aech:

—Nalaelsaxaelon Belén paklowaxtat, Judea tujnuxot. JasoX chajia jum-aech Dios pejprofeta lelpox, jum-aech wut:

6 ‘Jiw tato‘lan nalaelsaxael Belén paklowaxtat, Judea tujnuxot. Japon tato‘laxael Dios pejjiw, Israel tujnupijiw. Samata, Belén paklowaxkaes pejme pachaemaxael. Me-ama asapaklowaxan Judea tujnuxot, jachiyaxil’ —aech Dios pejprofeta chajia lelpox —aech sacerdotespaklochow, judíos chanaekabuanapibej, Herodesliajwa.

7 Samata, Herodes maliach wullala ithaej matabijs, japi fulaeliajwadin Herodes poxadin, japon Herodes matabijsliajwa yamxuchliajwa. Ithaej matabijs pat wut Herodesxot, Herodes jum-aech:

—¿Maswutkatjim xamal matxoela taenam japa-ithaejt? —aech Herodes.

8 Do jawut, Herodes matabijt wut, to‘apon ithaej matabijs Belén paklowaxpoxade. To‘a wut, Herodes jum-aech japiliajwa:

—¡Xabua‘de japoxade xaljamch chiekal jalwekaliajwam! Faenam wut, jxan najum-amde, xanbej fulaeliajwan itpaeliajwanbej tajsitaeyax japoch xaljamchliajwa! —aech Herodes.

9-10 Do jawut, ithaej matabijs follisi, rey Herodes to'as poxade. Do jawutbej, majt ithaejt taenpox, pejme taeni. Japi taen wut japa-ithaejt, xabich ne-jchachaemili. Do jawut, japi itafol wut, japa-ithaejt wuajna dukaful. Do baxael, japa-ithaejt napata-ek. Do jawut, japa-ithaejt nakthiandik xaljamch okxot.

11 Do jawut, ithaej matabijs lowlisi ba. Jaxot taenlisi xaljamch, pen suapich, japow pawulpow María. Japi sitaen xot xaljamch, brixtat nuilisi xaljamch pejuajnalel. Do jawut, fafaklisi pejcha-aelbaulx. Do jawut, juk wut, chax-duwlisipon oro, incienso, mirrabej. Puexa japoxan xabich ommaenkproxan.

12 Do jawux, ithaej matabijs jumtispri, xamoejt wut: “¡Herodes poxade nabej nawe!” –tisi. Samata, ithaej matabis asanumtrel joeya. Jaxotat ithaej matabijs nawia pejtujnu poxade.

José, pijow suapich, paxulan suapichbej, dukprox Egipto tuajnu poxade

13 Ithaej matabijs chijia wut, do japamadoitat, José moejt wut, xamoejton Dios pej-ángel. Do jawut, jumtispon: “¡Nandel! ¡Buflaem xaljamch, pen suapich, Egipto tuajnu poxade! ¡Jaxotde duilmach! Asamatkoi xam pejme jumchixaxaelen xaljamch bunwiasliajwam. Malis xaljamch pen. Amalis Herodes xaljamch wulwekaxael boesaliajwaspon” –tis, José xamoejt wut.

14 Dolisdo', José nathikt wut, japamadoitat buflaechlison xaljamch Egipto tuajnu poxade. Malis xaljamch pen.

15 Egipto tuajnu xot piach duili. Do baxael, Herodes tup wut, pejme kaxa nawenlisi. Me-ama Dios pejprofeta chajia jum-aech Dios jum-aechpox, jum-aech wut paxulanliajwa: “Taxulan wullalaeyaxaelen pejme nawiasliajwa Egipto tuajnu xotdin” –aech Dios jum-aechpox paxulanliajwa.

Herodes keto'apox pejsoldaw yamxi beliajwas

16 Do jawut, Herodes pajut matabijt wut ithaej matabijs asanumtrel joeyapox, jawut xabich palalapon japiliajwa. Samata, pejsoldaw keto'apon yamxi poejiwkal beliajwapi, kolewaechanpi, kaes jampibej, japi duili Belén paklowaxxot, paklowax tathoetlel duilpi paxibej. Jaxot keto'apon, nejchaxoel xot ithaej matabijs chajia jum-aechpox Jesús nalaelsaxliajwa.

17 Japox ja-aechlisox, me-ama Jeremías, Dios pejprofeta chajia lelpox jum-aech yamxi beyaxaesproxliajwa:

18 “Do jawut, puexa jiw jumtaeyaxael xabich wunowproxan Rama paklowaxxot. Japi watho', Raquel pamojiw, xabich pinjametat wunoeyaxaeli, paxi nejxaejwas xoti. Japi watho' kofaxil paxi nejxaejwasproxan” –aech profeta Jeremías chajia lelpox.

19 Baxael, asamatkoi, Herodes tup wut, José Egipto tuajnu xot Dios pej-ángel jumtispon, xamoejt wut:

20 “¡Nathikde! ¡Buflaem yamxulan, pen suapich! ¡Nawem Israel tuajnu poxade, yamxulan boesasiapi, japi puexa chiekal tup xotlisi!” –tis José Dios pej-ángel.

21 Do jawut, José nant wut, bu'follison yamxulan Israel tuajnu poxade. Malis yamxulan pen.

22 Jawut, José wultaen wuton Arquelao reypox Judea tuajnu xot pax Herodes pejuwlela, José xabich pejlewla Arquelaoliajwa. Samata, José liajwa pachaema-el namanaliajwapon japatujnu xot. Madoi José moejt wut, Dios jumtispon. Do jawut, Dios fiachpon namanasamata Judea tuajnu xot. Samata, matnoch xenton Galilea tuajnu poxaliajwade.

23 José bu'fol pijow, yamxulanbej, duilaliajwa Nazaret paklowaxxot. Samata, Dios pejprofeta chajia jum-aechpox Dios pijaxtat, japox ja-aechlisox.

Profeta chajia jum-aech Jesúsliajwa: “Japon Nazaret paklowaxpijnaxael” — aechon.

3

*Juan, jiw bautisan, dukpox pajilaxtat
(Mr 1.1-8; Lc 3.1-9, 15-17; Jn 1.19-28)*

¹ Do baxael, japamatkoivan wut, Juan, jiw bautisan, naewhajan jiw pajilaxtat, Judea tujnuxot, papat wuti japonxot.

² Juan jiw naewhajan wut, jum-aechon: “¡Kofim babijaxan isfulampoxan! ¡Isfuldelax Dios nejxasinkpoxan! ¡Dios puexa pejjiw tato'laxaelmatkoi mox rawhaina!” — aech Juan.

³ Isaías, Dios pejprofeta, chajia lelon Juanliajwa. Jaxot jum-aechon, lel wut: “Kaen aton pasaxael. Japon pinjametat jiw naewhajnafulaxael pajilaxtat. Japon jumchiyaxaelbej jiwliajwa: ‘¡Babijaxan isfulampoxan kofim wajpaklonliajwa! Me-ama jiw whajna nuamt chiekal chaemt paklon pasliajwa, xamalbej ja-amde nejnejchaxoelaxantat! ¡Isfulde Dios nejxasinkpoxan!’ —chiyaxaelon pajilaxtat” — aech Isaías, chajia lel wut Juanliajwa.

⁴ Juan naxoelox baels camellolatat. Japox pakchowax. Pejcinturónmuat pabutkal. Pejnaxaeyax, me-ama sui'. Afpon miel.

⁵ Do jawut, Jerusalén paklowaxpijiw fulaeni Juanlel, taeliajwapi. Fulaenbej Judea tujnupijiw. Mox duili Jordánlajtxot, japibej fulaen. Japi jiw fulaen naewesliajwa Juan naewhajanpoxan.

⁶ Japamatkoivan japi pajut chapaei babijaxan ispoxan Dios beltaeliajwas. Do jawux, Juan japi jiw bautisa Jordánlajtxot.

⁷ Do jawut, xabich fariseos, saduceosbej, fulaenbejpi Juan jiw bautisafulxot. Do jawut, Juan japi jiw taen wut, jum-aechon japiliajwa: “Xamal, me-ama jom, dukpi weliajwa jit boejtaen wut, ja-am. Pe asamatkoi, xamal tujpam wut, weyaximil, pat wut kastikamatkoi.

⁸ Samata, ¡kofim babijaxan isfulampoxan! Do jawux, ¡isfulde Dios nejxasinkpoxan! Jasox isfulam wut, jiw matabijaxael, diachwhajnakolax xamal babijaxan isfulampoxan kofamlis.

⁹ ¡Xamal nakaewa nabej najum-aeché': ‘Xatis Abraham pamojiwas. Samata, diachwhajnakolax Dios xatis nakbu'weyaxael' —nabej aeché' nakaewaliajwa! Pe nakiowa, babijaxan isfulam wut, Dios xamal bu'weyaxil. Dios nejxasink wut, ampa-ia' Abraham pamojiw kiladofaxaelon.

¹⁰ Xamal naebaechnaechan liktam, naboes-elnaechan. Do jawux, jitat itowam. Jachiyaxaellap-is Dios, xamal kastika wut, naexasis-emil wut Dios” — aech Juan, jiw bautisan, babijaxan ispijiajwa.

¹¹ Juan pejme jum-aech: “Diachwhajnakolax xan jiw bautisax mintat, kofa wuti babijaxan isfulpoxan japi Dios naexasisfulaliajwa. Pe mox rawhaina kaen fulaeyaxaenpon, japon kaes pejme paklonaxael. Me-ama xan, jachiyaxilon. Xan omjinil japon pejkajachawaesnanliajwa. Fulaeyaxaenpon, japon Espíritu Santo to'axael jiw kajachawaesfulaliajwas. Espíritu Santo pejpamamax, me-ama jit, jiw babijaxan ispi wetoejwaliajwas, japi jiw pachaemaliajwa Diosliajwa.

¹² Lulpijin trigo matbokkiyan, batat cha-owaliajwa trigo. Trigobok, trigotonanbej, pelton lausliajwa. Jachiyaxaelbej fulaeyaxaelpon. Japon tamejjaxael jiw pachaempikal Diosxotse, japi jiw, Dios naexasiti. Asew, babijaxan ispi, japi Dios naexasis-eli, pelsaxaes jitadik, itkawaxil poxadik” — aech Juan puexa jiwliajwa.

Jesús bautisaspox
(Mr 1.9-11; Lc 3.21-22)

¹³ Do jawut, Jesús Galilea tujnuxot nakolt wut, fulaechon Jordánlajt poxade, Juan bautisaliajwas.

¹⁴ Do jawut, Juanlax jum-aech Jesúsliajwa:

—Xam kaes paklonam. Me-ama xan, jachi-emil. Samata, kaes pachaem xan nawoesa nabautisaliajwam —aech Juan Jesúsliajwa.

¹⁵ Pe Jesús jumnot wut, jum-aechon Juanliajwa:

—¡Xamlax isde japox amwut! Pachaem isliajwas puexa Dios naktato'alpox —aech Jesús Juanliajwa.

Do jawut, Juan ow-aech.

¹⁶ Jawut Juan bautisa Jesús. Jesús julan wut mintat, jawut taenon athu fafachpox. Jawut Espíritu Santo fuloek a-utat japon pejmatwujasik. Me-ama a-ut, kabuan-aech Espíritu Santo.

¹⁷ Do jawut, Dios pajut jum-aechsik: “Amponlap taxulan, xabich nejxas-inkaxpon. Xan xabich nejchachaemlax japonliajwa” —aech Dios Jesúsliajwa.

4

Jesús xapaejaspox Satanás
(Mr 1.12-13; Lc 4.1-13)

¹ Do jawux, Jesús Espíritu Santo bu'fos pajilax poxade, jaxotde Jesús xapaejsliajwas Satanás babijax isliajwapon.

² Japamatkoiyan Jesús chinax naxae-el cuarenta matkoiyan Dios piach kawujnafulaliajwa. Samata, Jesús xabich litaxaela.

³ Do jawut, Satanás fulaen xapaejsliajwapon Jesús babijax isliajwa. Do jawut, Satanás jum-aech Jesúsliajwa:

—Diachwujnakolax xam Dios paxulnam wut, jampi ia' to'im pan nadofali-ajwa! —aech Satanás Jesúsliajwa.

⁴ Jesús jumnot wut, jum-aechon:

—Dios pejjamechan, chajia lelsbox jum-aech: ‘Jiw duilaxil naxaeyax-ankalliajwa. Jiw wewe'pasbej Dios pejjamechan naexasisfulaliajwa’ —aechox —aech Jesús Satanásliajwa.

⁵ Do jawut, Satanás pejme xapaejsliajwa wut, bu'fos Jesús Jerusalén paklowax poxade. Bu'fason Dios pejtemploba matwujase, kaes athu poxase. Jaxotse nosas Jesús.

⁶ Do jawut, Satanás jum-aech:

—Diachwujnakolax xam Dios paxulnam wut, jma amxot diwmik satadik! Xam naxbijaximil sat. Dios pejjamechan, chajia lelsbox, jum-aech wut, jum-aechox:

‘Dios to'axoek pej-ángeles xam chiekal tataeflaliajwapi. Diwmik wut, xam jaelsabaxaeli naxbijasamatam ia', najalasangamatambej’ —aech Dios pejjamechan, chajia lelsbox —aech Satanás Jesúsliajwa.

⁷ Jesús jumnot wut, jum-aechon:

—Xan diwaxinil. Dios pejjamechan, chajia lelsbox, jum-aech wut, jum-aechbejbox: ‘¡Nabej xapaejs nejpaklokolan Dios, asbuan jumch taeliajwam diachwujnakolax xam weyaxaelam wut!’ —aech Dios pejjamechan, chajia lelsbox. Xan chiekal matabijtax Dios natataeflafulpox. Xan xapaejsaxinil tajpaklokolan Dios —aech Jesús Satanásliajwa.

⁸ Do jawux, Jesús xapaejtas wut Satanás, bu'fason pinamux matwujase, xabich athu poxase. Jaxotse Jesús itpaeis potujnuchan, popaklowaxanbej, ampathatat. Itpaeisbejpon puexa xabich pachaempoxan, ampathatatpi.

⁹ Do pejme Satanás jum-aech Jesúsliajwa:

—Puexa taenamproxan xam chaxdusaxaelen, xan tajw_uajnael brixtat nukam w_ut, najum-am w_utbej: ‘Xam xabich pachaemam. Xam tajpaklokol-nam’ —na-am w_ut —aech Satanás Jesúsliajwa.

¹⁰ Jesús jumnot w_ut, jum-aechon Satanásliajwa:

—Satanás, ¡chijiamde xanxot! Xam sitaeyaxinil. Dios pejjamechan, chajia lelspos, jum-aech w_ut, jum-aechox: ‘Kaen, Dios, jiw pejpaklokolan. ¡Japonkal sitaem! ¡Naexaxisfuldebej!’ —aech Dios pejjamechan, chajia lelspos —aech Jesús Satanásliajwa.

¹¹ Do jaw_ut, Satanás chijia Jesúsxot. Jaw_utbej Dios pej-ángeles fuloek Jesús kajachawaesliajwapi.

*Jesús t_uadutpox naew_uajna_x Galilea t_uaj_nxot
(Mr 1.14-15; Lc 4.14-15)*

¹² Do jaw_ux, Jesús w_ultaen Juan, jiw bautisan, jiaspox jiw jebatat. Jaw_ut Jesús nawia'an Galilea t_uaj_nu poxadin.

¹³ Do jaw_ut, nakoltlison Nazaret paklowaxxot dukaliajwa Capernaum paklowaxxot. Japapaklowax Galilea pukabab_u'tat. Zabulón t_uaj_nu, Neftalí t_uaj_nubej, jaxot mox.

¹⁴ Dolisdo', amprox ja-aech jachiliajwa Isaías chajia lelpox. Japon chajia lelpox jum-aech:

¹⁵⁻¹⁶ “Zabulón t_uaj_nu, Neftalí t_uaj_nubej jaxot mox Galilea puka, Jordánlajt wesklel. Jaxot, Galilea t_uaj_nxot, asew jiw duil. Japi judíos-el. Japi matabija-el Dios pejtato'laxan. Samata, japi jiw, me-ama duili itk_uataxxot, ja-aechi. Pe asajiw naew_uajnas w_uti, japi jiw naexaxisaxael Dios tato'alpox. Ja-aech w_ut, japibej bu'weyaxaes Dios. Do ja-aech w_ut, japi pejnechaxoelaxan, me-ama itliak w_ut, jachiyaxael. Do ja-aech w_utbej, japi, me-ama nan_uamsaxael itliakaxxot” —aech Isaías chajia lelpox.

¹⁷ Do japamatkoiyan w_ut, Jesús naew_uajan w_ut, jum-aechon: “W_uajnawechmatkoi mox paw_uajna Dios puexa pejjiw tato'laxaelpox. Samata, ¡kofim babijaxan isamproxan, isliajwam Dios nejxasinkproxan!” —aech Jesús.

*Jesús tad_ut_upox cuatro nabaxisiw japon pejnachalaliajwas
(Mr 1.16-20; Lc 5.1-11)*

¹⁸ Jesús laeja w_ut Galilea pukabab_u'tat, taenpon kolenje nabaxisiw. Kaen paw_ul Simón. Japon asaw_ul Pedro. Asan paw_ul Andrés. Japi kolenje nakaewa. Japi xawawael baxi tarayatat pukaxot, japi nabaxisiw xot.

¹⁹ Jesús jum-aech japiliajwa:

—¡Xabu_u't! ¡Xan nakfulaem matabijaliajwam xan naew_uajanaxproxan! Xamal matabijam nabaxisaxan. Baxi xawawaelam w_ut, notam. Jasoxtatbej xamal itpaeyaxaelen jachiliajwam jiwliajwa, japi jiwbej tajnachalaliajwa, Dios pejjiwaliajwabejpi —aech Jesús japiliajwa.

²⁰ Do jaw_ut, pejew tarayan waela w_uti, nakfollisi Jesús.

²¹ Jesús kaes fulaech w_ut, kolenje nabaxisiw taenpon. Japi kolenje, nakaewa. Kaen paw_ul Santiago. Asan paw_ul Juan. Japi Zebedeo paxi. Pax s_uapich, chaemti tarayan falkamtat. Jesús japi kolenje tad_uton japi pejnachalaliajwa.

²² Do jaw_ut, pax waeltlisi falkamtat. Jaw_ut japi kolenje nakfollisi Jesús.

*Jesús xabich jiw naew_uajanpox
(Lc 6.17-19)*

²³ Jesús nanuamt puexa Galilea tuajnuaxot. Naewuajnafulbejpon judíos naewuaj nabachanxot chimiawuajan, Dios puexa pejjiw tato'laxaelwuajan. Boejthutbejpon jiw, nejmachwaxaetat bu'xaenki.

²⁴ Puexa Siria tuajnuapijiwbej wultaenapi Jesús. Samata, japi buflaen nejmachwaxaetat bu'xaenki Jesús poxadin. Buflaeni xabich nabijati xaeyaxantat. Buflaenbejpi asew dep webaespi pejmatpuatanxot. Buflaenbejpi asew, me-ama na-achapi dep pijaxtat. Buflaenbejpi asew laelpaxilpi. Japi puexa Jesús chiekal boejthut.

²⁵ Xabich jiw Jesús fulafos. Japi Galilea tuajnuapijiw, Decápolis tuajnuapijiwbej, Jerusalén paklowaxpijiwbej, Judea tuajnuapijiwbej, Jordánlajt wesklel duilpibej.

5

Jesús naewuajanpox jiw mmaxxot

¹ Xabich jiw papat Jesús naewuajanxot jumtaeliajwa japon naewuajanpoxan. Jesús japi taen wut, mmax kaesupich athuxot ekon japi jiw naewuajnalijwa. Pejnachala kaes chiekal mox Jesús ekxot.

² Do jawut, Jesús naewuajan pejnachala, xabich asew jiwbej.

Jesús naewuajanpox diachwuajnakolaxan jiwliajwa

(Lc 6.20-23)

³ Jesús naewuajan wut, jum-aechon pejnachalalijwa, xabich asew jiwliajwabej, japammaxxot: “Jiw pejnechaxoelaxtat jum-aech wut: ‘Dios nakkajachawaes-el wut, xatis wajut isaxisal pachaempoxan’ —aech wuti, nejchaxoel wut, japi jiw Dios kajachawaesaxaes. Ja-aech wut, japi xabich nejchachaemlaxael.

⁴ “Jiw nejxaejwaspi, nabijat xoti ampathatat, japi jiw Dios kajachawaesaxaes pachaemalijwa. Ja-aech wut, xabich nejchachaemlaxaeli.

⁵ “Jiw pachaempi pejnechaxoelaxantat, japi nejchaxoel wut, nejchaxoela-el ampox: ‘Xan kaes pejme pachaeman. Me-ama asew jiw jachi-enil’ —chi-eli, nejchaxoel wut. Japi jiwlap Dios chaxduiyaxaes pachaempox, chajia jumduchpox. Ja-aech wut, xabich nejchachaemlaxaeli.

⁶ “Jiw isasiapi pachaempoxan Diosliajwa, Dios kajachawaesaxaes isliajwa japoxan. Ja-aech wut, japi jiw xabich nejchachaemlaxael.

⁷ “Asew jiw beltaen wuti asew, japi kajachawaet wutbej asew, japi jiwlap Dios kajachawaesaxaes. Dios beltaeyaxaesbejpi. Ja-aech wut, japi jiw xabich nejchachaemlaxael.

⁸ “Jiw pejnechaxoelax pachaempi Diosliajwa, japi jiw taeyaxael Dios, duil wuti Diosxotse. Ja-aech wut, japi jiw xabich nejchachaemlaxael.

⁹ “Wuajanchaemtpi jiw nabe-elalijwa, padaelmajiw supich, japi jiwlap Dios paxiyaxael. Ja-aech wut, japi jiw xabich nejchachaemlaxael.

¹⁰ “Jiw nabijatpi asew jiw pijaxtat, naexasisful xoti Dios tato'alpox, japi Dios kajachawaesaxaes. Ja-aech wut, japi jiw xabich nejchachaemlaxael.

¹¹⁻¹² “Xan nanaexasitam xot, asew jiw babejjamechan xamal jumchiyaxael. Isaxaelbejpi babijaxan xamallijwa. Japibej jumchiyaxael xamallijwa nejmachkichachajbaxtat. Ja-aech wut, Dios isaxael xabich pachaempox xamallijwa japonxotse. Samata, ¡nejchachaemilde! Chajia xamal wuajna Dios pejprofetasbej nabijat, asew jiw is wut babijaxan japilijwa” —aech Jesús, naewuajan wut japammaxxot.

Jesús pejnachala ampthatat, me-ama dom pachaempox, me-ama itliakaxbej, ja-aechi

(Mr 9.50; Lc 14.34-35)

¹³ Do pejme Jesús jum-aech pejnachalaliajwa, xabich asew jiwliajwabej, naewhajan wuton mmaxxot: “Dom pachaem. Dom xakuenka-el wut, chiekal chaemil. Ja-aech wut, pachaem thokchaliajwa namtat jiw sae'enaliajwa. Xamal ampthatat, me-ama dom pachaem wut, ja-am. Ja-am wut, xamal pachaemaxaelam asew jiwliajwa ampthatat. Pachaema-emil wut asew jiwliajwa, xamal, me-ama dom thokchaxaespi namtat, jachiyaxaelam.

¹⁴ “Xamalbej ampthatat, me-ama itliakam wut, ja-am. Itkxatxot itliak wut, puexa jiw chiekal taen, me-ama paklowax mmaxmatwajtat wut, ajil namoechaliajwa. Puexa jiw chiekal taeyaxael.

¹⁵ Jiw lámpara tamdut wut, cajóntat chamatakasaxil. Jiw lax athu chaxaxael bammaxnaetat puexa chiekal taeliajwa.

¹⁶ Samata, xamalbej chiekal duilde asew jiw taeliajwa xamal isampoxan! Asew jiw taen wut xamal isampoxan, pachaempoxan, ja-aech wut, japi jiw naksiyaxael chimiajamechan nej-ax Diosliajwa, japon athaxotsepon” —aech Jesús, naewhajan wut mmaxxot.

Jesús naewhajanpox jiw Moisés chajia lelpoxliajwa

¹⁷ Do pejmebej, Jesús jum-aech pejnachalaliajwa, xabich asew jiwliajwabej mmaxxot: “Xamal nejchaxoelam wut xanliajwa, xamal jum-am: ‘Japon pat toesliajwa Moisés chajia lelpox, Dios pejprofetas lelpoxanbej’ —am xamal xanliajwa, nejchaxoelam wut. Xan pas-enil toesliajwan japoxan. Xan lax patx chiekal isliajwan profetas lelpoxan xanliajwa.

¹⁸ Diachwajnakolax xan jum-an. Ampthat, thatbaxobej, toepa-el wutfuk, Dios pejtato'laxan, Moisés chajia lelpox, nakiowaxaelfuk. Chinax nafa'axil kaelet. Nafa'axilbej kaejame, Dios pejjame. Puexa Dios chajia jum-aechpox, japoxan diachwajnakolax jachiyaxael.

¹⁹ Samata, nejmachjiw chiekal naexaxis-el wut puexa Dios pejtato'laxan, japi jiw naewhajan wutbej asew jiw chiekal naexaxis-elaliajwa puexa Dios pejtato'laxan, ja-aech wut, japi jiw chiekal sitaeyaxisal, Diosxotse wut, Dios tato'alxotse. Pe chiekal naexasitpilax puexa Dios pejtato'laxan, japi naewhajan wutbej asew jiw chiekal naexasisliajwa puexa Dios pejtato'laxan, ja-aech wut, japi jiw xabich sitaeyaxaes Diosxotse, Dios tato'alxotse.

²⁰ Diachwajnakolax xan jum-an. xamal naexaxisfulde Dios pejtato'laxan! Me-ama fariseos, judíos chanaekabnanapibej, xnabej ja-aech'e' xamal! xabich kaes naexaxisfulde Dios! Jachi-emil wut, xamalbej pasaximil Diosxotse, Dios jiw tato'alxotse” —aech Jesús, naewhajan wut mmaxxot.

Jesús jiw naewhajanpox palalasangata

(Lc 12.57-59)

²¹ Do pejme kaes Jesús jum-aech pejnachalaliajwa, xabich asew jiwliajwabej, naewhajan wuton mmaxxot: “Dios pejjamechan, chajia lelpox, jum-aech wut, jum-aechox wajwajnapijiwliajwa: ‘jnabej be' asew jiw! Asew jiw bam wut, asew jiw xamal kastika wut, xamalbej beyaxaeli’ —aechox. Xamal chajia japox chiekal matabijam.

²² Pe xamal pejme jum-an ampox. Nejmach-aton palala wut asan atonliajwa, japon aton pejbuhwanan Diosliajwa. Ja-aech wut, japon aton kastikaxaeson Dios. Nejmach-aton jum-aech wutbej babejjamechan asan atonliajwa, japon aton pejbuhwanan Junta Supremapijiwliajwa. Samata, japon aton

kastikaxaes. Nejmach-aton palala wut, jum-aech wutbejpon asan atonliajwa: 'Xam atonam nejliaklanam' —aech wuton asanliajwa, japon aton Dios kastikaxaes infernoxotdik.

²³⁻²⁴ "Xam xafolam wut nej-ofrenda Diosliajwa, jawut nejchafaetam wut aton palalapon xamliajwa, ijawut nej-ofrenda o'e altarxot Dios pejtemplobatat! ijawut xabua'de japon aton poxade, palalapon xamliajwa! Faenam wut, ichiekal chaemde, japon aton suapich! Do jawux, ikaxa fulaemen nej-ofrenda Dios chaxdusliajwam! Ja-am wut, Dios nejchachaemlaxael nejofrendaliajwa.

²⁵ "Xam babijax isam wut asanliajwa, japon xam bu'fol wut juez poxade jumchiliajwapon nejbu'wujajanpoxliajwa, kaes pejme pachaem tamach chaemsliajwam japox wujajan, japon suapich, pas-emil wutfuk juezxot. Japox wujajan chaems-emil wut, japon xam wiasaxael juezxot jumchiliajwa nejbu'wujajanpoxliajwa. Do jawux, japon xam wiasaxael soldawxot xam jeliajwa jiw jebatat.

²⁶ Diachwujajnakolax xan jum-an: 'Japon japox is wut, xam nakolsaximil jiw jebaxot, hasta puexa japoxan mos-emil wut' —an xan" —aech Jesús pejnachalaliajwa, xabich asew jiwliajwabej.

Jesús naewujajanpox poejiw pakmola nejchaxoelasamata asew watho' bu'moejsaxan

²⁷ Do pejme kaes Jesús jum-aech pejnachalaliajwa, xabich asew jiwliajwabej, naewujajan wuton mmaxxot: "Moisés chajia lelpox jum-aech: 'iNabej bu'moejs asew watho', nijwa-elpow!' —aechox. Xamal chajia japox matabijam.

²⁸ Pe amwutjel, xan jum-anlax ampox. Xam pawis taenam wut, bu' moejsax bu'nejchaxoelam wut, ja-am wut, isam babijax japanejchaxoelaxtat japow pawisliajwa.

²⁹ "Isam wut babijax, taenam pox nej-itfut, ja-am wut, kaes pejme pachaemaxael najut na-itfukusliajwam. Do jawux, inej-itfut kutampox atujaj fo'im xamxot! Ja-am wut, kaes pejme pachaemaxaelam nej-itfut kaeyax, nafo'a wut, Dios xam fo'asamata inferno poxadik.

³⁰ Isam wut babijax nejpoklake-etat, najut naketariowcham atujaj fo'aliajwam. Ja-am wut, kaes pejme pachaemaxaelam, xam nejke-e nafo'a wut, Dios xam fo'asamata inferno poxadik" —aech Jesús, naewujajan wut mmaxxot.

Jesús naewujajanpox poejiw, pels-elaliajwa pejwatho' (Mt 19.9; Mr 10.11-12; Lc 16.18)

³¹ Do pejme kaes Jesús jum-aech pejnachalaliajwa, xabich asew jiwliajwabej, naewujajan wuton mmaxxot: "Moisés chajia lelpox jum-aech: 'Aton pijow fo'asia wut, japon pelfut lelaxael pijowliajwa. Japapelfutxot lelaxaelon, ma-aech xot fo'axaelon pijow. Do jawux, chaxdusaxaelon pijow japapelfut' —aechox.

³² Pe amwutjel xan jum-anlax ampox. Poi asbuan jumch masoxtat pijow fo'axil, japow asan poi bu'moejs-el wut. Pe nakiowa, japon masoxtat pijow fo'a wut, ja-aech wut, japon pejbu'wujajan Diosliajwa. Asan aton fit wutbej fo'aspow, bu'moejtas wutbejpow, ja-aech wutbej, japowbej pejbu'wujajan Diosliajwa. Japon fo'aspow fit xot, japonbej pejbu'wujajan Diosliajwa, bu'moejt xoton fo'aspow, Diosliajwafuk japow nakiowa pamal" —aech Jesús pejnachalaliajwa, xabich asew jiwliajwabej.

Jesús jiw naewujajanpox, machiyaxaeli, jumduw wut isaxaelpoxanliajwa

³³ Do pejme kaes Jesús jum-aech pejnachalaliajwa, xabich asew jiwliajwabej, naewhajan wuton mhaaxot: “Xamal jumtaenambej nejwhajnapijiw tato'lasprox Dios. Japox jum-aech: ‘Xam jumdutam wut isaxaelamprox Diosliajwa, ijapox chiekal isde!’ –aechox.

³⁴ Pe xan jum-an. Jumduwam wut isaxaelamprox, ikaes asaxantat nabej jumdui! Jumduwamproxan isaxaelam wut, ichiekal jum-amde! iKaes asax nabej jum-aech' asew jiw asbuan jumch xamal naexasisliajwa jumduwamproxanliajwa! iNabej jum-aech': ‘Diachwhajnakolax xan isaxaelen jumdutxprox, Dios pijaxtat jumdutxxot’ –nabej aeche! iNabej jum-aech'bej: ‘Diachwhajnakolax xan isaxaelen jumdutxprox, puexa athxotse pijaxtat’ –nabej aeche', Dios pajut jaxotse duk xot!

³⁵ iNabej jum-aech'bej: ‘Diachwhajnakolax xan isaxaelen jumdutxprox, jumdutxxot puexa ampathat pijaxtat’ –nabej ja-aeche', Dios is xot ampathat! iNabej jum-aech'bej: ‘Diachwhajnakolax xan isaxaelen jumdutxprox, jumdutxxot Jerusalén paklowax pijaxtat’ –nabej aeche'bej, Dios kaen wajpaklokolan japon pejpaklowax xot!

³⁶ iNabej jum-aech'bej: ‘Diachwhajnakolax xan isaxaelen jumdutxprox, tajnejchaxoelaxtat jumdutx xot’ –nabej aeche' asanliajwa, xamal papoeilat kiladofaximil nejmatlat xot!

³⁷ Jumdutamprox isaxaelam wut, ichiekal jum-amde: ‘Xan japox isaxaelen’ –amde! Is-elasiam wut, ikamta chiekal jum-amde: ‘Xan japox isaxinil’ –amde! Kaes asaxan jumchiyaximil. Kaes asaxan jum-am wut, pelisdo' xam jumchiyaxaelam Satanás pijaxtat” –aech Jesús.

Jesús naewhajanprox jiw babijaxan ispi, japiliajwa babijaxan is-elaliajwa (Lc 6.29-30)

³⁸ Do pejme kaes Jesús jum-aech pejnachalaliajwa, xabich asew jiwliajwabej, naewhajan wuton mhaaxot: “Moisés chajia lelprox jum-aech: ‘Aton nej-itfut tabejt wut, ijapon pej-itfutbej xam tabejde! Aton nejbuat' jala wut, ijapon aton pejbua'tbej xam jalim!’ –aech Moisés chajia lelprox.

³⁹ Pelax xan jum-an. Aton babijax is wut xamliajwa, ixam nabej is babijax japonliajwa! Asan xam xutula wut, itapaem asaxulelbej tulaliajwapon!

⁴⁰ Asan xam dewatam xot, japon jumchisia juez pejwhajnalel xam dewatamproxanliajwa. Jawut, japon wuljow wut nejkamis, ijapox chaxdu'e! iChaxdu'ebejpon thuch naxoelamprox!

⁴¹ Soldawan xam xato'a wut kaekilómetro xalaeyax, ixam xalaem kolek-ilómetros!

⁴² Nejmach-aton, xabich wewe'paspon wut, japon wuljow wut malech, ichaxdu'e wuljowprox! Asan xam wuljow wut nijax, iel nabej aeche!” –aech Jesús, jiw naewhajan wut mhaaxot.

Jesús naewhajanprox pejnachala nejxasinkaliajwa padaelmajiw (Lc 6.27-28, 32-36)

⁴³ Do pejme kaes Jesús jum-aech pejnachalaliajwa, xabich asew jiwliajwabej, naewhajan wuton mhaaxot: “Moisés chajia lelprox jum-aech: ‘iNejxasinkde pejnachala! iPelax nejweslade nadaelmajiw!’ –aechox. Xamal japox chiekal matabijam.

⁴⁴ Pelax amwutjel xan jum-an. iXamal nejxasinkde nadaelmajiw! iJapiliajwa Dios kawhajanbej, japi is wut babijaxan xamalliajwa!

⁴⁵ Ja-am wut, japi jiw matabijaxael, nej-ax Dios, japon paximpim, athxotsepon. Nej-ax Dios to'a masxaeyax jiw babejchowliajwa, pachaempiliajwabej. To'abejpon iam babejchowliajwa, pachaempiliajwabej.

⁴⁶ Xamal nejxasinkam wut xamal nejxasinkpikal, ja-am wut, xamal is-emil pachaempox asew jiwliajwa. Impuesto kenoti Roma gobiernoliajwa, japibej nakaebabejchow nanejxasink.

⁴⁷ Kejacham wut xamal nejxasinkpikal, ja-am wut, xamal kaes pejme pachaempox is-emil asew jiwliajwa. Dios naexasis-elpi, japibej nakaewa nakejacha.

⁴⁸ ¡Isfulde puexa pachaempoxan! Me-ama nej-ax Dios, athuxotsepon, isful pachaempoxan, ¡xamalbej ja-amsfulde!” —aech Jesús, naewhajan wut muaxxot.

6

Jesús jiw naewhajanpox isliajwa pachaempoxan

¹ Do pejme kaes Jesús jum-aech pejnachalaliajwa, xabich asew jiwliajwabej, naewhajan wuton muaxxot: “Isaxaelam wut pachaempoxan, ¡japoxan isde! Japoxan isaxaelam wut, ¡nabej is asbuan jumch asew jiw xamal taeliajwa pachaempoxan isampoxan! Japoxan isaxaelam wut asbuan jumch asew jiw taeliajwa, ja-am wut, nej-ax Dios, japon athuxotsepon, chaxduiyaxil jumdutpoxan.

² “Samata, kejila kajachawaetam wut, ¡asew jiw nabej lae', japi taeliajwa xamal kajachawaetampox! Asew jiw lam wut kajachawaetampox taeliajwa, ja-am wut, xamal, me-ama naekichachajbapijiw jachiyaxaelam. Naekichachajbapijiw pat wut judíos naewhajnabachanxot, japi kajachawaet kejila, o, paklowaxthialaxanxot wutbej, japi japoxan is asew jiw taeliajwas. Diachwhajnakolax xan jum-an. Japi asew jiw sitaens xot, japox, me-ama moch wut, jatispi. Samata, Dios mosaxisal japi jiw.

³ Xamallax kejila kajachawaetam wut, ¡nabej chapae' asan aton! Nejnachalan, kaes nejxasinkamponbej, ¡nabej chapae'!

⁴ Kejila kajachawaetam wut, ¡kajachawae'e maliach! Do jawut, nej-ax Dios, taenpon maliach isampoxliajwa, japon xamal mosaxael maliach kajachawaetampoxliajwa kejila” —aech Jesús, naewhajan wut muaxxot.

Jesús chanaekabhanapox pejnachala, jumchiyaxaeli, Dios kawhajan wut (Lc 11.2-4)

⁵ Do pejme kaes Jesús jum-aech pejnachalaliajwa, xabich asew jiwliajwabej, chanaekabhana wut muaxxot: “Xamal Dios kawhajnám wut, ¡nabej kawhajne', me-ama naekichachajbapijiw! Japi Dios kawhajan wut, nejxasink nuilaliajwa asew jiw pejwhajnalel judíos naewhajnabachanxot, o, paklowaxthialaxanxot wut. Diachwhajnakolax xan jum-an. Japi asew jiw sitaens xot, me-ama moch wut, jatispi. Samata, Dios mosaxisal japi.

⁶ Xamallax Dios kawhajnám wut, ¡fulaem nejba poxade, Dios kawhajnaliajwam wut! Ba lowam wut, ba faka'tam wutbej, do jawut, ¡nej-ax Dios kawhajande! Do jawutbej, nej-ax Dios, japon matabijtron maliach isampoxanliajwa, japoxanliajwa xamal mosaxaelon.

⁷ “Dios kawhajnám wut, ¡kaeyaxkal nabej kawhajne'! Me-ama Dios matabijaeli kaeyax kawhajnák, ¡xamal nabej ja-aeché'! Japi nejchaxoel chiekal matabija-elaxtat: ‘Kaeyax kawhajnákas wut, Dios naknaewesaxael’ —aechi asbuan jumch, nejchaxoel wut.

⁸ Xamal, me-ama japi, ¡nabej ja-aeché'! Nej-ax Dios chajia chiekal matabijt xamal wewe'ppoxan, japon wuljoe-emil wutfuk.

⁹ Samata, xamal Dios kawhajnám wut, ¡jum-amde: ‘Ax Dios, xam athupijnam, ¡puexa jiw xam nej sitae'!

10 ¡Puexa nejjiw tato'laxaelammakoi nej tñadus! Amwutjel xamxotse puexa nej-ángeles isful, me-ama xam nejxasinkam. Jasoxtatbej puexa jiw, ampathatpijiw, ¡nej is xam nejxasinkampoxan!

11 ¡Ma amwut xanal naxaeyaxan nachaxduim, nawewe'poxan!

12 ¡Xanal nabeltaem babijaxan isxpoxanliajwa! Me-ama asew jiw xanal beltaenx, japi babijaxan is wut xanalliajwa, ¡ja-amdebej xanalliajwa!

13 ¡Nabej tapae' Satanás xanal naxapaejalijwa, babijaxan isasamatan! ¡Xanal nakajachawae'e babijaxan isasamatan! [Xam kaenam paklokolnam. Kaenambej kaes pejme xabich mamnikamponam. Xam kaenam xabich pachaemamponambej pomatkoichaliajwa. ¡Nej ja-aechfulde'bej japox!'] —amde, Dios kawñajnam wut!” —aech Jesús, naewñajan wut mñaxxot.

14 Do kaes pejme Jesús jum-aech pejnachalaliajwa, xabich asew jiwliawabej, naewñajan wuton mñaxxot: “Asew jiw beltaenam wut, japi babijaxan is wut xamalliajwa, ja-am wut, nej-ax Dios, athuxotsepon, beltaeyaxael xamal babijaxan isampoxanliajwa japonliajwa.

15 Xamal asew jiw beltae-emil wut, nej-ax Diosbej xamal beltaeyaxil” —aech Jesús, naewñajan wut mñaxxot.

Jesús naewñajan pejnachala machiyaxaeli, naxae-el wut piach Dios kawñajnalijwa wut

16 Do pejme kaes Jesús jum-aech pejnachalaliajwa, xabich asew jiwliawabej, naewñajan wuton mñaxxot: “Xamal naxae-emil wut Dios piach kawñajnalijwam, ¡nejxuchantat nabej tampae! Me-ama naekichachajbapijiw, ¡nabej ja-aech' xamal! Xan diachwñajnakolax jum-an. Japi asew jiw sitaens xot, me-ama moch wut, jatispi. Samata, Dios mosaxisal japi jiw.

17 Xamal naxae-emil wut, Dios piach kawñajnalijwam wut, ¡min xukia'e! ¡Chiekal nachaemdebej!

18 Jasoxtat isam wut, asew jiw matabijaxil xamal naxae-emilpox, Dios piach kawñajnalijwam wut. Nej-ax Dios, xamal taeyaximilpon, japonkal taeyaxael. Do jawut, nej-ax Dios matabijsaxael maliach isampox. Ja-am wut, Dios xamal mosaxael” —aech Jesús, naewñajan wut mñaxxot.

Jesús naewñajanpox pejnachala ommaenkpoxan Diosxotse (Lc 12.33-34)

19 Do pejme kaes Jesús jum-aech pejnachalaliajwa, xabich asew jiwliawabej, naewñajan wuton mñaxxot: “¡Nabej nejchaxoele' owaliajwam ommaenkpoxan ampathatat! Ampathatat owam wut ommaenkpoxan, japoxan toepaxael. Xoepaxaelbej. Kethaka nosaxaelbej japoxan.

20 ¡Chiekal nabichfulde Diosliajwa! Ja-amsfulam wut, pachaempoxan xamalliajwaxael Diosxotse. Jaxotse toepaxil. Xoepaxilbej. Kethaka ajilaxaelbej xamal wenosliajwa.

21 Diosxotse, jaxotse Dios xamal chaxduiyaxael pachaempoxan. Samata, nejchaxoelafulaxaelam pasliajwam Diosxotse” —aech Jesús, naewñajan wut mñaxxot.

Jiw pej-itfutan, me-ama lámparas wut, ja-aechpox (Lc 11.34-36)

22 Do pejme kaes Jesús jum-aech pejnachalaliajwa, xabich asew jiwliawabej, naewñajan wuton mñaxxot: “Lámparas chiekal itliak wut, puexa jiw batu chiekal taen. Ja-aechbej nej-itfutan. Xamal chiekal taenam, nej-itfutan pachaem wut.

23 Nej-itfutan chaemil wut, xamal chiekal taeyaximil. Me-ama itliaklan wut, jachiyaxaelam. Jachiyaxaelbej nejnejchaxoelaxan. Dios we-italiafa wut

nejnejchaxoelaxan, ja-aech wut, nejnejchaxoelaxan chiekal pachaemaxael. Ja-am wut, Dios tato'alpox nejxasinkaxaelam isfulaliajwam. Chiekal duilaxaelambej. Pachaema-el wutlax nejnejchaxoelaxan, Dios naexaxisaximil. Samata, ¡chiekal taem nejchaxoelampoxanliajwa! Babijaxan nejchaxoelam wut, ja-am wut, nejnejchaxoelax, me-ama itkatax wut, jachiyaxael. Do ja-aech wut, xamalbej babejchow nadofaxaelam. Ja-am wut, xan nanaexaxisaximil” —aech Jesús, naewhajan wut mhxot.

Nabichan kolenje wut pejpaklochow, japiliajwa japon chiekal najupatanbichaxilpox
(Lc 16.13)

²⁴ Do pejme kaes Jesús jum-aech pejnachalaliajwa, xabich asew jiwliajwabej, chanaekabana wut mhxot: “Nabichan kolenje wut pejpaklochow, japiliajwa chiekal najupatanbichaxil. Kaen paklonliajwa chiekal tanbichaxaelon. Asan paklonliajwa chiekal tanbichaxilon. Ja-aechlap-is nejxasinki Dios. Japi nejchaxoel wut platakal, japi chiekal nabichaxil Diosliajwa” —aech Jesús, naewhajan wut mhxot.

Dios tataefulpox jiw xanaboejapi japon
(Lc 12.22-31)

²⁵ Do pejme kaes Jesús jum-aech pejnachalaliajwa, xabich asew jiwliajwabej, naewhajan wuton mhxot: “Xan ampox jum-an xamalliajwa, xabich nejchaxoelasamatam xaeliajwampoxan, feliajwampoxanbej. ¡Xabich nabej nejchaxoele'bej naxoeliajwampoxan! Duila-esal naxaeyaxkalliajwa. Duila-esalbej naxoekalliajwa. Dios nakchaxduiful nakwewe'ppoxan duilaliajwas japoxantat. Samata, Dios nakchaxduiyaxael naxaeyaxan, naxoebej.

²⁶ Xamal taenam mia, papun wut. Japi mutha-el naxaeyaxan. Jola-elbejpi cha-owaliajwa naxaeyaxan. Pe nakiowa, nej-ax Dios, athupijin, chaxduiful naexaeyaxan mia xaeliajwa. Dios xamal kaes pejme nejxasink. Me-ama mia nejxasink wut, jachi-elon. Samata, nej-ax Dios xamal chiekal tataeflul.

²⁷ Ja-aech wut, ¿ma-aech xotkat xamal nejchaxoelam japoxanliajwa? Japoxan xabich nejchaxoelam wut, kaes matkoijanliajwa laepaximil.

²⁸ “¿Ma-aech xotkat xabich nejchaxoelam naxoeliajwampoxan? ¡Taem naetalan, chimiatalan, yotat! Japi ti't wut, nabich-el chimialiajwa. Pe puexa chimiapi.

²⁹ Xan jum-an. Rey Salomón, japon wajwhajnapijin, pejew naxoe xabich chimia. Naxoeipon chimia, kemaenk xot. Pe naetalan kaes chimiatalan. Me-ama rey Salomón pejew naxoe, jachi-el.

³⁰ Pola ti't wut yotat, Dios pijaxtat natala wut, nakola chimiatalan. Pe piachliajwa-el. Kaematkoijanliajwa asbuan jumch. Do jawux, selil wut, tux. Do jawut, tamejas lausliajwas. Pelax Dios xabich kaes tataeflaxael xamal. Me-ama naetalan tataeful wut, jachiyaxilon. Samata, ¡Dios chiekal xanaboejim naxoeliajwam chimia, kaesupich wut nejxanaboejaxan Diosliajwa!

³¹ Samata, ¡xabich nabej nejchaxoele' xaeliajwampox, feliajwampoxbej! ¡Xabich nabej nejchaxoele'bej naxoeliajwampi! ¡Pelax Dioskal xanaboejim!

³² Jiw matabija-eli Dios, japi xabich nejchaxoelaful japoxanliajwa. Nej-ax Dios, athupijin, matabijt xamal wewe'ppoxan.

³³ Samata, amwutjel kaes pejme pachaem xamal Dios naexasifulaliajwam, japon kaen nejpaklokolan. ¡Isfulde Dios jum-aechpoxan! Japox isam wut, Dios xamal chaxduiyaxael puexa wewe'ppoxan.

³⁴ Samata, ¡xabich nabej nejchaxoele' asamatkoi jachiyaxaelpoxliajwa! ¡Kofim nejchaxoelampox kandiawaliajwa! Samata, ¡ma amwut najutliajwa

nejchaxoelde, machiyaxaelam amwut! Ja-aech wut, Dios chaxduiyaxael xamal wewe'ppoxan" –aech Jesús, naewhajan wut mmaxxot.

7

Jesús baxfiatpox pejnachala, japi jumchisamata: "Japi jiw babejchow xot, wewe'pas Dios kastikaliajwas" –chisamatapi
(Lc 6.37-38, 41-42)

¹ Do pejme kaes Jesús jum-aech pejnachalaliajwa, xabich asew jiwliajwabej, naewhajan wuton mmaxxot: "iXamal asew jiwliajwa nabej jum-aech: 'Ampi jiw babejchow. Samata, Dios kastikaxaesi' –nabej aeche! Jasox jum-am wut asew jiwliajwa, asamatkoi Dios xamal jumchiyaxaelbej: 'Xamal babejchowambej. Samata, xamalbej kastikaxaelen' –chiyaxael Dios xamalliajwa.

² Jasoxtat Dios jumchiyaxael xamal, asew jiwliajwa jum-am xot: 'Ampi jiw babejchow. Samata, kastikaxaesi' –am xot. Chaxduwam wut asew jiw wewe'pasoxan, ja-am wut, Dios xamal chaxduiyaxael wewe'ppoxan.

³ Xamal najut kaes babijaxan isam wut, inabej fias, asan aton babijax is wut! Aton, asan kajachawaesasia wut, cha-aelaxach ast it-okspon, japon pajutlax kaes pejme pinjiyax naetamat it-oks wut, jasoxtat japon aton, asan kajachawaesaxil.

⁴ Xamal najut kaes babijaxan isfulam wut, jasan nabej jum-aech: 'iNata-paem xam kajachawaesliajwan babijax is-elaliajwam!' –nabej aeche!

⁵ Ja-am wut, xamal naekichachajbapijwaxaelam. iMatxoela kofim najut babijaxan isampoxan! Do jawux, asan kajachawaesaxaelam, japon kofsliajwa babijaxan ispoxan.

⁶ "Xamal matabijam amprox. Wux dmaxsaximil Diosliajwapox. Wux, palalapi, dmaxtam wut Diosliajwapoxan, wux bej liklaxaelbej xam. Maranxotbej owaximil ommaenkproxan. Maranxot japoxan owam wut, maran japoxan asbuan jumch sae-enaxael" –aech Jesús, naewhajan wut mmaxxot. (Samata, jiw sitae-el wut naewhajnaspoxan Diosliajwa, japi jiw kaes naewhajnaxisal.)

Jesús naewhajanpox pejnachala, japi wewe'pasoxan wuljoeliajwapi Dios
(Lc 11.9-13; 6.31)

⁷ Do pejme kaes Jesús jum-aech pejnachalaliajwa, xabich asew jiwliajwabej, naewhajan wuton mmaxxot: "iDios wuljoem wewe'ppox! Wuljowampox japox Dios chaxdusaxael. Wulwekam wut wewe'ppox, japox faenaxaelam Dios pejkajachawaesaxtat. Xamal Dios kawhajnawam wut, me-ama bafafaxot lam wut, ja-am xamal Dios kajachawaesliajwa.

⁸ Wuljoefulpon wewe'pasox, japon Dios chaxdusaxaes. Wulwekafulpon japonbej faenaxael Dios pejkajachawaesaxtat. Dios kawhajnafulpon, japonbej Dios kajachawaesaxaes isliajwa japox.

⁹ "iXamalxot naxi wuljow wut pan, xamalkat xajupaxaelam naxulan chaxdusliajwam ia't?

¹⁰ Naxulan baxin wuljow wut, chaxdusaximil jom.

¹¹ Xamal babejchowam matabijam naxi chaxduiliajwam pachaempoxan. Nej-ax Dios, athupijin, kaes pejme pachaem. Samata, nej-ax Dios pachaempoxan xamal chaxduiyaxael, xamal wuljowam wut.

¹² "Samata, imatxoela isfulde pachaempoxan asew jiwliajwa! Me-ama xamal nejxasinkam asew jiw isliajwa pachaempoxan xamalliajwa, japoxlap isfulde japi jiwliajwa! Jasoxtat naexaxisfulaxaelam puexa Moisés chajia

lelpox, Dios pejprofetas chajia lelpoxbej” –aech Jesús, naewhajan wut mhxot.

Asew jiwliajwa xabich tampoelpox, japi naexasisliajwa Dios
(Lc 13.24)

¹³ Do pejme kaes Jesús jum-aech pejnachalaliajwa, xabich asew jiwliajwabej, naewhajan wuton mhxot: “¡Laleyax cha-aelaxachlel lem pasliajwam Diosxotse! Laleyax pinjiyax, nuamt pinjitpotbej, japoxan koleyax, pasliajwa infiernoxtodik. Samata, xabich jiw fulalaek japoxadik, tɔp wuti ampahat, kaes tampa xot fulaeliajwadik.

¹⁴ Laleyaxach tampoel jiw leliajwa pasliajwa Diosxotse. Nuamtbej cha-aelaxach. Samata, tampoel jiw fulaeliajwa pasliajwa Diosxotse. Ja-aech xot, kaesupich jiw jaxotse pat, tɔp wuti ampahat” –aech Jesús, naewhajan wut mhxot.

Pejbaech pachaem wut, matabijas japanae pachaempox
(Lc 6.43-44)

¹⁵ Do pejme kaes Jesús jum-aech pejnachalaliajwa, xabich asew jiwliajwabej, naewhajan wuton mhxot: “¡Chiekal taem naekichachajbapijiwliajwa! Japi jiw, me-ama Dios pejprofetas wut, jachiyaxaeli. Pe japi profetaxil. ¡Nabej tapae' japi jiw xamal naekichachajbaliajwa! Japi jiw, me-ama pachaem wut, jachiyaxaeli. Pe pejnechaxoelaxan xabich chaemil. Puexa japi naewhajanpoxanbej, xabich chaemil asew jiwliajwa.

¹⁶ Xamal matabijaxaelam japi ispoxantat. Japi jiw, me-ama na-e'naechan. Japanaechan naboos-el chimiabaech. Samata, japi jiw wejisal pachaempoxan Diosliajwa, naekichachajbapijiw xot.

¹⁷ Pachaemnae naboet wut, pachaembej pejbaech. Chaemilnae naboet wut, chaemil pejbaechbej.

¹⁸ Pachaemnae naboosaxil pejmachbaech. Chaemilnae naboosaxilbej pachaembaech.

¹⁹ Samata, puexa naebaechnaechan, pachaema-eli, japanaechan liksaxes lausliajwas.

²⁰ Jachiyaxesbej jiw, chaemili. Xamal chiekal matabijaxaelam, japi is wut babijaxan” –aech Jesús, naewhajan wut mhxot.

Jesús naewhajanpox kaesupich jiw pasaxaelpox Diosxotse
(Lc 13.25-27)

²¹ Do pejme kaes Jesús jum-aech pejnachalaliajwa, xabich asew jiwliajwabej, naewhajan wuton mhxot: “Jiw pasaxael Diosxotse, isful wut taj-ax Dios nejxasinkpoxan. Asew jiw asbuan jumch jum-aech wut xanliajwa: ‘Jesús tajpaklon’ –aech wuti, japi pasaxil Diosxotse, is-el xoti Dios nejxasinkpoxan.

²² Kastikamatkoi pat wut, xabich jiw jumchiyaxael xanliajwa: ‘Tajpaklon, xanal jiw xabich naewhajnax xamliajwa. Nijaxtat xabich dep to'ax nakolaliajwa jiw pejmatpuxatanxot. Koechaxanbej isx xam nijaxtat’ –chiyaxael japi jiw xanliajwa.

²³ Xanlax tulaela jumchiyaxaelen japi jiwliajwa: ‘¡Chijiamde xanxot, xamal babijaxan isampim! Chinax xamal matabijs-enil’ –chiyaxaelen” –aech Jesús, jiw naewhajan wut mhxot.

Jesús naksiyapox kolebaliajwa
(Lc 6.47-49)

²⁴ Do pejme kaes Jesús jum-aech pejnachalaliajwa, xabich asew jiwliajwabej, naewhajan wuton mhxot: “Jiw chiekal naewet wut naewhajnaxpox, naexasit wutbejpi tajtato'laxan, japi jiw chiekal nejchaxoel. Samata, japi jiw, me-ama bachan ispi sat tinkxot wut, ja-aechi.

²⁵ Iam thilan wut, pinamin wutbej, xabich pinajoewa wutbej, japabachan taxu'palaxil, chiekal isas xot sat tinkxot.

²⁶ Xan naewuajnapox jiw naewet wut, pe naexasis-el wuti xan tato'laxpoxan, japi jiw, me-ama matabijsla wut, ja-aechi. Japi, me-ama bachan iapi thaejtat.

²⁷ Iam thilan wut, pinamin wutbej, xabich pinajoewa wutbej, japabachan chiekal jumwal, japabachan ias xot thaejtat. Chiekal toepaxaelbej japabachan" —aech Jesús, naewuajan wut muaxxot.

²⁸ Do jawut, Jesús naewuajnapox buxtoet wut, japi jiw jum-aech: "Jesús naewuajnapoxan xabich pachaem" —aechi.

²⁹ Jasox jum-aechi, Jesús naewuajan xot Dios pijaxtat. Jesús naewuajan wut, me-ama judíos chanaekabuanapi, jachi-elon.

8

Jesús boejthutpox bu'xaenkpon leprawaxaetat (Mr 1.40-45; Lc 5.12-16)

¹ Doliso', Jesús jiw naewuajnapox buxtoet wut, buelok wuton muaxxot, xabich jiw fulafoson.

² Jawut leprawaxaetat bu'xaenkpon, fulaenon Jesúslel. Pat wuton Jesúsxot, brixtat nukon Jesús pejuwajnalel sitaeyax itraeliajwa Jesúsliajwa. Do jawut, jum-aechon:

—Tajpaklon, xan matabijtax xam xajupampox xan naboejthusliajwam. Naboejthusiasiam wut, ¡naboejthu'e! —aech leprawaxaetat bu'xaenkpon.

³ Jesús pejke-etat jacha wut, jawut Jesús jum-aech bu'xaeyanliajwa:

—Xam boejthusiasian. Malis xam boejthutx —aech Jesús japonliajwa.

Do jawut, kamta japon chiekal boejthulslison leprawaxae.

⁴ Do jawut, Jesús pejme jum-aech:

—¡Asew jiw nabej chapae' xam boejthutxpo! ¡Matxoela fulaemch sacerdote poxade, japon xam taeliajwa boejthulpo leprawaxae! Do jawux, ¡Dios chaxdu'e, me-ama Moisés chajia lelpo jum-aech, leprawaxae xam chiekal boejthul xot! Jasoxtat jiw matabijaxael xam boejthulpo leprawaxae —aech Jesús japonliajwa.

Jesús boejthutpox soldawcapitán pamakan (Lc 7.1-10)

⁵⁻⁶ Jesús pat wut Capernaum paklowaxxot, jawut soldawcapitán, Roma gobiernoliajwa nabistpon, pat Jesúsxot. Soldawcapitán wuljow wut, jum-aechon Jesúsliajwa:

—Tajpaklon, tamakan ok camatat tajbatat. Japon nansaxil. Laejaxilbejpon. Xabich nabijaton xaenkpoxantat —aech soldawcapitán Jesúsliajwa.

⁷ Do jawut, Jesús jum-aech soldawcapitánliajwa:

—Xam nakfulaeyaxaelen nejba poxade namakan boejthusliajwan —aech Jesús.

⁸ Do jawut, soldawcapitán jum-aechon Jesúsliajwa:

—Tajpaklon, xan xabich pachaema-enil xam leliajwam tajba, xam kaes pejme paklokolnam xot. Ma amxot waxae to'am wut, tamakan chiekal boejthulaxaeson.

⁹ Xanbej tajpaklochow. Japi naketo'a wut, xan tajut ow-an. Xanbej soldawcapitánan. Kaen soldawan keto'ax wut, japon na-ow-aech. Asan lax wut, japon fulaen. Tamakanbej keto'ax wut, keto'axpox japon chiekal jinaweis. Xambej jiw tato'lanam. Samata, ma amxot waxae to'am wut, tamakan chiekal naweboejthulaxaes —aech soldawcapitán Jesúsliajwa.

¹⁰ Jesús japox jumtaen wut, nejchaxoelanukon, capitán xabich xanaboetaspox. Samata, Jesús jum-aech puexa jiw jumtaeliajwa:

–Diachwujnakolax xan jum-an. Israel tujnuxot xan xabich naxanaboetjtron, me-ama ampon capitán, jason tae-enil –aech Jesús jiwliajwa.

¹¹ Do pejme Jesús jum-aech japi jiwliajwa:

–Xamal jum-an ampox. Xabich jiw, pothatapijiw, japi judíos-eli, pasaxael Diosxotse. Jaxotse chalakaxaeli naxaeliajwa, wajwujnapijiw suapich. Abraham, Isaac, Jacobbej, japi suapich, naxaeyaxaeli.

¹² Pelax xabich judíos pelsaxaes itkhatax poxadik, ‘Infierno’ –tis poxadik. Jaxotdik xabich noeyaxaeli. Bujatatisaxaelbejpi, xabich nabijasaxael xot –aech Jesús japi jiwliajwa.

¹³ Do jawut, Jesús jum-aech soldawcapitánliajwa:

–¡Nawia'mich nejba poxade! Namakan chiekal boejthulsison, xam xabich xan naxanaboetjam xot –aech Jesús.

Do jawut, capitán pamakan chiekal boejthulspon.

*Jesús boejthutpox Simón Pedro paem
(Mr 1.29-31; Lc 4.38-39)*

¹⁴ Do asamatkoi, Jesús fulaech wut Pedro pejba poxade, jaxotde ba low wut, taenpon Simón Pedro paem bu'xaenkpox. Japow ok camatat. Xabich bu'tujnikow.

¹⁵ Jesús kefit wut, jawut kamta chiekal boejthulsow. Do jawut, nant wut, pajut naxaeyaxan athukow Jesúsliajwa, a sew jiwliajwabej.

*Jesús boejthutpox xabich jiw, bu'xaeya
(Mr 1.32-34; Lc 4.40-41)*

¹⁶ Do tuila wut, itkhatnik wutbej Jesúslel xabich jiw buflaeni a sew jiw, dep webaesi pejmatpuatanxot. Do jawut, Jesús kaejametat dep to'a puexa dep nakolaliajwa jiw pejmatpuatanxot. Jawutbej puexa a sewbej, japi bu'xaeya, chiekal boejthuls.

¹⁷ Ampox ja-aech, me-ama Dios pejprofeta, Isaías, chajia lelpox jachiliajwa. Jum-aechox: “Japon xatis nakkajachawaesaxael, bichilas wut. Bujaxenkas wut, nakboejthulsaxaelbejpon” –aech Isaías lelpox, jum-aech wut Jesúsliajwa.

*A sew jiw, naknanamsasiapox Jesús
(Lc 9.57-62)*

¹⁸ Jesús taen wut xabich jiw masajiachpox, jawut jum-aechon pejnachalaliajwa:

–¡Chijias puka we-enlelde falkamtat! –aechon.

¹⁹ Do jawut, judíos chanaekabuanan mox soepan wut, jum-aechon Jesúsliajwa:

–Jiw chanaekabuanan, xanbej xam naknanamsasian, nej-machtujnuchan poxade xam nanamtam wut –aechon.

²⁰ Do jawut, Jesús jum-aech judíos chanaekabuananliajwa:

–Lam pejmuthan moejsliajwa. Miabej pejfenan. Xanlax, puexa jiw pakoewkolnan, ajil tajbakolaba xan damlathulaliajwan –aech Jesús judíos chanaekabuananliajwa.

²¹ Do jawut, asan pejnachalan jum-aechbej Jesúsliajwa:

–Tajpaklon, xan taj-ax xabich pati'in. ¡Xanfuk natapaem taj-axxot dukaliajwan! Taj-ax tuj wut, do jawut, xam naknanamsaxaelen –aechon Jesúsliajwa.

²² Do jawutbej, Jesús jum-aech japonliajwa:

—¡Xamlax xan nakfúlaem! Xan nanaexasis-elpi, japi jiw, me-ama patupa wut, kabuan-aechi Diosliajwa. Japilap nakaewa namuthaxael, tup wut —aech Jesús japonliajwa.

Jesús fiatpox joewa, truxanbej

(Mr 4.35-41; Lc 8.22-25)

²³ Do jawux, Jesús falkam jul, pejnachala suapich.

²⁴ Jawut, chaflaech wuti, chalechkal pat iam, pinjiyax, Galilea pukaxot. Xabich pintruxan, pinajoewabej. Xabich falkam min fajabas. Japox ja-aech wut, Jesús nejmach moejt.

²⁵ Do jawut, Jesús pejnachala thikalisipon. Jum-aechlisipon:

—Tajpaklon, xanal nabu'wem, chabu'laxaes xot! —aechipon.

²⁶ Do jawut, Jesús jum-aech pejnachalaliajwa:

—¿Ma-aech xotkat xamal nejlewlá? ¡Xamal xabicha-el nejxanaboejaxan xanliajwa! —aech Jesús pejnachalaliajwa.

Samata, jawut, Jesús nant wut, fiatlison joewa, truxanbej. Do jawut, puka chiekal itnapatan.

²⁷ Do jawut, pejnachala xabich natachaema wut, nejchaxoelanuili japoxliajwa. Samata, nakaewa najum-aechi:

—¿Achankat ampon? Joewa, pukabej, naexasichpon —na-aechi nakaewa.

Jesús to'apox dep nakolaliajwa, kolenje aton pejmatpuxatanxot

(Mr 5.1-20; Lc 8.26-39)

²⁸ Jesús puka we-enlelde wut, Gadara tuajnuaxot chapa'apon, pejnachala suapich. Do jawut, kolenje poi fúlaen Jesúslel. Japi fúlaen patupamuthanxotdin. Japi kolenje xabich chachoel dep pijaxtat. Samata, jiw pejlewlá mox xenaliajwa japixot.

²⁹ Do jawut, nejlat wut, jum-aechi dep pijaxtat:

—Jesús, Dios paxulan, xanal nabej natalias! ¿Ma-aech xotkat xam fúlaeman xanallel nataliasliajwam that toepax wuajna? —aechi.

³⁰ Jaxotde kaesuarich atuxachlejen xabich maran naxaelp.

³¹ Do jawut, japi dep jum-aech Jesúsliajwa:

—Xanal ampi poejiwxot nakolax nato'am wut, ¡natapaem leliajwan maranxot! —aech dep.

³² Do jawut Jesús jum-aech:

—Jaw, ¡xabua'de! ¡Lem maranxot! —aech Jesús japi depliajwa.

Do jawut dep nakola wut poejiwxot, lowlisi maranxot. Jawut, puexa maran dukp chuataidik. Do jawut puexa maran bu'al pukatat.

³³ Maran tataefulpi dukp pejlewt. Patlisi pejpaklowaxxot. Chapaeilisi puexa maranliajwa ja-aechpoxan, dep low wut maranxot.

³⁴ Do jawut, puexa japapaklowaxpijiw fúlaen Jesúsleldin. Do jawut, japi jiw taen wuti Jesús, to'api Jesús namanasamata japi pejtujnuaxot.

9

Jesús boejthutpox nabejkan, japon chinax laejaxilpon

(Mr 2.1-12; Lc 5.17-26)

¹ Do jawux, Jesús jul falkam, pejnachala suapich, chaliknaliajwa puka we-enlelde, pejpaklowax, Capernaum paklowax, poxaliajwade.

² Do jaxot Jesús pat wut, pejnachala suapich, jawut asew jiw chaxlaeni kaen nabejkan Jesúslel, japon chinax laejaxilpon. Japon ok camillatat. Jesús chajia matabijt japi pejxanaboejaxan japonliajwa. Samata, Jesús jum-aech nabejkanliajwa:

—Wua, ¡nejchachaemilde! Xam beltaenx, majt pachaemam wut babijaxan isampoxanliajwa —aech Jesús lajaxilponliajwa.

³ Jesús japox jum-aech wut, jawut, a sew judíos chanaekabuanapi japox jumtaen wut, nakaewa najum-aechi: “Kaen Dios xajup jiw beltaeliajwa, japi babijaxan is wut. Samata, Jesús japox jum-aech wut, jum-aechon chaemilpox Diosliajwa” —aechi nakaewaliajwa.

⁴ Jesús chiekal matabijt japi nejchaxoelpox. Samata, jum-aechon japiliajwa:

—¿Ma-aech xotkat xamal nejchaxoelam babijaxan xanliajwa?

⁵ Kaes pejme tampa xan jumchiliajwan lajaxilponliajwa: ‘Xam beltaenx babijaxan isampoxanliajwa’ —chiliajwan. Pe ja-an wut, jiw xan namatabijaxil xan puexa jiw pakoewkolnanponan. Jum-an wutlax nabejkan jumtaeliajwa: ‘¡Nandel! ¡Laejim!’ —an wut, japox jum-an wut, jiw diachwajnakolax xan namatabijsaxael xan puexa jiw pakoewkolnanponan.

⁶ Samata, xamal itpaeyaxaelen xan puexa jiw pakoewkolnanponan. Xan xajupx beltaeliajwan jiw babijaxan ispoxanliajwa ampathatat —aech Jesús judíos chanaekabuanapiliajwa.

Samata, Jesús jum-aechbej nabejkan jumtaeliajwa:

—¡Nandel! ¡Nejcamilla fi'e! ¡Xalaemch nejba poxade! —aech Jesús.

⁷ Do jawut, nabejkan nant wut, fulaechlison pejba poxade.

⁸ Puexa jiw japox taen wut, xabich natachaemanuil wut, nejchaxoelanuil bejpi. Do jawut, nakaewa najum-aechi: “¡Dios xabich pachaem! Dios pejpamamax Jesúsalliajwa” —aechi nakaewaliajwa.

Jesús tadutpox Mateo pejnachalanliajwa (Mr 2.13-17; Lc 5.27-32)

⁹ Jesús boejthut wut nabejkan, baxot nakolt wut, do jawut, xan nataenpon. Xan tajwul Mateo. Xan ekx impuesto mat-omwuljowbatat, mat-omwuljoeliajwan Roma gobiernoliajwa. Jesús xan nataen wut, najum-aechon:

—¡Xabua't! ¡Xan nakfulaem tajnachalnamliajwa! —aech Jesús xanliajwa.

Do jawut, xan nantax wut, Jesús nakfolxlison.

¹⁰ Asamatkoi, tajbatat Jesús naxael wut, xanal pejnachalwan suapich, impuesto mat-omwuljoew Roma gobiernoliajwa, japibej pat Jesúsxot. Do jawut, japibej chalak naxaeliajwa. A sew jiwbej, Moisés chajia lelpox naexasis-elpi, japibej pat jaxot. Japibej jaxot chalak naxaeliajwa, xanal suapich.

¹¹ Fariseos, japox taen wut, jum-aechi xanalliajwa, Jesús pejnachalwanpinliajwa:

—¿Ma-aech xotkat Jesús, nejchanaekabuanan, kaeyaxtat naxael, impuesto mat-omwuljoewpi suapich, a sew babejchow suapichbej, japi naexasis-eli Moisés chajia lelpox? —aechi xanalliajwa, Jesús pejnachalwanpinliajwa.

¹² Jesús japox jumtaen wut, jum-aechon fariseosliajwa:

—Jiw nejchaempi, japi wewe'pa-esal jiw woen, bu'xaenka-el xoti. Jiw woen fulaen jiw bu'xaenkpi woeliajwa. Xanlap-is ja-an. Xan fulae-enil kajachawaesliajwan jiw pachaem wut, kabuan-aechpi. Xanlax fulaenx kajachawaesliajwan babejchow, japi kofaliajwa padujnejchaxoelaxan naexasisliajwapi Dios —aech Jesús.

¹³ Jesús pejme jum-aech fariseosliajwa:

—¡Chiekal nejchaxoelde Dios jum-aechpox, jum-aech wut: ‘Xan nejxasinkax xamal a sew jiw beltaeliajwam, japi jiw kajachawaesliajwam. Xanlap japox kaes nejxasinkax. Me-ama ofrenda isam wut xanliajwa, japoxliajwa xan chiekal nejchachaemla-enillejen’ —aech Dios, chajia jum-aech wut! Xan

tadusaxaelen jiw babejchow japi tajnachalaliajwa. Jiw jum-aechpilax: ‘Xan kaes pejme pachaeman. Me-ama asew jiw, jachi-enil’ —aechpi, xan japi jiw tadusaxinil tajnachalaliajwa —aech Jesús fariseosliajwa.

Asew jiw xae-elpox, piach Dios kawhajnalijwa wut

(Mr 2.18-22; Lc 5.33-39)

¹⁴ Do jawux, Juan jiw bautisan pejnachala fulaeni Jesúslel. Pat wuti Jesúsxot, japi jum-aech Jesúsliajwa:

—Xanal piach naxae-enil, Dios piach kawhajnalijwan wut. Fariseosbej ja-aech. ¿Ma-aech xotkat nejnachala, me-ama xanal jachi-el? —aechi Jesúsliajwa.

¹⁵ Do jawut, Jesús jum-aech wujantat japi jiwliajwa:

—Pawis fitpon, fiesta is wut, taduchpi naxaeyaxaelfak japonxot. Japi xabich nejchachaemlaxael, pajelnakjiyan jaxot duk wutfak. Asamatkoi asew jiw japon buflaeyaxaes. Do jawut, taduchpi naxaeyaxil kaematkoiyan sapich, xabich nejxaejwaxaes xoti. Jachiyaxaelbej asamatkoi tajnachalaliajwa, xan asew jiw nabu'fol wut. Samata, japi kaematkoiyan sapich naxaeyaxil, xan japixot ajilaxaelen xot —aech Jesús.

¹⁶ Jesús matabijt, fariseos naewhajnasiapox padujwujajan, pajelwujajan sapich. Samata, jawut Jesús jum-aech wujantat japiliajwa: “Kaeow pawis pejyiaf wechachoeps wut, xape'tow chachoepxot. Pe yiaf xape's-elow pajelbu'chtat, itkias-esal wutfak. Pajelbu'ch, itkias-esalpox, xape't wutow, yiaf itkiat wut, mamu'al wut pejme, pajelbu'ch itkialaxael. Yiaf padujax kaes chachoepaxael, xape't xotow pajelbu'ch.

¹⁷ Jasoxtatbej jiw wulu-el pajelvino padujbu'choxatat. Wulu wuti pajelvino padujchoxatat, japox choxa chathialfalaxael, pajelvino xabich xot pafak. Ja-aech wut, vino nafa'axael. Choxabej nafa'axael. Samata, jiw pajelvino wulu pajelbu'choxatat chatinkaliajwa choxa. Ja-aech wut, vino nafa'axil. Choxabej nafa'axil” —aech Jesús.

Amxot jum-aechox Jesús pawis boejthutpoxliajwa, asaow patupow matetpoxbejliajwa, pejme dukaliajwapow

(Mr 5.21-43; Lc 8.40-56)

¹⁸ Do jawux, Jesús naksiya wutfak, kaen aton pat Jesúsxot. Japon judiospaklon. Pat wut, brixtat nukon Jesús pejwujajnalel, xabich sitaen xoton Jesús. Do jawut, jum-aechon:

—Taxulow ma jelnawetup. Pe xam ke-otam wut japowxot, taxulow nawemat-esaxaelam pejme dukaliajwa —aech paklon Jesúsliajwa.

¹⁹ Do jawut, Jesús nakfol paklon. Xanalbej, Jesús pejnachalwan, nakfolx Jesús.

²⁰⁻²¹ Dolisdo', Jesús fol wut, kaeow pawis moxdepow Jesús pejwulchakallel. Japow xabich nabijat. Pejlaw wut, jal matduka-el. Doce waechanlisoj japow bu'xaenkpox. Japow mox wut Jesús pejwuchakallel, japow nejchaxoel: “Xan pejsumta-osax jajastax wut, Jesús naboejthusaxael” —aechow, nejchaxoel wut. Samata, jajastow Jesús pejsumta-osaxmatdukax.

²² Do jawut, Jesús wultataen wut, taenpon japow pawis. Samata, Jesús jum-aech japowliajwa:

—Pawis, nejchachaemilde! Amwutjel xam chiekal boejthul waxae, chiekal xan naxanaboejtam xot —aech Jesús japowliajwa.

²³ Do jawux, Jesús pat wut paklon pejbaxot, taenon, asew jiw toela nababa wut, patupow muthsliajwa wut. Jumtaenbejpon asew jiw wunowpoxan japowliajwa.

²⁴ Samata, jum-aechon japiliajwa:

—¿Amxot nakolim! Japow tupa-el. Japow moejt —aech Jesús japi jiwliajwa.

Japi w_hnowpi japox jumtaen w_ht, xafafoli Jesúsliajwa. Japi jiw bu'w_hajanpaei Jesús.

²⁵ Do jaw_ht, Jesús nakolax to'a tathoetade w_hnowpi pat_hpow. Japi nakola w_ht, Jesús low pat_hpow ochxot. Jesús pat_hpow kefit w_ht, mat-eton pat_hpow pejme dukaliajwa. Do jaw_ht, japow nant.

²⁶ Puexa japat_haj_hpijiw w_hltaena Jesús ispox pat_hpowliajwa.

Jesús boejth_htpox kolenje itliaklan

²⁷ Jesús nakolt w_ht paklon pejbaxot, kolenje itliaklan Jesús pejw_hchakal fol. Japi nejlasf_hl w_ht, jum-aechf_hli:

—Jesús, David pamon, ¡xanal nabeltaem! —aechf_hli.

²⁸ Do jaw_hx, Jesús asaba low w_ht, kolenje itliaklan mox soepa Jesúsxot. Do jaw_ht, Jesús jum-aech japi kolenje itliaklanliajwa:

—¿Xamalkat xan nanaexasitam xaj_hpxpox boejth_hsliajwan nej-itfutan? —aech Jesús.

Japi jumnot w_ht, jum-aechi:

—Diasdo' tajpaklon. Xam naexasitx —aechi.

²⁹ Do jaw_ht, Jesús japi itfujacha w_ht, jum-aechon:

—Xamal chiekal naxanaboejam xot, nanaexasitam xotbej, ¡chiekal taem! —aech Jesús japi kolenje itliaklanliajwa.

³⁰ Do jaw_ht, chiekal taenlisi. Do jaw_ht, Jesús jum-aech nejth_h'axtat japi kolenjeliajwa:

—¡Xamal asew jiw nabej chapae' xan isxpox xamalliajwa! —aechon.

³¹ Pe japi f_hlaech w_ht, nakiowa puexa japat_haj_hpijiw chapae'f_hl Jesús isaspoxliajwa japiliajwa.

Jesús boejth_htpox buxw_hajanjilan

³² Majt itliakalpi Jesúsxot chijia w_hti, do jaw_ht, asew jiw buflaen buxw_hajanjilan Jesúsleldin. Japon naksiyaxil, dep webaes xoton pejmatp_hat_hat.

³³ Do jaw_ht, Jesús to'a dep nakolsliajwa japon pejmatp_hat_hxot. Dep nakolt w_ht, do jaw_ht, buxw_hajanjilan t_hadutlison naksiyax. Jaw_ht, xabich jiw natachaemanuil w_ht, nejchaxoelanuilbejpi. Jum-aechi:

—Majt chinax jasox tae-esal ampat_haj_hntat, Israel t_haj_hnxot —aechi.

³⁴ Pelax fariseos jum-aech:

—Jesús to'a w_ht dep, to'a dep pejpaklon pijaxtat —aech fariseos Jesúsliajwa.

Jesús jiw beltaenpox

³⁵ Jesús nan_hamt puexa paklowaxanxot, puexa t_haj_hnxanxotbej, jiw naew_haj_hnafulaliajwapon, judíos naew_haj_hnabachanxot. Jesús naew_hajan chimiaw_hajan jiwliajwa, Dios puexa pejjiw tato'laxaelpox. Boejth_hsf_hlbejpon nejmachwaxaetat bu'xaenkpi.

³⁶ Jesús taen w_ht xabich jiw, pinam_ht, japi jiw beltaenpon, japi nabijat xot, wejisal xotbejpi asan kajachawaesliajwas. Taen w_hton, japi jiw, me-ama ovejas napelti, ja-aech japi jiw Jesúsliajwa, wejisal xot asan tataeflaliajwas japi jiw.

³⁷ Do jaw_ht, Jesús jum-aech xanal pejnachalwanliajwa, asew jiwliajwabej:

—Diachw_haj_hnakolax xan jum-an. Amp_hi jiw, me-ama trigo foel w_ht, ja-aechi, japi w_haj_hnawesf_hl xot jumtaeliajwa chimiaw_hajan. Pe jiw xabich kaes_hapich, Dios pejjamechan naew_hajanpi.

³⁸ Samata, ¡kaw_haj_hande wajpaklokolan Dios, japon asew jiw to'aliajwa, naew_hajanpi Dios pejjamechan!

10

*Jesús pejnachalaxot makafitpox doce poejiw, japi apóstolesliajwa
(Mr 3.13-19; Lc 6.12-16)*

¹ Jesús xanal nala, dosan pejnachalwan, japonxotaliajwan. Jesús natapaei xanal japon pijaxtat dep to'aliajwan, jiw pejmatpreatanxot bapi, nejmach-waxaetat bu'xaenkibej boejthusliajwan.

² Jesús xanal nawulduw apóstoles, dosanpin. Xanalxot kaen kolewulje. Matxoelawul pawulon Simón. Wulchakalwul pejwul, pawulon Pedro. Asan pawul Andrés. Japon Simón Pedro pakoewan. Asan pawul Santiago. Asan pawul Juan. Japon Santiago pakoewan. Japi kolenje Zebedeo paxi.

³ Asan pawul Felipe. Asan pawul Bartolomé. Asan pawul Tomás. Xan tawul Mateo. Xanlap majt impuesto mat-omwuljoenan Roma gobiernoliajwa. Asanbej pawul Santiago. Japon Alfeo paxulan. Asan pawul Tadeo.

⁴ Asan pawul Simón. Japon majt asamutpijin, celotemutpijin. Asan pawul Judas Iscariote. Japonlap Jesús wiasaxael padaelmajiwxot.

*Jesús to'apox pejnachala japi naewhajnalajwa Dios tato'laxaelpox jiw am-
pathatat*

(Mr 6.7-13; Lc 9.1-6)

⁵ Jesús to'a wut padoce apóstoles, jum-aechon ampox: “¡Nabef fulae' judíos-eli pejtujnuchan poxade! ¡Nabef fulae'bej Samaria tujnupijiw poxade!

⁶ ¡Xamallax fulaem judíoskal duil poxade! Japi, me-ama ovejas, napelti, ja-aechpi.

⁷ Fulaemch wut, japi jiw naewhajnam wut, jum-amde: ‘Dios puexa pejjiw tato'laxaelmatkoi malisox mox pawajna’ —amdepi!

⁸ ¡Bu'xaenki boejthusfulde! ¡Tupi mat-embej pejme duilaliajwa! ¡Boejthusfuldebej leprawaxaetat bu'xaenki! ¡Dep to'imbej jiw pejmatpreatanxot nakolaliajwa! Xamal malech kenotam ampapamamax. Samata, ¡xamal nabef mat-omwuljoem, a sew jiw boejthutam wut!

⁹ “Folam wut, ¡nabef xalae' plata!

¹⁰ ¡Nabef xalae'bej a sew choxan! Mado', inaxoelam, ¡do japoxkal bu'laflaem! Mado' ituakxajoelam, ¡do japoxkalbej tuaklaflaem! ¡Nabef xalae'bej asax naxliaxsliajwampox, tuakxaliaxsliajwampoxbej! Folam wut, ¡masim fulaem! ¡Nabef xalae' kelachalanaeyan! Jiw naeweti Dios pejjamechan, japi xamal chaxduiyaxael wewe'ppoxan.

¹¹ “Nejmachpaklowax patam wut, tujnuxotbej, ¡wulwekde kaen aton, japa-paklowaxpijiw sitaenspon! Do jawut, ¡japon kawhajande pejbatat duilaliajwam! Japon jaw-aech wut, ¡japabatat duilafuldefuk! Hasta nakolaliajwam wut, ¡japabaxot nakolim asapaklowax poxaliajwam!

¹² Nejmach-aton pejba lowam wut, jum-amde: ‘¡Xamal Dios nej kachawaes ampabaxot duilampim!’ —amde japabapijiwliajwa!

¹³ Japabapijiw pachaem wut xamalliajwa, ja-aech wut, Dios kachawaesaxaes japabapijiw. Pe a sew jiw lax xamal bu'kula-el wut, ja-aech wut, Dios kachawaesaxisal japabaxot duilpi.

¹⁴ A sew jiw xamal bu'kula-el wut, nejnaewhajnax naewes-el wutbejpi, ¡fulaem asapaklowaxle! Fulaeliajwam wut, ¡nejtuakxajoe jolde lulaliajwam as natacholnaliajwa! Jasoxtat japi jiw pajut chiekal matabijaxael babijax ispox xamalliajwa, Diosliajwabej, xamal bu'kula-el xoti.

¹⁵ Diachwajnakolax xan jum-an. Asamatkoi, Dios jiw kastika wut, japa-paklowaxpijiw xabich kaes pejme kastikaxaes. Me-ama Sodoma paklowaxpijiw, Gomorra paklowaxpijiwbej, kastikas wut, jachiyaxil Dios, japi jiw kastika wut” —aech Jesús xanal dosanpinliajwa.

Apóstoles nabijasaxaelpox asew jiw pijaxtat naexasit xoti Jesús

¹⁶ Do pejme Jesús jum-aech xanal dosanpinliajwa: “Xamal tajaxtat folam wut, ¡chiekal taem, to'ax xot jiw babejchow poxade! Me-ama ovejasliajwa chachachoel pejmachchoefxot wut, jachiyaxaelbej xamalliajwa. ¡Chiekal matabijim! Me-ama jom xandadus-el chachoelxot, ¡xamalbej ja-amde! ¡Nabej nabe'bej nakaewa! Me-ama a-u, jachiyaxaelam xamal.

¹⁷ ¡Chiekal taem jiw babejchowliajwa! Japi xamal woeyaxaeli judíospaklochow poxade, japapaklowaxpijiwxot. Do jawux, judíos naewuaj nabachanxot xamal selsaxaeli.

¹⁸ Xan nanaexasitam xot, xamal buflaeyaxaelbejpi gobernadores poxade, reyes poxadebej. Samata, xamal bu'fol wuti, xamal japixotam wut, asew judíos-elixotam wutbej, jum-amde xanliajwa!

¹⁹ Xamal japixot woeya wuti, ¡xabich nabej nejchaxoele' naksiyaxaelam-poxliajwa, jumnosliajwam wut paklochow! Jawut Espiritu Santo xamal kajachawaesaxael chiekal jumnosliajwam.

²⁰ Samata, xamal najut nijaxtat jumnosaximil. Nej-ax Dios pej-Espiritu Santo kajachawaesaxael xamal chiekal jumnosliajwam paklochow pejwujnalel.

²¹ “Japamatkoiyantat asew pakoewkola buflaeyaxael paklochow poxade, jaxotde beliajwas, japi tajnachala xot. Paxjiw, o, penjiwbej, buflaeyaxael paxi paklochow poxade jaxotde beliajwas, japi tajnachala xot. Paxibej buflaeyaxael pax, o, penbej, paklochow poxade jaxotde japi beliajwas, tajnachala xot.

²² Puexa ampathatpijiw xamal nejweslaxael, tajnachalwam xot. Pe nakiowa, xan nanaexasisfulam wut, hasta tɔpam wut, Dios xamal bu'weyaxael.

²³ Asapaklowaxpijiw babijaxan is wut xamalliajwa, xamal tajnachalwam xot, ¡dukpaxaelam asapaklowaxle! Diachwujnakolax xan jum-an. Xan, puexa jiw pakoewkolnan, nakolsaxaelen ampathatxot. Do jawux, naewuajnafulaxaelam Israel tuajnapijiw. Ja-amsofulam wut, xan chalechkal pasaxoekan wut ampathatasik, japamatkoiyantat, xamal toesaximilfuk tajwujna jiw naewuajnafulampoxan potujnucha, Israel tuajnoxot.

²⁴ “Estudiapon kaes pejme pachaema-el. Me-ama chanaekabuanapon, jachi-el estudiapon. Nabichanbej kaes pejme pachaema-el. Me-ama pejpaklon, jachi-elon.

²⁵ Estudiapon, toet wut estudixpox, japon nejchachaemlaxael, najurje wuton, chanaekabuanaspon suapich. Nabistonbej nejchachaemlaxael, najurje wuton, pejpaklon suapich. Jiw xan nanejweslapi, japi jum-aech wut xanliajwa: ‘Xam depam’ –aech wuti, ja-aech wut, japi jiw xabich kaes pejme xamal bu'wujjanpaeyaxael, tajnachalwam xot” –aech Jesús xanal dosanpinliajwa.

*Jesús naewuajanpox pejnachala, achanliajwa japi pejlewaxaeli
(Lc 12.2-7)*

²⁶ Do jawux, Jesús pejme jum-aech xanal dosanpinliajwa: “¡Xamal nabej nejlewlé' jiw babejchowliajwa, japi xamal nejwesla wut, ajilaxael xot maliachpoxan! Maliachpoxan asamatkoi puexa chiekal tulaelaxael. Asew jiw maliach jum-aechpoxan, japoxanbej asamatkoi puexa asew jiw naekuanchakowaxil jumtaeliajwa.

²⁷ Xan maliach nijakal jum-anox, xamal jumchiyaxaelam puexa jiwliajwa. Xan jum-anpox nuthaklajametat maliach, nejlatam wut, jumchiyaxaelam puexa jiw jumtaeliajwa.

²⁸ ¡Nabej nejlewle' jiw babejchowliajwa, xamal boesasia wuti ampathatxot! Pe kaes japi machiyaxil beliajwa nej-aelan. Xamallax nejlewla xael Diosliajwa, japon xajur xot xamal beliajwa ampathatxot, nej-aelanbej to'aliajwa infierno poxadik, jaxotdik nej-aelan chiekal toepaliajwa.

²⁹ “Kolenje mian mowas kaekafeliajwa. Ja-aech, japi mia omjil xot. Pe nakiowa, Dios tapae-el wut, chinax kaen mian pajut pijaxtat tapapan jopaxil.

³⁰ Diosliajwa xamal kaes pejme ommaenkam. Me-ama mia omjil, jachi-emil xamal. Dios matabijt, massapich nejmatla kaenanula nejmatnaetanxot.

³¹ Samata, ¡xamal nabej nejlewle' asew jiwliajwa, xamal xabich kaes ommaenkam xot! Me-ama pin-iat mia, jachi-emil xamal” —aech Jesús xanal dosanpinliajwa.

*Jesús pejwujajan naexasiti, japi jumchiyaxaelpox Jesús pejjiwpi
(Lc 12.8-9)*

³² Do pejme Jesús jum-aech xanal dosanpinliajwa: “Jiw jum-aech wut, asew jiw pejwujajnael: ‘Xan Jesús naexasitx’ —aech wuti, japi jiw tajnachalaxael. Xanbej jumchiyaxaelen taj-ax Diosxotse japiliajwa: ‘Ampi jiw xan tajnachala’ —chiyaxaelen.

³³ Pelax asew jiw, xan nanaexasiti, asew jiw pejwujajnael jum-aech wuti: ‘Xanal Jesús pejnachala-enil’ —aech wuti, xanbej jumchiyaxaelen taj-ax Dios pejwujajnael: ‘Ampi jiw tajnachala-el’ —chiyaxaelen” —aech Jesús xanal dosanpinliajwa.

*Jesús paskpox japon pijaxtat ampathatpijiw nadiajalijwa
(Lc 12.51-53; 14.26-27)*

³⁴ Do pejme Jesús jum-aech xanal dosanpinliajwa: “¡Xamal nabej nejchaxoele' xanliajwa: ‘Jesús pat ampathatat puexa jiw kaenejchaxoelaxtat duilaliajwa’ —nabej aeche', nejchaxoelam wut! Xan pas-enil japoxliajwa. Xan patx jiw kaenejchaxoelaxa-el(a)liajwa.

³⁵ Xan patx poejiw, paxjiw sapich, watho'bej, penjiw sapich, pakalajiw sapichbej, paemjiw sapichbej, kaenejchaxoelaxa-el(a)liajwa.

³⁶ Jiw xan naxanaboejapi, japi asamatkoi pejjiwkola padaelmajiw dofaxaelpi, japi xan nanaexasit xot.

³⁷ “Xamal kaes nejxasinkam wut nej-axjiw, nej-enjiwbej, xanlax xabich kaes nanejxasinka-emil wut, ja-am wut, xamal tajnachalwaximil. Kaes nejxasinkam xot naxi, xanlax xabich kaes nanejxasinka-emil wut, ja-am wutbej, xamal tajnachalwaximil.

³⁸ Xamal nanaexasis-emil wut, xan nakfulae-emil wutbej, nejlewla xot tapaliajwam xanliajwa, ja-am wut, xamal tajnachalwaximil.

³⁹ Xamal isfulam wut najut nejxasinkampoxan ampathatat, asamatkoi tapam wut, duilaximil Diosxotse. Pelax kofam wut najut nejxasinkampoxan isfulaliajwam xan tato'laxpoxan, ja-am wut, asamatkoi tapam wut, duilaxaelam pomatkoicha Diosxotse” —aech Jesús xanal dosanpinliajwa.

*Jiw is wut pachaempoxan Dios naexasitiliajwa, japi jiw Dios chaxduiyaxaepox pachaempoxan
(Mr 9.41)*

⁴⁰ Do pejme Jesús jum-aech xanal dosanpinliajwa: “Jiw chiekal xamal bu'kula wut, japi me-ama xanbej, chiekal nabu'kulti. Jawut xan nato'apon, bu'kulabejpi.

⁴¹ Jiw chiekal bu'kula wut Dios pejprofeta, naexasit xoton Dios, japi jiw kajachawaesaxaes Dios. Me-ama Dios kajachawaet profeta, japi jiwbej kajachawaesaxaes Dios. Jiw chiekal bu'kula wut asan pachaempon, Dios

naexasit xoton, japibej kajachawaesaxaes Dios. Me-ama Dios kajachawaet pachaempon, jasoxtatbej japi kajachawaesaxaes.

⁴² Nejmachjiw is wut pachaempox jelxan nanaexasitponliajwa, o, japi jiw minkal chaxdut wuti wasotat japon min feliajwa, japon tajnachalan xot, ja-aech wut, japi jiw kaenanula diachwajnakolax Dios chaxduiyaxaes pachaempox, minkal chaxdut xoti tajnachala” —aech Jesús xanal dosanpinliajwa.

11

Juan, jiw bautisan, japon to'apox kolenje pejnachalan Jesús poxade (Lc 7.18-35)

¹ Do jawut, Jesús naewajna xan baxtoet wut, jaxot chijiapon jiw naewajnalialjwa Dios pejjamechan asapaklowaxan poxaliajwade, Galilea tujaxot.

² Juan, jiw bautisan, jiw jebatat wultaeful Jesús isfulpoxan. Samata, pejnachalaxot asew to'apon japi wajnaemslialjwa Jesús.

³ Dolisdo', japi Jesúsxot pat wut, jum-aechi:

—Juan xanal nabaxto'a wut, jum-aechon xam wajnaemslialjwan: ‘¿Xamkatlap diachwajnakolax Cristowam, “Pasaxoekpon” —tisponam, jiw bu'welialjwam? Cristowa-emil wut, ¿xanalkat wajnaewesfulaxaelenfuk asan, “Pasaxoekpon” —tispon?’ —aech Juan —aech Juan pejnachala Jesúsliajwa.

⁴ Do jawut, Jesús jum-aech Juan pejnachalialjwa:

—¡Nawemch Juan poxade! Juanxot patam wut, ¡chapaempon xamal jumtaenampoxan, taenampoxanbej xan isfulax wut!

⁵ Juan charaeyam wut, jum-amopon: ‘Majt itliakalpi, japi chiekal taenlisi. Majt nabejkpi, japibej chiekal laelplisi. Majt piach bu'xaenki lepraxaxetat, japibej chiekal boejthals. Majt naekua'nikpi, japibej chiekal jumtaen. Tujibej, mat-ias pejme duilialjwa’ —amo, Juan charaeyam wut! ¡Chapaembejpon xan naewajnafulaxpox kejila, japibej naexasisliajwa, bu'welialjwasbejpi Dios!

⁶ ¡Juan jum-amdebej: ‘Nejmachjiw chiekal naxanaboejaful wut, naexasisful wutbejpon xan Cristowanponan, japi jiw nejchachaemlafulaxael’ —amde Juan! —aech Jesús Juan pejnachalialjwa.

⁷ Juan pejnachala nawia wut, do jawut, Jesús jum-aech Juanliajwa jiw chiekal jumtaeliajwa: “Juan, jiw bautisan, pajilaxtat wut, xamal fulaemch wut, ¿chiliajwakat fulaemch japoxade? Fulae-emil taeliajwam muifurtuat joewa ju'baspoxkal.

⁸ Fulae-emilbej taeliajwam xabich chamoeyaxan naxoeipon. Xamal matabijam, chimianaxoeipi duila-el pajilaxtat. Chimianaxoeipi duil paklochow pejbachantat.

⁹ Xamallax pajilax poxade fulaemch taeliajwam profeta. Diachwajnakolax xan jum-an. Japon Juan xamal taenam wut, taenam poklaprofeta.

¹⁰ Dios pejjamechan, chajia lelsopox, jum-aech Dios jum-aechpox xanliajwa Juan to'axaespoxliajwa:

‘Wua, xam wajna xan to'axaelen tajprofeta, japon jiw naewajnafulialjwa tajjamechan jiw naexasisliajwa, xam patam wut’ —aech Dios jum-aechox xanliajwa.

¹¹ Diachwajnakolax xan jum-an. Juan poklaprofetakolan. Poejiw ampathat-pijiwxot ajil profeta kaes pejme pachaempi, me-ama Juan, jiw bautisan,

jason. Pelax, Diosxotse wut, jaxotse puexa jiw chiekal isful Dios nejxasinkpoxan. Japi kaes pejme pachaemaxael, Dios pejwujnales wut. Me-ama Juan ampathatat wut, jachiyaxili” —aech Jesús jiwliajwa.

¹² Jesús pejme jum-aech japi jiwliajwa: “Juan, jiw bautisan, chajia tuadut wut pejnaewujnax, japamatkoiyantatbej xabich maenk nabeyaxan. Maenkbej jiw babejchow. Me-ama amwutjel, ja-aech. Japamatkoiyantatbej xabich jiw naexasisasia Dios tato'alpox. Pe asew jiw toesasia Dios pejiw, nejweslas xoti japi jiw.

¹³ Juan wujna puexa asew profetas lelpoxan, Moisés lelpoxbej, jum-aech Dios puexa pejiw tato'laxaelpoxliajwa.

¹⁴ Xamal naexasisasiam wut ampox, jnaexasi'e xan jum-anpox! Dios pejamechan chajia jum-aech: ‘Elías pejme pasaxael’ —aechox. Japox jum-aech wut, jum-aechox Juan, jiw bautisanliajwa. Me-ama Dios pejprofeta Elías chajiakolaxtat is, ja-aechlap-is Juan. Samata, Juan wujna chajia matabijas japon isaxaelpoxan.

¹⁵ Xamal matabijasiam wut Dios pejnechaxoelaxan, jchiekal naewe'e xan jum-anpoxan!” —aech Jesús jiwliajwa.

¹⁶⁻¹⁷ Jesús pejme jum-aech japi jiwliajwa: “Ampamatkoiyantat jiw duili ampathatat, japi, me-ama yamxi wut, ja-aechi, kaenejchaxoelaxa-el xot. Me-ama yamxi chalak nakakujsliajwa plazaxot, ja-aech japi jiw. Yamxi chalak, pejnachala suapich. Do jawut, nakaewa najum-aechi: ‘Xanal toela nababax xamal nababoelaliajwam. Pe thiataenam wut, nababoela-emil. Xanal jajui jajuwxbej, naebejjajui, xamal noeliajwam. Pe noe-emil’ —aech yamxi, nakaewa nalot wut.

¹⁸ Ja-aechbej, Juan, jiw bautisan, japon fulaen wut Dios pejjamechan naewujnaliajwa. Juan naxae-el, piach Dios kawujnaliajwa wut. Felbejpon vino. Ja-aech wut, xamal japonliajwa jum-amfulam: ‘Juan ja-aech, pejmatpuatat dep webaes xoton’ —amfulam xamal.

¹⁹ Do jawux, xan puexa jiw pakoewkolnan, fulaenx. Xanlax naxae-el-enil. Fe-ela-enilbej. Ja-an wut, xamal najum-am diachwujnakolaxa-elpox xanliajwa: ‘Japon xabich litabejnik. Feyax nejxasinkbejpon saxa. Pejnachalabej babejchow. Asewbej, japon pejnachala, impuesto mat-omwujjoew Roma gobiernoliajwa’ —na-amfulam xanliajwa, babejjamechan jum-am wut. Me-ama yamxi, babejjamechan jum-aech wut nakaewaliajwa, jambej xamal xanliajwa. Pe matabijasiapi Dios, japi jiw naexasisfulaxael Juan jum-aechpoxan, xan jum-anpoxanbej. Ja-aech wut, japi matabijaxael diachwujnakolaxpox Juanliajwa, xanliajwabej” —aech Jesús jiwliajwa.

Asapaklowaxanpijw naexasis-elpox Jesús

(Lc 10.13-15)

²⁰ Asapaklowaxanxot, Jesús xabich koechaxan isxot, japapaklowaxanpijw taen wut Jesús koechaxan ispoxan, japi jiw nakiowa kofa-el babijaxan isfulpoxan. Samata, Jesús japapaklowaxanpijw lot wut, jum-aechon:

²¹ “Corazín paklowaxpijw, Betsaida paklowaxpijwbej, xabich nabijasaxael, xabich kastikas wuti. Xan koechaxan isx wut, japi jiw chiekal taenpi. Chajia japoxan isaxaelen wut Tiro paklowaxpijwliajwa, Sidón paklowaxpijwliajwabej, japi japoxan taeyaxael wut, kofaxaeli padujnejchaxoelaxan isfulaliajwa Dios nejxasinkpoxan. Naxoeyaxaelbejpi papopa. Chalakaxaelbejpi jitthumbanxot asew jiw matabijaliajwas xabich nejxaejwaspoxan japi babijaxan ispoxanliajwa.

²² Samata, diachwujnakolax xan jum-an. Asamatkoi, Dios jiw kastika wut, Corazín paklowaxpijw, Betsaida paklowaxpijwbej, Dios xabich kaes

pejme kastikaxaesi. Me-ama Tiro paklowaxpijiw, Sidón paklowaxpijiwbej, jachiyaxisal, japi jiw kastikas wut.

²³ Capernaum paklowaxpijiw nejchaxoelaxael: ‘Xatis Dios nakbu'weyaxael, athaxotas wut’ –aechi, nejchaxoel wut. Pe japi Dios to'axaeks infierno poxadik, xan nanaexaxis-el xoti. Xan xabich isx koechaxan. Xan japoxan isx wut Sodoma paklowaxxot, japi kofaxael chajia babijaxan ispoxan. Ja-aech wut, pejpaklowax, Sodoma paklowax, chajiakolaxtat toejafaxisal.

²⁴ Diachwajnakolax xan jum-an. Asamatkoi, Dios jiw kastikaxael wut, Dios xabich kaes pejme kastikaxael Capernaum paklowaxpijiw. Me-ama Sodoma paklowaxpijiw kastikas wut, jachiyaxil Dios, japi jiw kastika wut” –aech Jesús japapaklowaxanpijiwliajwa.

*Jesús tadutpox pejnachala, japi damlathulaliajwa japonxot
(Lc 10.21-22)*

²⁵ Asamatkoi, Jesús Dios kawajjan wut, jum-aechon: “Ax, xam athaxotse, ampathatlelbej, paklokolnam. Xabich pachaemambej. Estudia-elpi, xam kajachawaetam japi chiekal matabijaliajwa nejjamechan. Asewlex, me-ama xabich matabijs wut, kabuan-aechpi, japilax xam kajachawaes-emil japoxan matabija-elaliajwa.

²⁶ Jasox xam isam, me-ama xam nejxasinkam” –aech Jesús, pax Dios kawajjan wut.

²⁷ Do jawutbej, Jesús pejme xanal pejnachalwan najum-aech: “Taj-ax natapaei puexa matabijsliajwan. Pe jiw diachwajnakolax xan namatabijs-el, ma-an xan. Taj-ax, kaen, xan chiekal namatabijt. Jiw matabija-elbej, ma-aech taj-ax. Xan kaenan taj-ax chiekal matabijtax. Xan jiw makanotxpi, japikal xan tapaeyaxaelen matabijaliajwapi taj-ax.

²⁸ Puexa xamal damlampim judíos chanaekabuanapi tato'laxtat, ixabua'din xanlel xanxot damlathulaliajwam, isfulaliajwambej Dios nejxasinkpoxan!

²⁹ Xan nejpaklonan. ¡Tajbichax chiekal isfulde! ¡Naexaxisfuldebej xan naewajjaproxan! Xan xabich pachaeman xamalliajwa. Samata, xamal chiekal damlathulaxaelam xanxot.

³⁰ Xabich tampoela-el xamal isliajwam xan to'axpoxan” –aech Jesús xanal pejnachalwanliajwa.

12

*Judíos pejnapatamatkoitat Jesús pejnachala jolbalapox trigo
(Mr 2.23-28; Lc 6.1-5)*

¹ Do baxael, judíos pejnapatamatkoi wut, Jesús, xanal japon pejnachalwan suapich, xenax trigolulan tuchade. Xanal trigo jolbalax xaelpaliajwan, litaxaelax xot.

² Fariseos, xanal suapich, folpi, japi taen wuti xanal trigo jolbalaxpox, jawut jum-aechi Jesús jumtaeliajwa:

–Jesús, itae'nik nejnachala! Xatis, judíospis, nabichaxisal napatamatkoitat. Pe nakiowa, nejnachala trigo jolbala xaelpaliajwa –aech fariseos.

³ Do jawut, Jesús jum-aech fariseosliajwa:

–Xamalkas matabijam wajwajnapijin, waj-am rey David, ispox chajiako-laxtat xabich litaxaela wuton, pejjiw suapich.

⁴ Jawut rey David xananamsba, Dios pejba, lechon. Japabatutat wajjana pan oel mesamatwajtat. Japapan Dios pej-ofrenda. Japapan rey David xael wut, chaxduwbejpon pejnachala japi xaeliajwa japapan. Moisés chajia

lelpoḡ j̄m-aech: ‘Japapan koew xaeliajwa sacerdotes, japi nabisti Dios pejtemplobatat. Sacerdote-elpi xaeyaxil japapan’ —aech Moisés chajia lelpoḡ.

⁵ Xamalkas xaljowam Moisés chajia lelpoḡ. Japox j̄m-aech: ‘Napatamatkoitat w̄t, sacerdotes nabist Dios pejtemplobaxot. Nabist w̄ti napatamatkoitat, do japox babijaxa-el’ —aech Moisés chajia lelpoḡ.

⁶ Diachw̄ajnakolax xan j̄m-an. Ma amxot nukpron kaes pejme pachaem. Me-ama Dios pejtemploba, jachi-elon.

⁷ Xamalfuk chiekal matabija-emil, Dios pejprofeta chajia lelox j̄m-aech w̄t Dios j̄m-aechpoxliajwa: “Xan nejxasinkax xamal asew jiw beltaeliajwam. Japox kaes pejme pachaem. Me-ama choef x̄a'sax taj-ofrendaliajwa, jachi-el” —aech Dios j̄m-aechpox. Chil xamal japox chiekal j̄mmatabijaxaelam w̄t, jiw tasalaximil, babijaxan is-elpi.

⁸ ¡Xamalbej j̄mmatabijim ampoḡ! Xan, puexa jiw pakoewkolnan, xaj̄p̄x j̄mchiliajwan jiw isaxaelpoḡ napatamatkoitat —aech Jesús fariseosliajwa.

Jesús boejth̄tpox kemamlan
(Mr 3.1-6; Lc 6.6-11)

⁹ Do jaw̄x, Jesús b̄xtoet w̄t, fariseos s̄apich, nospaeyax, jaw̄t f̄laechon judíos naew̄ajnaba poxade.

¹⁰ Jesús japaba low w̄t, jaxot w̄ajna kemamlan ek. Jaxotbej asew judíos. Japi xabich tasalasiapi Jesús, is w̄ton asax. Samata, japi Jesús w̄ajna chaemt w̄t, j̄m-aechi:

—¿Moisés chajia lelpoḡ tapaeikat b̄'xaeyan boejth̄sliajwas napatamatkoitat? —aech judíos Jesúsliajwa.

¹¹ Jesús j̄mnot w̄t, j̄m-aechon:

—Napatamatkoitat nijan oveja jop w̄t pinam̄thadik, xamal jusaxaelam.

¹² Jiw kaes pejme ommaenk. Me-ama oveja, jachi-el. Samata, naktapaei isliajwa pachaempox napatamatkoitat —aech Jesús fariseosliajwa.

¹³ Do jaw̄t, Jesús j̄m-aech kemamlanliajwa:

—¡Keba'de! —aechon.

Keba't w̄t, pejke-e chiekal wepachaemlison. Me-ama asake-elel, wejatislison.

¹⁴ Fariseos jaxot nakola w̄t, pejme natamejapi japi nakaewa naj̄mchiliajwa: “¿Machiyaxaeskát Jesús boesaliajwas?” —nachiliajwapi nakaewa.

Profeta chajia j̄m-aechpox jachiyaxaelpoḡ Jesúsliajwa

¹⁵ Jesús matabijt w̄t fariseos boesiaspox, do jaxot Jesús nakolt, judíos naew̄ajnabaxot. Jaw̄t xabich jiw f̄lafoson. Jaw̄tbej japixot Jesús puexa b̄'xaeya boejth̄sful.

¹⁶ Jesús b̄xfiat w̄t boejth̄spi, j̄m-aechon: “¡Xamal tulaela nabej chapae' asew jiw j̄m̄taesamata xamal boejth̄txpox!” —aech Jesús.

¹⁷ Jesús japi b̄xfiat w̄t, patlisoḡ Isaías, Dios pejprofeta, chajia j̄m-aechpox. Jaxot j̄m-aechoḡ Dios j̄m-aechpox pax̄lanliajwa:

¹⁸ “Ama tax̄lan, makafitxpon jiw b̄'welialjwa. Xabich nejxasinkaxpon. Xabich nejchachaemlaxbej japonliajwa. Xan taj-Espíritu Santo to'axaelen tax̄lanliajwa. Do jaw̄x, tax̄lan naew̄ajnaxael puexa judíos, judíos-elpibej, japi matabijaliajwa xan jiw b̄'weyaxaelenpox japon pijaxtat.

¹⁹ Japon, asew jiw s̄apich, b̄'nalosaxil. J̄mseyaxilbejpon. Me-ama judíos pinjametat j̄m-aech, natameja w̄t, paklowaxthialaxanxot w̄t, jachiyaxil japon, naew̄ajan w̄t jiw.

20 Jiw naexasiti tajjamechan, japi xabicha-el wut pejxanaboejaxan xanliajwa, japon japi jiw pelsaxil japonxot. Japi jiw kajachawaesfulaxaelon, hasta japon puexa jiw tato'al wut.

21 Puexa ampthatpijiw xanaboejaxaeli japon" —aech Dios jum-aechpox paxulanliajwa.

Fariseos jum-aechpox Jesús pejpamamax, Satanás pejpamamax
(Mr 3.20-30; Lc 11.14-23; 12.10)

22 Do jawux, itliaklan makxalaens Jesúslel. Japon buxwujajanjilbej. Japon dep webaesbej pejmatpuxatxot. Do jawut, Jesús japon boejthut, dep to'a wuton nakolsliajwa japon pejmatpuxatxot. Do jawutbej, japon chiekal pachaem taeliajwa, naksiyaliajwabej.

23 Puexa jiw japox taen wut, xabich nejchaxoelanuili. Nakaewa nawujnachaemsnap: "¿Amponkatlap Mesías, David pamon?" —na-aechnap nakaewa.

24 Fariseos japox wultaen wut, jum-aechi japi jiw jumtaeliajwa: "Jesús dep to'a wut, to'aful Beelzebú pijaxtat, dep pejpaklon pijaxtat" —aech fariseos. (Satanás asawul Beelzebú.)

25 Jesús matabijt fariseos nejchaxoelox. Samata, Jesús jum-aech fariseosliajwa: "Xan dep to'a-enil Satanás pijaxtat. Kaetujnapijiw nadiajkaxael wut nabeliajwa, japatujnapijiw natoesaxael nabeyaxtat. Kaepaklowaxpijiwbej nadiajk wut nabeliajwa, japapaklowaxpijiwbej nabeyaxtat natoesaxael. Kaebapijiwbej nadiajk wut nabeliajwa, ja-aech wut, japabapijiw natoesaxael nabeyaxtat.

26 Jachiyaxaelbej Satanás. Pejjiw suapich, nadiajk wut nabeliajwa, japi natoesaxael nabeyaxtat. Ja-aech wut, Satanás pejpamamax toepaxael.

27 Xamal jum-am xanliajwa: 'Jesús dep to'a Beelzebú pijaxtat' —am xamal. Xan jachiyaxaelen wut, ¿achan pijaxtat nejnachalabej dep to'a nakolaliajwa jiw pejmatpuxatanxot? Xamal chiekal matabijam. To'a-eli Beelzebú pijaxtat. Samata, xamal jum-ampox xanliajwabej japox diachwujnakolaxael.

28 Xan dep to'ax Espíritu Santo pijaxtat. Ja-an wut, diachwujnakolax xamalxot pat Dios tato'almatkoi.

29 "Asew natkowasia wut asan pejbaxot, leyaxili bapijin wujjna wut, japon xabich mamnik wutbej. Majt bapijin kuiyaxaes tathoetat. Do ja-aech wut, bapijin pejew nosaxaeli" —aech Jesús fariseosliajwa. (Jesús japox jum-aech fariseos chiekal matabijaliajwa Jesús xajupox dep to'aliajwa.)

30 Jesús pejme jum-aech fariseosliajwa: "Jiw xan nanejweslapi, japi tadaelmajiw. Is-elbejpi xan nejxasinkaxpoxan. Japi nawetabejsfulbej tajbichax.

31 "Diachwujnakolax xan jum-an. Jiw xan nanaexasiti, japi jiw Dios beltaeyaxaes puexa babijaxan ispoxanliajwa, babejjamechan naksiyapoxanliajwabej Diosliajwa. Pelax jiw jum-aech wut babejjamechan Espíritu Santoliajwa, Dios beltaeyaxisal japi jiw.

32 Jiw babejjamechan jum-aech wut xan puexa jiw pakoewkolnanliajwa, japi Dios kawujajan wut beltaeliajwas, japi Dios beltaeyaxaes. Jiw jum-aech wutlax babejjamechan Espíritu Santoliajwa, Dios beltaeyaxisal japi jiw. Bu'wujajan toepaxilbejpi. Pomatkoicha pejbu'wujajnaxaeli" —aech Jesús fariseosliajwa.

Pejbaech pachaem wut, matabijas pox japanae pachaempox
(Lc 6.43-45)

33 Do pejme Jesús jum-aech fariseosliajwa: "Naebaechnaechan, pachaemnaechan, pejbaechbej pachaem. Naebaechnaechan, chaemilnaechan, pejbaechbej chaemil. Kaenanula naebaechnaechan matabijas pejbaechtata.

³⁴ Xamal fariseos xabich chachoelam. Me-ama jom liklasia wut, ja-am xamal. ¿Machiyaxaelamkat, ja-am wut jumchiliajwam pachaempoxan, xamal babejchowam wut? Babejchowam xot, jumchiyaximil pachaempoxan.

³⁵ Jiw, pachaempi, jum-aech pachaempoxan, pejnejchaxoelaxan pachaem xot. Jiw babejchowax jum-aech pachaema-elpoxan, pejnejchaxoelaxan chaemil xot.

³⁶ Xan jum-an xamalliajwa. Jiw chaemili Dios kastikas wut, japamatkoitat japi kaenanula kastikaxaes, jum-aech xoti pachaema-elpoxan.

³⁷ Xamal jum-am wut pachaempoxan, Dios kastikaxil. Pelax xamal jum-am wut pachaema-elpoxan, Dios kastikaxael xamal” —aech Jesús fariseosliajwa.

*Babejchow keto'apox Jesús koechax isliajwa
(Mr 8.11-13; Lc 11.29-32; 12.54-56)*

³⁸ Do jawux, kaesupich fariseos, judíos chanaekabuanapibej, jum-aechi Jesúsliajwa:

—Jiw chanaekabuanan, xanal taesian koechax chiekal matabijaliajwan, diachwajnakolax xam Dios to'akponam wut —aechi.

³⁹ Jesús jumnot wut, jum-aechon fariseosliajwa, judíos chanaekabuanapiliajwabej:

—Xamal babejchowam, Dios naexasis-emilpim. Naketo'am isliajwan koechax asbuan jumch taeliajwam. Pe taeyaximil pajelkoechax. Pe taeyaxaelam, me-ama chajia Dios is profeta Jonásliajwa, jiw chiekal matabijaliajwa japon Dios to'aspon.

⁴⁰ Jonás tres matkoiyan pinbaxin pejwoejtat. Xanliajwabej, me-ama japox, jachiyaxael, xan puexa jiw pakoewkolnanliajwa. Nacha-osaxaeli mmaxwajtat tres matkoiyanliajwa —aech Jesús pejpatupaxliajwa.

⁴¹ Jesús pejme jum-aech fariseosliajwa, judíos chanaekabuanapiliajwabej: “Asamatkoi, puexa jiw babejchow Dios pejwajnalel nuilaxael tasalaliajwas japi ispoxanliajwa, kastikaliajwasbej. Jawut Nínive paklowaxpijiw nuilaxael Dios pejwajnalel xamal tasalaliajwa, xan nanaexasis-emil xot. Chajiakolaxtat Jonás japi jiw naewajan wut, japi jiw kamta kofa babijaxan ispoxan, japi isfalaliajwa Dios nejxasinkpoxan. Xan kaes pejme pachaeman. Me-ama Jonás, jachi-enil. Pelax xan chiekal nanaewes-emil. Xan nanaexasis-emilbej.

⁴² Jawutbej Saba tajnupijiw pakokolow, nukaxael Dios pejwajnalel xamal tasalaliajwa, xan nanaexasis-emil xot. Japow chajiakolaxtat xabich ataj fulaen rey Salomón pejmatabijsax pajut chiekal jumtaeliajwa. Xan kaes pejme pachaeman. Me-ama rey Salomón, jachi-enil. Xamal naewajna xchiekal matabijaliajwam Dios. Pelax xan chiekal nanaewes-emil. Xan nanaexasis-emilbej” —aech Jesús fariseosliajwa, judíos chanaekabuanapiliajwabej.

*Dep pejme kaxa nawia'anpox leliajwa aton pejmatpaxot
(Lc 11.24-26)*

⁴³ Jesús pejme jum-aech fariseosliajwa, judíos chanaekabuanapiliajwabej: “Dep nakolt wut aton pejmatpaxot, nanamt xabich mamoxalxot. Wulwekon asan pejmatpaxot jaxot damlathalaliajwa. Faena-el wut, nejchaxoel wut, jum-aechon:

⁴⁴ ‘Xan pejme nawiasaxaelen aton pejmatpaxot poxade, majt nakoltaxxot’ —aech dep, nejchaxoel wut. Do jawut, dep kaxa nawia'an wut, faenlison japon aton. Dep nejchaxoel atonliajwa: ‘Asan dep le-elfuk xan tajwulela. Samata, xabich pachaem xan pejme leliajwan japon pejmatpaxot’ —aech dep, nejchaxoel wut.

⁴⁵ Do jawut, dep fɔlaech asew dep wɔljaesliajwa. Japon dep tameja asew, siete dep. Japi siete dep kaes chaemil. Me-ama dep matxoelapijin, jachiel. Do jawut, puexa dep lowlisi japon aton pejmatpɔatxot. Ja-aech wut, japon aton kaes pejme xabich nabijat. Me-ama majt nabijat wut, jachielon. Xamalbejjachiyaxaelam. Kaes pejme babejchowaxaelam” —aech Jesús fariseosliajwa, judíos chanaekabɔanapiliajwabej.

Jesús pen, japon pakoewbej, japi nospaesiapox, Jesús sɔapich
(Mr 3.31-35; Lc 8.19-21)

⁴⁶ Jesús xabich jiw naewɔajan wut batat, jawut japon pen pat, pakoewbej. Japi tathoetat nuil. Japi wɔajnawet nospaeliajwapi, Jesús sɔapich.

⁴⁷ Samata, jawut kaen, jaxotpijin, mox soepan wut Jesúsxot, jum-aechon:
—Jiw chanaekabɔanan, nej-en, nakoew sɔapich, pa'an. Japi ba fɔletlel nuil. Japi nospaesia, xam sɔapich —aechon.

⁴⁸ Do jawut, Jesús jumnot wut, jum-aechon:

—¿Achewkat, me-ama taj-en, takoewbej? —aechon.

⁴⁹ Do jawut, Jesús xanal japon pejnachalwanlel nataxdoefa wut, jum-aechon:

—Ampi tajnachalapi, me-ama takoewbej. Watho', me-ama taj-en.

⁵⁰ Jiw is wut taj-ax Dios nejxasinkpoxan, japon athɔxotsepon, ja-aech wut, japilap, me-ama takoew, taj-enbej —aech Jesús.

13

Trigo pejwɔajan, xasaljabapon
(Mr 4.1-20; Lc 8.4-15)

¹ Do jawut, japamatkoitat wut, Jesús nakolt baxot pukababɔ' poxaliajwade. Pat wuton, eklison jaxot.

² Jawut xabich jiw pat Jesúsxot. Jiw xabich xot, Jesús falkam jul ekaliajwa jaxot. Do jawut, jiw pɔtat nama.

³ Do jawutbej, Jesús xabich wɔajantat japi jiw naewɔajan, japi chiekal matabijaliajwa.

Jum-aechon: “Aton fɔlaech pejlul poxade trigo xasaljabaliajwa.

⁴ Xasaljaba wut, asew trigo natacholan nɔamtat. Jawux mia pat xaeliajwa japi trigo, oeli nɔamtat. Do jawut, japi trigo xaeslisi.

⁵ Asew natacholan ia'xot. Jaxot as xanaja'al. Japi trigo kamta naboela, sat kaes tɔajnik xot, sat kaesɔapich xot sat.

⁶ Do xabich masxaenk wut, selnas wut, matkaens japi trigo, tathinkasnikael xotdik.

⁷ Asew trigo natacholanpi na-e'lɔ tasiaptasxot. Japi trigo naboela wut, jawutbej na-e'lɔ naboela. Na-e'lɔ kaes athɔ. Samata, trigo ti'sax itfi'il. Samatabej, japi trigo naboes-el.

⁸ Asew trigo natacholan sat pachaemxot. Japi trigo puexa chiekal naboela. Trigoton chiekal ti'sfɔl wut, chiekal naboet. Asew trigoton naboet cien trigofu. Asew trigoton naboet sesenta trigofu. Asew trigoton naboet treinta trigofu.

⁹ Xamal chiekal matabijasiam wut Dios pejmatabijsax, jchiekal naewe'e xan naewɔajnaxpox!” —aech Jesús.

Ma-aech xot Jesús xabich wɔajantat naewɔajan
(Mr 4.10-12; Lc 8.9-10)

¹⁰ Do jawut, xanal pejnachalwan mox soepax Jesúsxot. Jesús wɔajnachaemtax wut, jum-an:

—¿Ma-aech xotkat jiw xabich naewɔajnam wɔajantat? —an xanal.

¹¹ Jesús jumnot wut, jum-aechon: “Dios xamal tapaei chiekal matabijali-ajwam Dios puexa pejjiw tato'laxaelpox. Asew jiw japox matabijaxil. Japi asbuan jumch naewesaxael. Xamallax naewetam wut, chiekal matabijaxaelam, achax chiyaxael japawhajan.

¹² Chiekal tataeflafulpon tejew, japon kaes pejme chaxdusaxaelen. Asanlax chiekal nawetataeflafa-elpon tejew, japon kaesapich nawetataefulpox, puexa kefisaxaeson.

¹³ Samata, xan jiw naewhajnax whajantat. Japi taen wut xan isxroxan, japi chiekal matabijaxil, ma-aech xot xan japoxan isx. Japi nanaewet wutbej xan jum-anpoxan, chiekal jummatatabijaxili, achax chiyaxael japoxan.

¹⁴ Dios pejprofeta Isaías chajia lelox, jum-aech Dios jum-aechpox jiw jummatatabijaxilox, naewhajnas wuti Dios pejjamechan:

‘Jiw xabich naewesaxael. Pe japi jummatatabijaxil naewhajnaspoxan. Jiw taen wut ja-aechpoxan, japoxan japi jiw matabijaxil, achax chiyaxaelpox.

¹⁵ Japi matnaetink xot, matabijaxili chimiawhajan. Japibej, me-ama pajut naecho'takuka wut, ja-aechi jumtae-elaliajwa. Japibej, me-ama matseka wut, ja-aechi tae-elaliajwa. Samata, japi matabijaxil tajjamechan nanaexasisliajwa. Samata, xan bu'weyaxinil japi jiw’ –aech Dios jum-aechpox.

¹⁶ “Xamal taenamproxan, asew jiw japoxan taen wut, japi nejchachaemlaxael. Xamal jumtaenamproxan, asew jiw japoxan jumtaen wut, japibej nejchachaemlaxael.

¹⁷ Diachwhajnakolax xan jum-an. Xabich profetas, asew xabich pachaempibej, xabich taesiapi Mesías, xamal amwutjel taenampon. Pe japi tael, chajia whajna tur xoti. Japi xabich jumtaesiabej chimiawhajan, xamal jumtaenamproxan. Pe japi jumtae-el” –aech Jesús xanal pejnachalwanliajwa.

*Jesús chiekal chanaekabuanapox trigo pejwhajan, xasaljabapon
(Mr 4.13-20; Lc 8.11-15)*

¹⁸ Do pejme Jesús jum-aech xanal pejnachalwanliajwa: “¡Chiekal nanaewe'e xan naewhajnaxpox! Chiekal chanaekabuanaxaelen, achax chiyaxael trigo xasaljabapox.

¹⁹ Trigo natacholanpox namtat, japoxlap, me-ama Dios puexa pejjiw tato'laxaelpox. Jiw naewet wut japox, chiekal jummatabija-eli. Samata, Satanás fulaen japilel japi kofaliajwa Dios naexasisfulpox.

²⁰ Trigo, ia'xot natacholanpi, kamta naboelapi, japi trigo, me-ama asew jiw Dios pejjamechan jumtaen wut, kamta naexasiti. Do jawut, xabich nejchachaemili.

²¹ Pe xabicha-el japi jiw pejxanaboejaxan Diosliajwa, chiekal naexasisfulael xotfuki Dios. Japi jiw, me-ama trigo tathinkasnika-elpi. Chiekal ti'sfulaelbejpi. Dios naexasit xoti, asew jiw bu'whajanpaeis wut, o, chaemilpox wepach wut, jawut japi jiw kaes xanaboejafula-eli Dios. Samata, kofapi Dios naexasisfulpox.

²² Trigo, natacholanpi na-e'lu tasiaptasxot, matxoelanaboelapi, japi trigo, me-ama asew jiw Dios pejjamechan jumtaeni. Japox jumtaen wut, naexasiti. Do jawux, asaxan nejchaxoel xoti, kofapi naexasitpox Dios pejjamechan, kaes nejchaxoelaful xoti ampathatpijaxankal. Nejchaxoelafulbejpi kemaenkaliajwa. Xabich kaes plata kanasiapi. Samata, japoxan nejchaxoel xoti, kaes naexasisfula-eli Dios. Samatabej, xabicha-el japi pejxanaboejaxan Diosliajwa.

²³ Trigo, natacholanpi sat pachaemxot, japi, me-ama asew jiw. Dios pejjamechan jumtaen wuti, japi chiekal naexasit, matabija xoti, achax

chiyaxaelpox. Japi jiw isful Dios nejxasinkpoxan. Japi jiwlap, me-ama trigo natacholanpi sat pachaemxot. Asew jiw japixot chiekal is Dios nejxasinkpoxan. Japi jiwlap, me-ama trigotonan naboeti cien trigofu. Asew jiw japixot kaesapich is Dios nejxasinkpoxan. Japi jiwlap, me-ama trigotonan naboeti sesenta trigofu. Asew jiw japixot chiekal is-el Dios nejxasinkpoxan. Japi jiwlap, me-ama trigotonan naboeti treinta trigofu” —aech Jesús, xanal pejnachalwan nachanaekabana wut trigowajanliajwa.

Me-ama trigo ja-aechpi pejwajan, japi kaewutje ti'tpox, trigo sapich

²⁴ Do jawux, Jesús jum-aech asawajan: “Dios puexa pejiw tato'alpox, me-ama aton xasaljaba trigo pachaempi pejlultat, ja-aechlap-is japox. Japi trigo pachaem naboelaliajwa.

²⁵ Japon moejt wut, padaelman fulaech japon pejlul poxade. Japalulxot japon xasaljaba, me-ama trigo ja-aechpi. Xasaljabax ketoet wut, jaxot chijiapon.

²⁶ Do baxael, trigo naboela wut, do jawutbej naboela, me-ama trigo ja-aechpi.

²⁷ Do jawut, lulpijin pamakjiw pat japon pejbaxot. Japi jum-aech: ‘Tajpaklon, trigo xasaljabampi nejlultat majt, chiekal pachaempi. ¿Pe ma-aechxotkat naboelabej, me-ama trigo ja-aechpi nejlultat?’ —aech pamakjiw.

²⁸ Lulpijin jum-aech: ‘Kaen tadaelman xasaljaba, me-ama trigo ja-aechpi tajlulxot’ —aechon pamakjiwliajwa. Do jawut, pamakjiw wajanachaemt wut, jum-aechi: ‘¿Pachaemkat xamliajwa xanal tustliajwan, me-ama trigo ja-aechpi?’ —aechi lulpijinliajwa.

²⁹ Do jawut, lulpijin jum-aech: ‘El’ —aechon. ‘Me-ama trigo ja-aechpi, tutam wut, chatasaxaelambej trigo.

³⁰ Samata, itapaem, trigo sapich, kaewutje ti'sliajwa! Trigo chiekal ti't wut, jawut, to'axaelen matxoela tasiapsliajwas, me-ama trigo ja-aechpi. Do jawux, me-ama trigo ja-aechpi chamatakuiyaxaes. Do jawut, chanosaxaes, me-ama trigo ja-aechpi lausliajwas. Do baxael, trigo jola, trigo cha-owabatat nawecha-owaxael’ —aech lulpijin” —aech Jesús pejnachalaliajwa.

Mostazafut pejwajan

(Mr 4.30-32; Lc 13.18-19)

³¹ Do jawux, Jesús naewajan wut jiw, asawajantat jum-aechon: “Dios puexa pejiw tato'alpox, me-ama mostazafut, aton mutht pejlultat. Do jawux, kamta wenaboeltas. Weti'tasbejpon.

³² Diachwajanakolax japafut kaes pejme cha-aelfut. Kaewaech wut, kamta ti't kaes atha. Me-ama asew lulxot muthasi, jachi-el. Ti't wut, chiekal nae. Samata, pachaem mia pejfenan isliajwa japanaedalanxot” —aech Jesús mostazafutliajwa. (Jasoxtat japi jiw naexasit Dios tato'alpox majt kaesapich. Kaesapich matkoian wut, kaes pejme xabichaxael jiw.)

Levadura pejwajan

(Lc 13.20-21)

³³ Do jawux, Jesús pejme jum-aech asawajantat jiwliajwa: “Dios puexa pejiw tato'laxaelpox, me-ama levadura. Kaeow pawis pan isliajwa wut, trigobelan thonpow, kaesapich levadurabej. Tanialtow levadura posapa, puexa pansap puthlaliajwa. Do jawut, cha-etow levaduratat japapansap puthlaliajwa, pinasapaliajwabej” —aech Jesús jiwliajwa. (Jachiyaxaelbej, asamatkoi Dios puexa pejiw tato'laxael wut. Pothata jiw xabich xajuraxael.)

Ma-aech xot Jesús naewajan wajanantat

(Mr 4.33-34)

³⁴ Jesús naew_hajan w_{ut} jiw, w_hajantat naew_hajanpon. Masoxtat asbuan jumch naew_hajna-elon.

³⁵ Japox ja-aech, pat xot Dios pejprofeta chajia jum-aechpox, Mesías jumchiyaxaelpox:

“Naew_hajnaxaelen w_hajantat. Jumchiyaxaelen jiw majt matabija-elpoxan. Akaseskolaxtat Dios that is w_{ut}, amw_{ut}tjelbej, japoxan jiw matabija-el” —chiyaxaelpox Mesías.

Jesús chiekal chanaekab_hanapox w_hajan, me-ama trigo ja-aechpiliajwa

³⁶ Jesús b_{ux}toet w_{ut}, kejachapon japi jiw naweliajwa. Do jaw_{ux}, ba lowpon, xanal pejnachalwan s_uapich. Jaxot w_uton, xanal mox soepax Jesús. Do jaw_{ut}, xanal Jesús w_hajnachaemtax chiekal nachanaekab_hanaliajwa w_hajan, me-ama trigo ja-aechpiliajwa.

³⁷ Do jaw_{ut}, Jesús jumnot w_{ut}, najum-aechon xanalliajwa: “Trigo pachaempi xasaljabapon, japonlap xan, puexa jiw pakoewkolnanponan.

³⁸ ‘Lul’ —aech w_{ut}, jumchiliajwa: ‘Jiw ampathatpijiw’. ‘Trigo pachaempi’ —aech w_{ut}, jumchiliajwa: ‘Jiw tato’laspi Dios’. ‘Me-ama trigo ja-aechpi’ —aech w_{ut}, jumchiliajwa: ‘Satanás tato’laspi ampathatat’.

³⁹ Me-ama trigo ja-aechpi xasaljabapon, japonlap lulpijin padaelman. Japon paw_{ul} Satanás. ‘Trigo jolax’ —aech w_{ut}, jumchiliajwa: ‘Asamatkoi ampathatpijiw toesaxaes Dios’. ‘Trigo chatsiaps’ —aech w_{ut}, jumchiliajwa: ‘Dios pej-ángeles’ —chiliajwa.

⁴⁰ Japox jachiyaxael, that toepaliajwa w_{ut} jiw Dios naexasis-elpiliajwa. Japi, me-ama trigo ja-aechpi, jitat lausaxaes.

⁴¹ Xan, puexa jiw pakoewkolnan, to’axaelen Dios pej-ángeles tamejalijwapi jiw babijaxan ispi, asew jiwbej, japi, itpaeipi asew jiw babijaxan isliajwa.

⁴² Japi jiw pelsaxaes jit pinjiyax poxadik. Jaxotdik xabich noeyaxaeli, bowaxaes xot jitat. B_ua’tatisaxaelbejpi, xabich nabijasaxael xot.

⁴³ Dios naexasitilax, japi duilaxael pax Diosxotse. Jaxotse japi jiw xabich nejhachaemlaxael. Me-ama juimt matkoipijin itliak w_{ut}, jachiyaxael japi jiw. Xamal chiekal matabijasiam w_{ut} Dios matabijt_pox, jchiekal naewe’e xan jum-anpox!” —aech Jesús xanal pejnachalwanliajwa.

Xabich ommaeyaxan chafaenspox pejw_hajan

⁴⁴ Jesús pejme jum-aech w_hajantat xanalliajwa: “Dios puexa pejjiw tato’alpox, me-ama xabich ommaeyaxan chamoestaspox lultat. Japox lulpijin chajia maliach cham_{ut}ht pejlultat. Do baxael, asan chafaen chamoestaspox. Chafaen w_{ut}, do jaxot, kaw_{ut}tat pejme chamoeston japox. Japon xabich nejhachaemil. Do jaw_{ut}, fulaechlison puexa pejew mowaliajwa, japaplatatat japalul chaw_hajsliajwa, ommaeyaxan cham_{ut}htasxot” —aech Jesús xanalliajwa. (Me-ama xabich ommaeyaxan chafaenpon xabich nejhachaemil, jachiyaxaellap-is, jiw matabija w_{ut}i wajpaklokolan Dios.)

Perlat pejw_hajan, japot xabich ommaenkpot

⁴⁵⁻⁴⁶ Do pejme Jesús jum-aech xanal pejnachalwanliajwa: “Dios puexa pejjiw tato’alpox, me-ama perlas w_hajsan. Japon jalwek perlas, xabich pachaempi, w_hajsliajwa. Faen w_uton kaet perlat, xabich ommaenkpot, jaw_{ut} puexa pejew mowapon, japaplatatat w_hajsliajwapon japot perlat” —aech Jesús xanalliajwa.

Chinchorro pejw_hajan

⁴⁷ Do jawutbej, Jesús jum-aech xanal pejnachalwanliajwa: “Dios puexa pejjiw tato'alpox, me-ama chinchorro, pukaxot xawawaels wut, ja-aechox. Nejmachbaxi xawawaels.

⁴⁸ Chinchorro xabich baxi wuluk wut, nabaxitpi chajolkafalde thaejtade. Jaxotde chalaki baxi itfesliajwa. Pachaempikal jefuldiki canasta poxadik. Do jawut, chaemili pelsfali asalel.

⁴⁹ Jasox jachiyaxaelbej, that toepaliajwa wut. Jawut Dios pej-ángeles fuloeyaxoek jiw babejchow pejlel diajkaliajwa pachaempixot.

⁵⁰ Do jawux, babejchow pelsaxaeks jit pinjiyax poxadik. Jaxotdik xabich noeyaxaeli. Bua'tatisaxaelbejpi, xabich nabijasaxael xot” —aech Jesús xanal-liajwa.

Pajelnaewuajnax, padujnaewuajnaxbej

⁵¹ Jesús xanal nawuajnachaemt wut, jum-aechon xanal pejnachalwanliajwa:

—¿Xamalkat jummatbijam xan naewuajnaxpoxan? —aech Jesús xanalliajwa.

Xanal jumnotx wut, jum-an:

—Tajpaklon, diachwuajnakolax xanal puexa chiekal jumtaenx japoxan —an xanal.

⁵² Do jawut, Jesús jum-aech xanalliajwa:

—Judíos chanaekabuanapi matabija Dios puexa pejjiw tato'alpox. Japi xan nanaexasit wut, japibej tajnachalaxael. Me-ama aton pejbaxot xabich owa ommaenkpoxan, asew pajel, asew paduj, ja-aechbej judíos chanaekabuanapi. Japi matabija pajelnaewuajnaxan, xan naewuajnaxpoxan tajutliajwa. Japi matabijabej padujnaewuajnaxan, chajia lelspxoxan. Puexa japoxan pachaem japi naewuajnalialjwa jiw —aech Jesús xanalliajwa.

Jesús Nazaret paklowaxxotpox

(Mr 6.1-6; Lc 4.16-30)

⁵³ Do jawut, Jesús buxtoet wut wuajan naewuajanpox, fulaechon Nazaret paklowax poxade.

⁵⁴ Do jawux, patlison Nazaret paklowax, pejtujnukolaxxot. Jaxot tuaduton jiw naewuajnalialjwa judíos naewuajnabaxot. Japi jumtaen wut Jesús naewuajanpox, xabich nejchaxoelanuili. Samata, nakaewa najum-aechi:

—¿Amxotkat ampon puexa japoxan xabich matabijt? ¿Ma-aechon koechaxan isliajwa?

⁵⁵ ¿Diachkat ampon José carpintero nabichan paxulna-elkat? Jesús pen pawul María. Ampon pakoew ampilape. Kaen pawul Santiago. Asan pawul José. Asan pawul Simón. Asan pawul Judas.

⁵⁶ Jesús pakoewbej, watho', japi duil xatisxot. ¿Amxotkaton faek puexa matabijsax, pamamaxbej? —na-aechi nakaewaliajwa.

⁵⁷ Samata, japi naexasis-el Jesús naewuajanpox. Do jawutbej, Jesús jum-aech pajutliajwa:

—Profetas sitaens popaklowaxanpijiw. Pelax profeta sitae-esal pejtujnukolapijiw. Pejhapijiwbej sitae-esal —aech Jesús.

⁵⁸ Do jawutbej, Jesús jaxot xabich koechaxan is-el, naexasis-esal xoton.

14

Juan, jiw bautisan, boesaspxox

(Mr 6.14-29; Lc 9.7-9)

¹ Japamatkoiyan rey Herodes, Galilea tɔajɔɔpijiw tato'lan, wɔltaen Jesús isfulpoxan.

² Samata, Herodes jɔm-aech pamakjiwliajwa, jɔm-aech wɔton Jesúsliajwa: “Japonlap Juan, jiw bautisan. Tɔp wɔt, mat-echpon. Japonlap pejme duk. Samata, japon isful koechaxan” —aech Herodes Jesúsliajwa.

³ Herodes chajia keto'a soldaw jaelsliajwapi Juan. Do jawɔt, Juan xawaech cadenamɔatat. Do jawɔx, jiw jebatat jiaspon. Herodes japox is, pijow pejjametat. Japow pawɔl Herodías. Japow majt Felipe pijow. Felipe Herodes pakoewan. Do baxael, Herodes fe'en pakoewan Felipe.

⁴ Jasox Herodes is wɔt, Juan jɔm-aech Herodesliajwa: —Moisés chajia lelpoɔ jɔm-aech: “;Xam nakoewan pijow nijow dofaximil! ;Japox chaemil!” —aechoɔ —aech Juan Herodesliajwa.

⁵ Samata, Herodes japox jɔmtaen wɔt, japon boesasia Juan. Pe Herodes pejlewla judíosliajwa, japi xabich jɔm-aech xot: “Juan, jiw bautisan, japon Dios pejprofeta” —aech xot xabich jiw.

⁶ Pe baxael, Herodes pejcumpleaños pat. Jawɔt, fiesta wɔt, Herodías paxɔlow nababoela tadɔchpi pejwɔajnalel. Herodes xabich nejxasink japow nababoelapox.

⁷ Samata, Herodes jɔmdut chaxdusliajwa japow wɔljoeyaxaelpoɔ. Jɔm-aechbejpon: “Nawɔljowampox chaxdus-ense wɔt, ;Dios xan nej nakastike!” —aech Herodes pajiowliajwa.

⁸ Do jawɔx, pen bɔxto'aspox jɔm-aechow Herodesliajwa: —;Ma amwɔt nachaxdu'e plaftat Juan, jiw bautisan, pejmatnaet! —aechow Herodesliajwa pen bɔxto'aspox.

⁹ Do jawɔt, Herodes xabich nejxaejwas Juanliajwa. Pe tadɔchpi jɔmtaen Herodes jɔmdutoɔ. Samata, to'apon soldaw isliajwa japow wɔljowpox.

¹⁰ Do jawɔt, Herodes soldaw keto'a Juan taxtasiapchaliajwas. Do jawɔt, Juan taxtasiapchas jiw jebatat.

¹¹ Jawɔt Juan pejmatnaet chaxlaens plaftat. Do jawɔtbej, japi chaxdut pansiw Juan pejmatnaet. Do japow pansiw pen chaxdutow Juan pejmatnaet, japow chiekal matabijsliajwa Juan tɔppox.

¹² Baxael, Juan pejnachala pat chaxlaeliajwa patɔpan Juan. Do jawɔt, chaxfollisipon. Mɔthtlisipon. Do jawɔx, Juan pejnachala fɔlaech Jesús poxade. Jesúsxot pa'a wɔt, chapaeilisi Juan taxtasiapchaspoɔ.

*Jesús naxaeyaxan chaxduwpox cinco mil poejiw
(Mr 6.30-44; Lc 9.10-17; Jn 6.1-14)*

¹³ Jesús jɔmtaen wɔt Juan boesaspox, Jesús chijia falkamtat asalel tamachaliajwa, xanal pejnachalwan sɔapich. Pe jawɔt, jiw matabija wɔt, japibej nakola paklowanxot wɔajnade fɔlaeliajwa pɔtlel.

¹⁴ Samata, Jesús chapa'a wɔt falkamtat pukababɔ'tat, xabich jiw taenson pɔtlel. Taen wɔton japi jiw, xabich beltaenpon. Samata, jawɔt Jesús boejthɔt jiw bɔ'xaeya, japi bɔflaenspi.

¹⁵ Do jawɔt, tuila wɔt, xanal pejnachalwan mox soepax Jesús. Jawɔt xanal jɔm-an:

—Tuilalisox. Amxot tɔajɔɔchan mox ajil. Amxotbej ajil naxaeyaxan wɔajsliajwas. Samata, jampi jiw to'im tɔajɔɔchan poxade, pajut pejew naxaeyaxan wɔajsliajwa! —an xanal.

¹⁶ Jesús jɔmnot wɔt, jɔm-aechon xanalliajwa: —Japi wewe'pa-esal atɔaj fɔlaeyax naxaeyaxan wɔajsliajwa. ;Xamal najut chaxduim naxaeyaxan japi jiw xaeliajwa! —aech Jesús xanalliajwa.

¹⁷ Xanal jɔmnotx wɔt, jɔm-an:

—Xanalxot asbuan jumch cinco pan, kolenje baxinbej. Xajupaxil puexa jiwliajwa —an xanal.

¹⁸ Do jawut, Jesús jum-aech xanalliajwa:

—¡Ampalel xalaemni! —aechon.

¹⁹ Do jawut, Jesús to'a jiw chalakaliajwa polaxot. Jawut chafiton cinco pan, kolenje baxinbej. Do jawut, atha natachaemse wut, gracias-aechon, panliajwa, baxiliajwabej, Dios kawhajnalijwa wut. Jawut jalkaful panes, baxibej. Jalkaful wut, pejnachalwan nachaxduifalon xanal sasfulaliajwan. Jawut sasfulax puexa jiwliajwa.

²⁰ Puexa jiw chiekal xael. Chiekal nafniabejpi. Kaechatoel wut xaeyax, xanal jiax matpirantat jiw mali. Wulux doce matpiran, baxitoerow, pan malsibej.

²¹ Jiw xaelpi, japi cinco mil poejiw. Watho' xajui-esal, yamxi sapich.

Jesús fulaenpox pukaminakaldin
(Mr 6.45-52; Jn 6.16-21)

²² Do japoxwux, Jesús xanal nato'a falkam julaliajwan, wujna chaliknaliajwan. Jesús kaweta namanfuk jiw to'aliajwapon, pejbachan poxade japi jiw naweliajwa.

²³ Puexa jiw nawia wut, japon jul mux matwujase, tamach Dios kawhajnalijwa. Madoi wut, tamachon muxxot.

²⁴ Jawut xanal falkamtat xabich atujan. Truxan pinanul jubabas falkam, xabich joewa matalech xot falkam.

²⁵ Do jawut, naliana-el wutfuk, Jesús fulaen minakaldin xanal poxadin.

²⁶ Xanal japox taenx wut, xabich belwax. Do jawut, xanal pota na-oenkax, xabich belwax xot. Xanal jum-an:

—¡Yee, dep amka! —an xanal.

²⁷ Do jawut, xanal najum-aechon:

—¡Nabej nejlewlé! ¡Xanpe! —aech Jesús xanalliajwa.

²⁸ Do jawut, Pedro jum-aech:

—Tajpaklon, xam Jesúsnam wut, ¡xanbej nato'im minakal fulaeliajwan xam poxade! —aech Pedro.

²⁹ Jesús jum-aech:

—¡Xabua'din! —aechon.

Do jawut, Pedro falkamxot nandikon minadik. Fulaechlison Jesús poxade minakalde.

³⁰ Pe jawut, Pedro xabich joewa wikax taen wut, xabich beljowpon. Do jawut, Pedro matkakiawafuldik. Do jawut, na-ualison pejléwt. Jum-aechon:

—Tajpaklon, ¡xabua't! ¡Xan nabu'wem bu'la-elaliajwan! —aech Pedro.

³¹ Do jawut, Jesús makafit wut Pedro, jum-aechon:

—Pedro, ¿ma-aech xotkat xam chiekal naxanaboejs-emil? ¿Ma-aech xotbejkat nejchaxoelam: “Xan xajupaxinil fulaeliajwan minakalde” —amkat, nejchaxoelam wut? —aech Jesús.

³² Japi kolenje falkam jul wut, joewa chiekal toep.

³³ Do jawut, xanal brixtat nuilx falkamtat Jesús pejwujnalel. Xanal jum-an:

—¡Diachwujnakolax xam Dios paxulnam! —an xanal.

Jesús boejthutpox jiw bu'xaeya Genesaret tujnuxot
(Mr 6.53-56)

³⁴ Xanal chapatx puka wesklelde, Genesaret tujnuxot.

³⁵ Japatujnupijiw, japi jiw matabijtpi Jesús. Samata, wultaen wuti Jesús chapatpox japatujnuxot, japi jiw bu'flaeni bu'xaeya Jesúslel.

³⁶ Japi wujlow Jesús tapaeliajwa bu'xaeya jachaliajwa Jesús pejsumta-osax matdukafulpox. Do jawut, puexa japi jiw jacha wuti, chiekal boejthuslisi.

15

Jiw chajia nejchaxoelpox, babijax, japoxan is xoti, babejchow nadofa
(Mr 7.1-23)

¹ Kaesurapich fariseos, judíos chanaekabuanapibej, fulaen Jesúslel. Japi fulaen Jerusalén paklowaxxot. Pat wuti Jesúsxot, jum-aechi:

² —¿Ma-aech xotkat nejnachala kofa wajwujnapijiw pejkabuananpoxan? ¿Ma-aech xotbejkat majt xabich piach kekakias-eli, xaeliajwa wut? —aechi Jesúsliajwa.

³ Jesús jumnot wut, jum-aechon japiliajwa:

—¿Ma-aech xotbejkat xamal naexasisfula-emil Dios tato'alpox? Xamal najut naexasisfulam naewujnampoxankal.

⁴ Dios chajia jum-aech: '¡Sitaem nej-ax, nej-enbej!' —aech Dios. Jawutbej Dios jum-aech: 'Nej-ax, nej-enbej, sitae-emil wut, xam tuxaxaelam kastikaxtat' —aech Dios.

⁵⁻⁶ Xamal, fariseospim, judíos chanaekabuanampimbej jum-amlax: 'Aton jum-aech wut paxliajwa, penliajwabej: "Xamal kajachawaesaxinil, puexa tejewpi Diosxot jumdutx xotlis chaxdusliajwan" —aech wuton, japon japox jum-aech, kajachawaesaxil xoton pax, penbej' —am xamal asbuan jumch. Jasoxtat xamal fariseospim, judíos chanaekabuanampimbej, mastaenam Dios tato'alpox, najut xamal naewujnampoxankal naexasitam xot.

⁷ ¡Xamal naekichachajbapijwam! Isaías, Dios pejprofeta, diachwujnakolaxpox chajia lel Dios jum-aechpox xamalliajwa. Japox jum-aech:

⁸ 'Ampi jiw, me-ama nasitaen wut, ja-aechi. Chimiajamechan naksiyabejpi xanliajwa. Pe pejnechaxoelaxantat xan nasitae-eli.

⁹ Japi nakawujnaxtat najum-aech wuti: "Xam nejxasinkax" —na-aech wuti, japox xanliajwa omjil. Japi kawujjanpoxan, pajutliajwakal' —aech Dios jum-aechpox xamalliajwa.

¹⁰ Do jawut, Jesús jiw la kaes moxaliajwadin. Jawut jum-aechon:

—¡Chiekal najumtaem matabijaliajwam jumchiyaxaelenpox!

¹¹ Jiw naxaeyax xael wut, babejchow nadofaxil. ¡El! Pelax jiw jum-aechpoxan pejkaechantat, japoxantat japi jiw babejchow nadofaxael —aech Jesús jiwliajwa.

¹² Do jawut, xanal pejnachalwan mox soepax Jesús jumchiliajwan. Do jawut, xanal japon jum-an:

—¿Xamkat matabijtam fariseos palalapox, jumtaen wuti xam jum-ampox? —an xanal Jesúsliajwa.

¹³ Do jawut, Jesús jum-aech wujantat xanalliajwa:

—Taj-ax Dios mutha-esalpi, japi tusaxaes pelsliajwas. Fariseos, me-ama mutha-esalpi taj-ax Dios. Ja-aech japi fariseos, jiw naewujjna-el xoti, me-ama Dios to'as. Samata, asamatkoi fariseos toesaxaes.

¹⁴ Samata, inabej nejchaxoele' xabich fariseosliajwa, japi, me-ama itliakla nakae-itliakla namakxafolpi wut, ja-aech xoti! Itliaklan, asan itliaklan makxafol wut, japi kolenje natacholnaxaek kaemuthadik, japi itliakal xot —aech Jesús xanalliajwa.

¹⁵ Do jawut, Pedro jum-aech Jesúsliajwa:

—¡Xanal chiekal nachanaekabuanim japawujjan! —aechon.

¹⁶ Jesús jumnot wut, jum-aechon xanalliajwa:

—¿Xamkat-is chiekal jummatabija-emil japawujjan?

¹⁷ Xamal chiekal matabijam. Puexa naxaeyaxan xaelam wut, kaweta namana-el nejwoejtat. Baxael, nakoltox xaelampox.

¹⁸ Pelax jum-am wut babejjamechan, japoxan nakola nejnejchaxoelax-anxot. Japoxantatbej xamal babejchow nadofaxaelam Diosliajwa.

¹⁹ Jiw pejnechaxoelaxanxot nakola babejnechaxoelaxan. Samata, nejchaxoeli, jiw beyaxan, asew watho' bu'moejsaxanbej, natkowaxanbej, kichachajbaxanbej, babejjamechan jumchiyaxanbej asew jiwliajwa, kaes asaxan babijaxan isaxanbej.

²⁰ Nejmachjiw japoxan isful wut, japoxantat japi jiw babejchow nadofaxael. Pelax, jiw xaeliajwa wut, majt xabich kekakias-el wut, japoxtat jiw babejchow nadofaxil Diosliajwa –aech Jesús xanalliajwa.

*Judíos-atowa-elpow, japow naexasitpox Jesús
(Mr 7.24-30)*

²¹ Jesús Genesaret tujnuxot nakolt wut, xanalbej, japon pejnachalwan, nakolax, japon suapich. Jawut xanal fulaechx, japon suapich, Tiro paklowax poxade, Sidón paklowax poxadebej.

²² Jaxotde xanal pa'ax wut, Jesús mox soepnas pawis. Japow Canaán tujnupijow. Jawut nejlasful wut, jum-aechfulow Jesúsliajwa:

–Tajpaklon, David pamon, itaxulow nawebeltaem! Taxulow xabich nawenabijat, dep webaes xotow pejmatpuxatxot –aechow.

²³ Jesús jumnos-el japow. Do jawut, xanal pejnachalwan mox soepax Jesúsxot. Jawut xanal Jesús buxto'ax wut, jum-an:

–To'impow nawiasliajwa pejba poxade, japow xabich nejlasful xot wajwuchakal –an xanal, Jesús buxto'ax wut.

²⁴ Do jawut, Jesús xanal najum-aech:

–Judíos, me-ama ovejas napelti, ja-aechi, tataeflaspon wejisal xot. Samata, Dios xan nato'a judíoska tataeflaliajwan –na-aech Jesús xanalliajwa.

²⁵ Do jawut, japow brixtat nuk wut Jesús pejwujnalel, jum-aechow:

–Tajpaklon, ixan nakajachawae'e! –aechow.

²⁶ Jesús jumnot wut, jum-aechon japowliajwa:

–Xan matxoela kajachawaesaxaelen wut xam, judío-atowa-emilpowam, jan wut, xan, me-ama kenosaxaelen yamxi xael wuti pan, japapan wur dajsliajwan –aech Jesús japowliajwa.

²⁷ Do jawut, japow jum-aech Jesúsliajwa:

–Tajpaklon, diachwujnakolax xam jum-am. Pe hasta wurbej xael panfudu', natacholani, wurpijiw pejmesabuxfalxot –aechow. (Japox jum-aechow, matabijt xot Jesús xajupox kajachawaesliajwa judíos-elibej.)

²⁸ Do jawut, Jesús jum-aech:

–Pawis, xam xabich xan naxanaboejtam. Samata, kajachawaesaxaelen najum-ampox –aech Jesús japowliajwa.

Do jawut, japow paxulow pejmatpuxatxot dep wejissalisow.

Jesús boejthutpox xabich bu'xaeya

²⁹ Do jaxot Jesús chijia wut, laejalison Galilea pukababu'akal. Jawux julon mux. Jaxot eklison.

³⁰ Xabich jiw natamejal Jesúsxot. Japi jiw xabich bu'pat nabejka, itliaklabej, pejmuxan, pejbechanbej, wenabejkaspibej, buxwujnajilabej, xabich asew bu'xaenkpipej. Bu'xaeya buflaensi owas Jesús pejwujnalel. Jawut Jesús puexa bu'xaeya chiekal boejthut.

³¹ Samata, buxwujnajila chiekal naksiya. Pejmuxan, pejbechanbej, wenabejkaspi, japibej chiekal wepachaems. Nabejkabej chiekal laelp. Itliaklabej

chiekal taen. Ja-aech wut, puexa jiw jum-aech: “¡Dios, Israel tujnupijwas wajDios, xabich pachaem!” —aechi Diosliajwa.

Jesús naxaeyaxan chaxduwpox cuatro mil poejwliajwa
(Mr 8.1-10)

³² Do jawux, Jesús xanal pejnachalwan nala kaes mox soepaliajwan. Japonxot xanal chiekal moxan wut, najum-aechon:

—Ampi jiw beltaenx, wejisal xot xaeliajwa. Japi xan nachala tres matkoije. Toellisi naxaeyaxan xafoli. Xan ampi jiw to'axinil naxae-elaxtat. To'ax wuti naxae-elaxtat pejbachan poxade, japi jiw xabich pejlit nuamtat boejjilaxaeli —aech Jesús xanalliajwa.

³³ Xanal jumnotx wut, jum-an:

—¿Amxotkat wuajsaxaes naxaeyaxan puexa ampi jiwliajwa? Amxot mox ajil tujnuchan naxaeyax wuajsliajwas —an xanal.

³⁴ Jesús nawujnachaemt wut, jum-aechon:

—¿Xamalxot massapichkat pan? —aechon.

Xanal jumnotx wut, jum-an:

—Siete panes asbuan jumch. Kaesapich baxixbej —an xanal.

³⁵ Do jawut, to'apon jiw chalakaliajwa satat.

³⁶ Jawut chafitlison siete panes, baxixbej. Do jawutbej, gracias-aechon Diosliajwa panliajwa, baxixliawabej. Jawut jalkafalon panes, baxixbej. Jawut xanal nachaxduifalon sasfulaliajwan. Do jawut, xanal satx puexa jiwliajwa.

³⁷ Puexa jiw chiekal xael. Chiekal nafniabejpi. Do baxael, xanal pejnachalwan chanotx malsi. Wux siete matpiran.

³⁸ Naxaelpi cuatro mil poejw. Watho', yamxibej, xajui-esal.

³⁹ Do jawut, Jesús jiw to'a naweliajwa pejbachan poxade. Do jawut, Jesús falkam jul, xanal sapich. Jawut chijian Magadán tujnuch poxade.

16

Fariseos, saduceosbej, japi to'apox Jesús isliajwa koechax
(Mr 8.11-13; Lc 12.54-56)

¹ Fariseos, saduceosbej, fulaen Jesús taeliajwa, Jesús xapaejsliajwapi. Samata, pat wuti jaxot, japi keto'a Jesús isliajwa koechax, asbuan jumch taeliajwa diachwujnakolax Jesús Dios paxulan wut.

² Jesús jum-aech: “Juimt tuila wut, thatbaxo pasoeyax taenam wut, xamal jum-am: ‘Kandiawa itwujnaxael’ —am xamal.

³ Kandiawasap, thatbaxo pasoeyax taenam wut, itloejen da'ax taenam wutbej, xamal jum-ambej: ‘Ampamatkoi iamaxael’ —am xamal, matabijam xot. Pelax matabija-emil ampamatkoiyan Dios ispoxan. Samata, asbuan jumch naketo'am koechax xan isliajwan xamal taeliajwam.

⁴ Xamal babejchowam naketo'am xan koechax isliajwan. Pe xamal taeyaximil asakoechaxan. Xamal kaeyax asbuan jumch taeyaxaelam. Me-ama chajiakolaxtat Dios is profeta Jonásliajwa, jiw pajut chiekal matabijaliajwa Dios xajuprox mat-eliajwa jiw tupi, japi pejme duilaliajwa, jasoxbej Dios isaxael xanliajwa” —aech Jesús fariseosliajwa, saduceosliajwabej.

Do jawut, Jesús chijia japixot. Japi tamach waelapon.

Jesús naewujjanpox pejnachala, japi chiekal pajut natataeflaliajwa fariseos naewujjanpoxan, saduceosbej
(Mr 8.14-21)

⁵ Do jawux, xanal Jesús pejnachalwan, Jesús sapich, chaliknax wut puka we-enlelde, xanal nejkiowx pan xalaeliajwan.

⁶ Do jawut, Jesús xanal najum-aech:

—¡Chiekal taem fariseos pejevaduraliajwa, saduceos pejevaduraliajwabej! —aech Jesús.

⁷ Jawut xanal nakaewa najum-an:

—Jesús japox bej nakjum-aechbej, xatis nejkiows xot pan xaeliajwas —an xanal.

⁸ Jesús matabijt xanal nakaewa jum-anpox. Samata, jum-aechon:

—Xan matabijt xamal nakaewa najum-ampox, pan nejkiowampoxliajwa. ¿Ma-aech xotkat nejchaxoelam panliajwa? Xamal chiekal xan naxanaboeja-emilfuk.

⁹ Xabich we'pfuk chiekal matabijaliajwam. Nejchafaeka-emil xan jalkafulax wut cinco pan, me-ama kaes cinco mil jiw xaeliajwa. Jawut xamal wulum doce matpiran malsi.

¹⁰ Nejchafaeka-emilbej xan jalkafulaxpox siete panes, me-ama kaes cuatro mil jiwliajwa. Jawut xamal wulum siete matpiran malsi.

¹¹ ¿Ma-aech xotkat nakiowa xamal jummatabija-emil, xan jumchi-enil panliajwa? ¡Chiekal taem fariseos pejevaduraliajwa, saduceos pejevaduraliajwabej! —aech Jesús.

¹² Do jawut, xanal tajut chiekal matabijax Jesús naksiya-el levaduraliajwa, panliajwabej. Jesús japox jum-aech wut, jum-aechon xanal tajut chiekal natataeflaliajwan fariseos pejnaewhajnan, saduceosbej, japoxan chiekal pachaema-el xot.

Pedro jum-aechpox Jesúsliajwa: “Xam Cristowam, Dios athuxotse dukponan paxulnam”

(Mr 8.27-30; Lc 9.18-21)

¹³ Jesús pat wut Cesarea de Filipino thajnxot, japon xanal nawhajnachamt wut, jum-aechon xanalliajwa:

—¿Achanan na-aechkat jiw xanliajwa, puexa jiw pakoewkolnanliajwa? —aech Jesús.

¹⁴ Xanal jumnotx wut, jum-an:

—Asew jiw jum-aech xamliajwa: ‘Japonlap, Juan, jiw bautisan. Mat-echpon pejme duk’ —aech asew jiw xamliajwa. Asew jiw jum-aechbej xamliajwa: ‘Japonlap Elías, Dios pejprofeta. Mat-echpon pejme duk’ —aech asew jiw xamliajwa. Asew jiw jum-aechbej xamliajwa: ‘Japonlap Jeremías, o, asan Dios pejprofetasxot. Mat-echpon pejme duk’ —aech asew jiw xamliajwa —an xanal Jesúsliajwa.

¹⁵ Jesús pejme xanal nawhajnachamt wut, jum-aechon:

—Xamallax, ¿achan na-amkat xanliajwa? —aech Jesús.

¹⁶ Do jawut, Pedro jumnot wut, jum-aechon:

—Xam Cristowam, Dios athuxotse dukpon paxulnam —aechon.

¹⁷ Do jawut, Jesús jum-aech Pedroliajwa:

—Simón, Jonás paxulan, Dios is pachaempox xamliajwa. Japox xam najut nijaxtat matabijs-emil. Japox matabijtamt taj-ax Dios, athupijin, pijaxtat.

¹⁸ Xan ampox jum-an. Pedro, xam, me-ama ia't mamnikpot, ja-am xanliajwa. Jum-ampox xanliajwa, japox diachwahajnakolax. Samata, puexa xan nanaexaxisaxaelpi, me-ama xam, japibej tajjiwaxael. Samatabej, patupax malechaxisal tajjiw.

¹⁹ Xam tapaeyaxaelen jiw tato'laliajwam Dios pijaxtat. Paklonaxaelambej japi jiwliajwa. Xam tapaeyaxaelam wut jiw japoxan isliajwa, Diosbej athuxotse tapaeyaxael japi jiw isliajwa japoxan. Xam fiasaxaelampoxan jiw

is-elaliajwa, Diosbej athuxotse japoxan fiasaxael jiw is-elaliajwa —aech Jesús Pedroliajwa.

²⁰ Do jawut, Jesús xanal nabuxfiat chapaesamatanfuk asew jiw japon Cristopon.

*Jesús jum-aechpox, japon tuxaxaelpoxliajwa
(Mr 8.31-9.1; Lc 9.22-27)*

²¹ Do japamatkoitat wut, Jesús tuxadut xanal, japon pejnachalwan, chiekal nachanaekabuanaliajwa japon fulaeyaxaelpoxde, Jerusalén paklowax poxade. Jaxotde judíos-ancianos, sacerdotespaklochowbej, judíos chanaekabuanaribej, japi pijaxtat xabich nabijasaxaelon. Boesaxaesbejpon. Pe tres matkoi wut, Dios mat-esaxaeson pejme dukaliajwa.

²² Do jawut Pedro pejlel buflaechon Jesús, buxfiasliajwa Jesús jum-aechpox. Jawut, Pedro jum-aech nejthuxaxtat Jesúsliajwa:

—¡El! ¡Japox nej jachi-ele' xamliajwa! Xam jum-ampox Dios nejxasinka-el —aech Pedro.

²³ Jesús japox jumtaen wut, natachaemchapon Pedrolel. Do jawut, Jesús jum-aech Pedroliajwa:

—¡Chijiamde xanxot! Xam japox jum-am wut, jum-am Satanás pijaxtat. Xan nakajachawaes-emil, japox jum-am wut. Xam nejchaxoela-emil Dios pijaxan. Asbuan jumch nejchaxoelam ampthatpijaxankal —aech Jesús Pedroliajwa.

²⁴ Do jawut, Jesús najum-aech xanalliajwa:

—Xamal tajnachalwasiam wut, ¡nejkiowde najut isfulasiampoxan! ¡Isfulde pomatkoicha xan tato'laxpoxan! ¡Nejchaxoeldebej xamal nabijasaxaelampox, tuxaxaelampoxbej, tajnachalwam xot!

²⁵ Najut nejxasinkampoxankal isfulam wut, asamatkoi tuxam wut, duilax-imil Diosxotse. Pelax isfula-emil wut najut nejxasinkampoxan, isfulaliajwa xan tato'laxpoxan, ja-am wut, diachwujnakolax asamatkoi tuxam wut, pomatkoicha duilaxaelam Diosxotse.

²⁶ Xabich wut nejew ampthatat, japoxan omjil duilaliajwam Diosxotse. Dios kastikaxaelbej xamal, xabich xot nejbabijaxan. Xajuxaximil nejew platatat mosliajwam pasliajwam Diosxotse.

²⁷ Xan, puexa jiw pakoewkolnan, Dios pijaxtat pejme pasaxoekan ampthatasik, Dios pej-ángeles suapich. Do jawut, xamal mosaxaelen xanliajwa nabistampoxan.

²⁸ Diachwujnakolax xamal jum-an. Asew jiw xamalxot, laelpifuk, japi xan nataeyaxael, puexa jiw pakoewkolnan, kaxaxoekan wut Dios pijaxtat puexa tajjiw tato'laliajwan —aech Jesús xanal pejnachalwanliajwa.

17

*Jesús xabich chaponanakthianpox Dios pijaxtat
(Mr 9.2-13; Lc 9.28-36)*

¹ Do baxael, seis matkoiwux, Jesús fulaech wut, buflaechon Pedro, Santiagobej, Santiago pakoewanbej, japon pawulpon Juan. Japikal Jesús bufol pinamux, xabich athuxoxase.

² Jaxotse Jesús xabich chaponanakthianpon Dios pijaxtat pejnachala pejwujnalel. Japon pejxubej xabich xunakthian. Me-ama juimt itliak wut, jaxu-aechon. Jawut japon pejnaxoelax, xabich papoeikolax. Xabich itliakbejpon.

³ Do jawut, chalechkal natulaelt kolenje. Japi wajwujnapijiw. Kaen Moisés. Asan Elías. Japi nospaei, Jesús suapich.

⁴ Do jawut, Pedro jum-aech Jesúsliajwa:

—Tajpaklon, pachaem xanal amxot, xamalxotan wut. Nejxasinkam wut, tres bua-at isaxaelen xamalliajwa. Kaeyax xamlliajwa. Asax Moisésliajwa. Asax Elíasliajwabej —aech Pedro.

⁵ Pedro japox naksiya wutfuk, itloejen fuloek japi matwajasik. Japox itloejen xabich itliak. Japox itloejentutat Dios naksiya wut, jum-aechon: “Ampon taxulan, xabich nejxasinkaxpon. Japonliajwa xan xabich nejchachaemlax. ¡Naewesfuldepon!” —aech Dios.

⁶ Japox jumtaen wuti, Jesús pejwajnalel nukapa-oeljabapi satat, xabich beljow xoti.

⁷ Do jawut, Jesús mox soepan japixot. Jacha wut, jum-aechon:

—¡Nanim! ¡Nabej belwe'! —aech Jesús pejnachalaliajwa.

⁸ Do jawut, japi natachaema wut, tae-ellisi asew kolenje, jaxot ajil xotlisi. Jesúska tamach taeni.

⁹ Mhaxxotsik baloek wutfuki, Jesús nejth'axtat buxfiat wut, jum-aechon pejnachalaliajwa:

—¡Asew jiw nabej chapae' xamal taenampon! Hasta xan, puexa jiw pakoewkolnan, Dios namat-et wut pejme dukaliajwan, jawut asew jiw chapae' xamal taenampon! —aech Jesús pejnachalaliajwa.

¹⁰ Do jawut, Jesús wajnachamtas wut pejnachala, japi jum-aech Jesúsliajwa:

—¿Ma-aech xotkat judíos chanaekabanapi jum-aech: ‘Cristo pasaxilfuk. Elías matxoela pasaxael. Do jawux, Cristo pasaxael’ —aechkat judíos chanaekabanapi? —aech Jesús pejnachala.

¹¹ Do jawut, Jesús jumnot wut, jum-aechon pejnachalaliajwa:

—Diachwajnakolax Elías matxoela pasaxael. Japon jumchiyaxaelbej jiw pajut chiekal chaemsliajwa Cristo wajna.

¹² Pe xan jum-an. Elías patlison. Pe ampathatpijiw japon matabijs-elipon. Naexaxis-esalbejpon. Japi jiw pajut isasiapox islisi japonliajwa. Me-ama japox, jasoxbej asew jiw isaxael xanliajwa. Xan, puexa jiw pakoewkolnan, xabich nabijasaxaelen japi pijaxtat —aech Jesús pejnachalaliajwa.

¹³ Do jawut, Jesús pejnachala chiekal matabija, Jesús japox jum-aech wut, jum-aechon Juan, jiw bautisanliajwa.

*Jesús nakolsax to'apox dep yamxulan pejmatpaxot
(Mr 9.14-29; Lc 9.37-43)*

¹⁴ Jesús jiwxot pat wut, tres pejnachalan sapich, aton mox soepan Jesúsxot. Do jawut, brixtat nuk wut Jesús pejwajnalel, japon jum-aech Jesúsliajwa:

¹⁵ —Tajpaklon, ¡taxulan nawekajachawae'e! Pomatkoicha xabich nabijaton. Taxulan pin-iaveces jitlel jwal, pukalelbej, dep ketis wuton.

¹⁶ Taxulan buflaenx nejnachalalel, japi boejthsliajwa taxulan. Pe japi xajpa-el taxulan boejthsliajwa —aech japon Jesúsliajwa.

¹⁷ Do jawut, Jesús najum-aech xanal pejnachalwanliajwa:

—Xamal tajnachalwam, Dios chiekal xanaboeja-emilfuk. Nejnejchaxoelaxan chiekala-elbej. Xabich pin-iamatkoijan xamalxotx. Xabich pin-iamatkoijan naewajnafulaxbej. Kajachawaetxbej Dios chiekal xanaboejalialwam. Pe xamal chiekal xanaboeja-emilfuk Dios. ¡Buflaeman yamxulan xanlel! —aech Jesús xanalliajwa.

¹⁸ Do jawut, xanal buflaenx wut yamxulan, Jesús to'a nejth'axtat dep nakolsliajwa yamxulan pejmatpaxot. Do jawut, kamta dep nakolt yamxulan pejmatpaxot. Jawutbej yamxulan chiekal pachaemlison.

¹⁹ Do jawux, xanal pejnachalwan mox soepax Jesús wujnachaemsliajwan, japon tamachan wut. Do jawut, xanal wujnachaemtax wut, jum-an:

—¿Ma-aech xotkat xanal xajupa-enil dep nakolsax to'aliajwan? —an xanal.

²⁰ Jesús xanal najumnot wut, jum-aechon:

—Xamal xabicha-el nejxanaboejaxan Diosliajwa. Diachwujnakolax xan jum-an. Cha-aex Dios xanaboejam wut, jum-am wutbej: 'Diachwujnakolax Dios xajup puexa isliajwa' —am wut, nejchaxoelam wut, xamalbej xajupaxaelam dep to'aliajwam. Me-ama mostazafut cha-aelfut, ja-aechbej nejxanaboejaxan. Xamal to'am wut ampamux asalelialajwa, mux diach nariasaxaeldo'. Puexa xabich xajupaxaelam isliajwam Dios pijaxtat, Dios chiekal xanaboejam wut —aech Jesús xanalliajwa.

[
²¹ Me-ama ampon dep, jason, asbuan jumch nakolsaxil masoxtat. Naxaelaxtat Dios piach kawujnam wut, ja-aech wut, me-ama ampon dep, jason, nakolsaxael.]

*Jesús pejme jum-aechpox pejpatupaxliajwa
(Mr 9.30-32; Lc 9.43-45)*

²² Jesús nanamt wut Galilea tujnuxot, xanal, japon pejnachalwan, naknanamtaxbej. Do jawut, Jesús xanal najum-aech:

—Xan, puexa jiw pakoewkolnan, xamalxot kaen nawiasaxael tadaelmajiwxot.

²³ Japi jiw xan naboesaxael. Do jawux, tux wut, tres matkoi wut, Dios namat-esaxael pomatkoicha pejme dukaliajwan —aech Jesús xanal pejnachalwanliajwa.

Jesús japox jum-aech wut, xanal, japon pejnachalwanpin, xabich nanejxaejow.

Jesús motpox impuesto, mat-omwujjowspox Dios pejtemplobaliajwa

²⁴ Dolisdo', Jesús, xanal pejnachalwan suapich, patx Capernaum paklowaxxot. Do jawut, a sew jiw fulaen Pedrolel. Japi impuesto mat-omwujjoew Dios pejtemplobaliajwa. Do jawut, japi jum-aech Pedroliajwa:

—¿Nejpaklonkat-is mosaxael impuesto, mat-omwujjowspox Dios pejtemplobaliajwa? —aechi Pedroliajwa.

²⁵ Pedro jumnot wut, jum-aechon japiajwa:

—Diachwujnakolax tajpaklon mosaxael impuesto —aech Pedro japiajwa.

Dolisdo', Pedro ba low wut, Jesús matxoelajum-aech Simón Pedroliajwa. Jum-aechon:

—Ampathatat paklochow kenot impuesto, mat-omwujjowspox gobiernoliajwa. ¿Achewkat mot impuesto? ¿Mosaxaelkat pejjiwkola? O, ¿mosaxaelkat asatujnuchanpijiw? Simón, ¿achaxkat xam nejchaxoelam japoxliajwa? —aech Jesús.

²⁶ Simón Pedro jumnot wut, jum-aechon:

—Asatujnuchanpijiw, japi mosaxael impuesto —aech Pedro.

Do jawut, Jesús pejme jum-aech:

—Ja-aech wut, paklochow pejjiwkola mosaxil impuesto.

²⁷ Pe jiw palalagamata xatishliajwa, xam xabua'dik puka poxadik! ¡Aesamuat xalaem baxin juiliajwam! ¡Baxin, matxoelawaesapon, japon baxin chiekal juim! Do japon baxin juwam wut, japabaxin pejkaechaxot faenaxaelam kaekafef. Japakafef xajupaxael mosliajwam nej-impuesto, taj-impuestobej. ¡Japakafef xalaemch mosliajwam japa-impuesto! —aech Jesús Pedroliajwa.

18

Achan kaes paklonaxaelpox Diosxotse

(Mr 9.33-37; Lc 9.46-48)

¹ Do jawux, xanal mox soepax Jesús wujnachaemsliajwan. Wujnachaemtax wut, jum-an:

—¿Achankat xanalxot kaes pejme paklonaxael, Diosxotan wut? —an xanal.

² Do jawut, Jesús yamxulan la nukaliajwa japonxot. Do jawut, notlison yamxulan xanal tajwujnalel.

³ Do jawut, Jesús jum-aech:

—Diachwujnakolax xan jum-an. ¡Japanejchaxoelax malis kofim! Nejchaxoelam wut, ¡nabej nejchaxoele': 'Xan kaes pejme pachaeman. Me-ama asew jiw, jachi-enil' —nabej aeche', nejchaxoelam wut! Yamxi jasox nejchaxoelael. Xamallap-is jasox nejchaxoelaximil. Japox nejchaxoelafulam wut, xamal pasaximil Diosxotse.

⁴ Kaematkoisful nejchaxoelam wut: 'Xan kaes pejme pachaema-enil, me-ama asew jiw' —am wut, nejchaxoelam wut, xamal nejchaxoelaxaelam, me-ama ampon yamxulan. Ja-am wut, asamatkoi paklochwaxaelam Diosxotse.

⁵ Yamxi chiekal bu'kulam wut xan tajaxtat, ja-am wut, jawut xanbej nabu'kulsaxaelam —aech Jesús xanal pejnachalwanliajwa.

Jesús naewujanjapox jiw babijaxan isasamata

(Mr 9.42-48; Lc 17.1-2)

⁶⁻⁷ Do pejme Jesús jum-aech xanalliajwa: “Pomatkoicha jiw babijaxan is, asew jiw to'as xoti. Pe jelxan nanaexasiti is wut babijaxan, asew jiw to'as xoti, to'api jiw babijaxan isliajwa, japi jiw xabich kastikaxaes Dios. Japiliajwa kaes pejme pachaemaxael ia' pinanul, jajaera, kaechariama ke'aliajwas, chakakofaliajwasdik mar poxadik, xabich so'nik poxadik, jaxotdik tupaliajwapi. Ja-aech wut, japi to'axil kaes asew jiw babijaxan isliajwa, jelxan nanaexasiti.

⁸ “Samata, nejke-echantat babijaxan isfulam wut, o, isfulam wutbej babijaxan nejtukantat, ¡najut naketariowcham! ¡Najut natuaktariowchambej, atuaj pelsliajwam japoxan! Ja-am wut, kofaxaelam babijaxan isfulampoxan. Ja-am wutbej, pachaemaxaelam pasliajwam Diosxotse. Kofa-emil wut babijaxan isfulampoxan, ja-am wut, napelsaxaemk inferno poxadik. Jaxotdik toepaxil jit pinjiyax. Xabich chaemilaxael xamalliajwa koleke-em wut, koletukam wutbej, kaes babijaxan isfulam wut japoxantat.

⁹ Nej-itfutatbej taenamxotat babijaxan isfulam wut, ¡kaenanula najut naitfukuim, xamalxot pelsliajwam atuaj! Ja-am wut, kofaxaelam babijaxan isfulampoxan. Ja-am wutbej, kaes pejme pachaemaxael xamalliajwa, kae-itfutam wut pasliajwam Diosxotse. Kofa-emil wut babijaxan isfulampoxan, jachi-emil wut, xamal napelsaxaemk inferno poxadik. Jaxotdik toepa-el jit pinjiyax. Xabich chaemilaxaelbej xamalliajwa, kole-itfutam wut, kaes babijaxan isfulam wut japoxantat” —aech Jesús xanal pejnachalwanliajwa.

Ovejas tataefulpon faenpox pijan oveja, wenafo'aspon

(Lc 15.3-7)

¹⁰ Jesús pejme jum-aech xanalliajwa: “¡Xamal chiekal taem! ¡Nabej nejchaxoele' yamxiliajwa: 'Ampi yamxi omjil' —nabej aeche', nejchaxoelam wut! Dios pej-ángeles, japi duilpi athuxotse taj-ax Dios pejwujnalel, tataefulpi yamxi. [

¹¹ Xan, puexa jiw pakoewkolnan, fuloekx ampathatxot jiw napelti bu'welijaowan.]

12 “Cien ovejaspon, kaen oveja wenafo'as wut, diachwujnakolax japon noventa y nueve ovejas kaweta waelaxael muxxot, wulwekaliajwapon oveja wenafo'aspon.

13 Japon faen wut oveja, wenafo'aspon, kaes pejme xabich nejchachaemlaxael japa-ovejaliajwa. Me-ama noventa y nueve ovejasliajwa nejchachaemil wut, jachiyaxilon, japi ovejas napels-el xot.

14 Nej-ax Diosbej, athuxotse dukpon, nejxasinka-elon aton nafa'aliajwa, naexasitpon Dios” —aech Jesús xanal pejnachalwanliajwa.

*Xatis beltaeyaxaespoX asew jiw, babijaxan is wut xatisliajwa
(Lc 17.3)*

15 Do pejme Jesús jum-aech xanalliajwa: “Dios naexasitpon babijax is wut xamalliajwa, jxabua'de japon poxade, japon suapich, tamach nospaeliajwam! Japon xamal naewet wut, ja-aech wut, pejme chiekal pachaemaxaelam japonliajwa.

16 Pe japon naewes-elasia wut, ja-aech wut, j japon buflaem asew jiw, Dios naexasiti poxade, kaen o, kolenje, Dios naexasiti, japibej chiekal jumtaeliajwa nospaeyam wut, japon suapich, xamalliajwa babijax ispon!

17 Pe japon jaxot naexasis-elasia wut Dios naexasiti pejwujnalel, ja-aech wut, buflaempon puexa Dios pejjamechan naexasiti natameja poxade, jaxot naewujnaliajwas babijax ispoX kofsliajwa. Jaxot naewujnas wut, naexasis-el wuton, ja-aech wut, nejchaxoelde japonliajwa: ‘Ampon Dios naexasislan. Samata, japon, me-ama impuesto mat-omwujjoen Roma gobiernoliajwa, ja-aechon’ —amde, nejchaxoelam wut japonliajwa.

18 “Diachwujnakolax xamal jum-an. Ampathatat jiw fiatam wut babijaxan isasamata, japoxanbej Diosxotse fiasaxael. Ampathatat tapaeyam wut jiw isliajwa pachaempoxan, japoxan Diosxotsebej tapaeyaxael jiw isliajwa.

19 “Xan jum-an ampoX xamalliajwa. Ampathatat xamal kolenam kaenejchaxoelaxam wut, kawujnaxtat Dios wuljoeliajwam pachaempox, japox taj-ax Dios, athuxotsepon, japox isaxael xamalliajwa.

20 Kolenje, o, tres, natameja wut xan tajaxtat nakawujnaliajwa, xan japixotaxaelen” —aech Jesús xanalliajwa.

21 Do jawut, Pedro moX soepan Jesús kawujnachaemsliajwa. Jawut Pedro kawujnachaemt wut, jum-aechon Jesúsliajwa:

—Tajpaklon, ¿masveceskat xan beltaeyaxaelen, nawe-isful wut babijaxan xanliajwa? ¿Xankat beltaeyaxaelen hasta siete veces? —aech Pedro.

22 Do jawut, Jesús jumnot wut, jum-aechon:

—Xan jumchi-enil: “¡Hasta siete veces xam japon beltaem!” —chi-enil. Asan xabich piach babijaxan isful wut xamliajwa, japon beltaeflaxaelam kaematkoisful —aech Jesús Pedroliajwa.

Pamakan beltae-elpoX asan nabichan

23 Jesús pejme xanal najum-aech wujantat: “Dios puexa pejjiw tato'alpoX, me-ama kaen rey chaemt pamakjiwliajwa, japi dewatpoxan.

24 Rey to'a pamakjiw kaenanula chaemsliajwa dewatpoxan. Japixot kaen xabich dewat pin-iat denarios. Japonbej pat reyxot.

25 Dewatpon xajupa-el mosliajwapon rey. Samata, rey to'a asew pamak, dewatpon, mowaliajwas asanxot, jaxot japon esclavoliajwa. Rey to'abej dewatpon pijow mowaliajwas, japon paxibej, japon pejewbej, dewatpoxan mosliajwapon rey.

26 Do jawut, dewatpon brixtat nuk rey pejwujnalel wuljoeliajwapon beltaeyax. Do jawut, jum-aechon reyliajwa: ‘¡Na'afuk! ¡Xanfuk nabeltaem! Mosaxaelen puexa dewatpoxan’ —aechon.

²⁷ Do jawut, rey beltaen dewataspon. Jawut rey jum-aech japonliajwa: 'Xam nadewatampoxan chiekal toep xanliajwa' —aech rey. Samata, rey tapaei dewatpon nawiasliajwa pejba poxade, beltaens xoton dewatpoxanliajwa.

²⁸ "Do jawut, rey beltaenspon jaxot nakolt wut, xabukulton asan rey pamakan, japon sapich, kaeyaxtat nabistponje. Wuchakalpijin dewat kaesapich plata, matxoelapatponliajwa reyxot. Rey beltaenspon xabich palala, taen wuton asan nabichan, kaeyaxtat nabistjepon. Jawut rey beltaenspon kaechariamajaelt wut, kaechariamale'apon matkaenjasliajwa asan nabichan, kaeyaxtat nabistjepon. Do jawut, jum-aechbejpon: 'iNadewatampoxan xam namo'e!' —aechon asanliajwa.

²⁹ Do jawut, kaesapich dewatpon brixtat nukjaba rey beltaenspon pejwujnalel. Xabich jum-aechon: 'iNa'afuk! iXan nabeltaem! Xam mosaxaelen puexa dewatpox' —aechon.

³⁰ "Pe nakiowa, rey beltaenspon beltae-el asan nabichan. Japon nejwesla wujnawesliajwa dewatpox. Samata, kaesapich dewatpon wiach soldawxot, japon jeliajwas jiw jebatat. Jaxot namanaxaelon puexa dewatpoxan mosliajwa.

³¹ Do jawut, asew rey pamakjiw, japox taen wut, xabich palalapi rey beltaensponliajwa. Samata, japi fulaech rey poxade japox chapaeliajwapi reyxot.

³² Do jawut, rey to'a pamakjiw wuljaesliajwas majt rey beltaenspon. Japon pa'an wut reyxot, rey jum-aech japonliajwa: 'iXam xabich babejnam! Xan beltaenx puexa nadewatampoxanliajwa, nawuljowam wut beltaeyax.

³³ Pe xambej beltaeyaxaelam asan tamakan. Me-ama xan beltaenx, jachiyaxaelam asan tamakanliajwa. Pe xam beltae-emil asan tamakan' —aech rey japonliajwa.

³⁴ "Do jawut, rey xabich palala japonliajwa. Samata, rey to'a japonbej kastikaliajwas, puexa mosliajwabejpon majt dewatpoxan" —aech Jesús, xanal nanaewujan wut.

³⁵ Jesús pejme xanal najum-aech:

—Taj-ax, athuxotsepon, jachiyaxaelbej xamalliajwa, beltae-emil wut asan, Dios pejjamechan naexasitpon, babijaxan is wut xamalliajwa —aech Jesús xanalliajwa.

19

Jesús naewujanpox poejiw pelsasamata pejwatho'
(Mr 10.1-12; Lc 16.18)

¹ Do jawut, Jesús buxtoet wut naewujnax beltaeyaxliajwa, chijjalison Galilea tujnuxot. Jawux patlison Judea tujnuxot, Jordánlajt weslelde, juimt julanlelsan.

² Xabich jiw Jesús fulafos. Jaxot Jesús boejthut jiw bu'xaeya.

³ Do jawut, kaesapich fariseos mox soepa Jesús xapaejsliajwapi. Do kawujnachaemt wut, jum-aechi:

—¿Poejiwkat tapaeis, nejmach masoxtat pelsliajwa pejwatho'? —aech fariseos.

⁴ Jesús jumnot wut, jum-aechon fariseosliajwa:

—¿Xamalkat xal joe-emil Moisés chajia lelpox? Japox jum-aech: 'Dios ampathat is wut, isbejpon jiw. Dios is aton, pawisbej' —aechox.

⁵ Dios jum-aechbej: 'Samata, aton fit wut pawis, japi nakolaxael paxxot, penxotbej, japon aton, pijow sapich, pejlel dukaliajwa' —aech Dios.

⁶ Do ja-aech wut, japi kolenje, me-ama kaen wut, jachiyaxaeli. Ja-aech wut, japilis, me-ama majt kolenje wut, jachi-ellisi. Amwutjel japi, me-ama kaen wut, ja-aechlisi. Samata, aton fo'axil pijow, Dios pijaxtat nakjiya xot —aech Jesús fariseosliajwa.

⁷ Japi fariseos kaes wuajna chaemt wut, jum-aechi Jesúsliajwa:

—Moisés chajia jum-aech: 'Poejiw pelsasia wut pejwatho', matxoela lelaxael pelfut japow chaxdusliajwapon. Japon lelpox jumchiyaxael, ma-aech xot fo'axaelon pijow. Ja-aech wut, pachaem japon aton fo'aliajwa pijow' —aech Moisés chajia lelpox. ¿Ma-aech xotkat Moisés japox tapaei? —aech fariseos.

⁸ Do jawut, Jesús jum-aech fariseosliajwa:

—Xamal matnaetinkam xot, Moisés tapaei japox. Samata, Moisés xamal tapaei pelsliajwam nejwatho'. Majt, akaseskolaxtat, Dios nejxasink, aton pijow fit wut fo'a-elaliajwa, japowxot pomatkoicha laejaliajwapon.

⁹ Pe xan jum-an. Aton pijow fo'a wut asbuan jumch masoxtat, asaow fit wuton, japox xabich chaemil Diosliajwa, bu'moejt xoton asaow pawis, pijowkolwa-elpow. Pe pawis pakmolow, asan aton bu'moejt wut, ja-aech wut, Dios tapaei aton fo'aliajwa pijow —aech Jesús fariseosliajwa.

¹⁰ Do jawut, xanal pejnachalwan jum-an Jesúsliajwa:

—Pachaema-el wut poejiw pejwatho' pelsliajwa, ja-aech wut, kaes pejme pachaemaxael poejiw watho' nos-elaliajwa, tamach laelpaliajwa —an xanal.

¹¹ Do jawut, Jesús xanal najumnot wut, jum-aechon:

—Puexa jiw najummatabijaxil xan jum-anpox. Dios tapaeispikal, japikal najummatabijaxael japox.

¹² Poejiwxot asew nakjiyaxil, uhhjilax chanlala xoti. Asew poejiw nakjiyaxil, uhhjuks xoti. Asew poejiwbej nejxasinkaxil nakjiyaliajwa, Dios puexa pejiw tato'almatkoi mox pawajna xot. Xamal xajupam wut matabijaliajwam xan jum-anpox, ichiekal matabijim! —aech Jesús xanal pejnachalwanliajwa.

Jesús kawuajanpox Dios yamxiliajwa

(Mr 10.13-16; Lc 18.15-17)

¹³ Asamatkoi jiw paxi buflaen Jesúslel, Jesús ke-osliajwa yamxi pejta'anxot Dios wekawuajnalijwapon japi yamxiliajwa. Xanal pejnachalwan japox taenx wut, japi jiw fiatx paxi buflaesamatapi Jesúslel.

¹⁴ Do jawut, Jesús najum-aech xanalliajwa:

—¡Tapaem yamxi xanlel buflaeliajwadin! ¡Nabej fias! Diosxotse, Dios jiw tato'alxotse, japi jiw, me-ama ampi yamxi, ja-aech, kamta naexasit xoti Dios —aech Jesús.

¹⁵ Do jawut, Jesús ke-ot japi yamxi pejta'anxot Dios kawuajnalijwapon. Dios kawuajnax buxtoet wut, jaxot chijjalison, xanal pejnachalwan suapich, asalel fulaeliajwa.

Kemaeyan nospaeipox, Jesús suapich

(Mr 10.17-31; Lc 18.18-30)

¹⁶ Kaen pansian fulaen taeliajwapon Jesús. Pat wuton Jesúsxot, wuajna chaemt wut, jum-aechon:

—Jiw chanaekabuanan, xam pachaemamponam, ¿achaxkat xan nawewe'p isliajwan pachaempox, pomatkoicha dukaliajwan Diosxotse? —aechon.

¹⁷ Jesús jumnot wut, jum-aech:

—¿Ma-aech xotkat xan najum-am: 'Xam pachaemamponam' —na-amkat? Kaen Dios, japon pachaempon. Pasasiam wut Diosxotse, ¡naexasisfulde Dios tato'alpoxan! —aech Jesús.

¹⁸ Pansian wuajna chaemt wut, jum-aechon:

—¿Masoxkat, Dios tato'alpoxan, xan naexasisfulaliajwan? —aechon.

Do jawut, Jesús jum-aech:

—'¡Asew jiw nabej be!' ¡Asaow pawis, nijwa-elpow, nabej bu'moejsbej! ¡Nabej natkowe'bej! ¡Nabej kichachajbe'bej asan aton xam tasalaliajwam, babijax is-el wuton!

¹⁹ ¡Sitaembej nej-ax, nej-enbej! ¡Nejxasinkdebej asew jiw! Me-ama xam najut nanejxasinkam wut, ¡ja-amde asew jiwliajwa!' —aech Jesús.

²⁰ Pansian jum-aech:

—Xam najum-ampoxan, xan chiekal naexasisfulax. ¿Pe achaxkat xan kaes nawewe'pfak? —aechon.

²¹ Jesús jumnot wut, jum-aechon:

—Chiekal pachaemasiam wut, ¡xabua'de nejba poxade nejew mowaliajwam! Mowam wut, ¡japaplata chaxduim kejila! Ja-am wut, xabichaxael nejew Diosxotse. Do jawux, ¡xam xabua'de xan naknanuamsliajwam, taj-nachalnamliajwabej! —aech Jesús pansianliajwa.

²² Pansian japox jumtaen wut, xabich nejxaejwas, xabich kemaenk xoton. Samata, jawut Jesúsxot asbuan jumch chijialison.

²³ Do jawut, Jesús xanal najum-aech:

—Diachwujnakolax xan jum-an. Xabich tampoel kemaeya pasliajwa Diosxotse.

²⁴ Xamal chiekal matabijam. Camello pinjin xot, xajupaxil xensliajwadepon kuthatukre'wuj poxade. Ja-aechbej kemaeyaliajwa. Xabich tampoel kemaeya pasliajwa Diosxotse —aech Jesús.

²⁵ Xanal Jesús pejnachalwan japox jumtaenx wut, nejchaxoelanuilx. Do jawut, xanal jum-an Jesúsliajwa:

—¿Achankatlax bu'weyaxaes pasliajwa Diosxotse? —an xanal.

²⁶ Do jawut, Jesús xanal chiekal natachaem wut, najum-aechon:

—Jiw pajut pasaxil Diosxotse. Pelax Dios xajup puexa isliajwa. Samata, xajupbejpon jiw bu'welija. Kajachawaesaxaelbejpon jiw pasliajwa japonxotse —aech Jesús xanalliajwa.

²⁷ Do jawut, Pedro jum-aech:

—Xanal puexa tejew waelax xam nakfulaeliajwan. ¿Achaxkat Dios xanal nachaxduiyaxael? —aech Pedro Jesúsliajwa.

²⁸ Do jawut, Jesús jum-aech:

—Diachwujnakolax xan jum-an. Xan, puexa jiw pakoewkolnan, tato'laxaelen wut ampathatat, pajelthat wut, jawut ekaxaelen tajta-ekaxtat, xabich pachaempoxtat. Ja-aech wut, chiekal pachaemaxael puexa jiw tato'laliajwan. Xamal tajnachalwam chalakaxaelambej asatua-ekaxantat tato'laliajwam docematanpijiw, Israel tuajnpijiw.

²⁹ Xan tajaxtat xamal waelam wut nejew, nejbachan, nakoewbej, nej-enbej, nej-axjiwbej, naxibej, nejsatanbej, ja-am wut, Dios kaes cien veces chaxduiyaxael xamal. Asamatkoi tupam wutbej, pasaxaelam Diosxotse pomatkoicha duilaliajwam jaxotse.

³⁰ Xabich jiw, paklochowpi, ampathatat. Pe japi Diosxotse wut paklochowaxil. Ampathatat xabich jiw, paklochowa-elpi, japilax Diosxotse wut, paklochowaxael —aech Jesús xanal pejnachalwanliajwa.

20

Nabichow pejwujajan

¹ Do pejme Jesús xanal najum-aech wujajantat: “Dios puexa pejjiw tato'laxael wut, me-ama uvalulpijin, nabichow mot wut, jachiyaxaelpox.

Lulpijin chijia foeljow nabichow wulwekaliajwa japon pejlulxot nabichliajwapi.

² Japon jumdut mosliajwa kaematkoibichax pa-ompoxtat. Jum-aechon: 'Xamal mosaxaelen kaedenario' —aechon. Jawut to'alison japi nabichliajwa pejlulxot.

³ Do jawux, juimt athuse wutlejen, lulpijin fulaech plaza poxade. Jaxotde taenlison poejiw, nuilalap wut is-elaxtat.

⁴ Japon jum-aech japiliajwa: '¡Xamalbej xabua'de tajlul poxade nabichliajwam! Xan mosaxaelen pachaempoxtat' —aechon. Do jawut, japi ow-aech. Fulaechlisi nabichliajwa.

⁵ Juimt matnoch ek wut, lulpijin pejme fulaech plaza poxade wulwekaliajwa nabichow. Japon pejme faek nabichow. Do jawutbej, to'apon japi nabichliajwa japon pejlultat. Do kaliax wut, lulpijin pejme fulaech wukwekaliajwa asew jiw. Faek wut, japibej to'apon nabichliajwa japon pejlultat.

⁶ Juimt dach ek wut, lulpijin pejme fulaech plaza poxade. Jaxotde asew jiw taenon, japi nuilalap wut is-elaxtat. Do jawut, japon japi wuajnachaemt wut, jum-aechon: '¿Ma-aech xotkat xamal pomatkoicha asbuan jumch amxot nuilapam is-elaxtat?' —aech lulpijin.

⁷ Japi jumnot wut, jum-aechi: 'Xanal amxot nuilapax, kaen aton natadus-el xot nabichliajwan' —aechi. Do jawut, lulpijin jum-aech japiliajwa: 'Ja-aech wut, ¡xabua'de xamalbej tajlul poxade nabichliajwam!' —aechon.

⁸ "Juimt tujop wut, lulpijin jum-aech pamakanliajwa, japon uwalul tataefalponliajwa: '¡Puexa nabichow laem! ¡Japi puexa kaenanula mosfulde kaedenariotat! ¡Tuadu'e mosax wuchakalkolaxtat patixot! ¡Jasoxtat mosax toesfulde, matxoelanabisti suapichbej!' —aech lulpijin.

⁹ Tadu-chpi nabichliajwa juimt dach ek wut, japi kaenanula moch kaedenario.

¹⁰ Jawut matxoelanabisti nejchaxoel: 'Xatis kaes bej nakmosaxaelbejpon' —aechi, nejchaxoel wut. Pe moch wut, japibej kaedenario moch.

¹¹ Matxoelanabisti kaedenario kenot wut, chiekal xanejchachaemla-eli. Do jawut, palalapi lulpijinliajwa.

¹² Samata, japi jum-aech lulpijinliajwa: 'Wuchakalkolaxtat pati asbuan jumch nabist kaehora. Pe xanal najupanamotam, japi suapich. Xanal xabich kaes nabistax masxaeyaxtat' —aechi.

¹³ Lulpijin jumnot wut, jum-aechon kaen nabichanliajwa: 'Nabichan, xan is-enil babijax xamalliajwa. Xan chajia jum-an: "Xam mosaxaelen kaedenario" —an xan xamalliajwa.

¹⁴ ¡Xanwia'e motxrox! ¡Chijiamde! Wuchakalkolaxtat pati motxbej kaedenario. Jaxotat xan motx, mosasian xot.

¹⁵ Xan tejew platatat isasianpoxan xa-isaxaelen. ¿Xamkat nusasiawlam, xan tasiawla-el xot tejew plata, xamal najupamotx xot, asew jiw suapich?' —aech lulpijin.

¹⁶ "Xabich jiw, paklochow, ampathatxot. Pe japi Diosxotse wut, paklochowaxil. Xabich jiwbej, paklochowa-eli ampathatxot, japilax Diosxotse paklochowaxael" —aech Jesús.

Ampoxtat Jesús jum-aech tres veces japon pejpatupaxliajwa (Mr 10.32-34; Lc 18.31-34)

¹⁷ Jesús fulaech Jerusalén paklowax poxade. Xabich jiw fulafoson. Do jawut, fulaech wutfuk, xanal dosan, japon pejnachalwan, nalapon asalelaxachliajwan. Do jawut, Jesús jum-aech xanalliajwa:

18 –Amwut fulaeyaxaes Jerusalén paklowax poxade. Jaxotde xan, puexa jiw pakoewkolnan, asan nawiasaxael sacerdotespaklochowxot, judíos chanaekabuanapixotbej. Japi natasalaxael asew jiw naboesaliajwa.

19 Do jawux, nawiasaxael judíos-elpixot nabu'wujapanpaeliajwa. Xabich namatwujajselsaxaeli. Do jawuxbej, nakematamatlaxaeli cruztat xan tupaliajwan. Pe tres matkoi wut, Dios namat-esaxael pejme dukaliajwan – aech Jesús xanalliajwa.

*Santiago pen, japowbej Juan pen, japow wujowpox chamoeyax Jesús we-
isliajwas*

(Mr 10.35-45; Lc 22.24-30)

20 Do jawux, Zebedeo pijow, paxi suapich, mox soepapi Jesúsxot. Japow brixtat nuk wut Jesús pejuajnalel, wujowpow chamoeyax Jesús we-
isliajwas.

21 Do jawut, Jesús jum-aech:

–¿Achaxasiamkat? –aechon.

Japow jumnot wut, jum-aechow:

–Asamatkoi, xam puexa jiw tato'lam wut, jkolenje taxulan tapaem xamxot naliachalakaliajwa! ¡Tapaem japi puexa jiw tato'laliajwa, xam suapich, japi kolenje asew jiw xabich sitaeliajwasbej! –aechow Jesúsliajwa.

22 Jesús jum-aech Santiagoliajwa, Juanliajwabej:

–Xamal matabija-emil nawujowampox. Xan xabich nabijasaxaelen jiw pijaxtat. ¿Xamalbejkat xajupaxaelam nabijasliajwam, me-ama xan nabijasaxaelen, jachiliajwam? –aech Jesús.

Japi jumnot wut, jum-aechi:

–Diachwujajnakolax xanalbej xajupaxaelen nabijasliajwan, me-ama xam nabijasaxaelam, jachiliajwanbej xanal –aechi Jesúsliajwa.

23 Jesús jum-aech:

–Diachwujajnakolax xamalbej nabijasaxaelam xan tajaxtat. Pe chalakaxaelampox, xan suapich, tajpoklalel, tajsoenalelbej, puexa jiw tato'laliajwam, japoxliajwa xan tajut jumchiliajwan, taj-ax Dios natapae-el. Taj-ax Dios chajia jiw makanot japoxliajwa –aech Jesús.

24 Xanal, asewan Jesús pejnachalwan, diezpin, japox wujjoeyax wultaenx wut, xabich talala japiajwa.

25 Do jawux, Jesús xanal nala mox soepaliajwan japonxot. Najum-aechon:

–Xamal matabijam asatujajnuhanpijiwpaklochow, japi Dios naexasis-eli, jiw tato'al wut, tato'la-el pachaempoxtat. Japi jiw tato'al pamamaxtat, asew jiw itpaeliajwa japi kaes paklochowpox.

26 Pelax xamal jasoxtat nakaewa natato'laximil. Xamalxot kaen paklonasia wut, japon matxoela kajachawaesnaxael xamal.

27 Xamalxot kaen paklonasia wut, japon majt malech nabichaxael puexa xamalliajwa.

28 Ja-aechlap-is xanliajwa, puexa jiw pakoewkolnan. Fulae-enilsik jiw xan nakajachawaesliajwa ampathatat. Xanlax fulokax xabich jiw kajachawaesfulaliajwan, wemosliajwanbej japi babijaxan ispoخانliajwa, tux wut cruztat –aech Jesús.

Jesús boejthutpox kolenje itliaklan

(Mr 10.46-52; Lc 18.35-43)

29 Jesús nakolt wut, xanal pejnachalwan suapich, Jericó paklowaxxot, xabich jiw Jesús fulafos.

30 Jaxot nuambabu'tat kolenje itliaklan chalak. Jumtaen wuti Jesús xensaxaelpox, nejlat wut, jum-aechi:

—Tajpaklon, David pamon, ¡xanal nabeltaem! —aechi.

³¹ Do jawut, jiw buxfiat japi kolenje itliaklan boejlach chalakaliajwa. Japi jiw jum-aech:

—¡Nabej talias Jesús! —aech nakfolpi.

Ja-aech wut, japi kolenje itliaklan kaes pejme nejlasful wut, jum-aechfuli:

—Tajpaklon, David pamon, ¡xanal nabeltaem! —aechfuli.

³² Do jawut, Jesús nukjaba wut, jum-aechon japiliajwa:

¡Xabua'din xanlel! —aechon.

Itliakla Jesúsxot wut, Jesús jum-aech, wuajnaem wut:

—¿Xamal achaxasiamkat xan isliajwan xamalliajwa? —aech Jesús.

³³ Itliakla jumnot wut, jum-aechi:

—Tajpaklon, ¡xanal na-itfuboejth'e chiekal taeliajwan! —aechi.

³⁴ Do jawut, Jesús beltaen itliakla. Jawut Jesús itfujacha japi itliakla. Jawut itliakla chiekal wepachaemslisi pej-itfu. Chiekal taenbejpi. Dolis japi nakfollisi Jesús.

21

Jesús patpox Jerusalén paklowaxxot (Mr 11.1-11; Lc 19.28-40; Jn 12.12-19)

¹ Xanal, Jesús suapich, moxan wut Jerusalén paklowaxxot, patx Betfagé paklowaxach xot. Jaxot xabich olivonaechan nuil muaxxot. Do jawut, Jesús pejnachalwanxot kolenje wuajna to'achon.

² Fulaeliajwa wut, jum-aechon:

—¡Xabua'de Betfagé paklowaxach poxade! Jaxotde faenaxaelam bur, ke'tason, paxulan suapich. Joltam wut, bur buflaeman xanlel, burxulanbej.

³ Jaxotpijiw xamal wuajnaem wut burliajwa, ¡japon aton jum-amo: “Wajpaklon amwut nejsesich bur. Toet wut ispox, pejme wiasaxaelon bur” —amo japi! —aech Jesús, buxto'a wut kolenje pejnachalanliajwa.

⁴ Dolisdo', japox ja-aech, me-ama Dios pejprofeta chajia lelox jachiliajwa burliajwa. Profeta lelox jum-aech:

⁵ “Jumchixaelam jumtaeliajwa Jerusalén paklowaxpijiw: ‘¡Taem nejrey, xabich pachaempon, chaflaen wut xamallel bur jelti'santat!’ —chixaelam” —aech profeta lelox.

⁶ Do jawut, Jesús pejnachalan, kolenje, fulaechlisi. Islisi Jesús to'aspox.

⁷ Do jawut, buflaenlisi bur, burxulan suapich, Jesúsleldin. Pejsumta-owa jolpi tam-owaliajwapi burxulan. Do jawut, Jesús tua-ek burxulan.

⁸ Xabich jiw Jesúsxot. Asew japixot pejsunta-owa jol nuamtat ba'aliajwa Jesús fulaeyaxaen poxadin itraeliajwa japi pejsitaeyax japonliajwa. Asew japixot wuajna owa naedalx, pa-uafpi.

⁹ Xabich jiw wuluk nuamtat. Asew jiw fol Jesús pejwuajnalel. Asew fol wuchakal. Puexa jiw nejlasful wut, jum-aechbalapi:

—¡Aleluya! ¡Pachaempon, wajwuajnapijin, rey David pamon! ¡Ampon fulaenpon Dios pijaxtat, xabich pachaempon! ¡Dios, athupijin, japon xabich pachaem! —aechbalapi, nejla'bala wut.

¹⁰ Do jawut, Jesús pat wut Jerusalén paklowaxxot, japapaklowaxpijiw xabich taesia ja-aechox. Samata, nakaewa nawuajnaem wut, najum-aechi:

—¿Achankat ampon aton? —na-aechi nakaewa.

¹¹ Asew Jesús fulafolpoxot jumnot wut, jum-aechi:

—Ampon Jesús, Dios pejprofeta, Nazaret paklowaxpijin, Galilea tuajnapijin —aechi.

*Jesús to'apox nakolaliajwa Dios pejtemplobatat mowapi, wuajtibej
(Mr 11.15-19; Lc 19.45-48; Jn 2.13-22)*

¹² Jesús Jerusalén paklowax pat wut, Dios pejtemploba low wut, jaxot taenpon mowapi, wuajtibej, plata xanafokibej. Do jawut, Jesús japi nakolax to'a tathoetade. Plata xanafoki, pejmesan fúliaxabapon. Mowaribej a-u, japi pejtua-ekaxan wulaejabapon.

¹³ Jesús jum-aech japi jiwliajwa:

—Dios pejjamechan, chajia lelsprox, jum-aech, Dios jum-aech wut pejtemplobaliajwa: 'Tajba kawuajnaba wulxael, jiw xan nakawuajnalialjwa' —aech Dios jum-aechprox. Pelax xamal Dios pejtemploba kethaka pejba padofam —aech Jesús.

¹⁴ Jesús Dios pejtemplobatat wut, itliakla, nabejkabej, japi mox soepa Jesúsxot. Jesús japi boejthut.

¹⁵ Sacerdotespaklochow, judíos chanaekabuapanaribej, taen wuti Jesús isproxan, jawut xabich palalapi Jesúsliajwa. Jumtaenbejpi, yamxi nejlasful wut jum-aechfulprox Jesúsliajwa: "iWajpaklokolan, David pamon, xabich pachaempom!" —aechful wut yamxi Jesúsliajwa. Paklochow japox jumtaen wut, xabich kaes pejme palalapi Jesúsliajwa.

¹⁶ Samata, japi jum-aech Jesúsliajwa:

—¿Xamkat jumtaenam yamxi jum-aechfulprox xamliajwa? —aechi Jesúsliajwa.

Jesús jumnot wut, jum-aechon:

—Diasdo'. Xan chiekal jumtaenx, japi yamxi jum-aechful wut xanliajwa. ¿Xamalkat-is xaljoe-emil Dios pejjamechan, chajia lelsprox, jum-aech wut: 'Yamxi, kaes pajampibej, jumchiyaxael pachaempoxan xamliajwa' —aech wut chajia lelsprox xanliajwa? —aech Jesús japi jiwliajwa.

¹⁷ Jawut Jesús waelapon japi jiw Dios pejtemplobatat. Nakoltlison Jerusalén paklowaxxot Betania paklowaxach poxaliajwade. Do jaxot chatuil wut, kawetapi.

*Jesús jum-aechprox, higona baechjil wut
(Mr 11.12-14, 20-26)*

¹⁸ Kandiawasap wut, xanal, Jesús suapich, pejme fúlaechx Jerusalén paklowax poxade. Do jawut, Jesús litaxaela, nuamtat fol wut.

¹⁹ Do jawut, taenpon higona nuambabu'tat nuknae. Jawut, Jesús mox itfúlaech wut, taenon higona baechjilprox. Xabich pa-uafkalnae jumch. Jawut Jesús jum-aech higonaeliajwa:

—iXam kaes naboesaximil! —aech Jesús higonaeliajwa.

Do jawut, kamta higona selil.

²⁰ Xanal pejnachalwan japox taenx wut, xabich nejchaxoelx. Xanal wuajnachaehtax wut, jum-an Jesúsliajwa:

—iTaem! ¿Ma-aech xotkat kamta higona selil? —an xanal.

²¹ Jesús xanal najumnot wut, jum-aechon:

—Diachwuajnakolax xan jum-an. Xamal chiekal Dios xanaboejam wut, chinax nejchaxoela-emil wut: 'Dios nakajachawaesaxil' —chi-emil wut, nejchaxoelam wut, xamalbej jum-am wut higonaeliajwa, higona selilaxael. Jachiyaxaelbej muaxliajwa. Samata, jumchiyaxaelam wut ampamuaxliajwa: 'Muax, iXam amxot naria'e! iXabuam'ik mar poxamik!' —chiyaxaelam wut, diachwuajnakolax muax nariasaxael.

²² Samata, xamal Dios kawuajnam wut, nejchaxoelam wut amprox: 'Diachwuajnakolax Dios nachaxduiyaxael puxa kawuajnaproxat

wuljowxpox' —am wut, nejchaxoelam wut, diachwujnakolax xamal Dios chaxduiyaxael puexa kawujnampoxan —aech Jesús xanalliajwa.

Jesús wujnachaemaspox, achan to'aspon choef mowapi nakolax to'aliajwapon Dios pejtemplobatat

(Mr 11.27-33; Lc 20.1-8)

²³ Do japoxwux, Jesús, xanal suapich, pejme patx wut, xanal lowx Dios pejtemploba. Jaxot Jesús jiw naewujajan. Naewujajan wut, sacerdotespaklochow, judíos-ancianosbej, mox soepapi wujnachaemsliajwa Jesús. Japi jum-aech:

—¿Achankat xam to'a choef mowapi nakolax to'aliajwam tathoetade Dios pejtemplobaxot? —aechi.

²⁴⁻²⁵ Jesús jumnot wut, jum-aechon:

—Xanbej kaeyax xamal wujnachaemsaxaelen. ¡Majt chiekal najumno'e! ¿Achankat Juan to'as jiw bautisafulaliajwa? ¿Japoxkat Juan pajut isful? O, ¿Dioskaton to'as? O, ¿japoxkaton isful, jiw to'as xot? Xamal chiekal xan najumnotam wut, ja-aech wut, xanbej chiekal jumnosaxaelen xamal nawujnachaemtampoxliajwa —aech Jesús.

Do jawut, japi nakaewa najum-aech: “Xatis jumnoch wut, ‘Juan Dios to'as xot, jiw bautisaful’ —tis wut, Jesús nakjumchiyaxael: ‘¿Ma-aech xotkat xamalbej naexaxisfula-emil Juan jum-aechfulpox?’ —nakchiyaxael Jesús xatisliajwa.

²⁶ Jumtis wutlax: ‘Juan jiw to'as jiw bautisafulaliajwa’ —tis wut, jiw xabich palalaxael xatisliajwa, puexa jiw jum-aechfulxot Juanliajwa: ‘Diachwujnakolax Juan, jiw bautisan, jum-aechful Dios pijaxtat’ —aechful xot xabich jiw” —aech paklochow nakaewaliajwa. Samata, japi paklochow xabich pejlewla japox jumchiliajwa.

²⁷ Do jawut, japi jum-aech Jesúsliajwa:

—Jalape. Xanal matabija-enil, achan Juan to'as jiw bautisafulaliajwa —aechi.

Do jawut, Jesús jum-aech japiliajwa:

—Xanbej jumchiyaxinil xamalliajwa, achan xan nato'a japox isliajwan —aech Jesús sacerdotespaklochowliajwa, judíos-ancianosliajwabej.

Aton kolenjepox paxulan

²⁸ Do jawux, Jesús wujnachaemt sacerdotespaklowchow, judíos-ancianosbej. Jum-aechon:

—¿Achaxkat xamal nejchaxoelam ampawujajanliajwa? Kaen aton kolenje paxulan. Japon jum-aech kaen paxulanliajwa: ‘Wua, ¡xabua'de amwut taj-ualul poxade nabichliajwam!’ —aech pax paxulanliajwa.

²⁹ Paxulan jumnot wut, jum-aechon paxliajwa: ‘Ax, xan fulaeyaxinil nabichliajwan’ —aechon paxliajwa. Pe baxael, japon ow-aech. Dolison fulaech pax pej-ualul poxade nabichliajwa.

³⁰ Do jawux, japon jum-aech asan paxulanliajwa: ‘Wua, ¡xambej xabua'de taj-ualul poxade nabichliajwam!’ —aech pax asan paxulanliajwa. Japon jumnot wut, jum-aechon paxliajwa: ‘Ow, ax. Xan fulaeyaxaelen nabichliajwan’ —aechon paxliajwa. Pe japon fulae-el. Kawetapon asbuan jumch batat.

³¹ ¿Achankat japixot kolenje is pax nejxasinkpox? —aech Jesús.

Naeweti jumnot wut, jum-aechi:

—Matxoela-ow-aechpon. Japon is pax nejxasinkpox —aechi.

Jawut Jesús jum-aech:

—Diachwujnakolax xan jum-an. Babejchow, impuesto mat-omwuljoew Roma gobiernoliajwa, watho', poejiw bu'moejtibej kanaliajwa plata, japi

japoxan kofa wut, pasaxaeli Diosxotse, xanaboejaful xoti Dios. Pelax xamal pasaximil Diosxotse, xanaboeja-emil xot Dios, kofa-emil xotbej babijaxan isfulampoxan.

³² Juan, jiw bautisan, naewhajan jiw chiekal duilafulaliajwa Diosliajwa. Pe xamal naexasis-emil japon jum-aechpoxan, japon naewhajanpoxanbej. Me-ama wuchakalpijin naexasis-el pax to'aspox isliajwapon, xamalbej jam. Asewlax, impuesto mat-omwuljoew, watho'bej, asew poejiw bu'moejtri, japi naexasit Juan naewhajanpox. Xamal taenam wut, japi naexasitpox Juan naewhajanpox, nejchaxoela-emil xamal kofaliajwam babijaxan isampoxan, Juan jum-aechpox naexasisliajwam —aech Jesús sacerdotespaklochowliajwa, judíos-ancianosliajwabej.

Pamak babejchowpox
(Mr 12.1-12; Lc 20.9-19)

³³ Jesús naewhajan wut, sacerdotespaklochow, judíos-ancianosbej, japiliajwa pejme jum-aechon whajantat: “iNaewe'e asawhajan! Kaen aton uva mutha. Do jawux, uwalul chaxajajialon ia'tat. Isbejpon uva-ufan jukax uwalulxot. Do jawux, isbejpon japalultat cha-aelbach, athupox, uwalul tataeflaliajwa, uva foi wut. Do jawut, uwalulpijin asew jiw pamakjiwliajwa wuljaeton pejlul piach wetataeflaliajwas, japon pejwulela. Japi bu'pat wut, jum-aechon japiliajwa: ‘Xan fulaeyaxaelen asatujnulel atuj. Xan ajinil wut, itajlul xamal chiekal nawetataefulde!’ —aech uwalulpijin. Do jawux, chijialison.

³⁴ Do baxael, uva foi wut, uwalulpijin asew pamak to'a wewuljaesliajwas uva, japon pejewpi.

³⁵ Pe fulalaenapi uva wuljaesliajwa, japi jaelas tataefulpi uwalul. Fulalaenpixot asew baes. Asew tur. Asew ia'tat dadaps wut, matkaejabas.

³⁶ Ja-aech wut, uwalulpijin kaes pejme to'aful pamak uwalul tataefulpi poxade. Pe japi fulalaena wut, japiwej jaketis.

³⁷ “Do baxael, uwalulpijin to'a paxulan. Japon uwalulpijin nejchaxoel: ‘Uwalul tataefulpi diachwhajnakolax bej nawesitaeyaxaelbejpi taxulan’ —aechon, nejchaxoel wut.

³⁸ Pe uwalul tataefulpi taen wuti uwalulpijin paxulan, nakaewa najum-aechi: ‘iTae'nik uwalulpijin paxulan! Asamatkoi pax naetur wut, uwalul japon pijax wulxael. Samata, ma amwut xatis ampon boesaxaes, uwalul wajkal chiekal namanaliajwa’ —na-aechi nakaewa.

³⁹ Japon pat wut uwalul tataefulpixot, jawut jaeltason. Do jawut, juchpon uwalulxot. Do jawutbej, boesaspon” —aech Jesús, japawhajantat naewhajan wut sacerdotespaklochowliajwa, judíos-ancianosliajwabej.

⁴⁰ Do pejme Jesús jum-aech japiliajwa:

—Uwalulpijin fulaen wut, achaxkaton isaxael uwalul tataefulpiliajwa? —aech Jesús japiliajwa.

⁴¹ Jumnot wut, jum-aechi:

—Uwalulpijin, japon beyaxael beltae-elaxtat uwalul tataefulpi, babejchow. Do jawux, to'axaelon asew jiw japa-uwalul wetataeflaliajwas. Japilax, uva foei wut, kaewaechful wut, wewoeyafulaxael uvapijin pejewpi —aech japi jiw, jumnot wuti Jesúsliajwa.

⁴² Do jawut, Jesús jum-aech:

—Xamal matabijam, Dios pejjamechan, chajia lelspon, jum-aech wut, jum-aechox xanliajwa:

‘Jiw ia'ba is wut, kaet ia'tliajwa nakaewa najum-aechi: “Ampot ia't chaemil” —na-aechi nakaewa. Do jawux, asan aton japot ia't fit wut, jum-aechon:

“Ampot ia't, puexa ia'xot, kaes pejme pachaem tɔakso'pigtaliajwa, ba chiekal mamnikaliajwa” —aech japon aton. Me-ama ampox, jasox Dios is Mesíasliajwa. Wajpaklon Dios jasox is xatis weliajwas Mesías pijaxtat. Samata, japox xabich pachaem xatisliajwa' —aech Dios pejjamechan, chajia lels wɔt xanliajwa.

⁴³ Samata, xamal jum-an. Xamal xan nanaexaxis-emil xot, Dios tapaeyaxil xamal tato'laliajwam asew jiw. Dioslax tapaeyaxael asew jiw tato'laliajwapi asew jiw, japi jiw isful Dios nejxasinkpoxan. [

⁴⁴ Jiw fiap wɔt ia't pinjixot, xabich naxthuya wɔt, xabich naxkolaxael-bejpi. Pelax kaet ia't, pinjit, athusik, jiw matwɔajasik jopik wɔt, ja-aech wɔt, japi jiw chiekal matkaeyaxaes. Jasoxtat xamal nabijasaxaelam, xan nanaexaxis-emil xot, xan nanejwesla xotbej. Dios xamal kastikaxael infernoxotdik pomatkoichaliajwa] —aech Jesús sacerdotespaklochowliajwa, judíos-ancianosliajwabej.

⁴⁵ Do jawɔt, sacerdotespaklochow, fariseosbej, jumtaen wɔti uvalulwɔajan, ia'wɔajanbej, japi pajut matabija, Jesús japoxan jum-aech wɔt, jum-aechon japiliajwa.

⁴⁶ Samata, jawɔt jaelsasiapi Jesús jiw jebatat jeliajwa. Pe paklochow xabich pejlewla judíosliajwa, judíos nejchaxoel xot: “Jesús Dios pejprofeta” —aech xoti, nejchaxoel wɔt. Samata, paklochow nejchaxoel: “Jesús jaeltas wɔt, jiw bej nakbeyaxaelbej” —aechi, nejchaxoel wɔt.

22

Rey pinjiyax fiesta is wɔt paxɔlan nakjiyaponliajwa, xabich jiw tadɔtprox (Lc 14.15-24)

¹ Jesús pejme jum-aech wɔajantat jiwliajwa:

² “Dios puexa pejjiw tato'alpox, me-ama rey fiesta is wɔt paxɔlan nakjiyaponliajwa, ja-aechox.

³ Rey to'a pamak chajia tadɔchpi bɔflaeliajwa fiesta poxadin. Chajia tadɔchpi kaenanɔla jum-aechi asbɔan jumch: ‘Xan fɔlaeyaxinil’ —aechi kaenanɔla.

⁴ Samata, rey pejme asew pamak to'a chajia tadɔchpi jumchiliajwa japi fɔlaeliajwa fiesta poxadin. Pamak to'aliajwa wɔt, jum-aechon pamakliajwa: ‘¡Chajia tadɔtxpi jum-amo: “Naxaeyaxan chiekal ketoetx fiestaliajwa. Keto'ax pak xɔa'asax, jelti'tpi, chiekal dalpi. Puexa chiekal ketoetx. Pe xaeyaxkal we'p. ¡Ma amwɔt nej xabɔata taxɔlan, nakjiyapon, pejfiesta nakxaeiajwapi!’ —amo chijia tadɔtxpi!’ —aech rey, pamak to'a wɔt.

⁵ Rey pamak pat wɔt chajia tadɔchpixot, japi jum-aech rey bɔxto'aspox. Pe chajia tadɔchpi owchi-el. Kaen chajia tadɔchpon, japon fɔlaech pejlulan poxade. Asanbej japixot fɔlaech pejew negocios poxade.

⁶ Chajia tadɔchpixot, asew jaelapi rey pamak. Do jawɔt, baesbejpi. Asew tɔp japixot, baes wɔti.

⁷ Do jawɔt, rey xabich palala. Samata, rey to'a pejsoldaw beliajwas pamak webaespi, pejbachan welausliajwasbejpi. Jasox is rey pejsoldaw.

⁸ Do jawɔx, rey jum-aech asew pamakliajwa: ‘Puexa chiekal ketoech taxɔlan nakjiyapon pejfiestaliajwa. Matxoelatadɔtxpi wepachaema-esal taxɔlan pejfiesta naktaeliajwa.

⁹ Samata, ¡xabɔa'de paklowaxthialaxan poxade! Jaxotde jiw taenam wɔt, ¡tadɔ'e taxɔlan pejfiesta naktaeliajwapi!’ —aech rey, pamak to'a wɔt.

¹⁰ Do jawut, rey pamak fulaechlisi paklowaxthialaxan poxade. Jaxotde xabich jiw faeki. Do jawut, buflaeni jiw pachaempi, babejchowbej. Do jawut, ba jiw xabich wulak.

¹¹ “Do jawut, rey low puexa jiw taeliajwa. Jawut rey taen kaen aton, japon naxoela-el tuch sumta-otox, nakjiyapon pejfiesta naktaeliajwa wut naxoelox.

¹² Rey jum-aech japon atonliajwa: ‘Taj-aton, zma-aech xotkat xam naklowam taxulan pejfiesta naktaeliajwam, naxoela-emil wut tuch sumta-otampox fiesta naktaeliajwam?’ –aech rey japon atonliajwa. Pe japon boejlach nuk.

¹³ Do jawut, rey jum-aech pamakliajwa: ‘iAmpon aton muxwasikuim! iTuakwasikuimbejpon! Do jawut, ifo'impon tathoetade, itkutax poxade! Jaxotde xabich jiw noeyaxael. Bua'tatisaxaelbejpi, xabich nabijat xot’ –aech rey japon atonliajwa.

¹⁴ Jasoxtat xabich jiw taduchpi. Pe kaesupich jiw makanoch duilaliajwa Diosxotse” –aech Jesús jiwliajwa.

*Impuesto mosaxliajwa, Jesús wujnachaemtaspox
(Mr 12.13-17; Lc 20.20-26)*

¹⁵ Do jawux, fariseos natameja wut, kaenejchaxoelax wujnachaemsliajwapi Jesús, Jesús asaxtat jumnot wut japi tasalaliajwa japoxtat.

¹⁶ Samata, fariseos buxto'a asew japixot, asew jiwbej, Herodes pejmupijiwpi, Jesús poxade. Pat wuti Jesúsxot, jum-aechi:

–Jiw chanaekabuanan, xanal matabijax, xam diachwujnakolax chiekal jum-am. Naewujnambej diachwujnakolaxpox jiw chiekal duilaliajwa Dios nejxasinkpoxtat. Xam nejlewla-el paklochow nejchaxoelpoxliajwa jiw naewujnampoxliajwa. Samata, puexa jiw chiekal najupanaewujnam.

¹⁷ Samata, xanal chiekal matabijasian. zPachaemkat xatis mosliajwas impuesto Roma tuajupijiw tato'lanliajwa? O, zmosaxisalkat? –aechi Jesúsliajwa.

¹⁸ Jesús pajut matabijt xapaejtaspox. Samata, jum-aechon:

–iXamal jiw naekichachajbapijwam! zMa-aech xotkat naxapaejtam?

¹⁹ iNa-itpaem kaekafef, japoxantat impuesto motampi! –aech Jesús.

Do jawut, xalaenlisi kaekafef Jesúslel.

²⁰ Jesús japi wujnachaemt wut japakafefliajwa, jum-aechon:

–zAchan pejxu-aelkat ampakafeftat? zAchan pejwulbejkat ama lelspox? –aech Jesús.

²¹ Japi jumnot wut, jum-aechi:

–Roma tuajupijiw tato'lan, japon pejxu-ael, pejwulbej –aechi.

Samata, Jesús jum-aech:

–iJapon pejewpi, japon chaxduim, impuesto motam wut! iPe Dios pejewpi, Dios chaxduim! –aech Jesús, fariseosliajwa, Herodes pejmupijiwpliajwabej.

²² Japox jumtaen wuti, xabich nejchaxoelanuili, Jesús chiekal jumnot xot. Samata, jawut jaxot waeltlisipon.

*Asamatkoi mat-eyaxaespox tupi, pejme duilaliajwa
(Mr 12.18-27; Lc 20.27-40)*

²³ Do jawuxbej, kaesupich saduceos pat Jesúsxot wujnachaemsliajwapi Jesús. Puexa saduceos nejchaxoel: “Jiw tup wut, kaelel chiekal napelt. Asamatkoi mat-eyaxisal pejme duilaliajwa” –aechi, nejchaxoel wut.

²⁴ Samata, jawut saduceos jum-aech ampawujan Jesúsliajwa:

—Jiw chanaekabuanan, Moisés chajia lelpox jum-aech: ‘Aton pijow naxuwla-elaxtat naetup wut, patupan pakoewan naman wut, japon japow fisaxael. Ja-aech wut, japon naxuwla-xael japowtat, pakoewan taponliajwa’ —aech Moisés chajia lelpox.

²⁵ Xanalxot majt kaen aton duk. Japon siete pakoew. Matxoelapijin pawis fit. Pe baxael, japon tup naxuwla-elaxtat pijowxot. Do jawut, wuchakalpijin japow fit, pakoewan naetupow.

²⁶ Pe baxael, japonbej, tup naxuwla-elaxtat japowxot. Do jawut, trespijin japow fit. Pe japonbej tup naxuwla-elaxtat japowxot. Jasox ja-aech japi sietepiliajwa.

²⁷ Chinax kaen japixot naxuwla-el japowtat. Do jawux, taxdukakolaxtat japowbej tup.

²⁸ Puexa japi poejiw nakjiya japowtat. Tupi mat-ias wut, ¿sietepixot, achankat japow pijwaxael? —aech saduceos Jesúsliajwa.

²⁹ Jesús jumnot wut, jum-aechon saduceosliajwa:

—Xamal japox jum-am wut, nejmach jum-amslapam, matabija-emil xot Dios pejjamechan, chajia lelspx. Matabija-emilbej Dios xajupprox puexa isliajwa.

³⁰ Tupi mat-ias wut pejme duilaliajwa, poejiw, watho' suapich, pejme nakjiyaxil. Me-ama Dios pej-ángeles Diosxotse nakjiya-el, jachiyaxael japi jiw.

³¹ Tupi mat-eyaxaes pejme duilaliajwa. ¿Xamalkat xaljoe-emil, Dios pajut jum-aech wut chajia lelsxot?

³² Dios amprox jum-aech Moisésliajwa: ‘Xan amwutjel Abraham, Isaac, Jacobbej, japi pejDiosnan’ —aech Dios. Samata, xatis chiekal matabijas, asamatkoi tups wut pejme duilaxaespx. Chiekal matabijasbej, wajwajnapijiw, chajia tupi, japi napels-el. Samata, Abraham, Isaac, Jacobbej, japi amwutjel Diosxotse duilaful —aech Jesús saduceosliajwa.

³³ Jiw japox jumtaen wut, xabich nejchaxoelanuili Jesús jum-aechpoxliajwa.

*Dios pejtato'laxanxot, masox kaes pejme pachaem
(Mr 12.28-34)*

³⁴ Do jawut, fariseos natameja, wultaen wuti saduceos boejlach nuilpox, Jesús chiekal jumnot xot.

³⁵ Do jawux, fariseos matabija isaxaelpox Jesúsliajwa. Samata, kaen japixot, judíos chanaekabuanan, to'api Jesús poxaliajwade. Do pat wuton Jesúsxot, jawut wajjnachaemton xapaejsliajwapon Jesús.

³⁶ Jum-aechon Jesúsliajwa:

—Jiw chanaekabuanan, Dios xabich tato'al jiw naexasisliajwa. ¿Achatato'laxxotkat kaes pejme pachaem Dios tato'alpox jiw naexasisliajwa? —aech judíos chanaekabuanan.

³⁷ Jesús jumnot wut, jum-aechon:

—Moisés chajia lelpox jum-aech: ‘¡Chiekal nejxasinkde Dios nejpaklokolan! ¡Nejxasinkdebej Dios puexa nejnejchaxoelaxtat, puexa nejmatpumatbej!’ —aechox.

³⁸ Japoxlap kaes pejme pachaem jiw naexasisfulaliajwa.

³⁹ Asawujajan, wuchakal pejuwujajan, Dios tato'alpox, japox pachaembej jiw naexasisfulaliajwa. Japawujajan jum-aech: ‘¡Chiekal nejxasinkde asew jiw! Me-ama xam najut nanejxasinkam wut, jachiyaxaelam asew jiwliajwa’ —aech Moisés chajia lelpox.

⁴⁰ Japox kolewujajan, Dios tato'alpoxan, xabich pachaem jiw chiekal naexasifalaliajwa. Puexa Moisés chajia lelpox pachaem, Dios pejprofetas lelpox-anbej. Japawujajan naknaewujajan, machiyaxaes Dios nejxasinkaliajwas, asew jiwbej —aech Jesús judíos chanaekabuananliajwa.

*Cristo, rey David pamonpox, pe Cristo paklonbej Davidliajwa
(Mr 12.35-37; Lc 20.41-44)*

⁴¹⁻⁴² Fariseos natameja wufuk, Jesús wujajna chaemt wut, jum-aechon japiliajwa:

—¿Xamal achaxkat nejchaxoelam Mesíasliajwa? ¿Achankat Mesías pam? —aechon.

Fariseos jumnot wut, jum-aechi Jesúsliajwa:

—Rey David, japon Mesías pam —aechi.

⁴³ Do jawut, Jesús jum-aech:

—Ja-aech wut, ¿ma-aech xotkat rey David Mesíasliajwa Espíritu Santo pijaxtat jum-aechkat: 'Tajpaklon' —aechkat rey David Mesíasliajwa? Rey David chajia jum-aech:

⁴⁴ 'Dios naksiya wut tajpaklokolanliajwa, jum-aechon: "¡Ekde tajpoklalel jiw tato'laliajwam, xan s̄apich! Ekam wufuk, xan malechaxaelen nadaelmajiw. Malechax wut nadaelmajiw, japi jiw xam naexasifalaxael, xam tato'lampox" —aech Dios tajpaklokolanliajwa' —aech rey David chajia lelox, jum-aech wut Mesíasliajwa.

⁴⁵ Rey David chajia jum-aechbej Mesíasliajwa: 'Tajpaklon' —aech rey David. Samata, Mesías rey David pamonkala-elon. Pebej Mesías paklon rey Davidliajwa —aech Jesús fariseosliajwa.

⁴⁶ Do jawuxbej, fariseos matabija-el, machiyaxaeli, jumnosliajwa wuti Jesús. Do jawuxbej, pejlowlalisi kaes wujajna chaemsliawapi Jesús.

23

Jesús jum-aechpox jiw matabijaliajwa fariseos, judíos chanaekabuanapibej, pejb̄u'wujajanpox

(Mr 12.38-40; Lc 11.37-54; 20.45-47)

¹ Do jawux, Jesús jum-aech jiwliajwa, xanal pejnachalwanliajwabej:

² "Judíos chanaekabuanapi, fariseosbej, japi jiw chanaekabuanana Moisés chajia lelpox. Japox japi pejbichax.

³ Samata, ¡xamal naexasifalde japi naewujajanpox, naewujajan wuti Dios pejjamechan, Moisés chajia lelpoxliajwabej! ¡Isfalde puexa japi tato'alpoxan! ¡Pe nabej is japi pajut ispoxan! Japi pajut is-el xamal naewujajanpoxan. Japi asaxan isfallax.

⁴ Japi xabich jiw tato'al jiw naexasisliajwa Dios tato'alpoxan. Japoxan xabich tampoel jiwliajwa. Japi paklochow pajut japoxan naexasis-el.

⁵ Puexa japi ispoxan is asew jiw asbuan jumch taeliajwas. Japi nejxasink pejmaktat duiliajwa cha-aelcajax, pakbu'cajax. Nejxasinkbejpi pejm̄axanxot kuiliajwa japoxan. Japacajaxtutat jiapi kaes̄apich Moisés chajia lelpox. Nejxasinkbejpi naxoeliajwa pakchowaxan. Pej̄akji'anxot wewe'pas pejnaxoe. Pejnaxoe makmatduilxot baels, m̄arixan, jasi, puexa jiw chiekal taeliajwas.

⁶ Nejxasinkbejpi chalakaliajwa kaes pejme pachaempoxantat, fiestanxot wut. Judíos naewujajna bachantat wutbejpi, japi majt chalak tua-ekaxantat, kaes paklochowpi chalakaxaelpoxantat. Japoxantat chalaki puexa jiw sitaeliajwas.

⁷ Neixasinkbejpi, jiw saludaliajwas xabich sitaeyaxtat, paklowaxthialax-anxot xabu'kulas wuti. Neixasinkbejpi, jiw saludas wut jumchiliajwas: '¡Moi, jiw chanaekabuanan!' —chiliajwaspi" —aech Jesús jiwliajwa, xanal pejnachalwanliajwabej.

⁸ Jesús kaes jum-aech jiwliajwa, xanal pejnachalwanliajwabej: "Pe xamal, xan nanaexasitam xot, me-ama nakoewkolnan wut, ja-an xamalliajwa. Xanlap nejchanaekabuananan kaekolnan. Samata, asew jiw xamalliajwa jumchiyaxil: '¡Moi, jiw chanaekabuanan!' —chiyaxil.

⁹ Xamal kaekolan nej-ax, athuxotsepon. Japon nej-ax Dios. Samata, ampathatat Dios pejjamechan xamal naewhajan wut, xamal jumchiyaximil nej-axkolna-elponliajwa: 'Ax' —chiyaximil.

¹⁰ Xan kaenan Cristowan, nejpaklokolan. Samata, asew jiw xamalliajwa jumchiyaxil: 'Tajpaklokolan' —chiyaxil xamalliajwa.

¹¹ Neixasinkam wut asew jiw xamal sitaeliajwa, japi majt kajachawae'e! Ja-aech wut, xamal sitaeyaxael jiw.

¹² Nejmachjiw nejchaxoel wut pajutliajwa: 'Xanal kaes pejme pachae-man. Me-ama asew jiw, jachi-enil' —aech wuti pajutliajwa, asamatkoi Dios jumchiyaxaesi: 'Xamal kaes pejme pachae-man-emil' —chiyaxaesi. Pe asew jiw lax nejchaxoel wut pajutliajwa: 'Xanal kaes pejme pachae-man-enil. Me-ama asew jiw, jachi-enil' —aech wuti pajutliajwa, asamatkoi Dios japi jiw jumchiyaxaesi: 'Xamal pachae-man. Me-ama asew jiw, jachi-enil' —chiyaxaesi" —aech Jesús jiwliajwa, xanal pejnachalwanliajwabej.

¹³ Jesús pejme jum-aech judíos chanaekabuanapiliajwa, fariseosliajwabej: "Xamal judíos chanaekabuanapijwam, xamalbej fariseos, jiw naekichachajbam. Samata, Dios xamal xabich kastikaxael. Xabich kaes pejme chaemilaxael xamalliajwa. Xamal naewhajnampoxantat, me-ama faka'am jiw paselaliajwa Diosxotse. Xamalbej najut pasaximil jaxotse. Tapae-emilbej asew jiw pasasiapi pasliajwa Diosxotse.

¹⁴ ["Xamal naekichachajbam watho', pamaljiw naetupspi, wenosliajwam puexa japi pejewpi. Do jawux, judíos naewhajnaba lowam Dios piach kawhajnaliajwam, asew jiw xamal taen wut jumchiliajwa xamalliajwa: 'Diachwajnaxolax ampi xabich pachae-man' —chiliajwa jiw xamalliajwa. Samata, kaes pejme chaemilaxael xamalliajwa, Dios jiw kastika wut" —aech Jesús japox judíos chanaekabuanapiliajwa, fariseosliajwabej.]

¹⁵ Jesús pejme jum-aech judíos chanaekabuanapiliajwa, fariseosliajwabej: "Xamal judíos chanaekabuanapijwam, xamalbej fariseos, jiw naekichachajbam. Xamalliajwa xabich kaes pejme chaemilaxael, Dios jiw kastika wut. Nanamtam potujnucha faekaliajwam judíos-eli japi nejnachalaliajwa. Asew faekam wut, naewhajnabam matabijampoxankal. Japanaewhajnaxtat japi jiw kaes pejme chaemil. Me-ama xamal, jachi-eli. Samata, japi asamatkoi tux wut, pelsaxaeks infierno poxadik" —aech Jesús japox judíos chanaekabuanapiliajwa, fariseosliajwabej.

¹⁶ Jesús pejme jum-aech judíos chanaekabuanapiliajwa, fariseosliajwabej: "Xamal judíos chanaekabuanapijwam, xamalbej fariseos, me-ama itliaklawam wut, ja-am. Dios pejjamechan naewhajnabam wut, xamal jum-am, chiekal matabijslaxtat: 'Aton jumdut wut Dios pejtemplobapijaxtat, japajumdusax pa-omsa-el. Pe aton jumdut wut lax orotat, Dios pejtemplobatpox, japajumdusax lax xabich pa-om' —am xamal chiekal matabijslaxtat.

¹⁷ Jasoxtat xamal jiw naewhajnabam wut, me-ama nejliaklawam, itliaklawambej, ja-am, matabija-emil xot diachwajnaxolaxpox. ¿Achaxkat kaes pejme jiw sitaeyaxael? ¿Oro, Dios pejtemplobatpox? O, ¿Dios pejtemploba?

Jiw kaes sitaeyaxael Dios pejtemploba. Jiw sitaen japa-oro, Dios pejtemplobapijax xot.

¹⁸ Xamal chiekal matabijslaxtat jum-ambej: 'Aton jumdut wut altartat, japajumdusax omjil. Pelax japon jumdut wut Dios pej-ofrendat, okpox altarmatwujtat, japajumdusaxlax xabich pa-om' —am xamal chiekal matabijslaxtat.

¹⁹ ¿Achaxkat jiw kaes pejme sitaeyaxael? ¿Dios pej-ofrenda, altarmatwujtat okpox? O, ¿Dios pej-altar, Dios pejtemplobatpox? Jiw kaes sitaeyaxael Dios pej-altar. Me-ama Dios pej-ofrenda altarmatwujtat okpox, sitaen wut, jachiyaxil.

²⁰ Aton jumdut wut altartat, japon jumdus-el altartatkal. Jumdutbejpon puexa japa-altarmatwujtat oelpitatbej.

²¹ Aton jumdut wut Dios pejtemplobat, jumdus-el Dios pejtemplobatkal. Jumdutbejpon Diostat, Dios duk xot japatemplobat.

²² Aton jumdut wut thatbaxotat, japon jumdutbej Dios pejtua-ekaxtat, Diostatbej, Dios pajut ek xot japatua-ekaxtat" —aech Jesús japox judíos chanaekabuanapiliajwa, fariseosliajwabej.

²³ Jesús pejme jum-aech judíos chanaekabuanapiliajwa, fariseosliajwabej: "Xamal judíos chanaekabuanapijwam, xamalbej fariseos, jiw naekichachajbam. Samata, Dios xamal xabich kastikaxael. Diajkam Diosliajwa puexa nejew. Nejew diez wut, kaeyax diajnam Diosliajwa. Xamal diajkambej xabich cha-aexpi, naxaeyaxan mattholspoxan. Pelax naexaxisfula-emil asaxan, kaes pejme pachaempoxan xamal isfulaliajwam. Japoxan naexaxisfulaxaelam wut, isfulaxaelam pachaempoxan asew jiwliajwa. Asew jiw beltaeyaxaelambej. Chiekal duilaxaelambej kichachajba-emilpoxtat. Japoxan isfulam wut, kofaximil diajkampox nejew Dios pej-ofrendaliajwa.

²⁴ Xamal paklochwam, me-ama itliaklawam wut, ja-am, nejchaxoelafulam xot kaes pachaema-elpoxan. Xamal nejchaxoelafula-emil kaes pejme pachaempoxanlax" —aech Jesús japox judíos chanaekabuanapiliajwa, fariseosliajwabej.

²⁵ Jesús pejme jum-aech judíos chanaekabuanapiliajwa, fariseosliajwabej: "Xamal judíos chanaekabuanapijwam, xamalbej fariseos, jiw naekichachajbam. Samata, Dios xabich xamal kastikaxael. Xamal xaeliajwam wut, majt xabich piach fuletlan tasfachan, platfachanbej, xabich kiatam. Pelax kias-emil patulelan. Xamal, me-ama japatasfachan, platfachanbej, ja-am, nejnejchaxoelaxan, me-ama xabich asda'nik xot. Xamal asbuan jumch babijaxan isfulam. Nejchaxoelafulambej kenosliajwam asew jiw pejew.

²⁶ Xamal fariseos, matabijslaxtat jum-am xot, nejnejchaxoelaxantat, me-ama itliaklawam wut, ja-am. ¡Majt nejchaxoelde pachaempoxan! Do ja-am wut, xamal isfulampoxan pachaemaxael Diosliajwa" —aech Jesús japox fariseosliajwa.

²⁷ Jesús pejme jum-aech judíos chanaekabuanapiliajwa, fariseosliajwabej: "Xamal judíos chanaekabuanapijwam, xamalbej fariseos, jiw naekichachajbam. Samata, Dios xamal xabich kastikaxael. Diachwujnakolax xamal jiwam pachaema-emil. Xamal, me-ama patupamuthan wut, ja-am. Patupamuthan thuch matjoelas wut papoei, me-ama pachaem wut, kabuan-aech. Pe funiachdik xabich chaemil. Japamuthanxotdik patupa xoep pathikal namaeliajwa.

²⁸ Xamal paklochwam, ja-ambej. Jiw xamal taen wut, me-ama pachaemam wut, pakabuan-am. Pe xabich nejchaxoelam jiw naekichachajbaliajwam.

Nejchaxoelambej asaxan, chaemilpoxan, isfulaliajwam jiwliajwa” —aech japox Jesús judíos chanaekabuanapiliajwa, fariseosliajwabej.

²⁹ Jesús pejme jum-aech judíos chanaekabuanapiliajwa, fariseosliajwabej: “Xamal judíos chanaekabuanapijwam, xamalbej fariseos, jiwlis naekichachajbam. Samata, Dios xamal xabich kastikaxael. Diachwajnakolax xamal jiwam pachaema-emilpim. Chajiakolaxtat Dios pejprofetas, baespi, japi pejmuthanmatwajtat, xamal cha-aelbax isam, asew jiw japoxan taen wut nejchafaekaliajwa. Chajiakolaxtat jiw tɔpi, japi pachaempi asew jiwliajwa, japi pejmuthanbej chamuthachaemtam asew jiw matabijaliajwa, taen wuti jaramuthan.

³⁰ Do jawux, japoxan, koloeyaxan, isax ketoetam wut, xamal jum-am: ‘Wajwajnapijiw suapich, chajiakolaxtat xanal duilaxaelen wut, xanal kachawaesaxinil, japi babejchow ba wuti Dios pejprofetas’ —am xamal.

³¹ Japoxan xamal jum-am wut, najut chiekal jum-am, Dios pejprofetas bapi, japi pamojiwampox.

³² Nejwajnapijiw babijax isax tudutpox, xamal chiekal toe'e!” —aech Jesús japox judíos chanaekabuanapiliajwa, fariseosliajwabej.

³³ Jesús pejme jum-aech judíos chanaekabuanapiliajwa, fariseosliajwabej: “¡Xamal xabich chachoelam! Me-ama jom, ja-am! Ja-am wut, ¿machiyaxaelamkat xamal weliajwam infernoxotdik kastika-elaliajwa xamal?

³⁴ Samata, xan to'axaelen Dios pejprofetas xamal poxade, matabijsbej, judíos chanaekabuanapibej, xamal naewajnalijwapi. Pe xamal asew japixot beyaxaelam. Asew japixot kematamatlaxaelambej cruztat. Asew japixot selsaxaelam nejnaewaj nabachanxot. Asewbej japixot dukp wut, nakiowa wulwekafulaxaelam paklowaxanxot, japi chakifolam wut.

³⁵ Jasoxtat xamal xabich nejbawajnaaxael puexa pachaempi beyaxaesproxantat. Samata, Dios xamal kastikaxael. Chajiakolaxtat nejwajnapijin, Caín, boesa Abel. Do jawux, asew nejwajnapijiw, japibej beful asew jiw, pachaempi. Do baxael, asew nejwajnapijiw, japibej boesa Zacarías, japon Berequías paxulan. Japon Zacarías boesas temploba tathoetat, altar moxxot.

³⁶ Diachwajnakolax xan jum-an. Xamal amwutjel laelpampim, nejwajnapijiw xabich jiw befulpoxtat Dios xabich kastikaxael xamal” —aech Jesús japox judíos chanaekabuanapiliajwa, fariseosliajwabej.

*Jesús xabich nejxaejwas pox Jerusalén paklowaxpijwliajwa
(Lc 13.34-35)*

³⁷ Jesús xabich nejxaejwas, nejchaxoel wut Jerusalén paklowaxpijwliajwa. Samata, jum-aechon: “Xamal, Jerusalén paklowaxpijwam, Dios pejprofetas beflam. Asew xamalxot ia'tat dadapam, Dios baxto'aspi xamalxot. Me-ama kawaema paxi pejba'buxfaltat tameja, xan jachisian xamal bu'welijwan. Pelax xamal xan nanejwesla.

³⁸ ¡Chiekal najumtaem! Nejpaklowaxxot Dios kaes jaxotaxil. Kaes kachawaesaxilbejpon xamal.

³⁹ Ma amwut, xamal kaes nataeyaximil. Xan pejme patx wut, jawut xamal jumchiyaxaelam xanliajwa: ‘¡Dios nej kachawaesas fulaenpon Dios pijaxtat!’ —chiyaxaelam, pejme nataeyaxaelam wut” —aech Jesús, nejxaejwas wut Jerusalén paklowaxpijwliajwa.

24

*Jesús jum-aechpox Dios pejtemploba toesaxaesproxliajwa
(Mr 13.1-2; Lc 21.5-6)*

¹ Jesús nakolt wut Dios pejtemplobaxot, atuxach fulaech wut, xanal, pejnachalwan, mox soepax japonxot. Do jawut, xanal Jesús jum-an:

—¡Taem Dios pejtemploba, asabachan, pinabachanbej, moxchalakbachan! —an xanal.

² Do jawut, Jesús jum-aech xanalliajwa:

—Diachwujnakolax xan jum-an. Xamal taenambachan, templobabej, puexa japabachan asamatkoi chiekal toesaxaes. Chinax kaet ia't namanaxil nakae-ia'tmatwujtat —aech Jesús.

*That toepax mox pawujna wut, majt matxoela jachiyaxaelpoxan
(Mr 13.3-23; Lc 17.22-24; 21.7-24)*

³ Do jawux, xanal fulaechx, Jesús suapich, Olivonaechanmux poxade. Pa'ax wut, Jesús ek muxxot. Xanal tajkalan wut, mox soepax Jesús wujnachaemsliajwan. Do jawut, wujnachaemtax wut, jum-an:

—Jiw chanaekabunan, ¡xanal nachanaekabunanim! ¿Maswutkat japox jachiyaxael xam jum-amprox Dios pejtemploba toesaxaesproxliajwa, asabachanbej? ¿Achaxkat xanal taeyaxaelen, mox pawujna wut, xam pejme pasliajwam wut? ¿Achaxbejkat xanal taeyaxaelen mox pawujna wut, that toepaliajwa wut? —an xanal Jesúsliajwa.

⁴ Jesús jumnot wut, jum-aechon:

—¡Chiekal taem asew jiw xamal naekichachajabasamata!

⁵ Xabich jiw fulaeyaxaen. Japi kaenanala pajut najumchiyaxael: 'Xan Cristowan' —nachiyaxaeli. Pe japi Cristowaxil. Jasoxtat xabich jiw naexasisaxaes, naekichachajba wut jiw.

⁶ Asamatkoi, xamal wultaenam wut soldaw xabich asatujnuchanxot nabapox, ¡xamal nabej nejlewlé! Japoxan majt jachiyaxael, mox pawujna wut that toepaliajwa.

⁷ That toepax wujna, xabichaxael nabewujan. Kaetujnupijiw nabeyaxael, nakaetujnupijiw suapich. Japoxan majt jachisfulaxael asatujnuchanlebej. Jachiyaxaelbej, kaetujnupijiw nabeyaxael wut, asatujnuchanprijiw suapich. Japoxan majt jachisfulaxael asatujnuchanle. Asamatkoi asatujnuchanle naxaeyaxan ajilaxael. Asatujnuchanlebej sat najaesaxael potujnucha.

⁸ Japoxan majt jachiyaxael, nabijasmatkoi tudut wut jiw nabijasliajwa. Me-ama pawis pejmatkoi wepach wut naxwulaliajwa, xabich wexaenkas, jachiyaxaelbej jiwliajwa, tudut wut nabijasax —aech Jesús xanal pejnachalwanliajwa.

Jesús jum-aech pejnachala nabijasaxaelpox

⁹ Jesús pejme jum-aech xanal pejnachalwanliajwa: “Do jawutbej, asew jiw xamal woeyaxael xabich nabijasliajwam kastikaxtat. Xamal beyaxaelbejpi tupaliajwam. Puexa jiw xamal nejweslaxael, tajnachalwam xot.

¹⁰ Japamatkoiyan xabich jiw kofaxael Dios xanaboejapoxan. Ja-aech wut, japi nakaewa nanejweslaxael. Do ja-aech wut, japi nakaewaliajwa padaelmajiw nadofaxael. Asew japixot nakaewa nabuflaeyaxael paklochow poxade, jaxotde beliajwas bu'fospi.

¹¹ Japamatkoiyan xabich jiw, me-ama Dios pejprofetas wut, jachiyaxaeli. Pe japi profetaxil. Japi jachiyaxael xabich jiw naekichachajbaliajwa. Xabich jiw naexasisaxaespi japi jum-aechpoxantat.

¹² Xabichfulaxael babijaxan isfulpi ampathatat. Samata, xabich jiw nakaewa nanejxasinkpoxan kofaxael.

¹³ Asew jiw lax kofa-eli Dios xanaboejapoxan, hasta japi tup wut, japikal Dios bu'weyaxaes.

14 Chimiawuajan, Dios puexa pejiw tato'alwuajan, potuajnucha xabich jiw naewuajnaexael puexa jiw matabijaliajwa. Do jawux, pasaxael that toepaxaelpox.

15-16 “iAmpox xaljowpon nej jummatabijs! Xamal xaljowam wut, ichiekal jummatabijim! Daniel, Dios pejprofeta, chajia lel wut, jum-aechon: ‘Satanás to'axaeson, xabich babejkolan, japon fulaeyaxaen’ –aechon. Samata, xamal japon, xabich babejkolan, taenam wut Dios pejtemplobaxot, japon tapaeyaxisalpon jaxotaliajwa, ja-aech wut, ipuexa Judea tuajnupijiw nej dukpa pinamuxan poxade!

17 Jawutbej, jiw pejbachanmatwuajantat nuili, baloek wut, inej le-ele'bej pejbachan poxade, pejew jukbaliajwa, xadukpaliajwa!

18 Jawutbej asew jiw, nabisti pejlulantat, ido jaxot kaweta kamta atuuaj nej dukpe! iKaxa nej nawe-elepi pejbachan poxadin pejew ponan waljaesliajwa!

19 Japamatkoivan watho', moejowpi, asew watho'bej, yamxi mitan miatifuk, xabich nabijasaxael.

20 Dios kawuajanafulaxaelam, japox pasasamata iama wut, napatamatkoi wutbej.

21 Xamal dukpam wut, japamatkoivantat xabich xamal nabijasaxaelam. Hasta amwutjel xabicha-ellejen nabijasax ampathatat. Dios that is wut, amwutjelbej, jachi-elfuk nabijasax, me-ama ampamatkoivan pasaxaelpox nabijasax. Jasoxtat jiw pejme xabich nabijasaxil.

22 Nabijasmatkoivan kaes xabichaxael wut, jiw xajuapaxil boejtaliasliajwa. Samata, Dios tapaeyaxil jiw xabich piach nabijasliajwa. Jachiyaxaes Dios makanochpi, Dios nejxasinkas xoti” –aech Jesús xanal pejnachalwanliajwa.

Xabich jiw naekichachajbasia Jesús pejuwajan naexasiti

23 Jesús pejme xanal najum-aech: “Japamatkoivan asew jiw xamalxot jum-aech wut: ‘iTae'nik! iMa amxot Cristo!’ –aech wuti, o, asew jiw jum-aech wutbej: ‘iTae'nik! iMa jaxotde Cristo!’ –aech wuti, ixamal nabej naexasis!

24 Naekichachajbapijiw matxoela fulaeyaxaen. Japi, me-ama Cristo, jachiyaxael. Pe japi Cristowaxil. Asew pasaxaenbej, me-ama Dios pejprofetas jachiyaxaeli. Pe japi Dios pejprofetaxil. Japi isfulaxael koechaxan, japox-antat xabich jiw naekichachajbaliajwa. Nejxasinkaxaelbejpi naekichachajbaliajwa jiw naexasiti Dios, japi kofaliajwa Dios xanaboiejapoxan.

25 iChiekal taem! Xamal japox jum-an japi pasax wuajna chiekal najut natataeflaliajwam, japi xamal naekichachajbasamata.

26 Asew jiw jum-aech wut xamalliajwa: ‘iMa amwutjel Cristo pajilaxxotde!’ –aech wut asew jiw, ixamal nabej naexasis! iNabej fulae'ebej japoxade! O, asew jiw jum-aech wutbej xamalliajwa: ‘iMa amxot, batutat, Cristo namoest!’ –aech wutbej asew jiw, ixamal nabej naexasis!

27 Xan, puexa jiw pakoewkolnan, pejme pasaxoekan wut, me-ama chamax nakliafcha wut, puexa jiw kaewutje kamta taena. Jachiyaxaelenbej, xan pejme pasaxoekan wut. Jasoxtat puexa jiw xan chalechkal kamta nataenaxael kaewutje.

28 Puexa jiw matabija ampox. Choefan tur wut, jaxot thutha pask. Me-ama japox, jachiyaxael asamatkoi, xan pasaxoekan wut. Potuajnucha jiw, xan nanaexasitpi, japi matabijaxael, xan paskax wut” –aech Jesús xanal pejnachalwanliajwa.

*Jesús, puexa jiw pakoewkolan, pejme kaxaxoekpox
(Mr 13.24-37; Lc 17.26-36; 21.25-33)*

²⁹ Jesús pejme jum-aech xanalliajwa: “Nabijasmatkoiyan toep wut, juimt matkoipijin itkua'nikaxael. Juimt madoipijinbej itliakaxil. Ithaejan natacholnaxaek. Do jawut, puexa thatbaxoxotsepi nachoelaxael.

³⁰ Do jawux, puexa jiw taen wut asax thatbaxoxot, jawut jiw matabijaxaeli, xan, puexa jiw takoewkolnan, fuloeyaxoekapox athusik. Samata, ampathatpijiw xabich belwaxael. Noeyaxaelbejpi. Do jawux, xan, puexa jiw pakoewkolnan, fuloekx wut itloejentat, jiw xan nataeyaxael. Jawut puexa jiw tato'laxaelen. Nakthianaxaelenbej Dios pijaxtat.

³¹ Do jawut, to'axaelen taj-ángeles trompeta nababeliajwa. Japatrompeta thatmatdukaxkal thiajoeyaxaelpox. Do jawut, to'axaelen taj-ángeles that xajupaliajwa. Do jawutbej, taj-ángeles xanlel jiw buflaeyaxaen, makanotxpikal, japi jiw tajjiwliajwa” —aech Jesús xanalliajwa.

Jesús chanaekabana pejnachala higonaeliajwa

³² Jesús pejme xanal najum-aech: “¡Chiekal nanaewe'e! Higonae pajel-uaf nakolax taenam wut, xamal matabijam waech mox pawhajnapoxlis.

³³ Jachiyaxaelbej, taenam wut xan jum-anpoxan. Matabijaxaelam mox tawhajnapox xan pejme pasliajwansik, puexa jiw tato'laliajwan, taj-ax Dios sapich.

³⁴ Diachwujnakolax xan jum-an. Puexa japoxan, xan jum-anpoxan, diachwujnakolax jachiyaxael. Japoxan asew jiw taeyaxael, jiw laelpifuk ampathatat.

³⁵ Thatbaxo, ampathatbej, toepaxael. Pelax tajjamechan toepaxil. Xan jum-anpoxan, diachwujnakolax japoxan jachiyaxael” —aech Jesús xanalliajwa.

Puexa jiw matabija-elpox, maswut Cristo pejme kaxaxoek

³⁶ Do pejme Jesús xanal najum-aech: “Puexa jiw matabija-el, maswut xan pejme kaxaxoekan. Dios pej-ángeles, Diosxotsepi, japibej matabija-el. Xanbej, Dios paxulnan, japox matabijs-enil. Kaen taj-ax Dios japox matabijt.

³⁷ “Chajiakolaxtat, Noé ampathatat laeje wut, jiw pomatkoicha nejmach duil. Me-ama japox jachiyaxael, xan puexa jiw pakoewkolnan, pejme pasliajwan wut.

³⁸⁻³⁹ Chajiakolaxtat, that bu'lax wujajna, jiw xael. Afbejpi. Asew nakjiyabej. Ja-aech wut, japamatkoiyan Noé pinjiyax barkam isax ketoet wut, lowpon japabarkam. Do jawut, chalechkal xabich iam thilnax tudut. That puexa chiekal bu'al wut, puexa jiw chiekal bu'al. Jachiyaxaelbej japamatkoi, xan, puexa jiw pakoewkolnan, pejme kaxaxoekan wut. Jiw duilafulaxael nejmach.

⁴⁰ Kolenje aton nabist wut lultat, kaen chalechkal buflaeyaxaes athu poxase. Asan kaweta namanaxael.

⁴¹ Koliowje kaeyaxtat trigo xatkiana wut, kaeow chalechkal buflaeyaxaes athu poxase. Asaow kaweta namanaxael.

⁴² “Samata, ipomatkoicha nawhajnawesfulde, xamal matabija-emil xot, maswut xan, nejpraklokolnan, pejme kaxaxoekan!

⁴³ ¡Pe xamal amprox matabijim! Bapijin matabijt wut, maswut kethakan pasaxael, jawut bapijin moejchaxilon. Naliasfulaxaelon chiekal wesfulaliajwa pejba kethakan lesamata. Ja-aech wut, kethakan natkowaxil japon pejbatat.

⁴⁴ Samata, ixamalbej chiekal nawhajnawesfulde! Xan, puexa jiw pakoewkolnan, chalechkal kaxaxoekan, asew jiw, ampathatpijiw, nawhajnawesfula-el wut” —aech Jesús xanalliajwa.

*Paklon kolenjepox pamakan, kaen pachaem, asan chiekal chaema-el
(Lc 12.41-48)*

⁴⁵ Jesús pejme jum-aech wuajantat xanal pejnachalwanliajwa: “Pamakan pomatkoicha chiekal nabist pejpaklonliajwa babijax nejchaxoela-elaxtat. Paklon ajil wut, japon chiekal tato'al asew nabichow. Naxaeyaxanbej chiekal chaxduwbejpon pomatkoicha, me-ama paklon to'anadoftas japox isfalaliajwa.

⁴⁶ Paklon pat wut, taen wutbejpon pamakan chiekal nabistpox, ja-aech wut, pamakan xabich nejchachaemlaxael.

⁴⁷ “Diachwuajnakolax xan jum-an. Paklon matabijt wut pamakan chiekal wenabistaspox japon pejwulela, ja-aech wut, pejpaklon to'axaeson puexa pejew tataeflaliajwa.

⁴⁸ Asan pamakan, chiekal pachaema-elpon pejpaklonliajwa, japon nejchaxoel: ‘Tajpaklon makach pasaxil’ —aechon, nejchaxoel wut.

⁴⁹ Samata, japon chiekal tataefla-el asew, pejpaklon pamak. Dolison, japi jiw be'bala. Do jawutbej, tuadutlison xaeliajwa, saxsliajwasbej, asew jiw suapich. Jasox ispon pomatkoicha.

⁵⁰ Do ja-aech wut, nejchaxoela-elon paklon pejpasax. Do jawut, chalechkal pejpaklon pasaxael.

⁵¹ Jawutbej, japon xabich kastikaxaes. To'axaesbejpon asew poxadik, naekichachajbapi poxadik, infiernoxtodik. Jaxotdik xabich noeyaxaelon. Bua'tatisaxaelbejpon, xabich nabijasaxaek xot” —aech Jesús xanal pejnachalwanliajwa.

25

Diez watho', pansiachow, pejwuajan

¹ Do pejme Jesús jum-aech xanal pejnachalwanliajwa: “Xan, puexa jiw pakoewkolnan, pejme patx wut ampathatasik, taeyaxaelen asew jiw nawuajnewesfulpi. Japi jiwlap leyaxael Dios tato'alxotse. Asew jiw nawuajnewesfula-elpi, japi jiwlap leyaxil Dios tato'alxotse. Jumchiyaxaelen wuajantat xamal chiekal matabijaliajwam. Asamatkoi diez watho', pansiachow, kaenanula xafoli lámpara pawis nakjiyaxaelpow pejba poxaliajwade. Dolisi, fulaechlisi japaba poxade wuajnewesliajwa japon aton, nakjiyaxaelpon, japow suapich. Japon aton jaxot pat wut, japi watho' kaewutje nakfulaeyaxael nakleliajwa fiestaxot.

² Japi watho'xot, cinco watho', pansiachow, chajia chiekal nejchaxoel isaxaelpoxliajwa. Asew cinco watho' pansiachow chajia chiekal nejchaxoela-el isaxaelpoxliajwa.

³ Dolisdo', watho' chajia chiekal nejchaxoela-eli xafoli pejlámpara. Pe xalae-eli olivosimint, lámpara wesiajwas wut pejme falaliajwa.

⁴ Asew watho', pansiachow, chajia chiekal nejchaxoeli, japilax kaenanula xafol olivosiminan batiajtat, pejlámpara wesiajwas wut pejme falaliajwa.

⁵ Japon aton, nakjiyaxaelpon, makach pas-el puaxaxaelpon pejbaxot. Samata, japi watho' itmoejslalisi. Do jawut, puexa moejtlisi.

⁶ Pinmadoi wut, kaen aton nejlakcha wut, jum-aechon: ‘¡Aton, nakjiyaxaelpon, fulaenlison mox! ¡Xabua't bu'kulaliajwam!’ —aechon.

⁷ Puexa japi watho', pansiachow, nathikba wut, nanbapi. Kaenanula chaemsnapí pejlámpara.

⁸ Watho', chajia nejchaxoela-eli, jum-aech asew watho', cincopiliajwa: ‘¡Xanal nachaxdu'e cha-aeldoech, olivosimint, xanal tajlámpara falaliajwan, itkakawak xot!’ —aechi asew watho'liajwa.

⁹ Asew, cinco watho', jumnot wut, jum-aechi: '¡El! Xanal nawexajupaxil pasimint xamalliajwa, xanalliajwabej. ¡Xabua'de olivosiminan mowa poxade kaes wuajsliajwam!' —aechi.

¹⁰ Do jawut, japi watho' fulaech wut olivosiminan wuajsliajwa, pasiminan wuajsax kijil wutfuk, japon aton patlison. Asew, cinco watho', chajia chiekal nejchaxoeli, nakfulaechlisi japon aton, nakjiyaxaelpon, pejfiesta poxade. Japi batutat wut, bafafa chiekal faka'tlisi.

¹¹ Do jawux, cinco watho', pasiminan wuajsax kijilpi, japibej pat japabaxot. Japi watho' jum-aech nakjiyaxaelponliajwa: '¡Tajpaklon, ba fafa'e xanal leliajwan!' —aechi.

¹² Japon jumno'an wut, jum-aechon: 'Diachwuajnakolax xan jum-an. Chinax xamal matabijs-enil. Samata, ba fafasaxinil xamal leliajwam' —aech nakjiyaxaelpon cinco watho', pansiachowliajwa" —aech Jesús xanal pejnachalwanliajwa.

¹³ Do pejme Jesús jum-aech xanalliajwa: "Xamal xan nanaewetampim, ¡chiekal nawuajnawesfulde! Me-ama watho' chajia chiekal nejchaxoeli, ¡jamsfulde xamal, xan nawuajnawesfulam wut, matabija-emil xot, achamatkoi-tat xan pasaxaelen!" —aech Jesús xanal pejnachalwanliajwa.

Aton tres pamak lapox, japon pejew plata wetataeflaliajwas

¹⁴ Jesús pejme xanal najum-aech wuajantat: "Dios pejjiw tato'alpox, me-ama kaen aton, lapon tres pamakjiw, fulaeyaxael wuton asatujnulel. Do jawut, japi pat wut japonxot, kaenanula pamakjiwxot pejew plata waelapon, japi xanbichliajwa japaplata japon pejwulela.

¹⁵ Pamaktxot plata waela wut, nejchaxoelon: 'Tamakan kaes chiekal xajupon nawetataeflaliajwa plata, japon kaes pejme chaxdusaxaelen. Asan xajupa-elpon chiekal nawetataeflaliajwa plata, japon kaeswapich chaxdusaxaelen' —aechon, nejchaxoel wut. Samata, kaen pamakanxot waelton cinco platachoxa. Asan pamakanxot waelton koleplatachoxa. Asan, taxdukapijinxot kaeplatachoxa waelton. Do jawux, japon paklon chijialison atujaj, asatujnulel.

¹⁶ Cinco platachoxa wewaeltaspon, japon chiekal xanbichful japaplata pejpaklon pejwulela. Samata, japon kaes pejme cinco platachoxa kana.

¹⁷ Koleplatachoxa wewaeltaspon, japonbej chiekal xanbichful japaplata. Ja-aech wut, japonbej kaes koleplatachoxa kana.

¹⁸ Kaeplatachoxa wewaeltaspon, japonlax asbuan jumch muthht kowpon chamuthsliajwa japaplatachoxa, chamoessliajwabejpon.

¹⁹ "Do baxael, xabich pin-iamatkoian wut, paklon nawi'anlison pamak poxadin. Pat wuton pamaktxot, lalison pamak matabijsliajwa, ma-aechi kaenanula, plata xanbist wuti japon pejwulela.

²⁰ Matxoelapatpon, japon cinco platachoxa wewaeltaspon, japon chaxdut pejpaklon diez platachoxa. Japon jum-aech: 'Tajpaklon, xanxot cinco platachoxa waelsnadoftam. Xan pejme cinco platachoxa kanx' —aechon paklonliajwa.

²¹ Paklon jumnot wut, jum-aechon pamakanliajwa: 'Xam xabich pachaemam. Chiekal isfulambej xan to'axpox. Xam chiekal nawenabistam xot, kaeyaxach wut, samata, xam xabich kaes pejme tejew nawetataeflaxaelam. ¡Lemen! ¡Nejchachaemilde, xan swapich!' —aech paklon pamakanliajwa.

²² Do jawux, koleplatachoxa wewaeltaspon, japonbej pat pejpaklonxot. Japon jum-aech: 'Tajpaklon, xanxot koleplatachoxa waelsnadoftam. Xan pejme kanx koleplatachoxa. Ama cuatro platachoxa' —aech pamakan.

²³ Paklon jumnot wut, jum-aechon pamakanliajwa: 'Xam xabich pachaemam. Chiekal isfulambej xan to'axpox. Xam chiekal nawenabistam xot, kaeyaxach wut, samata, xam xabich kaes pejme tejew nawetataeflaxaelam. ¡Lemen! ¡Nejchachaemilde, xan sʉapich!' —aech paklon pamakanliajwa.

²⁴ "Do jawut, asan pamakan pat, kaeplatachoxa wewaelsnadoftaspon. Japon jum-aech pejpaklonliajwa: 'Tajpaklon, xan matabijtax, xam namak beltae-emil. Xam kanambej nabich-elaxtat.

²⁵ Samata, xan tajlewla xamliajwa. Samatabej, chamathtax nejplatachoxa chamoestiajwan satat. ¡Ama nejplatachoxa!' —aech pamakan.

²⁶ Paklon jumnot wut, jum-aechon: 'Xam kewechnam. Babejnambej. Xam matabijtam, xan kanxpox nabich-elaxtat.

²⁷ ¿Ma-aech xotkat tajplata bancopijiw poxade nawexalae-emil japi pre-staliajwam kaes nawe-itamaestiajwam prestampoxtat? Chil xam jasox isam wut, chil amwutjel bancopijiw kaes plata nawewiat xam prestampoxtat' —aech paklon pamakanliajwa.

²⁸ Do jawut, japon paklon jum-aech asew jaxotpiliajwa: '¡Kechafi'epon japaplatachoxa! ¡Japaplatachoxa chaxdu'e xan nachaxdutpon diez platachoxa!

²⁹ Tejew chiekal nawetataefulpon, japon kaes chaxdusaxaelen. Japonbej wenamanaxaes. Asanlax, chiekal nawetataefla-elpon tejew, japon kaesʉapich nawetataeflafulpox, kefisaxaeson.

³⁰ Ampon, kewechn nabichliajwa, ¡jaeldepon! ¡Fo'impon tathoetade, itkʉatax poxade, jaxotde kastikaliajwas! Jaxot xabich noeyaxaelon. Bu'a'tisaxaelbejpon, xabich nabijasaxael xot' —aech paklon japonliajwa" —aech Jesús xanal pejnachalwanliajwa.

Machiyaxaespox ampathatpijiw, babejchow, kastikas wuti Dios

³¹ Do pejme Jesús jum-aech xanal pejnachalwanliajwa: "Xan, puexa jiw pakoewkolnan, pejme pasaxoekan wut, Dios pej-itliak namasajiasaxael. Xabich Dios pej-ángelbej namasajiasaxael, bu'pasaxoekan wut. Do jawut, puexa jiw pejpaklonaxaelen, ekx wut tajtʉa-ekaxtat.

³² Puexa ampathatpijiw natamejaxael tajwʉajnalel. Jawut xan jiw diajkaxaelen kolemutjeliajwa. Me-ama ovejas tataeflan pejlel diajk ovejas cabrasxot, xambej jachiyaxaelen.

³³ Jiw, xan nanaexasiti, tamejaxaelen tajpoklalel. Japi, me-ama taj-ovejas. Asew jiw lax, xan nanaexasis-elpi, japi tamejaxaelen tajsoenalel. Japi, me-ama cabras.

³⁴ Xan, paklokolnan, jumchiyaxaelen tajpoklalelpijiwliajwa: '¡Xamal xabʉa'din xanlel, taj-ax Dios kajachawaetpim! Patlisox Dios xamal tato'laxaelpox. Japoxliajwa taj-ax Dios chajia nejchaxoel, akaseskolaxtat that is wʉton.

³⁵ Xan litaxaelax wut, xamal naxaeyax nachaxdutam xan xaeliajwan. Xan minsila wutbej, mint nachaxdutam min feliajwan. Xan atʉajan wut tajtʉajnxot, nejbatat namanax nato'am.

³⁶ Xan naxoelaliajwan nawejil wutbej, nachaxdutam naxoelaliajwan. Bu'xaenkax wutbej, nataentam nakajachawaestiajwam. Jiw jebatax wutbej, nataentam' —chiyaxaelen tajpoklalelpijiwliajwa.

³⁷ Do jawut, xan nanaexasiti nawʉajnachaemsaxael: 'Tajpaklon, ¿maswutkat xam taenx, litaxaelam wut chaxdusliajwan naxaeyax? ¿Maswutbejkat xam taenx, minsila wut chaxdusliajwan mint?

³⁸ ¿Maswutbejkat xam taenx, nejtuajnuxot atujam wut namanax to'aliajwan tajbatat? ¿Maswutbejkat xam kejimil naxoelax xanal chaxdusliajwan?

³⁹ ¿Maswutbejkat xam taenx, bu'xaenkam wut kajachawaesliajwan? ¿Maswutbejkat xam taenx, jiw jebatatam wut? —chiyaxaeli xan nanaexasiti.

⁴⁰ Xan, nejpaklonan jumnosaxaelen wut, jumchiyaxaelen: 'Diachwuhajnakolax jumchiyaxaelen. Puexa xamal isam wut pachaempoxan xan nanaexasitiliajwa, japoxan isam wut, xan, me-ama nakajachawaetam' —chiyaxaelen xan nanaexasitiliajwa.

⁴¹ "Do jawux, xan, puexa jiw pakoewkolnan, jumchiyaxaelen tajsoenalelpijiwliajwa: '¡Chijiamde xanxot! Dios xamal kastikaxael, babijaxan isam xot. ¡Xabua'de infierno poxadik! Jaxotdik pomatkoicha jit pinjiyax tamdadut. Japox jit itkawaxil. Japajitxotdik Dios chaemt Satanás kastikaliajwas, puexa pejdepbej.

⁴² Litaxaelax wut, nachaxdus-emil naxaeyax xan xaeliajwan. Minsila wutbej, nachaxdus-emil mint xan feliajwan.

⁴³ Atujan wut tajtuanuxot, xan namanax. Nato'a-emil nejbaxot moejsliajwan. Nawejil wutbej xan naxoelaliajwan, nachaxdus-emil naxoelax. Bu'xaenkax wutbej, xan natae-emil nakajachawaesliajwam. Jiw jebatatam wutbej, natae-emil' —chiyaxaelen tajsoenalelpijiwliajwa.

⁴⁴ Do jawut, japi jiw nawuhajnachamsaxael: 'Tajpaklon, ¿maswutkat xanal xam kajachawaes-enil, xam litaxaelam wut, o, xam minsila wutbej, o, xam atujam wutbej nejtuanuxot, o, kejimil wutbej naxoelaliajwam, bu'xaenkam wutbej, o, jiw jebatatam wutbej?' —chiyaxaeli xanliajwa.

⁴⁵ Do jawut, xan puexa jiw pakoewkolnan, japi jiw jumnosaxaelen: 'Diachwuhajnakolax xan jum-an. Xamal is-emil pachaempoxan jiw xan nanaexasitiliajwa. Japox is-emil xot japiliajwa, xamal is-emil pachaempoxan xanliajwa' —chiyaxaelen tajsoenalelpijiwliajwa.

⁴⁶ Do jawut, tajsoenalelpijiw chijiyaxael infierno poxadik, jaxotdik pomatkoicha kastikaliajwas. Xan nanaexasitilax, japi atha poxaxoei, pomatkoicha duilaliajwa Diosxotse" —aech Jesús xanal pejnachalwanliajwa.

26

Judíospaklochow nechaxoelpox jaelsliajwapi Jesús (Mr 14.1-2, 10-11; Lc 22.1-2; Jn 11.45-53)

¹⁻² Do jawut, Jesús japoxan buxtoet wut, pejme jum-aechon xanal pejnachalwanliajwa:

—Xamal matabijam ampox. Kolematkoije we'pfuk Pascuafiestaliajwa. Jawut xan, puexa jiw pakoewkolnan, asan nawiasaxael asajiwxot japi nake-matamatlaliajwa cruztat —aech Jesús.

³ Jawut sacerdotespaklochow, judíos-ancianosbej, natameja Caifás pejbaxot. Japon sacerdotespaklokolan.

⁴ Jaxot nospaeipi Jesús jaelsaxliajwa, jeliajwasbejpon jiw jebatat. Nae-kichachajbasiapi Jesús maliach buflaeliajwas, boesaliajwasbej Jesús.

⁵ Pe nakaewa najum-aechi:

—Jasox isaxisal fiestatat. Japox isas wut, jiw xabich palalaxael. Ja-aech wut, jiw bej chamamosaxaelbejpi Jesús —aech paklochow nakaewaliajwa.

Pawis perjumamintat matnaechafanpox Jesús (Mr 14.3-9; Lc 7.37-38; Jn 12.1-8)

⁶ Baxael, Jesús Betania paklowaxxot wut, Simón pejbaxoton. Japon Simón, majt leprawaxae waechpon.

⁷ Japon pejbaxot kaeow pawis mox soepan Jesúsxot. Japow xafolow perjumamint alabastro-ia'batiajtat. Japaperjumamint xabich ommaenk. Jesús ek wut mesaxot, japaperjumamintat matnaechafanpow Jesús.

⁸ Xanal pejnachalwan japox taenx wut, xabich talala japowliajwa. Xanal nakaewa najum-an:

—¿Ma-aech xotkat japow tabejt japot, perjumamint?

⁹ Japot, perjumamint, xabich ommaenk. Japaperjumamint tabejs-el wutow, chil mowas wut, xabich plata kanaxaes. Ja-aech wut, pachaemaxael japaplata chaxduiliajwas kejila —an xanal.

¹⁰ Jesús japox jumtaen wut, jum-aechon xanalliajwa:

—¡Nej ja-aeché! ¿Ma-aech xotkat japox jum-am? Japow japox is wut xanliajwa, japow is pachaempox xanliajwa.

¹¹ Kejila pomatkoicha xamalxotaxael kajachawaesliajwam. Pelax xan xamalxotaxinil xabich piach.

¹² Japow perjumamint namatnaechafan wut, nachawujnachaemtow, asamatkoi xan tux wut, namuthsaxael xot.

¹³ Diachwujnakolax xan jum-an. Potujnucha naewujajan wuti chimiawujajan jiw bu'welijaes, japamatkoiyan wut, jumchiyaxaelbejpi japow ispox xanliajwa. Jasoxtat nejchafaekafulaxaeli japowliajwa —aech Jesús, xanal pejnachalwanliajwa.

*Judas Jesús padaelman nadofapox
(Mr 14.10-11; Lc 22.3-6)*

¹⁴ Xanal puexa padosanpinxot, kaen pawul Judas Iscariote. Japonlap fulaech sacerdotespaklochow poxade.

¹⁵ Jaxotde pa'a wut, wujnachaemt wut, jum-aechon:

—¿Massapichkat xamal wulnamotam, xan wiasaxaelen wut Jesús xam-xot? —aech Judas.

Do jawut, paklochow jumnot wut, jum-aechi:

—Xanal mosaxaelen treinta platafahan, xam wiatam wut Jesús xanalxot —aechi.

Do jawut, Judas kaenejchaxoelax, japi sapich, japaplataliajwa.

¹⁶ Do jawutlejen, Judas tudut wujnawesliajwa pachaemmatkoi Jesús wiasliajwapon Jesús padaelmajiwxot.

*Jesús xaelpox, pejnachala sapich, Pascuafiestanaxaeyax
(Mr 14.12-25; Lc 22.7-23; Jn 13.21-30; 1 Co 11.23-26)*

¹⁷ Fiestamatkoi pat wut pan puthla-eli xaeliajwa, japafiestatat kolenje, Jesús pejnachalan, mox soepa Jesús wujnachaemsliajwapi. Japi jum-aech:

—¿Amxotkat xanal naxaeyax isaxaelen, Pascuafiesta wut xatis xaeliajwas? —aechi.

¹⁸ Jesús jumnot wut, jum-aechon:

—¡Xabua'de paklowax poxade! Jaxot pa'mach wut, kaen aton, matabij-taspon, taeyaxaelam. ¡Japon jum-amo: 'Wajpaklon jum-aech: "Tajmatkoi moxlisox, nabijasaxaelenpox. Nejba poxaxaelen, tajnachala sapich, Pascuafiestanaxaeyax xaeliajwan" —aechon' —amo bapijin! —aech Jesús, buxto'a wut kolenje pejnachalanliajwa.

¹⁹ Do jawut, japi fulaechlisi. Islisi Jesús to'aspox. Pascuafiestanaxaeyax islisi xanal xaeliajwan.

²⁰ Do madoi wut, xanal dosan chalakx mesaxot, Jesús sapich.

²¹ Xanal naxaelax wutfuk, Jesús najum-aech xanalliajwa:

—Diachwujnakolax xan jum-an. Kaen xamalxot xan nawiasaxaelon tadaelmajiwxot —aech Jesús.

22 Xanal xabich nanejxaejow, japox jumtaenx wut. Samata, xanal kaenanula Jesús wuajnaemsafulax wut, jum-ansfulax:

—Tajpaklon, ¿xankatlap xam wiasaxaelen? —ansfulax xanal.

23 Jesús jumnot wut, jum-aechon:

—Xan suapich, kaepaftat panax taxthotpon, japonlap xan nawiasaxael tadaelmajiwxot.

24 Xan, puexa jiw pakoewkolnan, tuxaxaelen, me-ama Dios pejjamechan chajia jum-aech japoxliajwa. Pe xan nawiasaxaelpon tadaelmajiwxot, japonliajwa xabich kaes pejme chaemilaxael. Japon nalaelsa-el wut ampathatat, kaes pejme pachaemaxael japonliajwa —aech Jesús.

25 Do jawut, Judas, wiasaxaelpon Jesús padaelmajiwxot, wuajnaemsa wut, jum-aechon Jesúsliajwa:

—Tajpaklon, ¿xankatlap xam wiasaxaelen? —aech Judas.

Jesús jumnot wut, jum-aechon Judasliajwa:

—Xamaxaelam, me-ama xam najut jum-am —aech Jesús Judasliajwa.

26 Do jawut, xanal naxaelax wutfuk, Jesús panax fit. Dios kawuajan wut, jum-aechon: “Ax, gracias-an xanal nachaxdutam xot ampapan” —aech Jesús. Do jawut, Jesús jalkaful panax, xanal pejnachalwan nakexadiajsliajwa. Do jawut, Jesús najum-aech xanalliajwa:

—¡Xaem pan! Japapan, me-ama tajwit —aech Jesús.

27 Do jawut, Jesús copa chafit puexa xanal kaenanula fiaflaliajwan. Do jawutbej, Dios kawuajan wut, gracias-aechon vinoliajwa. Do jawut, xanal nachaxduton vino copatat. Do jawutbej, jum-aechon:

—¡Ampavino puexa xamal kaenanula fiafulde!

28 Ampot, me-ama tajjal. Xan tux wut, tajjal nakolaxael. Japox jiw naexasit wut, beltaeyaxaes babijaxan ispoxanliajwa, tajjal pijaxtat.

29 Diachwuajnakolax xan jum-an. Pejme feyaxinil vino ampathatat. Dios puexa pejjiw tato'almatkoi pat wut, jawut pejme japamatkoitat pajelt vino feyaxaelen Diosxotse, xamal suapich —aech Jesús xanalliajwa.

Pedro xanaliyaxaelpox Jesús pejnachalanpoxliajwa

(Mr 14.26-31; Lc 22.31-34; Jn 13.36-38)

30 Do jawut, kaet jajuit jajuiyax buxtoetx wut, fulaechx muax poxade, olivonaechan nuil poxade.

31 Do jawux, Jesús olivonaechan nuilxot nabu'pa'a wut, jawut najum-aechon xanalliajwa:

—Ampamadoitat puexa xamal kaenanula nasalaxaelam nejlel xanxot, xan nejxanaboejampox kofaxaelam xot. Japoxliajwabej Dios pejjamechan, chajia lelsprox, jum-aech, Dios jum-aech wut xanliajwa: ‘Boesaxaes ovejas tataeflan. Ja-aech wut, puexa pejew ovejas, nasalaxael’ —aech Dios jum-aechpox xamalliajwa, xanxot nasalaxaelampox.

32 Asajiw xan naboesa wut, taj-ax Dios namat-esaxael pejme dukaliajwan. Do jawut, xan wuajnaemsa Galilea tuajnuxot xamal wuajna —aech Jesús.

33 Do jawut, Pedro jum-aech:

—Puexa asew nejnachala kofa wut pejxanaboejaxan xamliajwa, xanlax kofsaxinil tajxanaboejsax xamliajwa. Xan nakiowa xam xanaboejsfulaxaelen —aech Pedro Jesúsliajwa.

34 Jesús jumnot wut, jum-aechon:

—Diachwuajnakolax xan jum-an. Ampamadoitat kawaema nejlae-el wutfuk, xam naxanaliyaxaelam. Tres veces jumchiyaxaelam: ‘Xan japon aton matabijs-enil’ —chiyaxaelam, xanalam wut xanliajwa —aech Jesús Pedroliajwa.

³⁵ Pedro nejth_u'axtat jum-aech:

—Nejmachjiw najum-aech wut: 'Xam boesaxaelen, Jesús pejnachalnam xot' —na-aech wuti, xan elchiyaxinil —aech Pedro Jesúsliajwa.

Xanal, Jesús pejnachalwan, kaenan_ula japox kaeyax jumanbej, Pedro matxoelajum-aechpox.

*Pawulxot, Getsemaní, Jesús Dios kawhajapox
(Mr 14.32-42; Lc 22.39-46)*

³⁶ Do jawux, Jesús, xanal pejnachalwan s_uapich, pa'ax pawulxot, Getsemaní. Jaxot wut, xanal najum-aechon:

—¡Amxot chalakde! Xan w_uhajnae_echan, taj-ax Dios kawhajnalialjwan —aech Jesús.

³⁷ Do jawut, Jesús kaes_uapich at_uaxach buflaechon Pedro, kaes asan kolenjeb_ej. Kaen japixot pawul Santiago. Asan pawul Juan. Japi kolenje, Zebedeo paxi. Do jawut, Jesús t_uadut xabich nejxaejwalialjwas. Xabich nejchaxoelbejpon t_upaxaelpoxliajwa.

³⁸ Do jawut, jum-aechon tres pejnachalanliajwa:

—Xan xabich nanejxaejow. Me-ama kaen aton t_upaxael wut, ja-aech nanejxaejowpox. ¡Amxot xamal namaem! ¡Nabej moejs! ¡Naliasfalde, xan s_uapich! —aech Jesús tres pejnachalanliajwa.

³⁹ Do jawut, Jesús kaes at_uaxach tamach f_ulaechon. Jaxotde wut, brixtat nuklison sat makxabijnalialjwadik. Do jawut, pax Dios kawhajan wut, jum-aechon:

—Ax, nab_u'wesiam wut, ¡nab_u'wem nabijasaxaelenpox! ¡Pe nabej is xan nejxasinkaxpox! ¡Isde xam nejxasinkampox! —aech Jesús.

⁴⁰ Jawut, kaxadin wut pejnachala poxadin, taenlison, japi moejt wut. Do jawut, Jesús jum-aech Pedrolialjwa:

—¿Xamkat xaj_upa-emil kaehora naliasliajwam, xan s_uapich?

⁴¹ ¡Naliasfalde Dios kawhajnalialjwam! Ja-am wut, Dios xam kajachawaesaxael isasamatam babijax. Nejnejchaxoelaxtat isasiam xan jum-anpox. Pe nejbu't chiekal mamnika-el, xam xabich itmoejsla xot —aech Jesús Pedrolialjwa.

⁴² Jesús pejme f_ulaech wut, pax Dios kawhajan wut, jum-aechon:

—Ax, nab_u'we-elasiam wut nabijasaxaelenpox, ¡isde xam nejxasinkampox! Nabijasax nataesiam wut, xan nabijasaxaelen —aech Jesús pax Diosliajwa.

⁴³ Do jawut, Jesús pejme kaxadin wut, pejnachala nakiowa asb_uan jumch moejt_uki, xabich itmoejsla xot.

⁴⁴ Do pejme Jesús japi waela jaxot. F_ulaechon pejme pax Dios kawhajnalialjwa. Matxoelakawhajapox, japox pejme jum-aechon. Jaxotat Jesús kawhajan pax Dios.

⁴⁵ Do pejme kaxadin pejnachala poxadin. Pat w_uton japixot, jum-aechon:

—¿Xamalkat nakiowa moejtam_uki? ¿Damlath_ulambej? Xan, puexa jiw pakoewkolnan, tajhora nawepat. Nawiasaxaelon babejchowxot.

⁴⁶ ¡Nanim! ¡Amxot chijas! F_ulaenlison mox nawiasaxaelpon tadelmajiwxot —aech Jesús japi tres pejnachalanliajwa.

*Jesús jaeltaspox padaelmajiw
(Mr 14.43-50; Lc 22.47-53; Jn 18.2-11)*

⁴⁷ Jesús naksiya w_ut_uk xanallialjwa, jawut Judas pat. Japon kaen xanalxotpijin. Japontat dosan. Japon xabich jiw bu'pat. Japi jiw xafol espada, iwabej. Japibej nakf_ulaen, sacerdotespaklochow to'as xot, judíos-ancianos to'as xotbejpi.

⁴⁸ Judas, japon Jesús wiasaxaelpon padaelmajiwxot, chajia chiekal jum-aechon japi jiw chiekal matabijaliajwa: “Xan xusuiyaxaelenpon, ijaponlap xamal jaelsaxaelam!” —aech Judas.

⁴⁹ Do jawut, Judas mox soepan wut Jesúsxot, jum-aechon Jesúsliajwa:
—Tajchanaekabuanan, xan patx —aech Judas.

Kejacha wut, xusuwpon Jesús.

⁵⁰ Do jawut, Jesús jumnot wut, jum-aechon Judasliajwa:

—Fulaemanpox isliajwam, jama japox isde! —aech Jesús Judasliajwa.

Do jawut, Judas jiw buflaenpi, japi mox soepa Jesúsxot. Do jawut, Jesús jaeltas buflaeliajwas.

⁵¹ Jesús jaeltas wut, kaen xanalxot kukcha pej-espada. Do jawut, japon asan naecho'chikchapon. Cho'chikchaspon nabist sacerdotespaklokolanliajwa.

⁵² Jesús jum-aech pejnachalanliajwa:

—¡Espada jem ta-akadik! Puexa jiw nabapi espadatat, tuxaxaelbejpi espadatat.

⁵³ Xamal matabija-emil. Xan wuljowx wut taj-ax Dios, japon ma amwut to'axoek xabich pin-iakola pej-ángeles xan nabu'welialjwa.

⁵⁴ Pe xan japox wuljoeyaxinil. Dios pejjamechan, chajia lelspx, jum-aech najaelsliajwapox. Samata, ja-aechlisox —aech Jesús pejnachalanliajwa.

⁵⁵ Do jawut, Jesús wuajnaemta wut, jum-aechon buflaeyaxaespiliajwa:

—¿Ma-aech xotkat xamal xafolam espada, iwabej, xan najaelsasiam wut? ¿Xankat, me-ama natkowanan wut, kabuan-an xamalliajwa? Kaematkoisful xan ekx Dios pejtemplobaxot, jiw naewuajnalialjwan. Jaxot xamal xan najaels-emil, Dios xamal tapae-el xotfak.

⁵⁶ Dios pejjamechan profetas chajia lelpox jum-aech, japox jachiliajwa. Samata, japox ja-aechlisox —aech Jesús japi jiwliajwa.

Do jawut, xanal, japon pejnachalwan, Jesús tamach waeltax. Xanal padukpax tajlel.

Jesús nukpox judíospaklochow pejwuajnalel

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Jesús jaeltpi, japi buflaech Caifás pejba poxade. Caifás sacerdotespaklokolan. Japon pejbaxot judíos chanaekabuanapi, judíos-ancianosbej, wuajna natamejapi.

⁵⁸ Jesús bu'fos wut, Pedro atuxach wuchakal fol. Japi jiw bu'pat wut sacerdotespaklokolan pejbaxot, jawut Pedrobej pat japabafulmaktxot. Jaxot nak-ekon, temploba weti suapich, ketaeliajwa Jesús padaelmajiw isaxaelpox Jesúsliajwa.

⁵⁹ Do jawut, sacerdotespaklochow, puexa judíos-ancianosbej, japi nejchaxoel Jesús tasalaspoxtat boesaliajwas. Samata, wulweki wuajan, diachwuajnakolaxa-elox, Jesús xabich tasalaliajwapi.

⁶⁰ Xabich jiw fulaen tasalaliajwapi Jesús kichachajbapoxtat. Pe paklochow wepachaema-esal japoxantat tasalaliajwapi Jesús. Samata, wuajan faena-eli tasalaliajwapi Jesús. Baxael, asew kolenje fulaen paklochow poxadin.

⁶¹ Japi jum-aech ampx:

—Ampon aton majt jum-aech: ‘Xan xajupx toesliajwan Dios pejtemploba. Xajupxbej pejme mat-esliajwan, tres matkoi wut’ —aech ampon aton —aechi Jesúsliajwa.

⁶² Do jawut, sacerdotespaklokolan nant wut, jum-aechon Jesúsliajwa:

—¿Diachwuajnakolaxkat japi jiw jum-aechpox xamlliajwa? ¿Xamkat japi jiw jumnosaximil? —aech sacerdotespaklokolan Jesúsliajwa.

⁶³ Pe Jesús boejlach nuk. Do jawut, sacerdotespaklokolan pejme jum-aech:

—¿Dios athupijin pijaxtat najum-amde diachwujnakolaxpox! ¿Xamkatlap diachwujnakolax Cristowam, Dios paxulnam? —aechon.

⁶⁴ Jesús jumnot wut, jum-aechon:

—Puexa xam jum-ampox xanliajwa, diachwujnakolax. Xan, puexa jiw pakoewkolnan, ekaxaelen taj-ax Dios poklalel jiw tato'laliajwan. Taj-ax Dios xabich mamnik puexaliajwa. Xamal japox taeyaxaelam, xan fuloekx wut athulelsik itloejentat —aech Jesús.

⁶⁵ Do jawut, sacerdotepaklokolan japox jumtaen wut, pajut thiakchapon pijax, naxoelax, xabich palala xot. Do jawut, sacerdotepaklokolan kaes jum-aech:

—Ampon aton jum-aech Dios nejxasinka-elpox. Kaes asew jiw nakwewe'pa-el tasalaliajwas japon. Xamal najut chiekal jumtaenam, japon jum-aech wut japox Diosliajwa.

⁶⁶ ¿Achaxkat xamal nejchaxoelam ampon atonliajwa? —aech sacerdotepaklokolan.

Do jawut, japi puexa jumnot wut, jum-aechi:

—Ampon aton pejbu'wujajan. Samata, kastikaxaeson. Boesaxaesbejpon —aechi.

⁶⁷ Do jawut, Jesús xuloeyaspon. Xutulapasbejpon. Asew japixot ke-etat xuselbalapi Jesús.

⁶⁸ Itfumatakus wut, jum-aechipon:

—Xam Cristowam wut, jum-amde! ¿Achankat xam xutulap? —aechi.

Pedro xanaliapox Jesús matabijtpoxliajwa

(Mr 14.53-54, 66-72; Lc 22.54-62; Jn 18.15-18, 25-27)

⁶⁹ Pedro ekfuk sacerdotepaklokolan pejbafulmaktxot. Jawut kaeow pawis, nabistow japabaxot, japow mox soepan Pedroxot. Do jawut, japow jum-aech Pedroliajwa:

—Diachwujnakolax xam Jesús pejnachalnam, japon Galilea tuajnujijin —aechow.

⁷⁰ Do jawut, Pedro pajutliajwa naxanalia wut puexa jiw pejwujnalel, jum-aechon:

—Xan matabijs-enil najum-ampox —aechon.

⁷¹ Do jawut, Pedro fulaech bafafa poxade. Jaxotde Pedro asaow pawis pejme taenspon. Japowbej jum-aech asew jaxot nuilpi jumtaeliajwas:

—Ampon aton, nanuamt Jesús, Nazaret paklowaxpijin suapich —aechow.

⁷² Do jawut, Pedro pejme pajut naxanalia wut Jesúsliajwa, jum-aechon:

—Dios chiekal matabijt, xan japon aton matabijs-enilpox —aech Pedro nejth'axtat.

⁷³ Do jawutlejen, jaxotpijiw Pedro mox soepas. Japi jum-aech:

—Diachwujnakolax xambej Jesús pejnachalnam. Naksiyam wut, me-ama Galilea tuajnujijiw naksiya wut, jajum-am —aech japi Pedroliajwa.

⁷⁴ Do jawut, Pedro pejme jum-aech:

—Diachwujnakolax jumchi-enil wut, ¿Dios xan nej nakastike'! Xan japon aton matabijs-enil —aech Pedro japi jiwliajwa.

Do jawutlejen, kawaema nejla.

⁷⁵ Do jawut, Pedro nejchafaet Jesús jum-aechpox, chajia jum-aech wut: “Kawaema nejlae-el wutfuk, xam naxanaliyaxaelam tres veces” —aech Jesús, jum-aech wut. Do jawut, japabafulmaktxot Pedro nakolt tathoetade. Jaxotde xabich nowpon, xabich nejxaejwas xot.

27

*Jesús wiachpox Pilatoxot**(Mr 15.1-5; Lc 23.1-5; Jn 18.28-38)*

¹ Nalian wut, puexa sacerdotespaklochow, judíos-ancianosbej, natameja kaenejchaxoelaxliajwa boesaliajwas Jesús.

² Do jawux, bu'foslison muxmatakuiyaxtat gobernador Pilato poxade. Jesús wiach Pilatoxot. Pilato Judea tujnapijiw tato'lan, to'as xoton Roma tujnapijiw tato'lan.

Judas tujpox

³ Do jawut, Judas, Jesús wiatpon padaelmajiwxot, taen wuton Jesús tasalaspox boesaliajwas, jawut xabich Judas nejxaejwas Jesúsliajwa, japon ispoqliajwabej. Samata, treinta platafachan pejme xapaton wiasliajwa sacerdotespaklochow natamejaxot, judíos-ancianos suapich, Dios pejtemplobatat.

⁴ Judas jaxot pat wut, jum-aechon japi paklochowliajwa:

—Xan babijax isx japon atonliajwa, babijax is-elponliajwa, bu'fos xoton boesaliajwas —aech Judas japijliajwa.

Japi jumnot wut, jum-aechi:

—¿Ma-aech xotkat japox xanal najum-am? Japox xam nijax. Xanal japox tajaxa-el —aechi Judasliajwa.

⁵ Do jawut, Judas japaplata thokcha Dios pejtemplobatat. Do jaxot nakoltlison tathoetade. Do jawux, pajut nakaechariamake'ton naetat. Jawut dukjicklison patupan.

⁶ Judas nakolt wut Dios pejtemplobaxot, jawut sacerdotespaklochow notlisi japaplatafachan, Judas thokchapi Dios pejtemplobatat. Not wut, nakaewa najum-aechi:

—Ampaplatafachantat moch kaen aton boesaliajwas. Samata, ampaplatafachan kenosaxisal Dios pej-ofrendaliajwa —na-aechi nakaewaliajwa.

⁷ Do jawut, japi kaenejchaxoelax sat wujsliajwa, japasatxot muthaliajwapi judíos-eli tuj wut Jerusalén paklowaxxot. Japasat wujjxtoti, majt pawul Baexfa'san Pejsat.

⁸ Hasta amwutjel japasat pawulfuk Jalsat, japaplatafachantat mot xoti kaen aton boesaliajwas.

⁹ Japox ja-aechliso, me-ama Jeremías, Dios pejprofeta, chajia jum-aechpox, jum-aech wut: “Japi xalaeyaxael treinta platafachan wujsliajwa baexfa'san pejsat. Japaplatafachanliajwa judíospaklochow kaenejchaxoelax mosliajwapi jas-omtat kaen aton boesaliajwas.

¹⁰ Do jawux, japaplatafachantat wujssaxaeli baexfa'san pejsat, me-ama Dios chajia jum-aech” —aech Jeremías, chajia jum-aech wut.

*Jesús nukpox Pilato pejwujajnalel**(Mr 15.2-5; Lc 23.3-5; Jn 18.33-38)*

¹¹ Jesús wiach wut gobernador Pilatoxot, jawut japon wujjnachaemt wut, jum-aechon Jesúsliajwa:

—¿Xamkatlap puexa judíos pejreynam? —aechon.

Jesús jumnot wut, jum-aechon:

—Diachwujnakolax xan japonan, xam jum-amponan —aech Jesús Pilatoliajwa.

¹² Sacerdotespaklochow, judíos-ancianosbej, pejme jaxot Jesús tasala wut, jawut Jesús kaes jumnos-el. Asbuan jumch boejlach nuklison.

13 Samata, Pilato Jesús wuajnachamt wut, jum-aechon:
 —¿Xamkat jumtae-emil japi jiw xam tasalapoxliajwa? —aech Pilato Jesúsliajwa.

14 Pe Jesús boejlach nuk. Chinax kaejame jumnos-elon. Samata, Pilato xabich nejchaxoelanik.

*Pilato to'apox Jesús kematamatlaliajwas
 (Mr 15.6-20; Lc 23.13-25; Jn 18.38-19.16)*

15 Pilato pejkabuan, kaewaechful wut, Pascuafiesta wut, jitapaeipon kaen aton nakolsliajwa, jiw jebatat jiaspon, japon wuljowspon judíos.

16 Japamatkoiyantat kaen jiw jebatat jias. Japon xabich judíos matabijtas. Pawulon Barrabás.

17 Puexa judíos natameja wut, Pilato wuajnachamt wut, jum-aechon judíosliajwa:

—¿Mason atonkat xamal nejxasinkam jiw jebaxot nakolsax tapaeliajwan? ¿Xamalkat nejxasinkam xan nakolsax tapaeliajwan Barrabás? O, ¿Jesús, japon pawulpon Cristo? —aech Pilato.

18 Pilato japox jum-aech, pajut matabijt xot, judíospaklochow wiat Jesús japonxot, xabich nusasiawal xoti Jesúsliajwa.

19 Pilato ek wutfuk pejtua-ekaxtat naewesliajwa Jesús tasalaspox, Pilato pijow jumxato'an. Jumxato'an wut, jum-aechow: “¡Nabej is babijax japon atonliajwa, chinax is-el xoton babijax! Xan xamoejtax wut, xabich nosbejchaeminal, nejchaxoelx wut japon atonliajwa” —aechow, jumxato'an wut Pilatoliajwa.

20 Pe sacerdotespaklochow, judíos-ancianosbej, jum-aech xabich judíosliajwa: “¡Pilato wuljoem Barrabás nakolsax tapaeliajwa jiw jebaxot! ¡Pelax Pilato wuljoem japon to'aliajwa Jesús kematamatlaliajwa cruztat!” —aech paklochow xabich jiwliajwa.

21 Do pejme Pilato wuajnachamt wut, jum-aechon puexa judíosliajwa:

—Japi kolenjexot, ¿masonkat xamal nejxasinkam xan nakolsax tapaeliajwan? —aech Pilato.

Do jawut, puexa judíos jum-aech Pilatoliajwa:

—¡Barrabás nakolsax tapaem! —aechi.

22 Do pejme Pilato wuajnachamt wut, jum-aechon japiliajwa:

—¿Achaxkat isaxaelen Jesúsliajwa, japon pawulpon Cristo? —aech Pilato judíosliajwa.

Do jawut, puexa jumnot wut, jum-aechi:

—¡Japonlax cruztat kematamatalde! —aechi.

23 Do pejme Pilato jum-aech japi judíosliajwa:

—¿Achababijaxkat Jesús is xan to'aliajwan japon cruztat kematamatlaliajwas? —aech Pilato.

Japi nejlasful wut, jum-aechfuli:

—¡Cruztat kematamatalde! —aechfuli.

24 Pilato matabijt japi judíos kaes naewesfula-esalpox. Xabich kaes nejlasfulbejpi, xabich palala xot. Samata, Pilato pamakan to'a min wuljaesliajwa. Jawut, xapa'an wut, Pilato kekakiat puexa judíos pejwuajnalel. Jawut jum-aechon:

—Ampon aton boesas wut, japox wuajan xan xalaejaxinil. Japox wuajan xamal xalaelpaxaelam —aech Pilato judíosliajwa.

25 Puexa judíos jumnot wut, jum-aechi:

—Diachwuajnakolax xanal japox wuajan xalaelpaxaelen, japon aton boesas wut. Taxibej xalaelpaxael japox wuajan —aech judíos.

²⁶ Do jawut, Pilato tapaei Barrabás nakolsliajwa jiw jebaxot. Do jawutbej, Pilato keto'a soldaw selsliajwapi Jesús. Selsax ketoet wut, Pilato to'a soldaw Jesús kematamatlaliajwas cruztat.

²⁷ Do jawutbej, Pilato pejsoldaw bu'follisi Jesús, Pilato pejba poxade. Jaxotde puexa soldaw masajiatlisi Jesús.

²⁸ Jawux Jesús wejoltas sumta-otox. Do jawutbej, xajoellisipon pakchowax, me-ama rey naxoelpox, pasoeyax jasox.

²⁹ Xakoeyapi na-e'lu matlua'sliajwapi Jesús. Jawut matlua'tlisipon. Chaxdutipon, me-ama rey kilachalapox poklake-elel. Do jawux, soldaw brixtat nanuili Jesús pejwujnalel taxaxaelaliajwa. Brixtat nanuil wut, bu'wujapanpaeipi Jesús. Taxaxaelaxtat jum-aechfullisi:

—¡Moi, judíos pejrey! —aechfullisi.

³⁰ Loeyasbejpon. Me-ama rey kelachalapox, japoxtat Jesús matnaebe'balas.

³¹ Do jawux, bu'wujapanpaeiyax buxtoet wut, pejme joltlisipox, me-ama rey pijax, jasox. Pejme Jesús xajoels pejsunta-osax, japox Jesús pijaxkolax. Do jawut, bu'follisipon cruztat kematamatlaliajwapi Jesús.

Jesús kematamatlaspox cruztat

(Mr 15.21-32; Lc 23.26-43; Jn 19.17-27)

³² Do jawut, soldow bu'fol wuti Jesús nakolaliajwa Jerusalén paklowaxxot, jawut xabu'kulti kaen aton. Japon pawul Simón, Cirene paklowaxpijin. Do jawut, japon Simón, xato'ason soldaw Jesús pijax cruz xalaeyax. Jesús kaes japox xalaeyaxil, japon mamnika-el xot kastikaxtat.

³³⁻³⁴ Jesús bu'pach muaxxot. Japamux pawul Gólgota. (Japawul jumchiliajwa: “Matnaethitmux” —chiliajwa. Japamux, me-ama aton matnaethit wut, kabuan-aechox.) Jaxotde bu'pa'a wut, soldaw chaxduti Jesús feliajwa vino, xasaxamint tanialtaspot, xabich boejtae-elaliajwa xaeyax. Pe Jesús xapaejla wut japavino, fe-elon.

³⁵ Do jawut, Jesús cruztat kematamatlas wut, soldaw nakakuji ia'xix, jasi, matabijaliajwa, achan kanaxael kaenanula Jesús pejnaxoe.

³⁶ Do jawux, soldaw chalak wesfulaliajwapi Jesús.

³⁷ Jesús pejmatnaetlelse tawlofach lelspx chaduch. Japatawlofachxot lelspx jum-aech, ma-aech xot Jesús kematamatlas cruztat. Lelspx jum-aech: “Ampon Jesús, judíos pejrey” —aechox.

³⁸ Jawut, Jesús cruztat kematamatlas wut, japamuxxot kolenje kethakan kaenanula cruztat kematamatlasbej. Kaen Jesús pejpoklalel chanuk. Asan Jesús pejsoenalel chanuk.

³⁹⁻⁴⁰ Asew jiw, jaxot xaxenapi, babejjamechan jum-aechi Jesúsliajwa. Matnaexawilt wut, jum-aechbejpi Jesúsliajwa:

—Xam chajia jum-am: ‘Xan Dios pejtemploba toesaxaelen. Do jawux, tres matkoi wut, pejme mat-esaxaelen’ —am xam. ¿Ma-aech xotkat amwutjel xam najut nabu'we-emil? Xam diachwujnakolax Dios paxulnam wut, ¡ma amwut najut baloemk cruzxotsik! —aech xaxenapi Jesúsliajwa.

⁴¹ Jawut sacerdotespaklochow, judíos chanaekabuanapibej, judíos-ancianosbej, japibej bu'wujapanpaei Jesús.

⁴² Nakaewa najum-aechi Jesúsliajwa:

—Asew jiw bu'wiapon. Pe pajut nabu'we-elon. Diachwujnakolax ampon Israel tujnupijiw pejrey wut, ¡ma amwut nej baloeskon cruzxotsik! Do ja-aech wut, ¡xatis naexaxisaxaeson!

⁴³ Dios xanaboejtbejpon. Jum-aechbejpon: 'Xan Dios paxulan' —aechon pajutliajwa. Samata, jjonon Dios nej bu'wes, Dios nejxasinkas wut! —na-aechi nakaewaliajwa Jesúsliajwa.

⁴⁴ Kolenje kethakan, kematamatlaspi cruztat, Jesús sʉapich, japibej jum-aech babejjamechan Jesúsliajwa.

Jesús tʉppox cruztat

(Mr 15.33-41; Lc 23.44-49; Jn 19.28-30)

⁴⁵ Jesús cruztat wut, juimt matnoch ek wut, jawut xabich itkua'nik potʉajna. Tres horas itkua'nik.

⁴⁶ Do jawut, a las tres wut, Jesús nejlacha wut, jum-aechon: “Elí, Elí, ¿lema sabactani?” —aech Jesús. (Japox jum-aech wut, jumchiliajwa hebreojametat: “TajDios, tajDios, ¿ma-aech xotkat tamach nawaeltam?” —chiliajwapox.)

⁴⁷ Asew jiw, jaxoti, japox jumtaen wut, jum-aechi:

—Japon wʉllalat Elías, Dios pejprofeta —aechi.

⁴⁸ Jawutlejen kaen japixot najaet wʉljaesliajwa esponja, xathosliajwa vino xathankpotat. Esponja faen wut, xathoti esponja. Do jawut, nae-oeftat matakʉpi Jesús suiliajwa japox.

⁴⁹ Asew jiw lax jum-aech:

—jMastaem! Taeyaxaes Elías bej fuloeyaxoekbej japon bu'welias —aechi.

⁵⁰ Jesús pejme nejlakcha wut, jawut tʉplison.

⁵¹ Jawut Dios pejtemplobatutat pinabu', duchpox batutat, najʉpathiakchakas athusik satleldik. Jawutbej sat xabich najaet. Pinanul ia' tatukbej.

⁵² Jawutbej patʉpamathanxot pajut nafafa'bala. Do jawutbej, chajia tʉpi, majt laelpi ampathatat, japi Dios naexasiti, japi xabich pin-iat mat-ias pejme duilaliajwa ampathatat.

⁵³ Jesús tʉp wut, jawux, tres matkoi wut, Jesús mat-ech wut pejme dukaliajwa, jawut japi jiwbej, mat-iaspi, lowpi Jerusalén paklowaxxot. Xabich japapaklowaxpijiw taensi.

⁵⁴ Patʉpan Jesús chanuk wut cruztat, soldawcapitán, pejsoldaw sʉapich, jaxot weti Jesús, taen wuti puexa ja-aechpoxan, sat najaesax taen wutbejpi, puexa japi soldaw xabich pejlewla. Samata, jawut jum-aechi:

—jDiachwʉajnakolax ampon aton Dios paxulan! —aechi.

⁵⁵ Do jawutbej, patʉpan Jesús chanukxot xabich watho' atʉaxach nuili natachaemaliajwapi patʉpan Jesús. Japi watho' chajia nakfulaeni Jesús Galilea tʉajna. Japi watho' kajachawaetbejpi Jesús, nanuamt wut.

⁵⁶ Japi watho'xot, jaxotbej María. Japow Magdala paklowaxpijow. Jaxotbej asaow, pawalpow María. Japow Santiago pen. Japowbej José pen. Japow Zebedeo pijow.

Patʉpan Jesús ochpox mʉaxwʉajtat

(Mr 15.42-47; Lc 23.50-56; Jn 19.38-42)

⁵⁷⁻⁵⁸ Jesús tʉp wut, tuila wutlejen, kaen aton pawalpon José, japon pat gobernador Pilatoxot. Japon kemaeyan, Arimatea paklowaxpijin. Japonbej naexasit Jesús naewʉajanpoxan. Dolisdo', José pat wut Pilatoxot, wʉljowpon fisliajwa patʉpan Jesús mʉthsliajwa. Do jawutbej, Pilato to'a soldaw, japi chaxdusliajwapi patʉpan Jesús Joséliajwa.

⁵⁹ Do jawut, José fulaech patʉpan Jesús chanukxotde cruztat. Pa'a wuton, kuton patʉpan Jesús cruzxotsik. José xakoeya patʉpan sábanatat. Japabu' chimiabu', pajelbu'bej.

⁶⁰ José chajia asan aton wekowson m̄axw̄aj. Japaw̄aj José pajutlia-jwalach, asamatkoi t̄p w̄t japaw̄ajxot osliajwas. Samata, José japaw̄ajxot oton pat̄pan Jesús. Do jaw̄ax, ia't pinjit, jajaerat, matariamán japaw̄aj fakasliajwa. Do jaw̄ax, José japox ketoet w̄t, nawiaton.

⁶¹ Pe jaxot María, Magdala paklowaxpijow. Jaxotbej asaow María, japow pejw̄lxoelow. Japi koliowje at̄axach chalak japaw̄aj w̄ajnalel taeliajwapi pat̄pan Jesús cha-ochxot.

Pat̄pan Jesús ochxot soldaw wesfulpox

⁶² Kandiawa w̄t, napatamatkoi w̄t, sacerdotespaklochow, fariseosbej, f̄laech Pilato poxade.

⁶³ Pat w̄ti Pilatoxot, j̄m-aechi:

–Tajpaklon, Jesús kichachajbapijin. Xanal nejchaxoelx japon j̄m-aechpoxliajwa, laeja w̄tf̄kon. Jaw̄t Jesús j̄m-aech: ‘T̄p̄x w̄t, Dios namat-esaxael pejme dukaliajwan, tres matkoi w̄t’ –aech Jesús.

⁶⁴ Samata, ¡soldaw to'im wesfulaliajwa tres matkoi japon ochxot! Jachi-emil w̄t, japon pejnachala bej jusaxaesbejpon. Do jaw̄ax, japi jiw naew̄ajnaf̄laxael w̄t, j̄mchisfulaxaeli: ‘Japon mat-ech pejme dukaliajwa’ –chisfulaxaeli. Ja-aech w̄t, xanalliajwa kaes pejme xabich chaemilaxael. Me-ama majt, jachiyaxil –aech sacerdotespaklochow, fariseosbej, Pilatoliajwa.

⁶⁵ Do jaw̄t, Pilato j̄m-aech sacerdotespaklochowliajwa, fariseosliajwabej:

–¡Ama soldaw! ¡B̄flaem chiekal wesfulaliajwapi pat̄panw̄aj! –aech Pilato.

⁶⁶ Do jaw̄t, paklochow b̄follisi soldaw pat̄panw̄aj poxade. Jaxot pat w̄ti, xape'ti sello ia't, pinjixot. (Jasox ispi matabijaliajwa, asan aton japa-ia't matriaman w̄t taeliajwa.) Do jaw̄t, soldaw jaxot waelas cham̄thawesfulaliajwapi pat̄panw̄aj.

28

Pat̄pan Jesús mat-echpox pejme dukaliajwa (Mr 16.1-8; Lc 24.1-12; Jn 20.1-10)

¹ Napatamatkoi toep w̄t, dominkomatkoi w̄t, juimt julan w̄tbej, María, Magdala paklowaxpijow, asaow Maríabej, kaxa f̄laechlisi pat̄panw̄aj taeliajwa.

² Japi watho' fol w̄t, chalechkal sat xabich najaet. Jaw̄t Dios pej-ángel f̄loek. Pask w̄t pat̄panw̄ajxotsik, japa-ia't, pinjit, matriamanlison kaelel. Do jaw̄t, Dios pej-ángel ek japa-ia'tmatw̄ajtat.

³ Dios pej-ángel pona xabich nakthian. Me-ama chamax kaliaf w̄t, jakaliaf-aechon. Sumta-otox xabich papoeikolax.

⁴ Soldaw, wesfulpi pat̄panw̄aj, taen w̄ti Dios pej-ángel, japi soldaw xabich tath̄lal pejléwt. Do jaw̄t, satat oeljabapi. Me-ama t̄p w̄t, ja-aechi.

⁵ Do jaw̄t, ángel j̄m-aech japi watho'liajwa:

–¡Nabej nejlewlé! Xan matabijtax xamal w̄lw̄ekam taeliajwam pat̄pan Jesús, kematamatlaspon cruztat t̄paliajwa.

⁶ Amxot ajillison. Japon mat-echlison pejme dukaliajwa, me-ama chajia j̄m-aechon. ¡Xab̄a'din xamal najut taeliajwam ochxoton!

⁷ Tae-emil w̄t pat̄pan, ¡xamal xab̄a'de japon pejnachala poxade japi chapaeliajwam! ¡j̄m-amo Jesús pejnachala: ‘Cruzatat t̄pon mat-echlison. Amw̄tjel pejme duklison. Xamal w̄ajna japon w̄ajnaxaech Galilea

tajnxotde. Jaxotde Jesús taeyaxaelam' —amo pejnachala! Japox xan jumchiliajwan Dios nabuxto'a xamalliajwa —aech ángel japi watho'liajwa.

⁸ Do jawut, japi watho' bichakal fúlaech Jesús pejnachala poxade, Jesúsliajwa ja-aechpox chapaeliajwapi. Japi watho' xabich beljow. Pe jawutbej, xabich nejchachaemili.

⁹⁻¹⁰ Nhamtat fol wutfuki, Jesús chalechkal natulaelt japi watho' pejwajnalel. Jesús moi-aech japi watho'liajwa. Do jawut, japi watho' mox soepa Jesúsxot. Brixtat nuili Jesús pejwajnalel, xabich sitaen xoti. Jesús thijaeltas wut, jum-aechon japi watho'liajwa:

—¡Xabua'de tajnachala poxade chapaeliajwam xan nataenamprox! ¡Taj-nachala jum-amde Galilea tujnux poxade fúlaeliajwapi! Jaxotde xan nataeyaxaeli —aech Jesús, japi watho' buxto'a wuton.

Soldaw wesfulpi patupanwuj, japi chapaepox judiospaklochowxot

¹¹ Watho' fúlaech wutfuk, do jawutbej, soldaw weti patupanwuj, asew japixot soldaw, fúlaechbej Jerusalén paklowax poxade. Jaxotde pa'a wut, japi soldaw chapaelisi sacerdotespaklochowxot puexa japi taenpoxan, jumtaenpoxanbej, Jesúsliajwa.

¹² Do jawut, paklochow fúlaech judios-ancianos poxade nospaeliajwa, japi suapich, kaenejchaxoelaxliajwa japoxliajwa. Do jawux, japi paklochow moti xabich plata soldaw kichachajbaliajwa jiw.

¹³ Paklochow jum-aech soldawliajwa:

—¡Jum-amo jiw: 'Madoi, xanal moejtax wut, Jesús pejnachala fúlaen patupan natkowaliajwa. Japox ja-aech xanalliajwa' —amo puexa jiwliajwa!

¹⁴ Pilato japox wultaen wut, xanal nospaeyaxaelen, Pilato suapich. Ja-aech wut, xamal bu'wujajan jilaxaelam —aech paklochow soldawliajwa.

¹⁵ Do jawut, soldaw ow-aechlisi japoxliajwa. Samata, kenoti plata. Jawut japi soldaw chapaeful, me-ama paklochow buxto'as. Samata, judios xabich chapaeful japawujajan potujnuxcha. Amwutjelbej japawujajan nakiowa chapaefulfuki.

*Jesús to'apox pejnachala, japi naewujajnalialjwa jiw
(Mr 16.14-18; Lc 24.36-49; Jn 20.19-23)*

¹⁶ Do jawux, xanal onsan pejnachalwan fúlaechx Galilea tujnux poxade. Jaxotde pa'ax wut, fúlaechx pinamux poxade, Jesús nato'amux poxade.

¹⁷ Jaxotde xanal Jesús taenx. Do jawut, brixtat nuilx japon pejwajnalel, xabich sitaenx xot. Xanalxot asew jiw chiekal naexasis-eli, Jesús tuj wut mat-echpox pejme dukaliajwa.

¹⁸ Do jawutbej, Jesús mox soepan xanalxot. Jum-aechon:

—Taj-ax Dios natapaei puexa jiw tato'laliajwan, ampathatpijw, athuxotsepibej.

¹⁹ Samata, ¡xamal potujnuxcha jiw naewujajnafalde! Naexasit wuti taj-ax Dios, xan tajwujajan naexasit wutbejpi, jawut japi jiw bautisaxaelam taj-ax Dios pijaxtat, xan Dios paxulnan pijaxtatbej, Espiritu Santo pijaxtatbej.

²⁰ ¡Xamal naewujajande asew jiw naexasisliajwa puexa xan tato'laxpoxan xamalliajwa! Xan diachwujajnakolax xamalxotaxaelen pomatkoicha ampathatxot. Hasta ampathat toep wut, xan nakiowa xamalxotaxaelen —aech Jesús xanal pejnachalanliajwa.

Marcos lelpox Jesucristo pejwajjan

*Juan, jiw bautisan, pajilaxtat naewajjanpox
(Mt 3.1-12; Lc 3.1-9, 15-17; Jn 1.19-28)*

¹ Chimiawajjan, Jesucristo pejwajjan, tʉadut wʉt, ma-aech. Japon pajut Dios paxʉlan. Xan Marcos lelx ampafʉt jiw chiekal matabijaliajwa japawajjan.

² Profeta Isaías lel Dios jum-aechpox Jesucristoliajwa, jum-aech wʉton: “Wʉa, xam wʉajna xan to'axaelen tajprofeta, japon jiw naewajnalialjwa tajjamechan, xam naexaxisliajwapi, patam wʉt jaxot” —aech Dios, chajia jum-aech wʉt Jesucristoliajwa.

³ Isaías chajia lelpox jum-aech Juan, jiw bautisanliajwa: “Aton pajilaxtat nejlat wʉt, jumchiyaxaelon jiwliajwa: ‘¡Thilde wajpaklokolan pasax wʉajna! Samata, ¡kofim babijaxan isampoxan! Me-ama jiw wʉajna nʉamt chiekal chaemt wʉt paklon pasliajwa, ¡xamal ja-amde nejnejchaxoelaxan! ¡Isfulde Dios nejxasinkpoxan!’ —chiyaxaelon pajilaxtat, nejlat wʉt jiwliajwa” —aech Isaías chajia lelpox Juan, jiw bautisanliajwa.

⁴ Do baxael, Isaías chajia jum-aechpox, ja-aechlisox japon atonliajwa. Japon aton patlison. Japon pawʉl Juan. Do jawʉt, Juan jiw bautisafʉl pajilaxxot. Naewajjanbejpon. Jaxotde xabich jiw fʉlaen naewesliajwas Juan naewajjanpox.

⁵ Xabich Judea tʉajnprijiw fʉlaen, Jerusalén paklowaxprijiwbej. Jawʉt Juan jum-aechfʉl japi jiwliajwa: “¡Kofim babijaxan isampoxan! ¡Isfulde Dios nejxasinkpoxan! Ja-am wʉt, Dios beltaeyaxael xamal babijaxan isampoxanliajwa. Do ja-aech wʉt, xamal bautisaxaelen” —aech Juan jiwliajwa. Samata, japamatkoijan jiw jalpaei babijaxan isopoxanliajwa, Dios beltaeliajwas babijaxan isopoxanliajwa. Do jawʉt, Juan japi jiw bautisa Jordánlajtat.

⁶ Juan pijax naxoelax isas camellolatat. Pejcinturónmʉat pabʉ'kal. Pejnaxaeyaxan, me-ama sui'. Afpon miel.

⁷ Juan naewajjan wʉt, jum-aechon: “Mox pawajna kaen aton fʉlaeliajwadin. Japon kaes pejme paklonaxael. Me-ama xan, jachiyaxilon. Xan omjinil japon pejkajachawaesnanliajwa.

⁸ Diachwajnakolax xan jiw bautisax mintat, japi kofa wʉt babijaxan isopoxan. Pelax pasaxaelpon, japon kaes paklonaxael. Samata, to'axaelon Espiritu Santo jiw kajachawaesfulaliajwas” —aech Juan Cristoliajwa.

*Jesús bautisaspox
(Mt 3.13-17; Lc 3.21-22)*

⁹ Japamatkoijan Jesús nakolt Nazaret paklowaxxot, Galilea tʉajnpʉxot. Fʉlaekon Juan poxadik. Jawʉt Juan bautisa Jesús Jordánlajtat.

¹⁰ Jesús jul wʉt mintat, jawʉt taenon athʉ fafachpox. Jawʉt Espiritu Santo fʉloek a-utat japon pejmatwajjasik. Me-ama a-ut, kabʉan-aech Espiritu Santo.

¹¹ Do jawʉt, Jesús jumtaenbej athʉsik jum-aechsikpox, Dios jum-aechsik wʉt ampox: “Xam taxʉlnam, xabich nejxasinkaxponam. Xabich nejchachaemlax xamliajwa” —aech wʉt pax Dios Jesúsliajwa.

*Jesús xapaejaspox Satanás
(Mt 4.1-11; Lc 4.1-13)*

¹² Do jawʉx, Jesús bʉ'fos Espiritu Santo pajilax poxade.

¹³ Pajilaxxot wut, namanlison cuarenta matkoiyan. Jaxot pejmachoeffkal maenk. Do jawut, deppaklon pat. Japon pawul Satanás. Japon xapaeja Jesús babijax isliajwa. Do jawux, Satanás chijia Jesúsxot. Do jawutbej, Dios pej-ángeles fuloek japi kajachawaesliajwa Jesús.

Jesús tʉadutpox naewʉajnaʉ Galilea tʉajnaʉxot
(Mt 4.12-17; Lc 4.14-15)

¹⁴ Asamatkoi Herodes, Galilea tʉajnaʉpijiw tato'lan, to'apon pejsoldaw Juan jaelsliajwas, jiw jebatat jeliajwasbejpon. Do jawux, Jesús fulaech Galilea tʉajnaʉ poxade. Jaxotde pa'a wut, jiw naewʉajanlison chimiawʉajan, Dios tato'laxaelpox pejjiw.

¹⁵ Jesús jʉm-aech ampoʉ jiwliajwa: “Patlisoʉ japamatkoiyan, wʉajnaʉwesfulasmatkoiyan Dios tato'laliajwa pejjiw. Samata, ¡kofim babijaxan isampoxan! ¡Dios naexasisfulde japon xanaboejalialjwam! Patlisoʉ chimiawʉajan xamal naexasisfulaliajwam” –aech Jesús japi jiwliajwa.

Jesús tadʉtpox cuatro nabaxisiw japon pejnachalialjwas
(Mt 4.18-22; Lc 5.1-11)

¹⁶ Jesús Galilea pukababʉ'tat laeja wut, kolenje nabaxisiw taenpon. Kaen pawul Simón. Asan pawul Andrés. Japon Simón pakoewan. Japi taraya xawaejaba pukatat.

¹⁷ Jesús jʉm-aech:

–¡Xan nakfulaem! Xamal chiekal matabijam nabaxisaxan. Jasoxtatbej xamal chanaekabʉanaxaelen jiw chiekal naewʉajnalialjwam japi tajnachalialjwa, Dios pejjiwalialjwabejpi –aech Jesús.

¹⁸ Do jawut, pejew taraya waelapi asew jiwtat, nakfulaelialjwapi Jesús.

¹⁹ Jesús kaes fulaech wut, asew kolenje, nabaxisiw, taenpon. Kaen pawul Santiago. Asan pawul Juan. Japon Santiago pakoewan. Falkamtat pejew taraya chaemti. Japi pax pawul Zebedeo.

²⁰ Do jawut, Jesús japi la nakfulaelialjwas. Do jawut, nakfollisi Jesús. Pax Zebedeo waelti falkamtat, kajachawaeti sʉapich.

Aton dep webaespoʉ pejmatpʉatxot
(Lc 4.31-37)

²¹ Do jawux, Jesús, pejnachala sʉapich, pat Capernaum paklowaxxot. Napatamatkoi wut, lechi judíos naewʉajnaba poxade. Do jaxot Jesús tʉadut jiw naewʉajnalialjwa.

²² Chiekal naewʉajanpon Dios pejjamechan. Me-ama judíos chanaekabʉanapi naewʉajan wut, jachi-elon. Samata, japi jiw xabich nejchaxoelachalak, Jesús naewʉajan xot Dios pijaxtat.

²³ Judíos naewʉajnabaxot, aton nuk. Japon dep webaes pejmatpʉatxot.

Do jawut, aton pejkaechatat dep nejlat wut, jʉm-aech:

²⁴ –Jesús, Nazaret paklowaxpijnam, ¿xam achaxasiamkat xanalxot? ¿Xamkat fulaeman puexa xanal natoesliajwam? Xam matabijtax. Xam Dios paxulnam, xabich pachaemamponam –aech dep, nejlat wut aton pejkaechatat.

²⁵ Do jawut, Jesús jʉm-aech nejthʉ'axtat deplialjwa:

–¡Boejlachde! ¡Xam nakolde japon aton pejmatpʉatxot! –aech Jesús deplialjwa.

²⁶ Do jawut, japon aton xabich tathulal dep pijaxtat. Dep nejlakcha wut, japon aton pejmatpʉatxot nakoltlison.

27 Jawut puexa jiw xabich belwana, taen wuti japox, Jesús dep to'apox. Nakaewa nawuajnaemsnapi:

—¿Ma-aech xotkat dep nakolt, to'a wuton? ¿Achaxkat amprox, pajel-naewuajnaex? Ampon aton, me-ama Dios to'aspon wut, ja-aechon. Ja-aech wut, dep nakolt —na-aechna jiw nakaewa.

28 Do jawux, Galilea tuajnapijiw potuajnaucha kamtalejen wultaenapi Jesúsliajwa.

Jesús boejthutpox Simón Pedro paem

(Mt 8.14-15; Lc 4.38-39)

29 Jesús nakolt wut judíos naewuajnaemsnapi, Jesús fulaech asaba poxade Santiago, Juan suapich. Japaba Simón pejba, Andrés suapich. Japabaxot pat wuti, lowpi.

30 Jaxot Simón paem bu'xaenk Jesús pejpasax wuajna. Okow camatat. Xabich bu'tuajnikow. Jawut asew japixot charaeipi Jesús, Simón paem bu'xaenkprox.

31 Samata, Jesús mox soepan japowxot. Kefit wut, japow mat-eton. Jawut kamta japow chiekal boejthuls. Bu'tuajax wejisalbejpow. Do jawut, japow pajut naxaeyaxan athuk Jesúsliajwa, japon pejnachalaliajwabej.

Jesús boejthutpox xabich jiw bu'xaeya

(Mt 8.16-17; Lc 4.40-41)

32-33 Tuila wut, itkhatnik wutbej, Capernaum paklowaxpijiw bafafaxot pati, Jesús dukbatatxot. Asew japixot bu'pat xabich bu'xaeya, dep webaespiwej pejmatpuatanat.

34 Do jawut, Jesús xabich bu'xaeya boejthut, nejmachwaxaetat bu'xaenkpi. Xabich dep nakolax to'abejpon, jiw pejmatpuatanxot bapi. Ja-aech wut, Jesús tapae-el dep naksiyaliajwa, japi chiekal matabija xot japon Cristo, Dios to'aspon.

Jesús naewuajnaprox judíos naewuajnaemsnapi

(Lc 4.42-44)

35 Do kandiawasap wut, nalianawuajna wut, Jesús nathikt wut, nakoltlison japabaxot. Fulaechon pajilax poxade, tamach pejlel Dios kawuajnalialjwa.

36 Do jawut, baxael, Simón, pejnachala suapich, jalweki Jesús.

37 Faen wut, jum-aechi Jesúsliajwa:

—Puexa jiw xam xabich walwek —aechi.

38 Jesús jumnot wut, jum-aechon:

—Chajias asapaklowaxan mox poxade. Japapaklowaxanpijiw naewuajnaemsnapi Dios pejjamechan. Samata, xan fuloekx —aech Jesús.

39 Do jawut, Jesús nanuamt puexa Galilea tuajnaexot. Kaenanula judíos pejnaewuajnaemsnapi, Jesús naewuajnaemsnapi judíos. Jiw dep webaespiwej, dep nakolax to'apon japi jiw pejmatpuatanxot.

Jesús boejthutpox bu'xaenkpon leprawaxaetat

(Mt 8.1-4; Lc 5.12-16)

40 Kaen, bu'xaenkpon leprawaxaetat, fulaenon Jesúsleldin. Pat wuton, Jesús pejwuajnalel brixat nukon, xabich sitaen xoton. Do jawut, jum-aechon Jesús jumtaelialjwa:

—Xan matabijtax xam naboejthusaxaelampox. Xan naboejthusasiem wut, inaboejthu'e! —aech leprawaxaetat bu'xaenkpon.

41 Jesús xabich beltaen xot, bu'xaeyan pejke-etat bu'jachapon. Do jawut, Jesús jum-aech:

—Xam boejthusaxaelen. Samata, malis chiekal pachaemam —aech Jesús.

42 Do jawut, kamta chiekal boejthulson leprawaxae. Pejbu't chiekal wepachaemslison.

43-44 Jesús to'a wut, jum-aechon nejthua'axtat:

—¡Asew jiw nabej chapae' xam boejthutxpo! ¡Xabua'delax sacerdote poxade, japon xam bu'taeliajwa boejthulpo leprawaxae! Do jawux, ¡chaxdu'e, me-ama Moisés chajia lelpox jum-aech Dios chaxdusliajwam ofrenda, leprawaxae xam chiekal boejthul xot! Jasoxtat xam jiw matabijaxael chiekal boejthulpo japawaxae —aech Jesús.

45 Do jawut, leprawaxae boejthulson fulaechlison. Pe owchi-elon Jesús jum-aechpox. Japon aton chapae'flax tuaduton puexa jiw jumtaeliajwa Jesús pejwujajan. Samata, Jesús tulaela pasaxil japapaklowaxanxot. Do jawut, Jesús atuj naejiat japapaklowaxan. Ja-aech wut, popaklowaxanpijiw fulaech Jesús poxade, taeliajwapi japon.

2

Jesús boejthutpox nabejkan, japon chinax laejaxilpon (Mt 9.1-8; Lc 5.17-26)

1 Asamatkoiyanwux, Jesús nawiat Capernaum paklowaxxotdin. Jawut japapaklowaxpijiw nakaewa najum-aech Jesúsliajwa: “Jesús kaweta naman batat” —aechi.

2 Samata, xabich jiw wuluk japabatat. Ba xajupa-el, xabich jiw wuluk xotbej japabafafatat. Asew japixot atuxach bafafaxot nuilje. Do jawut, Jesús naewujajan Dios pejjamechan puexa japi jiwliajwa.

3 Do jawut, kaen aton, laejaxilon, chaxfoson cuatro poejiw, Jesús jiw naewujajan poxadin. Japi fulaen Jesús taeliajwa.

4-5 Cuatro poejiw mox pasaxil Jesúsxot, xabich jiw wujajna ba wuluk xot. Samata, ba matwujajase chaxjulachi, me-ama choeranae poxase. Jaxotse bamatwujaj tukapi pinjiyax laejaxilon chakakofnaliajwadik Jesús poxadik. Chakakofan wut, nejchaxoeli: “Diachwujajnakolax Jesús boejthusaxaes ampon aton chiekal laejaliajwa” —aech cuatro poejiw, nejchaxoel wut. Jesús chajia matabijt japi nejchaxoelox. Samata, jum-aechon laejaxilon jumtaeliajwas:

—Wua, xam beltaenx babijaxan chajia isampoxanliajwa, —aech Jesús.

6 Kaesujapich judíos chanaekabuanapi jaxot chalak. Jumtaen wuti Jesús jum-aechpox, japi nejchaxoel:

7 “¿Ma-aech xotkat Jesús Dios sitae-el? Japon naksiya xatis jumchiyaxisalpo. Nejmachjiw japox jumchiyaxil. Jaso x naksiya wuti, is babijax Diosliajwa. Kaen Dios xajup beltaeliajwa jiw babijaxan ispojanliajwa” —aech judíos chanaekabuanapi, nejchaxoel wut.

8 Do jawut, Jesús chiekal matabijt japi nejchaxoelox. Samata, jum-aechon japiliajwa:

—¿Ma-aech xotkat xamal jasox nejchaxoelam xanliajwa?

9 Kaes pejme tampa xan jumchiliajwan laejaxilponliajwa: ‘Xam beltaenx babijaxan isampoxanliajwa’ —chiliajwan. Pe ja-an wut, jiw xan namatabijaxil xan puexa jiw pakoewkolnanponan. Jum-an wutlax nabejkan jumtaeliajwa: ‘¡Nande! ¡Laejim!’ —an wut, japox jum-an wut, jiw diachwujajnakolax xan namatabijaxael xan puexa jiw pakoewkolnanponan.

10 Xan ispojanlantat xamal matabijaxaelam, diachwujajnakolax, xan puexa jiw pakoewkolnanponan, xajupx athuxotse, ampathatatbej, jiw beltaeliajwan babijaxan ispojanliajwa —aech Jesús judíos chanaekabuanapiliajwa.

Do jawut, Jesús jum-aech laejaxilpon jumtaeliajwa:

11 —Xam jum-an: 'iNande! iSumta-okampox fi'e! iXalaemchbej nejba poxade!' —an xan —aech Jesús.

12 Do jawut, laejaxilon nant wut, sumta-okpox fit wutbej, chajialison. Jawut xabich jiw taenspon, fulaech wut tathoetade. Samata, puexa jiw natachaemason. Nakaewa najum-aechnapi:

—Dios, japon kaen, xabich mamnik. Majt chinax jasox tae-esal, me-ama amprox. Amwutjel jasox taens —na-aechi nakaewa.

*Jesús tadutpox Mateo pejnachalanliajwa
(Mt 9.9-13; Lc 5.27-32)*

13 Do jawux, Jesús fulaech wut pejme pukabab'u' poxade, jawut xabich jiw pat Jesúsxot. Do jaxot jiw naewhajanlison.

14 Do jawux, Jesús naewhajanpox buxtoet wut, fulaech wuton, taenon Leví. Japon asawul Mateo. Leví pax pawul Alfeo. Leví impuesto mat-omwuljoen Roma gobiernoliajwa. Leví ek impuesto mat-omwuljoebatat. Jaxot Jesús jum-aech:

—iXan nakfulaem tajnachalnamliajwa! —aech Jesús.

Do jawut, Leví nant wut, nakfollison Jesús.

15 Xabich jiw, impuesto mat-omwuljoew, asewbej naexaxis-eli Moisés chajia lelpox, japi jiw nakfoli Jesús. Asamatkoi Jesús, pejnachala suapich, xael wuti Leví pejbatat, xabich impuesto mat-omwuljoew, asewbej naexaxis-eli Moisés chajia lelpox, japibej jaxot naxael.

16 Judíos chanaekabuanapixot, japi fariseos. Japi taen, Jesús xael wut, impuesto mat-omwuljoew suapich, asew jiw suapichbej, japi naexaxis-eli Moisés chajia lelpox. Do jawut, japi fariseos whajnachaemt wut, jum-aechi Jesús pejnachalaliajwa:

—¿Ma-aech xotkat Jesús xael impuesto mat-omwuljoew suapich, asew jiw babejchow suapichbej? —aechi.

17 Jesús japox jumtaen wut, jum-aechon fariseosliajwa:

—Jiw woen woe-el nejchaempi, bu'xaenka-el xoti. Fulaenpon woeliajwa bu'xaeya. Ja-anlap-is xan. Xan fulae-enil tadusliajwan pachaempi. Xanlax fulaenx tadusliajwan jiw babejchow, japi kofaliajwabej padujnejchaxoelaxan, naexaxisliajwabejpi Dios —aech Jesús fariseosliajwa.

*Asew jiw xae-elpox, piach Dios kawhajnaliajwa wut
(Mt 9.14-17; Lc 5.33-39)*

18 Asamatkoi Juan, jiw bautisan, pejnachala naxae-el, piach Dios kawhajnaliajwa wuti. Fariseos pejnachalabej naxae-el, piach Dios kawhajnaliajwa wuti. Do jawut, asew jiw japixot pat Jesúsxot. Pat wut, jum-aechi Jesús jumtaeliajwa:

—Juan pejnachala, fariseos pejnachalabej, naxae-el, piach Dios kawhajnaliajwa wut. ¿Ma-aech xotkat nejnachala naxaelkatlax, piach Dios kawhajnaliajwa wut? —aechi Jesús jumtaeliajwa.

19 Jesús whajantat jumnot wut, jum-aechon:

—Aton pawis fit wut, fiesta is wutbejpi, puexa jiw chiekal naxaeyaxael japonxot. Japi xabich nejchachaemlaxael, pajelnakjiyan dukaxael xotfuk jaxot.

20 Asamatkoi japon asew jiw fe'naxaes wut, do jawut, taduchpi naxaeyaxil kaematkoijan suapich, xabich nejxaejwaxaes xoti. Asamatkoi japox jachiyaxaesbej tajnachalaliajwa. Samata, tajnachala naxaeyaxil kaematkoijan suapich, nejxaejwaxaes xoti, xan japixot ajilaxaelen xot, asew jiw xan nabu'fol wut —aech Jesús whajantat whajnachaemtaspijiajwa.

21 Jesús pejme jum-aech wuajantat jiw nakiowa naexasisfulpiliajwa pejwuajnapijiw pejkabuananpox:

—Pawis pejyiaf wexaxarwas wut, xape'tow nakaepadujbu'ch. Xape'selow pajelbu'ch. Pajelbu'ch xape't wut, itkiat wutbej, mamu'al wut, kaes itkialaxael. Itkial wut, padujyiaf kaes pinjiyax thialfalaxael xape'txotow.

22 Jiw wului-elbej pajelvino, padujchoxantat, isaspox choefbu'tat choxalijwa. Jiw wulu wut pajelvino, choxa chathialfalaxael, pajelvino xabich xot pafak. Ja-aech wut, nafa'axael vino, choxabej. Samata, jiw wulu pajelvino pajelchoxantat —aech Jesús, naewuajan wut jiw wuajantat.

Judíos pejnapatamatkoitat Jesús pejnachala jolbalapox trigo
(Mt 12.1-8; Lc 6.1-5)

23 Asamatkoi, napatamatkoi wut, Jesús, pejnachala suapich, fol trigolulanxot. Pejnachala fol wut, trigo jolbalapi xaelpaliajwa, litaxaela xoti.

24 Kaes suapichbej fariseos jaxot nakfol. Do jawut, japi jum-aech Jesúsliajwa: —¿Ma-aech xotkat nejnachala japox is, xatis judíos naktapae-elpoxtat, napatamatkoitat wut? —aech fariseos Jesúsliajwa.

25 Jesús jumnot wut, jum-aechon: —Xamal matabijam, wajwuajnapijin, waj-am rey David, ispox chajiakolaxtat, xabich litaxaela wuton, pejsoldaw suapich.

26 Jawut David lech Dios pejba, xananuamsba. Japabat wuajna pan oel mesamatwuajtat. Japapan Dios pej-ofrenda. Do jawut, rey David japapan xael. Do jawutbej, chaxduwpon pejsoldaw, japi xaeliajwa japapan. Japamatkoitat Dios pejbatat sacerdotespaklokolan, japon pawulpon Abiatar, Dios pejtabernáculobatapon. Moisés chajia lelpox jum-aech: “Japapan koew sacerdotas xaeliajwa, nabisti Dios pejbatat. Asew jiw xaeyaxil japapan” —aech Moisés chajia lelpox —aech Jesús.

27 Jesús pejme jum-aech: —Jiw wewe'pas napatamatkoi. Samata, Dios is napatamatkoi jiw damlathulaliajwa. Dios is wut jiw, is-el asbuhan jumch jiw sitaeliajwa napatamatkoi.

28 Samata, xan puexa jiw pakoewkolnan, xajux jumchiliajwan jiw isaxaelpox napatamatkoitat —aech Jesús.

3

Jesús boejthutpox kemamlan
(Mt 12.9-14; Lc 6.6-11)

1 Asamatkoi Jesús lech judíos naewuajnaba poxade. Japabat wuajna ek kemamlan.

2 Fariseosbej jaxot, japi natachaema taeliajwapi Jesús, kemamlan boejthut wut napatamatkoitat. Japi tasalaliajwapi Jesús, japon is wut asax.

3 Do jawut, Jesús jum-aech kemamlanliajwa: —¡Nande! ¡Jiw pejwuajnalel nukde! —aechon.

4 Jawut, Jesús jiw wuajnachaemt wut, jum-aechon: —¿Achaxkat jum-aech Moisés chajia lelpox? ¿Achaxkat Dios naktapaei isliajwas napatamatkoitat? ¿Naktapaeikat isliajwas pachaempox? O, ¿isaxaeskat babijax? ¿Naktapaeikat boejthusliajwas bu'xaeyan? O, ¿boesaxaeskat japon aton? —aech Jesús.

Do jawut, puexa jiw boejlach nuil. Jumnos-elipon.

5 Jesús jiw masajiachpi. Ulanatachaemton, japi jiw matnaetink xoti matabijaliajwa. Nejaxejwasbejpon, japi chiekal matabija-el xot. Do jawut, Jesús jum-aech kemamlanliajwa:

—¡Keba'de! —aechon.

Kebe't wut, pejke-e chiekal wepachaemslison.

⁶ Do jawut, fariseos japox taen wut, jaxot nakolapi. Baxael, natamejapi kaeyaxtat nospaeliajwapi, Herodes pejnachala s̄apich, boesaliajwapi Jesús.

Xabich jiw papasf̄l̄pox pukabab̄'tat, Jesús naew̄ajanpox j̄mtaeliajwa

⁷⁻⁸ Jesús f̄laech, pejnachala s̄apich, Galilea puka poxade. Xabich jiw, Galilea t̄aj̄n̄pijiw, w̄chakal f̄laen. W̄chakal f̄laenbej Judea t̄aj̄n̄pijiw, Jerusalén paklowaxpijiwbej, Idumea t̄aj̄n̄pijiwbej, Jordánlajt wesklelpijiwbej, Tiro paklowaxpijiwbej, Sidón paklowaxpijiwbej. Puexa japi f̄laen, w̄ltaen w̄ti Jesús ispoخانliajwa jiwliajwa Dios pijaxtat.

⁹⁻¹⁰ Jaxot Jesús pukabab̄'tat jiw naew̄ajan. Puexa jiw, bu'xaenki, Jesúslel fijabas, xabich asew japixot boejth̄ut xoton. Japi bu'xaeya xabich jachasiapi Jesús. Jesús xabich jiw taen wut, pejnachala to'apon falkam w̄ljaesliajwa, japon puka pamaklel chadukaliajwa falkamtat, xabich jiw tabe'nasamatas.

¹¹ Jiw dep webaesi pejmatp̄uatanxot, japi Jesús taen wut, brixtat nuili japon pejw̄ajnael. Dep nejla'bala wut, j̄m-aechbalapi jiw pejkaechantat:

—Xam diachw̄ajnakolax Dios pax̄nam —aechbala dep jiw pejkaechantat.

¹² Jawut Jesús nejth̄u'axtat j̄m-aechon depliajwa:

—¡Nabej j̄m-aech' xan Cristowanponan! —aech Jesús depliajwa.

Jesús makanotpox doce apóstoles

(Mt 10.1-4; Lc 6.12-16)

¹³⁻¹⁴ Do jaw̄x, Jesús pinam̄ax julach. Jaxot Jesús pejnachala la julaliajwase, makanochpikal. Natameja wut japonxot, Jesús w̄lduw asew japixot apóstoles. Japi puexa, docepi, japi chalaliajwa Jesús. Jesús japi tato'al jiw naew̄ajnalialjwa.

¹⁵ Jesús chaxdutbej Dios pejpamamax apóstolesliajwa, dep nakolax to'aliajwapi, jiw pejmatp̄uatanxot webaespi.

¹⁶ Doce roejiw makanochpi, japi kaenan̄la pejw̄lan. Kaen paw̄l Simón. Jesús japon w̄lduw Pedrow̄ltat.

¹⁷ Asan paw̄l Santiago. Asan paw̄l Juan. Japon Santiago pakoewan. Japi kolenje Zebedeo paxi. Jesús asaw̄ltat w̄lduw japi kolenje pejnachalan, Boanergesw̄ltat. (Japaw̄l j̄mchiliajwa: “Chamax Paxi” —chiliajwa.)

¹⁸ Asan paw̄l Andrés. Asan paw̄l Felipe. Asan paw̄l Bartolomé. Asan paw̄l Mateo. Asan paw̄l Tomás. Asan paw̄l Santiago. Japon Alfeo pax̄lan. Asan paw̄l Tadeo. Asan paw̄l Simón. Japon majt asam̄tpijin, celotemat̄pijin.

¹⁹ Asan paw̄l Judas Iscariote. Japonlap asamatkoi Jesús wiasaxael padael-majiwxot.

Fariseos j̄m-aechpox Jesús pejpamamaxliajwa, Satanás pejpamamaxliajwabej

(Mt 12.22-32; Lc 11.14-23; 12.10)

²⁰ Do jaw̄x, Jesús ba lech wut, jawutbej, xabich jiw papasf̄l̄ japabaxot. Samata, Jesús, pejnachala s̄apich, xaeyaxil.

²¹ Jesús pakoew, pen s̄apich, w̄ltaen w̄ti Jesús ispoخانliajwa, f̄laeni Jesús poxadin, asalel buflaeliajwapi Jesús. Japi nejchaxoel wut, j̄m-aechi Jesúsliajwa: “Jesús na-acha” —aechi, nejchaxoel wut.

²² Do jawut, judíos chanaekab̄anapi f̄laen Jerusalén paklowaxxotdin. Japibej j̄m-aech: “Jesús to'a wut dep nakolaliajwa jiw pejmatp̄uatanxot, to'apon Beelzebú pejpamamaxtat” —aechi Jesúsliajwa. Satanás asaw̄l Beelzebú.

²³ Jesús la judíos chanaekabuanapi jumchiliajwapon japi. Do japi pat wut, jum-aechon: “Satanás, dep pejpaklon, wepachaemaxisal dep to'aliajwapon, dep nakolaliajwa jiw pejmatpumatxot.

²⁴ Kaetujajnpjijiw nadiajkaxael wut nakaewa nabeliajwa, japi natoesaxael nabeyaxtat.

²⁵ Kaebapijiw nadiajkaxael wut nakaewa nabeliajwa, japibej natoesaxael nabeyaxtat.

²⁶ Jachiyaxaellap-is Satanás, pejjiw srapich, nadiajkaxael wut nakaewa nabeliajwa. Japi natoesaxael nabeyaxtat. Ja-aech wut, Satanás toepaxael” –aech Jesús judíos chanaekabuanapiliajwa.

²⁷ Jesús pejme jum-aech: “Kaen natkowasia wut asabatat, japon leyaxil, bapijin wujajna wut batat, japon mamnik wutbej. Majt bapijin muatat kuiyaxaeson. Do ja-aech wut, bapijin pejew nosaxael kethakan.

²⁸ “Diachwujajnakolax xan jum-an. Dios xajup beltaeliajwa, jiw jum-aech wut babejjamechan Diosliajwa. Jiw babijaxan ispi, japi Dios beltaeyaxaes-bej.

²⁹ Pelax jiw jum-aech wut babejjamechan Espíritu Santoliajwa, ja-aech wut, Dios beltaeyaxil japi jiw. Japi pomatkoicha kaelel pejbw'wujajnael Diosliajwa” –aech Jesús.

³⁰ Jesús japox jum-aech judíos chanaekabuanapi, jum-aech xot: “Jesús webaes dep pejmatpumatxot” –aech xoti.

*Jesús pen, japon pakoewbej, japi nospaesiapox, Jesús srapich
(Mt 12.46-50; Lc 8.19-21)*

³¹ Do jawux, Jesús pen, japon pakoewbej, pati Jesús jiw naewujajnanxot. Jaxot pat wut, nuili tathoetlel. Do jawut, kaen aton to'api, jumchiliajwapon Jesús, Jesús nakolsliajwa tathoetade.

³² Xabich jiw Jesús masajiach. Do jawut, asew japixot jum-aech:
–Jiw chanaekabuanan, nej-en, nakoew srapich, ba tathoetlel nuil. Xam wulweki –aechi Jesúsliajwa.

³³ Do jawut, Jesús jum-aech:
–¿Achewkat, me-ama taj-en, takoewbej? –aech Jesús.

³⁴ Do jawut, Jesús natachaemt wut, jum-aechon masajiachpiliajwa:
–Xamal tajjiwam, xamallap, me-ama taj-enjiwam, takoewjiwambej!

³⁵ Xamal isfulam wut Dios nejxasinkpoxan, ja-am wut, me-ama takoewam, me-ama taj-enambej –aech Jesús.

4

*Trigo pejwujajan, xasaljabapon
(Mt 13.1-23; Lc 8.4-15)*

¹ Asamatkoi Jesús tuadut jiw naewujajnalialjwa pukababw'tat. Do jawut, xabich jiw papasful japonxot. Samata, falkam julon ekaliajwa japafalkamtat. Jasoxtat chadukon jiw naewujajnalialjwa. Japi jiw putat nuil.

² Jesús xabich wujajantat naewujajan jiw chiekal naewujajnalialjwapon.
Do jawut, naewujajan wut, jum-aechon:

³ “¡Chiekal naewe'e ampawujajan! Kaen aton fulaech pejlul poxade, trigo xasaljabaliajwa.

⁴ Xasaljaba wut, asew trigo natacholan nuamtat. Do jawux, mia pat japa-trigo xaeliajwas. Do jawutbej, japi trigo mia xaeslisi, nuamtat natacholanpi.

⁵ Asew trigo natacholan ia'xot, jaxot as xanaja'al. Japi trigo kamta naboela, sat kaesrapich xot.

⁶ Xabich masxaenk wut, japi trigo selnas, xabich tathinkasnika-el xotdik. Do jawut, tuplisi.

⁷ Asew trigo natacholan na-e'lu tasiaptasxot. Japi trigo naboela wut, do jawut, na-e'lu bej naboela. Na-e'lu tapae-el trigo ti'sax, na-e'lu kaes athu xot. Samata, japi trigo naboesaxil.

⁸ Asew trigo natacholan sat pachaemxot. Puexa japi trigo chiekal naboela. Ti't wut, trigoton chiekal naboet. Asew trigoton naboet treinta trigofu. Asew trigoton naboet sesenta trigofu. Asew trigoton naboet cien trigofu” —aech Jesús.

⁹ Jesús pejme jum-aech: “Xamal Dios pejnechaxoelax matabijasiam wut, jchiekal naewe'e xan jum-anpoxan!” —aech Jesús.

*Ma-aech xot Jesús xabich wuajantat naewuajan
(Mt 13.10-17; Lc 8.9-10)*

¹⁰ Do jawux, Jesús tamach wut, doce apóstoles suapich, kaes asewbej, japon pejnachalapi, jawut japi puexa wuajnachaemt wut, jum-aechi Jesúsliajwa:

—¿Achax jumchiyaxaelkat japawuajan? —aechi, wuajnachaemt wut Jesús.

¹¹ Jesús jumnot wut, jum-aechon:

—Dios xamal tapaei matabijaliajwam Dios pejjiw tato'alpox, xan japox naewuajnas wut. Pe asew jiw, xanaboeja-elpi Dios, jumtaeyaxael wuajankal asbuan jumch.

¹² Samata, japi jiw xabich natachaema. Pe japi taeyaxil. Japibej xabich naewet jummatbijaliajwa, pe jummatbijaxili, japi Dios xanaboejasamata, Dios japi babijaxan ispoxanliajwa beltaesamatabej —aech Jesús pejnachalaliajwa.

*Jesús chiekal chanaekabuana pox trigo pejuwajan, xasaljabapon
(Mt 13.18-23; Lc 8.11-15)*

¹³ Do jawut, Jesús pejme jum-aech pejnachalaliajwa: “¿Xamalkat matabijam emil trigo xasaljabapon pejuwajan? ¿Machiyaxaelamkat matabijaliajwam, naewuajnas wut asawuajan?” —aech Jesús pejnachalaliajwa.

¹⁴ Do jawut, trigo pejuwajan, xasaljabapon, Jesús chiekal chanaekabuana pejnachala. Jum-aechon: “Trigo xasaljabapon, japon, me-ama Dios pejjamechan naewuajanpon.

¹⁵ Trigo natacholanpi nuamtat, japox, me-ama Dios pejjamechan jiw naewuajnaspox. Jumtaenpi naewuajnaspox, asew japixot, matabijaxil, matnaetink xoti. Me-ama sat tink, ja-aech xot japi pejmatnaetan. Do jawut, Satanás pasaxael Dios pejjamechan jukaliajwa japi jiw pejmatpuatanxot. Samata, japi jiw naexasisaxil Dios pejjamechan.

¹⁶ Trigo natacholanpi ia'matwuajtat, as xanaja'alxot, japi trigo kamta naboela. Japi trigo, me-ama jiw. Japi jiw jumtaen wut Dios pejjamechan, chiekal naexasiti. Do jawutbej, nejchachaemili.

¹⁷ Pe jawutbej, naexasit xoti Dios, asew jiw bu'wuajanpaeis wuti, o, chaemilpox wepach wutbej, do jawut, japi jiw kofa Dios naexasitpox. Kaes naexasis-ellisi, pejnechaxoelaxan kaes mamnika-el xot, chiekal naexasis-el xoti Dios. Japi jiw, me-ama trigo tathinkasnika-elpi, chiekal ti'sfula-el. Ja-aechlap-is japi jiw, kofa xoti Dios naexasitox.

¹⁸ Asew jiw, me-ama trigo, naboelapi na-e'lu tasiaptasxot. Japi jiw naexasit Dios pejjamechan, naewuajnas wut. Do jawux, kofapi, pejnechaxoelaxan asaxan matakas xot.

¹⁹ Japi jiw nejchaxoel ampathatpijaxankal. Nejchaxoelbejpi kemaenkaliajwa. Xabich platasiapi. Japanechaxoelaxantat Dios pejjamechan matakas. Samata, Dios pejjamechan ti'sfulaxil japi pejmatpuatanxot.

²⁰ Asew jiw, me-ama trigo, natacholanpi sat pachaemxot. Japi jiw lax chiekal naexasisful, Dios pejjamechan naewhajan wut. Ja-aech wut, japi jiw isful Dios nejxasinkpoxan. Samata, asew japixot, me-ama trigoton naboeti treinta trigofu. Asew jiw japixot, me-ama trigoton naboeti sesenta trigofu. Asew jiw japixot, me-ama trigoton naboeti cien trigofu” –aech Jesús, pejnachala chanaekabana wut trigowhajanliajwa.

*Lámpara pejwhajan
(Lc 8.16-18)*

²¹ Jesús pejme jum-aech: “Lámpara tamdutam wut, asaxtat matakasaximil. Cha-esaximilbej camabuxfaltat. Athu cha-esaxaelam atuhaj itliakaliajwa.

²² Jachiyaxaelam tajnaewhajnaxliajwa. Puexa tajnejchaxoelaxan, me-ama moechaspoخان. Pe asamatkoi puexa chiekal matabijaxaeli tajnaewhajnaxprijaxtat. Puexa jiw tajnaewhajnax matabija-elpi, japi asamatkoi matabijaxael.

²³ Xamal Dios pejnechaxoelax matabijasiam wut, jxan jum-anpox chiekal naewe'e!” –aech Jesús.

²⁴ Jesús pejme jum-aech: “¡Chiekal nejchaxoelde xan jum-anox! Asew jiw wewe'pas wut, jxamal chaxduim xajupampoxtat! Ja-am wut, xamalbej Dios chaxduiyaxael wewe'ppoxan. Dios kaes pejme xamal chaxduiyaxael pachaempoxan, chiekal matabijt xoton xamalliajwa.

²⁵ Dios pejew chiekal tataefulpon, japon kaes pejme chaxdusaxaes. Asanlax, chiekal tataefla-elpon Dios pejew, japon kaesupich tataefulpoxan, japoxan kefisaxaeson” –aech Jesús, jiw naewhajan wut.

Pafut ti'tpox pejwhajan

²⁶ Do jawut, Jesús naewhajan pejnachala. Dios tato'al wut pejjiw, japox kaesfulaxael. Samata, Jesús jum-aech: “Dios pejjiw tato'laxaelpox kaesfulaxael ampathatat. Me-ama aton trigo xasaljaba wut satat, jachiyaxaellapi-is Dios tato'alpox pejjiw.

²⁷ Dolisdo', japi trigo naboela wut, ti'sful matkoi, madoibej. Trigo xasaljabapon moejt wut, japi trigo tamach ti'sful. Japon matabijs-el, ma-aech, trigo ti'sful wut.

²⁸ Japi trigo naboela satat. Naboela wut, ti'ti. Ti't wut, trigo naboet.

²⁹ Trigo chiekal ti't wut, pachaem jolaliajwa, pat wut pejmatkoi” –aech Jesús.

*Mostazafut pejwhajan
(Mt 13.31-32; Lc 13.18-19)*

³⁰ Jesús pejme jum-aech: “Xamal chiekal matabijaliajwam, naewhajnaxaelen whajan, ma-aech Dios tato'laxaelpox pejjiw kaesfulaliajwa.

³¹ Dios puexa pejjiw tato'alpox, me-ama mostazafut. Kaen aton japafut mutht pejlultat. Kamta weti'tas wut, do chiekal naedo'. Diachwhajnaxolax japafut kaes pejme cha-aelfut ampathatat.

³² Japafut muthtas wut, kamta ti't. Japanae, boejtachnaechlejen, kaewaech wut, ti't. Ti't wut, kaes athu. Me-ama asaxan jiw pejlulanxot muthapi, jachi-el. Samata, pachaem mia chalakaliajwa japadalantat, japanae pejnajelnaxtat” –aech Jesús.

*Jesús naewhajan wut, xabich naewhajan whajantat jiw jumtaeliajwa
(Mt 13.34-35)*

³³ Jesús naewhajan wut, xabich naewhajan whajantat jiw jumtaeliajwa. Jiw kaes xajupa-el wut japawhajan matabijaliajwa, Jesús buxkoft naewhajanpox.

³⁴ Pomatkoicha Jesús jiw naewhajan whajantat. Do jawux, tamach wut, pejnachala swapich, Jesús chiekal chanaekabwana puexa pejnachala chiekal matabijaliajwa.

Jesús fiatpox joewa, truxanbej

(Mt 8.23-27; Lc 8.22-25)

³⁵ Japamatkoitat, chatuil wuti, Jesús jum-aech pejnachalaliajwa:

—¡Chijias puka we-enlelde! —aechon.

³⁶ Jawut pejnachala falkam jul. Jesús chajia whajna falkamtat ek, jiw naewhajan xot. Do jawut, jaxot asew jiw waelapon pukababut'at. Jawut, Jesús, pejnachala swapich, chaflaech wut, asafalkammochantat asew jiw wuchakal chafol.

³⁷ Do jawut, chalechkal xabich pinajoewa pat, xabich pintruxanbej. Falkam min walukafal truxan fajabaxtat.

³⁸ Pe falkamta-ulel Jesús nejmach moejt. Taxu-oton taxu-osax.

Do jawut, pejnachala thikas wut, jum-aechi:

—¡Jiw chanaekabwanan! ¿Xamkat nejchaxoela-emil xatis chabu'laxaesox? —aechi Jesúsliajwa.

³⁹ Do jawut, Jesús nant fiasliajwa joewa, truxanbej. Jawut jum-aechon pukaliajwa:

—¡Kaes nabej pintruxne! —aech Jesús.

Do jawut, chalechkal joewa chiekal toep. Puexa chiekal itnapatan.

⁴⁰ Do jawut, Jesús jum-aech pejnachalaliajwa:

—¿Ma-aech xotkat xamal nejlewlá? ¿Chiekal xan naxanaboeja-emilfuk xamal bu'weyaxaelenpox? —aech Jesús pejnachalaliajwa.

⁴¹ Do jawut, japi xabich natachaemanuil. Xabich pejlewlabejpi. Samata, nakaewa najum-aechi:

—¿Achankat ampon? Joewa, pukabej, chiekal naexasichpon —na-aechi nakaewa.

5

Jesús to'apox dep nakolaliajwa aton pejmatpuxatxot

(Mt 8.28-34; Lc 8.26-39)

¹ Jesús, pejnachala swapich, chapa'a Gerasa tuajnu, puka we-enlelde.

²⁻³ Jesús nant wut papuxatxot, kaen aton najae'an Jesúsleldin. Japon aton dep webaes pejmatpuxatxot. Japon aton duk patupamuthanxot. Jiw ke'saxilipon. Cadenamnatatbej piach xawaesaxil.

⁴ Whajna chajia pin-iaveces xawaekson cadenamnatantat. Tnakwasixawaekspon. Kewsixawaeksbejpon. Japon xawaeks wut, cadenamna likton. Jiw xajura-el piach xawaesliajwapi, xabich mamnik xoton.

⁵ Pomatkoicha, pomadoichabej, japon jumch nanamt mmaxanxot, patupamuthanxotbej. Nanamt wut, xabich nejlaton. Ia'tat pajut naxkoljabapon naxbijabaxtat.

⁶ Japon aton dep webaes pejmatpuxatxot, Jesús atmaxach fulaeyax taen wut, najae'non Jesúslel. Pat wuton Jesús pejwhajnalel, brixtat nukon.

⁷⁻⁸ Brixtat nuk wut, Jesús jum-aech depliajwa:

—Dep, ¡xamal nakolim japon aton pejmatpuxatxot! —aechon.

Samata, dep aton pejkaechatat nejlat wut, jum-aechon:

—Jesús, ¡xam Dios athupijin paxulnam! ¿Achaxasiamkat xanalxot? ¡Xanal jum-an Dios pejwhajnalel natalias-elaliajwam! —aech dep, nejlat wut.

⁹ Do jawut, Jesús whajnachaemt wut, jum-aechon:

—¿Achawulamkat xam? —aech Jesús.

Japi dep xabich pin-iat. Samata, jumnot wut, jum-aechi:

—Xanal tajwul Xabich, xabich pin-iatan xot —aech japi dep.

¹⁰ Dep jum-aech Jesús to'asamata atuj asatujnalel.

¹¹ Jaxot mox muxxot maran pin-iakola naxaelp.

¹² Samata, dep xabich jum-aech:

—Ampon atonxot xanal nakolax nato'am wut, inatapaem maranxot leliajwan! —aech japi dep.

¹³ Do jawut, Jesús ow-aech dep wuljowpox. Dolisdo', dep nakola wut japon aton pejmatpuatxot, japi dep lowlisi maranxot. Japi maran xabich pin-iat, me-ama dos mil. Jawut puexa maran dukp chuatadik. Mintat natacholan wut, jaxotdik puexa maran bu'al.

¹⁴ Do jawutbej, maran tataefulpi pejlewt dukp pejpaklowax poxade. Chapaeilisi taenpoxan. Paklowaxxot mox duilibej chapaeipi. Jawut jiw fulaen pajut chiekal taeliajwa jumtaenpoxan.

¹⁵ Japi jiw Jesúsxot pat wut, taenlisi japon aton. Japon aton dep wejisallison pejmatpuatxot. Jesúsxot bu'la-eklison naxoelax, wepachaemxot pejnechaxoelax. Jiw fulaeni, taen wuti japon, xabich pejlewlapi.

¹⁶ Taenpi Jesús ispox japon atonliajwa, maranliajwabej, japi chiekal chapaei taenpoxan asew jiw, pa'anpiliajwa.

¹⁷ Do jawut, japatujnupijiw to'api Jesús asatujnalelialiajwa, Gerasa tujnuxot namanasamata.

¹⁸ Do jawux, Jesús falkam jul wut, japon aton, dep wejisalpon pejmatpuatxot, xabich kawujan nakfulaeliajwapon Jesús.

¹⁹ Pe Jesús tapae-el japon aton nakfulaeliajwas. Do jawut, Jesús to'a japon aton pejjiw poxade nawiasliajwa. Jesús jum-aech:

—¡Nawia'mich nejba poxade! ¡Nejjiw chapaem puexa Dios ispox xamliajwa, Dios xam beltaen xot! —aech Jesús.

²⁰ Do jawut, fulaechlison Decápolis tujnu poxade. Chapaeullison japaklowaxanpijw Jesús ispox japonliajwa. Puexa jiw jumtaen wut, jum-aechnap: “¡Tae'nik ampon aton! ¡Chiekal pachaemlison!” —na-aechnap nakaewa.

Amxot jum-aechox Jesús pawis boejthutpoxliajwa, asaow patupow matetpoxbejliajwa, pejme dukaliajwapow

(Mt 9.18-26; Lc 8.40-56)

²¹ Jesús, pejnachala sapich, kaxa nawen puka we-enleldin falkamtat. Jesús chapa'an wut, xabich jiw papasful Jesúsxot pukababu'tat.

²² Jawut kaen aton pat. Japon pawul Jairo. Judíos naewujnabapijiwxot, japon japixot paklonpon. Jesús taen wuton, brixtat nukjabapon Jesús pejwujnalel.

²³ Jairo xabich tadut Jesús nakfulaeliajwas japon pejba poxade. Jum-aechon:

—Taxulow xabich nawebu'xaenk. Mox pawujnapow tupaliajwa. ¡Xabu't! ¡Xan nakfulaem taxulowxot ke-osliajwam, boejthusliajwampow! —aech Jairo.

²⁴ Do jawut, Jesús nakfol Jairo. Jesús xabich jiw chalas. Japixot xabich jiw Jesús pejwujnalel fol. Asew fol Jesús wuchakallel. Jesús xabich tabe'nafulas.

²⁵ Do jawut, kaeow pawis wuchakal fol. Japow bu'xaenk. Xabich nabijatow. Pejlaw wut, jal chiekal matduka-el. Doce waechan jal chiekal matduka-elpox.

²⁶ Xabich jiw woew w_ualachipow. Pe chinax kaen aton japow boejth_us-esal. Xabich nabijatow w_uaspoxtat. Xadaeptbejpow puexa pejew plata nawoeyaxtat. Pe jal chiekal matduka-el.

²⁷⁻²⁹ Japow w_ualtaen Jesús. Samata, Jesús mox w_ut, w_uchakal folow. Jaw_ut nejchaxoelow: “Xan Jesús pejnaxoelax jajastaxpoxtat naboejth_usaxaelon” –aechow, nejchaxoel w_ut. Samata, japow jajast Jesús naxoelax. Do jaw_ut, japow chiekal boejth_us. Jal chiekal ajil. Pajut b_u'boejtaenpow chiekal boejth_usox.

³⁰ Jesús boejtaen, pejpamamax wenakolsas w_ut. Samata, Jesús kaxa natachaemdik w_ut, j_um-aechon:

–¿Achankat xan tajnaxoelax nawejajast? –aech Jesús.

³¹ Do jaw_ut, Jesús pejnachala j_um-aechi Jesúsliajwa:

–Jiw xam tabe'naf_ul. ¿Ma-aech xotkat xam w_uajnachaeamtam: ‘¿Achankat xan tajnaxoelax nawejajast?’ –amkat xam? –aechi Jesúsliajwa.

³² Dolisdo' Jesús natadiajsf_ul jiwlel taeliajwa, achan jajastason.

³³ Jaw_ut japow tath_ulal pejlewt. Matabijtow wejatisox. Samata, brixtat nukow Jesús pejw_uajnalel. Jaw_ut chapaeipow wejatispox.

³⁴ Do jaw_ut, Jesús j_um-aech japowliajwa:

–Taj-atow, amw_utjel xam pachaemam, chiekal naxanaboejtam xot. ¡Xab_ua'de nejmach! Nejwaxae kaes ajil xamxot –aech Jesús.

³⁵ Jesús naksiya w_utf_uk, Jairo pamak pat Jairoxot. Japi j_um-aech Jairo j_umtaeliajwa:

–Nax_ulow t_uplisow. Samata, ¡nabej tad_us jiw chanaekab_uanan xam nakf_ulaeliajwa nejba poxade! –aechi.

³⁶ Jesús naek_uanjiamt japi j_um-aechpox, j_umtaen w_uton. Samata, Jesús j_um-aech Jairoliajwa:

–¡Nabej nejlewl_u' nax_ulow t_uppoxliajwa! ¡Xanaboejsf_ulde Dios! –aech Jesús.

³⁷ Do jaw_ut, Jesús nakiowa nakfolon. Jaw_ut Jesús b_u'fol Pedro, Santiagobej, Jairo pejba poxade. B_u'folbejpon Juan. Japon Santiago pakoewan. Jesús tapae-el kaes asew jiw nakf_ulaeliajwas Jairo pejba poxade.

³⁸ Pat w_uti Jairo pejbaxot, Jesús j_umtaen xabich jiw j_um_xan-elpoxan, jiw pinjametat w_un_owpoxanbej Jairo pax_ulow t_uppoxliajwa.

³⁹ Ba lech w_ut, Jesús j_um-aech:

–¿Ma-aech xotkat xamal xabich j_um_xan-elam? ¿W_un_owambej? Japow t_upa-el. Japow moejt –aech Jesús w_un_owpiliajwa.

⁴⁰ Japox j_umtaen w_uti, asb_uan j_umch xafafoli Jesúsliajwa. Do jaw_ut, Jesús nakolax to'a jiw tathoetade. Jaw_ut Jesús b_uflaech pejnachala batuchade, pat_upow och poxade. B_uflaechbejpon pat_upow pax, japow penbej.

⁴¹ Jaxot Jesús pat_upow kefit w_ut, j_um-aechon pat_upowliajwa:

–Talita cum –aech Jesús. (Japox j_umchiliajwa hebreojametata: “Jam, xan j_um-an: ‘¡Mat-e'e pejme dukaliajwam!’ –an xan” –chiliajwa.)

⁴² Do jaw_ut, kamta pat_upow mat-et. Mat-et w_ut, nantow. Jaw_ut pajut chiekal laejepow. Japow doce waechan. Jaw_ut puexa jiw j_um-aech: “¡Taem pat_upow! ¡Laejapow pejme!” –aechi.

⁴³ Jesús nejth_u'axtat j_um-aech: “¡Nabej chapae' ampox asew jiw, xan isx_urox xamalliajwa!” –aech Jesús jaxotpijiwliajwa. Do jaw_ut, Jesús pejme j_um-aech: “¡Chaxduim naxaeyax japow xaeliajwa!” –aech Jesús.

6

*Jesús Nazaret paklowaxxotpox
(Mt 13.53-58; Lc 4.16-30)*

1 Jesús nakolt wut Capernaum paklowaxxot, fúlaechon pejtúajnúkolax poxade, pejnachala suapich.

2 Pat wuti Nazaret paklowaxxot, do jawux, napatamatkoi wut, Jesús lech judíos naewúajnába poxade. Jaxotde tñaduton jiw naewúajnalíajwa. Jaxotbej xabich jiw jumtaen wut Jesús naewúajanpox, jawut, nakaewa nawúajnachaemsna wut, jum-aechi:

—¿Amxotkat ampon japoxan xabich matabijit jiw naewúajnalíajwa? ¿Amxotkat matabijitbejpon matabijsax? ¿Ma-aech xotkat japon xajup koechaxan islíajwa?

3 Ampon carpintero nabichan, María paxulan. Ampon pakoew ampilape. Kaen pawul Santiago. Asan pawul José. Asan pawul Judas. Asan pawul Simón. Jesús pakoewbej, watho', japi duil xatisxot —na-aechi nakaewa.

Samata, naexaxis-eli Jesús naewúajanpox.

4 Do ja-aech wut, Jesús jum-aech japilíajwa:

—Profetas sitaens asapaklowaxanpijw. Pelax pejpaklowaxkolapijw sitaesal. Pejjiwkola, pejbapijwbej, sitae-esal —aech Jesús japi jiwliájwa.

5 Samata, jaxot Jesús isaxil koechaxan. Kaesúapich jiw bú'xaeya boejthuton, jacha wut.

6 Jesús xabich nejchaxoelanuk japi jiwliájwa, naexaxis-el xoti. Do jawut, Jesús fúlaech asatúajnúchan mox poxade. Japalelde jiw naewúajnafuldepon.

Jesús to'apox pejnachala japi naewúajnalíajwa Dios tato'laxaelpox jiw ampathatat

(Mt 10.5-15; Lc 9.1-6)

7 Do jawut, Jesús la doce apóstoles. Japi pat wut Jesúsxot, jawut, Jesús kaenanula kolenje to'apon japi paklowaxan poxalíajwa, naewúajnalíajwapi Dios pejjamechan. To'a wut pejnachala, jum-aechon: “Jiw xabú'kúlam wut, dep webaesi pejmatpúatanxot, japi dep to'im nakolalíajwa japi jiw pejmatpúatanxot Dios pijaxtat!” —aech Jesús, to'a wut pejnachala.

8-9 Jesús kefiat pejnachala, nanúamt wut xalaesamata. Jum-aechon: “¡Nekilachalanaeyankal xalaem! ¡Nabej xalae' naxaeyaxan, plata, nejchoxanbej! Mado' itúakxajoelam, ¡do japoxkal túaklaflaem! ¡Ja-amdebej naxoelaxlíajwa! Mado' inaxoelam, ¡do japoxkal bú'laflaem!” —aech Jesús pejnachalalíajwa.

10 Jesús pejme jum-aech:

—Xamal paklowax patam wut, ¡kaebaxot duilde, jiw naewúajnalíajwam japapaklowaxpijw! Asalel fúlaelíajwam wut, do jawut, ¡japabaxot nakolim!

11 Asew jiw xamal bú'kúla-el wut, nejnaewúajnax naewes-el wutbejpi, ¡japapaklowaxxot nakolim, asapaklowax poxalíajwam! Nakolam wut, ¡nejtúakxajoe jolde lúlalíajwam as natacholnalíajwa! Jasoxtat japi jiw pajut matabijaxael babijax ispox Dioslíajwa, xamal bú'kúla-el xoti —aech Jesús.

12 Dolisdo', Jesús pejnachala follisi. Pat wuti, japapaklowaxanpijw naewúajanlisi kofalíajwa babijaxan ispoxan, naexaxislíajwabejpi Dios.

13 Jesús pejnachala dep to'a jiw pejmatpúatanxot nakolalíajwa. Samata, xabich dep nakola. Xabich bú'xaeyabej boejthuti, bú'xalot wuti jiw olivosimintat.

Juan, jiw bautisan, boesaspox

(Mt 14.1-12; Lc 9.7-9)

14 Potúajnúcha xabich jiw wultaena Jesús pejwúajan. Rey Herodes, Galilea túajnúpijw tato'lan, japonbej wultaen Jesús ispoxan, jiw nakaewa nospaei wut Jesúsliájwa. Pe Herodes matabijs-el, achan Jesús. Jumtaenpon, jiw nakaewa najum-aech wut Jesúsliájwa: “Jesús, japonlap Juan, jiw bautisan.

Mat-echpon pejme duk. Samata, xajupon koechaxan isliajwa” —na-aech wut jiw nakaewa Jesúsliajwa.

¹⁵ Asew japixot najum-aechbej Jesúsliajwa: “Jesús, japonlap profeta Elías. Mat-echpon pejme duk” —na-aechi nakaewa. Asew japixot najum-aechbej: “Jesús, japonlap profeta, me-ama majt duilpi” —na-aechi nakaewa Jesúsliajwa.

¹⁶ Herodes jumtaen wut jiw najum-aechpox Jesúsliajwa, japon jum-aech:

—Jesús, japonlap Juan. Xan tajsoldaw majt tajut keto'ax Juan taxtasi-archaliajwas. Amwutjel japon mat-ech. Samata, japon pejme duk —aech Herodes.

¹⁷ Juan laeja wut, Herodes keto'a pejsoldaw Juan jaelsliajwas. Do jawut, Juan jaeltas wut, jiaspon jiw jebatat. Jaxot cadenamuatat xawaechpon. Herodes japox is, to'as xoton pijow Herodías. Japow majt Felipe pijow. Japon Herodes pakoewan. Baxael, Herodes pakoewan Felipe fe'enpon.

¹⁸ Herodes pakoewan fe'en wut, Juan jum-aech Herodesliajwa: “¡Xam nakoewan pijow nijow dofaximil! ¡Japox chaemil isliajwa!” —aech Juan Herodesliajwa.

¹⁹⁻²⁰ Samata, Herodías japox jumtaen wutow, xabich nejweslapow Juan. Japow to'a pamal, japon keto'aliajwa pejsoldaw Juan boesaliajwas. Pe Herodes owchi-el, sitaen xoton Juan. Herodes matabijt, Juan xabich pachaempon. Samata, Herodes majt tapae-el Juan boesaliajwas. Juan naewhajanpox Herodes nejxasink. Pe kolenejchaxoelaxan xot, matabiis-elon isaxaelpox.

²¹ Do jawux, Herodes is wut pejcumpleaños, xabich wullalapon paklochow, soldawpaklochowbej, kaes kemaenkibej, Galilea tujnapijiw. Do jawut, wullalasi puexa chiekal patlisi Herodesxot. Do jawutbej, Herodíasliajwa chiekal wepachaemsow pamal keto'aliajwa, japonbej keto'aliajwa pejsoldaw Juan boesaliajwas. Nejchaxoelow japox.

²²⁻²³ Dolisdo', fiesta wut, Herodías paxulow pat. Japow tamach nababoela puexa jiw pejwhajnalel, japi taeliajwa. Nababoela wut, Herodes, asew jiwbej, naxaelpi japonxot, xabich nejchachaemili, japow nababoela wut. Do jawut, Herodes jum-aech japowliajwa:

—¡Nejxasinkampox xan nawuljoem! Xan japox chaxdusaxaelen. Di-achwhajnakolax paeix. Nawuljowampox chaxdusaxaelen. Nejxasinkam wut, xan tato'laxtuhajna chiekal najupachadusaxaelen xam tato'laliajwam —aech Herodes japowliajwa.

²⁴ Do jawut, japox jumtaen wut, pen poxadepow whajnachaemsliajwapow pen. Penxot pat wut, charaeipow paxon jumentispor. Jawut jum-aechow penliajwa:

—En, ¿achaxkat xan taxon wuljoeyaxaelen? —aechow.

Do jawut, pen jumnot wut, jum-aech:

—Jam, ¡ma amwut naxon wuljoem Juan, jiw bautisan, pejmatnaet! —aechow paxulowliajwa.

²⁵ Do jawut, japow Herodes poxade. Jum-aechow rey Herodes jumtaeliajwa:

—¡Ma amwut nachaxdu'e Juan pejmatnaet plaftat! —aechow.

²⁶ Do jawut, Herodes xabich nejxaejwas, jumtaen wuton japow wuljowpox. Samata, Herodes elchiyaxil japow wuljowpoxliajwa, chajia jumdut xotlison puexa paklochow pejwhajnalel japow chaxdusliajwa wuljoeyaxaespor. Samata, Herodes chaxdusaxael japow wuljowpox.

27-28 Do jawut, Herodes pejsoldawan to'a Juan pejmatnaet chaxlaeliajwadin. Jawut soldawan fulaech jiw jeba poxade. Jaxotde pa'a wut, Juan taxtasiapchapon. Plaftat Juan pejmatnaet chaxlaens fiesta poxadin. Soldawan xapat wut, Herodías paxulow chaxduton Juan pejmatnaet. Do jawut, japow pen poxade chaxlaeliajwa Juan pejmatnaet.

29 Juan pejnachala jumtaen wut Juan boesaspo, jawut fulaeni Juan patupan chaxlaeliajwa. Do jawut, chaxfollisipon muthsliajwa. Do jawut, muthslisipon.

Jesús naxaeyaxan chaxduwpox cinco mil poejiw
(Mt 14.13-21; Lc 9.10-17; Jn 6.1-14)

30 Jesús pej-apóstoles buxtoet wuti naewuajanpoxan asapaklowaxanpijiw, kaxa nawenlisi. Pat wuti, natamejapi Jesúsxot. Jawut puexa chapaelisi ispojan, naewuajanpoxanbej.

31 Jaxot xabich jiw fulalaena. Samata, Jesús pejnachala xabich it-els xaeliajwa, jiw xabich xot. Samata, Jesús jum-aech:

—¡Chijias jiwjil poxade, xatis tamach damlathulaliajwas! —aech Jesús.

32 Do jawut, Jesús, pejnachala suapich, chaflaech falkamtat jiwjil poxade.

33 Pe nakiowa, jawut xabich jiw fultaeni Jesús, chaflaech wut, pejnachala suapich. Matabijapi. Samata, xabich paklowaxanpijiw dukpde Jesús itjulaxaech poxade. Japi wuajna pa'a.

34 Jesús chapat wut falkamtat, Jesús xabich jiw taen paputlel. Taen wuton, japi jiw xabich beltaenon. Jawut Jesús nejchaxoel wut, jum-aechon: “Ampi jiw, me-ama ovejas, wejisal xoti tataeflaspon” —aech Jesús, nejchaxoel wut. Samata, tudutlison xabich naewuajnaliajwa.

35 Kaliax wut, Jesús pejnachala moxlisi Jesúsxot. Do jawut, japi jum-aech Jesúsliajwa:

—Tuilaliso. Amxot ajil tuajnuhan. Ajilbej naxaeyaxan wuajsliajwas.

36 Samata, jampi jiw to'im tuajnuhan poxade, naxaeyaxan wuajsliajwa! —aechi Jesúsliajwa.

37 Jesús japox jumtaen wut, jum-aechon:

—¡Xamal najut chaxduim naxaeyaxan ampi jiw xaeliajwa! —aechon.

Do jawut, jum-aechi:

—¿Xamkat nejxasinkam xanal pan wuajsliajwan doscientos denariostat, puexa ampi jiw xaeliajwa? —aech Jesús pejnachala.

38 Jesús wuajnachaemt wut, jum-aechon:

—¿Massuapichkat pan xamalxot? ¡Xabu'a'de taeliajwam jiwxot! —aech Jesús.

Do jawut, japi taen wut, jum-aechi:

—Asbuhan jumch cinco pan xanalxot, kolenje baxinbej —aechi.

39 Do jawut, Jesús to'a pejnachala puexa jiw kaenanula, pejmutan suapich, polaxot chalakaliajwa.

40 Asamutan, pinamutan. Japamutanxot, me-ama cien jiw. Asamutan kaesuapich jiw. Japamutanxot, me-ama cincuenta jiw. Puexa jiw chalak, pejmutan suapich.

41 Do jawut, Jesús cinco pan chafit, kolenje baxinbej. Athulel natachaemsepon Dios kawuajnaliajwa. Dios kawuajan wut, jum-aechon: “Ax, xan gracias-an ampapanliajwa, ampabaxiliajwabej, xanal nachaxduwampi” —aech Jesús, pax Dios kawuajan wut. Do jawut, jalkafullison pan. Jalkaful wut, pejnachala chaxduifullison japi sasliajwa, puexa jiw xaeliajwa. Ja-aechbejpon baxiliajwa.

42 Puexa jiw chiekal xael. Chiekal nafnialisi.

43 Jiw xaeyax kaechatoel wut, malpi Jesús pejnachala jia matpirantat. Wulupi doce matpiran baxitoerow, pan malsibej.

44 Japi jiw xaelpi, cinco mil poejiw. Watho', yamxi s̄apich, xajui-esal.

Jesús f̄laenpox pukaminakaldin
(Mt 14.22-27; Jn 6.16-21)

45 Do jawux, Jesús to'a pejnachala falkam julaliajwa, puka we-enlelde chalikalialjwa. To'aponi w̄ajna chaflaelialjwa, Betsaida paklowaxlelde. Jesús kaweta namanfuk jiw to'aliajwa nawelialjwa pejbachan poxade.

46 Do jawux, jiw to'a wut, Jesús julach m̄ax poxase tamach Dios kaw̄ajnalialjwa.

47 Sesa itk̄atnik wut, Jesús tamach naman. Pejnachala falkamtat chafolfuki pukatukolaxtat.

48 Taenon pejnachala xabich faetox. Joewa matalech falkam. Mox paw̄ajna wut nalianalialjwa, Jesús f̄laen pukaminakal. Me-ama matnoch xensliajwa wut, ja-aechon.

49-50 Pejnachala taen w̄ti Jesús, pukaminakal f̄laenox, nejchaxoeli: “¡Tae'nik! ¡Ama dep f̄laen!” —aech Jesús pejnachala, nejchaxoel wut. Samata, puexa japi xabich natachaema. Do jawut, pota na-oenklisi, xabich pejlewla xot. Jawut Jesús jum-aech:

—¡Nabey nejlewle'! ¡Xanpe'! —aech Jesús.

51 Do jawut, Jesús falkam juldik japixot. Jawut kaes wika-ellisox. Samata, japi chiekal natachaemachalak falkamtat.

52 Japi matabija-elfuk Jesús xaj̄ppox puexa isliajwa. Taen w̄ti koechax, Jesús is wut panliajwa, chiekal matabija-eli taenpox, matnaetink xoti matabijaliajwa.

Jesús boejth̄tpox jiw bu'xaeya Genesaret t̄aj̄n̄xot
(Mt 14.34-36)

53 Do jawut, Jesús, pejnachala s̄apich, puka we-enlelde chara'api, Genesaret t̄aj̄n̄xot. Jaxot itjul wut, falkam ke'tlisi pukababu'tat.

54 Japi nana wut falkamxot, jiw matabija japon Jesús.

55 Do jawut, japi jiw kaxa dukpich asew jiw charaelialjwa, japat̄aj̄n̄pijiw. Do jawut, bu'xaeya chaxlaens camillatat Jesúslel japi boejth̄sliajwas.

56 Jesús t̄aj̄n̄chan poxade wut, paklowaxan poxade wutbejpon, Jesús f̄laech poxade, jiw owas w̄ajna plazaxot, japi bu'xaenki, boejth̄sliajwaspi Jesús. Taen w̄ti Jesús, japi jiw jum-aech Jesúsliajwa:

—Ampi jiw, bu'xaeya, itapaem nejsumta-osax jachaliajwapi, matdukaf̄l̄pox! —aechi Jesúsliajwa.

Do jawux, puexa jachapi japox, japi chiekal boejth̄slisi.

7

Jiw chajia nejchaxoelpox, babijax, japoxan is xoti, babejchow nadofa
(Mt 15.1-20)

1-4 (Fariseos, asew judíosbej, japi is pejw̄ajnapijiw isf̄l̄poxan. Xaelialjwa wut, majt xabich piach kekakiati. Naxaeyaxan w̄ajt w̄ti plazaxot, pejbatat xapat wut, xaelialjwa wutbej, majt xabich piach kekakiati. Tasos, jarros, maram, camaxanbej, xabich piach kiati. Japi kaes asaxan isbej. Me-ama pejw̄ajnapijiw, jachi-eli. Kaes pejme xenapi japoxanliajwa. Japoxan ispi, nejchaxoel xot asb̄an jumch: “Japoxan isx wut, babijaxan ispoxan xanxot ajilaxael” —aech xoti, nejchaxoel wut.)

Asamatkoi kaes_uapich fariseos, judíos chanaekab_uanapibej, f_ulaeni Jerusalén paklowaxxotdin, Jesús poxadin. Pat w_uti Jesúsxot, taeni Jesús pejnachala majt piach kekakias-elpox, xaeliajwa w_ut.

⁵ Samata, japi Jesús w_uajnach_uaemt w_ut, j_um-aechi:

—¿Ma-aech xotkat nejnachala is-el, me-ama wajw_uajnapijiw? Nejnachala xaeliajwa w_ut, majt xabich piach kekakias-eli —aech fariseos, judíos chanaekab_uanapibej, Jesúsliajwa.

⁶⁻⁷ Jesús j_umnot w_ut, j_um-aechon:

—Xamal, me-ama diachw_uajnakolax Dios naexasitam w_ut, j_ua-am! Pe diachw_uajnakolax Dios naexasis-emil. Isaías, Dios pejprofeta, diachw_uajnakolax chajia j_um-aech xamalliajwa, chajia lel w_uton. J_um-aechon Dios j_um-aechpox:

‘Xamal naksiyam xan nasitaenamproxantat. Pelax nejnejchaxoelaxan xabich at_uaj xanxot. Samata, xamal isampoxan xanliajwa, naksiyam w_utbej chimiajamechan xanliajwa, o, xan nakaw_uajnamproxanbej, japoxan omjil xanliajwa. Naew_uajnam w_utbej, naew_uajnam asew jiw pejne-jchaxoelaxankal. Pelax xan tajnejchaxoelaxan, jiw naew_uajna-emil —aech Dios j_um-aechpox xamalliajwa’ —aech Isaías, chajia lel w_ut —aech Jesús fariseosliajwa.

⁸⁻⁹ Jesús pejme j_um-aech fariseosliajwa:

—Xamal naexasis-emil Dios pejtato'lax. Naexasitamlax jiw naew_uajjanproxankal. Asb_uan j_umch isam nejw_uajnapijiw isproxankal.

¹⁰ Moisés chajia lelpox j_um-aech: ‘¡Nej-ax, nej-enbej, sitaem! Babejjamechan j_um-aechpon paxliajwa, penliajwabej, japon aton t_upaxael kastikaxtat’ —aech Moisés chajia lelpox.

¹¹ Xamal asb_uan j_umch naew_uajnam nejw_uajnapijiw isf_ulpoxan, japox paw_ul corbán. Samata, xamal j_um-am: ‘Nejmach-aton chajia j_umdut w_ut pejew Dios chaxduiliajwa, japoxan japon aton chaxduiyaxil, pax, penbej, japoxan Diosliajwa xot’ —am xamal.

¹² Xamal japi jiw t_upaeyam japox j_umchiliajwa paxliajwa, penliajwabej: ‘Xan chajia Dios j_umdutx chaxduiliajwa tejew. Samata, xamal kajachawaesliajwan, ajil’ —chiliajwapi.

¹³ Asew jiw naew_uajnam w_ut nejw_uajnapijiw isf_ulpoxan, japoxantat Dios j_um-aechpoxan kofam. Kaes asaxan naew_uajnambej, me-ama japox —aech Jesús fariseosliajwa.

¹⁴ Do jaw_ux, Jesús jiw la w_ut, j_um-aechon:

—¡P_uexa xamal chiekal naewe'e! j_um_umatabijimbej xan j_umchiyaxaelenpox!

¹⁵ Jiw naxaeyax xael w_ut, babejchow nadofaxil. Jiw babijaxan is, chajia japoxan nejchaxoel xoti isliajwa.

¹⁶ Xamal Dios pejne-jchaxoelax matabijasiam w_ut, j_uchiekal naewe'e xan j_um-anpox! —aech Jesús.

¹⁷ Jesús b_uxtoet w_ut jiw naew_uajanpox, ba lechon, pejnachala s_uapich. Do jaw_ut, pejnachala w_uajnach_uaemtason, japi chiekal matabijaliajwa japaw_uajan, Jesús jiw naew_uajanpoxliajwa.

¹⁸ Jesús j_umnot w_ut, j_um-aechon:

—¿Xamalkat-is matabija-emil japaw_uajan? ¿Matabija-emil jiw babejchow nadofaxilox, xael w_ut naxaeyax?

¹⁹ Naxaeyaxan jiw xael w_ut, pejne-jchaxoelaxan poxa-eldik. Woejt poxadik. Do jaw_ux, nakoltox —aech Jesús.

Jesús japox jum-aech pejnachala chiekal matabijaliajwa, puexa nax-
aeyaxan pachaempox jiw xaeliajwa.

²⁰ Jesús pejme jum-aech:

—Jiw pejnechaxoelaxanxot nakola babejnechaxoelaxan.

²¹ Samata, jiw babijaxan is. Poejiw, tamach laelpi, nejchaxoel asew
watho' bu'moejsaxan. Jiw nejchaxoelbej natkowaliajwa asew jiw pejew. Jiw
nejchaxoelbej asew jiw beliajwa.

²² Poejiw pakmolapi nejchaxoelbej asew watho' bu'moejsliajwa. Jiw taen
wat asew jiw pejew, japoxansiabejpi pajutliajwa. Jiw nejchaxoelbej isliajwa
babijaxan asew jiwliajwa. Jiw nejchaxoelbej naekichachajbaliajwa asew
jiw. Jiw nejchaxoelbej babijaxan isliajwa pomatkoicha padala-elpoxan. Jiw
nejchaxoelbej nusasiawllaliajwa, asew jiw ketaen wat. Jiw nejchaxoelbej
buxwujajnamaenkaliajwa asew jiwliajwa. Jiw pajut nejchaxoel wat, jum-
aechbejpi: 'Xan kaes pejme pachaeman. Me-ama asew jiw, jachi-enil' —
aechi, nejchaxoel wat. Jiw nejchaxoelbej nejmach duilaliajwa Dios naexasis-
elaxtat.

²³ Puexa japox babijaxan nakola jiw pejnechaxoelaxanxot. Samata, jiw
babejchow nadofa japanechaxoelaxantat —aech Jesús.

Judíos-atowa-elpow, japow naexasitpox Jesús

(Mt 15.21-28)

²⁴ Jesús fulaech, pejnachala suapich, Tiro paklowax poxade,
asatuajnulelbej. Do jaxotde ba low wuti, Jesús maliach pasasia. Pe nakiowa,
jiw taenson.

²⁵⁻²⁶ Samata, atow wultaen Jesús pasaxaelpox. Samata, fulaechow Jesús
taeliajwa. Japow judíos-atowa-el. Asatuajnujijow. Pejtujajnu pawul Sirofeni-
cia. Pat watow Jesúsxot, japow brixtat nuk Jesús pejwujajnalel, sitaen xotow
Jesús. Paxulow kaweta batat, dep webaesow pejmatpuatxot. Samata, jum-
aechow Jesúsliajwa:

—¡Xam dep to'im nakolsliajwa taxulow pejmatpuatxot! —aechow
Jesúsliajwa.

²⁷ Do jawut, Jesús jum-aech:

—Paxipi majt naxaeyaxan chaxduw paxi xaeliajwa. Do jawux, pachaem
wur duajsliajwa malsi —aech Jesús japowliajwa.

(Jasox Jesús jum-aech, matxoela kajachawaesaxael xoton judíos. Do jawux,
kajachwawaesaxaelon judíos-elpi.)

²⁸ Do jawut, japow jumnot wat, jum-aechow:

—Tajpaklon, pe yamxi xael wat, mesaxot cha-aex fudu' natacholan wat
mesaxot, wurbej xael. Samata, jnawoesa xan matxoela nakajachawae'e! —
aechow.

²⁹ Do jawut, Jesús jum-aech:

—Xam kajachawaesaxaelen, chiekal najumnotam xot xanliajwa.
Naxulowlis pachaem. Dep nakoltlis naxulow pejmatpuatxot. ¡Nawia'mich
nejba poxade! —aech Jesús japowliajwa.

³⁰ Do jawut, chijialisow pejba poxade. Pejba pat wat, paxulow taenlisow,
ok wat camatat. Dep wejisallisow pejmatpuatxot.

Jesús boejthutpox naetakua'nikpon, buxwujajnjilbejpon

³¹ Do jawut, Jesús nakolt Tiro tuajnuxot. Do jawux, Sidón tuajnulel xent-
bejpon. Xenabejpon paklowaxan Decápolis tuajnulel. Do jawux, Galilea
pukaxot paton.

³² Jaxot asew jiw buflaen naetakwatan Jesúslel. Japon aton buxwujajanjilbej.
Japi jiw jum-aech Jesúsliajwa:

—¡Ampon aton boejthue jumtaeliajwa! ¡Ke-o'ebej japonxot naksiyaliajwapon! —aechi.

³³ Do jawut, Jesús buflaech ataxach buxwujanjilan, jiw ajilxot. Jawut Jesús nataelanaetakuanwujaj jacha pejkothiyatat. Do jawut, Jesús loya pejkothiya, japon aton kaech-ia'jachaliajwa japa-almintat.

³⁴ Dolisdo', Jesús athulel natachaemse wut, xabich fakjolchapon. Jumaechon: “¡Efata!” —aech Jesús. (Japajame jumchiliajwa hebreojametat: “¡Nejfafas!” —chiliajwa.)

³⁵ Do jawut, chalechkal pejnaetakuanwujaj chiekal wepachaemslison kolelelje. Pejkaech-ia't pachaembej naksiyaliajwa. Naksiya wut, chiekal jumtampapon.

³⁶ Do jawut, Jesús jum-aech puexa jiwliajwa:

—¡Puexa xamal nabej chapae' amprox asew jiw! —aech Jesús japi jiwliajwa. Jesús buxfiat wut, japi jiw nakiowa chapae'ul asew jiw.

³⁷ Japi jiw nejchaxoelanuili. Samata, jum-aechnapí:

—¡Puexa Jesús isproxan, chiekal ispon! Jesús boejthut wut, ¡hasta naetakuatebej chiekal jumtaen! ¡Buxwujanjilabej chiekal naksiya! —na-aechi nakaewa.

8

Jesús naxaeyaxan chaxduwpox cuatro mil jiwliajwa (Mt 15.32-39)

¹ Asamatkoiyan xabich jiw pejme natamejal Jesúsxot. Japi jiw naxaeyaxan xaeliajwa jaxot ajil. Samata, Jesús pejnachala la moxliajwadin.

² Japi pat wut, jum-aechon:

—Ampi jiw beltaenx, wejisal xot xaeliajwa. Japi xan nachala tres matkoi. Toellisi naxaeyaxan xafoli.

³ To'ax wuti naxae-elaxtat pejbachan poxade, japi jiw xabich pejlit nuamtat mamnikaxil, asew jiw japixot xabich ataj fulaenxot —aech Jesús.

⁴ Do jawut, pejnachala jumnot wut, jum-aechi:

—Amxot naxaeyaxan faekaxisal, jiw duila-el xot —aechi.

⁵ Dolisdo', Jesús wujajnaemta wut, jum-aechon:

—¿Massapichkat pan xamalxot? —aech Jesús.

Jumnot wut, jum-aechi:

—Amxot siete panes —aechi.

⁶ Jesús puexa jiw chalax to'a satat. Do jawut, siete panes Jesús chafit. Dios kawujajan wut, jum-aechon:

—Gracias-an ampapan nachaxduwampiliajwa —aech Jesús.

Jawut pan jalkafalon. Do jawut, Jesús chaxduifal pejnachala, japi sasliajwa pan puexa jiwliajwa. Do jawut, Jesús pejnachala pan sasfallisi.

⁷ Jesús pejnachalaxot cha-aex baxix. Do jawut, Jesús pejme Dios kawujajan baxixliajwa. Jawut jum-aechon:

—Gracias-anbej ampabaxixliajwa nachaxduwampi —aech Jesús.

Do jawut, to'abejpon pejnachala baxix sasliajwapi puexa jiwliajwa.

⁸ Puexa jiw chiekal xael. Chiekal nafniabejpi. Do baxael, pejnachala chanot malsi. Wuj siete matpiran.

⁹ Japi jiw xaelpi, me-ama cuatro mil jiw. Xaeyax kaechatoel wut, Jesús japi jiw to'a naweliajwa pejbachan poxade.

¹⁰ Do jawux, Jesús falkam jul, pejnachala sapich, chaflaeliajwa Dalmanuta tujaj poxade.

*Fariseos to'apox Jesús isliajwa koechax
(Mt 12.38-42; 16.1-4; Lc 11.29-32; 12.54-56)*

¹¹ Do asamatkoi, fariseos pat wut Jesúsxot, japi chiekal wuajnachaeamt Jesús. Japi fariseos tasalasiapi Jesús, asax is wut. Samata, jum-aechi:

—Isde koechax xanal taeliajwan, chiekal matabijaliajwanbej, diachwuajnakolax xam Dios to'aponam wut! —aech fariseos Jesúsliajwa.

¹² Do jawut, Jesús xabich fakjolcha, nejchachaemla-el xoton fariseosliajwa, naexaxis-el xotbejpi. Samata, Jesús jum-aech:

—Xamal nato'am xan koechax isliajwan asbuan jumch taeliajwam. Pe xamal taeyaximil pajelkoechax —aech Jesús fariseosliajwa.

¹³ Do jawut, Jesús chijia fariseosxot. Julon falkam chaflaeliajwa puka we-enlelde, pejnachala suapich.

*Jesús naewuajanpox pejnachala, japi pajut chiekal natataeflaliajwa fariseos
naewuajanpoxan, Herodesbej
(Mt 16.5-12)*

¹⁴ Jesús pejnachala nejkiow naxaeyaxan xalaeliajwa. Japi asbuan jumch kaekolax pan xafoli.

¹⁵ Do jawut, Jesús jum-aech pejnachalaliajwa:

—Chiekal taem fariseos pejlevaduraliajwa, Herodes pejlevaduraliajwabej! —aechon pejnachalaliajwa.

¹⁶ Jesús pejnachala jumtaen Jesús jum-aechpox. Pe japi jummatabija-el. Samata, nakaewa nawuajnachaeamt wut, najum-aechi:

—¿Achaxkat jum-aech Jesús? Jesús japox bej najum-aechbej, xatis nejkiows xot pan xalaeliajwas —aechi nakaewaliajwa.

¹⁷ Jesús matabijt pejnachala nakaewa najum-aechpox. Samata, Jesús wuajnachaeamt wut, jum-aechon:

—¿Ma-aech xotkat xamal nakaewa najum-am panliajwa? ¿Xamalkat jummatabija-emil, matnaetinkam xot?

¹⁸ Xamal taenam. Pe chiekal matabija-emil. Jumtae-emilbej. ¿Ma-aech xotkat xamal nejchaxoela-emil xan koechax isxroxliajwa, ajil wut naxaeyaxan jiw xaeliajwa?

¹⁹ Xan jalkafulax wut cinco pan cinco mil poejiwliajwa, do jawut, ¿masmatpirankat xamal wulum japi jiw mali? —aech Jesús pejnachalaliajwa.

Japi jumnot wut, jum-aechi:

—Xanal wulum doce matpiran —aechi.

²⁰ Jesús pejme jum-aech pejnachalaliajwa:

—Xan jalkafulax wut siete panes cuatro mil jiwliajwa, jawut, ¿masmatpirankat xamal wulum japi jiw mali? —aech Jesús.

Jesús pejnachala jumnot wut, jum-aechi:

—Xanal wulum siete matpiran —aechi.

²¹ Do jawut, Jesús jum-aech pejnachalaliajwa:

—¿Xamalkat jummatabija-emilfak? —aech Jesús.

Jesús boejthutpox itliaklan Betsaida paklowaxxot

²² Jesús, pejnachala suapich, chapa'a Betsaida paklowaxxot. Japapaklowaxxot asew jiw buflaeni itliaklan Jesúslel. Japi wuljow Jesús jachaliajwa itliaklan, japon chiekal taeliajwa.

²³ Jesús makxalaech wut itliaklan, buflaechon atuaxach, paklowax tathoetlel. Jesús itfuxalot almintat itliaklan. Do jawut, Jesús itfujacha wut itliaklan, jawut Jesús wuajnachaeamt wut, jum-aechon itliaklanliajwa:

—¿Xamkat taenamlejen? —aechon.

²⁴ Do jawut, itliaklan chiekal natachaemt wut, jum-aechon:

—Jiw laelp wut, me-ama naechan laelp wut, ja-itfu-an —aech itliaklan.

²⁵ Do jawut, Jesús pejme itfujacha. Jawut chiekal wepachaemslison pej-itfu. Chiekal taenbejpon.

²⁶ Jesús jum-aech:

—¡Nabej fulae' paklowax poxade! ¡Xabua'de nejba poxade! ¡Nawia'mich! —aech Jesús majt itliakalponliajwa.

Pedro jum-aechpox Jesúsliajwa: “Xam Cristowam, Dios to'asponam”

(Mt 16.13-20; Lc 9.18-21)

²⁷ Jesús boejthut wut itliaklan, fulaechon, pejnachala suapich, asatuajnuchan poxade, Cesarea de Filipolel. Fol wuti nuamtat, Jesús wuajnaem wut pejnachala, jum-aechon:

—¿Achan na-aechkat jiw xanliajwa? —aech Jesús.

²⁸ Japi jumnot wut, jum-aechi:

—Asew jiw jum-aech xamliajwa: ‘Japonlap Juan, jiw bautisan. Mat-echpon pejme duk’ —aech asew jiw xamliajwa. Asew jiw jum-aechbej xamliajwa: ‘Japonlap Elías, Dios pejprofeta. Mat-echpon pejme duk’ —aech asew jiw xamliajwa. Asew jiw jum-aechbej xamliajwa: ‘Japonlap Dios pejprofetasxot mat-echpon pejme duk’ —aech asew jiw xamliajwa —aech Jesús pejnachala.

²⁹ Do jawut, Jesús pejme wuajnaem wut, jum-aechon pejnachalaliajwa:

—Xamallax, ¿achan na-amkat xanliajwa? —aech Jesús.

Do jawut, Pedro jumnot wut, jum-aechon Jesúsliajwa:

—Xam Cristowam, Dios to'asponam —aech Pedro.

³⁰ Do jawut, Jesús buxfiat wut, nejthua'axtat jum-aechon pejnachalaliajwa:

—¡Japox asew jiw nabej chapae' xan Cristowanponan! —aech Jesús pejnachalaliajwa.

Jesús jum-aechpox, japon tɔpaxaelpoxliajwa

(Mt 16.21-28; Lc 9.22-27)

³¹ Jesús jum-aech pejnachalaliajwa, japon tɔpaxaelpoxliajwa:

—Xan, puexa jiw pakoewkolnan, xabich nabijasaxaelen. Judíos-ancianos, sacerdotespaklochowbej, judíos chanaekabuanaapibej, japi xan najumchiyaxael: ‘Japon Cristowa-el, Dios to'aspona-el’ —chiyaxaeli xanliajwa. Samata, naboesaxael wut, tres matkoi wut, Dios xan namatesaxael pejme dukaliajwan —aech Jesús.

³² Jesús japox jum-aech pejnachala chiekal matabijaliajwa jachiyaxespox japonliajwa. Jawut Pedro buflaechon Jesús pejlel nospaeliajwa tamach, Jesús suapich. Do jawut, Pedro buxfiat Jesús jum-aechpoxliajwa.

³³ Pe Jesús natfo'cha asew pejnachalalel taeliajwa. Do jawut, Jesús jum-aech Pedroliajwa:

—¡Chijiamde xanxot! Xam japox jum-am, Satanás buxto'a xot. Xam nejchaxoela-emil Dios pijaxan. Asbuan jumch nejchaxoelam ampthatpijaxankal —aech Jesús Pedroliajwa.

³⁴ Do jawut, Jesús la pejnachala, jiwbej. Dolisdo', puexa jiw pat wut japonxot, Jesús jum-aech:

—Xamal tajnachalwasiam wut, ¡najut babijaxan isampoxan, ma amwut kofim! ¡Pomatkoicha isfulde xan tato'laxpoxan! Asew jiw pijaxtat nabijatam wut, boesasia wutbejpi, ¡nakiowa xamal naexasisfulde xan tato'laxpoxan!

³⁵ Ampthatat isam wut najut nejxasinkampoxankal, asamatkoi tɔpam wut, napelsaxaelam Diosliajwa. Ja-am wut, duilaximil Diosxotse. Kofam wutlax najut isfulampoxan, isfulam wutlax xan tato'laxpoxan, Dios chiekal naexasisfulam wutbej, asamatkoi xamal tɔpam wut, napelsaximil Diosliajwa. Ja-am wut, pomatkoicha duilaxaelam Diosxotse.

³⁶ ¿Achaxkat aton kanaxael xabich wuton pejew ampathatat, asamatkoi tɔp wut, Dios kastikaxaes wuton?

³⁷ Aton mosaxil pejewtat pasliajwapon Diosxotse, japon pejew chiekal omjil xot Diosliajwa.

³⁸ Ampathatpijiw xabich is babijaxan. Japi nejchaxoela-elbej Dios. Japi jiw pejwajnalel xamal nadala wut xanliajwa, tajnaewajnaaxliajwabej, xanbej, puexa jiw pakoewkolnan, tadalaxaelen xamalliajwa. Xan jachiyaxaelen taj-ax Dios pejwajnalel. Tadalaxaelen xamalliajwa, xan kaxa pasaxoekan wut ampathatasik taj-ax pijaxtat, taj-ax Dios pej-ángeles suapich –aech Jesús pejnachalaliajwa, asew jiwliajwabej.

9

¹ Jesús pejme jum-aech pejnachalaliajwa:

–Diachwajnakolax xan jum-an. Asew jiw xamalxot pejpatɔpax wajna taeyaxaeli, Dios puexa pejjiw tato'al wut ampathatat –aech Jesús.

*Jesús xabich chaponanakthianpox Dios pijaxtat
(Mt 17.1-13; Lc 9.28-36)*

² Do jawux, seis matkoiyan wut, Jesús fulaech mux xabich athu poxase julaliajwa. Jawut bu'folon tres pejnachalan. Kaen pawul Pedro. Asan pawul Santiago. Asan pawul Juan.

³ Dolisi, pinamuxxotse wut, Jesús xabich chaponanakthian. Pijax naxoelax xabich papoeikolax. Ampathatat jasox ajil xabich papoeikolax, me-ama japon pijax, jasox.

⁴ Do jawut, chalechkal kolenje aton natulaelt Jesúsxot. Japi judíos pejwajnapijiw. Kaen pawul Elías. Asan pawul Moisés. Japi nospaei, Jesús suapich.

⁵ Do jawut, Pedro jum-aech Jesúsliajwa:

–Tajpaklon, pachaem, xanal amxotan wut. Nejxasinkam wut, xanal tres bua-at isaxaelen. Kaebu-at xamlliajwa. Asabu-at Moisésliajwa. Asabu-at Elíasliajwabej –aech Pedro Jesúsliajwa.

⁶ Jesús pejnachala japox taen wut, xabich pejlewlapi. Samata, Pedro matabijs-el jumchiyaxaelpox.

⁷ Jawut itloejen fuloek japi pejmatwajjasik. Do jawut, japa-itloejentat Dios jum-aechsik: “Ampon taxulan, xabich nejxasinkaxpon, japon naewesfulde!” –aech Dios.

⁸ Do jawut, Jesús pejnachala natadiajt wut, asew kolenje Jesúsxot chiekal ajillisi. Jesús tamach nukaful. Jawut taeni Jesúska.

⁹ Do jawux, muxxot baloek wuti, Jesús buxfiat pejnachala asew jiw chapaesamata japi taenpox. Jum-aechon:

–Xan, puexa jiw pakoewkolnan, hasta namat-et wut, xan pejme dukx wutbej, do jawut, xamal asew jiw chapaeyaxaelam taenampox –aech Jesús pejnachalaliajwa.

¹⁰ Japi ow-aech. Chapae-ellisi asew jiw. Nakaewa nawajnaemsnapi: “¿Ma-aech xotkat Jesús jum-aech: ‘Hasta namat-et wut, xan pejme dukx wutbej, do jawut, xamal asew jiw chapaeyaxaelam taenampox’ –nak-aechkat Jesús xatistiajwa?” –na-aechi nakaewa.

¹¹ Dolisdo', japi Jesús pejnachala, trespi, wajnaemta wut, jum-aechi Jesúsliajwa:

–Xam Cristowam wut, ¿ma-aech xotkat judíos chanaekabuanapi jum-aech Elíasliajwa: “Wajwajnapijin Elías matxoela pasaxael. Do jawux, Cristo pasaxael” –aechkat judíos chanaekabuanapi? –aech Jesús pejnachala Jesúsliajwa.

¹² Jesús jumnot wut, jum-aechon:

—Judíos chanaekabuanapi jum-aechpox diachwujnakolax. Japi jum-aechpox: ‘Matxoela pasaxael kaen, me-ama Elías, jason. Japon puexa jiw chanaekabuanaxael puexa jiw naexaxisliajwa Dios. Jasox matxoela jachiyaxael Cristo pasax wujajna’ —aechox, japi jum-aechpox. Dios chajia jum-aechbej: ‘Puexa jiw pakoewkolan xabich nabijasaxael judíos pijaxtat’ —aech Dios. Xanlap japonan, puexa jiw pakoewkolnan —aech Jesús pejnachalialiajwa.

¹³ Do pejme Jesús jum-aech pejnachalialiajwa, trespiliajwa:

—Diachwujnakolax xan jum-an. Kaen, Elías jason, patlison. Pe asew jiw babijaxan isasiapi, japi islisi babijax japonliajwa. Dios pejjamechan chajia jum-aech japonliajwa jumchiyaxaesox —aech Jesús Juan, jiw bautisan, pejpatupaxliajwa.

*Jesús nakolsax to'apox dep yamxulan pejmatpumatxot
(Mt 17.14-21; Lc 9.37-43)*

¹⁴ Dolisdo', Jesús, tres pejnachala suapich, fulaechlisi asew japon pejnachala poxade. Do jaxotde xabich jiw taenlisi, japi jiw matawiat wut asew Jesús pejnachala, japi kaweta namapi. Jaxot kaesuapich judíos chanaekabuanapi, wujajna nabun'naloti Jesús pejnachala, namapi suapich.

¹⁵ Puexa jiw taen wuti Jesús, xabich nejchachaemili. Samata, Jesúslel dukpdepi kejachaliajwa.

¹⁶ Do jawut, Jesús wujajnachaemt wut pejnachala, jum-aechon:

—¿Achaxkat xamal nabun'nalotam, judíos chanaekabuanapi suapich? —aech Jesús.

¹⁷ Kaen japixot jumnot wut, jum-aechon:

—Jiw chanaekabuanan, taxulan buflaenx xam dep to'aliajwam nakolsliajwa taxulan pejmatpumatxot. Taxulan naksiyaxil, pejmatpumatxot dep webaes xoton.

¹⁸ Dep pijaxtat chalechkal juwalon. Xabich kaechwathuamabejpon. Xabich bua'tatitbejpon. Do jawut, xabich satat nadadolan. Xan jum-an pejnachala japi to'aliajwa dep nakolsliajwa taxulan pejmatpumatxot. Pe pejnachala xajupa-el to'aliajwapi dep —aech yamxulan pax.

¹⁹ Do jawut, Jesús jum-aech pejnachalialiajwa:

—Tajnachala, xamal Dios chiekal xanaboeja-emil Dios xajupprox dep to'aliajwa. Xabich pin-iamatkoivan xamalxotx. Japamatkoivantatbej xabich naewujnafulax. Kajachawaetxbej Dios chiekal xanaboejalialiajwam. Pe xamal Dios chiekal xanaboeja-emilfik. ¡Buflaemen yamxulan xanlel! —aech Jesús.

²⁰ Do jawut, yamxulan buflaenlisi Jesúsleldin. Dep taen wut Jesús, jawut dep pijaxtat yamxulan pejme satat juwal. Do jawutbej, yamxulan satat matariamam. Kaechwathuamabejpon.

²¹ Jesús wujajnachaemt wut yamxulan pax, jum-aechon:

—¿Masmatkoiyankat naxulan jasox ja-aech? —aech Jesús.

Pax jumnot wut, jum-aech:

—Xabich chajia ja-aechon. Japox tuadut, jam wutlejen.

²² Pin-iaveces dep pijaxtat juwal jitel kakamwaliajwas. Minlelbej juwal bu'laliajwa. Samata, jxanal nabeltaem! Xajupam wut, jxanal nakajachawae'e! —aech yamxulan pax.

²³ Jesús jum-aech yamxulan paxliajwa:

—¿Ma-aech xotkat xan najum-am: ‘Xajupam wut, ¡xanal nakajachawae'e!’ — amkat xanliajwa? Xam Dios naexasitam wut, Dios kajachawaesaxael dep nakolsliajwa naxulanxot —aech Jesús.

²⁴ Do jawut, yamxulan pax nejlakcha wut, jum-aechon:

—Xan Dios naexasitx. Samata, ¡nakajachawae'e kaes pejme chiekal Dios naexasisliajwan! —aech yamxulan pax.

²⁵ Jesús taen wut xabich jiw papasfulpox jaxot, jawut Jesús to'a dep nakolsliajwa yamxulan pejmatpreatxot. Jum-aechon:

—Dep, xam yamxulan baxwujankijtam. Naetakuatambej. ¡Nakolde japon yamxulan pejmatpreatxot! ¡Kaxa nabej nawias yamxulan pejmatpreatpoxadin! —aech Jesús depliajwa.

²⁶ Do jawut, dep xabich pinjemetat na-ua wut, yamxulan jwal dep pijaxtat. Do jawut, dep nakolt yamxulan pejmatpreatxot. Yamxulan okaful satat. Me-ama tux wut, ja-aechon. Samata, xabich jiw jum-aech: “¡Taem! Yamxulan chiekal tuxpison” —aech japi jiw.

²⁷ Do jawut, Jesús muxfit yamxulan namat-esliajwa. Do jawut, yamxulan nant.

²⁸ Do japoxwax, Jesús, pejnachala sapich, ba lech wut, japi piajkal wut, pejnachala wujnachaemtas. Jum-aechi Jesúsliajwa:

—¿Ma-aech xotkat xanal xajupa-enil dep nakolsax to'aliajwan yamxulan pejmatpreatxot? Me-ama xam, jachi-enil —aechi Jesúsliajwa.

²⁹ Jesús jumnot wut, jum-aechon:

—Me-ama ampon dep, jason, xamal najut nijaxtat xajupaximil to'aliajwam, majt Dios kawujna-emil wut —aech Jesús.

*Jesús pejme jum-aechpox pejpatupaxliajwa
(Mt 17.22-23; Lc 9.43-45)*

³⁰⁻³¹ Jesús, pejnachala sapich, japatujnuxot nakola wut, falaechlisi Galilea tujna poxade. Japi falaech wut, Jesús nejxasinka-el asew jiw matabi-jsliajwas japon jaxotox, pejnachalalal naewujnaxael xoton. Do jawut, jum-aechon:

—Xan, puexa jiw pakoewkolnan, asan nawiasaxael tadaelmajiwxot japi naboesaliajwa. Xan tux wut, tres matkoi wut, Dios namat-esaxael pejme dukaliajwan —aech Jesús pejnachalaliajwa.

³² Pe japi chiekal jumatabija-elfuk Jesús jum-aechpox. Japi baxdalabej kaes wujnachaemsliajwapi Jesús.

*Achan kaes paklonaxaelpox Diosxotse
(Mt 18.1-5; Lc 9.46-48)*

³³ Jesús pat, pejnachala sapich, Capernaum paklowaxxot. Batutat wuti, Jesús wujnachaemt wut pejnachala, jum-aechon japiajwa:

—¿Achaxkat xamal jum-am, nuamtat folam wut? —aech Jesús pejnachalaliajwa.

³⁴ Pe japi asbuan jumch boejlach. Jumnos-eli, padala xot. Japi majt nuamtat fol wut, nakaewa najum-aechi: “¿Achankat xatisxot kaes paklonaxael?” —aechi nakaewaliajwa.

³⁵ Do jawut, Jesús ek. Ek wut, lalison doce pejnachala kaes moxliajwadin. Jawut jum-aechon japiajwa:

—Xamal puexa jiw tato'lasiam wut, ¡majt pamaknamde puexa jiw kajachawaesliajwam! —aech Jesús.

³⁶ Do jawut, Jesús yamxulan la moxliajwadin, pejnachala pejwujnanel. Do jawut, Jesús yamxulan islanuk wut, jum-aechon pejnachalaliajwa:

37 —Yamxulan bu'kultam wut xan tajaxtat, ja-am wut, jawut xanbej chiekal nabu'kulsaxaelam. Nabu'kultam wut, xan kaenan nabu'kuls-emil. Diosbej bu'kulsaxaelam, xan nato'apon —aech Jesús pejnachalaliajwa.

Is-elpi chaemilpox Jesúsliajwa, japi, me-ama kajachawaetpox Jesús pijax naewhajna

(Mt 10.42; Lc 9.49-50)

38 Do jawut, Jesús pejnachalan, pawalpon Juan, jum-aech Jesúsliajwa:

—Jiw chanaekabuanan, xanal kaen aton taenx, dep to'afal wut nakolaliajwa jiw pejmatpuatanxot. Japon aton xam nijaxtat dep to'a nakolaliajwa jiw pejmatpuatanxot. Pe wajmupijna-el. Samata, xanal japon fiatx buxkofsliajwapon japox —aech Juan Jesúsliajwa.

39 Jesús jumnot wut, jum-aechon:

—Japon japox is wut, ¡nej is! ¡Nabej fias! Japon koechaxan is wut xan tajaxtat, ja-aech wut, jumchiyaxilon babejjamechan xanliajwa.

40 Jiw is-elpi babijaxan xatisliajwa, japi, me-ama nakkajachawaet wut, ja-aechi.

41 Diachwajnakolax jum-an. Nejmach-aton xamal kajachawaet wut, tajjiwam xot, japon aton xamal chaxdut wut minkal feliajwam, japon aton Dios kajachawaesaxaes —aech Jesús, Juanliajwa naksiya wut.

Jesús naewhajanpox jiw babijaxan isasamata

(Mt 18.6-9; Lc 17.1-2)

42 Jesús pejme jum-aech pejnachalaliajwa: “Pomatkoicha jiw babijaxan is, asew jiw to'as xoti. Pe jelxan nanaexasiti is wut babijaxan, asew jiw to'as xoti, to'api jiw babijaxan isliajwa, japi jiw xabich kastikaxaes Dios. Japiliajwa kaes pejme pachaemaxael ia' pinanul, jajaera, kaechariama ke'aliajwas, chakakofaliajwas mar poxadik, xabich so'nik poxadik, jaxotdik tupaliajwapi. Ja-aech wut, japi to'axil kaes asew jiw babijaxan isliajwa, jelxan nanaexasiti.

43-44 Nejke-echantat babijaxan isfulam wutbej, ¡najut naketariowcham, kofaliajwam babijaxan isampoxan! Ja-am wut, kaes pachaemaxaelam, kaeke-em wut pasliajwam Diosxotse. Kofa-emil wut babijaxan isampoxan, ja-am wut, napelsaxaelam infierno poxadik. Jaxotdik toepaxil jit pinjiyax. Japajitxotdikbej tafil tupa-el.

45-46 Nejtakantat babijaxan isfulam wutbej, ¡najut natuaktariowcham kofaliajwam babijaxan isampoxan! Ja-am wut, kaes pachaemaxaelam kaetuakam wut pasliajwam Diosxotse. Kofa-emil wut babijaxan isampoxan, jachi-elasiam wut, xamal napelsaxaelam infierno poxadik. Jaxotdik toepaxil jit pinjiyax. Japajitxotdikbej tafil tupa-el.

47-48 Babijax isam wutbej, taenamox nej-itfutut, ja-am wut, ¡najut na-itfukuim xamal kofaliajwam babijaxan isampoxan! Do ja-am wut, kaes pachaemaxaelam pasliajwam Diosxotse, kae-itfutam wut. Kofa-emil wut babijaxan isampoxan, ja-am wut, xamal napelsaxaelam infierno poxadik. Jaxotdik toepa-el jit pinjiyax. Japajitxotdikbej tafil tupa-el” —aech Jesús pejnachalaliajwa.

49 “Puexa jiw, infiernoxoti, xabich nabijasaxael japajitat” —aech Jesús pejnachalaliajwa.

50 Jesús pejme jum-aech: “Dom pachaem. Dom xakuenka-el wut, chaemil. Dom chaemil wut, pejmeliajwa pachaemaxil. Samata, xamal pachaemaxaelam ampathatat. Me-ama dom pachaem wut, jachiyaxaelam. Nejjiw suapich, duilam wut, ¡chiekal pachaemde!” —aech Jesús.

10

Jesús naewhajanpox poejiw pelsasamata pejwatho'
(Mt 19.1-12; Lc 16.18)

¹ Jesús nakolt wut Capernaum paklowaxxot, do jawut falaechlison Judea tñajñu poxade, Jordánlajt orientel el poxade. Jaxotde pejme xabich jiw pasful japonxot. Do ja-aech wut, pejme tñaduton jiw naewhajnaliajwa, me-ama japon pejkabuan.

² Do jawut, fariseos mox soepapi Jesúsxot whajnachaemsliajwapi Jesús, Jesús asaxtat jum-aech wut japi tasalaliajwa japoxtat. Samata, fariseos jum-aech:

—¿Tapaeiskat poejiw pelsliajwa pejwatho'? O, ¿tapae-esalkat? —aech fariseos.

³ Jesús jumnot wut, jum-aechon:

—¿Achaxkat jum-aech Moisés chajia lelpox xamal najum-ampoxliajwa? —aech Jesús.

⁴ Japi jum-aech:

—Moisés chajia lelpox jum-aech: 'Aton pijow fo'asia wut, japon lelaxael pelfut. Japapelfutat jumchiyaxaelon, ma-aech xot fo'asiapon pijow. Do jawux, palelafut chaxdusaxaelon pijow. Do ja-aech wut, japapelfut chaxdut wut, pachaemaxael japon aton fo'aliajwa pijow' —aech Moisés chajia lelpox —aech fariseos Jesúsliajwa.

⁵ Do jawut, Jesús jum-aech fariseosliajwa:

—Moisés jasox lel, xamal matnaetinkam xot naexasisliajwam Dios.

⁶ Majt wajwhajna, Dios that is wut, kaen aton ispon. Kaeow atowbej ispon.

⁷ Samata, aton fit wut pawis, japi nakolaxael paxxot, penxotbej, japon aton, pijow swapich, pejlel dukaliajwa.

⁸ Do ja-aech wut, japi kolenje, me-ama kaen wut, jachiyaxaeli. Ja-aech wut, japolis, me-ama majt kolenje wut, jachi-ellisi. Amwutjel japi, me-ama kaen wut, ja-aechlisi.

⁹ Samata, aton fo'axil pijow, Dios pijaxtat nakjiya xot —aech Jesús fariseosliajwa.

¹⁰ Do baxael, Jesús, pejnachala swapich, batat wut, pejnachala whajnachaemtas watho' pelsaxliajwa.

¹¹ Do jawut, Jesús jumnot wut, jum-aechon pejnachalaliajwa:

—Aton fo'a wut pijow, japon aton asaow pawis fit wut, japon babijax is Diosliajwa, pijowliajwabej, bu'moejt xoton asaow, pijowa-elpow.

¹² Pawisbej pamal fo'a wut, asan poi fit wutow, japow babijax is Diosliajwa, pamalliajwabej, bu'moejt xotow asan poi, pamala-elpon —aech Jesús.

Jesús kawhajanpox Dios yamxiliajwa
(Mt 19.13-15; Lc 18.15-17)

¹³ Do baxael, jiw buflaen yamxi Jesús poxadin, Jesús ke-osliajwa yamxixot. Jawut pejnachala jum-aech yamxi buflaeniliajwa:

—¡Nabej buflae' yamxi Jesúsleldin! —aechi.

¹⁴ Jesús japoxtat jumtaen wut, palalapon pejnachalaliajwa. Samata, jum-aechon:

—¡Tapaem yamxi buflaeliajwas xanlel! ¡Nabej fias! Dios pejjiw, duilaxaeli Diosxotse, japi, me-ama ampi yamxi, kamta naexasit xoti Dios pejtato'lax.

¹⁵ Diachwhajnakolax xan jum-an. Xamal Dios naexasitam wut, me-ama yamxi, ja-am wut, pasaxaelam Diosxotse. Dios naexasis-emil wut, pasaximil jaxotse —aech Jesús pejnachalaliajwa.

¹⁶ Do jawut, Jesús kaenanula yamxi isnot wut, jum-aechon yamxiliajwa: "Dios puexa xamal nej kajachawaesfule" —aech Jesús, ke-ot wut yamxixot.

*Kemaeyan nospaeipox, Jesús sɯapich
(Mt 19.16-30; Lc 18.18-30)*

¹⁷ Jesús pejme fɯlaeliajwa wɯt, kaen aton najae-en Jesúslel. Pat wɯt, Jesús pejwɯajnalel brixtat nukon. Jawɯt, wɯajnaemaemt wɯt, jɯm-aechon:

—Jiw chanaekabɯanan, xam xabich pachaemam. ¿Achaxkat xan nawewe'p isliajwan pomatkoicha dukaliajwan Diosxotse? —aechon.

¹⁸ Jesús jɯmnot wɯt, jɯm-aechon:

—¿Ma-aech xotkat xan najɯm-am: 'Xam xabich pachaemam' —na-amkat? Kaen Dios xabich pachaem.

¹⁹ Xam matabijtam Dios pejtato'laxan. Moisés chajia lelpox jɯm-aech: '¡Nabej boese' asan aton! ¡Nabej bu'moejs asaow pawis, nijwa-elpow! ¡Nabej natkowe'! ¡Nabej kechachajbe' asan aton tasalaliajwam, babijax is-elpon! ¡Nabej naekichachajbe'! ¡Nej-ax sitaem, nej-enbej!' —aech Moisés chajia lelpox —aech Jesús.

²⁰ Do jawɯt, japon kemaeyan jɯm-aech:

—Jiw chanaekabɯanan, xam najɯm-ampoxan, puexa japoxan xan tɯadutx naexasisliajwan, pansianan wɯt. Amwɯtjelbej nakiowa japoxan naexas-ifulax —aech kemaeyan.

²¹ Do jawɯt, Jesús natachaemt wɯt kemaeyan, beltaenlison. Do jawɯtbej, Jesús jɯm-aech:

—Xamfuk kaeyax wewe'p isliajwam. ¡Xabɯa'de nejba poxade! ¡Puexa nejew mowim! Mowam wɯt, ¡japaplata chaxduim kejila! Ja-am wɯt, Dios xabich nejchachaemlaxael xamliajwa. Ja-am wɯtbej, Dios xam chaxduiyaxael xabich pachaempoxan japonxotse. Chaxduiyax daeptam wɯt, ¡xabɯa't xan naknanɯamsliajwam, tajnachalnamliajwambej! —aech Jesús.

²² Kemaeyan jɯmtaen wɯt Jesús jɯm-aechpox, kemaeyan xabich nejxae-jwas, xabich kemaenk xot.

²³ Jesús pejnachalalel natfo'cha wɯt, jɯm-aechon japiliajwa:

—Xabich tampoel kemaeya pasliajwa Diosxotse —aech Jesús.

²⁴ Pejnachala xabich nejchaxoelanuil, jɯmtaen wɯti, Jesús japox jɯm-aech wɯt. Samata, Jesús pejme jɯm-aech pejnachalaliajwa:

—Takoew, diachwɯajnakolax xabich tampoel kemaeya pasliajwa Diosxotse.

²⁵ Xamal matabijam camello pinjin xot, xajɯpaxil kuthatɯakre'wɯaj poxade xensliajwa. Kemaeyanliajwabej, tampoel japon pasliajwa Diosxotse —aech Jesús.

²⁶ Japox jɯmtaen wɯt, Jesús pejnachala xabich kaes pejme nejchaxoelanuili. Nakaewa nawɯajnaemaemsna wɯt, najɯm-aechi:

—¿Achankatlax bu'weyaxaes? ¿Achankatlax pasaxael Diosxotse? —na-aechi nakaewa.

²⁷ Jesús japi natachaemt wɯt, jɯm-aechon:

—Jiw pajut pijaxtat pasaxil Diosxotse. Pelax Dios xajɯp puexa isliajwa. Samata, Dios xajɯp jiw bu'welialjwa. Dios kajachawaesaxael jiw pasliajwa japonxotse —aech Jesús.

²⁸ Do jawɯt, Pedro jɯm-aech:

—Xanal puexa tejew waelax, xam nakfɯlaeliajwan —aech Pedro.

²⁹ Do jawɯt, Jesús jɯm-aech:

—Diachwɯajnakolax xan jɯm-an. Nejmach-aton Dios pejbichax nabichliajwa wɯt, japon waela wɯt pakoew, pen, pax, paxi, pejbabej, pejsatanbej, jasox is wɯton, tajwɯajan, chimiawɯajan, naexasit xoton, ja-aech wɯt, japon aton Dios kaes pejme chaxduiyaxaeson.

³⁰ Me-ama kaes cien veces chaxduiyaxaeson ampathatat. Jachiyaxaeson, pakoew, pen, paxi, pejba, pejsatbej, puexa japoxan waela xoton. Japon laeje wutfuk ampathatat, jiw nejweslafuxaeson. Samata, nabijasaxaelon, xan nanaexasit xot. Asamatkoi, japon tux wut, pasaxaelpon pachaemxotse, Diosxotse, pomatkoicha dukaliajwa.

³¹ Xabich jiw amwutjel paklochowpi ampathatat, asamatkoi japi Diosxotse paklochowaxil Dios pejwujajnalel. Xabich jiw lax amwutjel paklochowaxil Diosxotse Dios pejwujajnalel –aech Jesús.

*Ampoxtat Jesús jum-aech tres veces japon pejpatuxaxiljwa
(Mt 20.17-19; Lc 18.31-34)*

³² Asamatkoi Jesús, pejnachala suapich, asew jiw suapichbej, japi fuxaech Jerusalén paklowax poxade. Jesús matxoela fol. Pejnachala fol wut, nejchaxoeli: “¿Ma-aech xotkat Jesús pejlwila-el fuxaeliajwa Jerusalén paklowax poxade?” –aechi, nejchaxoel wut. Asew jiw, wuxchakal folpi, japi pejlwila. Do jawut, Jesús buxflaech doce pejnachala asalel japikal jumchiliajwapon. Jum-aechon asew jiw isaxaespo xaponliajwa Jerusalén paklowaxxot.

³³ Jesús jum-aech: “Amwut Jerusalén paklowax poxaxaes. Jaxotde xan, puexa jiw pakoewkolnan, asew jiw nawiasaxael sacerdotespaklochowxot, judíos chanaekabuxanapixotbej. Japi natasalaxael asew jiw xan naboesaliajwa. Do jawux, xan nawiasaxaeli judíos-elixot.

³⁴ Japi nabuxwujajnapaeyaxael. Naloyaxaelbejpi. Xabich namatwujajnsaxaeli. Do jawux, naboesaxaeli. Tux wut, tres matkoi wut, Dios namat-esaxael pejme dukaliajwan” –aech Jesús.

*Santiago, Juan suapich, wujowpox Jesús we-isliajwas chamoeyax
(Mt 20.20-28; Lc 22.24-30)*

³⁵ Do jawux, Santiago, Juan suapich, japi Zebedeo paxi, mox soepapi Jesúsxot. Do jawut, jum-aechi:

–Jiw chanaekabuxanan, xanal wujowx xam nawe-isliajwam chamoeyax xanalliajwa –aechi Jesúsliajwa.

³⁶ Jesús jumnot wut, jum-aechon japiliajwa:

–¿Achaxkat we-isaxaelen, chamoeyax, xamalliajwa? –aech Jesús.

³⁷ Japi jumnot wut, jum-aechi:

–Xam jiw tato'lam wut ampathatat, xanal natapaem chalakaliajwan xam nejkolalelje! ¡Natapaembej xanal puexa jiw tato'laliajwan, xam suapich, xanalbej jiw nasitaeliajwa! –aechi Jesúsliajwa.

³⁸ Jesús jum-aech:

–Xamal matabija-emil nawujowampox. Xan xabich nabijasaxaelen jiw pijaxtat. ¿Xamalkat-is xajuxaxaelam nabijasliajwam, me-ama xan, jachiliajwam? Xanbej tuxaxaelen asajiw pijaxtat. ¿Xamalkat-is xajuxaxaelam tuxaliajwam, me-ama xan, jachiliajwam? –aech Jesús japiliajwa.

³⁹ Japi jumnot wut, jum-aechi:

–Diachwujajnakolax xanalbej xajux nabijasliajwan, me-ama xam, jachiliajwan –aechi Jesúsliajwa.

Jesús jumnot wut, jum-aechon:

–Diachwujajnakolax xamalbej tajaxtat nabijasaxaelam. Tuxaxaelambej. Me-ama xan, jachiyaxaelam.

⁴⁰ Pe tajkolalelje xamal chalakaliajwampox, puexa jiw tato'laliajwambej, xan suapich, japoxliajwa taj-ax Dios xan natapae-el tajut japox jumchiliajwan. Taj-ax Dios, japon pajut tapayaxael tajkolalelje

chalakaxaelpi, xan sʉapich, japiliajwa chajia wechaemtas xotlisi —aech Jesús.

⁴¹ Asew Jesús pejnachala, diezpi, japox jumtaen wʉt, palalapi Santiagoliajwa, Juanliajwabej, wʉljow xoti japox.

⁴² Do jawʉt, Jesús puexa pejnachala la, japi kaes moxliajwa Jesúsxot. Dolisi, japi kaes mox wʉt Jesúsxot, jawʉt Jesús jum-aech pejnachalaliajwa:

—Xamal matabijam asatʉajʉchanpijiw, Dios naexasis-eli, paklochow, japi tato'al wʉt, tato'la-el pachaempoxantat. Japi jiw tato'al pamamaxtat asew jiw matabijaliajwas japi kaes pejme paklochowpox.

⁴³ Pelax xamal jasoxtat tato'laximil. Nejmach-aton xamalxot kaes xabich paklonasia wʉt, japon majt xamal kajachawaesfulaxael.

⁴⁴ Nejmach-aton kaes paklonasia wʉt xamalxot, japon majt, me-ama esclavo wʉt, jachiyaxaelon xamalliajwa.

⁴⁵ Ja-aechlap-is xanliajwa. Xan, puexa jiw pakoewkolnan, fulae-enil ampathatat jiw xan nakajachawaesfulaliajwa. Xanlax fulaekx jiw kajachawaesfulaliajwan, jiw bu'weliajwanbej, wemosliajwan japi babijaxan ispoxan, tʉpx wʉt cruztat —aech Jesús pejnachalaliajwa.

*Jesús boejthʉtpox itliaklan
(Mt 20.29-34; Lc 18.35-43)*

⁴⁶ Jesús, pejnachala sʉapich, pat Jericó paklowaxxot. Do baxael, japa-paklowax nakolaxxot nakolaliajwa wʉt, xabich Jerico paklowaxpijiwbej nafulchala. Do jaxot kaen itliaklan ek japanʉambabu'tat, jiw xaxenapi wʉljoeliajwa platafahan. Japon pawʉl Bartimeo. Japon Timeo paxʉlan.

⁴⁷ Do jawʉt, jumtaen wʉton Jesús, Nazaret paklowaxpijin, mox xensaxaelpox, jawʉt, japon itliaklan nejlasful wʉt, jum-aechfulon:

—Jesús, David pamon, ¡xan nabeltaem! —aechfullison.

⁴⁸ Xabich jiw buxfiachpon boejlach ekaliajwa. Ja-aech wʉt, itliaklan kaes pejme nejlasful wʉt, jum-aechfulon:

—David pamon, ¡xan nabeltaem! —aechfulon, nejlasful wʉt.

⁴⁹ Do jawʉt, Jesús japox jumtaen wʉt, nukjabapon. Jum-aechon:

—¡Jum-amde itliaklan xanlel fulaeliajwadin! —aech Jesús.

Do jawʉt, itliaklan las wʉt, jum-aechipon:

—¡Nejchachaemilde! ¡Nande! Jesús xam la moxliajwam japon poxade —aechipon.

⁵⁰ Do jawʉt, itliaklan thʉch naxoelax asalelaxach fo'a. Do jawʉt, nancha wʉt, moxdepon Jesús poxade.

⁵¹ Jesús wʉajnachamt wʉt, jum-aechon itliaklanliajwa:

—¿Achaxasiamkat xam? ¿Achaxkat isaxaelen xamliajwa? —aech Jesús itliaklanliajwa.

Itliaklan jumnot wʉt, jum-aechon:

—Jiw chanaekabʉanan, ¡xan taesian! —aechon.

⁵² Jesús jum-aech:

—¡Xabʉa'de nejmach! Amwʉtjel xam pachaemam, chiekal naxanaboejtam xot —aech Jesús.

Do jawʉt, itliaklan chiekal taenlison. Jawʉtbej, Jesús nakfollison.

11

*Jesús patpox Jerusalén paklowaxxot
(Mt 21.1-11; Lc 19.28-40; Jn 12.12-19)*

¹ Jesús, pejnachala s̄apich, pat mox Jerusalén paklowaxxot. Japi pat Betfagé paklowaxachxot, Betania paklowaxachxotbej. Jaxot olivonaechan nuil m̄axleltat. Jaxot Jesús kolenje pejnachalan w̄ajna to'achon.

² To'a w̄ut, j̄um-aechon:

—¡Xab̄ua'de japapaklowaxach w̄ajnadexot! Jaxotde pa'mach w̄ut, taeyaxaelam bur jelti'san, w̄uke'taspon. Japabur chinax aton t̄ua-eka-esalfuk. ¡Jolde! Do jaw̄ut, j̄naweb̄flaeman!

³ Jaxotpijin xamal w̄ajnachaemt w̄ut, j̄um-aech w̄uton: '¿Ma-aech xotkat bur joltam?' —aech w̄ut, j̄um-amo japon aton: 'Wajpaklon wewe'pas bur. Toet w̄ut, pejme wiasaxaelon' —amo japon aton! —aech Jesús, b̄uxto'a w̄ut kolenje pejnachalanliajwa.

⁴ Do jaw̄ut, japi kolenje f̄ulaechlisi. Patlisi japapaklowaxachxot. Jaxot bafafatabijla bur jelti'san taeni. Bur ke'tas n̄amtat. Do jaw̄ut, joltipon b̄flaeliajwadin Jesús poxadin.

⁵ Do jaw̄ut, jaxot nuili j̄um-aechi japiliajwa:

—Xamal, ¿achaxkat isam? ¿Ma-aech xotkat bur joltam? —aechi.

⁶ Jesús pejnachala j̄umnot w̄ut, j̄um-aechi Jesús b̄uxto'aspo. Do jaw̄ut, jaxot nuili, japi tapaei Jesús pejnachala bur b̄flaeliajwa Jesús poxadin.

⁷ Do jaw̄ux, japi b̄u'pat w̄ut Jesúsxot, tam-owalisi th̄uch naxoeipoxan Jesús t̄ua-ekaliajwa. Do jaw̄ut, Jesús t̄ua-eklison bur.

⁸ Jesús f̄ulaeyaxaech poxade, xabich jiw th̄uch naxoeipoxan ba'a n̄amtat. Asew japixot cha-aelnaedalan tasiapa, pa-uf̄pi, owaliajwa n̄amtat Jesús pejw̄ajnalel, sitaen xoti Jesús.

⁹ Asew japixot matxoela fol. Asew jiw w̄uchakal folbej. Puexa jiw nejlasf̄ul, xabich nejchachaemil xoti Jesúsliajwa. Nejlasf̄ul w̄ut, j̄um-aechf̄ulbejpi:

—¡Aleluya! ¡Ampon f̄ulaenpon Dios pijaxtat! Samata, ¡xabich pachaempon!

¹⁰ ¡Pachaempon, Israel t̄uajnapijiw pejrey! ¡Ampon rey chiekal tato'laxael! Me-ama wajw̄ajnapijin, rey David, chiekal tato'al w̄ut, jachiyaxaelon. ¡Dios, ath̄upijin, japon xabich pachaem! —aechf̄uli.

¹¹ Jasoxtat Jesús pat Jerusalén paklowaxxot. Dios pejtemplobaxot lech w̄ut, puexa chiekal taenpon. Do jaw̄ut, Jesús nawiat, doce pejnachala s̄apich, Betania paklowaxach poxade, xabich tuila xotliso.

Jesús j̄um-aechpox, higonae baechjil w̄ut

(Mt 21.18-22)

¹² Kandiawa w̄ut, Jesús, pejnachala s̄apich, nakola Betania paklowaxachxot. Do jaw̄ut, Jesús litaxaela.

¹³ At̄uajxach w̄ut, taenon higonae xabich pa-uf̄pox. Samata, mox taechon, pabaech w̄ut t̄usliajwa, xaeliajwabej. Pe mox taech w̄ut, japanae xabich pa-uf̄kal, naebaech naboesmatkoiya-el xotf̄uk.

¹⁴ Do jaw̄ut, Jesús j̄um-aech higonaeliajwa:

—¡Kaes naboesaximil! ¡jiw kaes nejbaech xaeyaxilbej! —aech Jesús.

Pejnachala j̄umtaen Jesús j̄um-aechpox.

Jesús to'apox nakolaliajwa Dios pejtemplobatat mowapi, w̄ajtibej

(Mt 21.12-17; Lc 19.45-48; Jn 2.13-22)

¹⁵ Do jaw̄ut, Jesús, pejnachala s̄apich, pejme pat Jerusalén paklowaxxot. Do jaxotde w̄ut, Jesús low Dios pejtemploba. Jaxot Jesús taen jiw mowapi, w̄ajtibej. Jesús to'a japi jiw nakolaliajwa tathoetade. Plata xanafokpi pejmesan wef̄uliaxabapon. A-u mowapi, japi pejt̄ua-ekaxan wew̄ulaejababejpon.

¹⁶ Jesús tapae-elbej jiw xaelaeliajwa pejew Dios pejtemplobatathoetlel.

¹⁷ Naew̄ujan w̄ut, j̄um-aechon japi jiwliajwa:

—Dios pejjamechan, chajia lelspx, jum-aech Dios jum-aechpox pejtemplobaliajwa: ‘Tajba kawhajnaba wulxael, pothatapijiw xan nakawhajnalijwa’ —aech Dios jum-aechpox. Pe xamallax Dios pejtemploba kethaka pejba padofam —aech Jesús.

¹⁸ Sacerdotespaklochow, judíos chanaekabuanapibej, japi jumtaen Jesús jum-aechpox. Samata, nakaewa najum-aechi: “¿Machiyaxaeskát Jesús boesalijwas?” —na-aechi nakaewa. Pe paklochow pejlewla Jesúslijwa, puexa jiw xabich nejxasink xot Jesús naewhajanpoxan.

¹⁹ Tuila wut, Jesús Jerusalén paklowaxxot nakolt, pejnachala suapich.

Higonae majowpox
(Mt 21.20-22)

²⁰ Kandiawasap wut, Jesús, pejnachala suapich, xena wut, taenlisi higonae. Japanae chiekal majow. Tathinbej chiekal majow.

²¹ Pedro nejchafaet Jesús jum-aechpox higonaelijwa. Samata, jum-aechon Jesúslijwa:

—Jiw chanaekabuanan, jnatachaemde higonae! Kaeliw xam jum-ampox higonaelijwa, diachwhajnakolax ja-aechlisox. Amwutjel chiekal majow —aech Pedro.

²² Do jawut, Jesús jum-aech pejnachalaliajwa:

—¡Dios chiekal xanaboejim japon xamal kajachawaeslijwa!

²³ Diachwhajnakolax xamal Dios chiekal xanaboejam wut, jum-am wut ampramxalijwa: ‘¡Napia'e amxot mar poxamik!’ —am wut, japramxax napi-asaxael jaxot. Pelax xamal kolenejchaxoelaxam wut Dioslijwa, ja-am wut, japramxax napiasaxil.

²⁴ Samata, xamal jum-an. Dios kawhajnam wut, jchiekal xanaboejim japon wuljowampoxan xamal chaxduiliajwa! Jasoxtat kawhajnam wut, diachwhajnakolax Dios xamal chaxduiyaxael wuljowampoxan.

²⁵ Xamal Dios kawhajnam wut, nalala wutfuk asan aton ispoxlajwa, jxamal japon aton beltaem! Ja-am wut, waj-ax Dios, athupijin, xamal beltaeyaxael-bej babijaxan isampoxanlijwa.

²⁶ Xamal beltae-emil wut asew jiw, Diosbej xamal beltaeyaxil babijaxan isampoxanlijwa —aech Jesús pejnachalaliajwa.

Jesús whajnaemtaspx, achan to'aspon choef mowapi nakolax to'aliajwapon Dios pejtemplobat
(Mt 21.23-27; Lc 20.1-8)

²⁷ Jesús, pejnachala suapich, pejme pati Jerusalén paklowaxxot. Do jawut, Dios pejtemplobaxot laelpi. Jaxot sacerdotespaklochow, judíos chanaekabuanapibej, ancianosbej, japi mox soepa Jesúsxot.

²⁸ Do jawut, Jesús whajnaemtas wut, jum-aechi:

—¿Achankat xam to'am choef mowapi nakolax to'aliajwam Dios pejtemplobat? —aech paklochow, whajnaemtas wuti Jesús.

²⁹ Jesús jumnot wut, jum-aechon:

—Xan-is xamal whajnaemtasaxaelen asax. ¡Majt chiekal najumno'e! Chiekal najumnotam wut, do jawux, xamalbej jumnosaxaelen xan nawhajnaemtampox.

³⁰ ¿Achankat Juan to'as jiw bautisaliajwa? ¿Dioskaton to'as? O, ¿jiwkaton to'as Juan bautisaliajwa jiw? ¡Najumno'e! Chiekal najumnotam wut, do jawut, xamal jumchiyaxaelen, achan nato'apoxtat japox xan isx —aech Jesús paklochowlijwa.

³¹ Do jawut, japi nakaewa najum-aechi: “Xatis jumtis wut: ‘Juan Dios to'as jiw bautisafulaliajwa’ —tis wut, Jesús nakjumchiyaxael: ‘¿Ma-aech xotkat xamal naexasis-emil Juan jum-aechpox?’ —nakchiyaxael Jesús xatisliajwa.

³² Jumtis wutlax: ‘Juan jiw to'as jiw bautisafulaliajwa’ —tis wut, japox jumtis wut, jiw xabich palalaxael, puexa jiw jum-aech xot pejnechaxoelaxantat Juanliajwa: ‘Diachwajnakolax Juan, jiw bautisan, jum-aech Dios buxto'aspoخان’ —aech xoti” —aech paklochow nakaewaliajwa. Samata, japi paklochow xabich pejlewla jumchiliajwa japox Jesúsliajwa.

³³ Do jawut, paklochow jumnot wut, jum-aechi:

—Jalape. Xanal matabija-enil, achan Juan to'as jiw bautisaliajwa —aechi.

Do jawutbej, Jesús jum-aech:

—Xan-is xamal jumchiyaxinil, achan nato'a xan japox isliajwan —aech Jesús paklochowliajwa.

12

Pamak babejchowpox

(Mt 21.33-46; Lc 20.9-19)

¹ Jesús jiw naewajan wut, wajanantat jum-aechon: “Kaen aton uva mutha. Do jawux, uvalul chaxajjal ia'tat. Isbejpon uva-ufan jukax uvalulxot. Do jawux, isbejpon japalultat cha-aelbach, athupox, uvalul tataeflaliajwa, uva foi wut. Do jawut, uvalulpijin asew pamakjiwliajwa wuljaet pejlul piach wetataeflaliajwas, japon pejwulela. Japi bu'pat wut, jum-aechon: ‘Xan fulaeyaxaelen asatujnulel atuj. Xan ajinil wut, xamal tajlul chiekal nawetataeflaxaelam’ —aech uvalulpijin. Do jawux, chijialison.

² “Asamatkoi, uva foi wut, uvalulpijin kaen pamakan to'a, japon wuljaesliajwa uva pejpaklonliajwa. Do jawut, fulaenlison uvalul poxadin.

³ Pe pat wuton uvalul tataefulpixot, japi jaelt fulaenpon uva wuljaesliajwa. Do jawut, baespon. Do jawutbej, ke-etat nawiasax to'aspon.

⁴ Do pejme uvalulpijin asan pamakan to'a. Jawut japon fulaenlison uvalul poxadin. Pat wuton uvalul tataefulpixot, japi jaelt fulaenpon uva wuljaesliajwa. Jawut xabich matnaeboesaspon. Jumtisbejpon babej-jamechan. Do jawut, ke-etat nawiasax to'ason.

⁵ Do pejme uvalulpijin asan pamakan to'a japon wuljaesliajwa uva. Dolison, pat wut uvalul tataefulpixot, uvalul tataefulpi boesa fulaenpon uva wuljaesliajwa. Do jawut, uvalulpijin asew pamak to'a. Japi pat wut uvalul tataefulpixot, japipej baes. Asew japixot tuj, fulaeni uva wuljaesliajwa.

⁶ “Do jawut, uvalulpijin kaen wenamans to'aliajwa. Wenamanspon uvalulpijin paxulan, xabich nejxasinkpon. Do jawut, japon taxdukakolaxtat to'apon paxulan. Uvalulpijin nejchaxoel paxulanliajwa: ‘Uvalul tataefulpi, japi taen wut taxulan nawesitaeyaxaelipon’ —aechon uvalulpijin, nejchaxoel wut.

⁷ Pe uvalul tataefulpi taen wuti uvalulpijin paxulan, nakaewa najum-aechi: ‘¡Tae'nik uvalulpijin paxulan! Asamatkoi pax naetuj wut, japon pijax wulxael, uvalul. Samata, ma amwut boesaxaespon uvalul wajaxkal chiekal namanaliajwa’ —na-aechi nakaewa.

⁸ Uvalulpijin paxulan pat wut japixot, japi jaeltason. Do jawutbej, boesaspon. Jawut jutipon uvalulxot” —aech Jesús jiw naewetiliajwa.

⁹ Do jawut, Jesús wajanachaemt jiw naeweti japawajan. Jum-aechon: “¿Achaxkat xamal nejchaxoelam uvalulpijinliajwa? ¿Achaxkat isaxael uvalulpijin uvalul tataefulpiliajwa? Xan tajut jum-an. Uvalulpijin chakifulaeyaxael uvalul tataefulpi kastikaliajwa, beliajwabejpon. Do pejme asew jiw tataeflax to'axaelon uvalul” —aech Jesús.

10 Jesús pejme jum-aech:

—Xamal bej xaljowambej Dios pejjamechan, chajia lelspx, jum-aech wut xanliajwa:

‘Jiw ia’ba is wut, kaet ia’tliajwa nakaewa najum-aechi: “Ampot ia’t chaemil” —na-aechi ia’tliajwa. Do jawux, asan aton japot ia’t fit. Japon jum-aech japot ia’tliajwa: “Ampot ia’t, puexa ia’xot, kaes pejme xabich pachaem taxso’tpijtliajwa, ba chiekal mamnikaliajwa” —aechon.

11 Samata, japox xabich pachaem xatisliajwa’ —aech Dios pejjamechan, chajia lelspx, xanliajwa —aech Jesús, jiw naewhajan wut.

12 Do jawut, paklochow pajut matabija, Jesús jiw naewhajan wut uvalul tataefulpiliajwa, japox jum-aechon paklochowliajwa. Samata, jawut Jesús jaelsasias buflaeliajwas, Jesús jiw jebatat jeliajwas. Pe paklochow pejlwla jiwliajwa. Samata, Jesús waelti tamach. Do jawut, fulaechlisi pejllel.

*Impuesto mosaxliajwa, Jesús wuhajnaemtaspx
(Mt 22.15-22; Lc 20.20-26)*

13 Do jawux, paklochow to’a Jesús poxade, kaesupich fariseos, Herodes pejmupijiwbej, Jesús asax jum-aech wut, tasalaliajwapi Jesús.

14 Do jawut, pat wuti Jesúsxot, jum-aechi:

—Jiw chanaekabuanan, xanal matabijax xam diachwuhajnakolax chiekal jum-am. Xam buxdala-elbej diachwuhajnakolaxpox naewhajnaliajwam puexa jiwliajwa, nejlwla-el xot jiw nejchaxoelpox xamliajwa. Xam naewhajnax diachwuhajnakolaxpox jiw chiekal duilaliajwa, me-ama Dios nejxasink. Samata, xanal matabijasian. ¿Pachaemkat xatis mosliajwas impuesto Roma tuhajupijiw tato’lan? ¿Mosaxaeskat? O, ¿mosaxilsalkat? —aech paklochow, wuhajnaemt wuti Jesús.

15 Jesús pajut matabijt tasalaxaespx, jumnot wuton asaxtat wuhajnaemtaspxliajwa. Samata, Jesús jum-aech japiliajwa:

—¿Ma-aech xotkat xan naxapaejtam? ¡Nawexalaeman kaekafef xan taeliajwan! —aech Jesús.

16 Do jawut, xalaenlisi kaekafef Jesúslel. Jawut Jesús wuhajnaemt wut, jum-aechon:

—¿Achan pejxu-aelkat ampakafefat? ¿Achan pejwulbejkat ama lelspx ampakafefat? —aech Jesús japiliajwa.

Do jawut, japi jumnot wut, jum-aechi:

—Roma tuhajupijiw tato’lan, japon pejxu-ael, pejwulbej —aechi.

17 Do jawut, Jesús jum-aech:

—¡Roma tuhajupijiw tato’lan, japon pejewpi japon chaxduim, motam wut impuesto! ¡Pe Dios pejewpi, Dios chaxduim! —aech Jesús.

Do jawut, japi jiw xabich natachaemana, Jesús chiekal jumnot xot.

*Asamatkoi mat-eyaxaespx tupi pejme duilaliajwa
(Mt 22.23-33; Lc 20.27-40)*

18 Saduceos asanejchaxoelax. Japi jum-aech: “Jiw tup wut, kaelel chiekal napelt. Asamatkoi mat-eyaxisalbej pejme duilaliajwa” —aechi asbuan jumch. Do asamatkoi, kaesupich saduceos pat Jesús taeliajwa. Pat wuti, japi wuhajnaemt Jesús.

19 Jum-aechi wuhajantat:

—Jiw chanaekabuanan, Moisés chajia lelpox jum-aech: ‘Aton pijow naetup wut naxuwla-elaxtat, patupan pakoewan naman wut, japon japow fisaxael. Ja-aech wut, japon naxuwlael japowtat pakoewan taponliajwa’ —aech Moisés chajia lelpox —aechi Jesúsliajwa.

²⁰ Do jawut, japi kaes jum-aech: “Kaen aton seis pakoew. Matxoelapijin pawis fit. Pe baxael japon tɔp naxwla-elaxtat pijowxot.

²¹ Do jawutbej, wɔchakalpijin japow fit. Pe baxael japonbej tɔp naxwla-elaxtat japowxot.

²² Puexa japon pakoew, seispi, nadaepti nakjiyaxtat japowtat. Pe chinax kaen japixot naxwla-el japowtat. Do jawɔx, taxdukakolaxtat japowbej tɔp.

²³ Tɔpi mat-ias wɔt pejme duilaliajwa, jawut sietepixot, ¿achankat pijowaxael japow?” —aech saduceos Jesúsliajwa.

²⁴ Jesús jumnot wɔt, jum-aechon saduceosliajwa:

—Xamal japox jum-am wɔt, nejmach jum-am, matabija-emil xot Dios pejjamechan, chajia lelsprox, jum-aechprox. Matabija-emilbej Dios xajɔpprox puexa isliajwa.

²⁵ Tɔpi mat-ias wɔt japi duilaxael Diosxotse. Jaxotse poejiw, watho'bej, pejme nakjiyaxil. Me-ama Dios pej-ángeles nakjiya-el, jachiyaxaelbej, tɔpi mat-ias wɔt pejme duilaliajwa.

²⁶ ¿Xamalkat xaljoe-emil Moisés chajia lelpox, tɔpi mat-eyaxaespoxlialjwa pejme duilaliajwa? Japawɔajanxot Dios chajia jumɔt wɔt, jum-aechon boejtachnaechxotdin. Jawut Dios jum-aech tɔpi mat-eyaxaespoxlialjwa pejme duilaliajwa. Do jawut, Dios jum-aech Moisésliajwa: ‘Xanfuk amwɔtjel Abraham, Isaac, Jacobbej, japi pejDiosnan’ —aech Dios.

²⁷ Samata, Dios naexasiti matabija, asamatkoi tɔp wɔti pejme duilaxaelprox. Japi chiekal matabijabej, chajia wɔajna tɔpi, japi napels-elprox. Samata, Abraham, Isaac, Jacobbej, japi amwɔtjel duilafɔl Diosxotse. Xamal saduceos chiekal matabija-emil, jum-am wɔt: ‘Jiw tɔp wɔt, chiekal kaelel napelt. Tɔpi mat-eyaxisal pejme duilaliajwa’ —am wɔt, —aech Jesús saduceosliajwa.

*Dios pejtato'laxanxot, masox kaes pejme pachaem
(Mt 22.34–40)*

²⁸ Jesús chiekal jumnot wɔt, saduceos, fariseosbej, jawutbej kaen judíos chanaekabɔananapon jumtaen. Samata, japonbej mox soepan Jesúsxot wɔajnachaemsliajwa. Do jawut, jum-aechon:

—Jiw chanaekabɔanan, Dios xabich tato'al jiw naexasisliajwa. ¿Achatato'laxxotkat kaes pejme pachaem Dios tato'alpox jiw naexasisliajwa? —aech judíos chanaekabɔanan.

²⁹ Jesús jumnot wɔt, jum-aechon:

—Amɔawɔajan kaes pejme pachaem jiw chiekal naexasisliajwa: ‘Israel pamojiwam, jumtaem chiekal! WajDios, japon kaen wajpaklokolan.

³⁰ Samata, ¡chiekal nejxasinkde Dios wajpaklokolan! ¡Xabich nejxasinkdebej Dios puexa nejnejchaxoelaxtat! ¡Xabich tanbichfɔldebejpon puexa nejpmamaxtat!’ —aechox.

³¹ Asawɔajan, wɔchakal pejwɔajan, Dios tato'alpox, japox jum-aechbej: ‘¡Chiekal nejxasinkde jiw! Me-ama xam najut nanejxasinkam wɔt, ¡jamde asew jiwliajwa!’ Kolewɔajan, Dios tato'alpoxan, japawɔajanxot, do kaes asawɔajan ajil, xabich kaes pachaemwɔajan —aech Jesús judíos chanaekabɔananliajwa.

³² Do jawut, judíos chanaekabɔanan jum-aech Jesúsliajwa:

—Jiw chanaekabɔanan, xam naksiyam diachwɔajnokolaxprox. Dios pejjamechan, chajia lelsprox, jum-aech: ‘Dios kaen. Kaes asan Dios ajil’ —aechox.

³³ Diachw_{uaj}nakolax pachaem xatis Dios chiekal nejxasinkaliajwas puexa wajnejchaxoelaxtat. Pachaembej Dios tanbichliajwas puexa wajpamamaxtat, nejxasinkas xot Dios. Pachaembej asew jiw nejxasinkaliajwas. Me-ama xatis wajut nanejxasinkas w_{ut}, jachiyaxaes asew jiwliajwa. Japoxanlap xabich pachaem xatis isliajwas. Japoxlap kaes pejme pachaem Diosliajwa, naexasich w_{ut} japoxan. Me-ama choef chabowaspoxan altarmatw_{uaj}ajtat Dios pej-ofrendaliajwa, jachi-el japoxan —aech judíos chanaekab_uanan.

³⁴ Jesús j_{um}taen w_{ut} judíos chanaekab_uanan chiekal j_{um}notpox, jaw_{ut} Jesús j_{um}-aech judíos chanaekab_uananliajwa:

—Xamfuk kaes_uapich wewe'p chiekal naexasisliajwam Dios —aech Jesús.

Doliso' jaw_{ut}, jiw pejlewla kaes asax w_{uaj}nachaemsaxtat xapaejsliajwapi Jesús.

Cristo, rey David pamonpox, pe Cristo paklonbej Davidliajwa
(Mt 22.41-46; Lc 20.41-44)

³⁵ Jesús jiw naew_{uaj}ajan w_{ut} Dios pejtemplobatat, Jesús w_{uaj}nachaemt w_{ut}, j_{um}-aechon japi naewetiliajwa:

—¿Ma-aech xotkat judíos chanaekab_uanapi j_{um}-aech: 'Cristo nalaelt w_{ut}, japon rey David pamonaxael' —aechkat judíos chanaekab_uanapi?

³⁶ David pajut j_{um}-aech w_{ut} Espíritu Santo pijaxtat, j_{um}-aechon Cristoliajwa:

'Dios j_{um}-aech tajpaklokolanliajwa: "¿Ekde tajpoklalel jiw tato'laliajwam, xan s_uapich! Ekam w_{ut}fuk tajpoklalel, xan malechaxaelen nadaelmajiw. Malechax w_{ut}, japi jiw naexasisfulaxael xam tato'lampoxan" —aech Dios tajpaklokolanliajwa' —aech rey David chajia lelsxot Cristoliajwa.

³⁷ David chajia j_{um}-aechbej Cristoliajwa: 'Tajpaklokolan' —aechon Cristoliajwa. Samata, Cristo, diachw_{uaj}nakolax rey David pejpaklokolanpon. Pe Cristo David pamonbej —aech Jesús pajutliajwa, j_{um}-aech w_{ut} jiw chiekal j_{um}matabijaliajwa japon Dios pax_ulanpon.

Xabich jiw nejchachaemil, j_{um}taen w_{uti} Jesús j_{um}-aechpox.

Jesús j_{um}-aechpox jiw matabijaliajwa fariseos, judíos chanaekab_uanapibej, pejb_u'w_{uaj}anpox
(Mt 23.1-36; Lc 11.37-54; 20.45-47)

³⁸ Jesús pejme jiw naew_{uaj}ajan w_{ut}, j_{um}-aechon:

—¿Chiekal taem! Me-ama judíos chanaekab_uanapi, jnabej ja-aech'e' xamal! Japi nejxasink pakchownaxoeyaxan jiw chiekal sitaeliajwas. Nejxasinkbejpi jiw saludaliajwas xabich sitaeyaxtat, xab_u'kulas w_{ut} paklowaxthialaxanxot.

³⁹ Japi judíos naew_{uaj}nabachantat w_{ut}, w_{uaj}na t_uachalakaxan nuilpi paklochow kaes sitaenspi chalakaliajwapitat, japat_u-ekaxantat japi chalak puexa jiw taeliajwas. Ja-aechbejpi, fiestanxot w_{ut}. Japi nejxasink chalakaliajwa kaes pachaempoxantat.

⁴⁰ Japi naekichachajba watho', pamaljiw naet_upspi, wenosliajwa japi watho' pejew. Lowpi judíos naew_{uaj}naba piach Dios kaw_{uaj}naliajwa, jiw taens w_{ut} j_{um}chiliajwas: 'Diachw_{uaj}nakolax ampi jiw xabich pachaem' —chiliajwas. Samata, Dios xabich kastikaxaesi —aech Jesús judíos chanaekab_uanapiliajwa.

Pamal naet_upspow, kejilpow, chaxdutpox ofrenda Diosliajwa
(Lc 21.1-4)

⁴¹ Asamatkoi Jesús mox ek ofrenda jiaxot Diosliajwa, templobatat. Jaxot Jesús taen, jiw jia w_{ut} plata. Xabich kimaeya plata xabich jiapi.

⁴² Do jawut, jaxot patbej pamal naetuspow. Japowbej jek kolekafef Dios pej-ofrendaliajwa. Japakafeaex, cobrefaex, xabich omjillejen.

⁴³ Jesús japox taen wut, lalison pejnachala kaes moxaliajwadin japonxot. Jaxot wuti, Jesús jum-aech pejnachalaliajwa:

—Diachwajnakolax xan jum-an. Ampow, pamal naetuspow, xabich kejl. Pe Dios kaes pejme nejchachaemil japow pej-ofrendaliajwa. Japow, me-ama kaes pejme chaxdut wut, ja-aehow Diosliajwa. Me-ama puexa asew jiw, chaxduw wut, jachi-elow japow.

⁴⁴ Puexa asew jiw chaxduw ofrenda wenamaspoxantat. Japowlax wewe'paspoxanliajwa, puexa chaxdutow Diosliajwa —aech Jesús.

13

Jesús jum-aechpox Dios pejtemploba toesaxaespoxliajwa (Mt 24.1-2; Lc 21.5-6)

¹ Jesús nakolt wut templobaxot, kaen pejnachalan jum-aech:

—Jiw chanaekabanan, itae'nik Dios pejtemploba, asabachanbej! Japabachan xabich chimiabachan! Japa-ia'bej xabich pinanul! —aech Jesús pejnachalan.

² Jesús jum-aech:

—Xamal taenampi, pinabachan, japoxan asamatkoi chiekal toesaxaes. Asatwajnanpijiw japabachan toesaxael. Dios pejtemplobabej toesaxaeli. Japox ja-aech wut, kaet ia't namanaxil nakae-ia'tmatwajtat —aech Jesús.

That toepax mox pawajna wut, majt matxoela jachiyaxaelpoxan (Mt 24.3-28; Lc 17.22-24; 21.7-24)

³ Do jawux, Jesús, pejnachala swapich, fulaech Olivonaechanmawax poxade. Japamawax Dios pejtemplobatabijla ek. Jaxotde pa'a wut, Jesús ek, pejnachala swapich. Pedro, Santiago, Juan, Andrés, japi piajkal wut, wajnachaehti Jesús.

⁴ Jum-aechi Jesúsliajwa:

—Jiw chanaekabanan, ixanal chiekal nachanaekabanim! ¿Maswutkat japox jachiyaxael, xam jum-ampox Dios pejtemplobaliajwa? ¿Achaxankat taeyaxaes, mox pawajna wut, xam jum-ampoxan jachiliajwa wut? —aechi.

⁵ Jesús jumnot wut, jum-aechon:

—Chiekal taem asew jiw xamal naekichachajbasamata!

⁶ Xabich jiw pasaxael, me-ama xan. Japi pajut najumchiyaxael: 'Xan Cristowan' —nachiyaxaeli. Pe japi Cristowaxil. Xabich jiw naexaxisaxaesi, japi naekichachajba wut.

⁷ “Asamatkoi xamal wultaenam wut soldaw xabich nabapox mox, o, atwaj, ixamal nabej nejlewe'! Japoxan majt jachiyaxael, mox pawajna wut that toepaliajwa. Ja-aech wut, that toepax pasaxilfuk.

⁸ That toepax wajna, xabichaxael nabewajan. Nakaetwajnanpijiw nabeyaxael, nakaetwajnanpijiw swapich. Japoxan majt jachiyaxael asatwajnanchanel. Kaetwajnanpijiw nabeyaxaelbej, asatwajnanpijiw swapich. Japox majt jachiyaxael asatwajnanlel. Asatwajnanlel xabich sat najaesaxaelbej potwajnancha. Naxaeyaxan xabich ajilaxaelbej. Majt japoxan jachiyaxael, nabijasax twadusaxael wut jiw xabich nabijasliajwa. Me-ama watho' naxawllaliajwa wut, xabich wexaenkas, jachiyaxaelbej, japox twadut wut, jiw nabijasaxaelpox.

9 “¡Xamal najut chiekal natataefulde! Asew jiw xamal buflaeyaxael paklochow poxade. Japi xamal kastikaxael judíos naewuaj nabachanxot. Nuilaxaelam paklochow pejuajna lelel, tajnachalwam xot. Jaxotam wut, xamal naksiyaxaelam xanliajwa.

10 Matdukamatkoi wuajna, potuajnu cha xamal naewuajanaxaelam chimiawuajan, Dios jiw bu'weyaxaelpox.

11 Xamal buflaech wuti paklochow poxade, ¡xabich nabej nejchaxoele' jaxot naksiyaxaelampoxanliajwa! Jawut naksiyaxaelam Dios buxto'apoxan xamal naksiyaliajwam. Najut nijaxtat naksiyaximil. Naksiyaxaelam Espiritu Santo pijaxtat.

12 Japamatkoiyan, xamal tajnachalwam xot, asew jiw xamalxot, pakoewkola buflaeyaxaes paklochow poxade, jaxotde beliajwas. Asew jiwbej xamalxot, paxjiw, o, penjiwbej, buflaeyaxaes paklochow poxade, jaxotde beliajwas. Asew jiwbej xamalxot, paxi buflaeyaxaes paklochow poxade, jaxotde beliajwas.

13 Puexa jiw xamal nejweslaxael, tajnachalwam xot. Pe kofa-emil wut Dios xanaboejampox, ja-am wut, hasta tupam wut, Dios xamal bu'weyaxael.

14 “¡Xaljowpon nej matabijs ampox! Xamal xaljowam wut, ¡chiekal matabijim! Xamal taenam wut xabich babejkolan Dios pejtemplobatutat, jaxot tapaeyaxisalpon leliajwa, jaxot wutlison, ja-aech wut, ¡puexa Judea tuajnu pijiw nej dukpe pinamuaxan poxade!

15 Do jawutbej, jiw nuili bachanmatwuajtat, baloek wut, ¡nej le-ele' pejbachan poxade pejew jukaliajwa, xadukpaliajwabejpi!

16 “Do jawutbej, jiw nabisti pejlulantat, ¡do jaxot kaweta kamta atuaj nej dukpe! ¡Japi kaxa nej nawe-eledin pejbachan poxadin, pejew ponan wuljaesliajwa!

17 Do jawutbej, watho', moejowpi, yamxi mitan miati, japi watho' xabich nabijasaxael.

18 Dukpam wut xabich nabijasasamatam, ¡Dios kawuajnafulde japox pasasamata, iama wut!

19 Dios that is wut, amwutjelbej, jachi-ellejen japanabijasax. Japamatkoiyantat xabich kaes nabijasaxaelam.

20 Nabijasmatkoiyan piachaxael wut, jiw xajupaxil boejtaliasfulaliajwa. Samata, Dios tapaeyaxil piach, pejiw xabich nabijasliajwa. Jachiyaxael, Dios makanot wut Dios nejxasinkaspi.

21 “Asew jiw xamalxot jum-aech wut: ‘¡Tae'nik Cristo!’ o, asew jiw jum-aech wutbej: ‘¡Jaxotde Cristo!’ —aech wutbej, ¡nabej naexasis!

22 Matxoela fulaeyaxaen naekichachajbapijiw. Japi pasaxaen, me-ama Cristo. Pe japi Cristowaxil. Asew jiw pasfulaxael, me-ama Dios pejprofetas. Pe japi Dios pejprofetakolaxil. Japi isaxael koechaxan, japoxantat japi jiw naekichachajbaliajwa. Naekichachajbasiabejpi jiw, Dios naexasiti, japi jiw kofaliajwa Dios xanaboejapoxan.

23 ¡Chiekal taem! Xan ampox jum-an xamal chajia chiekal matabijaliajwam, asamatkoi xamal naekichachajbasamata japi jiw” —aech Jesús pejnachalaliajwa.

*Jesús, puexa jiw pakoewkolan, pejme kaxaxoekpox
(Mt 24.29-35, 42-44; Lc 17.26-36; 21.25-36)*

24 Jesús pejme jum-aech pejnachalaliajwa:

—Nabijasmatkoiyan toep wut, juimt matkoi pijinn kamta kuatlaxael. Juimt madoipijinbej itliakaxil.

²⁵ Ithaejanbej natacholnaxael. Puexa thatbaxotatibej xabich nachoelaxael.

²⁶ Do jawut, xan, puexa jiw pakoewkolnan, athulelsik fuloekx wut itloejentat, jiw xan nataeyaxael, paskax wut, puexa jiw tato'laliajwan. Do jawut, itliakaxaelen Dios pijaxtat.

²⁷ Do jawutbej, xan to'axaelen tejew ángeles, pin-iakola, japi pothata xajupaliajwa. Japi buflaeyaxaen jiw xanlel, xan makanotxpikal.

²⁸ “¡Chiekal nejchaxoelde, taenam wut higonae! Higonae pajel-uaf nakola wut, ja-aech wut, xamal matabijam waech mox pawuajnapox.

²⁹ Jachiyaxaelbej japoxan taenam wut, xan jum-anpoxan. Matabijaxaelam xan mox tawuajnapox pejme pasliajwan puexa jiw tato'laliajwan, taj-ax Dios suapich.

³⁰ Diachwuajnakolax xan jum-an. Puexa xan jum-anpoxan diachwuajnakolax jachiyaxael. Asew jiw xamalxot japoxan taeyaxael, laelpifuk ampathatat.

³¹ Thatbaxo, ampathatbej, toepaxael. Pelax tajjamechan toepaxil. Xan jum-anpoxan, japoxan diachwuajnakolax jachiyaxael.

³² “Puexa jiw matabija-el xan pasaxoekanmatkoi. Dios pej-ángelesbej matabija-el japox. Xanbej, Dios paxulnan, matabijs-enil japox. Kaen taj-ax Dios matabijt.

³³ “Samata, ¡xamal najut chiekal natataefulde! ¡Pomatkoicha nawuajnawesfuldebej, xamal matabija-emil xot xan pasaxoekanmatkoi!

³⁴ Xan pejme fuloekx wut athulelsik, me-ama kaen aton pejba naechijia wut, pejme kaxa nawia'an, xanbej jachiyaxaelen. Japon aton tamach waelapon pamak pejbatat. Pamak kaenanula bichax chaxduwpon. Jum-aechon kaen pamakanliajwa: ‘¡Tajba chiekal nawetataefulde, nawuajnawetam wut tajpasax!’ —aech aton pamakanliajwa. Do jawux, chijialison atuuaj.

³⁵ Xamalbej nawuajnawetam wut, ¡me-ama ba tataeflan, ja-amsfulde xamal! Japon pomatkoicha ba chiekal tataeflaxael, matabijs-el xoton, maswut bapijin pejme pasaxael. Bej pasaxaelbejpon kaliax, o, pinmadoitat, o, nalianawuajna. O, pasaxaelon kandiawasap.

³⁶ Pamakan matabijs-el, maswut pejpaklon pasaxael. Samata, pomatkoicha chiekal wuajnawesful, pejpaklon pat wut nejchachaemlaliajwa japiliajwa. Pejpaklon chamatpasaxisal pamakan chiekal wuajnawesfula-esalpoxtat.

³⁷ Xamal jum-anpox, jum-anbej puexa asew jiwliajwa. ¡Chiekal nawuajnawesfulde!” —aech Jesús pejnachalaliajwa.

14

Judíospaklochow nejchaxoelpox jaelsliajwapi Jesús (Mt 26.1-5, 14-16; Lc 22.1-2; Jn 11.45-53)

¹ Kaewaechful wut, judíos is Pascuafiesta nejkiowasamata pejuajnapijiw nakolapox Egipto tuajnuaxot. Japafiestamatkoiyan wut, judíos isbej asafiesta. Pan puthla-elpi xael, japafiesta wut. We'p wutfuk kolematkoiye judíos tuadusliajwa Pascuafiesta isax, jawut sacerdotespaklochow, judíos chanaekabuanapibej, natameja piajkal. Japi jaelsasia Jesús naekichachajbapoxtat boesaliajwapi Jesús.

² Do jawut, nakaewa najum-aechi:

—Japox isaxisal fiestat. Japox isax wut, jiw xabich palalaxael xatisliajwa. Ja-aech wut, jiwbej chamamosaxaelbej Jesús —na-aech paklochow nakaepaklochowliajwa.

*Pawis perjumamintat matnaechafanpox Jesús
(Mt 26.6-13; Lc 7.37-38; Jn 12.1-8)*

³ Jesús Betania paklowaxxot wut, paton Simón pejbatat. Japon Simón majt leprawaxae waechpon. Japabatat Jesús xael wut, kaeow atow xapat perjumamint batiajtat. Japabatiajt isas ia't, pawulpot alabastro. Japaperjumamint xabich ommaenk. Isas nardokal. Do jawut, batiajtwathit jalnatow. Do jawut, japow ta'chafan Jesús.

⁴ Asew jiw japixot japox taen wuti, palalapi japowliajwa. Do jawut, nakaewa najum-aechi:

—¿Ma-aech xotkat japow tabejt perjumamint?

⁵ Japaperjumamint xabich ommaenk. Japaperjumamint mowas wut, xabich plata kanaxaes, me-ama trescientos denarios. Ja-aech wut, japaplata chaxduiyaxaes kejila —na-aechi nakaewa.

Jasoxtat jum-aechipow, tabejt xotow perjumamint japontat.

⁶ Do jawut, Jesús japox jumtaen wut, jum-aechon:

—¡Nej ja-aeché! ¿Ma-aech xotkat japox jum-am japowliajwa? Japow japox is wut, pachaem xanliajwa.

⁷ Pomatkoicha xamalxotaxael kejila kajachawaesliajwam. Kejila kajachawaesiasiam wut, kajachawaesaxaelam nejmachmatkoitat. Pelax xan piachaxinil xamalxot.

⁸ Japow japox is wut, ispow xajuppoxtat. Japow perjumamintat nata'chafan wut, nachawuajnachaeht xan tajpatupaxliajwa namuhtsliawapox.

⁹ Diachwuajnakolax xan jum-an. Tajnachala potuajnucha jiw naewuajan wuti chimiawuajan, tajwuajan, asew jiw naexasit wut bu'weliajwas, do jawutbej, tajnachala jumchiyaxael japow ispoxlajwa xanliajwa. Jasoxtat puexa jiw nejchaxoelaxael japowliajwa —aech Jesús pejnachalaliajwa.

*Judas Jesús padaelman nadofapox
(Mt 26.14-16; Lc 22.3-6)*

¹⁰ Kaen Jesús pejnachalan, Judas Iscariote, japontat dosanpon, japon fulaech sacerdotespaklochow poxade nospaeliajwapon, japi suapich, asamatkoi Jesús wiasliajwapon japixot.

¹¹ Paklochow japox jumtaen wut, xabich nejchachaemil. Do jawut, jum-aechi Judasliajwa:

—Jesús wiatam wut xanalxot, xanal mosaxaelen —aechi.

Do jawux, Judas wuajnowet, ma ipachaemdo', japamatkoitat wiasliajwapon Jesús padaelmajiwxot.

*Jesús xaelpox, pejnachala suapich, Pascuafiestanaxaeyax
(Mt 26.17-29; Lc 22.7-23; Jn 13.21-30; 1 Co 11.23-26)*

¹² Matxoelamatkoi fiesta wut, judíos xael wut pan puthla-eli, japamatkoi patlisox. Japamatkoi ovejas jelti'tpi xua'at xaeliajwa. Jawut Jesús wuajnachaehtas pejnachala. Japi jum-aech Jesúsliawpa:

—¿Ampalekat xanal naxaeyax isaxaelen Pascuafiestanaxaeyax xanal nabu'xaeliajwam? —aechi.

¹³ Do jawut, Jesús to'a wut kolenje pejnachalan, jum-aechon:

—¡Xabua'de Jerusalén paklowax poxade! Jaxotde kaen aton faenaxaelam, mint xafolpon. ¡Japon aton fulfulaem!

¹⁴ Lech wut ba, jum-amo japabapijin: 'Jiw chanaekabuanan jum-aech: ¿Ampabatutakat xan tajnachala bu'xaeyaxaelen Pascuafiestanaxaeyax?' —aech jiw chanaekabuanan —amo bapijin!

¹⁵ Do jawut, bapijin xamal itpaeyaxael athu pejpiezax, japabatu pinjiyax. Chajia wuajna chiekal chaemtis. Jaxot naxaeyax xamal isaxaelam xatisliajwa —aech Jesús, pejnachala to'a wut.

¹⁶ Do jawut, Jesús kolenje pejnachalan fulaechlisi Jerusalén paklowax poxade. Jaxotde pa'a wuti, puexa, me-ama Jesús chajia jumtisi, japox ja-aech. Samata, jaxot islisi naxaeyax Pascuafiestaliajwa, Jesúsliajwa, a sew pejnachalaliajwabej.

¹⁷ Tuila wut, Jesús, pejnachala srapich, pat japabaxot.

¹⁸ Do jawut, xael wut, Jesús jum-aech:

—Diachwuajnakolax xan jum-an. Kaen xamalxot, xan srapich xaelpon, japonlap xan nawiasaxael tadaelmajiwxot —aech Jesús.

¹⁹ Pejnachala japox jumtaen wut, xabich nejxaejwas. Samata, kaenanula wuajnachaemt wut, jum-aechi Jesúsliajwa:

—¿Xankatlap wiasaxaelen xam? —aechi Jesúsliajwa.

²⁰ Jesús jumnot wut, jum-aechon pejnachalaliajwa:

—Kaen, xamalxot dosampim, japonlap xan nawiasaxael tadaelmajiwxot. Kaepaftat, xan srapich, panax taxthotpon, japonlap xan nawiasaxael tadaelmajiwxot.

²¹ Xan, puexa jiw pakoewkolnan, naboesaxaeli. Me-ama Dios pejjamechan chajia jum-aech xanliajwa, diachwuajnakolax japox jachiyaxael. Pe nawiasaxaelon tadaelmajiwxot, japonliajwa kaes pejme chaemilaxael. Kaes pejme pachaemaxael, japon nalaels-el wut ampathatat —aech Jesús pejnachalaliajwa.

²² Japi xael wut, Jesús panax fit. Do jawut, Jesús Dios kawuajan wut, jum-aechon: “Ax, gracias-an xanal pan nachaxdutampoxliajwa” —aech Jesús, Dios kawuajan wut. Do jawut, Jesús jalkafal pan, pejnachala kexadiajsliajwa. Chaxduwpon pejnachala xaeliajwa. Do jawut, Jesús jum-aech:

—¡Xaem ampapan! Japox, me-ama tajwit —aech Jesús.

²³ Do jawut, Jesús copa chafit puexa pejnachala fiaflaliajwa. Do jawut, jum-aechon Diosliajwa: “Ax, gracias-an ampotliajwa nachaxdutampot” —aech Jesús pax Diosliajwa. Do jawut, japot chaxdutilson japi puexa kaenanula fiaflaliajwa. Do jawut, japi kaenanula puexa fiafal.

²⁴ Jesús jum-aech pejnachalaliajwa:

—Ampot vino, me-ama tajjal. Xan tux wut puexa jiwliajwa, tajjal nakolaxael. Japox jiw naexasit wut, beltaeyaxaes babijaxan ispoxanliajwa tajjal pijaxtat.

²⁵ Diachwuajnakolax xan jum-an. Pejme feyaxinil vino ampathatat. Dios puexa pejjiw tato'almatkoi pat wut, japamatkoi pat wut, pejme pajelt vino feyaxaelen Diosxotse —aech Jesús pejnachalaliajwa.

*Pedro xanaliyaxaelpox Jesús pejnachalanpoxliajwa
(Mt 26.31-35; Lc 22.31-34; Jn 13.36-38)*

²⁶ Jajuiyax buxtoet wut salmos, fulaechlisi Olivonaechanmuax poxade.

²⁷ Jaxotde pa'a wut, Jesús chajia jum-aech pejnachalaliajwa:

—Xamal nasalaxaelam nejlel, puexa kofaxaelam xot xan naxanaboejampox. Jasox jum-aech Dios pejjamechan, chajia lels wut xanliajwa: ‘Boesaxaes ovejas tataefulpon. Ja-aech wut, pejew ovejas nasalaxael pejlel’ —aech Dios pejjamechan xanxot xamal nasalaliajwampox.

²⁸ Xan naboesa wuti, do jawux, Dios namat-esaxael pejme dukaliajwan. Do baxael, xamal wuajna xan pasaxaechan Galilea tuajnuxotde —aech Jesús, chajia jum-aech wut pejnachalaliajwa.

²⁹ Do jawut, Pedro jum-aech:

—Puexa a sew nejnachala kofa wut pejxanaboejaxan xamliajwa, xan-lax kofsaxinil tajxanaboejsax xamliajwa. Xan nakiowa xam xanaboejsfulaxaelen —aech Pedro Jesúsliajwa.

³⁰ Jesús jumnot wut, jum-aechon Pedroliajwa:

—Diachwujnakolax xan jum-an. Ampamadoitat kawaema nejlae-el wutfuk koleveces, xan naxanaliyaxaelam wut, jumchiyaxaelam tres veces: “Xan japon aton matabijs-enil” —chiyaxaelam xanliajwa —aech Jesús Pedroliajwa.

³¹ Pedro pejme jum-aech nejthua'axtat:

—Lach nejmachjiw najum-aechal wut xanliajwa: ‘Xam boesaxaelen, Jesús pejnachalnam xot’ —na-aechal wut, xan tajut xanaliyaxinil —aech Pedro.

Puexa Jesús pejnachala japox kaeyax jum-aechi, Pedro matxoelajum-aechpox.

*Pawuxot, Getsemaní, Jesús Dios kawujajnpox
(Mt 26.36-46; Lc 22.39-46)*

³² Do jawut, Jesús, pejnachala suapich, pat Getsemaníxot. Jaxotde pa'a wut, jum-aechon pejnachalaliajwa:

—¡Amxot chalakde! Xan wujnaxaechan taj-ax Dios kawujajnalialiajwan —aech Jesús.

³³ Jesús buflaech Pedro, Santiago, Juanbej. Do jawut, Jesús xabich nejxaejwas. Xabich nejchaxoelbejpon japon tupaxaelpoxliajwa.

³⁴ Jesús jum-aech pejnachalaliajwa:

—Xan xabich nanejxaejow. Nejxaejwaxtat, me-ama tupasian wut, ja-an. ¡Amxot chalakde! ¡Naliasfuldebej! ¡Nabej moejs! —aech Jesús pejnachalaliajwa.

³⁵⁻³⁶ Do jawut, Jesús tamach kaes atuxach fulaech. Jaxotde brixtat nuk wut, sat makxabijindikon. Nejxasinka-elon japanabijasax moxpox japonliajwa. Samata, pax Dios kawujajan wut, jum-aechon: “Ax, xam xajupam puexa isliajwam. Xanliajwa asax isasiam wut, ¡nabu'wem nabijasaxaelenpox! ¡Pe nabej is xan nejxasinkaxpox! ¡Isde xam nejxasinkampox!” —aech Jesús, pax Dios kawujajan wut.

³⁷ Do jawut, Jesús kaxade pejnachala poxade. Pe Jesús pejnachala nakiowa moejt Jesús wujajna. Japixot pat wut, jum-aechon Simón Pedroliajwa:

—Simón, ¿ma-aech xotkat nakiowa moejtam? ¿Xamalkat xajupa-emil naliasliajwam kaehora?

³⁸ ¡Naliasfulde Dios kawujajnalialiajwam! Ja-am wut, Dios xamal kajachawae-saxael babijax isasamatam. Nejnejchaxoelaxantat isasiam pachaempoxan, xan jum-anpoxan. Pe nejbu'an chiekal mamnika-el japoxan isliajwam —aech Jesús Pedroliajwa.

³⁹ Pejme Jesús kaxade Dios kawujajnalialiajwa. Majt kawujajnpox, pejme japox jum-aechon.

⁴⁰ Jesús buxtoet wut, pejme kaxadin wut, pejnachala nakiowa moejtfuki. Asbuan jumch moejti, xabich itmoejsla xot. Matabija-eli jumchiliajwa, padala xoti.

⁴¹ Jesús pejme kaxade Dios kawujajnalialiajwa. Do jawux, pejme kaxadin wut pejnachala poxadin. Pat wuton japixot, japi nakiowa moejti. Do jawut, jum-aechon:

—¿Xamalkat moejtam, damlam xot? ¡Nadoklado' moejsax! Amwut xan, puexa jiw pakoewkolnan, nawiasaxael babejchowxot.

⁴² ¡Nanim! ¡Chijias amxot! Mox fulaenlison xan nawiasaxaelon tadaelmajiwxot —aech Jesús.

Jesús jaeltaspox padaelmajiw
(Mt 26.47-56; Lc 22.47-53; Jn 18.2-11)

⁴³ Jesús naksiya wutfuk, Judas pat. Japon kaen Jesús pejnachalan, japontat doce. Xabich bu'paton jiw. Japi xafol espada, iwabej. Japi jiw fulaen, to'as xoti sacerdotespaklochow, judíos chanaekabuanaapibej, judíos-ancianosbej.

⁴⁴ Judas, wiasaxaelon Jesús padaelmajiw xot, japon chajia chiekal chanaekabuana japi jiw chiekal matabijaliajwapi Jesús. Jum-aechon: “¡Jaelde xan xusuiyaxaelenpon! ¡Chiekal buflaem wesamatapon!” —aech Judas, chanaekabuana wut japi jiw chiekal matabijaliajwa, achan Jesús.

⁴⁵ Do jawut, Judas mox soepan wuton Jesús xot, kejacha wut, jum-aechon Jesúsliajwa:

—¡Tajpaklon, xan patx! —aech Judas.

Do jawutbej, xusuwpon Jesús.

⁴⁶ Jawut Jesús jaeltas buflaeliajwas.

⁴⁷ Do jawut, Jesús pejnachalan, mox jaxot nukpon, jukcha pej-espada. Jawut nabichan cho'chikchapon. Cho'chikchaspon nabist sacerdotespaklokolanliajwa.

⁴⁸ Jesús jum-aech japi jiwliajwa:

—¿Ma-aech xotkat espada xafolam, iwabej, xan najaelsasiam wut? ¿Xankat, me-ama babejnan wut, kabuan-an xamalliajwa?

⁴⁹ Kaematkoisful xamal naewuajna x Dios pejtemplobatat. Jaxot najaels-emil, Dios tapae-el xotfuk xamal. Dios pejjamechan profetas chajia lelpox, jaxot chajia jum-aech japox jachiliajwa xanliajwa. Samata, ja-aechlisox —aech Jesús.

⁵⁰ Do jawut, Jesús pejnachala puexa dukplisi asalel. Jesús tamach waeltas.

⁵¹ Jawut kaen pansian atuaxach wulchakal fol, Jesús jaeltas wut. Japon, wuchakal folpon, naxkiat sábanabu'. Japonbej jaeltas.

⁵² Jaeltas wut, pejsábana wejaeltaspon. Jawut pejsábana jolchapon. Dolison bu'jumchawiaapon.

Jesús nukpox judíospaklochow pejwujnalel
(Mt 26.57-68; Lc 22.54-55, 63-71; Jn 18.12-14, 19-24)

⁵³ Japi buflaech Jesús sacerdotespaklokolan pejba poxade. Jaxotde natameja puexa sacerdotespaklochow, judíos-ancianosbej, judíos chanaekabuanaapibej. (Japi paklochow natameja wut, japox pawul Junta Suprema.)

⁵⁴ Pedro atuaxach wuchakal fol, Jesús bu'fos wut. Wuchakal paton sacerdotespaklokolan pejbafulmaktxot. Jaxot jit naksu'cha-ekon, Dios pejtemploba weti suapich.

⁵⁵ Do jawut, sacerdotespaklochow, puexa judíos-ancianosbej, japi taesia Jesús tuxpox. Samata, japi nakaewa nawuajnachaemti, Jesús pejb'u'wujajnan wut boesaliajwapi Jesús. Pe faena-eli Jesús pejb'u'wujajnanpox tasalaliajwapi.

⁵⁶ Xabich jiw kichachajba Jesús tasalaliajwas. Japi wujajnan chapaei wut, chiekal kaeyax chapae-eli, kichachajba xoti.

⁵⁷⁻⁵⁸ Asew jiw nana wut, jum-aechi:

—Xanal jumtaenx, Jesús jum-aech wut: ‘Xan Dios pejba, jiw ispox, toesaxaelen. Do jawux, tres matkoi wut, xan asaba isaxaelen, jiw isaxilox’ —aech wuton —aechi Jesúsliajwa.

⁵⁹ Jesús jum-aechpox japi chapaei wut, chiekal kaeyax pae-eli.

⁶⁰ Do jawut, sacerdotespaklokolan nanton puexa jiw pejwujnalel, wujajnaemsliajwapon Jesús. Do jawut, wujajnaemti wut, jum-aechon Jesúsliajwa:

—¿Ma-aech xotkat xam jumnos-emil? ¿Diachwujnakolaxkat japi jum-aechpox xamliajwa? —aech sacerdotespaklokolan.

⁶¹ Jesús boejlach nuk. Jumnos-elon wujnachaemtaspox. Sacerdotespaklokolan pejme wujnachaemt wut, jum-aechon Jesúsliajwa:

—¿Xamkat Cristowam, Dios to'asponam jiw bu'welialjwa? ¿Xamkatlap Dios paxulnambej? —aechon.

⁶² Jesús jumnot wut, jum-aechon:

—Diasdo'. Xanlap japonan. Xan, puexa jiw pakoewkolnan, xan ekaxaelen taj-ax Dios pejpoklalel. Japon pamamakolan. Jaxotse xan ekaxaelen, taj-ax sapich, jiw tato'laliajwan wut. Xamal japox taeyaxaelam, xan fuloekx wut athulelsik itloejentat —aech Jesús.

⁶³ Do jawut, sacerdotespaklokolan pijax, naxoelax, thiakchapon, xabich palala xot Jesúsliajwa, jumtaen xoton Jesús jum-aechpox. Do jawut, jum-aechbejpon:

—Kaes asew jiw nakwewe'pa-el ampon aton tasalaliajwas.

⁶⁴ Xamal najut chiekal jumtaenam, ampon aton jum-aech wut Dios nejweslapox. ¿Xamal achax nejchaxoelam ampon aton jum-aechpoxliajwa? —aech sacerdotespaklokolan.

Do jawut, puexa chiekal kaeyax nejchaxoel wut, jum-aechi:

—Ampon aton xabich pejbu'wujjan Diosliajwa. Wewe'pas kastikaliajwas, boesaliajwasbejpon —aechi.

⁶⁵ Asew japixot xuloyapi Jesús. Itfumatakusbejpon. Do jawut, xutulapason kerixtat. Tulapas wut, jum-aechipon:

—Xam Cristowam wut, jum-amde! ¿Achankat xam xutulap? —aechi.

Do jawux, asew, Dios pejtemploba weti, japibej tulap Jesús.

Pedro xanaliapox Jesús matabijtpoxliajwa

(Mt 26.57-58, 69-75; Lc 22.54-62; Jn 18.15-18, 25-27)

⁶⁶ Do jawut, Pedro bafalmaktat nuk wut, kaeow atow pat Pedro nukxot. Japow sacerdotespaklokolan tanbistow.

⁶⁷ Japow taen Pedro jit naksu'chanukpox. Do jawut, chiekal natachaemtow Pedro. Jawutbej jum-aechow:

—Xambej nanamtam, Jesús Nazaretpijin sapich —aechow.

⁶⁸ Pedro pajut naxanalia wut, jum-aechon:

—Xan matabijs-enil xam najum-ampox. Xan japon aton matabijs-enil —aech Pedro.

Do jawut, fulaechlison bafafa poxade. Jaxot atuxach nuklison laleyaxxot. Do jawut, kawaema nejla.

⁶⁹ Japow pejme taen Pedro. Samata, jum-aechow asew jiw jumtaeliajwas, jaxoti:

—¡Ama kaen nuk, Jesús pejnachalan! —aechow.

⁷⁰ Do jawut, Pedro pejme pajut naxanalia wut, jum-aechon:

—Diachwujnakolax xan japon pejnachalna-enil —aech Pedro.

Do jawux, jaxot nuili jum-aechbej:

—Diachwujnakolax xam Jesús pejnachalnam. Xambej Galilea tujnupijnam —aechi Pedroliajwa.

⁷¹ Pedro jum-aech:

—Diachwujnakolax jumchi-enil wut, ¡Dios xan nej nakastike'! Xan matabijs-enil japon aton —aech Pedro, pajut naxanalia wut.

⁷² Do jawut, kawaema pejme nejla wut, jawut Pedro nejchafaet Jesús chajia jum-aechpox, jum-aech wuton: “Kawaema nejlae-el wutfuk kolevecas, xam naxanaliyaxaelam tres veces” —aech Jesús Pedroliajwa.

Do jawut, Pedro xabich nejxaejwas. Jawut xabich nowpon.

15

Jesús nukpox Pilato pejwajnalel

(Mt 27.1-2, 11-14; Lc 23.1-5; Jn 18.28-38)

¹ Nalian wut, sacerdotespaklochow, judíos-ancianosbej, judíos chanaekabuanaribej, puexa judíospaklochowbej, japi puexa natameja kaeyaxtat chiekal nospaeliajwa. Do jawux, Jesús bu'follisi muaxmatakuyaxtat Pilato poxade. Do jawut, wiatlisipon Pilatoxot.

² Do jawut, Pilato wajnaem wut, jum-aechon Jesúsliajwa:

—¿Xamkatlap diachwajnakolax reynam puexa judíoslajwa? —aech Pilato.

Jesús jumnot wut, jum-aechon:

—Diachwajnakolax xanlap japonan, xam najum-amponan —aech Jesús Pilatoliajwa.

³ Do jawut, sacerdotespaklochow nejmachwajantat xabich tasalapi Jesús.

⁴ Samata, Pilato pejme wajnaem wut, jum-aechon Jesúsliajwa:

—¿Xamkat jumtae-emil japi jum-aechpox nejbu'wajanpoxliajwa? ¿Ma-aech xotkat xam jumnos-emil japi jum-aechpoxanliajwa? —aech Pilato Jesúsliajwa.

⁵ Do jawut, Jesús kaes jumnos-el. Boejlach nuklison. Samata, Pilato xabich nejchaxoela-ek Jesúsliajwa.

Pilato to'apox Jesús kematamatlaliajwas

(Mt 27.15-31; Lc 23.13-25; Jn 18.38-19.16)

⁶ Powaecha, Pascuafiesta wut, Pilato kaen aton nakolsax jitapaei, jiw jebatat jiaspon. Tapaeipon nakolsax judíos wuljowpon.

⁷ Jawut jiw jebatat jiaspixon, kaen japixon pawul Barrabás. Japon, asew sapich, jiw ba, japi chajia naba wut, Pilato pejsoldaw sapich.

⁸ Do jawut, xabich judíos pat Pilato pejbaxot. Pat wut, jum-aechlisi Pilatoliajwa:

—¿Kaen jiw jebatat jiason, tapaem nakolsliajwa, me-ama powaecha xam jitapaeyam, Pascuafiesta wut! —aechi Pilatoliajwa.

⁹ Pilato jumnot wut, jum-aechon:

—¿Xamalkat nejxasinkam xan nakolsax tapaeliajwan judíos pejrey? —aech Pilato judíoslajwa.

¹⁰ Pilato japox jum-aech, nejchaxoel xoton: “Sacerdotespaklochow wiati xanxot Jesús, japi xabich nusasiawal xot Jesúsliajwa” —aech Pilato, nejchaxoel wut.

¹¹ Do jawut, sacerdotespaklochow buxto'a japi jiw wuljoeliajwa Barrabás nakolsax tapaeliajwas. Buxto'a wut, jum-aechi: “¿jum-amde Pilato: ‘¿Nawoesa nakolsax tapaem Barrabás!’ —amde!” —aech sacerdotespaklochow. Samata, japi jiw wuljoeful Barrabás nakolsax tapaeliajwas.

¹² Pilato jumtaen wut japi jiw wuljoefulpox Barrabás, jawut Pilato japi jiw wajnaem wut, jum-aechon:

—¿Machiyaxaelenkat Jesús, japon pawulpon Judíos Pejrey? —aech Pilato.

¹³ Do jawut, japi nejlasaxtat jumnot wut, jum-aechi:

—¿Japonlax kematamatalde cruztat tupaliajwa! —aech japi jiw, nejlasful wut.

¹⁴ Pilato jum-aech:

—¿Achababijaxkaton is cruztat kematamatlaliajwas? —aech Pilato.

Pe kaes pejme nejlasful wut, jum-aechfullisi:

—¿Kemamatalde cruztat! —aechfuli.

15 Do jawut, Pilato Barrabás nakolsax tapaei jiw jebaxot, japi jiw palalasangata Pilatoliajwa. Do jawutbej, Pilato keto'a pejsoldaw Jesús selsli-ajwas. Selsax ketoech wut, Pilato keto'abej pejsoldaw Jesús kematamatlaliajwas cruztat.

16 Do jawut, Jesús bu'fos soldaw Pilato pejbafalmak poxade. Jaxotde puexa soldaw natameja.

17 Do jawut, xajoelison pakchowax, me-ama rey pijax, jasox. Japox chikjiana pasoeyaxlejen. Do jawut, na-e'lu xakoeyax ketoet wut, matlu'alisipon.

18 Do jawutbej, Jesús pejwujajnael jumtaxaxaelal wut, jum-aechi:

—¡Moi, judíos pejrey! —aechi.

19 Do jawut, kaenanula soldaw ta'be'balapi naeyatat Jesús. Loyasbejpon. Jesús pejwujajnael brixtat nuili. Me-ama sitaen wut, ja-aechi Jesúsliajwa.

20 Dolisi, ketaxaxaelax ketoech wut, joltlisi chikjiana pasoeyax. Do jawut, xajoelison pejme pijaxkolax, naxoelax. Do jawut, bu'folisipon kematamatlaliajwas cruztat.

Jesús kematamatlaspox cruztat

(Mt 27.32-44; Lc 23.26-43; Jn 19.17-27)

21 Do jawut, kaen aton fulaen paklowax tathoetlel. Japon pawul Simón. Japon Cirene paklowaxpijin. Paxi pawul Alejandro, asan pawul Rufo. Simón xensliajwa wut, jawut soldaw xato'aspon xaeliajwa Jesús pijax, cruz, Jesús xafolpox.

22 Japi soldaw bu'flaech Jesús mmax poxade. Japammax pawul Gólgota. (Gólgota jumchiliajwa hebreojametat: “Matnaethitmmax” —chiliajwa.)

23 Jaxotde Jesús chaxduchlach vino, mirra tanialtasox, xabich wex-akenkasamatas, kematamatlas wut. Pe Jesús fe-el.

24 Do jawut, Jesús kematamatlas cruztat. Pejtuakanbej matamatlas. Do jawutbej, soldaw nakakujt ia'xix matabijaliajwa, achan kanaxael kaenanula Jesús pejnaxoe.

25 Juimt atujasjan wut, a las nueve wut, Jesús kematamatlas.

26 Jesús pejta' tabijla tablafach lelspx chaduch. Japox jum-aech, ma-aech xot Jesús kematamatlas cruztat. Japox jum-aech: “Ampon judíos pejrey” —aech lelspx.

27 Jaxotde kematamatlasbej kolenje kethakan. Kaen chanuk Jesús pejpoklalel. Asan chanuk Jesús pejsoenalel.

28 Jesús cruztat kematamatlas wut, asew kolenje suapich, japox ja-aechlisox, me-ama Dios pejjamechan, chajia lelspx, jum-aech: “Japon kastikaxaes. Me-ama babejen wut, jakechiyaxaeson” —aechox.

29 Asew jiw, jaxot xaxenapi, jum-aech babejjamechan Jesúsliajwa. Matnaexawiltbejpi. Matnaexawilt wut, jum-aechi:

—Xam chajia jum-am: ‘Dios pejtemploba xan toesaxaelen. Do jawux, tres matkoi wut, xan pejme mat-esaxaelen’ —am xam, chajia jum-am wut.

30 ¡Amwutjel najut nabu'wem! ¡Baloemk cruzxotsik! —aech jiw xaxenapi Jesúsliajwa.

31 Do jawut, sacerdotespaklochowbej, judíos chanaekabuanapibej, bu'wujajnapaeipi Jesús. Nakaewa najum-aechi:

—Asew jiw bu'wiapon. Pe pajut xajupa-elon nabu'welajwa.

32 Diachwujajnakolax Cristo wut, Israel tuajnapijiw pejrey wutbej, jamwutjel japon pajut nej baloesk cruzxotsik! Japox xatis taens wut, ja-aech wut, xatis japon naexaxisaxaes diachwujajnakolax japon Cristo —na-aechi nakaewa Cristoliajwa.

Japi kolenjebej, cruztat kematamatlaspi, Jesús s̄apich, japibej b̄u'w̄ajjanpaei Jesús.

Jesús t̄appox cruztat

(Mt 27.45-56; Lc 23.44-49; Jn 19.28-30)

³³ Juimt matnoch ek w̄ut, xabich itk̄atnik tres horas. Japox ja-aech w̄ut, ja-aech pot̄ajjn̄ucha.

³⁴ Do jaw̄ux, a las tres w̄ut, Jesús pinjametat j̄um-aech: “Eloi, Eloi, ¿lema sabactani?” —aechon pejjamet, hebreojamet. (Japox j̄umchiliajwa: “Ax Dios, ax Dios, ¿ma-aech xotkat xan nakajachawaes-elaxtat nawaeltam tamach?” —chiliajwapox.)

³⁵ Asew jaxoti, japox j̄umtaen w̄ut, j̄um-aechi:

—j̄umtaem! Japon w̄allalat Elías, Dios pejjprofeta —aechi.

³⁶ Kaen japixot w̄aljaet esponja, paputhkax, xathosliajwa vino, xathuyamint. Do jaw̄ut, esponja matakupon nae-oeftat Jesús japox suiliajwa. Japon j̄um-aech asew jiw jaxotiliajwa: “Taeyaxaes. Elías bej f̄uloeyaxoekbej kusliajwapon Jesús cruzxotsik” —aechi.

³⁷ Do jaw̄ut, Jesús nejlakcha w̄ut, t̄aplison.

³⁸ Jesús t̄ap w̄ut, Dios pejtemplobatat pinab̄u', duchpox batutat, naj̄upathiakchakas ath̄alelsik satleldik.

³⁹ Soldawcapitán Jesús pejw̄ajjnalel nukpon. Taen w̄uton Jesús t̄appox, jaw̄ut j̄um-aechon:

—¿Diachw̄ajnakolax ampon Dios pax̄ulan! —aech capitán.

⁴⁰ Jaxotbej watho' at̄axach nuil. Natachaemapi Jesús. Japixot María. Japow Magdala paklowaxpijow. Asaow paw̄lpowbej, María, japow José pen, Santiago penbej. Japon Santiago kaes pansian. Jaxotbej asaow, paw̄lpow Salomé.

⁴¹ Japi watho' Jesús naknan̄amt, pejnachala s̄apich, Galilea t̄ajjn̄xot. Japi watho' kajachawaetbejpi Jesús, nan̄amt w̄uti Galilea t̄ajjn̄xot. Xabich asew watho' jaxotbej nuil. Japi watho' f̄ulaen, Jesús s̄apich, Jerusalén paklowax poxadin.

Pat̄apan Jesús ochpox m̄axw̄ajjat

(Mt 27.57-61; Lc 23.50-56; Jn 19.38-42)

⁴²⁻⁴³ José Arimatea paklowaxpijin. Japon judíos paklochowxot paklonbej, Junta Supremapijin. Japon xabich sitaens. Japon José w̄ajjanawet Dios puexa pejjiw tato'laxaelpox.

Napatamatkoi w̄ajjna, japamatkoi puexa jiw chiekal chaw̄ajjnachaemt napataliajwa. Japamatkoi paw̄l chaw̄ajjnachaemsmatkoi. Do jaw̄ut, japamatkoi kaliax w̄utlejen, José f̄ulaech Pilato poxade. José pejlw̄la-el, pat w̄uton Pilatoxot. José kaw̄ajan Pilato fisliajwapon pat̄apan Jesús.

⁴⁴ Pilato nejchaxoel: “Jesúskas kamta t̄ap” —aechon, nejchaxoel w̄ut. Samata, Pilato w̄allala soldawcapitán. Soldawcapitán pat w̄ut, Pilato w̄ajjnachaemt w̄ut, j̄um-aechon soldawcapitánliajwa:

—¿Diachw̄ajnakolaxkat Jesús t̄ap? —aech Pilato.

⁴⁵ Soldawcapitán j̄umnot w̄ut, j̄um-aechon:

—Diasdo'. Jesús t̄aplison —aechon.

Do jaw̄ut, Pilato to'a pejsoldaw, japi soldaw tapaeliajwapi José xalaeliajwa pat̄apan Jesús.

⁴⁶ Do jaw̄ut, José w̄ajjt chimiab̄u', s̄abana. Do jaw̄ux, José f̄ulaech pat̄apan chanuk poxade. José pat w̄ut pat̄apan chanukxot, kuwpon Jesús kematamatlaspoخان, t̄akmatamatlaspoخانbej, cruztat. Do jaw̄ux, José otlison pat̄apan

Jesús m̄axw̄ajtat. Do jaw̄ut, ia't pinjit, jajaerat, matariam̄an m̄axw̄aj fakasliajwa.

⁴⁷ Jaw̄ut María Magdalena paklowaxpijow, asaow Mariábej, japow José pen, japi watho' taeni pat̄pan m̄axw̄ajtat ochxot.

16

Pat̄pan Jesús mat-echpox pejme dukaliajwa (Mt 28.1-10; Lc 24.1-12; Jn 20.1-10)

¹ Do jaw̄ux, napatamatkoi toep w̄ut, juimt tujop w̄ut, María Magdalena paklowaxpijow, asaow Mariábej, japow Santiago pen, Salomé s̄apich, xabejasapan w̄ajti pat̄pan Jesús joelaliajwa.

² Kandiawasap w̄ut, dominkomatkoi w̄ut, juimt julan w̄ut, japi watho' f̄laechlisi pat̄pan ochxot.

³ Japi watho' n̄amat fol w̄ut, nakaewa naj̄m-aechi:
—Pat̄pan Jesús ochxot, japaw̄aj faka'ch ia't, pinjitat. ¿Achankat japot ia't w̄ulnakwematariam̄an xatis leliajwas pat̄panw̄aj? —na-aechi nakaewa.

⁴ Pe pat̄ w̄uti pat̄panw̄ajxot, japi watho' taen ia't fafatat nuka-elpox. Asalelaxach nukox.

⁵ Samata, japi watho' low pat̄pan ochxot. Jaxot kaen pansian taeni. Ekon poklalel. Naxoelox xabich papoeyax. Pakchowaxbejpox. Japi watho' beljow, taen w̄uti papoeyax naxoelan.

⁶ Do jaw̄ut, japon pansian j̄m-aech:
—¡Nabej belwe'! Xan matabijtax, xamal f̄laeman Jesús Nazaret paklowaxpijin taeliajwam, japon kematamatlaxtat cruztat t̄pon. Pe Jesús mat-echlison. Pejme amw̄utjel duklison. ¡Taem chiekal ochxot! Amxot ajillison.

⁷ ¡Xab̄a'de japon pejnachala poxade japi chapaeliajwam! Chapaeyam w̄ut, ¡Pedrobej chapaem! ¡j̄m-amopi: 'Xamal w̄ajna Jesús w̄ajna xael Galilea t̄ajna poxade. Jaxotde Jesús taeyaxaelam. Me-ama chajia j̄m-aechon xamalliajwa, jachiyaxaelon' —amopi, chapaeyaxaelam w̄ut! —aech ángel.

⁸ Japi watho' japox j̄m-taen w̄ut, jaxot nakolapi. Do jaw̄ut, dukplisi. Do jaw̄utbej, xabich tath̄lal, beljow xoti. Chapa-eli asew jiw, xabich pejlewla xoti.

Jesús natulaeltpox María Magdalena paklowaxpijowxot (Jn 20.11-18)

[
⁹ Napatamatkoi toep w̄ut, dominkomatkoiliajwa nalian w̄ut, Jesús mat-ech pejme dukaliajwa. Mat-ech w̄ut, matxoela natulaelton María Magdala paklowaxpijowxot. Jesús, t̄pa-el w̄utfuk, siete dep nakolax to'apon japow pejmatp̄atxot.

¹⁰ María taen w̄ut Jesús, jaw̄ut f̄laechow Jesús pejnachala poxade. Japi w̄ajna now, nejxaejwas xoti Jesúsliajwa. Jaw̄ut María chapa-eli taenpox.

¹¹ j̄m-aechow:
—¡Jesús mat-echlison! ¡Amw̄utjel pejme duklison! ¡Xan tajut chiekal taenx Jesús! —aechow.

Pe Jesús pejnachala naexasis-el japow chapa-eli Jesús taenpoxliajwa.

Jesús natulaeltpox kolenje pejnachalanxot (Lc 24.13-35)

¹² Do jaw̄ux, Jesús natulaelt kolenje pejnachalanxot, japi laelp w̄ut paklowax tathoetlel. Jesús natulaelt w̄ut, me-ama asan w̄ut, jakab̄an-aechon japixot.

¹³ Do jaw_{wux}, japi kolenje nawia asew pejnachala poxade chapaeliajwa taenpox. Japibej naexasis-esal, chapaei w_{witi} Jesús taenpox.

Jesús to'apox pejnachala, japi naew_{waj}naliajwa jiw
(Mt 28.16-20; Lc 24.36-49; Jn 20.19-23)

¹⁴ Do baxael, Jesús natulaelt once pejnachalaxot, japi naxael w_{wit}. Jaxot Jesús lot pejnachala. Lot w_{wit}, j_{wam}-aechon japiliajwa:

—¿Ma-aech xotkat xamal naexasis-emil? ¿Ma-aech xotbejkat matnaetinkam naexasisliajwam asew jiw, xamalxot nataeni, chapaei w_{witi} xamal: ‘Jesús mat-echlison! ¡Amw_{wit}tjel pejme duklison!’ —aech w_{wit} japi jiw? —aech Jesús, lot w_{wit} pejnachala.

¹⁵ Jesús pejme j_{wam}-aech pejnachalaliajwa:

—¡Xab_{wad}'de puexa jiw naew_{waj}naliajwam chimiaw_{wajan}, pot_{wajn}chanpijiw!

¹⁶ Xan nanaexasitpi, japi bautisam Dios bu'welija was! Asew jiw naexasis-elpi, japilax Dios pelsaxaes infierno poxadik.

¹⁷ Xamal naexasisaxaelpi, japi jiw tajaxtat to'axaeli dep nakolaliajwa jiw pejmatp_{watan}xot. Naksiyaxaelbejpi asew jiw pejjamechan, majt matabija-eljamechan naksiyaliajwa.

¹⁸ Japi jom jaela w_{wit}, liklaxisal. Veneno af w_{wit}bej, t_{wapaxili}. Jiw bu'xaeya boejth_{wasaxael}, pejke-etat jacha w_{wit} —aech Jesús pejnachalaliajwa.

Jesús bu'fospox ath_w poxase
(Lc 24.50-53)

¹⁹ Do jaw_{wux}, Jesús wajpaklokolan, naksiyax buxtoet w_{wit} pejnachalaliajwa, Dios bu'foslison ath_w poxase. Ma amw_{wit}tjel Jesús ek Dios poklalel jiw tato'laliajwa, Dios s_{wapich}.

²⁰ Do jaw_{wux}, Jesús pejnachala follisi pot_{wajn}cha jiw naew_{waj}naliajwa. Dolis japi naew_{waj}nalap chimiaw_{wajan}, Jesucristo pejw_{wajan}. Ja-aech w_{wit}, Jesús kajachawaesful pejnachala. Naew_{wajan} w_{witi} chimiaw_{wajan}, isbejpi koechaxan. Samata, jasoxtat xabich jiw matabija chimiaw_{wajan} diachw_{wajn}nakolaxpox.]

Lucas lelpox Jesucristo pejwajaan

Lucas tʉadutpox lelaliajwa Jesucristo pejwajaan

¹⁻² Jesús tʉadut wʉt naewʉajna x ampathatat, xabich jiw taenson. Asew japixot taen, Jesús nabijat wʉt. Taenpi, japi jiw, potʉajna cha naewʉajan Jesús pejwajaan. Asew jiw jumtaenpi Jesús pejwajaan, japi jiwbej lel jumtaenpoxan, asew jiwbej matabijaliajwa Jesús pejwajaan, japon naewʉajanpoxanbej.

³⁻⁴ Xan Lucas wʉajna chaemtax jiw matabijapi japawʉajan, xanbej chiekal matabijsliajwan. Teófilo, puexa jiw xam sitaenponam, lel x ampawʉajan xam chiekal matabijsliajwam Jesús pejwajaan. Lel x wʉt ampawʉajan, nejchaxoelx: “Xan lel x Jesús ispoxanliajwa, Teófilo chiekal matabijsliajwa diachwʉajnakolaxpox, asew jiw majt naewʉajanpoxanliajwa, Jesús pejwajaanliajwa” –an, nejchaxoelx wʉt.

Dios pej-ángel jum-aechpox nalaelsaxaelpox Juan, jiw nabautisan

⁵ Rey Herodes, Judea tʉajna pi jiw tato'al wʉtʉak, japamatkoian sacerdote duk. Japon pawul Zacarías. Sacerdotesxot kaemut pawul Abías. Zacarías japamutpijin. Pijow pawul Isabel. Japow Aarón pamow. Zacaríasbej Aarón pamon. Judíosxot Aarón chiekal matxoelasacerdote.

⁶ Zacarías, pijow sʉapich, chiekal pachaempi Diosliajwa. Chiekal naexasisfulbejpi Dios tato'alpox. Samata, chinax kaen aton jumchiyaxisal japiliajwa: “Japi chiekal naexasis-el Dios” –chiyaxisal.

⁷ Pe Isabel xijil, nafoena xot. Japow xabich pati'ow, pamal sʉapich.

⁸ Zacarías, pejmʉt sʉapich, naliaxa wʉt nabichliajwa Dios pejtemplobatat, japon fol, pejmʉt sʉapich, nabichliajwa Dios pejbichax.

⁹ Tʉadusliajwa wʉt nabichliajwa Dios pejtemplobatat, me-ama japi pejkabʉan, majt natamejapi matabijaliajwa, achan Dios makafisaxaes bowaliajwa incienso. Jawʉt Zacarías makafich bowaliajwapon incienso. Do jawʉt, lowpon Dios pejtemploba.

¹⁰ Zacarías incienso bowa wʉtʉak, xabich judíos Dios kawʉajan tathoetlel.

¹¹ Do jawʉt, Dios pej-ángel chalechkal natulaelt Zacaríasxot. Japon ángel nuk altar poklalel, incienso bowaxot.

¹² Zacarías taen wʉt ángel, xabich nejchaxoelon. Xabich beljowbejpon.

¹³ Do jawʉt, ángel jum-aech:

–Zacarías, jnabej nejlewlé! Dios xam jumtaen nejkawʉajna xan. Nijow Isabel naxʉwʉlaxael xam naxʉlanliajwa. Wʉlduiyaxaelampon Juanwʉltat.

¹⁴ Xam xabich nejchachaemlaxaelam naxʉlanliajwa. Asew jiwbej xabich nejchachaemlaxael, xamal sʉapich, xaljamch nalaelt wʉt.

¹⁵ Naxʉlan xabich pachaemaxael Diosliajwa. Feyaxilon vino. Feyaxilbejpon saxa. Japoch xaljamch nalaelsaxael wʉt, chanlaelsaxael Espíritu Santo tato'laspox. Samata, japon isfulaxael Espíritu Santo tato'laspoxan.

¹⁶ Asamatkoi japon naewʉajan wʉt, xabich judíos kofaxael babijaxan ispoxan, paklokolan Dioskal naexasisfulaliajwa.

¹⁷ Naewʉajna xaelon wajpaklon wʉajna Dios pejjamechan jiw jumtaeliajwa. Me-ama chajiakolaxtat profeta Elías Dios pijaxtat jiw naewʉajnaful wʉt, jachiyaxaellap-is Juan. Juan naewʉajanpoxtat poejiw pejme pachaemaxael, paxi sʉapich. Jiw, majt Dios naexasis-eli kaenejchaxoelaxaeli, Dios naexasiti sʉapich. Jasox Juan isful wʉt, jiw chiekal

naexasisfulaxael, wajpaklokolan pat wut —aech ángel, Dios buxto'aspox jumchiliajwapon Zacarías.

¹⁸ Do jawut, Zacarías wuajnaemt wut ángel, jum-aechon:

—Xan xabich pati'nan. Tajowbej xabich pati'ow. ¿Machiyaxaelenkat xan matabijsliajwan, najum-amproxan japoch xaljamchliajwa diachwuajnakolax wut? —aech Zacarías.

¹⁹ Dios pej-ángel jumnot wut, jum-aech:

—Xan Gabriel, Diosliajwa nabistaxponan. Dios nato'ak xam jumchiliajwan japox.

²⁰ Xam naexasis-emil xot xan jum-anox, ma amwut xam buxwuajnajilaxaelam. Hasta xan jum-anox pat wut naxulanliajwa, jawut xam pejme naksiyaxaelam —aech ángel.

²¹ Zacarías nospaei wutfuk, ángel suapich, jiw tathoetlel wuajnowet. Nakaewa nawuajnaemt wut, jum-aechi: “¿Ma-aech xotkat Zacarías piach kejil nakolsliajwa Dios pejtemplobaxot?” —na-aechi nakaewa.

²² Do jawut, Zacarías nakolt wut, naksiyaxilon. Ja-aech wut, wuajnoweti tathoetat nejchaxoeli: “Zacarías masoxtat bej taenbejpon Dios pej-ángel templobatat” —aechi, nejchaxoel wut. Zacarías pejke-etat jiw chanaekabuanaful, naksiyaxil xotlison. Ja-aechfulon, buxwuajanjil xoton.

²³ Zacarías Dios pejbichax toet wut templobaxot, fulaechon pejba poxade.

²⁴ Do jawux, Zacarías pijow, Isabel, moejow. Cinco juimtje pejbaxot kawetapow. Laeja-elow asalel. Nejchaxoel wut, jum-aechow:

²⁵ “Dios nakajachawaet. Samata, xan moejwax. Amwutjel kaes jiw najumchiyaxil: ‘Japow pawis naxuwloxil’ —nachiyaxil jiw xanliajwa, naxuwloxaelen xot” —aech Isabel, nejchaxoel wut.

Dios pej-ángel jum-aechpox Jesús nalaelsaxaelpox

²⁶ Isabel naxuwloxliajwa wut, tres juimtje wewe'pas wut, Dios to'ak pej-ángel Gabriel Nazaret paklowax poxadik, Galilea tuajnulel.

²⁷ Dios to'ak pej-ángel pawis poxadik, japow pawul María, taeliajwaspow. Japow chinax aton bu'moejs-esal. Chajia jumdutow asamatkoi nakjiyaliajwa, José suapich. Japon José, rey David pamon.

²⁸ Ángel pask María dukxot. Pat wut, jum-aechon:

—¡Moi, María! Dios xabich nejchachaemil xamliajwa. Pomatkoicha Dios xam chalaful —aech ángel.

²⁹ María japox jumtaen wut, xabich nejchaxoelow. Do jawut, pajut najum-aechow: “¿Achax chiyaxaelkat japox, ángel najum-aechpox?” —aechow, nejchaxoel wut.

³⁰ Pe Dios pej-ángel jum-aech Dios buxto'aspox:

—María, ¡nabej nejlewlé! Dios xabich nejchachaemil xamliajwa.

³¹ Mox nawuajna xam moejwaliajwam. Xam naxulchaxael. Japoch xaljamch pawulaxael Jesús.

³² Japon paklonaxael. Tato'laxaelbejpon Dios pijaxtat. Jumchiyaxaeson: “Dios athupijin paxulan” —chiyaxaeson. Wajpaklon Dios pajut wulduiyaxael japon reyliajwa. Me-ama pejuajnapijin David, jachiyaxaeson.

³³ Japon reyaxael, Dios pejjiw pomatkoicha tato'laliajwapon. Japon pej-tato'lax toepaxil —aech Dios pej-ángel Maríaliajwa.

³⁴ María wuajnaemt wut, jum-aechow:

—¿Ma-aech xotkat japox wulja-aech xanliajwa, poi fis-enil wut? —aechow.

³⁵ Ángel jumnot wut, jum-aechon:

—Dios pej-Espíritu Santo faloeyaxoek xam poxasik, me-ama itloejen. Do jawut, xam moejwaxaelam Dios pejpamamaxtat. Samata, yamxuch nalaelt wut, Dios pijnaxael. ‘Dios paxulan’ —chiyaxaeson.

³⁶ Nejuwul-atow Isabel, pati'owpow, japow naxuwlaxael. Jiw jumtispow: ‘Japow naxuwlaxil’ —tispow, naxuwlaxael. Japow moejowpox seis juimtjelisox.

³⁷ Dios xajup puexa isliajwa. Ajil Dios xajupaxilpox —aech ángel Maríaliajwa.

³⁸ María jum-aech:

—Xan Dios pamakwan. ¡Dios nej is xam najum-ampox! —aechow.

Do jawux, ángel chijia Maríaxot.

María fulaechpox taeliajwa Isabel

³⁹ Dios pej-ángel chijia wut Maríaxot, do jawut, María thilt. Thilt wut, bichakal fulaechow Judea tujnulel, muxan poxade, Isabel dukpaklowax poxade.

⁴⁰ Jaxotde pa'a wut, patow Zacarías pejbaxot. Do jawut, María moi-aech Isabelliajwa.

⁴¹ Isabel japox jumtaen wut, yamxuch, woejtatpoch, xabich nachoela. Do jawut, Isabel jum-aech Espíritu Santo pijaxtat.

⁴² Jum-aechow pinjametat Maríaliajwa:

—Dios is xabich pachaempox xamliajwa. Me-ama asew watho'liajwa, jachi-el Dios. Dios isaxaelbej xabich pachaempox naxulan, nalaelsaxaelponliajwa.

⁴³ Xam tajpaklon penaxaelam. Jachiyaxaelam xot, xan kaes pachaempowa-enil xam nataeliajwam.

⁴⁴ Xam ‘¡Moi!’ —na-am wut, xaljamch, woejtatpoch, xabich nachoela, xabich nejchachaemil xot.

⁴⁵ Xambej xabich nejchachaemlam, naexasitam xot ángel jum-aechpox, Dios pijaxtat jachiyaxaelpox —aech Isabel Maríaliajwa.

⁴⁶ Do jawut, María jum-aech:

“Xan jum-an ampox, nejchaxoelx wut Diosliajwa. Dios xabich pachaem.

⁴⁷ Xan xabich nejchachaemlax, Dios nabu'weyaxael xot.

⁴⁸ Xabich nejchachaemlaxbej, Dios namakafit xot japon pamakwanliajwa. Dios xabich pachaem xanliajwa. Samata, xabich jiw jumchisfulaxael xanliajwa: ‘Dios is pachaempox Maríaliajwa’ —chisfulaxael jiw xanliajwa.

⁴⁹ Dios xabich mamnik puexaliajwa. Ispox xabich pachaempox xanliajwa. Dios kaes pejme pachaem. Me-ama jiw, jachi-el. Kaes ajil, me-ama japon, jason.

⁵⁰ Dios beltaen jiw, japi sitaenpi Dios.

⁵¹ Dios is koechaxan, xabich pachaempoxan. Pe jiw nejchaxoelpi: ‘Xan kaes pejme pachaeman. Me-ama asew jiw, jachi-enil’ —aechi, nejchaxoel wut, japi jiw Dios mastaeyaxaes.

⁵² Dios chiekal toet jiw, tato'alpi ampathatpijiw, japi naexasis-eli Dios. Asew jiw lax nakaewaliajwa jum-aechi: ‘Xatis xabich kaes pejme pachaemal’ —aech wuti pajutliajwa, nejchaxoel wut, japi Dios wulduiyaxaes asew tato'laliajwapi.

⁵³ Majt xabich litaxaelapi, japi Dios chaxduwslisi pachaempoxan. Ke-maeyalax, Dios to'axaes ke-etat asalelaliajwa.

⁵⁴ Dios kajachawaet pejiw, japi judíospi. Nejkiowa-elon japi beltaeliajwa.

⁵⁵ Jasoxtat Dios jumdut wajwujnapijiwliajwa, Abraham, pamojiwbej” —aech María.

⁵⁶ María duk tres juimtje Isabel pejbaxot. Do jawux, María nawia'a pejba poxade.

Juan nalaeltlox, japon jiw bautisanaxael

⁵⁷ Isabel wepach pejmatkoi naxwllaliajwa. Samata, naxwalpow. Faenow poich.

⁵⁸ Pejjiw, mox duilibej, japox wultaena wat, taechipow, nejchachaemil xot japowliajwa. Japi jiw matabija, Dios is pachaempox japowliajwa.

⁵⁹ Kaesemana wat yamxuch nalaeltlox, japi jiw fulaen xaljamch circuncidaliajwapi, Dios pejmarkaxliajwa. Japox japi pejkabuan, judíos xot. Jawut yamxuch wulduisias pax Zacarías pejwulat.

⁶⁰ Pe Isabel jum-aech:

—¡E! Pawlaxaelon Juan —aechow.

⁶¹ Pejjiw jumnot wat, jum-aechi:

—Diachwajnakolax nejjiwxot chinax kaen pawla-el japawul —tispow.

⁶² Japi taxdoefa wajnachemsliajwa yamxulan pax, pax wulduiliajwa paxulan, me-ama japon nejxasink.

⁶³ Pe jawut, Zacarías wuljow tawlofach, jaxot lelaliajwa. Lelsox jum-aech: “Pawlaxaelon Juan” —aech Zacarías lelpox. Jawut puexa jiw xabich nejchaxoelanuil.

⁶⁴ Do jawut, chalechkal Zacarías pejme chiekal naksiyapon. Me-ama majt, ja-aechon. Naksiyapon pachaempoxan Diosliajwa. Jum-aechon: “Dios, xam xabich pachaemam” —aechon Diosliajwa.

⁶⁵ Puexa jiw, mox duili, xabich nejchaxoelanuil. Asew jiw Judea tujnapijiw, muxanlel duili, nachapaeful jumtaenpox.

⁶⁶ Puexa jiw, pajut chiekal jumtaenpi, nawajnachemsna wat, jum-aechi, nejchaxoel wat: “Japoch yamxuch ti't wat, ¿machiyaekat?” —aechi, nejchaxoel wat, japi chiekal matabija xot Dios kajachawaesfulaxaespox.

Zacarías jum-aechpox

⁶⁷ Zacarías, japon yamxulan paxpon, jum-aech Espíritu Santo pijaxtat, jum-aech waton Dios ispoxiajwa:

⁶⁸ “Xatis judíos wajDios jumchisfulaxaes: ‘Xam xabich pachaemam’ —chisfulaxaes wajpaklon Diosliajwa. Japox jumchisfulaxaesbej, to'ak xoton paxulan, japon bu'welija jiw pejjiw.

⁶⁹ Dios to'ak pamamakolan xatis nakbu'welija jiw. Japon, rey David pamon. David, Dios pamakan.

⁷⁰⁻⁷¹ Japoxliajwa Dios chajia baxto'a pejprofetas, jumtusliajwa waton. Dios jumdut to'axaelpox kaen aton, japon nakbu'welija jiw wajdaelmajiwxot, puexa xatis jiw naknejweslapixotbej.

⁷² Dios nakbeltaeyaxael. Me-ama wajwajnapijiw jumduch, jachiyaxaelbej Dios xatisliajwa. Nejkiowaxilon chajia jumdutox wajwajnapijiwliajwa.

⁷³ Dios jumdut japox waj-am Abrahamliajwa.

⁷⁴ Jumdutpon nakbu'welija jiw wajdaelmajiwxot. Ja-aech wat, nakbu'weyaxaelon tanbichfulaliajwas wajlewla-elaxtat.

⁷⁵ Jasoxtat Dios tanbichfulas wat, chiekal isfulaxaes Diosliajwa, xatis babijax is-elaxtat pomatkoicha” —aech Zacarías, jum-aech wat judíosliajwa.

⁷⁶ Zacarías jum-aech paxulan Juanliajwa: “Wua, jiw jumchiyaxael xamliajwa: ‘Dios athupijin pejprofeta’ —chiyaxael jiw xamliajwa. Japox jumchiyaxaeli, naewajnafulaxaelam xot wajpaklon wujna, asamatkoi pask wat, jiw chiekal naexasisliajwa wajpaklon.

- 77 Jiw naewuajnafulaxaelam matabijaliajwapi Dios bu'weyaxaespo, Dios beltaeyaxaes xoti babijaxan ispoxanliajwa.
- 78 Dios nakbeltaen xot, Mesías fuloeyaxoek Diosxotsik xatisxotaliajwa. Me-ama juimt julan wut, jachiyaxoekon.
- 79 Wajpaklokolan pat wut, japon jiw naewuajnafulaxael di-achwuajnakolaxpox. Majt jiw pejnechaxoelaxtat, me-ama nanuamti itkataaxxot. Ja-aechpi, japi asamatkoi chiekal pachaemaxael, naexasit wuti Mesías naewuajanpoxan. Jawut japi pejnechaxoelaxan, me-ama itliak wut, jachiyaxael. Majt pejlewlapi tupaliajwa, japi pejlewlaxil, japon chiekal naewuajan wut. Japi chiekal duilafulaxael” —aech Zacarías, jum-aech wut paxulan Juanliajwa.
- 80 Juan chiekal ti'sful wut, kajachawaesfulas Espíritu Santo. Chiekal ti't wuton, pajilaxxot dukon. Do jawux, tuaduton jiw naewuajnalialiajwa. Japox ja-aech wut, judíos papasful Juan, jiw bautisanxot.

2

Jesús nalaeltpox (Mt 1.18-25)

- 1 Mox pawuajna wut Jesús nalaelsliajwa, japamatkoiyan, Augusto tato'al puexa Roma paklowaxpijw. Japonbej tato'al asatuajnuachanpijw. Japon to'a pejjw japi jiwwulan lelaliajwa, xajuiliajwabej puexa jiw duili japatuajnuachanxot, matabijsliajwapon massapich impuesto kaenanula mosaxaeli japi jiw.
- 2 Japox matxoela ja-aech, jiwwulan lelaliajwa wut, japon Cirenio gobernador wut Siria tuajnuaxot.
- 3 Puexa japi jiw to'as kaenanula fulaeliajwa pejwuajnapijw pejpaklowaxan poxade, japapaklowaxxot wullelaliajwas, xajuiliajwasbejpi.
- 4 Samata, japamatkoi José nakolt Nazaret paklowax, Galilea tuajnuaxot. Do jawut, José fulaechlison Belén paklowax poxade Judea tuajnuaxotaliajwa, pejwuajnapijin rey David, japapaklowaxxot nalaelt xot.
- 5 José bu'fol María. Japow José pijowaxael. Japow moejow.
- 6 Belén paklowaxxot wut, María pejmatkoi wepach naxuwllaliajwa. Jawut boejpunpow.
- 7 Do jaxot paxulch nalaelt, matxoelapijin. Yamxuch xakiach ponbu'. Ochpon naxaeyaxan pak xalwuajtholaxtat. Japi chakow jiw papatbatatliajwa, ba xajura-el xot.

Ovejas tataefulpi chapaeispox Jesús nalaelsax

- 8 Belén paklowaxxot mox, yoxot, jaxot ovejas tataefulpi chala pejew ovejasmatan madoi.
- 9 Do jawut, japixot chalechkal natulaelt Dios pej-ángel. Dios pijaxtat xabich itliakon japixot. Me-ama itliakax xabich itliak wut, ja-aechon. Ovejas tataefulpi japox taen wut, xabich beljowpi.
- 10 Do jawut, ángel jum-aech: “¡Xamal nabej belwe! Xan chimiawuajan xaloekx xamal xabich nechachaemllaliajwam. Japox xamalliajwa, puexa asew jiwliajwabej.
- 11 Amwutjel Belén paklowaxxot, rey David majt dukxot, nalaelt Cristo. Japon paklokolan, Dios to'aspon, fuloekon athulelsik jiw bu'welialiajwa.
- 12 Xamal jalwekam wut, japoch yamxuch faenaxaelam, ponbu' xakiachpoch, ochpon pak naxaeyaxan xalwuajtholspoxtat” —aech ángel ovejas tataefulpiliajwa.

¹³ Do jawut, Dios pej-ángelxot, xabich kaes ángeles chalechkal natulaelba. Japi jajuw wut, jum-aechi Diosliajwa: “Dios xabich pachaem” –aechi. Jum-aechbejpi:

¹⁴ “¡Puexa ampathatpijiw nej sitaepi Dios, athaxotse dukpon! ¡Nej pachaemabejpi, duil wut ampathatat! ¡Japi nej isfule Dios nejxasinkpoxan!” –aechful ángeles jajuiyaxtat.

¹⁵ Dios pej-ángeles kaxase wut atha poxase, ovejas tataefulpi nakaewa najum-aechi:

–Chijias Belén paklowax poxade taeliajwas ja-aechpox, ángel nakchapaepox, Dios baxto'aspox –na-aechi nakaewa.

¹⁶ Do jawut, japi bichakal fulaech Belén paklowax poxade. Jaxot pa'a wut, taeni María, José suapich. Taenbejpi narianach, ok wut pak xalwujtholaxtat.

¹⁷ Ovejas tataefulpi japoch taen wut, asew jiw chapaeipi Dios pej-ángel jumentisox japochliajwa.

¹⁸ Puexa jiw japox jumtaen wut, xabich nejchaxoelanuili, ovejas tataefulpi chapaei wut japox.

¹⁹ María pajut boejlach nejchaxoelaful ovejas tataefulpi jum-aechpoxliajwa.

²⁰ Do jawut, ovejas tataefulpi nawiapi. Fol wut, jum-aechi: “Dios xabich pachaem. Is pachaempox” –aechi, taen xoti japox, jumtaen xotbejpi ángel jum-aechpox. Diachwujnakolax japi puexa taen, me-ama Dios pej-ángel jumentispi japoxliajwa.

Jesús bñflaechpox Dios pejtemploba poxade

²¹ Yamxuch nalaeltpon siete matkoiyan xent wut, japoch yamxuch circuncidas Dios pejmarkaxliajwa. Do jawut, wulduwspon Jesús wultat. María moejowa-el wutfuk, Dios pej-ángel chajia jumentispow japawaltat paxulan wulduiliajwa.

²² Moisés chajia lelpox judíos chiekal naexasit japi pachaemaliajwa Diosliajwa. Samata, cuarenta matkoiyan xent wut Jesús nalaeltot, José, María bej, japi bñflaech Jesús Jerusalén paklowax poxade, paxulan itpaeliajwapi Dios pejtemplobat. Jasox ispi, asamatkoi japoch xaljamch ti't wut Dios tanbichfulaliajwa.

²³ Jasox islisi, Moisés chajia lelpox jum-aech xot japoxliajwa: “Puexa yamxi poejiw, matxoelanalaelapi, japi Dios tanbichaxael, ti't wut” –aech xotox.

²⁴ Do jawux, José, María suapich, ofrenda chaxduwpi Diosliajwa, Moisés chajia lelpox jum-aech xot japox isliajwa. Japox jum-aech: “¡Chaxdu'e kolenje cha-aex a-u, o, kolenje a-utxulan, Dios pej-ofrendaliajwa!” –aechox.

²⁵ Japamatkoiyan Jerusalén paklowaxxot aton duk, japon pawul Simeón. Japon chiekal pachaem Diosliajwa. Pomatkoicha chiekal naexasiton puexa Dios jum-aechpoxan. Simeón pejmatpuatxot Espíritu Santo. Japon wujnawet Cristo pasax, judíos bu'weyaxaespon.

²⁶ Espíritu Santo pijaxtat Simeón chajia matabijt, japon laeja wutfuk japon taeyaxaelpon Cristo, japon Dios jumduchpon.

²⁷ Samata, Espíritu Santo pijaxtat Simeón fulaech Dios pejtemploba poxade. Do jawut, Simeón taen José, María suapich, bu'fol wuti Jesús isliajwa Dios to'aspox, me-ama Moisés chajia lelpox jum-aech.

²⁸ Jawut Simeón isfit Jesús. Do jawut, Dios kawujjan wut, jum-aechon:

²⁹⁻³⁰ “Tajpaklon Dios, najumdutamon tajut chiekal taenxlison, jiw bu'weyaxaelpon, ampon. Samata, amwutjel xan, nabistaxponan xamliajwa, jnatapaem xan tupaliajwan, xabich nejchachaemlaxtat!

³¹ Xam ampoch to'am jiw bu'welialjwa, puexa jiw taelialjwa.

³² Japon pijaxtat judíos-eli matabijaxael diachw_uajnakolaxpox. Japon pijaxtatbej nejjiw, judíos, asew jiw sitaeyaxaes” –aech Simeón, Dios kaw_uajan w_ut.

³³ José, Mariábej, xabich nejchaxoelanuil, jumtaen w_uti Simeón jum-
aechpox yamx_uchliajwa.

³⁴⁻³⁵ Do jaw_utbej, Simeón Dios kaw_uajan Joséliajwa, Mariáliajwabej, yamx_uchliajwabej, Dios isliajwa pachaempox japiliajwa. Do jaw_utbej, Simeón jum-aech asamatkoi jachiyaxaesox Mariáliajwa:

–Asamatkoi xamliajwa, me-ama espadatat x_ua'la w_uti, xabich xaenkaxael, jachiyaxael xamliajwa, nax_ulan asew jiw pijaxtat nabijasax taenam w_ut. Xabich israelitas japon naexaxisaxisal. Japi napelsaxael. Xabich asew jiw lax naexaxisaxaes japon. Japilax bu'weyaxaes. Xabich jiw babejjamechan jumchiyaxaeson. Jasoxtat asew jiw matabijaxael, achax pejnechaxoelaxanxot. Samata, asamatkoi xam xabich nejxaejwaxael –aech Simeón Mariáliajwa.

³⁶⁻³⁷ Jaw_ut kaeow pawis jaxotbej Dios pejtemplobatat. Japow Dios pe-
jprofeta. Paw_ulow Ana, Fanuel pax_ulow. Japow Aser pamow. Xabich pati'ow. Ochenta y cuatro waechan. Pansiow w_ut, pamal fitow. Pamal fitpox siete waechan w_ut, pamal naet_upspow. Pamal t_up w_ut, do kaes nakjiya-
elisow. Pin-iawaechan tamach laejepow. Japow chinax nakols-el Dios pejtemplobaxot. Ja-aech japow, Dios pejbichaxan nabist xot. Pomatkoicha japow Dios kaw_uajnaf_ul. Dios piach kaw_uajnalialjwa w_ut, xabich piach naxae-elow.

³⁸ José, Mariá s_uapich, Dios pejtemplobatat w_ut, Ana mox soepan japixot. Jaw_ut gracias-aechow Diosliajwa, yamx_uchliajwabej. Do jaw_ut, jum-aechow yamx_uchliajwa puexa Jerusalén paklowaxpijiwliajwa, japi w_uaj_unaweti bu'weyaxaesopox japon pijaxtat.

José, Mariá s_uapich, bunwiatpox pax_ulch Nazaret paklowax poxade

³⁹ José, Mariá s_uapich, toeti ispox, me-ama Moisés chajia lelpox jum-aech. Dolisi, pax_ulch bunwiati pejpaklowax poxade, Nazaret paklowax, Galilea t_uaj_ulel.

⁴⁰ Jesús chiekal ti'sf_ul. Mamnikbejpon. Jesús kaes matabijsf_ul, Dios kaja-
chawaesf_ulas xot.

*Jesús jam w_utf_uk, nospaeipox, judíos chanaekabu_uanapi s_uapich, Dios pejtem-
plobatat*

⁴¹ Kaewaechf_ul w_ut, José, Mariá s_uapich, Jerusalén paklowax poxade. F_ulalaecha taeliajwa Pascuafiesta.

⁴² Jesús doce waechan w_ut, japon nakfol Jerusalén paklowax poxade, me-
ama japi pejkabu_uan.

⁴³ Pascuafiesta toep w_ut, japi puexa fiesta taeni nawia w_ut pejbachan
poxade, jaw_ut Jesús naman Jerusalén paklowaxxot. José, Mariá s_uapich, matabija-el Jesús kaweta namanpox Jerusalén paklowaxxot.

⁴⁴ José, Mariá s_uapich, nuamtat fol w_ut, nejchaxoeli: “Jesúskas chajia w_uajna nakf_ulaech wajjiwtat” –aechi, nejchaxoel w_ut. Samata, kaematkoi nejmach chiekal foli nuamtat. Do jaw_ux, José, Mariá s_uapich, tae-el w_uti Jesús, jaw_ut tuadutlisi w_uaj_unachaemsliajwa pejjiw. W_uaj_unachaemtbejpi asew jiw, japi pejmatabijspipon.

⁴⁵ W_ulwek w_uti pejjiwxot, japi faena-el Jesús. Do jaw_ut, José, Mariá s_uapich, kaxa nawen Jerusalén paklowax poxadin, jaxot w_ulwekaliajwapi Jesús.

⁴⁶ Tres matkoi wut, faenipon Dios pejtemplobaxot. Japon ek judíos chanaekabuanapixot. Naeweton japi. Jesús wuajnaemtbey matabijsaxtat.

⁴⁷ Jesús chiekal matabijt judíos chanaekabuanapi jum-aechpox. Chiekal jumnotbejpon, wuajnaemtas wut. Puexa jiw, japox jumtaen wut, xabich nejchaxoelachalaki, Jesús xabich matabijt xot.

⁴⁸ José, María suapich, taen wuti Jesús ekox, judíos chanaekabuanapi suapich, xabich nejchaxoelanuili. María jum-aech Jesúsliajwa:

—Wua, xam jasox jachiyaximil xanalliajwa. Xan, nej-ax suapich, xabich nejchaxoelx, xam wulwekx wut —aechow.

⁴⁹ Jesús jumnot wut, jum-aechon:

—¿Ma-aech xotkat xamal xan nawulwekam? ¿Xamalkat matabija-emil xan taj-ax Dios pejbaxotaxaelenpox? —aech Jesús.

⁵⁰ Japi jummatabija-el, Jesús japox jum-aech wut.

⁵¹ Pe María nejchaxoelaful, Jesús jum-aech wut japox. Nejkiowa-elow. Jawax José, María suapich, Jesúsbej, nawia Nazaret paklowax poxade. Jesús Nazaret paklowaxxot duk wut, naexasisfulon José, Maríabej, puexa japi tato'alpoxan.

⁵² Jesús chiekal ti'sful. Kaes matabijsfulbejpon. Dios nejchachaemlaful Jesúsliajwa. Jiwbej nejchachaemlaful Jesúsliajwa.

3

Juan, jiw bautisan, pajilaxxot naewuajanpox (Mt 3.1-12; Mr 1.1-8; Jn 1.19-28)

¹ Tiberio tato'al, puexa Roma paklowaxpijiw. Japonbej tato'al asapaklowaxanpijiw. Japon quince waechan tato'al wut, japamatkoiyan, Poncio Pilato Judea tuajnuapijiw tato'al. Jawutbej Herodes Galilea tuajnuapijiw tato'al. Herodes pakoewan, pawal Felipe, japon puexa Iturea tuajnuapijiw, Traconite tuajnuapijiwbej, tato'al. Asan pawalpon Lisantias, japon tato'al Abilinia tuajnuapijiw.

² Jawut Anás, Caifás suapich, japi kolenje, sacerdotespaklokola. Japamatkoiyan Zacarías paxulan, japon pawalpon Juan, duk pajilaxxot. Jawutbej Juan buxto'as Dios, japon jiw naewuajnafulaliajwa.

³ Samata, Juan nanuamt Jordánlajtxot, jaxot naewuajanpon jiw Dios pej-jamechan. Juan naewuajan wut jum-aechon: “¡Kofim babijaxan isampoxan! ¡Isfulde Dios nejxasinkpoxan! Ja-amsfulam wut, Dios beltaeyaxael babijaxan isampoxanliajwa. Do jawut, xamal bautisaxaelen” —aech Juan, jiw naewuajnaful wut.

⁴ Juan, jiw bautisan, naewuajan wut jiw, patliso Dios pejprofeta Isaías chajia lelpox Juanliajwa. Isaías chajia lel wut, jum-aechon:

“Kaen aton pajilaxxot nejlat wut, jumchisfulaxaelon jiwliajwa: ‘¡Kofim babijaxan isampoxan wajpaklonliajwa! Me-ama jiw chiekal nuamt chaemt wut paklon pasliajwa, ja-amde nejnejchaxoelaxan! ¡Isfulde Dios nejxasinkpox! ¡Ja-amsfulde!

⁵ Puexa tufatan as tholaxaes nuamt chiekal najupaliajwa. Puexa muaxan koeyaxaesbej sat chiekal najupaliajwa. Nuamanbej, jajiali, matnoch xatathalaxaes. Nuamanbej muthan wut, pe'axaes chiekal najupaliajwa.

⁶ Puexa jiw matabijaxael Dios to'aspon jiw bu'welialjwa' —chiyaxaelon” —aech Isaías chajia lelpox Juan, jiw bautisanliajwa.

⁷ Juan, jiw bautisanxot, xabich jiw papasful japi bautisaliajwas. Japi jiwxot, asew kofa-el wut babijaxan ispoxan, japibej nakiowa nakbautisia. Me-ama asew jiw babijaxan ispoxan kofapi, jachisiapi. Samata, jawut, Juan jum-aech japi jiwliajwa: “Xamal, me-ama jom dukpi weliajwa, jit patuajax boejtaen wut, ja-am xamal. Pe asamatkoi xamal weyaximil, babejkolax kastikaxmatkoi pat wut.

⁸ ¡Kofim babijaxan isfulampoxan! ¡Isfuldelax Dios nejxasinkpoxan! Japox ja-amsfulam wut, puexa jiw matabijaxael, diachwajnakolax xamal babijaxan isampoxan kofampim. ¡Xamal nakaewa nabej najum-aeché: ‘¡Xanal Abraham pamojiwan! Samata, diachwajnakolax Dios xanal nabu'weyaxael’ —nabej aeche’ najut! Xamal Abraham pamojiwam. Pe nakiowa babijaxan isam wut, Dios xamal bu'weyaxil. Dios nejxasink wut, xajup ia' Abraham pamojiw dofaliajwa.

⁹ Naebaechnaechan, naboesfuli kaewaechful. Pe japanaechan kaes naboesfula-el wut, xamal liktam japanaechan. Do jawux, majow wut, jitat it-owam. Jachiyaxaelbej xamalliajwa, Dios kastika wut, naexaxis-emil wut Dios” —aech Juan, jiw bautisan, babijaxan isfulpiliajwa.

¹⁰ Do jawut, japi wajnachamt wut, jum-aechi:

—¿Machiyaxaelenkat xanal isfulaliajwan Dios nejxasinkpoxan? —aechi Juanliajwa.

¹¹ Juan jumnot wut, jum-aechon:

—Xamal koloeyax wut kamis, asan aton xabich kejl wut naxoelaliajwa, j Japon aton chaxdu'e naxoelax! Xamal naxaeyaxan wut, asan aton xabich wejisal wut xaeliajwa, j Japon aton chaxduim! —aech Juan.

¹² Do jawut, pejme asew jiw pat Juanxot. Japi mox soepa bautisaliajwas. Japi impuesto mat-omwuljoew Roma gobiernoliajwa. Japi jum-aech, wajnachamt wuti Juan:

—¿Xanal machiyaxaelenkat isliajwan Dios nejxasinkpoxan? —aechi.

¹³ Juan jumnot wut, jum-aechon japiliajwa:

—Xamal jiw mat-omwuljowam wut impuesto, ¡mat-omwuljoem nejpaklon to'apoxantat! ¡Kaes pejme nabej mat-omwuljoe' jiw naekichachajbaliajwam! —aech Juan impuesto mat-omwuljoewliajwa.

¹⁴ Do jawux, soldawbej pat Juanxot. Japibej wajnachamt wut, jum-aechi Juanliajwa:

—¿Machiyaxaelenkat xanal isfulaliajwan Dios nejxasinkpox? —aechi Juanliajwa.

Do jawut, Juan jumnot wut, jum-aech soldawliajwa:

—¡Xamal nabej bu'athiye' kenosliajwam asew jiw pejew! ¡Nabej tasale'bej asew jiw, nejmachpijiw, japi pejew kenosliajwam! ¡Xanejchachaemilde nejpaklon motpoxantat! —aech Juan soldawliajwa.

¹⁵ Xabich jiw wajnawesful Cristo pasaxaelpox, Japon Dios to'axoekspon jiw bu'welialja. Samata, jiw jumtaen wut Juan naewajanpox, japi nakaewa najum-aech: “Diachwajnakolax Juan bej Cristobej” —na-aechi nakaewa.

¹⁶ Pe jawut Juan pajut chiekal jum-aech puexa jiwliajwa: “Diachwajnakolax xan jiw bautisafulax mintat, jiw kofa wut babijaxan ispoxan. Asamatkoi xanwux asan fulaeyaxaen. Japonlax to'axael Espíritu Santo jiw kajachawaesfulaliajwas. Espíritu Santo pejpamamax, me-ama jit, jiw babijaxan ispoxan toejwaliajwas, jiw pejnechaxoelaxan pachaemaliajwa. Japon fulaeyaxaelpon kaes pejme paklonaxael. Me-ama xan, jachiyaxilon. Xan omjinil Japon pejkajachawaesnanliajwa.

17 Lulpijin trigo bokchalula trigokal namaeliajwa. Do jawux, trigo jipon batat cha-owaliajwa. Trigobok, trigotonanbej, pelton lausliajwa jitat. Jachiyaxaelbej fulaeyaxaelon. Japon tamejaxael Diosxotse pachaempikal, japi jiw naexasiti Dios. Asewjiw, babijaxan ispi, naexasis-elbejpi Dios, japi pelsaxaeks jitadik, itkawaxil poxadik” —aech Juan jiwliajwa.

18 Jasoxtat Juan naewhajnafulbej jiw. Asawhajantat, pachaemwajan, Juan naewhajnaful jiw.

19 Juan fiatbej Herodes, Galilea tujnapijiw tato'lan. Fiat wut, jum-aechon Herodesliajwa, japon fe'en xot pakoewan Felipe. Japow Felipe pijow. Japow pawul Herodías. Juan japox jum-aech Herodes nejchaxoelaliajwa, kaes asaxan babijaxan xabich isful xoton.

20 Pe Herodes naexasis-el Juan jum-aechpox. Pelax Herodes asax babijax pejme ispon, Juan jia xoton jiw jebatat.

Jesús bautisaspox

(Mt 3.13-17; Mr 1.9-11)

21 Asamatkoi, Juan jiw bautisa wut, jawutbej Jesús bautisas. Jesús bautisas wut, Dios kawajan wuton, taenon athu fafachpox.

22 Jaxotsik Espíritu Santo fuloek, me-ama a-utlejen Jesús pejmatwajasik. Do jawut, jumtaenbejpon athulelsk jumtiskaspo. Dios pajut jum-aech:

—Xam taxulnam, xabich nejxasinkaxponam. Xamliajwa xabich nejchachaemlax —aech Dios Jesúsliajwa.

Ampilap Jesucristo pejwajnapijiw

(Mt 1.1-17)

23 Jesús treinta waechan wut, tuadut naewhajnalialjwa jiw. Jiw nejchaxoel Jesúsliajwa: “Japon José paxulan” —aechi asbuan jumch, nejchaxoel wut. José pax pawul Elí.

24 Elí pax pawul Matat. Matat pax pawul Leví. Leví pax pawul Melqui. Melqui pax pawul Jana. Jana pax pawul José.

25 José pax pawul Matatías. Matatías pax pawul Amós. Amós pax pawul Nahúm. Nahúm pax pawul Esli. Esli pax pawul Nagai.

26 Nagai pax pawul Maat. Maat pax pawul Matatías. Matatías pax pawul Semei. Semei pax pawul Josec. Josec pax pawul Judá.

27 Judá pax pawul Joanán. Joanán pax pawul Resa. Resa pax pawul Zorobabel. Zorobabel pax pawul Salatiel. Salatiel pax pawul Neri.

28 Neri pax pawul Melqui. Melqui pax pawul Adi. Adi pax pawul Cosam. Cosam pax pawul Elmadam. Elmadam pax pawul Er.

29 Er pax pawul Jesús. Jesús pax pawul Eliezer. Eliezer pax pawul Jorim. Jorim pax pawul Matat.

30 Matat pax pawul Leví. Leví pax pawul Simeón. Simeón pax pawul Judá. Judá pax pawul José. José pax pawul Jonam. Jonam pax pawul Eliaquim.

31 Eliaquim pax pawul Melea. Melea pax pawul Mena. Mena pax pawul Matata. Matata pax pawul Natán.

32 Natán pax pawul David. David pax pawul Isaí. Isaí pax pawul Obed. Obed pax pawul Booz. Booz pax pawul Sala. Sala pax pawul Naasón.

33 Naasón pax pawul Aminadab. Aminadab pax pawul Admin. Admin pax pawul Arni. Arni pax pawul Esrom. Esrom pax pawul Fares. Fares pax pawul Judá.

34 Judá pax pawul Jacob. Jacob pax pawul Isaac. Isaac pax pawul Abraham. Abraham pax pawul Taré. Taré pax pawul Nacor.

³⁵ Nacor pax pawul Serug. Serug pax pawul Ragau. Ragau pax pawul Peleg. Peleg pax pawul Heber. Heber pax pawul Sala.

³⁶ Sala pax pawul Cainán. Cainán pax pawul Arfaxad. Arfaxad pax pawul Sem. Sem pax pawul Noé. Noé pax pawul Lamec.

³⁷ Lamec pax pawul Matusalén. Matusalén pax pawul Enoc. Enoc pax pawul Jared. Jared pax pawul Mahalaleel. Mahalaleel pax pawul Cainán.

³⁸ Cainán pax pawul Enós. Enós pax pawul Set. Set pax pawul Adán. Adán Dios isaspon atonliajwa.

4

Jesús xapaejaspox Satanás

(Mt 4.1-11; Mr 1.12-13)

¹ Jesús duk wut, xabich kajachawaech Espíritu Santo. Samata, nawia'an wut Jordánlajtxotdin, Jesús Espíritu Santo bu'fos pajilax poxade.

² Jaxotde cuarenta matkoiyan kaweta wut, chinax xae-elon. Cuarenta matkoiyan toep wut, do jawut, Jesús xabich litaxaela. Jawut dep pejpaklon, Satanás, pat Jesúsxot. Paton xapaejalijwa Jesús, Jesús babijax islijwa Dioslijwa.

³ Samata, Satanás xapaejt wut, jum-aechon Jesúslijwa:
—Diachwujnakolax xam Dios paxulnam wut, jampot ia't to'im panax nadofalijwa! —aech Satanás Jesúslijwa.

⁴ Jesús jumnot wut, jum-aechon:
—Dios pejjamechan, chajia lelspos, jum-aech: 'Jiw duilaxil naxaeyaxankallijwa. Jiw wewe'pasbej Dios pejjamechan naexasisfulalijwapi' —aech Dios pejjamechan, chajia lelspos —aech Jesús Satanáslijwa.

⁵ Do jawut, Satanás pejme xapaejslijwa wut, bu'folon Jesús pinamux athu poxase Jesús itpaelijwas puexa tuajnuchan ampathatat.

⁶ Do jawut, Satanás jum-aech:
—Puexa ampatuajnuchan, paklowaxanbej, japoxan puexa xan tejew, xan malech nachaxdut xoton. Xanbej paklokolan ampatuajnuchanpijiwlijwa. Puexa japoxan xan malech chaxduslijwan. Samata, chaxdusasianpon malech chaxdusaxaelen.

⁷ Tajwujnalel xam brixtat nukam wut, najum-am wutbej: 'Xam xabich pachaemam. Xam tajpaklokolan' —na-am wut xanlijwa, puexa malech xam chaxdusaxaelen japatuajnuchan, japapaklowaxanbej —aech Satanás Jesúslijwa.

⁸ Jesús jumnot wut, jum-aechon:
—Dios pejjamechan, chajia lelspos, jum-aech: 'Kaen Dios jiw pejpaklokolan. Japonkal sitaeyaxaes. Owchiyaxaesbejpon' —aech chajia lelspos —aech Jesús Satanáslijwa.

⁹ Do jawut, Satanás pejme bu'folon Jesús Jerusalén paklowax poxade, pejme xapaejslijwapon Jesús. Jesús bu'fos Dios pejtemploba matwujase, kaes athu poxase. Jaxotse nosaspon. Jawut Satanás jum-aech:

—Diachwujnakolax xam Dios paxulnam wut, jamxot diwmik sat poxadik!

¹⁰ Xam sat naxbijaximil. Dios pejjamechan, chajia lelspos jum-aech:
'Dios to'axoek pej-ángel xam chiekal tataeflijwapi.

¹¹ Xam jopam wut, jaelsabaxaeli naxbijasamatam ia', najalasangamatambej' —aechox, Dios pejjamechan, chajia lelspos —aech Satanás Jesúslijwa.

¹² Jesús jumnot wut, jum-aechon:
—Xan diwaxinil. Xan chiekal matabijtax Dios natataeflupox. Dios pejjamechan, chajia lelspos, jum-aechbej: 'iNabej xapaejs Dios, nejpaklokolan,

asbuan jumch taeliajwam japon xajup wut, o, xajupa-el wuton weliajwa!' — aech chajia lelsbox — aech Jesús Satanásliajwa.

¹³ Do jawut, Satanás kaes wejisal xot xapaejsliajwa, chijialison Jesúsxot. Jesús tamach waeltas. Pe asamatkoi Satanás pejme pasaxael pejme xapaejsliajwapon Jesús.

Jesús tñadutpox naewñajna Galilea tñajñxot
(Mt 4.12-17; Mr 1.14-15)

¹⁴ Jesús pejme kaxadin, Galilea tñajñ poxadin. Espíritu Santo kajachaxaesaxtat Jesús dukaful. Samata, japatñajñpijiw puexa chiekal naksiya Jesúsliajwa.

¹⁵ Jesús naewñajan judíos naewñajnabachanxot. Puexa jiw jumtaen wuti Jesús naewñajanpoxan, japi jum-aech chimiajamechan Jesúsliajwa.

Jesús Nazaret paklowaxxot
(Mt 13.53-58; Mr 6.1-6)

¹⁶ Jesús nawia'e Nazaret paklowax poxade, ti't poxade. Napatamatkoi wut, lechon judíos naewñajnaba poxade, pejkabuan xoton. Jaxot wut, nanton chanaexaljoeliajwa Dios pejjamechan, chajia lelsbox.

¹⁷ Jawut Jesús chaxdunch xakoeyasfut xaljoeliajwa profeta Isaías chajia lelox. Dolison japafut ba'nat wut, faenon xaljoeyaxaelpox. Do jawut, xaljowpox jum-aechox:

¹⁸ “Dios pej-Espíritu Santo xan nachala, Dios pajut namakafit xot kejila naewñajnalijwan chimiawñajan. Dios nato'abej naewñajnalijwan babijaxan ispi, nabijatpibej Satanás pijaxtat. Japi pejnechaxoelaxan, me-ama jiw jebatat jiaspi, ja-aechpi. Dios nato'abej boejthñsliajwan itliakla. Dios nato'abej bu'welijwan jiw, jiw nabijati asew jiw pijaxtat.

¹⁹ Dios nato'abej naewñajnalijwan jiw amwutjel Dios bu'weyaxaelpox jiw” — aech Jesús pajutliajwa, chanaexaljow wuton Isaías chajia lelpox.

²⁰ Do jawux, Jesús chanaexaljoeyax toet wut, xakoeyapon japafut. Chaxdu-ton judíos naewñajnaba kajachawaesan. Do jawut, Jesús ek. Puexa jiw, jaxot chalaki, xabich natachaemaspon.

²¹ Jesús pejme jum-aech japiajwa:

—Xamal jumtaenam xan xaljowx wut Isaías chajia lelpoxliajwa, amwutjel japox patliso xamalxot — aech Jesús pajutliajwa.

²² Do jawut, puexa japi jiw jum-aechi pachaempoxan Jesúsliajwa. Japi xabich nejchaxoelachalak, Jesús jum-aech xot chamoeyaxan. Samata, nakaewa najum-aechi:

—¿Diachwñajnakolax amponkatlap Jesús, José paxulan? —na-aechi.

²³ Jesús matabijt japi jiw nakaewa najum-aechpox. Samata, jum-aechon:

—Xamal nejxasinka-emil naexaxisliajwam xan jum-anox. Samata, xan najum-am asbuan jumch: ‘Xam asew boejthñsnam wut, jamxotbej jiw boejthñ'e!’ —am xamal. Jumchiyaxaelambej ampox xanliajwa: ‘Xanal wultaenx, Capernaum paklowaxxot koechaxan isam wut. Amxot, nejpaklowaxxotbej, koechaxan isam wut, ja-aech wut, xanal naexaxisaxaelen xam naewñajnampoxan’ —chiyaxaelam xanliajwa — aech Jesús japi jiwliajwa.

²⁴ Jesús pejme jum-aech:

—Xan diachwñajnakolax jum-an. Puexa profetas sitae-esal pejtñajñkolaxpijiw.

²⁵⁻²⁶ Wajwñajnapijin, profeta Elías, Israel tñajñxot laeja wut, japamatkoiyan, tres waechan y medio iam thilna-el. Samata, xabich jiw litaxaelaful potñajñcha, naxaeyaxan ajil xot. Japamatkoiyan Israel tñajñxot

xabich watho' duil, pamaljiw naetupspi. Pe Elías to'a-esal Dios kajachawaesliajwapon watho', japatuaajnapijiw pamaljiw naetupspi. Elías to'aslaax asatuaajnu poxade, kajachawaesliajwapon Sarepta paklowaxpijow, Sidón tuaajnapijow, pamal naetupspow.

²⁷ Wajwuaajnapijin, profeta Eliseo, laeja wut ampathatat, Israel tuaajnu xot duil xabich jiw, leprawaxae waeispi. Pe japixot kaen boejthus-elon. Japonlax boejthut asatuaajnapijin, Siria tuaajnapijin, pawulpon Naamán — aech Jesús.

²⁸ Japox jumtaen wuti, puexa judíos naewuaajnabatatpi xabich palalapi Jesúsliajwa. Japi matabija Jesús kajachawaesaxisalpox.

²⁹ Samata, xabich palala xoti, nanbapi. Do jawut, Jesús jaeltlisi. Bu'follisipon paklowax tathoetlel. Japapaklowax chiekal muaxmatwuaajat. Jaxot chuut xabich athu. Samata, jaxot fo'asiapi Jesús.

³⁰ Pe jawut, Jesús xent japixot. Do jawut, Jesús chajia japatuaajnu xot.

Aton dep webaespon pejmatpuatxot

(Mr 1.21-28)

³¹ Jesús fulaech Capernaum paklowax poxade, Galilea tuaajnu lelel. Napatamatkoi wut, jaxot judíos naewuaajnabatat Jesús jiw naewuaajan.

³² Japi jiw japox jumtaen wut, xabich nejchaxoelachalaki, Jesús naewuaajan xot Dios pejkajachawaesaxtat.

³³ Judíos naewuaajnabaxot, jaxot aton ekbej, pejmatpuatxot webaespon dep. Do jawut, japon aton nejlat wut, jum-aechon dep pijaxtat:

³⁴ —Jesús, Nazaret paklowaxpijnam, ixanal tamach natapaem! ¿Achaxasiamkat xanalxot? ¿Xamkat fulaeman xanal natoesliajwam? Xanal chiekal matabijax, xam Dios paxulnam, xabich pachaemamponam — aech dep, aton pejkaechatat nejlat wut.

³⁵ Do jawut, Jesús jum-aech nejthua'axtat depliajwa:

—Dep, i boejlachde! i Xam nakolde japon aton pejmatpuatxot! — aech Jesús.

Do jawut, japon aton satat xadapson dep puexa jiw pejwuaajnalel. Do jawux, dep nakolt japon aton pejmatpuatxot tabejs-elaxtat.

³⁶ Puexa jiw xabich belwana, japox taen wut. Nawuaajnachae msnapi nakaewa. Najum-aechi:

—¿Ma-aechon pejjamet dep nakolsliajwa, to'a wuton dep? Me-ama Dios to'ason wut, ja-aechon. Ja-aech wut, i dep nakolt! — na-aech nakaewa japi jiw.

³⁷ Do jawux, puexa Galilea tuaajnapijiw naksiyapi Jesúsliajwa.

Jesús boejthutpox Simón Pedro paem

(Mt 8.14-15; Mr 1.29-31)

³⁸ Jesús nakolt wut judíos naewuaajnabaxot, fulaechon Simón Pedro pejba poxade. Jesús wuaajna Simón paem bu'xaenk. Xabich bu'tuaajnikow. Jaxotpij jiw jum-aechi Jesús boejthusliajwa japow.

³⁹ Jesús najult Simón paem okxot. Jawut waxae to'apon japow boejthulaliajwas. Do jawut, japow kamta chiekal boejthus. Jawut nantow. Do jawutbej, japow pajut naxaeyaxan athukow Jesúsliajwa, a sew jiwliajwabej.

Jesús boejthutpox xabich jiw bu'xaeya

(Mt 8.16-17; Mr 1.32-34)

⁴⁰ Juimt dach ek wut, jiw bu'xaeya bu'flaens Jesúslel. Japi nejmachwaxaetat bu'xaenkpi. Do jawut, Jesús jachaful pejke-etat kaenanula jiw bu'xaenkpi. Do jawutbej, japi jiw chiekal boejthus waxae.

⁴¹ A sew bu'xaeyaxot, dep webaespi pejmatpuatanxot, japibej boejthuton. Dep nakola wut japixot, dep nejla'bala. Nejla'bala wut, jum-aechbalapi:

—i Xam Dios paxulnam! — aechbalapi.

Dep japox jum-aech wut, Jesús buxfiat. Jesús tapae-el dep kaes naksiyaliajwa, japi chiekal matabija xot japon Cristo, Dios to'aspon jiw bu'welajwa.

Jesús naewhajapox judíos naewhajnabachanxot
(Mr 1.35-39)

⁴² Sesa itliakaful wut, Jesús nakolt paklowaxxot japon tamachaliajwa. Do jawut, jiw wulwekson. Faens wuton, japi jiw jum-aechi Jesúsliajwa:

—¡Namandefuk xanalxot! ¡Nabej fulae'fuk asatujnulel! —aechi.

⁴³ Pe Jesús jum-aech:

—Xan naewhajnaxaelen asapaklowaxanpijiwbej. Japi naewhajnafulaxaelen chimiawhajan, Dios puexa pejjiw tato'laxaelwhajan. Dios nato'a japox isfulaliajwan —aech Jesús japi jiwliajwa.

⁴⁴ Samata, Jesús naewhajnaful jiw Dios pejjamechan judíos naewhajnabachanxot, Galilea thajnxot, Judea thajnxotbej.

5

Xabich baxi xawawaelpox
(Mt 4.18-22; Mr 1.16-20)

¹ Asamatkoi Jesús nuk pukababu'tat, Genesaret pukaxot. (Japapuka asawul, Galilea puka.) Xabich jiw Jesús tabe'nas, xabich jumtaesia xoti Jesús naewhajapox Dios pejjamechan.

² Do jawut, Jesús taen kolefalkam, oel wut thaejtat. Japafalkam tujil, nana xot nabaxiti, kiasliawapi pejew chinchorro.

³ Do jawut, Jesús jul Simón pejfalkamtat. Jawutbej to'apon Simón thiklaliajwa falkam atuxachde chadukaliajwa. Jesús falkamtat ek. Do jawut, tuaduton jiw naewhajnalialjwa, putat nuili.

⁴ Dolison, naewhajnax buxtoet wut, Jesús jum-aech Simónliajwa:

—¡Falkam fae'mach so'nik poxade! ¡Jaxotde xamal nejchinchorro pelsfulaxaemk baxi xawawaelalialjwam! —aech Jesús.

⁵ Do jawut, Simón jumnot wut, jum-aechon:

—Tajpaklon, pomadoicha xanal xabich nabaxitx. Xanal chinax kaen baxin xawaesa-enil. Pe xam naketo'am xot, chinchorro pelsaxaekan pejme —aech Simón Pedro.

⁶ Dolisi, jasox is wut, xabich baxi xawawaeli. Chinchorro mox pejxarsas, xabich xot baxi.

⁷ Simón, asew jiw sapich, itwaeipi asafalkampijiw, japi pejmatabijs kajachawaesliajwas. Japafalkam chapat wut Simónxot, xabich baxi wuluti kolefalkam. Do jawut, mox pejchabu'lapi.

⁸ Simón Pedro japox taen wut, brixtat nukon Jesús pejwhajnalel. Do jawut, jum-aechon Jesúsliajwa:

—Tajpaklon, ¡napia'e xanxot! Xan babejnan —aech Simón Pedro.

⁹ Japox Simón Pedro jum-aech, japi puexa nejchaxoelanuil xot, xabich baxi xawawaelpoxliajwa.

¹⁰ Pedro chalaspi, ampilape. Kaen pawul Santiago. Asan pawul Juan. Japi Zebedeo paxi. Japibej nejchaxoelanuil pejfalkamtat. Do jawut, Jesús jum-aech Simónliajwa:

—¡Nabej nejlewlé! Amwutjel xam jiw tadusaxaelam japi Dios pejjiwali-ajwa. Me-ama xamal baxi xawawaelam wut, notam. Jasoxtatbej xamal itpaeyaxaelen jachiliajwam jiwliajwa, japi jiw tajnachalaliajwa, Dios pejjiwaliawabejpi —aech Jesús Simónliajwa.

¹¹ Do jawut, itjuldepi paputade, thaejtade. Do jawut, puexa pejew waelalisi Jesús nakfulaelialjwa.

Jesús boejthutpox bu'xaeyan leprawaxaetat
(Mt 8.1-4; Mr 1.40-45)

¹² Asamatkoi, Jesús asapaklowaxxot wut, kaen aton, bu'xaeyan, fulaen Jesúslel. Japon bu'xaenk leprawaxaetat. Taen wuton Jesús, brixtat nukon Jesús pejwujnalel, xabich sitaen xoton. Do jawut, natxatdik wut, sat makxabijindikon. Jawut jum-aechon Jesús boejthusliajwas:

—Tajpaklon, xan matabijtax xam xajupam naboejthusliajwam. Naboejthusasiam wut, jxan naboejthue! —aechon.

¹³ Jesús jacha wut, jum-aechon:

—Xam boejthusasian. Malis xam chiekal pachaemam —aech Jesús.

Do jawut, kamta japon aton chiekal boejthus leprawaxae.

¹⁴ Jawut Jesús jum-aech nejthua'axtat:

—jAsew jiw nabej chapae' xam boejthutpox! jMajt xabua'de sacerdote poxade, japon xam taeliajwa leprawaxae boejthulpox! Do jawux, jDios chaxdu'e, me-ama Moisés chajia to'a chaxduiliajwa, xam leprawaxae chiekal boejthul xot! Jasoxtat jiw matabijaxael xam chiekal boejthulpox leprawaxae —aech Jesús japon atonliajwa.

¹⁵ Do jawut, puexa japatuajnujpijw wultaena Jesús ispox. Jiw japox wultaena wut, xabich jiw papasful Jesúsxot jumtaeliajwa Jesús naewuajanpox. Japi papatbej boejthusliajwas bu'xaenkpoxan.

¹⁶ Jesús boejthusful wut bu'xaeya, kaematkoisful atuaxach fulalaechpon jiwjilax poxade tamach Dios kawuajnalajwa. Jesús jasoxan ja-aech, boejthusful wuton bu'xaeya.

Jesús boejthutpox nabejkan, japon chinax laejaxilpon
(Mt 9.1-8; Mr 2.1-12)

¹⁷ Asamatkoi, Jesús jiw naewuajan wut, jaxot fariseos naewet, judíos chanaekabuanapi suapich. Japixot, asew jiw fulaen cha-aelpaklowaxanxot, Galilea tuajnueldin, Judea tuajnueldinbej. Asew jiw fulaenbej Jerusalén paklowaxxotdin. Jesús boejthusful wut bu'xaeya, puexa japibej taen, Jesús isful wut koechaxan Dios pijaxtat.

¹⁸ Do jawut, kaesuapich poejiw chaxpat kaen nabejkan. Japon ok camillatat. Japi poejiw nejchaxoel batuchade chaxleliajwapi nabejkan Jesús pejwujnalel cha-osliajwapi.

¹⁹ Pe japi chaxleyaxil nabejkan batuchade, wuajna xabich jiw batu wulak xot. Ja-aech wut, ba matwuajase chaxjulachi. Jaxotse bamatwuaj pinjiyax tuakapi. Do jawux, jaxotsik chakakofanpi nabejkan Jesús pejwujnalel.

²⁰ Chakakofan wut, nejchaxoeli: “Ampon boejthusaxaes Jesús” —aechi, nejchaxoel wut. Jesús chiekal matabijt japi nejchaxoelpox. Samata, Jesús jum-aech nabejkanliajwa:

—Xam babijaxan isampoxanliajwa beltaenx —aech Jesús.

²¹ Judíos chanaekabuanapi, fariseos suapich, japox jumtaen wut, nejchaxoeli: “jAchankat ampon aton, jum-aechpon babejjamechan Diosliajwa? Japox jum-aech wuton, japox pachaema-el Diosliajwa. Kaen Dios xajup beltaeliajwa, jiw babijaxan ispoxanliajwa” —aechi, nejchaxoel wut Jesúsliajwa.

²² Do jawut, Jesús chiekal matabijt japi nejchaxoelox. Samata, wuajnachamt wut, jum-aechon:

—jMa-aech xotkat xamal japox nejchaxoelam xanliajwa?

²³ Kaes pejme tampa xan jumchiliajwan laejaxilponliajwa: ‘Xam beltaenx babijaxan isampoxanliajwa’ —chiliajwan. Pe ja-an wut, jiw xan namatabijaxil, xan puexa jiw pakoewkolnanponan. Jum-an wutlax nabejkan

jumtaeliajwa: ‘¡Nande! ¡Laejim!’ —an wut, japox jum-an wut, jiw diachwajnakolax xan namatabijaxael, xan puexa jiw pakoewkolnanponan.

²⁴ Samata, xamal itpaeyaxaelen, xan puexa jiw pakoewkolnan xajuxpox jiw beltaeliajwan babijaxan ispoxanliajwa ampatahat —aech Jesús judíos chanaekabuanapiliajwa, fariseosliajwabej.

Samata, Jesús jum-aech nabejkan jumtaeliajwa:

—¡Nande! ¡Nejcamilla fi'e! ¡Xalaem nejba poxade! —aech Jesús.

²⁵ Do jawut, nabejkan nantlison puexa jiw pejwajnalel. Jawut fitlison pejcamilla. Fulaechlison pejba poxade. Fulaech wut, jum-aechfuldepon Diosliajwa: “Dios xam xabich pachaemam, naboejthutam xot” —aechfuldepon.

²⁶ Puexa jiw chiekal taen. Majt japon nabejkan, pajut laeja-el, japon amwutjel pajut chiekal laejalison. Samata, xabich jiw nejchaxoelanuil. Do jawut, chimiajamechan jum-aechi Diosliajwa. Dios xabich sitaenlisi. Jum-aechi:

—Amwutjel taens, Dios is wut koechax —aechi.

*Jesús tadutpox Leví pejnachalanliajwa
(Mt 9.9-13; Mr 2.13-17)*

²⁷ Jesús boejthut wut nabejkan, nakolton jiw natamejaxot. Do jawut, fulaech wut, taenon Leví. Japon impuesto mat-omwuljoen Roma gobiernoliajwa. Ekon impuesto mat-omwuljowxot. Jesús taen wut Leví, jum-aechon Levíliajwa:

—¡Xabua't! ¡Xan nakfulaem tajnachalnamliajwa! —aech Jesús.

²⁸ Do jawut, Leví nant wut, puexa pejew waela wut, Jesús nakfollison.

²⁹ Jawut Leví fiesta is pejbatat Jesúsliajwa. Xabich asew jiw pat jaxot, impuesto mat-omwuljoew Roma gobiernoliajwa. Kaes asew jiwbej pat jaxot. Japi puexa chalak xaeliajwa, Jesús suapich.

³⁰ Do jawut, fariseos, judíos chanaekabuanapibej, pat. Japi kaemut. Japi jum-aech Jesús pejnachalaliajwa:

—¿Ma-aech xotkat xaelam, afambej, impuesto mat-omwuljoew suapich, asew babejchow suapichbej? —aechi Jesús pejnachalaliajwa.

³¹ Jesús japox jumtaen wut, jum-aechon:

—Jiw woen woe-el nejchaempi, japi bu'xaenka-el xot. Jiw woen fulaen bu'xaenkpi woeliajwa.

³² Xanlap-is, ja-an. Xan pas-enil tadusliajwan, jiw pachaem wut, kabuan-aechpi. Xanlax patx babejchow tadusliajwan, japi kofaliajwa padujnejchaxoelaxan Dios naexaxisliajwapi —aech Jesús japiliajwa.

*Asew jiw xae-elpox, piach Dios kawajnalialiajwa wut
(Mt 9.14-17; Mr 2.18-22)*

³³ Fariseos, judíos chanaekabuanapibej, jum-aech Jesúsliajwa:

—Juan pejnachala, xanal tajnachalabej, naxae-el piach Dios kawajnalialiajwa wut. Pelax nejnachala, jachi-el. Japi asbuan jumch xael —aechi Jesúsliajwa.

³⁴ Do jawut, Jesús jum-aech:

—Aton pawis fit wut, fiesta is wut, taduchpi xaeyaxaelbuk japonxot. Nejchachaemlaxaeli, pajelnakjiyan duk wutfuk jaxot.

³⁵ Do asamatkoi, asew jiw fe'naxaeson. Do jawut, taduchpi naxaeyaxil kaematkoi suapich, xabich nejxaejwaxaes xoti. Jachiyaxaelbej, asamatkoi tajnachala nejxaejwaxaes wut, asew jiw xan nabu'fol wut. Samata, kaematkoi suapich naxaeyaxili, xan japixotaxinil xot —aech Jesús.

³⁶ Jesús jum-aech wujantat japi jiwliajwa. Jum-aechon:

—Pawis pejyiaf, padujax, wexaxarwas wut, pejyiaf, pajelax, tasiaplaxilow xape'sliajwa padujax yiafxtot. Japox is wut, tabejsaxaelow pajelax yiaf. Yiafbu'ch, pajelax, najupa-el xot, pachaemaxil, padujax yiaf sɥapich.

³⁷ Aton wulu wutbej pajelvino padujchoxantat, japachoxan chathialfalaxael, pajelvino xabich xot pafak. Ja-aech wut, nafa'axael vino, choxan sɥapich.

³⁸ Samata, jiw wulu pajelvino pajelchoxantat, choxan nadadoe'aliajwa.

³⁹ Jiw af wut vino, piach cha-ekpot, ja-aech wut jiw fe-el, vino pajeltpot. Ja-aech, jiw nejchaxoel xot: 'Vino piach, cha-ekpot, kaes pejme pachaem' —aech xoti, nejchaxoel wut —aech Jesús.

6

Judíos pejnapatamatkoitat Jesús pejnachala jolbalapox trigo

(Mt 12.1-8; Mr 2.23-28)

¹ Asamatkoi, napatamatkoi wut, Jesús, pejnachala sɥapich, trigolulantutat fol wuti, japon pejnachala trigo jolbala xaelpaliajwa, litaxaela xoti. Kilani-napi boksliajwa trigofukal xaelpaliajwa.

² Jaxot kaesɥapich fariseos nakfol. Japi nejchaxoel: "Jesús pejnachala sitael napatamatkoi, jolbala wuti trigo" —aechi, nejchaxoel wut. Samata, jum-aechi Jesús pejnachalaliajwa:

—Japox isaxisal napatamatkoitat. ¿Ma-aech xotkat xamal trigo jolbalam naktapae-elmatkoitat? —aechi Jesús pejnachalaliajwa.

³ Jesús japox jumtaen wut, jum-aechon:

—Xamal xaljowam matabijaliajwam, wajwɥajnapijin, waj-am rey David, ispox chajiakolaxtat, xabich litaxaela wut, pejjiw sɥapich.

⁴ Do jawut, David Dios pejba, xananɥamsba, lechon. Japabaxot wɥajna pan oel mesamatwɥajtat. Japapan ofrenda Diosliajwa. Rey David japapan xael wut, chaxduwbejpon pejjiw, japibej xaeliajwa japapan. Pe Moisés chajia lelpox jum-aech: 'Japapan koew sacerdotescal xaeliajwa, japi nabisti Dios pejbatat. Asew jiw xaeyaxil japapan' —aech Moisés chajia lelpox. Pe rey David Dios kastika-esal, xael wuton Dios pejew pan —aech Jesús fariseosliajwa. (Jasoxtatbej Jesús pejnachala kastikaxisal, trigo jolbala wut xaelpaliajwa napatamatkoitat.)

⁵ Jesús pejme jum-aech fariseosliajwa:

—Xan puexa jiw pakoewkolnan. Xan xajurɥ jumchiliajwan jiw isaxaelpox napatamatkoitat —aech Jesús fariseosliajwa.

Jesús boejthutpox kemamlan

(Mt 12.9-14; Mr 3.1-6)

⁶ Asamatkoi, napatamatkoi wut, Jesús lech judíos naewɥajnaba poxade. Jaxotde wut, tɥaduton naewɥajnalialiajwa. Jaxot kaen aton ek, poklake-elel kemamalpon.

⁷ Judíos chanaekabɥanapi, fariseosbej, japi natachaema, Jesús boejthɥsaxael wut kemamalan napatamatkoitat, jawut tasalaliajwas Jesús.

⁸ Jesús matabijt japi nejchaxoelox japonliajwa. Samata, Jesús jum-aech kemamlanliajwa:

—jNande! jNukde jiw pejwɥajnalel! —aechon.

Kemamlan nant wut, nuklison jiw pejwɥajnalel.

⁹ Do jawut, Jesús jum-aech japi jiwliajwa:

—Xamal wɥajnachaxaelen. ¿Achaxkat jum-aech Moisés chajia lelox? ¿Achaxkat Dios naktapaei isliajwas napatamatkoitat?

¿Isaxaeskat pachaempox? O, ¿isaxaeskat pachaema-elpox? O, ¿boejthɥsaxaeskat? O, ¿boesaxaeskat ampon aton? —aech Jesús.

¹⁰ Do jawut, Jesús natachaemt jiw masajiachpi. Jawut jum-aechon kemam-lanliajwa:

—¡Kedolde! —aechon.

Kedolt wut, japon aton pejke-e chiekal wepachaems.

¹¹ Pe judíos chanaekabuanapi, fariseosbej, japox taen wut, xabich palalapi Jesúsliajwa. Samata, nakaewa najum-aechi: “¿Machiyaxaeskát Jesús?” —na-aechi nakaewa.

*Jesús pejnachalaxot makafitpox doce poejiw, japi apóstolesliajwa
(Mt 10.1-4; Mr 3.13-19)*

¹² Asamatkoi Jesús fúlaech pinamux poxade Dios kawuajnalijwa. Jaxotse pomadoicha Dios kawuajan.

¹³ Do kandiasap wut, Jesús la pejnachala, japi fúlaeliajwadin japonlel. Japi pat wut japonxot, japixot makanoton doce poejiw japi chalaliajwaspon. Do jawut, japi wulduwpon apóstoles.

¹⁴⁻¹⁵ Doce poejiw, makanochpi, kaen pawul Simón. Japon asawultat wulduws. Pawulon Pedro. Asan pawul Andrés. Japon Simón pakoewan. Asan pawul Santiago. Asan pawul Juan. Asan pawul Felipe. Asan pawul Bartolomé. Asan pawul Mateo. Asan pawul Tomás. Asan pawul Santiago. Japon Alfeo paxulan. Asan pawul Simón. Japon majt asamupijin, celotemupijin.

¹⁶ Asan pawul Judas, Santiago paxulan. Asan pawul Judas Iscariote. Japonlap asamatkoi wiasaxael Jesús, Jesús padaelmajiwxot.

*Jesús xabich jiw naewuajanpox
(Mt 4.23-25)*

¹⁷ Jesús baloek muxxotsik, pej-apóstoles suapich. Baloek wut, najapnaxxot nulli. Xabich pejnachala natameja japonxot. Xabich asew jiwbej jaxot natameja. Japixot, asew Judea tuajnapijiw. Asew Jerusalén paklowaxpijiw. Asew Tiro paklowaxpijiw. Asew Sidón paklowaxpijiw.

¹⁸ Japi jiw puexa patlisi Jesús naewuajanxot jumtaeliajwa, boejthusliajwasbejpi bu'xaenkpoxan. Nabijatpibej dep pijaxantat, japibej pat boejthusliajwas.

¹⁹ Samata, puexa japi jiw jachasiapi Jesús, Jesús boejthusful xot jiw.

*Amxot jum-aechpox nejchachaemlax, nejchachaemla-elpoxbej
(Mt 5.1-12)*

²⁰ Jesús natachaemt wut puexa pejnachalaliajwa, jawut jum-aechon japiliajwa: “Xamal najut nejchaxoelam wut: ‘Dios nakkajachawaes-el wut, xajupaxinil isliajwan pachaempoxan’ —am wut, Dios kajachawaesaxael xamal. Ja-aech wut, xamal xabich nejchachaemlaxaelam.

²¹ “Xamal isasiam wut pachaempoxan Diosliajwa, japon kajachawaesfulaxael isfulaliajwam japoxan. Ja-am wut, xabich nejchachaemlaxaelam.

“Amwutjel nabijalaelpampim, nabijatam xot ampathatat, Dios xamal kajachawaesaxael pachaemaliajwam. Ja-am wut, xabich nejchachaemlaxaelam.

²²⁻²³ “Asew jiw nejweslaxael xamal. Japi isaxael chaemilpoxan xamalliajwa. Jumchiyaxaelbejpi xamalliajwa: ‘¡Xamal chijiamde nejle!’ —chiyaxaelbejpi. Jumchiyaxaelbejpi babejjamechan xamalliajwa. Jumchiyaxaelbejpi asew jiw jumtaeliajwa xamalliajwa: ‘Ampi jiw chaemil, babejchow xot’ —chiyaxaelbejpi. Puexa japoxan jachiyaxael, xamal tajjiwam xot, xan puexa jiw pakoewkolnan. Japoxan ja-aech wut, ¡xamal xabich nejchachaemilde! Diosxotse Dios xamal chaxduiyaxael xabich pachaempox. Samata, ¡nejchachaemilde, japamatkoi pasaxael wut!

Xamal nejweslapi, japi jiw pejw_uajnapijiwbej chajia babijaxan is Dios pejprofetasliajwa.

²⁴ “Xamal kemaenkampim, xabich nabijasaxaelam, xanejchachaemlam xot ampathatpijaxankal.

²⁵ “Amw_utjel nejchaxoelam w_ut, j_um-am: ‘Xan nejchachaemlax, puexa xabich xot tejew’ –am, nejchaxoelam w_ut. Pe asamatkoi xabich nabijasaxaelam. Me-ama asew kaematkoi nafnia w_ut, do jaw_ux, pejme xabich litaxaelapi, xamalbej jachiyaxaelam.

“Amw_utjel xafafolampim, asamatkoi xabich noeyaxaelam, nabijasaxaelam xot. Jaw_utbej nejchachaemlaximil.

²⁶ “Chajiakolaxtat Dios pejprofetakola-elpi chiekal duila-el, me-ama Dios nejxasink. Japi jiw chiekal naew_uajna-elbej Dios pejjamechan, japiliajwa jiw nejchachaemlaliajwas. Samata, japamatkoiyantat jiw j_um-aech chimiajamechan profetakola-elpiliajwa. Samatabej, ampamatkoiyantat jiw j_um-aech w_ut chimiajamechan xamalliajwa, j_ichiekal taem! Xamal chiekal bej duila-emilbej. Chiekal bej naew_uajna-emilbej Dios pejjamechan. Ja-am w_ut, xamal asamatkoi xabich nabijasaxaelam” –aech Jesús pejnachalaliajwa.

*Jesús naew_uajanpox pejnachala nejxasinkaliajwa padaelmajiw
(Mt 5.38-48; 7.12)*

²⁷ Jesús pejme j_um-aech pejnachalaliajwa: “Xamal xan nanaewetampim xan j_um-anox. j_iXamal nejxasinkde nadaelmajiw! j_iIsde pachaempoxan xamal nejweslapiliajwa!

²⁸ Nadaelman nejchaxoel w_ut babijaxan xamal chapasliajwa, j_ixamallax nejchaxoelde japon chapasliajwas pachaempoxan! Asew jiw babejjamechan j_um-aech w_ut xamalliajwa, j_iDios kaw_uajande japi jiw kastikasamatas!

²⁹ Aton, matxoela-ison babijax xamalliajwa, j_ixamallax nabej is babijax japon atonliajwa! Samata, aton xamal ba'faselcha w_ut, j_iasaba'falel nej selchapon! Aton xamal wenatkowa w_ut sumta-otampox, j_inej fispanox pijaxliajwa! j_iNijax kamisbej nej fispon pijaxliajwa!

³⁰ Aton malech xamal w_uljow w_ut, j_ijapon chaxdu'e! Asan aton natkowa w_ut nijax, j_inabej w_uljoe' wiasliajwapon natkowapox!

³¹ j_iAmalis isde pachaempoxan asew jiwliajwa, me-ama xamal nejxasinkam japi jiw isfulaliajwa xamalliajwa!” –aech Jesús pejnachalaliajwa.

³² Do jaw_ut, Jesús pejme j_um-aech pejnachalaliajwa: “Xamal nejxasinkam w_ut jiw xamal nejxasinkpikal, ja-am w_ut, j_ima-aech xotkat nejchaxoelam Dios pachaemaxaelpox xamalliajwa? Jiw babejchowbej nakaebabejchow nanejxasink.

³³ Xamal isfulam w_utbej pachaempox japi jiwliajwa, japi jiw isful xot pachaempox xamalliajwa, ja-aech w_ut, j_ima-aech xotkat nejchaxoelam: ‘Dios pachaemaxael xanliajwa’ –amkat, nejchaxoelam w_ut? Jiw babejchowbej nakaebabejchowliajwa is pachaempoxan.

³⁴ Xamal prestam w_ut jiw matabijampikal, ja-am xamal japi jiw pejme wewiasliajwa prestampox, prestampox nafo'asamata. Ja-am w_utbej, j_ima-aech xotkat nejchaxoelam Dios pachaemaxaelpox xamalliajwa? Jiw babejchowbej nakaebabejchow napresta pejme wewiasliajwas naprestapoxan.

³⁵ j_iNejxasinkde nadaelmajiw! j_iIsdebej pachaempoxan japiliajwa! Prestam w_ut, j_iprestampoxan nabej w_uajnawes! Ja-am w_ut, Dios isaxael xabich pachaempox japonxotse xamalliajwa prestampoxanliajwa. Ja-am w_ut, me-ama Dios ath_urijin, pax_ulan s_uapich, kaenejchaxoelax, jachiyaxaelambej xamal. Dios isful pachaempoxan jiw babejchowliajwa. Asew jiw Dios

kajachawaechpibej, japi nejchaxoela-el Diosliajwa. Japi jiwliajwa, Dios is pachaempoxan.

³⁶ ¡Beltaem asew jiw! Me-ama nej-ax Dios puexa jiw beltaeful, ¡xamalbej ja-amsfulde!” —aech Jesús pejnachalaliajwa.

Jesús baxfiatpox pejnachala, japi jumchisamata: “Japi jiw babejchow xot, wewe’pas Dios kastikaliajwas” —chisamatapi

(Mt 7.1-5)

³⁷ Jesús pejme jum-aech pejnachalaliajwa: “¡Xamal asew jiwliajwa nabej jum-aeché: ‘Japi jiw babejchow’ —nabej aeche! Ja-am wut, Dios jumchiyaxil xamalliajwa: ‘Xamalbej babejchowam’ —chiyaxilon. ¡Nabej jum-aeché’bej asew jiwliajwa: ‘Japi wewe’pas Dios kastikaliajwas’ —nabej aeche’bej! Ja-am wut, Dios jumchiyaxilbej xamalliajwa: ‘Xamal wewe’p xan kastikaliajwan’ —chiyaxil Dios xamalliajwa. Asew jiw babijaxan is wut xamalliajwa, ¡beltaem! Ja-am wut, Diosbej xamal beltaeyaxael babijaxan isampoxanliajwa.

³⁸ Jiw wewe’pas wut, ¡chaxduim! Ja-am wut, Diosbej xamal chaxduiyaxael wewe’ppoxan. Asew jiw chaxduwam wut, Dios kaes pejme xamal chaxduiyaxael” —aech Jesús, pejnachala naewuajan wut.

³⁹ Jesús pejme jum-aech, pejnachala naewuajan wut: “Nakae-itliakla namaxalaeyaxil. Itliaklan asan makxafol wut, japi kolenje kaemuthadik natacholnaxaek.

⁴⁰ Estudiapon kaes pejme pachaema-el. Me-ama chanaekabuanaspon, jachi-elon. Pe asamatkoi, puexa matabijt wuton, japon najupaxael. Me-ama pejchanaekabuanan wut, jachiyaxaelon” —aech Jesús pejnachalaliajwa.

⁴¹ Do pejme Jesús jum-aech, naewuajan wut pejnachala: “Xamal najut kaes babijaxan isam wut, ¡xamal nabej naewuajne’, asan aton babijax is wut! Aton, asan kajachawaesasia wut, cha-aelaxach, ast it-okspon, japon pajutlax kaes pejme pinjiyax naetamat it-oks wut, jasoxtat japon aton asan aton kajachawaesaxil.

⁴² Xamal kaes babijaxan isam wut, ¡nabej jum-aeché’ asanliajwa: ‘Xam naewuajnaxaelen, babijax is-elaliajwam’ —nabej aeche’, naekichachajbapijnam wut! ¡Majt xamal kofim babijaxan isfulampoxan! Ja-am wut, pachaemaxael asan aton naewuajnalialiajwam japon kofsliajwa babijaxan ispoخان” —aech Jesús pejnachalaliajwa.

Pejbaech pachaem wut, matabijaspor japanae pachaempox

(Mt 7.17-20; 12.34-35)

⁴³ Jesús pejme naewuajan wut pejnachala, jum-aechon: “Pachaemnae naboet wut, pejbaechbej pachaem. Chaemilnae naboet wut, pejbaechbej chaemil.

⁴⁴ Kaenanala naebaechnaechan matabijas pejbaechtata. Na-e’naexot tus-el higobaech. Ja-aechbej uvadunanliajwa. Uvadunan chajalka-eli na-e’naexot.

⁴⁵ Ja-aechbej jiwliajwa. Aton, wepachaemspoxon pejnechaxoelax, japon aton naksiya pachaempoxan. Aton, wepachaema-esalpon pejnechaxoelax, japonlax naksiya babejjamechan. Japi kolenje japoxan naksiya, pejnechaxoelaxanxot nakolapoxan” —aech Jesús, naewuajan wut pejnachala.

Jesús naksiyapox kolebaliajwa

(Mt 7.24-27)

⁴⁶ Do jawut, Jesús pejme jum-aech, naewuajan wuton doce pejnachalaliajwa, asew jiwliajwabej: “Xamal naexasis-emil wut xan jum-anpox, ¿ma-aech xotkat najum-am: ‘Tajpaklon, tajpaklon’ —na-amkat?

⁴⁷ Xanlel fulaenpon, japon xan nanaewet. Nanaexasitbejpon xan jum-anpoxan. Xamal jumchiyaxaelen, achan kabuan-aech xanlel fulaenpon.

⁴⁸ Japon aton ba isan, kabuan-aech. Kowpon sat tinkxot ba isliajwa. Nosnaechan muthapon. Do jawux, pejba toet wut, pinamin pat wut, japaba taxu'palaxil, chiekal isas xot sat tinkxot.

⁴⁹ Xan jum-anpox jumtaenpon, pe naexasis-el wuton, japon aton, me-ama thaejtat ba ispon, kabuan-aechon. Nosnaechan muthapon thaejtat. Dolison pejba isax ketoet wut, pinamin wut, japaba chiekal juwal, jaxot thaejtkal xot. Samata, japaba chiekal toep" —aech Jesús, naewhajan wut doce pejnachalaliajwa, a sew jiwliajwabej.

7

Jesús boejthutpox soldawcapitán pamakan (Mt 8.5-13)

¹ Jesús buxtoet wut naewhajnax, fulaechon Capernaum paklowax poxade, doce pejnachala suapich.

² Capernaum paklowaxxot duk soldawcapitán, Roma gobiernoliajwa nabistpon. Japon capitán xabich nejxasink pamakan. Japon pamakan xabich bu'xaenk. Mox pawhajnapon tupaliajwa.

³ Japon capitán wultaen Jesús jiw boejthutpox. Samata, capitán to'a kaesapich judíos-ancianos japi buflaeliajwadin Jesús, boejthutsliajwapon capitán pamakan.

⁴ Dolisi, Jesúsxot pa'a wut, xabich taduti Jesús. Jum-aechi Jesúsliajwa:

—Tajpaklon, kijum-amse, capitán xabich pachaempon. Samata, xam nakfulaem xanal japon pejba poxade, japon pamakan boejthutsliajwam!

⁵ Japon capitán naknejxasink xatis judíos. Japonbej nawemot a sew jiw isliajwa xanal tajnaewhajnabaliajwa —aech judíos-ancianos Jesúsliajwa.

⁶ Do jawut, Jesús nakfol japi. Dolison, mox wutlejen capitán pejba pasliajwa, capitán to'a pejnachala japi bu'kakalnaliajwa Jesús. Do jawut, buxto'abejpon pejnachala japi jumchiliajwa Jesús: "Tajpaklon, xam kaes mox pasaximil tajcapitán pejba. Japon jum-aech: 'Xan kaes pachaema-enil Jesús pasliajwa tajba, japon kaes pejme paklon xot.

⁷ Samata, xan tajut fulae-enil wuljaesliajwan Jesús. jJaxotde nej nawiaspon! jNej jum-aechapon tamakanliajwa, japon boejthutlaliajwas! Ja-aech wut, tamakan naweboejthutlaxaes.

⁸ Xanbej tajpaklochow. Japi naketo'a wut, xan ow-an. Xanbej soldawcapitánan. Kaen to'ax wut, japon na-ow-aech. Asan lax wut, japon fulaen. Tamakan keto'ax wut, japox chiekal jinawe-ispon. Jesúsbej tato'lan. Jum-aech wuton tamakanliajwa, tamakan chiekal boejthutlaxaes' —aech soldawcapitán, xanal nabuxto'a wut xam jumchiliajwan" —aech soldawcapitán pejnachala Jesús jumtaeliajwa.

⁹ Jesús japox jumtaen wut, capitán jumxato'apox, japonliajwa xabich nejchaxoelanukon, xabich xanaboejtas xot. Do jawut, Jesús natfo'cha wut, natachaemton jiw fulafospilel. Do jawut, jum-aechon japiliajwa:

—Diachwhajnakolax xamal jum-an. Israel tuajnxot aton tae-enil, xan xabich naxanaboejtpon, me-ama japon aton, jason —aech Jesús soldawcapitánliajwa, jumtaeliajwa fulafospipon.

¹⁰ Jawut capitán to'asi nawia capitán pejba poxade. Pa'a wut, taenlisi capitán pamakan chiekal boejthutspox.

Jesús mat-etpox pamal naetupspow paxulan, pejme dukaliajwa

¹¹ Asamatkoi Jesús fulaech wut Naín paklowax poxade, pejnachala nakfol-spon.

¹² Paklowax mox itwefol wuti, Jesús taen, asew jiw patupan muthsliajwa chaxfol wuti paklowax tathoetlel. Patupan pen, pamal naetupspow. Japow kaen paxulan tupon. Xabich jiw, Naín paklowaxpijiw, fulchalas.

¹³ Jesús japow taen wut, beltaenpon. Do jawut, jum-aechon japowliajwa:

—¡Nabej wunoe! —aech Jesús.

¹⁴ Japox jum-aech wut, Jesús mox soepan patupanxot. Do jawut, Jesús camilla takuksaba wut, patupan chaxfoli chaxnuiljaba. Do jawut, Jesús jum-aech patupanliajwa:

—Pansian, xan jum-an xamliajwa: ‘¡Mat-e'e pejme dukaliajwam!’ —an xan —aech Jesús.

¹⁵ Do jawut, patupan chalechkal mat-et. Mat-et wut, naksiyalison. Do jawut, Jesús jum-aech japon penliajwa:

—Ma naxulan —aech Jesús.

¹⁶ Jiw japox taen wut, puexa xabich belwanapi. Jum-aechnapí:

—Dios xabich mamnik. Xajup puexa isliajwa. Poklaprofetakolan patlison xatisxot. Dios fuloek kajachawaesliajwa pejiw —aechnapí Jesúsliajwa.

¹⁷ Xabich jiw, Judea tujnupijiw, mox duilibej Judea tujnuxot, japi wultaena Jesús patupan mat-etpox.

Juan, jiw bautisan, japon to'apox kolenje pejnachalan Jesús poxade (Mt 11.2-19)

¹⁸ Juan, jiw bautisan, jiw jebatat jias wut, pejnachala chapaeflas Jesús isfulpoxanliajwa. Asamatkoi Juan wullala kolenje pejnachalan, japi to'aliajwapon Jesús poxade.

¹⁹ Juan japi buxto'aliajwa wut, jum-aechon: “Jesús wujnachaemtam wut, jum-amopon: ‘¿Xamkatlap diachwujnakolax Cristowam, jumduchponam puexa jiw bu'welíajwam? Xam Cristowa-emil wut, ¿xanalkat kaes wujnawesaxaelen asan pasaxaelpon?’ —amo Jesús!” —aech Juan, buxto'a wut kolenje pejnachalan.

²⁰ Juan pejnachala pat wut Jesúsxot, jum-aechi ampox:

—Juan, jiw bautisan, xanal nabuxto'a xam wujnachaemsliajwan. ¿Xamkatlap diachwujnakolax Cristowam, Dios jumduchponam puexa jiw bu'welíajwam? Xam Cristowa-emil wut, ¿xanalkat kaes wujnawesaxaelen, pasaxaelpon? —aech Juan pejnachala Jesúsliajwa.

²¹ Do jawut, japi pejwujnalel Jesús xabich jiw bu'xaeya boejthut, bu'xaenki nejmachwaxaetat. Jiw, pejmatpuxatanxot dep webaespi, to'apon dep nakolaliajwa jaxot. Boejthutbejpon xabich itliakla japi taeliajwa.

²² Do jawut, Jesús jum-aech Juan pejnachalaliajwa:

—¡Xabua'de! ¡Nawem Juan poxade! Juanxot patam wut, ¡Juan chapaem koechaxan taenamproxan, wultaenamproxanbej! Juan chapaeyam wut, jum-amo: ‘Itliakla chiekal taen. Nabejkabej chiekal laelp. Piach lerawaxaetat bu'xaenkpibej, japi chiekal boejthuls. Naetakatabej chiekal jumtaen. Patupabej mat-ias pejme duilaliajwa’ —amo Juan, chapaeyam wut! ¡Chapaembejpon naewujnaxpoxan kejila, japibej naexaxisliajwa, Dios bu'welíajwasbejpi babijaxan ispoxanliajwa!

²³ Juan chapaeyam wutbej, jum-amopon: ‘Nejmach-aton chiekal naxan-aboejsful wut, nanaexaxisful wutbejpon xan Cristowanponan, japon aton nejchachaemlafulaxael’ —amo Juan, chapaeyam wut! —aech Jesús Juan pejnachalaliajwa.

²⁴ Do jawux, Juan pejnachala nawia Juan poxade. Nawia wuti, jawut, Jesús tuadut jiw jumchiliajwa Juanliajwa. Jum-aechon: “Juan, jiw bautisan, pajilaxxot duk wut, xamal fulaemch japoxade. Fulae-emil taeliajwam muifurtuat joewa ju'baspox.

²⁵ Xamal fulaemildebej taeliajwam kaen aton chamoeyaxan naxoelpon. Xamal chiekal matabijam, chimianaxoeipi duila-el pajilaxtat. Jiw chimi-anaxoeipi duil chimiabachantat. Japi duil paklochow pejbachantat.

²⁶ Xamallax fulaemch taeliajwam profeta. Diachwajnakolax jum-an. Xamal Juan taenam wut, taenam poklaprofetakolan.

²⁷ Dios pejjamechan, chajia lelsxot, jum-aech Dios najum-aechpox xanliajwa, Juan isaxaelpoxliajwa: ‘Wua, xam wujna tajprofeta to'axaelen japon jiw naewujnafulaliajwa tajjamechan, xam patam wut jiw chiekal naexasisliajwa xam’ —aech chajia lelsxot Dios najum-aechpox xanliajwa, Juan isaxaelpoxliajwa.

²⁸ Kaes pejme pachaempi, profetas, ajil, me-ama Juan, jiw bautisan, jasi. Pe nakiowa, Diosxotse wut, jaxotse japi jiw puexa chiekal isful Dios nejxasinkpoxan. Japi kaes pejme pachaemaxael Dios pejwujnalel. Me-ama Juan ampathatat, jachiyaxili” —aech Jesús.

²⁹ Xabich jiw jumtaen Juan naewujjanpox. Impuesto mat-omwujjoewbej jumtaen. Japi naexasit wut, Juan japi jiw bautisa, japi matabija xot Dios xabich pachaempon.

³⁰ Fariseos, judíos chanaekabuanapibej, naekuanjiamt Juan naewujjanpox. Isfula-eli Dios nejxasinkpox. Samata, Juan japi jiw bautisael.

³¹⁻³² Do pejme Jesús jum-aech jiwliajwa: “Ampamatkoiyantat jiw duilpi ampathatat, japi jiw, me-ama yamxi wut, ja-aechi, kaenejchaxoelaxa-el xot. Me-ama yamxi chalak paklowaxplazaxot nakakujsliajwa, ja-aech japi jiw. Yamxi chalak wut, pejnachala suapich, nakaewa najum-aechi: ‘Xanal toela nababax xamal nababoelaliajwam. Pe xamal nababoela-emil, jumtaenam wut toela. Xanal jajui jajuwxbey xamal noeliajwam. Pe xamal noe-emil, jumtaenam wut’ —na-aech nakaewa yamxi, nalot wut plazaxot.

³³ Juan, jiw bautisan, japon ampathatat wut, Dios pejjamechan naewujnafulon. Xabich piach naxae-elon, Dios kawujnaliajwa wut. Vino fe-elbejpon. Ja-aech wut, xamal jum-am: ‘Juan dep webaes pejmatruatxot’ —amsfulam.

³⁴ Do jawux, xan, puexa jiw pakoewkolnan, fulaenx. Xanlax puexa xaelx. Puexa afxbej. Ja-an wut, xamal jum-ambej xanliajwa: ‘Japon xabich xae-maenk. Femaenkbejpon vino. Pejnachala babejchowbej. Pejnachalabej impuesto mat-omwujjoew Roma gobiernoliajwa’ —am xamal xanliajwa.

³⁵ Pelax jiw matabijasiapi Dios, japi naexasisful Juan jum-aechpoxan, xan jum-anpoxanbej. Japi matabijaxael diachwajnakolaxpox Juanliajwa, xanliajwabej” —aech Jesús jiw naewetiliajwa.

Jesús taduchpox xaeliajwa fariseo pejbatat

³⁶ Fariseo-aton, pawalpon Simón, japon tadut Jesús xaeliajwa japon pejbatat. Samata, Jesús fulaech japon pejba poxade xaeliajwa, japon suapich. Jesús pat wut, ekon mesaxot.

³⁷ Japapaklowaxxot pawis duk. Japow asew poejiw bu'moejtpow plata kanaliajwa. Japow wultaen Jesús xaeyaxaelpox Simón pejbatat. Samata, japow fulaech japaba poxade Jesús taeliajwa. Japow xapat perjumamint alabastro-ia' batiajtat, chiekal wulukat.

³⁸ Dolisow, brixtat nuk Jesús pejtʉaktabijla, Jesús chafanaliajwas perjumamint. Japox isliajwa wʉt, chalechkal noeyax tʉadutow, xabich nejxaejwas xot babijaxan ispoxanliajwa. Pej-itmin natacholan Jesús pejtʉaktamet. Do jawʉt, pejmatlatat Jesús tʉaktamejoeipow. Tʉaktamesuwpow Jesús. Japaperjumamintat chafanpow Jesús pejtʉaktame.

³⁹ Simón, japon tadʉtpon Jesús xaeliajwa, taen wʉton japox, nejchaxoelon Jesúsliajwa: “Diachwʉajnakolax ampon profeta wʉt, matabijsaxaelon, achaow japow pawis. Matabijsaxaelbejpon japow babejowpow” —aech Simón, nejchaxoel wʉt Jesúsliajwa.

⁴⁰ Simón japox nejchaxoel wʉt, Jesús jum-aech:

—Simón, xam asax jumchisian —aech Jesús.

Simón jumnot wʉt, jum-aechon:

—Jiw chanaekabʉanan, jum-amde najumchisiampox! —aechon.

⁴¹ Do jawʉt, Jesús jum-aech:

—Plata prestapijin, kolenje aton plata dewataspon. Kaen dewatas quinientos denarios. Asan dewataspon cincuenta denarios.

⁴² Japi kolenje plata kejl wewiasliajwapi prestaspon. Samata, prestapijin jum-aech japijiajwa: ‘Xamal nadewatampoxan xan kaes matomwʉljoeyaxinil’ —aechon. Japox jum-aech wʉt, ¿achankat japi kolenjexot kaes pejme nejxasinkaxaes? —aech Jesús Simónliajwa.

⁴³ Simón jumnot wʉt, jum-aechon:

—Kaes dewatpon, japon kaes nejxasinkaxaes —aech Simón Jesúsliajwa.

Do jawʉt, Jesús jum-aech:

—Diachwʉajnakolax xam chiekal xatbijam —aech Jesús Simónliajwa.

⁴⁴ Do jawʉt, Jesús natachaemt wʉt pawis, pejme jum-aechon Simónliajwa:

—Xam taenam pawis ispox. Nejba lowx wʉt, nachaxdus-emil min xan tajtʉak kiasliajwan, me-ama xatis wajkabʉan. Ampow pawislax natʉakkiat pej-itmintat. Natʉakmo'tbejpow pejmatlatat.

⁴⁵ Nejba patx wʉt, naxusui-emil chiekal nabʉ'kulsliajwam. Ampow pawislax, xan ba lowx wʉt, natʉaksuw, nasitaen xotow.

⁴⁶ Chiekal nabʉ'kulsliajwam, xan namatnaechafana-emil olivosimint. Ampowlax perjumamint natʉakchafan.

⁴⁷ Samata, jum-an: “Japow babijaxan ispoxanliajwa, wexabichaspoxan, beltaens, xabich xan nanejxasink xotow” —an xan. Jiw kaesʉapich babijaxan ispoxanliajwa beltaens wʉt, japi kaesʉapich itpaeyaxael pejnejasiyax Diosliajwa —aech Jesús Simónliajwa.

⁴⁸ Do jawʉt, Jesús jum-aech japowliajwa:

—Xam babijaxan isampoxanliajwa xan beltaenx —aech Jesús.

⁴⁹ Asew jiw tadʉtaspi xaeliajwa Simón pejbatat, japi nakaewa nakawʉajnachaemt wʉt, jum-aechi:

—¿Achankat ampon hasta jiw babijaxan ispoxan beltaeliajwa? —na-aechi nakaewa.

⁵⁰ Jesús jum-aech pawisliajwa:

—Xabich naxanaboejtam xot, Dios xam bu'wia nejbabijaxan. Samata, jxabʉa'de nejmach! —aech Jesús.

8

Watho' kajachawaetpox Jesús

¹ Jesús Simón pejbaxot wʉt, japoxwʉx, mathʉnlison xabich paklowaxan, cha-aelpaklowaxanbej. Jesús japapaklowaxanpijiw naewʉajnafʉl

chimiaw_uajan, Dios puexa pejiw tato'laxaelw_uajan. Doce apóstolespi, japi chala Jesús.

² Chalasbejpon asew watho'. Japi watho' majt pejmatp_uatantat dep webaesi. Jesús chajia dep to'a nakolaliajwa japi watho'xot. Japi watho'xot, Jesús boejthutbej, chajia majt b_u'xaenk w_uti. Japixot, kaeow paw_ul María. Japow Magdala paklowaxpijow. Japow majt pejmatp_uatantat siete dep webaes. Jesús dep to'a nakolaliajwa japow pejmatp_uatxot.

³ Jaxotbej asaow. Japow paw_ul Juana. Japow Cuza pijow. Japon Cuza, rey Herodes pejba tataeflan. Jaxotbej asaow. Japow paw_ul Susana. Jaxotbej kaes asew watho'. Japi watho' pejewtat kajachawaeti Jesús, pejnachalabej.

Trigo pejw_uajan, xasaljabapon
(Mt 13.1-23; Mr 4.1-20)

⁴ Xabich paklowaxanpijiw f_ulaen Jesús taeliajwa. Samata, xabich jiw natameja Jesúsxot. Jesús naew_uajan w_ut, w_uajantat j_um-aechon:

⁵ “Kaen aton f_ulaech pejlul poxade, trigo xasaljabaliajwa. Xasaljaba w_ut, kaes_uapich natacholan n_uamtat. Dolisdo', jiw xaxena w_ut, japi trigo sae'enas. Do jaw_ux, japafu mia xaes.

⁶ Kaes_uapich trigo natacholan ia'xot. Jaxot as xanaja'al. Do jaw_ux, japi trigo naboela w_ut, xabich masxaenk w_utbej, japi trigo masxae selnas, sat chiekal pesnika-el xotdik.

⁷ Kaes_uapich trigo natacholan na-e'l_u tasiaptasxot. Japi trigo naboela w_ut, jaw_utbej, na-e'l_u naboela. Na-e'l_u tapae-el trigo ti'sax, na-e'l_u kaes ath_u xot.

⁸ Asew trigo natacholan sat pachaemxot. Japi trigo chiekal naboela. Ti't w_ut, trigoton chiekal naboet. Trigoton naboet w_ut, kaenan_ula hasta cien trigo naboet” —aech Jesús.

Jesús japox j_um-aech w_ut, pinjametat j_um-aechon: “Xamal matabijasiam w_ut Dios pejnejchaxoelax, ¡chiekal nanaewe'e xan j_um-anpox!” —aech Jesús.

Ma-aech xot Jesús xabich naew_uajan w_uajantat
(Mt 13.10-17; Mr 4.10-12)

⁹ Pejnachala, japi w_uajnachamt Jesús, chiekal matabijasia xoti, achax chiyaxael japox w_uajan, Jesús naew_uajanpox.

¹⁰ Do jaw_ut, Jesús j_um-aech chiekal chanaekab_uanaliajwapon pejnachala: “Dios xamal tapaei matabijaliajwam Dios tato'laxaelpox pejiw. Asew jiw naew_uaj_nax w_ut w_uajantat, j_umtaeni. Pe japi matabijaxil, achax chiyaxael japox w_uajan. Taen w_uti koechaxan isxprovan, japi matabijaxil, ma-aech xot xan japoxan isx” —aech Jesús pejnachalaliajwa.

Jesús chiekal chanaekab_uanapox trigo pejw_uajan, xasaljabapon
(Mt 13.18-23; Mr 4.13-20)

¹¹ Do pejme Jesús j_um-aech pejnachalaliajwa: “Amw_ut xamal chiekal chanaekab_uanaxaelen trigo xasaljabapon pejw_uajan. Japon aton, trigo xasaljaba satat. Japaw_uajantat ‘Trigo’ —aech w_ut, japox j_umchiliajwa: ‘Dios pejjamechan jiw naew_uaj_naspo x j_umtaeliajwa, naexaxisliajwabejpi pejnejchaxoelaxantat’ —chiliajwa japox.

¹² ‘Trigo, natacholanpi n_uamtat’ —aech w_ut, japox j_umchiliajwa: ‘Dios pejjamechan jiw naew_uaj_nas w_ut, japajamechan j_umtaeni, do jaw_ut, kamta nejkiowbejpi j_umtaenpoxan. Do jaw_utbej, Satanás pat japi jiw_uxot, japon, me-ama mia, Dios pejjamechan wenosliajwas jiw pejnejchaxoelaxanxot. Samata, japi jiw Dios pejjamechan chiekal naexaxisaxil Dios b_u'wel_uiajwas’ —chiliajwa japox.

13 ‘Trigo, natacholanpi ia'xot’ –aech wut, japox jumchiliajwa: ‘Jiw Dios pejjamechan jumtaen wut, japi jiw kamta naexasiti. Ja-aech wut, japi jiw nejchachaemil kaematkoiliajwa. Do jawux, Dios naexasit xoti, asey jiw bu'wujajanpaeispi. O, chaemilpox wetapachpi. Do jawut, japi kaes Dios xanaboeja-el. Samata, me-ama trigotathin kasnika-el wut, naboes-el, ja-aechlap-is japi jiw. Do jawut, Dios pejjamechan naexasitpox kofapi’ –chiliajwa japox.

14 ‘Trigo, natacholanpi na-e'lu tasiaptasxot’ –aech wut, japox jumchiliajwa: ‘Jiw Dios pejjamechan jumtaen wut, kamta naexasiti. Do jawux, kofalisi, asaxan matakas xot pejnejachaxoelaxan, xabich nejchaxoel xotbej ampathat-pijaxankal. Nejchaxoelbejpi xabich kemaenkaliajwa. Nejchaxoelbejpi isfulaliajwa pajut nejxasinkpoxan. Samata, pejxanaboejaxan Diosliajwa kaesfulaxil’ –chiliajwa japox.

15 ‘Trigo, natacholanpi sat pachaemxot’ –aech wut, japox jumchiliajwa: ‘Jiw jumtaen wut Dios pejjamechan, japi jiw chiekal naexasisful naewujajnaspox. Kofa-eli naexasisfulpox. Ja-aech wut, japi chiekal Dios xanaboejaful wut, me-ama trigoton xabich naboeti, ja-aech japi jiw’ –chiliajwa japox” –aech Jesús, chiekal chanaekabuaana wut pejnachala.

*Lámpara pejwujajan
(Mr 4.21-25)*

16 Do pejme Jesús jum-aech pejnachalaliajwa: “Jiw lámpara tamdut wut, asaxtat matakasaxil. Cha-esaxilbej camabuxfaltat. Jiw lax athu cha-esaxael bamuaxnaetat, batu chiekal itliakaliajwa, lalenapi chiekal taeliajwa.

17 Ja-aechbej tajnaewujajnaaxliajwa. Puexa japoxan, moechaspoxan, asamatkoi tulaelaxaesi. Puexa tajnaewujajnaax, amwutjel matabija-esalproxfik, asamatkoi japoxan chiekal matabijaxaes” –aech Jesús pejnachalaliajwa.

18 Do pejme Jesús jum-aech pejnachalaliajwa: “¡Chiekal naewe'e xan jum-anpox! Tejew chiekal nawetataefulpon, japon aton kaes pejme chaxdusaxaelen. Asanlax chiekal nawetataefla-elpon tejew, kaesupich nawetataefulpox, kefisaxaeson” –aech Jesús pejnachalaliajwa.

*Jesús pen, japon pakoewbej, japi nospaesiapox, Jesús supich
(Mt 12.46-50; Mr 3.31-35)*

19 Do jawut, Jesús pen, japon pakoewbej, mox pa'an Jesús naewujajanxot jiw. Pe japi leyaxil kaes mox pasliajwadin Jesúsxot, xabich wujajna jiw ba wulak xot.

20 Do jawut, batutat aton jum-aech Jesúsliajwa:

–Jiw chanaekabuaanan, nej-en, nakoewbej, pa'an. Japi nuil tathoetat. Xam taesiapi –aechon.

21 Do jawut, Jesús jum-aech jaxotiliajwa:

–Jiw jumtaenpi Dios pejjamechan, naexasit wutbejpi, japi jiw, me-ama taj-en, takoewbej, ja-aechi –aech Jesús.

*Jesús fiatpox joewa, truxanbej
(Mt 8.23-27; Mr 4.35-41)*

22 Asamatkoi Jesús jum-aech:

–¡Chijias puka we-enlelde! –aechon.

Do jawut, Jesús jul falkam, pejnachala supich. Jawut chaflaechlisi.

23 Pukatutat chafol wuti, Jesús nejmach moejt. Ja-aech wut, chalechkal xabich pinajoewa, pintruxanbej, pat. Falkamtu xabich min fajabas. Samata, xabich chachoel, chabu'laxael xoti.

24 Jawut japi thikapí Jesús. Jum-aechipon:

—Tajpaklon, ¡nathikde! —aechi.

Do jawut, Jesús nant wut, fiatlison joewa, truxanbej. Fiat wut, joewa chiekal toep, truxanbej. Jawut puka chiekal itnapatan.

²⁵ Do jawut, Jesús jum-aech pejnachalaliajwa:

—¿Amekat xamal xan naxanaboejampox? —aech Jesús.

Do jawut, puexa xabich belwanapi. Xabich nejchaxoelanuilbejpi. Samata, nakaewa najum-aechi:

—¿Achankat ampon aton? Joewa, pukabej, fiat wut, ¡naexasichpon! —na-aechi nakaewa.

*Jesús to'apox dep nakolaliajwa aton pejmatpumatxot
(Mt 8.28-34; Mr 5.1-20)*

²⁶ Jesús, pejnachala suapich, puka we-enlelde chapa'a Gerasa tuajnutaxotde. Gerasa tuajnu Galilea tuajnutabijla.

²⁷ Itjul wuti, Jesús putat nant wut, kaen aton japatuajnutapijin fulaen Jesúsleldin. Japon aton pejmatpumatxot dep webaes. Piach bu'jumchalaejapon. Duka-el batat. Japon duk tupi muthasxot.

²⁸ Jesúsxot pat wuton, japon nuk brixtat Jesús pejwujnalel. Nejlat wut, jum-aechon:

—Jesús, ¡Dios athupijin paxulan! ¿Achaxasiamkat xanxot? ¡Xam jum-an natalias-elaliajwam! —aech japon aton pejmatpumatxot webaespon dep.

²⁹ Dep webaespon japox jum-aech, Jesús to'a xot dep nakolaliajwa japon aton pejmatpumatxot. Japon aton xabich mamnik dep pijaxtat. Jesús pas-el wutfuk, pin-iaveces japon aton dep pijaxtat xabich chachoel jiwliajwa. Chalechkal japon aton, me-ama na-achanat wut, ja-aech xoton. Samata, jiw muxwasixawaekson cadenamumatat. Tuxakwasixawaeksbejpon, asewjw chiekal tataeflaliajwas. Jasoxtat japon xawaeks wut, cadenamu likton. Ja-aech wut, dep pijaxtat najaeton pajilax poxade.

³⁰ Jesús wujnachaemt wut dep webaespon, jum-aechon:

—¿Achawulamkat xam? —aech Jesús.

Japon jumnot wut, jum-aechon:

—Xan tawul Xabich —aechon.

Jasox japon aton jum-aech, pin-iat dep webaes xoton pejmatpumatxot.

³¹ Dep xabich jum-aech Jesús to'asamatas infierno poxadik.

³² Muxaxleltat pin-iat maran naxaelp. Samata, dep jum-aech Jesúsliajwa:

—Ampon atonxot nakolax nato'asiam wut, ¡natapaem xanal leliajwan maranxot! —aech dep Jesúsliajwa.

Do jawut, Jesús tapaei dep leliajwa maran pejmatpumatxot.

³³ Dolisdo', Jesús to'a dep nakolaliajwa japon aton pejmatpumatxot. Jawut dep low maranxot. Do jawut, japi maran dukp chatadik, puka poxadik. Jaxotdik puexa maran chiekal bu'al.

³⁴ Do jawutbej, maran tataefulpi japox taen wut, pejléwt dukpi pejpaklowax poxade chapaeliajwapi taenpox. Do jawut, chapaeilisi japapaklowax-pijiw, mox duilpibej.

³⁵ Do jawut, jiw fulaen pajut chiekal taeliajwa jumtaenpox. Pat wut Jesúsxot, taenlisi japon aton, ek wuton Jesús pejwujnalel, dep wejisal xotlison. Bu'la-eklison naxoelax. Chiekal pachaemlison. Fulaenpi japox taen wut, xabich beljowpi Jesúsliajwa.

³⁶ Taenpi Jesús ispox japon aton chiekal pachaemaliajwa, japi chapaei taenpox fulaeniliajwa.

³⁷ Do jawux, puexa Gerasa tujnupijiw xabich jum-aechi Jesús chijiyaliajwa japixot, xabich pejlwla xoti Jesúsliajwa. Samata, Jesús falkam jul chijiyaliajwa japatujnuxot.

³⁸ Do jawut, majt dep webaeson, xabich kawuajan nakfulaeliajwapon Jesús. Pe Jesús tapae-el japon aton nakfulaeliajwas. Jesús to'a japon aton namanaliajwa pejtujnuxot. Jum-aechon:

³⁹ —¡Nawiamach nejba poxade! ¡Nejjiw chapaem puexa Dios ispox xamliajwa! —aech Jesús.

Doliso', majt dep webaeson, fulaechlison pejba poxade. Puexa paklowax-pijiw chapaefullison Jesús ispox japonliajwa.

Amxot jum-aechox Jesús pawis boejthutpoxliajwa, asaow patupow matpoxbejliajwa, pejme dukaliajwaporow
(Mt 9.18-26; Mr 5.21-43)

⁴⁰ Jesús Gerasa tujnulel nawian wut puka we-enleldin, xabich jiw wujnawechpon. Xabich nejchachaemili, Jesús taen wut.

⁴¹ Jawut Jairo pat Jesúsxot. Japon judíos naewuajnabaxot tato'lan. Jairo taen wut Jesús, brixtat nukon Jesús pejwujnalel. Sat makxabijindikbejpon. Jawut Jairo jum-aech Jesúsliajwa:

—Xam tadutx nakfulaeliajwam tajba poxade.

⁴² Taxulow, kaekolowpow, doce waechanpow, mox pawujna tupaliajwa — aech Jairo Jesúsliajwa.

Do jawut, Jesús nakfol wut Jairo, jiw xabich pin-iat nakfolbej. Jiw xabichful Jesús pejwujnalel, wuchakallelbej. Natabe'nafuli.

⁴³ Japi jiwxot kaeow pawis wuchakal fol. Japow bu'xaenk. Pejlaw wut, jal chiekal wematduka-esal. Doce waechan japow jasoxtat bu'xaenkpox. Xabich jiw woew wualachipow. Pe chinax kaen boejthus-esal japow. Xadaertow puexa pejew plata nawoeyaxtat.

⁴⁴ Japow Jesús wuchakallel moxdepow. Do jawut, Jesús sumta-otox matdukafalprox jajastow. Jawut japow kamta chiekal boejthuls. Jalbej chiekal matduk.

⁴⁵ Do jawut, Jesús wujnachaemt wut, jum-aechon:

—¿Achankat xan najajast? —aechon.

Jawut puexa jiw jum-aechna:

—¡Xanalxot xam jacha-enil! —aechi.

Jawut Pedro jum-aech:

—Tajpaklon, xam jiw xabich tabe'naful, nakfol xoti —aech Pedro.

⁴⁶ Do pejme Jesús jum-aech:

—Kaendo' najajast. Xan chiekal matabijtax kaen boejthutxprox —aech Jesús jiwliajwa.

⁴⁷ Japow nejchaxoel: “Jesús matabijt xan naboejthutx. Samata, xan nawoesa tulaela jumchiyaxaelen” —aechow, nejchaxoel wut. Do jawut, japow tathulal pejlwut. Jawut brixtat nukow Jesús pejwujnalel. Jawutbej puexa jiw pejwujnalel chapaeipow, ma-aech xot jajastow Jesús. Chapaeibejpow chiekal boejthulsox, jajast wutow Jesús naxoelprox.

⁴⁸ Jesús jum-aech japowliajwa:

—Jam, amwutjel xam chiekal pachaemam, xan chiekal naxanaboejtam xot. ¡Xabua'de nejmach! —aech Jesús.

⁴⁹ Jesús naksiya wutfak, Jairo pamakan pat Jesúsxot. Japon jum-aech Jairo jumtaeliajwa:

—Naxulow tujplisow. Samata, ¡nabej talias jiw chanaekabuanan, nejba poxade nakfulaesamata! —aech Jairo pamakan.

⁵⁰ Jesús jumtaen wut Jairo pamakan jum-aechpox, naekuanjiamton. Samata, Jesús jum-aech Jairoliajwa:

—¡Nabej nejlewlé' naxulow tæppoxliajwa! ¡Dioskal xanaboejde! Naxulow Dios mat-esaxaes pejme dukaliajwa —aech Jesús.

⁵¹ Jesús nakpat wut Jairo pejbaxot, tapae-elon asew jiw leliajwa. Jawut tapaeipon leliajwa Pedro, Santiago, Juan, Jairo, japon pijowbej. Japikal tapaeis leliajwa.

⁵² Wujajna tathoetlel puexa jiw xabich wunow. Do jawut, Jesús jum-aech wunowpiliajwa:

—¡Kaes nabej wunoe'! Japow tæpa-el. Japow moejt —aech Jesús.

⁵³ Japi japox jumtaen wut, xafafoli. Jawut Jesús bu'wujajnapaeis. Japi chiekal matabija, japow diachwujajnakolax chiekal tæp.

⁵⁴ Batutat wut, Jesús patæpow kefit. Do jawut, pinjametat jum-aechon patæpowliajwa:

—Jam, jmat-e'e pejme dukaliajwam! —aechon.

⁵⁵ Jesús japox jum-aech wut, patæpow mat-et pejme dukaliajwa. Jawutlejen mat-ekchapow. Do jawut, nantlisow. Jesús to'a naxaeyax chaxdusliajwaspow.

⁵⁶ Japow pax, penbej, japox taen wut, xabich nejchaxoelanuili.

Jesús jum-aech japiliajwa:

—¡Ampox asew jiw xamal nabej chapae', xan isxpox! —aech Jesús.

9

Jesús to'apox pejnachala japi naewujajnalialjwa Dios tato'laxaelpox jiw am-pathatat

(Mt 10.5-15; Mr 6.7-13)

¹ Jesús la doce pejnachala, japi fulaeliajwadin japonlel. Pejnachala japonxot wut, Jesús jum-aech:

—Xamal xabu'kulam wut jiw, dep webaespi pejmatræatantat, xan tajaxtat xajæpaxaelam dep nakolax to'aliajwam. Xajæpaxaelambej boejthæsliajwam jiw bu'xæya.

² Samata, xamal to'ax jiw naewujajnalialjwam Dios puexa pejjiw tato'laxaelpox. Boejthæsxæaelambej bu'xæya.

³ Folam wut jiw naewujajnalialjwam, ¡nabej xalæ' nejkilachalanaeyan! ¡Nabej xalæ'bej choxan, naxaeyaxan, platabej! Mado' itæakxajøelam, ¡do japoxkal tæaklafulæm! Jachiyæaelambej naxoelaxliajwa. Mado' inaxøelam, ¡do japoxkal bu'lafulæm!

⁴ Xamal paklowax patam wut, ¡kæebaxot duilde, jiw naewujajnalialjwam japapaklowaxpijw! Asapaklowaxlel fulaeliajwam wut, do jawut, ¡japabaxot nakolim!

⁵ Asapaklowaxpijw xamal bu'kula-elasia wut, ¡japapaklowaxxot chijiamde fulaeliajwam asapaklowax poxade! Jawut, ¡nejtæakxajøe jolde lalialjwam as natacholnalialjwa! Jasoxtat japi jiw pajut matabijæael babijax ispox Diosliajwa, xamal bu'kula-el xoti —aech Jesús pejnachalialjwa.

⁶ Do jawut, Jesús pejnachala follisi asatæajnanchan poxade. Naewujajnafullisi Dios pejjamechan japatæajnanchanpijw bu'welialjwas Dios. Boejthæsfulbejpi bu'xæya.

Rey Herodes matabijs-elpox, achan Jesús

(Mt 14.1-12; Mr 6.14-29)

⁷ Rey Herodes, Galilea tæajnapijw tato'lan, wultaen Jesús isfulpoxan. Pe matabijs-elon, achan Jesús. Wultaenbejpon, asew jiw jum-aech wut

Jesúsliajwa: “Japon Juan, jiw bautisan, mat-echpon pejme dukaliajwa” —aech wut jiw Jesúsliajwa.

⁸ Herodes wultaenbej, a sew jiw jum-aech wut Jesúsliajwa: “Japon profeta Elías, majt laejapon. Amwutjel japon mat-ech pejme dukaliajwa” —aech wut jiw Jesúsliajwa. Wultaenbejpon, a sew jiw jum-aech wut Jesúsliajwa: “Profetas, majt laelpi, japixot kaen mat-echpon pejme duk” —aech wut jiw Jesúsliajwa.

⁹ Ja-aech wut, Herodes Juanliajwa jum-aech:

—Xan tajut tajsoldaw majt keto'ax Juan taxtasiapchaliajwas tupaliajwapon. Samata, zachankat japon aton, jumtaeflaxpon, jiw jum-aechful wut japon xabich ispoxanliajwa? —aech Herodes.

Samata, Herodes xabich taesiapon Jesús.

*Jesús naxaeyaxan chaxduwpox cinco mil poejiw
(Mt 14.13-21; Mr 6.30-44; Jn 6.1-14)*

¹⁰ Jesús pejnachala, japi apóstolespi, naewhajanafulpox baxtoet wut, nawenlisi Jesúslel. Japi natameja, pat wut Jesúsxot. Japi chapaei Jesús puexa ispoxanliajwa. Do jawut, Jesús bu'fol pejnachala Betsaida paklowax poxade, japikal tamachaliajwa.

¹¹ Jesús bu'fol wut pejnachala, xabich jiw faltaenson. Samata, japi jiw wuchakal fol. Pat wuti Jesúsxot, Jesús japi jiw chiekal bu'kula. Naewhajanbejpon Dios puexa pejiw tato'laxaelpox. Boejthutbejpon jiw bu'xaeya.

¹² Tuila wut, Jesús mox soepas pejnachala, japi docepi. Jawut jum-aechi Jesúsliajwa:

—Amxot tujnuchan ajil. Amxotbej ajil naxaeyaxan. Samata, jampi jiw jum-amde mox tujnuchan poxade naxaeyaxan wuajsliajwa, moejsliajwabejpi! —aech apóstoles Jesúsliajwa.

¹³ Jesús jumnot wut, jum-aechon:

—Xamal najut chaxduim naxaeyaxan ampi jiw! —aechon.

Japi jumnot wut, jum-aechi:

—Xanalxot asbuan jumch cinco pan, kolenje baxinbej. Xamkat xanal nato'asiam naxaeyaxan wuajsliajwan puexa ampi jiw xaelliajwa? —aech Jesús pejnachala.

¹⁴ Jesúsxot patpi, me-ama cinco mil poejiw. (Watho', yamxi suapich, xajui-esal.) Do jawut, Jesús jum-aech pejnachalaliajwa:

—Xaenanula pejmutan suapich, nej chalake cincuenta jiw! —aech Jesús pejnachalaliajwa.

¹⁵ Jesús pejnachala jasox is. Jiw chalakax to'a wuti, puexa jiw chiekal chalak.

¹⁶ Do jawut, Jesús chafit cinco pan, kolenje baxinbej. Athu natachaemse wut, Jesús Dios kawhajan wut, gracias-aechon japapanesliajwa, kolenje baxinliajwabej. Jawut jalkafulon panes, baxibej. Jalkaful wut, chaxduifulon pejnachala sasliajwa, puexa jiw xaeliajwa.

¹⁷ Do jawut, puexa jiw chiekal xael. Chiekal nafniapi. Xaeyax chiekal kaechatoel wut, Jesús pejnachala matpirantat jia namapi. Jawut wulupi doce matpiran namapi, baxitoerow, pan malsibej.

*Pedro jum-aechpox Jesúsliajwa: “Xam Cristowam, Dios to'asponam”
(Mt 16.13-20; Mr 8.27-30)*

¹⁸ Asamatkoi, Jesús Dios kawhajan wut, jaxotbej pejnachala. Jawut wuajnachaemt wut, jum-aechon pejnachalaliajwa:

—Xachan na-aechkat jiw xanliajwa? —aech Jesús.

¹⁹ Japi jumnot wut, jum-aechi:

—Asew jiw jum-aech xamliajwa: ‘Juan, jiw bautisan, mat-echpon pejme duk’ —aech jiw. Asew jiw jum-aechbej xamliajwa: ‘Japon Elías, Dios pe-jprofeta, mat-echpon pejme duk’ —aech asew jiw. Asew jiw jum-aechbej xamliajwa: ‘Dios pe-jprofetas t̄api, japixot kaen mat-echpon pejme duk’ —aech asew jiw —aech Jesús pejnachala Jesúsliajwa.

²⁰ Do jawut, Jesús pejme w̄ajnachamt wut, jum-aechon pejnachalaliajwa: —¿Xamallax, achan na-amkat? —aech Jesús.

Do jawut, Pedro jumnot wut, jum-aechon:

—Xam Cristowam, Dios to'asponam jiw b̄weliawam —aech Pedro Jesúsliajwa.

*Jesús jum-aechpox, japon t̄apaxaelpoxliajwa
(Mt 16.21-28; Mr 8.31-9.1)*

²¹ Jesús nejth̄u'axtat b̄x̄fiat wut pejnachala, jum-aechon:

—¡Nabej chapae' asew jiw xan Cristowanponan!

²² Xan puexa jiw pakoewkolnan xabich nabijasaxaelen. Japamatkoi judíos-ancianos, sacerdotespaklochowbej, judíos chanaekab̄anapibej, najumchiyaxael xanliajwa: ‘Japon Cristowa-el, Dios to'aspona-el’ —nachiyaxaeli. Samata, japi naboesaxael. Xan naboesa wuti, tres matkoi wut, Dios namat-esaxael pejme dukaliajwan —aech Jesús, jum-aech wut pejnachalaliajwa.

²³ Do jawut, Jesús puexa jiwliajwa jum-aech:

—Xamal tajnachalwasiam wut, ¡najut isaxaelampoxan nejkiowde! ¡Isfuldelax kaematkoisful xan tato'laxpoxan! Bej nabijasaxaelambej asew jiw pijaxtat. Xamal bej beyaxaelbejpi, tajnachalwam xot. Japoxan ja-aech wut, ¡xamal nakiowa naxanaboejafalde!

²⁴ Xamal isfulam wut ampathatat najut nejxasinkampoxan, asamatkoi t̄apam wut, duilaximil Diosxotse. Kofam wutlax najut isfulampoxan ampathatat, isfulam wutlax xan tato'laxpoxan, asamatkoi t̄apam wut, ja-am wut, pomatkoicha Diosxotse duilaxaelam.

²⁵ Xamal isfulam wut najut nejxasinkpoxan, xamal napelsaxaelam Diosxot. Xamal xabich wutbej nejew ampathatat, japoxan omjil xamal duilaliajwam Diosxotse.

²⁶ Xamal nadala wut xanliajwa, tajnaew̄ajnaxanliajwabej, xanbej, puexa jiw pakoewkolnan, tadalaxael xamalliajwa. Xanbej jachiyaxaelen xamalliajwa, pejme fuloekx wut, kaxaxoekan wut ampathatlalsik taj-ax Dios pej-itliakaxtat, taj-ax Dios pej-ángeloes pej-itliakaxtatbej.

²⁷ Diachw̄ajnakolax jum-an. Asew xamalxot, pejpat̄apax w̄ajna, japi jiw t̄ayaxael Dios puexa pejjiw tato'laxaelpox —aech Jesús jiwliajwa.

*Jesús xabich chaponanakthianpox Dios pijaxtat
(Mt 17.1-8; Mr 9.2-8)*

²⁸ Do jawut, ocho matkoiyan xent wut Jesús jum-aechpox, jawut Jesús b̄'julach Pedro, Santiago, Juan, pinam̄ax poxase, Jesús Dios kaw̄ajnalialjwa.

²⁹ Jesús kaw̄ajan wut Dios, pejxu xabich itliak Dios pijaxtat. Naxoelox xabich papoeikolax nadofapox. Xabich itliakbejpox.

³⁰ Do jawut, chalechkal natulaela kolenje aton. Japi, Jesús s̄apich, nospaei. Chalechkal kolenje natulaelapi, kaen Moisés, asan Elías.

³¹ Natulaelapi masajiach Dios pej-itliakax. Japi nospaei wut, Jesús s̄apich, naksiyapi Jesús nabijasaxaelpox Jerusalén paklowaxxot, japon t̄apaxaelpoxliawabej.

³² Pedro, a sew Jesús pejnachala s̄apich, xabich itmoejslapi. Pe moejs-eli. Do jawut, taenlisi, Jesús xabich itliak wut Dios pijaxtat. Taenbejpi kolenje aton, nuil wut Jesúsxot.

³³ Kolenje natulaelapi chijiyaliajwa wut, Pedro jum-aech Jesúsliajwa:

–Tajpaklon, pachaem, xanal amxotan wut. Xam nejxasinkam wut, xanal isaxaelen tres bua-at xamalliajwa. Kaeyax xamliajwa. Asabua-at Moisésliajwa. Asabua-at Elíasliajwabej –aech Pedro.

Pedro japox jum-aech matabijs-elaxtat.

³⁴ Pedro naksiya wutfuk, itloejen fuloek japi matwuaajasik. Do ja-aech wut, Jesús pejnachala xabich pejlewla.

³⁵ Do jawut, itloejentutat Dios jum-aechsik: “Amponlap taxulan, makafitxon. ¡Japon chiekal naewesfulde!” –aech Dios.

³⁶ Dios buxtoet wut naksiyapox, Jesús pejnachala taenpi jaxotse Jesús tamachpox. Jesús pejnachala chinax kaen aton japamatkoiyantat chapae-eli taenpox muaxxotse.

*Jesús nakolsax to'apox dep yamxulan pejmatpuaatxot
(Mt 17.14-21; Mr 9.14-29)*

³⁷ Do jawux, kandiawa wut, Jesús pejnachala s̄apich, baloek muaxxotsik, Dios naksiyaxot. Jawut xabich jiw fulaen bu'kakulnaliajwapi Jesús.

³⁸ Japi jiwxot, kaen aton jum-aech pinjametat Jesúsliajwa:

–Tajpaklon, ¡nabeltaem! ¡Taem taxulan! Japon xabich kaekolan.

³⁹ Taxulan dep pijaxtat nejlaton. Chalechkal xabich wawua'tason. Wawua'tas wut, satat jixadapson. Do jawut, kaechwathuamapon. Xabich nabijaton dep pijaxtat. Dep nasiownik taxulan pejmatpuaatxot.

⁴⁰ Xan jum-an nejnachala, namapi amxot, japi to'aliajwa dep nakolsax. Pe japi xajupa-el dep nakolsax to'aliajwapi dep –aech japon aton.

⁴¹ Do jawut, Jesús jum-aech pejnachalaliajwa:

–Xamal tajnachala, Dios chiekal xanaboeja-emilfuk. Nejnejchaxoelaxan chiekla-elbej. Xabich pin-iamatkoiyen xamalxotx. Xabich pin-iamatkoiyen naewuajnafulaxbej. Kajachawaetxbej Dios chiekal xanaboejalijwam. Pe xamalfuk Dios chiekal xanaboeja-emil –aech Jesús pejnachalaliajwa.

Do jawut, Jesús jum-aech yamxulan paxliajwa:

–¡Buflaemen naxulan xanlel! –aech Jesús.

⁴² Paxulan bu'pat wuton Jesúsxot, japon yamxulan pejme xadapson dep satat. Xabich wawua'tasbejpon. Jawut Jesús dep nakolsax to'a. Dep nakolt wut, yamxulan chiekal pachaemlison. Jawut Jesús buflaech yamxulan paxpoxade.

⁴³ Do jawut, puexa jiw nejchaxoelanuili, taen wuti Jesús ispox Dios pijaxtat.

*Jesús pejme jum-aechpox pejpatpaxliajwa
(Mt 17.22-23; Mr 9.30-32)*

Puexa jiw nejchaxoelanuil wutfuk Jesús ispoxliajwa Dios pijaxtat, Jesús jum-aech pejnachalaliajwa:

⁴⁴ –¡Chiekal najumtaem jumchiyaxaelenpox! ¡Nabej nejkiowe'! Xan, puexa jiw pakoewkolnan, asan nawiasaxael tadaelmajiwxot –aech Jesús, jum-aech wut japoxliajwa.

⁴⁵ Jesús pejnachala matabija-el Jesús jum-aechpox, Dios tapae-esal xoti matabijaliajwa. Jesús pejnachala buxdala kaes wuajnachae msliajwapi Jesús, chanaekabu analiajwasbejpi.

*Achan kaes paklonaxaelpox Diosxotse
(Mt 18.1-5; Mr 9.33-37)*

⁴⁶ Asamatkoi Jesús pejnachala najum-aechi: “¿Achankat xatisxot kaes pejme paklonaxael?” —na-aechi.

⁴⁷ Jesús matabijt pejnachala nakaewa najum-aechpox. Samata, Jesús yamxulan la fulaeliajwadin. Do jawut, yamxulan notlison pejfuletlel, pejnachala pejwujnalelbej.

⁴⁸ Do jawut, Jesús jum-aech pejnachalaliajwa:

—Xamal bu'kalam wut yamxi xan tajaxtat, me-ama ampon yamxulan, jam wut, xanbej nabu'kaltam. Xan nabu'kaltam wut, Diosbej bu'kaltam, xan nato'apon. Xamalxot kaen jum-aech wut: ‘Xan pejme kaes omjinil. Me-ama asew jiw, jachi-enil’ —aech wuton, japon aton Diosxotse kaes pejme paklonaxael —aech Jesús pejnachalaliajwa.

Is-elpi chaemilpox Jesúsliajwa, japi me-ama kajachawaetpox Jesús pijax naewujnajax

(Mr 9.38-40)

⁴⁹ Jesús pejnachalan, pawlpon Juan, japon jum-aech Jesúsliajwa:

—Jiw chanaekabunan, xanal aton taenx, xam nijaxtat to'a wut dep nakolaliajwa jiw pejmatpuxatanxot. Samata, xanal japon aton fiatx japox kofsliajwa. Japon wajmutpijna-el —aech Juan Jesúsliajwa.

⁵⁰ Jesús jumnot wut, jum-aechon:

—Japon japox is wut, ¡nej ispon japox! ¡Nabej fias! Jiw babijaxan is-elpi xatisliajwa, japi, me-ama xatis kajachawaet wajnaewujnajax —aech Jesús pejnachalaliajwa.

Jesús buxfiatpox Santiago, Juan suapich

⁵¹ Jesús pejmatkoi mox pawujajna wut athu poxaliajwase, fulaechon Jerusalén paklowax poxade, pejnachala suapich. Jesús pejlewla-el Jerusalén paklowax pasliajwa.

⁵² Samata, kolenje pejnachalan to'apon wujnade, asatujnu poxade, Samaria tujnulel, jaxotde bapijin kawujnalialjwapi Jesús jaxot namanaliajwa kaematkoiliajwa.

⁵³ Samaria tujnupijiw chiekal matabija Jesús fulaeyaxaechpox Jerusalén paklowax poxade. Samata, Samaria tujnupijiw nejxasinka-el Jesús pasliajwa japi pejtujnuxot.

⁵⁴ Kolenje Jesús pejnachalan, japon Santiago, Juan suapich, japox jumtaen wut, jum-aechi Jesúsliajwa:

—Tajpaklon, ¿xamkat nejxasinkam, xanal Dios kawujnajax wut wuljoeliajwan, Dios to'aliajwa jit athulelsik, japatujnupijiw toejwaliajwas? —aech Santiago, Juan suapich.

⁵⁵ Jesús japox jumtaen wut, japi jum-aechpox, kaxa kawulel natfo'chapon. Jawut pejnachala buxfiaton kaes japox jumchisamatapi.

⁵⁶ Do jawux Jesús fulaech, pejnachala suapich, asatujnu poxade.

Asew jiw, naknanamsasiapox Jesús

(Mt 8.19-22)

⁵⁷ Jesús, pejnachala suapich, asew jiw suapichbej, nuamtat fol wut, kaen aton jum-aech japixot:

—Jiw chanaekabunan, xan nakfulaesian xam, nanuamtam wut nejmachatujnuchan poxade —aechon.

⁵⁸ Do jawut, Jesús jum-aech:

—Lam pejmuthan moejsliajwa. Miabej pejfenan. Xanlax, puexa jiw pakoewkolnan, tajbakolax ajil damlathulaliajwan —aech Jesús.

⁵⁹ Jesús jum-aechbej asan atonliajwa:

—¡Xan nakfulaem! —aechon.

Japon aton jumnot wut, jum-aechon:

—Tajpaklon, taj-ax xabich pati'in. Taj-ax tɔp wut, do jawut, xam nakfulaeyaxaelen naknanuamsliajwan —aech japon aton Jesúsliajwa.

⁶⁰ Jesús jum-aech:

—Xan nanaexaxis-elpi, japi jiw Diosliajwa, me-ama patupa wut, ja-aechi. Japi muthaxael patupa. Nej-ax tɔp wut, japi muthsaxael. ¡Xamlax xan nakfulaem jiw naewuajnalijwam Dios puexa pejjiw tato'laxaelpox! —aech Jesús japon atonliajwa.

⁶¹ Asan aton jum-aechbej Jesúsliajwa:

—Tajpaklon, xan-is xam nakfulaesian. ¡Pe majt natapaem tajjiw kawuajnalijwan! Do jawux, xam nakfulaeyaxaelen —aechon Jesúsliajwa.

⁶² Jesús jumnot wut, jum-aechon japon atonliajwa:

—Aton nabist wut Diosliajwa, kaeyax nejchaxoelafula-el wuton, japon aton kaenejchaxoelaxa-el, Dios suapich. Samata, japon aton pachaema-el naewuajnalijwapon Dios puexa pejjiw tato'laxaelpox —aech Jesús.

10

Jesús asew pejnachala, setenta y dospi, to'apox jiw naewuajnalijwa

¹ Do jawux, Jesús kaes jiw makanot pejnachalalijwa, setenta y dos poejiw. Jawut Jesús japi poejiwxot, kaenanula kolenje wuajna to'apon. To'apon japi wuajna jiw naewuajnalijwa, puexa paklowaxanpijiw, puexa tuajnuhanpijiwbej, Jesús pasaxaelxot.

² Japi fulaelijwa wut, jum-aechon: “Diachwuajnakolax jum-an. Xabich jiw wuajnowet chimiawuajan jumtaelajwa. Me-ama trigo foel wut, xabich pachaemlisi jolalijwa, ja-aechbej amwutjel xabich jiw. Xamal kaesuapicham, Dios pejjamechan naewuajnampim. Samata, iwajpaklokolan Dios kawuajande japon to'aliajwa asew jiw, japibej Dios pejjamechan naewuajnafulalijwa asew jiw!

³ ¡Xabu'a'de xamal! Xamal folam wut xan tajaxtat, ¡chiekal taem, babejchow poxade to'ax xot! Me-ama pejmachoeff ovejalijwa chachael, jachiyaxaelbej xamallijwa, babejchowxotam wut.

⁴ Folam wut, ¡nabej xalae' choxan, plata, asew tuakxajoebej! Jiw xabu'kulam wut nuamtat, ¡piach nabej nuile' nospaelijwam, japi suapich! Ma ifulaemchdo', ¡do japapaklowax poxade fulaemch!

⁵ Ba lelijwam wut, ¡majt jum-amde japabapijiwliajwa: ‘¡Dios xamal nej kajachawaes chiekal duilalijwam!’ —amde japabapijiw!

⁶ Japi jiw chiekal duilasia wut, me-ama xamal jumchiyaxaelam, japi Dios kajachawaesaxaes chiekal duilalijwa. Pelax japi jiw nejwesla wut chiekal duilalijwa, japi chiekal duilaxil.

⁷ Tadut wuti xamal duilalijwam japi pejbaxot, ¡xamalfuk duilde japabaxot! ¡Nabej lalixle' asabachan poxade! Naxaeyaxan chaxduw wut, ¡xamal nejmach xaem! ¡Fembej! ¡Nabej nadale', naxaeyaxan chaxduw wuti! Aton nabist wut asanliajwa, japon moch. (Xamalbej Dios pejjamechan naewuajnafulam xot, jiw chaxduiyaxael naxaeyaxan xaelijwam xamal, nabistam xot Diosliajwa.)

⁸ Paklowax patam wut, xamal chiekal jiw bu'kula wut, japi jiw xamal naxaeyaxan chaxduw wutbej, ¡xamal xaem!

⁹ Japaklowaxxot bu'xaenki, ¡boejthu'e! ¡jum-amdebejpi: ‘Dios puexa pejjiw tato'laxaelmatkoi mox pawuajna’ —amde japi jiwliajwa!

10 Asapaklowax patam wut, japapaklowaxpijiw xamal bu'kula-el wut, ¡nuilde japapaklowaxthialaxxot! Do jawut, ¡japaklowaxpijiw jum-amde:

11 'Xanal tajtakxajoe jolx lulaliajwan as natacholnaliajwa. Jasox isx xamal najut chiekal matabijaliajwam babijax isampox Diosliajwa, xanal nabu'kula-emil xot naewhajnalialjwan Dios pejjamechan. ¡Chiekal nanaewe'e jumchiyaxaelenpox! Dios puexa pejjiw tato'laxaelmatkoi mox pawhajna' – amde japapaklowaxpijiwliajwa!

12 Diachwajnakolax xamal jum-an. Asamatkoi, kastikamatkoi wut, japapaklowaxpijiw xabich kaes pejme Dios kastikaxaespi. Me-ama Sodoma paklowaxpijiw kastikas wut, jachiyaxilon" – aech Jesús pejnachalaliajwa, setenta y dospiliajwa, wajna to'aliajwa wuton japi.

*Asapaklowaxanpijiw naexasis-elpox Jesús
(Mt 11.20-24)*

13 Jesús jum-aech Corazín paklowaxpijiwliajwa, Betsaida paklowaxpijiwliajwabej: "Corazín paklowaxpijwam, Betsaida paklowaxpijwambej, xamal xabich nabijasaxaelam, Dios xabich kastikaxael wut. Xan koechaxan isx wut xamalxot, xamal taenam, pe xamal naexasis-emil naewhajnax wut Dios pejjamechan. Japakoechaxan chajia isaxaelen wut Tiro paklowaxpijiwliajwa, Sidón paklowaxpijiwliajwabej, japoxan taeyaxael wuti, japi jiw naexasisaxael Dios pejjamechan. Ja-aech wut, kofaxaeli padujnejchaxoelaxan isfulaliajwa Dios nejxasinkpoxan. Ja-aech wutbej, naxoeyaxaeli papopa. Chalaxaelbejpi jitthumbaxot asew jiw matabijaliajwas xabich nejxaejwaspox babijaxan ispoxanliajwa.

14 Samata, Corazín paklowaxpijwam, Betsaida paklowaxpijwambej, Dios xabich kastikaxael xamal. Me-ama Tiro paklowaxpijiw, Sidón paklowaxpijiwbej, jachiyaxil, japapaklowaxanpijiw kastikas wuti Dios" – aech Jesús Corazín paklowaxpijiwliajwa, Betsaida paklowaxpijiwliajwabej.

15 Jesús jum-aechbej Capernaum paklowaxpijiwliajwa: "Capernaum paklowaxpijwam, xamal nejchaxoelam wut, jum-am: 'Dios nakbuflaeyaxael xatis atha poxase' – am xamal, nejchaxoelam wut. Pelax Dios xamal to'axael infierno poxadik, xan nanaexasis-emil xot" – aech Jesús Capernaum paklowaxpijiwliajwa.

16 Jesús jum-aech pejnachalaliajwa: "Xamal jiw naewhajnafulam wut, japi jiw xamal chiekal naewet wut, jawut xan nejchaxoelaxaelen japi jiwliajwa: 'Japi jiw xanbej chiekal nanaewet' – chiyaxaelen, nejchaxoelx wut japiliajwa. Asew jiw xamal naexasis-el wut, jawutbej xan nejchaxoelaxaelen japi jiwliajwa: 'Japi jiw xanbej nanaexasis-el' – chiyaxaelen, nejchaxoelx wut japiliajwa. Japi jiw xan nanaexasis-el wut, jawutbej taj-ax Dios nejchaxoelaxael japiliajwa: 'Japi jiw xanbej nanaexasis-el' – chiyaxael taj-ax Dios, nejchaxoel wut japi jiwliajwa" – aech Jesús pejnachalaliajwa.

Jesús pejnachala, setenta y dospi, kaxa pa'anpox Jesúsxot

17 Jesús pejnachala, setenta y dospi, naewhajjanpoxan baxtoet wuti puexa paklowaxanpijiw, puexa tujnuchanpijiwbej, do ja-aech wut, kaxa nawenlisi Jesúslel. Xabich nejchachaemali. Pat wuti Jesúsxot, puexa chiekal chapaeipi Jesús jumtaeliajwas:

– ¡Tajpaklon, xam nijaxtat xanal dep to'ax wut, kamta dep nakola jiw pejmatpumatxot! – aechi, Jesús chapaei wut.

18 Do jawut, Jesús jum-aech pejnachala, setenta y dospiliajwa:

– Diachwajnakolax xan taenx, Satanás jopik wut athaxotsik Dios pijaxtat. Me-ama chamax nakliafcha wut, ja-aechon, jopik wut.

¹⁹ Xan chaxdutex tajpamamax malechaliajwam Satanás. Samata, xamal nanuamtam wut jom, afubej. Xamal malecham wut Satanás, japon xajupaxil xamal tabejsliajwa.

²⁰ ¡Pe nabej nejchachaemle' dep kamta jiw pejmatpuatanxot nakolapoxliajwa, to'am wut! ¡Nejchachaemildelax nejwulan Diosxotse lelsopoxliajwa! —aech Jesús.

*Jesús xabich nejchachaemilpox
(Mt 11.25-27; 13.16-17)*

²¹ Do jawut, Jesús xabich nejchachaemil Espíritu Santo pijaxtat. Samata, Jesús jum-aech pax Diosliajwa: “Ax, xamlap kaenam paklonam athuxotse, ampathatlelbej. Xam xabich pachaemam. Xam kajachawaetam estuda-elpi, japi chiekal matabijaliajwa nejjamechan. Jasoxtat xam kajachawaetam jiw, nejxasinkam xot. Asew jiwlix, xabich matabijapi, japi jiw japoxan matabijaxil. Diachwujnakolax jasox ja-am, xam nejxasinkam xot” —aech Jesús pax Diosliajwa.

²² Do pejme Jesús jum-aech pejnachalaliajwa: “Xan taj-ax natapaei puexa matabijsliajwan. Pe jiw diachwujnakolax xan namatabija-el, achanan xan. Taj-ax, Dios, japon kaen chiekal xan namatabijt. Jiwbej matabija-el, achan taj-ax. Xan kaenan taj-ax chiekal matabijtax. Xan makanotxpikal, japikallax matabijaxael taj-ax. Japikal tapaeix matabijaliajwapi taj-ax Dios” —aech Jesús pejnachalaliajwa.

²³ Do jawut, Jesús natfo'cha wut, jum-aechon pejnachalalak: “Asew jiw, taenpi xamal amwutjel taenamproxan, japi jiwbej xabich nejchachaemlaxael.

²⁴ Diachwujnakolax xan jum-an. Xabich profetas, reyesbej, taesiapi xamal amwutjel taenampon, japon Mesías. Xanlap japonan. Profetas, reyesbej, xan natae-el, tuj xotlisi ampathatat xan pasax wujna. Xabich jumtaesiabejpi tajjamechan, amwutjel xamal jumtaenamproxan. Pe jumtaeli, tuj xotlisi” —aech Jesús pejnachalaliajwa.

Samaria tuajnpijin pejwujjan, japon pachaempon

²⁵ Judíos chanaekabuanan fulaen nospaeliajwa, Jesús suapich, xapaejsliajwabejpon Jesús. Xapaejsliajwa wut, jum-aechon:

—Jiw chanaekabuanan, ¿xan machiyaxaelenkat Dios nabu'welialjwa, Diosxotse pomatkoicha dukaliajwan? —aech, Jesús xapaejsliajwa wut.

²⁶ Jesús jumnot wut, jum-aechon:

—¿Achaxkat jum-aech Moisés chajia lelpox japoxliajwa? ¿Xaljowampox achax-aechbejkat? —aech Jesús.

²⁷ Judíos chanaekabuanan jumnot wut, jum-aechon:

—Moisés chajia lelpox jum-aech: ‘¡Nejxasinkde Dios, nejpaklokolan, puexa nejmatpuatat, puexa nejnejchaxoelaxtatbej! ¡Puexa nejpamamaxtatbej tanbichfulde, Dios nejxasinkam xot! ¡Nejxasinkdebej asew jiw! Me-ama xam najut nejxasinkam wut, ja-amde asew jiwliajwa!’ —aech Moisés chajia lelpox —aech judíos chanaekabuanan.

²⁸ Do pejme Jesús jum-aech judíos chanaekabuananliajwa:

—Pomatkoicha japoxan ja-am wut, pomatkoicha xam dukaxaelam Diosxotse —aech Jesús.

²⁹ Pe judíos chanaekabuanan nejxasink Jesús nejchaxoelaliajwa japonliajwa japon pachaempoxliajwa. Samata, jum-aechon:

—¿Masikat xan jiw nejxasinkaxaelen? —aechon.

³⁰ Jesús jumnot wut, ampawujantat jum-aechon:

—Kaen aton Jerusalén paklowaxxot nakolt fúlaeliajwa Jericó paklowax poxade. Nhamtat fol wut, kethaka jaeltason. Puexa pejew wenchpon. Bujolsbejpon. Do jawut, baeson. Jaxot bu'jumchawaelsnadoftipon paboejlan.

³¹ Do jawux, kaen sacerdote-aton fúlaen japanhamtadin. Taen wuton wujajna aton paboejlan okpox, asbuan jumch mox naejiaton xensliajwa. Do jawut, xenton.

³² Do jawux, sacerdotes kajachawaesan jaxot pat. Taen wuton wujajna aton nhamtat okpox, japonbej mox jiat xensliajwa. Do jawut, japon xent.

³³ “Do jawux, Samaria tujajnujijin fúlaen japanhamtadin. Fúlaen wut, taenpon aton wujajna nhamtat okpox. Japonlax beltaen japonliajwa.

³⁴ Do jawut, mox soepandepox okpon poxade. Do jawutbej, itfachan wuaron olivosimintat, vinotatbej. Itfachan xape'abejpon. Do jawut, pejburtat ossepon. Jaxotat bu'folon baespon kethaka. Do jawux, bu'paton nanhamtupi papatbatat. Jaxot chiekal tataefulpon japon aton.

³⁵ Do kandiawa wut, Samaria tujajnujijin jut kolefachan mosliajwapon bapijin. Jawut jum-aechon bapijinliajwa: ‘¡Ampon aton chiekal nawe-tataefulde xan tajwulela! Japon asaxan wewe'pas wut, xam wujajde japon atonliajwa! Jelow xan pejme kaxanax wut, xam mosaxaelen wujajtamprohan japonliajwa’ —aech Samaria tujajnujijin bapijinliajwa. Ma amxot toep, amprawujajan, xam naewujajna xawujajan.

³⁶ Tres poejiw taen kethaka baespon. ¿Masonkat tres poejiw xot nejxasink baespon? —aech Jesús judíos chanaekabuananliajwa.

³⁷ Judíos chanaekabuanan jumnot wut, jum-aechon:

—Beltaenpon kethaka baespon —aechon Jesús liajwa.

Jesús jumnot wut, jum-aechon:

—¡Xamlap-is ja-amde! ¡Nejmachjiw beltaem!” —aech Jesús.

Jesús patpox Marta pejbaxot

³⁸ Jesús nhamtat fol wut, pejnachala suapich, jawut paton chaelpaklowaxachxot. Japapaklowaxachxot Marta pejba ek. Jawut chiekal bu'kultow Jesús, japon pejnachalabej.

³⁹ Marta pakoewow pawul María. María mox ek Jesús pejwujajna lelel chiekal naewesliajwa Jesús naewujajnapox.

⁴⁰ Pelax Marta xabich xatsalt. Samata, Jesús xot mox wut, jum-aechow:

—Tajpaklon, ¿xamkat xanliajwa nejchaxoela-emil takoewow tamach nakixanchachaempox? ¡Takoewow to'im xan nakajachawaesliajwa! —aech Marta.

⁴¹ Jesús jumnot wut, jum-aechon:

—Marta, xam xabich nejchaxoelam isampoxanliajwa.

⁴² Xan naewujajnapox kaes pejme pachaem xamal naewesliajwam. María xan naewesful xot, kaes pachaempox naewesfulpow. Chinax kaen aton wefisaxisal japox —aech Jesús.

11

Jesús chanaekabuanapox pejnachala, jumchiyaxaeli, Dios kawujajan wut (Mt 6.9-15; 7.7-11)

¹ Jesús kaematkoisful Dios kawujajan. Asamatkoi, Dios kawujajna x buxtoet wut, kaen pejnachalan jum-aech Jesús liajwa:

—Tajpaklon, ¡xanal nachanaekabuanim Dios kawujajna x! Me-ama Juan, jiw bautisan, chanaekabuanim pejnachala Dios kawujajna liajwa, ¡xambej xanal nachanaekabuanim Dios kawujajna x! —aech Jesús pejnachalan.

² Do jawut, Jesús jum-aech pejnachalaliajwa:

—Xamal Dios kawuajnam wut, jum-amde:

‘Ax Dios, ipuexa jiw xam nej sitae!’ Puexa nejjiw tato'laxaelammatkoi, ijapamatkoi nej tuadus!

³ ¡Kaematkoisful nachaxduim naxaeyaxan, xanal nawewe'ppoxanliajwa!

⁴ ¡Xanal nabeltaem babijaxan isxpoxanliajwa! Me-ama xanal beltaenx, asew jiw babijaxan is wut xanalliajwa, ja-amdebej xanalliajwa! ¡Nabej tapae'bej Satanás xanal naxapaejalialjwa, xanal babijaxan isas- amatan!’ —amde, Dios kawuajnam wut! —aech Jesús pejnachalaliajwa.

⁵⁻⁷ Jesús pejme jum-aech:

—Xam nejnachalan pinmadoitat pat wut nejbaxot, jum-aech wuton: ‘¡Xan nachaxdu'e tres panes! Amwutjel tajnachalan pat tajbaxot. Tajbaxot ajil naxaeyax tajnachalan chaxdusliajwan’ —aech wuton xamliajwa, jawut jumchiyaxaelam batuxotdin: ‘¡Nabej natalias! Xanlis okx. Ba chiekal xatbe'tax. Tejew yamxi bu'okx. Samata, nansaxinil chaxdusliajwan nawuljowampox’ —chiyaxaelam batuxotdin.

⁸ Pe nejnachalan nakiowa wuljoeful wut, wuljoefulpox xam chaxdusaxaelam nejnachalan.

⁹ Samata, xamal jum-an amprox: ‘¡Wewe'ppoxan piach wuljoefulde Dios! Ja-amsfulam wut, Dios chaxdusaxaelbej xamal wuljoeflampox. Wulwekampoxbej faenaxaelam Dios pejkajachawaesaxtat. Dios kawuajnam wut kaematkoisful, japon xamal kajachawaesfulaxael. Ja-aech wut, me-ama Dios fafasaxael xamal leliajwam’ —an xan.

¹⁰ Piach wuljoefulpon wewe'pasproxan, japon aton Dios chaxdusaxaes. Piach wulwekafulponbej, japon aton faenaxael Dios pejkajachawaesaxtat. Bafafatat piach laefulpon, japon aton Dios wefafasaxaes —aech Jesús, pejnachala naewuajan wut Dios kawuajnalialjwapi.

¹¹ Jesús pejme jum-aech pejnachalaliajwa:

—Naxulan baxin wuljow wut, xamal naxi chaxduiyaximil jom.

¹² Naxulan kawaematabut wuljow wut, xamal naxi chaxduiyaximil afu.

¹³ Xamal babejchowam matabijam naxi chaxduiliajwam chamoeyaxan. Nej-ax Dios, athurijin, kaes pejme pachaem. Me-ama xamal jachi-elon. Samata, nej-ax Dios to'axoek Espíritu Santo xamal nejmatpuatanxotaliajwa, Dios kawuajnam wut —aech Jesús pejnachalaliajwa.

*Fariseos jum-aechpox Jesús pejpamamax, Satanás pejpamamax
(Mt 12.22-30; Mr 3.20-27)*

¹⁴ Aton naksiyaxilpon dep pijaxtat. Dolisdo', Jesús to'a dep nakolsliajwa japon aton pejmatpuatxot. Dep nakolt wut, do jawut japon aton naksiyax tuadutlison. Jiw japox taen wut, xabich nejchaxoelanuili.

¹⁵ Asew japixot, fariseos, jum-aechi Jesúsliajwa: “Jesús to'a wut dep nakolsliajwa aton pejmatpuatxot, Jesús to'a Satanás, dep pejpaklon pejpamamaxtat” —aechi.

¹⁶ Asew jiw jum-aechbej xapaejsliajwapi Jesús:

—¡Isde koechax xanal taeliajwan! —aechi.

¹⁷ Jesús matabijt japi nejchaxoelox. Samata, jum-aechon:

—Xan to'a-enil dep nakolaliajwa Satanás pejpamamaxtat. Kaetuajnuipijiw nadijakaxael wut nakaewa nabeliajwa, japi natoesaxael nabeyaxtat. Kaebapijiwbej nadijakaxael wut nakaewa nabeliajwa, japi natoesaxael nabeyaxtat.

¹⁸ Jachiyaxaelbej Satanás. Satanás, pejiw nadijkaxael wut nakaewa nabeliajwa, japi dep natoesaxael nabeyaxtat. Ja-aech wut, Satanás pejtato'lax toepaxael nabeyaxtat. Xamal japox jum-an, najum-am xot xanliajwa: 'Jesús to'a dep nakolaliajwa jiw pejmatpreatxot Satanás pejpamamaxtat' — na-am xot xanliajwa.

¹⁹ Ja-aech wut, zachan pejpamamaxtatkat nejnachalabej dep to'a nakolaliajwa jiw pejmatpreatxot? Xamal matabijam japi to'a-el Satanás pejpamamaxtat. Samata, xamal jum-ampox xanliajwa, japox diachwajnakolaxa-el.

²⁰ Xan to'ax Dios pejpamamaxtat dep nakolaliajwa jiw pejmatpreatxot. Ja-aech wut, diachwajnakolax xamalxot patliso, Dios puexa pejiw tato'laliajwapox — aech Jesús.

²¹ Do pejme Jesús jum-aech:

—Pamaman xawawet wuton kapetat pejbatat, asan aton wenosaxisal japon aton pejew.

²² Pe asan, kaes pamaman, fulaen wut, wajnapijin malechas wut, ja-aech wut, xawawetpox kefe'naxaeson. Ja-aech wutbej, japon pejew wenosaxaes wesasliajwas, asew jiw sapich — aech Jesús.

²³ Do pejme Jesús jum-aech:

—Xan nanejweslapi, japi jiw tadaelmajiw. Japi is-el xan nejxasinkaxpox. Japilax nawetabejt tajbichax — aech Jesús.

*Dep pejme kaxa nawia'angepox leliajwa aton pejmatpreatxot
(Mt 12.43-45)*

²⁴ Do pejme Jesús jum-aech:

—Dep nakolt wut aton pejmatpreatxot, dep nanamt pajilaxxot. Wulwekon asan aton pejmatpreat, jaxot low wut damlathulaliajwa. Faena-el wut, dep nejchaxoel wut, jum-aechon: 'Xan pejme nawiasaxaelen aton pejmatpreatxot, nakoltaxxot' — aech dep, nejchaxoel wut.

²⁵ Dolisdo', dep kaxadin wut, faenlison japon aton, majt nakoltxoton. Do jawut, dep pajut najum-aech japon atonliajwa: 'Asan dep le-elfak tajwalela. Samata, pachaem xan pejme leliajwan japon aton pejmatpreatxot' — aech dep, nejchaxoel wut.

²⁶ Do jawut, japon dep fulaechlison asew dep wuljaesliajwa. Faenon siete dep, japi dep kaes pejme chaemil. Me-ama dep matxoelapijin, jachi-el siete dep. Do jawut, puexa japi dep lowlisi japon aton pejmatpreatxot. Ja-aech wut, japon aton kaes pejme xabich nabijat. Me-ama majt, jachi-elon — aech Jesús.

Xabich nejchachaemlaxaelpox Dios pejjamechan naexasiti

²⁷ Jesús naksiya wutfuk depliajwa, naewetixot kaeow pawis nejlakcha wut, jum-aechow Jesús jumtaeliajwa:

—Pawis, xam faenpow, chaxti'apowbej xam ti'sliajwam, japow nej nejchachaemle' xamliajwa! — aechow.

²⁸ Pe jawut Jesús jum-aech:

—Xabich kaes pejme nejchachaemlaxael xan nanaeweti, japibej naexasiti wuti Dios pejjamechan — aech Jesús.

*Babejchow keto'apox Jesús koechax isliajwa
(Mt 12.38-42; 16.1-4; Mr 8.11-13)*

²⁹ Xabich jiw masajiati Jesús naewajanpox jumtaeliajwa. Samata, Jesús jum-aech japi jiw jumtaeliajwa: "Xamal laelpampim, babejchowam. Nato'am xan koechax isliajwan asbuan jumch xamal taeliajwam. Pe xamal pajelkoechax taeyaximil. Me-ama chajia Dios is profeta Jonásliajwa jiw pajut

matabijaliajwa japon Dios to'aspon, jasoxtatbej xamal matabijaxaelam, xan Dios nato'aponanpox.

³⁰ Dios chajia koechax is wut Jonásliajwa, Nínive paklowaxpijiw matabija. Jasoxtatbej xamal matabijaxaelam, Dios is wut koechax xanliajwa, jiw matabijaliajwa diachwujnakolax xan Dios nato'aponan puexa jiw pakoewkolnanliajwa, jiw bu'welialjan.

³¹ “Asamatkoi Dios puexa jiw kastikaxael, babijaxan ispi. Xamalbej Dios pejwujnalel nuilaxaelam kastikaliajwa. Japamatkoi Saba tuajupijiwpakokolow nukaxael Dios pejwujnalel japow xamal jumchiliajwa nejbu'wujjanpoxanliajwa, xan nanaexaxis-emil xot. Japow chajiakolaxtat xabich atuj fulaen rey Salomón pejmatabijsax pajut chiekal matabijsliajwapow. Xan kaes pejme pachaeman. Me-ama Salomón, jachi-enil. Xan naewujnax xamal matabijaliajwam Dios. Pe xamal naexaxis-emil.

³² Japamatkoi Nínive paklowaxpijiw nuilaxaelbej Dios pejwujnalel xamal jumchiliajwa babijaxan isampoxanliajwa, o, is-emil wut. Chajiakolaxtat japi naewujnas wut Jonás, japi kamta kofa babijaxan ispoxan isfulaliajwa Dios nejxasinkpoxan. Xan kaes pejme pachaeman. Me-ama Jonás, jachi-enil. Pelax xamal xan chiekal nanaewes-emil” —aech Jesús.

*Jiw pej-itfutan, me-ama lámpara wut, ja-aechpox
(Mt 5.15; 6.22-23)*

³³ Jesús jum-aech: “Jiw tamdut wut lámpara, asaxtat matakasaxil. Cha-esaxilbej cajónbuxfaltat. Jiw lax atha cha-esaxael lámpara bamuaxnaetat, batu chiekal itliakaliajwa, batu lalenapi chiekal taeliajwa. Jasoxtat xanbej moech-enil diachwujnakolaxpox Diosliajwa. Puexa chiekal tulaela itpaeix.

³⁴ Lámpara itliak batu puexa jiw chiekal taeliajwa. Ja-aechbej nej-itfutan. Xamal chiekal taenam, nej-itfutan chiekal pachaem xot. Nej-itfutan chaemil wut, chiekal taeyaximil. Me-ama itliaklan, jachiyaxaelam. Jachiyaxaelbej nejnejchaxoelaxan. Dios italiafa wut nejchaxoelaxan, chiekal pachaemaxael. Ja-am wut, naexaxisaxaelam Dios tato'alpox isfulaliajwam. Duilaxaelambej chiekal. Nejchaxoelaxan chiekal pachaema-el wut, naexaxisaximil Dios.

³⁵ Chiekal taem babijaxan isaxan nejchaxoelasamatam! Xamal nejchaxoelam wut babijaxan isaxan, ja-am wut, nejnejchaxoelaxan, me-ama itkuatnik wut, jachiyaxael. Ja-am wut, xamal naexaxisaximil xan naewujnaxpoxan.

³⁶ Dios italiafa wut nejnejchaxoelaxan, xamal isfulaxaelam Dios tato'alpoxan. Ja-am wut, nejnejchaxoelaxan chinax chaemilaxil. Me-ama lámpara itliak batutat, jachiyaxael nejnejchaxoelaxan” —aech Jesús.

*Jesús jum-aechpox jiw matabijaliajwa fariseos, judíos chanaekabuanapibej,
pejbu'wujjanpox*

(Mt 23.1-36; Mr 12.38-40; Lc 20.45-47)

³⁷ Jesús buxtoet wut, kaen fariseo taduton Jesús xaeliajwa japon pejbaxot. Do jawut, Jesús lech japon pejba poxade. Eklison mesaxot.

³⁸ Jesús xaeliajwa wut, majt xabich piach kekakias-elon. Fariseo japox taen wut, nejchachaemla-elon Jesúsliajwa.

³⁹ Jesús matabijt japon nejchaxoelox. Samata, Jesús jum-aech:

—Xamal fariseos xaeliajwam wut, majt xabich piach fuletlanan xabich kiatam taso, platfahanbej. Pelax patulelan kias-emil. Xamal fariseos, me-ama tasfahan, platfahanbej, xabich kiachpi, ja-am xamal. Xabich piach kekakiatam. Pelax nejnejchaxoelaxan, me-ama xabich as da'nik wut, ja-aech. Nejchaxoelambej nosliajwam asew jiw pejew. Isfulambej babijaxan.

⁴⁰ ¿Xamal nejiaklawam! ¿Matabija-emilkat Dios puexa ispox nejbʉ'anxot, isbejpon tathoetlel, fʉniachlelbej?

⁴¹ Samata, ¿isfulde pachaempoxan asew jiwliajwa! Ja-am wʉt, puexa jiw xamal matabijaxael nejnejchaxoelaxan, diachwʉajnakolax pachaempox – aech Jesús fariseosliajwa.

⁴² Do pejme Jesús jʉm-aech fariseosliajwa: “¿Puexa xamal, fariseos, Dios kastikaxael! Xamal xafolam ofrenda Dios chaxduiliajwam. Mʉthampi ti't wʉt, diajnam diez mʉaxtjeliajwa. Kaemʉaxt diajnam Dios chaxduiliajwam. Ja-ambej, menta-ʉafliajwa. Asew mʉthampibej Dios chaxduwam kaesʉapich. Japoxan isfulam wʉt, pachaem. Pe kaeyax wewe'pʉak xamal isliajwam. Is-emil pachaempoxan asew jiwliajwa. Dios chiekal nejxasinka-emilbej. Japox koloeyax xamalliajwa we'pʉak” – aech Jesús fariseosliajwa.

⁴³ Do pejme Jesús jʉm-aech: “Puexa xamal fariseos, Dios kastikaxael, xabich nejxasinkam xot jiw jʉmchiliajwa: ‘Fariseos diachwʉajnakolax paklochow’ –chiliajwa jiw xamalliajwa. Xamal judíos naewʉajnaba poxamich wʉt, tʉa-ekaxan itfetambej chalakaliajwam japoxantat, kaes paklochow chalakaliajwapoxan puexa jiw pejwʉajnalel. Xamal jiw moi-aech wʉt paklowaxthialaxanxot, nejxasinkam jiw moichiliajwa sitaeyaxtat. Samata, Dios kastikaxael xamal” – aech Jesús.

⁴⁴ Do pejme Jesús jʉm-aech fariseosliajwa: “¿Puexa xamal fariseos Dios kastikaxael! Xamal, me-ama patʉpamʉthan, marka-esalpi, jaxot jiw nejmach sae'an, matabija-el xot, xamallap-is ja-am. Jiw xamal taen wʉt, me-ama pachaemam wʉt, jakabʉan-am. Pelax nejnejchaxoelaxan xabich chaemil” – aech Jesús.

⁴⁵ Judíos chanaekabʉanapixot kaen jʉm-aech Jesúsliajwa:

–Jiw chanaekabʉanan, xam japox jʉm-am wʉt, jʉm-am xanalliajwa – aechon.

⁴⁶ Jesús jʉm-aech judíos chanaekabʉanapiliajwa:

–¿Puexa xamal judíos chanaekabʉanapijwam, Dios kastikaxael xamal! Jiw naewʉajnam wʉt, xabich naewʉajnam japi jiw xabich kaes naexasisliajwa xamal naewʉajnampoxan. Pe japi jiw xajʉpa-el puexa japoxan naexasisliajwa. Chinax kajachawaes-emilbej japi jiw naexasisliajwa naewʉajnampoxan – aech Jesús judíos chanaekabʉanapiliajwa.

⁴⁷ Do pejme Jesús jʉm-aech judíos chanaekabʉanapiliajwa: “Judíos chanaekabʉanapijwam, ¿puexa xamal Dios kastikaxael! Nejwʉajnapijiw ampathatat laelp wʉt, japi ba Dios pejprofetas. Japi profetas pejmʉthanmatwʉajtat xamal ampamatkoian isam cha-aelbax itpaeliajwam nejsitaeyax japi profetasliajwa.

⁴⁸ Pe japabax isam wʉt, itpaeyam xamal kaenejchaxoelaxampox, nejwʉajnapijiw sʉapich. Nejwʉajnapijiw ba Dios pejprofetas. Xamal amwʉtjel cha-aelbax isam japi profetas pejmʉthanxot.

⁴⁹ “Japoxliajwa Dios chajia jʉm-aech matabijsaxtat: ‘Xan to'axaelen profetas, apóstolesbej, judíosliajwa. Xan japi to'ax wʉt, asew japixot beyaxaes. Asew japixot dukp wʉt, nakiowa chakifʉlaeyaxaes’ – aech Dios, jʉm-aech wʉt japiliajwa.

⁵⁰ Puexa profetas, baespi nejwʉajnapijiw pijaxtat, puexa japoxan pijaxtat, xamal, amwʉtjel laelpampimʉak, Dios kastikaxael.

⁵¹ Abel matxoela boesas pakoewan. Do baxael, xabich asew profetasbej beflas kaenanʉla nejwʉajnapijiw pijaxtat. Do baxael, Zacaríasbej boesas. Nejwʉajnapijiw boesa wʉti Zacarías, Dios pejtemplobafʉlmaktutat boe-

saspon, mox altar nukxot. Puexa profetas, baespi nejw_uajnapijiw pijaxtat, japoxliajwa ampamatkoiyantat xamal laelpampimfuk, Dios kastikaxael.

⁵² “iPuexa xamal, judíos chanaekab_uanapijwam, Dios kastikaxael! Xamal nejchaxoelam w_ut, nejchaxoelam: ‘Xatis chiekal matabijas Dios pejjamechan’ —am xamal, nejchaxoelam w_ut. Pe nakiowa, chiekal matabijam-emil. Jiw naew_uajnam w_ut, naew_uajnam asaw_uajantat, Dios pejjamechan-elpoxantat. Samata, me-ama jiw bafafa xawaet w_ut, asew jiw lesamata, ja-ambej xamal Dios pejjamechanliajwa jiw naexasisasamata. Ja-am xot, jiw pasasiapi Diosxotse, xamal tapae-emil, naew_uajnam xot asaw_uajantat. Xamalbej najut nejxasinka-emil pasliajwam Diosxotse” —aech Jesús judíos chanaekab_uanapiliajwa.

⁵³ Japoxan Jesús jum-aech w_ut, judíos chanaekab_uanapi, fariseosbej, xabich palalapi Jesúsliajwa. Samata, xabich w_uajnachae_umsfulisi taliasliajwapi Jesús.

⁵⁴ Ja-aechi, w_uajnachae_umsful w_ut. Japi asb_uan jumch w_uajnawet jumtaeliajwa Jesús jum-aech w_ut babejjamechan Diosliajwa, japoxtat japi tasalaliajwa Jesús pejb_uw_uajanpoxliajwa.

12

Fariseos fiatpox, japi pajut ispoxan, asew jiw isasamata (Mt 10.26-27)

¹ Xabich jiw pin-iakola natameja Jesúsxot. Samata, nakaewa natabe'naful. Natuaksae'anbejpi. Jesús matxoelajum-aech pejnachalaliajwa: “iXamal chiekal taem fariseos chanaekab_uanapoxanliajwa, xamal naekichachajbasamatapi! Fariseos asew jiw fiat japi pajut ispoxan, jiw isasamata.

² Moechaspoxan asamatkoi tulaelaxaes. Maliach jum-aechpoxanbej, asamatkoi puexa jiw tulaela jumtaeyaxael.

³ Madoi jum-ampoxan maliach, o, batutat nuthaklajametat jum-ampoxan, japoxanbej asamatkoi asew jiw tulaela chiekal jumtaeyaxael” —aech Jesús, pejnachala naew_uajan w_ut.

Jesús naew_uajanpox pejnachala, achanliajwa japi pejlowlaxael (Mt 10.26-31)

⁴ Jesús pejme jum-aech pejnachalaliajwa: “Xamal tajnachala, jum-an am-pox. iXamal nabej nejlewlle' beyaxaelpi xamal! Xamal ba w_uti, japi kaes machiyaxil xamalliajwa, isliajwa kaes wejisal xot.

⁵ Pelax xamal sitaeyaxaelam Dios, japon to'axael xot nej-aelan inferno poxadik” —aech Jesús.

⁶ Do pejme Jesús jum-aech pejnachalaliajwa: “Cinco mia mowas kolekafefliajwa. Ja-aech, japi mia omjil xotlejen. Pe ja-aech w_ut, Dios chinax kaen mianxot nejkiowaxil chiekal tataeflaliajwa.

⁷ Dios kaes pejme nejxasink xamal. Me-ama mia nejxasink w_ut, jachiel, Dios nejxasink w_ut xamalliajwa. Dios matabijtbej mass_uapich nejmatla kaenan_ula xamalxot. Samata, iXamal nabej nejlewlle'! Xamal xabich kaes pejme ommaenkam. Me-ama mia pin-iat, jachi-emil” —aech Jesús pejnachalaliajwa.

Jesús pejw_uajan naexasiti, japi jumchiyaxaelpox Jesús pejjiwpi (Mt 10.32-33; 12.32; 10.19-20)

⁸ Do pejme Jesús jum-aech pejnachalaliajwa: “Xamal jum-an am-pox. Japi jum-aechpi jiw pejw_uajnalel: ‘Xanal Jesús pejnachalwan’ —aech w_uti, japi tajnachalaxael. Xanbej, puexa jiw pakoewkolnan, jumchiyaxaelen japi

jiwliajwa: ‘Ampi tajnachala’ –chiyaxaelen Dios pej-ángeles pejuajnalel Diosxotse.

⁹ Asew jiw lax jum-aechpi asew jiw pejuajnalel: ‘Xanal Jesús pejnachalal enil’ –aech wut, xanbej jumchiyaxaelen japiliajwa: ‘Ampi jiw tajnachalal el’ –chiyaxaelen Dios pej-ángeles pejuajnalel Diosxotse” –aech Jesús pejnachalalialjwa.

¹⁰ Do pejme Jesús jum-aech pejnachalalialjwa: “Jiw jum-aech wut babejjamechan xanliajwa, xan puexa jiw pakoewkolnanliajwa, japi Dios kawhajan wut beltaeyaxaesi japoxliajwa. Pelax jiw jum-aech wut babejjamechan Espíritu Santoliajwa, japi jiw beltaeyaxisal Dios” –aech Jesús pejnachalalialjwa.

¹¹ Do pejme Jesús jum-aech pejnachalalialjwa: “Xamal buflaeyaxaeli judíos naewhajnabachan poxade, paklochow poxadebej. Ja-aech wut, inabej nejchaxoele’ jumchiyaxaelampoxan, jumnosliajwam wut paklochow!”

¹² Xamal paklochowxotam wut, jawut chiekal matabijaxaelam Espíritu Santo pijaxtat jumnosliajwam japi paklochow” –aech Jesús pejnachalalialjwa.

Jesús naewhajanpox jiw nejchaxoelasamata kemaeyaxliajwa

¹³ Jiw natamejaxot, kaen aton jum-aech Jesúsliajwa:

–Jiw chanaekabanan, taj-ax tup wut, takoewan, matxoelapijin, puexa tajax pejew xabich nosaxael. ¡Takoewan jum-amde xan tejwaxaelpi nachaxdusliajwapon! –aechon Jesúsliajwa.

¹⁴ Jesús jumnot wut, jum-aechon:

–Kaen aton xan nawuldui-el juezliajwan, xamal nejew wediajkaliajwan –aech Jesús.

¹⁵ Do jawut, Jesús jum-aech jiw natamejapi jumtaeliajwa:

–¡Chiekal taem! ¡Nabej nejchaxoele’ nejew xabichaliajwa! Xamal xabich wut nejew, japoxantat kaes chiekal nejchaxoelaximil Diosliajwa –aech Jesús.

¹⁶ Do jawut, Jesús naewhajan ampawhajan jiw natamejapiliajwa. Jum-aechon: “Kaen aton kemaeyan duk. Xabich wepachaemspoon pejlulan. Jol wut, xabich jolpon.

¹⁷ Kemaeyan nejchaxoel wut, nejchaxoelpon ampox: ‘¿Xan achaxkat isaxaelen? Xan ajil bachan tejew cha-owaliajwan’ –aechon, nejchaxoel wut.

¹⁸ Do jawut, kemaeyan kaes jum-aech, nejchaxoel wut: ‘Xan matabijtax isaxaelenpox. Cha-aelbax puexa chiekal tsaxaelen. Dolisdo’, japabawajeltat isaxaelen kaes pinabachan puexa tejew naxaeyaxan cha-owaliajwan.

¹⁹ Do jawut, pinabachantat tejew naxaeyaxan cha-owax wut, nejchaxoelaxaelen: “Xan xabich tejew naxaeyaxan cha-owax pin-iawaechan xaeliajwan. Samata, piach nabichaxinil. Damlathulaxaelen. Xaeyaxaelen. Feyaxaelenbej. Xabich nejchaxoelaxaelen” –chiyaxaelen, nejchaxoel wut’ –aech kemaeyan, nejchaxoel wut.

²⁰ Pe jawut, Dios jum-aech kemaeyanliajwa: ‘¡Xam nejliaklanam! Matabijsemil ampamadoitat xam tuxaxaelampox. Samata, ¿achanliajwakat naxaeyaxan cha-owam?’ –aech Dios.

²¹ Jasox jatis japon atonliajwa xabich tamejapon pejew pajutliajwa. Dios nejchaxoel wut, jum-aechon japon kimaeyanliajwa: ‘Xanliajwa ampon aton, me-ama xabich kekil wut, ja-aechon’ –aech Dios, nejchaxoel wut japonliajwa” –aech Jesús jiw natamejapi jumtaeliajwa.

*Dios tataefulpox jiw xanaboejapi japon
(Mt 6.25-34)*

²² Jesús jum-aech pejnachalaliajwa: “Xan jum-an amprox. ¡Nabey nejchaxoele' xaeliajwampoxan, naxoeliajwampoxanbey!

²³ Xatis duila-esal naxaeyaxkalliajwa, naxoekalliajwabej. Dios nakchaxduw nakwewe'poxan japoxantat xatis duilaliajwas. Samata, Dios nakchaxduiyaxael naxaeyaxan, naxoeyaxaesoxanbey.

²⁴ Nejchaxoelam wut, ¡nejchaxoelde mialiajwa! Mia naxaeyaxan mutha-el. Jola-elbejpi cha-owaliajwa. Pe nakiowa, Dios chaxduw mia xaeliajwa. Dios xamal kaes pejme nejxasink. Me-ama mia nejxasink wut, jachi-elon. Samata, nej-ax Dios xamal chiekal tataeflafulaxael.

²⁵ Ja-aech wut, ¿ma-aech xotkat xamal xabich nejchaxoelam? Xabich nejchaxoelam wut, ja-am wut, kaes kaematkoiliajwa laelpaximil, xabich nejchaxoelam xot.

²⁶ Xajupa-emil wut japox isliajwam, ¿ma-aech xotkat xabich nejchaxoelam japoxliajwa, asaxanliajwabej?” —aech Jesús pejnachalaliajwa.

²⁷ Do pejme Jesús jum-aech pejnachalaliajwa: “Nejchaxoelam wut, ¡nejchaxoelde naetalan, chimiatalanpox! Ti't wut, nabich-el chimialiajwa. Pe puexa chiekal chimia. Xanlax jum-an. Rey Salomón majt laeja wut, japon xabich chimia naxoeipon. Pe kaes pejme chimia, naetalan.

²⁸ Cha-aelnaex, yotat nuili, Dios pijaxtat natala wut, xabich chimiatalan. Pe piachliajwa-el. Asbuan jumch kaematkoian sapichliajwa. Do jawux, tur. Do jawuxbey, tamejas lausliajwas. Pe Dios xamal xabich kaes tataeful. Me-ama naetalan tataeful wut, jachi-el Dios. Samata, ¡Dios chiekal xanaboejim chimia xamal xajoeliajwapon! Xamal wewe'pfuk Dios chiekal xanaboejalijwam.

²⁹ Samata, ¡xabich nabey nejchaxoele' xaeliajwampoxan, feliajwampoxanbey! ¡Dioskal xanaboejim!

³⁰ Dios naexasis-eli xabich nejchaxoel xaeliajwapoxan, naxoeliajwapoxanbey. Xamallax nej-ax Dios. Japon matabijt xamal wewe'poxanliajwa.

³¹ ¡Xamal chiekal naexasisfulde Dios puexa pejjiw tato'laxaelpox! Jaamsfulam wut, Dios chaxduiyaxael xamal wewe'poxan” —aech Jesús pejnachalaliajwa.

*Jesús naewñajanpox pejnachala ommaenkpox Diosxotse
(Mt 6.19-21)*

³² Do pejme Jesús jum-aech pejnachalaliajwa: “¡Xamal nabey nejlewlé', kaesñapicham wut! Dios xamal nejxasink xot, makanot asamatkoi xamal duilaliajwam Diosxotse, jiw tato'laliajwambey jaxotse.

³³ ¡Njew mowim! Mowam wut, ¡japaplata chaxduim xabich wewe'paspi! Ja-am wut, Dios xabich nejchachaemlaxael xamalliajwa. Dios isaxaelbey pachaempox xamalliajwa Diosxotse. Jaxotse pasaxil kethaka nejew nosliajwa. Ajilaxaelbey itxaeyaxaeli. Jaxotsebey toepaxil nejew.

³⁴ Diosxotse, japon xamal chaxduiyaxael pachaempoxan. Samata, ¡nejchaxoelafulde pasliajwam japonxotse!” —aech Jesús pejnachalaliajwa.

Jesús pejwñajan naexasiti thilsfulaxaelpox wñajnawesfulaliajwa Jesús pejpasax

³⁵ Jesús jum-aech pejme pasaxoekpoxliajwa: “Chalechkal xan pasaxoekan ampathatat. Xamal laelpampimfuk, ¡chiekal thilsfulde, wñajnawesfulam wut tajpasax!

³⁶ Xamal matabijam. Kaen paklon fiesta poxaliajwade wut, to'apon pamak kawetaliajwa, japi wesfulaliajwa paklon pejba. Do jawux, paklon fiesta poxade. Do baxael, chalechkal paklon pa'an wut, bafafa daka wuton, kamta pamak wefafasaxaeson.

³⁷ Pamak naliasfulpoxtat pejpaklon pat wut, ja-aech wut, japi nejchachaemlaxael paklonliajwa. Diachwujnakolax xan jum-an xamalliajwa. Paklon to'axaesi chalakaliajwa paklon pejmesaxot. Do jawux, paklon pajut naxaeyax chaxduiyaxael japi pamak xaeliajwa.

³⁸ Pinmadoitat, o, nalianax mox pawujna wut, paklon pat wut, japahoratat pamak nakiowa naliasful wut, japi nejchachaemlaxael.

³⁹ ¡Matabijimbej jumchiyaxaelenpox! Bapijin matabijt wut kethakan pasaxaelhoratat japon wenatkowaliajwas, japon aton naliasfulaxael pejbatat, wujnawesfulaliajwabejpon kethakan. Ja-aech wut, kethakan natkowaxil japon pejbatat.

⁴⁰ ¡Xamallap-is ja-amsofulde, xan nawujnawesfulam wut! Xanbej, puexa jiw pakoewkolnan, jachiyaxaelen. Chalechkal pasaxoekan, ampathatpijiw nawujnawesfula-el wut” —aech Jesús pejnachalaliajwa.

*Paklon kolenjepox pamakan, kaen pachaem, asan chiekal chaema-el
(Mt 24.45-51)*

⁴¹ Pedro wujnachaemt wut, jum-aechon Jesúsliajwa:

—Tajpaklon, xam jum-ampox, wujan, ¿japoxkat xanalkalliajwa, o, puexa jiwliajwabej? —aech Pedro, wujnachaemt wut Jesús.

⁴² Jesús jum-aech Pedroliajwa: “Xan jumchiyaxaelen wujan, kaen nabichan, pachaemponliajwa. Japon pomatkoicha chiekal nabist paklonliajwa. Babijax nejchaxoela-elon. Paklon ajil wut, japon chiekal tato'lafal asew nabichow. Naxaeyaxanbej chiekal chaxduwbejpon pomatkoicha, me-ama paklon to'ason japox isliajwa.

⁴³ Paklon pat wut, taen wutbejpon nabichan chiekal nabistpox, ja-aech wut, japon nabichan xabich nejchachaemlaxael.

⁴⁴ Diachwujnakolax xan jum-an. Paklon matabijt wut nabichan chiekal nabistpox japon pejwulela, ja-aech wut, paklon to'axaeson puexa paklon pejew tataeflaliajwa.

⁴⁵ “Pe nabichan chiekal nabich-el wut paklon pejwulela, japon nabichan nejchaxoelaxael: ‘Tajpaklon xabich pin-iamatkoian pasaxil’ —chiyaxaelon, nejchaxoel wut. Samata, chiekal tataeflaxilon asew nabichow. Be'balaxaelon poejiw, watho'bej. Do jawux, tudusaxaelon xaeliajwa, saxsliajwasbej. Jasox isfulaxaelon pomatkoicha.

⁴⁶ Ja-aech wut, nejchaxoelaxilon paklon pasaxaelpox. Do jawut, chalechkal paklon pasaxael. Do jawutbej, nabichan xabich kastikaxaes. Jawux to'axaeson asew jiw poxade, Dios naexaxis-eli poxade” —aech Jesús Pedroliajwa.

⁴⁷ Jesús pejme jum-aech pejnachalaliajwa: “Nabichan matabijt wut paklon to'asox isliajwa, pe is-el wuton, ja-aech wut, nabichan xabich selsaxaes.

⁴⁸ Asew nabichow chiekal jumatabija-el wut paklon to'aspox, ja-aech wut, japi is paklon nejxasinka-elpox. Do ja-aech wut, japi kastikaxaes. Pe selsaxaes wut, xabich selsaxisal. Puexa paklochow chiekal isaxael pejbichaxan pachaempoxantat. Diosxotse wut, asamatkoi chapaeyaxaeli pejbichaxan ispoxanliajwa. Samata, kaes pejme pachaem isliajwa pejbichaxan pachaempoxantat, kastika-elaliajwaspi Dios” —aech Jesús pejnachalaliajwa.

*Jesús paskpox japon pijaxtat ampathatpijiw nadialiajwa
(Mt 10.34-36)*

⁴⁹ Do pejme Jesús jum-aech pejnachalaliajwa: “Xan fuloekx ampathatasik puexa jiw babijaxan ispoxan wemosliajwan, xan tux wut. Asew jiwxot xan nanaexaxisaxael. Pe asew jiw xan nanaexaxisaxil. Asamatkoi japi Dios

xabich kastikaxaes. Tajnabijasax, tajtupaxbej, toep wut, jawut xan xabich nejchachaemlaxaelen.

⁵⁰ Xabich babejkolax, nabijasax, nawewe'pfuk japox xan naxapaejsliawa. Xan xabich nabijasaxaelen, naboesa wuti. Samata, xabich nejchaxoelx tajtupaxliajwa.

⁵¹ Nejchaxoelam wut, inabej nejchaxoele': 'Jesús fuloek potuajnucha jiw chiekal kaenejchaxoelaxliajwa, chiekal duilaliajwabej nabe-elaxtat' –nabej aeche', nejchaxoelam wut! Xan pas-enil japoxliajwa. Xan tajaxtat xabich jiw kaenejchaxoelaxil.

⁵² Kaebatat cinco jiw duil wut, japixot kaenejchaxoelaxil. Tres xan nanaexasisaxael. Kolenje nanaexasisaxil. El wut, kolenje xan nanaexasisaxael. Tres nanaexasisaxil.

⁵³ Kaebaxot pax, paxulan suapich, kaenejchaxoelaxil xan tajaxtat. Japixot kaen xan nanaexasisaxil. Asan nanaexasisaxael. Pen, paxulow suapich, jachiyaxaelbej. Japixot kaeow xan nanaexasisaxil. Asaow nanaexasisaxael. Paem, pakala suapich, jachiyaxaelbej. Japixot kaeow xan nanaexasisaxil. Asaow nanaexasisaxael" –aech Jesús pejnachalaliajwa.

Dios ispoxan judíos chiekal matabija-el

(Mt 16.1-4; Mr 8.11-13)

⁵⁴ Jesús jum-aech jiwliajwa: "Amxot, Israel tuajnuaxot, itloejen fulaen wut juimt tujoplel, xamal japox taenam wut, jum-am: 'Amwut iam thilnaxael' –am xamal. Do jawux, japamatkoitat diachwuajnakolax iam thilan, me-ama xamal jum-am.

⁵⁵ Surlel, wik wut, xamal jum-am: 'Amwut xabich masxaenkaxael' –am xamal. Do jawux, japamatkoitat diachwuajnakolax xabich masxaenk, me-ama xamal jum-am.

⁵⁶ ¡Xamal naekichachajbapijwam! Matabijam, xabich masxaenkaliajwa wut, iam thilnaliajwa wutbej. ¿Pe ma-aech xotkatlax xamal matabija-emil Dios ispoxan ampamatkoiyantat?" –aech Jesús jiwliajwa.

Jesús naewuajanpox asanliajwa xatis babijax isas wut, kamta chaemsliajwas

(Mt 5.25-26)

⁵⁷ Do pejme Jesús jum-aech jiwliajwa: "Nejchaxoelam wut, inajut chiekal nejchaxoelde isfulaliajwam pachaempoxan!

⁵⁸ Xamal isam wut babijax asan atonliajwa, japon aton xamal bu'fol wut juez poxade xamal kastikaliajwa, ¡chiekal jum-amde bu'folponliajwa, chaemsliajwam japox babijax, japon aton suapich! ¡Ja-amde juez kastikasamata xam! Jasox jachi-emil wut, xamal wiasaxaelon jiw jebatat jeliajwa.

⁵⁹ Xan chiekal jum-an. Xamal jiw jebatat jia wuti, xamal kamta nakolaximil. Jaxot nakolaximil, mos-emil wut babijax isampoxanliajwa. Xam mosaxaelam puexa dewatampoxan jaxot nakolaliajwam" –aech Jesús jiwliajwa.

13

Jesús naewuajanpox jiw kofaliajwa babijaxan isfulpoxan naexasisfulaliajwa Dios

¹ Jiw patpi Jesúsxot, japi jum-aech Jesúsliajwa:

–Galilea tuajnuapijwam pat Jerusalén paklowaxxot. Japi choef xua'at Dios pejtemplobatat Dios chaxduiliajwapi ofrenda. Do jawut, Pilato to'a pejsoldaw japi jiw beliajwas. Baes wut, japi pejjal, choefjal suapich, matanialas –aechi Jesúsxot pati, chapaei wuti Jesús.

² Jesús j̄m-aech japi jiwliajwa:

—Xamal bej nejchaxoelambej: ‘Japi japox wejatis, kaes babijaxan is xot. Me-ama asew jiw pejt̄aj̄n̄pij̄iw, jachi-el xoti’ —bej ambej, nejchaxoelam w̄t.

³ Xan j̄m-an: ‘Japi japox wejatis xamal najut kofaliajwam babijaxan isfulampoxan. Kofa-emil w̄t, asamatkoi t̄pam w̄t, xamalbej Dios kastikaxael. Diosxotaximilbej’ —an xan.

⁴ Ba, xabich ath̄pox, Torre de Siloé paw̄lpox, chalechkal chajia j̄wal Jerusalén paklowaxxot. Japox j̄wal w̄t, dieciocho jiw matkaeyas. Xamal nejchaxoelam w̄t, bej j̄m-ambej matkaeyaspiliajwa: ‘Japi japox wejatis, kaes babijaxan is xot. Me-ama asew jiw, Jerusalén paklowaxpij̄iw, jachi-el xoti’ —bej ambej, nejchaxoelam w̄t.

⁵ Xan j̄m-an: ‘¡E! Japi jasox wejachi-esal. Xamallax kofa-emil w̄t babijaxan isfulampoxan, asamatkoi t̄pam w̄t, Dios xamalbej kastikaxael. Diosxotaximilbej’ —an xan —aech Jesús jiwliajwa.

Higonae naboos-elpox pejw̄ajan

⁶ Jesús naew̄ajan w̄t jiw, higonaeliajwa j̄m-aechon: “Kaen aton pejlul. Pejlultutat higonae nuk, chajia m̄htasnae. Lulpijin mox soepan japanae taeliajwa, pabaech w̄t t̄sliajwa. Pe japanae baechjil.

⁷ Samata, lulpijin j̄m-aech pejlul wetataeflasponliajwa: ‘¡Taem ampanae! Ampoxtat tres waechan f̄laenx̄pox, pabaech w̄t t̄sliajwan. Pe chinax naboos-el. Samata, ¡likde nae! ¡Kaes nabej tapaetis ampanae sat it-elaliajwa!’ —aech lulpijin.

⁸ Lul tataeflan j̄mnot w̄t, j̄m-aechon paklonliajwa: “Tajpaklon, ¡ma ampawaecht̄f̄k tapaem! Xan chabakasaeyaxaelen. Do jaw̄t, abono chabakatholaxaelenbej.

⁹ Ja-an w̄t, japanae bej naboosaxaelbej asawaestat. Pe japawaestat naboos-el w̄t, do jaw̄t, japanae liksaxaelen’ —aech lul tataeflan” —aech Jesús jiwliajwa.

Jesús boejth̄tpox napatamatkoitat kaeow pawis, jaj̄lopow b̄'xaeyaxtat

¹⁰ Asamatkoi, napatamatkoi w̄t, Jesús naew̄ajan judíos naew̄ajnabaxot.

¹¹ Japabaxot kaeow pawis ek, b̄'xaenk̄pox. Pomatkoicha jaj̄lwax chaelajapow. Chinax nadolsaxilow. Japow dieciocho waechan, ja-aech dep ketispoxtat.

¹² Jesús taen w̄t japow, lapon. Japow pat w̄t Jesúsxot, j̄m-aechon japowliajwa:

—Xam boejth̄tx b̄'xaenk̄mpox —aech Jesús.

¹³ Jesús ke-ot japow pejta'tat. Jaw̄t japow chiekal nadolt. Kaes jaj̄lwaelow. Do jaw̄t, japow j̄m-aechf̄l Diosliajwa: “Dios, xam isam xabich pachaempox xanliajwa. Xam xabich pachaemam” —aechow Diosliajwa.

¹⁴ Jaw̄t judíos naew̄ajnaba tataeflan palala Jesúsliajwa, Jesús boejth̄t xot japow napatamatkoitat. Samata, judíos naew̄ajnaba tataeflan j̄m-aech jiwliajwa:

—Kaesemana seis matkoiyan nabichliajwas. Japamatkoiyan w̄t, xamal f̄laeyaxaelam ampaleldin. ¡Nabej f̄lae' napatamatkoi w̄t Jesús boejth̄sliajwa xamal! —aech judíos naew̄ajnaba tataeflan.

¹⁵ Do jaw̄t, Jesús j̄m-aech judíos naew̄ajnaba tataeflanliajwa, asew jiwliajwabej:

—¡Xamal naekichachajbapijwam! Chaemilam w̄t, me-ama pachaemam w̄t, pakab̄an-am. Xamalbej najut nabistam napatamatkoitat. Xamal najut sitae-emil napatamatkoi. Nijan woei joltam b̄flaeliajwam japon woei min

feliajwa. Woei-el wut, nijan bur joltam napatamatkoitat buflaeliajwam, japon bur min feliajwa.

¹⁶ Ampow, Abraham pamow, kaes pejme pachaem. Me-ama choefan, jachi-el. Dep ketispoxtat dieciocho waechan japow bu'xaenk. Samata, napatamatkoitat japow boejthutx —aech Jesús judíos naewuajnaba tataeflanliajwa, a sew jiwliajwabej.

¹⁷ Jesús japox jum-aech wut, Jesús padaelmajiw padala. Samata, asbuan jumch boejlach chalaki, padala xoti Jesúsliajwa. A sew judíoslax nejachachaemil, jumtaen wuti Jesús jum-aechpoxliajwa, taen wutbejpi koechax, Jesús ispox.

Mostazafut pejuajan

(Mt 13.31-32; Mr 4.30-32)

¹⁸ Jesús jum-aech: “Jumchiyaxaelen wuajan xamal chiekal matabijaliajwam, achax kabuanchiyaxael, Dios puexa pejjiw tato'laxael wut.

¹⁹ Dios puexa pejjiw tato'laxaelpox, me-ama mostazafut, ja-aechox. Kaen aton mutht japafut pejlultat. Kamta wenaboeltas. Chiekal weti'tasbejpon. Ti't wut, naelido'. Samata, japadalantat mia is pejfenan tabu-owaliajwa” —aech Jesús. (Jasoxtat japi jiw naexasit Dios tato'alpox majt kaesupich. Kaesupich matkoijan wut, kaes pejme xabichaxael jiw.)

Levadura pejuajan

(Mt 13.33)

²⁰ Do pejme Jesús jum-aech: “¿Masoxkat wuajan chiekal pachaem xamal naewuajnalialjwan, matabijaliajwambej Dios tato'alpox puexa pejjiw?

²¹ Dios puexa pejjiw tato'laxaelpox me-ama levadura pan isas wut, jachiyaxael japox. Kaeow pawis pan is wut, taniala tres taso trigobelan, levadura supich. Do jawux, cha-etfuk posapa puthlaliajwa levaduratat kaes pinasapaliajwa” —aech Jesús. (Jachiyaxaelbej, asamatkoi Dios puexa pejjiw tato'laxael wut. Pothata jiw xabich xajupaxael.)

A sew jiwliajwa xabich tampoelpox, japi naexasisliajwa Dios

(Mt 7.13-14, 21-23)

²² Jesús Jerusalén paklowax poxade wut, asapaklowaxanxot, tuajnuchanxotbej, jiw naewuajnafulon.

²³ Do jawut, kaen aton wuajnachaemtas wut, jumtispon:

—Tajpaklon, ¿diachwuajnakolaxkat Dios kaesupich jiw bu'weyaxael? —tispon.

Jesús jumnot wut, jum-aechon:

²⁴ —Diosxotse pasliajwa, me-ama cha-aelaxach laleyax, ja-aechox. Xabich jiw nejxasink pajut pasliajwa. Pe jiw pajut pijaxtat pasaxil.

²⁵ Bapijin ba faka't wut, xamal namaeyaxaelam tathoetat. Lam wut, jumchiyaxaelam: ‘Tajpaklon, ¡ba fafa'e xanal leliajwan!’ —chiyaxaelam bapijin. Pe japon jumno'an wut, jumchiyaxaenon xamalliajwa: ‘Xan matabijs-enil xamal. ¿Amxotpijwamkat xamal?’ —chiyaxaen bapijin.

²⁶ Xamal jumchiyaxaelam: ‘Xanallape, xam supich, kaeyaxtat naxaelaxpin, afxpinbej. Tajpaklowaxxot xam naewuajnamponam’ —chiyaxaelam.

²⁷ Bapijin pejme xamal jumnosaxaen: ‘Xamal matabijs-enil. Matabijs-enilbej amxotpijwam. Xamal babejchowam. ¡Chijiamde!’ —chiyaxaelon.

²⁸ Xamal atuj taeyaxaelam Abraham, Isaac, Jacob supich, puexa a sew profetasbej. Japi Diosxotse amwutjel duil. Pe xamal pelsaxaekon infierno poxadik. Jaxotdik xamal xabich noeyaxaelam. Buatatisaxaelambej, xabich nabijasaxaelam xot.

²⁹ Xabich jiw, potuajnuhanpijiw, pasaxael Diosxotse. Japi jiw chalakaxael Diosxot. Naxaeyaxaelbejpi.

³⁰ Jiw amwutjel kaes paklochowpi, japi Diosxotse paklochowaxil. Asew amwutjel paklochowa-elpi, japi kaes paklochowaxael Diosxotse —aech Jesús aton, wuajnaemtasponliajwa.

*Jesús xabich nejxaejwaspox Jerusalén paklowaxpijiwliajwa
(Mt 23.37-39)*

³¹ Jesús buxtoet wut wuajnaemtasponliajwa, jawut kaesupich jaxot fariseos pat, Jesúsxot. Do jawut, fariseos jum-aech Jesúsliajwa:

—¡Ma amxot xam asalel chijiamde, rey Herodes fulaeyaxaen xot xam boesaliajwa! —aech fariseos Jesúsliajwa.

³² Jesús jumnot wut, jum-aechon:

—¡Xamal xabu'a de Herodes poxade! Japon aton, me-ama lam wut, ja-aechon, jiw tabeisan xot. ¡Chapaempon xan isfulaxpoxan, nanuamtax wut! ¡jum-amopon, chapaeyam wut: 'Jesús jum-aech: "Amwutjel, kandiawabej, to'axaelen dep nakolaliajwa, jiw pejmatpuatanxot webaespi. Bu'xaenkpibej boejthusaaxaelen. Asakandiawa wut, toesaxaelen tajbichax' —aech Jesús' —amo Herodes!

³³ Amwut fulaeyaxaelen Jerusalén paklowax poxade. Jasoxtat pasaxaelen Jerusalén paklowax, jaxotde naboesaliajwapi, Dios pejprofetas jibaes xot Jerusalén paklowaxxot —aech Jesús fariseosliajwa.

³⁴ Jesús xabich nejxaejwas, nejchaxoel wut Jerusalén paklowaxpijiwliajwa. Samata, jum-aechon: "Xamal Jerusalén paklowaxpijwam, Dios pejprofetas pabam. Asew profetasbej ia'tat dadapam, Dios buxto'aspi xamal naewuajnalialjwa. Me-ama kawaema paxi tameja pejba'buxfaltat, xan jachisian xamal bu'welialjwan. Pe xamal xan nanejwesla.

³⁵ ¡Chiekal najumtaem! Nejpaklowaxxotaxil Dios. Kaes kajachawaesfulaxilbejpon xamal. Piach nataeyaximil. Xan pejme patx wut, jawut xamal jumchiyaxaelam xanliajwa: 'Dios nej kajachawaesas fulaenpon Dios pijaxtat' —chiyaxaelam, pejme nataeyaxaelam wut" —aech Jesús, nejxaejwas wut Jerusalén paklowaxpijiwliajwa.

14

Jesús boejthutpox xabich bu'puthalpon

¹ Napatamatkoi wut, Jesús fulaech xaelialjwa kaen fariseospaklon pejba poxade. Jaxotdebej asew fariseos, japi Jesús padaelmajiw. Japi tataeful Jesús taelialjwapi, Jesús is wut babijax.

² Do jaxotde wut, kaen aton, pobu'ta xabich bu'puthalpon, japon nuk Jesús pejuajnalel.

³ Do jawut, Jesús wuajnaemt judíos chanaekabuanapi, fariseosbej. Jum-aechon:

—¿Naktapaeikat bu'xaeyan boejthusliajwas napatamatkoitat? O, ¿ja-elkat? —aech Jesús japilialjwa.

⁴ Japi jumnos-el. Do jawut, Jesús bu'xaeyan muaxfit wut, Jesús chiekal boejthut bu'xaeyan. Do jawux, Jesús to'a japon nawiasliajwa pejba poxade.

⁵ Do jawut, Jesús jum-aech fariseosliajwa:

—Naxulan jop wut muthadik napatamatkoitat, o, nijan woei jop wutbej napatamatkoitat, xamal jusaxaelampon. ¿Diachwuajnakolaxkat japox? —aech Jesús.

⁶ Japi wejisal jumnosliajwapi Jesús. Asbu'an jumch boejlach chalaki.

Jesús naewhajanpox fariseos chalakasamata tua-ekaxan, kaes pachaempoxantat

⁷ Fariseospaklon pejbatat wut, Jesús taen, asew fariseos chalak wut tua-ekaxan, kaes paklochowpiliajwapi chalak wuti. Jesús japox taen wut, jum-aechon japi fariseosliajwa japoxan kofaliajwapi. Jesús naewhajan wut, jum-aechon japiliajwa:

⁸ —Kaen aton xamal tadut wut nakjiyafiesta poxade, jaxotde xaeliajwam, inabej chalake' paklochow chalakaxaelpoxantat! Ja-am wut, asew bej pasaxaelbej taduchpi, japi kaes paklochowpi. Japi, me-ama xamal, jachi-eli.

⁹ Ja-aech wut, xamal tadutpon pasaxael xamalxot jumchiliajwa: '¡Ampatua-ekaxanxot xamal nanim, asew chalakaliajwa!' —chiyaxaelon xamalliajwa. Japatua-ekaxanxot xamal nanam wut, nanaxaelam xabich nadalaxtat.

¹⁰ Kaes pachaem xamal chalakaliajwam taxdukatua-ekaxantat, tadut wuti xamal xaeliajwam, fiestamatkoi wut. Do jawut, xamal tadutpon xamalxot pat wut, jumchiyaxaelon: '¡Amxot xamal nanim! ¡Chalakde kaes paklochow chalakpoxantat!' —chiyaxaelon xamalliajwa. Do jawut, xamal chalakaxaelam japatua-ekaxantat. Jaxot chalakam wut, puexa jiw, chalaki mesaxot, japox taeyaxael. Ja-aech wut, xamal kaes sitaeyaxael jiw.

¹¹ Nejmach-aton nejchaxoel wut pajutliajwa, nejchaxoelon amprox: 'Xan kaes pejme pachaeman. Me-ama asew jiw, jachi-enil' —aech wuton pajutliajwa, japon aton Dios jumchiyaxaes: 'Xam kaes pejme pachaema-emil' —chiyaxaeson. Asan atonlax nejchaxoel wut pajutliajwa: 'Xan pejme kaes pachaema-enil. Me-ama asew jiw, jachi-enil' —aech wuton pajutliajwa, asamatkoi japon aton jumchiyaxaes Dios: 'Xam kaes pejme pachaemam' —chiyaxaeson Dios —aech Jesús fariseosliajwa.

¹² Do jawutbej, Jesús jum-aech fariseospaklonliajwa, japon taduchpon Jesús:

—Xam asew jiw tadutam wut xaeliajwapi nejbatat, matnochpijax, o, kali-axpijax, inabej tadus xam matabijampikal! ¡Nabej tadusbej nejnachala, nakoew, nejjiwbej, kemaeyabej, mox duilibej nejbaxot, asamatkoi japi xam tadusaxael xot xaeliajwam japi pejbatat! Jachiyaxaelam wut, xamal, me-ama xanafokam, xam matxoelatadutpi, japi xam tadutam wut xaeliajwa nejbatat.

¹³ Xam fiesta isam wut, itaduelax kejila, laelpaxilpibej, nabejkabej, itliak-labej!

¹⁴ Jasox isam wut, xam xabich nejchachaemlaxaelam, japi tadusaxil xot xam xanafonaliajwa tadutamproxliajwa. Jiw, pachaempi Dios pijaxtat, mataeyamatkoi wut jiw pejme duilaliajwa, jawut Dios xam mosaxael japafiestaliajwa —aech Jesús taduchponliajwa.

Aton pinjiyax fiesta is wut, xabich jiw tadutpox (Mt 22.1-10)

¹⁵ Kaen aton japixot jumtaen wut Jesús jum-aechpox, japon jum-aech Jesúsliajwa:

—Jiw xabich nejchachaemlaxael, Dios pejfiestaxot xael wuti Diosxotse —aech japon aton Jesúsliajwa.

¹⁶ Do jawut, Jesús whajantat jumnot wut, jum-aechon:

—Kaen aton pamakjiw keto'a pinjiyax fiesta isliajwa. Do jawux, asan pamakan to'apon xabich jiw tadusliajwa.

¹⁷ Jawut, naxaeyaxan chiekal isax ketoet wut, pamakan pejme to'apon jiw jumchiliajwa: '¡Xabua't, puexa chiekal toetx xotlis!' —chiliajwapon jiw. Do jawut, fulaechon japox jumchiliajwa.

¹⁸ Pe tadutaspixot chinax kaen pas-el. Puexa kaenanula jumxato'a wut, jum-aechi, ma-aech xot fulaeyaxili. Kaen japixot jumxato'a wut, jum-aechon: 'Amwutjel xan sat wuajtax. Samata, xan japoxade fulaeyaxaechan japasat taeliajwan. ¡Nabej nalale' xanliajwa, fulaeyaxinil xot nejfiesta poxade!' — aechon, jumxato'a wut fiestapijinliajwa.

¹⁹ Asanbej jum-aech, jumxato'a wut: 'Xan diez woei wuajtax. Xan japi xapaejaxaelen. ¡Nabej nalale' xanliajwa, fulaeyaxinil xot nejfiesta poxade!' — aechon, jumxato'a wuton fiestapijinliajwa.

²⁰ Asanbej jum-aech, jumxato'a wut: 'Xan amwutjel nakjiyax. Samata, xan fulaeyaxinil' — aechon, jumxato'a wut fiestapijinliajwa.

²¹ Pamakan to'aspon kaxa nawia'an wut, puexa chapaeipon pejpaklonxot. Do jawut, pejpaklon xabich palala. Jum-aechon pamakanliajwa: '¡Xabua'de bichakal paklowax poxade! ¡Jaxotde paklowaxthialaxanxot wulwekde jiw tadusliajwam kejila, laelpaxilpi, itliakla, nabejkabej! ¡Japi jiw buflaeman amxot xaeliajwapi!' — aech fiestapijin pamakanliajwa.

²² Dolisdo', pamakan japox is. Jawut jum-aechon pejpaklonliajwa: 'Tajpaklon, isxlis nato'ampox. We'pfuk jiw xajupaliajwa puexa tua-ekaxan' — aechon pejpaklonliajwa.

²³ Do jawut, paklon pejme jum-aech pamakanliajwa: '¡Xabua'de! ¡Jiw pejme wulwekde nuamantat, luluamantatbej! Jiw tadutam wut, ¡jumbisnikde japi fulaeliajwadin tajba poxadin, tajba chiekal wulukaliajwapi!

²⁴ Diachwuajnakolax xan jum-an. Matxoelatadutxpi, chinax kaen japixot tajfiesta nakxaeyaxil' — aech fiestapijin — aech Jesús, ampawuajan naewuajan wut.

Jesús to'apox jiw nakfulaesiapi japon, majt japi chiekal nejchaxoelaliajwa (Mt 10.37-38)

²⁵ Jesús xabich jiw fulafos wut, kaxa natachaemdik wut, jum-aechon japi jiwliajwa:

²⁶ "Nejmach-aton fulaen wut xanlel tajnachalanliajwa, japon xan nanejxasinkaxael. Me-ama pax nejxasink wut, penbej, pijowbej, paxibej, pakoewbej, jachiyaxaelon, xan kaes nanejxasink wut japon aton. Me-ama pajut nanejxasink wut, jachiyaxaelbejpon xanliajwa.

²⁷ Nejxasinka-elpi xan tajaxtat nabijasliajwa, japi jiw tajnachalwaxil.

²⁸ "Kaen aton xamalxot ba isliajwa wut, xabich athupox, japon majt chiekal nejchaxoelaxael, machiyaxaelon isliajwa japaba. Nejchaxoel wut, jumchiyaxaelon: '¿Xankat tajplatatat xajupaxaelen, ampaba isx wut chiekal toesliajwan?' — chiyaxaelon, nejchaxoel wut.

²⁹ Japon aton majt chiekal nejchaxoela-el wut ba isliajwa, ba isax tuadut wut, pejplata wexajupa-esal wut, japon aton pejba chiekal toesaxil. Ja-aech wut, jiw bu'wuajanpaeyaxaeson. Xafafolaxaesbejpon jiw, pejba chiekal toesel xoton.

³⁰ Japi jiw jumchiyaxael: 'Japon aton tuadut ba isliajwa. Pe nakiowa, wexajupa-esal pejew plata pejba chiekal toesliajwa' — chiyaxaeson jiw.

³¹ Rey nabeliajwa wut, asatwajnuapijiw suapich, japon rey majt chiekal nejchaxoelaxael, machiyaxaelon. Nejchaxoel wut, jumchiyaxaelon: 'Xan tajsoldaw asbuan jumch diez mil. Tadaelman veinte mil soldaw. ¿Xankat, tajsoldaw suapich, malechaxaelen nachakifulaeyaxaenpi?' — chiyaxael rey, nejchaxoel wut.

³² Dolisdo', rey chiekal matabijt wut, jumchiyaxaelon: 'Xan malechaxinil tadaelman' — chiyaxael rey, nejchaxoel wut. Ja-aech wut, rey jumxato'axael

wuajan xananuampitat, japox wuajan wechaemsliajwas, padaelman atuj wufuk.

³³ ¡Xamalbej majt chiekal nejchaxoelde, tajnachalwasiam wut! Ne-jew puexa waela-emil wut, ja-aech wut, tajnachalwaximil” —aech Jesús nakfuaesiaspiliajwa.

Jesús pejnachala ampathatat, me-ama dom pachaempox wut, ja-aechi
(Mt 5.13; Mr 9.50)

³⁴ Do pejme Jesús jum-aech pejnachalaliajwa, xabich asew jiwliajwabej: “Dom xakuenk wut, pachaem. Dom xakuenka-el wut, chaemil. Pejmeliajwa pachaemaxil.

³⁵ Abonoliajwabej chaemil. Ja-aech wut, asbuan jumch pachaem thokchaliajwa. Xamal Dios pejnechaxoelax matabijasiam wut, ¡chiekal naewe'e xan jum-anpoxan!” —aech Jesús.

15

Ovejas tataefulpon faenpox pijan oveja, wenafo'aspon
(Mt 18.10-14)

¹ Impuesto mat-omwuljoew gobiernoliajwa, asew jiw, babijaxan ispibej, japi pat Jesúsxot jumtaeliajwa Jesús naewuajanpox.

² Fariseos, judíos chanaekabuanapibej, japi taen, asew jiw pat wut Jesúsxot. Jawut japi jum-aech babejjamechan Jesúsliajwa. Nakaewa najum-aechi:

—Jesús bu'kula jiw babejchow. Japi suapich, xaelbejpon —aechi Jesúsliajwa.

³ Samata, Jesús japox jumtaen wut, jum-aechon ampawuajan fariseosliajwa, judíos chanaekabuanapiliajwabej:

⁴ “Xamalxot kaen aton cien ovejas wut, kaen oveja wenafo'as wuton, asew noventa y nueve ovejas waelaxaelon jalwekaliajwa wenafo'aspon.

⁵ Do faen wuton oveja, wenafo'aspon, xabich nejchachaemlaxaelon. Takaosfulaxaenon oveja wenafo'aspon.

⁶ Dolison, ba pat wut, laeyaxaelon pejnachala, mox duilibej, chapaeliajwa wenafo'asponliajwa. Jawut jumchixaxaelon: ‘¡Nejchachaemilde, xan suapich, xan pejme faenx xot tajan oveja, nawenafo'apon!’ —chixaxaelon pejnachalaliajwa.

⁷ Diachwuajnakolax xan jum-an. Jachixaxaelbej, Dios pej-ángeles nejchachaemil wuti Diosxotse, kaen aton koft wut babijaxan ispoxan ampathatat, japon naexasisfulaliajwa Dios. Dios pej-ángeles kaes pejme nejchachaemlaxael japon atonliajwa. Me-ama noventa y nueve jiw, pachaempiliajwa, Dios pej-ángeles nejchachaemil wut, jachixaxili, japon atonliajwa” —aech Jesús fariseosliajwa, judíos chanaekabuanapiliajwabej.

Pawis faenpox pejkafef, japox pejwuajan

⁸ Jesús naewuajan asawuajan fariseosliajwa, judíos chanaekabuanapiliajwabej. Jum-aechon: “Pawis diez kafefachan wut, kaekafef wenafo'as wutow, japow tamdusaxael lámpara japa-itliakaxtat batu athoesliajwa chiekal jalwekaliajwa pejkafef.

⁹ Dolisow, faen wut, laeyaxaelow pejnachala, mox duilibej, chapaeliajwa. Do jawut, jumchixaxaelow: ‘¡Nejchachaemilde, xan suapich, pejme faenx xot tajkafef, nawenafo'a wut!’ —chixaxaelow.

¹⁰ Diachwuajnakolax xan jum-an. Jachixaxaellap-is Dios pej-ángeles, nejchachaemil wut, kaen aton koft wut babijaxan ispoxan japon naexasisfulaliajwa Dios” —aech Jesús fariseosliajwa, judíos chanaekabuanapiliajwabej.

Pax beltaenpox paxulan, japox pejwajan

11 Jesús naewajan asawajan, fariseosliajwa, judíos chanaekabananapiliajwabej. Jum-aechon: “Kaen aton kolenje paxulan.

12 Wuchakalpijin jum-aech paxliajwa: ‘Ax, jamalis xan nachaxdu'e tejwaxaelpi!’ —aech wuchakalpijin. Do jawut, pax diajan wuchakalpijin pejewpi.

13 Jawux, kaematkoi sapich wut, wuchakalpijin puexa pejew mowa. Japaplata xafolon, chijia wut ataj, asatujnulel. Jaxotde babijaxan isfuldepon. Jasoxtat puexa pejew, plata, chiekal xatoeton.

14 Puexa pejew plata chiekal xatoet wut, japamatkoiyan piach naxaeyaxan ajil japatujnuxot, xabich piach iam thilna-el xot. Samata, japon litaxaelaful.

15 Do jawut, fulaechon japatujnupijin bichax wuljoeliajwa. Bichax faen wut, paklon to'ason maran tataeflax, chaxajalspi.

16 Do jawut, japon aton maran xelpoxan, japonbej xaesia, xabich litaxaela xoton. Pe chinax chaxdus-esal japon xaeliajwa maran xelpoxan.

17 Do jawut, japon pajut chiekal nejchaxoel wut, jum-aechon: ‘Pomatkoicha taj-ax pejbaxot xabich naxaeyaxan pamakjiw chaxduiliajwa. Taj-axxot naxaeyaxan nama. Xanlax amxot tajlit tuxaxaelen’ —aechon, nejchaxoel wut.

18 Do jawut, japon nejchaxoel wut, jum-aechon: ‘Xan nawoesa nawiasaxaelen taj-ax poxade. Patx wut taj-axxot, xan jumchiyaxaelen: “Ax, xan xabich babijaxan isx Diosliajwa, xamliajwabej.

19 Xan babejnan. Samata, xan tadala kaes naxulan napaeliajwam. Meama namakan tato'lam wut, jja-amde xanliajwa!” —chiyaxaelen, taj-axxot patx wut’ —aechon, nejchaxoel wut.

20 Dolison, japox nejchaxoel wut, chijialison pax poxade nawiasliajwa.

“Do baxael, atuxach fulaen wutlejen, pax taenson. Jawut pax xabich beltaen paxulan. Do jawut, najae'epon paxulan bu'kakulnaliajwa. Jawut wujaelton paxulan. Wujael wut, xusuwpon paxulan.

21 Jawut paxulan jum-aech paxliajwa: ‘Ax, xan xabich babijaxan isx Diosliajwa, xamliajwabej. Xan babejnan. Tadala kaes naxulan napaeliajwam’ —aech paxulan paxliajwa.

22 Pe jawut, pax jum-aech, pamakjiw to'a wut: ‘¡Xabua'de! ¡Wuljae'e naxoelax kaes chamoeyaxpox! ¡Xajoembejpon! ¡Anillo kothiyaxajoeldebejpon! ¡Tuxaxajoeldebejpon tuxaxajoelax!

23 Do jawux, ¡bulaeman pak jelti'san, kaes dalpon! ¡Japon xua'alde! Amwut fiesta isaxaes xaeliajwas.

24 Taxulanliajwa nejchaxoelx wut, jum-an: “Diachwujnakolax taxulan asatujnutat bej nawetupbej” —an, nejchaxoelx wut. Pe laejapon. Nejchaxoelxbej: “Bej nafo'abejpon” —an, nejchaxoelx wut. Pe nawepaton’ —aech pax pamakjiwliajwa. Do jawux, fiesta isax tuxadutlisi.

25 “Pakoewan pat wut pax pejbatat, matxoelapijin lultat nabistpon. Pejbichax kekoft wut, ba mox itwefulaen wut, thiataenpon jajuiyax. Thiataenbejpon nababoelax.

26 Jawut matxoelapijin lapon pamakan. Wujajnachaemt wut, jum-aechon: ‘¿Ma-aech xotkat amwutjel fiesta isam?’ —aechon.

27 Pamakan jumnot wut, jum-aechon: ‘Nakoewan pat. Samata, nej-ax xanal naketo'a pak jelti'san, kaes dalpon, xua'laliajwan’ —aech pamakan.

28 Matxoelapijin japox jumtaen wut, xabich palalapon. Palala xot, ba lelon. Samata, pax nakolde. Paxulan leyax to'aliajwa.

29 Matxoelapijin jum-aech paxliajwa: ‘Xabich pin-iawaechan xam tanbistax. Chinax owchila-ela-enil, nato'am wut. Xanlax chinax kaen cabra, jelti'san, nachaxdus-emil, xan fiesta isliajwan, tajnachala sapich.

³⁰ Amwutjel naxulan pat, nejew plata xatoetpon watho'tat, poejjiw bu'moejtpitat plata kanaliajwa. Japonliajwalax xam fiesta isam. Japonliajwabej namakjiw keto'am pak jelti'san xua'laliajwa, kaes dalpon' —aech matxoelapijin paxliajwa.

³¹ “Pax jumnot wut, jum-aechon paxulanliajwa: ‘Wua, xam pomatkoicha xanxotam. Puexa xan tejewpi, japoxan xam nejwaxael.

³² Amwutjel pachaem fiesta isliajwas, puexa nejchachaemlaliajwas. Nakoewanliajwa nejchaxoelx wut, jum-an: “Diachwuaajnakolax asatujnutat taxulan bej nawetupbej” —an, nejchaxoelx wut. Pe laejapon. Nejchaxoelx wut, jum-anbej: “Bej nafo'abejpon” —an, nejchaxoelx wut. Pe nawepaton amwutjel' —aech pax matxoelapijinliajwa” —aech Jesús fariseosliajwa, judíos chanaekabuanapiliajwabej.

16

Pamakan maliach xatoesfulpox paklon pejew, japox pejwajan

¹ Jesús naewajan wut pejnachala, asawajantat jum-aechon: “Kaen paklon xabich kemaenk. Japon paklon kaen pamakan, puexa wetataeflaspon. Pe pamakan maliach wexatoesful paklon pejew plata. Do ja-aech wut, asew jiw maliach charaeipi paklonxot, pamakan maliach wexatoesfulpox pejpaklon.

² Samata, paklon pamakan la wut, jum-aechon: ‘Xampil tejew maliach nawexatoesfulam. ¡Xalaeman cuenta lelamfut, pomatkoicha tejew mowam wut, wujtam wutbej xanliajwa! Ma amwut xam kaes puexa tejew nawetataeflaximil’ —aech paklon pamakanliajwa.

³ Do jawut, japon, paklon pamakan, nejchaxoel wut, jum-aechon: ‘¿Xan machiyaxaelenkat amwut? Tajpaklon najusaxael tajbichaxxot. Xan mamnika-enil sat nabichliajwan. Xan tadalabej asew jiw malech plata wuljoeliajwan.

⁴ ¡Aa, xan matabijtax isaxaelenpox! Japox isx wut, nabich-enil wut tajpaklonliajwa, asew jiw pejbaxot patx wut, chiekal nabukulaxaeli’ —aech pamakan, nejchaxoel wut.

⁵ Do jawux, japon kaenanula wullala pejpaklon dewati japi fulaeliajwadin. Wullala wut, matxoelapatponliajwa jum-aechon: ‘¿Massapichkat xam dewatam tajpaklon?’ —aechon matxoelapatponliajwa.

⁶ Matxoelapatpon jum-aech: ‘Xan dewatax nejpaklon ochocientos galones olivosiminan’ —aech matxoelapatpon. Do jawut, jusaxaespon pejpaklon pejbichaxxot, japon jum-aech: ‘Ama pelfut majt xam lelampox jasapich dewatampox. ¡Asafutat leelde dewatampox asbuan jumch cuatrocientos galones olivosiminan!’ —aech jusaxaespon. Jawut dewatpon japox is.

⁷ Do jawux, asan pat wut, jusaxaespon pejpaklon, japon jum-aech patponliajwa: ‘¿Massapichkat xam dewatam tajpaklon?’ —aech jusaxaespon. Dewatpon jumnot wut, jum-aechon: ‘Xan dewatax nejpaklon cien trigobulan’ —aech dewatpon. Jusaxaespon pejpaklon jum-aech: ‘Ama pelfut majt xam lelampox jasapich dewatampox. ¡Asafutat leelde dewatampox asbuan jumch ochenta trigobulan!’ —aech jusaxaespon pejpaklon. Do jawut, dewatpon japox is. Jasox isful pejpaklon jusaxaespon asew jiwliajwabej, dewatpiliajwa japon pejpaklon.

⁸ Do japox isax ketoet wut, jusaxaespon pejpaklon xalaechon japi pelmaf pejpaklon chaxdusliajwa. Do jawut, paklon matabijt wut japox ispoxliajwa,

jum-aechon pamakanliajwa, chijiyaxaelponliajwa: ‘Xam babijax isam xanliajwa, xabich matabijtam xot. Japox isam asamatkoi xamliajwa pachaemaliajwa’ —aech paklon pamakan chijiyaxaelponliajwa. Dios naexasis-eli, kaes pejme matabija wuajsliajwa, mowaliajwabej. Me-ama Dios naexasiti, jachiel” —aech Jesús pejnachalaliajwa.

⁹ Do pejme Jesús jum-aech pejnachalaliajwa: “Diachwuajnakolax xan jum-an. ¡Nejplatat, nejewtatbej, asew jiw kajachawae'e ampathatat, japi nabist wut Dios pejbichaxan! Japoxan xatoetam wut, asamatkoi, xamal tupam wutbej, Diosxotse xamal chiekal bu'kulaxaeli” —aech Jesús pejnachalaliajwa.

¹⁰ Do pejme Jesús jum-aech pejnachalaliajwa: “Aton asan pejew chiekal tataeflaful wut, kaeyaxachpoxan, chinax maliach xatoes-el wuton, japon aton xajup asan pejew chiekal tataeflaliajwa, xabich wutbej. Asan chiekal tataefla-el wut asan pejew, kaeyaxachpoxan, japon xajupaxilbej asan pejew chiekal tataeflaliajwa, xabich wut asan pejew.

¹¹ Xamal xajupa-emil wut chiekal tataeflaliajwam asan pejew plata, ja-am wut, Dios to'axil xamal tataeflaliajwam xabich kaes ommaenkpi, Dios pijaxan.

¹² Xamal xajupa-emil wut chiekal tataeflaliajwam asan pejew, ja-am wut, chinax kaen aton xam chaxdusaxil nejewkolaliajwa” —aech Jesús pejnachalaliajwa.

¹³ Do pejme Jesús jum-aech pejnachalaliajwa: “Pamakan, kolenje wut paklon, japiliajwa chiekal najupatanbichaxilon. Kaen paklonliajwa chiekal tanbichaxaelon. Asan paklonliajwa chiekal nabichaxilon. Ja-aechlap-is Dios nejxasinkpi. Japi nejchaxoel wut platakak, chiekal nabichaxili Diosliajwa” —aech Jesús, naewuajan wut pejnachala.

¹⁴ Fariseos, japi xabich nejxasink plata, japi jumtaen Jesús, jum-aech wut pejnachalaliajwa. Samata, japi bu'wuajanpaeipi Jesús.

¹⁵ Do jawut, Jesús jum-aech fariseosliajwa: “Jiw jum-aech wut xamalliajwa: ‘Fariseos xabich pachaem’ —aech wuti, xamal xabich nejxasinkam japoxliajwa. Pelax Dios chiekal matabijt, xamal nejnejchaxoelaxan chiekal pachaema-elpox. Jiwliajwa pachaempox, japoxlax Diosliajwa chaemil” —aech Jesús fariseosliajwa.

Amxot jum-aechpox Moisés chajia lelpoxliajwa, Dios puexa pejjiw tato'laxaelpoxliajwabej

¹⁶ Jesús pejme jum-aech fariseosliajwa: “Juan, jiw bautisan, pas-el wutfuk, jiw naewuajnas Moisés chajia lelpox, japox jiw naexasisfulaliajwa. Japi jiw naewuajnasbej profetas chajia lelpox. Do jawux, Juan, jiw bautisan, pat wut, japon naewuajan chimiawuajan. Xan patx wutbej, naewuajna x chimiawuajan, Dios puexa pejjiw tato'laxaelpoxliajwa. Samata, amwutjel puexa jiw xabich pasasia Diosxotse” —aech Jesús fariseosliajwa.

¹⁷ Jesús pejme jum-aech fariseosliajwa: “Ampathat, thatbaxobej, japoxan xabich tampoel toepaliajwa. Pe kaes pejme xabich tampoel toepaliajwa Moisés chajia lelpox, Dios pejjamechan xot. Puexa Moisés chajia lelpox, diachwuajnakolax puexa japoxan jachiyaxael” —aech Jesús fariseosliajwa.

Jesús naewuajanpox poejiw pelsasamata pejwatho'
(Mt 19.1-12; Mr 10.1-12)

¹⁸ Jesús pejme jum-aech fariseosliajwa: “Aton pijow fo'a wut, fit wuton asaow, japon aton babijax is Diosliajwa, bu'moejt xot asaow pawis, pijwaelpow. Dios nejchaxoelaful japon aton matxoelafitpowliajwa, japon aton nakiowa pijowfuk. Kaen aton, fo'aspow fit wut, japon aton babijax is Diosliajwa, japowfuk nakiowa pamal xot Diosliajwa” —aech Jesús fariseosliajwa.

Jesús naksiyapox kemaeyanliajwa, Lázaroliajwabej

¹⁹ Jesús naewhajan wut, ampawhajan jum-aechon fariseosliajwa: “Kaen aton xabich kemaenk. Pomatkoicha naxoeipon chimia. Pomatkoichabej fiesta ispon pejbatat. Kemaeyan chimianaxaeyaxan pejjiw bu'xael.

²⁰ Jaxotbej kejilan, nabijatpon. Japon pawul Lázaro. Japon pobu'ta xabich sa'las. Pomatkoicha satat ekon kemaeyan pejbafafaxot.

²¹ Lázaro xaesia natacholanpi kemaeyan pejmesaxot. Pomatkoicha wur fulalaena Lázaro bu'daeliajwas sa'la-itfachan.

²² Do asamatkoi wut, Lázaro tup. Japon Dios pej-ángeles bu'fos patupa papatxotse, Abrahamxotaliajwabejpon. Do jawux, asamatkoi, kemaeyan tupbej. Japon muthtas.

²³ “Kemaeyan tup wut, patupa papatxotbej japon pat, kastikaxaes xoton. Jaxotdik kemaeyan xabich nabijat. Kemaeyan natachaemse wut, taenpon atuj Abraham. Taenbejpon Lázaro, Abraham suapich, wut.

²⁴ Samata, kemaeyan pinjametat jum-aech Abrahamliajwa: ‘Am Abraham, ixan nabeltaem, xabich nabijatax xot jitat! ¡Lázaro to'im min kothiyaxathosliajwa, xanlel fulaeliajwasik, nakaech-ia'thusliajwa!’ —aech kemaeyan.

²⁵ Abraham jumnot wut, jum-aechon: ‘Tamon, ixam chiekal nejchaxoelde! Xam laejam wut thatat, xabich nejmach nejew. Lázarolax laeja wut thatat, japon xabich nabijat, kejil wut. Pe amwutjel, japon xabich pachaem amxot. Xamlax amwutjel nabijatam.

²⁶ Lázaro fulaeyaxil xam poxadik, chuat xabich athu xot, matnoch nukjik xotox. Samata, xambej ampalel julaximil’ —aech Abraham kemaeyanliajwa.

²⁷⁻²⁸ “Do jawut, kemaeyan jum-aech: ‘Am Abraham, xam jum-an. ¡To'im Lázaro taj-ax pejba poxadik japon naewhajnaliajwa cinco takoew! Ja-aech wut, japibej ampalelsik fulaeyaxil nabijasliajwa’ —aech kemaeyan.

²⁹ Jawutbej Abraham jum-aech: ‘¡Japi nej naexaxis Moisés chajia lelpox, puexa profetas chajia lelpoxanbej!’ —aech Abraham kemaeyanliajwa.

³⁰ Kemaeyan jumnot wut, jum-aechon: ‘Am Abraham, japi naexaxisaxil japoxan. Pe patupan, mat-echpon, pejme duk wut, japon natulaelt wut japixot, ja-aech wut, japi babijaxan ispojan kofaxael. Do jawut, japi Dioskal naexaxisaxael’ —aech kemaeyan Abrahamliajwa.

³¹ Do pejme Abraham jum-aech: ‘Japi naexaxis-el wut Moisés chajia lelpox, puexa profetas chajia lelpoxanbej, japibej naexaxisaxil patupan, mat-echpon, natulaelt wut japi naewhajnaliajwas’ —aech Abraham kemaeyanliajwa” —aech Jesús fariseosliajwa.

17

*Jesús naewhajanpox jiw babijaxan isasamata
(Mt 18.6-9, 21-22; Mr 9.42-48)*

¹ Jesús jum-aech pejnachalaliajwa: “Asan aton pijaxtat asew jiw babijaxan is wut, japon aton xabich kastikaxaes Dios.

² Jiw babijaxan isasamata japon aton pijaxtat, kaes pejme pachaemaxael japon aton pinjit ia't, jajaerat, kaechariamake'sliajwas, chafo'aliajwas mar poxadik, xabich so'nik poxadik. Ja-aech wut, asew jiw babijaxan isaxil japon aton pijaxtat, jelxan nanaexasiti.

³ Samata, ¡chiekal taem xamal nijaxtat asew jiw babijaxan isasamata!

“Nejmach-aton, Dios pejjamechan naexasitpon, is wut babijax xamalliajwa, ¡japon aton xamal fia'e kofsliajwapon babijax ispojan! Dolison, japox babijax isax koft wut, ¡japon aton beltaem!

⁴ Japon aton pomatkoicha babijax isful wut xamalliajwa, asamatkoi jum-aech wuton xamalliajwa: ‘Xan pejme isaxinil babijax xamalliajwa’ —aech wuton, ijapon aton xamal beltaem!’ —aech Jesús pejnachalaliajwa.

Jesús pejnachala, japi kaes Dios xanaboejasiapox

⁵ Apóstoles jum-aech Jesúsliajwa:

—jXanal nakajachawae'e kaes Dios xanaboejalijwan! —aechi.

⁶ Jesús jumnot wut, jum-aechon apóstolesliajwa:

—Xamal cha-aex xanaboejam wut Dios, jum-am wut: ‘Diachwujnakolax Dios xajup puxa isliajwa’ —am wut, nejchaxoelam wut, xamalbej xajupaxaelam isliajwam xabich Dios pijaxtat. Nejxanaboejaxan xabicha-el wut Diosliajwa, me-ama mostazafut cha-aelfut, ja-aech wut, xamal jum-am wut ampanaeliajwa: ‘jDios ampanae nej tathinchakusas pukatutat nukaliajwa!’ —am wut, diachwujnakolax japanae, jachiyaxael —aech Jesús apóstolesliajwa.

Nabichan isfulaxaelpox tato'laspox

⁷ Do pejme Jesús jum-aech apóstolesliajwa: “Xamalxot kaen nabichan wut, japon to'axaelam nabichliajwa. Lulbichax kekoft wut, o, pak tataeflax koft wuton, xamal jumchiyaximil: ‘jLemen! jEkde tajmesaxot, xanal swapich xaeliajwam!’ —chiyaximil.

⁸ Jumchiyaxaelamlax: ‘jNaxaeyax isde xanal xaeliajwan! Xaelx wut, wujnawesaxaelam, xanal asax nawewe'p wut kamta nawe-isliajwam. Kaechatoelx wut, xamwich xaeyaxaelam’ —chiyaxaelam nabichanliajwa.

⁹ Xamal graciaschiyaximil namakanliajwa, japon chiekal is wut to'ampoxliajwa. Japon japox chiekal isaxael, nabichan xot.

¹⁰ jXamallap-is jachiyaxaelam! jIsfulde Dios tato'alpoxan! Isax toetam wut, jnakaewa najum-amde: ‘Xatis nabichwas wajpaklonliajwa. Samata, chiekal isaxaes wajpaklon naktato'alpoxan’ —chiyaxaelam nakaewaliajwa! jNakaewa najumchiyaximil: ‘Asan aton bej nakjumchiyaxaelbej: “Xamal gracias-an, chiekal nabistam xot Diosliajwa” —bej nakchiyaxaelbejpon’ —nabej aeche' najutliajwa!’ —aech Jesús apóstolesliajwa.

Jesús boejthutpox diez poejiw, leprawaxae waeispi

¹¹ Jesús Jerusalén paklowax poxade wut, Galilea tuajnulel babu'akal folon, Samaria tuajnulel.

¹² Do jawut, Jesús paklowaxach pasliajwa wut, jaxot diez poejiw fulaen bu'kakulnaliajwapi Jesús. Japi puxa bu'xaenk leprawaxaetat. Japi mox pasaxil Jesúsxot. Samata, atuxaxach nuili.

¹³ Japi nejlat wut, jum-aechi:

—Jesús, jiw chanaekabuanan, jxanal nabeltaem! —aechi.

¹⁴ Do jawut, Jesús japi taen wut, jum-aechon:

—jXabu'a'de sacerdotes poxade japi taeliajwa xamal leprawaxae boejthutpox! —aech Jesús.

Do jawut, japi fulaech wut sacerdotes poxade, fulaeyaxtat chalechkal japi puxa chiekal boejthuls leprawaxae. Do jawut, chiekal pachaemlisi.

¹⁵ Kaen japixot taen wut pejbu't chiekal wepachaemspox, jawut tamach kaxadinpon Jesús poxadin. Dolison Jesúslel fulaen wut, pinjаметat jum-aechfuldinpon Diosliajwa: “Dios, xam diachwujnakolax xabich pachaemam” —aechfuldinpon.

¹⁶ Dolison pat wut Jesúsxot, brixtat nuk wut Jesús pejwujnalel, sat makxabijindikon graciaschiliajwa. Japon aton, Samaria tuajnupijin.

¹⁷ Do jawut, Jesús jum-aech asew jiwliajwa:

—¿Boejthulspikat, bej diezbejji? ¿Amxotkat asew nueve?

¹⁸ Ampon aton asatɥajɥpijin. Tamach kaxadinpon Dios jɥmchiliajwa: 'Dios, xam diachwɥajnakolax xabich pachaemam' —chiliajwa —aech Jesús jaxot nuilpiliajwa.

¹⁹ Do jawɥt, Jesús jɥm-aech boejthulsponiajwa:

—¡Nande! ¡Xabɥa'de nejmach! Xam chiekal boejthullis, chiekal naxanaboej-tam xot —aech Jesús.

*Dios puexa pejjiw tato'lax tɥadut wɥt, taeyaxisalpox
(Mt 24.23-28, 36-41)*

²⁰ Asamatkoi fariseos wɥajɥnachaemt wɥt, jɥm-aechi Jesúsliajwa:

—¿Maswɥtkat tɥadusaxael Dios puexa pejjiw tato'laxaelpox? —aechi.

Do jawɥt, Jesús jɥm-aech fariseosliajwa:

—Dios tɥadut wɥt puexa pejjiw tato'alpox, japox xamal taeyaximil.

²¹ Samata, jiw jɥmchiyaxil: 'Ma amxot Dios puexa pejjiw tato'al' —chiyaxil. Jɥmchiyaxilbejpi: 'Ma jaxotde Dios puexa pejjiw tato'al' —chiyaxil jiw. Dios puexa pejjiw tato'alpox ma xamalxot tɥadutlisox. Pe japox tae-emil —aech Jesús fariseosliajwa.

²² Do jawɥt, Jesús jɥm-aech pejnachalaliajwa:

—Xan, puexa jiw pakoewkolnan, asamatkoi puexa jiw tato'laxaelen ampathatat. Xamal xabich nejxasinkaxaelam xan nataeliajwam, xan puexa jiw tato'lax wɥt. Pe nataeyaximil, nawepas-el xotfuk tajmatkoi jiw tato'laliajwan.

²³ Asew jiw xamal kichachajbaxael. Jɥmchiyaxaeli: '¡Ma amxot Cristo!' —chiyaxaeli. El wɥt, asew jiw xamal jɥmchiyaxael: '¡Ma jaxotde Cristo!' —chiyaxaeli. Jasoɥ jɥm-aech wɥti, ¡xamal nabej naexasis! ¡Nabej fɥlae'ebej japoxade!

²⁴ Chamx nakliafcha wɥt, potɥajɥɥcha puexa jiw kaewɥtje taena. Xanlap-is jachiyaxaelen asamatkoi, xan, puexa jiw pakoewkolnan, pejme paskax wɥt. Kamta kaewɥtje puexa jiw nataenaxael.

²⁵ Pe matxoela xan xabich nabijasaxaelen. Ampathatpijiw, amwɥtjel laelpi, japi xan nanejweslaxael.

²⁶⁻²⁷ Noé laeja wɥt ampathatat, xabich jiw nejmamach. Samata, xaeli. Afbejpi. Nakjiyabejpi. Japamatkoiyan, ja-aech wɥt, Noé pinjiyax barkam low wɥt, chalechkal xabich iam thilnax tɥadut. Do jawɥt, sat bu'al. Puexa jiw chiekal tɥp. Jachiyaxaelbej asamatkoi, xan, puexa jiw pakoewkolnan, pasaxoekan wɥt. Jiw pomatkoicha nejmach duilafɥlaxael.

²⁸ Ja-aechlap-is Lot chajia laeja wɥt. Jiw xael. Afbejpi. Wɥajtbejpi. Mowabejpi. Mɥthabejpi naxaeyaxan. Bachan iabejpi. Japi jiw pomatkoicha chiekal nejmach duilafɥl.

²⁹ Ja-aech wɥt, japamatkoiyan, Lot nakolt wɥt Sodoma paklowaxxot, chalechkal athɥlelsik natacholan azufre, me-ama ia'an. Pe japi jitan tamdadutpi. Japoxan ja-aech wɥt, puexa Sodoma paklowaxpijiw chiekal toejwas.

³⁰ Jachiyaxaelbej xan, puexa jiw pakoewkolnan, pejme chalechkal pasaxoekan wɥt. Jasoxtat jiw nejmach duilafɥlaxael.

³¹ "Japamatkoitat jiw nejchaxoelaxil pejew. Xan chalechkal paskax wɥt, jiw, pejbachanmatwɥajtat nuili, baloek wɥt, nejchaxoelaxili pejbachan leliajwa pejew jukaliajwa. Japamatkoiyantat asew jiwbej, pejlulanxot nabisti, do jawɥt, jaxot kamta japi dɥkpaxael. Kaxa naweyaxildini pejbachan poxadin pejew wɥljaesliajwa.

³² ¡Nejchaxoelde Lot pijow wejatispoxliajwa! (Naexasis-el wutow Dios jum-aechpox, japow domt nadofa.)

³³ Jiw isful wut pajut nejxasinkpoxan ampahat, japi asamatkoi tɔp wut, duilaxili Diosxotse. Jiw tajaxtat kofa wutlax pajut isasiapoxan, japi jiw asamatkoi tɔp wut, pomatkoicha duilaxaeli Diosxotse.

³⁴ “Diachwɔajnakolax xan jum-an. Chalechkal paskax wut, japamadoitat kolenje moejt wut kaecamatat, kaen buflaeyaxaes. Asan waelsaxaes.

³⁵ Koliowje kaeyaxtat xatkiana wut, kaeow buflaeyaxaes. Asaow waelsaxaes.

³⁶ [Kolenje aton kaelultat nabist wut kaeyaxtat, kaen buflaeyaxaes. Asan waelsaxaes.”] —aech Jesús, pejnachala naewɔajan wut.

³⁷ Jesús pejnachala japox jumtaen wut, jawut wɔajnachaemt wut, jum-aechi Jesúsliajwa:

—Tajpaklon, ¿amxotkat japox jachiyaxael? —aechi.

Jesús jumnot wut, jum-aechon pejnachalaliajwa:

—Puexa jiw chiekal matabija amprox. Choefan, tɔpon, okxot, jaxot thutha pasliajwa piachaxil. Xan pasaxoekan wut, me-ama japox, jachiyaxael —aech Jesús, naewɔajan wut pejnachala.

Jesús japox jum-aech wut, japox jumchiliajwa: “Potɔajnaucha jiw taeyaxael, Cristo fuloek wut, Dios markamatkoi pat wut” —chiliajwa japox.

18

Pamal naetɔpspow pejwɔajan, juezbej

¹ Dolisdo', Jesús naewɔajan pejnachala kofa-elaliajwa Dios kawɔajanpox. Do jawut, asawɔajantat naewɔajanbejpon.

² Jum-aechon: “Paklowaxxot juez duk. Japon juez chinax Dios naexasis-el. Sitae-elbejpon Dios. Sitae-elbejpon jiw.

³ Japapaklowaxxot pawis duk, pamal naetɔpspow. Asamatkoi japow fulaech juez poxade jumchiliajwa amprox. Do jawut, jum-aechow: ‘Tadaelman babijax is xanliajwa. Samata, ito'im soldaw japon aton kastikaliajwas!’ —aechow juezliajwa.

⁴ Japow pin-iaveces papat juezxot majt jum-aechpox, japox pejme jumchiliajwa. Pe japon juez piach is-el japow jum-aechpoxliajwa. Do baxael, juez nejchaxoel: ‘Xan diachwɔajnakolax Dios sitae-enil. Sitae-enilbej jiw.

⁵ Pe japow japoxtat xan nataliasful. Samata, xan isaxaelen japow najum-aechpox kaxa pejme fulae-elaliajwadin xanel, japoxtat kaes nataliasfulaelaliajwa’ —aech juez, nejchaxoel wut” —aech Jesús, naewɔajan wut pejnachala.

⁶ Do pejme Jesús jum-aech, naewɔajan wut pejnachala: “Japon juez pachaema-el kajachawaesliajwapon japow.

⁷ Dioslax jachiyaxil. Japon isaxael pachaempox kajachawaesfulaliajwapon pejjiw, asew babijaxan is wut japi jiwliajwa.

⁸ Diachwɔajnakolax xan jum-an. Dios piachaxil kajachawaesliajwa pejjiw, asew jiw babijaxan is wut japiliajwa. Xan, puexa jiw pakoewkolnan, fuloekx wut pejme, ¿faenaxaelenkat jiw xan nawɔajnewesfulpi?” —aech Jesús, naewɔajan wut pejnachala.

Fariseo, impuesto mat-omwɔljoenbej, japi pejwɔajan

⁹ Asew jiw nejchaxoelaful: “Xatis kaes pejme pachaems. Me-ama asew jiw, jachi-esal” —aechfuli pajutliajwa, nejchaxoel wut. Jesús naewɔajan wut jum-aechon ampawɔajantat japi jiwliajwa. Do jawut, jum-aechon:

¹⁰ “Kolenje fɹlaech Dios pejtemploba pɹxade Dios kawɹajnalijwa. Kaen fariseo-aton. Asan impuesto mat-omwɹljoen Roma gobiernolijwa.

¹¹ Fariseo-aton nukaxtat Dios kawɹajan. Pe japon jɹm-aechpoxan Diosliajwa pachaema-el, jɹm-aech xoton: ‘Dios, xan kaes pejme pachaeman. Me-ama asew jiw, jachi-enil. Samata, xan gracias-an xamliajwa. Asew jiw is pachaema-elpoxan. Asew jiwbej kethaknik. Asew jiwbej bɹ'moejt asew watho', pijowa-elpi. Me-ama japi jiw, xan jachi-enil. Me-ama amponbej, impuesto mat-omwɹljoen gobiernolijwa, xan jachi-enilbej.

¹² Xanlax koleveces posemana naxae-enil xam piach kawɹajnalijwan. Kanxpi nabistax wɹt, xan diajnax diezmɹaxtjelijaw. Kaemɹaxt diajnax xam chaxdusliajwan. Jasox isx pomatkoicha’ –aech fariseo-aton, Dios kawɹajan wɹt.

¹³ Impuesto mat-omwɹljoen gobiernolijwa, japon atɹaxach tamach nuk jiwxot, Dios kawɹajan wɹt. Jawɹt natachaems-elbejpon athɹelse. Natx-aton. Jawɹt najut namatiafdaka wɹt, jɹm-aechon Diosliajwa: ‘Dios, xan tajut matabijtax babejnannonan. Samata, jɹxan nabeltaem!’ –aechon, Dios kawɹajan wɹt.

¹⁴ Diachwɹajnakolax jɹm-an. Japon, impuesto mat-omwɹljoen gobiernolijwa, japon beltaens Dios babijaxan ispoxanliajwa. Pelax fariseo-aton Dios beltae-esal, japon babijaxan ispoxanliajwa. Nejmach-aton nejchaxoel wɹt pajutliajwa: ‘Xan kaes pejme pachaeman. Me-ama asew jiw, jachi-enil’ –aech wɹton pajutliajwa, asamatkoi Dios jɹmchiyaxaeson: ‘Xam nejchaxoelax pachaema-el’ –chiyaxaeson Dios. Asanlax nejchaxoelpon pajutliajwa: ‘Xan kaes pejme pachaema-enil. Me-ama asew jiw, jachi-enil’ –aech wɹton pajutliajwa, japon aton asamatkoi Dios jɹmchiyaxaeson: ‘Xam nejchaxoelax pachaem’ –chiyaxaeson Dios” –aech Jesús naewetiliajwa.

*Pajam yamxi bɹflaenspox Jesúslel
(Mt 19.13-15; Mr 10.13-16)*

¹⁵ Pajam yamxi bɹflaens Jesúslel, Jesús ke-osliajwa yamxi pejta'anxot. Jesús pejnachala japox taen wɹt, fiati yamxi bɹflaeni bɹflae-elalijwa Jesúslel. Jawɹt jɹm-aechi:

–jɹxamal nabej bɹflae' yamxi Jesúslel! –aechi.

¹⁶ Jesús japox jɹmtaen wɹt, jawɹt lapon yamxi bɹflaenpi bɹflaelijawapi japonlel. Jawɹt jɹm-aechon pejnachalalijwa:

–jɹTapaem yamxi xanlel bɹflaelijwas! jɹNabej fias! Diosxotse duilpi, japi, me-ama ampi yamxi, ja-aech, kamta naexasit xoti Dios pejtato'lax.

¹⁷ Diachwɹajnakolax xan jɹm-an. Xamal Dios naexasitam wɹt, me-ama yamxɹlan pax naexasit, ja-am wɹt xamal, Diosxotse pasaxaelam. Naexasis-emil wɹt, pasaximil Diosxotse –aech Jesús.

*Kemaeyan nospaeipox, Jesús sɹapich
(Mt 19.16-30; Mr 10.17-31)*

¹⁸ Kaen judíospaklochowxot, japon wɹajnachamt Jesús. Jɹm-aechon:

–Jiw chanaekabɹanan, xam xabich pachaemam. ¿Achaxkat xan nawewe'p isliajwan, Diosxotse dukalijwan pomatkoicha? –aechon.

¹⁹ Jesús jɹmnot wɹt, jɹm-aechon:

–¿Ma-aech xotkat najɹm-am: ‘Xam xabich pachaemam’ –na-amkat? Jiw xabich pachaempi ajil. Kaen Dios, japon xabich pachaem.

²⁰ Xam matabijtam Dios pejtato'laxan. Moisés chajia lelpox jɹm-aech: ‘jɹNabej bɹ'moejs asaow pawis, nijwa-elpow! jɹNabej be'bej asew jiw! jɹNabej

natkowe'bej asew jiw pejew! ¡Pajilax nabej jum-aeché'bej asan aton tasalali-ajwam, babijax is-elpon! ¡Sitaembej nej-ax, nej-en suapich!' —aech Moisés chajia lelpox —aech Jesús japon atonliajwa.

²¹ Do jawut, kemaeyan jum-aech:

—Xam najum-ampox, tñadutx naexasisliajwan, yamxuchan wut. Amwutjel nakiowa chiekal naexasisfulax —aech kemaeyan.

²² Jesús japox jumtaen wut, jum-aechon:

—Xamfuk kaeyax wewe'p isliajwam. ¡Puexa nejew mowam! Mowam wut, ¡japaplata chaxduim kejila! Ja-am wut, Dios xam chaxduiyaxael xabich pachaempoxan japonxotse. Toetam wut chaxduiyax kejila, do jawut, ¡xabaa't xan naknanñamsliajwam, tajnachalnaliajwambej! —aech Jesús kemaeyanliajwa.

²³ Kemaeyan japox jumtaen wut, xabich nejxaejwas, xabich kemaenxoton. Samata, owchi-elon Jesús jum-aechpox.

²⁴ Kemaeyan chijia wut Jesúsxot, Jesús jum-aech naewetiliajwa:

—Xabich tampoel kemaeya pasliajwa Diosxotse.

²⁵ Xamal chiekal matabijam camello pinjin xot, xajupaxil kuthatñakre'wñajpoxade xensliajwa. Kemaeyanliajwabej, ja-aech. Tampoel japon pasliajwa Diosxotse —aech Jesús.

²⁶ Jesús jum-aechpox jumtaenpi, japi jum-aech Jesúsliajwa:

—¿Achankatlax bu'weyaxaes pasliajwa Diosxotse? —aechi.

²⁷ Jesús jum-aech:

—Jiw pajut pijaxtat pasaxil Diosxotse. Pelax Dios xajup puexa isliajwa. Samata, Dios xajup jiw bu'weliajwa. Dios kajachawaesaxael jiw pasliajwa japonxotse —aech Jesús.

²⁸ Do jawut, Pedro jum-aech Jesúsliajwa:

—Tajpaklon, xanal puexa tejew waelax xam nakfulaeliajwan —aech Pedro.

²⁹⁻³⁰ Do jawutbej, Jesús jum-aech pejnachalaliajwa:

—Diachwñajnakolax xan jum-an. Nejmach-aton naexasit wut Dios pejtato'lax, japon waelt wut pejba, pijow, pakoew, paxi, pax, penbej, ja-aech wut, japon aton Dios xabich kajachawaesaxaeson ampathatat. Asamatkoi tñp wut, pasaxaelbejpon Diosxotse pomatkoicha dukaliajwa —aech Jesús.

Ampoxtat Jesús jum-aech tres veces japon pejpatñpaxliajwa

(Mt 20.17-19; Mr 10.32-34)

³¹ Jesús la doce pejnachala, japikal tamachaliajwa. Do jawux, japikal wut, Jesús jum-aech: “Amwut Jerusalén paklowax poxaxaes. Chajia profetas lelpoxan jum-aech xan, puexa jiw pakoewkolnanliajwa, jachiyaxaelpox jaxotde.

³² Do jawux, xan, puexa jiw pakoewkolnan, nawiasaxael judíos-elpíxot. Jawut nabu'wñajanpaeyaxaeli. Babejjamechan najumchiyaxaelbejpi. Naloyaxaelbejpi.

³³ Xabich namatwñajselsaxaelbejpi. Do jawux, tñpaxaelen. Tñpx wut, tres matkoi wut, Dios namat-esaxael pejme dukaliajwan” —aech Jesús, pajutliajwa jum-aech wut.

³⁴ Jesús pejnachala japox jumtaen wut, chiekal jummatabija-eli, tampoel xot japi jummatabijaliajwa. Jummatabija-elbejpi, ma-aech xot Jesús japox jum-aech.

Jesús boejthutpox itliaklan

(Mt 20.29-34; Mr 10.46-52)

³⁵ Asamatkoi Jesús Jericó paklowax mox itwefol wut, wñajna ek itliaklan nñambabu'tat, jiw xaxenapi plata malech wñljoeliajwa.

³⁶ Itliaklan jumtaen wut jiw pinamut xenaxaesox, jawut wuajnaem wut, jum-aechon:

—¿Ma-aechkat? —aech itliaklan.

³⁷ Do jawut, xaxenapi jum-aechi itliaklanliajwa:

—¡Malis fulaeyaxaen ampaleldin Jesús, Nazaret paklowaxpijin! —aechipon.

³⁸ Itliaklan japox jumtaen wut, nejlat wut, jum-aechfullison:

—Jesús, David pamon, ¡xan nabeltaem! —aechfulon.

³⁹ Jiw, matxoelafoli, buxfiatipon boejlach ekaliajwa. Ja-aech wut, japon itliaklan kaes pejme nejlasful wut, jum-aechfulon:

—David pamon, ¡xan nabeltaem! —aechfulon.

⁴⁰ Do jawut, Jesús japox jumtaen wut, nukjaba. Jawut to'apon itliaklan buflaeliajwas japonleldin. Dolisdo', Jesús wuajnaem wut, jum-aechon itliaklanliajwa:

⁴¹ —Xam, ¿achaxasiamkat xan isliajwan xamliajwa? —aech Jesús.

Itliaklan jumnot wut, jum-aechon:

—Tajpaklon, xan pejme taesian —aechon.

⁴² Jesús jum-aech:

—¡Pejme taem! Xam chiekal xan naxanaboejtam xot, pejme chiekal taeyaxaelam —aech Jesús.

⁴³ Do jawut, itliaklan chiekal wepachaems pej-itfut. Chiekal taenbejpon. Do jawut, Jesús nakfollison. Nakfol wut, jum-aechfulon Diosliajwa: “Dios, xam xabich pachaemam” —aechfulon. Puexa jiw, japox taen wut, japibej Diosliajwa jum-aechful: “Dios, xam diachwuajnakolax xabich pachaemam” —aechfuli.

19

Jesús nospaeipox, Zaqueo suapich

¹ Do jawux, Jesús pat wut Jericó paklowax, follison japapaklowax xensliajwa.

² Japapaklowaxxot aton duk, kemaeyan. Japon pawul Zaqueo. Japonbej paklon impuesto mat-omwuljoewliajwa, Roma gobiernoliajwa.

³ Zaqueo xabich taesia Jesús. Pe Zaqueo itfuxajupaxil taeliajwapon Jesús, japon maramatan xot. Taeyaxilon Jesús, xabich jiw Jesús masajiasfulas xot.

⁴ Samata, Zaqueo najae'a wuajnade, Jesús fulaeyaxaech poxade. Jaxotde Zaqueo jul naetat taeliajwapon Jesús.

⁵ Jesús japalel fulaen wut, Jesús taen Zaqueo, athu naetat wut. Do jawut, Jesús jum-aech:

—Zaqueo, ¡baloemk! Amwut nejbaxotaxaelen —aech Jesús.

⁶ Do jawut, Zaqueo bichakal kamta balaelik. Xabich nechachaemlaxtat Jesús chiekal bu'kalton Jesús namanaliajwa japon pejbatat.

⁷ Japi jiw japox taen wut, puexa nakaewa najum-aechi Jesúsliajwa: ‘Jesús namanaxil Zaqueo pejbatat, japon babejen xot’ —aechi.

⁸ Do jawux, Jesús Zaqueo pejbaxot wut, mesaxot ek wut, Zaqueo chalechkal nant. Jawut jum-aechon Jesúsliajwa:

—Tajpaklon, ¡xan chiekal najumtaem! Puexa xan tejewpi, ma amwut najupadiajnaxaelen kejila chaxduiliajwan. Xan impuesto mat-omwuljowx wut, kaes mat-omwuljowxpi, japi pejplata pejme wewoeyaxaelen. Pe kaes cuatro veces japi wewoeyaxaelen —aech Zaqueo Jesúsliajwa.

⁹ Do jawut, Jesús jum-aech:

—Diachw^uajnakolax xam amw^utjellis Abraham pamonkolnam, Dios chiekal naexasitam xot, me-ama Abraham, ja-am xot. Samata, nej**ba**pijiw Dios beltaeyaxaes japi **ba**bijaxan ispoxanliajwa.

¹⁰ Xan puexa jiw pakoewkolnan, f^ulaenx jiw w^ulw^uwekaliajwan, b^u'w^ueliajwanbej, japi napelti Diosliajwa —aech Jesús Zaqueoliajwa.

Paklon waelapox plata pamakjiwxot
(Mt 25.14-30)

¹¹ Jesús Zaqueo pejbatat w^ut, jiw j^um^utaen Jesús j^um^u-aechpox. Mox xotli-son Jerusalén paklowaxxot, jaw^ut xabich jiw nejchaxoel Jesúsliajwa: “Jesús Jerusalén paklowaxxot pa'a w^ut, Dios tato'almatkoi pasaxael. Jaw^ut Jesús paklokolan nadofaxael puexa jiw tato'laliajwa ampat^uaj^upijiw” —aech jiw, nejchaxoel w^ut Jesúsliajwa. Pef^uk Jesús paklokolan dofaxil. Samata, Jesús naew^uajan am paw^uajantat japi jiw chiekal matabijaliajwa.

¹² Do jaw^ut, j^um^u-aechon: “Paklowaxxot kemaeyan duk. Japon w^ullalas asat^uaj^unelel w^ulduiliajwas rey^uliajwapon, nawia'an w^ut puexa jiw pejt^uaj^upijiw tato'laliajwapon.

¹³ Dolison, f^ulaeliajwa w^ut asat^uaj^une poxade, lalison diez pamakjiw f^ulaeliajwadin japonlel. Pat w^uti japonxot, kemaeyan waela kaenan^ula plata japixot. J^um^u-aechon: ‘Tajw^ulela ampaplata nawexaw^uaj^usf^ulam w^ut, j^umowaf^uldebej kaes plata nawekanaliajwam xanliajwa! Samata, xan pejme patx w^ut, tajplata kaes pejme nawewoeyaxaelam’ —aech kemaeyan diez pamakjiwliajwa. Do jaw^ut, f^ulaechlison, w^ullalas poxade.

¹⁴ Pe pejt^uaj^upijiw nejweslas kemaeyan. Nejweslasbejpon japon japi pejrey^uliajwa. Samata, japixot asew jiw to'api kemaeyan w^ulduiyaxaes poxade, japi j^umchiliajwa, jaxot pa'a w^ut: ‘Japon xanal nejwesla tajrey^uliajwa’ —chiliajwapi kemaeyanliajwa.

¹⁵ “Pe nakiowa kemaeyan w^ulduws rey^uliajwa. Do jaw^ux, japon pejme naw-ian pejt^uaj^une poxadin. Pat w^uton pejbatat, to'apon pamakan w^ullalaeliajwas diez pamakjiw, japixot plata waelapipon, matabijsliajwa mass^uapich plata kaenan^ula japi kana.

¹⁶ Do jaw^ut, matxoelapatron j^um^u-aechon kemaeyanliajwa: ‘Tajpaklon, xan diez veces kaes plata kanx, xanbistax w^ut nejew plata’ —aechon.

¹⁷ Kemaeyan j^umnot w^ut, j^um^u-aechon: ‘Xabich pachaem. Xam chiekal nabistam xanliajwa. Chiekal nawetataeflam kaeyaxachpox. Samata, amw^ut diez paklowaxanpijiw tato'laxaelam’ —aech kemaeyan pamakanliajwa.

¹⁸ Do jaw^ut, asan pamakan pat w^ut, japon j^um^u-aech: ‘Tajpaklon, xan cinco veces kaes plata kanx, xanbistax w^ut nejew plata’ —aechon.

¹⁹ Kemaeyan j^um^u-aech pamakanliajwa: ‘Amw^ut xam cinco paklowaxanpijiw tato'laxaelam’ —aech kemaeyan pamakanliajwa.

²⁰⁻²¹ “Do jaw^ut, asan pamakan pat w^ut, japon j^um^u-aech: ‘Tajpaklon, ama ne-jplata. Xan chabaentax panyoelb^u'tat, tajlewla xot xamliajwa, nejth^u'nikam xot, xam beltae-emil xotbej namak. Namak nabistpoxantat xam kanam’ —aech pamakan kemaeyanliajwa.

²² Kemaeyan j^umnot w^ut, j^um^u-aechon: ‘Xam xabich babejnam. Chiekal natanbich-emil. Xam naj^um^u-ampoxtat xam kastikaxaelen. Xam naj^um^u-am: “Xam nejth^u'nikam. Xam beltae-emilbej namak. Namak nabistpoxantat xam kanam” —na-am xanliajwa.

²³ Xam matabijtam w^ut xan tajkab^uanpoxan, ¿ma-aech xotkat tejew plata presta-emil bancopijiw? Xam prestam w^ut plata, amw^utjel bancopijiw kaes plata xam tawiasaxael. Prestampoxliajwa xam kaes mosaxaelbejpi. Samata,

amwutjel plata nawewiatam wut, kaes nawewiasaxaelam' —aech kemaeyan pamakanliajwa.

²⁴ Do jawut, kemaeyan jum-aech jaxotpiliajwa: '¡Kechafi'e ampon aton, plata nawechabaentpon panyoelbu'tat! ¡Japaplata chaxdu'e diez veces kaes plata kanpon!' —aech kemaeyan.

²⁵ Jaxot nuili jum-aech: 'Tajpaklon, japon xabich pin-iat. ¿Ma-aech xotkat pejme kaes chaxdusaxaelam japon?' —aechi kemaeyanliajwa.

²⁶ Kemaeyan jumnot wut, jum-aechon: 'Diachwujnakolax xan jum-an. Tejew chiekal nawetataefulpon, japon kaes pejme chaxdusaxaelen. Asanlax chiekal nawetataefla-elpon tejew, kaesujapich nawetataefulpox, kekusaxaeson.

²⁷ Pe tadaelmajiw, xan nanejweslapi japi pejreynanliajwa, ¡japi buflaeman ampalel xan tajwujnalel beliajwaspi!' —aech rey" —aech Jesús, ampawujajan naewujajan wut.

*Jesús mox patpox Jerusalén paklowaxxot
(Mt 21.1-11; Mr 11.1-11; Jn 12.12-19)*

²⁸ Jesús japox buxtoet wut Zaqueo pejbaxot, do jawut, Jesús fulaech Jerusalén paklowax poxade, pejnachala ujapich.

²⁹ Mox Jerusalén paklowaxxot wut, jaxot mujax. Japamujaxlelxot xabich olivonaechan nuil. Samata, japamujax pawul Olivonaechanmujax. Mox japamujaxxot kolepaklowaxach. Kaepaklowaxach pawul Betfagé. Asapaklowaxach pawul Betania. Jesús japapaklowaxxot mox fol wut, wujajna to'achon kolenje pejnachalan.

³⁰ Jesús japi to'aliajwa wut, jum-aechon:

—¡Xabua'de japapaklowaxach poxade! Jaxotde pa'mach wut, bur jelti'san, wuke'taspon, taeyaxaelam. Japabur chinax kaen aton tua-eka-esalfuk. ¡Jolde! Joltam wut, ¡nawebuflaeman japabur!

³¹ Jaxotpijin xamal wujajnachaemt wut, jum-aech wuton: '¿Ma-aech xotkat xamal bur joltam?' —aech wuton, ¡xamal jum-amde japon: 'Wajpaklon wewe'pas bur' —amde japon aton! —aech Jesús kolenje pejnachalanliajwa.

³² Do jawut, japi ow-aech wut, fulaechlisi japapaklowaxach poxade. Ja-aech japox, me-ama Jesús chajia jum-aech.

³³ Japi bur jolt wut, burpijiw wujajnachaemtasi. Jumtispi:

—¿Ma-aech xotkat xamal bur joltam? —tispi.

³⁴ Japi jumnot wut, jum-aechi:

—Wajpaklon wewe'pas bur —aechi.

³⁵ Do jawut, Jesús pejnachala bur buflaen Jesúsleldin. Jesúsxot bu'pat wuti, bur tam-owapi pejew, thuch pejsumta-owapi. Do jawut, Jesús tua-ek.

³⁶ Jesús burtat chaflaen wut, wujajna jiw pejsumta-owa jollisi nuamtat ba'aliajwa Jesús chaflaeyaxaenlel. (Jasox isi Jesús chiekal bu'kulaliajwapi, xabich sitaen xoti Jesús.)

³⁷ Jesús mox fol Olivonaechanmujaxxot. Jaxot nuamsik mujaxlelasik, fulaeliajwa Jerusalén paklowax poxade. Jesús chaflae-el wut japoxadik, puexa jiw tuadut nejlasfulaliajwa, nejchachaemil xoti. Nejlasful wut, jum-aechfuli Diosliajwa: "¡Xam xabich pachaemam!" —aechfulisi. Jasox xabich jiw jum-aechful, majt chajia taen xoti, Jesús koechaxan is wut Dios pijaxtat.

³⁸ Jiw jum-aechfulbej Jesúsliajwa:

—Ampon, fulaenpon Dios pijaxtat, xabich pachaempon. Japon fulaen reyli-ajwa, xatis naktato'laliajwa. Wujajanjilaxtat puexa jiw duilaxael athuxotse Dios pijaxtat. Dios, athupijin, japon xabich pachaem —aechful xabich jiw.

³⁹ Jiwxot, jaxot kaesuaapich fariseos. Japi fariseos palala xot, jum-aechi Jesúsliajwa:

—Jiw chanaekabuanan, jampi jiw, nejnachala, buxfia'e jum-aechfulpoxan! —aechi Jesúsliajwa.

⁴⁰ Jesús jumnot wut, jum-aechon:

—Diachwajnakolax xan jum-an. Japi jiw buxfiatx wut boejlachliajwa, ia'lax nejlasfulaxael japi jiw jum-aechfulpoxanliajwa —aech Jesús fariseosliajwa.

⁴¹ Jesús Jerusalén paklowaxxot mox pat wut, paklowax taen wut, nowpon Jerusalén paklowaxpijwliajwa.

⁴² Jesús now wut, jum-aechon: “Xan xabich nejxasinkax Jerusalén paklowaxpijw tajpasax matabijaliajwa. Xan paskax japi jiw bu'welijwan xan tajaxtat, chiekal pachaemaliajwapi Diosliajwa. Pe japi chiekal matabija-el. Xan nabu'kula-elbejpi. Samata, amwutjel japox chiekal toeplixox japi xan namatabijsliajwapox.

⁴³ Babejmatkoiyan tapasfulaxaesi. Padaelmajiw chakipasaxaesi. Chamasajoeyaxaesbejpi. Chinax kaen aton japapaklowaxxot weyaxil.

⁴⁴ Ja-aech wut, Jerusalén paklowaxpijw puexa chiekal toesaxaes. Pejbachan wetukaxaesbejpi. Chinax kaet ia't namanaxil nakaesia'tmatwajtat. Jasox wejachiyaxaesi, xan namatabijs-el xoti, xan patxponan jiw bu'welijwan” —aech Jesús, now wut Jerusalén paklowaxpijwliajwa.

*Jesús to'apox nakolaliajwa Dios pejtemplobatat mowapi, wujtibej
(Mt 21.12-17; Mr 11.15-19; Jn 2.13-22)*

⁴⁵ Jesús Jerusalén paklowax pat wut, lowpon Dios pejtemploba. Jaxot Jesús taen mowapi. Taen wuton japi Dios pejtemplobatat, nejthu'axtat to'apon choef mowapi nakolaliajwa Dios pejtemplobatat.

⁴⁶ Jesús jum-aech japiliajwa:

—Dios pejjamechan, chajia lelspxox, jum-aech Dios jum-aechpox pejtemplobaliajwa: ‘Tajba kawajnaba wulxael, jiw xan nakawajnalijwa’ —aech Dios jum-aechpox pejtemplobaliajwa. Xamallax Dios pejtemploba kethaka pejba padofam —aech Jesús.

⁴⁷ Kaematkoisful Jesús naewajan Dios pejtemplobatat. Pe sacerdotespaklochow, judíos chanaekabuanapibej, a sew judíospaklochowbej, japi nakaewa najum-aech: “¿Machiyaxaeskát Jesús boesaliajwas?” —na-aechi nakaewa.

⁴⁸ Pelax japi matabija-el, achaxtat pachaem Jesús boesaliajwas, puexa jiw chiekal naewet xot Jesús naewajanpoxan.

20

*Jesús wujnachaemtaspxox, achan to'aspon choef mowapi nakolax to'aliajwapon Dios pejtemplobatat
(Mt 21.23-27; Mr 11.27-33)*

¹ Asamatkoi Dios pejtemplobaxot Jesús jiw naewajan chimiawajan, jiw bu'weyaxaesox. Ja-aech wut, sacerdotespaklochow, judíos chanaekabuanapi, ancianosbej, mox soepapi Jesúsxot.

² Do jawut, jum-aechi:

—¡Xanal najum-amde ampox! ¿Achan pijaxtatkat xam to'am choef mowapi nakolaliajwa Dios pejtemplobaxot? ¿Achankat xam to'a japox isliajwam? —aechi Jesúsliajwa.

³ Jesús jumnot wut, jum-aechon japiliajwa:

—Xan-is xamal asax wujnachaemsaxaelen. ¡Pe xamal majt najumno'e!

⁴ ¿Achankat Juan to'as jiw bautisaliajwa? ¿Dioskaton to'as? O, ¿jiwkaton to'as? —aech Jesús.

⁵ Jesús japox jum-aech wut, japi nakaewa najum-aechna: “Jumnoch wut, ‘Juan Dios to'as jiw bautisafulaliajwa’ —tis wut, Jesús nakjumchiyaxael: ‘¿Ma-aech xotkat xamal Juan jum-aechpoxan naexasis-emil?’ —nakchiyaxael xatis Jesús.

⁶ Jumtis wutlax: ‘Juan jiwkal to'as jiw bautisafulaliajwa’ —tis wut, puexa jiw xatis ia'tat nakdadaepaxael nakmatkaejabaliajwa, palalaxael xoti xatisliajwa. Jasox isaxaeli xatisliajwa, puexa jiw jum-aech xot Juanliajwa: ‘Di-achwujnakolax Juan, jiw bautisan, jum-aech Dios pijaxtat’ —aech xot jiw Juanliajwa” —na-aechi nakaewa.

⁷ Samata, japi jumnot wut, jum-aechi Jesúsliajwa:

—Jalape. Xanal matabija-enil, achan Juan to'as jiw bautisaliajwa —aechi.

⁸ Do jawut, Jesús jum-aech japiliajwa:

—Xan-is xamal jumchiyaxinil, achan pijaxtat xan japox isx —aech Jesús.

Pamak babejchowpox

(Mt 21.33-46; Mr 12.1-12)

⁹ Jesús pejme jum-aech, jiw naewujajan wut ampawujajan: “Aton mutha uva. Do jawux, uvalulpijin asew jiw wuljaet, japi jiw piach tataeflaliajwa japon pej-ualul, japon ajil wut. Japi bu'pat wut, jum-aechon: ‘Xan piach kijlaxaelen asatujajnu'el atujaj. Xan tajwulela tajlul chiekal xamal nawetataeflaxaelam’ —aech uvalulpijin. Do jawux, chijialison japatujajnu' poxade.

¹⁰ Do baxael, uva foi wut, uvalulpijin kaen pamakan to'a pej-ualul wetataeflaspi poxadin, wewuljaesliajwaspon uva. Uvalul tataefulpi jaelti uvalulpijin pamakan. Jawut baeson. Do jawut, to'ason ke-etat nawiasliajwa pejpaklon poxade.

¹¹ Do jawux, uvalulpijin to'a asan pamakan. Uvalul tataefulpi babej-jamechan jum-aech japonliajwa. Do jawut, japonbej baes. Ke-etat nawiasax to'ason pejpaklon poxade.

¹² Do pejme jawut, uvalulpijin asan pamakan pejme to'a. Japonbej baes wut, xakolbalas. Do jawut, uvalul tathoetlel fo'ason.

¹³ “Dolisdo', uvalulpijin nejchaxoel wut, jum-aechon: ‘¿Machiyaxaelenkat xan? ¡Aa, xan matabijtax isaxaelenpox! Taxulan to'axaelen, xabich nej-xasinkaxpon. Japi bej nawesitaeyaxaelbejpi taxulan’ —aech uvalulpijin, nejchaxoel wut.

¹⁴ Do jawut, paxulan to'alison japi poxade. Uvalul tataefulpi taen wuti, japon atujaj fulaen wut, nakaewa najum-aechi: ‘¡Tae'nik uvalulpijin paxulan! Asamatkoi pax tuj wut, japon pijax wulxael ampa-ualul. Samata, xatis amwut ampon boesaxaes, uvalul wajaxkal namanaliajwa’ —na-aechi nakaewa uvalul tataefulpi.

¹⁵ Do jawut, paxulan pat wut uvalulxot, jaeltason. Jawut juchpon uvalulxot. Do jawux, boesaspon” —aech Jesús jiw naewetiliajwa.

Do jawut, Jesús wujajna chaemt jiw naeweti japawujajan. Jum-aechon: “¿Achaxkat xamal nejchaxoelam uvalulpijinliajwa? ¿Achaxkat japon isaxael uvalul wetataeflaspiliajwa?

¹⁶ Uvalulpijin chakifulaeyaxael beliajwapon uvalul wetataeflaspi. Do pejme asew tataeflax to'axaelon” —aech Jesús.

Naeweti matabija wut Jesús jum-aechpox, japi jum-aech Jesúsliajwa:

—¡Dios jasox nej is-ele' xanalliajwa! —aechi.

¹⁷ Jesús chiekal natachaemt wut, jum-aechon japi jiwliajwa:

—Xamal chiekal matabijam, Dios pejjamechan, chajia lelsbox, jum-aech wut, jum-aechox xanliajwa:

‘Jiw ia’ba is wut, kaet ia’tliajwa nakaewa najum-aechi: “Ampot ia’t chaemil” —na-aechi nakaewa. Samata, mastaenipot. Do jawux, asan aton japot ia’ fit wut, jum-aechon: “Ampot ia’t, puexa ia’xot kaes pejme pachaem tuxakso’pijtalijwa, ba chiekal mamnikaliajwa” —aechon’ —aech Dios pejjamechan xanliajwa, chajia lelsbox.

¹⁸ Jiw fiap wut kaet ia’t pinjixot, xabich naxthuya wut, naxkolaxaelbejpi. Pelax kaet ia’t, pinjit, athulelsik jiw matwujajasik jopik wut, japi jiw matkaeyaxaes ia’t. Jasoxtat xamal xan nanaexaxis-emilpim xabich nabijasaxaelam, xan nanejwesla xot. That toep wut, Dios xamal pomatkoicha kastikaxael infernoxot —aech Jesús.

¹⁹ Jesús japox jum-aech wut, sacerdotepaklochow, judíos chanaekabuanapibej, nejchaxoel: “Jesús japawujajan jum-aech wut, nakjum-aechon xatisliajwa” —aechi, nejchaxoel wut. Samata, jawut japi jaelsasiapi Jesús. Pe jaels-eli Jesús, pejlewla xoti jiwliajwa.

Impuesto mosaxliajwa, Jesús wujajnaemtasbox

(Mt 22.15-22; Mr 12.13-17)

²⁰ Asamatkoi sacerdotepaklochow, judíos chanaekabuanapibej, to’api jiw maliach tataeflialijwapi Jesús. Japi pat wut Jesúsxot, me-ama pachaem wut, kabuan-aechi. Samata, japi chiekal naewet, Jesús jum-aech wut babejjamechan gobiernoliajwa, jawut tasalaliajwapi Jesús gobernador pejwujajnael, Jesús kastikaliajwasbej.

²¹ Samata, japi xapaejsliajwa wut, jum-aechi Jesúsliajwa: —Jiw chanaekabuanan, xanal matabijtax xam jiw naewujajnambox diachwujajnakolax. Kejila naewujajnam wut, chiekal naewujajnam. Najupanaewujajnam kejila, kemaenkpibej. Xam naewujajnam japi jiw chiekal duilaliajwa, me-ama Dios nejxasink.

²² Samata, xanal chiekal matabijasian. ¿Pachaemkat xanal mosliajwan impuesto Roma tujajnapijiw tato’lan? —aechi, xapaejt wut Jesús.

²³ Pe Jesús matabijt japi xapaejtasbox. Samata, jum-aechon:

²⁴ —¡Kaekafef nawexalaeman na-itpaeliajwam! —aech Jesús.

Jawut kaekafef, pawulox denario, xalaenlisi Jesúslel. Jawut Jesús wujajnaem wut, jum-aechon:

—¿Achan pejxu-aelkat ampakafeftat? ¿Achan pejwulbejkat ama lelsbox ampakafeftat? —aech Jesús japiliajwa. Japi jumnot wut, jum-aechi:

—Roma tujajnapijiw tato’lan, japon pejxu-ael, japon pejwulbej —aechi.

²⁵ Do jawut, Jesús jum-aech:

—¡Roma tujajnapijiw tato’lan, japon pejewpi mo’e, impuesto motam wut! Pe Dios pejewpi, japox xatis Dios xanaboejasboxan, wajnejxasiyaxbej, japoxan-lap xatis Dios chaxduiyaxaes —aech Jesús.

²⁶ Jesús chiekal jumnot xot, Jesús bu’wujajanjil jiw pejwujajnael tasalaliajwas. Samata, maliach tataeflaspi asbuan jumch boejlach nejchaxoelanuili.

Asamatkoi mat-eyaxaesbox tujapi pejme duilaliajwa

(Mt 22.23-33; Mr 12.18-27)

²⁷ Saduceos asanejchaxoelaxan. Japi jum-aech: “Jiw tuj wut, kaelel chiekal napelt. Asamatkoi mat-eyaxisal pejme duilaliajwa” —aechi asbuan jumch. Do asamatkoi wut, asew saduceos pati Jesús taeliajwa. Jesúsxot wut, kaen japixot ampawujajan jum-aech Jesús jumtaeliajwa:

²⁸ —Jiw chanaekabuanan, Moisés chajia lelpox jum-aech: ‘Aton, pijowpon, japon aton tuj wut naxuwla-elaxtat pijowxot, tujon pakoewan naman wut,

japon japow fisaxael naxwɫlaliajwapon japowxot, pakoewan tɔponliajwa' — aech Moisés chajia lelpox.

²⁹ Kaen aton seis pakoew. Matxoelapijin pawis fit. Pe baxael, japon tɔp xijilaxtat.

³⁰ Do jawɫ, wɫchakalpijin, japow fit, pakoewan naetɔpow. Pe baxael, japonbej tɔp xijilaxtat.

³¹ Do jawɫbej, trespijin, japow fit. Japow fit wɫton, japonbej baxael tɔp xijilaxtat. Do jawɫx, cuatro namapi, japibej jasoxtat natoet nakjiyaxtat japowtat. Pe chinax kaen japowxot naxwɫla-el.

³² Do baxaelbej, japowbej taxdukakolaxtat tɔp.

³³ Puexa japi poejiw nakjiya japowtat. Baxael, tɔpi mat-eyaxaes wɫ, sietepixot, ¿achankat pijowaxael japow? — aech saduceos.

³⁴ Jesús jɫmnot wɫ, jɫm-aechon:

— Ampathatat poejiw watho' not.

³⁵ Dios makanochpi pasliajwa japonxotse, jaxotse pomatkoicha duilaxaeli. Japi tɔp wɫt ampalthatat, asamatkoi mat-eyaxaes pejme duilaliajwa Diosxotse. Mat-eyaxaes poejiw, watho'bej. Pe japi pejme nakjiyaxil.

³⁶ Diosxotse wɫt, japi pejme tɔpaxil. Me-ama Dios pej-ángeles, jachiyaxaeli. Dios taen wɫt japi jiw, me-ama paxi wɫt, jachiyaxaelon, mat-ia xoton japi pejme duilaliajwa.

³⁷ Moisés chajia lel Dios jɫm-aechpox tamdadusaxtat boejtachnaechxot. Samata, Moisés lelpoxtat matabijas tɔpi mat-esaxaespox pejme duilaliajwa. Moisés lelpoxtat jɫm-aech Dios jɫm-aechpox: 'Xanfɫk Abraham, Isaac, Jacobbej, japi pejDiosnan' — aech Dios. Samata, xatis chiekal matabijas, baxael tɔps wɫt pejme duilaxaespox.

³⁸ Xatis chiekal matabijas chajia tɔpi, japi napels-el. Samata, Abraham, Isaac, Jacobbej, japi amwɫtjel nakiowa duilafɫl Diosxotse. Puexa Dios pejjiwspis tɔps wɫt ampalthatat, duilafɫlaxaes Diosxotse — aech Jesús saduceosliajwa.

³⁹ Asew, judíos chanaekabɫanapi, jɫm-aechi Jesúsliajwa:

— Jiw chanaekabɫanan, xam chiekal jɫmnotam saduceos — aechi.

⁴⁰ Do jawɫ, saduceos padala pejme wɫajnachaemsliajwapi Jesús.

Cristo, rey David pamonpox, pe Cristo paklonbej Davidliajwa

(Mt 22.41-46; Mr 12.35-37)

⁴¹ Jesús wɫajnachaeamt wɫt, jɫm-aechon judíos chanaekabɫanapiliajwa:

— ¿Ma-aech xotkat jiw matabija-el Cristo Dios paxɫlan? Diachwɫajnakolax jiw jɫm-aech wɫt, jɫm-aechi Cristoliajwa: 'Cristo nalaelt wɫt, japon rey David pamonaxael' — aechi. Pe Cristo rey David pamonkala-el. Pe Cristo asanbej.

⁴² David chajia lel wɫt Salmosfɫtat, jawɫ pajut jɫm-aechon Cristoliajwa: 'Dios jɫm-aech wɫt tajpaklonliajwa, jɫm-aechon: "¿Ekde tajpoklalel jiw tato'laliajwam, xan sɫapich!

⁴³ ¿Ekde jaxot, hasta xan malechaxaelen wɫt nadaelmajiw! Malechax wɫt, japi jiw xam namakjiwaxael tato'laliajwam" — aech Dios tajpaklonliajwa' — aech rey David, chajia lel wɫt Cristoliajwa.

⁴⁴ David chajia jɫm-aech Cristoliajwa: 'Tajpaklon' — aechon. Samata, Cristo diachwɫajnakolax David pamonkala-elon. Pe pejpaklonbejpon — aech Jesús, pajut najɫm-aech wɫt, jiw chiekal matabijaliajwa japon Dios paxɫlanpon.

Jesús jɫm-aechpox jiw chiekal matabijaliajwa judíos chanaekabɫanapi pejbɫwɫajnapoxliajwa

(Mt 23.1-36; Mr 12.38-40; Lc 11.37-54)

⁴⁵ Puexa jiw jaxot naewet wɫt, Jesús jɫm-aech pejnachalaliajwa:

⁴⁶ “¡Chiekal taem! Me-ama judíos chanaekabuanapi, ¡xamal nabej ja-aeché! Japi neixasink pakchowaxan, naxoeyaxan, jiw chiekal sitaeliajwas. Neixasinkbejpi jiw moichiliajwas xabich sitaeyaxtat, paklowaxthialaxanxot xabukulas wut. Judíos naewuaj nabachanxot wut, wuajna tuchalakaxan nuili paklochow kaes sitaenspiliajwa, japoxantat japi chalak puexa jiw taeliajwas. Ja-aechbejpi, fiestaxot wut. Neixasink chalakaliajwa kaes pachaempoxantat.

⁴⁷ Japibej naekichachajba watho', pamaljiw naetupspi, natkowaliajwa japi watho' pejew. Do jawux, judíos naewuaj naba lowpi Dios piach kawuaj naliajwa, asew jiw jumchiliajwasi: ‘Diachwuaj nakolax ampi xabich pachaem’ —chiliajwasi. Samata, Dios xabich kastikaxaes!’ —aech Jesús.

21

Pamal naetupspow, kejiipow, chaxdutpox ofrenda Diosliajwa (Mr 12.41-44)

¹ Jesús asamatkoi Dios pejtemplobaxot wut, jawut taenpon kemaeya, plata jeyaxxot jia wuti plata Dios pej-ofrendaliajwa.

² Jaxot taenbejpon pamal naetupspow, japow jek wut kolekafaex. Japakafaex, cobrefaex, xabich omjillejen. Japow xabich kejiil.

³ Do jawut, Jesús jum-aech pejnachalaliajwa:

—Diachwuaj nakolax xan jum-an. Ampow pawis, pamal naetupspow, kejiipow. Pe Dios kaes pejme neichachaemil japow pej-ofrendaliajwa. Japow, me-ama kaes pejme chaxdut wut, ja-aechow Diosliajwa. Me-ama puexa asew jiw, chaxduw wut ofrenda, jachi-el japow.

⁴ Puexa asew jiw chaxduw ofrenda wenamaspoxantat. Japowlax wewe'paspoanliajwa, puexa chaxdutow Diosliajwa —aech Jesús pejnachalaliajwa.

Jesús jum-aechpox Dios pejtemploba toesaxaespoxlialjwa (Mt 24.1-2; Mr 13.1-2)

⁵ Dios pejtemplobaxot tathoetlel wut, asew Jesús pejnachala jum-aechi Dios pejtemplobaliajwa: “¡Tae'nik ia', xabich chimiatan, japitat Dios pejtemploba chapachaemaliajwa! ¡Tae'nikbej asaxan asew judíos chajia chaxduwpi Dios pej-ofrendaliajwa, chiekal chapachaemaliajwa Dios pejtemploba!” —aech Jesús pejnachala. Do jawut, Jesús jum-aech:

⁶ —Asamatkoi asatuaj nupijiw Dios pejtemploba tukaxaeli. Puexa taenampi, puexa japoxan chiekal toesaxaes. Chinax kaet, ia't, namanaxil nakae-ia'tmatwuajtat —aech Jesús, jum-aech wut pejnachalaliajwa japoxan jachiyaxaelpox.

That toepax mox pawuajna wut, majt matxoela jachiyaxaelpoxan (Mt 24.3-28; Mr 13.3-23)

⁷ Jesús wuaj nachaemtas wut pejnachala, jum-aechi:

—Jiw chanaekabuanan, ¿maswtkat japox jachiyaxael, xam jum-ampox Dios pejtemplobaliajwa? Mox pawuajna wut, ¿achaxkat taeyaxaes? —aechi Jesúsliajwa.

⁸ Jesús jumnot wut, jum-aechon:

—¡Chiekal taem, asamatkoi asew jiw xamal naekichachajbasamata! Xabich jiw fulaeyaxaen. Japi pajut kaenanala najumchiyaxael: ‘Xan Cristowan. Mox pawuajnalisox ampathat toepaliajwa’ —chiyaxaeli. Japi japoxan jum-aech wut, xamal nakfulaeyaximil japi jiw.

⁹ Asamatkoi xamal wultaenam wutbej nabewuajan asatujnuchanxot, ixamal nabej nejlewlé! Japoxan majt jachiyaxael, ampathat toepax mox pawuajna wut. Japoxan ja-aech wut, that toepaxilfuk —aech Jesús.

¹⁰ Do jawut, pejme jum-aechon: “That toepaliajwa wut, xabichaxael nabewuajan. Nakaetujnupijiw nabeyaxael. Japoxan majt xabich jachisfulaxael asatujnuchanel. Kaetujnupijiw nabeyaxaelbej, asatujnupijiw suapich. Japoxan majt xabich jachisfulaxael asatujnuchanel.

¹¹ Asatujnuchanel xabich sat najaesaxael. Najaesaxael wut, xabich chaemilaxael. Asatujnuchanel naxaeyaxan piach ajilaxaelbej. Xabichaxaelbej waxae. Jiw taeyaxaelbej, thatbaxo xabich nachoela wut. Do jawut, xabich jiw belwaxael” —aech Jesús, japoxanliajwa jum-aech wut.

¹² Do pejme Jesús jum-aech pejnachalaliajwa: “Japoxan wuajna, asew jiw xamal jaelaxael, tajnachalwam xot. Japi babijaxan is wut xamalliajwa, xamal nabijasaxaelam. Xamal buflaeyaxaelbejpi judíos naewuajnabachan poxade, jaxotde tasalaliajwapi xamal. Xamal jeyaxaelbejpi jiw jebatat. Asew jiw xamal buflaeyaxaelbej paklochow poxade. Samata, asatujnuchanpijiw tato'alpi, gobernadoresbej, japi pejwuajnalel xamal nuilaxaelam, tajnachalwam xot.

¹³ Japoxan ja-aech wut, xamalliajwa pachaemaxael japi jiw chapaeliajwam tajwuajan.

¹⁴ Xamal jaxota-emil wutfuk, ixabich nabej nejchaxoele' jumchiyaxaelampoxan, jumnosliajwam wut japi tasalapoxan, japi pejwuajnalelam wut!

¹⁵ Do jawut, Dios kajachawaesaxael xamal chiekal jumnosliajwam. Ja-aech wut, kaen aton japixot matabijaxil xamal jumnosliajwa.

¹⁶ Nej-axjiw xamal woeyaxael paklochowxot. Nej-axjiwa-el wut, nej-enjiwaxael. Nej-enjiwa-el wut, nakoewaxael. Nakoewa-el wut, asewaxael nejjiwpi. Nejjiwa-el wut, nejnachalaxael. Ja-aech wut, asew xamalxot beyaxaes.

¹⁷ Puexa jiw, Dios naexasis-elpi, japi xamal nejweslaxael, tajnachalwam xot.

¹⁸ Pe chinax xamalxot kaen tabejsaxisal, Dios tapae-el wut.

¹⁹ Xamal kofa-emil wut nejxanaboejoxan Diosliajwa, ja-am wut, Dios xamal buweyaxael duilaliajwam pomatkoicha Diosxotse.

²⁰ “Asatujnuchanpijiw, soldaw, chakipach wut judíos, Jerusalén paklowax masajoeya wutbejpi, jawut matabijaxaelam mox pawuajnapox japapaklowax toesliajwas.

²¹ Judea tuajnupijiw japox taen wut, ijapi puexa nej dukpe pinamuaxan poxade! Asew jiw, Jerusalén paklowaxpijiw, japox taen wut, ipaklowaxxot nej nakole dukpaliajwa atuuaj! Asew jiw, pejlulanxot nabisti, ikaxa paklowaxlel nej nawe-elepi! Do jaxot, ijapi kaelel atuuaj nej dukpe!

²² Japamatkoiyan japox jachiyaxael, kastikamatkoiyan wut. Me-ama Dios pejjamechan, chajia lelsprox, jum-aech wut, jum-aechox, diachwuajnakolax japox jachiyaxael.

²³ Japamatkoiyan watho', moejowpi, watho'bej, paxi mitan miati, xabich nabijasaxael. Jiwbej, ampatujnupijiw, xabich nabijasaxael, kastikaxaes xoti Dios.

²⁴ Asew japixot beyaxaes espadatat. Asew muaxmatakuiyaxaes. Do jawux, buflaeyaxaes asatujnuchanel. Ja-aech wut, asatujnuchanpijiw pasaxael Jerusalén paklowaxxotdin. Do jawut, Jerusalén paklowaxpijiw tato'laxaes asatujnupijiw. Japox jachiyaxael, hasta Dios markamatkoi pat wut. Japa-

matkoitat Jerusalén paklowaxpijiw kofaxaes tato'laspox asatɥajɥapijiw” — aech Jesús pejnachalaliajwa.

*Jesús, puexa jiw pakoewkolan, pejme kaxaxoekpox
(Mt 24.29-35, 42-44; Mr 13.24-37)*

²⁵ Jesús pejme jɥm-aech pejnachalaliajwa: “Xan pasliajwan wɥt, xabich chaemilaxael thatbaxo, juimt matkoipijin, juimt madoipijinbej, ithaejbej. Mar xabich thiachoenkaxael, truxan xabich pinjiyaxan wɥt. Samata, jiw matabijaxil, achax nejchaxoelaxael, xabich belwaxael xoti.

²⁶ Jiw tɥpbalaxael pejlwɥt, nejchaxoel wɥti ampathatliajwa, jachiyaxaelpoxliajwa. Do pejme nejliaxaeli. Puexa thatbaxotatpi, me-ama thatbaxo choelas wɥt, jasox jiw taeyaxael.

²⁷ Do jawɥt, xan, puexa jiw pakoewkolnan, itloejentat pasaxoekan wɥt, puexa jiw nataeyaxael, fɥloekx wɥt. Jawɥt puexa jiw tato'laxaelen. Itliakaxaelenbej tajut Dios pijaxtat.

²⁸ Japoxan taenam wɥt, xan chajia jɥm-anpoxan, ɥxamal xabich nejchachaemilde! ɥXan nanaexaxisfɥlde, mox xotlisox matkoi xamal bɥ'welijwan!” — aech Jesús pejnachalaliajwa.

²⁹ Jesús pejme jɥm-aech wɥajantat pejnachalaliajwa: “ɥChiekal nejchaxoelde, taenam wɥt higonae, o, nejmachnaechanbej!

³⁰ Waech mox pawɥajna wɥt, japanaechan pajel-ɥaf nakola. Xamal japoxan taenam wɥt, jɥm-am: ‘Waechlis mox pawɥajna’ — am xamal.

³¹ Jasoxtatbej, xamal matabijaxaelam mox pawɥajnapox Dios puexa pejjijw tato'laxaelpox ampathatat.

³² “Diachwɥajnakolax xan jɥm-an. Puexa amproxan xan jɥm-anpoxan, diachwɥajnakolax japoxan jachiyaxael. Japoxan asew jiw taeyaxaelɥak, ampathatat laelpi.

³³ Thatbaxo, ampathatbej, toepaxael. Pelax tajjamechan toepaxil. Chajia jɥm-anpoxan, diachwɥajnakolax japoxan jachiyaxael.

³⁴ “ɥChiekal taem! ɥNabej nejchaxoele' babijaxan isaxan, saxa feyaxanbej! ɥNabej nejchaxoele'bej ampathatpijixan! Japoxan nejchaxoelafɥlam wɥt, xan chalechkal paskax wɥt, xamal laepaxaelam Dios naexaxis-elaxtat.

³⁵ Chalechkal paskax wɥt, xabich jiw nejmamachaxaeli nawɥajnawes-elaxtat.

³⁶ Samata, ɥxamal duilafɥlde xan naxanaboejampoxtat! ɥPomatkoicha Dios kawɥajnafɥldebej nejnejchaxoelaxantat mamnikaliajwam Diosliajwa, boejtaliasfɥlaliajwam nabijasmatkoi pat wɥt! Japoxan boejtaliatam wɥt, xamal napelsaximil, tajwɥajnalel nuilam wɥt, xan, puexa jiw pakoewkolnan, pejme patx wɥt” — aech Jesús pejnachalaliajwa.

³⁷ Kaematkoisfɥl Jesús naewɥajan Dios pejtemplobaxot. Madoi wɥt, Olivonaechanmɥaxxot moejton.

³⁸ Pomatkoicha, kandiawasap, puexa jiw fɥlalaecha Dios pejtemploba poxade jɥmtaeliajwapi Jesús naewɥajanproxan.

22

*Judíospaklochow nejchaxoelpox jaelsliajwapi Jesús
(Mt 26.1-5, 14-16; Mr 14.1-2, 10-11; Jn 11.45-53)*

¹ Mox pawɥajna Pascuafiestaliajwa. Japamatkoiyan jiw xael pan levadurajila.

² Japamatkoiyan sacerdotespaklochow, judíos chanaekabɥanapibej, natameja wɥt, nakaewa najɥm-aechi: “ɥMachiyaxaeskak Jesús boesaliajwas?” — na-aechi nakaewa. Pe Jesús boesaxisalfɥk, japi pejlwɥt xoti jiwliajwa.

³ Do jawut, Satanás low Judas pejmatpumatxot. Japon Judas Iscariote, kaen Jesús pejnachalan. Japontat doce.

⁴ Do jawut, Judas fúlaech sacerdotespaklochow poxade, Dios pejtemploba wetipaklochow poxadebej. Jaxotde pa'a wut, jum-aechon:

—Xamal nejxasinkam wut, xan wiasaxaelen Jesús xamalxot —aech Judas.

⁵ Paklochow japox jumtaen wut, xabich nejchachaemili. Do jawut, jum-aechi Judasliajwa:

—Xanalxot Jesús wiatam wut, xanal mosaxaelen plata —aechi.

⁶ Do jawut, Judas ow-aech. Samata, wuajnowetlison pachaemmatkoi, jiw ajil wut Jesúsxot, japamatkoitat wiasliajwapon Jesús paklochowxot.

*Jesús xaelpox, pejnachala suapich, Pascuafiestanaxaeyax
(Mt 26.17-29; Mr 14.12-25; Jn 13.21-30; 1 Co 11.23-26)*

⁷ Dolisdo', pascuafiestalisox. Japafiestatat judíos xael pan levadurajila. Japapascuafiesta wut, jiw xua'at ovejas jelti's.

⁸ Do jawut, Jesús to'a wut Pedro, Juan suapich, jum-aechon:

—¡Xabua'de naxaeyax isliajwam, ovejawi xaeliajwas Pascuafiestatat! —aech Jesús.

⁹ Japi wuajnachamt wut, jum-aechi:

—¿Amxotkat xanal naxaeyax isaxaelen Pascuafiesta nabu'xaeliajwam? —aechi.

¹⁰ Jesús jumnot wut, jum-aechon:

—Jerusalén paklowax patam wut, kaen aton taeyaxaelam, mint xafol wuton kuarnatat. ¡Japon aton fúfalaem, ba lech poxade!

¹¹ ¡Japabapijin jum-amo: 'Jiw chanaekabuanan jum-aech: "¿Ampabatutkat xan tajnachala bu'xaeyaxaelen Pascuafiestanaxaeyax?" —aech jiw chanaekabuanan' —amo bapijin!

¹² Japon bapijin xamal itpaeyaxael athu pejbatupijax, pinjiyax. Wuajna chajia chiekal chaemtas. Jaxotse naxaeyax isaxaelam xatisliajwa —aech Jesús, pejnachala to'a wut.

¹³ Do jawut, pejnachala fúlaechlisi Jerusalén paklowax poxade. Pat wuti, puexa, me-ama Jesús chajia jum-aech, ja-aechliso. Samata, jaxotse naxaeyax ispi Pascuafiestanaxaeyax xaeliajwa.

¹⁴ Xaeliajwa wut, Jesús, pejnachala suapich, japi apóstolespi, chalaklisi mesaxot.

¹⁵ Do jawut, Jesús jum-aech pejnachalaliajwa:

—Xan xabich nejxasinkax, xamal suapich, xaeliajwan ampafiestanaxaeyax xan tuxax wuajna.

¹⁶ Diachwuajnakolax xan jum-an. Xan pejme xaeyaxinil Pascuafiestanaxaeyax ampathatat. Asamatkoi, Dios xamal bu'wia wut, jawut pejme xaeyaxaelen, xamal suapich, Pascuafiestanaxaeyax Diosxotse —aech Jesús.

¹⁷ Do jawut, Jesús copa chafit puexa pejnachala fiaflaliajwa. Jawut Jesús gracias-aech wut Diosliajwa, jum-aechon:

—¡Maj ampot! ¡Kaenanula xamal fiafulde!

¹⁸ Diachwuajnakolax xan jum-an. Pejme feyaxinil vino ampathatat. Hasta Dios puexa pejiw tato'al wut, jawut pejme vino feyaxaelen —aech Jesús.

¹⁹ Do jawut, Jesús panax fit wut, Dios gracias-aech wuton Diosliajwa, panax jalkaful pejnachala kexadiajsliajwa. Chaxduw wut pejnachala xaeliajwa, Jesús jum-aech:

—Ampapan itpaei, me-ama tajwit, xan tuxaxaelen xot xamalliajwa. Asamatkoi, pan xaelam wut, xan nanejchafaekaliajwam —aech Jesús pejnachalaliajwa.

²⁰ Xaeyax kaechatoel wut, Jesús pejme copa chafit wut, jum-aechon:

—Ampavino itpaei, me-ama tajjal. Xan tux wut, tajjal nakola wut, jiw xan nanaexasitpi, japi beltaeyaxaes babijaxan ispoخانliajwa, tajjal pijaxtat.

²¹ Nawiasaxaelpon tadaelmajiwxot, ma amxot nak-ekondo'.

²² Xan, puexa jiw pakoewkolnan, tuxaelen, me-ama Dios pejjamechan chajia jum-aech. Pe nawiasaxaelpon tadaelmajiwxot, japon kaes pejme xabich nabijasaxael —aech Jesús pejnachalaliajwa.

²³ Jesús pejnachala japox jumtaen wut, nakaewa najum-aechnap:

—¿Achankat xatisxot Jesús wiasaxael japon padaelmajiwxot? —na-aechnap: nakaewa.

*Jesús pejnachalaxot, japixot achan kaes paklonaxaelpox
(Mt 20.20-28; Mr 10.35-45)*

²⁴ Do jawux, Jesús pejnachala nakaewa najum-aechi: “¿Achankat xatisxot kaes pejme paklonaxael?” —na-aechi.

²⁵ Jesús japox jumtaen wut, jum-aechon japiliajwa: “Asatujnupijiw, Dios naexasis-elpi, paklochow tato'las wut, tato'la-esal chamoeyaxtat. Ja-aech wut, paklochow nakiowa jiw nejxasinkas jumchiliajwas: ‘Wajpaklochow xabich pachaem’ —chiliajwas.

²⁶ Pelax xamal jasoxtat tato'laximil. Wujjoeyaximilbej pamamax najutliajwa. Xamalxot kaen paklonasia wut, japon majt xamal malech tanbichaxael, me-ama pamakan wut, jachiliajwapon. Me-ama yamxulan pakoew pakdiachowxot wut, jachiyaxael japon aton.

²⁷ Paklon ek wut xaeliajwa mesaxot, pamakan chiekal tataeflison, kamta isliajwa pejpaklon to'aspox. Ja-aechon, paklon kaes tato'lan xot. Xanlax jachi-enil. Xamalxotx wut, puexa kajachawaesfulax xamal. Me-ama namakan wut, ja-an xan xamalliajwa” —aech Jesús pejnachalaliajwa.

²⁸ Jesús pejme jum-aech pejnachalaliajwa: “Xamal nachalafulam, Satanás piach xan naxapaejkaful wut.

²⁹ Samata, tapaeaxaelen xamal tato'laliajwam jiw. Me-ama taj-ax Dios xan natapaei puexa jiw tato'laliajwan, xamalbej jachiyaxaelen.

³⁰ Xan tajmatkoi pat wut jiw tato'laliajwan, jawut kaeyaxtat, xamal sapich, xaeyaxaelen. Feyaxaelenbej. Jawut chalakaxaelam asatua-ekaxanxot, paklochow pejtua-ekaxanxot, tato'laliajwambej docemutanpijijiw, Israel tujnupijiw” —aech Jesús pejnachalaliajwa.

*Pedro xanaliyaxaelpox Jesús pejnachalanpoxliajwa
(Mt 26.31-35; Mr 14.27-31; Jn 13.36-38)*

³¹ Jesús jum-aech Pedroliajwa:

—Simón, ¡chiekal najumtaem! Satanás wujow Dios tapaeliajwas xam xapaejsliajwapon. Xabich xapaejsasiapon xam xan nakofsliajwam.

³² Pe xan Dios kawujnax xam nanaexasisfulaliajwam. Pejme xam xan chiekal nanaexasitam wut, xam kajachawaesfulaxaelam asew tajnachala, japi kaes xan nanaexasisfulaliajwa —aech Jesús Pedroliajwa.

³³ Simón Pedro jum-aech:

—Tajpaklon, asew jiw, jiw jebatat xam jia wuti, jipibej xan nej naje! Xam boesa wutbejpi, jipibej xan nej naboesa! —aech Simón Pedro Jesúsliajwa.

³⁴ Jesús jumnot wut, jum-aechon:

—Pedro, xan chiekal jum-an xamliajwa. Amwut, kawaema nejlae-el wutfuk, tres veces xan naxanaliyaxaelam. Jumchiyaxaelam: “Xan japon aton matabijs-enil” —chiyaxaelam xanliajwa —aech Jesús Pedroliajwa.

Jesús pejnachala pejme fol wut xalaeyaxaelpoxan, naewhajnalijawa wuti Dios pejjamechan

³⁵ Do jawut, Jesús jum-aech pejnachalalijawa:

—Xamal to'ax wut Dios pejjamechan naewhajnalijawam asapaklowax-anpijiw, xamal kefiatx xalaesamatam nejchoxan, plata, asatxakxajoebej. Xamal masim folam wut, ¿pawewe'pkat asaxan? —aech Jesús, wujnachaemt wut pejnachala.

Japi jumnot wut, jum-aechi:

—Xanal nawewe'pa-el —aechi.

³⁶ Do pejme Jesús jum-aech:

—Xamal pejme folam wut, xamalxot pejchoxanpi, japi nej xalae pejchoxan! Xamalxot pejplatapi, japiwej nej xalae pejplata! Xamalxot espada kejilpi, ¡thuch naxoelrox nej mowapi! Mot wuti, japaplatatat nej wujspi pej-espada!

³⁷ Diachwujnakolax xan jum-an. Dios pejjamechan chajia jum-aech, japox diachwujnakolax jachiyaxael xanlijawa. Jum-aechox Dios pejjamechan xanlijawa: 'Japon kastikaxaes. Me-ama babejen wut, jakechiyaxaeson' —aechox xanlijawa. Puexa chajia lelsrox, diachwujnakolax japox jachiyaxael xanlijawa —aech Jesús.

³⁸ Do jawut, pejnachala jum-aech:

—Tajpaklon, ama kole-espada —aechi.

Jesús jumnot wut, jum-aechon:

—Ma ampoxtat do mado' —aechon.

*Pawulxot, Getsemaní, Jesús Dios kawhajanpox
(Mt 26.36-46; Mr 14.32-42)*

³⁹ Jesús nakolt wut Jerusalén paklowaxxot, Olivonaechanmex roxade, me-ama japon pejkabuan. Pejnachala wuchakal fol.

⁴⁰ Jesús pa'a wut jaxotde, jum-aechon pejnachalalijawa:

—Satanás xamal xapaejaxael. Samata, ¡Dios kawhajande! Ja-am wut, Dios xamal kajachawaesaxael babijax is-elalijawam —aech Jesús.

⁴¹ Do jawut, Jesús atxaxachon pejnachalaxot tamachalijawa. Me-ama ia't xadaps wut, jas-isdepon. Jaxotde brixtat nukon Dios kawhajnalijawa.

⁴² Dios kawhajan wut, jum-aechon: “Ax, nejxasinkam wut, ¡nabw'em nabijasaxaelenpox! ¡Pe nabej is xan nejxasinkaxpox! ¡Isde xam nejxasinkampox!” —aech Jesús, pax Dios kawhajan wut.

⁴³ [Do jawut, chalechkal athulelsik Dios pej-ángel natulaelt Jesús mamnikalijawa.

⁴⁴ Jesús xabich nejchaxoel tuxaxaelpoxlijawa. Samata, kaes pejme Jesús Dios kawhajnaful. Jawut xabich pasislanton. Pejsis satat natacholan. Me-ama jal, ja-aech pejsis.]

⁴⁵ Jesús nant wut Dios kawhajanxot, kaxadin pejnachala poxadin. Jaxot japi taenpon, moejt wut. Japi xabich damal, nejxaejwas xoti.

⁴⁶ Do jawut, Jesús jum-aech pejnachalalijawa:

—¿Ma-aech xotkat xamal moejtam? ¡Nanim! ¡Dios kawhajande babijax isasamatam, Satanás xamal xapaeja wut! —aech Jesús.

Jesús jaeltaspox padaelmajiw

(Mt 26.47-56; Mr 14.43-50; Jn 18.2-11)

⁴⁷ Jesús naksiya wutfuk, Judas xabich jiw bu'pat Jesúsxot. Japon Jesús pejnachalan, japontat doce. Do jawut, mox soepanlison Jesús xusuilijawa.

⁴⁸ Pe jawut, Jesús jum-aech:

—Judas, ¿xamkat nawiasaxaelam tadaelmajiwxot naxususyaxtat, xan, puxa jiw pakoewkolnan? —aech Jesús.

⁴⁹ Taen wutí ja-aechpox, Jesús pejnachala jum-aech:

—Tajpaklon, ¿xanalkat ampi jiw beyaxaelen espadatat, xam chamamosliajwan? —aech Jesús pejnachala.

⁵⁰ Do jawut, chalechkal kaen Jesús pejnachalan pej-espadatat boesa wut, kaen aton cho'chikchapon poklalel pejcho't. Japon aton nabist sacerdotespaklokolanliajwa.

⁵¹ Pe jawut Jesús jum-aech pejnachalanliajwa:

—¡Nadokall! —aechon.

Do jawut, cho'chikchaspon Jesús cho'jacha wut, jawut chiekal cho'koelon.

⁵² Pati Jesús jaelsliajwa, japi sacerdotespaklochow, temploba wetipaklochowbej, judíos-ancianosbej. Jawut Jesús jum-aech japiliajwa:

—¿Ma-aech xotkat xamal xafolam espada, iwabej, xan najaelsasiam wut? ¿Xankat xamalliajwa, me-ama babejnan wut, kabuan-an?

⁵³ Kaematkoisful Dios pejtemplobatat xan naewuajnafulax jiw xamalxot. Pe jaxot najaels-emil, Dios patapae-el xot xamal. Pe amwutjel, patlisox, me-ama Dios pejjamechan chajia jum-aech xanliajwa, japox jachiliajwa. Samata, amwutjel Satanás, tato'alpon itkúataxxot, xamal to'a xan najaelsliajwam —aech Jesús.

Pedro xanaliapox Jesús matabijtpoxliajwa

(Mt 26.57-58, 69-75; Mr 14.53-54, 66-72; Jn 18.15-18, 25-27)

⁵⁴ Do jawutliso', Jesús jaeltas japi. Jesús buflaech sacerdotespaklokolan pejba poxade. Jawut Pedro atuxach fol wuchakal.

⁵⁵ Sacerdotespaklokolan, japon pejbafalmaktxot, temploba weti jit itfoti. Jaxot jit su'chalakax masajati. Pedrobej jaxot naksu'cha-ek.

⁵⁶ Do jawut, kaeow pawis, japabatat nabistpow, chiekal natachaemtow Pedro, jit naksu'cha-ek wuton. Do jawut, jum-aechow jaxotpijiw jumtaeliajwas:

—Ama kaen, jaeltaspon pejnachalan —aechow Pedroliajwa.

⁵⁷ Pedro xanalia wut, jum-aechon:

—Pawis, xan chinax japon aton matabijs-enil —aech Pedro.

⁵⁸ Do jawux, asanbej pejme taenson. Japonbej jum-aech:

—Diachwuajnakolax xambej, japon pejmuprijnam —aechon Pedroliajwa.

Pedro jumnot wut, jum-aechon:

—¡El! ¡Xan japon pejmuprijna-enil! —aechon.

⁵⁹ Do jawux, kaehora wutlejen, asanbej pejme jum-aech:

—Diachwuajnakolax ampon, jaeltaspon pejnachalan. Amponbej Galilea tuajnpjijin —aechon.

⁶⁰ Pe Pedro pejme jum-aech:

—Xan matabijs-enil jum-ampox —aech Pedro.

Pedro jum-aech wutfuk, jawut kawaema nejla.

⁶¹ Kawaema nejla wut, Jesús wultataen wut, taenon Pedro. Do jawut, Pedro nejchafaet Jesús chajia jum-aechpox: “Amwut, kawaema nejlae-el wutfuk, xam tres veces xanliajwa naxanaliyaxaelam. Jumchiyaxaelam xanliajwa: ‘Xan japon aton matabijs-enil’ —chiyaxaelam” —aech Jesús, chajia jum-aech wut Pedroliajwa.

⁶² Do jawut, japabafalmaktxot Pedro nakolt tathoet poxaliajwade. Jaxotde xabich nowpon, xabich nejxaejwas xot.

Jesús bu'wuajjanpaeispox

(Mt 26.67-68; Mr 14.65)

⁶³ Poejiw, weti Jesús, japi bu'wuajjanpaeipi Jesús. Baesbejpon.

⁶⁴ Itfumatakusbejpon. Jawut pejme xutulapas. Kaenanula xutulapi jum-aechi Jesúsliajwa:

—jum-amde, achan xam xutulap! —aechi.

⁶⁵ Japibej jum-aechi babejjamechan Jesúsliajwa.

Jesús nukpox judíospaklochow pejwajnalel
(Mt 26.59-66; Mr 14.55-64; Jn 18.19-24)

⁶⁶ Kandiawasap wut, juimt julan wut, natameja judíos-ancianos, sacerdotepaklochow, judíos chanaekabuanapibej. (Japi puexa natameja wut, japox pawul Junta Suprema.) Jesús bu'fos wut, bu'pachpon Junta Suprema natamejaxot. Japi pejwajnalel wut Jesús jumentis:

⁶⁷ —ixanal jumtaeliajwan xam jum-amde! ¿Xamkat diachwajnakolax Cristowan, Dios to'asponam jiw bu'weliajwam? —aechi.

Jesús jumnot wut, jum-aechon:

—Xan jum-an wut: 'Diasdo' —an wut, xamal naexaxisaximil.

⁶⁸ Xamal wajnachaxemtax wutbej, najumnosaximil.

⁶⁹ Pe xan, puexa jiw pakoewkolnan, ekaxaelen taj-ax Dios poklalel jiw tato'laliajwan, taj-ax sapich. Dios pamamakolan, japon xajap puexa isliajwa —aech Jesús.

⁷⁰ Jawut Jesús wajnachaxemtas wut, jumentispon:

—¿Xamkatlap Dios paxulnam? —tispon.

Jesús jumnot wut, jum-aechon:

—ixanlap japonan, najum-amponan! —aech Jesús.

⁷¹ Do jawut, japi nakaewa najum-aech:

—Xatis nakwewe'pa-el asew jiw nakjumchiliajwa Jesús pejbu'wajanpoxliajwa. Xatis wajut chiekal jumtaens, jum-aech wuton: 'Xan Dios paxulnan' —aech wuton. Japox jum-aech wut, jum-aechon Dios nejweslapox. Samata, kastikaxaeson —na-aech nakaewa Junta Supremapijw.

23

Jesús nukpox Pilato pejwajnalel
(Mt 27.1-2, 11-14; Mr 15.1-5; Jn 18.28-38)

¹ Do jawut, japi jiw, Junta Supremapijw, nana. Bu'follisi Jesús Pilato poxade.

² Jesús Pilato pejwajnalel wut, tuduti Jesús tasalaliajwa. Jum-aechi:

—Xanal tajut chiekal jumtaenx. Ampon aton pejnaewajnaxtat jiw potajnuchanpijw xabich palala. Jum-aechbejpon: 'ixabej mos impuesto Roma gobiernoliajwa!' —aechon. Jum-aechbejpon: 'Xan Cristowan, Israel tujnupijw tato'laliajwan' —aechon.

³ Do jawut, Pilato wajnachaxemt wut, jum-aechon Jesúsliajwa:

—¿Xamkatlap diachwajnakolax judíos pejreynam? —aech Pilato.

Jesús jumnot wut, jum-aechon:

—Diachwajnakolax, xan japonan, me-ama xam jum-am —aech Jesús.

⁴ Do jawut, Pilato jum-aech sacerdotepaklochowliajwa, puexa jiwliajwabej:

—Xanliajwa ampon aton bu'wajanjil kastikaliajwan —aech Pilato.

⁵ Pe nakiowa, japi xabich jumbisnik Jesús kastikaliajwas. Samata, kaes xabich jum-aechfuli:

—Ampon aton pejnaewajnaxtat potajnuchanpijw xabich palala. Japox naewajnaix tuduton Galilea tujnuxot. Amwutjel japox naewajnaful amxotbej, Judea tujnuxot —aech paklochow Jesúsliajwa.

Jesús nukpox Herodes pejwajnalel

⁶ Pilato jumtaen wut Jesús majt naewajanpox Galilea tujnuxot, jawut, wujnachaemton judíospaklochow. Jum-aechon Jesúsliajwa:

—¿Japonkat Galilea tujnupijin? —aech Pilato.

⁷ Paklochow jum-aech wut: “Amponlap Galilea tujnupijin” —aech wuti, Pilato to'a soldaw buflaeliajwas Jesús gobernador Herodes poxade, japon Herodes puexa Galilea tujnupijiw tato'lan xot. Japamatkoiyen Herodes Jerusalén paklowaxxot.

⁸ Herodes taen wut Jesús bu'fospox japonlel, xabich nejchachaemilon. Herodes majt chajia taesiapon Jesús, wultaeful xot Jesús koechaxan isfulpoxan. Samata, japonbej pajut chiekal taesia Jesús koechax ispox.

⁹ Herodes xabich wujnachaemsful Jesús. Pe Jesús kaes jumnos-el wujnachaemsfulaspoxan.

¹⁰ Jaxot nuil sacerdotespaklochow, judíos chanaekabuanapibej. Japi tasala Jesús xabich jumbisnikpoxtat.

¹¹ Do jawut, Herodes, pejsoldaw suapich, bu'wajanpaeipi Jesús. Xajoel-lisipon chamoeyax, me-ama rey pijax, jasox, japoxtat taxaxaelaliajwas. Me-ama judíos pejrey wut, ketison. Do jawux, Herodes pejsoldaw to'a Jesús pejme buflaeliajwas Pilato poxade.

¹² Majt Pilato, Herodes suapich, nadaelmataen. Pe japamatkoitat japi pejme najumchachaemil.

*Pilato to'apox Jesús kematamatlaliajwas
(Mt 27.15-26; Mr 15.6-15; Jn 18.39-19.16)*

¹³ Do jawux, Pilato wallala natamejlaliajwa sacerdotespaklochow, judíospaklochowbej, asew judíosbej.

¹⁴ Dolisi, natameja wut, Pilato jum-aech japiajwa:

—Xamal ampon aton buflaeman xanlel. Xan najum-am: ‘Ampon aton pejnaewajnantat potujnuchanpijiw xabich palalaful’ —na-am xamal. Xamal nejwajnalel ampon chiekal wujnachaemtax bu'atasalampoxanliajwa. Ampon aton chinax babijax is-el kastikaliajwas.

¹⁵ Herodes nejchaxoelbej: ‘Ampon aton babijax is-el’ —aech Herodes, nejchaxoel wut Jesúsliajwa. Samata, Herodes kastika-el Jesús. Asbuan jumch kaxa to'anpon Jesús xanlel. Amwutjel xamal chiekal matabijam. Ampon aton babijax is-el japoxtat tupaliajwa.

¹⁶ Samata, tajsoldaw keto'axaelen asbuan jumch selsliajwas. Do jawux, nakolsax tapaeyaxaelen —aech Pilato japiajwa.

¹⁷ [Kaewaechful wut, Pascuafiesta wut, Pilato jitapaei kaen jiw jebatat jiaspon nakolsliajwa, jiw wujjowson. Pilato jasox is, jiw nejchachaemlaliajwa japonliajwa.]

¹⁸ Pilato japox jum-aech wut: “Jesús nakolsax tapaeyaxaelen” —aech wuton, judíos nejlasful wut, jum-aechfuli:

—¿Japon kematamatalde cruztat! ¡Barrabáslax nakolsax tapaem! —aechfuli.

¹⁹ Japon Barrabás majt naba, Pilato pejsoldaw suapich, Jerusalén paklowaxxot. Jiw babejpon. Samata, jiaspon jiw jebatat.

²⁰ Pilato tapaesia Jesús nakolsliajwa. Samata, pejme jum-aechon japi jiwliajwa.

²¹ Pe Pilato naksiya wut, japi jiw kaes nejlasful wut, jum-aechfuli:

—¿Japonlax kematamatalde cruztat tupaliajwapon! —aechfuli, nejlasful wut Jesúsliajwa.

²² Pilato pejme jum-aech japiajwa:

—¿Ma-aech xotkat xamal jəm-am: ‘jJapon nej tɔpe!’ —amkat? ¿Achababijaxkaton is? Xanliajwa japon aton bu'wɔajanjil japoxtat tɔpaliajwa. Samata, tajsoldaw keto'axaelen asbɔan jəmch selsliajwas. Do jawɔx, nakolsax tapaeyaxaelen japon —aech Pilato judíosliajwa.

²³⁻²⁴ Pe japi xabich jəmbisnik wɔt, nejlasfɔl. Jawɔt jəm-aechfɔli:

—jJapon kematamatalde cruztat tɔpaliajwa! —aechfɔli.

Japi xabich jəmbisnik xot, Pilato baxael ow-aechlison.

²⁵ Samata, Pilato pejsoldaw to'a tapaeliajwapi nakosax Barrabás jiw jebaxot, japi wɔljowpon nakolsliajwa. Barrabás jiw jebatat majt jias, naba xoton, soldaw sɔapich, asew jiw ba xotbejpon. Do jawɔtbej, Pilato to'a Jesús kematamatlaliajwas cruztat, me-ama japi jiw wɔljow japon isliajwa japox.

Jesús kematamatlaspox cruztat

(Mt 27.32-44; Mr 15.21-32; Jn 19.17-27)

²⁶ Do jawɔx, soldaw, japi bu'fol Jesús kematamatlaliajwas cruztat. Do jawɔtbej, paklowaxlel Simón fɔlaen. Japon Cirene paklowaxpijin. Xensliajwa wɔt, soldaw jaeltason. Do jawɔt, to'ason Jesús pijax cruz xalaeliajwa, Jesús xafolox. Jesús kaes xalaeyaxil, xabich boejil xotlison kastikaxtat. Dolisdo', japon Simón xafolon cruz Jesús pejwɔchakal.

²⁷ Do jawɔt, xabich jiw Jesús pejwɔchakal fol. Japixot xabich watho' wɔnow. Nowpi pinjemetat, xabich nejxaejwas xoti Jesús.

²⁸ Jesús wɔltataen wɔt japi watho'lel, jəm-aechon:

—Watho', Jerusalén paklowaxpijwam, jxan nabej nawɔnoe'! jNawɔnoem najutliajwa, naxiliajwabej!

²⁹ Nabijasmatkoi pat wɔt, jiw xabich nabijasaxael. Japamatkoitat jiw jəmchiyaxael: ‘Amwɔtjel wepachaems nafenapi, asew xijilpibej, paxi ajil xot nabijasliajwa’ —chiyaxaeli.

³⁰ Japamatkoitat jiw jəmchiyaxaelbej pinamɔaxanliajwa, cha-aelmɔaxanliajwabej: ‘Natacholnamik xanallelsik nakɔlaliajwam, jasoxtat namoechaliajwambej’ —chiyaxaeli, kaes nabijasfɔla-elaliajwa.

³¹ Xan, babijax is-enilponan, nakematamatlaxaeli cruztat. Pe xabich babijaxan ispi, xabich kaes pejme nabijasaxael, wetapach wɔt nabijasmatkoi —aech Jesús japi watho'liajwa, wɔnowspiliajwa.

³² Dolisdo', soldaw bu'fol wɔti Jesús, jawɔtbej bu'foli kolenje kethakan, japibej kaenanɔla kematamatlaliajwas pejcruztat, Jesús sɔapich.

³³ Bu'pach wɔti kaemɔax pawɔlxot, Matnaethitmɔaxxot, jaxot Jesús kematamatlas cruztat. Jaxotbej kolenje kethakan kematamatlas cruztat. Asan chanuk Jesús pejpoklalel. Asan chanuk Jesús pejsoenalel.

³⁴ Jesús cruztat wɔt, jəm-aechon:

—Ax, jampi jiw beltaem! Matabija-eli ispoxtliajwa —aech Jesús soldawliajwa.

Jesús kematamatali, japi soldaw nakakujti ia'xix matabijaliajwa, achan kanaxael kaenanɔla Jesús pejnaxoe.

³⁵ Jiw jaxoti natachaema puexa ja-aechox. Jaxotbej judíospaklochow. Jawɔt japi bu'wɔajanpaei Jesús. Nakaewa najəm-aechi:

—Asew jiw bu'wiapon. Diachwɔajnakolax ampon Cristo wɔt, Dios to'aspon wɔt jiw bu'welialjwa, jma amwɔt pajut nej nabu'wepon! —aechi Jesúsliajwa, bu'wɔajanpaei wɔt.

³⁶ Soldawbej bu'wɔajanpaeipi Jesús. Kaesɔapich soldaw mox soepa Jesúsxot. Dɔajsasiapi vino, xathuyamint, Jesús suiliajwa xabich wex-aenkasamatas.

³⁷ Jawɔt jəm-aechi Jesúsliajwa:

—Xam judíospaklokolnam wut, ¡najt nabu'wem! —aechi Jesúsliajwa.

³⁸ Jesús pejta'tabijla lelsbox chaduch. Japox lelsbox jum-aech: “Ampon judíos pejrey” —aechox.

³⁹ Asan kethakan cruztat kematamatlaspon, japonbej jum-aech bu'wujajnpaei Jesús:

—Xam Cristowam wut, Dios to'aponam wut jiw bu'welajwam, ¡ma amwut najut nabu'wem! Do ja-aech wut, ¡xanalbej nabu'wem! —aech kethakan Jesúsliajwa.

⁴⁰ Asan kethakan buxfiat pejnachalan bu'wujajnpaeipox. Do jawut, jum-aechon:

—¡Xam japox nabej jum-aeché' Jesúsliajwa! ¿Xamkat nejléwla-el Diosliajwa, xatisbej tupaaxes xot?

⁴¹ Xatis nabijatas nakkastikapoxtat, babijaxan isas xot. Amponlax chinax babijax is-el —aech kethakan pejnachalanliajwa.

⁴² Kethakan japox jum-aech wut, jum-aechon Jesúsliajwa:

—Jesús, xam puexa jiw tato'lax tuadutam wut, ¡jawutbej xan nanejchadu'e! —aech kethakan.

⁴³ Jesús jumnot wut, jum-aechon kethakanliajwa:

—Diachwujajnakolax xan jum-an. Ma amwut, xam Diosxotaxaelam, xan suapich —aech Jesús kethakanliajwa.

Jesús tuppox cruztat

(Mt 27.45-56; Mr 15.33-41; Jn 19.28-30)

⁴⁴ Jesús tupaliajwa wut, juimt matnoch ek wut, xabich itkuatnik tres hora potujajna.

⁴⁵ Itkuatnik xabich, juimt chiekal itliaka-el xot. Do jawut, Dios pejtemplo batutat pinabu', duchpox batutat, najupathiakchakas.

⁴⁶ Do jawut, Jesús nejlakcha wut, jum-aechon pax Diosliajwa:

—Ax, ¡ma amwut xan tupaaxaelen! ¡Xam xanaboejtax taj-espíritu chiekal nawetataeflaxaelampox! —aech Jesús.

Jesús japox jum-aech wut, tujplison.

⁴⁷ Soldawcapitán taen wuton Jesús tupaax, do jawut, jum-aechon Diosliajwa: “Dios, xam xabich pachaemam” —aechon. Jum-aechbejpon jaxoti jumtaeliajwa: “Diachwujajnakolax ampon aton chinax babijax is-el tupaliajwa jasoxtat” —aech soldawcapitán.

⁴⁸ Puexa japox taenpi, nawia wut pejbachan poxade, kaenanula pajut namatiafdakapi, xabich nejxaejwas xot.

⁴⁹ Asew jiw, matabijapi Jesús, japi atuxach natachaemanuil. Jaxotbej watho' nuil, fulaenpi Galilea tuajnujxot.

Patupan Jesús ochpox muxwujajtat

(Mt 27.57-61; Mr 15.42-47; Jn 19.38-42)

⁵⁰⁻⁵¹ Jerusalén paklowaxxot aton duk. Japon pawul José. Japon Arimatea paklowaxpijin, Judea tuajnujxot. Japon pachaem. Chiekal dukbejpon Diosliajwa. Japon judíospaklochowxot, Junta Supremapijin. Pe japon kaenejchaxoelaxa-elon Junta Supremapijiw ispoxlajwa Jesúsliajwa. Japon wujajnowet Dios pejmatkoi tuadusliajwapox, Dios pejjiw tato'laxaelmatkoi.

⁵² Jesús tuj wut, José fulaech Pilato poxade wuljoeliajwapon patupan Jesús muthsliajwabejpon. José wuljow wut, Pilato ow-aech.

⁵³ Do jawux, José pat wut patupan Jesúsxot, kusklison Jesús cruzxotsik. Jawut José xakoeya patupan sábanabu'tat, pabujabu'tat, osliajwa muxwujajxot. Japamuxwujaj pajelwujaj. Patupan os-esalfuk.

⁵⁴ José japox is napatamatkoi wuajna, japamatkoi chawuajnachemsliajwa. Jawut, José japox isax ketoet wut, cha-aex we'pfuk nadusliajwa napatamatkoi.

⁵⁵ Japi watho', majt Jesús naknanuamti Galilea tuajnuaxot. Japi watho' wuchakal fol, José fulaech wut muaxwuaj poxade. Samata, taeni Jesús ochpox.

⁵⁶ Do jawut, japi watho' kaxa nawen wut pejba poxade, chaemtlisi perjumamin, xabejasapanbej, patupan joelaliajwa. Do jawut, japi napata, napatamatkoi xot. Me-ama Moisés chajia lelpox jum-aech, ja-aechlisi.

24

Patupan Jesús mat-ech pejme dukaliajwa (Mt 28.1-10; Mr 16.1-8; Jn 20.1-10)

¹ Dominkomatkoi, kandiasap wut, watho' fulaech patupanwuaj poxade. Japi xafol chajia chaemtpi, perjumaminan, xabejasapanbej.

² Jaxotde pa'a wut, taeni ia't pinjit, jajaerat, asalelaxach nukpox, patupanwuajfafa xat-elspot.

³ Pe japi watho' japawuaj low wut, tae-eli patupan.

⁴ Jawut xabich beljowpi. Matabija-eli isaxaelpox. Do jawut, chalechkal japi watho' taen kolenje Dios pej-ángeles, jaxot nuil wuti. Japi kolenje ángeles pejnaxoe xabich nakliafan. Me-ama chamx, jakaliaf-aech japi pejnaxoe.

⁵ Watho' pejlwla xot, brixtat nuili. Sat makxabijindikbejpi. Jawut Dios pej-ángeles jum-aech watho'liajwa:

—¿Ma-aech xotkat xamal wulwekam patupan? ¡Jesús mat-echlison pejme dukaliajwa!

⁶ Amxot ajil patupan. Ma amwutjel dukpon, mat-ech xot. ¡Nejchafae'e, xamalliajwa chajia jum-aech wuton, Galilea tuajnuaxot wuton!

⁷ Japon chajia jum-aech: “Xan puexa jiw pakoewkolnan, asew jiw nawiasaxael asajiwxot tupaliajwan, cruztat nakematamatlaliajwa. Tres matkoi wut, Dios namat-eyaxael pejme dukaliajwan” —aechon, chajia jum-aech wut —aech Dios pej-ángeles japi watho'liajwa.

⁸ Do jawut, japi watho' nejchafaet Jesús chajia jum-aechpox japiliajwa.

⁹ Watho' kaxa nawen wut Jesús ochxotdin, puexa japoxan chapaeipi once apóstolesxot, asew jiwliajwabej.

¹⁰ Japi watho'xot, kaeow pawul María. Japow Magdala paklowaxpijow. Asaow pawul Juana. Asaow pawul María. Japow Santiago pen. Kaes asew watho'bej japixot.

¹¹ Apóstoles jumtaen wut watho' jum-aechpox, jum-aechi, nejchaxoel wut: “Watho' pajut pejkaechantat faekalap” —aech apóstoles, nejchaxoel wut. Samata, naexaxis-eli watho' chapaeispox.

¹² Asew naexaxis-el wut, Pedro najae'e Jesús muthas poxade. Pat wuton, patupanwuaj natachaemsepon. Jawut taenon sábanabu'ankal. Do jawut, Pedro kaxadin wut, xabich nejchaxoelaful taenpoxliajwa.

Jesús natulaeltpox kolenje pejnachalanxot, fol wuti Emaús paklowaxnuamtat (Mr 16.12-13)

¹³ Dominkomatkoi wut, kolenje Jesús pejnachalan Jerusalén paklowaxxot nakola Emaús paklowax poxaliajwade. Emaús paklowax pasliajwa, me-ama once kilómetros.

¹⁴ Nuamtat fol wut, nospaefuli Jesús cruztat kematamatlaspoxliajwa.

¹⁵ Nospaeful wutfuki, Jesús pajut mox soepan japixot. Do jawut, Jesús nakfol japi.

¹⁶ Japi taen Jesús. Pe japi matabija-el japon Jesúspon, Dios tapae-esal xoti japi matabijsliajwa Jesús.

¹⁷ Do jawut, Jesús wñajnaemta wut, jum-aechon:

—¿Achaxkat xamal nospael pam, ñamta folam wut? —aech Jesús.

Japi nuiljaba. Xutampapi nejxaejwaspox.

¹⁸ Kaen japixot pawal Cleofas. Japon jum-aech:

—¿Xamkat ñalaeman Jerusalén paklowaxxot? ¿Xamkatlap kaenam matabijs-emilponam ja-aechox ampamatkoiyan Jerusalén paklowaxxot? —aech Cleofas Jesúsliajwa.

¹⁹ Jesús wñajnaemta wut, jum-aechon:

—¿Achaxkat ja-aech Jerusalén paklowaxxot? —aech Jesús.

Do jawut, japi jum-aech:

—Jesús Nazaretpijin, Dios pejprofeta, japon xabich koechaxan is Dios pejpamamaxtat. Jiw chiekal naewñajnafulbejpon Dios pijaxtat. Jasox isfulon xabich jiwliajwa.

²⁰ Sacerdotespaklochow, wajpaklochowbej, asajiwxot wiatipon tupaliajwa. Samata, cruztat kematamatlas.

²¹ Xanal nejchaxoelx japonliajwa: ‘Xatis judíos japon nakbu'weyaxael asatñajnañapijw naktato'alpox’ —an xanal, nejchaxoelx wut japonliajwa. Pelisox tres matkoiye japon tuppox.

²²⁻²³ Asew watho' xanalxot ampakandiawasap ñalaech patupanwñaj poxade. Pe patupan Jesús ajil wut, kaxa naweni bachadin. Japi watho' xanal nachapaei, Dios pej-ángeles natulaela wut japixot jumtispox. Juntis japi watho': ‘¡Jesús mat-echlison! ¡Ma amwutjel pejme duklison!’ —tis japi watho'. Japox xanal jumtaenx wut, xabich nejchaxoelx japoxliajwa.

²⁴ Do jawux, asew xanalxotpijw ñalaech patupanwñaj poxade pajut chiekal taeliajwa. Do jawut, taeni puexa, me-ama watho' jum-aech. Pe tae-eli patupan Jesús —aechi Jesúsliajwa, japi kolenje, Emaus paklowax poxade ñalaechpi.

²⁵ Do jawut, Jesús jum-aech japiliajwa:

—Xamal xabich matnaetinkam. Naexasis-emil profetas chajia lelpox Cristoliajwa.

²⁶ Matabija-emilbej Dios pejjamechan. Cristo, Dios to'aspon jiw bu'welialjwa, japon majt xabich nabijasaxael. Do jawux, mat-eyaxaeson pejme dukaliajwa. Jiw tato'laxaelbejpon Diosxotse —aech Jesús pajutliajwa.

²⁷ Do jawut, Jesús chiekal chanaekabñana Dios pejjamechan chajia jum-aechox japonliajwa. Jawutbej chiekal chanaekabñanapon Moisés chajia lelpoxliajwa. Do jawutbej, Jesús chiekal chanaekabñana Dios pejprofetas chajia lelpox, jachiyaxaespox japonliajwa.

²⁸ Emaus paklowax pasliajwa wuti, jawut Jesús, me-ama matnoch xensliajwa wut, ja-aechon.

²⁹ Pe japi kolenje xabich jumbisnik japon namanaliajwa japixot. Jum-aechi:

—¡Namande xanalxot moejsliajwam! Tuilalisox. Itkua'nikafulbejlisox —aechi.

Do jawut, Jesús ow-aech. Lowlison namanaliajwa, japi suapich.

³⁰ Chalak wutlisi mesaxot naxaelialjwa, jawut Jesús panax fit wut, gracias-aechon Diosliajwa. Do jawut, panax jalnat wut, chaxduwpon japi kolenje.

³¹ Do jawutbej, japi chiekal matabija japon diachwñajnakolax Jesúspon. Jawut chalechkal Jesús naxaelcha.

³² Naxaelcha wuton, nakaewa japi kolenje najum-aechna:

—Diachwujnakolax xabich nejchachaemlas, nakfol wuton xatis, chiekal nakchanaekabuaana wutbejpon Dios pejjamechan, chajia lelsbox —na-aechi nakaewa.

³³ Do jawut, kamta nanapi kaxaliajwade, Jerusalén paklowax poxade. Jaxotde pa'a wut, wujna natamejal once apóstoles, asebwej.

³⁴ Japi apóstoles jum-aech kolenje, jelpatiliajwa:

—Diachwujnakolax wajpaklon Jesús mat-ech. Pejme duklison. Jesús natulaelt Simónxot —aechi.

³⁵ Do jawut, japi kolenje, jelpati, chapaei, nuamtat fol wut japiajwa ja-aechpox. Chapaeibejpi, Jesús panax jalnat wut japi xaeliajwa. Do jawutbej, pajut chiekal matabijapi, diachwujnakolax japon Jesúspon.

*Jesús natulaelt pox pejnachala natamejaxot
(Mt 28.16-20; Mr 16.14-18; Jn 20.19-23)*

³⁶ Japi kolenje japox chapaei wutfuk, jawut chalechkal Jesús natulaelt japixot. Do jawut, Jesús japi kejacha wut, jum-aechon:

—¡Dios nej kajachawaes xamal chiekal duilaliajwam! —aechon.

³⁷ Xabich belwanapi, nejchaxoel wut, jum-aech xoti: “Ampon Jesús-el. Pej-ael” —aech xoti, nejchaxoel wut.

³⁸ Jesús jum-aech:

—¿Ma-aech xotkat xamal puexa belwam? ¿Ma-aech xotbejkat naexasis-emil xan namat-etpoxliajwa pejme dukaliajwan?

³⁹ ¡Taem tajke-e, tajtuakanbej! Xanlap japonan. ¡Najacham! ¡Nataem chiekal! Espíritu wejisal pawí, pathibej. Me-ama xan, jachi-el —aech Jesús.

⁴⁰ Buxtoet wut, itpaeilison pejke-e, pejtukanbej.

⁴¹ Jesús pejnachala xabich nejchachaemil, pejme taen wuti Jesús. Pe chiekal naexasis-elfuki, diachwujnakolax japon Jesúsolan wut, xabich nejchaxoelanuil xoti. Do jawut, Jesús pejme jum-aech japiajwa:

—¿Xamalkat naxaeyax xan xaeliajwan? —aech Jesús.

⁴² Jawut chaxdutipon baxin chabosan, jalnasbox.

⁴³ Do jawut, Jesús baxin fit. Jawut puexa pejnachala pejwujnalel xaelon.

⁴⁴ Do jawutbej, Jesús jum-aech japiajwa:

—Japoxanliajwa xamal chajia jum-an, tuxaxaelenpoxliajwa tuxa-enil wutfuk, namat-esaxaelpoxliajwabej pejme dukaliajwan. Japoxanliajwa Moisés chajia lel, profetasbej. Salmosfutat lels japoxanliajwa. Samata, japoxan ja-aechlisox xanliajwa —aech Jesús pejnachalaliajwa.

⁴⁵ Do jawut, Jesús chiekal chanaekabuaana pejnachala, japi chiekal matabijaliajwa Dios pejjamechan, chajia lelsboxan, jum-aech wut Jesúsliajwa.

⁴⁶⁻⁴⁷ Jesús pejnachala chiekal chanaekabuaana wut, jum-aechon:

—Dios pejjamechan chajia jum-aech xanliajwa: ‘Cristo, Dios to'aspon jiw buweliajwa, japon tuxaxael. Tuxpox tres matkoi wut, japon mat-esaxaes pejme dukaliajwa. Do jawux, pejjiw tudusaxael japon pejwujnan naewujnalialiajwa Jerusalén paklowaxxot. Do baxael, japi naewujnaxael aseb jiw, asatujnuchanpijw. Japox Cristo pejjiw isfulaxael jiw kofaliajwa babijaxan isboxan beltaeliajwasi Dios’ —aech Dios pejjamechan, chajia jum-aech wut xanliajwa.

⁴⁸ Diachwujnakolax japoxan chiekal ja-aechlisox. Amwutjel xamal najut chiekal taenam. ¡Japoxan xamal chapaeulde aseb jiw!

⁴⁹ Xan to'axoekan Espíritu Santo xamalliajwa, Dios chajia jumdutpon xamal kajachawaesfulaliajwapon. ¡Xamalfuk kawetaxaelam Jerusalén paklowaxxot wñaj nawesliajwam Espíritu Santo xamal nejmatpñatanxot pasliajwasik! Dolisdo', Espíritu Santo pask wñt, mamnikaxaelam Dios pijaxtat — aech Jesús pejnachalaliajwa.

Jesús bu'fospox athñ poxase

(Mr 16.19-20)

⁵⁰ Do jawñx, Jesús pejnachala bu'fol Jerusalén paklowaxxot, Betania paklowaxlel poxade. Pa'a wñti mox Betania paklowaxxot, Jesús muaxxachot Dios kawñajnalialiajwa pejnachalaliajwa, Dios kajachawaesfulaliajwas japon pejnachala.

⁵¹ Jesús kawñajan wñtfuk Dios pejnachalaxot, jawñt Dios bu'foslison athñ poxase.

⁵² Jesús pejnachala japox taen wñt, brixtat nuili itpaeliajwa sitaeyax Jesúsliajwa. Do jawñx, kaxa nawen wñt Jerusalén paklowax poxadin, japi xabich nejchachaemil.

⁵³ Kaematkoisful, Dios pejtemplobatat Dios kawñajan wñt, jum-aechi Diosliajwa: “Dios, xam xabich pachaemam” —aechfali.

Juan lelpox Jesucristo pejuajna

Cristo, Dios paxulan, japon dukpox ampathat wujna

¹ Majt akaseskolaxtat, ampathat is-esal wufuk, Cristo wujna chajia duk, pax Dios sapich. Pe japonbej Dios. Samata, itpaeipon Dios pejmatabijsax jiw matabijaliajwa japoxan.

² Diachwujnakolax dukon, pax Dios sapich, akaseskolaxtat. Amwutjel japon nakiowa duk.

³ Dios pijaxtat Cristo is ampathat, thatbaxobej. Isbejpon puexa ampathatpi, thatbaxotatpibej. Japoxan Cristo is-el wut Dios pijaxtat, puexa chiekal ajilaxael. Ajilaxael ampathat, thatbaxobej.

⁴ Cristo pijaxtat jiw laelp ampathatat. Japon tapae-el wut, jiw ampathatat laelpaxil. Tapaeibejpon jiw matabijaliajwa diachwujnakolaxpox Diosliajwa. Samata, Cristo, me-ama itliakax. Itliakon jiwliajwa.

⁵ Me-ama itliakax itkataxot itliak wut, ja-aechbej Cristo. Itkatax itkasaxil itliakax. Satanás, me-ama itkatax. Satanás xajupaxil toesliajwa Cristo.

Juan, jiw bautisan, naewujnapox

⁶ Dios pejprofeta, majt ampathatat laejapon, pawul Juan. Japon naewujnan jiw Dios baxto'aspoxan.

⁷ Samata, japon jiw naewujnan matabijtpoxan Cristoliajwa, japi jiw naexasisliajwabej Cristo.

⁸ Juan Cristowa-el. Japon to'as jiw naewujnaliajwa Cristo wujna.

⁹ Diachwujnakolax Cristo fuloek ampathatasik jiw matabijaliajwa, achan Dios.

¹⁰ Cristo chajiakolaxtat ampathat is Dios pijaxtat. Do jawux, Cristo pajut duk ampathatat. Pe ampathatpijiw matabija-el japon Cristopon, Dios paxulanpon.

¹¹ Paskon pejiwxotsik. Pe judíos naexasis-el japon Dios paxulanpon.

¹² Pe asew jiw lax, naexasiti Cristo, japon Dios paxulanpon, japi jiw Dios tapaeis Dios paxi nadofaliajwa.

¹³ Japi penjiwxot nalaelapoxtat, Dios paxi nadofa-el. Dios tapaei is xoti, japi Dios paxi nadofa Cristo pijaxtat.

¹⁴ Cristo nalaelt ampathatat, me-ama yamxi ampathatat nalaela wut, ja-aechon. Dukon xatisxot ampathatat. Cristo xabich nejxasink puexa jiw. Diach paeibejpon. Xanal taenx pejpamamax, pax Dios chaxduchpox japon kaekolan paxulanliajwa.

¹⁵ Juan, jiw bautisan, chajia jum-aech jiw matabijaliajwa Cristo fulaeyaxoekpox. Samata, Juan pinjametat jum-aechon: "Xan chajia jum-an Cristoliajwa: 'Xan fulaenx japon wujna. Fulaeyaxaelpon, japon kaes pejme paklonaxael. Me-ama xan, jachiyaxilon, japon wujna chajia duk xot Diosxotse' —an xan" —aech Juan, jiw bautisan, Cristo pejpasaxliajwa.

¹⁶ Cristo xabich nejxasink puexa jiw. Samata, isful pomatkoicha pachaempoxan xatisliajwa.

¹⁷ Moisés, judíos pejuujnapijin, chajiakolaxtat japon naewujnan judíos Dios tato'alpoxan. Baxael, Cristo pat japon chiekal jiw naewujnaliajwa Dios pejnejasiyax jiwliajwa. Naewujnanbejpon diachwujnakolaxpox.

¹⁸ Kaen aton tae-el Dios. Pe Dios paxulan, dukpon paxxotse, japonlax chiekal matabijt pax Dios. Samata, japon pijaxtat matabijas, ma-aech Dios.

*Juan, jiw bautisan, wñajnaemtaspo x jiw, japon Cristo wut
(Mt 3.11-12; Mr 1.7-8; Lc 3.15-17)*

¹⁹ Asamatkoi wut, judíospaklochow, Jerusalén paklowaxpijiw, japi to'a sacerdotes Juan poxade. To'abej kajachawaetpi sacerdotes. Japi to'as wñajnaemtsliajwapi Juan. Pat wuti Juanxot, japi jum-aech:

—¿Xamkat achanam? ¿Xamkatlap Dios to'asponam? —aechi Juanliajwa.

²⁰ Juan diachwñajnakolax chiekal paei. Samata, jumnot wut, jum-aechon japi jiw chiekal jumtaeliajwa:

—Xan Cristowa-enil. Dios to'aspona-enil puexa jiw bu'welijaowan —aech Juan.

²¹ Japi pejme wñajnaemtaspo x wut, jum-aechi:

—¿Xamkat achanam? ¿Xamkatlap Elías, Dios pejprofetam? —aechi Juanliajwa.

Juan jumnot wut, jum-aechon japiliajwa:

—Xan japona-enilbej —aechon.

Do jawut, pejme wñajnaemtaspo x wut, jum-aechi:

—¿Xamkatlap asanam 'Dios pejprofeta, fulaeyaxaelpon' —tisponam? —aechi Juanliajwa.

Jawut, Juan jumnot wut, jum-aechon:

—Xan japona-enilbej —aechon.

²² Japi pejme jum-aech:

—Xam Dios pejprofeta-emil wut, ¿achanamkat xam? Xanal xalaesian wñajan nato'apiliajwa. ¿Achaxkat xanal najumchiyaxaelam xam najutliajwa? —aechi Juanliajwa.

²³ Do jawut, Juan jumnot wut, jum-aechon wñajnaemtaspijiajwa:

—Xan patx, pajilaxtat nejlasfulax wut jumchiliajwan: '¡Kofim babijaxan isfulampoxan! ¡Ja-amde japox wajpaklonliajwa! Ja-am wut, me-ama jiw wñajna nñamt chiekal chaemt paklon pasliajwa, jachiyaxaelam nejnejchaxoelaxantat' —ansfulax, me-ama Isaías, Dios pejprofeta chajia jum-aech —aech Juan, jiw bautisan, wñajnaemtaspijiajwa.

²⁴ Fariseos to'aspibej, japi wñajnaemtaspo x wut, jum-aechi Juanliajwa:

²⁵ —Xam Cristowa-emil wut, Elías-emil wutbej, asan Dios pejprofeta-emil wutbej, ¿ma-aech xotkat xam jiw bautisam? —aechi Juanliajwa.

²⁶ Juan jumnot wut, jum-aechon fariseos to'aspiliajwa:

—Xan jiw bautisax mintat, japi jiw babijaxan ispoxan kofapi. Pe asan xatisxotpon, japon xamal matabija-emilfuk.

²⁷ Japon wñajna xan fulaenx. Fulaeyaxaelponliajwa xan pachaema-enil japon pejkajachawaesnanliajwa, japon kaes pejme paklon xot. Samata, xan pachaema-enil jolsliajwan japon pejtñakxajoelax —aech Juan fariseos to'aspiliajwa.

²⁸ Jasoxtat Juan wñajnaemtas Betania paklowaxxot, Jordánlajt we-enlelde, juimt julanlelsan, Juan jiw bautisafulxot.

Cristo, me-ama Dios pejcordero, ja-aechpox

²⁹ Kandiawa wut, Juan taen Jesús, mox fulaen wut japonlel. Jawut Juan jum-aech jiwliajwa: "¡Tae'nik! Amponlap, me-ama Dios pejcordero, ja-aechpon. Japon asamatkoi tñp wut, mosaxael puexa jiw babijaxan ispoxanliajwa.

³⁰ Japonliajwa xan chajia jum-an: 'Xan fulaenx japon wñajna. Fulaeyaxaelpon, japon kaes pejme paklonaxael. Me-ama xan jachiyaxilon, japon chajia wñajna duk xot Diosxotse' —an xan.

³¹ Majt japon xan chiekal matabijs-enil. Pe xan fúlaenx jiw bautisaliajwan mintat, Israel tujajnpjijiw matabijaliajwapi japon” —aech Juan jiwliajwa, jum-aech wuton Cristoliajwa.

³² Do pejme Juan jum-aech jiwliajwa: “Xan taenx, Espíritu Santo athusik fúloek wut a-utat Jesús pejmatwujasik. Fúloek wut, na-eton japonxot.

³³ Majt xan chiekal matabijs-enilfak, achan Cristo. Ja-an wut, Dios, xan nato'apon jiw bautisaliajwan mintat, chajia najum-aechon: ‘Taenam wut Espíritu Santo, fúloek wut aton matwujasik na-esliajwa japonxot, japonlap Cristowaxael. Do jawux, japon to'axael Espíritu Santo xamal nejmatpuatanxotaliajwa’ —na-aech Dios.

³⁴ Xan japox taenx. Samata, Jesúsliajwa jum-an: ‘Diachwujnakolax japon Dios paxulan’ —an xan” —aech Juan, jiw bautisan, jiwliajwa.

Jesús matxoelamakanotpox poejiw, japon pejnachalaliajwa

³⁵ Do kandiawa wut, Juan, jiw bautisan, pejme jaxoton, kolenje pejnachalan sapich.

³⁶ Juan taen wut Jesús xensax, jawut jum-aechon japi kolenjeliajwa: —¡Tae'nik ampon, me-ama Dios pejcordero, ja-aechpon! —aech Juan kolenje pejnachalanliajwa.

³⁷ Japi kolenje, Juan pejnachalan, jumtaen wuti Juan jum-aechpox, japi fúlafol Jesús.

³⁸ Do jawut, Jesús wultataen wut, taenon fúlafospi. Jawut wujajnachaeamt wut, jum-aechon japiliajwa:

—¿Achaxkat xamal wulwekam? —aech Jesús japiliajwa.

Japi jumnot wut, jum-aechi:

—Jiw chanaekabuanan, ¿amxotkat xam dukam? —aechi Jesúsliajwa.

³⁹ Jesús jumnot wut, jum-aechon japiliajwa:

—¡Xabua't xan dukxxot taeliajwam! —aech Jesús japiliajwa.

Do jawut, japi nakfol Jesús. Do jawutbej, japi taen Jesús dukxot. Jawut japi nama japonxot, xabich tuila xotlisox.

⁴⁰ Juan, jiw bautisan, jum-aechpox jumtaenpi, japixot kaen pawul Andrés. Japon Simón Pedro pakoewan.

⁴¹ Do baxtoet wut nospraeyax, Jesús sapich, jawut Andrés wulwek pakoe-wan, japon pawulpon Simón. Faen wut, jum-aechon pakoewanliajwa:

—Xanal taenx Mesías —aechon. (‘Mesías’ —aech wut, japajame jumchiliajwa: ‘Cristo, Dios to'aspon jiw bu'welialjwa’ —chiliajwapox.)

⁴² Do jawut, Andrés buflaechon Simón Jesús poxade. Jesús taen wut, jum-aechon Simónliajwa:

—Xam nejwul Simón, Jonás paxulanam. Pe amwutjel xam nawulaxael Cefas —aech Jesús. (Japawul jumchiliajwa: ‘Pedro’ —chiliajwa.)

Jesús tadutpox Felipe, Natanaelbej, japi japon pejnachalaliajwa

⁴³ Kandiawa wut, Jesús nejchaxoel Galilea tujajnpjijiw poxade fúlaeliajwade. Jawut Jesús taen Felipe. Samata, Jesús jum-aech Felipeliajwa:

—¡Xan nakfúlaem tajnachalnamliajwa! —aech Jesús Felipeliajwa.

⁴⁴ Felipe Betsaida paklowaxpijin. Andrésbej, Pedro sapich, japibej Betsaida paklowaxpijiw.

⁴⁵ Jawut Felipe fúlaech Natanael wulwekaliajwa. Faen wut, jum-aechon:

—Xan taenx Mesías. Me-ama Moisés chajia lelpox jum-aech, ja-aechlisox. Japon patlison. Me-ama Dios pejprofetas chajia lelpoxan jum-aech japon pasaxaelpox, japox ja-aechlisox. Japon Jesús, José paxulan. Japonbej Nazaret paklowaxpijin —aech Felipe Natanaelliajwa.

- ⁴⁶ Natanael jum-aech Felipeliajwa:
 –Nazaret paklowaxpijiw pachaema-el. Samata, japixot kaen aton ajil xabich pachaempon –aech Natanael.
 Felipe jumnot wut, jum-aechon Natanaelliajwa:
 –¡Xabua't xam taeliajwam Jesús! –aech Felipe Natanaelliajwa.
- ⁴⁷ Jesús taen wut Natanael fulaenox, do jawut, Jesús jum-aech Natanaelliajwa:
 –¡Taem! Ama fulaen Israel tuajnupijin, japon chinax jiw naekichachajba-el –aech Jesús Natanaelliajwa.
- ⁴⁸ Do jawut, Natanael wuajnaemta wut, jum-aechon Jesúsliajwa:
 –¿Ma-aech xotkat namatabijtam? –aech Natanael Jesúsliajwa.
 Jesús jumnot wut, jum-aechon:
 –Xan taenx, xam ekam wut atua j higonabuxfaltat, nakoewan Felipe jumchi-el wutfuk xanliajwa –aech Jesús.
- ⁴⁹ Do jawut, Natanael jum-aech:
 –Jiw chanaekabuanan, xam diachwuajnakolax Dios paxulnam, jasoxtat chajia atua j namatabijtam xot. Xam judíos pejreynam –aech Natanael Jesúsliajwa.
- ⁵⁰ Jesús jum-aech Natanaelliajwa:
 –Xam chiekal nanaexasitam, jum-an wut: ‘Xan taenx, xam ekam wut higonabuxfaltat’ –an wut. Xam taeyaxaelam, kaes pejme pachaempoxan xan isx wut. Me-ama ampo, jachiyaxil –aech Jesús Natanaelliajwa.
- ⁵¹ Jesús pejme jum-aech:
 –Diachwuajnakolax xan jum-an. Xamal taeyaxaelam, athu fafa'ch wut xan tajmatwuajasik. Do jawutbej, taeyaxaelam xabich Dios pej-ángeles fafa'chxotsik, jajulaxoei wut, xanxot, puexa jiw pakoewkolnanxot. Do jawutbej, taeyaxaelam asew ángeles balaloeyaxoek wut xanxotsik –aech Jesús Natanaelliajwa.

2

Caná paklowaxtat fiesta ispo, aton nakjiya wut Galilea tuajnuxot

- ¹ Do jawux, tres matkoi wut, kaen aton nakjiya Caná paklowaxtat, Galilea tuajnuxot.
 Jesús pen jaxotbej.
- ² Jesúsbej taduch taeliajwa nakjiyafiesta, xanal pejnachalwan suapich.
- ³ Dolis, baxael, vino wetoeplisi. Do jawut, Jesús pen jum-aech Jesúsliajwa:
 –Japi vino wetoeplis. ¿Achaxkat xam isaxaelam? –aechow paxulanliajwa.
- ⁴ Jesús jumnot wut, jum-aechon penliajwa:
 –En, ¿ma-aech xotkat xan japox najum-am? Xan tajmatkoi nawepas-elfuk jiw itpaeliajwan, achanan xan –aech Jesús penliajwa.
- ⁵ (Jesús pen matabijt japon xajuprox isliajwa koechaxan.) Samata, jum-aechow naxaeyaxan cha-efulpiliajwa mesaxot:
 –¡Isde puexa Jesús to'apox! –aechow.
- ⁶ Jaxot seis ia'kuanar chalak. Japakuanar xabich pinanul minliajwa, judíos xabich kekakiasliajwa xaeliajwa wut. Jasox pejkabuanan japi judíos. Kae-nanula kuanar xajup, me-ama setenta litros.
- ⁷ Jesús jum-aech naxaeyaxan cha-efulpiliajwa:
 –¡Puexa ampi kuanar min wuluim! –aechon.
 Do jawut, chiekal min wululisi japakuanar.
- ⁸ Jawut Jesús jum-aech:

—¡Min powim! ¡Kaesʉapich ampamin xalaemch nejpaklon poxade! —aech Jesús.

Do jawʉt, japi ow-aechlisi. Jawʉt xalaechlisi naxaeyaxan cha-efʉlpi pejpaklon poxade.

⁹ Pejpaklon vino xapaejla wʉt, matabijs-elon min vino nadofapot. Naxaeyaxan cha-efʉlpilax matabija japox, japi pajut min powa xot. Do jawʉt, pejpaklon la, pajelnakjiyan. Jʉm-aechon japonliajwa:

¹⁰ —Asew jiw fiesta is wʉt, vino pachaempot matxoela dʉajti jiw. Do jawʉx, tadʉchpi xabich af wʉt, vino omjilpot dʉajti. Xamlax vino, kaes pachaempot, xanal nadʉajtam amwʉtjel —aechon.

¹¹ Japox Jesús is wʉt Caná paklowaxxot, japoxlap matxoelapijax, koechax. Jesús japox is wʉt, itpaei pejpamamax. Samata, xanal, japon pejnachalwan, naexasitx diachwʉajnakolax Jesús Dios to'aspon.

¹² Do baxael, Jesús, pen ʉapich, japon pakoewbej, xanal pejnachalwanbej, fʉlaechx Capernaum paklowax poxade. Jaxotde kaematkoian ʉapich xanal namax.

Jesús to'apox nakolaliajwa Dios pejtemplobatat mowapi, wʉajtibej

(Mt 21.12-13; Mr 11.15-18; Lc 19.45-46)

¹³ Moxsfʉl Pascuafiesta, judíos pejfiesta. Samata, Jesús fʉlaech Jerusalén paklowax poxade, xanal japon pejnachalwan ʉapichbej.

¹⁴ Dios pejtemplobafʉlmaktxot, Jesús taen jiw mowapi pak, oveja, a-ubej. Jaxot taenbejpon, chalak wʉt plata xanafokpi jiwliajwa.

¹⁵ Jesús japox taen wʉt, mʉat fa'ton japi jiw selsliajwa. To'apon puexa japi jiw nakolaliajwa, puexa pej-ovejás ʉapich, pejew pak ʉapichbej. Plata xanafoki japi pejmesaxan wefʉliaxabapon. Japi pejplata wenatacholnas satadik.

¹⁶ Jʉm-aechon a-u mowapiliajwa:

—¡Ampi a-u jukde ampabafʉlmaktxot! ¡Taj-ax pejba mowaba nabej padofa! —aech Jesús.

¹⁷ Do jawʉt, xanal japon pejnachalwan, nejchafaetx Dios pejjamechan chajia jʉm-aechpox Mesías jʉmchiyaxaelpoxliajwa. Japox jʉm-aech: “Ax, xanbej xabich nejxasinkax jiw sitaeliajwa nejba. Pe ampi jiw sitae-el nejba. Samata, xan xabich talala japi jiwliajwa” —aechox.

¹⁸ Do jawʉt, judíospaklochow palaeyajametat jʉm-aechi Jesúsliajwa:

—¡Najʉm-amde, ma-aech xotkat xam japox isam! ¿Achankat xam to'a? —aechi.

¹⁹ Jesús jʉmnot wʉt, jʉm-aechon:

—Xamal toetam wʉt ampatemploba, xan pejme mat-esaxaelen, tres matkoi wʉt —aech Jesús.

²⁰ Do jawʉt, judíospaklochow jʉm-aech:

—Ampatemploba isas wʉt, isas cuarenta y seis waechan. Xam xajʉpaximil pejme isliajwam ampatemploba tres matkoitat —aech judíospaklochow.

²¹ Jesús japox jʉm-aech wʉt, jʉmchi-elon templobaliajwa. Japon japox jʉm-aech wʉt, jʉm-aechon pajut pejbʉ'tliajwa.

²² Samata, xanal, japon pejnachalwan, baxael, Jesús tʉp wʉt, mat-ech wʉtbejpon, pejme duk wʉton, jawʉt, xanal nejchafaetx Jesús chajia jʉm-aechpox japon pajut pejbʉ'tliajwa.

Jesús matabijtʉpox jiw pejnechaxoelaxan

²³ Jesús Jerusalén paklowaxxot wʉt, Pascuafiesta wʉt, xabich jiw naexasiti japon Cristopon, Dios to'aspon, taen wʉti koechaxan, Jesús ispoxan.

²⁴ Pelax Jesús xanaboejs-el japi jiw, matabijt xoton puexa jiwliajwa.

²⁵ Samata, Jesús wewe'pa-esal asew jiw chapaeliajwas jiwliajwa, pajut chiekal matabijt xoton jiw pejnejchaxoelaxan.

3

Jesús nospaeipox, Nicodemo sʰapich

¹ Nicodemo, japon fariseos-aton. Japonbej paklon judíosxot.

² Do madoi wʰt, Nicodemo fʰlaech nospaeliajwa, Jesús sʰapich. Jesúsxot pat wʰt, jʰm-aechon:

—Jiw chanaekabʰanan, xanal chiekal xam matabijtax xam Dios to'aponam xanal nanaewʰajnalialjwam. Taenx, xam koechaxan isam wʰt Dios pejpmamaxtat. Xanal matabijaxbej amprox. Dios chaxdusaxil wʰt pamamax, xam koechaxan isaximil —aech Nicodemo.

³ Do jawʰt, Jesús jʰm-aech:

—Diachwʰajnakolax xan jʰm-an. Aton nalaels-el wʰt pejme, japon Diosxotse pasaxil —aechon.

⁴ Nicodemo pejme wʰajnachamt wʰt, jʰm-aechon:

—¿Machiyaxaelkat aton pati'in wʰt, pejme nalaelsliajwa penxot? Aton pejme leyaxil pen pejwoejtat pejme nalaelsliajwa —aech Nicodemo.

⁵ Jesús jʰmnot wʰt, jʰm-aechon:

—Diachwʰajnakolax xan jʰm-an. Aton matxoela nalaelt penxot. Do jawʰx, nalaelsaxaelon Espíritu Santo pijaxtat. Aton nalaels-el wʰt Espíritu Santo pijaxtat, japon aton pasaxil Diosxotse.

⁶ Paxjiw isaspoxantat nalaelapi, japi jiwkal. Pe Espíritu Santo pijaxtat nalaelapi, japi jiw duilafʰlaxael Dios pijaxtat.

⁷ ¿Xam xabich nabej nejchaxoele', japox jʰm-an wʰt xamliajwa: 'Puexa jiw wewe'pas pejme nalaelaliajwa. Pejme nalaela-el wʰti, japi Diosxotaxil' —an wʰt xamliajwa!

⁸ Joewa nejmach wik. Joewa nejmet wʰt, thiataens. Pe tae-esal joewa. Tae-esal amxot fʰlaen. Tae-esalbej amproxade fʰlaech. Ja-aechlap-is Espíritu Santo, japon pijaxtat jiw pejme nalaela wʰt. Japi taeyaxisal waj-itfutut nalaela wʰti Espíritu Santo pijaxtat —aech Jesús Nicodemoliajwa.

⁹ Do pejme Nicodemo wʰajnachamt wʰt, jʰm-aechon:

—¿Achax chiyaxaelkat xam jʰm-amprox? —aechon.

¹⁰ Jesús jʰmnot wʰt, jʰm-aechon:

—Xam judíos chanaekabʰanamponam. Pe xam japoxan matabijs-emilfʰak.

¹¹ Diachwʰajnakolax xan jʰm-an. Xanal jʰm-an matabijaxpoxan. Xanal jʰm-anbej taenxroxan. Pe xamal naexasis-emil xanal jʰm-anpoxan.

¹² Naexasis-emil wʰt xan jʰm-anpox ampathatpijaxanliajwa, ¿machiyaxaelamkatlax matabijsliajwam, xan jʰm-an wʰt Diosxotsepoxanliajwa? —aech Jesús Nicodemoliajwa.

¹³ Jesús pejme jʰm-aech: “Nejmach-aton pajut pijaxtat pasaxil Diosxotse. Xanlax kaenan, puexa jiw pakoewkolnan, Diosxotsik fʰloekxponan. Chiekal matabijtax, ma-aech Diosxotse. Xanlap tajut pejme japoxaxoeyan.

¹⁴⁻¹⁵ (Chajiakolaxtat xabich jiw tʰp pajilaxtat, xabich jom liklas wʰti.) Asew jom liklaspoxtat chatʰpasia wʰt, Moisés jom-ael is broncetata. Japox naetat athʰ chanoton israelitas tʰpax natoenasamata. Israelitas japox natachaema wʰt, kaes tʰpafʰla-eli. Asamatkoi xanliajwabej, me-ama japox jachiyaxael, xan, puexa jiw pakoewkolnanliajwa, asew jiw nachanosaxael wʰt. Nejmachjiw xan nanaexasit wʰt, japi jiw xan bʰ'weyaxaelen pomatkoicha duilaliajwa Diosxotse” —aech Jesús Nicodemoliajwa.

Dios nejxasinkpox ampathatpijiw

¹⁶ Jesús pejme jum-aech Nicodemoliajwa: “Dios ampathatpijiw xabich nejxasink. Samata, xan kaekolnan, japon paxulnan, nato'akon ampathatasik xan tupaliajwan, mosliajwan ampathatpijiw babijaxan ispoxanliajwa. Xan nanaexasitpi, japi jiw asamatkoi tɔp wɔt, napelsaxili. Japi jiw pomatkoicha duilaxael Diosxotse.

¹⁷ Dios xan nato'a jiw bu'welijaowan ampathatat. Dios xan nato'a-el jiw jumchiliajwan: ‘Ampi jiw kastikaxaes, babijaxan is xot’ —chiliajwan.

¹⁸ “Xan nanaexasiti Dios paxulnanponan, japi infierno poxaxildiki. Pelax xan nanaexasis-elpi, japi infierno poxaxaek jaxotdik kastikaliajwas, chajia jumtis xoti japi kastikaliajwas, xan nanaexasis-el xoti, xan kaenan, Dios paxulnanponan.

¹⁹ Xan nanaexasis-elpiliajwa, japi jiwliajwa, chajia jumtis kastikaxaespo, babijaxan is xoti. Xan fuloekx ampathatasik jiw matabijaliajwa Dios. Xan, me-ama itliakax jiw chiekal matabijaliajwa Dios. Pe jiw nejxasinka-el japi matabijaliajwa Dios. Xan, me-ama itliakaxponan. Pe nakiowa, jiw namastaen. Japi jiw, babijaxan isasiapi, japox islisi. Samata, japi jiw kaes nejxasink itkɔtax, isful xot babijaxan. Samata, xan namastaen xot, japi jiw kastikaxaes.

²⁰ Puexa jiw, babijaxan ispi, japi jiw xan nanejwesla, me-ama itliakaxponan xot, itpaeyaxaelen xot japi babijaxan ispoxan. Japi jiw mox pas-el xanxot taesamatan, japi babijaxan is wɔt.

²¹ Pelax Dios naexasiti, japi isful pachaempoxan, me-ama Dios to'a. Ja-aech wɔt, japi jiw moxa xanxot. Isfulbejpi pachaempoxan, Dios nejxasinkpoxan, puexa jiw taeliajwas” —aech Jesús Nicodemoliajwa.

Juan, jiw bautisan, pejme jum-aechpox Jesúsliajwa

²² Jesús japox buxtoet wɔt, fulaechon, xanal pejnachalwan suapich, Judea tuajnuɛl. Do jaxotde kaematkoiyan suapich xanal bautisax asew jiw.

²³⁻²⁴ Juan, jiw bautisan, jiw jebaxot je-esal wɔtfɔk, japonbej bautisafɔl jiw Enón tuajnuɛxot, mox Salim tuajnuɛxot. Jaxot xabich minxot, Juan jiw bautisafɔl.

²⁵ Do jawɔx, Juan pejnachala nalot, asan judíos-aton suapich. Japi nabunlot bautisax. Jawɔt najum-aechi nakaewaliajwa: “Nakbautisa wɔt, ¿achan pejbautisaxkat kaes pejme pachaem, xatis chiekal pachaemaliajwas Diosliajwa?” na-aechi.

²⁶ Do jawɔx, Juan pejnachala mox soepa Juanxot nospaeliajwa japoxliajwa. Jum-aechi Juanliajwa:

—Jiw chanaekabuanan, xatis Jordánlajt weskleldas wɔt, xam chajia jumamponliajwa xanalliajwa, amwɔtjel japon jiw bautisafɔl. Xabich jiw fulafosbejpon —aech Juan pejnachala Juanliajwa.

²⁷ Do jawɔt, Juan jumnot wɔt, jum-aechon pejnachala chiekal jumtaeliajwapi Jesúsliajwa:

—Dios pajut nejchaxoel kaenanala jiwliajwa, achan pejme pachaemaxael.

²⁸ Xamal najut chiekal xan najumtaenam, chajia jum-an wɔt: ‘Xan Cristowa-enil. Xan asbuan jumch atonan, matxoelanato'aponan Cristo wɔajna’ —an wɔt, xan.

²⁹ Aton pawis fit wɔt pijowliajwa, pejnachala xabich nejchachaemil japon atonliajwa. Pejnachala wɔajnowet nakjiyaxaelpon pasaxaelxot. Japon aton pat wɔt, nospaei wɔtbejpon, pejbabijnaw suapich, japon pejnachala xabich nejchachaemlaxael. Xanbej ja-an. Xabich nejchachaemlax, xabich jiw Jesús fulafos wɔt.

³⁰ Samata, Jesús kaes pejme xabich jiw fulnanɔamsaxaeson. Xan ja-enil —aech Juan, pajutliajwa jum-aech wɔton pejnachalaliajwa.

Jesús faloekpox athulelsik

³¹ Aton ampathatpijin, japon diachwajnakolax ampathatpijinkal. Samata, jum-aechon ampathatpijaxankal. Pelax Jesús, faloekpon athulelsik, japon kaes pejme paklon. Me-ama asew jiw, jachi-elon.

³² Japonbej jum-aech taenpoxan, jumtaenpoxanbej, Diosxotse. Pe jiw naexasis-el japon jum-aechpoxan.

³³ Asew naexasit wut japon jum-aechpoxan, ja-aech wut, asew jiw matabijaxael Dios jum-aechpox diachwajnakolax.

³⁴ Jesús, Dios to'aspon, jum-aechful Dios jum-aechpoxan, Espíritu Santo kajachawaesfulas xot.

³⁵ Dios xabich nejxasink paxulan. Samata, chaxduton pejpamamax paxulanliajwa, puexa tato'laliajwapon.

³⁶ Dios paxulan naexasiti, japi jiw pomatkoicha duilaxael Diosxotse. Pe naexasis-eli Dios paxulan, japi duilaxil Diosxotse. Japilax Dios xabich kastikaxaes.

4*Jesús nospaeipox, Samaria tujnupijow suapich*

¹ Fariseos wultaen Jesús kaes pejme xabich pejnachalapox. Wultaenbejpi Jesús kaes pejme jiw bautisapox. Me-ama Juan, jachi-elon.

² Jesús pajut jiw bautisa-el. Pe xanal, japon pejnachalwan, jiw bautisax.

³ Samata, Jesús matabijt wut fariseos wultaenspox japonliajwa, do jawut, nakolt wut Judea tujnuxot, xanalbej nakolax, Jesús suapich. Nawiax kaxade, Galilea tujnu poxade.

⁴ Xanal fulaechx Samaria tujnu poxade, pasliajwa Galilea tujnu.

⁵ Ja-an wut, xanal patx Sicar paklowax, Samaria tujnuxot. Jaxot mox, Jacob chajia paxulan José chaxdutsat. Japasatbej José pamowjiwliajwa.

⁶ Jaxot minmuth, Jacob chajia kowpox. Do jawut, Jesús xabich damal, atuj fol xoton. Samata, minmuthxot ekon, mox pawajna wut juimt matnoch ekaliajwa.

⁷⁻⁸ Dolisdo', xanal, Jesús pejnachalwan, fulaechxlis paklowax poxade wujsliajwan naxaeyaxan. Do jawut, Jesús tamach ekaful wut minmuthxot, kaeow pawis pa'an mint posliajwa. Japow Samaria tujnupijow. Do jawut, Jesús jum-aech japowliajwa:

—jMint xan nachaxdu'e feliajwan! —aech Jesús japowliajwa.

⁹ Samaria tujnupijow jum-aech Jesúsliajwa:

—¿Ma-aech xotkat mint nawuljowam, xam judíos-atonam wut? ¿Xamkat matabijs-emil xan Samaria tujnupijwanpox? —aechow. (Judíos pachaemaxil. Nospaeyaxilbejpi, Samaria tujnupijiw suapich, japi pejkabuan xot japox. Samata, japow jum-aech japox Jesúsliajwa.)

¹⁰ Do jawut, Jesús jumnot wut, jum-aechon japowliajwa:

—Xam matabijs-emilfak Dios chaxdusaxaelpox. Matabijs-emilbej, mint wuljowpon. Chil xam xan namatabijtam wut, chil ja-aech wut, xam nawuljoeyaxaelam mint pachaempot. Ja-am wut, xam chaxdusaxaelen mint, me-ama Dios pejmint. Japot mint pomatkoichaliajwa —aech Jesús japowliajwa.

¹¹ Do jawut, japow jum-aech:

—Tajpaklon, minmuth xabich funiachdik. Xam kejimil posliajwam mint. ¿Amxotkat xam mint posaxaelam xan nachaxdusliajwam, Dios pejmint, pomatkoichaxaelpot?

12 Xanal tajw_uajnapijin, Jacob, ampaminm_uth nawewaelsnadoft xanalliajwa. Japon pajut ampamin af, paxi s_uapich, pejchoefbej. ¿Xamkat kaes pejme paklonam, me-ama Jacob jachi-emil? —aechow Jesúsliajwa.

13 Jesús jumnot w_ut, jum-aechon japowliajwa:

—Puexa jiw, ampamin afpi, pejme minsila.

14 Pe xan jiw chaxduwx w_ut Dios pejmint, japamint af w_uti, japi jiw kaes minsilaxil. Japamint xan chaxduiyaxaelen, me-ama min, nakolanmin satxotsin. Japamint, Dios pejmint. Japamint toepaxil. Japamin jiw af w_ut, pomatkoicha duilaxael —aech Jesús japowliajwa.

15 Do jaw_ut, japow jum-aech:

—jJapamint nachaxdu'e, xan pejme minsilasamatan, xan pejme f_ulaesamatanbej ampaminm_uthlel, kaes mint pos-elaliajwanbej! —aechow.

16 Jesús pejme jum-aech japowliajwa:

—jXab_ua'de! jW_uljae'mich nejmol! jDo pejme kaxamin, nejmol s_uapich! —aech Jesús.

17 Japow jumnot w_ut, jum-aechow:

—Xan tamachpijwan —aechow.

Do jaw_ut, Jesús jum-aech:

—Xam chiekal jum-am, 'Xan tamachpijwan' —am w_ut.

18 Pe xam cinco nejmol. Ampamatkoian xam nakmoejtpon, japon nejmola-el. Diachw_uajnakolax xam chiekal jum-am, 'Xan tamachpijwan' —am w_ut —aech Jesús.

19 Japox jumtaen w_ut, jum-aechow:

—Tajpaklon, xamkas Dios pejprofetam.

20 Xanal tajw_uajnapijiw, Samaria t_uajnapijiw, Dios kaw_uajan amram_uaxxot, pejsitaeyax itpaeliajwapi Diosliajwa. Xamal judíos jum-am: “Dios kaw_uajnaes Jerusalén paklowaxxot, wajsitaeyax itpaeliajwas Dios” —am xamal —aechow Jesúsliajwa.

21 Jesús jumnot w_ut, jum-aechon japowliajwa:

—jXan nanaexasi'e! Kaematkoian w_ut, puexa xamal f_ulaeyaximil amram_uax poxadin nejsitaeyax itpaeliajwam Dios. F_ulaeyaximilbej Jerusalén paklowax poxade Dios kaw_uajnalijwam.

22 Xamal, Samaria t_uajnapijwam, nejsitaeyax itpaeyam Dios. Pe xamal chiekal matabija-emilf_uk Dios. Xanal judíos chiekal matabijtax Dios, xanal Dios namakanot xot japon pejiwaliajwan. Samata, Mesías, judíos-aton, japon nakb_u'weyaxael ampathatpijwas.

23 Amw_utjel, baxaelbej, jiw pejsitaeyax itpaeyaxael xabich nejth_u'axtat Diosliajwa, Dios xabich nejxasink xoti.

24 Dios, japon espíritu. Samata, jiw pajut taeyaxil japon. Samatabej, Dios naexasiti, japi chiekal sitaeyaxael Dios —aech Jesús Samaria t_uajnapijwaliajwa.

25 Do jaw_ut, jum-aechow:

—Xan matabijtax Mesías f_uloeyaxoekpox, japon paw_ul Cristo. Japon f_uloek w_ut, puexa chiekal nakchanaekab_uanaxaelon —aechow.

26 Do jaw_ut, Jesús jum-aech:

—Xanlap japonan, nospaeipon, xam s_uapich —aech Jesús japowliajwa.

27 Do jaw_ut, xanal, japon pejnachalwan, patx japonxot. Natachaemax w_ut, nejchaxoelanuilxbej, Jesús nospaei xot, pawis s_uapich. Pe xanal w_uajnachaems-enil, ma-aech xot Jesús nospaei, japow s_uapich. W_uajnachaems-enilbej achaxliajwa nospaeipon, japow s_uapich.

28 Do jawut, jaxot pejkarnat waelsnadoftow. Fulaechlisow paklowax poxade. Jaxotde pa'a wut, jum-aechow pejiwliajwa:

29 —¡Xabua't taeliajwam kaen aton, xan najum-aechpon puexa chajia isxpoxanliajwa! Japon bej Mesiasbej —aechow.

30 Do jawut, puexa japi jiw nakola paklowaxxot. Fulaenlisi Jesúslel.

31 Jawutlejen, japi fulaen wutfak, xanal Jesús kaechato'ax naxaeyax xaeliajwapon. Jum-an japonliajwa:

—Jiw chanaekabuanan, ¡naxaeyax xaem! —an xanal.

32 Do jawut, Jesús xanal najumnot wut, jum-aechon:

—Amxot xabich tajnaxaeyax. Japanaxaeyax xamal matabija-emil —aech Jesús xanal pejnachalwanliajwa.

33 Jawut xanalkal nawuajnachaehtax wut, jum-an:

—Asan chajia bej xalwujaxafosbejpon naxaeyax —an xanal.

34 Pe jawut, Jesús xanal najum-aech:

—Jiw xael wut, chawulanejchachaemil. Xanlax nejchachaemlax, isx wut Dios nejxasinkpoxan, toetx xotbej isxpoxan, japon nato'apoxan.

35 Xamal jum-am: 'Naboela wut, we'p cuatro juimt jolaliajwa' —am xamal. Pelax xan jum-an: '¡Tae'nik jiw fulaenpi! Puexa japi thiltlisi naewesliajwa Dios pejjamechan. Me-ama muthaspi jolaliajwa malisi pachaem, ja-aech japi jiw' —an xan —na-aech Jesús xanalliajwa.

36 Jesús pejme xanal najum-aech:

—Trigo jolpi moch wut, nejchachaemili, toet wuti trigo jolax. Ja-aechlapis Dios pejjamechan naewuajanpi, asew jiw naexasit wut. Asamatkoi japibej xabich nejchachaemlaxael Diosxotse. Matxoelanaewuajanpi Dios pejjamechan, japibej xabich nejchachaemlaxael. Puexa japi kaeyaxtat nejchachaemlaxael Diosxotse.

37 Chajia jum-aechpox diachwujnakolax, jum-aech wutox: 'Asew jiw matxoela pela. Do jawux, asew jiw wachakal pat jolaliajwa' —aech wutox. (Japox jumchiliajwa: 'Asew jiw matxoela naewuajan Dios pejjamechan. Pe jawut, naeweti naexasis-el Dios pejjamechan. Do jawux, asew jiw pejme naewuajnas wuti, jawut japi jiw naexasitlisi chiekal Dios pejjamechan' —chiliajwa japox.)

38 Xamal keto'ax jolaliajwam pela-emilxot. Asew jiw jaxot xabich matxoela nabist. Amwutjel pachaem xamal jolaliajwam, japi chiekal ti't xotlisi. Japox jumchiliajwa: 'Xamal jiw naewuajnam wut Dios pejjamechan, japi naexasisasia Dios pejjamechan. Majt japi jiw asew jiw naewuajnas Dios pejjamechan. Amwutjel pachaem, xamal wujna asew jiw chajia naewuajan xot Dios pejjamechan japatuajnapijiwxot' —chiliajwa japox —aech Jesús xanalliajwa.

39 Xabich Sicar paklowaxpijw, Samaria tuajnapijw, naexasiti Jesús, japow chapaei xot Jesúsliajwa. Chajia jum-aechow: "Japon aton jum-aech xan puexa chajia isxpoxanliajwa" —aech xotow japi jiwliajwa.

40 Do jawut, Samaria tuajnapijw fulaen Jesúslel. Jawut fiatipon namanaliajwa japixot. Samata, Jesús jaxot naman kolematkoije.

41 Jesús pajut jiw naewuajan wut, xabich kaes jiw naeweti naexasichbejpon.

42 Do jawut, japatuajnapijw jum-aechi japowliajwa:

—Amwutjel xanal naexasitx wut Jesús, xanal naexasis-enil xam nachapaeyampoxkalliajwa japonliajwa. Pe amwutjel, xanal tajut chiekal jumtaenx xot, Jesús pajut jum-aech wut, japon naexasitx. Samata, chiekal matabijtax

japon Jesús diachwajnakolax Cristo, bu'welijwapon ampthatpijiw —aech japi jiw japowliajwa.

Jesús boejthutpox reyliajwa nabistpon paxulan

⁴³ Kolematkoije xent wut, Jesús chijia wut Sicar paklowaxxot, xanalbej, japon pejnachalwan, chijian, japon srapich. Fulaechx Galilea tujnuxoxade.

⁴⁴ Galilea tujnuxoxandax wut, xanal nejchaxoelx Jesús chajia jum-aechpoxanliajwa, pajutliajwa chajia jum-aech wut xanalliajwa: “Profetas sitaens popaklowaxanpijiw. Pelax pejtujnuxokolaxpijiw sitae-esal” —aech Jesús, jum-aech wut xanalliajwa.

⁴⁵ Xanal patx wut Galilea tujnuxoxot, japatujnuxupijiw xabich nejchachaemil, taen wuti Jesús. Samata, chiekal bu'kultipon, chajia taenxotipon, Pascuafiesta wut Jerusalén paklowaxxot. Japi taen, Jesús koechaxan is wut jaxotde. Samata, xabich nejchachaemili.

⁴⁶ Do jawux, Jesús, xanal srapich, kaxa nawenx Caná paklowax poxadin, Galilea tujnuxoxot. Jaxot majt Jesús mint vino dofapon.

Xanal jaxotan wut, kaen aton pat. Japon reyliajwa nabistpon. Japonbej paklon. Japon paxulan xabich bu'xaenk Capernaum paklowaxxot.

⁴⁷ Japon aton jumtaen wut Jesús patpox Galilea tujnuxoxot, do jawut japon, fulaen Jesús taeliajwa. Japon aton faen wuton Jesús, taduton Jesús nakfulaeliajwas japon pejba poxade, paxulan weboejthusliajwas, paxulan mox pawajna xot tupaliajwa.

⁴⁸ Do jawut, Jesús jum-aech:

—Xamal nanaexaxisaximil, xan is-enil wut koechaxan xamal taeliajwam —aech Jesús japon atonliajwa.

⁴⁹ Do jawut, reyliajwa nabistpon jum-aechon Jesúsliajwa:

—Tajpaklon, xabua't xan nakfulaeliajwam, taxulan tupax wajna pasliajwam! —aech japon aton, reyliajwa nabistpon.

⁵⁰ Do jawut, Jesús jum-aech:

—¡Nawia'mich nejba poxade! Naxulan chiekal boejthuslison —aech Jesús japonliajwa.

Japon aton naexasit Jesús jum-aechpox. Samata, nawia'apon pejba poxade.

⁵¹ Reyliajwa nabistpon fol wutfuk, jawut pamak fulaen japon pejbaxot bu'kakulnaliajwapi nuamtat. Do jawut, nuamtat xabu'kakult, jum-aechi pejpaklonliajwa:

—Naxulan chiekal boejthuslison —aechi pejpaklonliajwa.

⁵² Japon wujnachaemt wut, jum-aechon:

—¿Achahora wutkat wujjach naweboejthus? —aechon.

Japi jumnot wut, jum-aechi:

—Boejthuson kaeliw, juimt matnoch ek wut —aechi pejpaklonliajwa.

⁵³ Do jawut, japon nejchaxoel. “Kaeliw, juimt matnoch ek wut, Jesús xan najum-aech: ‘Naxulan chiekal boejthuslison’ —na-aech Jesús xanliajwa” —aechon, nejchaxoel wut. Samata, japon, puexa pejjiw srapich, bu'naexasiton Jesús.

⁵⁴ Japox Jesús is Galilea tujnuxoxot, wuchakalkoechax, nawia'an wut Judea tujnuxoxot.

5

Jesús boejthutpox nabejkan, lajaxilpon, Betzata pukachxot

¹ Baxael, asamatkoi, judíos fiesta is wut, Jesús fulaech Jerusalén paklowax poxade, japafiesta naktaeliajwapon.

² Jerusalén paklowaxxot, jaxot cha-aelpukach. Japox poejiw ispox, pawulox Betzata hebreojametat. Jaxot mox leliajwa paklowax poxadin, ovejas laleyaxxot. Japapukachjumbʼtat cinco bachan, cha-aelbax, chalak.

³ Japabachantat xabich jiw, bʼxaeya, oel. Itliakla, laelpaxilpibej, malpibej, japi cha-aelbachantat oel.

⁴ [Dios pej-ángel papaska cha-aelpukach poxasik. Pat wʼt, min itjuiyapon pukach truxnalijwa. Min truxan wʼt, matxoelafalaekpon minadik, japon chiekal nejmachwaxae boejthʼs. Samata, japi jiw wʼaj nawet pukach truxnax.]

⁵ Jiw bʼxaeyaxot, japixotbej kaen aton. Japon laejaxil. Japon laeja-elpoxlis, treinta y ocho waechanlisox.

⁶ Jesús jaxot pat wʼt, taenon japon nabejkan, laeja-elpon. Jesús matabijt wʼt japon aton nabijatox, laeja-el xoton pin-iawaechan, jawʼt Jesús wʼaj nachaemt wʼt, jʼm-aechon:

—¿Xamkat laejasiam? —aech Jesús.

⁷ Laeja-elpon jʼmnot wʼt, jʼm-aechon Jesúsliajwa:

—Jiw chanaekabʼanan, xan chiekal tamachpijnan. Ajil taj-aton minadik nabʼflaeliajwa, pukach truxan wʼt. Xan fʼlaesian wʼt minadik, asan aton matxoela jifʼlaek minadik —aech japon aton.

⁸ Jesús jʼm-aech laeja-elponliajwa:

—¡Nande! ¡Sumta-okampox fi'e! ¡Laejimbej! —aech Jesús laeja-elponliajwa.

⁹ Do jawʼt, japon aton chalechkal chiekal pachaempon. Sumta-okpox fit wʼt, xalaechlison. Japamatkoi napatamatkoi.

¹⁰ Samata, judíospaklochow japox taen wʼt, jʼm-aechi boejthʼchponliajwa:

—Ampamatkoi, napatamatkoi, Moisés chajia lelpox tapae-el sumta-okampox xalaejalijwam, napatamatkoi xot —aech judíospaklochow boejthʼchponliajwa.

¹¹ Japon aton jʼmnot wʼt, jʼm-aechon:

—Naboejthʼtpon najʼm-aech: ‘¡Sumta-okampox fi'e! ¡Laejimbej!’ —na-aechon —aech boejthʼchpon.

¹² Samata, japi wʼaj nachaemt wʼt, jʼm-aechi:

—¿Achankat xam jʼm-aech: ‘¡Sumta-okampox fi'e! ¡Laejimbej!’ —aechkat? —aech paklochow boejthʼchponliajwa.

¹³ Pe japon matabijs-el, achan boejthʼchpon, jaxot xabich xot jiw. Jesúsbej jaxot chijjalison.

¹⁴ Baxael, Jesús pejme faen japon aton Dios pejtemplobaxot. Jawʼt Jesús jʼm-aech:

—Amwʼtjel xam chiekal pachaemam. ¡Chiekal taem! ¡Kaes nabej is babi-jaxan, kaes xabich pejme nabijasamatam! —aech Jesús japon atonliajwa.

¹⁵ Do jawʼx, japon aton fʼlaech wʼt, faenpon judíospaklochow. Jawʼt jʼm-aechon japiliajwa:

—Xan naboejthʼtpon chiekal laejaliajwan, pesal japon Jesús —aech japon aton judíospaklochowliajwa.

¹⁶ Samata, judíospaklochow japox jʼmtaen wʼt, xabich palalapi Jesúsliajwa. Do jawʼx, japi judíospaklochow faen wʼti Jesús, japi tasala Jesús, boejthʼt xoton napatamatkoitat.

¹⁷ Pe Jesús jʼm-aech japiliajwa:

—Dios, taj-ax, japon jiw kajachawaet pomatkoicha. Me-ama taj-ax, janbej xan. Samata, xanbej jiw kajachawaetx pomatkoicha —aech Jesús japiliajwa.

¹⁸ Jesús japox jum-aech wut, judíospaklochow xabich kaes pejme palalapi Jesúsliajwa. Samata, jawut boesasiapi Jesús, boejthut xoton napatamatkoitat. Jawut xabich boesasiabejpi Jesús, Jesús jum-aech xot: “Dios, taj-ax” —aech xoton. Japox jum-aech wut, jumchiliajwa pajut: “Xan chiekal najux, Dios suapich” —chiliajwapox.

Dios chaxdutpox pejpamamax paxulanliajwa

¹⁹ Jesús jum-aech judíospaklochowliajwa: “Diachwajnakolax xan jum-an. Xan, Dios paxulan, tajut isasianpoxan xan isaxinil. Taenxroxan, taj-ax isroxan, japoxankal xan isfulax.

²⁰ Taj-ax Dios xan nanejxasink, xan japon paxulan xot. Taj-ax puexa na-itpaei japon isroxan. Na-itpaejaxaelbejpon koechaxan kaes pejme pachaempoxan. Japoxan isx wut, xamal xabich nejchaxoelanuilaxaelam.

²¹ Taj-ax xajux patuxa mat-elijwa, pejme japi jiw duilaliajwa. Xanbej, japon paxulan, xajux patuxa mat-elijwan pejme duilaliajwapi. Patuxa mat-esian wut, japi mat-eyaxaelen pejme duilaliajwa.

²² Taj-ax Dios jumchi-elbej kaen atonliajwa: ‘Japon aton pejbu'wajan. Samata, japon kastikaxaes’ —chi-el taj-ax Dios. Xanlax taj-ax Dios nachaxdut pejpamamax jumchiliajwan puexa jiw pejbu'wajanpiliajwa: ‘Japi kastikaxaes, pejbu'wajan xot’ —chiliajwan, japon paxulan xot.

²³ Taj-ax Dios nachaxdut pejpamamax, xan Dios paxulan xot, jiw nasitaeliajwa. Me-ama taj-ax Dios jiw sitaens, xanbej najachiyaxael, jiw nasitaen wut. Xan nasitae-elpi, japi jiwbej sitae-el taj-ax Dios, japon xan nato'apon ampathatasik.

²⁴ “Diachwajnakolax xan jum-an. Xan jum-anpoxan naewetpon, naexasit wutbejpon, xan Dios nato'akponan ampathatasik, japon aton pomatkoicha dukaxael Diosxotse. Japon aton tux wut, to'axisal kastikaliajwas infiernoxtodik. Japonlax pomatkoicha dukaxael Diosxotse.

²⁵ Diachwajnakolax xan jum-an. Patlisox babijaxan ispi jumtaeliajwa tajjamechan, xan Dios paxulanponan. Xan tajjamechan jumtaen wuti, naexasit wutbejpi, xan kajachawaesaxaelen japi jiw pomatkoicha duilaliajwapi Diosxotse.

²⁶ Taj-ax Dios duk pomatkoichaliajwa. Xanbej, Dios paxulan, dukx pomatkoichaliajwa, taj-ax Diosxotse. Samata, xan xajux jiw kajachawaesliajwan japi pomatkoicha duilaliajwa Diosxotse.

²⁷ Xanbej puexa jiw pakoewkolnan. Samata, taj-ax nachaxdut pejpamamax, xan jiw jumchiliajwan pejbu'wajan wut, kastikaliajwas wutbej, babijaxan is wuti.

²⁸ Amwutjel, jumtaenam wut xan jum-anpox, xamal xabich nabej nejchaxoelanuile! Asamatkoi pasaxael pejmatkoi puexa tuxi jumtaeliajwa tajjame.

²⁹ Samata, japi mat-eyaxaes pejmuthanxot pejme duilaliajwa. Japi ispi pachaempoxan, ampathatat laelp wuti, japi lap duilaxael Diosxotse. Pelax babijaxan ispi, ampathatat laelp wut, japi kastikaxaes infiernoxtodik” —aech Jesús judíospaklochowliajwa.

Jesús naksiyapox pejpamamaxliajwa

³⁰ Jesús pejme jum-aech judíospaklochowliajwa: “Xan is-enil tajut isasianpoxan. Jiwliajwa jum-an wut: ‘Japi pejbu'wajan’ —an wut, japox jumchiyaxaelen taj-ax Dios pijaxtat. Samata, chiekal jum-an, xan jum-an wut jiw pejbu'wajanpoxanliajwa. Tajut jumchiyaxinil nejxasinkaxroxan. Xan jum-an taj-ax Dios, nato'apon, nejxasinkpoxan.

³¹ Xan tajutliajwa tajaxtat jum-ansax wut, japoxan omjilaxael asew jiwliajwa.

³² Pe asanlax jum-aech wut pachaempox xanliajwa, japon jum-aech diachwajnakolaxpox.

³³ Xamal asew jiw to'am, japi Juan wajnachemsliajwa xanliajwa. Juan jumnotpox xanliajwa, japox diachwajnakolax.

³⁴ Xan nawewe'pa-el aton, japon jumchiliajwa xan jum-anpoxan: 'Japon jum-aechpoxan diachwajnakolax' —chiliajwapon xanliajwa. Xan japox jum-an xamal naexaxisliajwam Juan jum-aechpox xanliajwa, xamal baweliajwan babijaxan isampoxanliajwa.

³⁵ Juan, jiw bautisan, me-ama lámpara itliakaliajwa. Japon pejnaewajnaex, me-ama itliak xot xamalliajwa. Samata, japon xamal naewajan wut, xamal nejchachaemlam, jumtaenam wut japon naewajanpox asban jumch kaejuimanliajwa.

³⁶ Juan jum-aechpox xanliajwa, japox pachaem. Pelax xan isxroxan, japoxan kaes pejme pachaem jiw xan namatabijaliajwa. Xan amwutjel isxroxan, japoxan taj-ax naketo'a isliajwan, jiw matabijaliajwa diachwajnakolax xan Dios nato'aponan.

³⁷ Taj-ax, xan nato'apon, japon pajut jum-aech xanliajwa: 'Xam isampoxan xabich pachaem' —aech taj-ax Dios. Xamal najut taj-ax pejjame jumtae-emil. Xamal najut tae-emilbej taj-ax.

³⁸ Dios pejjamechan namana-elbej nejnejchaxoelaxantat, xan nanaexaxis-emil xot, xan taj-ax nato'aponan.

³⁹ Xamal chiekal estudiam Dios pejjamechan, nejchaxoelam xot: 'Dios pejjamechan chiekal estudyax wut, matabijsaxaelen, machiyaxaelen Dios natapaeliajwa dukaliajwan pomatkoicha japonxotse' —am, nejchaxoelam wut. Dios pejjamechan jum-aech xanliajwa. Xan tajaxtat jiw pomatkoicha duilaxael Diosxotse.

⁴⁰ Pe xamal nejxasinka-emil xanlel fulaeliajwam tajjiwaliajwam. Samata, xamal duilaximil pomatkoicha Diosxotse.

⁴¹ "Xan nejxasinka-enil jiw najumchiliajwa: 'Xam pachaemamponam' —nachiliajwa xanliajwa.

⁴² Xan matabijtaxbej, ma-aech xamal nejnejchaxoelaxan. Xamal Dios nejxasinka-emil.

⁴³ Fulokx taj-ax pijaxtat. Pe xamal xan nanaexaxis-emil. Asamatkoi, asan aton pat wut pajut pijaxtat naewajnalialjwa, japon atonlax xamal naexaxisaxaelam.

⁴⁴ Xamal nejxasinkam asew jiw jumchiliajwa xamalliajwa: 'Xamal pachaemampim' —chiliajwa. Pe xamal nejxasinka-emil kaen Dios jumchiliajwa xamalliajwa. 'Xamal pachaemampim' —chiliajwapon xamalliajwa. Samata, xan nanaexaxis-emil. Dios naexaxis-emilbej.

⁴⁵ Xamalkas nejchaxoelam xan tasalaxaelenpox xamal taj-ax Dios pejwajnalel. Xan tajut xamal tasalaxinil. Xamal tasalaxaelpon, japon Moisés, xamal xanaboejampon.

⁴⁶ Xamal chiekal naexasitam wut Moisés chajia lelpox, ja-aech wut, xanbej chiekal nanaexaxisaxaelam, Moisés chajia lelpox jum-aech xot xanliajwa.

⁴⁷ Pe xamal naexaxis-emil wut Moisés chajia lelpox, xamalbej nanaexasisaximil xan jum-anpoxan" —aech Jesús judíospaklochowliajwa.

6

*Jesús naxaeyaxan chaxduwpox cinco mil poejiw
(Mt 14.13-21; Mr 6.30-44; Lc 9.10-17)*

¹ Do asamatkoi wut, xanal, Jesús pejnachalwan, Jesús suapich, chaflaech Galilea puka we-enlelde. Japowa puka asawul, Tiberias puka.

² Xabich jiw Jesús fulafos, taen xoti koechaxan, bñ'xaeya boejthut wuton.

³⁻⁴ Do jawut, Pascuafiesta isliajwa mox rawhajna, judíos pejfiesta. Japamatkoitat, Jesús julach wut mñax poxase, xanalbej, japon pejnachalwan, julachax japamñaxase. Jaxotse ek wut, xanalbej jaxotse chalakx.

⁵ Jesús taen wut xabich jiw fulafospor, jawut jum-aechon pejnachalan Felipeliajwa:

—¿Amxotkat naxaeyaxan wñajsaxaes ampi jiwliajwa? —aech Jesús Felipeliajwa.

⁶ Jasoxtat Jesús wñajnachaemt Felipeliajwa Jesús matabijsliajwa, achax jumchiyaxael Felipe, jumnot wut. Jesús lax chajia matabijt isaxaelpor jiwliajwa.

⁷ Do jawut, Felipe jumnot wut, jum-aechon Jesús liajwa:

—Jalape. Doscientos denarios xajupaxil pan wñajsliajwas, ampi jiw kaenanula cha-aex xaeliajwa —aech Felipe Jesús liajwa.

⁸ Do jawut, Andrés, Jesús pejnachalan, japon Simón Pedro pakoewan, jum-aechon Jesús liajwa:

⁹ —Ma amxot yamxulan cinco pan, cebadapanes, kolenje baxichbej. Japanaxaeyax kaechxajupaxil puexa jiw xaeliajwa —aech Andrés.

¹⁰ Do jawut, Jesús xanal, pejnachalwan, najum-aech:

—¡Puexa jiw to'im chalakaliajwa! —aechon.

Jaxot xabich pola pachaem chalakaliajwa. Samata, jaxot puexa jiw chiekal chalak. Chalakpi, me-ama kaes cinco mil poejiw. Watho' xajui-esal, yamxi suapich.

¹¹ Do jawut, Jesús panes not wut, Dios kawñajan wut, jum-aechon: “Ax, gracias-an ampanaxaeyax xanal nachaxdutampox” —aech Jesús. Kawñajna bñxtoet wut, xanal nachaxduwpon panes sasliajwan. Jawut xanal satx puexa chalakpiliajwa. Ja-aechbejpon baxichliajwa. Do jawut, xanal chaxduwx puexa jiw xaeliajwa, puexa xaesiapox.

¹² Do jawut, puexa jiw chiekal nafnia wut, Jesús xanal najum-aech:

—¡Naxaeyaxan namapi no'e napelsasamata! —aech Jesús.

¹³ Do jawut, xanal notx namapi. Wññx doce matpiran. Majt asbuan jumch cinco pan.

¹⁴ Japi jiw taen wut koechax, Jesús ispor naxaeyaxanliajwa, nakaewa najum-aechi:

—Diachwñajnakolax ampon Dios pejprofeta. ‘Pasaxoekpron ampathasik’ —tispon, japon patlison. Me-ama chajia lelspor jum-aech japonliajwa, diachwñajnakolax ja-aechlisox —na-aechi nakaewa Jesús liajwa.

¹⁵ Do jawut, Jesús pajut matabijt japi jiw bñflaesiapox japon japi pejreyliajwa. Samata, jawut chijiapon japixot. Asalelaxach julpon mñaxxot tamachaliajwa.

*Jesús fñlaenpor puka minakaldin
(Mt 14.22-27; Mr 6.45-52)*

¹⁶ Tuila wut, xanal, Jesús pejnachalwan, fñlaekx puka poxadik.

¹⁷ Jesús pas-el wutfuk, xanal falkam julx, xabich tuila xot. Samata, tñadutx chaliknaliajwan puka we-enlelde, pasliajwan Capernaum paklowax.

¹⁸ Do baxael, puka xabich pintruxan, xabich wik xot.

¹⁹ Xanal xabich faetx. Puka pafatatan wut, me-ama cinco kilómetros, do jawut, kaen aton taenx atñaxach, fñlaen wut minakal. Japon fñlaen

xanalleldin, falkamleldin. Xanal japon taenx wut, xabich belwax, matabija-enil xot japon Jesúspon, fúlaen wuton minakal.

²⁰ Do jawut, Jesús najum-aech xanalliajwa:

—¡Nabej nejlewele! ¡Xanpe! —aech Jesús xanalliajwa.

²¹ Do jawut, xanal nejchachaemlax, Jesús juldik wut xanal poxadik. Do jawutbej, kamta chara'ax Capernaum paklowax.

Jiw wulwekpox Jesús

²² Do kandiawa wut, jiw, namapi puka we-enlelde, japi jiw wulweklisi Jesús. Japi jiw taen xanalkal tamach, Jesús pejnachalwan, chaflaechpox kaeyax falkamtat. Do jaxot kaes asafalkam ajil.

²³ Do jawut, asew jiw chapat falkammochantat. Japi chaflaen Tiberias paklowaxxotdin. Mox itjuli, Jesús panes chaxduwxot jiw xaeliajwa, Jesús Dios kawuajan wut.

²⁴ Japi jiw matabija wut jaxot ajilpox Jesús, xanalbej ajinilpox jaxot, japi jiwbej jul falkammochan, Capernaum paklowax poxaliajwadin Jesús wulwekaliajwapi.

Jesús, me-ama panax, ja-aechpox jiwliajwa

²⁵ Puka we-enleldin itjuldin wut, japi jiw taenlisi Jesús. Do jawut, japi jiw wuajnachaemt wut, jum-aechi Jesúsliajwa:

—Jiw chanaekabuanan, ¿maswutkat xam amxot patam? —aechi.

²⁶ Do jawut, Jesús jumnot wut, jum-aechon:

—Diachwuajnakolax xan jum-an. Xamal nawulwekam, chiekal nafniam xot, pan xaelam wut. Pe xamal matabija-emil, ma-aech xot xan koechaxan isx. Xan nanaexaxis-emilbej.

²⁷ ¡Nabej nabich naxaeyaxankalliajwa, japoxan asamatkoi toepaxael xot! ¡Nabisdela xaxaeyaxan toepaxilpoxanliajwa! Japoxanlap kaes pejme pachaem xamalliajwa, pomatkoicha duilaliajwam. Japoxanlap xamal chaxduiyaxaelen, xan, puexa jiw pakoewkolnan. Taj-ax Dios chajia nachaxdut pejpamamax puexa jiw chaxduiliajwan, naxaeyaxan toepaxilpoxan —aech Jesús japi jiwliajwa.

²⁸ Japi jiw Jesús wuajnachaemt wut, jum-aechi:

—¿Achaxkat xanal nawewe'p isliajwan Dios nejxasinkpox? —aechi.

²⁹ Jesús jumnot wut, jum-aechon:

—Dios nejxasink xamal xan nanaexaxisliajwam, xan Dios nato'aponan —aech Jesús japi jiwliajwa.

³⁰ Do jawut, japi jiw pejme wuajnachaemt wut, jum-aechi Jesúsliajwa:

—¿Masox koechaxkat pejme isaxaelam xanal taeliajwan? Koechax isam wut, ja-aech wut, xam naexaxisaxaelen diachwuajnakolax xam Dios to'aponam.

³¹ Wajwuajnapijiw pajilaxtat wuti, Moisés pijaxtat xaeli maná, me-ama Dios pejjamechan, chajia lelspx, jum-aech wut, jum-aechox: 'Pan athupijiw, rawuli maná, chaxduws wajwuajnapijiw, japi xaeliajwa' —aechox. ¿Xamkat-is xajupam koechax isliajwam, me-ama Moisés is? —aechi Jesúsliajwa.

³² Do jawut, Jesús jumnot wut, jum-aechon:

—Diachwuajnakolax xan jum-an. Moisés pajut chaxdui-el maná wajwuajnapijiw xaeliajwa. Pe taj-ax Dios chaxduiful athupijiw, maná. Wajwuajnapijiw maná xael wut, japi pomatkoicha duilaliajwa-el. Amwutjellax taj-ax to'ak athulelsik pan, diachwuajnakolax athupijax.

³³ Japapan Dios chaxdut, fúloekpox athuxotsik, ampathatpijiw japapan xael wut pomatkoicha duilaliajwa Diosxotse —aech Jesús pajutliajwa.

³⁴ Japi jiw wuljow wut, jum-aechi Jesúsliajwa:

—Jiw chanaekabuanan, xanal nachaxduim japapan pomatkoicha duilaliajwan! —aechi.

³⁵ Do jawut, Jesús jum-aech:

—Xanlap Dios pejpanan jiw bu'welijwan pomatkoicha duilaliajwa Diosxotse. Xaelam wut naxaeyaxkal, asamatkoi xamal pejme litaxaelaxael. Minkal afam wutbej, xamal pejme minsilaxael. Xamallax xan nanaexasitam wut, pomatkoicha duilaxaelam pachaempoxtat. Ja-am wut, xamal, pejme litaxaelaxil. Minsilaxilbej.

³⁶ Pe xan jum-an xamalliajwa: 'Xan koechax isx wut, xamal taenam. Pefuk xamal xan nanaexasis-emil' —an xan xamalliajwa.

³⁷ Puexa jiw, taj-ax nachaxduwpi, japikal koew xanlel fulaeyaxaen. Xan japi jiw mastaelaxinil. Japi jiw xanxotaxael tajnachalaliajwa.

³⁸ Xan pas-enil ampathat poxasik tajut nejxasinkaxpoxan isliajwan. Xan paskax taj-ax Dios, nato'apon, nejxasinkpoxan isliajwan.

³⁹ Taj-ax nejxasink chiekal tataeflaliajwan, nachaxduwpixot kaen wenafo'a-elaliajwas. Taj-ax nejxasinkbej japi jiw mat-eliajwan japi pejme duilaliajwa, that toep wut.

⁴⁰ Taj-ax Dios nejxasink puexa jiw xan naxanaboejalialiajwa, xan Dios paxulan, japi jiw xan nanaexasit wutbej, japi pomatkoicha duilaliajwa Diosxotse. Taj-ax Dios nejxasinkbej xan japi mat-eliajwan pejme duilaliajwa, that toep wut —aech Jesús japi jiwliajwa.

⁴¹ Do jawut, asew judíos nejweslapi Jesús. Jawut jum-aechi babejjamechan Jesúsliajwa, jum-aech xoton: "Xanlap Dios pejpanan, fuloekxponan athxotsik" —aech xot Jesús pajutliajwa.

⁴² Japi nakaewa najum-aech Jesúsliajwa:

—¿Amponkat Jesús, José paxulana-el? Xatis chiekal matabijas japon pax, penbej. ¿Ma-aech xotkaton pajutliajwa najum-aech: 'Xan fuloekxponan Diosxotsik?' —na-aechkaton —aech japi jiw nakaewaliajwa.

⁴³ Do jawut, Jesús jum-aech judíosliajwa:

—¡Buxkofim babejjamechan nakaewa najum-ampoxan xan jum-ampoxanliajwa!

⁴⁴ Xamal xanlel fulaeyaximil tajnachalwamliajwa, taj-ax Dios, japon nato'apon, xamal makanos-el wut. Taj-ax Dios xamal makanot wut, xamal mat-eyaxaelen pejme duilaliajwam, that toep wut.

⁴⁵ Dios pejprofetaxot, japixot kaen chajia lelpox jum-aech: 'Dios naewhajnael xabich jiwliajwa' —aech chajia lelpox. Samata, xamal naewetam wut, naexasitam wutbej taj-ax Dios jum-aechpox, ja-am wut, xamal fulaeyaxaemen xanlel tajnachalwamliajwa.

⁴⁶ "Ampathatpijiw tae-eli taj-ax Dios. Xanlax kaenan taj-ax taenxponan, xan fuloekx xot Diosxotsik.

⁴⁷ Diachwajnakolax xan jum-an. Xamal chiekal xan nanaexasitam wut, pomatkoicha duilaxaelam Diosxotse.

⁴⁸ Xanlap, me-ama Dios pejpanan jiw bu'welijwan, jiw pomatkoicha duilaliajwa Diosxotse.

⁴⁹ Chajiakolaxtat nejwajnapijiw xael maná, duilalap wut pajilaxtat. Xael wuti maná, pomatkoicha ampathatat laelpaliajwa-el. Xabich pakdiachow wut, japi tup.

⁵⁰ Pe amwutjel, xan naksiyaxpan, fuloekpox athxotsik. Aton, japapan xaelpon, japon Diosliajwa pomatkoicha laejaxaelon.

⁵¹ Xan fúloekxponan athexotsik, xan japapanan. Jiw xan nanaexasit wut, japi pomatkoicha duilafulaxael Diosxotse. Chaxduiyaxaelenpan, japapan tajbu'tkolax. Xan tajut natapaeyaxaelen asajiw naboesaliajwa, ampathatpijiw bu'welajwan" —aech Jesús judíosliajwa.

⁵² Do jawut, nakaejudíos najum-aechi, jumtaen wuti Jesús jum-aechpox: —¿Machiyaxaelkat, nakchaxduiyaxael wuton pejwit xatis xaeliajwas? —na-aechi nakaewa judíos.

⁵³ Jesús pejme jum-aech japi judíosliajwa: —Diachwujnakolax xan jum-an. Xae-emil wut tajwit, xan, puexa jiw pakoewkolnan, tajjal fe-emil wutbej, xamal pomatkoicha duilaximil Diosxotse.

⁵⁴ Tajwit xaeyaxaelpi, tajjalbej feyaxaelpi, japi jiw duilaxael pomatkoicha. Asamatkoi tɔp wuti, japi jiw xan mat-eyaxaelen pejme duilaliajwa, that toep wut.

⁵⁵ Tajwitlap, me-ama poklanaxaeyaxkolax. Tajjalbej, me-ama poklam-intkolat.

⁵⁶ Japi jiw xael wut tajwit, af wutbejpi tajjal, japi duilaxael, xan suapich. Xanbej dukaxaelen pomatkoicha, japi suapich.

⁵⁷ Taj-ax Dios, nato'apon ampathatasik, japon duk pomatkoichaliajwa. Xanbej dukx pomatkoichaliajwa taj-ax pijaxtat. Jachiyaxaelbej tajwit xaelpi. Japibej pomatkoicha duilaxael xan tajaxtat Diosxotse.

⁵⁸ Pan fúloekpox Diosxotsik, me-ama maná, jachi-el. Chajiakolaxtat nejwujnapijiw maná xael pajilaxtat. Do baxael, japi xabich pakdiachow wut, tɔpaful. Maná xael wuti ampathatat, pomatkoicha laelpaliajwa-el. Xan naksiyaxpox panliajwa, japapan xamal xaelam wut, pomatkoicha duilaxaelam Diosxotse —aech Jesús judíosliajwa.

⁵⁹ Jesús japoxan naewujajan, judíos naewujajabatat wuton, Capernaum paklowaxxot wut.

Xabich pejnachala Jesús kofaspox

⁶⁰ Do jawut, xabich jiw, fulnanuamti Jesús, japox jumtaen wut, nakaewa najum-aechi:

—Ampawujajan xabich tampoel xatis jummatajibialiajwas. Tampoelbej xatis naexaxisliajwas. ¿Achankatlax xatisxot naexaxisaxael Jesús naewujajapoxan? —na-aechi nakaewa.

⁶¹ Do jawut, Jesús matabijt japi jum-aechpox babejjamechan japon naewujajapoxanliajwa. Samata, wujajachaemt wut, jum-aechon:

—¿Japoxkat xamalliajwa chaemil, xan naewujajapox? ¿Xamalkat nejxasinka-emil japox?

⁶² ¿Achaxkat xamal nejchaxoelaxaelam, taenam wut xan, puexa jiw pakoewkolnan, kaxa nawiasax wut Dios poxase?

⁶³ Espíritu Santo pijaxtat jiw pomatkoicha duilaxael Diosxotse. Jiw pajut pijaxtat xajɔpaxil pomatkoicha duilaliajwa. Samata, ampathatat laelpam wutfuk, xan jum-anpoxan naexasitam wut, Espíritu Santo kajachawaesaxael xamal pomatkoicha duilaliajwam Diosxotse.

⁶⁴ Pe a sew jiw xamalxot xan nanaexaxis-elfuk —aech Jesús fulafospiliajwa. Jesús chajia matabijt a sew japixot naexaxisaxisalpox. Matabijtbejpon, japixot achan wiasaxaeson asamatkoi padaelmajiwxot.

⁶⁵ Jesús pejme jum-aechon fulafospiliajwa: —Xan chajia jum-an: 'Jiw fulaeyaxildin xanlel tajnachalaliajwa, japi taj-ax Dios makanos-esal wut' —an xan —aech Jesús fulafospiliajwa.

⁶⁶ Japox Jesús jum-aech wut, xabich jiw, Jesús fulafospi, waeltaslison. Do jawut, japi jiw kaes fulnanuams-ellisi Jesús.

⁶⁷ Do jawut, Jesús wuajnachaeamt wut, jum-aechon doce pejnachalaliajwa: —¿Xamalkat-is xanxot chijiyasiam? ¿Me-ama asew jiw, jachisiamkat-is xamal? —aech Jesús pejnachalaliajwa.

⁶⁸ Do jawut, Simón Pedro jumnot wut, jum-aechon Jesúsliajwa: —Jiw chanaekabuanan, xamxot chijian wut, ¿achankat xanal naknauamsaxaelen? Xam kaenam, naewuajnamponam, jiw pomatkoicha duilaxaelpox Diosxotse.

⁶⁹ Xanal naexasitx xam Cristowamponam, Dios to'asponambej. Xanal chiekal matabijaxbej xam Dios paxalnampox, babijax is-emilponam —aech Pedro Jesúsliajwa.

⁷⁰ Do jawut, Jesús jum-aech xanalliajwa: —Diachwuajnakolax xamal makanotx, doce poejwam. Pe nakiowa, kaen xamalxot dep tato'las —aech Jesús.

⁷¹ Jesús japox jum-aech wut, jum-aechon Judasliajwa. Japon Simón Is-carriote paxalan. Judastat, japontat, xanal dosan. Pe japon asamatkoi wiasaxaelon Jesús, Jesús padaelmajiwxot.

7

Jesús pakoew naexasis-esalpox, japon Cristopon

¹ Do jawux, Jesús nanuamt Galilea tuajnuaxot. Jesús wepachaema-esal nanuamsliajwa Judea tuajnuaxot, judíospaklochow wulweks xoton boesaliajwas.

² Pelis fiesta moxsful, judíos pejfiesta. Japafiesta wut, judíos bua-antat duilalap. Japox ja-aechlap japi judíos nejkiowa-elaliajwa chajiakolaxtat pejwuajnapijiw ispoxan, duil wut pajilaxtat.

³ Do jawut, Jesús pakoew jum-aechi Jesúsliajwa: —¿Xam amxot kaweta nabej namane! ¿Xambej xabua'de Judea tuajnu poxade, jaxotpijiw, xam nejnachalapi, taeliajwa koechaxan isam wut jaxotde!

⁴ Xam nejxasinkam wut xabich jiw matabijaliajwa, achanam xam, ja-aech wut, ¡maliach nabej is koechaxan! ¡Japoxan isde tulaela jiw pejwuajnalel, puexa jiw chiekal taeliajwa! —aechi Jesúsliajwa.

⁵ Jesús pakoew naexasis-esal japon Cristopon. Samata, japi japox asbuan jumch jum-aechi Jesúsliajwa.

⁶ Do jawut, Jesús jum-aech pakoewliajwa: —Xanfuk nawepas-el tajmatkoi fulaeliajwan Judea tuajnu poxade. Xamalliajwa nejmachmatkoiyan pachaem nanuamsliajwam.

⁷ Ampathatpijiw xamal nejweslaxil. Xanlax japi jiw nanejwesla, tulaela itpaeix xot babijaxan ispoxan.

⁸ ¿Xabua'de xamal fiesta poxade! Xanfuk fulaeyaxinil japoxade, nawepas-el xotfuk tajmatkoi fulaeliajwan japoxade —aech Jesús pakoewliajwa.

⁹ Jesús japox jum-aech wut, kaweta namanfukon Galilea tuajnuaxot.

Jesús wachakal fulaechpox Jerusalén paklowax poxade, fiesta naktaeliajwapon

¹⁰ Jesús pakoew fulaech wut fiesta taeliajwa, do jawuxbej, Jesús wachakal fulaech fiesta taeliajwa. Jesús maliach pat fiestaxot. Maliach paton jiw matabijsamatas japon patpox.

¹¹ Fiesta wut, judíospaklochow wulweki Jesús. Japi jum-aech asew jiwliajwa: —¿Amxotkat japon aton, pawalpon Jesús? —aechi.

¹² Dolisdo', fiesta wut, xabich jiw nakaewa najum-aech Jesúsliajwa. Asew japixotjum-aech: “Jesús xabich pachaem” —aechi. Asewlax japixotjum-aech: “Japon pachaema-el. Jiw naekichachajban pedo” —aech asew Jesúsliajwa.

¹³ Pe japi jiw naksiya wut Jesúsliajwa, tulaela jumchi-eli, a sew jiw jaxotpijiw jumtaesamatas, pejlwla xoti judíospaklochowliajwa.

¹⁴ Do jawux, cuatro matkoi wut fiestapox, Jesús Dios pejtemploba low. Do jawut, jaxot tñaduton jiw naewñajnalijwa.

¹⁵ Jawut judíos xabich natachaema, jumtaen wuti Jesús naewñajanpoxan. Nakaewa najum-aechi:

—¿Ma-aech xotkat xabich matabijton Dios pejjamechan, japon pinjiyax estudia-el wut? —na-aechi nakaewa.

¹⁶ Jesús matabijt japi jum-aechpox. Samata, jum-aechon:

—Tajnaewñajnaxan tajut tajax-el. Dios nato'apon, japon nabuxto'apoxan, japoxan xan naewñajnax jiw.

¹⁷ Xamal nejchaxoelam wut isliajwam Dios nejxasinkpoxan, najut matabi-jaxaelam, xan naewñajnaxpoxan Dios pijaxan wut, o, xan tajut tajaxkal wut.

¹⁸ Aton jum-aech wut pajut pijaxtat, japon xabichasia a sew jiw sitaelijwas. Xanlax jum-an diachwñajnakolax taj-ax pijaxtat, a sew jiw jumchilijwa: 'Dios xabich pachaem' —chilijwapi taj-axliajwa. Xan naekichachajba-enil, jum-an wut.

¹⁹ “Chajiakolaxtat Moisés chaxduch Dios pejtato'laxan, wajwñajnapijiwliajwa Moisés lelaliajwa japatato'laxan. Pe xamal amwutjel naexasis-emilfuk japox. Japatato'laxanxot Dios tapae-el asan aton boesaliajwam. ¿Ma-aech xotkat amwutjel xamal xan nawulwekam naboesaliajwam?” —aech Jesús judíospaklochowliajwa.

²⁰ Do jawut, judíos jum-aech:

—Xam na-acham, nejmatpñatat dep ba xot. Samata, jasox xam jum-am. Xanal xam wulweka-enil boesaliajwan —aech judíos Jesúsliajwa.

²¹ Do pejme Jesús jum-aech japi judíosliajwa:

—Xamal xabich natachaemanuilam, xan isx wut kaeyax koechax napatamatkoitat.

²² Moisés keto'a wajwñajnapijiw circuncidaliajwa japi Dios pejmarkaxli-ajwa. Samata, xamal circuncidam puexa yamxi, poejiw, ocho matkoiyan wut nalaelpoxan. Japox Moisés pajut tñadus-el. Waj-amjiw japox is Moisés wñajna. Amwutjelfuk xamal nakiowa yamxi circuncidam, ocho matkoiyan wut nalaelpoxan. Yamxñlan nalaeltax ocho matkoi wut, japamatkoi napatamatkoi wut, xamal nakiowa yamxñlan circuncidam japamatkoitat.

²³ Lach napatamatkoitat xamal nakiowa circuncidam yamxñlan. Japox isam xamal naexasisliajwam Moisés chajia lelpox. Ja-am wut, ¿ma-aech xotkat xan nalala xanliajwa, kaen aton boejthutx wut napatamatkoitat?

²⁴ Xamal taenam wut aton ispoqliajwa, ¡nejmach nabej jum-aech!: 'Japon babijax is' —nabej aeche', majt chiekal matabija-emil wñfuk japon aton pejbñ'wñajanpoxliajwa! ¡Majt chiekal taemfuk! Do jawux, diachwñajnakolax japon aton pejbñ'wñajan wut, ¡jum-amde japon pejbñ'wñajanpoxliajwa! —aech Jesús judíosliajwa.

Jesús pajut jum-aechpox amxot fñlaenpon

²⁵ Jerusalén paklowaxxot duili, a sew japixot nakaewa najum-aech Jesúsliajwa:

—Ampon atonlap paklochow wulwekspon boesaliajwas.

²⁶ Pe Jesús tulaela jiw naewñajan wut, chinax kaen aton jumchi-esal japon bñ'wñajanpoxliajwa. Jaels-esalbejpon. Paklochow bej jum-aechbej pejne-jchaxoelaxantat: 'Japon diachwñajnakolax Cristo' —bej aechbejpi. Samata, jaels-esal Jesús.

²⁷ Pe Cristo fúlaen wut, xatis matabijaxisal amxot fúlaeyaxaenon. Xatislax matabijas, amxot Jesús fúlaen. Samata, Jesús Cristowa-el —aech asew judíos.

²⁸ Jesús japox jumtaen wut, Dios pejtemplobaxot naewuajan wut, pinjametat jum-aechon:

—¡Diachwuajnakolax xamal namatabijtam xan! ¡Xamal chiekal namatabijambej, amxot xan fúlaenx! Xan tajut tajaxtat fúlae-enil. Xan fúlaenx, taj-ax Dios nato'a xot. Dios naekichachajba-el. Dios jum-aech wut, diachwuajnakolaxpox jum-aechon. Pe xamal matabija-emil Dios.

²⁹ Xanlax matabijtax Dios, fúloekx xot Diosxotsik. Japon xan nato'a ampathatasik fúlaeliajwansik —aech Jesús.

³⁰ Jesús japox jum-aech wut, judíos jaelsasiapi Jesús, jiw jebatat jeliajwaspon. Pe japi judíos jaelsaxilfak, Jesús wepas-esal xot pejmatkoi.

³¹ Pe xabich jiw jaxot naexasiti Jesús naewuajanpox. Samata, japi jiw jum-aech Jesúsliajwa:

—Ampon Cristo, Dios to'aspon. Kaes asan aton ajil koechaxan ispon, meama ampon aton, jason —aech xabich jiw Jesúsliajwa.

Fariseos jaelsasiapox Jesús, jeliajwapi jiw jebatat

³² Do jawut, fariseos jumtaen wuti jiw jum-aechpox Jesúsliajwa, jawut fariseos, sacerdotespaklochowbej, to'api Dios pejtemploba weti, japi jaelsliajwa Jesús. Pe japi jaels-el Jesús.

³³ Dolisdo', Jesús jum-aech judíosliajwa:

—Xamalxotaxaelen asbuajan jumch kaematkoiyanliajwa. Do jawux, xan kaxaxoeyan nato'apon poxase.

³⁴ Jawut, xan ajinil wut, xamal nawulwekaxaelam. Pe nafaenaximil, fúlaeyaximil xot xan dukaxaelenxotse —aech Jesús judíosliajwa.

³⁵ Do jawut, judíos nakaewa nawuajnachaemt wut, najum-aechi:

—¿Ampoxade Jesús fúlaeyaxaechkat xatis japon faena-elaliajwas, wulweks wut? Jesús bej fúlaeyaxaechbej asew judíos poxade, asatwajnwachannel duili poxade. Jesús bej naewuajnaxaelbej asatwajnwachanpijiw, japi judíos-eli.

³⁶ ¿Achaxkat jumchiyaxael, Jesús jum-aech wut: 'Jawut, xan ajinil wut, xamal nawulwekaxaelam. Pe nafaenaximil, fúlaeyaximil xot xan dukaxaelenxotse' —aech wutkat Jesús? —aech judíos Jesúsliajwa.

Jesús naexasiti, japi pejnejchaxoelaxan, me-ama min nakakolsanpox satxotsin, ja-aech

³⁷ We'p wut kaematkoi fiesta toepaliajwa, japamatkoi judíosliajwa kaes pejme pachaem. Samata, japamatkoi jiw kaes pejme sitaen. Do jawut, Jesús nant wut, pinjametat jum-aechon:

—Xamal xabich minsila wut, kaes Dios matabijasiam wutbej, ¡xabua'din xanle!

³⁸ Dios pejjamechan, chajia lelspx, jum-aech Dios jum-aechpox: 'Xan naexasiti, japi pejnejchaxoelaxan, me-ama min nakakolsanpox satxotsin, ja-aech' —aechox —aech Jesús judíosliajwa.

³⁹ Jesús jum-aech wut min nakakolsanpoxliajwa satxotsin, japox jum-aechon Espíritu Santoliajwa. Japon pejuajan naexaxisaxaelpi, japi pejmatpwanxot pasaxoek Espíritu Santo. Jawut, Jesús japox jum-aech wut, Espíritu Santo fúlae-elsikfak Jesús naexasitixotsik, Jesús athu poxa-else xotfak to'aliajwapon Espíritu Santo.

Jiw kaenejchaxoelaxa-elpox naexasisliajwapi Jesús

⁴⁰ Asew jiw japixot jumtaen wut Jesús jum-aechpox, nakaewa najum-aechi:

—Diachw_{uaj}nakolax Jesús, ‘Dios pejprofeta, f_ulaeyaxaelpon’ —tispon —na-aechi nakaewa.

⁴¹ Asew jiwbej nakaewa naj_um-aech:

—Ampon Cristo, Dios to'aspon —na-aechi nakaewa.

Asew jiw_{lax} Jesúsliajwa j_um-aech:

—¡El! ¡Japon Cristowa-el! Cristo Galilea t_uaj_upijnaxil.

⁴² Dios pejjamechan, chajia lels_upox, j_um-aech w_ut, j_um-aechox: ‘Cristo rey David pamonaxael. Nalaelsaxaelbejpon Belén paklowaxxot, David majt dukxot’ —aech chajia lels_upox —aech asew jiw.

⁴³ Samata, jiw kaenejchaxoelaxa-el Jesúsliajwa.

⁴⁴ Asew japixot jaelsasiapi Jesús jeliajwa jiw jebaxot. Pe japi jaels-eli Jesús.

Paklochow naexasis-el_upox Jesús j_um-aechpoxan

⁴⁵ Do jaw_ux, Dios pejtemploba weti nawia fariseos poxade, sacerdotespaklochow poxadebej. Dios pejtemploba weti pat w_ut, j_umtispi, w_uaj_nachaemtas w_ut:

—¿Amekat bu'patam Jesús? —tispi.

⁴⁶ Dios pejtemploba weti j_umnot w_ut, j_um-aechi:

—Japon j_um-aech chimiajamechan. Me-ama asew jiw j_um-aech w_ut, jachi-elon. Samata, xanal japon jaels-enil xamallel bu_uflaeliajwan —aechi.

⁴⁷ Do jaw_ut, fariseos j_um-aech:

—¿Xamalkat-is naexasitam naekichachajbapijin j_um-aechpoxan?

⁴⁸ Paklochowxot ajil, Jesús j_um-aechpoxan naexasiti. Fariseosxotbej ajil.

⁴⁹ Jesús naexasiti, japi jiw matabija-el Moisés chajia lel_upox. Samata, Dios kastikaxaesi —aech fariseos Dios pejtemploba wetiliajwa.

⁵⁰ Nicodemo, japon fariseo-aton, majt madoi f_ulaechpon Jesús taeliajwa, jaw_ut j_um-aechon fariseosliajwa:

⁵¹ —Moisés chajia lel_upox nak_um-aech: ‘Kamta to'aximil aton kastikali-ajwas, majt chiekal matabija-emil w_utf_uk japon aton bu'w_uajanpoxliajwa. Majt chiekal j_umtaeyaxaelamf_uk babijax ispon, naksiya w_ut xamalliajwa japon is_upoxliajwa’ —aechox —aech Nicodemo nakaefariseosliajwa.

⁵² Fariseos j_umnot w_ut, j_um-aechi Nicodemoliajwa:

—¿Xamkat-is Galilea t_uaj_upijn_uam? ¡Xam xabich estudiam Dios pejjamechan, chajia lels_upox! Ja-am w_ut, xam matabijsaxaelam, Galilea t_uaj_upijiwxot Dios pejprofetas chiekal ajil —aech fariseos Nicodemoliajwa.

⁵³ [Do jaw_ut, kaenan_ula fariseos nawia pejbachan poxade.

8

Pakmolow asan poi nakmoejt_upox

¹ Jaw_ut, Jesús Olivonaechanm_uax poxade.

² Kandiawa w_ut, itliakaf_ul w_ut, Jesús kaxadin Dios pejtemploba poxadin. Do xabich jiw mox soepa Jesúsxot. Jesús ek w_ut, t_uaduton jiw naew_uaj_naliajwa.

³ Do jaw_ut, judíos chanaekabu_uanapi, fariseosbej, bu_uflaeni kaeow pakmolow Jesúsleldin. Japow faens, asan aton nakmoejt w_ut. Japon aton japow pamla-el. Do jaw_ut, notipow puexa jiw pejw_uaj_nalel, Jesús w_uaj_nalelbej.

⁴ Japi j_um-aech Jesúsliajwa:

—Jiw chanaekabu_uanan, ampow, pakmolow, faens, asan aton bu'moejt w_ut.

⁵ Moisés chajia lel_upox j_um-aech: ‘Watho’, jasox ispi, ia'tat dadaepaxtat matkaejabaxaesi’ —aechox. ¿Achaxkat xam j_umchiyaxaelam japoxliajwa? —aechi Jesúsliajwa.

⁶ Jasoxtat japi xapaejt Jesús, asax jum-aech wut tasalaliajwapi Jesús. Pe Jesús natxatdik wut, pejkothiyatat sat lelon.

⁷ Japi nakiowa japox kaeyax wuajnachaeamsful. Do jawut, Jesús mat-et wut, jum-aechon:

—Xamalxot kaen aton chinax babijax is-el wut, ijapon aton ia'tat nej matx-
oeladaeppon japow! —aech Jesús.

⁸ Do jawut, Jesús pejme natxatdik pejkothiyatat sat lelaliajwa.

⁹ Japi jumtaen wut Jesús jum-aechpox, kaenanala chijiasfullisi japowxot. Kaes chiekal pakdiachowpi matxoela chijiasful. Do jawux, wachakal chijiasful pansiachowpi. Do jawut, tamach waelti japow, Jesús suapich.

¹⁰ Jesús mat-et wut, wuajnachaeamt wut, jum-aechon japowliajwa:

—Pawis, zamxotkat xam jum-aechpi nejbu'wuajanpoxliajwa? ¿Japixotkat kaen xam daep-el ia'tat? —aech Jesús japowliajwa.

¹¹ Japow jumnot wut, jum-aechow:

—Tajpaklon, amxot japi jiw ajillisi —aechow.

Do jawut, Jesús jum-aech japowliajwa:

—Xanbej to'axinil xam kastikaliajwa nejbu'wuajanpoxliajwa. ¡Xabua'de nejmach! ¡Kaes nabej is babijaxan! —aech Jesús japowliajwa.]

Jesús, me-ama itliakaxpox ampathatpijwliajwa

¹² Do jawux, Jesús pejme naewuajan wut, jum-aechon jiwliajwa:

—Xan ampathatpijiw kajachawaetx japi matabijaliajwa Dios. Samata, xan, me-ama itliakax jiwliajwa. Xan nanaexasiti, japi jiw kaes nej is-ele' babijaxan. Jasoxtat xan kajachawaesaxaelen jiw matabijaliajwa diachwuajnakolaxpox, japi chiekal duilaliajwa ampathatxot —aech Jesús jiwliajwa.

¹³ Do jawut, fariseos jum-aechi Jesúsliajwa:

—Xam najut japox naksiyam. Samata, xanal matabija-enil, xam diachwuajnakolax paeyam wut —aech fariseos Jesúsliajwa.

¹⁴ Jesús jumnot wut, jum-aechon fariseosliajwa:

—Xan tajut japox naksiyax wut, diachwuajnakolaxpox jum-an. Xan tajut matabijtax amxot falaenx. Pejme japoxaxaelen. Xamallax matabija-emil japox.

¹⁵ Xamal nijaxtat xanliajwa jum-am: 'Japon nej kastikas, is xoton babijaxan' —am xamal xanliajwa, chiekal matabija-emil wut. Xanlax jasoxtat jumchi-enil jiw pejbu'wuajanpoxanliajwa.

¹⁶ Pe jum-an wut jiw pejbu'wuajanpoxanliajwa, xan jumchiyaxaelen diachwuajnakolaxtat. Tajut japox jumchi-enil jiw pejbu'wuajanpoxanliajwa. Nato'apon, japon taj-ax, nakajachawaesaxael, xan jiw jumchiliajwan wut japi pejbu'wuajanpoxanliajwa.

¹⁷ Moisés chajia lelpox jum-aech xamal chiekal matabijaliajwam: “Kolenje kaeyax chiekal jum-aech wut asan aton ispoxliajwa, ja-aech wut, japox diachwuajnakolax” —aechox.

¹⁸ Xan tajut tajaxtat jum-an wut isxpoxanliajwa, taj-ax, japon xan nato'apon, japonbej japox kaeyax jum-aech xan isxpoxanliajwa —aech Jesús fariseosliajwa.

¹⁹ Do jawut, fariseos wuajnachaeamt wut, jum-aechi Jesúsliajwa:

—¿Amxotkat nej-ax? —aechi.

Jesús jumnot wut, jum-aechon:

—Xamal xan namatabija-emil. Matabija-emilbej taj-ax. Xan namatabijaxaelam wut, ja-am wut, matabijaxaelambej taj-ax —aech Jesús fariseosliajwa.

²⁰ Jesús japoxan jum-aech wut, nukon ofrenda jiaxot, Dios pejtemplobatat. Pe Jesús jaels-esal paklochow, jiw jebaxot jeliajwas, pejmatkoi wepas-esal xotfukon.

Naexasis-eli Jesús pejwajjan, japi pasaxilpox ma Jesús jaxotaxaelxot

²¹ Jesús pejme jum-aech judíosliajwa:

—Xan pejme nawiasaxaelen wut fñlaenxot, xamal nawñlwekaxaelam. Pe xamal tɔpaxaelam babijaxan isampoxantat Dios beltae-el wut. Samata, pasaximil xan jaxotaxaelenxot —aech Jesús judíosliajwa.

²² Do jawut, judíos nakaewa najum-aech:

—¿Jesúskat pajut bej nakijsaxaelbej? Samata, jum-aechon japox: ‘Pasaximil xan jaxotaxaelenxot’ —aechon —aechi nakaewa.

²³ Jesús pejme jum-aech:

—Xamal ampathatpijwamkal. Xan ampathatpijna-enil. Xan athɔpijnan.

²⁴ Samata, jum-an: ‘Xamal tɔpaxaelam babijaxan isampoxantat, Dios beltae-el wut’ —an xan, naexasis-emil xot, xan jum-an wut tajutliajwa —aech Jesús.

²⁵ Do jawut, japi wñajnachamt wut, jum-aechi:

—¿Achanamkat xam? —aechi.

Jesús jumnot wut, jum-aechon:

—Xan naewñajnax wut, chajia jum-an, achanan xan.

²⁶ Xan xabich xamal jumchiliajwan nejbn'wñajjanpoxanliajwa. Pe xan jumchiyaxinil. Jumchiyaxaelenlax ampathatpijiwliajwa taj-ax Diosxot jumtaenxroxankal. Kaes pejme asaxan jumchiyaxinil. Dios, xan nato'apon, jum-aech diachwñajnakolax —aech Jesús judíosliajwa.

²⁷ Japi jiw jumtaen Jesús jum-aechpox. Pe japi jummatabija-el, Jesús jum-aechpox pax Diosliajwa.

²⁸ Samata, Jesús pejme jum-aech judíosliajwa:

—Xan, puexa jiw pakoewkolnan, asajiw cruztat nakematamatal wut, jawut xamal chiekal matabijaxaelam xan diachwñajnakolax Cristowanponan. Matabijaxaelambej puexa xan isxroxan, japoxan tajut tajaxtat is-enil. Xamalbej matabijaxaelam puexa xan jum-anpoxan, japoxan jum-an, taj-ax Dios nabɔxto'apoxan.

²⁹ Taj-ax, xan nato'apon, japon pomatkoicha xanxot. Tamach nawaelselon, isfulax xot japon nejxasinkpoxan —aech Jesús judíosliajwa.

³⁰ Japox Jesús jum-aech wut, xabich jiw chiekal naexasiti japon Cristopon. Japi jiw chiekal xanaboejabejpi Jesús.

Amxot jum-aechpox Dios paxiliajwa, Satanás paxiliajwabej

³¹ Jesús jum-aech asew judíosliajwa, japi cha-aex naexasiti japon Cristopon:

—Naexasisfulam wut xan naewñajnaxpox, ja-am wut, diachwñajnakolax tajnachalwaxaelam.

³² Xamal chiekal matabijam wut diachwñajnakolaxpox, xan jum-anpox, ja-am wut, xamal kaes esclavosximil —aech Jesús judíosliajwa.

³³ Judíos japox jumtaen wut, jum-aechi Jesúsliajwa:

—Xanal Abraham pamojiwan. Chinax xanal esclavos-enil. ¿Ma-aech xotkat xanal najum-am: ‘Xamal kaes esclavosximil’ —na-amkat xanalliajwa? —aech judíos Jesúsliajwa.

³⁴ Jesús jumnot wut, jum-aechon japi judíosliajwa:

—Diachwñajnakolax xan jum-an. Puexa jiw, babijaxan ispi, japi jiw, me-ama esclavos wut, ja-aechi, kofa-el xoti babijaxan ispoxan.

³⁵ Esclavo-aton pomatkoicha dukaxil paklon pejbatat, japon paklon paxulna-el xot. Paklon paxulanlax dukaxael pomatkoicha pax pejbatat, japon paklon paxulan xot.

³⁶ Samata, xan Dios paxulan jiw bu'weyaxaelen, japi xan nanaexasit wut. Beltaeyaxaelenbej japi babijaxan ispoxanliajwa. Ja-aech wut, japi diachwujnakolax bu'wujanjilaxael babijaxan ispoxanliajwa.

³⁷ Xan matabijtax diachwujnakolax xamal Abraham pamojiwam. Pe xamal nejchaxoelam xan naboesaliajwam, naexasis-emil xot tajnaewujnax.

³⁸ Xan jum-ansfulax taj-ax na-itpaeipoxan. Pelax xamal isfulam nej-ax tato'alpoxan —aech Jesús judíoslíajwa.

³⁹ Do jawut, japi judíos jum-aech Jesúsliajwa:

—Xanal Abraham pamojiwan. Japon, me-ama taj-ax xanalliajwa —aech judíos.

Jesús pejme jumnot wut, jum-aechon judíoslíajwa:

—Diachwujnakolax xamal Abraham pamojiwam wut, xamal isaxaelam pachaempoxan Diosliajwa. Me-ama nej-am Abraham chajiakolaxtat is Dios nejxasinkpoxan, xamalbej jachiyaxaelam.

⁴⁰ Xan jum-an diachwujnakolaxpox xamalliajwa, Dios na-itpaeipox. Pe nakiowa, xamal nejchaxoelam xan naboesaliajwam. ¡Wajwujnapijin Abraham chinax jasox nejchaxoela-el, xamal nejchaxoelampox!

⁴¹ Xamalbej isam, me-ama nej-ax is —aech Jesús judíoslíajwa.

Jawut judíos jum-aech Jesúsliajwa:

—Xanal pafliachxiya-enil. Xanal kaen taj-ax. Japon Dios. Diachwujnakolax xanal Dios paxin —aech judíos.

⁴² Jesús jumnot wut, jum-aechon judíoslíajwa:

—Diachwujnakolax Dios nej-ax wut, xan nanejxasinkaxaelam, xan fuloekx xot Diosxotsik. Amwutjel xamalxotx, Dios nato'a xot. Tajut tajaxtat fulae-enil.

⁴³ ¿Ma-aech xotkat tampoel tajjamechan xamal jummatabijaliajwam? Tampoel tajnaewujnaxan, nejxasinka-emil xot chiekal nanaewesliajwam.

⁴⁴ Pe xamal nej-axron, japon Satanás. Japon pejiwambej. Isasiam nej-ax nejxasinkpoxan. Akaseskolaxtat Satanás bapon jiw. Amwutjel nakiowa ja-aechfulon. Nejxasinka-elbejpon diachwujnakolaxpox. Jumchi-elbejpon diachwujnakolaxpox. Japon jum-aech wut, jum-aechon naekichachajbaliajwa, naekichachajbapijin xot. Satanáslap matxoelanaekichachajbapijin.

⁴⁵ Pelax xan jum-an xot diachwujnakolaxpox, xamal xan nanaexasis-emil.

⁴⁶ Xamalxot, ¿achankat nataen xan tajbu'wujanjapox? Xan jum-an wutlax diachwujnakolaxpox, ¿ma-aech xotkat xamal xan nanaexasis-emil?

⁴⁷ Dios pejiwpi, japi jiw chiekal naewet Dios pejjamechan naexasisliajwa. Pe xamal Dios pejiwpi-emil xot, nejxasinka-emil naewesliajwam Dios pejjamechan —aech Jesús.

Abraham wujna Cristo dukpox

⁴⁸ Do jawut, judíos jum-aech Jesúsliajwa:

—Xanal jum-an wut xamliajwa: 'Xam Samaria tuajnapijnam. Xambej nejmatpaxtat dep webaponam' —an wut, diachwujnakolax xanal jum-an —aech judíos Jesúsliajwa.

⁴⁹ Do jawut, Jesús jumnot wut, jum-aechon judíoslíajwa:

—Xan tajmatpaxtat dep chiekal ajil. Xan sitaenx taj-ax Dios. Pe xamallax xan nasitae-emil.

⁵⁰ Xan w_hlweka-enil sitaeyax tajutliajwa. Pelax taj-ax, Dios, nejxasink jiw xan nasitaeliajwa. Dios j_mchiyaxaelbej pachaempoxan xanliajwa.

⁵¹ Diachw_hajnakolax xan j_m-an. Xan j_m-anpoxan naexasiti, japi t_hpaxil —aech Jesús.

⁵² Judíos japox j_mtaen w_ht, j_m-aechi:

—Amw_htjel xanal chiekal matabijax, diachw_hajnakolax xam nejmatp_hat dep weba. Abraham, asew Dios pejprofetaspibej, puexa japi chajia t_hp. Xamlax j_m-am: ‘Xan j_m-anpoxan naexasiti, japi t_hpaxil’ —am xam.

⁵³ ¿Xamkat kaes pejme paklonam? ¿Me-ama wajw_hajnapijin Abraham, jachi-emilkat xam? Japonbej chajia t_hp. Puexa Dios pejprofetaspi, japibej chajia t_hp. Xam najutliajwa nejchaxoelam w_ht, ¿achanamponam xam? —aech judíos Jesúsliajwa.

⁵⁴ Jesús j_mnot w_ht, j_m-aechon:

—Xan tajutliajwa j_m-an w_ht pachaempox, japox xanliajwa pachaemaxil. Pe taj-ax pajut xan nasitaen. Japonliajwa xamal najut j_m-am: ‘Japon tajDios’ —am xamal. Pebej japon xan taj-ax.

⁵⁵ Pe xamal matabija-emil Dios. Xanlax chiekal matabijtax Dios. Xan j_m-an w_ht: “Xan matabijs-enil Dios” —an w_ht, ja-an w_ht, xan naekichachajbax-aelen xamal. Me-ama xamal, jachiyaxaelen. Diachw_hajnakolax xan chiekal matabijtax taj-ax Dios. Japon pejjamechan chiekal naexasisf_hlaxbej.

⁵⁶ Abraham, nejw_hajnapijin, nejchachaemil, matabijt w_hton xan f_hlaeyaxaelenpox ampathatasik. Amw_htjel, nataekon. Samata, Abraham xabich nejchachaemil xanliajwa —aech Jesús.

⁵⁷ Do jaw_ht, judíos j_m-aechi Jesúsliajwa:

—Xamf_hk pati'na-emil. Xambej_hf_hk pas-emil cincuenta waechan j_mchiliajwam: ‘Xan taenx Abraham’ —chiliajwam —aech judíos Jesúsliajwa.

⁵⁸ Jesús j_mnot w_ht, j_m-aechon:

—Diachw_hajnakolax xan j_m-an. Xan Abraham w_hajna chajia dukx —aech Jesús.

⁵⁹ Do jaw_ht, judíos ia' not dadaep_hliajwapi Jesús. Pe faena-eli, Jesús namoest xot jiw_htat. Do jaw_hx, nakoltlison Dios pejt_hemplobaxot.

9

Jesús boejth_htpox itliaklan

¹ Dolisdo', Jesús fol w_ht, xanal, japon pejnachalwan s_hapich, Jesús taen kaen itliaklan. Japon aton taeyaxil, jasox chanlaelt xoton.

² Do jaw_ht, xanal w_hajnach_hemtax w_ht, j_m-an Jesúsliajwa:

—Jiw chanaekab_hanan, ¿ma-aech xotkat japon aton jasox chanlaelt itliaklax? ¿Pax, pen s_hapichkat, babijaxan ispoxantat, japon aton ja-aech? O, ¿japonkat pajut babijaxan ispoxantat ja-aechon? —an xanal.

³ Jesús naj_mnot w_ht, naj_m-aechon xanalliajwa:

—¡El! Japon pajut babijaxan ispoxantata-el. Pax, penbej, japi ispoxantata-elbej. Japon aton itliakal amw_htjel Dios itpaeliajwa pejpamamax, boejth_hch w_hton.

⁴ Matkoi w_ht, xatis nabichaxaesf_hk. Pe madoi w_ht, nabichaxisal. Ja-aechbej xatisliajwa. Amw_htjel pachaem nabichliajwas Dios pejbichax. Pe asamatkoi t_hpaxaes. Japamatkoitat, kaes nabichaxisal.

⁵ Xan ampathatatax w_ht, xan, me-ama itliakax ampathatpijw_hliajwa. Xan jiw kajachawaesaxaelen japi chiekal matabijaliajwapi Dios —aech Jesús.

⁶ Jesús japox jum-aech wut, jawut sat loeyapon. Pej-almintat ju'apon sat assap isliajwa. Dolison, japa-assap mohton pejkothiyatat itliaklan itfujoelaliajwa. Jawut itfujoelapon itliaklan.

⁷ Do jawut, Jesús jum-aech itliaklanliajwa:

—¡Xabua'de asew nawaen poxade, jaxotde itfukiasliajwam! Jaxotde cha-aelpukach, poejiw pajut ispox, pawulox Siloé —aech Jesús itliaklanliajwa. (Siloé jumchiliajwa: “To'aspon” —chiliajwa.)

Do jawut, itliaklan fulaechlison itfukiasliajwa. Itfukiat wut, kaxadin wuton, jawut chiekal taenlison.

⁸ Asew jiw, mox duili japon dukxot, asew jiwbej, japi taenpi, japon plata wuljow wut nuambabu'tat, japi puexa pejme taen wut japon, japi nakaewa najum-aech:

—¿Amponkatlap majt plata wuljowpon, nuambabu'tat ek wut? —aech japi jiw nakaewaliajwa majt itliakalponliajwa.

⁹ Asew japixot jum-aech:

—Diachwajnakolax chiekal japon. Asana-el —aechi.

Pe asew japixot jum-aechlax:

—¡Japona-elkatdo! Pe asan, me-ama japon, jakabuan-aechpon —aechi.

Do jawut, japon pajut chiekal jum-aech nejth'axtat japi jiwliajwa:

—Diachwajnakolax xan chiekal japonan. ¿Ma-aech xotkat xamal xan chiekal namatabija-emil? —aechon.

¹⁰ Do jawut, wajnachaehtas wut, jumtispon:

—¿Ma-aech xotkat xam chiekal amwutjel taenam? —tispon.

¹¹ Majt itliakalpon jumnot wut, jum-aechon:

—Aton, pawalpon Jesús, japon xan nataen wut, pej-almintat assap ispon. Japa-assaptat tajkole-itfulelje na-itfujoelapon. Do jawut, najum-aechon: '¡Xabua'de asew nawaen poxade, jaxotde cha-aelpukach, poejiw pajut ispox, pawulox Siloé! ¡Jaxotde itfukia'e!' —na-aech japon aton. Do jawut, xan fulaechx itfukiasliajwan. Jaxotde itfukiatx wut, tajkole-itfutje chiekal nawepachaem. Do jawut, chiekal taenxbej —aech majt itliakalpon.

¹² Do jawut, asew jaxotpijiw wajnachaeht wut, jum-aechi:

—¿Amxotkat japon aton? —aechi, Jesúsliajwa wajnachaeht wut.

Majt itliakalpon jumnot wut, jum-aechon:

—Jalape. Xan matabijs-enil amxoton amwutjel —aechon.

Fariseos wajnachaehtpox majt itliakalpon

¹³⁻¹⁴ Jesús ju'a wut assap itliaklanliajwa japon taeliajwa, japamatkoi napatamatkoi. Samata, asew jiw bu'foli majt itliakalpon fariseos poxade.

¹⁵ Bu'pat wutipon fariseosxot, japi wajnachaehtaspon. Do jawut, jumtispon:

—¿Ma-aech xotkat xam amwutjel chiekal taenam? —tispon.

Japon jumnot wut, jum-aechon:

—Kaen aton assap na-itfujoela. Xan itfukiatx wut, jawut taj-itfut chiekal nawepachaem —aech majt itliakalpon.

¹⁶ Asew fariseosxot jum-aechi:

—Japon aton japox is wut, sitae-el napatamatkoi. Samata, Dios to'aspona-el —aechi.

Asewlax japixot jum-aech:

—Japon babejen wut, isaxilon koexaxan —aechi.

Samata, fariseos kaenejchaxoelaxa-el Jesúsliajwa.

¹⁷ Ja-aech wut, majt itliakalpon pejme wajnachaehtas. Jumtispon:

—Xamlax, ¿achaxkat jum-am nej-itfut boejth'atponliajwa? —tispon.

Majt itliakalpon jumnot wut, jum-aechon:

—Japon Dios pejprofeta —aechon.

¹⁸ Judíos naexasis-el japon majt itliakalpox. Samata, judíos wallalapi japon pax, penbej, fulaeliajwadin.

¹⁹ Do jawut, pax, pen sapich, pat wut, wuajnachaehtas wut, jumentispi:

—¿Diachwuajnakolaxkat ampon naxulan, itliaklax chanlaeltpon? ¿Ma-aech xotkaton amwutjel chiekal taen? —tispi, wuajnachaehtas wut.

²⁰ Japon pax, pen sapich, jumnot wut, jum-aechi:

—Xanal chiekal japon matabijtax xamalxot nukpon, japon taxulan. Matabijtaxbej japon itliaklax chanlaeltpon.

²¹ Pe xanal matabija-enil, ma-aech xot amwutjel chiekal taenpon. Matabija-enilbej, achan itfuboejthuchpon. Taxulan pati'in. Samata, xamal najut wuajnachaehtemdepon! Japon pajut xamal jumchiyaxael —aech pax, pen sapich.

²² Japi jasox jum-aech, pejlewla xoti judíosliajwa, judíos jum-aech xot: “Nejmach-aton jum-aech wut: ‘Jesús, japon Cristo, Dios to'aspon’ —aech wut, japon aton xanal tapaeyaxinil leliajwa wajnaewuajnabaxot” —aech xot chajia judíos.

²³ Samata, japon pax, japon penbej, jum-aechi: “Taxulan pati'in. Samata, xamal najut chiekal wuajnachaehtemde japon!” —aechi.

²⁴ Do jawut, judíos pejme la majt itliakalpon fulaeliajwadin. Pat waton japixot, jum-aechi japonliajwa:

—¿Diachwuajnakolax najum-amde Dios jumtaeliajwa! ¿Achankat japon aton? Xanal matabijtax, japon aton babejenpon —aech judíos.

²⁵ Japon jumnot wut, jum-aechon:

—Xan matabijs-enil japon aton babejen wut, o, babejna-el wut. Xanlax matabijtax ampo. Majt chinax xan tae-enil. Amwutjel chiekal taenx —aechon.

²⁶ Pejme wuajnachaeht wut, jum-aechipon:

—¿Achaxkat japon aton is xamliajwa? ¿Achaxkat isbejpon xam chiekal taeliajwam? —aech judíos majt itliakalponliajwa.

²⁷ Majt itliakalpon jumnot wut, jum-aechon:

—Xamal chiekal jum-an. Pe chiekal xan nanaexasis-emil. ¿Ma-aech xotkat kaes xabich jumtaesiam? ¿Xamalbejkat japon pejnachalwasiam? —aechon judíosliajwa.

²⁸ Do jawut, babejjamechan jumentis wut, jum-aechipon:

—Xam japon babejen pej-atonam. Xanallax Moisés pejiwan.

²⁹ Xanal chiekal matabijax chajiakolaxtat Dios nospaeipox, Moisés sapich. Pe xanal matabija-enil, achan to'as Jesús —aech judíos.

³⁰ Majt itliakalpon pejme jumnot wut, jum-aechon:

—Japon xan na-itfuboejthut. Pe xamal matabija-emil, achan to'ason.

³¹ Xatis judíos chiekal matabijas Dios kajachawaesaxaelpox naexasiti Dios, nejxasinkpibej Dios. Dios kajachawaes-el jiw babejchow, japi naexasis-eli Dios.

³² Ampathatat aton ajil, xajupon boejthusliajwa itliakla chanlaelapi. Majt jason aton tae-esal, me-ama japon, aton.

³³ Japon aton Diosxotsik fulae-el wut, xan naboejthusaxilon —aech majt itliakalpon.

³⁴ Do jawut, judíos palaeyajametat jum-aechi japonliajwa:

—Xam itliaklax chanlaeltam, nej-ax, nej-en sapich, xabich babijaxan is xot. Ja-am wut, xamkat xanal nanaewuajnasiam? —aechi.

Do jawutbej, judíos nakolsax to'api japon aton judíos pejnaewuajnabaxot.

Jiw matabija-elpi Dios, japi jiw, me-ama itliakla wut, ja-aechpox

³⁵ Jesús wultaen majt itliakalpon nakolsax to'aspox judíos pej-naewhajnabaxot. Jesús japon aton faen wut, whajnachaemt wut, Jesús jum-aech japon atonliajwa:

—¿Xamkat puexa jiw pakoewkolan naexasitam? —aech Jesús.

³⁶ Majt itliakalpon jumnot wut, jum-aechon:

—Jiw chanaekabanan, jnajum-amde! ¿Achankat puexa jiw pakoewkolan, xan naexasisliajwan japon? —aechon.

³⁷ Do jawut, Jesús jumnot wut, jum-aechon japonliajwa:

—Xam najut japon taenam. Xanlap japonan, puexa jiw pakoewkolnan, xam sapich, nospaeipon —aech Jesús.

³⁸ Do jawut, majt itliakalpon brixtat nuk Jesús pejwhajnael, xabich sitaen xoton. Japon jum-aech Jesúsliajwa:

—Jiw chanaekabanan, xam naexasitx —aechon.

³⁹ Do jawut, Jesús jum-aech:

—Xan fulaenx ampathatasik jiw diajkaliajwan kolemutje. Kaemut xan nanaexaxisaxael. Japi majt, me-ama itliakla wut, ja-aechpi pejnechaxoelaxantat, amwutjel japi jiw chiekal taeyaxael. Matabijaxaelbejpi diachwhajnakolaxpoxan. Asamut xan nanaexaxisaxil. Japi, me-ama itliakla wut, jachiyaxael pejnechaxoelaxantat, xan nanaexaxis-el xoti. Matabijaxilbejpi diachwhajnakolaxpoxan —aech Jesús majt itliakalponliajwa.

⁴⁰ Asew fariseos, japox jumtaen wut, jum-aechi:

—¿Xanalkat-is, me-ama itliaklawan Diosliajwa? —aechi.

⁴¹ Jesús jumnot wut, jum-aechon:

—Diachwhajnakolax xamal nejnechaxoelaxantat, me-ama itliaklawam wut, ja-am. Dios chapaeyam wutbej babijaxan isampoxanliajwa, ja-am wut, xamal bu'whajanjilaxaelam Diosliajwa. Pe xamal jum-am: 'Xanal chiekal taenx. Itliaklawam-enilbej tajnechaxoelaxantat' —am xot, xamal nejbu'whajan. Asamatkoi, tɔpam wut, nabijasaxaelam babijaxan isampoxantat —aech Jesús fariseosliajwa.

10

Ovejas tataeflan, pej-ovejas sapichpox

¹ Do jawut, Jesús jum-aech fariseosliajwa: “Diachwhajnakolax xan jum-an. Le-elpon fafael ovejas jiasxot, pe asalel julpon leliajwa, japon aton natkowan.

² Fafalel lowpon, japonlax ovejas tataeflan.

³ Fafa wesam wefalach japon leliajwa. Do jawut, kaenanula pejew ovejas laefalon pejwultat. Pejew ovejas jummatabitjas japon aton pejjame. Jasoxtat japon aton pejew ovejas juk jiasxot pola xaelpaliajwa.

⁴ Ovejas tataeflan puexa pejew ovejas bu'fol wut, japon matxoela fol. Pejew ovejas wuchakal fol, pejjame jummatabitjas xoton.

⁵ Ovejas asew jiw fulfulae-el, japi pejjamechan jummatabitja-esal xot. Japi jiwxot dukpaxael ovejas, xabich pejlwla xoti” —aech Jesús fariseosliajwa.

⁶ Jesús japawhajanat naewhajan wut, japi fariseos jummatabitja-el Jesús jum-aechpox.

Jesús xabich pachaempox jiw tataeflaliajwa

⁷ Do jawut, Jesús pejme jum-aech fariseosliajwa: “Diachwhajnakolax xan jum-an. Xan, me-ama laleyax, ovejas leliajwa jiasxot.

⁸ Puexa kichachajbapi, pati tajw_{uaj}na, me-ama Dios to'as w_{ut}, ja-aechi, japi jiw me-ama kethaka. Japi nawenatkowasia tajjiw. Pe tajjiw naexasis-el japi kethaka naew_{uaj}anpoxan.

⁹ Xan, me-ama laleyax Diosxotse jiw pasliajwa. Xanlel lelpi, japi xan tataeflaxaelen. Japi, me-ama tejew ovejas. Jiasxot nakola w_{ut}, chimiapola faekaxaeli xaeliajwa. Do jaw_{ux}, pejme jiasxot leyaxaeli.

¹⁰ “Kethaka f_{ula}en ovejas natkowaliajwa, beliajwabejpi ovejas. Xan f_{ula}enil isliajwan, me-ama japox. Xan f_{ula}enx jiw chiekal nejchachaemlaliajwa pejnechaxoelaxantat, pomatkoicha chiekal duilaliajwapi.

¹¹ Xan chiekal pachaeman jiw tataeflaliajwan. Me-ama ovejas tataeflan, pachaempon, pejew ovejas chiekal tataeflaliajwa, xanbej ja-an. Ovejas tataeflan nejchaxoel: ‘Asan aton tejew ovejas nawebeyaxael w_{ut}, xan tapaeyaxinil. Xanlax jumchiyaxaelen: “¡Xan naboesim!” —chiyaxaelen, tejew ovejas bu'welialjan’ —aech ovejas tataeflan, nejchaxoel w_{ut}.

¹² Pe nabiston plata kanaliajwa, japon aton pejmachofan f_{ula}eyax taen w_{ut}, ovejas tamach waelchaxaelon. Dolison, pejlel najaesaxael. Jasox isaxaelon, japon poklatataeflana-el xot ovejas. Jaw_{ut}, pejmachofan ovejas bu'ajil w_{ut}, ovejas kaenan_{ula} pejlel nasalaxael.

¹³ Do jaw_{ut}, japon aton pejlel najaet, asb_{uan} jumch nabichankal xot plataliajwa. Japonliajwa ovejas omjil, pejwa-el xoton ovejas.

¹⁴⁻¹⁵ “Xan chiekal pachaeman jiw tataeflaliajwan. Me-ama ovejas tataeflan chiekal tataef_{ul} pejew ovejas, xanbej ja-an. Taj-ax Dios chiekal namatabijit. Xanbej taj-ax Dios chiekal matabijitax. Jasoxtat chiekal xan matabijitax, tajjiw, xan nanaexasiti. Japibej chiekal xan namatabijit. Xan tajut tapaeyaxaelen asew jiw xan naboesaliajwa, tajjiw bu'welialjan. Me-ama ovejas tataeflan, t_{up}axael pejew ovejasliajwa chachoel w_{ut} japon atonliajwa, xanbej jachiyaxaelen.

¹⁶ Asew tajjiwpi, japibej xanliajwa, me-ama tejew ovejas, duilpi asat_{uaj}n_uchanel. Japi w_{ul}jaesaxaelen, xanxot kaeyaxtat duilaliajwa. Japi xan nanaexasis_{ful}axael. Bu_{fla}enx w_{ut}, puexa japi kaem_{ut}axael. Xan, kaenan, japi jiw tataeflaxaelen.

¹⁷ “Taj-ax Dios xabich xan nanejxasink, t_{up}axaelen xot tajjiwliajwa, japi bu'welialjan. Do jaw_{ux}, taj-ax namat-esaxael pejme dukaliajwan.

¹⁸ Asew jiw xan naboesaxilf_{uk}, xan tajut tapae-enil w_{ut}f_{uk}. Xan tajut tapaeyaxaelen, masw_{ut} naboesaxaeli. Do jaw_{ux}, Dios xan namat-esaxael pejme dukaliajwan. Japoxlap taj-ax Dios xan nato'a isliajwan” —aech Jesús fariseosliajwa.

¹⁹ Do jaw_{ut}, judíos jumtaen w_{ut} Jesús jum-aechpox, pejme kaenejchaxoelaxa-eli.

²⁰ Xabich japixot jum-aech:

—Ampon aton na-acha. ¿Ma-aech xotkat xatis kaes w_{ul}naewes_{ful}as, dep tato'lanas? —aech judíos Jesúsliajwa.

²¹ Pe asew japixot jum-aech:

—Aton, pejm_{atp}at_{at} dep webaespon, jasox jumchiyaxil, naksiya w_{ut}. Dep xaj_{up}axilbej itliaklan boejth_{us}liajwa, chiekal taeliajwa aton —aechi.

Asew judíosxot nejweslapox Jesús

²² Asamatkoi, iama w_{ut}, judíos fiesta is Jerusalén paklowaxxot. Japafiesta judíos nejchaxoelaliajwa pejw_{uaj}napijiw Dios pejtemploba chaemsax ketoetpox.

²³ Jaw_{ut} Jesús Dios pejtemplobaxot laeja, paw_{ul}xot Pórtico de Salomón.

²⁴ Jaxot judíos, japi masajiat Jesús. W^hajnaemtipon chiekal matabijaliajwa. Do jaw^ht, japi j^hm-aech Jesúsliajwa:

—¿Masmatkoiyankat xanal w^hajnaesaxaelen matabijaliajwan, achanamkat xam? Xam diachw^hajnakolax Cristowam w^ht, jama naj^hm-amde xanal chiekal matabijaliajwan! —aech judíos Jesúsliajwa.

²⁵ Do jaw^ht, Jesús j^hmnot w^ht, j^hm-aechon japi judíosliajwa:

—Xan chajia chiekal xamal j^hm-an: ‘Xan Cristowan’ —an. Pe xamal naexasis-emil. Xan koechaxan isx w^ht, japoxan isx taj-ax Dios pijaxtat. Japoxan isx matabijaliajwan, achanan xan xamalliajwa.

²⁶ Pe nakiowa, xamal xan nanaexasis-emil, xamal tajjiwa-emil xot. Me-ama tejew ovejas, jachi-emil.

²⁷ Tejew ovejas xan tajjame naj^hmmatabijt, xan naksiyax w^ht. Xanbej japi matabijt. Samata, japi xan naf^hlafol.

²⁸ Jiw, xan nanaexasiti, kajachawaesaxaelen pomatkoicha duilaliajwa Diosxotse. Samata, japi jiw napelsaxil. Chinax kaen aton japi jiw nawenosaxil, xan nanaexasiti.

²⁹ Taj-ax Dios woeyapi jiw xanxot. Taj-axbej xabich pejpamamax. Me-ama jiw, jachi-elon. Samata, chinax kaen aton xaj^hpaxil japi jiw taj-axxot wemakanosliajwas.

³⁰ Xan, taj-ax s^hapich, chiekal koewan —aech Jesús judíosliajwa.

³¹ Do jaw^ht, judíos pejme noti ia' dadaep^hliajwapi Jesús.

³² Jaw^ht Jesús j^hm-aech japi judíosliajwa:

—Taj-ax Dios pijaxtat xabich chamoeyaxan isx nejw^hajnalel. ¿Achax chamoeyaxliajwakat xan ia'tat w^hlnab^h'dadapam? —aech Jesús.

³³ Judíos j^hmnot w^ht, j^hm-aechi:

—¡E! Xanal ia'tat xam dadaep^hxinil, chamoeyaxan isam xot. Xanal ia'tat dadaep^hxpoxtat xam matkaejabaxaelen, Dios sitae-emil xot. Xam naksiyam, me-ama waj-ax Dios, xam atonamkal w^ht —aech judíos Jesúsliajwa.

³⁴ Do jaw^ht, Jesús j^hm-aech:

—Dios pejjamechan, chajia lespox, j^hm-aech Dios j^hm-aechpox Dios makanochpi paklochowliajwa: ‘Xan j^hm-an: “Xamal, me-ama dioses” —an xan’ —aech Dios j^hm-aechpox japi Dios makanochpiliajwa.

³⁵ Xatis chiekal matabijas Dios pejjamechan diachw^hajnakolax pomatkoichaliajwa. Samata, chajiakolaxtat Dios j^hm-aech w^ht paklochowliajwa: ‘Xamal, me-ama dioses’ —aech w^ht, diachw^hajnakolax Dios j^hm-aech japiliajwa.

³⁶ Xanbej, Dios namakafitponan, japon xan nato'a ampathatpijiw b^h'welijwan. J^hm-an w^ht: ‘Xan Dios pax^hlnan’ —an w^ht, ¿ma-aech xotkat xamal naj^hm-am: ‘Xam sitae-emil Dios’ —na-amkat?

³⁷ Xan is-enil w^ht taj-ax nato'apoxan, ja-an w^ht, ¿xan nabej nanaexasis!

³⁸ Pelis xan isf^hlax w^ht taj-ax nato'apoxan, ¿xan nanaexasi' e isf^hlaxpoxantat, xamal xan nanaexasi-elasiam w^ht xan j^hm-anpox taj-ax Dios nato'aponliajwa! Xan koechaxan isxpoxan, taenam w^ht, ¿xamal najut chiekal matabijim xan Dios nato'aponanpox! Ja-aech w^ht, xamal chiekal matabijaxaelambej xan koewanpox, taj-ax Dios s^hapich —aech Jesús judíosliajwa.

³⁹ Do jaw^ht, judíos pejme jaelsasiapi Jesús. Pe japixot wiapon.

⁴⁰ Do jaw^hx, Jesús nawiat w^ht Jordánlajt we-enlelde, Juan majt jiw bautisaf^hlxot, xanalbej Jesús pejnachalwan, Jesús s^hapich, nawiax. Do jaxot Jesús naman w^ht, xanalbej namax jaxot.

⁴¹ Do jaxot xabich jiw fulaen Jesús taeliajwa. Japi jiw Jesúsxot pat wut, nakaewa najum-aechi:

—Juan, jiw bautisan, chinax koechax is-el. Pe Juan puexa jum-aechpox amponliajwa, japoxan diachwajnakolax, chiekal ja-aechlisox —na-aechi nakaewa Jesúsliajwa.

⁴² Do jawut, xabich jiw jaxot naexasiti Jesús, japon Dios to'asponpox.

11

Lázaro tuppox

¹ Aton bu'xaeyan, pawalpon Lázaro, koliowje pakoewow sapich, dukon Betania paklowaxxot. Kaeow pawal María. Asaow pawal Marta.

² Martalap majt Jesús takchafan perjumamint, xabich sitaen xotow Jesús. Do jawutbej, japow pejmatlatat takjoeipow Jesús pejtak.

³ Japi koliowje asan aton to'a japon waljaesliajwa Jesús. Buxto'a wut, jum-aechipon:

—Jesús faenam wut, jum-amopon: ‘Tajpaklon, nejnachalan Lázaro, nejxasinkampon, xabich bu'xaenk’ —amo Jesús! —aechi, aton to'a wut.

⁴ Do jawux, Jesús japox jumtaen wut, jum-aechon xanal pejnachalwanliajwa:

—Lázaro ampawaxaetat chiekal tuxaxael. Pe kaelel tuxaxilon. Japon bu'xaenk puexa jiw taeliajwa Dios xabich mamnikpon, jiw taeliajwabej xan, Dios paxlanan, tajpamamaxbej —aech Jesús.

⁵ Jesús kamta kajachawaesasia Marta, Maríabej, Lázaro bu'xaenkproxliajwa, Jesús japi xabich nejxasink xot.

⁶ Wultaen wuton Lázaro bu'xaenkprox, Jesús nakiowa kaweta namanfukon kolematkoije Jordánlajt we-enlelde.

⁷ Do baxael, Jesús jum-aech xanal pejnachalwanliajwa:

—Chijias pejme Judea tajnu poxade —aechon xanalliajwa.

⁸ Xanal jum-an:

—Jiw chanaekabanan, kaematkoijan sapichlisox Judea tajnupijiw xam ia'tat dadaepsiapox matkaejabaliajwapi xam. Japi jiwfuk xam bej wujnawesfulbej boesaliajwa. ¿Ma-aech xotkat xam pejme japoxade fulaesiam? —an xanal Jesúsliajwa.

⁹ Jesús pejme jum-aech xanalliajwa:

—Diachwajnakolax matkoi itliak doce horas. Samata, aton fia'paxil, nanuamt wut, puexa chiekal taen xoton.

¹⁰ Pe aton madoi nanuamt wut, japon fia'paxael, itkua'nik xot, puexa chiekal taeyaxil xotbejpon —aech Jesús, wujantat jum-aech wuton xanal pejnachalwanliajwa.

¹¹ Japox jum-aech wut, pejme jum-aechon:

—Wajnachalan Lázaro moejt. Xan japoxaxaechan thikaliajwanpon —aech Jesús.

¹² Xanal jum-an:

—Jiw chanaekabanan, Lázaro moejt wut, japon waxae boejthulaxaes —an xanal.

¹³ Jesús jum-aech wut: “Lázaro moejt” —aech wut, japox jumchiliajwa: “Lázaro chiekal tuxp” —chiliajwapox. Xanallax, Jesús pejnachalwan, japox jumtaenx wut, asbuan jumch nejchaxoelx: “Lázaro moejt wut, moejton. Me-ama madoi moejt wut, ja-aechon” —an xanal, nejchaxoelx wut.

¹⁴ Samata, Jesús xanal najum-aech chiekal matabijaliajwan:

—Lázaro chiekal tuxp.

¹⁵ Lázaro tɯp wɯt, xan jaxota-enil. Japon tɯp xamal kaes pejme xan nanaexasisliajwam. Samata, nejchachaemlax xamalliajwa. Amwɯt fɯlaeyaxaes patɯpan Lázaro poxade japon taeliajwas —aech Jesús.

¹⁶ Do jawɯt, Tomás, japon asawɯl Na-o'an, japon jɯm-aech xanalliajwa:
—Xatisbej chijias tɯpaliajwas, japon sɯapich, asew jiw boesas wɯton —aech Tomás xanalliajwa.

Jesús xajɯppox mat-eliajwa tɯpi, japi pejme duilaliajwa

¹⁷ Jesús, xanal nabu'pat mox Betania paklowaxxot. Jaxot asew jiw Jesús chapaei Lázaro tɯppox. Patɯpan Lázaro, ochpox mɯaxwɯajtat cuatro matkoi-jeliso.

¹⁸ Betania paklowax mox Jerusalén paklowaxxot, me-ama tres kilómetros.

¹⁹ Jesús wɯajna xabich judíos, Judea tɯajɯpijiw, Jerusalén paklowaxxot fɯlaeni. Japi fɯlaen naknoeliajwapi Marta, Mariabej, Lázaro tɯp xot.

²⁰ Marta jɯmtaen wɯt Jesús fɯlaeyax, nakoltow baxot, xanal nabu'kakɯnaliajwa nɯamtat. Maríalax kaweta batat naman.

²¹ Marta pat wɯt xanalxot, japow jɯm-aech Jesúsliajwa:
—Tajpaklon, takoewan bu'xaenk wɯtfak, xam amxotam wɯt, ja-aech wɯt, takoewan nawetɯpaxil.

²² Pe xan matabijtax. Dios puexa xam chaxdusaxael wɯljowampox —aech Marta Jesúsliajwa.

²³ Jesús jɯmnot wɯt, jɯm-aechon:

—Marta, nakoewan mat-esaxaes pejme dukaliajwa —aech Jesús.

²⁴ Marta jɯm-aech:

—Diasdo'. Xan matabijtax. Tɯpi mat-ias wɯt pejme duilaxael, that toep wɯt. Jawɯtbej takoewan mat-esaxaes pejme dukaliajwa —aech Marta.

²⁵ Do jawɯt, Jesús jɯm-aech:

—Xanlap mat-eyaxaelen tɯpi, japi pejme duilaliajwa. Xanbej kaenan jiw kajachawaesnan pomatkoicha pejme duilaliajwa. Xan nanaexasiti, asamatkoi tɯp wɯt, japi mat-eyaxaes pejme duilaliajwa pomatkoicha.

²⁶ Ampathatat laelpi, xan nanaexasit wɯt, japi asamatkoi napelsaxil, tɯp wɯti. Duilaxaeli pomatkoicha. Marta, ¿xamkat xan nanaexasitam jɯm-anpox? —aech Jesús Martaliajwa.

²⁷ Do jawɯt, jɯm-aechow:

—Diasdo' tajpaklon. Xan naexasitx xamlap diachwɯajnakolax Cristowam. Xambej Dios paxɯlnam, Dios to'aponam ampathatasik fɯlaeliajwam —aechow Jesúsliajwa.

Jesús nowpox Lázaro ochxot

²⁸ Do jawɯt, Marta buxtoet wɯt, kaxadepow pejba poxade laeliajwa pakowow María. Jawɯt Marta maliach jɯm-aech pakowow Maríaliajwa:

—Jiw chanaekabɯanan ma amxotlison. Xam xabɯa't-aechon taeliajwam —aech Marta Maríaliajwa.

²⁹ María japox jɯmtaen wɯt, nanchapow. Jawɯt fɯlaechlisow Jesús taeliajwa.

³⁰ Jesús pas-elfak paklowax. Kawetafakon Marta bu'kakɯltasxot.

³¹ Do jawɯt, judíos batatpi, María sɯapich, taen wɯti María bichakal nanchapox nakolsliajwa tathoetade, japi judíosbej wɯchakal nakola. Nejchaxoeli: 'María patɯpanwɯaj poxaxaech jaxotde noeliajwapow' —aechi, nejchaxoel wɯt.

³² María pat wɯt Jesúsxot, Jesús pejwɯajnalel brixtat nukow, xabich sitaen xotow Jesús. Do jawɯt, jɯm-aechow:

—Tajpaklon, takoewan bu'xaenk wutfuk, xam amxotam wut, ja-am wut, takoewan tɔpaxil —aech María.

³³ Jesús taen wut María nowpox, taen wutbejpon judíos nowpox, japi chalapi María, Jesús jumbeltaen. Do jawut, Jesús xabich nejxaejwas.

³⁴ Jawut Jesús wuajnachaeht wut, jum-aechon:

—¿Amxotkat patɔpan Lázaro otam? —aech Jesús.

Jawut japi jum-aech Jesúsliajwa:

—Tajpaklon, ¡xabua't taeliajwam! —aechi.

³⁵ Do jawutbej, Jesús now.

³⁶ Samata, Judea tuajnujijiw, jaxoti, nakaewa najum-aechi:

—¡Taem! Jesúsbej now, xabich nejxasink xoton Lázaro —na-aechi nakaewa.

³⁷ Asew japixot jum-aech Jesúsliajwa:

—Japon majt itliakla boejthut chiekal taeliajwa. ¿Pe ma-aech xotkat kamta pas-elon boejthusliajwa Lázaro, tɔpasamatabejpon? —aech japi jiw Jesúsliajwa.

Patɔpan Lázaro mat-echpox pejme dukaliajwa

³⁸ Do jawut, Jesús xabich nejxaejwas wut, mox soepanpon Lázaro ochwuajxot, ia't pinjit fafa xat-elspot.

³⁹ Do jawut, Jesús jum-aech:

—¡Ia't matariamande! —aechon.

Pe Marta, Lázaro pakoewow, jum-aech Jesúsliajwa:

—Tajpaklon, xasaeibejlison, cuatro matkoije xotliso xochpox —aechow Jesúsliajwa.

⁴⁰ Jesús jumnot wut, jum-aechon:

—Xam chajia chiekal jum-an: 'Xan nanaexasitam wut, taeyaxaelam Dios pejpamamax' —an xan chajia —aech Jesús Martaliajwa.

⁴¹ Jawut asew japixot ia't pinjit matariamán, wuajfafa xat-elspot. Do jawut, Jesús atha natachaemse wut, Dios kawuajan wut, jum-aechon:

—Ax Dios, xan gracias-an, xam najumtaenam xot.

⁴² Xan chiekal matabijtax, xam pomatkoicha xan nanaewetam, xam kawuajna x wut. Pe amprox xan jum-an ampi jiw matabijaliajwa, naexasisli-ajwabejpi xam nato'amponanpox ampathatasik —aech Jesús, Dios kawuajan wut.

⁴³ Kawuajna buxtoet wuton pax Dios, Jesús nejlakcha wut, jum-aechon:

—Lázaro, ¡xabua't! ¡Nakolmen jaxot! —aech Jesús.

⁴⁴ Do jawut, patɔpan Lázaro wuajxot nakoldin. Puexa pejbu't, pejmatnaetbej, sábanabu'antat xakoeyaspoxan, chankoldinpon. Do jawut, Jesús jum-aech:

—¡Wejolge xakoeyaspoxan! ¡Tapaem laejaliajwa! —aech Jesús.

Do jawut, Lázaro wejols sábanabu'an, xakoeyaspoxanpon.

Judíospaklochow nejchaxoelpox jaesliajwapi Jesús

(Mt 26.1-5; Mr 14.1-2; Lc 22.1-2)

⁴⁵ Judíos, chalapi María, taen wuti Jesús ispox koechax Lázaroliajwa, japixot xabich naexasiti Jesús.

⁴⁶ Pe asew japixot fulaech fariseos poxade. Pat wuti Jerusalénxot, chapaeipi fariseosxot Jesús ispox Lázaroliajwa.

⁴⁷ Do jawut, fariseos, sacerdotespaklochowbej, tamejapi Junta Supremapijw. Natameja wut, nakaewa najum-aechi:

—¿Achaxkat isaxaes Jesúsliajwa? Japon xabich koechaxan isful.

⁴⁸ Japon tapaeis wut isfulpoxan, puexa jiw naexasisaxaeson. Ja-aech wut, Roma tujnupijiw paklochow to'axaeli soldaw, japi soldaw toesliajwa Dios pejtemploba, wajjiwbej —aech paklochow, nakaewa nospaei wut.

⁴⁹ Kaen japixot pawul Caifás. Japon sacerdotespaklokolan japawaechtata. Jawut japon jum-aech:

—Xamal matnaenejtinkam xot, matabija-emil.

⁵⁰ Kaes pejme pachaem kaen tamach tupaliajwa. Ja-aech wut, xabich jiw tuxaxil. Toesaxisalbej wajjiw —aech Caifás.

⁵¹ Pe Caifás pajut pijaxtat japox jumchi-el. Japox jum-aechon Dios pijaxtat. Caifás japox jum-aech Jesúsliajwa, Jesús tuxaxael xot puexa Israel tujnupijiwliajwa.

⁵² Japikalliajwa Jesús tuxaxil. Tuxaxaelbejpon asajiwliawabej, puexa ampathatpijiwliajwa, Dios naexasiti kaemutaliajwa. Japoxlap Dios nejxasink.

⁵³ Caifás japox jum-aech Jesús pejpatuxaxliajwa. Do jawut, judiospaklochow nejchaxoelaful boesaliajwapi Jesús.

⁵⁴ Samata, Jesús kaes nanuams-el tulaela Judea tujnuxot. Do jawut, xanal nabuflaechon paklowax, pawul poxade Efraín, mox pajilaxxot. Jaxot puexa xanal namax, Jesús suapich.

⁵⁵ Kaematkoijan suapich we'p Pascuafiestaliajwa, judiosliajwa. Samata, xabich judios fulaech Jerusalén paklowax poxade fiesta wujajna, japi chiekal ketoesliajwa, puexa we'poxan isliajwa. Japox judios pejkabuan, Moisés chajia lelpox jum-aech xot. Japafiesta wujajna japox ja-aechi.

⁵⁶ Fulaenpi Jerusalén paklowaxlel, japi wulwek Jesús. Pat wuti Dios pejtemplobaxot, japi nakaewa nawujnachaemt wut, jum-aechi:

—¿Jesúskat naktaeyaxael fiesta? O, ¿naktaeyaxilkaton? ¿Achaxkat xamal nejchaxoelam? —na-aechi nakaewa.

⁵⁷ Fariseos, sacerdotespaklochowbej, puexa jiw chajia buxto'a wut, jum-aechi: “Kaenam xamalxot Jesús taenam wut, ikamta xanal nachapaem!” —aech paklochow jiwliajwa. Japi japox jum-aech, jaelsasia xoti Jesús jeliajwapi jiw jebaxot.

12

Pawis perjumamintat tuxakchafanapox Jesús (Mt 26.6-13; Mr 14.3-9; Lc 7.37-38)

¹ We'p wut seis matkoijan Pascualiajwa, Jesús fulaech wut Betania paklowax poxade, xanal, japon pejnachalwan, nakfolxbej. Jaxotde Lázaro majt tuxp. Pe Jesús mat-et Lázaro pejme dukaliajwa.

² Jaxotde xanal pa'ax wut, asew jiw naxaeyaxan is pejsitaeyax itpaeliajwa Jesúsliajwa. Marta kajachawaet naxaeyaxan cha-eyaxan, Lázaro, asew jiwbej, taduchpi, xaeliajwa, Jesús suapich.

³ Do jawut, María xapat perjumamint tuxakchafanaliajwapow Jesús. Japamint xabich ommaenk. Japot, me-ama medio litro. Isas nardokal. Jawut tuxakchafanpow Jesús, xabich sitaen xotow. Do jawut, pejmatlatat tuxakjoeipow Jesús pejtuxak. Samata, jawut japaba xabich xabejxat-ialnanik.

⁴⁻⁵ Do jawut, Judas Iscariote, Jesús pejnachalan, japon jum-aech:

—¿Ma-aech xotkat japaperjumamint mowa-esal plata chaxduiliajwas kejila? Bej pa-ombej trescientos denarios —aech Judas. Judaslap wiasaxael Jesús padaelmajiwxot.

⁶ Judas japox jum-aech wut, nejchaxoela-elon jiw kejila kajachawaesliajwa. Japox jum-aechon, kethakan xot. Japon kaen platachoxa tataeful

puexa xanal, Jesús pejnachalwanliajwapi. Japaplata japon pajut maliach jinatkowa.

⁷ Do jawut, Jesús jum-aech:

—¡Nej ja-aече'! Xan tajpatupaxliajwa japow cha-et perjumamint.

⁸ Kejila pomatkoicha xamalxotaxael kajachawaesliajwam. Pelax xan piachaxinil xamalxot —aech Jesús.

Judíospaklochow boesasiapox Lázaro

⁹ Xabich jiw fúlaen xanalle taeliajwapi Jesús, taeliajwabejpi Lázaro, japon tup wut, Jesús mat-echpon pejme dukaliajwa.

¹⁰⁻¹¹ Jesús koechax is xot Lázaroliajwa, xabich jiw, Judea tuajnupijiw, naexasiful Jesús. Kaes naexasis-ellisi sacerdotes naewuajanpoxan. Japi naexasiful Jesúska. Samata, sacerdotespaklochow nejchaxoel boesaliajwapi Jesús, Lázarobej.

Jesús patpox Jerusalén paklowaxxot

(Mt 21.1-11; Mr 11.1-11; Lc 19.28-40)

¹²⁻¹³ Do kandiawa wut, xabich jiw Jerusalén paklowax poxade taeliajwapi Pascuafiesta. Japi matabija wut Jesús pasaxaenpox Jerusalén paklowaxxot, jawut, me-ama chia'uflejen tasiapapi xawisliajwa, owaliajwabej nuamtat Jesús pejwuajnalel, chiekal bu'kulsliajwapi, pejsitaeyax itraeliajwabejpi. Fulaeyax taen wuti nuamtat, nejlasful wut, jum-aechfuli:

—¡Aleluya! ¡Ampon, fúlaenpon Dios pijaxtat, japon xabich pachaem! ¡Pachaembejpon Israel tuajnupijwas wajreyliajwa! —aechful xabich jiw Jesúsliajwa, nejlasful wut.

¹⁴ Jesús jelti'san bur faen. Do jawut, tua-eklison chaflaeliajwa Jerusalén paklowax poxade. Japoxliajwa Dios pejjamechan, chajia lelsbox, jum-aech wut, jum-aechox:

¹⁵ “Xamal, Jerusalén paklowaxpijwam, ¡nabej nejlewle'! ¡Taem nejrey chaflaenpon bur jelti'santat!” —aechox chajia lelsbox.

¹⁶ Xanal, Jesús pejnachalwan, chiekal matabija-enilful, achax chiyaxael japamatkoi. Do jawux, Jesús mat-ech wut, pejme duk wut, athu poxase wutbejpon, jawut xanal chiekal nejchafaetx chajia lelsbox, jum-aech wut jum-aechox japonliajwa. Do jawutbej, xanal chiekal matabijax, ma-aech xot japoxan ispi Jesúsliajwa.

¹⁷ Japi jiw taen, Jesús la wut Lázaro muaxwuajxotdin Lázaro mat-esliajwa pejme dukaliajwa. Japi chapaeful taenpox, asew jiwbej matabijaliajwa japox.

¹⁸ Samata, xabich jiw nakola pejbachanxot bu'kakulnaliajwapi Jesús, wultaen xoti Jesús isbox, koechax.

¹⁹ Pe fariseos najum-aechi nakaewa:

—Xatiliajwa japox pachaema-el. ¡Tae'nik! ¡Puexa jiw Jesús xabich nakfos! —na-aech nakaewa fariseos.

Asew griegosxot wulwekbox Jesús

(Mt 10.38-39; 16.24-25; Mr 8.34-35; Lc 9.23-24; 17.33)

²⁰ Jerusalén paklowaxxot asew griegos pat pejsitaeyax itraeliajwa Diosliajwa. Patbejpi taeliajwa Pascuafiesta.

²¹ Japi jiw pat wut Jerusalén paklowaxxot, mox soepapi Filipexot, japon kaen xanalxotpijin. Japon Betsaida paklowaxpijin, Galilea tuajnuxot. Do jawut, japi jum-aechi Filipeliajwa:

—Taj-aton, xanal Jesús taesian nospaeliajwan, japon suapich —aechi Filipeliajwa.

²² Do jawut, Felipe fulaech chapaeliajwapon Andrés griegos wulwekspox Jesús. Do jawutbej, Felipe, Andrés suapich, fulaechlisi Jesús poxade chapaeliajwapi japox. Jesúsxot pat wut, chapaelisi japox.

²³ Do jawut, Jesús jum-aech:

—Tajmatkoi patlis xan, puexa jiw pakoewkolnan, tupaliajwan, Dios namatesliajwabej pejme dukaliajwan.

²⁴ Diachwajnakolax xan jum-an. Kaefut, me-ama trigofut, satat muthsesal wut, japafut naboelaxil. Japafut namanaxael kaefutliajwa. Asafutlax muthstas wut satat, pejbokt xoep wut, itxit namanpox naboelsaxael. Naboelt-pox naboesaxael. Naboet wut, xabichaxael pafu. Xanlap-is, jachiyaxaelen. Xan kaenan tuxaxaelen xabich jiwliajwa, japi pomatkoicha duilaliajwa Diosxotse.

²⁵ Najut nejxasinkampoxan isfulam wut ampathatat, ja-am wut, duilaximil pomatkoicha Diosxotse. Pe ampathatat babijaxan isampoxan kofam wut, ja-am wut, pomatkoicha duilaxaelam Diosxotse.

²⁶ Xamal nabichasiam wut xanliajwa, xan chiekal nanaewe'e! Jasox xamal ja-am wut, duilaxaelam, xan suapich, Diosxotse. Nabistam wut xanliajwa, taj-ax Dios pachaemaxael xamalliajwa —aech Jesús Felipeliajwa, Andrésliajwabej.

Jesús jum-aechpox pejpatuxpaxliajwa

²⁷ Jesús pajutliajwa najum-aech: “Amwutjel xan xabich nejchaemilax, matabijtax xot xabich nabijasaxaelenpox. ¿Achaxkat xan jumchiyaxaelen taj-axliajwa? Xan waljoeyaxinil taj-ax nabu'weliajwa japanabijasaxliajwa. Japanabijasaxliajwa xan fuloekx.

²⁸ Samata, xan jumchiyaxaelen taj-axliajwa: ‘Ax, jisde pachaempox puexa jiw xam sitaeliajwa!’ —chiyaxaelen xan taj-axliajwa” —aech Jesús pajutliajwa.

Do jawut, Jesús jumtaen athusik, Dios pajut jum-aech wut ampox: “Isxlis japox. Kaes isaxaelenbej puexa jiw itpaeliajwan xabich tajpamamax” —aech Dios athusik.

²⁹ Jaxot jiw naeweti, japi chiekal jummatabija-el, Dios naksiyak wut. Asew japixot japox jumtaenpi, japi jum-aechi ampox:

—Me-ama iam najuw wut, jathia-aechox —aechi.

Jawut asewbej japixot jum-aech:

—Dios pej-ángel naksiya Jesúsliajwa —aechi.

³⁰ Jesús jum-aech japiliajwa:

—Dios japox jum-aechsik wut, xan kaenanliajwa Dios japox naksiya-el. Xamalliajwabej Dios naksiya matabijaliajwam xan Dios nato'aponanpox.

³¹ Asamatkoi Dios kastikaxael puexa jiw, xan nanaexaxis-elpi. Satanásbej kastikaxaes. Do jawut, Satanás kaes tato'laxil ampathatpijiw, Dios kefe'naxaes xoton tato'lax.

³² Xan nakematamatal wuti cruztat, do jawux, xabich jiw, ampathatpijiw, tajwajjan naexaxisaxaeli —aech Jesús.

³³ Jesús japox jum-aech xanal chiekal matabijaliajwan japon tuxaxaelpox cruztat.

³⁴ Asew jaxot naewetpi, japi jum-aech Jesúsliajwa:

—Moisés chajia lelpox jum-aech: ‘Cristo pomatkoicha dukaxael. Japon toepaxil’ —aechox. Cristo pomatkoicha dukaxael wut, ¿ma-aech xotkat xam jum-am: ‘Puexa jiw pakoewkolan tuxaxael cruztat’ —amkat xam? ¿Achankat puexa jiw pakoewkolan? —aech japi jiw Jesúsliajwa.

³⁵ Jesús jum-aech:

–Xanfuk kaematkoiyan xamal naewhajnaxaelen. Tajnaewhajnax, me-ama itliakax, ja-aechox. Naewhajnax wut, jchiekal matabijim tajnaewhajnax! Ja-am wut, xamal, me-ama nanhamsaxaelam itliakaxxot. Tajnaewhajnax jumtatabija-elpi, japi, me-ama nanhamsaxaeli itkhataxxot.

³⁶ Xanlap, me-ama itliakaxponan. jXamal xan nanaexasi'e, amxotx wutfuk! Ja-am wut, xamal tajjiwaxaelam –aech Jesús.

Jesús japox buxtoet wut, fulaechon asalel. Do jawutbej, Jesús namoest japi jiw faen-elaliajwaspon.

*Ma-aech xot judíos naexasis-el Jesús
(Mr 4.12; Lc 8.10)*

³⁷ Jesús koechaxan is judíos taeliajwa, naexasisliajwabejpi japon Dios to'asponpox. Pe japi japoxan taen wut, nakiowa naexasis-eli Jesús.

³⁸ Isaías, Dios pejprofeta, chajia jum-aechpox Cristoliajwa, amwutjel japox ja-aechlisox. Japoxliajwa Isaías chajia jum-aech Diosliajwa:

“Tajpaklon Dios, jiw naexasisaxil xanal tajnaewhajnaxpox xamliajwa. Naexasisaxilbejpi, taen wut nejpmamax” –aech Isaías Diosliajwa.

³⁹ Isaías lelpo x jum-aechbej, ma-aech xot judíos naexasisaxil Jesús, Dios to'asponpox. Isaías jum-aech:

⁴⁰ “Japi jiw Dios itfumatakas, pejnechaxoelaxanbej. Samata, pajut pej-itfutut, me-ama taeyaxili. Pajut pejnechaxoelaxantat jumtatabijaxilbejpi. Samatabej, japi Dios pejjamechan naexasisaxil kofaliajwa pejbabijaxan ispo xan” –aech Isaías, chajia jum-aech wut judíosliajwa.

⁴¹ Isaías japox chajia jum-aech, masoxtat taen xot Jesús pejpmamax. Isaías japox jum-aechbej Jesúsliajwa.

⁴² Pe nakiowa, xabich judíos naexasiti Jesús. Kaeshapichbej judíospaklochow, naexasiti Jesús. Pe japi tulaela naksiya-el jiw jumtaesamatas, pejlewla xoti fariseosliajwa, fiasasamatas leliajwa judíos naewhajnabachanxot.

⁴³ Japi judíos kaes nejxasinki jiw nejchachaemlaliajwas japiliajwa. Japi nejxasinka-el Dios nejchachaemilpoxliajwa japiliajwa.

Naexasis-elpi Jesús pejjamechan, japi jiw pejbh'whajanpox

⁴⁴ Jesús pinjametat jum-aech jiwliajwa: “Xamal xan nanaexasitam wut, xankal nanaexasis-emil. Naexasitambej taj-ax, japon xan nato'apon.

⁴⁵ Xamal xan namatabijam wut, matabijambej xan nato'apon.

⁴⁶ Xan, me-ama itliakax. Fulokx ampathatasik xan nanaexasiti namae-samata itkhataxxot.

⁴⁷ “Tajnaewhajnax jumtaenpi, naexasis-el wut, xan tajut japi tasalaxinil pejbh'whajanpoxanliajwa. Xan fulae-enilsik ampathatpijiw tajut tasalaliajwan japi pejbh'whajanpoxanliajwa. Xanlax fulokx ampathatpijiw bh'welija wan.

⁴⁸ Xan namastaenpi, japi naexasis-el wutbej tajnaewhajnax, xan tajut tasalaxinil japi jiw pejbh'whajanpoxanliajwa. Japi tasalaxaes xan taj-naewhajnaxantat japi pejbh'whajanpoxanliajwa, that toep wut.

⁴⁹ Xan tajut tajaxtat japox jumchi-enil. Taj-ax Dios, japon xan nato'apon, nabuxto'apoxan xan jum-an, naewhajnax wut.

⁵⁰ Xan matabijtax, taj-ax Dios pejtato'lax xabich pachaem. Japox jiw naexasit wut, pomatkoicha duilaxaeli Diosxotse. Samata, xan jum-anpoxan, japox jum-an, me-ama taj-ax Dios nabuxto'a” –aech Jesús.

13

Jesús tʉakkiatpox pejnachala

(Mt 10.24, 40; 20.28; Mr 9.37; 10.45; Lc 6.40; 9.48; 10.16; 22.27; Jn 15.20)

¹ We'p wʉtfʉk kaematkoi Pascuafiestaliajwa, do jawʉt, Jesús matabijt pejmatkoi wemoxspox pax Dios poxaliajwase. Xanal pejnachalwan, japon xabich nanejxasink ampathatat. Samata, pax Dios poxaliajwa wʉt, jawʉtbej nakiowa Jesús nanejxasinkafʉl xanal pejnachalwan. Hasta japon tʉp wʉt, nakiowa nanejxasinkafʉlon xanal.

²⁻⁴ Pascuafiesta mox wʉt, Satanás pijaxtat Judas nejchaxoel wiasliajwapon Jesús padaelmajiwxot. Judas, Simón Iscariote paxʉlan, Jesús padaelman nadofapon. Jesús pajut matabijt fʉloekpox Diosxotsik. Matabijtbejpon pejme japoxaxoeipox. Matabijtbejpon pax Dios chaxduchpox pamamax puexa tato'laliajwa. Do jawʉt, xanal naxaelax wʉt madoipijax, Jesús mesaxot nant wʉt, jawʉt jolton pejsumta-osax. Do jawʉtbej, fatkakatʉn toalla.

⁵ Do jawʉt, kʉanarxot mint fandikon platónadik. Do jawʉt, xanal natʉakkiaton. Me-ama nabichan wʉt, ja-aechon xanalliajwa. Toalla, fatkakatʉpoxtat, xanal natʉakjoeipon.

⁶ Jesús kiasliajwa wʉt Simón Pedro pejtʉak, jawʉt Pedro jʉm-aech:

—Tajpaklon, ¿xamkat xan natʉakkiasaxaelam? —aech Pedro Jesúsliajwa.

⁷ Jesús jʉmnot wʉt, jʉm-aech:

—Amwʉtjel xam matabijs-emilfʉk xan isxpox. Baxael, matabijsaxaelam, ma-aech xot xan japox isx —aech Jesús Pedroliajwa.

⁸ Pedro pejme jʉm-aech Jesúsliajwa:

—¡E! Xan ketapaeyaxinil xam natʉakkiasliajwam —aech Pedro.

Do jawʉt, Jesús jʉm-aech:

—Xam tʉakkias-enil wʉt, xam tajnachalnaximil —aech Jesús.

⁹ Do jawʉt, Simón Pedro pejme jʉm-aech:

—Tajpaklon, ¡xam tajtʉakkal nabej kias! ¡Kia'ebej tajke-e, tajmatnaetbej! —aech Pedro Jesúsliajwa.

¹⁰ Jesús jʉmnot wʉt, jʉm-aechon Pedroliajwa:

—Jelnawaen pat wʉt asabatat, japon wewe'pa-esal pobʉ'ta kiasliajwas, jelnawaen xoton. Pachaem tʉakkal kiasliajwas, tʉak-asda'nik xot, sat sae'enas wʉt. Xamalbej ja-am, ajil babijaxan nejnejchaxoelaxanxot, chiekal xan nanaexasitam xot. Pe nakiowa, kaen xamalxot pachaema-el pejnechaxoelax —aech Jesús Pedroliajwa.

¹¹ Jesús matabijt, achan wiasaxaeson padaelmajiwxot. Samata, Jesús japox jʉm-aech.

¹² Dolisdo', Jesús ketoet wʉt xanal pejnachalwan natʉakkiatpoxan, pejme naxoelon pejsumta-osax. Do jawʉt, pejme ek wʉton mesaxot, xanal najʉm-aechon:

—¿Xamalkat matabijam xan isxpox xamalliajwa?

¹³ Xamal najʉm-am: 'Jiw chanaekabʉanan' —na-am. 'Tajpaklon' —na-ambej. Diachwʉajnakolax xan nejpaklonan xamalliajwa.

¹⁴ Xan nejpaklonan wʉt, jiw chanaekabʉanan wʉtbej, nakiowa patʉakkiatx. Xan japox isx xamalbej jachiliajwam.

¹⁵ Japoxan xamal itpaeix chiekal matabijaliajwam, nakaewam naka-jachawaesfulaliajwam.

¹⁶ Diachwʉajnakolax xan jʉm-an. Nabichan kaes pejme sitae-esal asew jiw. Me-ama pejpaklon xabich jiw sitaens, jachi-esal nabichan. To'asponbej kaes pejme sitae-esal. Me-ama to'apon xabich jiw sitaens wʉt, jachi-esal japon aton. Xamal nabichwam xanliajwa. Samata, xamal kaes paklochowa-emil.

Me-ama xan kaes paklonan, jachi-emil xamal. Kaes pejme pachaem xamal matabijaliajwam xan itpaeixpoxan.

¹⁷ Xamal patuakkiatxpox matabijam wut, xamalbej, me-ama japox isaxaelam wut nakaewaliajwa, ja-am wut, xabich nejchachaemlaxaelam.

¹⁸ “Xan matabijtax xamal, makanotxpim. Pe japox jum-an wut, jumchi-enil puexa xamalliajwa. Matabijtax, kaen xamalxot tadaelman nadofapox. Me-ama Dios pejjamechan, chajia lelspx, jum-aech wut, japox ja-aechlisox. Jum-aechox: ‘Xan suapich, xaeyaxaelpon, japonlap tadaelman nadofaxael’ –aech chajia lelspx.

¹⁹ Japoxliajwa ma amwutjel jum-an, jachi-el wutfuk japox. Do japox, ja-aech wut, xamal xan nanaexaxisaxaelam, xan Cristoponapox, Dios nato'aponan.

²⁰ Diachwujnakolax xan jum-an. Xamal sitaenam wut xan to'axpon, ja-am wut, xanbej nasitaenam. Xan nasitaenam wut, taj-ax Diosbej, sitaenam, japon xan nato'apon” –aech Jesús, xanal nachanaekabwana wut.

Jesús jum-aech Judas wiasaxaespx padaelmajiwxot

(Mt 26.20-25; Mr 14.17-21; Lc 22.21-23)

²¹ Do jawut, Jesús japox jum-aech wut xanalliajwa, xabich nejxaejwason. Jawut Jesús jum-aech xanal, pejnachalwanliajwa, chiekal matabijaliajwan: –Diachwujnakolax xan jum-an. Kaen xamalxot nawiasaxael tadaelmajiwxot –aech Jesús.

²² Do jawut, xanal nakaewan nawujnachaemsnax, xanal matabija-enil xot, achanliajwa Jesús japox jum-aech.

²³ Dolisdo', naxaelx wut, xan Juan, Jesús xabich nanejxasinkponan, mox ekx Jesúsxot.

²⁴ Samata, Simón Pedro xan nato'a wujnachaemsliajwan, achanliajwa Jesús japox jum-aech.

²⁵ Do jawut, xan kaes mox chiekal soepnax Jesús wujnachaemsliajwan. Jawut xan wujnachaemtax wut, jum-an Jesúsliajwa:

–Tajpaklon, ¿achanliajwakat xam japox jum-am? –an xan Jesúsliajwa.

²⁶ Jesús najumnot wut, jum-aechon:

–Xan panax, taxthotxpox, kaen xamalxot chaxdusaxaelenpon, japonlap xan nawiasaxael tadaelmajiwxot –aech Jesús xanliajwa.

Dolisdo', Jesús taxthot wut panax, jawut chaxduton Judas Iscariote, japon Simón Iscariote paxulan.

²⁷ Do jawut, Judas panax, taxthosax, kefit wut, jawut Satanás low Judas pejmatpumatxot. Jawut Jesús jum-aech Judasliajwa:

–Isaxaelampox isde kamtalejen! –aech Jesús.

²⁸⁻³⁰ Jesús japox jum-aech wut, Judas kamta chijiapon xanalxot. Judas chijia wut, madoiliso.

Puexa xanal, naxaelaxpin, matabija-enil, ma-aech xot Jesús japox jum-aech Judasliajwa. Asew xanalxot nejchaxoel: “Jesús bej to'abej Judas wujsliajwa naxaeyaxan Pascuafiestaliajwa. Japoxa-el wut, Jesús bej to'abej Judas chaxduiliajwa plata jiw kejila” –aechi, nejchaxoel wut. Japox nejchaxoeli, kaen Judas platachoxa xalaeja xot puexa xanalliajwa.

Jesús waeltpx pajeltato'lax pejnachalaxot

(Jn 7.34; 15.12-17; 1 Jn 2.7; 3.23; 2 Jn 5)

³¹ Judas chijia wut, Jesús jum-aech xanalliajwa:

–Tajmatkoi pat. Amwut xamal taeyaxaelam tajpamamax xan, puexa jiw pakoewkolnanponapox. Xan isxpoxantat taeyaxaelambej taj-ax Dios, xabich mamnikpon.

³² Xan isxproxantat xamal taeyaxaelam taj-ax Dios, japon xabich mamnikpon. Dios isproxantatbej xamal taeyaxaelam, xan Dios paxulnan, xabich mamnixxonan. Dios japox isaxael kamtalejen.

³³ Tajnachala, xamalxotaxaelen kaehora sɯapichliajwa asbuan jumch. Xan ajinil wut, xamal nawulwekaxaelam. Me-ama judiospaklochow chajia jum-an: 'Xamal fulaeyaximil xan fulaeyaxaelen poxade' –anpox, japox amwutjel xamalbej jum-an.

³⁴ Pajeltato'lax namanaxael xamalxot naexasisfulaliajwam. ¡Nakaewa nanejxasinkde! Me-ama xan xamal nejxasinkax, ¡xamalbej ja-amsfulde nakaewaliajwa!

³⁵ Nakaewa nanejxasinkafulam wut, ja-amsfulam wut, potɯajɯchapijiw matabijaxael xamal tajnachalwampim –aech Jesús xanalliajwa.

*Pedro xanaliyaxaelpox Jesús pejnachalanpoxliajwa
(Mt 26.31-35; Mr 14.27-31; Lc 22.31-34)*

³⁶ Simón Pedro wɯajɯnachaemt wut, jum-aechon Jesúsliajwa:

–Tajpaklon, ¿ampoxaxaelamkat xam? –aech Pedro.

Jesús jumnot wut, jum-aechon:

–Xan fulaeyaxaelen poxade, xamfuk amwut fulaeyaximil. Pe baxael, fulaeyaxaelam –aech Jesús.

³⁷ Do jawut, Pedro jum-aech:

–Tajpaklon, ¿ma-aech xotkat amwut xam nakfulaeyaxinilfuk? Xan nejchaxoelx tɯpaliajwam xamliajwa –aech Pedro.

³⁸ Jesús jumnot wut, jum-aechon:

–¿Diachwɯajɯnakolaxkat xam nejchaxoelam tɯpaliajwam xanliajwa? Diachwɯajɯnakolax xan jum-an. Kawaema nejlaewɯajna, xan naxanaliyaxaelam tres veces. Jumchiyaxaelam: “Xan japon aton matabijs-enil” –chiyaxaelam xanliajwa –aech Jesús Pedroliajwa.

14

Jesús, me-ama nɯamtpox jiw pasliajwa Diosxotse

(Mt 7.7-11; 11.27; Lc 11.9-13; Jn 1.18; 6.46; 15.7, 16; 16.23-24; Hch 4.12; 1 Jn 3.21-22; 5.14-15)

¹ Jesús pejme jum-aech xanalliajwa: “¡Xamal xabich nabej nejchaxoele! ¡Dios xanaboejim! ¡Xan naxanaboejimbej, xan Dios paxulnan!

² Taj-ax Dios pejbaxot xabich batuchan jiw duilaliajwa. Ajil wut, xan japox jumchiyaxinil. Xanlap japoxaxoeyan xamal wɯajɯnachaemsliajwan, jaxotse nejmach pomatkoicha xamal duilaliajwam.

³ Toetx wut chaemsaxan, xan pejme kaxaxoekan xamal buflaeliajwanse. Samata, xamal xanxotaxaelam.

⁴ Xamal matabijam, xan fuloeyaxoeyan poxase, japot, nɯamt, pase xan dukx jaxotse” –aech Jesús xanal pejnachalwanliajwa.

⁵ Tomás jum-aech Jesúsliajwa:

–Tajpaklon, xanal matabija-enil, xam fulaeyaxaelam poxade. ¿Machiyaxaelenkat xanal japot nɯamt fulaeliajwan? –aech Tomás.

⁶ Jesús jumnot wut, jum-aechon:

–Xanlap kaenan, nɯamtan, jiw pasliajwa taj-ax Diosxotse, jaxotse japi jiw duilaliajwa. Jum-anbej diachwɯajɯnakolaxpox Diosliajwa. Xan kaenan xajɯpx kajachawaesliajwan jiw pomatkoicha duilaliajwa. Jiw pajut pijaxtat pasaxil taj-ax Diosxotse. Xan kaenan tajaxtatkal jiw pasaxael taj-ax Diosxotse, xan, me-ama nɯamtan wut, ja-an xot.

⁷ Xamal chiekal xan namatabijam wut, chiekal pamatabijaxaelambej taj-ax Dios. Xanlap Dios paxulnan. Amwutjel xamal matabijam taj-ax Dios. Ja-am wut, me-ama najut taj-ax Dios pataenam, xan chiekal namatabijam xot –aech Jesús Tomásliajwa.

⁸ Do jawut, Felipe jum-aech:

–Tajpaklon, jxanal natapaem nej-ax taeyax! Ja-am wut, xanal kaes asax wuljoeyaxinil –aech Felipe Jesúsliajwa.

⁹ Do jawut, Jesús jumnot wut, jum-aechon:

–Felipe, pin-iamatkoiyan xamalxotx. Pe nakiowa, chiekal namatabijs-emilfuk. Xan nataenpi, japi taenbej taj-ax Dios. Ja-aech wut, zma-aech xotkat xan nawuljowam taj-ax taeliajwam?

¹⁰ ¿Xamkat naexasis-emil taj-ax xanxotpox, xanbej taj-axxotaxpox? Xan kaenejchaxoelax, taj-ax suapich. Jum-an wut xamalliajwa japoxan, xan tajut tajaxtat jumchi-enil. Taj-ax, pijaxtat jum-ansfulax. Taj-ax xanxot dukpon, japon isful pejbichax xanxot.

¹¹ ¡Ampoxlap xamal chiekal naexasi'e! Xan taj-axxotx. Taj-axbej xanxot. Japox naexasis-emil wut, japox naexasi'e, xan koechaxan isfulax xot!

¹² Xan jum-an diachwujnakolax. Xan nanaexasiti, japibej isaxael koechaxan, me-ama xan. Do baxael, xan to'axaelen Espiritu Santo, taj-ax poxasax xot. Samata, xan nanaexasitpi kaes xabich koechaxan isaxael Espiritu Santo pijaxtat. Me-ama xan, jachiyaxili.

¹³⁻¹⁴ Puexa xan tajaxtat Dios wuljowam wut, xan japoxan isaxaelen, xamal matabijaliajwam, xan japoxan isx taj-ax Dios pijaxtat –aech Jesús Felipeliajwa.

Jesús jumdutpox to'aliajwa Espiritu Santo pejnachala poxasik

¹⁵ Jesús pejme jum-aech xanal pejnachalwanliajwa: “Xamal xan nanejxasinkam wut, jtajtato'lax chiekal naexasisfulde!

¹⁶ Xan taj-ax Dios wuljoeyaxaelen asan to'aliajwapon, japon xamal kajachawaesfulaliajwa. Samata, taj-ax Dios to'axoek Espiritu Santo. Japon asawul Kajachawaesan. Japon pomatkoicha xamalxotaliajwa.

¹⁷ Espiritu Santo diachwujnakolax jum-aech. Ampathatpijiw, xan nanaexasis-elpi, japi sitae-el Espiritu Santo, tae-el xoti, matabija-el xotbejpi. Pelax Espiritu Santo pomatkoicha xamal nejmatpuatanxotaxael kajachawaesfulaliajwa. Samata, chiekal matabijaxaelam Espiritu Santo.

¹⁸ “Xan amxot chijian wut taj-ax poxase, xamal tamach waelaxinil. Xan pejme kaxaxoekan xamal poxasik.

¹⁹ Kaesapich matkoiyan wut, ampathatpijiw pejme xan nataeyaxil. Xamallax pejme nataeyaxaelam. Xan tux wut, Dios namat-et wut, pejme dukaxaelen. Samata, asamatkoi xamal xan tajaxtat pomatkoicha duilaxaelam Diosxotse.

²⁰ Espiritu Santo pask wut xamalxot, xamal matabijaxaelam xan taj-ax Diosxotaxpox. Ja-aech wut, xamal chiekal matabijaxaelambej xanxotampox. Do jawut, xanbej xamalxotaxaelen.

²¹ Matabijapi tajtato'laxan, japoxan naexasit wutbejpi, diachwujnakolax japi jiw xan nanejxasink. Taj-ax Diosbej japi nejxasinkaxaes, xan nanejxasinkpi. Xanbej japi nejxasinkaxaelen. Ja-an wut, japi matabijaxael, achanan xan” –aech Jesús xanal pejnachalwanliajwa.

²² Asan Judas, japon Judas Iscariote-el. Japon wujnachaemt wut, jum-aechon Jesúsliajwa:

—Tajpaklon, ¿ma-aech xotkat xanalkal koewan amwut natapaeyaxaelam matabijaliajwan, achanamkat xam? ¿Ma-aech xotkatlax xam tapaeyaximil ampathatpijiwbej matabijaliajwa, achanam xam? —aech Judas Jesúsliajwa.

²³ Jesús jumnot wut, jum-aechon Judasliajwa:

—Xan nanejxasinkpi, japi naexasisfulaxael tajtato'lax. Ja-aech wut, japi nejxasinkaxaes taj-ax Dios. Xan, taj-ax Dios suapich, fulaeyaxaelen duilali-ajwan, japi suapich.

²⁴ Jiw nanejxasinka-el wut, japi naexasis-el tajtato'laxan, taj-naewuajnanaxanbej. Xan tajut tajaxtat naewuajna-enil. Japox taj-ax Dios pejnaewuajnanaxan, japon nato'apon ampathatasik —aech Jesús Judasliajwa.

²⁵ Do jawux, Jesús jum-aech xanal, pejnachalwanliajwa: “Amwutjel xamal japoxan jum-an, xamalxotx wutfuk.

²⁶ Pe Espíritu Santo xan tajaxtat taj-ax Dios to'axoek xamal nejmatpuatan poxasik, japon, Espíritu Santo, xamal chanaekabuanaaxael puexa Dios pi-jaxan. Kajachawaesfulaxaelbejpon nejchafaekaliajwam puexa chajia xan jum-anpoxan xamalliajwa.

²⁷ “Athu poxasax wut, xamal chiekal pachaemsfulaxaelam Diosliajwa. Samata, me-ama xan nejchachaemlax tajnejchaxoelaxtat, xamalbej jachisfulaxaelam. Me-ama ampathatpijiw, xan nanaexasis-elpi japi pejne-jchachaemlax, jachi-el tajnejchachaemlax. Samata, ¡xamal xabich nabej nejchaxoele'! ¡Xamal nabej nejlewlé' bej!

²⁸ Xamallis najumtaenam xan athu poxaxoeyanpox. Jumtaenambej pejme kaxaxoekapox xamalxotaliajwan. Taj-ax kaes pejme paklon. Me-ama xan jachi-elon. Diachwuajnakolax xamal xan nanejxasinkam wut, xamal nejchachaemlaxaelam xanliajwa, xan jum-an wut: ‘Xan taj-ax poxaxoeyan’ —an wut.

²⁹ Xan japox jum-an xamalliajwa. Do baxael, japox ja-aech wut, jawut xamal xan nanaexasisaxaelam, xan chajia jum-an xot.

³⁰ “Kaes piach naksiyaxinil xamalliajwa, fulaeyaxael xot Satanás, ampathatpijiw tato'lan. Pe Satanás xan natato'laxil.

³¹ Ampathatpijiw matabijaxael, taj-ax xabich xan nanejxasinkpox. Samata, xan isfulax taj-ax Dios nato'apoxan.

“¡Nanim! ¡Chijias amxot!” —aech Jesús xanal pejnachalwanliajwa.

15

*Jesús, me-ama uvanaech wut, ja-aechpox
(Jn 13.34; 15.17; 1 Jn 3.23; 2 Jn 5)*

¹ Do jawut, xanal namtat folx wut, Jesús jum-aech: “Xan, me-ama uvanaech wut, ja-an. Taj-ax, me-ama uvalul tataeflan wut, ja-aech.

² Uvanaedalan, naboes-elpi, tataefulpon japadalan pi'a pelsliajwa. Asadalan naboet wut, tataefulpon japadalan chiekal chaemsaxael, kaes pejme naboesliajwa. Xamal, me-ama japadalan wut, ja-am, tajjiwam xot, xan nanaexasitam xotbej.

³ Xamal naexasitam xan naewuajnanaxpoxan. Samata, amwutjel taj-ax Dios beltaen babijaxan isampoxanliajwa.

⁴ Ampathatatam wut, ¡xan naxanaboejafulde! Xanbej xamal chalafulaxaelen. Uvanaedalt tasiapchas wut, japadalt poklanaexota-el wut, uvadalt pajut tamach naboesaxil. Naboesliajwa wut, poklanaechantataxael. Xamalbej, me-ama japadalan wut, ¡ja-amde! ¡Isfulde pachaempoxan, xan naxanaboejam wut! Xan naxanaboeja-emil wut, isaximil pachaempoxan.

⁵ “Xan, me-ama uvanaech wut, ja-an. Xamal, me-ama japadalan wut, ja-am. Xamal xanxochfulam wut, isfulxaelam Dios nejxasinkpoxan. Me-ama uvanaedalan xabich naboesaxael, jachiyaxaelambej xamal. Xan naxanaboeja-emil wut kajachawaesliajwan, ja-am wut, xamal najut nijaxtat isaximil pachaempoxan.

⁶ Xan naxanaboeja-elpi, japi isaxil pachaempoxan. Me-ama padalan pi'aspi, jachiyaxaesbej japi jiw. Japadalan majow wut, nosaxaes jitat itowaliajwas jaxot jitat chiekal toejwaliajwaspi.

⁷ “Xan naxanaboejam wut, naexasisfulam wutbej xan naewuajnapoxan, ja-amsfulam wut, iwuljoesiampox taj-ax Dios, wuljoem! Japon japoxan xamal chaxduiyaxael, wuljowampoxan.

⁸ Isfulam wut pachaempoxan, Dios nejxasinkpoxan, ja-amsfulam wut, jiw matabijaxael diachwajnakolax xamal tajnachalwampim. Jasox ja-amsfulam wut, taj-ax sitaeyaxaes asew jiw.

⁹ Xamal nejxasinkax. Me-ama taj-ax xan nanejxasink wut, ja-an xan xamalliajwa. Samata, ixan naxanaboejim xamal nejxasinkaliajwan!

¹⁰ Xan naexasisfulax taj-ax tato'alpoxan. Samata, taj-ax xabich nanejxasinkaful. Xamalbej naexasisfulam wut xan tato'laxpoxan, ja-am wut, xamalbej nejxasinkafulaxaelen.

¹¹ “Xan ampoxan jum-an xamal nejchachaemlaliajwam. Me-ama xan nejchachaemlax xamalliajwa, xamalbej ja-amsfulde xanliajwa. Ja-amsfulam wut, kaematkoisful xabich nejchachaemlafulaxaelam.

¹² Japox jum-am wut, xamal to'ax nakaewa nanejxasinkaliajwam. Me-ama xamal nejxasinkax, iJa-amdebej xamal, nakaewa nanejxasinkam wut!

¹³ Nejxasinkpon pejnachala, pejnachala beyaxaes wut asew jiw, japon pejnachalaliajwa jumchiyaxael: ‘iTajnachala nabej nawebe!’ iXankal naboesim!’ –chiyaxaelon. Japon jasox jachiyaxael, kaes pachaempox isliajwa ajilxot pejnachalaliajwa.

¹⁴ Isfulam wut xan tato'laxpox, ja-am wut, itpaeyam xamal xan tajnachalwampimpox.

¹⁵ Samata, amwutjel xamal jumchiyaxinil: ‘Xamal tamakjiwam xanliajwa’ –chiyaxinil, xamal tajnachalwam xot. Pamak matabija-el pejpaklon puexa isaxaelpoxan. Pelax xamal tajnachalwam xot, naewuajnapuexa taj-ax Dios xan najum-aechpoxan.

¹⁶ Xamal nejchaxoelam wut, ichiekal nejchaxoelde, xamal makanotx xot! Xamal xan namakafis-emil. Samata, to'ax asapaklowaxanpijiw naewuajnafulaliajwam tajwajan, isfulaliajwambej pachaempoxan Diosliajwa. Japoxan isfulam wut, japox toepaxil. Ja-amsfulam wut, taj-ax Dios chaxdusaxael wuljowampoxan xan tajaxtat.

¹⁷ iXamal to'ax nakaewa nanejxasinkafulaliajwam!” –aech Jesús xanal pejnachalwanliajwa.

*Ampathatpijiw nejweslapox Jesús, japon pejnachalabej
(Mt 10.24; Lc 6.40; Jn 13.16; 17.14-18)*

¹⁸ Jesús pejme jum-aech xanalliajwa: “Ampathatpijiw, xan nanaexasis-elpi, japi xamal nejweslaxael. Ja-aech wut, xamal nejchaxoelaxaelam japi xan matxoela nanejweslapox.

¹⁹ Xamal ampathatpijwamkal wut, jiw nejweslaxil xamal. Japi nejxasinkaxael xamal. Me-ama pejjiw nejxasink wut, jachiyaxaeli xamalliajwa. Pe xamal makanotx, japixotam wut. Samata, ampathatpijiw nejwesla xamal, kaes japixota-emil xot.

²⁰ ¡Nejchaxoelde chajia jum-anpox, jum-an wut: ‘Pamakan kaes paklona-el. Me-ama pejpaklon, jachi-el pamakan’ –an wut! Xamalliajwa jachiyaxaelbej. Ampathatpijiw babijaxan is wut xanliajwa, japibej isaxael babijaxan xamalliajwa. Asew jiw lax naexasit wut tajnaewhajna x, ja-aech wut, xamal naewhajnapox japi naexasisaxaelbej.

²¹ Ampathatpijiw babijaxan isaxael xamalliajwa, tajnachalwam xot, japi matabija-el xot taj-ax Dios, xan nato'apon.

²² “Xan fulae-enil wut japi jiw naewhajnalijwan, ja-an wut, japi jiw bu'wajanjilaxael. Pe xan fulaenx wut, japi naewhajna xbej. Japi naexasis-el tajnaewhajna x. Samata, amwutjel jumchiyaxili: ‘Xan bu'wajanjinil’ –chiyaxili.

²³ Xan nanejweslapi, japi nejweslabej taj-ax Dios.

²⁴ Xan japixot koechaxan is-enil wut, japi jiw bu'wajanjilaxael. Pelis xan koechaxan isx japixot. Pe nakiowa, japi jiw xan nanejwesla. Nejweslabejpi taj-ax Dios.

²⁵ Chajia lelsprox jum-aech: ‘Masoxtat xan jiw nanejweslaxael’ –aechox. Samata, ampathatpijiw xan nanejwesla.

²⁶ “Xan Espiritu Santo to'axaelen xamal nejmatpuatanxotaliajwa. Japon asawul Kajachawaesan. Espiritu Santo jum-aech diachwajnakolaxproxkal. Espiritu Santo fuloek wut taj-axxotsik, jumchiyaxaelon pachaempoxan xanliajwa.

²⁷ Xan tudutx wut jiw naewhajna x, xamal xanxotam. Do jawux, hasta amwutjel, xan sapich, nanhamtam. Samata, xamalbej jumchiyaxaelam pachaempoxan xanliajwa” –aech Jesús xanal pejnachalwanliajwa.

16

Jesús pejnachala nabijasaxaelprox japon pijaxtat

¹ Jesús pejme jum-aech xanal pejnachalwanliajwa: “Xan jumchiyaxaelen ampoxan, xamal tajnachalwam xot, nabijatam wut kofasamatam xan nax-anaboejampox.

² Xan naexasis-elpi, japi xamal jukaxael judíos naewhajnabachanxot. Ja-aech wut, xamal tapaeyaxili pejme leliajwam. Japi ba wuti xamal, japi nejchaxoelaxael: ‘Xatis baes wut Jesús naexasiti, xatis isas Dios nejxasinkprox’ –chiyaxaeli, nejchaxoel wut.

³ Japi isaxael babijaxan xamalliajwa, matabija-el xoti taj-ax Dios, xanbej.

⁴ Japox xamal jum-an nejnejchaxoelaxan mamnikaliajwa. Japamatkoi pat wut xamalliajwa, xamal nejchaxoelaxaelam chajia jum-anpoxliajwa” –aech Jesús xanal pejnachalwanliajwa.

Espiritu Santo isfulpoxan ampathatat

Do pejme Jesús jum-aech xanal pejnachalwanliajwa: “Xamal majt ampox jumchi-enil, tajut chiekal xamalxotx xot.

⁵ Pe amwut, xan taj-ax Dios, xan nato'apon, poxaxoeyan. Pe kaen xamalxot chinax nawhajna chaemt wut, najumchi-el: ‘¿Xam ampoxaxaelamkat?’ –nachi-el.

⁶ Xamallax asbuan jumch nejchaemilam, japoxan jum-an wut.

⁷ Diachwajnakolax xan jum-an. Kaes pejme pachaem xamalliajwa xan taj-ax poxaliajwanse. Xan taj-ax poxa-enil wut, Kajachawaesan pasaxil xamalxotsik, japon kajachawaesliajwa xamal. Xanlax athu poxasax wut, ja-an wut, to'axoekan Kajachawaesan xamal nejmatpuatanxotaliajwa.

⁸ Espíritu Santo pask wut, ampathatpijiw chiekal pajut matabijaxael japi babijaxan ispoxanliajwa, pachaempoxanliajwabej. Espíritu Santo pijaxtat jiw matabijaxael Dios kastikaxaespo babijaxan ispi.

⁹ Espíritu Santo pijaxtatbej jiw matabijaxael japi babijaxan ispo, xan nanaexaxis-el xoti Dios bu'welija was.

¹⁰ Espíritu Santo pijaxtatbej jiw matabijaxael pachaempoxan isliajwa, xan taj-ax Dios poxaxoeyan xot. Xamal kaes nataeyaximil.

¹¹ Xan nanaexaxis-elpi, japi matabijaxael Espíritu Santo pijaxtat kastikaxaespo, babijaxan is xoti. Satanásbej, ampathatpijiw tato'lan, japon asamatkoi kastikaxaes.

¹² “Xan xabich kaes xamal jumchiliajwan. Pe xamal chiekal jummatbijaximil japoxan. Samata, kaes jumchiyaxinil amwutjel.

¹³ Pe Espíritu Santo fúloek wut, japon pijaxtat xamal chiekal matabijaxaelam puexa diachwajnakolaxpoxan. Pajut pijaxtat naksiyaxilon. Japon jumchiyaxael taj-ax Dios jum-aechpoxan, tajnaewajna xanbej. Jumchiyaxaelbejpon asamatkoi jachiyaxaelpoxan.

¹⁴ Espíritu Santo kajachawaesaxael jiw xan nasitaeliajwa. Japon puexa taen, xan isxpoxan. Jumtaenbejpon puexa tajnaewajna xan. Puexa japoxan xamal chiekal chanaekabanaxaelon.

¹⁵ Puexa taj-ax matabijtpoxan, japoxan xanbej matabijtax. Samata, jum-an: ‘Puexa matabijtaxpoxan, Espíritu Santobej japoxan matabijt. Do jawut, Espíritu Santo xamal charaeyaxael, japoxan chiekal matabijaliajwam’ —an xan.

¹⁶ “Kaematkoi wutlejen, pejme xan nataeyaximil. Do jawux, kaesapich matkoiyan wut xan pejme nataeyaxaelam” —aech Jesús xanal pejnachalwanliajwa.

Jiw nejxaejwaxaespi Jesúsliajwa, japi jiw pejme nejchachaemlaxaelpox (Mt 7.7-11; Stg 1.5-6)

¹⁷ Do jawut, xanal pejnachalwanpinxot, asew nakaewa najum-aech:

—¿Achax chiyaxaelkat Jesús jum-aech wut: ‘Kaematkoi wutlejen, kaes xan nataeyaximil. Do jawux, kaesapich matkoiyan wut, xan pejme nataeyaxaelam’ —aech wutkat Jesús? ¿Achax chiyaxaelkat japox, pajutliajwa najum-aech wuton: ‘Xan taj-ax Dios poxaxoeyan’ —aech wutkaton?

¹⁸ ¿Achax chiyaxaelkat, Jesús jum-aech wut: ‘Kaematkoi wutlejen’ —aech wutkat Jesús? Xanal chiekal matabija-enilfuk achaxliajwa Jesús naksiya —aech asew xanalxot.

¹⁹ Jesús matabijt asew xanalxot wajnaemlaxael. Samata, jum-aechon japiliajwa:

—Xamalliajwa chajia jum-an: “Kaematkoi wutlejen, kaes xan nataeyaximil. Do jawux, kaesapich matkoiyan wut, xan pejme nataeyaxaelam” —an wut, ¿ma-aech xotkat xamal nakaewa nawajnaemlaxael japoxliajwa?

²⁰ Diachwajnakolax xan jum-an. Xamal nejxaejwaxael, xan tux wut. Nawanoeyaxaelambej. Do jawut, ampathatpijiwlax, xan nanaexaxis-eli, japilax nejchachaemlaxael, xan tux wut. Diachwajnakolax xamal nejxaejwaxael xanliajwa. Pe nejnejxaejwax chalechkal toepaxael. Jawut nejchachaemilaxkal naliasaxael.

²¹ Pawis boejpuns wut naxawlaliajwa, wexaenkas. Jawut nabijatprow, wepach wut pejmatkoi. Pe paxuch nalaelt wut, japow nabijatprow, xaeyax, nejkiowprow. Japow chiekal nejchachaemil, paxuch nalaelt xot.

²² Xamal amwutjel ja-am, nejxaejow xot xanliajwa. Xamalfuk nejxaejwaxael ampamatkoiyantat. Pe pejme xamal taeyaxaelen wut, japamatkoiat pejme xamal nejchachaemlaxaelam. Asew jiw toesaxil nejnejchachaemlax.

²³ “Japamatkoitat kaes xan naw_hajnaemsa_ximil matabijaliajwam, Espiritu Santo pajut xamal chanaekab_hanaf_laxael xot. Diachw_hajnakolax xan j_hm-an. Taj-axbej chaxduiyaxael puexa xamal w_hljowampoxan xan tajaxtat.

²⁴ Hasta amw_htjel, xamal taj-ax Dios chinax w_hljoe-emil xan tajaxtat. Pe amw_htjel xan tajaxtat taj-ax Dios w_hljoeflaxaelam. Taj-ax Dios chaxduiyaxael xamal w_hljowampoxan xan tajaxtat. Ja-am w_ht, xabich nejchachaemlaxaelam nejnejchaxoelaxantat” —aech Jesús.

Jesucristo malechapox chaemilpoxan ampathatat
(Ro 8.37; 2 Co 2.14; Ap 3.21; 5.5)

²⁵ Jesús pejme j_hm-aech xanal pejnachalwanliajwa: “Me-ama majt w_hajantat j_hm-an xamal naew_hajna_x w_ht, jasoxtat pejme naew_hajna_xinil. Pe asamatkoi j_hmchiyaxaelen xabich tampoela-elaxtat taj-ax Diosliajwa.

²⁶⁻²⁷ Japamatkoitat xamal najut xan tajaxtat taj-ax Dios w_hljoeyaxaelam, kaw_hajnam w_ht wewe'ppoxanliajwa. Xamalliajwa xan wew_hljoeyaxinil taj-ax Dios, taj-ax tapaei xot xamal najut w_hljoeliajwam, nejxasink xoton. Taj-ax Dios nejxasink xamal, xan nanejxasinkam xot, naexasitam xotbej xan f_loekponanpox Diosxotsik.

²⁸ Xan f_loekx taj-axxot pasliajwan ampathatat. Amw_ht ath_h poxaxoeyan taj-ax poxase” —aech Jesús xanal, pejnachalwanliajwa.

²⁹ Do jaw_ht, xanal japon pejnachalwan j_hm-an:

—Amw_htjel xam j_hm-am chiekal tampapoxtat. Kaes naew_hajna-emil w_hajantat.

³⁰ Amw_htjel xanal matabijax xam puexa matabijtamponam. Xam chajia chiekal matabijtam xanal w_hajnaemsa_xianpoxan xam. Samata, chiekal xanal chanaekab_hanam w_ht, kaes nawewe'pa-el xam w_hajnaemsliajwan. Samatabej, xanal chiekal naexasitx xam Diosxotsik f_loemkponanpox —an xanal Jesúsliajwa.

³¹ Jesús j_hmnot w_ht, j_hm-aechon xanalliajwa:

—Xamal amw_htjel xan chiekal nanaexasitam.

³² Pelis tajhora nawepat. Amw_ht xamal nasalaxaelam nejlel, asew jiw babijax isaxael xot xanliajwa. Tamach nawaelsaxaelam, nejlewla xot. Pelax xan tamachaxinil, taj-ax nachala xot.

³³ Xan japoxan j_hm-an xamal nejlewlasamata, xamal xan naxanaboejam xot. Ampathatatam w_ht, nabijasaxaelam. Pe nabijatam w_ht, ¡xamal nabej nejlewle'! ¡Xanlis malechax chaemilpoxan ampathatat! —aech Jesús xanal pejnachalwanliajwa.

17

Jesús Dios kaw_hajanpox pejnachalaliajwa
(Jn 13.18)

¹ Jesús b_hxtoet w_ht j_hm-aechpox xanalliajwa, do jaw_ht, ath_h natachaemsepon. Pax Dios kaw_hajan w_ht, j_hm-aechon: “Ax, tajmatkoi nawepat. ¡Jiw itpaem xan mamnikaxponanpox, nax_hlnan xot! Ja-aech w_ht, xanbej itpaeyaxaelen xam xabich mamnikamponanpox.

² Xam natapaeyam puexa jiw tato'laliajwan. Samata, xan nax_hlnan kajachawaesaxaelen xan nanaexasiti, japi pomatkoicha duilaliajwa xamxotse.

³ Ax, xam kaenam Diosnam. Do kaes asan, Dios, chiekal jil. Xanbej Cristowan, xam nato'amponan ampathatasik. Jiw xatis naknaexasit w_ht, japi jiw duilaxael pomatkoicha xatisxotse.

4 “Toetx tajbichax, xam nato'amprox isliajwan. Jiw, ampathatpijiw, itpaeix xam xabich mamnikamponamprox, xam chiekal sitaeliajwapi.

5 Ax, chajiakolaxtat, ampathat ajil wutɸuk, jawut xanbej xamxotx. Jaxotse, xam sɸapich, puexa tato'lax xam nijaxtat. ¡Amwutjel pejme jasox isde xanliajwa, xamxotaxaelen wut!

6 “Ampathatpijiwxot, asew xam makanotam, japi jiw xan nanaexasisɸalaliajwa. Xan tajaxtat japi matabijafɸal, achanam xam. Majt japi jiw xam nejjiw. Pe amwutjel, japibej xan tajjiw. Japi jiw naexasisɸalbej nejamechan.

7 Japi jiw amwutjel matabija xam nijaxtat xan puexa isɸalaxprox.

8 Majt najɸm-amproxan, japoxan xan japi jiw naewɸajnaɸ. Amwutjel japi pajut matabijabej diachwɸajnakolax xan ɸuloekxpronan xamxotsik. Matabijabejpi xam nato'amponanprox.

9 “Xan nanaexasitpi, japi jiwliajwa xam kawɸajnaɸ. Xan kawɸajna-enil ampathatpijiwliajwa, japi xam naexasis-elɸiliajwa. Xanlax kawɸajnaɸ xam makanotampiliajwa, japi xan nanaexasisɸal, xam nejjiw xot.

10 Xan tajjiwpi, japibej puexa xam nejjiw. Puexa xam nejjiwpi, japibej xan tajjiw. Japi jiw isproxantat asew jiw, xan nanaexasis-elɸi, nasitaen.

11 “Xan kaes namanaxinil ampathatat, xam poxaxoeyan xot. Pelax tajjiw namaeyaxael ampathatat. Ax, pomatkoicha pachaemamponam, tajjiw chiekal nawetataeflaxaelam, asew jiw babijaxan isasamata japiliajwa. Xam kawɸajnaɸ japi nakaewaliajwa kaenejchaxoelaxliajwa. Me-ama xatis kaenejchaxoelax, japibej jachisɸalaliajwa.

12 Xan, japi sɸapich, dukx wut, chiekal tataeflax xam nijaxtat. Nawenafo'a-el, xan nanaexasiti xot. Kaenlax japixot nafa'a, ɸɸlaeyaxaelpon inferno proxade. Me-ama nejamechan chajia lelsprox ɸɸm-aech japonliajwa, japox ja-aechlisox.

13 “Amwut xam poxaxoeyan. Amprox xam ɸɸm-an, ampathatxotx wutɸuk, xan nanaexasitpi chiekal nejchachaemlaliajwapi, me-ama xan nejchachaemlax wut, jachiliajwapi.

14 Xan japi naewɸajnaɸ nejamechan. Samata, ampathatpijiw nejweslaspi, ampathatpijwa-el xoti. Xanbej ampathatpijna-enil.

15 Xan wɸljoe-enil xam jukaliajwam xan nanaexasiti ampathatxot. Xanlax wɸljowx japi nawetataeflaliajwam, Satanás naekichachajbasamatasbejpi.

16 Amwutjel japi ampathatpijwa-el. Me-ama xan ampathatpijna-enil, ja-aechbej japi.

17 ¡Kajachawaesɸalde isɸalaliajwapi xam nejxasinkamproxan, diachwɸajnakolaxproxan! Nejamechan diachwɸajnakolax.

18 Xan to'ax japi naewɸajnalialiajwapi ampathatpijiw, me-ama xam xan nato'am ampathatpijiw naewɸajnafɸalaliajwan.

19 Xan thiltax isɸalaliajwan xam nejxasinkamproxan. Japoxan xan isɸalax xan nanaexasitiliajwa. Do jawɸx, japi isɸalaxael xam nejxasinkamproxan. Jasox isɸal wut, isɸalaxael pachaemproxan, matabija xoti nejamechan, diachwɸajnakolaxprox.

20 “Xam kawɸajnaɸ wut, kawɸajna-enil xan nanaexasitɸikalliajwa. Kawɸajnaɸbej asew jiwliajwa, japi asamatkoi naexasisaxaelɸi tajwɸajan, naewɸajan wut xan nanaexasiti.

21 Ax, xam kawɸajnaɸ xan nanaexasitiliajwa, puexa japi kaenejchaxoelaxliajwa. Xatis kaeyax chiekal nejchaxoes. Kawɸajnaɸ japibej kaenejchaxoelaxliajwa, xatis sɸapich, ampathatpijiw matabijaliajwa xam nato'amponanprox ampathatasik.

²² Xan tajpamamax chaxdutex japi. Japox najup, me-ama xam nachaxdutampox. Jasox isx japi kaenejchaxoelaxliajwa. Me-ama xatis kaeyax chiekal nejchaxoes, japibej jachiliajwa.

²³ Do jawut, japi chalaxaelen, me-ama xam xan nachalam chiekal kaenejchaxoelaxliajwan, xam suapich. Do ja-aech wut, ampathatpijiw chiekal xan namatabijaxael xan nato'amponanpox. Do jawut, ampathatpijiw pajut matabijaxaelbejpi xam jiw nejxasinkampox, me-ama xan nanejxasinkam wut, ja-ampox jiwliajwa.

²⁴ “Ax, xan nejxasinkax jiw xanxotaliajwa, xam makanotampi xan nanaexasisliajwa. Nejxasinkaxbej puexa japi jiw matabijaliajwa xan xabich tajpamamaxpox, xam nachaxdutampox, xam chajia xan nanejxasinkam xot, that is-esal wutfuk.

²⁵ Ax, xam xabich pachaemam. Ampathatpijiw xam matabija-el. Pe xan matabijtax xam. Xan nanaexasiti matabija diachwajnakolax xan nato'amponanpox.

²⁶ Xan jum-an nanaexasitiliajwa, ma-am xam. Japoxlap jumchisfulaxaelen. Do ja-aech wut, japi jiw nakaewa nanejxasinkafulaxael. Me-ama xam xan nanejxasinkafulam wut, jachiyaxaelbej japi jiw. Xanbej pomatkoicha japixotaxaelen” —aech Jesús, pax Dios kawhajan wut.

18

Jesús jaeltaspox padaelmajiw

(Mt 26.39, 47-56; Mr 14.36, 43-50; Lc 22.42, 47-53)

¹ Jesús buxtoet wut pax Dios kawhajanpox, fulaech wuton, xanalbej, japon pejnachalwan, nakfulaechx. Minlajt putkalpox xenax. Japaminlajt, putkalpox, pawul Cedrón. Xenaxxot olivonaechan nuil. Olivonaechan nuilxot Jesús xanal nabupat.

² Judas, wiasaxaelpon Jesús padaelmajiwxot, japon chiekal matabijt xanal jaxotaxaelenpox, jaxot chajia Jesús pin-iaveces jinatameja xot, xanal suapich.

³ Samata, Judas kaemut soldaw bu'pa'an jaxot. Bu'pa'anbejpon Dios pejtemploba weti. Japi to'as sacerdotespaklochow, fariseosbej. Xafoli iwa, espadas, lanzasbej. Kelafolbejpi baenthnaechan, xape'asi naetat italiafaliajwa, fol xoti madoi. Kelafolbejpi lámparas.

⁴ Jesús chajia matabijt japonliajwa jachiyaxaespo. Samata, Jesús jaxot fulaech bu'kakulnaliajwapon fulaeni. Do jawut, jum-aechon japi jiwliajwa:

—¿Achankat xamal wulwekam? —aechon.

⁵ Kaen japixot jumnot wut, jum-aechon Jesúsliajwa:

—Xanal wulwekx Jesús, Nazaret paklowaxpijin —aechon.

Jesús jum-aech:

—Xanlap nawulwekamponan —aechon.

Judas, wiasaxaelpon Jesús, japixot nukon.

⁶ Jesús jum-aech wut: ‘Xanlap nawulwekamponan’ —aech wut, japi soldaw, asew jiwbej, chalechkal tukre'xalaenki. Jawut satat oeljabapi.

⁷ Jawut, Jesús pejme wujnachaemt wut, jum-aechon:

—¿Achankat xamal wulwekam? —aech Jesús.

Japi pejme jum-aech:

—Xanal wulwekx Jesús, Nazaret paklowaxpijin —aechi.

⁸ Jawut Jesús pejme jum-aech japiliajwa:

—Xan jum-an: ‘Xanlap nawulwekamponan’ —an xan. Xan nawulwekam wut, ampi, tajnachala, ichijiyax tapaem! —aech Jesús.

⁹ Japox ja-aechlisox, Jesús pajut jum-aechpox jachiliajwa: “Ax, nachaxdu-tampi, chinax kaen nawenafo'a-el” —aech Jesús, majt chajia kawhajjan wut pax Dios.

¹⁰ Do jawut, Simón Pedro chalechkal pej-espada kukchapon. Jawut kaen aton, cho'chikchapon, poklalel pejcho't. Japon pawal Malco. Japon nabist sacerdotespaklokolanliajwa.

¹¹ Do jawut, Jesús jum-aech Pedroliajwa:

—¡Nej-espada jemk ta-akadik! Diachwajnakolax xan jum-an. Xan nabijasaxaelen. Me-ama taj-ax Dios chajia jum-aech nabijasliajwan, japox ma amwut jachiyaxael —aech Jesús.

Jesús nukpox Anás pejwajnalel

(Mt 26.57-58; Mr 14.53-54; Lc 22.54; Jn 11.49-50)

¹² Do jawut, soldawcapitán, pejsoldaw suapich, malis Dios pejtemploba wetibej, japi judíospi, japi jaelt Jesús. Do jawut, Jesús muatat kus.

¹³ Matxoela bafleaehipon Anás pejba poxade. Japon Anás, Caifás pmax. Caifás sacerdotespaklokolan japawaestat. (Anásbej majt sacerdotespaklokolan asawaestat.)

¹⁴ Caifás chajia jum-aech judíospaklochowliajwa: “Kaes pejme pachaem, kaen aton tamach tupliajwa. Jasoxtat xabich jiw tupaxil” —aech Caifás, chajia jum-aech wut.

Pedro xanaliapox Jesús matabijtpoxliajwa

(Mt 26.69-70; Mr 14.66-68; Lc 22.55-57)

¹⁵ Jesús bu'fos wut, Simón Pedro wuchakal ataxach fol. Xan, tawulponan Juan, wuchakal ataxach folxbej. Sacerdotespaklokolan xan namatabijt. Samata, xan tamach lowx bafulmaktxot Jesús pejwuchakal.

¹⁶ Pe Pedro naman tathoetat, bafafaxot. Do jawut, xan kaxandax. Sacerdotespaklokolan xan namatabijt xot, bafafa wetpow kawhajjax, Pedrobej leliajwa.

¹⁷ Pedro bafulmaktxot low wut, japow wujnachaemtason. Japow jum-aech:

—¿Xamkatlap jaeltason pejnachalnam? —aechow.

Pedro jumnot wut, jum-aech:

—¡E! ¡Xan japon pejnachalna-enil! —aech Pedro.

¹⁸ Xabich thunk xot, Caifás pamak, Dios pejtemploba wetibej, jit itfoti. Jaxot japi jiw jit su'chanuil. Pedrobej jaxot jit naksu'chanuk.

Sacerdotespaklokolan xabich wujnachaemtpox Jesús

(Mt 26.59-66; Mr 14.55-64; Lc 22.66-71)

¹⁹ Do jawut, sacerdotespaklokolan tudutlison wujnachaemsliajwapon Jesús pejnachalapiliajwa, naewhajanpoxliajwabej.

²⁰ Japon baxtoet wut wujnachaemsax, Jesús jum-aech:

—Xan tulaela jum-an jiw pejwajnalel. Naewhajjaxbej judíos naewhajnachaxot, Dios pejtemplobaxotbej, judíos natameja wut. Xan maliach naewhajna-enil.

²¹ ¿Ma-aech xotkat nawhajnachaemtam japoxan? ¡Wujnachaemde najumtaenpi! Japi chiekal matabija xan jum-anpoxan. Japi jumchiyaxael, achax xan jum-an, jiw naewhajjax wut —aech Jesús sacerdotespaklokolanliajwa.

²² Jesús japox jum-aech wut, kaen Dios pejtemploba wetpon ke-etat xuselchapon Jesús. Do jawut, jum-aechon:

—¿Ma-aech xotkat xam japox jum-am sacerdotespaklokolanliajwa? —aechon, palala xot.

²³ Jesús jumnot wut, jum-aechon:

—Babejjamechan jum-an wut, inajum-amde, achaxkat chaemil xamliajwa! Xan jum-anpox diachwajnakolax wut, ¿ma-aech xotkat naxuselcham? —aech Jesús.

²⁴ Do jawut, japi wujnachaemsax buxtoet wut, Jesús kus wutfuk, Anás to'a soldaw Jesús buflaeliajwas Caifás poxade, jaxotde kaes pejme wujnachaemsliajwas Jesús, japon sacerdotespaklokolan xot.

Pedro pejme xanaliapox Jesúsliajwa

(Mt 26.71-75; Mr 14.69-72; Lc 22.58-62; Jn 3.14; 12.32)

²⁵ Pedro nakiowa jaxot jit naksu'chanuk. Jawut jaxot su'chanuili, japibej jum-aech Pedroliajwa:

—¿Xamkatlap jaeltaspon pejnachalnam? —aechi.

Pedro jumnot wut, jum-aechon:

—¡Xan jaeltaspon pejnachalna-enil! —aech Pedro.

²⁶ Sacerdotespaklokolan pamakan jaxot nuk. Japon cho'chikchaspon pejwul-aton. Japonbej wujnachaemt wut, jum-aechon Pedroliajwa:

—¿Xamkat bej taenxbej, nukam wut, Jesús suapich, olivonaechanxot? —aechon.

²⁷ Pedro pejme xanalia wut Jesúsliajwa, jawut kawaema nejla. Me-ama Jesús chajia jum-aech, ja-aechlisox.

Jesús nukpox Pilato pejwujnaje

(Mt 27.1-2, 11-14; Mr 15.1-5; Lc 23.1-5)

²⁸ Do kandiawasap wut, juimt jula-el wutfuk, judíos buflaeni Jesús Caifásxotdin, asaba poxade. Japaba, Pilato pejba, xabich pinaba. Japon gobernador Judea tuajnxot, to'as xoton Roma gobierno. Japabaxot pat wut, judíos le-el gobernador pejba, xaeyaxael xoti Pascuafiestanaxaeyax. Judíos leyaxael wut judíos-aton-el pejba, judíos xaeyaxil Pascuafiestanaxaeyax. Ja-aech judíos pejkabuanpox.

²⁹ Samata, Pilato nakolde pejbaxot nospaeliajwa, judíos suapich. Do jawut, jum-aechon japiliajwa:

—¿Achaxkat Jesús is xamal tasalaliajwam japon? —aech Pilato.

³⁰ Do jawut, judíos chiekal jumnos-el wut, jum-aechi asbuan jumch: — Japon aton babejna-el wut, xanal japon buflaeyaxinil xamlel —aech judíos Pilatoliajwa.

³¹ Do jawut, Pilato jum-aech judíosliajwa:

—¡Xamal najut japon aton buflaem kastikaliajwam, me-ama xamal nejkabuan! —aech Pilato judíosliajwa.

Judíos japox jumtaen wut, jum-aechi:

—Xam tapae-emil, xanal judíos tajut kastikaliajwan, boesaliajwanbej aton —aech judíos Pilatoliajwa.

³² Japox ja-aechlisox, me-ama Jesús chajia jum-aech, achaxtat tuxaxaelon.

³³ Do jawut, Pilato lechlison batuchade. Jawut jumxato'apon Jesús fulaeliajwa Pilatolel. Do jawut, Pilato jum-aech, Jesús wujnachaemt wut:

—¿Xamkatlap diachwajnakolax puexa judíos pejreynam? —aech Pilato Jesúsliajwa.

³⁴ Jesús jumnot wut, jum-aech:

—¿Xamkat najut nijaxtat japox xan nawujnachaemtam? O, ¿asew jiw jum-aech wut, jumtaenam xot, xan japox nawujnachaemtam? —aech Jesús Pilatoliajwa.

³⁵ Pilato jumnot wut, jum-aechon Jesúsliajwa:

—Xan judíos-atona-enil. Nejjiw, judíos, sacerdotepaklochowbej, japi xam buflaen xanlel jumchiliajwa xam nejbu'wujnamproxliajwa. ¿Achababijaxkat isam japi palalaliajwapi xamliajwa? —aech Pilato.

³⁶ Jesús jumnot wut, jum-aechon:

—Xan jiw tato'la-enil ampathatat. Xan jiw tato'lax wut ampathatat, tajjiw nabeyaxael judíospaklochow, pejjiw suapich, akanajaels xan nawias-elaliajwapi judíospaklochowxot. Xan jiw tato'la-enil ampathatat —aech Jesús Pilatoliajwa.

³⁷ Do jawut, Pilato pejme wujnachaemt wut, jum-aechon:

—¿Xamkatlap diachwujnakolax reyponam? —aech Pilato.

Jesús jumnot wut, jum-aechon:

—Diachwujnakolax, me-ama xam jum-am. Xanlap jiw reyponan. Samata, xan nalaeltax pawistat. Jasoxtat fuloekx ampathat poxasik jiw naewujnaliajwan diachwujnakolaxpox. Puxa jiw matabijasiapi diachwujnakolaxpox, japi jiw xan najumtaen. Japi jiwbej xan nanaexasit —aech Jesús.

³⁸ Do jawut, Pilato jum-aech:

—¿Achaxkat diachwujnakolaxpox? —aechon.

Pilato to'apox Jesús kematamatlaliajwas

(Mt 27.15-31; Mr 15.6-20; Lc 23.13-25)

Doliso', Pilato wujnachaemsax buxtoet wut, nakoldepon jumchiliajwa judíos. Do jawut, Pilato jum-aech judíosliajwa:

—Xan faena-enil babijax japon ispox. Kastikaxisalbejpon.

³⁹ Xamal nejkabuan. Pascuafiesta isam wut, xamal xan nawujjowam kaen aton jiw jebaxot jiaspon nakolsax tapaeliajwan. ¿Xamalkat nejxasinkam xan nakolsax tapaeliajwan jumtispon: 'Judíos pejrey' —tispon? —aech Pilato judíosliajwa.

⁴⁰ Judíospaklochow, a sew jiw suapichbej, pinjametat jum-aechfuli Pilatoliajwa:

—¡Japona-el! ¡Barrabás nakolsax tapaem! —aech xabich jiw.

Barrabás jiw jebaxot jias, kethakan xot. Japon majt nababej, Pilato pejsoldaw suapich.

19

¹ Do jawut, Pilato keto'a soldaw Jesús selsliajwas. Samata, jawut, Jesús buflaech wut, jaxotde Jesús seltas pakmuet kabuanchiyaxtat.

² Ketoech wut selsax, xakoeyapi na-e'lu Jesús matlua'sliajwas. Do jawut, matlua'tas wut, xajoelsbejpon, me-ama rey pijax, jasox. Japox chikjiana pasoeyaxlejen.

³ Do jawut, me-ama jiw tato'lan wut, ketispon. Japi soldaw ketaxaxaelali Jesús. Do jawut, moxdepi Jesúsxot. Jawut jum-aechi Jesús pejwujnalel:

—¡Moi, judíos pejrey! —aechi.

Jawut xuselbalas Jesús.

⁴ Pilato pejme nakolt pejbaxot. Do jawut, jum-aechon judíos pejwujnalel:

—¡Xan chiekal nanaewe'e! Jesús buflaenx xamal chiekal matabijaliajwam, chinax xan babijax faena-enil, japon ispox —aech Pilato.

⁵ Do jawut, Jesús xajoels pakchowax. Japox chikjiana pasoeyaxlejen. Xakoeyaspox, na-e'lu, matlua'tas Jesús. Jawut Pilato jum-aech:

—¡Taem! ¡Ama xamal tasalampon! —aechon judíosliajwa.

⁶ Do jawut, sacerdotepaklochow, Dios pejtemploba wetibej, Jesús taen wuti, nejlasful wut, jum-aechi Jesúsliajwa:

—¡Kematamatalde cruztat! ¡Kematamatalde cruztat tɔpaliajwa! —aechfuli.

Pe Pilato jum-aech:

—¡Xamal najut buflaem cruztat kematamatlaliajwam! Xan chinax faenaenil babijax japon ispoxan kematamatlaliajwan cruztat —aech Pilato japi jiwliajwa.

⁷ Judíospaklochow jumnot wɔt, jum-aechi Pilatoliajwa:

—Moisés chajia lelpox xanal naexaxisfulax. Japawɔajaxnot to'a, me-ama ampon aton, jason kastikaliajwas, boesaliajwasbejpon, japon pajut najum-aech xot: 'Xan Dios paxɔnan' —na-aech xoton —aech judíospaklochow Pilatoliajwa.

⁸ Pilato jumtaen wɔt japi jum-aechpox Jesúsliajwa, jawɔt kaes pejme pejlewlapon Jesúsliajwa.

⁹ Samata, pejme pejba lechon, Jesús sɔapich. Jaxotde pejme Pilato wɔajnaem wɔt, jum-aechon Jesúsliajwa:

—¿Amxotpijnamkat xam? —aech Pilato Jesúsliajwa.

Pilato japox wɔajnaem wɔt, Jesús kaes jumnos-el.

¹⁰ Do jawɔt, Pilato jum-aech:

—¿Xamkat kaes najumnosaximil wɔajnaemtaxpox? ¿Xamkat matabijs-emil xan xajɔpxox xam nakolsax tɔpaliajwan, o, to'aliajwanlax soldaw cruztat xam kematamatlaliajwa, tɔpaliajwambej? —aech Pilato.

¹¹ Do jawɔt, Jesús jumnot wɔt, jum-aechon Pilatoliajwa:

—Dios tapaei xam tato'laliajwam ampatɔajɔpijiw. Dios tapae-el wɔt jiw tato'laliajwam, xam najut nijaxtat ampatɔajɔpijiw tato'laximil. Aton nawiapton xamxot, japon aton kaes pejme pejbu'wɔajan Diosliajwa. Me-ama xam, jachiyaxilon —aech Jesús Pilatoliajwa.

¹² Do jawɔt, Pilato nakolsax tapaesiaapon Jesús. Pe judíos nejlasful wɔt, jum-aechfuli:

—Japon nakolsax tapaejam wɔt, xam kaenejchaxoelaxa-emil, nejrey sɔapich, dukpon Roma paklowaxxot. Nejmach-aton rey nadofasia wɔt, japon aton Roma tɔajɔpijiw tato'lan padaelmanaxael —aech judíos Pilatoliajwa.

¹³ Pilato, japox jumtaen wɔt, lapon soldaw, japi buflaeliajwa Jesús japonlel. Do jawɔt, Pilato ek pejtɔa-ekaxtat. Jaxot pawɔ Gabata hebreojametat. Japox jumchiliajwa: "Ia' dadapopox, me-ama pisolejen" —chiliajwa japox.

¹⁴ Kaematkoí we'pɔak Pascuafiestaliajwa. Matnoch juimt ek wɔt, Pilato jum-aech judíoslíajwa:

—¡Amponlap nejrey! —aech Pilato Jesúsliajwa.

¹⁵ Peliso', judíos nejlasful wɔt, jum-aechfuli:

—¡Kematamatalde cruztat tɔpaliajwa! —aechful, judíos nejlasful wɔt.

Pilato wɔajnaem wɔt, jum-aechon:

—¿Xamalkat nejxasinkam nejrey kematamatlaliajwas cruztat? —aech Pilato judíoslíajwa.

Sacerdotespaklochow jumnot wɔt, jum-aechi:

—¡Japon xanal tajreya-el! ¡Xanal kaen tajrey! ¡Japon Roma tɔajɔpijiw tato'lan! —aechi.

¹⁶ Do jawɔt, Pilato to'a soldaw Jesús buflaeliajwas, kematamatlaliajwas cruztat, tɔpaliajwabejpon. Do jawɔt, soldaw Jesús bu'fos kematamatlaliajwas cruztat.

*Jesús kematamatlaspox cruztat
(Mt 27.32-44; Mr 15.21-32; Lc 23.26-43)*

¹⁷ Do jawutbej, soldaw bu'follisi Jesús muax poxade. Japamuax pawul Matnaethitmuax. Jesús pajut xafol cruz. (Hebreojametat japamuaxliajwa jum-aechi: "Gólgota" –aechi.)

¹⁸ Japamuaxxot Jesús kematamatlas cruztat, kolenje kethakan suapich. Japi kaenanula kematamatlas pejcruztat. Jesús pejkolelelje chanuili.

¹⁹ Pilato to'a lelaliajwapi tawlaf chadusliajwa Jesús pejcruztat, jiw matabijaliajwa, ma-aech xot Jesús tɔpaxael cruztat. Samata, lespox jum-aech: "Jesús, Nazaret paklowaxpijin, japon judíos pejrey" –aechox.

²⁰ Jesús kematamatlasxot mox Jerusalén paklowax. Samata, xabich judíos xaljow pale, tawlaftat chaduchpox. Japatawlaftat lels tresjamechantat. Kaejame lels hebreojametat. Segundojame lels latínjemetat. Tercerojame lels griegojemetat.

²¹ Do jawut, sacerdotespaklochow fɔlaech Pilato poxade. Pat wuti Pilatoxot, jum-aechi nejthɔ'axtat:

–¿Ma-aech xotkat lelampox jum-aech: 'Judíos pejrey' –aechkatox, lelampox? ¡Japox chaku'e! ¡Asax lelde! ¡Nej jum-aechepox: 'Jiw naewuajan wut, jum-aechon pajutliajwa: "Xan judíos pejreynan" –aechon' –nej ja-aechel lelampox! –aech paklochow Pilatoliajwa.

²² Pilato jumnot wut, jum-aechon:

–Ma xan iketo'ax, do japoxtat leslisox –aech Pilato judióspaklochowliajwa.

²³ Jesús kematamatla-esal wutɔk, japi cuatro soldaw Jesús naxoeipoxan wejoltipon. Cruztat kematamatla wuti, Jesús naxoeipoxan japi soldaw not kaenanula xadadiajpaliajwa. Matxoelapijax, pakchowax, naxoeldikpox, japoxbej wefitipon. Japox popbu'kal, ithoe-esal, chiekal baelspoxkal.

²⁴ Soldaw nakaewa najum-aech japoxliajwa:

–¡Xatis ampox nabej thiasis! Nakakujsaxaes ia'xix matabijaliajwas, achan kanaxael japox –na-aechi nakaewa.

Do jawut, nakakujtlisi ia'xix. Islisi japox, me-ama Dios pejjamechan, chajia lespox, jum-aech Jesúsliajwa. Jum-aechox: "Diajkaxaeli xan naxoeipoxan nakaewaliajwa. Asbuɔan jumch nakakujsaxaeli matabijaliajwa, achan kanaxael matxoelapijax, naxoelax" –aech chajia lespox japoxliajwa.

²⁵ Jesús cruztat chanukxot, japon pen jaxot mox. Jaxotbej Jesús penow. Japow pawul María, Cleofas pijow. Jaxotbej asaow María. Japow Magdala paklowaxpijow.

²⁶ Jesús pen taen wut moxpox, xanbej, Jesús nanejxasinkponan, mox nukx japowxot. Jawut Jesús jum-aech penliajwa:

–En, amwutjel xamliajwa Juan, me-ama naxulan wut, ja-aechon –aech Jesús penliajwa.

²⁷ Jawut Jesús jum-aechbej xanliajwa:

–Juan, xam amwutjel taj-en, me-ama nej-en wut, ja-aechow. Samata, chiekal nawetataeflaxaelam –aech Jesús xanliajwa.

Japamatkoitat, Jesús tɔpaxwɔx, xan tajba poxadax wut, japow buflaechx tataeflaliajwan.

Jesús tɔppox cruztat

(Mt 27.45-56; Mr 15.33-41; Lc 23.44-49)

²⁸ Do jawut, Jesús matabijt puexa chiekal toepox japonliajwa, me-ama Dios pejjamechan, chajia lespox, jum-aech, jachiliajwapox. Jesús jum-aech:

–Xan minsila –aechon.

²⁹ Jaxot vino, xathunkpot, cha-ek jarrotat. Kaen aton esponja, paputhkax, xathot japavino poxadik. Xathot wut, esponja xakoeya nae-oefat Jesús

suiliajwa. Japanaeya pawul hisopo. Do jawut, xachosapon Jesús pejkaecha poxase.

³⁰ Do jawut, japox Jesús suw wut, vino, jum-aechon:

—Puexa, xan isxpoxan, toetx —aechon.

Jawut, Jesús natxatdik wut, tɔplison.

Soldawan pejlantat chenaxua'lapox patɔpan Jesús

³¹ Kaematkoi we'p wut Pascuafiestaliajwa, napatamatkoiyaxael xotbej, judiospaklochowliajwa wepachaema-esal Jesús kaes chanukaliajwa cruztat, asewbej. Japamatkoi, napatamatkoi, judíos kaes pejme sitaen, Pascuafiestamatkoiyaxael xot. Samata, jawut, chawɔajnachaemsmatkoi wut, judiospaklochow Pilato poxade wɔljoeliajwa, japon keto'aliajwa soldaw bejalbalaliajwas cruztat kematamatlaspi, kamta japi tɔpaliajwalejen, jawux kuiliajwas cruzxotsik, mɔthaliajwasbejpi.

³² Do jawut, Pilato to'a wut soldaw, japi fɔlaech kematamatlaspi poxade. Pat wuti jaxot, matxoelapijin bejalchapi, japon tɔpa-el xotfɔk. Asan, asalel chanukpon, bejalchasbej.

³³ Soldaw mox wut Jesúsxot, taeni Jesús tɔppox. Samata, Jesús bejalcha-esal.

³⁴ Do jawut, kaen soldawan Jesús chenaxua'la lanzatat, chiekal matabijsliajwa diachwɔajnakolax Jesús tɔp wut, o, ja-el wut. Jawut chalechkal jal nakola. Nakolabej min.

³⁵ Xan Juan lelx japoxan. Taenxpoxan diachwɔajnakolax. Samata, jum-an diachwɔajnakolaxpox, xamalbej chiekal naexasisliajwam xan jum-anpoxan Cristoliajwa.

³⁶ Japoxan ja-aech, me-ama Dios pejjamechan, chajia lelspxox, jum-aech japox jachiliajwa. Chajia jum-aechox: “Japon chinax kaethit wejalchaxisal” —aechox.

³⁷ Chajia asafut jum-aechbejpxox lelspxox: “Taeyaxaeli kaen aton, chenaxua'laspon” —aechox.

Patɔpan Jesús ochpox mɔaxwɔajtat (Mt 27.57-61; Mr 15.42-47; Lc 23.50-56)

³⁸ Jesús tɔp wut, José, Arimatea paklowaxpijin, fɔlaechon Pilato poxade. Pat wuton Pilatoxot, José kawɔajan Pilato, patɔpan Jesús xalaeliajwapon, osliajwabejpon mɔaxwɔajxot. Japon José maliach naexasit Jesús, pejlwla xoton judiospaklochowliajwa. Do jawut, Pilato najaw-aech José xalaeliajwa patɔpan Jesús. Samata, fɔlaechon patɔpan poxade.

³⁹ Nicodemo, japon majt fɔlaechpon madoi nospaeliajwa, Jesús sɔapich, japon xapat treinta kilos xabejasapan Jesús kematamatlasxot. Japasapan, tania las mirrasapan, áloebelenbej, patɔpan joelaliajwapoxan.

⁴⁰ Do jawutbej, José, Nicodemo sɔapich, chaxfoli patɔpan Jesús. Mamochbɔ'antat, pokchobɔ'an, matxakoeyapi patɔpan, xabejasapan joelapi patɔpan. Ja-aech, judíos is wut pejwɔajnapijiw pijax, patɔpan mɔthsliajwa wut.

⁴¹ Jesús cruztat kematamatlasxot, jaxot mox papijax, olivonaechan nuil. Jaxot pajelmɔaxwɔaj patɔpanliajwa. Chinax kaen patɔpan japawɔajtat osesalfɔk.

⁴² Japawɔaj mox. Samata, jaxot patɔpan Jesús oti, chawɔajnachaemsmatkoi xot, napatamatkoi judiosliajwa xabich mox pawɔajna xotbej.

20

Patupan Jesús mat-ech pejme dukaliajwa

(Mt 28.1-10; Mr 16.1-8; Lc 24.1-12)

¹ Napatamatkoi toep wut, kandiawasap, itkua'nik wutfuk, María, Magdala paklowaxpijow, fulaech patupan Jesús och poxade. Mox fol wut, taenow ia't, pinjit, fafaxot matariamnaspo. Japot, ia't, majt faka'ch, patupan Jesús ochxot.

² Samata, najaetow Simón Pedro poxade. Jawutbej xan, Jesús xabich nanejxasinkponan, Simón Pedroxotx. Xanalxot pat wut, nachapaei wut, najum-aechow:

—Wajpaklon juch, wujaxot ochpon. Xanal matabija-enil amxot pejme otipon —na-aechow, nachapaei wut.

³ Xanal japox jumtaenx wut, Pedro srapich, fulaechx patupan Jesús och poxade.

⁴ Xanal dukpax. Xan kaes tabisla. Samata, xan matxoela patx patupan Jesús ochxot.

⁵ Do jawut, najulchax wujfafaxot taeliajwan wujtu. Jaxot wujtutat taenx mamochbu'ankal, pokchobu'an. Pe xan le-enilde wujtu.

⁶ Pedro pat wut wuchakal, japonlax low wujtu. Jaxot Pedrobej taen mamochbu'ankal.

⁷ Jaxot taenbejpon asabu', Jesús matnaexakoeyasbu', papijaxtat okafulpo, xakoeyaspo.

⁸ Xan matxoelapatxponan, wuchakal lowx. Xanbej taenx mamochbu'ankal, oel wut. Japox taenx wut, xan naexasitx Jesús diachwujnakolax mat-echpox pejme dukaliajwa.

⁹ Japamatkoiyan xanal chiekal jummatatabija-enilfuk Dios pejjamechan, chajia lelsपो, jum-aech wut: “Mesías mat-esaxes pejme dukaliajwa” —aech wutox.

¹⁰ Do jawux, xanal nawiax bachade, Pedro srapich.

Jesús natulaeltpox María Magdalena paklowaxpijowxot

(Mr 16.9-11)

¹¹ Xanalwux María Magdala paklowaxpijow pat patupan Jesús ochwujaxot. Wujfafaxot japow now. Now wut, natachaemsepow wujtuchade.

¹² Jawut taenow kolenje Dios pej-ángeles. Japi naxoeipox xabich papoei. Chalaki patupan Jesús majt ochxot. Kaen ek matnaetlel. Asan ek thitlel.

¹³ Japow wujnachaemt wut Dios pej-ángeles, jumtispow:

—¿Ma-aech xotkat nowam? —tispow.

Japow jumnot wut, jum-aechow:

—Tajpaklon, patupan, amxot och. Pe a sew jiw juchpon. Matabijs-enil amxot pejme otipon —aechow Dios pej-ángelesliajwa.

¹⁴ Japox jum-aech wut, natfo'cha wut, taenow kaen aton. Pe matabijs-elow japon Jesúsपो.

¹⁵ Do jawut, japon wujnachaemt wut, jum-aechon japowliajwa:

—¿Ma-aech xotkat xam nowam? ¿Achanat wulwekam? —aechon japowliajwa.

Japow nejchaxoel: “Ampon olivonaechan tataeflan” —aechow, nejchaxoel wut. Samata, jum-aechow:

—Patupan Jesús xam jutam wut, inajum-amde amxot otampon, xan japox-aliajwan patupan wulwekaliajwan! —aechow.

¹⁶ Do jawut, japon jum-aech:

—¡María! —aechon.

Japow natfo'cha japonlel. Do jawut, japow chiekal matabijt japon Jesúspon. Do jawut, brixtat nukjaba wut, jum-aechow hebreojametata:

—¡Rabuni! —aechow pejjametata. (Japajame jumchiliajwa: “Jiw chanaekabuanan” —chiliajwapox.)

¹⁷ Jesús pejme jum-aech:

—¡Nakikofde nathitakuktampox! Xanfuk taj-ax poxa-enilse. ¡Xabua'de taj-nachala poxade! ¡Japi jum-amo ampox: ‘Xan waj-ax Dios poxaxoeyan’ —amo japi, charaeyam wut! —aech Jesús Maríaliajwa.

¹⁸ Do jawux, María, Magdala paklowaxpijow, fulaen xanallel, Jesús pejnachalwan poxadin. Pat wutow xanalxot, najum-aechow: “¡Xan wajpaklon taenx! ¡Japon pejme duk!” —aechow. Nachapaeibepow Jesús baxto'aspox.

Jesús natulaelt pox pejnachalaxot

(Mt 28.16-20; Mr 16.14-18; Lc 24.36-49)

¹⁹ Do madoi wut, japamatkoi, dominko wut, xanal, Jesús pejnachalwan, natamejlax batutat. Bafafachan chiekal xatbe'ax, tajlewla xot judíospaklochowliajwa. Jawut chalechkal Jesús natulaelt batutat. Nuk wut xanal tajwujnalel, jum-aechon:

—Xan patx. ¡Puexa nej pachaema xamalxot! —aech Jesús.

²⁰ Japox jum-aech wut, xanal na-itpaeipon pejke-e kematamatlaspoخان, chenaxua'laspoخbej. Jawut xanal xabich nejchachaemlax, pejme taenx wut wajpaklon Jesús.

²¹ Jesús pejme xanal najum-aech:

—¡Puexa nej pachaema xamalxot! Me-ama taj-ax nato'a ampathatasik, xamalbej to'axaelen asew jiw naewujnalialjwam —aech Jesús xanal pejnachalwanliajwa.

²² Do jawut, xanallel ful wut, jum-aechon:

—Espíritu Santo amwutjel xamalxot.

²³ Xamal jiw beltaenam wut, babijaxan ispi, japi kofa xot babijaxan ispoخان, ja-am wut, Diosbej beltaeyaxael japi jiw. Xamal beltae-emil wut jiw babijaxan ispi, japi kofa-el xot, ja-am wut, Diosbej beltaeyaxil japi jiw —aech Jesús xanal pejnachalwanliajwa.

Tomás taenpox Jesús, japon mat-echpon pejme dukaliajwa

²⁴ Tomás xanalxotpijin, Jesús pejnachalan. Japontat puexa xanal dosan. Japon Tomás asawul Na-o'an. Jesús natulaelt wut xanalxot, jawut Tomás xanalxota-el.

²⁵ Do baxael, Tomás xanalxot wut, xanal jum-an Tomásliajwa:

—¡Xanal taenx wajpaklon Jesús! —an xanal Tomásliajwa.

Pe japon Tomás xanal najumnnot wut, jum-aechon:

—Xan tajut tae-enil wut wajelan, kematamatlaspoخان, xan naexaxisaxinil xamal. Naexaxisaxinilbej, tajut tae-enil wut chenaxua'laspoخ. Xan xadonasian tajkothiyatat japon pejke-ewajelan. Jachasianbej tajke-etat japon chenaxua'laspoخ —aech jumch Tomás, asax paei wut.

²⁶ Do jawux, ocho matkoiyan xent wut, xanal, Jesús pejnachalwan, pejme natamejlax batutat. Bafafachan chiekal xatbe'ax. Jawut Tomás xanalxot. Do jawut, chalechkal Jesús natulaelt xanalxot batutatan wut. Nuk wut xanal tajwujnalel, jum-aechon:

—Xan patx. ¡Puexa nej pachaema xamalxot! —aech Jesús.

²⁷ Do jawut, Jesús jum-aech Tomásliajwa:

—Tomás, ¡taem tajke-e! ¡Xadonde nejkothiyatat! ¡Xabua'din jachaliajwam nachenaxua'lapox! ¡Nabej jum-aече': ‘Xan naexaxisaxinil, tajut tae-enil

wut Jesús mat-echpox, pejme duk wutlison' —nabej aeche'! ¡Nanaexasi'e xan namat-etxponanpox, pejme dukxponanpoxbej! —aech Jesús Tomásliajwa.

²⁸ Do jawut, Tomás nejth'axtat jum-aechon:

—¡Xam tajpaklonam, tajDiosnambej! —aech Tomás Jesúsliajwa.

²⁹ Jesús jum-aech Tomásliajwa:

—Xamlis chiekal xan nanaexasitam, najut chiekal nataenam xot. Asew jiw xan nanaexaxisaxael natae-elaxtat. Japibej xabich nejchachaemlaxael —aech Jesús Tomásliajwa.

Ma-aech xot ampox pelfut lels

³⁰ Xanal, Jesús pejnachalwan, taenx, Jesús xabich kaes koechaxan is wut. Ampapelfutat puexa japoxan lela-enil.

³¹ Xan lelx koechaxanliajwa xamal chiekal matabijaliajwam, naexaxisliajwambej Jesucristo, Dios to'aspon, japon Dios paxulan. Xamal japon naexaxisfulam wut, pomatkoicha duilaxaelam Diosxotse.

21

Jesús natulaeltpox siete pejnachalaxot

(Lc 5.5-6)

¹ Do jawux, Jesús natulaelt wut Jerusalén paklowaxxot, pejme natulaelton, xanal Galilea pukaxotan wut. Japaruka asawul, Tiberias puka. Amwut japoxliajwa jumchiyaxaelen, ma-aech, Jesús natulaelt wut xanal pejnachalwanxot.

² Jesús natulaelt wut sietepinxot, kaen xanalxot pawul Simón Pedro. Asan pawul Tomás. Japon asawul Na-o'an. Asan pawul Natanael. Japon Caná paklowaxpijin Galilea tujajuxot. Asan pawul Santiago. Japon xan takoewan. Xan, tawulpon Juan, jawut japixotanbej. Xanal kolenan Zebedeo paxin. Kaes asew kolenjebej jaxot. Japibej Jesús pejnachala.

³ Natamejlax wut, Jesús natulaels-el wutfuk xanalxot, Simón Pedro xanal najum-aech:

—Xan nabaxisaxaelen —na-aechon.

Xanal jum-an:

—Bajal. Xanalbej fulaeyaxaelen —an xanal.

Do jawut, falkam pajulx. Nabaxitx wut, japamadoitat, chinaxkatdo' kaen baxin xawaeslax chiekal pama-an.

⁴ Nalian wut, Jesús natulaelt pukabab'at. Pelax xanal, japon pejnachalwan, matabija-enil, achan japon.

⁵ Jesús pinjаметat xanal nawujajnaemt wut, jum-aechon:

—¡Moi! ¿Massapichkat xamal baxi xawawaelam? —aechon.

Xanal jumnotx wut, jum-an:

—Ajil. Chinax kaen baxin xawaes-enil —an xanal.

⁶ Jesús xanal najum-aech:

—¡Chinchorro fo'amik falkam poklalel! Jaxot baxi xawawaelaxaelam —aech Jesús.

Jawut xanal ow-an. Jasox isx. Do jawut, chinchorro jusliajwan wut osliajwan falkamtat, xajupa-enil, chinchorro xabich chadewnik xot, baxi wulak xotbej.

⁷ Xan, xabich Jesús nanejxasinkponan, jum-an Pedroliajwa:

—¡Japon wajpaklon! —an xan.

Simón Pedro xan jum-anpox jumtaen wut, jawut sumta-otox naxoelchapon, jolt xoton nabaxisliajwa. Do jawut, Pedro naxoelcha wut, diwk minadik. Joechlison Jesús poxade.

⁸ Xanal, Jesús pejnachalwan, namaxpin falkamtat, w_uchakal chapatx thaejtade, xabich xot baxi chinchorrotat. Pukapamakt pasliajwan xabich at_uajael. Me-ama cien metros.

⁹ Xanal chapatx w_ut, nanax falkamtat. Jaw_ut taenxbej jit, baxin ok w_ut jitmatw_uajtat, chabochpon. Okbej pan.

¹⁰ Do jaw_ut, Jesús xanal naj_um-aech:

—¡Xalaemen kaes_uapich baxi, xawawaelampi, chabowaliajwam! —aechon.

¹¹ Do jaw_ut, Simón Pedro falkam juldik baxi chadado'naliajwa chinchorrotat, thaejtat jusliajwapon. Japachinchorro xabich baxi, pinan_ul, w_ul_uk. Japi baxi ciento cincuenta y tres. Baxi pin-iat w_ut, chinchorro nakiowa liks-esal.

¹² Do jaw_ut, Jesús j_um-aech xanalliajwa:

—¡Xab_ua't, kandiawasappijax xaeliajwam! —aech Jesús xanalliajwa.

Chinax kaen xanalxot paw_uajnachaems-enil, achankat japon, xanal tajut chiekal matabijax xot japon wajpaklonpox.

¹³ Do jaw_ut, Jesús mox soepan xanallel. Jaw_ut fiton pan xanal nachaxduiliajwa. Ja-aechbejpon baxin chabochponliajwa.

¹⁴ Jesús natulaelt w_ut xanalxot, japoxtat tres veces natulaelton xanal pejnachalwanxot, pejpat_upaxw_ux, pejmat-esaxw_uxbej.

Jesús nospaeipox, Simón Pedro s_uapich

¹⁵ Xanal kaechatoelx w_ut, Jesús w_uajnachaemt w_ut Simón Pedro, j_um-aechon Simón Pedroliajwa:

—Simón, Jonás pax_ulan, ¿xamkat xan kaes nanejxasinkam? Me-ama tajnachala asew nejxasinkam w_ut ¿jachi-emilkat xam xanliajwa? —aech Jesús.

Pedro j_umnot w_ut, j_um-aechon:

—Diasdo', tajpaklon. Xam chiekal matabijtam xam nejxasinkaxpox —aechon.

Jesús pejme j_um-aech Pedroliajwa:

—Jelxan nanaexasiti, ¡japi chiekal xam nawetatae_ufulde! Me-ama ovejas tataeflan chiekal tatae_uful pejew corderos, ¡xambej ja-amde jelxan nanaexasitiliajwa! —aech Jesús Pedroliajwa.

¹⁶ Do pejme Jesús w_uajnachaemt w_ut, j_um-aechon Pedroliajwa:

—Simón, Jonás pax_ulan, ¿xamkat xan kaes pejme nanejxasinkam? —aech Jesús Pedroliajwa.

Pedro pejme j_umnot w_ut, j_um-aechon:

—Diasdo', tajpaklon. Xam chiekal matabijtam xam nejxasinkaxpox —aech Pedro Jesúsliajwa.

Jesús pejme j_um-aech Pedroliajwa:

—¡Chiekal nawetatae_ufulde jelxan nanaexasiti! Me-ama ovejas tataeflan chiekal tatae_uflaf_ul pejew ovejas, ¡xambej ja-amde jelxan nanaexasitiliajwa! —aech Jesús Pedroliajwa.

¹⁷ Do pejme kaes Jesús w_uajnachaemt w_ut, j_um-aechon Pedroliajwa:

—Simón, Jonás pax_ulan, ¿xamkat xan nanejxasinkam? —aech Jesús.

Do jaw_ut, Jesús kaes w_uajnachaemt xot, j_um-aech xoton: “¿Xamkat nanejxasinkam?” —aech xot Jesús Pedroliajwa, Pedro j_umnot w_ut, j_um-aechon:

—Tajpaklon, xam puexa chiekal matabijtam. Matabijtambej xam nejxasinkaxpox —aech Pedro Jesúsliajwa.

Do jaw_ut, Jesús j_um-aech Pedroliajwa:

—¡Chiekal nawetatae_ufulde jelxan nanaexasiti! Me-ama ovejas tataeflan chiekal tatae_uflaf_ul pejew ovejas, ¡xambej ja-amde jelxan nanaexasitiliajwa!

¹⁸ Diachw_uajnakolax j_um-an. Xam pansianam w_ut, najut naxoelam. Ma f_ulaesiam poxade f_ulaemch. Pe pati'nam w_ut, asamatkoi

m̄axxachosaxaelam asew jiw xam xajoelaliajwa. Do jawut, xam b̄flaeyaxaeli nejxasinka-emil poxade —aech Jesús Pedroliajwa.

¹⁹ Japox Jesús chajia jum-aech matabijsliajwa, achaxtat Pedro t̄paxael, Cristo naexasit xoton. Do jawut, Jesús pejme jum-aech Pedroliajwa:

—¡Xan nakf̄laem! —aech Jesús Pedroliajwa.

*Pedro w̄ajnachaeṁtpox Juanliajwa
(Jn 13.25)*

²⁰ Do jawut, Jesús, Pedro s̄apich, laelp wut, Pedro kaxadik w̄ltataek wut, xan nataenpon, w̄chakal laejax wut. Jesús kaes xan nanejxasinkpronan. Jesús xanal nab̄'xael wut Pascuafiestanaxaeyax, jawut xan mox ekx Jesúsxot. Xan japon w̄ajnachaeṁtax wut, jum-an: “Tajpaklon, ¿achankat xam wiasaxael nadaelmajiwxot?” —an xan japamadoitat.

²¹ Do jawut, Pedro xan nataen wut, jawut w̄ajnachaeṁton Jesús. Jum-aechon xanliajwa:

—Tajpaklon, ¿machiyaxaeskatlax Juan asamatkoi? —aech Pedro Jesúsliajwa.

²² Jesús jumnot wut, jum-aechon:

—Xan nejxasinkax wut japon ampathatat laejaliajwa, hasta xan paskax wut pejme, ¡xam nabej nejchaxoele' japoxliajwa! ¡Xamlax pomatkoicha xan nanaexasisf̄alde! —aech Jesús Pedroliajwa.

²³ Samata, asew jiw, Jesús naexasiti, nakaewa najum-aech xanliajwa: “Juan t̄paxil” —na-aechf̄al jiw nakaewa. Pe Jesús japox jum-aech wut, jumchi-elon xan t̄paxinilpoxliajwa. Jesúslix jum-aech xanliajwa: “Xan nejxasinkax wut japon ampathatat laejaliajwa, hasta xan paskax wut pejme, ¡xam nabej nejchaxoele' japoxliajwa!” —aech Jesús Pedroliajwa.

²⁴ Xan, Juan, tajut taenxroxan, tajut jumtaenaxbej, japoxan ampapelf̄utat lel̄x. Xan chiekal matabijtax puexa japoxan diachw̄ajnakolax.

²⁵ Jesús ampathatat wut, xabich asaxan pachaempoxan ispon. Puexa japoxan kaenan̄la lel̄ax toetx wut, xabichaxael japapel-ufan. Samata, japapel-ufan bej xaj̄paxilbej ampathatat.

Apóstoles isful Jesús to'aspox

Jesús chajia jumdutpox pasliajwa Espiritu Santo

¹⁻² Xan Lucas, lelx ampapelfut xamliajwa, Teófilo, xabich sitaenxponam. Asafut chajia xato'ax xamliajwa, matxoelalelxfut. Japafutat lelx Jesús is-poxan, naewhajnafulpoxanbej, tñadut wuton isfulpoxan. Hasta Jesús bñ'fos wut athñ poxase, do jawut, kekoftax lelxpoxan japon isfulpoxanliajwa, naewhajnafulpoxanliajwabej. Chajia xato'ax japafut xamliajwa. Jesús Dios bñflae-esal wutfuk athñ poxase, Jesús pej-apóstoles, japi makanotpipon, japi to'as Espiritu Santo pijaxtat naewhajnafulaliajwa Cristo pejwñajan potñajñcha.

³ Jesús tñp wut, mat-ech wut pejme dukaliajwa, jawut kamtalejen natulaelaful apóstolesxot. Samata, japi apóstoles chiekal matabija diachwñajnakolax Jesús mat-echpox pejme dukaliajwa. Jesús cuarenta matkoian natulaelaful apóstolesxot. Jesús naewhajnaful Dios puexa pejiw tato'laxaelpoxliajwa.

⁴ Bñflae-esal wutfukon athñ poxase, Jerusalén paklowaxxot wutfukon, apóstoles sñapich, jawut jum-aechon: “Xan xamalxota-enil wut, ñnabej pankole'fuk ampapaklowaxxot! ¡Wñajñawe'e Espiritu Santo pasliajwa xamalxotsik! Taj-ax Dios japox chajia jumdut xamalliajwa. Xanbej chajia japox jum-an xamalliajwa.

⁵ Diachwñajnakolax Juan jiw bautisa mintat. Kaematkoian sñapich wut, Espiritu Santo pasaxael xamalxotsik. Ja-aech wut, Dios xamal bautisaxael Espiritu Santotat” —aech Jesús apóstolesliajwa.

Jesús bñ'fospox athñ poxase

⁶ Apóstoles natameja wut, Jesús sñapich, jawut japi wñajñachaemt wut, jum-aechi Jesúsliajwa:

—Paklon, ¿xamkat amwut tato'laxaelam xanalkal, judíos? Me-ama wajwñajñapijin, rey David, Israel tñajñapijiwkal tato'al, ¿xamkatlap-is jachiyaxaelam ma amwut? —aech apóstoles Jesúsliajwa.

⁷ Jesús jumnot wut, jum-aechon:

—Kaen, taj-ax Dios, matabijt maswut japox jachiyaxael. Dios tapae-el xamal matabijaliajwam. Kaen, taj-ax Dios, jumchiyaxael, maswut japox jachiyaxael.

⁸ Pe Espiritu Santo pask wut xamalxotsik, ja-aech wut, Espiritu Santo pejpmamaxtat xamal naewhajnafulaxaelam tajwñajan potñajñachañpijiw. Naewhajnafulaxaelam Jerusalén paklowaxpijiw, Judea tñajñapijiwbej, Samaria tñajñapijiwbej. Atñaj asatñajñachañpijiwbej naewhajnafulaxaelam tajwñajan —aech Jesús apóstolesliajwa.

⁹ Jesús japox jum-aech wutfuk, apóstoles natachaema wutbej, Jesús bñ'fos athñ poxase. Jesús itloejentutat wut, apóstoles kaes tae-elisi Jesús.

¹⁰ Apóstoles fulnatachaema wutfuk, jawut kolenje Dios pej-ángeles chalechkal natulaelba apóstolesxot. Japi pejnaxoe xabich papoei.

¹¹ Do jawut, jum-aechi apóstolesliajwa:

—Xamal Galilea tñajñapijwam, ¿ma-aech xotkat xamal natachaemanuilam? Japon Jesús pajut pejme asamatkoi xamalxotaxael. Me-ama amwutjel bñ'foson, pejme jachiyaxaeson asamatkoi, pasliajwa wut ampathatasik —aech ángeles apóstolesliajwa.

Apóstoles makafitpox Matías, apóstolliajwapon

12 Jesús athu poxase bu'fos wut olivonaechan nuilxot, apóstoles japamuxxot kaxa nawen Jerusalén paklowax poxadin. Japanuamt, me-ama kolekilómetros. Napatamatkoi wut, judíos tapaeis jaskilómetros fulaelajwa.

13 Jerusalén paklowaxxot apóstoles pat wut, lowpi ba. Do jawut, athu julachi batu poxase, japi moejt poxase. Japi apóstoles kaenanula pejwulan. Kaen pawul Pedro. Asan pawul Juan. Asan pawul Santiago. Asan pawul Andrés. Asan pawul Felipe. Asan pawul Tomás. Asan pawul Bartolomé. Asan pawul Mateo. Asan pawul Santiago. Japon Alfeo paxulan. Asan pawul Simón. Japon majt asamutpijin, celotemutpijin. Asan pawul Judas. Japon Santiago paxulan.

14 Dios kawuajnalajwa wut, apóstoles natameja, Jesús pakoew suapich, Jesús penbej, pawulpow María, asew watho'bej. Japi kaenejchaxoelax Dios kawuajnalajwa.

15 Japamatkoiyan kaeyaxtat natameja wut Jesucristo naexasitpikal, puexa japi cientoveinte jiw. Do jawut, Pedro nant wut naksiyalajwa, jum-aechon japilajwa:

16 “Takoew, me-ama rey David chajia lel Espíritu Santo pijaxtat Judas isaxaelpoxliajwa, japox islison. Judas asew jiw bu'fol Jesús jaelsliajwas.

17 Judas majt Jesús pejnachalan, xanal suapich. Nabistbejpon Dios pejbichax.

18 (Judas babijax is wut Jesúsliajwa, mochpon. Japaplatatat wuajton sat. Do jawut, pajut nakaechariamake't wut, diwkon. Jawut japamuxat dukjklison. Jasoxtat Judas pajut nakijt. Do jawux, Judas patupan jop wut, woejxalika wut, woej-wnakolsebejpon.

19 Jerusalén paklowaxpijiw japox wultaena wut, japasat wulduwlisipox Acéldamawultat. Japi pejjamet, hebreojamet, japawul jumchilajwa: ‘Jal-sat’ —chilajwa.)

20 Salmosfutat chajia jum-aechbej Judasliajwa: ‘Pejba chajiwlabá wulxael. Chinax kaen aton dukaxil japabaxot’ —aech Salmosfutat, chajia jum-aech wut Judasliajwa. Salmosfutat kaes jum-aechbej Judasliajwa: ‘Asan nalixsaxael japon pejbichax’ —aech Salmosfutat —aech Pedro jiw natamejapilajwa, cientoveinte jiwliajwa.

21 Pedro pejme jum-aech jiw natamejapilajwa: “Asew xatisxot, pajut chiekal taeni Jesús ispoxan, pomatkoicha xanalxot wuton.

22 Japi xatis nakchala, Jesús bautisas wut Juan. Hasta Jesús athu poxase julach wutbej, japi nakiowa nakchalaful. Japixot, kaen xatis makafisaxaes, japon jiw naewuajnalajwa, xanal suapich, Jesús tux wut mat-echpoxliajwa” —aech Pedro jiw natamejapilajwa.

23 Do jawut, japixot kolenje makafich. Kaen pawul Matías. Asan treswulje. Kaewul pawulon José. Asawul pawulon Barsabás. Taxdukapejwul pawulon Justo.

24-25 Japi kolenjexot kaen makafisasiapi chiekal kaes pachaempon apóstollajwa. Samata, apóstoles Dios kawuajan japi chiekal matabilajwa, achan japi kolenjexot makafisaxaes apóstollajwa. Dios kawuajan wut, jum-aechi: “Wajpaklon Dios, xam matabijtam puexa jiw pejnechaxoelaxan. ¡Xanal na-itpaem, mason japi kolenjexot makafisaxaelam apóstollajwa, Judas nafa'a xoton babijax isaxtat! Samata, Judas pejlel chijia. Fulaechon kana poxade” —aechi, Dios kawuajan wut.

26 Do jawut, nakakujtlisi ia'xi jasi, chiekal matabilajwa, achan makafisaxaes apóstollajwa. Ja-aech wut, matabijapi Matías makafichpox. Majt once apóstoles. Amwutjel japontat japi puexa pejme doce apóstoles.

2

Espíritu Santo paskpox Jesucristo pejwñajan naexasitixot

- ¹ Pentecostésfiesta wut, kaeyaxtat natameja Jesucristo pejwñajan naexasiti.
- ² Do jawut, chalechkal xabich jumsenk athusik, me-ama pinajoewa wut, jathia-aechsikox. Puexa japabatatpi thiataen.
- ³ Me-ama jitkaech-ia'an, jasi, natulaelba kaenanula jiw pejta'tabijla.
- ⁴ Puexa jiw, jaxoti, xabich kajachawaech Espíritu Santo. Samata, jawut asajamechan naksiyax tuaduwpí. Majt matabija-eljamechan naksiyaliajwa, japi jiw chalechkal naksiya Espíritu Santo pijaxtat.
- ⁵ Japamatkoïyan wut, xabich judíos pat Jerusalén paklowaxxot Pentecostésfiesta taeliajwa. Japi xabich atñajpijiw, asatñajñuchanpijiw. Japi, atñajpijiw, xabich naexasisasiapi Dios. Matabijasiabejpi Dios pejjamechan.
- ⁶ Japi, atñajpijiw, thiatafol nejmetpox. Japox nejmet Jesucristo pejwñajan naexasiti natamejaxot. Dolisi jaxot japi natamejal. Jumtaenbejpi, kaenanula naexasiti Jesucristo pejwñajan naksiya wut majt naksiya-eljamechan. Thiatapatpi chiekal jumtaen, wenaksiyas xot japi pejjamechan. Samata, japi xabich nejchaxoel japoxliajwa.
- ⁷ Xabich natachaemapi, jumtaen wut, asew jiw wenaksiyas wut japi pejjamechan. Samata, nakaewa najum-aechi:
—Puexa ampi jiw Galilea tuajñapijiwkal.
- ⁸ ¿Ma-aech xotkat japi jiw matabija naksiyaliajwa wajjamechan? Japi majt matabija-el wajjamechan naksiyaliajwa.
- ⁹ Kaenanula xatis asatñajñuchanpijwas. Xatisxot asew Partia tuajñapijiw, asew Media tuajñapijiw, asew Elam tuajñapijiw, asew Mesopotamia tuajñapijiw, asew Judea tuajñapijiw, asew Capadocia tuajñapijiw, asew Ponto tuajñapijiw, asew Asia tuajñapijiw. Japi jiw puexa fulaen asatñajñuchanxot.
- ¹⁰ Xatisxotbej asew Frigia tuajñapijiw, asew Panfilia tuajñapijiw, asew Egipto tuajñapijiw, asew Libia tuajñapijiw, mox duili Cirene paklowaxxot. Asew jiw xatisxot fulaen Roma paklowaxxot.
- ¹¹ Roma paklowaxlel pa'ani, japixot asew judíoskola. Asew japixot judíos nadofapi. Xatisxot asew jiw fulaenbej Creta tanaetxot. Asew jiw xatisxot fulaenbej Arabia tuajñuxot. Puexa ampabat natamejapi, naksiya wut Dios isproxanliajwa, puexa xatis chiekal jumtaens, japi naksiya xot wajjamekolaxan —na-aechi nakaewa thiatapatpi.
- ¹² Japi jiw puexa xabich natachaema. Matabija-elbejpi, achax nejchaxoelaxaeli. Samata, nakaewa nawñajnachaemt wut, jum-aechi:
—¿Puexa ampoxan achax chiyaxaelkat? —na-aechi nakaewa.
- ¹³ Asew japixot bu'wñajanpaei wut, jum-aechi ampox:
—¡Ampi jiw saxa saxtas! —aechi Jesucristo pejwñajan naexasitiliajwa, asajamechan naksiya xoti.

Pedro naewñajanpox thiatapatiliajwa

- ¹⁴ Jesucristo pejwñajan naexasiti jumtis wuti japox, do jawut, Pedro nant, once apóstoles suapich. Jawut pinjametat jum-aechon thiatapatiliajwa: “Xamal judíos fulaemanpi asatñajñuchanel, ¡xan chiekal nanaewe'e! Xamal Jerusalén paklowaxpijwam, ¡chiekal nanaewe'ebej! ¡Chiekal najumtaem xamal jumchiyaxaelenpox!
- ¹⁵ Ampí jiw asajamechan naksiyapi, naksiyapi Espíritu Santo pijaxtat. Ampí jiw saxs-esal. Xamal nejmach jum-am ampiliajwa. Juimtlis atñajsan. Jas-is juimt, ekan wut, jiw fe-el saxan saxsliajwas.
- ¹⁶ ¡El! Profeta, pawulpon Joel, japon chajia lel Dios chajia jum-aechpox, Espíritu Santo pasaxoekpox.

- 17 Dios chajia jum-aech: 'Cristo ampathatat wut, xan to'axaelen Espiritu Santo jiw kajachawaesliajwas. Jawut naxi, poejiw, watho'bej, jiw naewhajnaexael xan baxto'axpoxan. Poejiw, pansiachow, masoxtat taeyaxael xan itpaeyaxaelenpoxan. Me-ama xamoejt wut, taen, jachiyaxaeli. Poejiw, pakdiachowbej, moejt wut, taeyaxael xan itpaeyaxaelenpoxan, diachwajnakolaxpoxan.
- 18 Japamatkoiyantat puexa tajjiw, xan nanaexasiti, poejiw, watho'bej, to'axoekan taj-Espiritu Santo japi pejmatpumatxotaliajwa. Do jawux, japi naewhajnaexael xan baxto'axpoxan.
- 19 Thatbaxoxot koechaxan isaxaelen puexa jiw taeliajwa. Japoxan jiw taen wut, natachaemanuilaxaeli. Ampathatxot xabichaxael jal. Xabichaxaelbej jit, itnumbej.
- 20 Juimt, matkoiipijin, itkumatnikaxael. Juimt, madoipijin, pasoenaxaelbej. Me-ama jal wut, jachiyaxael juimt, madoipijin. Japamatkoiyan japoxan majt jachiyaxael, mox rawhajna wut paklokolan pejme pasliajwa. Jawut puexa jiw matabijaxael paklokolan diachwajnakolax xabich mamnikaxponan.
- 21 Puexa jiw wuljow wut paklokolan pijaxtat, japi jiw bu'weyaxaes' —aech Dios jum-aechpox profeta Joel lelfutat" —aech Pedro thiatapatiliajwa.
- 22 Thiatapatixot, a sew Judea tujupijiw. Japiliajwa Pedro jum-aech: "Xamal israelitas, xan chiekal nanaewe'e jumchiyaxaelenpox! Jesús Nazaretpijin xanalxot wut, japon xabich koechaxan is Dios pijaxtat. Ja-aech wut, xanal chiekal matabijtax japon Dios to'asponpox.
- 23 Do jawux, Jesús wiach xamalxot. Do jawutbej, xamal japon wiatam asajiw babejchowxot cruztat kematamatlaliajwas. Dios chajia matabijt paxulanliajwa jachiyaxaespo. Samata, japox jatis japonliajwa.
- 24 Do jawutbej, diachwajnakolax Jesús chiekal tuj. Pe Dios mat-et Jesús pejme dukaliajwa. Ja-aech wut, Jesús malecha-esal patupax.
- 25 Rey David chajia lel wut, lel on asamatkoi jachiyaxaespo Jesúsliajwa: 'Tajpaklon jumchiyaxael: "Xan tajDios taenx. TajDios pomatkoicha xanxot. TajDios xan nachala. Samata, tajlewla-el.
- 26-27 Dios tamach nawaelsaxil muxwujaxot. Tapaeyaxilbejpon tajbu't xoepaliajwa, Dios naexaxisfulax xot. Samata, jajuiflaxaelen, nejchachaemlaxaelen xot. Nejmamachaxaelenbej, Dios natataeflaxot.
- 28 Dios na-itpaeyaxael, machiyaxaelen dukaliajwan pomatkoicha, isfulaliajwanbej Dios nejxasinkpoxan. Xan xabich nejchachaemlaxaelen, Dios xanxot wut" —chiyaxael tajpaklon' —aech rey David lel xot chajiakolaxtat Jesús jumchiyaxaelpox" —aech Pedro Judea tujnupijiwliajwa.
- 29 Pedro pejme jum-aech Judea tujnupijiwliajwa: "Takoew, diachwajnakolax xamal jumchiyaxaelen wajwujnapijin Davidliajwa, chajiakolaxtat jiw tato'lanliajwa. Rey David tuj. Japon muthtas. Xatis chiekal matabijas amxot muthtason.
- 30 Rey David, japonbej profeta. Japon jiw naewhajan Dios baxto'aspoxan. David diachwajnakolax matabijt Dios jumduchpox, chajia jumis wuton: 'Kaen namon puexa judíos tato'laxael' —tis wut David Jesúsliajwa.
- 31 David chajia matabijt Dios pijaxtat Cristo tujaxaelpox. Matabijtbejpon Cristo mat-esaxaespo pejme dukaliajwa. Do jawut, jum-aechbejpon: 'Cristo tuj wut, kaweta namanaxil muxwujaxtat. Pejbu't jaxot kaweta xoepaxilbej' —aech David.

³² Samata, Jesús tɔp wɔt, Dios mat-echpon pejme dukaliajwa. Japox diachwɔajnakolax. Puexa xanal chiekal taenx, Jesús pejme duk wɔt.

³³ Bɔ'fos wɔton athɔ poxase tato'laliajwapon jiw, pax Dios sɔapich, jaxotse pax Dios Jesús chaxduch Espírítu Santo. Me-ama chajia jɔmduch, jatis japox Jesús. Do jawɔx, Jesús to'ak Espírítu Santo xanalxotsik, xanal tajmatpɔatanxotaliajwa. Xamal amxot taenamprox, jɔmtaenamproxbej, japox Espírítu Santo pijax.

³⁴ Jesús bɔ'fos wɔt athɔ poxase, David tae-el, japon chajia wɔajna tɔp xot. Pe David jɔm-aech, Dios pijaxtat matabijt xoton Díos jɔm-aechprox Jesúsliajwa: 'Dios jɔm-aech tajpaklokolan Cristoliajwa: "¡Ekde tajpoklalel jiw tato'laliajwam, xan sɔapich!

³⁵ Ekam wɔt, xan malechaxaelen nadaelmajiw. Xan malechax wɔt nadaelmajiw, japi jiw xam naexasisfulaxael, tato'lam wɔt" —aech Dios Cristoliajwa' —aech David, chajia jɔm-aech wɔt.

³⁶ "Tajjiw, xan nejxasinkax xamal chiekal matabijaliajwam amprox. Xamal kematamatlam Jesús tɔpaliajwa cruztat. Pepon, amwɔtjel, Dios wɔlduws paklokolan. Wɔlduwsbejpon Cristo, Dios to'aspon xatis nakbɔ'welialjwa" —aech Pedro Judea tɔajnpɔijiwliajwa.

³⁷ Thiatapati jɔmtaen wɔti Pedro jɔm-aechprox, japi xabich nejchaemil. Samata, Pedro wɔajnachaehtas, asew apóstoles sɔapichbej:

—Takoew, ¿machiyaxaelenkat xanal tajbabijaxan isproxanliajwa? —aechi Pedroliajwa.

³⁸ Pedro jɔmnot wɔt, jɔm-aechon Judea tɔajnpɔijiwliajwa:

—¡Kofim babijaxan isamproxan! ¡Isde Dios nejxasinkproxan! Xamal kaenanɔla ja-am wɔt, Dios beltaeyaxael babijaxan isamproxanliajwa. Ja-aech wɔt, bautisaxaelam Jesucristo pijaxtat, chiekal naexasitam xot. Ja-aech wɔt, Dios to'axoek Espírítu Santo xamal nejmatpɔatanxotaliajwasik.

³⁹ Dios chajia jɔmdut Espírítu Santo to'aliajwasik xamal nejmatpɔatanxotaliajwa, naxixotaliajwabej, asatɔajnpɔijiwliajwabej. Dios makanochpi, puexa japi jiw Dios pejjiwaxael. Espírítu Santo japi pejmatpɔatanxotaxael —aech Pedro Judea tɔajnpɔijiwliajwa.

⁴⁰ Pedro xabich naksiya wɔt japiliajwa, chiekal naewɔajanbejpon. Naewɔajan wɔt, jɔm-aechon:

—Xamal nadiajim jiw babejchowxot napelsasamatam, japi sɔapich! —aech Pedro.

⁴¹ Do jawɔt, japi jiw naexasiti Pedro jɔm-aechprox. Japi jiw bautisasbej. Japamatkoi xabich jiw naexasit Jesucristo pejwɔajan. Japi jiw, me-ama tres mil.

⁴² Japi puexa chiekal naexasisful apóstoles naewɔajanproxan. Pejewpi kajachawaeti kaes wewe'paspiliajwa. Do jawɔt, japi puexa chiekal duillisi. Natamejafuli kaeyaxtat, Dios kawɔajnalialjwa wɔt, xaelialjwa wɔtbejpi.

Ma-aechprox jiw, matxoela naexasiti Jesucristo pejwɔajan

⁴³ Apóstoles Dios pijaxtat xabich koexaxan isful. Japoxan taen wɔt, puexa jiw xabich nejchaxoelanuil.

⁴⁴ Naexasiti Jesucristo pejwɔajan chiekal kaenejchaxoelaxpi. Samata, chiekal duili. Japi pejew wɔt, nakaewa nakewawaeti. Me-ama kaenanɔla puexa pejewkola wɔt, ja-aechi pejewliajwa.

⁴⁵ Jesús pejwɔajan naexasiti mowapi pejewkola kajachawaesliajwa asew jiw, xabich kejilpi. Pejsat wɔt, o, pejew wɔt, mowapi. Moch wɔt, japaplatatat kajachawaeti kejila.

⁴⁶ Pomatkoicha Dios pejtemplobatat natameja naexasiti Jesucristo pejwujajan. Japi nakaewa natadut xaeliajwa pejbachantat. Pomatkoicha ja-aech naexasiti Jesús pejwujajan, xabich nejchachaemil xoti. Nejchaxoela-eli asax.

⁴⁷ Pomatkoicha Dios kawujajan wut, jum-aechi: “Xam xabich pachaemam” –aechi Diosliajwa. Puexa paklowaxpijiw, asey jiw suapich, wunaksiyas wut Jesucristo pejwujajan naexasiti, wunaksiyaspi chimiajamechantat. Kaematkoisful, asey jiw, jaxoti, naexasit Jesucristo pejwujajan Dios bu'welijaawas. Japibej kofa babijaxan ispoxan. Do jawux, japibej naknatameja, asey Jesucristo pejwujajan naexasiti suapich.

3

Nabejkan boejthaspox

¹ Kaliax wutlejen, judíos Dios jikawujajan Dios pejtemplobatat. Asamatkoi, kaliax wut, Pedro, Juan suapich, Dios pejtemploba poxade Dios kawujajnalijwapi.

² Jaxotde, Dios pejtemplobaxot, kaen nabejkan, laejaxilon, wujajna ek. Japon nabejkax chanlaelt. Pomatkoicha pejjiw buflalaenas wut, esnadoftas templobafafaxot, pawuxot Hermosafafa. Jaxot waljoeflon plata, jiw lalenapi.

³ Pedro, Juan suapich, Dios pejtemploba low wut, japi taen nabejkan. Do jawut, japon nabejkan waljowpon plata.

⁴ Pedro, Juan suapich, japi natachaema nabejkan. Do jawut, Pedro jum-aech:

—¡Xanal chiekal natachaemde! —aechon nabejkanliajwa.

⁵ Japon nabejkan chiekal naewekcha. Do jawut, nejchaxoelon: “Plata bej nachaxdusaxaelbejpi” —aechon, nejchaxoel wut.

⁶ Pe Pedro jum-aech nabejkanliajwa:

—Xanal plata kejinil. Pe asaxtat xam kajachawaesaxaelen. Jesucristo, Nazaret paklowaxpijin pijaxtat, xam kajachawaesaxaelen laejaliajwam. ¡Nande! Nantam wut, ¡laejim! —aech Pedro.

⁷ Pedro japox jum-aech wut, pejpoklake-elel makafiton nabejkan, nansax kajachawaesliajwa. Do jawut, nabejkan nant wut, pejtukaan, pejtukwasibej, chiekal wepachaemlison.

⁸ Do jawut, nabejkan nancha wut, diawjalapon. Jawut laejax tudutlison jaxot. Jawut, Pedro, Juan suapich, Dios pejtemploba leliajwa wut, boejthalspon naklow. Dadiwjelison, laeja wut. Jum-aechfulbejpon Diosliajwa: “Dios, xam xabich pachaemam, naboejthutam xot” —aechfullison.

⁹ Do jawut, puexa jiw taenslison, laeja wut. Jumentaenbejpi, japon jum-aechful wut Diosliajwa.

¹⁰ Japi matabija, japon ek wut Dios pejtemplobafafaxot, pawuxot Hermosa. Pomatkoicha jaxot plata waljowpon jiw lalenapi. Samata, jiw xabich natachaemanuil, taen wuti japon chiekal laejapox.

Pedro naewujajanpox jiw Dios pejtemplobatat

¹¹ Japon, majt nabejkpon, laejalison, Pedro suapich, Juan suapichbej, Dios pejtemplobatat. Japalel pawul Pórtico de Salomón. Nadiajna-ellison japixot. Xabich jiw dadukpaxtat papat, japon taeliajwapi. Xabich nejchaxoelanuili.

¹² Pedro japox taen wut, jum-aechon: “Tajjiw, ¿ma-aech xotkat xamal nejchaxoelanuilam? Xamal bej nejchaxoelambej xanalliajwa: ‘Japi pajut

nabejkan boejthut. O, japi Dios kajachawaech, xabich pachaem xoti Diosliajwa' —ambej xamal, nejchaxoelam wut. Xanal tajut tajaxtat ampon boejthus-enil.

¹³ Wajwujnapijiw, japi Abraham, Isaac, Jacobbej, japi pejDios xabich sitaen paxulan Jesús. Pe xamal wiatam paklochowxot japon boesaliajwas. Xamal nejwesla Jesús, Pilato pejbatat wut. Pilato tapaesia wut Jesús nakolsliajwa, xamalliajwa japox pachaema-el.

¹⁴ Pilato wuljoe-emil Jesús nakolsax tapaeliajwas, japon xabich pachaempon, chinax babijax is-elpon. Xamallax asbuan jumch wuljowam nakolsax tapaeliajwas babejen, jiw ben.

¹⁵ Dios to'aspon xatis nakkajachawaesliajwa pomatkoicha chiekal duilaliajwas, japon xamal tapaeyamlax boesaliajwas. Pe boesas wuton, Dios mat-echpon pejme dukaliajwa. Jesús mat-ech wut, xanal tajut chiekal taenx, japon pejme duk wut. Japox xanal chapaeix xamal.

¹⁶ Ampon aton, majt nabejk, xamal chiekal matabijampon, majt xanal nejchaxoelx japon atonliajwa: 'Diachwujnakolax Jesús boejthusaxaeson' —an xanal, nejchaxoelx wut. Samata, chiekal boejthulson, me-ama xamal taenam" —aech Pedro japi jiwliajwa.

¹⁷ Dolisdo', Pedro pejme jum-aech: "Takoew, xan matabijtax xamal isampox, nejpaklochow supich. Xamal tapaeyam wut Jesús kematamatlaliajwas cruztat, japox xamal isam, chiekal matabija-emil wut.

¹⁸ Jesús cruztat kematamatlas wut, patlisox, me-ama profetas chajia jum-aech Dios pijaxtat: 'Dios to'axoek paxulan ampathatasik boesaliajwas, japon jiw bu'weliajwa' —aech profetas.

¹⁹ Samata, ikofim babijaxan isampoxan! ¡Dios xanaboejim, me-ama japon nejaxasink xamal isliajwam! Ja-am wut, Dios pelsaxael kaelel babijaxan isampoxan. Do jawux, Dios kajachawaesaxael xamal chiekal nejchachaemlaliajwam.

²⁰ Asamatkoi Dios pejme to'axoek paxulan ampathatasik, japon pawul Jesús. Dios chajia makafit japon Mesíasliajwa xamalliajwa.

²¹ Jesús ekfak Diosxotse. Jachisfulaxaelon. Do baxael, Dios puexa chiekal chaemt wut pothata, Jesús pejme pasaxoek. Japoxliajwa chajia jum-aech Dios pejprofetas, japi wajwujnapijiw.

²² Moisés chajia jum-aech Jesúsliajwa wajwujnapijiw jumtaeliajwa. Jum-aechon: 'Me-ama xan Dios nato'a profetaliajwan, Cristobej profetaxael. Dios makafisaxaeson profetaliajwa xamalxot. Naexaxisaxaelam japon puexa jumchiyaxaelpoxan.

²³ Puexa naexaxis-elpi japon profeta jum-aechpoxan, japi jiw chiekal toesaxaes Dios' —aech chajia Moisés Jesúsliajwa" —aech Pedro japi jiwliajwa.

²⁴ Pedro pejme jum-aech: "Profeta Samuel chajia jum-aechpox, japox patlisox ampamatkoiyantat. Samuelwux, puexa profetas, wuchakalpijiw, kaenanula jum-aechbej ampamatkoiyanliajwa.

²⁵ Dios chajia jumdutpoxan japi jiwliajwa, japoxan Dios chaxdusaxael xamal. Dios chajia jum-aech Abrahamliajwa: 'Kaen namon pijaxtat puexa ampathatpijiw kajachawaesaxaelen' —aech Dios Abrahamliajwa.

²⁶ Samata, Dios paxulan tux wut, Dios mat-et japon pejme dukaliajwa. Do jawux, matxoela to'apon xamal poxade japon xamal kajachawaesliajwa. Samata, Jesús xamal kajachawaesasia kofaliajwam babijaxan isampoxan, isliajwam Dios nejaxasinkpoxan" —aech Pedro jiwliajwa Dios pejtemplobatat.

Pedro, Juan s̄apich, paklochow pejw̄ajnalel nuilpox

¹ Pedro, Juan s̄apich, jum-aech w̄ut̄fuk jiwliajwa Dios pejtemplobaxot, jaw̄ut Dios pejtemploba wetipaklon, sacerdotes s̄apich, saduceos s̄apichbej, japi pat Pedroxot.

² Japi xabich palala Pedroliajwa, Juanliajwabej, jum-aech xoti, naew̄ajan w̄ut: “Jiw t̄upi, baxael, mat-eyaxaespi pejme duilaliajwa. Japox diachw̄ajnakolax. Jesús t̄up w̄ut, do jaw̄ux, mat-echpon pejme dukaliajwa” — aech xot Pedro, Juan s̄apich, naew̄ajan w̄ut.

³ Do jaw̄ut, Pedro, Juan s̄apich, jaelas. Jaw̄ut jiasliski jiw jebatat, tuila xotliso. Kandiawa jukaxaesi tasalaliajwas.

⁴ Xabich jiw Jesucristo pejw̄ajan jumtaen w̄ut, naexasiti Jesús pejw̄ajan. Poejiw, watho'bej, xabich naexasit. Xajus w̄ut poejiwk̄al, puexa matxoe-lanaexasiti Jesucristo pejw̄ajan, jelnaxasiti s̄apichbej, japi puexa, me-ama cinco mil poejiw.

⁵ Kandiawa w̄ut, Jerusalénxot natameja judíospaklochow, judíos-ancianosbej, judíos chanaekab̄anapibej.

⁶ Jaxotdebej Anás pat. Japon majt sacerdotespaklokolan. Caifás, japon japawaestat sacerdotespaklokolan, pejiwk̄ola s̄apich, patbejpon jaxotde. Asan, paw̄lpon Juan, Alejandro s̄apich, jaxot patbejpi.

⁷ Japi asew to'a b̄uflaliajwas Pedro, Juan s̄apich. Jaw̄ut Pedro, Juan s̄apich, b̄u'pach w̄ut paklochow pejw̄ajnalel, do jaw̄ut, w̄ajnachamtas w̄ut, jumtispi:

—¿Achan pejpamamaxtatkat xamal boejth̄utam nabejkan? ¿Achan pejpamamaxtatbejkat xamal japox isam? —tis Pedro, Juan s̄apich.

⁸⁻⁹ Do jaw̄ut, Pedro jumnot w̄ut, jum-aechon Esp̄iritu Santo pijaxtat:

—Paklochiwampim, xamal ancianospimbej, xanal naw̄ajnachamtam, chiekal matabijasiam xot nabejkan boejth̄ulsproxiajwa. ‘¿Achaxtatkat nabejkan boejth̄uls?’ —am xamal.

¹⁰ Xamal nejw̄ajnalel chiekal jumchiyaxaelen xamal puexa chiekal matabijaliajwam, asew Israel t̄aj̄n̄upijiwbej. Ampon, majt diachw̄ajnakolax chiekal nabejk, xamal nejw̄ajnalel nukpon. Pe boejth̄uchpon Jesús, japon Nazaret paklowaxpijin. Japon xamal chajia pakematamatlam. Japon t̄up w̄ut, Dios mat-echpon pejme dukaliajwa.

¹¹ Jesús makafich Dios, japon jiw b̄u'welialjwa. Pe xamal naexasis-emil japon jum-aechproxan. Samata, xamal Dios b̄u'weyaxil. Me-ama jiw ia'ba is w̄ut, kaet ia'tliajwa, nakaewa najum-aechi: ‘Ampa-ia't chaemil’ —aechi, do jaw̄ux, asan aton japot ia't fit w̄ut, jum-aechon: ‘Ampot ia't, puexa ia'xot kaes pejme pachaem t̄akso'pijaliajwa, ba chiekal mamnikaliajwa’ —aech japon aton. (Japot ia't, me-ama Cristo, Dios paxulan, Dios makafichpon.)

¹² Dios paxulan to'ak nakb̄u'welialjwa. Samata, kaen Jesús xaj̄p̄ nakb̄u'welialjwa. Ampathatat asan kaes ajil nakb̄u'weyaxaelon —aech Pedro paklochow w̄ajnalel.

¹³ Paklochow jumtaen w̄ut Pedro jum-aechprox, jaw̄ut japi nejchaxoel: “Pedro, Juan s̄apich, pin-iawaechan xabich estudia-el. ¿Ma-aech xotkat japi pejlewla-el naksiyaliajwa xatis wajw̄ajnalel? Japi Jesús pejnachala xot, chiekal matabija naksiyaliajwa” —aech paklochow, nejchaxoel w̄ut. Samata, natachaema w̄ut, nejchaxoelachalakbejpi.

¹⁴ Jaw̄ut taenbejpi majt nabejkpon, nuk w̄ut japixot. Samata, paklochow kaes asax wejisal jumchiliajwapi japi.

¹⁵ Do jawut, paklochow natamejaxot nakolax to'as tathoetade, tathoetle nuilaliajwa. Pedro, Juan s̄apich, nakola wut, jaxot paklochow nakaewa najum-aech:

¹⁶ —¿Machiyaxaeskāt ampi poejiw? Puexa Jerusalén paklowaxpijiw chiekal matabija japi is koechax Dios pejpamamaxtat nabejkan boejthulaliajwas. Samata, xatis jumchiyaxisal: ‘Japi japox is-el’ —chiyaxisal.

¹⁷ Japi buxfiasaxaes kaes naewuajnasamata Jesucristo pejwuajan asew jiwliajwa. Ja-aech wut, asew jiw jumtaeyaxil Jesucristo pejwuajan —na-aech paklochow nakaewaliajwa.

¹⁸ Do jawut, Pedro, Juan s̄apich, laslisi pejme leliajwadin. Lasbej majt nabejkpon. Dolisi, len wut, jumptispi:

—¡Xamal kaes ma amwut nabej naewuajne' Jesucristo pejwuajan! —tislisi.

¹⁹ Do jawut, Pedro, Juan s̄apich, jumnot wut, jum-aechi:

—¡Xamal najut chiekal nejchaxoelde! ¿Achaxkat kaes pejme pachaem xanal isliajwan Dios pejwuajnalel? ¿Xanalkat isaxaelen xamal tato'lampox? O, ¿xanalkat isaxaelen Dios tato'alpox?

²⁰ Xanal buxkofaxinil taenxroxan Jesúsxot, jumtaenxroxanbej —aech Pedro, Juan s̄apich.

²¹ Japi japox jum-aech wut, paklochow pejme kaes bu'athiyaslisi Jesucristo pejwuajanliajwa kaes naewuajnasamatapi jiw. Bu'athiyas wut Jesús pejwuajanliajwa, jaxot nakolax tapaeislisi. Paklochow pejlewla kastikaliajwapi Jesús pejnachala. Samata, nakaewa najum-aechi: “Japi xatis kastikas wut, diachwuajnakolax xabich jiw palalaxael xatisliajwa, puexa jiw chiekal nejchachaemil xot Diosliajwa, nabejkan chiekal boejthuls xot” —na-aech paklochow nakaewaliajwa.

²² Majt nabejkpon, boejthuls wut Dios pijaxtat, japon aton, me-ama kaes cuarenta waechan.

Jesucristo pejwuajan naexasiti Dios kawuajanpox pejlewlasamata asew jiwliajwa

²³ Pedro, Juan s̄apich, nakolax tapaeis wut, fulaechlisi asew Jesucristo pejwuajan naexasiti poxade. Jaxotde pa'a wut, chapaelisi paklochow buxfiachpox. Jum-aechi Jesucristo pejwuajan naexasitiliajwa: “Sacerdotespaklochow, ancianosbej, xanal nabuxfiat Jesucristo pejwuajan kaes naewuajnasamatan jiw” —aechi Jesús pejwuajan naexasitiliajwa.

²⁴ Japox jumtaen wut, Jesucristo pejwuajan naexasiti kaeyaxtat Dios kawuajani. Dios kawuajan wut, jum-aechi: “Tajpaklon, xam isam thatbaxo, isambej that, marbej. Isambej puexa thatbaxotatpi, ampathatpibej, marxotpibej.

²⁵ Chajiakolaxtat xanal tajwuajnapijin, taj-am David, nej-Espíritu Santo buxto'as jumchiliajwa. Samata, David chajia ampox jum-aech: ‘Asatujnupijiw, judíos-eli, xabich palalaxael. Japi nejchaxoelaxaellach isliajwa chaemilpoxan xamliajwa. Pe japi xajupaxil isliajwa japoxan.

²⁶ Ampatujnupijiw, reyes, paklowaxpijiw tato'alpibej, natamejaxael. Do jawut, nejchaxoelaxaeli nabeliajwa, nejjiw s̄apich. Do jawutbej, nejchaxoelaxaeli toesliajwa Cristo, xam to'ampon jiw bu'welija' —aech chajia David” —aech Jesucristo pejwuajan naexasiti, Dios kawuajan wut.

²⁷ Japi kaes Dios kawuajan wut, jum-aechi: “Chajiakolaxtat David lelpox jum-aech jachiyaxaelpox. Natamejapi ampapaklowaxxot, Herodes, Judea tujnupijiw tato'lan, Poncio Pilatobej, japon wulduws Roma paklowaxxot judíos pejgobornadorliajwa Israel tujnuxot. Japi natameja wut, jaxot

asat^uajⁿuchanpijiwbej, judíos s^uapich, natameja. Puexa japi naknatameja kaeyaxtat nakaewa naw^uajⁿachaemsliajwa: ‘¿Machiyaxaeskát Jesús boesaliajwas?’ —chiliajwa paklochow nax^ulan Jesús^uliajwa, japon xam to'ampon jiw bu'weliajwa.

²⁸ Dolisido', japi jasox islisi, boesaliajwa w^uti Jesús. Pe pajut pejnechaxoelaxtat japi japox is-el. Japi japox is, me-ama xam chajia nejchaxoelam japi japox isliajwa.

²⁹ Tajpaklon, xam matabijtam judíos^upaklochow xanal nathiyapox, nejjiwan xot. Samata, ¡nakajachawae'e tajlewla-elaliajwan, naew^uajⁿax w^ut nejw^uajan!

³⁰ ¡Nakajachawae'ebej boejth^usfulaliajwan jiw bu'xaenkpi! ¡Nakajachawae'ebej koechaxan isliajwan nax^ulan Jesús pijaxtat!” —aechi puexa, Dios kaw^uajan w^ut.

³¹ Dios kaw^uajⁿax bu^uxtoet w^ut, chalechkal jaxot sat najuiya. Jaw^ut puexa jiw kajachawaesfulas Espíritu Santo. Samata, Espíritu Santo pijaxtat naew^uajan w^uti Dios pejjamechan, japi jiw pejlewla-el asew jiwliajwa.

Jesucristo pejw^uajan naexasiti pejew w^ut, me-ama puexa pejew w^ut, ja-aechi

³² Puexa naexasiti Jesucristo pejw^uajan, japi chiekal kaenejchaxoelax. Japixot chinax kaen jumchi-el: “Xan kaenan ampo^uxan tejew” —chi-el, nejchaxoel w^ut. Pejewpi japoxan, me-ama puexa jiw pejew w^ut, ja-aechi.

³³ Apóstoles chapaeful jiw jumtaeliajwa Jesús mat-echpox Dios, japon pejme dukpox. Apóstoles kajachawaesfulas Dios, naew^uajan w^uti Jesús pejw^uajan.

³⁴⁻³⁵ Jesucristo pejw^uajan naexasitixot, chinax kaen wewe'pa-esal. Asew pejsatan w^ut, o, pejbachan w^utbej, mowasia w^ut, mowapi. Moch w^ut, japaplata chaxduwpi apóstoles. Do jaw^ux, apóstoles chaxduw japaplata xabich jiw wewe'paspiliajwa.

³⁶ Japixot kaen paw^ul, José. Japon nalaelt Chipre tanaetxot. Japon Leví pamon. Apóstoles w^ulduwson asaw^ultat, Bernabéw^ultat. (Japaw^ul jumchiliajwa: “Jiw nejlikapon nejxaejwasi” —chiliajwa japaw^ul.)

³⁷ Bernabé mowa w^ut pejsat, puexa plata chaxduton apóstolesxot.

5

Ananías, pijow Safira s^uapich, naekichachajbasiapox apóstoles

¹ Bernabé mowa w^ut pejsat, Ananías, pijow Safira s^uapich, japibej mowa pejsat.

² Ananías moch w^ut, japon kaenejchaxoelax, pijow s^uapich, pejew plata diajnaliajwa. Do jaw^ux, plata, diajanpi, chaxduton apóstolesxot. Me-ama puexa plata chaxdut w^ut, ja-aechon.

³ Pedro plata kefit w^ut, jum-aechon:

—Ananías, ¿ma-aech xotkat tapaeyam dep leliajwa nejmatp^uatat? ¿Ma-aech xotbejkat naekichachajbasiam Espíritu Santo? Matabijtax, asew plata, satom, kaweta otam nejbaxot.

⁴ Sat mowa-emil w^utfuk, japasat chiekal nejsatkolax. Do jaw^ux, sat mowam w^ut, mot w^uti xam, japaplata chiekal nejewbej. ¿Ma-aech xotkat xanal naekichachajbasiam? Xanalkal naekichachajbasi-emil. Diosbej naekichachajbasiam —aech Pedro Ananíasliajwa.

⁵⁻⁶ Ananías japox jumtaen w^ut, pat^upan jumwalon. Do jaw^ut, pansiachow fulaen xakiasliajwapi pat^upan Ananías. Do jaw^utbej, chaxfollisipon m^uthsliajwas. Jaw^ut m^uthtlisipon. Jiw japox w^ultaena w^ut, xabich pejlew^ulapi.

⁷ Do jawux, tres horas wut, Ananías pijow pat Pedroxot. Japow matabijs-el pamal wetupspox.

⁸ Pedro wñajnaemt wut, jum-aechon:

—¡Najum-amde! ¿Diachwñajnakolaxkat xamal nejsat mowam wut, mowam ampa-omtat, jum-ampoxtat? —aech Pedro.

Japow jumnot wut, jum-aechow:

—¡Diachdo! Xanal japa-omtat tajsat pamowax —aechow, naekichachajba wut.

⁹ Pedro jum-aech:

—¿Ma-aech xotkat xam, nejmol sñapich, kaenejchaxoelaxam naekichachajbaliajwam Espíritu Santo? ¡Chiekal naewe'e! Ampí, fñlaeni, japi mñthtlisi nejmol. Amwut xambej chaxlaeyaxaeli mñthsliajwa —aech Pedro japowliajwa.

¹⁰ Do jawut, Safira patupow jñwal Pedro pejwñajnalel. Pansiachow len wut, taenlisipow patupow. Do jawutbej, japow chaxfos, naliamñthsliajwas pamal pejmñthxot. Jaxot mñthtipow.

¹¹ Puexa naexasiti Jesucristo pejwñajan, asewbej, japox wñaltaena wut, xabich pejlewłapi Espíritu Santoliajwa.

Apóstoles xabich koechaxan ispox Dios pijaxtat

¹² Apóstoles xabich koechaxan is Dios pijaxtat jiwxot. Puexa naexasiti Jesucristo pejwñajan natameja Dios pejtemplobaxot. Japalel pawñl Pórtico de Salomón.

¹³ Asew, naexasis-eli Jesucristo pejwñajan, japi pejlewłla natamejalajwa, Jesús pejwñajan naexasiti sñapich. Pe Jesucristo pejwñajan naexasiti, xabich jiw sitaens. Samata, naksiyas wut japiliajwa, chimiajamechantat wñnaksiyas.

¹⁴ Xabich asew poejiw, watho'bej, naexasiti Jesús pejwñajan. Japibej kaeyaxtat natamejafñl, asew naexasiti sñapich, Jesucristo pejwñajan.

¹⁵ Apóstoles fñlaeyaxaennñamtadin, asew chajia matabija wut, bñ'xaeya batuchanxot juks. Juks wut, owas fñrbñ'tat. Owas nñambabñ'tat boejthñsliajwas, Pedro fñlaen wut. Pedro pejnaselnaxtat xencha wut, jawut bñ'xaeya chiekal boejthñsl.

¹⁶ Xabich jiw, asapaklowaxanpijiw, Jerusalén paklowaxxot mox duili, japibej bñflaen bñ'xaeya Jerusalén paklowax poxadin. Japi bñ'xaeya puexa chiekal boejthñsl. Bñflaensbej dep webaesi pejmatpñatanxot, xabich dep taliachpi. Japi puexa chiekal pachaemlisi Dios pijaxtat.

Apóstoles bñ'fospox kastikaliajwas

¹⁷ Sacerdotespaklokolan, pejnachala sñapich, japi saduceos, xabich nusasiawali apóstolesliajwa.

¹⁸ Samata, apóstoles jaelas jiw jebatat jeliajwas.

¹⁹ Jiw jebatat jias wñti, japamadoitat Dios pej-ángel pask, japabafafachan fafakaliajwa, apóstoles jukaliajwas jaxot. Japi juks wut, ángel jum-aech apóstolesliajwa:

²⁰ “¡Xabñ'a'de Dios pejtemploba poxade! Dios pejtemploba pa'mach wut, jjaxotde jiw naewñajande chimiawñajan, Jesucristo pejwñajan!” —aech Dios pej-ángel.

²¹ Do kandiawa, nalian wut, apóstoles is, me-ama Dios pej-ángel to'as isliajwa. Dios pejtemploba low wut, jaxot tñaduti jiw naewñajnalialjwa.

Do jawut, sacerdotespaklokolan, pejjiw sñapich, wñllala natamejalialjwa puexa judíos-ancianos, asew paklochowpibej. Japi natameja wut, japox pawñl Junta Suprema. Do jawux, sacerdotespaklokolan to'a jiw jeba wetpi. To'a

wut, jum-aechon: “¡Xabua'de jiw jeba poxade! ¡Apóstoles buflaemni ampale!” —aechon.

²² Dios pejtemploba weti, jiw jeba pa'a wut, apóstoles jaxot ajillisi. Samata, tamach kaxa nawenlisi, paklochow natameja poxadin.

²³ Pat wuti paklochow natamejaxot, jum-aechi:

—Jiw jeba pa'ax wut, chiekal fafaxawaech. Kolenje soldaw fafachanlel chiekal wesfulbej. Bafaka' fafatx wut, chinax kaen jiw jebatutat tae-enil —aech Dios pejtemploba weti.

²⁴ Japox jumtaen wut, sacerdotespaklokolan, Dios pejtemploba wetipaklonbej, sacerdotespaklochowbej, nakaewa nawuajnaemsnapi. Najum-aechnapi: “¿Ma-aech xotkat japi ajil? ¿Achaxkat kaes jachiyaxael?” —na-aechi nakaewa.

²⁵ Do jawutlejen, aton japixot pat. Japon jum-aech:

—Jiw jebatat jiampi, amwutjel japi jiw naewuajan Dios pejtemplobaxot —aech japon aton.

²⁶ Do jawut, Dios pejtemploba wetipaklon, pejiw suapich, pejme wuljaeti apóstoles. Jaelas wut, chamoeyaxtat buflaens. Be-esal, pejlwla xoti jiwliajwa. Dios pejtemploba weti nejchaxoel: “Xatis baes wut apóstoles, jiw xabich palalaxael. Ja-aech wut, jiw xatis nakdadaepaxael ia'tat” —aechi, nejchaxoel wut.

²⁷ Apóstoles buflaens wut, paklochow, Junta Supremapijiw, japi pejuajnalel apóstoles nows. Do jawut, sacerdotespaklokolan jum-aech japiliajwa:

²⁸ —Xamal xabich buxfiatx jiw naewuajnasamatam Jesús pejuajan. Pe xamal naexasis-emil. Xabich naewuajnam Jerusalén paklowaxpijiw japon pejuajan. Japon kematamatlaxtat tur wut, japox xanal nakelajatam —aech sacerdotespaklokolan apóstolesliajwa.

²⁹ Pedro, a sew apóstoles suapich, jum-aechi:

—Xanal naexasisfulaxaelen Dios tato'alpoxan. Jiw nato'a wut asaxan isliajwan, xanal japoxan naexasisaxinil, Dios pijaxana-el wut.

³⁰ Diachwuajnakolax xamal Jesús kematamatlam cruztat japon turpaliajwa. Pe Jesús tur wut, wajwuajnapijiw pejDios Jesús mat-ech pejme dukaliajwa.

³¹ Jesús amwutjel paklokolan nadofa. Amwutjel ek pax Dios poklalel jiw tato'laliajwa, jiw bu'welijaebej. Jasox Jesús is judíos chiekal naexasisliajwa Dios, japi babijaxan ispoخان kaelel wepelsliajwasbej.

³² Japawuajan diachwuajnakolax, xanal jiw naewuajnafulaxwuajan. Espíritu Santobej itpaei diachwuajnakolaxpox japawuajan. Dios to'ak Espíritu Santo jiw pejmatruatanxotaliajwa, japi jiw naexasiti Dios pejjamechan —aech Pedro paklochowliajwa.

³³ Jumtaen wuti Pedro jum-aechpox, puexa paklochow xabich palala. Do jawut, paklochow besiapi apóstoles.

³⁴ Japixot kaen pawul Gamaliel. Japon fariseo-aton, judíos chanaekabuananbej. Japon xabich jiw sitaens. Do jawut, Gamaliel nant wut, to'apon Dios pejtemploba weti, japi buflaeliajwa apóstoles batathoetade.

³⁵ Dolisido', apóstoles buflaech wut, Gamaliel jum-aech paklochowliajwa:

—Israelitas, ¡chiekal taem! ¡Majt chiekal nejchaxoelde isaxaelampox japi poejiwliajwa!

³⁶ ¡Nejchaxoelde chajia ja-aechpox Teudasliajwa! Japon judíospaklonasia. Piniakolapon pejnachala, poejiwkal, fulnanuamtas. Do baxael, japon boesas wut, japon pejnachala puexa dukp. Kaenanala pejlel chiekal nasali. Do baxael, japox chiekal toep.

³⁷ Do japonwux, censo is wut, puexa jiw wullelaliajwa wut, Judas, Galilea tujnupijin, japonbej xabich pejsoldaw fulnanuamtas nabeliajwa, gobierno pejsoldaw suapich. Pe japonbej boesas. Ja-aech wut, puexa pejnachala kaenanula nasal. Do ja-aech wutbej, japox chiekal toep.

³⁸ Samata, xamal naewuajna x ampi apóstoles nakolax tapaeliajwam. Japi pajut pijaxtat naewuajnalap wut, japox asamatkoi chiekal toepaxael.

³⁹ Pe japi naewuajnaful wut Dios pijaxtat, xamal xajupaximil japox toesliajwam. Babijax isam wutbej japiajwa, ja-am wut, xamal babijax isaxaelam Diosliajwa —aech Gamaliel paklochowliajwa.

Gamaliel japox jum-aech wut, paklochow kaenejchaxoelax.

⁴⁰ Do jawut, paklochow la apóstoles pejme leliajwadin. Low wut, kaenanula seltaslisi. Do jawut, pejme buxfiachpi jiw naewuajnasamata Jesucristo pejuajan. Do jawutbej, kofaslisi.

⁴¹ Apóstoles nakola wut paklochowxot, xabich nejchachaemili, Dios tapaeis xot nabijasliajwa Jesús pijaxtat.

⁴² Do jawux, pomatkoicha apóstoles naewuajnaful jiw chimiawuajan, Jesucristo pejuajan. Japajamechan jiw naewuajnafuli Dios pejtemplobaxot, jiw pejbachantatbej.

6

Siete poejiw makanochpox kajachawaesliajwapi apóstoles

¹ Japamatkoiyantat, naexasiti Jesucristo pejuajan kaes xabichful. Japixot xabich judíos. Asew naksiyapi hebreojame. Asew naksiyapi griegojame. Watho', pamaljiw naetupsi, asew japixot xabich kejili. Samata, japi watho' kajachawaesfulas wewe'paspoxanliajwa kaematkoisful. Poejiw, naksiyapi griegojame, nabu'nalot, asew poejiw suapich, japi naksiyapi hebreojame. Nabu'nalot wut, jum-aechi: “Watho', naksiyapi griegojame, kaesuapich chaxduws naxaeyaxan. Me-ama watho', naksiyapi hebreojame, jachi-esal, japi watho' chaxduws wut” —aechi.

² Do jawut, doce apóstoles natameja wut, wullalapi puexa Jesucristo pejuajan naexasiti, japixot natamejalijwa. Japi pat wut doce apóstolesxot, apóstoles jum-aech:

—Pachaema-el xanal kofaliajwan jiw naewuajna xrox Dios pejjamechan, xanal naxaeyaxankal chaxduiflaliajwan kejila.

³ Samata, xamalxot siete poejiw makano'e, pachaempikal, chiekal matabijtpi, japi kajachawaesfulaspi Espíritu Santo! Xanal japi to'axaelen naxaeyaxan sasliajwa kejlalijwa.

⁴ Xanallax Dios kawuajnafulaxaelen. Dios pejjamechan xanal jiw naewuajnafulaxaelenbej —aech apóstoles.

⁵ Apóstoles jum-aechpox puexa jiwliajwa chiekal wepachaems. Samata, puexa chiekal kaenejchaxoelaxpi. Do jawut, makafitlisi Esteban. Japon Dios chiekal xanaboejsful. Japon kajachawaesfulasbej Espíritu Santo. Makafichbej Felipe, Prócoro, Nicanor, Timón, Parmenas, Nicolásbej. Nicolás Antioquía paklowaxpijin. Japon judíos-atona-el. Japonbej chiekal naexasit Dios. Me-ama judíos, ja-aechon. Naexasitbejpon Jesucristo pejuajan.

⁶ Do jawut, makanochpi buflaech apóstoles poxade. Apóstoles Dios kawuajan wut, japi ke-owa makanochpi pejta'antat Dios kajachawaesfulalijwas, pejbichaxan isful wuti.

⁷ Do jawux, apóstoles, asewbej, Dios pejjamechan naewuajnaful wut, jiw xabich kaes pejme naexasit. Kaesfulbej Jerusalén paklowaxpijiw naexasisful Jesucristo pejuajan. Xabich sacerdotesbej naexasit Jesucristo pejuajan.

Esteban jaeltaspox

⁸ Esteban xabich kajachawaechfulas Dios. Dios pijaxtatbej Esteban xajup isliajwa koechaxan. Samata, xabich koechaxan is jiwxot.

⁹ Asew judíos natameja pejnaewuaj nabaxot. Japaba pawul Esclavos Libertados. Japanaewuaj nabaxot jaxotbej judíos. Japi nabu'nalot, Esteban suapich, asanaewuaj naxliajwa. Nabu'nalot wut, asew jiwbej nalot. Japi Cirene paklowaxpijiw. Asew Alejandría paklowaxpijiw. Asew Cilicia tuajnapijiw. Asew Asia tuajnapijiwbej.

¹⁰ Esteban naksiya wut, chiekal naksiyapon, Espíritu Santo kajachawaech xot. Samata, jiw buxmaliacha-eli Esteban.

¹¹ Ja-aech wut, asew jiw japixot maliach moti asew jiw, japi buxlajasliajwa Esteban. Samata, japi jum-aech: “Xanal diachwuaj nakolax jumtaenx, Esteban jum-aech wut babejjamechan Moisésliajwa, Diosliajwabej” —aech japi jiw, buxlajat wuti Esteban.

¹² Jiw jumtaen wut Esteban buxlajachpox, jawut paklowaxpijiw xabich palala Estebanliajwa. Judíos-ancianos, judíos chanaekabuapanibej, japibej xabich palala Estebanliajwa. Samata, Esteban jaeltas. Do jawut, bu'folipon judióspaklochow poxade, Junta Suprema natameja poxade.

¹³ Paklochow wulwek asew poejiw kaenejchaxoelaxtat buxlajasliajwapi Esteban. Dolisi, kaenejchaxoelax wut, jum-aechlisi Estebanliajwa:

—Xanal jumtaenx, Esteban jum-aech wut babejjamechan Dios pejtemplobaliajwa, Moisés chajia lelpoxlajwabej. Japon chinax buxkofs-el, japoxan jum-aech wut.

¹⁴ Jumtaenxbej, Esteban jum-aech wut: ‘Jesús, Nazaret paklowaxpijin, japon toesaxael Dios pejtemploba. Xatis kofaxaesbej wajkabuapanapox, Moisés chajia nakwewaeltproxbej’ —aech wut Esteban —aechi, buxlajat wut Esteban.

¹⁵ Judióspaklochow, asewbej jaxot chalaki, japi Esteban taen wut, xabich natachaemapi, Esteban pejxu masoxtat xabich itliak xot. Me-ama Dios pej-ángel pejxu wut, jaxu-aechon.

7

Esteban wuajnachaehtas wut, chiekal jumnotpox

¹ Esteban wuajnachaehtas wut sacerdotespaklokolan, jumtispon:

—¿Diachwuaj nakolaxkat japi jiw jum-aechpox xamliajwa? —aechon Estebanliajwa.

² Do jawut, Esteban jum-aech judióspaklochowliajwa, asew jiwliajwabej: “Takoew, tajpaklochowbej, xan chiekal nanaewe'e! Wajwuajnapijin Abraham majt Mesopotamia tuajnuxot duk wut, chijiya-el wutfakon Harán paklowax poxade, wajDios, xabich pachaempon, japon natulaelt Abrahamxot.

³ Do jawut, Dios jum-aech Abrahamliajwa: ‘iNejjiw waelim! iNakoldebej nejtujnuxot! iFulaem asatuajnu! Japatujnu xan itpaeyaxaelen’ —aech Dios Abrahamliajwa.

⁴ Do jawux, Abraham fulaech Caldea tuajnu poxade. (Japatujnu asawul Mesopotamia.) Abraham fulaech dukaliajwa Harán tuajnuxot. Jaxot duk wut, Abraham pax tux. Do jawux, Abraham Dios to'as chijiyaliajwapon ampatujnueldin, amwutjel xatis duilstujnutat.

⁵ Abraham chaxdus-esal ampatujnu pejtujnu liajwa. Jumduchlux, japon tux wut, pamojiw chaxdusliajwas ampatujnu. Dios japox jum-aech wut, Abraham xijilfukon.

6 Dios chajia jum-aechbej Abrahamliajwa: “Namojiw duilaxael asatujajnapijiw pejtujajnoxot. Japatujajnoxot esclavos wulxaeli. Nabist wut, xabich nabichaxaeli japatujajnapijiwliajwa. Jachiyaxaeli cuatrocientos waechan, duil wuti japatujajnoxot” —aech Dios Abrahamliajwa.

7 Do jawut, jumtisbejpon: ‘Xan kastikaxaelen namojiw tato'laxaespi malech tanbichliajwa. Namojiw nakolaxael wut japatujajnoxot, pat wuti ampatujajnoxot, xan nakawujajnafulaxaeli nasitaeyaxtat’ —tis Abraham, Dios chajia jumtis wuton.

8 Abraham Dios keto'as puexa paxi, poejiw, circuncidaliajwa, Dios pejmarkaxliajwapi, japox pejkabuananliajwabejpi. Abraham japox is nejchaxoelafulaliajwa Dios kajachawaesfulaspox. Samata, Abraham circuncida paxulan, Isaac, ocho matkoiyan xent wut nalaeltos Dios pejmarkaxliajwapon. Do baxael, asamatkoi, Isaac paxulan, japon pawul Jacob, ocho matkoi wut nalaeltos, japonbej circuncidas. Do baxael, Jacob doce paxipon. Japi kaenanala nalaela wut, japibej circuncidas. Baxael, Jacob paxi docepi, japi pamojiw docematejpi puexa” —aech Esteban.

9 Esteban pejme jum-aech: “Jacob paxi, japi wajwujajnapijiw, japi nusasiawal pakoewan José. Ja-aech wut, japi mowa José asajiwat José esclavoliajwa, jiw fulaechpi Egipto tujajnu poxade, japixot José mowas. Pe José Dios chalas.

10 José Egipto tujajnoxot nabijat wut, Dios chiekal kajachawaesfulas. Dios kajachawaechbej José xabich matabijsliajwa. Samata, faraón, puexa Egipto tujajnapijiw tato'lan, xabich nejchachaemil Joséliajwa. Ja-aech wut, faraón wulduw José paklonaliajwa, puexa Egipto tujajnu tataeflaliajwapon, faraón pejbabej tataeflaliajwapon” —aech Esteban.

11 Esteban pejme jum-aech: “José wulduws wut paklonaliajwa, do jawux, kaesapich waechan wut, puexa Egipto tujajnapijiw, Canaán tujajnapijiwbej, xabich nabijat, naxaeyaxan ajil wut. Wajwujajnapijiw japamatkoitat nabijatbej, naxaeyaxan piach ajil xot.

12 Japamatkoiyan, majt naxaeyaxan ajila-el wutfuk, José nabichow to'a trigobulan tamejalijwa pin-iawaechantat. Do jawux, posata xabich naxaeyaxan ajil wut, Jacob wultaen Egipto tujajnoxot trigo mowapoxan. Samata, Jacob to'a paxi Egipto tujajnu poxade trigo wujajsliajwapi. Do jawut, Jacob paxi fulaech wut trigo wujajsliajwa, jawut japi matabija-eli José, taen wutipon.

13 Do jawux, pejme fulaech wut José pakoew trigo wujajsliajwa, jawut José tapaei pakoew matabijsliajwaspon. Ja-aech wut, faraón matabijt José pakoew. Matabijtbejpon acha-aton José.

14-15 Do jawut, José baxxato'a pax fulaeliajwadin, dukaliajwapon Egipto tujajnoxot. Do jawut, Jacob, paxi sapich, pamojiw sapichbej, puexa japi bulaenpon Egipto tujajnu poxadin. Dolisi, japatujajnu pat wut, jaxot Jacob, paxi sapich, duil. Jawut, puexa xajus wut, setenta y cincopi. Jacob xabich pin-iawaechan duk wut Egipto tujajnoxot, japatujajnoxot tujaplison. Jacob paxi, wajwujajnapijiwpi, japatujajnoxot tujapful.

16 Jacob tujp wut, chaxfollisipon Siquem paklowax poxade, Abraham chijia wujajtsat poxade. Japatsat Hamor paxi mowa Abrahamxot. Jaxotde Jacob muthtas muxawujajtat” —aech Esteban.

17 Esteban pejme jum-aech: “Do jawux, pin-iawaechan wut, Abraham pamojiw xabich pin-iakola Egipto tujajnoxot, mox pawujajna wut Dios chajia jumdutpox Abrahamliajwa.

18 Moxsful wut Dios jumdutpox Abrahamliajwa, japamatkoiyan asan rey tato'al puexa Egipto tujajnapijiw. Japon rey matabijs-el José chajia ispoxan.

19 Samata, japon rey babijaxan is wajw_uajnapijiwliajwa. Japon pijaxtat wajw_uajnapijiw xabich nabijat. Japi paxi, poejiw, nalaela w_ut, pelsax keto'as. Beyax weketo'asbejpi, kaes xabichf_ulasamata.

20 Japamatkoiyan w_ut, Moisés nalaelt. Japon xabich chimian. Dios nejchachaemil japonliajwa. Moisés pax, pen s_uapich, tataeflas batat tres juimtjeliajwa.

21 Do jaw_ut, Moisés chaduch w_ut mintat, faraón pax_ulow chafit chaxti'aliajwa, me-ama pax_ulankolan w_ut, jachiliajwapow.

22 Samata, Moisés itpaeis Egipto t_uaj_nu_pijiw matabijtproxan. Moisés naksiya w_ut jiwliajwa, chiekal naksiyapon. Xaj_upbejpon xabich isliajwa” — aech Esteban.

23 Esteban pejme j_um-aech: “Moisés cuarenta waechan w_ut, nejchaxoelon: ‘Tajjiw, israelitas, taeyaxaelen’ — aechon, nejchaxoel w_ut.

24 Do jaw_ut, Moisés f_ulaech w_ut, taenon Egipto t_uaj_nu_pijin, israelita-aton xabich selt w_ut. Samata, Moisés chamamot. Jaw_ut Egipto t_uaj_nu_pijin boe-sapon.

25 Do jaw_ut, Moisés nejchaxoel: ‘Tajjiw, israelitas, pajut matabijaxael Dios nakajachawaesaxaelpox japi jukaliajwan Egipto t_uaj_nu_xot’ — aech Moisés, nejchaxoel w_ut. Pe israelitas japox nejchaxoela-ellax, Moisés nejchaxoelpox.

26 Do kandiawa w_ut, Moisés taen, kolenje israelitas naba w_ut. Jaw_ut Moisés kefiat w_ut, j_um-aechon: ‘Xamal nakaejiwam nabeliajwam. ¿Ma-aech xotkat nakaewa nabam?’ — aech Moisés.

27 Matxoelat_uadutpon nabeyax, japon fiasaba Moisés. Do jaw_ut, j_um-aechon Moisésliajwa: ‘¿Achankat xam w_ulduw tajpaklonaliajwam? ¿Achankat xam w_ulduwbej tajjueznamliajwa, xanal babijax isx w_ut natasalaliajwam?’

28 ¿Xanbejkat w_ulnaboesam? ¿Me-ama kaeliw Egipto t_uaj_nu_pijin boe-sam, jachisiamkat xanliajwa?’ — aechon matxoelat_uadutpon nabeyax Moisésliajwa.

29 Moisés japox j_umtaen w_ut, najaeton at_uaj Madián t_uaj_nu_poxade. Jaxotde Moisés dukon. Dolison, japat_uaj_nu_xot pawis fit. Do jaw_ux, Moisés kolenje pax_ulan” — aech Esteban.

30 Esteban pejme j_um-aech: “Moisés cuarenta waechan duk w_ut Madián t_uaj_nu_xot, asamatkoi, pajilaxxot mox laeja w_ut pinam_uaxxot, paw_ulxot Sinaí, jaxotde naech tamdadut. Jaw_ut Dios, me-ama ángel, jitat natulaelt.

31 Moisés japox taen w_ut, chiekal natachaemton. Kaes mox chiekal f_ulaech w_ut, Dios j_um-aech naechxotdin Moisés j_umtaeliajwa.

32 J_um-aechon: ‘Xanlap nejw_uajnapijiw pejDiosnan. Abraham, Isaac, Jacobbej, xan japi pejDiosnan’ — aech Dios Moisés j_umtaeliajwa. Do jaw_ut, Moisés xabich tath_ulal pejlwt. Samata, kaes natachaems-elon.

33 Do jaw_ut, Dios j_um-aech Moisésliajwa: ‘Jolde nej_uakxajoelax, tajw_uajnalel nukam xot!

34 Xan taenx tajjiw, israelitas, Egipto t_uaj_nu_xot xabich nabijat w_ut. J_umtaenxbej japi pejnoeyaxan. Samata, xamxot paskax japi jukaliajwan Egipto t_uaj_nu_xot. ¡Xab_ua't! ¡Kaes moxmin xanlel! Xam to'axaelen Egipto t_uaj_nu_poxade’ — aech Dios Moisésliajwa” — aech Esteban.

35 Esteban pejme j_um-aech: “Moisés nejweslas xot, israelitas j_um-aechi Moisésliajwa: ‘¿Achankat xam w_ulduw tajpaklonaliajwam? ¿Achankat xam w_ulduwbej tajjueznamliajwa, xanal babijax isx w_ut natasalaliajwam?’ — aechi Moisésliajwa. Jatis w_ut Moisésliajwa, Dios, me-ama ángel natulaelt w_ut naech tamdadutxot, Moisés nakiowa to'as Dios Egipto t_uaj_nu_poxaliajwade, israelitas pejpaklonaliajwapon, japi jukaliajwabejpon Egipto t_uaj_nu_xot.

³⁶ Do jawux, Moisés juk wajwujnapijiw Egipto tujnuxot. Koechaxan isbejpon Dios pijaxtat Egipto tujnuxot, Mar Rojoxotbej. Pajilaxtatbej duil wutí cuarenta waechan, jaxotbej Moisés koechaxan is Dios pijaxtat.

³⁷ Moisés chajia jum-aech israelitasliajwa, Dios buxto'as wuton: ‘Me-ama Dios xan nato'a, jachiyaxaesbej kaen xamalxot asamatkoi. Japon Dios to'axaes profetaliajwa’ —aech Moisés Dios pijaxtat, chajia jum-aech wuton Cristoliajwa.

³⁸ Moisés, wajwujnapijiw srapich, chajiakolaxtat natameja pajilaxxot, pinamux, Sinaimuxxot. Do jawut, Moisés julach japamux matwujajase. Jaxotse Dios pajut jum-aech, ángeltat, Moisés jumtaeliajwa. Do jawux, Moisés naewujan wajwujnapijiw Dios jum-aechpoxan, japi naexasisliajwa, amwutjel xatisbej naexasisliajwas” —aech Esteban.

³⁹ Esteban pejme jum-aech: “Wajwujnapijiw kaxa nawesia Egipto tujnuxot, japi nejwesla xot Moisés. Naexasisfula-elbejpi Moisés jum-aechpox.

⁴⁰ Moisés asalel wut, wajwujnapijiw jum-aech Aarónliajwa: ‘¡Isde ídolos, japi, me-ama wajdioses nakchawujnamatxoelaliajwa, xatis fos wut! Matabija-esal Moisésliajwa ja-aechpox, japon nakjukpon Egipto tujnuxot’ —aech wajwujnapijiw Aarónliajwa.

⁴¹ Do jawut, Aarón, japi srapich, ispon ídolo, me-ama pakxulax. Do jawut, choef xua'ati japox ídololiajwa. Me-ama Dioskolan pej-ofrendaliajwa wut, ja-aechi. Do jawux, fiesta ispi sitaeliajwapi ídolo, pajut ispox.

⁴² Samata, jawut Dios nadijan wajwujnapijiwuxot. Dios tapaeis japi kawujnalapaliajwa ithaej. Japoxliajwa profeta chajia lel Dios jum-aechpox: ‘Xamal israelitas, pajilaxxot xamal laelpam wut cuarenta waechan, choef xua'asfulam ofrenda isliajwam. Pe japa-ofrenda xanliajwa-el.

⁴³ Xamallax xananamtam ídolo pejbach, kawujnaliajwam japabachtat. Kaeyax nej-ídolo japox nejdios, pawul Moloc. Asax nej-ídolo pawul Refán. Japoxan najut isampoxan, kawujnaliajwam. Samata, tapaeyaxaelen asajiw xamal buflaeliajwa atuj, Babilonia paklowax kaes pejme atuj poxade’ —aech Dios jum-aechpox profeta chajia lelxtot” —aech Esteban.

⁴⁴ Esteban pejme jum-aech: “Wajwujnapijiw duil wut pajilaxxot, xananamti Dios pejba, Dios kawujnaliajwa japabatat. Japaba choefbu'ba. Moisés matxoela itpaeis Dios, japaba isliajwa wut, makechiyaxaelon. Do jawux, Moisés keto'a wajwujnapijiw japaba isliajwa. Dolisi, japaba islisi. Me-ama Dios keto'as Moisés isliajwa japaba, islisi japoxtat.

⁴⁵ Do baxael, wajwujnapijiw puexa pajilaxxot tupaful wut, namaefulpi, japiwich naliixa japaba xananamsliajwa. Do jawux, Josué wajwujnapijiw buflaen wut ampatujnuxot duilaliajwa, japababej xapati. Japamatkoiyantat Dios pejkajachawaesaxtat wajwujnapijiw kefe'kaful wujajna duili pejsatan. Do baxael, rey David Israel tujnupijiw tato'al wut, japabafuk nakiowa.

⁴⁶ Dios xabich nejchachaemil Davidliajwa. David xabich isasia Dios pejtemploba, israelitas Dios kawujnaliajwa japatemplobat.

⁴⁷ Pe Dios ketapae-el David isliajwa Dios pejtemploba. Dioslax keto'a David paxulan, pawulpon Salomón, japon isliajwa Dios pejtemploba.

⁴⁸ Dios kaes pejme paklokolan. Japon duk athuxotse. Duka-elon jiw is bachantat. Japoxan profeta chajia lel, Dios jum-aech wut:

⁴⁹⁻⁵⁰ ‘Xan tato'lax puexa athuxotse, ampathatatbej. Xan nawewe'pa-el tajba damlathulaliajwan, xan tajut puexa isx xot. Samata, ¿achabakat nawe-isaxaelam?’ —aech Dios, profeta lelxtot” —aech Esteban.

⁵¹ Esteban pejme jum-aech: “¡Xamal matnaetinkam! Samata, Dios tato'alpox pomatkoicha naexasis-emil. Xamal nejxasinka-emil Dios pejjamechan jumtaeliajwam, naexasisliajwambej. Espíritu Santo tato'alpox naexasis-emil pomatkoicha. Samata, xamal najupam, nejwajnapijiw, supich.

⁵² Nejwajnapijiw babijaxan is puexa profetasliajwa. Japibej beful profetas, chapaefali Cristo pasaxaelpox, xabich pachaempon. Do baxael, Cristo pajut pat wut, xamal asajiwxot wiatam japon kematamatlaliajwas cruztat tupaliajwa.

⁵³ Moisés to'as ángeles japon lelaliajwa Dios pejtato'laxan jiw naexasisliajwa japoxan jum-aechpoxan. Pe xamal japoxanbej naexasis-emil” —aech Esteban judíospaklochowliajwa, asew judíoslajwabej.

Esteban ia'tat dadaps wut, matkaejabaspor

⁵⁴ Judíospaklochow, asew judíos supich, jumtaen wut, puexa Esteban jum-aechpoxan, xabich palalapi. Palala xot, xabich bua'tatiti.

⁵⁵ Esteban Espíritu Santo pejkajachawaesaxtat athu natachaemse wut, taenon Dios pej-itliakax. Jawut taenbejpon Jesús, nuk wut Dios poklalel.

⁵⁶ Do jawut, Esteban jum-aech:

—¡Tae'nik! Taenx Diosxotse nafafasepor. Taenxbej Jesús, puexa jiw pakoewkolan, nuk wut Dios poklalel —aech Esteban.

⁵⁷ Judíospaklochow, asewbej japixoti, pajut naekuantakuka kaes naewes-elaliajwapi Esteban jum-aechpoxan. Do jawut, japi xabich pinjаметat nejlat. Nejlat wut, puexa jiw itadukpas Esteban jaelsliajwas.

⁵⁸ Paklowaxxot juch wut, ia'tat dadaepaxaeli, japi jol pejsumtanaxoe. Pansian, pawlpon Saulo, japonxot owapi pejsumtanaxoe, japoxan japon tataeflaliajwa. Do jawux, Esteban ia'tat dadaps.

⁵⁹ Esteban ia'tat dadaps wut, kawajanpon Jesús. Kawajan wut, jum-aechon: “Tajpaklon Jesús, itaj-ael nawebflaem xam porase!” —aech Esteban.

⁶⁰ Do jawut, brixtat nuk wut, pinjаметat jum-aechon: “Tajpaklon, jampi jiw xam nabej kastike', is xoti ampabajibax xanliajwa!” —aech Esteban. Japox jum-aech wut, Esteban tupalison.

8

Saulo wulwekafulpox jaelaliajwa Jesucristo pejwajan naexasiti

¹ Esteban matkaejbas wut, Saulo xabich nejchachaemil. Samata, nejchaxoel wut, jum-aechon: “Xabich pachaemdo', Esteban tupal wut” —aechon, nejchaxoel wut.

² Pe Jesucristo pejwajan naexasiti xabich wunowpi Esteban tuppoxliajwa. Asew poejiwxot, xabich pachaempi Diosliajwa, japi Esteban mutht. Xabich wunowbejpi.

³ Do jawut, judíospaklochow tuduti wulwekax jaelaliajwa Jesucristo pejwajan naexasiti Jerusalén paklowaxxot, japi kastikaliajwas. Saulobej wulwekaful naexasiti Jesucristo pejwajan. Bachan lalowpon jaelaliajwa poejiw, watho'bej. Jaela wut, bflaechon jiw jeba porade. Samata, Jesucristo pejwajan naexasiti dukp asapaklowaxanlel, asatujnuchanlelbej. Asew japixot dukp asapaklowaxan porade Judea tujnuxot. Asew japixot dukpbej Samaria tujnux porade. Apóstoleslax dukpa-el. Japi nakiowa kaweta duil Jerusalén paklowaxxot.

Jesucristo pejwajan naexasiti naewajanpor Samaria tujnupijiw

⁴ Jerusalén paklowaxxot dukpi, japi pat wut asapaklowaxanxot, japapaklowaxanpijiw naewuajanpi chimiawuajan, Jesucristo pejuwan. Jasox ja-aechi jiw naexasisliajwa, Dios bu'weliasbejpi.

⁵ Dukpixot kaen, najaeton kaepaklowax, pinjiyax, poxade, Samaria tuajnu poxade. Japon pawul Felipe. Japapaklowaxxotde wuton, japapaklowaxpijiw naewuajanpon Jesucristo pejuwan.

⁶ Japi jiw natameja wut, puexa chiekal naeweti Felipe naewuajanpox. Japi taenbej, Felipe is wut koechaxan Dios pijaxtat.

⁷ Xabich jiw, dep webaespi pejmatpuatanxot, japi Felipe boejthut Dios pijaxtat. Samata, dep nakola wut jiw pejmatpuatanxot, pinjametat na-oe'bala. Xabich nabejkpibej, japi chiekal laelp. Asew jiw, laelpaxilpibej, japi puexa chiekal boejthuch.

⁸ Samata, japapaklowaxpijiw xabich nejchachaemil.

⁹ Japapaklowaxxot aton duk. Japon pawul Simón. Japon pinjoe'an. Xabich jiw naekichachajbapon pinjoe'axtat. Jum-aechfulon, jiw naekichachajba wut: "Xan xajux jiw boejthusliajwan. Kaes asan ajil, me-ama xan jason" — aechfulon.

¹⁰ Puexa jiw, japi jiw kejiipi, kemaenkibej, chiekal naewechpon. Japon jiw naewech wut, jiw jum-aech Simónliajwa: "Simón Dios kajachawaech xot, xajux japoxan isliajwa" — aechi.

¹¹ Japi jiw japon naexasisfulas, pinjoe'axtat pomatkoicha jiw naekichachajba xot.

¹² Pelax Felipe naewuajan Dios pejjamechan, Dios puexa pejiw tato'laxaelwuajan. Naewuajanbejpon chimiawuajan, Jesucristo pejuwan. Jiw naexasit wut Felipe naewuajanpox, japi bautisas, poejiw, watho'bej.

¹³ Do jawut, Simón, me-ama diachwuajnakolax Jesucristo pejuwan naexasit wut, ja-aechon. Do jawut, japonbej bautisas. Jawut Felipe pejnachalan nadofapon. Felipe koechaxan isful wut Dios pijaxtat, Simón japoxan taen wut, xabich nejchaxoelon.

¹⁴ Apóstoles, Jerusalén paklowax xoti, wultaen wut, Samaria tuajnupijiw chiekal naewetox Dios pejjamechan, japi apóstoles to'api Pedro, Juan suapich, taeliajwapi Samaria tuajnupijiw, naexasiti Jesucristo pejuwan.

¹⁵⁻¹⁶ Pedro, Juan suapich, pat wut Samaria tuajnuaxot, Espiritu Santo pas-elsikfik japi pejmatpuatanxot. Jesucristo pejwultatkal bautisas. Samata, Pedro Dios kawuajan, Juan suapich, Espiritu Santo pasliajwa japi pejmatpuatanxotsik.

¹⁷ Dios kawuajan wuti, ke-owapi jelnaexasiti pejta'antat. Do jawut, Espiritu Santo pask japi pejmatpuatanxotsik.

¹⁸⁻¹⁹ Simón japox taen wut, jum-aechon apóstolesliajwa:

— ¡Nejpamamax xan naduajde xanbej koechaxan isliajwan! Xamal mosax-aelen platatat, xanbej ke-otx wut asew jiw pejta'antat pasliajwasik Espiritu Santo japi pejmatpuatanxot — aech Simón.

²⁰ Do jawut, Pedro jumnot wut, jum-aechon Simónliajwa:

— Xam jumch nejchaxoelam wuajsliajwam platatat, Dios malech nachax-dutpox. Samata, Dios fo'axael xam infierno poxadik. ¡Nej nafa'e'bej nejew plata!

²¹ Xam nabichaximil Dios pejbichax, nejnejchaxoelax chiekal pachaema-el xot Diosliajwa.

²² ¡Kofde japababejnejchaxoelax! ¡Dios xabich kawuajande xam beltaeliajwa nejchaxoelampoxliajwa, xam kastika-elaliajwa Dios!

²³ Xan matabijtax xam xabich nusasiawlam Jesucristo pejwɥajan naexas-tiliajwa. Babijax xam tapae-el isliajwam pachaempoxan. Samata, babijax-tat xam, me-ama asan aton matakɥ wɥt, ja-am. Jasoxtat isaximil pachaempoxan —aech Pedro Simónliajwa.

²⁴ Simón jumnot wɥt, jum-aechon Pedroliajwa:

—¡Dios nawekawɥajande xam najum-ampox jachisamata xanliajwa! —aechon Pedroliajwa.

²⁵ Do jawɥx, Pedro, Juan sɥapich, japi chapaei taenpoxan, majt Jesús ispoxan. Do jawɥx, japi naewɥajanbej jiw Dios pejjamechan. Do jawɥxbej, asapaklowaxanxot, Samaria tɥajnxot, naewɥajanpi chimiawɥajan, Jesucristo pejwɥajan. Do jawɥx, Pedro, Juan sɥapich, kaxa nawech Jerusalén paklowax poxade.

Felipe bautisapox Etiopía tɥajnxɥijin

²⁶ Do jawɥx, Dios pej-ángel pask Felipexot. Pask wɥt, jum-aechon Felipeliajwa: “¡Thilde! ¡Xabɥa'de surlel japot nɥamt, Jerusalén paklowaxxot fɥlaechpot Gaza paklowax poxaliajwade!” —aech ángel. Japot nɥamt xende pajilax poxakal.

²⁷ Do jawɥt, Felipe thilt wɥt, fɥlaechlison. Japanɥamtat wɥt, Felipe taen Etiopía tɥajnxɥijin. Japon plata tataeflan. Etiopía tɥajnxɥijiw paklokolow pejew plata puexa tataefɥlpon. Japon majt Jerusalén paklowax poxade Dios pejtemplobatat Dios kawɥajnalialjwa.

²⁸ Nawia'an wɥton pejtɥajnxɥ poxade, Etiopía tɥajnxɥijin xaljoefɥ carrozatat profeta Isaías chajia lelpox.

²⁹ Felipe japon taen wɥt, jawɥt Espíritu Santo to'ason. Espíritu Santo jum-aech: “¡Xabɥa'de! ¡Mox pa'mich japacarroza!” —aech Espíritu Santo.

³⁰ Felipe moxde wɥt, jumtaenlison, Etiopía tɥajnxɥijin xaljoefɥ wɥt Isaías chajia lelpox. Do jawɥt, Felipe kawɥajnachaemt wɥt, jum-aechon:

—¿Xamkat xaljowampox jummatabijtam? —aechon.

³¹ Etiopía tɥajnxɥijin jumnot wɥt, jum-aechon:

—¿Machiyaxaelamkat xan chiekal jummatabijsliajwan, asan aton ajil wɥt xan chiekal nachanaekabɥanaliajwa? —aechon.

Do jawɥt, Etiopía tɥajnxɥijin tadɥt Felipe julaliajwa japon pejcarrozatat kaeyaxtat chalakaliajwapi.

³² Etiopía tɥajnxɥijin xaljow Jesúsliajwa chajia jum-aechox: “Japon bɥflaeyaxaes boesaliajwas. Me-ama oveja bɥ'fos xɥa'asba poxade, jachiyaxaeson. Japon boejlachaxaelbej, bɥ'fos wɥt. Me-ama ovejas boejlach nuil, bɥ'latasiaplapi pejwɥajnalel wɥt, jachiyaxaelbej japon.

³³ Nabijasaxaelon, babijax is-elpon kastikaxaes wɥt. Paxi ajil xot, japi pejwɥajan, pamojiwbej pejwɥajan, ajilaxael. Jachiyaxaeson, boesaxaes xot” —aech Etiopía tɥajnxɥijin, xaljow wɥt Isaías chajia lelpox Jesúsliajwa.

³⁴ Do jawɥt, Etiopía tɥajnxɥijin wɥajnachaemt wɥt, jum-aechon Felipeliajwa:

—¡Najum-amde! Ampox profeta lelox, ¿achanliajwakat jum-aechox? ¿Pajutliajwakat jum-aechon? O, ¿asanliajwakat jum-aechon? —aech Etiopía tɥajnxɥijin.

³⁵ Do jawɥt, Felipe chiekal chanaekabɥana Isaías chajia jum-aechpox Jesúsliajwa. Jawɥtbej chiekal chanaekabɥanapon chimiawɥajan, Jesucristo pejwɥajan.

³⁶ Do jawɥt, kaes chaflaech wɥt, carrozatat xensliajwa wɥt minxot, jawɥt Etiopía tɥajnxɥijin jum-aech:

—Ama min. ¿Pachaemkat xan nabautisaliajwam? —aechon.

[
³⁷ Felipe jumnot wut, jum-aechon:
 –Xam chiekal naexasitam wut Jesucristo pejwajaan, pachaem xam bauti-
 saliajwan –aech Felipe.

Etiopía tujnupijin jumnot wut, jum-aechon:
 –Xan chiekal naexasitx diachwajnakolax Jesucristo Dios paxulan –
 aechon.]

³⁸ Do jawut, Etiopía tujnupijin keto'a pamakan japon frenaliajwa kawaei.
 Carroza okjaba wut, japi nana carrozaxot. Fulaechlisi minade. Do jawut,
 Felipe bautisa Etiopía tujnupijin.

³⁹ Minwux, put jul wut, Felipe masoxtat naxaelcha, Espíritu Santo bu'fos
 xoton. Etiopía tujnupijin kaes tae-el Felipe. Dolisdo', Etiopía tujnupijin
 chaflaech pejtujnux poxade. Pejba pa'a wut, xabich nejchachaemilon.

⁴⁰ Felipe, Espíritu Santo bu'fos wut, buflaechpon Azoto paklowax
 poxade. Japaklowaxxot wuton, Felipe asapaklowaxanlel mathunaful
 naewujnafulaliajwa chimiawajaan, Jesucristo pejwajaan. Cesarea
 paklowaxxot pat wut, jaxotde Felipe naman.

9

Saulo naexasitpox Jesucristo (Hch 22.6-16; 26.12-18)

¹ Saulo buxkofs-el thiyafulpox Jesucristo pejwajaan naexasiti. Samata,
 fulaechon sacerdotespaklokolan poxade.

² Sacerdotespaklokolanxot, Saulo jum-aech: “iNawelelde kaesupich
 carta xan xalaeliajwan Damasco paklowax poxade, kaenanula judíos
 naewujnabachan tataefulpi itpaeliajwan japacartan! ¡Japacartantat nato'im
 xan jaxotde jaelaliajwan naexasiti Jesucristo pejwajaan, poejiw, watho'bej!
 Japi jaelax wut, ampalel, Jerusalén paklowaxleldin, buflaeyaxaelen jiw
 jebatat jeliajwas” –aech Saulo sacerdotespaklokolanliajwa.

³ Do jawut, japacartan welels wut, xalaechon Damasco paklowax poxade.
 Japapaklowax mox wut, chalechkal xabich itliakjala athusik japonxot.

⁴ Itliakjala wut, Saulo jumwal satadik. Jawut jumtaenlison athusik
 jmtiskaspox. Jmtison:

–Saulo, Saulo, ¿ma-aech xotkat xan nachakifolam? –tison.

⁵ Saulo wujnachaemt wut, jum-aechon:

–Tajpaklon, ¿achanamkat xam? –aechon.

Jumnoch wut, jmtispon:

–Xan Jesús, xam nachakifolamponan.

⁶ ¡Nande! ¡Fulaemch Damasco paklowax poxade! Jaxotde asan aton xam
 jumchiyaxael isaxaelampoxliajwa –tis Saulo.

⁷ Saulo supich, foli, japox xabich beljatas. Aton pejjamekal jumtaenpi. Pe
 chinax tae-eli aton, naksiyapon.

⁸ Saulo nant wut, natachaemt wut, tae-elon, itliakal xot. Tae-el xot, asew
 jiw makxafoson Damasco paklowax poxade.

⁹ Jaxotde pa'a wut, tres matkoi tae-elon. Jawut chinax naxae-elbejpon. Fe-
 elbejpon min.

¹⁰ Damasco paklowaxxot duk aton. Japon pawul Ananías. Japon chiekal
 naexasit Jesucristo pejwajaan. Ananías masoxtat jumtaen Jesús pejjame.
 Jawut Jesús jum-aech Ananíasliajwa:

–¡Ananías! –aechon.

Ananías jumnot wut, jum-aechon:

–Tajpaklon, xan ama amxotx –aechon.

11 Jesús jum-aech:

—¡Nande! ¡Xabua'de paklowaxlelde, pawallel Matnochthialax! Japathialaxxotde, jaxotde Judas pejbaxot wuajnaechaemsaxaelam: ‘¿Amxotkatlap Saulo duk, Tarso paklowaxpijin?’ —chiyaxaelam, wuajnaechamtam wut. Amwutjel Saulo Dios kawuajan.

12 Dios kawuajan wut, masoxtat xam taenpon. Taenbejpon, xam patampox japon dukxot. Taenbejpon, xam ke-otam wut japon pejta'tat. Do jawut, pejme chiekal taenpon —aech Jesús Ananíasliajwa.

13 Ananías japox jumtaen wut Jesús jum-aechpox, jawut jum-aechon:

—Tajpaklon, xabich jiw nachapaei Sauloliajwa. Wuhtaenxbejpon xabich babijaxan ispox xam nejwuajan naexasitiliajwa Jerusalén paklowaxxot.

14 Japon ampalel to'anas sacerdotespaklochow, puexa xam nejwuajan naexasiti jaelaliajwa, buflaeliajwabejpon jiw jeba poxade —aech Ananías Sauloliajwa.

15 Pe Jesús jum-aech:

—¡Xabua'de! ¡Wulwekde Saulo! Xan japon makafitx tajwuajan naewuajnafulaliajwapon asajiw asatwajnuchanpijiw, japi pejreyesbej, Israel tuajnupijiwbej.

16 Xan tajaxtat Saulo xabich nabijasaxael, naewuajan wuton tajwuajan judíos-eli —aech Jesús Ananíasliajwa.

17 Do jawut, Ananías fulaech Saulo duk poxade. Jaxot pa'a wut, ba lowpon. Jawut, ke-ot wut Saulo pejta'tat, jum-aechon:

—Takoewan Saulo, wajpaklon Jesús, japon taenampon, jumtaenamponbej, fulaeman wut nuamtat, japon xan nato'a pasliajwan xamxot. Jasoxtat Jesús nato'a xam pejme chiekal taeliajwam, Espíritu Santo xam kachawaesfulaliajwabej —aech Ananías Sauloliajwa.

18 Do jawut, Saulo pej-itfutxot koloeyax wejops, me-ama baxibok, jasox. Do jawut, Saulo pejme chiekal taen. Nant wut, bautisaslison.

19 Do jawut, xael wut, pejme chiekal pachaemlison. Jawut Damasco paklowaxxot Saulo dukfuk, naexasiti Jesucristo pejwuajan suapich, kaematkoian suapichliajwa.

Saulo naewuajanpox Jesucristo pejwuajan Damasco paklowaxpijiw

20 Saulo tuadut naewuajnalialjwa Jesucristo pejwuajan judíos naewuajnabachaxot. Naewuajan wut, jum-aechon: “Jesús diachwuajnakolax Dios paxulan” —aechon.

21 Japi jiw japox jumtaen wut, xabich natachaemapi. Nakaewa najum-aechi:

—Saulo majt Jerusalén paklowaxxot chakifol jaelaliajwa naexasiti Jesucristo pejwuajan. Japon chakifulaen amxot naexasiti Jesucristo pejwuajan jaelaliajwa, sacerdotespaklochowxot woeyaliajwa Jerusalén paklowaxxot —na-aech jiw nakaewa.

22 Saulo jiw naewuajan wut Jesucristo pejwuajan, pejlwla-elon naewuajan wut. Chiekal naewuajanbejpon Jesús diachwuajnakolax Dios to'aspon jiw bu'welialjwa. Judíos, japi duili Damasco paklowaxxot, xajupa-el buxmalechaliajwapi Saulo naewuajanpox.

Saulo wiapox judíosxot

23 Do jawux, pin-iamatkoian wut, Damasco paklowaxxot judíos nejchaxoel boesaliajwapi Saulo.

24 Pomatkoicha, pomadoichabej, Saulo wawech jiw nakakolaxot paklowaxxot boesaliajwas. Japapaklowax tathoetlel ia'kal chaxxajajials. Japox

xabich da'nik. Xabich athubejpox. Saulo jumtaen jiw isaxaespox japonliajwa.

²⁵ Madoi wut, Saulo pejnachala chakakofnas canastatat xajajialslelsik tathoetlel. Jatis wut, Saulo wia.

Saulo apóstolesxotpox Jerusalén paklowaxxot

²⁶ Saulo Jerusalén paklowaxxot pat wut, naknatamejasiapon, naexasiti Jesucristo pejwajaan suapich. Pe japi asbuan jumch pejlwla japonliajwa. Jumch nejchaxoeli japonliajwa: “Saulo bej najiamjebej Jesucristo pejwajaan naexasitpox” –aechi Sauloliajwa, nejchaxoel wut.

²⁷ Pe nakiowa, Bernabé pejlwla-el Sauloliajwa. Samata, buflaechon Saulo apóstoles poxade, japon chiekal matabijsliajwas apóstoles. Bernabé bu'pat wut Saulo apóstolesxot, jawut jum-aechon japijajwa: “Saulo nuamtat fol wut, taenon Jesús. Jumtaenbejpon, Jesús jum-aech wut japonliajwa. Do jawux, Saulo Damasco paklowaxxot xabich pejlwla-el, naewuajnaful wuton jiw Jesucristo pejwajaan” –aech Bernabé.

²⁸ Do ja-aech wut, Saulo naman apóstolesxot dukaliajwa Jerusalén paklowaxxot. Nanuamtbejpon, japi suapich. Saulo naewuajan wut jiw Jesucristo pejwajaan, xabich pejlwla-elon.

²⁹ Saulo nospaei wut judíos suapich, japi naksiyapi griegojame, nabunlotbejpon japon naewuajanpoxliajwa. Samata, japi Saulo boesax nejchaxoel.

³⁰ Asew Jesús pejwajaan naexasiti, jumtaen wuti Saulo boesaxaespox, japi buflaech Saulo Cesarea paklowax poxade. Jaxotde barkam duk fulaeyaxaelpox Tarso paklowax poxade. Japabarkamtat Saulo to'as.

³¹ Do jawux, Jesús pejwajaan naexasiti, Judea tuajnupijiw, Galilea tuajnupijiwbej, Samaria tuajnupijiwbej, chiekal duil wuajanxilaxtat, kaes chakifulae-esal xot. Japi kaes Dios xanaboejaful kajachawaesfulaliajwas. Japibej isful Dios nejxasinkpoxan. Do ja-aech wut, kaes xabichful naexasiti Jesucristo pejwajaan, Espíritu Santo kajachawaesfulas xot.

Pedro boejthutpox Jesucristo pijaxtat pawulpon Eneas

³² Pedro mathun paklowaxan taeliajwapon naexasiti Jesucristo pejwajaan. Jawut falaechbejpon Lida paklowax poxade.

³³ Jaxotde taenon aton. Japon pawul Eneas. Japon nabejkpox, ocho waechanliso. Laejaxil xot, okon furbu'tat.

³⁴ Do jawut, Pedro jum-aech japonliajwa:
–Eneas, Jesucristo xam boejthusaxael. ¡Nande! ¡Najut nejfurbu' chaemde!
–aech Pedro.

Do jawut, Eneas nancha, chiekal boejthuls xoton.

³⁵ Puexa jaxot duili, Lida paklowaxpijiw, Sarón tuajnupijiwbej, taeni majt nabejkpon, pachem wutlison. Do jawut, puexa japi naexasit Jesucristo pejwajaan. Do jawutbej, japi jiw kofa padujnejchaxoelaxan.

Dorcas tur wut, Dios mat-echpox pejme dukaliajwa

³⁶ Jope paklowaxxot pawis duk. Naexasitow Jesucristo pejwajaan. Japow pawul Tabita. Tabita –aech wut, griegojame, Dorcas –chiyaxael. Japow pomatkoicha is pachaempoxan asew jiwliajwa. Jiw kejila kajachawaetbejpow.

³⁷ Pedro Lida paklowaxxot wut, Dorcas bu'xaenk. Bu'xaenk wut, turpow. Dorcas tur wut, pejjiw bu'kiachpow, me-ama japi pejkabuan. Do jawux, athu piezaxxotse osas.

³⁸ Jope paklowax mox Lida paklowaxxot. Pedro japapaklowaxxot. Naexasiti Jesucristo pejwujajan, japi wultaen Pedro Jope paklowaxxotpox. Samata, japixot kolenje to'as, japi wuljaesliajwa Pedro. Pa'a wuti Pedroxot, jum-aechi: “¡Xabua't! ¡Nabey nejthisle' Jope paklowax poxade xanal nakfulaeliajwam!” — aechi.

³⁹ Do jawut, Pedro nakfulaechlison japi. Pedro pa'a wut, bu'julachaspon patupow osas poxase. Jaxotse watho', pamaljiw naetupspi. Japi watho' xabich wunow Dorcas. Pedro low wut japapiezaxxot, japi watho' masajia-achpon. Japi watho' itraei Dorcas chaxduwspoxan, chabu'athowspoxanbej, japow tupa-el wut.

⁴⁰ Do jawut, Pedro puexa japi jiw nakolax to'a. Nakola wut, Pedro brixtat nuk Dios kawujajnalajwa. Jawut, Pedro patupow natachaemt wut, jum-aechon:

—Tabita, ¡najut mat-e'e! —aech Pedro.

Do jawut, patupow natachaemcha. Taen wutow Pedro, do jawut, pajut mat-etbejpow.

⁴¹ Pedro japow makafit nansliajwa. Do jawut, japow nant. Jawut Pedro la naexasiti Jesucristo pejwujajan, watho' pamal naetupspibej, itraeliajwapon Dorcas mat-echpox pejme dukaliajwa.

⁴² Puexa Jope paklowaxpijiw japox wultaena. Samata, japixot xabich jiw naexasit Jesucristo pejwujajan.

⁴³ Pedro namanfuk pin-iamatkoian Jope paklowaxxot. Pedro duk Simón pejbatat. Japon Simón pakbu'an chaemsan.

10

Pedro naewujajanpox Cornelio pejbatat

¹ Cornelio duk Cesarea paklowaxxot. Japon soldawpaklon. “Batallón Italiano” —tis japamutpijiw soldaw, japi Italia tuajnutpijiw xot.

² Cornelio xabich pachaempon. Japon pijow, paxi, pamakjiw suapich, japi Dios naexasit. Jikajachawaeton judíos, japi kejilpi. Japon pomatkoicha Dios kawujajan.

³ Asamatkoi, a las tres wutlejen, Cornelio masoxtat taen Dios pej-ángel, pask wut japon pejbaxot. Do jawut, ángel jum-aech Cornelioliajwa:

—¡Cornelio! —aechon.

⁴ Cornelio taen Dios pej-ángel. Do jawut, xabich pejlewlapon. Jawutbej, wujajnachamta wut, jum-aechon:

—¿Achaxasiamkat? —aech Cornelio.

Ángel jumnot wut, jum-aechon:

—Xam kawujajnampox Dios jumtaen. Dios nejchachaemil xamliajwa, kachawaesfulam xot kejila.

⁵ ¡Ma amwut, a sew xamxot to'im Jope paklowax poxade japi wuljaesliajwa Simón! Japon asawul Pedro.

⁶ Simón duk pejwulxoelan pejbatat, pakbu'an chaemsan pejbatat. Japon pejba ek marbabu'tat —aech ángel.

⁷ Ángel japox buxtoet wut, athu poxasepon nawiasa. Do jawut, Cornelio kolenje pamakan lapon. Labejpon kaen soldawan. Japon soldawan naexasitbej Dios. Japon soldawan chiekal isbejpon, Cornelio to'a wut.

⁸ Dolisdo', japi pa'an wut Cornelioxot, Cornelio japi chapaei puexa ángel jumtisporox. Do jawux, japi to'apon Jope paklowax poxade, wuljaesliajwapi Pedro.

⁹ Kandiawa, juimt matnoch ek wut, japi mox fulaen wut Jope paklowax pasliajwa, japi wuajna, Pedro julach ba matwuajase, najapnax poxase, Dios kawuajnalajwa.

¹⁰ Jawut Pedro litaxaela. Naxaeyax toejafa-elfuk japonliajwa. Do jawut, Pedro masoxtat taen, Dios kawuajan wut.

¹¹ Taenon athu fafachpox. Taenbejpon pinjiyax, me-ama sábanabu', fulaeflik wut satlelsik. Japox sábanabu', me-ama nataelabuxsumkus wut, ja-aechox.

¹² Japasábanatutat nejmachchoef nuil. Jaxotbej jom, papunibej.

¹³ Do jawut, Pedro jumtaen jumentiskaspoax athusik:

—Pedro, ¡nande! ¡Ampi choef bem xaeliajwam! —tis Pedro.

¹⁴ Pedro jumnot wut, jum-aechon:

—¡El, paklon! Xan choef chinax xae-enil chaemili, me-ama ampi choef, jasi, tajwuajnapijiw nakaechafiat xot, babijax isasamatan xamliajwa —aech Pedro.

¹⁵ Pejme athusik jumentiskas Pedro:

—Dios jum-aech wut: 'Pachaem xaeliajwa' —aech wut, ¡japoxliajwa xam nabej jum-aech': 'Chaemil' —nabej aeche'! —tis Pedro.

¹⁶ Pedro keto'as tres veces japi choef beliajwapon, xaeliajwabejpon. Do jawut, japasábana athu poxase chajulaful, choef suapich.

¹⁷ Pedro xabich nejchaxoel, masoxtat taen wut sábanabu', choef suapich. Samata, Pedro jum-aech, nejchaxoel wut "¿Masoxkat Dios xan nachanaekabuanasia, taenx wut japox?" —aech Pedro, nejchaxoel wut. Pedro japox nejchaxoel wutfuk, Cornelio pamak patlisi bafafatat. Japi fulaen wutfuk, wuajnachaemti jiw: "¿Amxotkat Simón pejba ek, pakbu'an chaemsan pejba?" —aechi.

¹⁸ Dolisi pat wuti Simón pejbaxot, pinjametat wuajnachaemt wut, jum-aechi: "¿Ampabaxotkatlap Simón Pedro duk?" —aechi.

¹⁹ Pedro nakiowa nejchaxoelfuk japox ja-aechpoxliajwa bamatwuajtatse. Do jawut, Espiritu Santo jum-aech Pedroliajwa: "Tres aton pat. Japi pat xam wuljaesliajwa.

²⁰ Samata, ¡nande! ¡Balaemik! ¡Japi nejmach nakfulaem! Xan japi to'anax xot, japi fulaen" —aech Espiritu Santo Pedroliajwa.

²¹ Pedro balaek wut, jum-aechon pa'ampilajwa:

—Xanlap nawulwekamponan. ¿Ma-aech xotkat fulaeman? —aech Pedro.

²² Japi jumnot wut, jum-aechi:

—Xanal fulaenx, tajpaklon Cornelio nato'a xot. Tajpaklon, japon soldawpaklon, xabich pachaempon. Japon Dios naexasitbej. Judíos jum-aech wut japonliajwa, jum-aechi chimiajamechan. Puexa judíos nejxasinkasbejpon. Kaeliw Dios pej-ángel jumentispon: '¡Asew xam to'im japi wuljaesliajwa Pedro! Japon pa'an wut, ¡chiekal naewe'e japon xamal jumchiyaxaelpox!' —aech Dios pej-ángel Cornelioliajwa —aechi Pedroliajwa.

²³ Pedro japox jumtaen wut, tapaeipon japi leliajwa ba. Do jawut, japatat namapi kaemadoiliajwa. Dolisdo', kandiawa wut, Pedro nakfol japi. Asewbej, naexasiti Jesucristo pejwuajan, Jope paklowaxpijiw, japibej nakfoli Pedro.

²⁴ Kandiawa wut, Pedro pa'a Cesarea paklowaxxot. Japi wuajna, Cornelio, pejiwkola suapich, pejnachala suapichbej, tudut natamejax japon pejbatat. Cornelio bu'wuajnawet pejiw Pedro pejpasaxliajwa.

²⁵ Pedro pat wut Cornelio pejbaxot, Cornelio nakoldin bu'kulsliajwapon Pedro. Do jawut, Cornelio brixtat nuk Pedro pejwuajnalel, sitaeyaxtat chiekal bu'kulsliajwapon.

²⁶ Pe Pedro makafit Cornelio nansliajwa. Jawut Pedro jum-aech:

—¡Nande! ¡Tajwujnalel xam brixtat nabej nuke'! Xan atonan. Me-ama xam, ja-an xan —aech Pedro Cornelioliajwa.

²⁷ Pedro japox jum-aech wut Cornelioliajwa, japi lowlisi Cornelio pejba. Jaxot Pedro xabich jiw taen, japi wujajna natamejapi.

²⁸ Do jawut, Pedro jum-aech:

—Xamal chiekal matabijam. Tajwujnapijiw chajia lelox tapae-el nachalialiajwan, judíos-elpi suapich. Xanal natapae-elbej leliajwan judíos-eli pejbachaxot. Japoxan xanal judíos tajkabuan. Pe amwutjel xan matabijtax Dios nafias-el japoxanliajwa.

²⁹ Samata, namak nawuljaet wut, asax pae-enil japiliajwa: 'Xan fulaeyaxinil' —chi-enil. Kamta nakfolx japi. Ma amwut matabijsasian, ma-aechxotkat nawuljaeti —aech Pedro, natamejapiliajwa Cornelio pejbatat.

³⁰ Cornelio jumnot wut, jum-aechon:

—Cuatro matkoilisoj Dios kawujnaxpox tajbatat kaliax, ampahora wutlejen. Chalechkal natulaelt wut, me-ama aton, jason, japon najum-aech. Naxoelox xabich itliak.

³¹ Japon najum-aech: 'Cornelio, xam kawujnampox Dios jumtaen. Dios nejkiowa-el xam kajachawaesfulampox kejila.

³² Samata, ito'im namak Jope paklowax poxade buflaeliajwadini Simón! Japon asawul Pedro. Japon duk pejwulxoelan pejbatat, pakbu'an chaemsan pejbaxot. Japon pejba ek mox marbabu'tat' —na-aech ángel.

³³ Samata, tamak kamta to'ax xam wulwekaliajwapi. Xam isam pachaempox tajjiwliajwa, nakfulaeman xot. Amwutjel xanal natamejlax Diosliajwa. Xanal puexa jumtaesian xam Dios buxto'apoxan xanal nanaewujnalialiajwam —aech Cornelio Pedroliajwa.

Pedro naewujjanpox jiw Cornelio pejbaxot

³⁴ Dolisdo', Pedro tudut wut jiw naewujnalialiajwa, jum-aechon:

—Amwutjel ampox matabijtax. Diachwujnakolax, Dios jiw taen wut, pothatapijiw puexa chiekal najupataenpon.

³⁵ Dios natxasisla-ele-el pothatapijiw, japi itpaei sitaeyax Diosliajwa, ispibej pachaempoxan.

³⁶ Xamal matabijam Dios xato'a chimiawujan, Jesucristo pejwujan, xanal israelitasliajwan Dios nabeltaeliajwa, isx wut babijaxan. Japon Jesucristo, paklokolan puexa jiwliajwa.

³⁷ Xamal chiekal matabijambej Jesús ispoxan judíosliajwa japi pejtujnuchantat. Juan, jiw bautisan, naewujnaful wut, japon jiw bautisafulbej. Japamatkoiyan Jesús ispoxan tudut Galilea tujnuxot.

³⁸ Xamal chiekal matabijambej, Dios chaxdut Jesúsliajwa, japon Nazaret paklowaxpijin, Espíritu Santo. Dios chaxdutbej pejpamamax Jesúsliajwa. Samata, Jesús isful pachaempoxan jiwliajwa. Boejthusfulbejpon jiw, nabijati Satanás pijaxtat. Diachwujnakolax Jesús xajup japoxan isfulaliajwa, chalas xoton Dios.

³⁹ Xanal taenx Jesús isfulpoxan Jerusalén paklowaxxot, Judea tujnuxot. Do jawux, asajiw Jesús kematamatlas cruztat tupaliajwa.

⁴⁰⁻⁴¹ Jesús tuj wut, tres matkoi wut, Dios mat-echpon pejme dukaliajwa. Do jawux, xanalxot natulaelton. Asew jiwxot natulaels-elon. Dios chajia xanal namakanot, asamatkoi Jesús taeliajwan, mat-ech wuton, pejme duk wut. Samata, Jesús xanalxot natulaelt, mat-ech wuton. Do jawut, xanal xaelx, Jesús suapich. Afxbej.

⁴² Jesús nabuxto'a xanal jiw naewuajnalijwan Dios wulduwpox Jesús jue-zlijaw. Asamatkoi japon jiw babejchow pejlel diajkaxael. Diajkaxaelbejpon pejlel jiw pachaempi. Jachiyaxaelon jiw laelpilijaw, jiw tɔpiliawabej.

⁴³ Puexa profetas chajia jum-aechi Jesús pasaxaelpoxlijaw ampathatat. Japi jum-aechbej: 'Jiw naexasisaxaelpi japon, japi Dios beltaeyaxaes babi-jaxan ispoxanlijaw' —aechbej profetas, chajia jum-aech wut —aech Pedro, jiw naewuajan wut Cornelio pejbatat.

Judíos-elpi pejmatpɔatanxot paskpox Espíritu Santo

⁴⁴ Pedro naewuajan wutfuk, jawut Espíritu Santo pask, Pedro naewuajanpox naeweti pejmatpɔatanxotsik.

⁴⁵ Judíos, pati, Pedro sɔapich, japi chajia naexasiti Jesucristo pejwuajan. Japi xabich nejchaxoelanuil, taen wuti Espíritu Santo paskpox judíos-eli pejmatpɔatanxotsik.

⁴⁶ Japi matabija Espíritu Santo paskpox, naksiya xoti asajamechan, majt naksiya-eljamechan, japi jum-aechful xotbej Dioslijaw: "Xam xabich pachaemam" —aechful xoti Dioslijaw.

⁴⁷ Samata, Pedro jum-aech, japon sɔapich, patpi jumtaelija: "Espíritu Santo fuloek Cornelioxotsik, pejjiwxotsikbej. Me-ama xatislajaw, jatisbej judíos-elpilijaw. Samata, japi jiw bautisas wut, xatis elchiyaxisal" —aech Pedro.

⁴⁸ Samata, Pedro to'a Cornelio, pejjiw sɔapich, bautisaliajwas Jesucristo pejwultat. Do jawut, japi jiw fiati Pedro namanaliajwa kaematkoi sɔapich japixot.

11

Pedro chapaeipox Jerusalén paklowaxpijw, Dios buxto'aspox naewuajnalijaw judíos-eli

¹ Apóstoles, asewbej, naexasiti Jesucristo pejwuajan, Judea tuajnapijiw, japi wultaen judíos-eli chiekal naexasitox Jesús pejwuajan.

² Samata, Pedro pat wut Jerusalén paklowaxxot, asew judíos, naexasiti Jesucristo pejwuajan, japi loti Pedro.

³ Japi lot wut, jum-aechi Pedrolijaw:

—¿Ma-aech xotkat xam fɔlaemch taelijawam judíos-eli? ¿Ma-aech xotbejkat, japi sɔapich, naxaelam? —aechi.

⁴ Do jawut, Pedro puexa chiekal chapaejax tuaduton, akasestat ja-aech wut japox. Jum-aechon:

⁵ —Xan Jope paklowaxxotx wut, Dios kawuajnax wut, masoxtat taenx. Taenx athusik fulalaeplik wut Dios kawuajnaxxotsik, sábanabu' pinjiyax, me-ama nataelabuxsumkɔs wut, ja-aechox.

⁶ Xan chiekal taenx japasábanatutat nejmachchoef, jaxot nuil wut. Japi choef, cuatrotɔakanpi, pejmachchoefbej. Jaxotbej jom, miabej.

⁷ Jumtaenxbej, athusik najum-aechsik wut. Japajame najum-aech: 'Pedro, jnande! ¡Ampi choef bem xaelijawam!' —na-aech japajame.

⁸ Xan jumnotx wut, jum-an athusik najum-aechipox: '¡El, paklon! Xan japi choef chinax xae-enil, chaemili, me-ama ampi choef, jasi, tajwuajnapijiw nakaechafiat xot, babijax isasamatan xamlijaw' —an xan, athusik najum-aechsik wut.

⁹ Pejme najum-aech athusik: 'Xan jum-anox: "Pachaem xaelijaw" —anox, japoxanlijaw xam nabej jum-aechi: "Chaemil" —nabej aeche" —aechsik athusik najum-aechsikpox.

¹⁰ Japox ja-aech tres veces. Do jawux, sábanabu', choef suapich, athu chajulaful.

¹¹ Do jawut, xan dukxxot pat tres poejiw. Japi Cornelio pamak. Japi fulaen Cesarea paklowaxxot xan nawuljaesliajwa.

¹² Do jawut, Espíritu Santo nato'a japi jiw nejmach xan nakfulaeliajwan. Seis wajkoew, xan nafulchala, naexasiti Jesucristo pejwajaan. Do jawux, Cesarea paklowax patx wut, xanal, puexa folxpijin, lowx Cornelio pejba.

¹³ Cornelio nachapaei Dios pej-ángel natulaeltlox japon pejbatat. Do jawut, Cornelio jumtis ángel: 'iNamak to'im Jope paklowax poxade, japi buflaeliajwadin Simón Pedro!

¹⁴ Japon pa'an wut, xam naewuajnaexaelon isaxaelampox Dios bu'welija, nejjiw suapich' —tis Cornelio Dios pej-ángel.

¹⁵ Xan tuadutx wut japi naewuajnalija, jawut, Espíritu Santo pask japi pejmatpuatanxot. Me-ama majt xatisxot Espíritu Santo pask wut, jatisbej judíos-elpiliajwa.

¹⁶ Do jawut, xan nejchafaetx wajpaklon Jesús chajia nakjum-aechpox. Jesús chajia xanalliajwa najum-aech: 'Diachwajnakolax majt Juan jiw bautisa mintat. Pelax Espíritu Santo pasaxael xamal nejmatpuatanxotsik. Ja-aech wut, xamal, me-ama bautisaxaelam wut Espíritu Santo pijaxtat, jachiyaxaelam' —aech Jesús, chajia xanal najum-aech wut.

¹⁷ Diachwajnakolax Dios to'ak Espíritu Santo judíos-elpiliajwabej. Me-ama xatisliajwa, jatisbej judíos-elpiliajwa. Samata, xan elchiyaxinil, Dios japox is wut —aech Pedro, jumnot wut lotspiliajwa.

¹⁸ Jesucristo pejwajaan naexasiti, Jerusalén paklowaxpijiw, japox jumtaen wut, buxkofapi. Do jawut, Pedro kaes los-esal. Xabich nejchachaemillisi jumch Diosliajwa. Samata, jum-aechi:

—Diachwajnakolax, judíos-elibej Dios beltaens, kofa xot babijaxan isroxan pachaemaliajwapi Diosliajwa. Samata, asamatkoi kaeyaxtat duilaxaes Diosxotse pomatkoicha —aech Jerusalén paklowaxpijiw.

Naexasitlox Jesucristo pejwajaan Antioquía paklowaxpijiw

¹⁹ Esteban ia'tat dadaps wut, tur wutbejpon, do jawutbej, judíospaklochow tuadut chakifulaeyax Jesucristo pejwajaan naexasiti beliajwas. Samata, Jesucristo pejwajaan naexasitlox, asex dukp Fenicia tuajna poxade. Asex dukp Chipre tanaet poxade. Asex dukp Antioquía paklowax poxade. Dukpi japapaklowaxan poxade pat wuti, jaxot naewuajan chimiawuajan, Jesucristo pejwajaan, judíoskal jumtaeliajwa. Judíos-eli naewuajna-esalfuk.

²⁰ Asex naexasiti Jesucristo pejwajaan, Chipre tanaetpijiw, Cirene paklowaxpijiwbej, japi dukp wut, pati Antioquía paklowaxxot. Jaxot naewuajanpi chimiawuajan, wajpaklon Jesucristo pejwajaan, judíos-eliliajwabej.

²¹ Japi naewuajnaful wut Jesucristo pejwajaan, Dios kajachawaesfulas. Samata, xabich judíos-eli kofa pejwajnapijiw naexasitlox. Japilax naexasit Jesucristo pejwajaan.

²² Naexasiti Jesucristo pejwajaan, Jerusalén paklowaxpijiw, waltaen judíos-eli, Antioquía paklowaxpijiw, naexasitlox Jesucristo pejwajaan. Samata, Bernabé to'as taeliajwa Antioquía paklowaxpijiw.

²³ Bernabé pat wut Antioquía paklowaxxot, taenlison japi Dios kajachawaechpox. Samata, Bernabé xabich nejchachaemil. Do jawut, japon naewuajan puexa japi jiw kaes chiekal naexasisfulaliajwa Jesús pejwajaan.

²⁴ Bernabé xabich pachaempon. Xabich kajachawaesfulas Espíritu Santo. Xabich Dios xanaboejsfulbejpon. Samata, ja-aech wut, xabich jiw naexasit Jesucristo pejwujajan.

²⁵ Do jawux, Bernabé fulaechon Tarso paklowax poxade wulwekaliajwapon Saulo.

²⁶ Faen wut, japon suapich, kaxa nawen Antioquía paklowax poxadin. Do jaxot duillisi kaewaechliajwa Jesucristo pejwujajan naexasitixot. Japi xabich jiw naewujajan Antioquía paklowaxxot. Jesucristo pejwujajan naexasiti japapaklowaxxot matxoela jumtis japiliajwa: “Cristianos” –tispi.

²⁷ Japamatkoiyan Bernabé, Saulo suapich, Antioquía paklowaxlel naewujajan wut, asew profetas, Jerusalén paklowaxpijiw, pat Antioquía paklowaxxot.

²⁸ Japi profetasxot, kaen pawul Agabo. Natameja wut naexasiti Jesucristo pejwujajan, jawut Agabo nant japixot jumchiliajwa Espíritu Santo buxto'aspox. Jawut jum-aechon: “Ampatujnuchanpijiw xabich litaxaelaxael, naxaeyaxan piach ajilaxael xot” –aech Agabo. Baxael, diachwujnakolax japox ja-aech. Claudio, puexa Roma tujnupijiw tato'al wut, japamatkoiyantat japox ja-aech, naxaeyaxjilaxan.

²⁹ Dolisdo' japamatkoiyantat Judea tujnupijiw litaxaelaful. Samata, Antioquía paklowaxpijiw, naexasiti Jesucristo pejwujajan, kaenejchaxoelax plata xato'aliajwa naexasitiliajwa Jesucristo pejwujajan, Judea tujnupijiwliajwa. Kaenanula xajuppoxtat owapi plata.

³⁰ Jasox ispi, plata owa wut. Do jawut, Bernabé, Saulo suapich, to'as japaplata xalaeliajwa Judea tujnupijiw poxade chaxduiliajwapi ancianosxot.

12

Pedro jiaspox jiw jebatat

¹ Japamatkoiyantat Herodes, Judea tujnupijiw tato'lan, tudut babijaxan isliajwa Jesucristo pejwujajan naexasitiliajwa.

² Herodes keto'a pejsoldaw boesaliajwapi espadatat Santiago. Japon Juan pakoewan. Faens wut, boesaspon.

³ Herodes wultaen asew judíos xabich nejchachaemilox Santiago boesaspoxliajwa. Do jawutbej, Herodes keto'a pejsoldaw Pedrobej jaelsliajwas, Pascuamatkoi wut. Japamatkoitat judíos pan jixael, puthla-eli. Do jawut, Pedrobej jaeltas.

⁴ Pedro jaeltas wut, Herodes keto'a pejsoldaw Pedro jeliajwas jiw jebatat. Jiw jebaxot cuatromutje soldaw, japi nalixafulaliajwa Pedro wesax. Kaenanula cuatromutjexot, jaxot cuatro soldaw. Herodes nejchaxoel wut, jum-aechon: “Pascuafiesta toep wut, Pedro jusaxaelen jiw jebaxot. Nosaxaelnon puexa jiw pejwujajnael tasalaliajwason” –aech Herodes, nejchaxoel wut.

⁵ Japox ja-aech Pedroliajwa, jiw jebatat jias wuton. Chiekal wesfulas wesamata. Do ja-aech wut, naexasiti Jesucristo pejwujajan xabich Dios kawujajnaful nejthuxat Pedroliajwa.

Pedro kajachawaechpox Dios pej-ángel weliajwapon jiw jebatat

⁶ Madoi wut, Pedro jiw jebatat nataelamuxwasixawaech cadenamutat, kolenje soldaw suapich. Pedro nejmach moejt kolenje soldawtutat. Asew soldaw, kolenje, bafafa wesful. Kandiawa Herodes jiw pejwujajnael nosaxaelon Pedro.

⁷ Pe japamadoitat Dios pej-ángel chalechkal natulaelt Pedroxotsik. Natulaelt wut, jiw jebatu xabich itliakjala. Pedro thikas ángel nathiksliajwa.

Jawut jumtispon: “¡Nande!” —tispon. Jawut kolemuatje, cadenamuat, Pedro pejmuaaxwasixot cadenamua jolpanik.

⁸ Do jawut, ángel pejme jum-aech Pedroliajwa: “¡Naxoelde! ¡Tuaakxajoeldebej!” —aechon. Pedro ow-aech ángel jum-aechpox. Do pejme jawut, ángel jum-aech: “¡Naxoeldebej nejsumta-osax! ¡Xan nakfulaem!” —aech ángel.

⁹ Pedro nejmach fulafol Dios pej-ángel, matabijs-elaxtat diachwuaajnakolax wut japox. Pedro japoxliajwa, me-ama xamoejt wut, ja-aechox.

¹⁰ Xenapi matxoelawetpon, soldawan, batufafaxot. Jawux xenapi asan, soldawan, wetpon. Pati taxdukafafa, anaelfafa. Japafafa nakolsliajwa paklowax poxaliajwade. Japafafa pajut nafafat japi wuaajna. Samata, nejmach nakolapi. Do jawux, kaethialaxot lika wuti, Dios pej-ángel naxaelcha. Do jawut, Pedro tamachlison.

¹¹ Jawut Pedro pajut chiekal matabijt. Chiekal nejchaxoelison: “Amwutjel chiekal matabijtax, Dios to'ak pej-ángel xan nabu'welija Herodes pejsoldawxot. Puexa Herodes isaxaelpox xanliajwa judíos pejwuaajnalel, nabijasaxaelenpox, japoxliajwa Dios pej-ángel nabu'wia” —aech Pedro, nejchaxoel wut.

¹² Japox Pedro pajut chiekal matabijt wut, fulaechon María pejba poxade. María, japow Juan pen. Japon asawal Marcos. Jaxotde xabich jiw natameja, Dios kawuaajan xoti.

¹³ Pedro ba tathoetlel la wefapasliajwas. Do jawut, pansyaw fulaen taeliajwa, achan la. Japow japabatat nabistpow. Pawulow Rode. Dolisow jum-aechow:

—¿Achanamkat xam? —aechow.

¹⁴ Pedro jumnot wut, japow chiekal jummatatabijt Pedro pejjame. Samata, japow xabich nejchachaemil, jumtaen wutow Pedro pejjame. Do jawut, bafapas-elow Pedro leliajwa. Jumch kaxade najae'epow batuchade batupijiw chapaeliajwa. Chapaiei wut jum-aechow:

—¡Pedro bafafaxot nuk,tathoetlel! —aechow.

¹⁵ Japow jum-aech wut japox, batupijiw jumch jum-aech:

—¡Xam pawis na-acham! —aechipow.

Japow jum-aech:

—¡Diachwuaajnakolax Pedro nuk tathoetlel! —aechow.

Japi nakaewa najum-aech:

—¡El! ¡Japona-el! Kaen ángel, bej tataeflasponbej —aechi nakaewa.

¹⁶ Japi japox jum-aech wut, Pedro nakiowa laeful bafafaxot. Jawut bafafat wuti, taen wuti Pedro, japi xabich beljow.

¹⁷ Pedro kexachok'cha puexa jiw chiekal boejlachaliajwa. Jawut chapaieipon jiw jebaxot Dios juchpox. Do jawut, jum-aechon:

—¡Santiago chapaem xan wiaxpox, asewbej, naexasiti Jesucristo pejwuaajan! —aech Pedro.

Do jawux, Pedro nakolt wut japixot, fulaechon asalel.

¹⁸ Do nalian wut, soldaw, matabija-eli, achax nejchaxoelaxaeli. Matabija-elbejpi, ma-aech Pedro weliajwa.

¹⁹ Herodes to'a pejsoldaw chiekal wulwekaliajwapi Pedro. Pe Pedro faenaesal. Pedro wia wut soldaw wesfulaspoxtat, japikal xabich wuaajnachaemtas. Do jawux, Herodes asew soldaw kito'a Pedro wesfulaspi, japi soldaw beliajwas. Do jawuxbej, Herodes Judea tuaajuxot nakolt. Fulaechon Cesarea paklowax poxade, jaxotde kaematkoijan sapich dukaliajwa.

Herodes woejxaeyax chatupprox

²⁰ Herodes Cesarea paklowaxxot duk wut, palalapon Tiro paklowaxpijiwliajwa, Sidón paklowaxpijiwliajwabej. Herodes palala wut, pamak kefiaton naxaeyaxan xananams-elaliajwa japapaklowaxpijiwliajwa. Samata, japapaklowaxanpijiw kaenejchaxoelax chiekal nospaeliajwa, Herodes sʘapich. Japi nospaesia, Herodes sʘapich, toepaliajwa Herodes palalapox, tapaeliajwabejpon naxaeyaxan xananampi.

Herodes pejba tataefulpon, pawul Blasto. Japon chiekal xanaboejtas Herodes. Japapaklowaxanpijiw matxoela nospaei, Blasto sʘapich. Do jawux, buxto'api Blasto nospaeliajwa, Herodes sʘapich. Blasto ow-aech japi jum-aechpox. Do jawux, Blasto nospaei, Herodes sʘapich, toepaliajwa Herodes palalapox.

²¹ Herodes kaematkoi mark pasax tapaeliajwapon japapaklowaxanpijiw. Baxael, japi japonxot pa'an wut, Herodes wʘajna naxoel xabich chamoeyax, japanatamejaxliajwa. Tua-ekax pinjiyax, chamoeyaxtat,skon. Do jawut, Herodes piach naksiya japi jiwliajwa.

²² Do jawut, jiw nejla'laba wut, jum-aechfuli: “¡Dios xatisxot! Herodes naksiya wut, me-ama Dios naksiya wut, ja-aechon. Me-ama aton naksiya wut, jachi-elon” —aechfuli, nejlat wut. Jasoxtat japi jiw nejla'bala Herodes nejchachaemlaliajwa japi jiwliajwa.

²³ Do jawut, Herodes buxfias-elxoton, jiw nejla'laba wut, japonliajwa: “¡Xan Dios-enil!” —chi-el xoton jiwliajwa, Dios pej-ángel ketison bu'xaenkaliajwa. Do jawut, Herodes woejxaeyax chatap, xabich thewin woejxaes xot.

²⁴ Pe Jesucristo pejwʘajan naexasiti Dios pejjamechan potʘajnaucha xabich naewʘajnaful. Samata, xabich jiw naexasit japawʘajan.

²⁵ Bernabé, Saulo sʘapich, pejbichax toet wut, nakola Jerusalén paklowaxxot. Do jawut, nawenlisi Antioquía paklowaxlel. Nawen wut, japi bu'fol Juan. Japon asawul Marcos.

13

Bernabé, Saulo sʘapich, diajnaspox Jesucristo pejwʘajan naewʘajnalialjwa asatʘajnauchanpijiw

¹ Antioquía paklowaxxot, naexasitixot Jesucristo pejwʘajan, japixot asew profetas, asewbej judíos chanaekabʘanapi. Kaen profeta pawul Bernabé. Asan pawul Simón. Japon asawul Pafoeyan. Asan pawul Lucio, Cirene paklowaxpijin. Kaen judíos chanaekabʘanapon pawul Saulo. Asan pawul Manaén. Japon, Herodes sʘapich, yamxulan wut, kaebatat ti'tpon. Do baxael, Herodes chiekal ti't wut, wulduwson Galilea tʘajnapijiw tato'laliajwa.

² Asamatkoi, naexasiti Jesucristo pejwʘajan culto is wut, japamatkoitat naxae-eli, Dios piach kawʘajnalialjwa. Jawut Dios kawʘajan wuti, Espíritu Santo jum-aech Dios kawʘajanpiliajwa: “¡Bernabé, Saulo sʘapich, nawedi-jande! Xan bichax japiliajwa” —aech Espíritu Santo.

³ Do jawut, Jesucristo pejwʘajan naexasiti, Dios kawʘajna buxtoet wut, jawut ke-owapi Bernabé pejta'tat, Saulo pejta'tatbej. Jawut pejme japi Dios kawʘajan Bernabé, Saulo sʘapich, kajachawaesfulaliajwaspi Dios. Do jawux, tapaeis Bernabé, Saulo sʘapich, fulaeliajwa isliajwa Dios pejbichax.

Bernabé, Saulo sʘapich, Chipre tanaetxotpox

⁴ Bernabé, Saulo sʘapich, Espíritu Santo to'as xot, fulaechi Seleucia paklowaxpoxade. Jaxotde pa'a wut, barkam juli Chipre tanaetpoxaliajwade.

⁵ Salamina paklowax chapat wut, Chipre tanaetxot, naewʘajanlisi Dios pejjamechan judíos naewʘaj nabachanxot. Juan Marcos nakfolbej kajachawaesliajwapon japabichax, japi nabist wut.

⁶ Japi pat wut tanaetmatdukaxot, pati Pafos paklowaxxot. Jaxot wut, taeni judíos-aton. Japon pinjoe'an. Pawulon Barjesús. Japon xabich kichachajbamaenk. Jijum-aechbejpon: “Xan jum-an Dios nabuxto'apoxan” —ji-aechon.

⁷ Japon pinjoe'an kajachawaet Sergio Paulo, Chipre tanaetpijiw tato'lan. Japonbej matabijsmaenk. Dolisdo', Sergio Paulo wallala Bernabé, Saulo sɯapich, japi fɯlaeliajwadin japonlel, naewesasia xoton Dios pejjamechan.

⁸ Japon pinjoe'an, griegojametat pawulon Elimas. Japon jum-aech babejjamechan Bernabéliajwa, Sauloliajwabej, Sergio Paulo naexasisasamata Jesús pejwɯajan.

⁹⁻¹¹ Barjesús japox jum-aech wut Bernabéliajwa, Sauloliajwabej, jawut Saulo, japon pawul Pablo, chiekal natachaemt wuton Barjesúsliajwa, Pablo jum-aech Espiritu Santo pijaxtat Barjesúsliajwa:

—ɁXam kichachajbapijnam! ɁBabej isnam, Satanás paxɯlnam! Puexa jiw is wut pachaempoxan, Ɂxam japi padaelmanam! Dios pejjamechanliajwa xam jum-am: ‘Japox diachwɯajnakolaxa-el’ —am, xam naexasisasiapiliajwa, japi naexasisasamata Dios pejjamechan. Amwut, Dios xam kastikaxael itliaklaliajwam. Pin-iamatkoian taeyaximil itliakax —aech Pablo Barjesúsliajwa.

Pablo japox jum-aech wut, Barjesús chalechkal kamta itliakal. Jawut wulwekon aton makxalaeliajwas.

¹² Do jawut, Sergio Paulo japox taen wut, naexasitlison Jesús pejwɯajan. Naexasit wut, nejchaxoelon: “Diachwɯajnakolax Jesucristo pejwɯajan xabich pachaem” —aechon, nejchaxoel wut.

Pablo, Bernabé sɯapich, naewɯajanpox Pisidia tɯajɯlel

¹³ Pablo, Bernabé sɯapich, Juan Marcos sɯapichbej, Pafos paklowaxxot juli barkam. Do jawut, chaflaechi Perge paklowax poxade, Panfilia tɯajɯxot chapasliajwa. Perge paklowaxxot chapat wuti, jawut chalechkal Juan Marcos nadijan japixot nawiasliajwapon Jerusalén paklowax poxade.

¹⁴ Do jawut, Pablo, Bernabé sɯapich, nakola Perge paklowaxxot, Antioquía paklowax poxade, pasliajwa Pisidia tɯajɯlel. Jaxotde pa'a wut, napatamatkoi wut, japi low judíos naewɯaj nabaxot. Jaxot chalaki.

¹⁵ Puexa chiekal chalak wut, chanaexaljowspi Moisés chajia lelpox. Chanaexaljowsbejpi profetas chajia lelpoxan. Do jawut, japaba wetpi jum-aechi Paboliajwa, Bernabéliajwabej:

—Takoew, xamal Dios pejjamechan xapatam wut, Ɂxanal nanaewɯajande Dios kaes chiekal xanaboelialiajwan! —aechi.

¹⁶ Do jawut, Pablo nant naewɯajnalialiajwa. Jawut mɯaxxachok'chapon puexa jiw boejlach chalakaliajwa. Jawut jum-aechon:

—Xamal judíos, Ɂchiekal nanaewe'e! Xamal judíos-emili, sitaenampim Dios, Ɂchiekal nanaewe'ebej!

¹⁷ Dios, japon xatis wajDios Israel tɯajɯpijwasliajwa, japon chajia makanot wajwɯajnapijiw pejjiwaliajwapon. Japi israelitas, Egipto tɯajɯxot duil wut, xabich pin-iati, Dios kajachawaesfulas xot. Do jawuxbej, Dios pejkajachawaesaxtat wajwɯajnapijiw nakola japatɯajɯxot.

¹⁸ Do jawux, japi cuarenta waechan nanɯamt wut pajilaxxot, babijaxan isful wutbejpi, Dios boejtaliasful. Dios nakiowa tataeflapi.

¹⁹ Wajwɯajnapijiw pejwɯajna, Canaán tɯajɯxot asajiw duil. Japi sietemut. Japi jiw xabich pin-iat. Pe nakiowa, Dios toet japi jiw, wajwɯajnapijiw chaxdusliajwas ampatɯajɯ.

²⁰ Jacob, paxi sɯapich, Egipto tɯajɯxot pat wuti, cuatrocientos cincuenta waechan wut, Dios chaxdut ampatɯajɯ Jacob pamojiw —aech Pablo, judíos naewɯajan wut.

Pablo kaes jum-aech: “Dios ampatuajnu chaxdut wut Jacob pamojiw, do jawux, walduwpon japixot asew juecesliajwa, japi judíos tato'laliajwa. Kaen juez tɔp wut, asan naliaxt juezliajwa. Xabich pin-iawaechan wut, Samuel, japon profeta, taxdukapijin juez.

²¹ Do baxael, israelitas Dios kawuajan japixot Dios makafisliajwa kaen aton japi peyreyliajwa, tato'laliajwasbejpi. Samata, Dios walduw Saúl, japon reyliajwa israelitas tato'laliajwapon. Japon Saúl, Cis paxulan, wajwuajnapijin Benjamín pamon. Japon Saúl reypon cuarenta waechanliajwa.

²² Asamatkoi Saúl Dios juchpon reypos. Do jawut, Dios walduw David japon reyliajwa. Dios jum-aech Davidliajwa: ‘David, Isaí paxulan, xan nejchachaemlax xamliajwa, puexa chiekal nanaexasisfulam xot xan tato'laxpoxan’ —aech Dios Davidliajwa.

²³ Do baxael, David pamojiwxot, kaen nalaelt. Japon pawul Jesús. Japon Dios to'as, xatis judíos nakbu'weliajwa. Me-ama Dios chajia jumdut, ja-aechox.

²⁴ Jesús tuadus-el wutfuk jiw naewuajnax, majt Juan, jiw bautisan, puexa judíos naewuajnaful wut, jum-aechon: ‘¡Kofim babijaxan isfulampoxan! ¡Naexasisfulde Dios tato'alpoxan! Ja-am wut, xamal bautisaxaelen’ —aech Juan.

²⁵ Mox pawuajna wut Juan boesaxaesox, Juan chajia jum-aech: ‘Xan Cristowa-enil. Wuajnawesfulampona-enil. Xanwux japon pasaxael, xamal wuajnawesfulampon. Japon kaes pejme pachaemaxael. Me-ama xan, jachiyaxilon. Samata, xan pachaema-enil japon pejtukxajoelax jolsliajwan. Pachaema-enilbej japon pamaknanliajwa’ —aech Juan, chajia jum-aech wut Jesús pejpasaxliajwa —aech Pablo.

²⁶ Pablo pejme jum-aech: “Takoew, xamal Abraham pamojiwam, xamalbej judíos-emili, sitaenampim Dios, Dios nakto'a xatis naexasisliajwas ampa-jamechan nakbu'weliajwabej babijaxan isaspoxan.

²⁷ Jerusalén paklowaxpijiw, japi paklochow, matabija-eli Jesús, japon Dios paxulanpon. Chiekal matabija-elbejpi profetas chajia lelpoxan, chanaexaljows wut napatamatkoitat. Japi keto'a wut Jesús cruztat kematamatlaliajwas, japox islisi, me-ama chajia profetas lelpoxan jum-aech Jesúsliajwa.

²⁸ Jesús chinax babijax is-el. Samata, Jerusalén paklowaxpijiw, paklochowbej, faena-el Jesús tasalaliajwapi. Japi taesia xot Jesús tɔpax cruztat, japi wuljow Pilato, japon keto'aliajwa pejsoldaw, japi soldaw cruztat kematamatlaliajwapi Jesús.

²⁹ Jesús tɔp wut cruztat, puexa chiekal ja-aechlisox, me-ama profetas chajia lelpoxan jum-aech Jesúsliajwa. Do jawux, asew kutipon cruzxot. Do jawut, otipon muaxwuajtat.

³⁰ Tres matkoi wut, Dios mat-et Jesús pejme dukaliajwa.

³¹ Do jawux, japamatkoiyan wut, Jesús natulaela pejnachalaxot, japi naknanamti japon Galilea tuajnuaxot wut, Jerusalén paklowax poxade wutbej. Japi amwutjel naewuajnaful Jesucristo pejwuajan —aech Pablo judíos naewuajnabatat.

³² Pablo pejme jum-aech: “Xanal amxotan xamal naewuajnalialjwan chimiawuajan, Jesucristo pejwuajan, Dios chajiakolaxtat jumdutox wajwuajnapijiwliajwa.

³³ Xatis, wajwuajnapijiw pamojiws. Japi jumduchpox, amwutjel xatis japox nakwepat. Dios mat-et Jesús pejme dukaliajwa. Me-ama chajia lelpox segundo salmosfutat jum-aech, ja-aechlisox. Dios chajia jum-aechpox jum-aech: ‘Xam taxulnam. Xan nej-axnan’ —aechox segundo salmosfutat.

34 Dios chajia jum-aech: 'Diachwajnakolax xan isaxaelen chajia jumduxpox Davidliajwa' —aechon. Dios japox chajia jumdut wut, jum-aechon Jesús mat-esaxaespoxlajwa pejme dukaliajwa, japon pejbu't xoepaxilpoxliajwabej.

35 Asafutatbej chajia jum-aechox Diosliajwa: 'Tapaeyaximil naxulan pejbu't xoepax' —aechox japafutat.

36 Diachwajnakolax David laeja wut ampathatat, naexasisfulon Dios tato'laspox. Kajachawaesfulbejpon jiw. Do jawux, David tur wut, pejwajnapijiw muthtasxot muthtipon. Do jaxot David pejbu't xoep.

37 Pelax Jesús tur wut, mat-echpon Dios pejme dukaliajwa. Samata, xoepa-elon.

38 Takoew, xamal matabijaxaelam naewajnaprox Jesucristo pejwajan. Jesús pijaxtat Dios nakbu'wia xatis.

39 Naexasiti Jesucristo pejwajan, Jesús pijaxtat Dios bu'weyaxaesi. Pelax Moisés chajia lelpox pijaxtat xatis japoxtat Dios nakbu'we-el.

40 ¡Chiekal taem isasamatam babijaxan wejachisamata, me-ama profetas chajia lelpoxan jum-aech, Dios jum-aechpox:

41 'Xamal jum-ampim babejjamechan xan jum-anpoxliajwa, ¡xan chiekal nanaewe'e jumchiyaxaelenpox! Laelpam wutfuk, xan pinjiyax koechax isx wut, jiw japox xamal chapaei wut, diachwajnakolax xamal naexasisaximil. Xamal asbuan jumch xabich nejchaxoelanuilaaxaelam. Do baxael, turam wut, napelsaxaelam Diosxot' —aech profetas lelpoxan, Dios chajia jum-aechpox! —aech Pablo, judíos naewajnabatat wut.

42 Pablo, Bernabé sapich, nakola wut judíos naewajnabaxot, asew japixot, judíos-eli, japi jum-aech: "Asasemana wut, napatamatkoi wut, ¡jawut xanal pejme nanaewajande japoxan!" —aechi.

43 Natamejax toep wut, jiw nawia wut pejbachan poxade, xabich judíos, judíos-elibej, Pablo, Bernabé sapich, japi xabich jiw fulafos. Judíos-eli japi chiekal naexasit Dios, me-ama judíos chiekal naexasit wuti Dios, ja-aech judíos-eli. Pablo, Bernabé sapich, chiekal naewajan fulafospi. Naewajan wut, jum-aechon: "Dios xamal nejxasink xot, chiekal naexasisfulaxaelam pomatkoicha chimiawajan, Jesucristo pejwajan, jumtaenamprox" —aech Pablo, Bernabé sapich.

44 Dolisdo', asasemana wut, pejme napatamatkoi wut, xabich jiw, japapaklowaxpijiw, natameja jumtaeliajwa Dios pejjamechan.

45 Judíos taen wut puexa jiw natamejapox, jawut japi judíos palalapi, xabich jiw naewet xot Pablo naewajanpox. Samata, Pablo naewajanpoxliajwa jum-aechi: "¡E! Japon Pablo chiekal matabijs-ellejen" —aechi. Do jawut, Pablo bu'wajanpaeisbejpon.

46 Jawut Pablo, Bernabé sapich, jumnot wut, pejlewla-eli. Samata, jum-aechi judíosliajwa:

—Xanal matxoela naewajnap xamal naexasisliajwam Dios, xamal judíoswam xot. Pe xamal nejxasinka-emil naexasisliajwam. Xamal nejchachaemla-emil pomatkoicha duilaxaelampoxliajwa Diosxotse. Samata, xamal kaes naewajnapxinil. Xanal fulaeyaxaelen naewajnalajwan judíos-eli poxade.

47 Xanal jasox jachiyaxaelen, Dios nabuxto'a xot. Dios chajia jum-aech xanalliajwa:

'Xamal, me-ama itliakam wut, ja-am, xamal makanotx xot tajjamechan naewajnafulaliajwam asatujnuchanpijiw. Puexa tajjamechan naex-

asiti, japi bu'weyaxaelen' —aech Dios, chajia jum-aech wut xanalliajwa —aech Pablo, Bernabé sʰapich, judíosliajwa.

⁴⁸ Judíos-eli japox jumtaen wut, xabich nejchachaemili. Samata, nakaewa jum-aechnapí: “Xabich pachaem Dios pejjamechan” —na-aechnapí nakaewa. Judíos-eli, puexa japixot Dios makanoch, japi Dios naexasit pomatkoicha duilaliajwa Diosxotse.

⁴⁹ Do jawux, puexa japatʰajnapíjw jumtaen Dios pejjamechan, naewʰajnas wut. Japixot xabich jiw naexasit Dios.

⁵⁰ Ja-aech wut, asew judíos nejweslapi Pablo, Bernabé sʰapich. Samata, japi judíos nospaei, watho' sʰapich, japi watho' Dios sitaenpi. Japi watho' sitaensbej japapaklowaxpijw. Japi judíos nospaeipibej, japapaklowaxpijw-paklochow sʰapich. Japi judíos bu'wʰajanpaei Pabloliajwa, Bernabéliajwabej, japapaklowaxpijw palalaliajwa. Samata, paklochow, watho'bej, xabich palalapi. Do jawut, Pablo, Bernabé sʰapich, to'as fʰlaeliajwa asatʰajnalel.

⁵¹ Pablo, Bernabé sʰapich, to'as wut, japi matxoela tʰak-asta'a. Jasox ispi judíos pajut chiekal matabijaliajwa, japi babijax ispox Diosliajwa, asalel to'as xoti babijaxtat. Do jawux, Pablo, Bernabé sʰapich, fʰlaech Iconio paklowax poxade.

⁵² Pe Antioquía paklowaxpijw, Jesucristo pejwʰajan naexasiti, xabich nejchachaemil, kajachawaesfʰlas xoti Espíritu Santo.

14

Pablo, Bernabé sʰapich, Iconio paklowaxxotpox

¹ Pablo, Bernabé sʰapich, Iconio paklowaxxot pat wut, lowpi judíos naewʰajnabaxot, me-ama japi pejkabʰan. Do jaxo, Jesucristo pejwʰajan chiekal naewʰajanlisi. Chiekal naewʰajan xoti, xabich judíos naexasit. Xabich judíos-elibej naexasit.

² Asew judíos, naexasi-eli Jesucristo pejwʰajan, asaxan jum-aechi Jesucristo pejwʰajan naexasitiliajwa, japi judíos-eli ʰlataeliajwas.

³ Samata, Pablo, Bernabé sʰapich, pin-iamatkoijan duil japapaklowaxxot. Pejlewla-eli naewʰajan wut Jesucristo pejwʰajan, matabija xoti Dios chalaspo. Pablo, Bernabé sʰapich, naewʰajan Dios puexa jiw nejxasinkpox. Puexa jiw chiekal matabija japi jum-aechpoxan diachwʰajnakolax, japi koechaxan is xotbej Dios pijaxtat.

⁴ Japapaklowaxpijw kolenejchaxoelax. Asew japixot kaenejchaxoelax judíos jum-aechpoxliajwa. Asewjax japixot kaenejchaxoelax Pablo, Bernabé sʰapich, jum-aechpoxliajwa.

⁵ Do jawut, kaesʰapich judíos, judíos-elibej, kaenejchaxoelax, paklochow sʰapich, ia'tat dadaepiajwapi Pablo, Bernabé sʰapich, matkaejabaliajwas.

⁶⁻⁷ Pablo, Bernabé sʰapich, chapaeis japox isaxaespo. Japiliajwa. Samata, Pablo, Bernabé sʰapich, dʰkr Licaonia tʰajnalelde, Listra paklowax poxade, Derbe paklowax poxadebej. Japapaklowaxan, moxxot asatʰajnanbej, japi mathʰanalap naewʰajnalialiajwa chimiawʰajan, Jesucristo pejwʰajan.

Pablo ia'tat dadapsopox Listra paklowaxxot

⁸ Listra paklowaxxot aton nabejkan, laejaxilon, ek. Chinax laeja-elon, nabejkax chanlaelt xot.

⁹ Japon naewesfʰl Pablo naewʰajanpoxan. Pablo chiekal natachaemt wut nabejkanliajwa, jawut Pablo matabijt nabejkan chiekal xanaboajtpro. Dios boejthʰalialiajwaspon.

¹⁰ Samata, Pablo pinjametat jum-aech: —jNande! —aechon nabejkanliajwa.

Jawut nabejkan matnoch nancha wut, diawjalapon. Do jawut, tuadutlison laejaliajwa.

¹¹ Jiw taen wut Pablo ispox, Licaonia tuajnapijiw tuaduti nejlasax. Nejlat wut, jum-aechi:

—iKolenje dioses pat xatisxot! iJapi jiw kabuan-aech! —aechi.

¹² Japi jiw jum-aech Bernabélijwa: “Ampon dios, pawul Zeus” —aechi. Jum-aechbejpi Pablolijwa: “Ampon dios, pawul Hermes” —aechi, Pablo kaes xabich naksiyamaenk xot.

¹³ Japapaklowax tathoetlel Zeus pejtemploba ek. Japi pejdios pawul Zeus. Zeus pejsacerdote kaemut tor bu'pat Pablolijwa, Bernabélijwabej, japapaklowax laleyaxot. Tor wuxamasajiach naetalan, xakoeyasi. Japon sacerdote, jiw suapich, japi tor xua'asasiapi ofrenda islijwapi Pablolijwa, Bernabélijwabej.

¹⁴ Pablo, Bernabé suapich, japox taen wut, we-isaxaesox, jawut pejnaxoe thialbapi, nejwesla xot we-isaxaesopxlijwa. Jawut fulaechlisi jiw natameja poxade. Jiwtutat wut, Pablo pinjametat wut, jum-aechon:

¹⁵ —¿Ma-aech xotkat xamal japox isaxaelam xanallijwa? iXanal diosenil! iXanal jiwankal! Me-ama xamal, ja-an. Xanal fulaenx xamal naewuajnalijwan chimiawuajan, Jesucristo pejwuajan, kofaliajwambej isampoxan, xabich chaemil xot. iKofim babijaxan isampoxan! Dios, athuxotse dukpon, japon pejtato'lax naexasisfulde! Dios is thatbaxo, that, marbej. Isbejpon puexa taenspi thatbaxoxotse, thatlel, marxotbej.

¹⁶ Chajia wajwuajna Dios tapaei puexa jiw islijwa pajut nejxasinkpoxan.

¹⁷ Dios isful pachaempoxan puexa jiwlijwa. Jasox Dios isful, jiw pajut chiekal matabijaliajwa, ma-aech Dios. Dios to'a iam thilnalijwa, wajnaxaeyaxan muthaspi chiekal nakweti'sfulaliajwa. Jasoxtat Dios nakchaxduw naxaeyaxan chawulanejchachaemlaliajwas —aech Pablo sacerdotelija, jiwlijwabej.

¹⁸ Pablo jum-aechpox japi jumtaen wut, nakiowa tor xua'asasiapi ofrenda islijwas Pablolijwa, Bernabélijwabej. Chinlechkolaxtat japox is-eli.

¹⁹ Jawux judíos, Antioquía paklowaxpijw, Iconio paklowaxpijwbej, pa'an. Japi asaxan jum-aech japapaklowaxpijwlijwa ulataelija was Pablo, Bernabé suapich. Ulataens wut, Pablo ia'tat dadaps. Dadaps wut, taenlisipon. Me-ama tur wut, ja-aechon. Samata, Pablo jolkas paklowax tathoetlel.

²⁰ Pablo okxot masajiat Jesucristo pejwuajan naexasiti. Do jawut, Pablo nant. Jawutbej, pejme paklowax lowpon. Kandiawa wut, fulaechon, Bernabé suapich, Derbe paklowax poxade.

²¹ Derbe paklowaxxot Pablo, Bernabé suapich, naewuajan chimiawuajan, Jesucristo pejwuajan. Jaxot xabich jiw naexasit Jesucristo pejwuajan. Pablo, Bernabé suapich, pejme pa'an Listra paklowaxxot. Pejme pa'anbejpi Iconio paklowaxxot, Antioquía paklowaxxotbej.

²² Japapaklowaxanxot Pablo, Bernabé suapich, pejme naewuajan. Samata, Jesucristo pejwuajan naexasiti xabich kaes pejme Dios xanaboejapi. Pablo, Bernabé suapich, jum-aech: “iNaexasisfulde Jesucristo pejwuajan! Diachwuajnakolax xatis xabich nabijasaxaes ampathatat. Do japoxwux, romatkoicha duilafulaxaes Diosxotse” —aech Pablo, Bernabé suapich.

²³ Japapaklowaxanxot Pablo, Bernabé suapich, poejw makanoti, japi poejw wulduiliajwas ancianoslijwa, japi ancianos tataeflaliajwa naexasiti Jesucristo pejwuajan. Ancianos makanoch wut, jawut puexa jiw naxae-el Dios piach kawuajnalijwa kajachawaesfulaliajwas ancianos. Dios kawuajnax buxtoet wut, Pablo, Bernabé suapich, jum-aech ancianoslijwa: “Dios xamal

kajachawaesfulaxael, achan xamal xanaboejampon” —aech Pablo, Bernabé s̄apich.

Pablo, Bernabé s̄apich, kaxa nawechpox Siria t̄ajñulelde, Antioquía paklowax poxade

²⁴ Pablo, Bernabé s̄apich, Pisidia t̄ajñu xena wut, pa'api Panfilia t̄ajñuxot.

²⁵ Jaxotde, Perge paklowaxxot, japapaklowaxpijiw naewñajanpi Jesucristo pejwñajan. Do jawux, fulaechi Atalia paklowax poxade.

²⁶ Atalia paklowaxxot wut, Pablo, Bernabé s̄apich, barkam jul Antioquía paklowax naweliajwa poxaliajwade, toet xotlisi nanñamtox Diosliajwa. Majt t̄adusliajwa wut jiw naewñajnalijwa, nakolapi japapaklowaxxot, Antioquía paklowaxxot, Siria t̄ajñulel. Japamatkoi Pablo, Bernabé s̄apich, nakolaliajwa wut, Jesús pejwñajan naexasiti, japi Dios kawñajan Pablolijwa, Bernabélijwabej, japi kajachawaesfulaliajwas Dios, jiw naewñajnalap wuti.

²⁷ Do jawut, Pablo, Bernabé s̄apich, chapati Seleucia paklowaxxot. Do jawux, japi pat Antioquía paklowaxxot. Jaxotde natamejapi puexa naexasiti Jesucristo pejwñajan. Jawut Pablo, Bernabé s̄apich, chapaei puexa Dios ispox japiliajwa. Chapaeibejpi Dios tapaeipox judíos-eli naexasisliajwa Jesucristo pejwñajan.

²⁸ Pablo, Bernabé s̄apich, jaxot duili pin-iamatkoian, Jesucristo pejwñajan naexasitixot.

15

Jerusalén paklowaxxot apóstoles, ancianos s̄apich, natamejapox

¹ Japamatkoi wut, a sew Judea t̄ajñupijiw pat Antioquía paklowaxxot. Japi jum-aech Jesucristo pejwñajan naexasitiliajwa: “¡Xamal circuncidaxaelam Dios pejmarkaxliajwa, me-ama Moisés chajia jum-aech! Circuncida-emil wut, Dios xamal bu'weyaxil” —aech Judea t̄ajñupijiw.

² Pablo, Bernabé s̄apich, japox jumtaen wut, kaenejchaxoelaxa-el Judea t̄ajñupijiw jum-aechpoxliajwa. Samata, nabu'naloti, Judea t̄ajñupijiw s̄apich. Do jawux, kaenejchaxoelaxa-el xoti, Antioquía paklowaxpijiw, Jesucristo pejwñajan naexasiti, nakaewa najum-aech: “To'axaes Pablo, Bernabé s̄apich, a sew xatisxotibej, Jerusalén paklowax poxade, jaxotde japi nospaeliajwa, apóstoles s̄apich, ancianos s̄apichbej, circuncidaxliajwa” —na-aechi nakaewaliajwa.

³ Samata, Pablo, Bernabé s̄apich, a sew jiw s̄apichbej, to'as fulaeliajwa Jerusalén paklowax poxade. Japi fol wutfak, Fenicia t̄ajñuxot, Samaria t̄ajñuxotbej, japat̄ajñuchanpijiwliajwa, Jesucristo pejwñajan naexasitiliajwa, chapae ful wut, jum-aechi: “Ampamatkoian judíos-eli, kofa pejwñajnapijiw pejkabuanpoxan. Amwutjel japi naexasisful Dioskal” —aech Pablo, Bernabé s̄apich. Japat̄ajñuchanpijiw japox jumtaen wut, xabich nejchachaemil.

⁴ Pablo, Bernabé s̄apich, a sew jiw s̄apichbej, Jerusalén paklowaxxot pat wut, japi bu'kulas apóstoles, ancianosbej, a sew Jesucristo pejwñajan naexasitibej. Pablo, Bernabé s̄apich, chapaei puexa japi ispoxan, Dios kajachawaesfulas wut.

⁵ Do jaxot kaes̄apich fariseos nana, japi naexasiti Jesucristo pejwñajan. Nana wut, jum-aechi:

—Judíos-eli, naexasiti Jesucristo pejwñajan, japibej circuncidaxaes Dios pejmarkaxliajwa. To'axaesbejpi naexasisliajwa Moisés chajia lelpox —aech japi fariseos.

⁶ Apóstoles, ancianos sʉapich, natameja kaeyaxtat japikal chiekal nejchaxoelaliajwa circuncidaxliajwa.

⁷ Do jawux, piach nospaei wʉt, Pedro nant naksiyaliajwa. Jʉm-aechon:

–Takoew, xamal chiekal matabijam, Dios namakafit xamalxot chimiawʉajan, Jesucristo pejwʉajan, naewʉajnalijwan judíos-eli naexasisliajwa, japibej Dios bu'welijwas.

⁸ Dios chiekal matabijt kaenanʉla jiw nejchaxoelpoxan. Dios nak-itpaei nejchachaemilpox judíos-elilijwa, naexasit xoti Jesús pejwʉajan. Samata, Dios to'ak Espiritu Santo japi pejmatpʉatanxotalijwabej, me-ama xatis, jachiliajwapi.

⁹ Dios nejxasink judíos-eli. Me-ama xatis naknejxasink wʉt, ja-aech Dios japiliajwa. Japibej beltaens Dios, naexasit xoti Jesús pejwʉajan.

¹⁰ Samata, ¿ma-aech xotkat xamal nejxasinka-emil Dios ispox judíos-elilijwa? Moisés chajia lelpox xabich tampoel jiw chiekal naexasisliajwa. Xatis judíos wajut chiekal naexasis-esalbej Moisés chajia lelpox. Wajwʉajnapijiwbej chiekal naexasis-el japox.

¹¹ Xatis matabijas Dios naknejxasinkpox. Samata, wajpaklon Dios malech nakbu'wia Jesús pijaxtat. Jatislap-is judíos-elpilijwa –aech Pedro.

¹² Puexa japi boejlach chiekal chalak. Jʉmtaeni Bernabé, Pablo sʉapich, chapaeipox, ísful wʉti koechaxan Dios pijaxtat, naewʉajnaful wʉti judíos-eli pejpaklowaxanxot.

¹³ Naksiyax buxtoet wʉt, Santiago jʉm-aech apóstolesliajwa, ancianosliajwabej:

–Takoew xan chiekal, jnanaewe'e!

¹⁴ Simón Pedro chiekal nakjʉm-aech judíos-eli Dios kajachawaechpox, japi naexasit xot Jesús pejwʉajan. Samata, amwʉtjel chiekal matabijas, Dios tʉadut makanosliajwa judíos-eli, japi sʉapich, kaemʉtaliajwas.

¹⁵ Japoxliajwa profetas chajia lelpox jʉm-aech judíos-elilijwa: ‘Japiliajwa Dios chajia jʉm-aech:

¹⁶ “Pejme fuloekx wʉt, xan puexa jiw kajachawaesxaelen japi chiekal nanaexasisliajwa. Me-ama chajiakolaxtat rey David, pejjiw sʉapich, chiekal nanaexasit, puexa jiw pejme jachiyaxaelbej.

¹⁷ Samata, judíos-eli xan nanaexasisaxael. Ja-aech wʉt, japi tajjiwaxael’ –aech Dios, chajia jʉm-aech wʉt.

¹⁸ Jasox chajiakolaxtat wajpaklon Dios jʉm-aech xatis chiekal matabijalijwas” –aech profetas chajia lelpox –aech Santiago apóstolesliajwa, ancianosliajwabej.

¹⁹ Santiago pejme jʉm-aech: “Xan nejchaxoelxpox judíos-elpilijwa, amwʉt japox jʉmchiyaxaelen. Judíos-eli kofa pejwʉajnapijiw pejkabʉanpoxan Dioskal naexasisliajwa. Japi xatis kaes tato'laxisal Moisés chajia lelpoxan naexasisfulalijwapi.

²⁰ Carta lelaxaes judíos-elpilijwa fiasliajwas wewe'paspoxfuk. Japacartaxot lelaxaes kaechafiasliajwas choef xʉa'ataspí ídololijwa, japawi xaesamatapi. Lelaxaesbej fiasliajwas poejiw, asew watho' bu'moejsasamata. Lelaxaesbej kaechafiasliajwas choef, kachariamakʉspxotat tʉpi, japawi xaesamatapi. Kaechafiasaxaesbejpi choef bu'alpi japawi xaesamatapi. Lelaxaesbej kaechafiasliajwas choefjalan fesamatapi.

²¹ Japacartaxot japoxan lelaxaes, Moisés chajia fiat xot japoxanliajwa. Pomatkoicha, napatamatkoijan wʉt, puexa paklowaxanxot jiw natameja wʉt, chanaexaljows Moisés chajia lelpox jiw naexasisliajwa. Wajwʉajnapijiw tʉaduw japox” –aech Santiago apóstolesliajwa, ancianosliajwabej.

Apóstoles, ancianos s̄apich, carta lelpox judíos-elpiliajwa

²² Apóstoles, ancianos s̄apich, asew Jesucristo pejw̄ajan naexasiti s̄apichbej, kaenejchaxoelax carta lelpoxliajwa judíos-elpiliajwa. Samata, asew japixot makanoti, japi nakf̄ulaeliajwa Pablo, Bernabé s̄apich, Antioquía paklowax poxade w̄ut. Jaw̄ut makafich Judas. Japonbej paw̄al Barsabás. Makafichbej Silas. Japi kolenje chiekal sitaens Jesucristo pejw̄ajan naexasitixot.

²³ Japi xalaeyaxaelcarta, japacartatat japi lelpox j̄m̄-aech:

“Takoew, xanal apóstoles, ancianos s̄apich, lel̄x ampacarta xamalliajwa. Xamal saludax, naexasitampim Jesucristo pejw̄ajan, judíos-emilpim, Antioquía paklowaxpijwam, Siria t̄aj̄n̄pijwambej, Cilicia t̄aj̄n̄pijwambej.

²⁴ Xanal w̄ultaenx asew judíos, xanalxoti, pa'apox xamalxotde. Japi xamalxot pa'a w̄ut, naew̄ajan asaxan. Samata, xamal japox naew̄ajan w̄ut, chiekal matnoch nejchaxoela-emil, naexasitam w̄ut Jesucristo pejw̄ajan. Pe xanal japi to'a-enil xamal poxade.

²⁵⁻²⁶ Samata, xanal natamejax w̄ut, kaeyax nejchaxoelx. Do jaw̄ut, xanalxot makafitx Judas, Silas s̄apich, japi xamal taeliajwa. Japi kolenje f̄ulaech w̄ut xamal poxade, f̄ulaeyaxaelbej Bernabé, Pablobej, xamal taeliajwa. Bernabé, Pablo s̄apich, japi wajkoew, xanal xabich nejxasinkax japi. Japi nan̄amt xabich chachoelxot, wajpaklon Jesucristo pijaxtat nan̄amt xoti.

²⁷ Puexa japi pat w̄ut xamalxot, Judas, Silas s̄apich, chiekal chanaekab̄anaxael xanal lel̄xpo xamalliajwa.

²⁸ Xanal, Esp̄ritu Santo s̄apich, kaenejchaxoelax. To'axinil xamal isliajwam tampoelpoxan. Fiatxlax asaxan isasamatam pachaema-elpoxan.

²⁹ Samata, j̄nabej xae' paw̄i, choef, x̄ua'ataspi ídolosliajwa! ¡Choefjalan nabej fe'bej! ¡Nabej xae'bej paw̄i, choef, kaechariamak̄s̄poxtat t̄upi! ¡Asew watho' nabej b̄u'moejsbej! Japoxan naexasisf̄ulam w̄ut, ja-am w̄ut, chiekal duilaxaelam. Ajil kaes asaxan xamal j̄m̄chiliajwan. Dodo'. Ma amxot amprox toep” —aech carta, japi xalaeyaxaelpox.

³⁰ Do jaw̄ux, Jerusalén paklowaxpijiw, Jesucristo pejw̄ajan naexasiti, japi to'a Judas, Silas s̄apich, nakf̄ulaeyaxaeli Bernabé, Pablo s̄apich, Antioquía paklowax poxade. Japi pat w̄ut japapaklowaxxot, tameja japapaklowaxpijiw, naexasiti Jesucristo pejw̄ajan. Do jaw̄ut, carta chaxduti natamejaxtat.

³¹ Antioquía paklowaxpijiw xaljow w̄ut carta, xabich nejchachaemil, chiekal chanaekab̄anas xoti japacartatat.

³² Judas, Silas s̄apich, japibej profetas. Japi naew̄ajan w̄ut Antioquía paklowaxpijiw, japapaklowaxpijiw xabich nejchachaemil Dios kaes xanaboejapoxliajwa. Ja-aech w̄ut, kaes Dios naexasitbejpi.

³³ Do jaw̄ux, pin-iamatkoijan toep w̄ut, Judas, Silas s̄apich, thilt, jiw to'as poxade naweliajwa. Japat̄aj̄n̄xot nakolaliajwa w̄ut, Jesucristo pejw̄ajan naexasiti kejaspi. Do jaw̄ut, j̄m̄tispi: “¡Dios xamal chiekal nej chale!” —tispi.

³⁴ [Jaw̄ut Silas namanasia xot, jaxot namanpon.]

³⁵ Pablo, Bernabé s̄apich, Antioquía paklowaxxot namaf̄uki-is. Japi, xabich asew jiw s̄apichbej, chiekal chanaekab̄ana Jesucristo pejw̄ajan. Naew̄ajnaf̄albejpi japaw̄ajan.

Pablo, Bernabé s̄apich, pejme f̄ulaeyaxaelpox naew̄ajnalijwapi jiw Jesucristo pejw̄ajan

³⁶ Do jaw̄ux, pin-iamatkoijan w̄ut, Pablo j̄m̄-aech Bernabéliajwa:

—Pejme fulaeyaxaes taeliajwas wajkoew, naexasiti Jesucristo pejwajaan. Majt naewajaanxot Jesús pejwajaan, japapaklowaxanpijiw pejme taeyaxaes, ma-aechi, amwätjel duilaful wät —aech Pablo.

³⁷ Do jawät, Bernabé nejchaxoel buflaeliajwapon Juan Marcos.

³⁸ Majt Juan Marcos bu'fol wäti, japon asbuan jumch nawiat, Panfilia tujnuxot wäti. Samata, Pabloliajwa chiekal wepachaema-esal pejme buflaeliajwapon Juan Marcos.

³⁹ Pablo, Bernabé srapich, kaenejchaxoelaxa-el wät buflaeliajwapi Juan Marcos, do jawät, Pablo, Bernabé srapich, nadija. Jawät Bernabé bu'fol Juan Marcos. Do jawät, Bernabé, Juan Marcos srapich, juli barkam Chipre tanaet poxaliajwade.

⁴⁰ Do jawätbej, Pablo makafit Silas chalaliajwas. Asew japixot Dios kawajaan kajachawaesliajwas Pablo, Silas srapich, jiw naewajaan wät. Do jawux, japibej chijia.

⁴¹ Pablo, Silas srapich, jiw naewajaan Jesucristo pejwajaan naexasiti, Siria tujnupijiw, Cilicia tujnupijiwbej, kaes pejme chiekal naexasisliajwapi Dios.

16

Timoteo chalapox Pablo, Silasbej

¹ Pablo, Silas srapich, pa'a Derbe paklowaxxot. Do jawux, Listra paklowax poxadepi. Jaxotde wät, kaen taeni. Japon pawul Timoteo. Japon chiekal naexasit Jesucristo pejwajaan. Pen judíos-atow. Japow chiekal naexasit Jesucristo pejwajaan. Timoteo pax griego-aton.

² Naexasiti Jesucristo pejwajaan, Listra paklowaxpijiw, Iconio paklowaxpijiwbej, jum-aechi chimiajamechan Timoteoliajwa.

³ Pablo nejchaxoel buflaeliajwa Timoteo. Samata, jum-aechon Timoteoliajwa: “Keto'axaelen xam circuncidaliajwa, me-ama xanal judíos, xam jachiliajwam. Ja-aech wät, judíos xambej chiekal bu'kulaxaeli. Fulaeyaxaeslel xabich judíos maenk. Nej-ax griego-aton xot, xampi matabijaxael circuncida-emilpox” —aech Pablo Timoteoliajwa. Samata, Timoteo circuncidas.

⁴ Do jawux, Pablo, Silas, Timoteo srapich, follisi. Kaenanula paklowaxanxot pa'a wät, japi chiekal chanaekabana naexasiti Jesucristo pejwajaan. Japi chiekal chanaekabana apóstoles, ancianos srapich, Jerusalén paklowaxxot natameja wät fiatpoxanliajwa.

⁵ Samata, naexasiti Jesucristo pejwajaan kaes pejme chiekal naexasiti. Kaematkoisful jiw kaes naexasisful Jesucristo pejwajaan.

Pablo masoxtat taenpox Macedonia tujnupijin

⁶ Pablo, Silas, Timoteo srapich, Espíritu Santo tapae-esal naewajaanliajwa Jesucristo pejwajaan Asia tujnuxot. Samata, japi matnoch xena Frigia tujnub, Galacia tujnubej.

⁷ Japi pat Misia tujnumatdukxot. Jaxot pat wät, fulaesiapi Bitinia tujnub poxade. Pe pejme tapae-esal Espíritu Santo.

⁸ Samata, matnoch xenapi Misia tujnub. Do jawux, pati Troas paklowaxxot, marbab'tat.

⁹ Troas paklowaxxot madoi wät, Pablo masoxtat taen, Macedonia tujnupijin nuk wät. Xabich tadut wät, jum-aechon: “¡Xabua't Macedonia tujnuleldin xanal nakajachawaesliajwam!” —aech Macedonia tujnupijin.

¹⁰ Pablo japox taen wut, kamta thilton Macedonia tujnu poxaliajwade. Xan Lucas jawutbej thiltax. Xanal nakaewa najum-an: “Diachwujnakolax, Dios nakwullala xatis naewujnaliajwas chimiawujajan, Jesucristo pejwujajan, japatujnupijiw” —na-an xanal.

Pablo Filipos paklowaxxotpox, pejnachala suapich

¹¹ Troas paklowaxxotan wut, xanal julx barkam. Matnoch chafolx Samotracia tanaet poxade. Kandiawa wut, xanal chapatx Neápolis paklowax.

¹² Jaxotan wut, fulaechx putel Macedonia tujnulel, Filipos paklowax poxaliajwan. Japatujnulel Filipos paklowax kaes pinjiyax. Me-ama asapaklowaxan, jachi-el. Japapaklowaxxot xabich Roma paklowaxpijiw duil. Jaxot kaematkoian suapich xanal namaxfuk.

¹³ Xanal Filipos paklowaxxotan wutfuk, napatamatkoi wut, nakolax paklowax tathoetlel, nawel poxaliajwande. Xanal nejchaxoelx: “Ampalel judíos bej natamejabej, Dios kawujnaliajwa wut” —an xanal tajnejchaxoelaxtat. Do baxael, faenx wut judíos naewujnaba, jaxot xanalbej chalakx, natamejapi suapich. Jaxot chimiawujajan, Jesucristo pejwujajan, xanal naewujnax watho'kal.

¹⁴ Japi watho'xot, asaow pawul Lidia. Japow Tiatira paklowaxpijow. Lidia mowa chimiabu'an, pasoeibu'an. Japabu'an xabich ommaenk. Japow Dios naexasit. Dios kawujajanbejpow. Xabich naewetow Pablo naewujjanpox, Jesucristo pejwujajan. Japow chiekal naewet wut, jummatabitow Pablo naewujjanpox, Dios kajachawaech xot. Samata, Lidia chiekal naexasit Jesús pejwujajan.

¹⁵ Do jawux, japow bautisas, puexa pejiw suapich. Do jawut, jum-aechow: —Xamal nejchaxoelam wut xanliajwa: “Diachwujnakolax ampow pawis naexasit Jesús pejwujajan” —am wut xanliajwa, ma amwut, xamal nakfulaeyaxaelam tajba poxade duilaliajwan kaematkoi suapich —aechow xanalliajwa.

Do jawux, xanal nakfolx japow pejba poxade.

¹⁶ Asamatkoi, xanal fulaechx wut Dios kawujnaliajwan, taenx pawis, pansiw. Japow dep webaes pejmatpuxatxot. Dep pijaxtat xabich xajupow jumchiliajwa, jachiyaxaelpoxan. Japow esclava. Japow pejpaklochow xabich plata kana japow jum-aechpoxantat. Japow matxoelajum-aech wut a sew jiwliajwa wejachiyaxaes pox asamatkoi, xabich mochpow. Moch wut, japaplata japow pejpaklochowliajwa.

¹⁷ Japapaklowaxxot japow fulnanumt Pablo, xanal suapich. Nafulnanumt wut, nejlasfulow. Nejlasful wut, jum-aechow:

—Ampi poejiw, Dios athupijin pejiw. Ampi xamal jumchiyaxael: ‘Machiyaxaelam weliajwam Diosxotse’ —chiyaxaeli —aechow, nejlasful wut.

¹⁸ Jasox ja-aechow pin-iamatkoian, xanal nafulnanumt wut. Samata, Pablo naewesla kaes jumtaeliajwa japow jum-aechpoxan. Samata, kaxa natfo'chapon. Do jawut, Pablo jum-aech japow pijan, dep, jumtaeliajwa:

—Dep, xam Jesucristo pijaxtat nakolde ampow pejmatpuxatxot! —aech Pablo.

Do jawut, kamta dep nakolt japow pejmatpuxatxot.

¹⁹ Japow pejpaklochow matabija wut japi kaes plata kanaxilox japow pijaxtat, xabich palalapi. Samata, japow pejpaklochow jaelti Pablo, Silas suapich. Jaelas wut, bu'fos japapaklowaxpijiw tato'alpi nabisti poxade.

²⁰ Do jawut, Pablo, Silas suapich, nows jueces pejwujnulel. Pawis pejpaklochow jum-aech juecesliajwa, japi buxlajaslajwas:

—Ampi judíos uldukaful wajpaklowaxpijiw.

21 Japi naew_uajnalap pejkab_uananpox. Xatis japox isaxisal, Roma t_uajnr_upijwas xot –aechi.

22 Japox jumtaen w_ut, japapaklowaxpijiw xabich palalapi Pablolaijwa, Silasliajwabej. Do jaw_ut, jueces keto'a soldaw, Pablo, Silas s_uapich, wejolalaijwas pejnaxoe. Do jaw_ux, xabich bu'jumchaseltaslisi naeyatat.

23 Do jaw_ux, selsax kekofas w_ut, jias jiw jebatat. Jiw jeba wetpon to'as chiekal wesfulalaijwas japi wesamata.

24 Jiw jeba wesam japox jumtaen w_ut, batu pejpiezaxxot jiapon japi. Tawlaf-tat t_uakwasixawaeksbejpi wesamata.

25 Japamadoitat, pinmadoi w_ut, Pablo, Silas s_uapich, Dios kaw_uajan. Do jaw_ut, jajuwpi Dios jumtaeliajwas. Asew, jaxot jiaspi, naewet.

26 Do jaw_ut, jiw jebaxot chalechkal itliakjala. Jaw_ut jaxot xabich najuiya. Me-ama sat najaet w_ut, ja-aech. Do jaw_ut, puexa bafafachan pajut nafafa'bala. Puexa jiw, jaxot jiaspi, pejm_uaxanxot cadenam_ua wejajolpas.

27 Jiw jeba xabich najuiya w_ut, jiw jeba wesam nathikcha. Bafafachan jumch nuilax taen w_ut, pej-espada kukchapon pajut nax_ua'lalalaijwa. Jiw jeba wesam nejchaxoel: “Jiasi puexa chiekal wia. Samata, tajpaklochow xankal naboesaxael” –aechon, nejchaxoel w_ut.

28 Do jaw_ut, Pablo nejlakcha w_ut, jum-aechon:

–iNajut nabej nax_ua'le'! iXanal puexa ma amxotan! –aech Pablo.

29 Jiw jeba wesam to'a wexalaelaijwas itliakax. Itliakax wexalaens w_ut, bichakal najae'non Pablolal, Silaslelbej. Do jaw_ut, japon xabich tath_ulal pejlewt. Pablo, Silas s_uapich, pejw_uajnalel brixtat nukon, sitaen xot.

30 Do jaw_ut, jiw jeba wesam juton Pablo, Silas s_uapich, jiw jebaxot. Do jaw_ut, jiw jeba wesam w_uajnachaeamt w_ut, jum-aechon:

–Tajnachala, i machiyaxaelenkat xan Dios nab_u'welalaijwa? –aech jiw jeba wesam.

31 Japi jumnot w_ut, jum-aechi:

–iXam naexasi'e wajpaklon Jesucristo pejw_uajan! Ja-am w_ut, Dios xam bu'weyaxael. Nejbarijiw naexasit w_utbej, japibej Dios bu'weyaxaes –aech Pablo, Silas s_uapich, jiw jeba wesamliajwa.

32 Do jaw_ut, Jesucristo pejw_uajan naew_uajanlisipon, puexa pejbarijiwbej.

33 Do jaw_ut, japamadoitat, jiw jeba wesam matw_uaj-itfakiaton, Pablo, Silasbej, xakolbalaspoxan. Do jaw_ut, Pablo bautisa jiw jeba wesam, pejjiw s_uapich.

34 Do jaw_ux, jiw jeba wesam pejba poxade buflaechon Pablo, Silas s_uapich. Do jaw_ut, naxaeyax chaxduwpon Pablo, Silasbej. Jiw jeba wesam, pejjiw s_uapich, xabich nejchachaemil, Dios naexasit xoti.

35 Kandiawasap w_ut, jueces buxto'a soldaw jumchiliajwa amprox: “iJiw jeba wesam jum-amde amprox! iNej tapaepon nakolalaijwa Silas, Pablo s_uapich, jiw jebaxot!” –aech jueces, buxto'a w_ut soldaw. Dolis, japi soldaw pa'a w_uti jiw jebaxot, jum-aechi jueces buxto'aspox jiw jeba wesamliajwa.

36 Do jaw_ux, jiw jeba wesam soldaw buxto'aspox jum-aechon Pablolaijwa, Silasliajwabej:

–Jueces nato'a xamal jukaliajwan. Samata, ima amw_ut nejmach nakolim! –aech jiw jeba wesam.

37 Pablo japox jumtaen w_ut, jum-aechon soldawliajwa, w_uajan xapa'anpiliajwa:

–Jueces babijax is xanallaijwa, asbu_uan jumch xamal keto'a w_uti xanal namatw_uajselsliajwam naeyatat puexa jiw pejw_uajnalel. Do jaw_ux, xamal to'api jiw jebatat xanal najeliajwa. Amw_utjel maliach nato'asia jasoxtat nakolalaijwan. Xanal Roma t_uajnr_upijwan xot, jasox jiw tato'alpi isaxil, majt

nawuajnachaeems-el wut chiekal matabijaliajwa, diachwujnakolax babijax isx wut, o, is-enil wut. ¡Jueces pajut nej fulae'an xanal najukaliajwa! —aech Pablo soldawliajwa.

³⁸ Do jawut, soldaw kaxafulaech jueces poxade japox chapaeliajwapi Pablo jum-aechpox. Jueces japox jumtaen wut japi kolenje Roma tuajnujijwipox, jawut jueces pejlewla.

³⁹ Samata, jueces pajut pa'an Pablo jiasxot, Silas suapich. Do jawut, japi jueces jum-aech:

—Xanal tadala, babijax isx xot xamalliajwa —aech jueces.

Jawux jueces pajut juk Pablo, Silas suapich. Do jawut, jueces xabich to'api Pablo, Silas suapich, chijiyaliajwa japapaklowaxxot.

⁴⁰ Pablo, Silas suapich, jiw jebatat nakola wut, jawut fulaechi Lidia pejba poxade. Jaxotde Pablo, Silas suapich, taen naexasiti Jesucristo pejwujajan. Do jawut, naewujajanlisi japi kaes Dios chiekal pejme naexasisfulaliajwa. Japox buxtotet wut, chijialisi japapaklowaxxot.

17

Pablo, Silas suapich, jalwekspox jaelaliajwas Tesalónica paklowaxxot

¹ Pablo, Silas suapich, fulaech wut, xenapi Anfípolis paklowax, Apolonia paklowaxbej. Dolisi, patlisi Tesalónica paklowaxxot. Jaxot judíos naewujajnaba ek.

² Napatamatkoi wut, Pablo fulaech judíos naewujajnaba poxade, japon japox pejkabuan xot. Jaxotde Pablo natameja, napatamatkoi wut. Jasox ja-aech Pablo, tres veces napatamatkoi wut. Jaxotde Pablo judíos naewujajan wut, wujajnachaemtas wutbej, Pablo chiekal jumnot Dios pejjamechan, chajia lelspx, jum-aech wut, jum-aechpoxantat.

³ Jum-aechbejpon:

—Dios pejjamechan, chajia lelspx, jum-aech wut, jum-aechox: “Cristo, Dios to'aspon puexa jiw bu'welialjwa, japon majt nabijasaxael. Tupaxaelbejpon. Do jawux, Dios mat-esaxaeson pejme dukaliajwa” —aechox. Japox chajia jum-aechox, patlisox. Xamal naewujajnaxpox Jesúsliajwa, japonlap Cristo, Dios to'aspon puexa jiw bu'welialjwa —aech Pablo, naewujajan wut.

⁴ Asew judíos, jaxoti, naexasiti Pablo naewujajanpox. Do jawut, japi kaemutlisi, Pablo, Silas suapich. Xabich asew, naksiyapi griegojame, Dios naexasiti, japibej naexasit Pablo naewujajanpox Jesucristoliajwa. Xabich watho', jiw matabijaspi, japibej naexasit Pablo naewujajanpox.

⁵ Ja-aech wut, asew judíos, japi naexasis-elpi Jesucristo pejwujajan, xabich nusasiowal. Samata, tamejapi asew babejchow, japapaklowaxplazaxot nanuamti. Japi suapich, xabich nejlasful. Japapaklowaxpijiw xabich nej-tasalas japi nejlasfulpoxantat. Jasón pejbafafa xabich pi'la wut, asew japixot low japaba. Japi jalwek Pablo, Silas suapich, woeyaliajwas jiw natamejaxot.

⁶ Faena-el wuti Pablo, Silas suapich, ja-aech wut, japi jaelt Jasón, asewbej, naexasiti Jesucristo pejwujajan. Jaelas wut, jolkas paklochow poxade. Babejchow nejla'bala wut, jum-aechi, bu'pach wuti paklochow pejwujajnalel:

—Pablo, Silas suapich, japi pijaxtat, puexa paklowaxanpijiw nakaewa nalataen. Amwutjel ampalel fulaeni.

⁷ Japi pat wut, Jasón chiekal bu'kult pejbatat. Puexa japi jiw naexasis-el wajrey, Roma tuajnujijin, tato'alpox. Japi jum-aech: ‘Asan wajrey. Pawuipon Jesús’ —aech japi —aech babejchow, buxlajat wuti Pablo, Silas suapich, paklochow pejwujajnalel.

⁸ Japox jumtaen wuti, puxa japi jiw, paklochowbej, xabich palalapi naexasitiliajwa Jesucristo pejwujajan.

⁹ Do jawut, Jasón to'as multa mosax paklochowxot. Asew suapich, naexasiti Jesucristo pejwujajan, japi mot wutbej multa paklochowxot, paklowchow jum-aech: “Ampi plata xamal pejme wewoeyaxaelen, Pablo, Silas suapich, chijia wut amparaklowaxxot” –aech paklochow. Do jawut, kofaslisi.

Pablo, Silas suapich, patpox Berea paklowaxxot

¹⁰ Jasón, asew suapich, kofas wut, do madoi wut, naexasiti Jesucristo pejwujajan to'api Pablo, Silas suapich, Berea paklowax poxaliajwade. Berea paklowaxxot pa'a wut, fulaechi judíos naewujajnaba poxade.

¹¹ Judíos, Berea paklowaxpijiw, kaes pejme pachaempi. Me-ama judíos, Tesalónica paklowaxpijiw, jachi-eli. Pablo naewujajan wut Jesús pejwujajan, japi chiekal naewet. Berea paklowaxpijiw pomatkoicha estudia Dios pejjamechan, chajia lespox, chiekal matabijaliajwa, Pablo, Silas suapich, naewujajanproxan, diachwujajnakolax wut, o, ja-el wut.

¹² Samata, xabich judíos naexasit Jesucristo pejwujajan. Xabich griegosbej naexasiti Jesucristo pejwujajan. Griegos paklochowbej naexasiti Jesús pejwujajan.

¹³ Asew judíos, Tesalónica paklowaxpijiw, japox wultaen wut, Pablo Jesús pejwujajan naewujajanprox Berea paklowaxxot, japibej fulaen Berea paklowax poxadin. Berea paklowax pa'an wuti, xabich nejlasfali. Japapaklowaxpijiw xabich nejtasalas.

¹⁴ Naexasiti Jesucristo pejwujajan, jum-aechi Paboliajwa: “¡Xam amxot kamta nakolde! ¡Marlel fulaemch!” –aechi. Pe Silas, Timoteo suapich, nakiowa namafuki Berea paklowaxxot.

¹⁵ Pablo fulaech wut marlel, asew japixot fulchallaspon Atenas paklowax poxaliajwade. Pablo jaxotde pa'a wut, buxxato'apon Silas, Timoteoliajwabej. Jum-aechon, buxxato'a wut: “Xamal kolenam xajupam wut fulaeliajwam, ¡xabua'din xan nafaenaliajwam Atenas paklowaxxot!” –aech Pablo, buxxato'a wut. Do jawut, Pablo fulchalapi, pejme kaxa nawen.

Pablo naewujajanprox Atenas paklowaxpijiw

¹⁶ Pablo wujajnowet wut Silas, Timoteobej, mathunpon Atenas paklowax. Pablo taen japapaklowaxxot xabich ídolos nuilpox. Pablo japoxan taen wut, xabich nejxaejwaspon.

¹⁷ Samata, Pablo, nakaejudíos suapich, nabu'nalot Jesucristo pejwujajanliajwa, judíos naewujajnabatat wuton. Ja-aechbejpon judíos-eliliajwa, Dios naexasiti. Kaematkoisful papati plazaxot, japi suapichbej, Pablo nabu'nalot Jesucristo pejwujajanliajwa.

¹⁸ Do jawux, asew Pablo faens. Japi epicúreos. Japi naexasit Epicuras naewujajanprox. Asewbej Pablo faens. Japi estoicos. Japi naexasit Zeno naewujajanprox. Japi epicúreosxot, estoicosxotbej, japi jum-aech babejjamechan Paboliajwa. Jum-aechi:

–Ampon aton, matabijsna-el wut, zachaxankaton naksiya? –na-aechi nakaewa Paboliajwa.

Asew nakaewa najum-aechbej Paboliajwa:

–Japon naewujajan asatujajnpjijiw pejdiosesliajwa –na-aechi nakaewaliajwa.

Jasoxtat japi, Pablo suapich, nabu'nalot, naewujajan xoton chimiawujajan, Jesucristo pejwujajan, jiw tupi pejme mat-eyaxaespoxliajwabej.

¹⁹ Do jawut, japi Pablo bu'fol pachaempoxtat paklochow natameja poxade, pawuxot Areópagu. Jaxotde bu'pa'as wut, japi jum-aech:

—¡Najum-amde pajelnaewuajnaex, xam jiw naewuajnamwujajan!

²⁰ Xam naewuajnam asawujajan, xanal matabija-enilwujajan. Pe xanal chiekal matabijasian, achax chiyaxael xam jiw naewuajnampoxan —aechi Pabliolajwa.

²¹ Puexa Atenas paklowaxpijiw, asew jiwbej, japi asatujajuchanpijiw jaxot duili, japi pajelnaewuajnaex xabich nejxasinkjumch naewesliajwa, naksiyalijawabej.

²² Do jawut, Pablo nant japi pejwujajnalel Areópagoxot. Jawut jum-aechon: “Atenas paklowaxpijwam, xan matabijtax xabich nejchaxoelampox nejdiosesliajwa.

²³ Xan taenx xabich maenkpoxan, xamal natamejlamxot, nejdioses kawujajnalijawam. Taenxbej kae-altar. Japa-altarleltat lelspx taenxbej. Japox jum-aech: ‘Ampa-altar, dios matabija-esalpon pej-altar’ —aech lelspx. Japadios xamal najut matabija-emilbej, kawujajnam wut. Japadiosliajwa ma amwut xamal jumchiyaxaelen chiekal matabijalijawam” —aech Pablo Areópagoxot.

²⁴ Pablo pejme jum-aech: “Dios is ampathat. Ampathatat taenspoxan, japoxan Dios ispoxan. Tato'albejpon japonxotse, ampathatatbej. Samata, Dios duka-el poejiw isbatat.

²⁵ Dios chinax asax wewe'pa-esal asan aton we-isliajwas. Japon pijaxtat puexa xatis chiekal duilafulas. Puexa nakwewe'ppoxan nakchaxduwbejpon” —aech Pablo.

²⁶ Pablo pejme jum-aech: “Dios majt kaen aton is. Do baxael, japon pamojiw pothata xajup, amwutjel xabichalijwa nejmachjiw. Dios chajia nejchaxoel, amxot kaenanula, pejmutan supich, duilaxael jiw. Nejchaxoelbejpon, maswut tuxaxaeli.

²⁷ Dios jasox is jiw wulwekaliajwaspon, jiw naexasisliajwasbejpon. Diachwujajnakolax kaenanula xatisxot Dios atujaja-el.

²⁸ Dios pijaxtat duils. Nanuamtasbej. Nabistasbej. Asew nejwujajnapijiwxot chajia lel wut, jum-aechi: ‘Xatis Dios paxis’ —aechi.

²⁹ Dios paxis xot, nejchaxoes wut, nejchaxoelaxisal: ‘Dios, me-ama ídolos, jiw pajut ispoxan orotat, platatatbej, ia'tatbej’ —chiyaxisal. Jiw japoxan is pejnechaxoelaxantat.

³⁰ Dios kastika-el nejwujajnapijiw, isful wut babijaxan, matabija-el xotfuki Dios. Pe amwutjel, Dios to'a pothatapijiw jiw kofaliajwa babijaxan isfulpoxan, naexasisfulalijawapi Dios tato'alpoxan.

³¹ Dios chajia kaematkoí mark jumchiliajwapon ampathatpijiw pejbuwujajanpoxliajwa. Dios markamatkoí pat wut, Dios makafichpon, japon jumchiyaxael jiw pachaempi Diosliajwa, o, jiw chaemili Diosliajwa. Jesús tux wut cruztat, Dios mat-echpon pejme dukaliajwa. Samata, xatis chiekal matabijas, Jesús diachwujajnakolax Dios makafich japon jumchiliajwa, masi jiw pejbuwujajan ampathatxot” —aech Pablo.

³² Atenas paklowaxpijiw japox jumtaen wut, jiw tuxpi mat-eyaxaespxox pejme duilalijaw, asew japixot buwujajanpaeipi Pablo japoxliajwa. Asew japixot jum-aech Pabliolajwa:

—Amwutjel xanal najum-ampox, asamatkoí pejme najumchiyaxaelam xanal kaes naewesliajwan —aech asew Pabliolajwa.

³³ Do jawut, Pablo buxtoet wut, nakolton japi natamejaxot.

³⁴ Asew japixot nakfoli Pablo. Japi naexasiti Jesucristo pejuwujajan. Kaen japixot pawul Dionisio. Japon Areópago mutpijin. Kaeow pawul Dámaris.

Japowbej naexasit Jesucristo pejwɛajan. Asew jaxotpi, japi naexasitbej Jesucristo pejwɛajan.

18

Pablo Corinto paklowaxpijiw naewɛajanpox

¹ Do japoɣwɛɣ, Pablo Areópagoxot nakolt wɛt, fɛlaechlison Corinto paklowax poxade. Dolison, pat Corinto paklowaxxot.

² Jaxotde Pablo faen judíos-aton. Japon Ponto tɛajɛpijin, pawɛlon Aquila. Pijow pawɛl Priscila. Pablo wɛajna japi kolenje pa'a Corinto paklowaxxot. Japi chajia nakola Italia tɛajɛlel, Claudio, Roma tɛajɛpijiw tato'lan, to'as xoti nakolaliajwa Roma paklowaxxot. Claudio chajia to'a puexa judíos nakolaliajwa Roma paklowaxxot. Pablo faen wɛt Aquila Corinto paklowaxxot, nakfɛlaechon japi pejba poxade japi taeliajwa.

³ Pablo duk japi pejbaxot. Japi itthow carpabɛ'an mowaliajwa. Pablo nabist, japi sɛapich, matabijt xoton japabichax.

⁴ Napatamatkoiyan wɛt, Pablo fɛlalaecha judíos naewɛajnaba poxade. Jaxot Pablo naewɛajan judíos, judíos-elibej, naexasisliajwapi Jesucristo pejwɛajan.

⁵ Silas, Timoteo sɛapich, pa'an wɛt Macedonia tɛajɛlel, jawɛt Pablo kekoft carpabɛ'an itthoeyax, pomatkoicha naewɛajnalialjwapon Dios pejjamechan. Pablo naewɛajan wɛt judíos, jɛm-aechon: “Jesús diachwɛajnakolax Cristo, japon xatis wɛajnawechpon nakbɛ'welialjwa” —aech Pablo, naewɛajan wɛt judíos.

⁶ Judíos naexasis-eli Jesús pejwɛajan, japi xabich palala Pablolialjwa. Samata, japi babejjamechan jɛm-aech Pablolialjwa. Samata, jawɛt Pablo jolcha pejsumta-osax. Jawɛt lɛlapon, japi pajut matabijaliajwa babijax ispoɣ Diosliajwa. Jɛm-aechon:

—Xamal najut nijaxtat napelsaxaelam, naexasis-emil xot xan naewɛajnaɣpox. Xan tajaxtat napelsaximil. Xamal naexasis-emil xot, judíos-elpilax naewɛajanafɛlaxaelen Jesucristo pejwɛajan —aech Pablo judíosliajwa.

⁷ Do jawɛt, Pablo nakolt judíos naewɛajnabaxot. Fɛlaechon asaba poxade. Japabapijin pawɛl Ticio Justo. Japon Dios xabich nejxasink. Japon pejba chiekal mox naxsoep, judíos naewɛajnaba sɛapich.

⁸ Crispo, judíos naewɛajnaba wesam, japon, puexa pejjiw sɛapich, asew sɛapichbej, naexasit Jesucristo pejwɛajan. Xabich asew, judíos-eli, Corinto paklowaxpijiw, jɛmtaen wɛt Jesucristo pejwɛajan, japibej naexasit. Do jawɛt, japi bautisas.

⁹⁻¹⁰ Asamatkoi, madoi wɛt, Pablo masoxtat taen, Dios jɛm-aech wɛt japonliajwa. Jawɛt Dios jɛm-aech: “Xam chalafɛlax. Xam asew jiw kechaemilaxil. Ampapaklowaxxot xabich tajjiw nawemaenk. Samata, jnabej nejlewle'! jNakiowa naewɛajnaɛalde tajjamechan! jNabej boejlache'!” —aech Dios Pablolialjwa.

¹¹ Ja-aech wɛt, Pablo pejlwla-el. Samata, Pablo duk Corinto paklowaxxot kaewaech y medio. Japamatkoiyantat Dios pejjamechan naewɛajnaɛalon japapaklowaxpijiw.

¹² Japamatkoiyantat, Galión gobernador Acaya tɛajɛxot. Galión gobernador wɛt, judíos kaenejchaxoelax jaelsliajwapi Pablo. Do jawɛt, Pablo jaeltas. Jawɛt bɛflaechpon gobernador poxade, japon jiw tato'al wɛt ekxot.

¹³ Japi jɛm-aech gobernadorliajwa:

—Ampon aton naewhajanfaful jiw naexasisliajwa Dios. Japon naewhajanpox najupa-el Moisés chajia lelpox sʉapich, xanal naexasitxpo —aechi gobernador pejwhajnalel.

¹⁴ Pablo naksiyaliajwa wʉt gobernador pejwhajnalel, jawʉt Galión jum-aech judíosliajwa:

—Xamal judíos chiekal matabijam ampo. Ampon aton natkowa wʉt, babijax xabich is wʉtbejpon, ja-aech wʉt, xamal chiekal naewesaxaelen.

¹⁵ Pe ampon is-el babijaxan. Xamal judíos asbʉan jumch nalala japon naewhajanpoxliajwa. Nalalabej japon naexasis-el xot nejkabʉananpoxan, xamal naexasitampox. Samata, ¡xamal najut chaemde japox! Xan japoxan tataefla-enil chaemsliajwan —aech Galión judíosliajwa.

¹⁶ Do jawʉt, gobernador Galión to'a judíos nakolaliajwa japonxot.

¹⁷ Judíosxot kaen pawʉl Sóstenes. Japon judíos naewhajnaba wesan. Do jawʉt, nakola wʉti, griegos, jaxoti, jaelti Sóstenes gobernador Galión pejwhajnalel. Jaxot Sóstenes baes. Galión japox taen wʉt, chinax keflas-elon japi griegos.

Pablo pejme nawia'anpox Antioquía paklowax poxadin

¹⁸ Pablo duk pin-iamatkoijan Corinto paklowaxxot. Baxael, Pablo fʉlaeliajwa wʉt, kejachapon naexasiti Jesucristo pejwhajan. Pat wʉton Cencrea paklowaxxot, fʉlaeliajwa wʉt barkamtat, jawʉt Pablo pajut namatnaelaxaxoton jiw matabijsliajwas, chajia jumdutpox toet xotlison Diosliajwa. Pablo jul wʉt barkam Siria tʉajʉ poxaliajwa, japabarkamtat julbej Aquila, pijow sʉapich.

¹⁹ Chapat wʉti Éfeso paklowaxxot, jaxot Pablo waela Aquila, pijow sʉapich. Do jawʉt, tamach fʉlaechlison judíos naewhajnaba poxade. Jaxot Pablo nospaei, judíos sʉapich, japi natamejaxot.

²⁰ Do jawʉt, Pablo fiach namanaliajwa japixotfuk. Pe Pablo owchi-el.

²¹ Jawʉt jum-aechon, kejacha wʉt: “Dios nejxasink wʉt, xamal pejme taeyaxaelen” —aech Pablo japi jiwliajwa.

Do jawʉx, Pablo pejme barkam jul wʉt, chaflaechon Éfeso paklowax poxade.

²² Cesarea paklowaxxot pat wʉton, jawʉt pʉtlel Pablo fʉlaech Jerusalén paklowax poxade. Jaxotde taenon naexasiti Jesucristo pejwhajan. Do jawʉx, Antioquía paklowax poxadepon.

²³ Antioquía paklowaxxot pin-iamatkoijan naman wʉt, do jawʉx, fʉlaechon Galacia tʉajʉ poxade, Frigia tʉajʉ poxadebej. Kaenanula japapaklowaxanxot, pat wʉton, naewhajan japi kaes Dios xanaboejalijwa.

Apolos naewhajanpox Jesucristo pejwhajan Éfeso paklowaxxot

²⁴ Japamatkoiyantat kaen judíos-aton pat Éfeso paklowaxxot. Japon pawʉl Apolos. Japon Alejandría paklowaxpijin. Naewhajan wʉt, puexa jiw chiekal naewechpon, naewhajanpox pachaem xot. Japon chiekal matabijt Dios pejjamechan, chajia lelpox.

²⁵ Apolos naewhajan Jesucristo pejwhajan. Samata, matabijton Dios jiw bʉ'weyaxaelpox Jesús pijaxtat. Nejxasinkbejpon jiw naewhajnaliajwa Jesúsristo pejwhajan. Pe japon matabijt Juan bautisapoxkal.

²⁶ Apolos judíos naewhajnabatat naewhajan wʉt, pejlwla-elon naewhajnaliajwa. Priscila, Aquila sʉapich, jumtaen wʉti japon naewhajanpoxan, jawʉt bʉflaechipon pejba poxade nospaeliajwapi tamach, japon sʉapich, kaes chiekal naewhajnaliajwapon jiw Jesucristo pejwhajan.

²⁷ Do baxael, Apolos fúlaeliajwa wut Acaya tujnuxoxade, Éfeso paklowaxpijiw, naexasiti Jesucristo pejwujajan, japi kajachawaet Apolos. Apolos carta welels xalaeliajwa Acaya tujnuxoxade, japixot pa'a wut, chiekal bu'kalsliajwaspon. Dolison, pat wut Acaya tujnuxoxot, japon xabich kajachawaet Acaya tujnuxoxade, japi naexasiti Jesucristo pejwujajan Dios pejkajachawaesaxtat.

²⁸ Apolos naewujajan judíos Jesús pejwujajan. Dios pejjamechan chajia jum-aechox Jesúsliajwa, japoxbej Apolos naewujajnaful puexa jiwliajwa. Naewujajanbejpon japi jiw chiekal matabijaliajwa, Jesús diachwujajnakolax, Mesías, Dios, to'aspon puexa jiw bu'welialjwa. Samata, judíos boejlach nuil. Japi judíos elchiyaxil Apolos jum-aechpoxliajwa Jesúsliajwa.

19

Pablo naewujajanpox Éfeso paklowaxpijiw

¹ Apolos Corinto paklowaxxot wutfuk, Pablo fúlaech pasliajwa Éfeso paklowaxxoxade. Pinamuxaxan xenafalon, fol wut. Éfeso paklowax pa'a wut, jaxot faenon Jesucristo pejwujajan naexasiti.

² Pablo japi wujajnaem wut, jum-aechon:

—Jesucristo pejwujajan naexasitam wut, ¿Espíritu Santokat pask nejmatpuatanxot? —aech Pablo.

Japi jumnot wut, jum-aechi:

—Xanal chinax jumtae-enil Espíritu Santopoxliajwa —aechi.

³ Pablo pejme wujajnaem wut, jum-aechon:

—Xamal bautisa wut, ¿achanejchaxoelaxkat japox xamalliajwa? —aech Pablo.

Japi jumnot wut, jum-aechi:

—Juan, jiw bautisan, chajia jum-aechpox bautisaxliajwa —aechi.

⁴ Pablo jum-aech:

—Juan bautisa jiw, babijaxan ispoxan kofapi, japi naexasiti Dios. Juan jum-aechbej, jiw bautisaful wut: 'Xanwux kaen pasaxael. Japon xamal naexasi'e!' —aech Juan Jesús pejpasaxliajwa —aech Pablo Éfeso paklowaxpijiwliajwa.

⁵ Éfeso paklowaxpijiw japox jumtaen wut, kaes chiekal naexasiti Jesús pejwujajan. Jawut bautisas Jesús pijaxtat.

⁶ Pablo ke-ot wut japi pejta'antat, Espíritu Santo fúloek japi pejmatpuatanpoxasik. Do jawut, chalechkal japi jiw naksiya majt matabija-eljamechan. Naksiyabejpi Dios buxto'aspoxan naksiyalialjwa.

⁷ Puexa japi poejiw, doce.

⁸ Pablo duk Éfeso paklowaxxot tres juimtje. Naewujajnafulon Dios pejjamechan judíos naewujajnaem. Naewujajan wut, chinax pejlewla-elon. Naewujajanbejpon Dios puexa pejjiw tato'laxaelpox, japi naexasitpi Dios. Ja-aechon judíos chiekal naexasisliajwas naewujajanpox.

⁹ Asew japixot naexasis-el, matnaetink xoti naexasisliajwa. Samata, japi jum-aech babejjamechan Jesucristo pejwujajanliajwa. Ja-aech wut, Pablo nadijan judíos naewujajnaem. Do ja-aech wut, Jesucristo pejwujajan naexasiti bu'folon Tirano pej-escuelaba poxade. Escuelabaxot Pablo pomatkoicha naewujajan Jesucristo pejwujajan.

¹⁰ Ja-aech Pablo kolewaechje. Samata, puexa jiw Asia tujnuxoxot duili, japi judíos, judíos-elibej, jumtaen Jesucristo pejwujajan.

¹¹ Pablo koechaxan isbej Dios pijaxtat.

12 Pablo jachapoxan, panielbu'an, asaxanbej, japoxan bu'xaeya xabu'jachas wut, japi jiw chiekal boejthals nejmachwaxae. Asew jiw, dep webaespi pejmatpuatanxot, depbej nakola.

13-14 Asew judíos, nanuamt asapaklowaxan poxade. Japi pajut pijaxtat dep to'a nakolaliajwa jiw pejmatpuatanxot. Jasox ispi, japi Esceva paxi. Japi sietepi. Esceva, japon sacerdotespaklon. Japi Esceva paxi jumtaen Jesucristo pejuajan. Samata, japi dep to'a wut, jum-aechi dep nakolaliajwa: “Dep, xamal to'ax nakolaliajwam Jesús pijaxtat, japonliajwa amwutjel Pablo naewuajnaful!” —aech Esceva paxi.

15 Asamatkoi, Esceva paxi dep to'a wut, dep jumnochpi. Juntispi dep: “Xan matabijtax Jesús. Matabijtaxbej Pablo. Pe xamal, achewamkat?” —tispi dep.

16 Do jawut, dep, aton pejmatpuatxot webaespon, japon aton dep pijaxtat wultadiowpon Esceva paxi. Japon aton dep pijaxtat xabich bapon Esceva paxi. Japi xabich malechasbej. Baes wut, bu'jolsi. Xabich xakolbalasbejpi. Do jawut, japi bu'jumchadukp, nakola wuti baxot.

17 Esceva paxi japox wejatis wut, puexa Éfeso paklowaxpijiw wultaena, judíos, judíos-elibej. Samata, puexa xabich jiw pejlewla. Jasoxtat puexa jiw sitaen Jesucristo pejuajan.

18 Xabich jiw, Jesucristo pejuajan naexasiti Pabloxot papasful. Ja-aech wut, puexa majt babijaxan ispoxan tulaela jiw pejuajnael chapaeipi.

19 Asewbej, majt pinjoe'iwpi, japi xalaen pejew, pel-uaf. Japapel-uaf pinjoe'ax matabijaliajwa. Japi pel-uaf bowapi puexa jiw pejuajnael. Japapel-uaf xabich ommaenk. Japapel-uafan pa-om, cincuenta mil platafahan, isaspi platafachankolaxtat.

20 Jasoxtat Dios pejjamechan pothata xajup. Samata, puexa jiw matabija Dios xabich mamnikpon.

21 Do jawux, Pablo nejchaxoel: “Xan pejme taeyaxaelen Macedonia tuajnupijiw, Acaya tuajnupijiwbej. Do jawux, pejme fulaeyaxaechan Jerusalén paklowax poxade. Jerusalén paklowaxpijiw taenx wut, do jawux, chaflaeyaxaechan Roma paklowax poxade, jaxotde jiw taeliajwanbej” —aech Pablo, nejchaxoel wut.

22 Dolisdo', Pablo to'a kolenje pejnachalan, Timoteo, Erasto suapich, Macedonia tuajnu poxade. Pe Pablo namanfuk Asia tuajnuxot kaematkoian suapichliajwa.

Éfeso paklowaxpijiw palalapox Paboliajwa

23 Japamatkoiyantat, Éfeso paklowaxpijiw xabich palala, jiw kaes naexasisful xot Jesucristo pejuajan.

24 Ja-aech, jiw palala wut Demetrio pijaxtat. Demetrio platanaelsaptat kejus nejmach isliajwa. Platanaelsaptat isfulon xabich cha-aelbax. Japabax ispon, me-ama japi pejdios Artemisa pejtemploba, ta'la-aechbax. Demetrio japabax mowa wut, xabich plata kanapon, nabisti japon suapich.

25 Demetrio tameja nabisti, japon suapich, asewbej, japi nabisti asabichaxan, me-ama japabichax. Natameja wut, Demetrio jum-aech: “Xamal chiekal matabijam ampabichaxtat xatis xabich plata kans chiekal duilaliajwas.

26 Xamal taenam Pablo. Jumtaenambejpon. Japon xabich jiw naewuajan wut, jum-aechfulon: ‘Ídolos, jiw pajut ispoxan, dioskola-el’ —aechon. Samata, xabich jiw naexasit Pablo naewuajanpoxan Jesúsliajwa. Koew ampapaklowaxpijiw, jachi-el. Xabich puexa Asia tuajnupijiwbej naexasit Pablo naewuajanpoxan.

²⁷ Xatisliajwa japox chaemil. Jiw kaes nakw_uajsaxil mowasi. Kaes sitaeyaxilbejpi wajdios, paw_ulpox Artemisa. Sitaeyaxilbejpi japox pejtem-ploba. Amw_utjel puexa jiw, ampapaklowaxpijiw, Asia t_uaj_nu_pijiwbej, asew jiwbej asat_uaj_nuchanlel duili, kaw_uaj_naf_ulbejpi Artemisa. Jiw Pablo naew_uajanpox naexasit w_ut, ja-aech w_ut, japi kaes kaw_uaj_naxil Artemisa” –aech Demetrio, jiw tameja w_ut.

²⁸ Demetrio pejnachala japox jumtaen w_ut, xabich palalapi Pablolajwa. Samata, nejlasful w_ut, jum-aechfuli: “iArtemisa, Éfeso paklowaxpijwas japox wajdios, pamamakolax!” –aechfuli.

²⁹ Japox jumtaen w_ut, Éfeso paklowaxpijiw xabich palalapi Pablolajwa. Samata, jaw_ut, jaeltas Gayo, Aristarco s_uapich. Japi Macedonia t_uaj_nu_pijiw, Pablo fulchalapi. Jaelas w_ut, buflaech pinaba poxade, paklowaxpijiw natamejaba poxade.

³⁰ Pablo f_ulaesia jiw natamejaba poxade, naksiyalajwapon jiw pejw_uajnalel. Pe pejnachala tapae-esal Pablo f_ulaelajwa naksiyalajwa.

³¹ Do jaw_ut, Asia t_uaj_nu_pijiw paklochow, Pablo matabijtaspi, japibej bu_xxato'a Pablo f_ulaesamata jiw palalapi poxade.

³² Jiw natamejaxot kaenejchaxoelaxa-el xoti, asew nejlasful w_ut, jum-aechful kaeyax. Asewbej nejlasful w_ut, asaxan jum-aechful. Japixot jiw nakaewa najum-aech: “¿Ma-aech xotkat xatis natamejlas?” –na-aechi nakaewa.

³³ Do jaw_ut, paw_ulpon Alejandro fijabas jiw pejw_uajnalel nukaliajwapon. Asew japixot Alejandro chapaeis, ma-aech xot jiw natameja. Do jaw_ut, Alejandro m_uaxxachok'cha puexa jiw boejlachaliajwa. Alejandro jumnosasia natamejapi, japi kaes palala-elaliajwa judiosliajwa.

³⁴ Japi Éfeso paklowaxpijiw matabija w_ut Alejandro judios-atonpox, xabich piach nejlasful, me-ama kolehora. Nejlasful w_ut, jum-aechfuli: “iArtemisa, Éfeso paklowaxpijwas japox wajdios, pamamakolax!” –aechfuli.

³⁵ Do jaw_ux, japapaklowax tataefulpon bu_xfiat puexa jiw boejlachliajwa. Jaw_ut, boejlach w_ut, jum-aechon: “Éfeso paklowaxpijwam, pothatapijiw matabija xatis nakwewaeltox tataeflaliajwas wajdios Artemisa pejtem-ploba. Japox pamamakolax. Japox pej-ael, me-ama ia't, ath_uelsik jopikpox. Japoxbej xatis tataeflas.

³⁶ Kaen aton jumchiyaxil japoxliajwa: ‘Diachw_uajnakolaxa-el’ –chiyaxil. Samata, ikaes nabej nalale! iUlboejthulde! iNabej is asax, majt chiekal nejchaxoela-emil w_utfuk!

³⁷ Amp_i kolenje, buflaemanpi, babijax is-el Artemisa pejtemplobaxot. Babejjamechan jumchi-elbejpi wajdiosliajwa.

³⁸ Demetrio, japonliajwa nabistibej, asan aton tasalasia w_uti, japi buflaeyaxael paklochow poxade, jaxotde tasalaliajwapi japon aton paklochow nabistxot. Ja-aech w_ut, kaenan_ula tasalasp_i naksiyaxael pajut jumnosliajwa.

³⁹ Xamal asaxan jumchisiam w_ut paklochow natamejaxot, jaxot japoxan jumchiyaxaelam.

⁴⁰ Wajpaklochow bej naktasalaxaelbej, xatis natamejlas xot babijaxtat. Naktasala w_ut, xatis jumchiyaxisal japoxliajwa” –aech paklowax tataefulpon.

⁴¹ Japox bu_xtoet w_ut, to'apon jiw pejbachan poxade naweliajwa. Do jaw_ut, puexa ow-aechlisi.

20

Pablo fɹlaechpox Macedonia tɹajnu poxade, Grecia tɹajnu poxadebej

¹ Éfeso paklowaxpijiw ɹboejthɹ wɹt, Pablo tameja naexasiti Jesús pejwɹajan, japi jiw kaes naewɹajnalajwapon, japi kaes chiekal Dios xanaboejalajwabej. Do jawɹt, Pablo bɹxtoet wɹt, kejacha wɹt, fɹlaechon Macedonia tɹajnu poxade.

² Macedonia tɹajnu pa'a wɹt, taenon naexasiti Jesucristo pejwɹajan, duil wɹti, kaenanɹla pejmɹtan sɹapich. Dios pejjamechan naewɹajnafɹlon kaes japi jiw chiekal Dios xanaboejalajwapi. Do jawɹx, Macedonia tɹajnuɹxot nakolt wɹt, fɹlaechon Grecia tɹajnu poxade.

³ Pat wɹton Grecia tɹajnuɹxot, tres juimtjeliajwa namanon. Do jawɹx, Pablo barkam nakfɹlaeliajwa wɹt Siria tɹajnu poxaliajwade, Pablo wɹltaen judíos wɹajnowesaxaespoɹ boesaliajwas. Pablo japox jumtaen wɹt, nejchaxoelon pɹtɹel pejme kaxa nawiasliajwa Macedonia tɹajnu poxade.

⁴ Pablo fɹlchalaspi, kaen japixot pawɹl Sópater. Japon Berea paklowaxpijin, Pirro paxɹlan. Asan pawɹl Aristarco. Asan pawɹl Segundo. Japi kolenje, Tesalónica paklowaxpijiw. Asan pawɹl Gayo, Derbe paklowaxpijin. Asan pawɹl Timoteo. Asan pawɹl Tíquico. Asan pawɹl Trófimo. Tíquico, Trófimo sɹapich, japi Asia tɹajnuɹpijiw.

⁵ Japi puexa wɹajnadeliɹi barkamtat, xan Lucas, Pablo sɹapich, nawɹajnowesliajwapi Troas paklowaxxot.

⁶ Pan puthla-eli xaefiestawɹx, xanal Filipos paklowaxxot barkamtat chijian. Cinco matkoiyan wɹt, Troas paklowaxxot xanal chapatx. Wɹajnadepilis japapaklowaxxot, xanal nawɹajnoweti. Japapaklowaxxot xanal namax siete matkoiyanliajwa.

Pablo mathɹnpox Troas paklowaxxot

⁷ Napatamatkoi wɹt, xanal natamejlax, naexasiti Jesucristo pejwɹajan sɹapich, pan xaeliajwan. Me-ama Jesús, pejnachala sɹapich, chajia is, xanal japox isx. Pablo japamadoitat jiw xabich naewɹajan, kandiawa fɹlaeyaxael xoton asapaklowax poxade. Samata, Pablo naewɹajan hasta pinmadoitat.

⁸ Pablo naewɹajan athɹ pejpiezaxxotse, xanal natamejaxxot. Jaxotse xabich lámpara tamdadusnuil.

⁹ Jaxotsebej pansian. Japon pawɹl Eutico. Japon ek ventanatat. Pablo xabich piach naewɹajan xot, pansian moejbalalison. Do jawɹt, moejcha wɹt, jopdikon ventanaxotsik. Tres piezaxxotsik jop wɹt, japon chiekal xamatkaeya. Xanal baloekx wɹt japon taeliajwan, diachwɹajnakolax japon chiekal tɹp.

¹⁰ Do jawɹt, Pablo baloek pansian taeliajwa. Jaxot pa'ak wɹt, Pablo brixtat nuk patɹpan pejwɹajnalel. Pablo patɹpan wɹtakɹkt wɹt, jum-aechon Jesucristo pejwɹajan naexasitiliajwa:

—¡Xamal nabej nejlewlé'! ¡Ampon mat-echlison pejme laejaliajwa! —aech Pablo.

¹¹ Do jawɹt, Pablo julach kaxase, asew sɹapich. Do jawɹt, Pablo pan jalnat wɹt, puexa jiw xael, japon sɹapich. Do jawɹt, nakiowa naewɹajanfɹkon. Nalian wɹt, Pablo bɹxkoft. Do jawɹx, fɹlaechon.

¹² Pansian xamatkaeyapon, mat-ech wɹt, bɹflaechipon pejbachade. Ja-aech wɹt, puexa japi jiw xabich nejchachaemil.

Pablo nakoltɹpox Troas paklowaxxot chaflaeliajwa Mileto paklowax poxade

¹³ Xanal w_{uajna} f_{ulaechx}, Pablo nato'a xot chaflaeliajwanbej barkamtat Aso paklowax poxade, japapaklowaxxotde Pablo faenaliajwan. Jasox xanal Pablo nato'a, nejchaxoel xoton p_{utlel} f_{ulaeyax}.

¹⁴ Xanal faenx w_{ut}, Pablo Aso paklowaxxot, do jaw_{ut}, xanal, Pablo s_{uapich}, chafolx barkamtat Mitilene paklowax poxaliajwan.

¹⁵ Do jaw_{ux}, kandiawa w_{ut}, Mitilene paklowaxxot barkamtat chaflaechx w_{ut}, paxentax Quío paklowaxtabijla. Do kandiawa w_{ut}, chapatx tanaet-paklowax, paw_{al}pox Samos. Do pejme asakandiawa w_{ut}, Mileto paklowax chapatx.

¹⁶ Xanal f_{ulae-enil} Éfeso paklowax poxade, Pablo thilt xot makach-lasamatan Asia t_{uajnu}xot. Pablo nejchaxoel kamta pasliajwa Jerusalén paklowaxxot Pentecostésfiesta w_{uajna}.

Pablo w_{ullal}apox ancianos, Éfeso paklowaxpijiw

¹⁷ Pablo Mileto paklowaxxot w_{ut}f_{uk}, w_{ullal}apon ancianos, Éfeso paklowaxpijiw. Japi paklochow Jesucristo pejw_{uaj}an naexasiti.

¹⁸ Dolisdo', ancianos pat w_{ut}, Pablo j_{um}-aech: “Xamal chiekal namatabijam xan, akasestat patx w_{ut} ampat_{uajnu}xot, Asia t_{uajnu}xot. Ampat_{uajnu}xotx w_{ut}, xamal matabijam, ma-an xan, dukx w_{ut} xamalxot.

¹⁹ Pomatkoicha Diosliajwa nabistax, xamalxotx w_{ut}. Nejchaxoelx w_{ut}, kaematkoi nejchaxoela-enil: ‘Xan pejme kaes pachaeman. Me-ama asew jiw, jachi-enil’ —chi-enil, nejchaxoelx w_{ut}. Asamatkoi xan xabich nowx, jiw naexasis-el w_{ut} Dios. Xamal matabijam xan nabijataxpoxan, judíos naboesasia w_{ut}.

²⁰ Ja-an w_{ut}, xan nakiowa b_{ux}kofs-enil naew_{uaj}naxpoxan, xamal matabijaliajwam japoxan. Xamal naew_{uaj}nafulax, kaeyaxtat natamejlam w_{ut}. Kaenan_{ula} nejbachanxot naew_{uaj}naxbej.

²¹ Judíos, judíos-elibej, j_{um}-an naew_{uaj}nax w_{ut}: ‘¡Kofim babijaxan isfulampoxan! ¡Naexasisfulde Dios! ¡Xanaboejimbej wajpaklon Jesucristo!’ —ansfulax, naew_{uaj}nafulax w_{ut}.

²² Amw_{ut} Jerusalén paklowax poxaxaechan, Espíritu Santo nato'a xot. Xan matabijs-enil, achax jachiyaxael jaxotde xanliajwa.

²³ Xan ampoxkal matabijtax Espíritu Santo pijaxtat tajutliajwa. Nejmachpaklowaxanxot patx w_{ut}, xan bej najeyaxaelbejpi jiw jebaxot. Xabich bej nabijasaxaelenbej. Nejmachpaklowaxanxotx jiw naew_{uaj}nax w_{ut}, Espíritu Santo japox chajia naj_{um}-aech xan matabijsliajwan.

²⁴ Xan tajlewla-el japoxanliajwa. Nejchaxoela-enilbej t_{upax}aellenpox. Pelax xan xabich nejchaxoelx Dios pejbichax toesliajwan. Tajpaklon Jesús nato'a naew_{uaj}nalialjwan chimiaw_{uaj}an, Dios puexa jiw nejxasinkpoxliajwa” —aech Pablo ancianosliajwa.

²⁵ Pablo pejme j_{um}-aech ancianos, Éfeso paklowaxpijwliajwa: “Xamalxot chajia naew_{uaj}nax Dios puexa pejjiw tato'laxaelpox. Amw_{ut}tjel xan chiekal matabijtax. Chinax kaen xamalxot pejme kaes xan nataeyaxil ampathatat.

²⁶ Samata, xamal ampox j_{um}chiyaxaelen. Xamalxot asew jiw naexasis-el w_{ut} Dios, japi napelt w_{ut}, xan tajnaew_{uaj}naxtat japi napelsaxil.

²⁷ Xamal puexa naew_{uaj}nax Dios pejjamechan chiekal matabijaliajwam. Chinax kaejame namana-el j_{um}chi-eniljame.

²⁸ ¡Xamal duilafulde babijaxan is-elaxtat! Jesús mot pejjaltat jiw pejbabijaxan ispoxanliajwa. Samata, japi jiw chiekal tataefulde, Espíritu Santo japabichax xamal chaxdut xot! Me-ama ovejas tataeflan chiekal tataeflaful pejew ovejas, ¡xamalbej ja-amde naexasitiliajwa Jesucristo pejw_{uaj}an!

²⁹ Xan matabijtax ampox. Xan chijian wut, a sew jiw pasaxael xamalxot japi pijaxtat xamal kofaliajwam Jesucristo pejwujajan naexasitampox. Me-ama lobos pat toesliajwa ovejas, jachiyaxael japi jiw, xamalxot pat wuti.

³⁰ A sew jiw xamalxotbej asaxan naewujajna xael naekichachajbaliawja xamal, Jesucristo pejwujajan naexasitampim. Ja-aech wut, naekichachajbapijiw a sew jiw xamalxot buflaeyaxaes, japi suapich, naknatamejalijwa asabachantat.

³¹ Samata, inajut chiekal xamal natataefulde! ¡Nejchaxoelde tres waechanlisox xamal kaenanula naewujajna xprox matkoi, madoibej! Asamatkoi nowxbej xamallijwa, naewujajna x wut” —aech Pablo ancianos, Éfeso paklowaxpijwlijawja.

³² Pablo pejme jum-aech ancianos, Éfeso paklowaxpijwlijawja: “Takoew, xamal tamach waelaxaelen. Pe Dios xamal tataeflaxael. ¡Dios naexasifulde! Dios naknaewujajan pejjamechan xatis matabijalijwas Dios naknejasinkprox. Dios mamnik. Japon xajup kajachawaesliajwa xamal kaes Dios chiekal xanaboejalijwam. Dios xajupbej chaxduiliajwa chajia puexa jumdutproxan, makanochpi japon pejjiwaliajwa.

³³ Xan dukx wut xamalxot, taenx wutbej a sew pejew plata, naxoebej, japoxanlijawja xan chinax nejchaxoela-enil tejewlijawja.

³⁴ Xamal chiekal matabijam. Xan kejinil wut, tajut nabistax faenaliajwan nawewe'ppoxanlijawja, tajnachala wewe'paspojanlijawbej.

³⁵ Japox ja-an xamal matabijalijwam. ¡Xamallap-is jachiyaxaelam, nabistam wut a sew jiw wewe'paspi kajachawaesliajwam! ¡Nejchafaekde wajpaklon Jesús jum-aechprox! Jum-aechon: ‘A sew nakchaxduw wut, xanejchachaemlas. Pe kaes pejme xabich nejchachaemlas, xatis a sew jiw chaxduws wut’ —aech Jesús” —aech Pablo ancianoslijawja.

³⁶ Do jawux, Pablo buxtoet wut, puexa ancianos suapich, brixtat nuilisi Dios kawujajnalijawja.

³⁷⁻³⁸ Do jawut, puexa nowpi. Kaenanula japi wudeti Pablo. Xusuibalabejpi, xabich nejxaejwas xot, Pablo jum-aech xot: “Chinax kaen xamalxot pejme xan nataeyaxil ampathatat” —aech xot Pablo. Do jawut, japi fulchala Pablo barkamxotdik.

21

Pablo chaflaechpox pasliajwa Jerusalén paklowax

¹ Do jaxot xanal waelax wut ancianos, barkam julx. Matnoch chaflaechx Cos paklowax poxade. Do kandiawa wut, Rodas paklowax poxandax. Rodas paklowaxxot chaliknax wut, Pátara paklowax poxande.

² Pátara paklowaxxot chapatx wut, jaxot asabarkam duk. Japabarkam fulaeyaxaech Fenicia tuajnu poxade. Xanal japabarkam julx. Do jawut, chafolx.

³ Chafolx wut, chaxentax Chipre tanaet surlel. Do jawux, chaflaechx Siria tuajnu poxade. Siria tuajnu lelel, Tiro paklowaxxot, chapatx. Japabarkam xabich xafol xot japapaklowaxpijwlijawja, jaxot tunoti japabarkam.

⁴ Tiro paklowaxxot faekx naexasiti Jesucristo pejwujajan. Japixotan namaxfuk siete matkoiyan. Japi Espiritu Santo pijaxtat chajia matabija Pablo nabijasaxaelprox. Samata, japi fiat Pablo fulaesamata Jerusalén paklowax poxade.

⁵ Siete matkoiyan toep wut, japixot xanal chijian. Puexa jiw, pejwatho'jiw suapich, paxi suapichbej, xanal nafulchalapi paklowax tathoetade. Jaxot xanal brixtat nuilx thaejtat Dios kawujajnalijwan.

⁶ Do jawut, xanal kejachax, chijiyaliajwan wut. Do jawutbej, xanal barkam julx wut, japi nawia pejbachan poxade.

⁷ Tiro paklowaxxot xanal chaliknax wut, do jawux, chapatx Tolemaida paklowax. Do jaxotde, chapa'ax wut, kaes chaflae-enil minlel. Tolemaida paklowaxxot naexasiti Jesucristo pejwujajan saludax. Japixot namax kaematkoiliajwa.

⁸ Do kandiawa wut, xanal chijian Tolemaida paklowaxxot. Do jawut, Cesarea paklowax patx wut, Felipe pejba poxandax. Japon Felipe chimiawujajan, Jesucristo pejwujajan, jiw naewujajnafal. Japon chajia makafich, asew seis poejiw suapich, kajachawaesfulaliajwapon apóstoles. Xanal namax japon pejbatat.

⁹ Japon cuatro paxulow. Japi tamach laelp. Japi watho' profetas. Samata, japi watho' naewujajan Dios buxto'aspoxan jiwliajwa.

¹⁰ Felipexot kaematkoian suapich namax wut, jawut Felipe pejbaxot kaen profeta pat. Japon Judea tuajnujijin, pawulon Agabo.

¹¹ Agabo pat wut, xanal tajwujajnael Pablo pejcinturónmuat jolchapon. Japacinturónmuatat pajut tukwasike'lapon. Muxwasike'labejpon. Do jawut, jum-aechon xanalliajwa:

—Espíritu Santo najum-aech Pabloliajwa: 'Jerusalén paklowaxxot pat wut, judíos makachiyaxaeson ampacinturónmuatpijin. Do jawux, wiasaxaeson asatujajnujijiwxot, judíos-elixot' —aech Espíritu Santo —aech Agabo, jum-aech wut Pabloliajwa.

¹² Xanal japox jumtaenx wut, Cesarea paklowaxpijiw suapich, xabich fiatx Pablo fulaesamata Jerusalén paklowax poxade.

¹³ Pablo najumnot wut, jum-aechon xanalliajwa:

—Xamal nowam wut, xanbej nanejxaejow. Dios nejxasink wut, pachaem xan namatakuiliajwa, naboesaliajwabej Jerusalén paklowaxxot, wajpaklon Jesús pijaxtat —aech Pablo.

¹⁴ Xanal Pablo fiatx wut, na-owchi-elon Jerusalén paklowax poxade fulaelaliajwa. Samata, jawut xanal tapaeixpon fulaeliajwa. Do jawut, xanal jum-an:

—Dios nejxasink wut, japox jachiyaxaeson —an xanal.

¹⁵ Jawut tejew chaemtax xalaeliajwan. Do jawut, xanal fulaechx Jerusalén paklowax poxade.

¹⁶ Asew Cesarea paklowaxpijiw, naexasiti Jesucristo pejwujajan, xanal nafulchala Mnasón pejba poxade. Mnasón Chipre tanaetpijin. Japon kaes chajia wujajna naexasit Jesucristo pejwujajan. Japon pejbaxot xanal namax kaematkoianliajwa.

Pablo taenpox Santiago Jerusalén paklowaxxot

¹⁷ Xanal Jerusalén paklowaxxot patx wut, naexasiti Jesucristo pejwujajan chiekal nabu'kula. Xabich nejchachaemili, xanal nataen wut.

¹⁸ Kandiawa wut, Pablo xanal nakfol taeliajwapon Santiago. Jaxotbej wujajna puexa ancianos natameja.

¹⁹ Xanal patx wut Santiagoxot, Pablo puexa kejacha. Do jawut, chiekal chapaeipon puexa ispojan, Dios kajachawaesfulas wut, judíos-elixot wut.

²⁰ Japox jumtaen wut, Santiago, ancianos suapich, chimiajamechan jum-aechi Diosliajwa. Do jawut, jum-aechi Pabloliajwa:

—Takoewan Pablo, xam chiekal matabijtam ampo. Xabich pin-iat judíos naexasiti Jesucristo pejwujajan. Pe japi nakiowa nejchaxoelafal: 'Xatis naexasich wut Jesucristo pejwujajan, naexasisfulaxaesbej Moisés chajia lelpo, Dios pejtato'laxxot' —aechi, nejchaxoel wut.

²¹ Asew judíos jum-aech xam naewhajanampoxliajwa: ‘Pablo naewhajan wut asatuhajnapijiw, judíos, jum-aechon: “¡Moisés chajia lelpox xamal nabej naexasis! Xamal wewe'pa-el naxi circuncidaliajwam Dios pejmarkaxliajwa. Wajkabhanpox, wajwhajnapijiw isfulpox, ¡xatis japox kofaxaes!” —aech Pablo, naewhajan wut asatuhajnapijiw, judíos’ —aech asew judíos xamliajwa —aech Santiago, ancianos suapich, Pablo jumtaeliajwa.

²² Santiago pejme jum-aech Pablolijwa:

—Judíos wultaen wut xam patampox amxot, japi natamejaxael nakaewa najumchiliajwa. ¿Machiyaxaeskot xatis japi judíos chiekal matabijaliajwa asew judíos jum-aechpox kichachajbapox xamliajwa?

²³ Ampox isaxaes puexa jiw matabijaliajwa xam naexasisfulampox Moisés chajia lelpox. Ma amxot cuatro poejiw, xatisxot. Japilis toet chajia jumduwpoxan, Diosliajwa isaxaelpoxan.

²⁴ ¡Japi, cuatro poejiw, buflaem Dios pejtemploba poxade! ¡Dios pejtemplobaxot isde, japi suapich, isaxaelpoxan, japi pachaemaliajwa Diosliajwa! Japi kaenanula ofrenda chaxduiyaxael Diosliajwa. Xam kaenam wemosaxaelam japi poejiwliajwa. Do jawut, japi matnaelaxaxosaxael, asew jiw taens wut nejchaxoelaliajwas japijiajwa: ‘Toet xotlisi ispox, pajut namatnaelaxaxoti’ —chiliajwa asew jiw. Judíos taen wut xam kajachawaetampox cuatro poejiw, puexa judíos pajut matabijaxael, xambej naexasisfulam Moisés chajia lelpox. Jasoxtat japi pajut matabijaxael asew jum-aechpox xamliajwa, diachwhajnakolaxa-elpox.

²⁵ Judíos-eli, naexasiti Jesucristo pejwhajan, japijiajwalax, xatis chajia lels, xatis kaeyax nejchaxoes xot. Japi xaeyaxil choefwi, xua'atasi ídolos-ofrendaliajwa. Choefjal feyaxilbejpi. Xaeyaxilbejpi pawí, choef, kachariamakuspoxtat tupi. Poejiw bu'moejsaxilbej, asew watho' —aech Santiago Pablolijwa.

Pablo jaeltaspox Dios pejtemplobaxot

²⁶ Dolisdo', kandiawa wut, Pablo japi, cuatro poejiw, bu'fol Dios pejtemploba poxade. Pajut ispon, japi suapich, isaxaelpoxan, japijiajwalax Diosliajwa. Do jawut, Pablo low Dios pejtemploba jumchiliajwapon sacerdotes, maswut japi toesaxael Diosliajwa isliajwapox, jumduwpoxan. Japamatkoitat japi kaenanula Dios chaxduiyaxael ofrenda.

²⁷ Japoxan toesliajwa we'p wut siete matkoijan, asew judíos, japi Asia tuajnapijiw, taen Pablo, Dios pejtemplobatat wut. Do jawut, japi jum-aech babejjamechan Pablolijwa, puexa judíos ulataeliajwapi Pablo.

²⁸ Samata, jawut, japi nejlasful wut, jum-aechfuli: “Takoew, ¡xanal naka-jachawae'e ampon aton jaelsliajwan! Ampon aton naewhajanaful puexa paklowaxanpijijiw, japi naexasis-elaliajwa Moisés chajia lelpox. Jum-aechbejpon: ‘Dios pejtemploba pachaema-el’ —aechon. Isbejpon naktapae-elox ampatemplobatat, bu'low xoton griegos” —aech judíos Pablolijwa.

²⁹ Nejlasful wut, japox jum-aechfuli, chajia taen xoti Pablo, Trófimo suapich, Éfeso paklowaxpijin, bu'mathun wuton Jerusalén paklowax. Judíos, Asia tuajnapijiw, nejchaxoel: “Pablo buflaen judíos-atonaelon, Dios pejtemplobalel” —aechi, nejchaxoel wut. Pe japi nejchaxoelpox diachwhajnakolaxa-el.

³⁰ Samata, Jerusalén paklowaxpijijiw palalapi Pablolijwa, Asia tuajnapijijiw japox jum-aech wut. Puexa jiw dadukpana Pabloxot pasliajwa. Japi jaelt Pablo. Jaelt wut, Pablo jolkas Dios pejtemploba tathoetade. Jawut Dios pejtemplobafafachan faka'bapi.

³¹ We'p wut cha-aelkolaxach Pablo boesaliajwas judíos, jawut, Roma tuajnupijin, soldawpaklon, jumtaen wuajan, Jerusalén paklowaxpijiw xabich palalapox.

³² Do jawut, soldawpaklon tameja soldaw, paklochowbej. Jawux, natameja wut, japi dukpdepi xabich jiw natameja poxade. Judíos taen wuti soldawpaklon, soldaw sapich, kekofbapi Pablo beyax.

³³ Soldawpaklon moxde Pablo poxade jaelsliajwapon Pablo. Jasoxtat Pablo jaeltas buflaeliajwas. Soldawpaklon to'a soldaw japi muaxwasixawaesliajwapi Pablo kolecadenamhatje. Do jawut, soldawpaklon wuajnachaemt wut, jum-aechon judíosliajwa: “¿Achankat ampon aton? ¿Achababijaxkaton is?” —aech soldawpaklon.

³⁴ Asew japixot nejlasful wut, jum-aechful kaeyax. Asew nejlasful wut, asaxan jum-aechfulbej. Samata, soldawpaklon chiekal matabijs-el, xabich nejlat xoti. Samata, to'apon Pablo buflaeliajwas, soldaw duil poxade.

³⁵ Pablo bu'fos soldaw pejba poxade. Pat wuti julaliajwaxot japaba poxase, Pablo soldaw taxnoch julaliajwaxot. Jasox is soldaw, judíos xabich palala xot Paboliajwa.

³⁶ Xabich judíos wachakal folpi. Nejlasful wut, jum-aechfuli: “¡Boesam japon aton!” —aechfuli.

Pablo jumnotpox judíos pejwuajnalel

³⁷ Pablo bu'leliajwas wut soldaw pejbaxot, jawut Pablo kawuajan wut soldawpaklon, jum-aechon griegojemetat:

—Xam sapich, nospaesian kaejamechan —aechon.

Soldawpaklon wuajnachaemt wut, jum-aechon:

—¿Xamkat naksiyam griegojame?

³⁸ Xam naksiyam wut griegojame, xam diachwuajnakolax Egipto tuajnupijna-emil. Japon Egipto tuajnupijin, pejjiw sapich, chajia bunbapon, Roma gobierno pejsoldaw sapich. Do jawux, najaeton, pejjiw sapich, pajilax poxade. Japi, me-ama cuatro mil poejiw —aech soldawpaklon Paboliajwa.

³⁹ Pablo jumnot wut, jum-aechon:

—Xan japona-enil. Xan judíos-atonan, Tarso paklowaxpijan. Tarso paklowax kaes pejme pinjiyax. Me-ama, asapaklowaxan Cilicia tuajnuxot, jachiel. ¡Xan natapaem naksiyaliajwan ampi judíosliajwa! —aech Pablo.

⁴⁰ Do jawut, soldawpaklon tapaei Pablo naksiyaliajwa. Samata, Pablo nuk bu'julachaxot. Do jawut, Pablo muaxxachok'cha puexa jiw boejlachaliajwa. Judíos boejlach wut, Pablo naksiya hebreojemetat.

22

¹ Ampoxlap Pablo jum-aech judíosliajwa Jerusalén paklowaxxot: “Takoew, xamal pakdiachowambej, ¡xan chiekal nanaewe'e jumchiyaxaelenpox xamal chiekal matabijaliajwam xan babijaxan is-enilpox!” —aech Pablo judíosliajwa.

² Pablo hebreojemetat naksiya wut, japi judíos xabich boejlach nuil. Do jawut, Pablo pejme jum-aech wut, jum-aechon:

³ “Xan judíos-atonan. Nalaeltax Tarso paklowaxxot, Cilicia tuajnuxot. Amxot Jerusalén paklowaxxot ti'tax. Xan estudiax wut, Gamaliel na-itpaei. Chiekal nachanaekabuanapon Moisés chajia lelpox, wajwuajnapijiw naexasitox. Pomatkoicha nejchaxoelx: ‘Puexa tajpamamaxtat isaxaelen Dios tato'alpoxan puexa jiw isliajwa japoxan’ —an, nejchaxoelx wut. Me-ama

xamal amwutjel nejchaxoelam, xan majt japox nejchaxoelx chiekal naexasisliajwan Dios.

⁴ Majt xan xabich chakinan_uamtax naexasiti Jesucristo pejw_uajan. Jaelax wut, jiax jiw jebatat poejiw, watho'bej. Do jaw_ux, baespi.

⁵ Sacerdotespaklokolan, judíos-ancianosbej, japoxan chiekal taen, xan isx wut. Japi nawelex carta xan xalaeliajwan wajkoew judíos, Damasco paklowaxxot duilixot chaxdu_sliajwan japox carta. Do ja-aech wut, xan Damasco paklowax poxadax naexasiti Jesucristo pejw_uajan wulwekaliajwan, faekx wut buflaeliajwan Jerusalén paklowax poxadin, amxot kastikaliajwas” — aech Pablo.

Pablo chapaeipox judíosxot, ma-aechon naexasisliajwa Jesús

⁶ Pablo pejme jum-aech: “Xanal n_uamtat folx wut, matnoch juimt ek wut, Damasco paklowaxxot moxan wut, chalechkal masoxtat xabich itliakjala ath_ssik, xan folxxotsik.

⁷ Jawut j_wlax satadik. Do jawutbej, jumtaenx ath_ssik najum-aechsikpox. Japajame najum-aech: ‘Saulo, Saulo, ¿ma-aech xotkat xam nachakifolam?’ — na-aechox ath_ssik.

⁸ Xan w_uajjnachaemtax wut, jum-an: ‘Tajpaklon, ¿achanamkat xam?’ —an xan. Ath_ssik najumn_ot wut, najum-aechpox: ‘Xan Jesús_nan, Nazaretpijnan. Xam nachakifolamponan’ —na-aechon ath_ssik.

⁹ Xan nakfolpi, japibej taen itliakax. Pe japi jummatabija-el ath_ssik najum-aechpon.

¹⁰ Xan pejme w_uajjnachaemtax wut, jum-an: ‘Tajpaklon, ¿achaxkat xan isaxaelen?’ —an xan. Tajpaklon Jesús najum-aech: ‘¡Nande! ¡Fulaemch Damasco paklowax poxade! Jaxotde asan aton xam jumchiyaxael isaxaelampox’ —na-aech Jesús.

¹¹ Japox itliakax taenx wut, xan itliaklan nadofax. Kaes tae-enil. Samata, xan nakfolpi namakxafol Damasco paklowax poxade” —aech Pablo.

¹² Pablo pejme jum-aech: “Damasco paklowaxxot aton duk. Japon pawul Ananías. Japon nejxasink Dios. Chiekal naexasitbejpon Moisés chajia lelpox. Puexa judíos, Damasco paklowaxxot duili, naksiya chimiajamechan japonliajwa.

¹³ Do jaw_ux, Ananías f_ulaen xan dukx poxadin. Pat w_uton xanxot, jum-aechon: ‘Takoewan Saulo, ¡pejme taem!’ —aech Ananías. Do jawut, xan pejme chiekal taenx.

¹⁴ Do jawut, Ananías pejme najum-aech: ‘Wajw_uajjnapijiw peJDios, japon xam makafit matabijsliajwam isliajwam japon nejxasinkpoxan. Dios xam makafitbej taeliajwam Jesús, chinax babijax is-elon. Dios xam makafitbej Jesús pejw_uajan jumtaeliajwam.

¹⁵ Xam xabich nan_uamsaxaelam pot_uaj_nucha Jesucristo pejw_uajan jiw naew_uajnalajwam. Jiw chapae_yaxaelam taenamproxan, jumtaenamproxanbej.

¹⁶ ¡Kaes nabej w_uajjnawes! ¡Nande! ¡Bautisam! Bautisam wut, ¡wajpaklon Jesús wuljoem xam beltaeliajwa, puexa babijaxan isampoxanliajwa!’ —na-aech Ananías” —aech Pablo judíosliajwa.

Pablo chapaeipox judíos, japon Dios to'aspox judíos-eli naew_uajnalajwa

¹⁷⁻¹⁸ Pablo pejme jum-aech: “Do jaw_ux, Damasco paklowaxxot nawia'nax wut, amxot Jerusalén paklowaxxotx wut, Dios pejtemploba poxadax Dios kaw_uajnalajwan. Chalechkal masoxtat taenx paklokolan Jesús. Jawut Jesús najum-aech: ‘¡Ampapaklowaxxot xam kamta chijiamde! Ampi jiw xam naexasisaxil xanliajwa naew_uajnamproxan’ —na-aech Jesús.

19 Xan jawut, Jesús jumnotx wut, jum-an: ‘Tajpaklon, japi judíos matabija, xan asew jaelax judíos naewuaj nabachanxot, japi naexasiti nejwuajan. Do jawux, japi jiw jiax jiw jebatat japi kastikalijwas.

20 Japi judíos chiekal matabijabej xan kaenejchaxoelxrox, japi suapich, japi matkaejaba wut Esteban ia'tat, Esteban naewuajan wut jiw nejwuajan. Esteban matkaejabas wut, japi judíos pejsumta-owa xan wetataeflax, japoxan' —an xan Jesúsliajwa, masoxtat taenx wut.

21 Do pejme Jesús najum-aech: ‘¡Xabua'de! ¡Atuaj fulaemch asatujnupijiwlede! Xam to'axaelen judíos-elpi poxade' —na-aech Jesús’ —aech Pablo judíosliajwa.

Soldawpaklon kastikasiapox Pablo

22 Do jawut, judíos naeweti xabich palalapi, jumtaen wuti Pablo jum-aechpox judíos-elilijwa. Kaes naewes-elisi Pablo jum-aechpox. Japi nejlasax tuadut wut, jum-aechi: “¡Ampon aton kaes laejax nabej tapaetis ampathatat! Samata, ¡nej boesaspon!” —aech judíos.

23 Judíos xabich palala xot, nejlasful. Do jawutbej, jolpi thuch naxoeldikpoxan. Japoxan xawisful wut, athuel as thojabapi.

24 Ja-aech wut, soldawpaklon to'a pejsoldaw Pablo buflaelijwas soldaw pejbatu poxade. Pablo, bu'low's wut, soldawpaklon keto'a pejsoldaw Pablo selsliajwas, pajut chiekal chapaeliajwapon, ma-aech xot judíos palala Pablo-liajwa.

25 Pablo muaxwasikus wut selsliajwas, jawut jum-aechon soldawcapitánliajwa:

—Xan Roma tuajnupijnan. Xamal tapae-eli masoxtat asbu'an jumch selsliajwam aton, majt matabija-emil wut, japon aton pejbu'wuajanpoxliajwa —aech Pablo.

26 Soldawcapitán jumtaen wut Pablo jum-aechpox, jawut fulaechon chapaeliajwa soldawpaklon. Jaxot pa'a wut, jum-aechon:

—Japon aton, Roma tuajnupijin. ¿Machiyaxaelamkat japon atonliajwa? —aech capitán.

27 Soldawpaklon mox soepan wut Pabloxot, wuajnachaemt wut, jum-aechon:

—¿Diachwuajnakolaxkat xam chiekal Roma tuajnupijnam? —aech soldawpaklon.

Pablo jumnot wut, jum-aechon:

—Jn, diachwuajnakolax xan chiekal Roma tuajnupijnan —aech Pablo.

28 Soldawpaklon japox jumtaen wut, jum-aechon:

—Xan diachwuajnakolax chiekal Roma tuajnupijna-enil. Me-ama asew nalaelapi Roma tuajnuxot, xan jachi-enil. Pelax xan xabich plata motx, me-ama chiekal Roma tuajnupijnan wut, jachiliajwan —aech soldawpaklon.

Do jawut, Pablo jumnot wut, jum-aechon:

—Xan diachwuajnakolax chiekal Roma tuajnupijnan, taj-ax Roma tuajnupijin xot —aech Pablo.

29 Do jawut, japi soldaw, selsasiapi Pablo, jumtaen wuti japox, sels-elisi. Asbu'an jumch kofapi. Soldawpaklon matabijt wut Pablo Roma tuajnupijinpon, japonbej pejlewla Pabloliajwa, keto'a xoton pejsoldaw muaxwasixawaesliajwas Pablo cadenamuatat.

Pablo chapaeipox judíospaklochow pejwuajnael Jesús pejwuajan naexasitpoxliajwa

³⁰ Kandiawa wut, soldawpaklon chiekal matabijsasia, ma-aech xot judíos tasalapi Pablo. Samata, soldawpaklon to'a natamejalijwa sacerdotepaklochow, puexa judíospaklochowbej. Do jawut, Pablo juch wut, cadenamua mmaxwasijolson. Nochpon puexa jiw pejwajnalel natamejaxot.

23

¹ Puexa judíospaklochow natameja wut, japox pawal Junta Suprema. Pablo japi pejwajnalel nuk wut, chiekal natachaemton japi. Jawut jum-aechon:

—Takoew, Dios matabijt xan chiekal dukxrox Dioslijwa pomatkoicha — aech Pablo.

² Jawut Ananías, sacerdotepaklokolan, keto'a mox nuili Pabloxot, Pablo xuselchaliajwas.

³ Pablo japox jumtaen wut, jum-aechon Ananíaslijwa:

—¡Xam, naekichachajbapijnam, isam Dios nejweslapox! ¡Asamatkoi Dios xam kastikaxael! Xam amxot ekam xan najumchiliajwam tajbu'wujapanpox Moisés chajia lelpoxlijwa. Pelax xam najut naexaxis-emil Moisés chajia lelpox. ¿Ma-aech xotkat najut babijax isasiam, keto'am xot asew jiw xan naxuselchaliajwa? Moisés chajia lelpox jasox tapae-el — aech Pablo.

⁴ Jaxot mox nuili, japi jum-aech Pablolijwa:

—¿Ma-aech xotkat xam babejjamechan jum-am sacerdotepaklokolanlijwa? Xam sitae-emil Dios makafichpon — aechi Pablolijwa.

⁵ Pablo japox jumtaen wut, jum-aechon:

—Takoew, xan matabijs-enil japon sacerdotepaklokolanpon. Dios pejamechan, chajia lelsrox, jum-aech: '¡Nabey jum-aeche' palaeyajamechan jiw tato'lanlijwa!' — aech chajia lelsrox — aech Pablo.

⁶ Do jawut, Pablo pajut matabijt judíospaklochow, kaenejchaxoelaxa-elox. Japixot kaemut saduceos. Asamut fariseos. Samata, Pablo pinjametat jum-aech:

—Takoew, xan fariseos-atonan. Naexasitx fariseos naewujapanpox, tajwujapanijiw fariseos xot. Amxot natasalam, xan naexaxisfulax xot tupi mat-eyaxaesroxlijwa pejme duilalijwa — aech Pablo.

⁷ Pablo jum-aechrox jumtaen wuti, fariseos tudut najumchiliajwa, saduceos suapich. Do jawut, palala xoti nadijapi natamejaxot.

⁸ Saduceos naexaxis-el fariseos naexasitpoxan. Saduceos nejchaxoel: “Jiw tup wut, mat-eyaxisal pejme duilalijwa. Ajilbej ángeles. Jiw pej-aelanbej ajil” — aech saduceos, nejchaxoel wut. Pelax fariseos japoxan nejchaxoela-el.

⁹ Puexa nejlasful wut, najum-aechful. Fariseosxot, asew judíos chanaekabuanapi. Japi nana wut, jum-aechi:

—Ampon aton isa-el babijax. Bej naewujajnasbejpon kaen ángel, o, bej naewujajnasbejpon espíritu — aechi Pablolijwa.

¹⁰ Fariseos xabich kaes palala saduceoslijwa, jasox naksiya wuti. Soldawpaklon japox taen wut, nejchaxoelon: “Japi bej boesaxaelbejpi Pablo” — aechon, nejchaxoel wut. Samata, soldawpaklon keto'a pejsoldaw Pablo judíosxot juslijwas, buflaelijwas pejme soldaw pejbatu poxade.

¹¹ Asamadoide wut, Jesús natulaelt Pabloxot. Jawut Jesús jum-aech Pablolijwa: “Pablo, ¡nabey nejlewlé! Me-ama amxot Jerusalén paklowaxxot naksiyam wut xanlijwa, jachiyaxaelambej Roma paklowaxxot, patam wut” — aech Jesús Pablolijwa.

Judíos nejchaxoelpox boesaliajwapi Pablo

¹² Do kandiawa wut, asew judíosxot, kaenejchaxoelax boesaliajwapi Pablo. Do jawutbej, nakaewa najum-aechi: “Naxaeyaxisal. Feyaxisal. Hasta xatis

Pablo boesas wut, jawut pejme naxaeyaxaes. Pablo boesa-esal wut, xaes wut, ¡Dios xatis nej nakkastike'!" —na-aechi nakaewa japikal.

¹³ Japi nakaewa japox najum-aechpi, me-ama kaes cuarenta poejjiw.

¹⁴ Boesasiapi Pablo, japi fulaechlisi sacerdotepaklochow poxade, judíos-ancianos poxadebej. Pa'a wuti, jum-aechi amprox:

—Xanal naxaeyaxinil. Feyaxinil. Hasta xanal boesax wut Pablo, jawut xanal xaeyaxaelen. Xanal jum-anbej: 'Pablo tupa-el wut, xaes wut, ¡Dios nej nakkastike' xatis!' —an xanal.

¹⁵ Do jawut, xamal paklochwam, ancianos suapich, ¡wuljoem soldawpaklon Pablo buflaeliajwas ampaleldin, nejwujnalel nukaliajwapon! ¡Soldawpaklon jum-amde: 'Xanal tajut pejme chiekal wujnachaemsasian Pablo, jumchiliajwan pejbu'wujjanpoxliajwa' —amde soldawpaklon! Dolisdo', Pablo buflaens wut soldaw, xanal wujnawesaxaelen nuamfatat kamta boesaliajwan Pablo, pas-el wuton amxot —aech japi paklochowliajwa.

¹⁶ Pablo pafaman wultaen wut puax wujnawesaxaesox nuamfatat boesaliajwas, do jawut, Pablo pafaman fulaech soldaw pejba poxade puax chapaeliajwapon japox.

¹⁷ Pablo japox jumtaen wut, lapon soldawcapitán. Capitán pat wut Pabloxot, Pablo jum-aech capitánliajwa:

—¡Ampon pansian buflaemch nejpaklon poxade, wujjan xapa'an xoton! —aech Pablo capitánliajwa.

¹⁸ Do jawut, capitán buflaechon pansian pejpaklon poxade. Pat wuton pejpaklonxot, capitán jum-aech:

—Pablo, jaeltason, xan nala wut, buflaeyax nato'apon ampon pansian xam poxade. Japon xapa'an wujjan xam chapaeliajwa —aech capitán pejpaklonliajwa.

¹⁹ Do jawut, soldawpaklon pansian pejlel buflaech wut, wujnachaemt wut, jum-aechon pansianliajwa:

—¿Achaxkat najumchiyaxaelam? —aech soldawpaklon pansianliajwa.

²⁰ Pansian jum-aech:

—Judíos kaenejchaxoelax xam wuljoeliajwa, kandiawa to'aliajwam taj-uax Pablo judíospaklochow poxade. Me-ama chiekal wujnachaemsliajwa wut, jachiyaxaeli taj-uax boesaliajwa.

²¹ Japi xam wuljow wut, ¡nabej ow-aeche'! Me-ama kaes cuarenta poejjiw wujnawesaxaes nuamfatat taj-uax boesaliajwas. Nakaewa chajia najum-aechi: 'Naxaeyaxisal. Feyaxisal. Hasta xatis Pablo boesas wut, jawut, pejme xaeyaxaes. Pablo boesa-esal wut, naxaes wut, ¡Dios nej nakkastike' xatis!' —na-aechi nakaewa. Japi wujjanawet xam to'aliajwam taj-uax Pablo —aech Pablo pafaman, chapaei wut soldawpaklonliajwa.

²² Soldawpaklon japox jumtaen wut, jum-aechon pansianliajwa:

—Amprox, najum-amprox, ¡chinax kaen aton nabej chapae'! —aechon.

Do jawut, soldawpaklon pansian to'a nawiasliajwade pejba poxade.

Pablo to'aspox gobernador Félix poxade

²³ Soldawpaklon lapon kolenje pejcapitánes. Japi pat wuti japonxot, jum-aechon japiliajwa:

—¡To'im thilsliajwa doscientos soldaw fulaeliajwa, fulaeyaxaeli tuaktat! ¡To'imbej thilsliajwa asew setenta soldaw, kawaeitat chaflaeyaxaeli! ¡To'imbej thilsliajwa doscientos soldaw, lanzapijiw, fulaeliajwa! Ampamadoitat, a las nueve wut, nakolaxaelam Cesarea paklowax poxaliajwam.

²⁴ ¡Xamal chaemde kawaei Pablo chaflaeliajwa! Bu'folam wut, ¡chiekal buflaem chamoeyaxtat gobernador Félix poxade! —aech soldawpaklon.

25 Do jawut, soldawpaklon carta xato'a pejsoldawtat. Japacartaxot jum-aechon:

26 “Gobernador Félix, xam puexa jiw xabich sitaenponam, saludos xato'ax xamliajwa. Xan, Claudio Lisias, lel x ampo x carta xamliajwa.

27 Judíos ampon aton jaelt. Boesasiapipon. Xan matabijtax wut japon Roma tujajnpjinpon, wuljae'ax, tajsoldaw suapich, japon boesa-elaliajwas.

28 Xan nejchaxoelx: ‘¿Achaxliajwakat japon tasalas?’ —an, nejchaxoelx wut. Samata, buflaechx judíos paklochow poxade.

29 Japi paklochow tasalapi Pablo Moisés chajia lelpo xliajwa. Pe Pablo bu'wujajnjil boesaliajwas. Bu'wujajnjilbejpon jeliajwas jiw jebatat.

30 Xan wultaenx kaesupich judíos kaenejchaxoelaxpox maliach boesaliajwapi Pablo. Samata, tajsoldaw to'ax buflaeliajwapi xam poxade. Tasalasiapi japi xan to'ax nejwujajnalel pejme chiekal jumchiliajwapi, tasalasia wuti. Dodo'. Ma amxot ampo x toep” —aech carta, soldawpaklon xato'apox.

31 Do madoi wut, soldaw bu'follisi Pablo Antípatris paklowax poxade, pejpaklon to'as xoti.

32 Kandiawa wut, soldaw, tuaktat foli, pejme kaxa nawen pejba poxadin. Asew soldaw kawaeitat chafoli, japi, Pablo suapich, chaflaech Cesarea paklowax poxade.

33 Soldaw Cesarea paklowaxxot pat wut, gobernadorxot carta wiati. Pablobej wiach.

34 Gobernador carta xaljoeyax buxtoet wut, wujajnaemnt wut, jum-aechon Pabloliajwa:

—¿Amxotpijnamkat xam? —aechon Pabloliajwa.

Pablo jumnot wut, jum-aechon:

—Xan Cilicia tujajnpjinan —aech Pablo.

35 Jawut gobernador jum-aech:

—Xam naewesaxaelen, tasalapi pa'an wut —aech gobernador.

Do jawut, gobernador to'a pejsoldaw Pablo wesfulaliajwas, wesamatapon. Pablo wech pinabaxot, Herodes majt dukbaxot.

24

Pablo naksiyapox gobernador Félix pejwujajnalel

1 Do jawux, cinco matkoiyan xent wut, Ananías, sacerdotepaklokolan, pat Cesarea paklowaxxot. Bu'paton asew judíos-ancianos, asanbej, pawulpon Tértulo. Japon abogado. Xabich matabijt jiw jumchiliajwapon, jiw pejbu'wujajan wut. Japi pat gobernador Félix xot jumchiliajwapi Pablo pejbu'wujajanpoxliajwa.

2 Pablo buflaens wut paklochowxot, Tértulo tuadut jumchiliajwa Pablo pejbu'wujajanpoxliajwa. Jum-aechon Félixliajwa:

—Gobernador, xam nijaxtat xanal chiekal duilx pachaempoxantat ampatujnutat. Xam xabich matabijtam xot nejmach isliajwam, amwutjel kaes pejme pachaem ampatujnu. Me-ama majt, jachi-el.

3 Xanal nejchachaemlax, xam puexa isampoxanliajwa ampatujnutat. Samata, xamliajwa xabich gracias-an xanal, xam xabich sitaenxxot.

4 Xan nejxasink-enil xam itsasliajwan. Pe kaesupich kaes jumchiyaxaelen. ¡Xanalfuk kaes nanaewe'e jum-anpox!

5 Xanal matabijax, ampon aton, xabich babejen. Ampon potujajnu nanaemt naewujajnalialjwa judíos. Japon pejnaewujajntaxat xabich judíos nasal. Japonlap paklon kaemupijiwliajwa. Japamut Nazaretmupijiw.

⁶ Isasiapon Dios pejtemplobatat Dios tapae-elox. Bu'lesiapon asew jiw judíos-eli Dios pejtemplobaxot. Samata, xanal japon jaeltax. [Xanal japon kastikasian, me-ama xanal tajkabuan.

⁷ Pe jawut, soldawpaklon, pawulon Lisias, pejsoldaw sapich, pat. Japi soldaw xanal nakife'an ampon aton.

⁸ Nakife'an wut, nato'abejpon xam poxaliajwan.] Amwutjel xam najut japon wuajnaemsaaxaelam chiekal matabijsliajwam, diachwuajnakolax wut xanal jum-anpox japon pejb'u'wuajanpoxliajwa —aech Tértulo gobernador Félixliajwa.

⁹ Tértulo buxtoet wut, asew judíos, Ananías sapich, pati, japi jum-aech gobernadorliajwa: “Tértulo jum-aechpox Pablolialjwa, puexa japoxan diachwuajnakolax” —aechi.

¹⁰ Do jawut, gobernador muaxxachok'cha Pablowich naksiyalialjwa. Samata, Pablo jum-aech gobernadorliajwa:

—Xam ampatuajnapijiw pejgubernadornam, pin-iawaechan tato'lamponam. Samata, xan nejchachaemlax jalpaelialjwan xan isfulaxpoxan xam chiekal matabijsliajwam.

¹¹ ¡Xam najut wuajnaemde asew amxotpijiw chiekal matabijsliajwam, diachwuajnakolax wut, o, el wut, xan jumchiyaxaelenpox xamliajwa! Doce matkoianlisox Jerusalén paklowaxxot patxrox, Dios kawuajnalialjwan Dios pejtemplobatat.

¹² Dios pejtemplobaxotx wut, judíos chiekal matabija, chinax asew jiw sapich, nalos-enilpox. Judíos pejnaewuajnabachanxotx wutbej, Jerusalén paklowaxthialaxanxotx wutbej, asew jiw palala-el tajnaewuajnaxliajwa.

¹³ Ampi poejiw, xan natasala matabijs-elaxtat tajbu'wuajanpoxliajwa.

¹⁴ Xan jumchiyaxaelenpox, diachwuajnakolax. Tajwuajnapijiw pej-Dios naexasisfulax. Nakiowa tanbichfulaxbej japonliajwa, me-ama pajelwuajan, chimiawuajan, Jesucristo pejwuajan, jum-aechful. Ampi judíos pajelwuajanliajwa jum-aechi amprox: ‘Japox diachwuajnakolaxa-el’ —aechi. Pe japawuajan diachwuajnakolax. Xanbej naexasisfulax puexa Moisés chajia lelpo, profetas lelpojanbej.

¹⁵ Ampi judíos naexasit Dios mat-eyaxaelpox tupi pejme duilaliajwa, pachaempi, pachaema-elpibej. Xanbej japox chiekal naexasitx.

¹⁶ Samata, xan chiekal dukx. Babijax is-enil Diosliajwa, jiwliajwabej —aech Pablo gobernadorliajwa.

¹⁷ Pablo pejme jum-aech gobernadorliajwa:

—Kaewaechan sapich nanuamtax wut asatuajnuchannel, japoxwux, pejme nawia'nax Jerusalén paklowax poxadin. Xapa'nax plata kejila kajachawaesliajwan. Xapa'naxbej isliajwan ofrenda Diosliajwa.

¹⁸ Japa-ofrenda isliajwan wut, isx nawewe'ppox isliajwan pachaemalialjwan Diosliajwa. Do jawut, judíos, Asia tuajnapijiw, nataen wut Dios pejtemplobatatax wut, jiw xabicha-el xanxot. Chinax jiw jumxan-ele-el Dios pejtemplobaxot xan tajaxtat.

¹⁹ Asia tuajnapijiw, xan nataenpi Dios pejtemplobaxot, japi nej fulae'an xam nejwuajnalel natasalialjwa xan babijax isxpoxliajwa!

²⁰ Xan nataenpi Dios pejtemplobaxot, japi fulaeyaxil wut, jamxoti nej jum-aech, xan tajbu'wuajan wut, chajia natasala wuti puexa judíospaklochow pejwuajnalel!

²¹ Xan judíospaklochow pejwuajnalel majt pinjametat jum-an: ‘Amxot xamal jum-am tajbu'wuajanpoxliajwa, xan naexasitx xot tupi mat-eyaxaesrox pe-

jme duilaliajwa' —an xan. Japox jum-an xot, japi xan natasala —aech Pablo gobernadorliajwa.

²² Gobernador Félix xabich matabijt Jesucristo pejwujajanliajwa. Samata, Pablo jum-aechpox jumtaen wut, jumchi-elfukon isaxaelpox Pablolialjwa. Jawut jum-aechon Tértuloliajwa, asew jiwliajwabej:

—Lisias, puexa soldawpaklon, amxot pa'an wut, kaes pejme chiekal matabijsaxaelen xam jum-ampox Pablo pejbujwujajanpoxliajwa —aech gobernador.

²³ Do jawut, gobernador Félix jum-aechon soldawcapitánliajwa:

—¡Pablo wesfulde wesamata! ¡Pe nabej kewasixawaes! ¡Asbuan jumch masox nej laeje! ¡Tapaem pejnachala taeliajwas, chaxduiliajwasbej wewe'paspoxan! —aech gobernador capitánliajwa.

²⁴ Do jawux, kaematkoian sapich wut, gobernador Félix, pijow sapich, pejme pa'an Cesarea paklowaxxot. Pijow pawul Drusila. Japow judíos-atow. Félix pat wut, to'apon soldaw buflaeliajwa Pablo. Pablo pa'an wut gobernadorxot, chapaeipon, ma-aech jiw naexasisliajwa Jesucristo pejwujajan.

²⁵ Do jawut, Pablo jum-aech Félixliajwa:

—Dios to'a jiw pachaemaliajwa, chiekal duilaliajwabej. Dios to'abej jiw iselaliajwa babijaxan, pajut isasiapoxan. Asamatkoi Dios babejchow kastikaxael —aech Pablo gobernadorliajwa.

Félix japox jumtaen wut, xabich pejlewlapon, chiekal duka-el xot. Samata, jum-aechon:

—¡Ma amxot nej doklefuk! ¡Nakolde xanxot! Pejme xam wullalaeyaxaelen, na-it-ele-el wut tajbichax —aech Félix Pablolialjwa.

²⁶ Gobernador Félix nejchaxoel: “Pablo bej namosaxaelbej plata xan nakolsax tapaeliajwan” —aech gobernador, nejchaxoel wut. Samata, Pablo piniamatkoian wullalas nospaeliajwapon, japon sapich.

²⁷ Jasox ja-aechful kolewaechje. Do jawux, Félix nakoft gobernadorpox. Nakoft wut, asan naliast gobernadorliajwa. Japon pawul Porcio Festo. Félix nakolt wut, nejchaxoel: “Pablo tapaejaxinil nakolsax jiasxot, judíos nejchachaemlialiajwa, xan sapich” —aech Félix, nejchaxoel wut. Samata, Félix nakolt wut, tapae-elon Pablo nakolsliajwa jiasxot.

25

Pablo nukpox Festo pejwujajnalel

¹ Festo pat Cesarea paklowaxxot gobernador nadofaliajwa Judea tujajuxot. Do jawux, tres matkoian xent wut, fulaechon Jerusalén paklowaxpoxade.

² Jerusalén paklowaxxot pa'a wut, sacerdotespaklochow, judíospaklochowbej, jum-aechi Festoliajwa:

—Japon Pablo xabich babijaxan is xanaxot.

³ ¡Xam isde pachaempox xanalliajwa, Cesarea paklowax pejme xam patam wut! ¡To'im nejjiw Pablo buflaeliajwas Jerusalén paklowaxpoxadin! —aech judíos Festoliajwa.

Jasox wuljowpi, Pablo buflaens wut, asew japixot nuamfatat wujajnewesliajwa Pablo, boesaliajwasbej.

⁴ Festo jumnot wut, jum-aechon:

—Pablo Cesarea paklowaxxot jias jiw jebatat, wesfulasbejpon wesamata. Kaematkoi sapich wut, pejme japoxaxaechan.

⁵ Samata, a sew xamalxot, paklochow, xan s̄apich, f̄ulaeyaxael, Cesarea paklowax poxadax w̄ut. Japon Pablo babijax is w̄ut, japox nejpaklochow j̄umchiyaxael —aech Festo judíosliajwa.

⁶ Gobernador Festo Jerusalén paklowaxxot namanf̄uk kaes kaesemana-liajwa. Dolison nawiat Cesarea paklowax poxade. Kandiawa w̄ut, ekon paklokolan ekpoxtat, tato'laliajwa w̄ut jiw. Jaw̄ut to'apon pejsoldaw Pablo b̄uflaeliajwas japonleldin.

⁷ Pablo low w̄ut, judíos mox soepa Pabloxot, japi patpi, Festo s̄apich, Jerusalén paklowaxpijiw. Japi judíos xabich tasalapi Pablo. Pe japi puexa j̄um-aechpoxan, diachw̄ajnakolaxa-el.

⁸ Pablo j̄umnot w̄ut, j̄um-aechon:

—Xan chinax babijax is-enil. Naexasisf̄ulax Moisés chajia lelpo, fi-atpoxbej. Dios pejtemplobaxot babijax is-enilbej. Roma t̄aj̄n̄apijiw tato'lanliajwa chinax babijax is-enilbej —aech Pablo japiliajwa.

⁹ Pelax gobernador Festo nejxasink judíos nejchachaemlaliajwa japonliajwa. Samata, Festo w̄aj̄n̄achaemt w̄ut, j̄um-aechon Pabloliajwa:

—¿Xamkat f̄ulaesiam Jerusalén paklowax poxade, jaxotde tajw̄aj̄nalel judíos xam tasalaliajwa nej̄b̄u'w̄aj̄anpoxliajwa? —aech Festo Pabloliajwa.

¹⁰ Pablo j̄umnot w̄ut, j̄um-aechon:

—Gobernador, xam nabistam puexa Roma t̄aj̄n̄apijiw tato'lan pijaxtat. Pachaem ampapaklowaxxot judíos j̄umchiliajwa xam nejw̄aj̄nalel xan natasalaliajwa, xan babijax isx w̄ut. Xam chiekal matabijtam, xan chinax babijax is-enil judíosliajwa.

¹¹ Diachw̄aj̄nakolax xan babijax isx w̄ut, xan tajut xanaliyaxinil nakastikaliajwa, naboesaliajwabejpi. Diachw̄aj̄nakolaxa-el w̄ut natasalapox, xam nawiasaximil japi jiwxot. Xan babijax isx w̄ut, kaw̄aj̄nasian nejpaklon, Roma t̄aj̄n̄apijiw tato'lan, japon pejw̄aj̄nalel judíos xan natasalaliajwa —aech Pablo gobernador Festoliajwa.

¹² Samata, jaw̄ut Festo nospaei, pejjiw s̄apich, chiekal matabijsliajwa, j̄umnosliajwa Pablo j̄um-aechpox. Festo nospae yax b̄uxtoet w̄ut, pejjiw s̄apich, j̄um-aechon Pabloliajwa:

—Xamlis nakaw̄aj̄nam to'aliajwan Roma t̄aj̄n̄axpijiw tato'lan poxade. ¡To'axaelendo' jaxotde judíos xam tasalaliajwa japon pejw̄aj̄nalel! —aech gobernador Festo Pabloliajwa.

Pablo nukpox rey Agripa w̄aj̄nalel

¹³ Festo naksiyax b̄uxtoet w̄ut, Pablo s̄apich, kaematkoi s̄apich w̄ut, rey Agripa, pakoewow Berenice s̄apich, pa'an Cesarea paklowaxlel kijachaliajwapi Festo, japon gobernador pajelan xot.

¹⁴ Jaxot duil w̄utf̄uki kaematkoiyan s̄apich, Festo chapaei rey Agripa Pablo ispoخانliajwa. J̄um-aechon:

—Gobernador Félix nakolt w̄ut, jiw jebatat jiaspon, nakolsax tapae-elon.

¹⁵ Xan Jerusalén paklowaxxotx w̄ut, sacerdotespaklochow, judíos-ancianosbej, japi naj̄um-aech jiw jebatat jiasponliajwa: 'Japon aton xabich babijax is xanalxot' —aechi. Japi nato'alach japon kastikaliajwan, boesaliajwanbejpon.

¹⁶ Xan japi j̄um-an: 'Puexa Roma t̄aj̄n̄apijiw tato'lan chinax jasox tapae-el kastikaliajwas, boesaliajwasbej, matabija-esal w̄utf̄uk, aton pej̄b̄u'w̄aj̄anpoxliajwa. Kaen aton babijax is w̄ut, japon tasalaxaes gobernador pejw̄aj̄nalel. Dolisdo', japon aton, pej̄b̄u'w̄aj̄anpon, pajut j̄umnosaxael kastika-elaliajwas' —an xan judíosliajwa, japon aton tasalapiliajwa.

¹⁷ Samata, judíos ampapaklowaxxot nakpa'an wut japon aton tasalaliajwas, kamtalejen, kandiawa wut, xan ekx ekaxxot, jiw tato'laliajwan wut. Do jawux, to'ax tajsoldaw japon aton buflaeliajwas xanel.

¹⁸ Xan nejchaxoelx wut japon atonliajwa, jum-an: 'Diachwujnakolax Pablo xabich babijaxan bej isbej' —an, nejchaxoelx wut. Pe japon aton pat wut, judíos chinax jumchi-el japon babijax ispoxlajwa.

¹⁹ Judíos pejnaexaxisaxliajwa japon aton tasalapi. Bu'naloti Jesús pejpatupaxliajwa. Japon aton chajia jum-aech Jesús pejpatupaxliajwa: 'Jesús mat-ech Dios pejme dukaliajwa' —aech japon aton, pawulpon Pablo.

²⁰ Xan matabijs-enil, achax isaxaelen Pabloliajwa. Xan wujnachaemtax wut, jum-an Pabloliajwa: '¿Xamkat fulaesiam Jerusalén paklowax poxade, jaxotde judíos xam tasalaliajwa nejbu'wujjanpoxliajwa?' —an xan japonliajwa.

²¹ Pelis, Pablo nakawujjan xan to'aliajwan Roma paklowaxpijiw tato'lan poxade, jaxotde tasalaliajwaspon judíos Roma paklowaxpijiw tato'lan pejwujnalel. Samata, tajsoldaw to'ax Pablo wesfulaliajwas. Barkam fulaeyaxael wut Roma paklowax poxade, jawut japon to'axaelen wajpaklokolan poxade —aech gobernador Festo rey Agripaliajwa.

²² Do jawut, rey Agripa jum-aech Festoliajwa:

—Xanbej japon jumtaesian —aech rey Agripa.

Festo jumnot wut, jum-aechon:

—Kandiawa xam najut jumtaeyaxaelam japon —aech Festo.

²³ Kandiawa wut, rey Agripa, Berenice suapich, chamoeyaxan naxoeipi. Fulaech wut jiw natameja poxade, japabaxot pat wut, lowpi. Do jawut, xabich soldawpaklochow, japapaklowaxpijiwpaklochowbej, lowlisi. Do jawux, Festo to'a pejsoldaw Pablo buflaeliajwas japi natameja poxadin.

²⁴ Bu'pat wuti Pablo, Festo jum-aech:

—Rey Agripa, xanal suapich, natamejlampimbej, xamal puexa chiekal taenam ampon aton, nejwujnalel nukpon. Puexa judíos, Jerusalén paklowaxpijiw, ampapaklowaxpijiwbej, Cesarea paklowaxpijiw, japi jum-aech Pablo pejbu'wujjanpoxliajwa. Japi wuljoeful pinjametat xan kastikax keto'aliajwan, tajsoldaw boesaliajwasbejpon.

²⁵ Xan nejchaxoelx Pabloliajwa: 'Pablo babijax is-el kastikaliajwas, boesaliajwasbej' —an xan, nejchaxoelx wut. Jasox nejchaxoelx wut, Pablo pajut xan nakawujjan to'aliajwan Roma paklowaxpijiw tato'lan poxade, jaxotde judíos tasalaliajwapi Pablo pejbu'wujjanpoxliajwa japon pejwujnalel. Samata, japon to'axaelen japoxade.

²⁶ Pe xan chiekal matabijs-enil Pabloliajwa lelaxaelenpox, pelfut xato'aliajwan wut wajpaklokolan, Roma tujnupijinliajwa. Samata, xan to'ax tajsoldaw buflaeliajwapi Pablo, xam, rey Agripa, nejwujnalel nukaliajwapon, xamal asewam nejwujnalelbej nukaliajwa, chiekal wujnachaemsliajwam. Wujnachaemsax buxtoetam wut, bej matabijsaxaelenbej lelaxaelenpox carta Pabloliajwa.

²⁷ Xan to'axinil jiaspon jiw jebatat Roma tujnupoxade, matabijs-enil wut, achababijaxliajwa judíos tasalapi japon —aech Festo rey Agripaliajwa.

26

Pablo jalpaeipox rey Agripa jumtaeliajwa

¹ Rey Agripa jum-aech Pabloliajwa:

—Xam buxfafonasiyam wut judíos xam tasalapoxanliajwa, inajut naksiyam! —aech rey Agripa Pabloliajwa.

Do jawut, Pablo muxxachok'cha japon naksiyaliajwa:

2-3 “Rey Agripa, xam xabich matabijtam xanal judíos tajkabuananpoxan. Matabijtambej xanal kaenejchaxoelaxa-enilpox. Samata, xabich nejchachaemlax xam nejwujnalel naksiyalajwan, tajut chiekal jumchiliajwan, judíos natasalapoxanliajwa. Xam wujjowx chiekal xan nanaewesliajwam jumchiyaxaelenpox” —aech Pablo.

Pablo jalpaeipox majt naexasis-elpox Jesucristo pejwujajan

4 Pablo pejme jum-aech rey Agripaliajwa: “Puexa judíos matabija, ma-an xan, pansianan wut, dukx wut tajtujnutat, Jerusalén paklowaxxotbej.

5 Japi chiekal namatabijabej xan fariseos pejmuprijnanpox. Xam japi wujnachaemtam wut, japi jumchiyaxael xan chiekal naexasisfulaxpox fariseos naewujjanpoxan. Fariseos naewujjanpox kaes pejme xabich tam-poel tajjiw naexasisliajwa, japi kaes xabich naexasit xot Moisés chajia lelpox. Me-ama asew jiw, jachi-el japi.

6 Dios chajia jumdut tajwujnapijiw mat-eyaxaesopox, tup wuti pejme duilaliajwa. Japox xan naexasisfulax xot, judíos jumch natasalapi.

7 Puexa xanal judíos, docemutanpijwan, wujnawesfulax tupi mat-eyaxaesopox pejme duilaliajwa. Samata, puexa xanal Dios kawujnafulax. Pomatkoicha chiekal tanbichfulaxbej Dios. Rey Agripa, xan amprox wujnawesfulax xot, asew judíos natasala.

8 ¿Ma-aech xotkat xamal naexasis-emil Dios mat-eyaxaelpox tupi pejme duilaliajwa? ¿Ajilkat Dios isaxilpox?” —aech Pablo rey Agripaliajwa.

Pablo jalpaeipox majt chakifolox jaelaliajwa naexasiti Jesucristo pejwujajan

9 Pablo pejme jum-aech rey Agripaliajwa: “Xan naexasis-enil wutfuk Jesucristo pejwujajan, xan tajut nejchaxoelx: ‘Jesús, Nazaret tujnupijin, japon pejwujajan naexasiti, xan chakifulaeyaxaelen japi jaelaliajwan’ —an xan, nejchaxoelx wut.

10 Jasox isx Jerusalén paklowaxxot. Sacerdotespaklochow natapaei xot, xabich Jesucristo pejwujajan naexasiti, japi jiw jebatat jiax. Do jawux, japi baes wut, xan xabich nejchachaemlax japoxliajwa.

11 Pin-iaveces kastikax naexasiti Jesucristo pejwujajan, japi kofaliajwa naexasisfulpox Jesucristo pejwujajan. Japox isfulax puexa, judíos naewujnabachanxot. Do jawutbej, xabich talala xot, chakifolx naexasiti Jesucristo pejwujajan, asapaklowaxanxot duilibej” —aech Pablo rey Agripaliajwa.

Pablo jalpaeipox, ma-aechon naexasisliajwa Jesucristo pejwujajan

12 Pablo pejme jum-aech rey Agripaliajwa: “Asamatkoi Damasco paklowaxpijw, Jesucristo pejwujajan naexasiti, xan chakifolx sacerdotespaklochow nato'a xot.

13 Samata, nuamtat folx wut, juimt matnoch ek wut, chalechkal xan, nakfolpibej, taen folxxot, chalechkal xabich itliakjala wut athusik. Japox xabich kaes pejme itliak. Me-ama juimt matkoipijin itliak wut, jachi-el.

14 Puexa xanal pajwulax satadik. Do jawut, xan jumtaenx, hebreojametajum-aech wut athusik: ‘Saulo, Saulo, ¿ma-aech xotkat xam nachakifolam? Jasox isam xot, xam najut chiekal natabejtam’ —na-aech athusik.

15 Do jawut, xan jum-an: ‘Tajpaklon, ¿achanamkat xam?’ —an xan. Japon najumnot wut, najum-aechon: ‘Xan Jesúsnan, xam nachakifolamponan.

16 ¡Nande! Xamxot natulaeltax xan natanbichliajwam. Asew jiw cha-paeyaxaelam xan nataenamprox. Chapaeyaxaelambej xan itpaeyaxaelenpoxan.

¹⁷ Judíosxotam wut, judíos-elixotam wutbej, xam kajachawaesaxaelen asew jiw xam boesasamata. Amwutjel xam to'ax judíos-eli poxade.

¹⁸ Xam to'ax judíos-eli naewuajnalijawam Dios pejjamechan. Japi naexasisaxael Dios, kaes nejchaxoelasamata babijaxan isaxan. Japi duilaxael Dios pijaxtat. Satanás pijaxtataxil. Japi naexasisaxael tajwuajan. Ja-aech wut, xan tajaxtat Dios beltaeyaxaes babijaxan ispoxanlijawa. Samata, Dios taens wut, japi babijaxan chiekal wejilaxaes. Samata, japi jiw duilaxael, Dios pejjiw sʉapich, makanochpi sʉapich' –na-aech Jesús" –aech Pablo rey Agripaliajwa.

Pablo jalpaeipox, ma-aechon, isful wut Jesús to'aspox

¹⁹ Pablo pejme jum-aech Rey Agripaliajwa: "Rey Agripa, xan ow-an najum-aechpon athusik.

²⁰ Ow-an wut, tʉadutx jiw naewuajnalijawan, Damasco paklowaxpijiw. Do jawux, Jerusalén paklowaxpijiw naewuajnax. Judea tʉajnuapijiwbej naewuajnax potuajnucha. Judíos-elibej naewuajnax. Japi puexa naewuajnafulax babijaxan ispoxan kofaliajwa. Naewuajnax naexasislijawapi Dios. Naewuajnaxbej islijawa pachaempoxan, asew jiw matabijaliajwas, diachwuajnakolaxpox japi babijaxan ispoxan kaelel kofapox.

²¹ Japoxlijawa judíos nabu'ajaelt, Dios pejtemplobaxotx wut. Do jawut, naboesasiabejpi.

²² Dios nakajachawaesful naewuajnalijawan Dios pejjamechan puexa jiwlijawa, kejila, paklochowlijawabej. Xan japi naewuajnax wut, naewuajnax chajia jum-aechpox profetas, Moisésbej, jachiyaxaelpoxanlijawa. Japoxkal xan naewuajnafulax.

²³ Profetas chajia jum-aech wut, jum-aech: 'Dios to'a wut Cristo, japon nabijasaxael. Boesaxaesbejpon. Japon tʉp wut, do jawux, Dios mat-eyaxaeson pejme dukaliajwa. Japonlap matxoela mat-esaxaes pejme dukaliajwa puexa jiw wuajna pomatkoichaliajwa. Japon mat-esaxaes wut pejme dukaliajwa, japon naewuajnaxael diachwuajnakolaxpox judíos, judíos-elibej, japi bu'welijawas. Jiw naexasit wut Jesús pejwuajan, japon pijaxtat bu'weyaxaes' –aech profetas, chajia jum-aech wut Jesúslijawa" –aech Pablo rey Agripaliajwa.

Pablo naewuajanpox rey Agripa naexasislijawa Jesucristo pejwuajan

²⁴ Gobernador Festo jumtaen wut Pablo jum-aechpox, pinjametat jum-aechon Pabloliajwa:

–¡Pablo xam na-acham! ¡Na-achan nadofam, xabich estudiam xot! –aech Festo.

²⁵ Do jawut, Pablo jumnot wut, jum-aechon:

–Gobernador Festo, xam puexa jiw sitaenponam, xan na-acha-enil. Xan jum-anpox diachwuajnakolax.

²⁶ Ma amxot ekpon, rey Agripa, japon chiekal matabijt xan jum-anpoxan. Samata, japon pejwuajnalel chiekal jum-an puexa. Rey Agripa chajia matabijt xan jum-anpox Jesúslijawa. Jesús ampathatat is wut, maliach is-elon –aech Pablo gobernador Festoliajwa.

²⁷ Do jawut, Pablo jum-aech rey Agripaliajwa:

–Rey Agripa, ¿xamkat naexasitam profetas chajia jum-aechpox, japox diachwuajnakolaxpox? Xan nejchaxoelx, xamlis naexasitam japox –aech Pablo rey Agripaliajwa.

²⁸ Rey Agripa jumnot wut, jum-aechon:

—Pablo, ¿xamkat nejchaxoelam: ‘Ma amwut ampon naexaxisaxael Jesucristo pejwñajan’ —amkat, nejchaxoelam wut xanliajwa? —aech rey Agripa Pablolialjwa.

²⁹ Pablo jum-aech:

—Rey Agripa, xamkallialjwa nejchaxoela-enil. Pelax Dios kawñajna xamkallialjwa naexaxisliajwam Jesucristo pejwñajan. Amwutjel naexaxis-emil wut, Dios kawñajna xamkallialjwa asamatkoi naexaxisliajwam. Nejxasinkax xamal, xan najm̄taenampim, naexaxisliajwam Jesucristo pejwñajan. Xan nejxasinkaxbej xamal, me-ama xan naexasitx Jesucristo pejwñajan, jachiliajwam. Me-ama xan jiw jebatat najia, xamallax jachiyaximil, naexasitam wut Jesucristo pejwñajan —aech Pablo rey Agripaliajwa.

³⁰ Do jawut, rey Agripa nant. Gobernador Festobej nant, Berenice s̄apich. Do jawut, asewbej, jaxot chalakpi, puexa nana.

³¹ Matxoelananapi f̄laech pejlel nospaelialjwa japoxliajwa. Nospaei wut, nakaewa najum-aechi Pablolialjwa:

—Japon aton chinax babijax is-el kastikaliajwas, boesaliajwasbejpon. Jiw jebatat jeyaxisalbejpon —na-aechi nakaewa Pablolialjwa.

³² Rey Agripa jum-aech gobernador Festoliajwa:

—Pablo nakawñajna-el wut tato'laliajwan Roma tñajñrijiw tato'lan poxade, japon pejwñajnael judíos tasalaliajwas, xan chajia tapaejaxaelen Pablo nakolsliajwa jiw jebatat —aech rey Agripa.

27

Pablo bu'fospox Roma paklowax poxade

¹ Gobernador Festo, asew s̄apich, nejchaxoeli to'aliajwa Pablo Roma paklowax poxade, Italia tñajñxot. Samata, Pablo, asew, jiw jebatat jiaspi s̄apich, woeyas soldawcapitánxot. Japon pawul Julio. Japam̄t̄pijiw soldaw pawul, Emperadorm̄t̄pijiw.

² Xanal barkam julx, f̄laenpox Adramitio paklowaxxot. Xan, Lucas, nakfolx Pablo. Aristarcobej xanal nakfol. Japon Tesalónica paklowaxpijin, Macedonia tñajñxot. Japabarkam, ma nakosaxael, itjulaf̄laxael paklowax-anxot, Asia tñajñxot.

³ Do kandiawa wut, xanal chatatx Sidón paklowaxxot. Julio, soldawcapitán, sitaenpon Pablo. Samata, Sidón paklowaxxot chatatx wut, Pablo tapaeis pejnachala, jaxotpijiw, taeliajwapon, wewe'paspojan chaxduiliajwasbej Pablo.

⁴ Do jawux, chaflaechx Sidón paklowaxde. Joewa chaknawamatalet xot, chaxentax Chipre tanaet orientel, joewajillel, chaflaeliajwan.

⁵ Pachaxentaxbej Cilicia tñajñ, Panfilia tñajñbej. Do jawux, chatatx Mira paklowax, Licia tñajñxot.

⁶ Xanal Mira paklowaxxotan wut, Julio faen asabarkam, Alejandría paklowaxlel pa'nox. Japabarkam f̄laeyaxael Italia tñajñ poxade. Samata, xanal japabarkam julx nakflaeliajwan japabarkamtat.

⁷ Joewa xabich nachaknawamatalesf̄al xot, pin-iamatkoijan bijiat chafolx. Xentax Gnido paklowaxtabijla. Do jawut, mox chaxentax Salmón paklowax, chijasliajwan Creta tanaetlel, joewajillel chaflaeliajwan.

⁸ Bijiat chafolx Creta tanaetlel, pamakakal. Chatatx Buenos Puertosxot, mox Lasea paklowaxxot.

⁹ Pin-iamatkoijan napelt xot, iama pasf̄al. Chachoelaf̄allisox marlel chaflaeliajwa. Samata, Pablo japi naewñajan wut, jum-aechon:

10 –Tajjiw, xan chiekal matabijtax ampachaflaeyax xabich chachoe-laxael xatisliajwa. Jelowdik taenam. Ampabarkam xafoli napelsaxael. Nafo'axaelbej ampabarkam. Puexa xatis bej bu'laxaesbej –aech Pablo.

11 Soldawcapitán naexasis-el Pablo jum-aechpox. Barkampijin, barkam isanbej, japi kolenje jum-aechpoxkal soldawcapitán naexasit. Japi jum-aech: “Pachaempoxtat chapasaxaes” –aechi asbuan jumch.

12 Buenos Puertosxot pachaema-el barkam dukaliajwa, jaxot iama cha-toepaliajwan. Samata, japi puexa nejchaxoel: “Kaes pachaem amxot nakolaliajwas, chapasliajwas Fenice paklowax, Creta tanaetxot. Jap-atanaetxakso'txot pachaem barkam dukaliajwa, iama chaxensliajwas. Jaxot joewa xaxena matwajase” –aechi, nejchaxoel wut.

Pinajoewa barkam xafospox Creta tanaetxot

13 Buenos Puertosxotan wut, joewa bijiat pasful wuchakallel. Asew xanalxot nejchaxoel: “Pachaem chaflaeliajwas” –aechi, nejchaxoel wut. Samata, pachafolx Creta tanaetlel, pamakakal.

14 Do jawut, chalechkal xabich pinajoewa pasful barkam poklalel.

15 Japajoewa xanal nachaknawaxafol tanaet tathoetlel. Barkam xajiasaxil joewalel, joewa xabich kaes mamnik xot. Samata, japi tapaei joewa xalaeliajwas barkam.

16 Cha-aeltanaeta-ulel pachaxentax. Japataet pawul Cauda. Jaxotde xabich joewa wika-el. Barkamta-utat kanaw ke'tas. Jaxotat japakanaw fol. Japakanaw osliajwan wut barkamtat, xabich bichaxtat pa-otx. Japox kanaw xabich dewnik.

17 Do jawux, kanaw pa-otx wut barkamtat, barkam fatkuifulisi pinamtatantat, tablofachan kakupasamata. Jawut nabisti barkamtat pejlewlelapi, nejchaxoel xoti: “Lukpox, pawulox la Sirte, jaxot bej cha-okjabaxaesbej” –aechi, nejchaxoel wut. Samata, jolpi velasbu'an joewa xabich xalaesamata barkam. Ja-aech wut, barkam kaes bijiat fol.

18 Do kandiawa wut, xabich pinajoewaful. Xabich iambej. Do jawutbej, barkam xafolpoxan tudutlisi chapelsliajwa minadik, barkam kaes jaje'kaliajwa.

19 Do asakandiawa wut, barkam xa-ispil pelti minadik.

20 Pin-iamatkoijan tae-enil juimt matkoipijin. Ithaejbej tae-enil, madoi wut. Xanal nejchaxoelx: “Bej chabu'laxaesbej” –an xanal, nejchaxoelx wut, kaes pejme xabichful xot joewa, iambej.

21 Pin-iamatkoijan xanal chinax naxae-enil. Do jawut, Pablo nant japixot. Jum-aechon:

–Tajjiw, chiekal nanaexasitam wut, ja-aech wut, kaes pachaemaxael chaflae-elaliajwas, Creta tanaetxotas wut. Ja-aech wut, nabijasaxisal. Napelsaxilbej barkam xafolpoxan.

22 ¡Pe xamal nabej nejchaemile' japoxliajwa! Xamalxot chinax kaen tuxaxil. Barkamkal nafo'axael.

23 Xanxot madoi ángel natulaelt. Japon to'as Dios. Diosliajwa, xan tanbis-taxonan.

24 Ángel najum-aech: ‘Pablo, ¡xam nabej nejlewle!’ Xam fulaeyaxaelam Roma paklowax poxade, jaxotde nukaliajwam Roma tujnapijijiw tato'lan pejwajnalel. Dios xam bu'weyaxael xot, asew jiwbej bu'weyaxaes, puexa folpi ampabarkamtat' –na-aech ángel, xanxot natulaelt wut.

25 Samata, ¡puexa xamal nabej nejlewle!’ Xan Dios xanaboejtax. Matabijtax Dios nakbu'weyaxaelpox, me-ama ángel najum-aech.

²⁶ Joewa nakchaknawaxalaeyaxael tanaet poxade. Jaxotde cha-okaxaes — aech Pablo puexa japabarkamtat folpiliajwa.

²⁷ Catorce madoiyan xent wut barkamtat, chaliknaxfuk mar Adriáticoxot, xabich xot joewa. Japamadoi, pinmadoitat wut, barkamtat nabisti nejchaxoel: “Bej chapachbej sat” — aechi, nejchaxoel wut.

²⁸ Samata, xajutlisi muat, mas-is so'nikpox. So'nikpox treinta y seis metros. Kaes chafulaech wuti, pejme xajuti. So'nikpox veintisiete metros.

²⁹ Do jawut, japi pejlewla, nejchaxoel xoti: “Ia'botxot bej chakalaxaesbej” — aechi, nejchaxoel wut. Samata, jawut barkamta-ulel cuatro padewaxan, pawulpi anclas, ke'api pelsliajwadik minadik, japadewaxantat barkam kaekawutat dukafulaliajwalejen. Jasox is wuti, pejdioses kawuajan kamta nalianaliajwa.

³⁰ Pe jawut, barkamtat nabisti, japikal nejchaxoel tamach weliajwapi barkamxot, ia'botxot chakula-el wutfuki. Samata, kanaw, otox barkamtat, japi pejme dusasiak minadik japi tamach weliajwa japoxtat. Japi jum-aech asew naekichachajbaliajwa: “Barkam-oeffel xanal padewaxan pelsaxaekan” — aechi.

³¹ Do jawut, Pablo chiekal matabijt wut japi isaxaelpox, jawut jum-aechon soldawcapitanliajwa, japon pejsoldawliajwabej:

—jBarkamtat nabisti kaweta napata-el wut barkamtat, xamal weyaximil! — aech Pablo.

³² Soldaw jumtaen wut Pablo jum-aechpox, japi soldaw mua tasiapbala, kanawmua, kanaw jopaliajwa minadik.

³³ Kandiawa, nalian wut, Pablo kaechato'a puexa jiw xaeliajwa. Jum-aechon:

—Catorce matkoiyan chiekal naxae-esal, xabich nejchaxoels xot.

³⁴ Samata, xaem mamnikaliajwam, tupa-elaliajwambej! jJe-ese! Puexa chiekal weyaxaes — aech Pablo.

³⁵ Pablo japox jum-aech wut, panax fitlison. Puexa jiw pejwujnalel Dios kawuajan wut, jum-aechon: “Waj-ax Dios, gracias-an xanal nachaxdutampox, panax” — aechon. Do jawut, panax jalnat wut, xaelon.

³⁶ Do jawutbej, puexa jiw nejkofa xabich nejchaxoelpoxan. Jawut japibej xael.

³⁷ Puexa xanal, barkamtat chafolaxpin, doscientos setenta y seis jiwian.

³⁸ Do jawut, xael wuti, ma xaesiapoxantat xael wuti, do jawux, trigobulan chapelti minadik, barkam kaes chiekal jaje'kaliajwa.

Barkam cha-okjaba wut, tablofachan xakusabaspo

³⁹ Sesa itliakaful wut, barkamtat nabisti taen wuti tanaet, matabija-eli. Taeni tanaetwakso't. Japatanaetwakso'txot taenbejpi thaejt. Taen wut japathaejt, cha-itjulasiapi japathaejt poxade.

⁴⁰ Jawut anclas juka-eli. Do jaxot asbuan jumch kaweta anclamua tasiapbalapi. Barkamkanaefachan, koloeyax pinjiyax, ta-ulel xatbe'aliajwapox, joli. Do jawutbej, matxoelavelabu', xakoeyaspox, jolti felsliajwadik, japavelabu'tat joewa xaeliajwa barkam. Do jawut, barkam joewa xafos wut, barkam moxsfalde thaejt pasliajwa.

⁴¹ Jawut chalechkal barkam pa-oeffel okjaba lukxot. Atujfuk thaejt chaspasliajwan. Barkam pa-oeffel okjaba wut, jukaxil japox, barkam. Barkam ta-ulel xabichful xot truxan, tablofachan kakupax tuadut.

⁴² Soldaw besia, jiw jebatat jiaspi, japi bu'fospi, jow wut, weyaxael xoti.

⁴³ Pe soldawcapitan ketapae-el, Pablobej boesaxaes xot. Samata, capitán puexa jiwliajwa jum-aech: “Min joeyax matabijampim, jmatxoela joem thaejt pasliajwam!”

⁴⁴ Asewam, min joeyax matabija-emilpim, ¡wuchakal chajoem tablo-fachantat! O, ¡pachajoem barkamtoerowtat, po'alpitat!" —aech capitán jiwliajwa. Do jasoxtat xanal puexa chiekal wiax.

28

Pablo Malta tanaetxotpox

¹ Xanal puexa chiekal wiax wut, jawut matabijtax japatanaet pawulprox Malta.

² Malta tanaetpijiw chiekal pachaempi xanalliajwa. Do jawut, xabich iam thilan xot, xabich thunk. Samata, jaxot pinajit itfoti. Xanal nataduti jit naksu'chalakaliajwan.

³ Pablo i not wut jit it-owaliajwa, jawut jom, paxaechan, nakolcha jit tujaxtat. Do jawut, jom kelaliklas wut, Pablo kexadukson.

⁴ Malta tanaetpijiw japox taen wut, nakaewa najum-aechi: "Ampon aton jiw baen. Diachwujnakolax marxot wiapon. Pelax wajdios kaes tapaeyax-isal laejaliajwapon. Samata, jom laliklison tupaliajwa" —aechi nakaewa Malta tanaetpijiw.

⁵ Do jawut, Pablo kelula wut, jom jopdik jitadik. Pe Pablo kelaliklas wut jom, ma-aechon asbuan jumch chiekal. Me-ama jom kelalika-esal wut, ja-aech Pablo.

⁶ Puexa jiw, Malta tanaetpijiw, wujawet Pablo keputhlax. O, el wut, chalechkal patupan jwulaxaelprox. Japox piach wujawetox chinax jachiel wut, japi jiw asax nejchaxoel Paboliajwa. Nakaewa najum-aechi: "Pablo, bej diosbej" —na-aechi nakaewa.

⁷ Malta tanaetpijiw tato'lan, pawul Publio. Xanal jit su'chalakaxxot, jaxot mox Publio pejtujnu. Samata, Publio pejbaxotan wut, xanal chiekal nabu'kulapon. Jaxot tres matkoi xanal chiekal duilx.

⁸ Jawut, Publio pejbaxotan wut, Publio pax camatat ok, xabich bu'tujnik xoton. Woejxaenkbejpon. Pablo fulaech Publio pax taeliajwa, japon bu'xaeyan. Pablo pat wut Publio paxxot, Pablo Dios kawujajan bu'xaeyanliajwa. Dios kawujanax buxtoet wut, Pablo ke-ot bu'xaeyan pejbu'tat. Jawut Publio pax chiekal boejthuls waxae.

⁹ Pablo wultaens wut, jawut asew bu'xaeya, japatanaetpijiw, fulaeni Pablo poxadin. Japibej chiekal boejthuls.

¹⁰ Japi, Malta tanaetpijiw, xanal xabich nakajachawaet. Do jawux, baxael, japatanaetxot tres juimtje wut, xanal barkam pejme julx chijiyaliajwan wut, nachaxduwpi puexa nawewe'pproxanliajwan, chafolx wut.

Pablo Roma paklowax patpox

¹¹ Xanal Malta tanaetxotan wut, iama chatoepx, tres juimtje wut. Do jawux, barkam julx. Japabarkam jaxot iama chatoepbej, fulaenpox Alejandria paklowaxxot. Japabarkam-oeflel nows koloeyax ael-isaspoxan. Japoxan, me-ama dioses. Kaeyax pawul Cástor. Asax pawul Pólux.

¹² Japabarkamtat xanal chafolx. Chapatx Siracusa paklowaxxot, Sicilia tanaetxot. Japapaklowaxxotan tres matkoiliajwa.

¹³ Do jawux, jaxot chijian wut, pamakakal chafolx marxot. Regio paklowax chapatx. Do jaxot pejme chijian. Kandiawa wut, wuchakal pasful wikax. Pejme jakandiawa wut, chapatx Puteoli paklowaxxot.

¹⁴ Japapaklowaxxot xanal faekx Jesucristo pejwujajan naexasiti. Japi natadut kaesemana duilaliajwan japi pejbachaxot. Do jawux, putlel folx Roma paklowax pasliajwan.

¹⁵ Roma paklowaxpijiw, naexasiti Jesucristo pejwɥajan, chajia jumtaeni xanal pasaxaelenpox Roma paklowaxxot. Samata, asey japixot wɥajna nabu'kakulan Foro de Apio paklowaxxot. Asey japixot wɥajna nabu'kakulan Tres Tabernas paklowaxxot. Pablo japi taen wɥt, xabich nejchachaemil. Samata, gracias-aechon Diosliajwa.

¹⁶ Patx wɥt Roma paklowaxxot, Pablo jiw jebatat je-esal. Pejlel dukax to'as. Kaen soldawan asbuan jumch wesfulas, Pablo najaet wɥt, wesamata.

Pablo naewɥajanpox Jesucristo pejwɥajan Roma paklowaxxot

¹⁷ Xanal Roma paklowax patx wɥt, tres matkoi xent wɥt, Pablo wɥllala fɥlaeliajwadin judíospaklochow, Roma paklowaxxot duili. Pat wɥti, natameja wɥtbejpi, Pablo jum-aech:

—Takoew, xan chinax babijax is-enil judíosliajwa. Wajwɥajnapijiw pejkabuananpoxliajwabej, japoxliajwa xan babijax is-enil. Jasox is-enil wɥt, Jerusalén paklowaxxotx wɥt, judíos najaelt. Najaelt wɥt, nawiatí Roma tɥajnapijiwpaklochowtat natasalaliajwa.

¹⁸ Roma tɥajnapijiwpaklochow nawɥajnachaemt wɥt, natapaesia xan nakolsliajwan jiw jebaxot, faena-el xot xan nakastikaliajwa, naboesaliajwabejpi.

¹⁹ Judíos nejwesla Roma tɥajnapijiwpaklochow xan nakolsax natapaeliajwa jiw jebaxot. Samata, xan kawɥajna nato'aliajwa Roma tɥajnapijiw tato'lan poxade, japon pejwɥajnael judíos xan natasalaliajwa. Pe xan ajil tasalaliajwan judíos pejbɥwɥajanpoxliajwa.

²⁰ Samata, xamal wɥllalax chiekal nataeliajwam, nospaeliajwasbej. Puexa xatis judíos wɥajnawech, pawɥlpon Mesías, xan japon naexasitx. Samata, nataenam cadenamɥatat, namɥaxwasixawaesaxtat —aech Pablo.

²¹ Japi jumtaen wɥt Pablo jum-aechpox, jawɥt jum-aechi:

—Judea tɥajnapijiw xanal chinax carta naxto'a-el xamliajwa. Asey judíos, Jerusalén paklowaxpijiw, pa'ani, japibej chinax nachapae-el babejwɥajan xamliajwa.

²² Pe xanal chiekal jumtaesian matabijaliajwan xam nejchaxoelampox. Xanal wɥltaenx rajelwɥajan, Jesucristo pejwɥajan, naexasitampox, asey potɥajnapijiw jum-aech wɥt: 'Japox diachwɥajnakolaxa-el' —aech wɥti —aech judíos, Roma paklowaxpijiw, jumnot wɥti Pablo.

²³ Do jawɥt, japi kaematkoi mark pejme natamejaliajwa. Japamatkoi pat wɥt, xabich judíos pat kandiasapkolaxtat natamejaliajwa Pablo dukxot. Do jawɥt, Pablo tɥadut naksiyaliajwa Dios puexa pejiw tato'laxaelpox. Naewɥajanbejpon Moisés chajia lelpox jum-aechpox Jesúsliajwa. Profetas chajia lelox naewɥajanbejpon jum-aechpox Jesúsliajwa. Pablo jasoxtat naewɥajan, japibej naexasisliajwa Jesucristo pejwɥajan. Tuila wɥt, Pablo bɥxkoft naewɥajanpox.

²⁴ Asey japixot naexasit Pablo jum-aechpox. Asewlax japixot naexasis-el.

²⁵ Asey japixot kaenejchaxoelaxa-el xot, nakolasiapi jaxot. Nakola-el wɥtɥak, Pablo jum-aech:

—Profeta Isaías chajia jum-aechpox Espíritu Santo pijaxtat wajwɥajnapijiwliajwa, diachwɥajnakolax chajia jum-aechon:

²⁶ '¡Xabɥa'de! jum-amde puexa judíos: “Xamal naewesfulaxaelam naewɥajanaproxan. Pe chiekal jummatajibaximil xan jumaproxan. Taeflaxaelambej xan itpaeyaxaelenpoxan. Pe nakiowa, japoxanliajwa jummatajibaximil.

²⁷ Xamal matnaetinkam, nejwesla xot jummatajibaliajwam. Naewesemil chiekal jummatajibaliajwam. Matsekaxaelam tae-elaliajwam,

matabijasamatambej. Jachiyaxaelam wut, kofaximil babijaxan isfulampoxan. Naexaxisaximilbej Dios. Samata, Dios xamal bu'weyaxil" —amde judíos! —aech profeta Isaías, chajia jum-aech wut wajwujnapijiwliajwa.

²⁸ ¡Xamal chiekal matabijam ampox! Xanal naewujnaxaelen chimiawujajan Jesucristo pejwujajan judíos-eli. Japi chiekal naewesaxael. Ja-aech wut, Dios bu'weyaxaes japi babijaxan ispoxanliajwa —aech Pablo judíosliajwa, duili Roma paklowaxxot.

²⁹ [Do jawut, Pablo japox buxtoet wut, judíos nawia pejbachan poxade. Fol wuti, japoxliajwa nakaewa nabinlosfuli.]

³⁰ Roma paklowaxxot Pablo duk kolewaechje arriendabatat. Japabatat Pablo chiekal bu'kulaful falaeni japon taeliajwas.

³¹ Pablo pejlewla-el, jiw naewujajan wut. Jiw naewujnafulon Dios puexa pejjiw tato'laxaelpox. Naewujnafulbejpon paklon Jesucristo pejwujajan. Chinax kaen aton jaxot buxfias-esal, Pablo naewujnaful wut jiw.

Pablo lelpox carta Roma paklowaxpijiwliajwa

Pablo lelpox carta Roma paklowaxpijiwliajwa

¹ Xan Pablo, nabistaxponan Jesucristoliajwa, lel x ampo x carta. Dios namakafit apóstolliajwan, jiw naewñajnalialjwan chimiawñajan Dios bñ'welialjwa jiw.

² Japawñajan Dios chajia jum-aech pejprofetat, japi lel wñt Dios pej-jamechan.

³ Japawñajan wajpaklon Jesucristoliajwa, Dios paxñlan. Jesucristo am-pathatat nalaelt wñt, japon rey David pamon.

⁴ Do baxael, wajpaklon Jesucristo tñp wñt, Dios mat-ech wñton pejme dukaliajwa, jawñt jiw pajut chiekal matabija diachwñajnakolax Jesús Dios paxñlan. Dios tapaei wajpaklon Jesucristo puexa tato'laliajwa.

⁵ Xan Jesucristo namakafit xot, Dios natapaei apóstolliajwan. Samata, Dios xan nato'a naewñajnalialjwan Jesucristo pejwñajan judíospi, judíos-elpibej, japi jiw naexasisliajwa Jesucristo pejwñajan.

⁶ Xamal, Roma paklowaxpijwam, Dios matxoela makanot Jesucristo pejjiwaliajwam. Samata, amwñtjel chiekal duilam, naexasitam xot Jesucristo pejwñajan.

⁷ Samata, xan ampo x carta xato'axaelen xamalliajwa. Dios nejxasink xamal. Samata, xamal makanoton Jesucristo pejjiwaliajwam. Xan waj-ax Dios kawñajna x, wajpaklon Jesucristobej, xamal kajachawaesliajwapi babijax isasamatam, duilam wñt, asew jiw sñapich.

Pablo taesiapox Roma paklowaxpijiw

⁸ Xan gracias-an Diosliajwa kaenanñla xamalliajwa, potñajñchanpijiw jum-aech xot chimiamechan xamalliajwa, Jesucristo chiekal xanaboejam xot.

⁹ Xan xabich nabistax Diosliajwa, jiw naewñajna x wñt Jesucristo pejwñajan, Dios paxñlan pejwñajan. Dios chiekal matabijt xan Dios kawñajna xpro xamalliajwa.

¹⁰ Xan bñkofs-enil Dios kawñajna xpro japon natapaelialjwa, xan fñlaelialjwan xamal poxade. Dios natapaei wñt, xamal taeyaxaelen.

¹¹ Xamal taesian. Xamal naewñajnasianbej Dios pejjamechan kaes xan-aboejalialjwam Dios.

¹² Xamalxot x wñt, xatis naexasichpis Dios, nakaewa nakajachawaesaxaes Dios kaes chiekal xanaboejalialjwas.

¹³ Takoew, xan nejxasinkax xamal matabijaliajwam ampo x. Xan xabich nejchaxoelx pin-iamatkoijan xamal taelialjwan. Pe asaxan nakiowa xabich na-it-el xot, xamal tae-enil. Xamalxot x wñt, naewñajnasian Jesucristo pejwñajan, kaes asew jiwbej naexasisliajwa Jesús pejwñajan. Xabich asew jiw, asatñajñchanpijiw, japi chiekal naexasit Jesucristo pejwñajan. Xanlap japox nejxasinkax xamalxotbej jachiliajwa.

¹⁴ Dios nato'a xan jiw naewñajnalialjwan chimiawñajan, Jesucristo pejwñajan. Samata, jiw naewñajna xaelen, xabich matabijapi, xabich matabija-elpibej.

¹⁵ Samata, xan fñlaesian Roma paklowax poxade xamal naewñajnalialjwan Jesucristo pejwñajan.

Chimiawñajan, Jesucristo pejwñajan

¹⁶ Xan buxdala-el Jesucristo pejwɥajan naewɥajnalajwan. Japawɥajan jiw naexasit wɥt, japi jiw Dios bu'weyaxaes babijaxan ispoxanliajwa. Xanal judíos, matxoelanaexasitxpin japawɥajan. Amwɥtjel xamalbej, judíos-emilpim, naexasitam Jesucristo pejwɥajan.

¹⁷ Xatis chiekal matabijas wɥt Jesucristo pejwɥajan, chiekal matabijasbej Dios ispox, Jesucristo tɥp wɥt xatisliajwa. Naexasich wɥtbej Jesús pejwɥajan, jatis wɥt, xatis babijaxan isaspoxan ajil Diosliajwa. Dios pejjamechan, chajia lelspx, jɥm-aech wɥt, jɥm-aechox: “Ampi jiw babijaxan ispoxan wejisa, chiekal xan naxanaboeja xoti. Samata, japi bu'wɥajanjil xanliajwa” —aech Dios, nejchaxoel wɥt japi jiwliajwa.

Puexa ampathatpijiw pejbɥ'wɥajanpox Diosliajwa, is xoti babijaxan

¹⁸ Xatis matabijas Dios, athɥxot dukpon, japon xabich puexa jiw kastikaxael, babijaxan ispi. Xabich babijaxan is xoti, japi tapae-esal matabijaliajwa diachwɥajnakolaxpox Diosliajwa.

¹⁹ Japi jiw matabijaliajwapi Dios, wetampoela-esal, Dios pajut kajachawae-saxaes xoti japi jiw chiekal matabijaliajwa.

²⁰ Jiw taeyaxil Dios, japon espíritu xot. Pe nakiowa, babijaxan ispi taen wɥti Dios ispoxan, japi jiw pajut matabijaxael, Dios diachwɥajnakolax duk. Pe nakiowa, japi jiw matabija-el, ma-aech Dios. Japi matabijaxael, ma-aech Dios, nejchaxoel wɥt Dios ispoxanliajwa ampathatat. Samata, japi jiw jɥmchiyaxil asew jiwliajwa: “Xanal matabijaxinil, ma-aech Dios pejnechaxoelaxan” —chiyaxili.

²¹ Babijaxan ispi, japi jiw matabija Dios pomatkoicha dukpox. Pe nakiowa, japi jiw sitae-eli Dios. Japibej chinax kaematkoï graciaschi-el Diosliajwa, Dios ispoxanliajwa japiliajwa. Japi jiw nejchaxoelaful nejliaklaxan. Samata, matabija-el diachwɥajnakolaxpox Diosliajwa. Matabija-elbejpi pachaempoxan isliajwa, isasamatabej pachaema-elpoxan.

²² Japi jiw nakaewa najɥm-aech: “Xatis kaes pejme matabijas” —na-aechi. Diachwɥajnakolax japi matabija-el. Japi nejliakla xot, japoxan najɥm-aech.

²³ Japi Dios xanaboeja-el, xajɥpon puexa isliajwa, asamatkoï tɥpaxilponbej. Japi ídolos xanaboeja, pajut ispoxan. Japi pejew ídolos, ael-isas, me-ama jiw, mia, jom, choefbej.

²⁴ Samata, Dios koft japi jiw pajut babijaxan isasiapoxan isliajwa. Japi babijaxan isful, xabich padalapoxan nakaewaliajwa.

²⁵ Nejweslabejpi naexasisliajwa diachwɥajnakolaxpox, Dios pejjamechan. Dios sitae-elbejpi. Kawɥajna-elbejpi Dios, japon xajɥpon puexa isliajwa. Japilax naexasit diachwɥajnakolaxa-elpoxan, kichachajbapoxanbej. Asbɥan jɥmch sitaeni Dios ispoxan. Japoxan japi kawɥajan. Me-ama kajachawaesliajwas wɥt, ja-aechi japoxanliajwa. Pelax jiw, naexasiti Jesús pejwɥajan, japi pomatkoicha jɥmchiyaxael Diosliajwa: “Dios xabich pachaem” —chiyaxaeli.

²⁶ Samata, Dios koft japi jiw pajut babijaxan isasiapoxan isliajwa, padalapoxan. Samata, watho' nejxasinka-el nosliajwa poejiw. Japi watho' nakaewatho'a nabɥ'moejt isliajwa isasiapoxan.

²⁷ Ma-is poejiw ja-aech. Nejxasinka-eli nosliajwa watho'. Poejiw nakaepojwa nabɥ'moejt isliajwa padalapoxan. Samata, japi jiw amwɥtjel xabich Dios kastikas.

²⁸ Sitae-el xoti Dios, Dios koft japi jiw isfulaliajwa babijaxan, isaxilpoxan.

²⁹ Japi jiw is puexa babijaxan. Nejchaxoeli asew jiw pejew natkowaliajwa. Japi is babijaxan asew jiw tabejsliajwa. Japi nusasiowal, kitaen wɥt asew jiw pejew. Japi asew jiw bu'aba. Japi nejxasink nakaewa nalosax. Japi

nejxasink naekichachajbxan. Japi is babijaxan asew jiw nabijasliajwa. Japibej buxwujajanmaenk.

³⁰ Japi jum-aech babejjamechan asew jiwliajwa puexa asew jiw pejwujajnalel. Japi Dios padaelmajiw. Japi jum-aech babejjamechan asew jiwliajwa, sitae-el xoti asew jiw. Japi nejchaxoel: “Xan kaes pejme pachaeman. Me-ama asew jiw, jachi-enil” –aechi, pajutliajwa nejchaxoel wut. Japi nakaewa najum-aech: “Isaxaes asaxan babijaxan asew jiwliajwa, jiw matabija-elpoxan” –na-aechi nakaewaliajwa. Do jawux, japi jiw is japoxan, babijaxan. Japi naexasis-el paxjiw, penjiwbej, fiach wut.

³¹ Japi nejliakla. Is-el jumduwpoxan, asew jiwliajwa isaxaelpoxan. Japi nejxasinka-el asew jiw. Japibej beltae-el asew jiw.

³² Japi chiekal matabija Dios fiachpoxan. Japi matabija Dios pelsaxaespoex, babijaxan is xoti asew jiwliajwa. Pe nakiowa, japi jiw babijaxan is asew jiwliajwa. Asbuan jumch japi jiw nejchachaemil, asew jiw babijaxan is wut asewliajwa.

2

Babijaxan ispi, asamatkoi japi jiw Dios kastikaxaespoex

¹ Xamal jum-am wut asew jiwliajwa: “Japi jiw babijaxan is. Samata, Dios kastikaxaes” –am wut, jasox jum-am xot, xamalbej Dios kastikaxael, babijaxan isam xot.

² Matabijas. Asamatkoi Dios jiw kastika wut, kaes babijaxan ispi, japi jiw kaes kastikaxaes. Kaesupich babijaxan ispi, kaesupich kastikaxaes.

³ Xamal jum-am wut babijaxan ispi: “Japi jiw Dios kastikaxaes” –am wut, jasox jum-am wut, xamalbej diachwujajnakolax weyaximil, Dios pejkastikamatkoi pat wut.

⁴ Xamal japox jum-am wut asew jiwliajwa, chiekal nejchaxoelaximil. Dios xabich piach kajachawaet, xamal kofaliajwam babijaxan isampoxan.

⁵ Me-ama matabija-emil wut, ja-am Diosliajwa, chiekal naexasis-emil xot Dios. Nakiowa babijaxan isam xot, kastikamatkoi pat wut, puexa babijaxan ispi Dios kastikas wuti, xamalbej Dios kastikaxael, japi jiw supich.

⁶ Japamatkoi jiw, kaenanala babijaxan ispi, kastikaxaes. Xabich babijaxan ispi, japi xabich kastikaxaes. Xabich babijaxan is-elpi, japi xabich kastikax-isallejen.

⁷ Asew jiw nejxasink Dios nejchachaemlaliajwa japiliajwa. Samata, japiliajwa tampoel wut, japi nakiowa isful pachaempoxan. Ja-aech wut, Dios tapaeyaxaes duilaliajwa pomatkoicha japonxotse. Jaxotse pomatkoicha itliak Dios pej-itliakax.

⁸ Asew jiw naexasis-eli Dios. Japi is babijaxan. Samata, Dios palala xot, japi jiw kastikaxaelon.

⁹ Puexa jiw, babijaxan ispi, judios, judios-elpibej, nabijasaxael.

¹⁰ Jiw, ispi pachaempoxan, judios, judios-elpibej, puexa japilax, pomatkoicha duilaxael Diosxotse. Jaxotse itliak Dios pej-itliakax. Dios nejchachaemlaxael japi jiwliajwa. Chiekal duilaxaelbejpi.

¹¹ Dios kastika wut babijaxan ispi, chiekal taeyaxaelon. Samata, puexa judios, judios-elpibej, kastikaxaelon.

¹² Judios-elpi matabija is-elaliajwa babijax. Pe nakiowa, japi babijaxan is. Samata, judios-elpi Dios kastikaxaes. Judios matabija Moises chajia lelpox tapae-el isliajwa babijaxan. Pe nakiowa, japi judios is babijaxan. Samata, japi kastikaxaes Dios.

¹³ Judíos chiekal naexaxisaxael wut Moisés chajia lelpox, japi bu'wujanjilaxael. Pe judíos puexa chiekal naexaxis-el Moisés chajia lelpox. Samata, amwutjel japi judíos pejb'u'wujajan Diosliajwa.

¹⁴ Judíos-elpi chinax matabija-el Moisés chajia lelpox. Chiekal ma-aechi. Pe nakiowa, japi pajut pijaxtat naexasit wuti Moisés chajia lelpox, ja-aech wut, japi pajut chiekal matabija isliajwa pachaempoxan.

¹⁵ Japi is wut pachaempoxan, me-ama pajut matabija wut, ja-aechi Moisés chajia lelpoxliajwa. Judíos-elpi pajut matabija, is wut pachaempoxan. Matabijabejpi, is wut babijaxan.

¹⁶ Asamatkoi Dios to'axael Jesucristo, japon kaenanala jiw jumchiliajwa, maliach ispi pachaempoxan, o, pachaema-elpoxanbej. Xan japoxliajwa jum-an, naewujajna wut jiw Jesús pejwujajan.

Amxot jum-aechpox judiosliajwa, Moisés chajia lelpoxliajwabej

¹⁷ Xamal judíos nakaewa najum-am: “Xatis judíos kaes pejme pachaems. Me-ama asew jiw, jachi-esal. Chiekal matabijasbej Moisés chajia lelpox. WajDios xatiskalliajwa” —am xamal nakaewaliajwa.

¹⁸ Xamal matabijam isliajwam Dios nejxasinkpoxan, matabijam xot Moisés chajia lelpox. Samata, isfulaxaelam pachaempoxan.

¹⁹ Xamal nejchaxoelam wut, jum-am: “Xatis chiekal matabijas Dios. Samata, asew jiw naewujajnaes, japi matabija-eli Dios. Japi jiw, me-ama itliakla. Me-ama nanumantibej itkuxataxot, ja-aech japi jiw” —am xamal, nejchaxoelam wut.

²⁰ Xamal nejchaxoelambej: “Xatis xajups asew jiw naewujajnalijwas, matabija-elpi asax, asew jiwbej, chiekal matabijaliajwapi Dios. Xatis xajups japi jiw naewujajnalijwas puexa diachwujajnakolaxpox Diosliajwa, matabijas xot Moisés chajia lelpox” —am xamal asbuan jumch, nejchaxoelam wut.

²¹ Xamal naewujajnam wut asew jiw naexaxisliajwa Moisés chajia lelpox, ¿ma-aech xotkat xamal najut chiekal naexaxis-emil Moisés chajia lelpox? Asew jiw naewujajnam wut, jum-am: “iNabej natkowe' asew jiw pejew!” —am xamal. ¿Pe ma-aech xotkat xamal najut natkowam asew jiw pejew?

²² Asew jiw naewujajnam wut, jum-am: “Xamal, nejwatho'pim, jasew watho' nabej bu'moejs!” —am xamal. ¿Pe ma-aech xotkatlax xamal nejwatho' asew watho' naebu'moejtam? Jum-ambej, asew jiw naewujajnam wut: “iXanal nejwesla ídolos!” —am xamal. ¿Pe ma-aech xotkatlax xamal lowam ídolos templobachanxot nosliajwam ommaenkpi, japatemplobachanxoti?

²³ Asew jiw naewujajnam wut, jum-ambej: “iMoisés chajia lelpox pachaem!” —am xamal. ¿Pe ma-aech xotkatlax xamal najut chiekal naexaxis-emil Moisés chajia lelpox? Xamal babijaxan isfulam xot, asew jiw sitae-el Dios.

²⁴ Dios pejjamechan, chajia lelpox, jum-aech wut, jum-aechox: “Xamal babijaxan isfulam xot, judíos-elpi jum-aech babejjamechan Diosliajwa” —aechox.

²⁵ Xamal judíos, diachwujajnakolax circuncidam Dios pejmarkaxliajwa. Japox isam matabijaliajwam Dios pejiwampox. Circuncidax xamalliajwa xabich pachaem, chiekal naexasitam wut Moisés chajia lelpox. Pe chiekal naexaxis-emil wut Moisés chajia lelpox, ja-am wut, nakiowa Diosliajwa, me-ama circuncida-emil wut, ja-amfak.

²⁶ Judíos-elpi, circuncida-esalpi, japi is wut pachaempoxan, me-ama Moisés chajia lelpox to'as, ja-aech wut, japi jiw Diosliajwa, me-ama circuncidas wut, ja-aechi.

²⁷ Judíos-elpi, circuncida-esalpi, Moisés chajia lelpox naexasit wut, asamatkoi japi jiw Diosxotse tasalaxaeli kastikaliajwas judíos, circuncidaspi,

chiekal naexasis-el xoti Moisés chajia lelpox. Judíos asbuan jumch matabija Moisés chajia lelpox. Pe chiekal puexa naexasis-eli.

²⁸ Judíos najum-aech nakaewa: “Xatis Dios pejjiws, judíos xot” —na-aechi nakaewa. Puexa judíosxot Dios pejjiwa-el, japi judíos xot. Circuncidaxtat puexa judíosxot Dios pejjiwa-el.

²⁹ Diachwajnakolax judíoskolapi, Dios pejjiwpi, kaelel chiekal kofa babijaxan ispoxan. Japibej Espíritu Santo kajachawaesfulas. Japibej isful pachaempoxan Dios nejchachaemlaliajwas japiliajwa. Japoxan japi is-el asbuan jumch ampathatpijiw nejchachaemlaliajwas japiliajwa.

3

¹ Japi judíos wut, ¿ma-aech xotkat kaes pejme xabich pachaem judíosliajwa? ¿Ma-aech xotbejkat kaes pejme xabich pachaem, japi, judíos circuncidas wut?

² Japi judíos kaes pejme wepachaems pin-ianejchaxoelaxanliajwa. Matxoelanejchaxoelax judíosliajwa wepachaemspox, ampxolape. Dios waelt pejjamechan judíos pejwajnapijiwxot.

³ Asew judíosxot naexasis-el Dios pejjamechan. Ja-aech wutkat, ¿Dios isaxil jumdutpox judíosliajwa?

⁴ ¡El! Puexa jiw kichachajbapijiw wut, Dios nakiowa isaxael puexa jumdutpoxan. Japoxliajwa Dios pejjamechan, chajia lels wut, jum-aechox: “Dios, puexa xam jum-ampox jiwliajwa, japox diachwajnakolax wulxael. Chinax kaen aton jumchiyaxil xamliajwa: ‘Dios jum-aechpox diachwajnakolaxa-el’ —chiyaxil kaen aton” —aech Dios pejjamechan, chajia lels, jum-aech wut.

⁵ Xatis kaes babijaxan isas wut, jiw pajut kaes matabijaxael, Dioslax is pachaempoxan. Ja-aech wut, jumchiyaxisal: “Dios xatis nakkastikaxil, babijaxan isas wut” —chiyaxisal. Xatis japox jumtis wut, me-ama Dios pejjiwa-esal wut, jachiyaxaes xatis.

⁶ Samata, jasox jumchiyaxisal, diachwajnakolaxa-el xot. Xatis jumtispor diachwajnakolax wut, ja-aech wut, Dios ampathatpijiw kastikaxil.

⁷ Xan xabich jiw kichachajbaxaelen wut, ja-an wut, jiw pajut chiekal matabijaxael, Dioslax kichachajba-el. Samata, Dios xan nakastikaxil, xan xabich jiw kichachajbaxaelen wut.

⁸ Ja-aech wut, pachaemaxael xan asew jiw jumchiliajwan: “Kaes babijaxan isas wut, xabich pachaemaxael” —chiliajwan, jiw pajut matabijaliajwa, Dios kaes pejme pachaem. Asew jiw jum-aech babejjamechan xanliajwa: “Pablo jiw naewajan wut, to'a kaes babijaxan isliajwa” —aechi. Japi jiw japox jum-aech xot, japi jiw Dios kastikaxaes.

Chinax kaen aton babijaxan isla-elpox

⁹ ¿Judíoskat kaes pachaem Diosliajwa? ¿Me-ama asew jiw, jachi-elkat? ¡El! Xan chajia jum-an: “Puexa ampathatpijiw, judíos, judíos-elpibej, babijaxan is” —an xan.

¹⁰ Dios pejjamechan, chajia lels, jum-aech wut, jum-aechox: “¡Puexa jiw is babijaxan ampathatat! ¡Chinax kaen aton isla-el babijaxan!

¹¹ Aton ajilbej, matabijtpox Dios nejchaxoelpoxan. Aton ajilbej, wulwekpon Dios.

¹² Puexa jiw babijaxan is, pejnechaxoelaxantat xabich atuj xoti Diosliajwa. ¡Kaen japixot ajil isliajwa pachaempoxan!

¹³ Japi jum-aechpox xabich pachaema-el. Samata, tampoela-el asew jiw beliajwas, japi jum-aech wut japox. Kichachajbamaenkbejpi. Japi jum-aechpox asew jiwliajwa, me-ama jombua'nael wut, ja-aech. Samata, japox asew jiw xabich tabejtas.

14 Japi jum-aech wut, jum-aechbejpi babejjamechan, nejwesla xoti asew jiw.

15 Chakifolbejpi beliajwa jiw.

16 Nejmachtuajnuchanxot pat wutbejpi, japatuajnuchanpijiw bapi. Samata, japi pijaxtat potuajnuchanpijiw xabich nabijat.

17 Japi jiw matabija-elbej chiekal duilaliajwa, asew jiw suapich.

18 Nejchaxoela-elbejpi sitaeliajwa Dios” –aech Dios pejjamechan, chajia lelpox.

19-20 Xatis chiekal matabijas. Dios pejjamechan waelt judíos naexasisliajwa. Pe judíos chiekal naexasis-el japox. Samata, kaen judíos jumchiyaxil: “Xan bu'wujajanjinil Diosliajwa” –chiyaxilon. Puexa judíos, judíos-elpibej, pajut chiekal matabijaxael japibej pejbu'wujajan Diosliajwa, kaen aton puexa chiekal naexasisaxil xot Dios chajia waeltpro. Dios pejjamechan waelt, xatis babijaxan isas wut wajut nejchaxoelaliajwas: “Diachwujanakolax xatis isas babijaxan” –chiliajwas, nejchaxoels wut.

Jesús pejwujajan naexasiti, japi Dios bu'weyaxaes

21 Amwutjel Dios naktapaei matabijaliajwas chimiawujajan, Jesús pejwujajan. Samata, chiekal matabijas, ma-aech xot Dios xatis nakbeltaen, isas wut babijaxan. Dios xatis majt nakbeltae-el, isas wut babijaxan, Moisés chajia lelpox naexasich xot. Chajiakolaxtat profetas lel Dios isaxaelpox xatis nakbu'welialjwa.

22 Kaenanula nejchaxoels wut: “Diachwujanakolax Jesucristo tup cruztat xanliajwa” –tis wut wajut, japox nejchaxoels wut, babijaxan isaspoxan ajilaxael Diosliajwa. Asew jiwliawabej jachiyaxael. Ajilaxael babijaxan, japi ispoxan Diosliajwa, naexasit wuti Jesucristo tuppox cruztat japiliajwa.

23 Puexa jiw babijaxan is. Samata, japi napelt Diosliajwa.

24 Pe ja-aech wut, Dios nakiowa kajachawaet japi jiw malech bu'welialjwa japi babijaxan ispoxanliajwa, naexasit xoti Jesucristo tuppox cruztat japiliajwa.

25 Dios tapaei Jesucristo tupaliajwa cruztat nakwemosliajwa kaenanula xatis babijaxan isaspoxanliajwa. Xatis naexasich wut Jesucristo tuppox babijaxan isaspoxanliajwa, Dios xatis nakbeltaen babijaxan isaspoxanliajwa. Jesucristo tup wut, motbejpon wajwujajnapijiw babijaxan ispoxanliajwa. Ja-aech wut, xatis chiekal matabijas Dios mastae-elpox, wajwujajnapijiw babijaxan is wut. Dios chajia matabijt Jesucristo tupaxaelpox wajwujajnapijiw pejwulela. Samata, wajwujajnapijiw majt babijaxan is wut, japi kastika-esal Dios.

26 Wujajneweton Jesucristo pasliajwa tupaliajwa puexa jiw bu'welialjwapon. Samata, Dios nejxasinka-el kaes jiw babijaxan isliajwa. Babijaxan ispi naexasit wut Jesucristo tuppox bu'welialjwas, ja-aech wut, japibej bu'weyaxaes.

27 Jesucristo tup jiw bu'welialjwa. Japox japi jiw naexasit wut, Dios beltaenspi babijaxan ispoxanliajwa. Japi pajut ispoxantat Dios bu'we-esal, babijaxan is wut. Samata, japi pajutliajwa jumchiyaxil asew jiw sitaeliajwas: “Xan isx pachaempoxan Diosliajwa. Samata, babijaxan isxpoxan ajil Diosliajwa” –chiyaxil jiw.

28 Samata, xatis chiekal matabijas. Jesucristo tuppox cruztat asew jiw naexasit wut, ja-aech wut, japi babijaxan ispoxan Diosliajwa wejisal. Pe japi babijaxan ispoxan wejila-esal Diosliajwa, naexasit xoti Moisés chajia lelpox. Japi chiekal naexasisaxil japox.

29 Dios judíoskalliajwa-el. Japon Dios puexa asewliawabej.

³⁰ Dios kaen. Kaes asan Dios ajil. Judíosliajwa, asew jiwliajwabej, puexa japi Dios chiekal taen. Jiw kaenanula naexasit wut Jesucristo tɔppox cruztat japiliajwa, ja-aech wut, japi babijaxan ispoxan Diosliajwa wejilaxaes.

³¹ Xatis, Jesús pejwɔajan naexasichpis, Jesucristo tɔp xot cruztat kaenanula xatisliajwa, nejchaxoela-esal: “Kofas Moisés chajia lelpox, Jesucristo tɔppox naexasich xot kaenanula xatisliajwa” –chi-esal, nejchaxoels wut. ¡E! Xatis naexasich wut Jesucristo tɔppox, jatis wut, naexasichbej Moisés chajia lelpox.

4

Abraham chiekal naexasitpox Dios jumduwspoxan

¹ ¿Ma-aech xotkat Abraham, wajwɔajnapijin, babijaxan wejisal Diosliajwa?

² Abraham pachaempoxan isaxael wut babijaxan ispoxan wejlialiajwas, ja-aech wut, japon pajut japox jumchiyaxael asew jiw jumtaeliajwas. Pe Dios matabijt. Abraham japox jumchi-el.

³ Dios pejjamechan, chajia lelpox, jum-aech wut, jum-aechox: “Abraham naexasit xot Dios jumdutpox japonliajwa, japon babijaxan ispoxan wejisal Diosliajwa” –aechox.

⁴ Aton nabist wut asanliajwa, japon moch. Plata malech chaxdus-esal. Chaxduch, nabist xoton.

⁵ Pelax Dios to'a-el jiw nabichliajwa nabichaxtat mosliajwapi Dios japi babijaxan ispoxanliajwa. Aton jum-aech, nejchaxoel wut: “Dios bu'wia jiw. Samata, diachwɔajnakolax Dios xan nabu'weyaxael, jumdut xoton jiw bu'weliajwa” –aech wuton, japon aton wejlilaxaes babijaxan ispoxanliajwa Diosliajwa.

⁶ Rey David chajiakolaxtat chapaeipon jiw, japi jiw babijaxan ispoxan wejisalpi Diosliajwa. Japi ja-aech, naexasit xoti Dios chajia jum-aechpoxan. Dios to'a-el japi jiw isliajwa bichaxan, babijaxan ispoxan wejlialiajwas.

⁷ David chajiakolaxtat jum-aech japi jiwliajwa:
“Japi xabich nejchachaemil, Dios beltaens xoti babijaxan ispoxanliajwa,
kael wepeltas xotbejpi!

⁸ ¡Aton nejchachaemil, Dios beltaens wuton babijaxan ispoxanliajwa!” –aech David chajiakolaxtat.

⁹ David japox jum-aech wut, jumchi-elon judíoskalliajwa. Japon jum-aech asewliajwabej. Xan chajia jum-an. Abraham naexasit, Dios jumduws wut. Samata, Abraham babijaxan ispoxan Diosliajwa wejisal.

¹⁰ Abraham babijaxan ispoxan wejisal wut Diosliajwa, jawut Abraham circuncida-esalfuk. Pe nakiowa, Abraham babijaxan ispoxan wejisal Diosliajwa.

¹¹ Abraham babijaxan ispoxan wejisal wut Diosliajwa, do baxael, japon circuncidas. Japox puexa jiw pajut matabijaliajwa, Abraham babijaxan ispoxan wejisal, Dios xanaboejt xoton. Samata, judíos-elpibej, circuncida-esali, nejchaxoel wut: “Diachwɔajnakolax Dios isaxael jumdutox” –aech wuti, japibej Diosliajwa, me-ama Abraham paxi wut, jachiyaxaeli. Ja-aech wutbej, japi babijaxan ispoxan wejlilaxaes Diosliajwa.

¹² Judíos, circuncidaspi, japi Dios xanaboeja wut, me-ama Abraham paxi wut, jachiyaxaeli. Judíosbej nejchaxoel wut, me-ama majt Abraham nejchaxoel wut: “Diachwɔajnakolax Dios isaxael nakjumdutpox” –aech wuti, japi judíos, me-ama Abraham paxi wut, jachiyaxaeli Diosliajwa.

Abraham chiekal naexasit xot Dios jumduchpox, japox wejatispon

¹³ Chajiakolaxtat Abraham Dios jumtis: “Xam puexa ampatuajnu chaxdusaxaelen. Baxael, asamatkoi xam tupam wut, naxi, namojiwbej, chaxdusaxaelen ampatuajnu” —tis Abraham. Dios japox jumchi-el, Abraham naexasit xot Moisés chajia lelpox. Abraham nejchaxoel xot: “Diachwujnakolax Dios isaxael najumdutpox xanliajwa” —aech xoton, nejchaxoel wut, Dios japox jum-aech Abrahamliajwa. Abraham Dios jumtisporox xanaboejsful xot, babijaxan isporoxan wejisalpon Diosliajwa.

¹⁴ Dios chajia jumchiyaxael wut chaxdusliajwa japatuajnu naexasitpikal Moisés chajia lelpox, ja-aech wut, Dios chaxdusaxil japatuajnu Abraham pamojiw, chiekal naexasis-el xoti puexa Moisés chajia lelpox. Jachiyaxael wut, japi Dios xanaboejapoxliajwa asbuan jumch masox namaeyaxaeli. Dios jumdutpox japatuajnu chaxdusliajwas, japoxbej jachiyaxael japiliajwa.

¹⁵ Puexa jiw, naexasis-elpi Moisés chajia lelpox, japi Dios kastikaxaes. Moisés chajia lelpox ajil wut, jiw babijaxan is wut, ja-aech wut, bu'wujanjilaxaeli. Samata, Dios kastikaxisal japi jiw.

¹⁶ Abraham chiekal xanaboejt Dios. Samata, Dios jumduch chaxdusliajwas malech japatuajnu, paxiliajwa, pamojiwliajwabej. Dios japox jum-aech wut Abrahamliajwa, japox judiosliajwa, a sew jiwliajwabej, japi jiw Dios xanaboejjaxaelpi japi kajachawaesliajwas Dios, me-ama Abraham xanaboejt Dios, jachiliajwa japi jiw. Samata, puexa xatis Dios xanaboejjaxaes. Jatis wut, Diosliajwa xatis, me-ama Abraham pamojiws wut, jachiyaxaes.

¹⁷ Dios pejjamechan, chajia lelpox, jum-aech, Dios jum-aech wut Abrahamliajwa: “Xam naexasitam xan jumdutpox. Samata, a sew jiwbej naexasisaxael xan jum-anpox. Ja-aech wut, japi, me-ama naxi wut, jachiyaxael japi jiw. Xabich pin-iamutan wulxaeli” —aech Dios Abrahamliajwa. Abraham nejchaxoel: “Dios xajup tupi mat-elialjwa pejme duilialjwa. Dios xajupbej to'aliajwa, majt ajil wut nejmach isliajwa” —aech Abraham, nejchaxoel wut Diosliajwa.

¹⁸ Puexa jiw chiekal matabija Abraham pijow naxuwlawilpox. Pe nakiowa, Abraham xanaboejsful xot Dios chajia jumtisporox paxulanliajwa, nejchaxoelafalon: “Dios nachaxdusaxael najumdutpox” —aech Abraham, nejchaxoel wut. Samata, Abraham pijow moejow. Do jawux, naxuwalow. Faenow poich. Do, xabich baxael, xabichbejpon pamojiw. Ja-aech japox, Abraham chiekal xanaboejsful wut Dios jumtisporox.

¹⁹ Nalaels-el wutfuk paxulan, Abraham xabich pati'in. Kaewaechan suapich, wewe'pas cien waechanliajwapon. Abraham pijow, Sara, naxuwlawil, pati'ow xot. Pe nakiowa, Abraham xanaboejsful Dios jumtisporox.

²⁰ Nejchaxoel wut, nejchaxoela-elon: “Dios najum-aechporox diachwujnakolaxa-el” —chi-elon, nejchaxoel wut. Abraham xanaboejsful Dios chajia jumtisporox. Samata, jum-aechon Dios jumtaeliajwas: “Xam xabich pachaemam” —aechon Diosliajwa.

²¹ Abraham nejchaxoel: “Diachwujnakolax Dios xajup nawe-isliajwa najum-aechporox” —aechon, nejchaxoel wut.

²² Samata, Abraham babijaxan isporoxan Diosliajwa wejisal.

²³ Japawujajan lela-esal xatis jumchiliajwas Abrahamliajwa: “Japon Abraham xabich pachaem, Dios xanaboejsful xot” —chiliajwas.

²⁴ Japawujajan lelsbej xatis wachakalpijwas matabijaliajwas Dios nakkachawaesaxaelpox. Me-ama Abraham Dios kajachawaech, jachiyaxaelbej xatisliajwa, Dios nakkachawaet wut. Ja-aech wut, xatis babijaxan isaporoxan ajilaxael Diosliajwa, xanaboejas wut Dios, japon mat-etpon wajpaklon Jesucristo pejme dukaliajwa.

²⁵ Jesús tɯp nakwemosliajwa xatis babijaxan isaspoxanliajwa. Japon tɯppox tres matkoi wɯt, mat-echpon pejme dukaliajwa. Japon tɯp xot xatisliajwa, babijaxan isaspoxan chiekal nakwe-ajil Diosliajwa.

5

Xatis bɯ'wɯajanjisalpox Diosliajwa

¹ Xatis kaenanɯla chiekal bɯ'wɯajanjisal Diosliajwa. Xatis jatis, naexasich xot wajpaklon Jesucristo tɯppox xatisliajwa. Samata, amwɯtjel Jesús pijaxtat xatis pachaems Diosliajwa.

² Dios nakbeltaen xatis babijaxan isaspoxanliajwa, xatis naexasich xot wajpaklon Jesucristo tɯppox cruztat xatisliajwa. Xatis chiekal matabijas asamatkoi pomatkoicha duilaxaesopox Diosxotse. Samata, xabich nejchachaemlas.

³ Xatis xabich nabijatas wɯtbej, nejchachaemlas, xajɯpaxaes xot kaes boejtaliasliajwas.

⁴ Boejtaliach wɯt nabijatasopox, Dios nejchachaemlaxael xatisliajwa. Ja-aech wɯt, asamatkoi Dios nakchaxduiyaxael pachaempox.

⁵ Dios to'a Espíritu Santo wajmatpɯatanxotaliajwa. Ja-aech wɯt, Espíritu Santo nakkajachawaet matabijaliajwas Dios xabich naknejxasinkpox. Samata, xatis wɯajnawesfulas asamatkoi Dios nakchaxdusaxaelpox, xabich pachaempox.

⁶ Majt xatis chajia babijaxan isas wɯt, xatis wajut weyaxisal. Samata, Cristo tɯp xatisliajwa. Me-ama Dios chajiakolaxtat nejchaxoel japon tɯpaliajwa, japox ja-aechlisox xatisliajwa.

⁷ Aton asatɯajɯpijin boesaxaes wɯton asew jiw, kaen xatisxot jɯmchiyaxil: “¡Japon aton xamal nabej boese! ¡Xanlax naboessim!” — chiyaxilon. Pe boesaxaespon xabich pachaem wɯt, kaen xatisxot bej jɯmchiyaxaelbej: “¡Ampon aton nabej boese', xabich pachaem xoton! ¡Xanlax naboessim!” — bej chiyaxaelbejpon.

⁸ Pe xatis isas wɯt babijaxan, Dios nakiowa nakkajachawaet. Dios to'ak paxulan tɯpaliajwa kaenanɯla xatis nakbɯ'welija. Ja-aech wɯt, chiekal matabijas Dios xabich naknejxasinkpox.

⁹ Jesucristo tɯp nakbɯ'welija. Samata, amwɯtjel pachaems Diosliajwa. Samatabej, nakkastikaxilon.

¹⁰ Majt xatis Dios padaelmajiws, isfulas xot babijaxan. Pe amwɯtjel, Dios paxulan tɯp xot cruztat, Dios nakbeltaen xatis babijaxan isaspoxanliajwa, chiekal pachaemaliajwas japonliajwa. Samata, amwɯtjel chiekal matabijas japon nakbɯ'weyaxaelpox.

¹¹ Diachwɯajnokolax xatis nejchachaemlas, Dios nakbɯ'weyaxael xot. Chiekal nejchachaemlasbej, pachaems xot Diosliajwa wajpaklon Jesucristo pijaxtat.

Amxot jɯm-aechpox Adánliajwa, Jesucristoliajwabej

¹² Adán matxoela is babijax. Jawɯtbej, tɯadut patɯpax. Do baxael, puexa ampathatpijiwbej babijaxan is. Do jawɯx, patɯpax xajɯp puexa jiwliajwa, japi jiwbej babijaxan is xot.

¹³ Moisés chajia lelpox ajil wɯtɯk, jawɯt ampathatpijiw babijaxan is. Pe nakiowa, Dios kastika-el, ajil xotɯk Dios fiatpox jiw babijaxan isasamata.

¹⁴ Adán laeja wɯt, hasta Moisés laeja wɯtbej, jiw babijaxan isful wɯt, japi jiw Dios kastika-esalfɯk. Japi jiw babijaxan isful wɯt, Dios fias-el japi jiw babijaxan is-elaliajwa. Me-ama Adán fiach, jachi-esal japi jiw. Ja-aech wɯt,

japi jiw nakiowa tɔp kaen Adán pijaxtat, puexa jiw babijaxan isful xot. Pe baxael, Cristo pat wɔt, is pachaempox puexa jiwliajwa.

¹⁵ Adán is pachaema-elpox. Japox najɔpa-el, Dios malech nakwe-ispoɔ sɔapich, Jesucristo pijaxtat. Kaen Adán babijax is xot, puexa jiw tɔp. Dios nakwe-ispoɔ Jesucristo pijaxtat, japox xabich pachaem puexa nejmachjiwli-ajwa, pomatkoicha duilaliajwapi Diosxotse.

¹⁶ Adán matxoela is babijax. Do baxael, puexa jiw babijaxan isful. Samata, japi jiw pejbɔ'wɔajan Diosliajwa. Baxael, japi jiw Dios beltaens babijaxan is-poxanliajwa Jesucristo pijaxtat. Ja-aech wɔt, japi babijaxan ispoɔxan wejisa Diosliajwa.

¹⁷ Puexa jiw kaenanɔla tɔpafɔl, Adán chajiakolaxtat babijax is xot. Japibej tɔp, pajut babijaxan is xot. Do baxael, Jesucristo tɔp wɔt, Dios nakbeltaen kaenanɔla xatis babijaxan isaspoɔxanliajwa. Ja-aech wɔt, xatis babijaxan isaspoɔxan ajil Diosliajwa. Samata, Dios chiekal xanaboejas xot, Dios nakka-jachawaet chiekal duilaliajwas.

¹⁸ Puexa jiw, ampathatpijiw pejbɔ'wɔajan Diosliajwa, Adán matxoela is xot babijax. Jesucristolax is pachaempox, japi jiw bɔ'wɔajanjilaliajwa Diosli-ajwa. Samata, Dios tapaeyaxaes duilaliajwa pomatkoicha japonxotse.

¹⁹ Adán naexasis-el, Dios to'as wɔt. Samata, ampamatkoiyen xabich jiw babijaxan is. Pelax Jesucristo naexasit Dios to'aspoɔ. Samata, Jesucristo pijaxtat xabich jiw babijaxan ispoɔxan ampamatkoiyantat wejisa Diosliajwa.

²⁰ Xabich chajiakolaxtat Dios waelt pejjamechan Moiséstat. Moisés japox chajia lel jiw fiasliajwa babijaxan isasamata. Pe nakiowa, japi jiw babijaxan is. Japi matabija Moisés chajia lelpox. Pajut matabijabejpi, is wɔt babi-jaxan. Majt japoxan pajut matabija-el. Jiw kaes xabich babijaxan isful wɔt, nakiowa beltaeflaspi Dios babijaxan isfulpoɔxanliajwa. Kaes kajachawaetbe-jpon asamatkoi japi jiw kofaliajwa babijaxan ispoɔxan.

²¹ Puexa xatis babijaxan isas. Samata, tɔpaxaes. Wajpaklon Jesucristo tɔp xot xatisliajwa, Dios nakbeltaen babijaxan isaspoɔxanliajwa. Samata, babijaxan isaspoɔxan ajil Diosliajwa. Naktapaeyaxaelbejpon duilaliajwas pomatkoicha japonxotse.

6

Jesucristo pejbɔ'wɔajan naexasiti kaes babijaxan isaxilpox

¹ Asew jiw nejchaxoel wɔt, bej nejchaxoelaxaelbej chiekal matabija-elaxtat: “Dios naknejasink xot, nakbeltaen xatis babijaxan isaspoɔxanli-ajwa. Samata, kaes pejme isaxaes babijaxan. Jatis wɔt, Dios kaes pe-jme nakbeltaeyaxael babijaxan isaspoɔxanliajwa” —chiyaxaelbej japi jiw, nejchaxoel wɔt.

² jXatis kaes babijaxan nabej istis! Tɔpon kaes babijax isaxil, tɔp xotlison. Xatisbej jachiyaxaes babijaxanliajwa.

³ Xamal chiekal matabijam. Xatis nakbautisa wɔt, Jesucristo pejjiws. Samata, xatis kaenanɔla wajut chiekal nejchaxoelaxaes: “Jesucristo kimata-matlas wɔt cruztat, xatisbej Diosliajwa, me-ama cruztat tɔps wɔt, japon sɔapich, jatis” —chiyaxaes, nejchaxoels wɔt.

⁴ Cristo tɔp wɔt, mɔthtas. Xatisbej nakbautisa wɔt, me-ama, Jesucristo sɔapich, nakmɔtha wɔt, jatis xatis, kofas xot babijaxan isaspoɔxan. Jesús tɔp wɔt, pax Dios mat-echpon pejme dukaliajwa. Amwɔtjel, xatisbej, me-ama Dios nakmat-iapis wɔt, jatis pejme duilaliajwas pajelnejchaxoelaxantat.

⁵ Jesucristo tɔp wɔt cruztat, jawɔt xatis, me-ama kaebɔ'tas wɔt, jatis, japon sɔapich. Do jawɔx, Jesucristo mat-ech wɔt pejme dukaliajwa, jawɔt xatisbej,

me-ama nakmat-ia wut, jatis xatis chiekal pejme duilaliajwas, isliajwasbej Dios nejxasinkpoxan.

⁶ Xatis matabijasbej. Jesús tɔp wut cruztat, jawutbej wajpadujnejchaxoelaxan, me-ama nakwematamatal wut cruztat, Jesús sɔapich, ja-aechox. Samata, babijaxan isasiaspoxan amwutjel Dios chiekal nakwetoet. Kaes babijaxan isaxisal.

⁷ Aton tɔp wut, kaes babijaxan isaxillison. Xatisbej jachiyaxaes. Kaes babijax isaxisal.

⁸ Xatis, Jesucristo sɔapich, me-ama tɔps wut, jatis xot, chiekal xanaboejas asamatkoi duilaxaespox Diosxotse, Jesucristo sɔapich.

⁹ Xatis matabijasbej. Jesucristo tɔp wut, mat-echpon pejme dukaliajwa. Amwutjel kaes tɔpaxillison. Pomatkoicha dukafɔlaxaelon.

¹⁰ Jesucristo kaetɔpaxtat jiw bɔ'wiapon. Amwutjel dukafɔl wut, isfɔl Dios nejxasinkpoxan.

¹¹ Samata, xamalbej kaenanɔla nejchaxoelam wut, ꞑchiekal nejchaxoelde: “Xan nejxasinkaxpoxan isliajwan, babijaxan, amwutjel japoxanliajwa, xan, me-ama tɔpx wut, ja-an. Samata, kaes babijaxan isaxinil. Isfɔlaxaelenlax Dios nejxasinkpoxan, nabistax xot Jesucristoliajwa” –amde, nejchaxoelam wut!

¹² Samata, ꞑasew watho' nabej babijne' bɔ'moejsliajwam najut isasiampoxan isliajwam!

¹³ Xamal majt, me-ama patɔpawam wut, ja-am Diosliajwa. Pe amwutjel, xamal, me-ama Dios mat-iapi wut, ja-am pejme duilaliajwam. Samata, ꞑxamal, najut nabej nawoeye' babijaxanxot isfɔlaliajwam japoxan! ꞑXamallax najut nawoeyam Diosxot isfɔlaliajwam pachaempoxan!

¹⁴ Xamal chiekal matabijaxaelam isasamatam babijaxan, najut isasiampoxan. Moisés chajia lelpox, kaes xamal tato'lafɔla-el. Pe amwutjel, Dios pajut chiekal xamal tato'lafɔl. Dios kajachawaesfɔlbej xamal.

Jesús pejwɔajan naexasiti, me-ama esclavos wut, ja-aechi, isfɔlxot pachaempoxan

¹⁵ Dios nakbeltaen xot xatis babijaxan isaspoxanliajwa, amwutjel Moisés chajia lelpox kaes naktato'la-el. Ja-aech wut, ꞑpachaemkat xatis ꞑumchiliajwas: “ꞑBabijaxan isaxaes, isasiaspoxan!” –chiliajwas? ꞑEl! ꞑXatis kaes nabej nejchaxoelatis babijaxan isliajwas!

¹⁶ Xamal chiekal matabijam. Xatis asew pej-esclavos wut, wajpaklon naktato'alpoxan chiekal naexasisfɔlaxaes. Jachiyaxaesbej, babijaxanxot nawoeyas wut isfɔlaliajwas babijaxan. Asamatkoi, tɔps wut, diachwɔajnakolax napelsaxaesbej Diosliajwa. Dios naexasich wutlax, chiekal duilafɔlaxaes Diosliajwa.

¹⁷ Xamal majt babijaxan isam, najut isasiampoxan. Amwutjellax chiekal naexasitam Dios pejjamechan, asew, naexasiti Jesús pejwɔajan, xamal naewɔajanpox. Samata, Dios kawɔajnax wut, gracias-an xamal Roma paklowaxpijwamliajwa, Dios xabich xamal kajachawaet xot.

¹⁸ Dios xamal kajachawaet babijaxan isampoxan kofaliajwam, majt isampoxan. Samata, amwutjel isam pachaempoxan, Dios nejxasinkpoxan.

¹⁹ Xamal xajɔpa-emil Dios pejjamechan, xabich tampoelpoxan, matabijaliajwam. Samata, chiekal naewɔajnax matabijaliajwam. Xamal majt asew watho' bɔ'moejtam, nijwa-elpi. Asaxan babijaxan isambej. ꞑAmwutjellax najut chiekal nawoeyam Diosxot isliajwam pachaempoxan, Dios nejchachaemlaliajwa xamalliajwa!

²⁰ Majt xamal xabich babijaxan isam wut, is-emil pachaempoxan, Dios nejxasinkpoxan.

²¹ Majt xamal babijaxan isampoxan, amwutjel japoxanliajwa xamal xabich nadala, pachaema-el xot japoxan. Jiw nakiowa babijaxan is. Pe japi napelsaxael pomatkoicha Diosliajwa.

²² Amwutjel Dios kajachawaet xot, xamal kofam majt babijaxan isfulampoxan. Samata, xamal najut nawoeyam Diosxot japon tanbichfulaliajwam. Japox pachaem xamalliajwa, chiekal duilam xot, me-ama Dios nejxasink. Baxael, asamatkoi tɔpam wut, duilaxaelam Diosxotse pomatkoicha.

²³ Jiw babijaxan is wut, mosaxaes pejpatɔpaxtat. Napelsaxaelbejpi Diosliajwa. Pelax xatis Dios pejjiws, Jesús pejwɔajan naexasichpis, Dios naktapaeyaxael Diosxotse pomatkoicha duilaliajwas, wajpaklon Jesucristo sɔapich.

7

Amxot jum-aechpox nakjiyaxliajwa, Moisés chajia lelpoxliajwabej

¹ Takoew, xamal matabijam Moisés chajia lelpox. Samata, matabijambej, jiw tato'las Moisés chajia lelpox naexasisliajwa, laelp wuti ampathatat. Pe japi tɔp wut, wewe'pa-esal Moisés chajia lelpox.

² Jachiyaxaelbej pawis, pamalpow. Japow fo'axil pamal, asan aton fisliajwa. Pe pamal tɔp wut, ja-aech wut, Moisés chajia lelpox tapaei japow asan aton fisliajwa.

³ Japow pamal naetɔpa-esal wut, asan aton naebu'moejt wutow pamal, japow pawis babijax isaxael Diosliajwa. Japow pamal tɔp wut, ja-aech wutlax, japow tapaeis fisliajwa asan aton pamalliajwapow. Fit wutow asan aton, japox chaemilaxil Diosliajwa.

⁴ Takoew, pawis pamalpow, japow naexasit pamal tato'laspoxan. Xam-albej majt ja-am, naexasitam wut Moisés chajia lelpox. Pe Jesucristo tɔp wut cruztat, jawutbej xatis, me-ama, Cristo sɔapich, tɔps wut cruztat, jatis. Jatis wut, Moisés chajia lelpox, me-ama toep wut, ja-aech xatisliajwa kaes naexasisasamatas. Samata, japox kaes naexasisaxisal. Amwutjel xamal Jesucristo pejjiwam, japon tɔp wut, mat-ech pejme dukaliajwa. Samatabej, isfulam Dios pijax bichax.

⁵ Majt xatis Jesús pejwɔajan naexasis-esal wut, wajut babijaxan isasi-aspoxan isas. Jawutbej Moisés chajia lelpox japoxan naktapae-el. Pe xatis japox jumtaens wut, kaes asɔuan jumch namaekchas babijaxan isliajwas. Samata, ampathatat laelpas wut, diachwɔajnakolax chiekal napelslapas Diosliajwa.

⁶ Pelax amwutjel, Cristo sɔapich, me-ama tɔps wut, jatis xot, kaes naexasisaxisal Moisés chajia lelpox. Duils Dios tanbichliajwas. Espíritu Santo nakkajachawaet xot, nejchaxoels pajelnejchaxoelaxan Dios tanbichliajwas. Samata, japabichax isas wut, nejchaxoela-esal Moisés chajia lelpox naexasisliajwas.

Amxot jum-aechpox Moisés chajia lelpoxliajwa, puexa jiw babijaxan ispoxanliajwabej

⁷ Asew jiw nejchaxoel wut, bej jumchiyaxaelbejpi ampox: “Moisés chajia lelpox pachaema-el” —bej aechbejpi, nejchaxoel wut. Ajil wut Moisés chajia lelpox, ja-aech wut, jiw matabijaxil pachaema-elpoxan isasamata. Moisés chajia lelpox jum-aech: “Xam taenam wut asan pijax, jnabej nejchaxoele' xam

nijaxliajwa!” —aechox. Japox ajil wut, xan matabijsaxinil pachaema-elpox, nejxasinkax wut asan pijax xan tajaxliajwa.

⁸ Xan matabijtax Moisés chajia lelpox. Nafiat is-elaliajwan babijaxan. Do jawut, xan kaes asbuan jumch namaekchax babijaxan isliajwan. Nafiatpoxan naexasis-enil. Samata, xabich nejchaxoelx isliajwan japoxan. Ajil wut Moisés chajia lelpox, xan nejxasinkaxinil japoxan, babijaxan, isliajwan.

⁹ Moisés chajia lelpox matabijs-enil wutfuk, xan nejchaxoelx: “Xan kaes pejme pachaeman” —an, nejchaxoelx wut. Do jawux, tajut chiekal matabijtax Moisés chajia lelpox. Jawutbej tajut chiekal matabijtax chiekal naexasis-enilpox Moisés chajia lelpox. Samata, matabijtax Dios nakastikaxaelpox, xan nakiowa isx xotfuk babijaxan.

¹⁰ Dios waelt Moisés chajia lelpox xan naexasisliajwan, chiekal dukaliajwanbej. Xan chiekal naexasis-enil xot Moisés chajia lelpox, xan tajut matabijtax nafo'axaelenpox Diosliajwa, babijaxan isx xot.

¹¹ Do jawut, chiekal nejchaxoelx: “Xan naexasisaxaelen Moisés chajia lelpox chiekal dukaliajwan” —an, nejchaxoelx wut. Xan nejxasinka-enil isliajwan Dios natapae-elpox. Pe ja-an wut, xan nakiowa asbuan jumch namaekchax babijax isliajwan. Samata, Moisés chajia lelpox chiekal naexasis-enil xot, nafo'ax Diosliajwa.

¹² Moisés chajia lelpox tato'alpoxan, fiatpoxanbej, pachaem jiw naexasisliajwa.

¹³ Asew jiw nejchaxoel wut, bej nejchaxoelaxaelbejpi: “Moisés chajia lelpox chiekal pachaema-el. Japox naexasis-esal wut, Dios xatis nakkastikaxael” —bej chiyaxaelbejpi, nejchaxoel wut. ¡El! Japox chaemila-el. Xatis wajut babijaxan isas xot, Dios nakkastikaxael. Dios japox chajia waelt tato'laxan Moiséstat xatis wajut matabijaliajwas, babijaxan isas wut.

¹⁴ Xatis matabijas. Moisés chajia lelpox Dios chajia waelt ampathatat chiekal xatis laelpaliajwas. Pe nakiowa, chiekal puexa naexasis-esal Moisés chajia lelpox. Asbuan jumch kaes namaekchas isliajwas babijaxan.

¹⁵ Xan isasian pachaempoxan. Pe nakiowa, japoxan is-enil. Asax nejxasinka-enilpox isliajwan, japoxlax isx. Ja-an wut, baxael tajut chiekal nejchaxoelx: “Ma-aech xot xan japox isx” —an, tajut nejchaxoelx wut.

¹⁶ Isx wut nejxasinka-enilpox, xan xabich nanejxaejow, japox isx wut. Samata, xan tajut matabijtax. Moisés chajia lelpox pachaem, nakfiat xot babijax isasamatas.

¹⁷ Baxael, tajut chiekal nejchaxoelx: “Xan babijaxan isxpoxan tajut is-enil. Tajnejchaxoelax nato'a xan babijaxan isliajwan” —an, nejchaxoelx wut.

¹⁸ Xan tajut matabijtax tajnejchaxoelax, xabich pachaema-elpox. Xan nejxasinkax isliajwan pachaempoxan. Pe nakiowa, japoxan isaxinil.

¹⁹ Samata, xan is-enil nejxasinkaxpoxan. Isxlax nejxasinka-enilpoxan.

²⁰ Tajut nejchaxoelx wut, jum-an: “Japoxan xan tajut is-enil. Tajnejchaxoelax, pachaema-elpox, nato'a isliajwan babijaxan” —an, nejchaxoelx wut.

²¹ Xan tajut matabijtax. Pachaempox isasian wut, jumch isx babijax.

²² Nejxasinkax naexasisliajwan Moisés chajia lelpox.

²³ Pe nakiowa, tajbabejnechaxoelax natapae-el chiekal nejchaxoelaliajwan. Samata, isx babijaxan.

²⁴ ¡Xan xabich nabijatax! ¡Babijaxan isx xot, bej nafo'axaelenbej potmatkoicha Diosliajwa! ¿Achankat xan nakajachawaesaxael nabu'welajwa nafo'a-elaliajwan Diosliajwa?

²⁵ Kaen Dios xan nabu'weyaxael nejchaxoelasamatan babijaxan. Samata, Dios kawuajnax wut, gracias-an Diosliajwa, nakajachawaet xoton. Dios to'a

wajpaklon Jesucristo xatis nakkajachawaesliajwa. Samata, naexasis-enil tajnejchaxoelax. Xan matabijtax naexasisaxaelenpox Moisés chajia lelpox. Pe nakiowa, tajnejchaxoelax nato'a babijaxan isliajwan.

8

Chiekal duilpox, Jesús pejwujajan naexasiti, kajachawaesfulas xoti, Espiritu Santo

¹⁻² Xatis majt napeltas Diosliajwa. Pe amwutjel, naexasich xot Jesús pejwujajan, Dios nakkastikaxil. Espiritu Santo nakkajachawaet xot, chiekal duils Diosliajwa. Jesús tɔp wut cruztat, Dios nakbeltaen babijaxan isaspoxanliajwa. Xatis kaes is-esal isasiaspoxan, pachaema-elpoxan.

³ Xatis chiekal naexasis-esal puexa Moisés chajia lelpox. Samata, xatis wajut weyaxisal babijaxan isaspoxantat. Pe nakiowa, Dios nakbu'welija to'a paxulan nalaesliajwa ampathatat. Japon pejbu't, me-ama xatis wajbu'an wut, ja-aech. Do baxael, japon tɔp wut cruztat, nakwemot xatis babijaxan isaspoxanliajwa. Ja-aech wut, Dios toet babijaxan xatis isaspoxan.

⁴ Dios japox is xatis isliajwas pachaempoxan, me-ama Moisés chajia lelpox jum-aech. Wajnejchaxoelaxan, babijaxan, nakto'a isliajwas pachaema-elpoxan. Amwutjel japoxan is-esal. Isas Espiritu Santo nakto'apoxan.

⁵ Nejchaxoelaxan, babijaxan, jiw to'as isliajwa babijaxan. Pelax Espiritu Santo tato'laspi, japi nejchaxoel isliajwa Espiritu Santo nejxasinkpoxan.

⁶ Jiw nejchaxoelpe wewe'paspoxankal pajutliajwa, japi jiw napelsaxael Diosliajwa. Japibej Dios kastikaxaes. Asewlex, nejchaxoelpe Espiritu Santo nejxasinkpoxankal, japi jiw chiekal duilaxael, asew jiw suapich. Asamatkoi japi jiw duilaxaelbej Diosxotse.

⁷ Jiw, nejchaxoelpe babijaxan isaxan, japi Dios padaelmajiw. Japoxan nejchaxoel xoti, nejweslapi naexasisliajwa Moisés chajia lelpox. Japi japox naexasisaxilbej.

⁸ Samata, jiw babijaxan is, pajut nejxasinkpoxan. Is-el Dios nejxasinkpoxan.

⁹ Amwutjel Espiritu Santo diachwujnakolax xamal nejmatpuatanxot duk xot, isfulam Espiritu Santo nejxasinkpoxan. Is-emil majt najut isfulampoxan, nejxasinkampoxan isliajwam. Jiw pejmatpuatanxot Espiritu Santo duka-el wut, japi jiw Cristo pejjiwa-el.

¹⁰ Xamal Jesucristo pejjiwam xot, pomatkoicha duilaxaelam Diosxotse, babijaxan isampoxan ajil xot Diosliajwa. Pefuk xamal ampabu'tam xot, majt tɔpaxaelam, isam xot babijaxan.

¹¹ Jesús tɔp wut, Dios mat-echpon pejme dukaliajwa. Samata, xamalbej asamatkoi tɔpam wut, Dios mat-eyaxael pejme duilaliajwam, Espiritu Santo duk xot nejmatpuatanxot.

¹² Takoew, isaxaes Dios nejxasinkpoxan. Isaxisal wajut nejxasinkaspoxan, babijaxan.

¹³ Isam wut babijaxan, najut nejxasinkampoxan, asamatkoi tɔpam wut, xamal napelsaxaelam Diosliajwa. Babijaxan isampoxan kofam wut, Espiritu Santo xamal kajachawaet xot, ja-am wut, xamal duilaxaelam pomatkoicha Diosxotse.

¹⁴ Espiritu Santo jum-aechpoxan ispi, japi jiwlap Dios paxi.

¹⁵ Amwutjel Espiritu Santo nakkajachawaet. Dios to'a wut Espiritu Santo xatisxotaliajwa, to'a-elon xatis wajlewlaliajwa Dios nakkastikaxaelpoxliajwa. Diachwujnakolax xatis Dios paxis. Samata, Espiritu Santo nakka-jachawaet xatis jumchiliajwas Dios: “iTaj-ax Dios!” —chiliajwas.

¹⁶ Espiritu Santo nakkajachawaet xot, xatis chiekal matabijas Dios paxispi.

¹⁷ Xatis Dios paxis xot, asamatkoi Dios nakkajachawaesaxael, japon nakjumdut xot. Jawut xatis, Jesucristo sɯapich, jiw tato'laxaes Diosxotse. Jesucristo majt nabijat, asew jiw babijax is wut japonliajwa. Xatis nabijatas wutbej, Jesús pejwɯajan naexasich xot, asamatkoi Diosxotse duilaxaes, Dios pej-itliakaxxotse.

Nejchachaemilpox naexasiti Jesús pejwɯajan

¹⁸ Xatis nabijatas ampathatat. Xan japox nabijasaxliajwa nejchaxoela-enil. Pelax xan nejchaxoelx asamatkoi nakwepachaemaxaelpoxliajwa, Jesucristo pejme pask wut.

¹⁹ Dios ispi ampathatat, japi xabich piach wɯajnewet Dios jumchiyaxaelpox jumtaeliajwapi: “Ampi jiw, taxi” –chiyaxaelpox xatisliajwa.

²⁰ Xabich chajiakolaxtat, Dios ampathat is wut, do baxael, Adán babijax is wut, Dios jum-aech kastikaxaelpox ampathatliajwa. Samata, asamatkoi, Dios markpox, matkoi, pat wut, Dios ampathat toesaxael pajelthat xaliaxsliajwa.

²¹ Dios pajelthat xaliaxt wut, puexa Dios ispoxan pejme pachaemaxael. Jawut ajilaxael patɯpax. Ajilaxaelbej xoepax. Japoxan jachiyaxael, Dios chaxduiyaxael wut paxiliajwa pachaempoxan.

²² Xatis matabijas, puexa nejmach, ampathatpijiw, nabijat. Me-ama kaeow pawis boejpuns wut yamxuch nalaelsliajwa, ja-aech japox.

²³ Xatis nabijatasbej. Matabijas Espíritu Santo wajmatpɯatanxotpox. Samata, asamatkoi Dios kaenanɯla nakchaxduiyaxael pajelbɯ't, xatis Dios paxis xot. Jatis wut, kaes tɯpaxisal. Japamatkoitat xatisliajwa Dios nakjumchiyaxael: “Ampi taxi” –chiyaxaelon.

²⁴ Xatis chiekal naexasich Jesucristo tɯppox xatisliajwa. Samata, matabijas Dios nakbɯ'xaliaxaxaelpox pajelbɯ'taliajwas. Japox xatis wɯajnewech. Xatis ma amwut, pajelbɯ'tas wut, ja-aech wut, nakwewe'paxil wɯajnewesliajwas pajelbɯ't, nakbɯ'xaliaxaxaelpox.

²⁵ Tae-esal xotfuk wɯajnewechpox, nakiowa wɯajnewesfulaxaes.

²⁶ Espíritu Santo nakkajachawaesful, wajxanaboejxan chiekal mamnika-el xot Diosliajwa, chiekal matabija-esal xotbej Dios kawɯajnalialjwas. Samata, Espíritu Santo Dios nakwekawɯajnaful xatisliajwa.

²⁷ Dios matabijt xatis nejchaxoelspoxan. Samata, Espíritu Santo Dios kawɯajan wut xatisliajwa, matabijton, Espíritu Santo nakwekawɯajan xot, me-ama Dios nejxasink.

Nejchachaemlaxaelpox Jesús pejwɯajan naexasiti, wɯepach wut pachaemelpoxan

²⁸ Xatis, Dios nejxasinkaspis, chiekal matabijas ampox. Naktapat wut pachaema-elpoxan, o, pachaempoxanbej, ja-aech wut, japoxan pachaemaxael xatisliajwa. Dios chajia nejchaxoel xatisliajwa asamatkoi jachiyaxaelpox.

²⁹ Dios chajia matabijt xatis naexasisaxaes pox Jesús pejwɯajan. Dios chajia nejchaxoelbej xatis, japon paxi wut, jachiliajwas. Samata, Jesucristo, me-ama wajkoewan, matxoelapijin, ja-aechon. Xatis, me-ama wachakalpijwas wut, jatis.

³⁰ Me-ama Dios chajia nejchaxoel asamatkoi xatis japon paxiliajwas, jasoxtat Dios nakmakanot japon pejiwaliajwas. Samata, xatis, Jesús pejwɯajan naexasich wut, pachaems Diosliajwa, majt babijaxan isaspoxan ajil xot Diosliajwa. Samata, asamatkoi, xatis jiw tato'laxaes, Jesucristo sɯapich.

³¹ Jatis wut, ¿achaxkat kaes xatis jumchiyaxaes? Dios xatis nakkajachawaet wut, ¡chinax kaen aton nakmalechaxil xatisliajwa!

³² Dios pasiowla-el paxulan japon tupaliajwa, xatis nakbu'welialjwa. Samata, matabijas, Dios nakchaxduiyaxael puexa xatis nakwewe'poxan.

³³ Dios nakmakanot japon pejiwaliajwas. Samata, chinax kaen aton nak-tasalaxil babijaxan isaspoxanliajwa, xatis majt babijaxan isaspoxan chiekal ajil xot Diosliajwa.

³⁴ Chinax kaen aton to'axilbej nakkastikaliajwa babijaxan isaspoxanliajwa, Jesucristo tup wut, mot xoton xatis babijaxan isaspoxanliajwa. Tup wut, Dios mat-echpon pejme dukaliajwa. Amwutjel ek pax Dios poklalel. Samata, Jesús Dios kawuajnaful xatis nakkajachawaesfulaliajwa.

³⁵ Chinax kaen aton xajupa-el asax isliajwa, Cristo nakkofaliajwa xatis naknejxasinkpox. Nabijatas wut, Cristo nakiowa naknejxasinkaxael. Puexa chiekal pachaema-el wutbej xatisliajwa, Cristo nakiowa naknejxasinkaxael. Asew jiw babijaxan is wutbej xatisliajwa, Dios chiekal xanaboejas xot, Cristo nakiowa naknejxasinkaxael. Xabich litaxaelas wutbej, nakwe-ajil wutbej naxoeliajwas, pe nakiowa Cristo naknejxasinkaxael. Chachoel wutbej, asew jiw nakbesia xot, Cristo nakiowa naknejxasinkaxael.

³⁶ Dios pejjamechan, chajia lelsopox, jum-aechox David jum-aechpox Diosliajwa:

“TajDios, xanal pomatkoicha asew jiw nabesia, nejjiwan xot. Me-ama ovejas tadukafulas wut xua'asliajwas, jachisiabejpi asew jiw xanalliajwa” — aechox.

³⁷ Xatis nabijatas wut, babijaxan naktapat xot, nakiowa mamnikafulaxaes, Cristo naknejxasinkpon nakkajachawaesful xot.

³⁸ Xan chiekal matabijtax ampox. Chinax kaeyax, asax, xajupaxil xatis nakdiajkaliajwa Dios naknejxasinkpox. Wajpatupax, wajnabijasaxbej, japoxanbej nakdiajkaxil Dios naknejxasinkpox. Ángeles, depbej, nakdiajkaxil Dios naknejxasinkpox xatis. Asaxan babijaxan naktapat wut xatisliajwa, asamatkoi pasaxaelpoxanbej, japoxanbej xatis nakdiajkaxil Dios naknejxasinkpox.

³⁹ Puexa Dios ispoxan athuxotse, thatxotbej, japoxan xatis nakdiajkaxil Dios naknejxasinkpox. Asewbej, Dios ispoxan, kaeyax nakdiajkaxil Dios naknejxasinkpox. Xatis matabijas Dios naknejxasinkpox, to'a wuton wajpaklon Jesucristo tupaliajwa puexa xatis babijaxan isaspoxanliajwa.

9

Dios makanotpox judíos japon pejiwaliajwa

¹ Xan jum-anpoxan diachwujnakolax. Kichachajba-enil, Jesús pejwujajan naexasitx xot. Espíritu Santo nakajachawaet xot, matabijtax xan jum-anpoxan xamalliajwa, japoxan diachwujnakolax.

² Xan xabich nanejxaejow, asew judíos naexasis-el xot Jesús pejwujajan. Xabich nanejxaejowbej, nejchaxoelx wut japiliajwa.

³ Samata, xan nejchaxoelx japiliajwa: “Dios natapaeyaxael wut, nejxasinkax xan nafo'aliajwan Diosliajwa, Cristo pej-apóstol-elaliajwanbej, tajjiw judíoslax Dios bu'welialjwas” —an, nejchaxoelx wut. Pe Dios natapaeyaxil japox jachiliajwan.

⁴ Tajwujajnapijiw, judíos, Israel pamojiw, japi makanoch Dios japon pejiwaliajwapi. Ja-aech wut, Dios japixot. Samata, japi taen pomatkoicha Dios pej-itliakax. Chajia jamtisbejpi kajachawaesliajwas. Japiliajwa waeltas

Moisés chajia lelpox japi naexasisfulaliajwa. Samata, israelitas matabija Dios kawhajnafulaliajwa. Matabijabejpi Dios chajia jum-aechpox bu'welialjwas.

⁵ Abraham, Isaac srapich, Jacobbej, japi judíos pejwajnapijiw. Cristo nalaelt judíosxot. Samata, Cristo judíos-aton. Japon pajutbej Dioslape, puexa jiw tato'laliajwa. Samata, pomatkoicha puexa jiw jumchiyaxaeson: “Japon xabich pachaem” –chiyaxaeson. Jasox jachiyaxael japonliajwa.

⁶ Judíosxot asew jiw naexasis-el Dios chajia jum-aechpox. Samata, Dios is-el chajia jum-aechpox japi jiwliajwa. Ja-aech wut, xatis jumchiyaxisal: “Dios is-el puexa judíosliajwa chajia jum-aechpox” –chiyaxisal xatis. Dios kaesrapich makanot judíosxot japon pejjiwaliajwa. Dios puexa makanos-el judíos japon pejjiwaliajwa.

⁷ Abraham xabich pamojiw. Pe nakiowa, puexa Abraham pamojiw Dios pejjiwa-el. Dios chajia jum-aech Abrahamliajwa: “Xam kolenje naxulan. Pe kaen, naxulan Isaac, pamojiw, japi namojiwkola wulxael” –aech Dios Abrahamliajwa.

⁸ Samata, xatis chiekal matabijas, puexa Abraham pamojiw Dios pejjiwaxil. Dios naexasitikal, japi diachwajnakolax Abraham pamojiwkolaxael. Japi Dios paxiyaxaelbej.

⁹ Abraham xijil wutfuk, Dios chajia jum-aech Abrahamliajwa: “Kaewaech wut, pejme xamxot pasaxaelen. Jawut nijow Sara paxulchaxaelisow” –aech Dios, jumdut wut Abrahamliajwa.

¹⁰ Do jawux, kaewaech wutlejen, Isaac nalaelt, pat wut Dios jumdutpox. Do jawux, pin-iawaechan wut, Isaac pijow fit. Japow pawul Rebeca. Moejow wut, kolenje na-o'a faekow.

¹¹⁻¹³ Na-o'a nalaela-el wutfuk, japi is-el wutfuk babijaxan, is-el wutbejfuki pachaempoxan, Dios jum-aech Rebecaliajwa: “Matxoelapijin tato'laxaes pakoewan, wachakalpijin” –aech Dios Rebecaliajwa. Baxael, japiliajwa Dios pejjamechan, chajia lelpox, jum-aechox, Dios jum-aech wut: “Xan kaes nejxasinkax wachakalpijin, pawalpon Jacob. Matxoelapijin, pawalpon Esaú, nejxasinka-enillejen” –aech Dios. Jasoxtat Dios makanotbej jiw nejxasinkpipon pejjiwaliajwa. Dios jiw makanot wut pejjiwaliajwa, jumchi-elon: “Xan jiw makanosaxaelen, ispi pachaempoxan” –chi-el, Dios nejchaxoel wut.

¹⁴ Xatis jumchiyaxisal: “Dios jasoxtat makanot wut, japox chiekal pachaema-el” –chiyaxisal. Dios puexa ispoxan xabich pachaem.

¹⁵ Dios jum-aech Moisésliajwa: “Xan aton beltaesian wut, japon aton beltaeyaxaelen” –aech Dios.

¹⁶ Aton nejxasink wut Dios beltaeliajwas babijaxan ispoxanliajwa, o, nejxasinka-el wuton beltaeliajwas, pe nakiowa, Dios nejxasink wut, japon aton Dios beltaeyaxaes babijaxan ispoxanliajwa. Aton xabich Dios tanbist wut, o, tanbich-el wut, pe nakiowa, Dios nejxasink wut, japon aton beltaeyaxaes.

¹⁷ Dios pejjamechan, chajia lelpox, jum-aech Dios jum-aechpox rey, Egipto tujajnapijinliajwa: “Xam tapaeix xot, amwutjel xam puexa ampatujajnapijiw tato'lam. Xan koechaxan isaxaelen xamal nabijasliajwam, tajjiw tapae-emil wut nakolaliajwa nejtuajnxot. Puexa ampathatpijiw namatabijaxael xan, diachwajnakolax xan Diosnanponan” –aech Dios rey Egipto tujajnapijinliajwa.

¹⁸ Samata, Dios jiw beltaesia wut, beltaeyaxaelon. Naexasis-elpi Dios tato'alpox, japi jiw Dios tapaeis naexasis-elaliajwa Dios tato'alpox.

¹⁹ Pe xamal bej jumchiyaxaelambej xanliajwa: “Jiw naexasis-el wut Dios tato'alpox, japi jasox tapaeis jachisfulaliajwa pomatkoicha. Ja-aech wut, japi

Dios kastikaxisal” —bej chiyaxaelambej xanliajwa.

²⁰ ¡Xamal jasox nabej jum-aech! Diosliajwa! ¡Nabej jum-aech!bej: “Dios is pachaema-elpox” —nabej aeche! Baext xajupaxael wut naksiyaliajwa, jumchiyaxil baex fa'sanliajwa: “Xam na-isam baextat. ¿Ma-aech xotkat xan na-isam baextat?” —chiyaxil baext.

²¹ Baex fa'sanliajwa tampoela-el isasiapoxan isliajwapon bux-astat. Japonliajwa tampoela-el isliajwa baext, chimiat, esliajwa puexa jiw taeliajwa. Japonliajwa tampoela-elbej asat isliajwa, xachat-etpotliajwa.

²² Diosbej ja-aech. Isasiapoxan ispon jiwliajwa. Japon xabich kastikaxael jiw, babijaxan ispi, pajut japi jiw matabijaliajwa japon xabich palalapox, pejpamamaxbej. Pe Dios piach xabich boejtaliat jiw babijaxan ispi kastikaelaliajwapon. Japilach chiekal toesaxaespi, Dios kastikas wut.

²³ Dios bu'weyaxaelpi, japi jiw bu'weyaxaelon. Dios nakbeltaen xatis babijaxan isaspoxanliajwa, jiw pajut matabijaliajwa, japon xabich pachaempon. Dios chajia nakmakanot, nalaela-esal wutfuk japon pejiwaliajwas, pomatkoicha duilaliajwas japonxotse.

²⁴ Dios nakmakanot wut japon pejiwaliajwas, judioskal makanos-elon. Makanotbejpon judios-elpi. Puexa xatis Dios nakmakanot japon pejiwaliajwas.

²⁵ Profeta Oseas chajia lelpox jum-aech, Dios jum-aech wut judios-elpiliajwa: “Majt tajjiwa-elpi, japiajwa xan jumchiyaxaelen: ‘Ampi jiw, tajjiw’ —chiyaxaelen. Japi jiw, majt nejxasinka-enilpi, amwut japiajwa jumchiyaxaelen: ‘Ampi jiw, tajjiw, xan japi nejxasinkax’ —chiyaxaelen.

²⁶ Japiajwabej, xan majt jum-an: ‘Xamal tajjiwa-emil’ —an, asamatkoi japi jiw xan nanaexaxisaxael. Jawut asew jiw jumchiyaxaes japiajwa: ‘Ampi jiw, Dios pomatkoicha dukpon, japon paxi’ —chiyaxaes!” —aechox profeta Oseas chajia lelpox, Dios jum-aech wut judios-elpiliajwa.

²⁷ Profeta Isaías chajia ampox jum-aech judiosliajwa: “Israel pamojiw xabich pin-iataxael. Me-ama thaejbelen marxot xabichjim, jachiyaxael Israel pamojiw. Pe japixot kaesupich Dios bu'weyaxaes.

²⁸ Asamatkoi potujnuchanpijiw, babijaxan ispi, kamta kastikaxaespi Dios” —aech profeta Isaías judiosliajwa.

²⁹ Profeta Isaías chajia jum-aechbej:

“Dios, xajup puexa isliajwa. Dios nakbeltaeyaxil wut, puexa xatis chiekal naktoesaxaelon. Me-ama Sodoma paklowaxpijiw, Gomorra paklowaxpijiwbej, chiekal toech wut, jachiyaxaelbejpon xatisliajwa, Dios naktoesaxael wut xatis” —aech profeta Isaías.

Amxot jum-aechpox judiosliajwa, Jesusliajwabej

³⁰ Xatis matabijas. Majt judios-elpi nejchaxoel wut, chiekal nejchaxoela-el: “¿Machiyaxaes pachaemaliajwas Diosliajwa, babijaxan isaspoxanliajwa?” —chi-eli, nejchaxoel wut. Amwutjel judios-elpi Jesus pejwujajan chiekal naexasit xoti, japi majt babijaxan ispoxan wejisallisi Diosliajwa.

³¹ Judioslax nakaewa najum-aech: “Moisés chajia lelpox chiekal naexasich pachaemaliajwas Diosliajwa” —aech judios nakaewaliajwa. Pe nakiowa, judios chiekal naexasis-el Moisés chajia lelpox. Samata, nakiowa judios babijaxan isful.

³² Naexasis-eli Jesus tuppox japiajwa, japi nakiowafuk pejbuwujajan Diosliajwa. Asbuan jumch nakaewa najum-aechi: “Xatis naexasich wut Moisés chajia lelpox, pachaemaxaes Diosliajwa” —aechi asbuan jumch nakaewa. Samata, judios babijaxan is xot, napelti Diosliajwa.

³³ Dios pejjamechan, chajia lelspx, jum-aech, Dios chajia jum-aechpox paxulan to'axoekpoxliajwa:

“Xan to'axaelen taxulan Jerusalén paklowax poxadik, japon jiw bu'welija
japi babijaxan ispoxanliajwa. Asew jiw japon xanabojaxili. Japi jiw
chiekal napelsaxael xanliajwa. Asew jiw lax, taxulan xanabojaxaelpi.
Japilax napelsaxil xanliajwa” –aech Dios, chajia jum-aech wut.

10

¹ Takoew, xan nejxasinkax puexa judíos Dios bu'welija. Samata, Dios kawuajna xapiliajwa.

² Judíos xabich isasia Dios nejxasinkpoxan Dios nejchachaemliajwa japiliajwa. Pe japoxan is wut, Diosliajwa japoxan pachaema-el, chiekal matabija-el xoti isliajwa Dios nejxasinkpoxan.

³ Japi judíos pajut chiekal matabija-el Dios isaxaelpox japi babijaxan ispoxan chiekal ajilaliajwa Diosliajwa. Samata, japi chiekal matabija-el wut, nejchaxoel: “Xatis naexasich wut Moisés chajia lelpox, chiekal pachaemaxes Diosliajwa” –aechi asbuan jumch, nejchaxoel wut. Samata, ja-aech wut, japi naexasis-el Jesús tuppox japiliajwa pachaemaliajwapi Diosliajwa, meama Dios nejxasink japi naexasisliajwa Jesús pejwajan.

⁴ Japi judíos naexasisaxael wut Jesucristo tuppox puexa jiwliajwa, ja-aech wut, japi babijaxan ispoxan ajilaxael Diosliajwa. Samata, ja-aech wut, japi nejchaxoelaxil ampx: “Xatis naexasisaxael Moisés chajia lelpox pachaemaliajwas Diosliajwa” –chixaxili, nejchaxoel wut.

⁵ Asew jiw chiekal matabija-el xot, nejchaxoel: “Xatis diachwajnakolax naexasich wut Moisés chajia lelpox, babijaxan isaspoxan ajilaxael Diosliajwa” –aechi asbuan jumch, nejchaxoel wut. Jasi jiwliajwa Moisés chajia lelpox jum-aech: “Aton chiekal naexasit wut puexa xan lelpox, japon pomatkoicha dukaxoei Diosxotse” –aechox. Pe aton puexa chiekal naexasisaxil Moisés chajia lelpox.

⁶ Pelax chiekal naexasich wut Jesucristo tuppox babijaxan isaspoxanliajwa, jatis wut, Dios nakbeltaeyaxael xatis babijaxan isaspoxanliajwa nakbu'welija. Samata, Dios pejjamechan jum-aech: “Xamal nejchaxoelam wut, nabey nejchaxoele: ‘¿Achan Dios poxaxoei buflaeliajwasik Cristo, japon nakkajachawaesliajwa pachaemaliajwas Diosliajwa?’ –nabey aeche’, nejchaxoelam wut, japon fuoek xotlison!”

⁷ jXamal nabey nejchaxoele'bej: ‘¿Achankat fulaeyaxaek tupi pej-aelan duil poxadik, jaxotsin Cristo buflaeliajwasin nakkajachawaesliajwa pachaemaliajwas Diosliajwa?’ –nabey aeche', nejchaxoelam wut!” Cristo jaxota-eldik. Chajia mat-echpon. Ma amwutjel duklison pejme.

⁸ Dios pejjamechan, chajia lelspx, jum-aech wut, jum-aechox: “Dios pejjamechan xamal chiekal naexasitam. Samata, jum-am Dios pejjamechanliajwa. Nejchaxoelambej japoxanliajwa” –aechox. Japajamechan xamal naewuajna xapiliajwam Cristo tuppox xamalliajwa.

⁹ Xatis ampx nejchaxoels wut: “Diachwajnakolax Jesús tux wut cruztat, Dios mat-echpon pejme dukaliajwa” –tis wut, xatis juxtis wutbej asew jiw nakjuxtaeliajwa: “Jesús tajpaklon” –tis wut xatis, Dios nakbu'weyaxael.

¹⁰ Pe xatis kaenanula juxtis wut: “Jesucristo cruztat tux xanliajwa” –tis wut, nejchaxoels wut, ja-aech wut, babijaxan isaspoxan ajil Diosliajwa. Xatis asew jiw juxtis wut: “Jesucristo, japon tajpaklon” –tis wut, Dios nakbu'weyaxael.

11 Dios pejjamechan, chajia lelsprox, jum-aech wut, jum-aechox jiw Jesús xanaboejaxaelpiliajwa: “Jiw xanaboeja wut Cristo, japi jiw napelsaxil japonliajwa” –aechox.

12 Judíos, judíos-elpibej, Dios puexa chiekal taen. Dios paklon puexa jiwliajwa. Jiw Dios kawuajan wut, Dios kajachawaet japi jiw.

13 Xatis japox matabijas, Dios pejjamechan, chajia lelsprox, jum-aech wut, jum-aech xotox: “Puexa jiw wajpaklon Dios kawuajan wut bu'welijwas, japi jiw bu'weyaxaes” –aech xotox.

14 Jiw kawuajnael Dios bu'welijwas, naexasis-el wuti Jesucristo tæppox japi jiw babijaxan isproxanliajwa. Naexasisaxilbejpi Jesús pejwuajan, jumtae-el wut Jesucristo pejwuajan. Jiw jumtaeyaxilbej Jesucristo pejwuajan, asan aton ajil wut naewuajnalijwas japon pejwuajan.

15 Asan aton fulaeyaxilbej naewuajnalijwa Jesús pejwuajan, japon aton to'a-esal wut. Dios pejjamechan, chajia lelsprox, jum-aech wut, jum-aechox Jesús pejwuajan naewuajnaelapiliajwa: “¡Xabich pachaemdo', japi jiw xapat xot chimiawuajan a sew jiw naewuajnalijwa!” –aechox.

16 Xabich jiw naewet Jesucristo pejwuajan. Pe kaesapich jiw naexasit japawuajan Dios bu'welijwas. Majt chajia japox ja-aechbej. Jiw naexasis-el profeta Isaías jum-aechprox. Ja-aech wut, profeta Isaías jum-aech Diosliajwa: “Tajpaklon Dios, xabich jiw naexasis-el chimiawuajan, naewuajnael wut. Jumch kaesapich naexasit” –aech profeta Isaías.

17 Naexasiti Jesucristo pejwuajan, japi jiw naexasit japawuajan, naewet xoti japawuajan.

18 Judíos jumtaen Jesús tæppox japi babijaxan isproxanliajwa. Pe nakiowa, japi japox naexasis-el. Samata, Dios pejjamechan, chajia lelsprox, jum-aech wut, jum-aechox:

“Dios pejjamechan naewuajnaelapi, japi jiw potuajnael naewuajnael Dios pejjamechan” –aechox.

19 Judíos chiekal jumtaen Jesús tæppox japi babijaxan isproxanliajwa. Pe japi naexasis-el japox. Moisés chajia jum-aech judíos naexasisaxilprox. Jum-aechbejpon judíos-elpiliajwa japi Dios naexasisaxaelprox. Japoxanliajwa Moisés chajia lelprox jum-aech judíosliajwa:

“Dios jum-aech xamallijwa: ‘Asatuajnael, judíos-elpi, japi tajjiwaxael. Samata, xamal nusasiowlaxaelam japiliajwa. Japi majt matabijaelpi tajjamechan. Pe asamatkoi judíos-elpi, japi xan nanaexasisaxael. Samata, xamal nalalaxael japiliajwa’ –aech Dios xamallijwa” –aech Moisés chajia lelprox.

20 Baxael, Isaíasliajwa chachoel wut, nakiowa lelon Dios chajia jum-aechprox judíos-elpiliajwa:

“Judíos-elpi majt nejchaxoela-el xan nanaexasisliajwa. Asamatkoi japi xan nanaexasisaxael. Judíos-elpi, japi a sew jiw wuajnael-eli xanliajwa, japi xan tapaeyaxaelen nanaexasisliajwa” –aech Dios judíos-elpiliajwa, profeta Isaías chajia lel wut.

21 Profeta Isaías chajia lel Dios jum-aechprox judíosliajwa: “Pomatkoicha xan nejxasinkax judíos. Pe japi naexasis-el xan pachaemalijwan japiliajwa” –aech Dios.

11

A sew judíosxot Dios bu'weyaxaesprox

1 ¿Dioskat koft pejjiw judíos? ¡El! Dios kofs-el pejjiw judíos. Xanbej judíos-atonan, Abraham pamonan, Benjamín pamonanbej.

² Chajiakolaxtat Dios makanot pejiwaliajwa tajwajnapijiw, israelitas. Samata, amwutjel Dios nejwesla-el israelitas. Xamal matabijam Dios pejjamechan jum-aechpox profeta Eliasliajwa. Japon Dios kawhajan wut, tasalapon israelitas. Jum-aechon:

³ “Tajpaklon Dios, israelitas xabich beful nejprofetas. Toetbejpi nejew altar. Xan kaenan namanx nejprofetas beflaspixot, xam kawhajnaxponan. Xanbej israelitas naboesia” —aech profeta Elias Diosliajwa.

⁴ Do jawut, Dios jum-aech profeta Eliasliajwa: “iXam kaena-emil! Xan tajjiw, siete mil poejiw, israelitas. Japi chiekal xan nanaexaxisful. Japi israelitas nuila-elbej brixtat kawhajnalijwapi idolo, pawulox Baal” —aech Dios profeta Eliasliajwa.

⁵ Amwutjelbej Dios kaesapich jiw makanot japon pejiwaliajwa, beltaen xoton.

⁶ Dios beltaen xot, jiw makanoton pejiwaliajwa. Makanos-elon, japi is xot pachaempoxan. Pe japilax makanoch, beltaens xot babijaxan ispoxanliajwa.

⁷ Ja-aech wut, xan nejchaxoelx judiosliajwa. Japi pachaemasia Diosliajwa. Pe nakiowa, pachaema-el, is-el xoti Dios nejxasinkpoxan. Kaesapich japixot makanoch Dios pejiwaliajwa. Japilax chiekal pachaemsful Diosliajwa. Asew judios pejnechaxoelaxan, me-ama matakas wut, ja-aechi naexaxis-elalijwa Jesus pejwajan. Samata, japi judios, naexaxis-el Jesucristo tappox japi babijaxan ispoxanliajwa.

⁸ Dios pejjamechan, chajia lelspx, jum-aech wut, jum-aechox judiosliajwa, japi naexaxisaxilpiliajwa Dios: “Japi judios Dios pejjamechan makach matabija-el. Samata, japi judios chajia xaljow wut Dios pejjamechan, chajia lelspx, japi nakiowa naexaxis-el. Amwutjelbej nakiowa japi naexaxis-el Dios pejjamechan. Samata, japi pejnechaxoelaxan, Diosliajwa, me-ama itliakla wut, ja-aechi. Naekuta wutbej, ja-aechi” —aech Dios pejjamechan, chajia lelsxot judiosliajwa.

⁹ Rey Davidbej chajia jum-aech judios naexaxisaxilpox Dios:

“Judios is wut fiesta, japi chiekal matabija-el wut, nejchaxoeli ampx: ‘Dios nejchachaemil xatisliajwa, ampafiesta isas xot japonliajwa. Samata, Dios nakkajachawaesaxael’ —aechi asbuan jumch, nejchaxoel wut. Asamatkoi japi nejchachaemil wut, fiestan is xoti, pe jawut, japi judios chalechkal kastikaxaesi Dios.

¹⁰ Japi judios chiekal matabija-elbej Dios ispoxan, taen wuti. Samata, japi judios pomatkoicha nabijasaxael” —aech rey David, chajia jum-aech wut judiosliajwa, Dios naexaxisaxilpiliajwa.

Dios bu'weyaxaelpox judios-elpi

¹¹ Judios naexaxis-el Jesus tappox japi babijaxan ispoxanliajwa Dios bu'welijwas. Samata, japi judios napelt Diosliajwa. Pe nakiowa, japi judios pomatkoicha napelsaxil. Judios naexaxis-el wut Jesus pejwajan, ja-aech wut, Dios tapaei judios-elpi naexaxisliajwa Jesus pejwajan. Judios-elpi naexasit wut Jesus pejwajan, judios japox taen wut, japi pa-ulaxael judios-elpiliajwa. Samata, ja-aech wut, judiosbej naexaxisaxael Jesus pejwajan Dios bu'welijwas.

¹² Samata, amwutjel pachaem judios-elpiliajwa, Dios tapaeis xot japi naexaxisliajwa Jesus pejwajan japi Dios bu'welijwas. Asamatkoi kaes pejme xabich pachaemaxael judiosliajwa, xabich judios naexasit wut Jesus pejwajan.

¹³ Xamal, judíos-emilpim, xan jumchiyaxaelen ampox, nejxasinkaxpox xamal matabijaliajwam. Dios nato'a xamal, judíos-emilpim, naewhajnaliajwan Jesús pejwajaan. Samata, chiekal xamal naewhajnax.

¹⁴ Nejxasinkax tajjiw judíos nusasiowlaliajwa xamal, judíos-emilpimliajwa. Ja-aech wut, judíosbej naexasisaxael Jesús pejwajaan, japibej Dios bu'weliajwas.

¹⁵ Xabich judíos naexasis-el Jesús pejwajaan. Judíos-elpilax naexasit Jesús pejwajaan. Samata, japi amwutjel xabich pachaem Diosliajwa. Asamatkoi, judíosbej naexasit wut Jesús pejwajaan, ja-aech wut, japox chiekal pachaemaxael. Amwutjel judíos, me-ama patupa wut, ja-aechi Diosliajwa. Asamatkoi, judíos Jesús pejwajaan naexasit wut, japi judíos Diosliajwa, me-ama Dios mat-iaspi wut pejme duilaliajwa, jachiyaxaeli.

¹⁶ Pawis pan is wut, matxoelapan chaxdut wutow Diosliajwa, ja-aech wut, puexa asew panbej, me-ama Dios pejew wut, ja-aech. Kaen aton Dios chaxdut wutbej naetathinan, puexa japanaedalan, japanaebaechbej, puexa, me-ama Dios pejew wut, ja-aech. Abraham chajiakolaxtat Dios makafich wut pej-atonliajwa, judíos pejwajnapijinliajwabej, ja-aech wut, Abraham pamojiwbej, me-ama puexa Dios pejiw wut, ja-aechi Diosliajwa.

¹⁷ Judíos, me-ama olivonaedalt. Xamal, judíos-emilpimbej, me-ama ul pej-olivonaedalt wut, ja-am xamal Diosliajwa. Olivonaepijin daltasiapcha. Daltasiapchaxot japaboktuchadik no'kon ul pej-olivonaedalt, isliajwapon injerto. Ja-aech wut, naetuminan leful japa-olivonaedalt poxase chiekal ti'sfulaliajwa japanaedalt. Dios jasox is xamal, judíos-emilpimliajwa. Judíos, Dios makanoch japon pejiwaliajwa. Pe nakiowa, japi judíos naexasis-el Jesús pejwajaan. Samata, Dios koft japi. Xalixasbejpi. Amwutjel xamal, judíos-emilpim, Jesús pejwajaan chiekal naexasitam xot, Dios pejiwam.

¹⁸ ¡Xamal nabej nejchaxoele': "Xatis Dios nakmakanot japon pejiwaliajwas, judíos-esalpis. Samata, kaes pejme pachaems. Me-ama judíos, jachi-esal" –nabej aeche', nejchaxoelam wut! Xamal chiekal matabijam. Naetuminan fulae-eldik tathinan poxadik ti'sfulaliajwa tathinan. Pelax naetuminan fulaloecha padalan poxase chiekal pachaemaliajwa japadalan. Ja-amlap-is xamal, judíos-emilpim. Judíos pachaema-el Diosliajwa xamal nijaxtat. Xamallax judíos pijaxtat pachaemam Diosliajwa. Samata, nejchaxoelam wut, ¡nabej nejchaxoele': "Xatis kaes pejme pachaems" –nabej aeche'!

¹⁹ Nakaewa xamal bej najum-ambej: "Olivonaepijin daltasiapcha. Daltasiapchaxot no'kon boktuchadik ul pej-olivonaedalt, japadalt jaxot ti'sfulaliajwa. Dios jasox is, koft wuton judíos. Jawax xatis, judíos-esalpis, nakmakanot japon pejiwaliajwas" –bej ambej xamal nakaewa, judíos-emilpim.

²⁰ Olivonaepijin daltasiapcha, pachaema-eldalt. Do jaxot no'kon ul pej-olivonaedalt. Xamal, judíos-emilpim, me-ama ul pej-olivonaedalt no'kaldalt olivonaedalt daltasiapchaxot, ja-am xamal. Naexasitam xot Jesús pejwajaan, Dios xamal makanot japon pejiwaliajwam. Samata, nejchaxoelam wut, ¡nabej nejchaxoele': "Xan kaes pejme pachaeman. Me-ama judíos, jachi-enil" –nabej aeche', nejchaxoelam wut! ¡Xamallax najut chiekal natataeflaxaelam kofasamatam Dios naexasitampox!

²¹ Dios koft judíos, naexasis-el xoti Jesús pejwajaan. Dios jachiyaxaelbej, xamal naexasisfula-emil wut Jesús pejwajaan.

²² Samata, nejchaxoelam wut, ¡chiekal nejchaxoelafulde! Dios xabich pachaem. Pachaem xoton, kastika jiw, babijaxan is wut. Kastikabejpon judíos, naexasis-el wuti Jesús pejwajaan. Dios xamal beltaen xot, tapaei

naexasisfulaliajwam Jesús pejwɥajan. Xamal naexasisfula-emil wɥt, Dios kastikaxaelbej xamal.

²³ Judíos naexasit wɥt Jesús pejwɥajan, ja-aech wɥt, japi pejme Dios pejjiwaxael. Dios mamnik xot, tampoela-el japonliajwa pejme makanosliajwapon judíos japon pejjiwaliajwa.

²⁴ Olivonaepijin daltasiapcha wɥt, japon xajɥp pejme asadalt nosliajwadik, no'kasdalt ti'sfulaliajwa jaxot. Dios, me-ama japox is, xamal makanot wɥton, judíos-emilpim, japon pejjiwaliajwam. Samata, pachaem pejme Dios makanosliajwa judíos japon pejjiwaliajwa, judíos pejwɥajnapijiw majt pejjiw xoton.

Asamatkoi Dios bɥ'weyaxaelpox judíos

²⁵ Takoew, xamal ampox jɥmchiyaxaelen, majt jiw matabija-elpox, xamal nejchaxoelasamatam judíosliajwa: “Xatis kaes pejme matabijas” – chisamatam, nejchaxoelam wɥt. Asew judíosxot xabich naexasis-el Jesús pejwɥajan. Pe asamatkoi judíos naexasisaxael Jesús pejwɥajan, xabich judíos-elpi naexasit wɥt Jesús pejwɥajan.

²⁶ Ja-aech wɥt, xabich judíos naexasisaxael Jesús pejwɥajan Dios bɥ'welialwas. Dios pejjamechan, chajia lelspx, jɥm-aech wɥt, Dios jɥm-aech Jesúsliajwa:

“Xabich jiw bɥ'weyaxaelpon, pasaxael Jerusalén paklowaxxot. Japon pijaxtat judíos kofaxael babijaxan ispxoxan.

²⁷ Ja-aech wɥt, xan isaxaelen chajia jɥmdutxpx japi pejwɥajnapijiwliajwa, beltaeyaxaelen wɥt judíos babijaxan ispxoxanliajwa” – aech Dios.

²⁸ Asew judíos naexasis-el wɥt Jesús pejwɥajan, japi judíos Dios padael-majiwaxael. Samata, judíos-emilpim, Dios tapaei naexasisliajwam Jesús pejwɥajan. Ja-aech wɥt, Dios nakiowa nejxasink judíos, makanot xoton pejwɥajnapijiw pejjiwaliajwa.

²⁹ Dios nejchaxoel wɥt, kaeyax chiekal nejchaxoelon. Kaes asax nejchaxoela-elon nejchaxoelpoxliajwa. Kofsaxilon judíos pejjiwpxox. Dios nakiowa kajachawaesaxael japi judíos.

³⁰ Xamal, judíos-emilpim, majt naexasis-emil Dios. Pe amwɥtjel, judíos naexasis-el xot Jesús pejwɥajan, Dios xamal beltaen.

³¹ Asamatkoi judíosbej jachiyaxaes. Amwɥtjel japi judíos naexasis-el Jesús pejwɥajan. Pe nakiowa, asamatkoi, Dios beltaeyaxaesi. Me-ama amwɥtjel xamal, judíos-emilpim, Dios beltaen babijaxan isampoxanliajwa, jachiyaxaesbej asamatkoi judíosliajwa.

³² Dios puexa jiw to'a chiekal duilaliajwa. Pe jiw, Dios naexasis-elpi, amwɥtjel japi Dios tapaeis jasoxtat duilaliajwa. Pe asamatkoi, Dios puexa jiw beltaeyaxael babijaxan ispxoxanliajwa.

³³ Aton puexa matabijsaxil, ma-aech Dios xabich pachaempox, Dios matabijtpoxanbej, Dios pejnechaxoelaxanbej. Kaen aton chanaekabɥanaxilbej Dios nejchaxoelpoxan isaxaelpoxanliajwabej. Kaen aton matabijsaxilbej, ma-aech xot Dios japoxan is, isasia wɥt.

³⁴ Dios pejjamechan, chajia lelspx, jɥm-aech wɥt, jɥm-aechox: “Xatis matabijaxisal Dios pejnechaxoelaxan. Xatisbej naewɥajnaxisal Dios.

³⁵ Dios chinax kaen aton dewas-el. Samata, aton jɥmchiyaxil: ‘Dios xan nadewat, asax chaxdutx xot’ –chiyaxilon” –aechox Dios pejjamechan, chajia lelspx.

³⁶ Puexa ampthatatpi, japoxan Dios ispxoxan. Samata, puexa japoxan Dios pejew. Tataefɥlbejpon puexa. Samata, pomatkoicha xatis jɥmchiyaxaes Diosliajwa: “¡Xam xabich pachaemam!” –chiyaxaes. ¡Jasox nej ja-aeché!

12

Jesús pejwɥajan naexasiti, japi duil Dios tanbichliajwa

¹ Takoew, xamal chiekal matabijam, Dios nakbeltaen, xatis majt babijaxan isas wɥt. Samata, xamal to'ax. Me-ama kaenanɥla ofrenda chaxduwam wɥt, ja-amde xamal Diosliajwa! ;Xamal najut nawoeyam Diosxot isliajwam Dios nejxasinkpoxan! ;Isfulde Dios pejbichax Dios nejchachaemlaliajwa xamalliajwa! ;Japoxan isfulde, Dios xabich sitaenam xot!

² ;Nabej is babijaxan! Me-ama Dios naexasis-elpi is babijaxan, ;xamal nabej ja-aeche'! ;Tapaem Dios kajachawaesliajwa, xamal nejchaxoelampoxan babijaxan kofaliajwam! Nejchaxoelam wɥt, ;nejchaxoelde Dios pijaxan! Ja-am wɥt, xamal chiekal duilaxaelam. Matabijaxaelambej Dios nejxasinkpoxan isliajwam. Japoxan pachaem. Pachaempoxan isam wɥt, ja-am wɥt, Dios nejchachaemlaxael xamalliajwa.

³ Dios nabeltaen xot, japon xan nato'a pejbichax nabichliajwan. Samata, puexa xamal jɥm-an amprox. Nabichfulam wɥt Diosliajwa, nejchaxoelam wɥtbej, ;nabej nejchaxoele': "Xan asabichax nabichasian, Dios pejbichax, kaes pejme pachaempox, jiw kaes chiekal nasitaeliajwa" –nabej aeche', nejchaxoelam wɥt! Jasox nejchaxoelasamatam, ;majt chiekal nejchaxoelde chiekal matabijaliajwam, ma-am xamal Dios pejbichaxanliajwa, Dios xamal chaxduwbichaxan!

⁴ Kaenanɥla wajbɥantat maenk pathi, pawibej, kaes asaxanbej, japoxan kaenanɥla isfulaliajwa isaxaelpoxan.

⁵ Xatisbej xabich pin-iatas. Pe nakiowa, kaebɥtas, Cristo sɥapich. Xatis kaenanɥla nabistas asabichaxan Diosliajwa. Jatis wɥt, ;nakaewa naka-jachawaesaxaes!

⁶ Dios nakchaxduw kaenanɥla pejbichaxan, me-ama japon nejchaxoel japabichaxan nakchaxduuliajwa japon tanbichliajwas. Samata, xatis xabich pachaems wɥt asew jiw naewɥajnalajwas Dios pejjamechan, jatis wɥt, ;Dios xanaboexaxaes naewɥajnalajwas asew jiw!

⁷ Xatisbej xabich pachaems wɥt kajachawaesliajwas asew jiw, naexasiti Jesús pejwɥajan, ;japi jiw kajachawaesaxaes! Atonbej xabich pachaem wɥt chiekal chanaekabɥanaliajwa Jesús pejwɥajan naexasiti, ;japon aton nej chanaekabɥane asew jiw!

⁸ Asanbej xabich pachaem wɥt chiekal naewɥajnalajwa asew jiw japi kaes Dios chiekal xanaboejalajwa, ;japon aton chiekal nej naewɥajne' japi jiw nejchachaemlaliajwa! Asanbej xabich pachaem wɥt kajachawaesliajwa pejewtat jiw kijilpi, ;japon aton nej kajachawaesfulde japi jiw! Asanbej xabich pachaem wɥt jiw chiekal tato'laliajwa, ;japon aton chiekal jiw nej tato'le' japi jiw! Asanbej xabich pachaem wɥt asew jiw kajachawaesfulaliajwa, xabich wewe'paspi, ;japon aton xabich nej kajachawaesfulde nejchachaemlaxtat!

Machiyaxaelpox Jesús pejwɥajan duil wɥt

⁹ ;Nakaewa chiekal nanejxasinkafulde! ;Xamal nabej nejxasinke'bej pachaema-elpoxan! ;Isfulde pachaempoxan!

¹⁰ Nejxasinkam wɥt asew jiw, Jesús pejwɥajan naexasiti, ;japi nejxasinkafulde! Me-ama nakoewkola nejxasinkam wɥt, ;ja-amsfulde asew jiwliajwabej! Japi jiwliajwa nejchaxoelam wɥt, ;nejchaxoelde: "Japi jiw kaes pejme pachaem. Me-ama xan, jachi-elpi" –amde, nejchaxoelam wɥt! ;Nakaewa nasitaembej!

¹¹ ;Nabichliajwam nabej kiwesle'! Nabistam wɥt Dios pejbichax, ;nabichfulde puexa nejpmamaxtat!

¹² Asamatkoi duilaxaelam pomatkoicha Diosxotse. Samata, ¡nejchachaemlafulde! Nabijatam wut asew jiw pijaxtat, naexasitam xot Jesús pejwujajan, ¡boejtaliasfulde! Ja-am wut, ¡pomatkoicha Dios kawujajnaaxaelam! ¡Nabej buxkofe' Dios kawujajnafulamprox!

¹³ ¡Dios naexasiti kajachawaesfulde wewe'pasproxanliajwa! Japi, naexasiti Jesús pejwujajan, pat wuti nejbachanxot, ¡chiekal bu'kulim!

¹⁴ Nabijatam wut, jiw babejchow babijax is xot xamalliajwa, naewujajnam xot Jesús pejwujajan, Dios kawujajnam wut, ¡jum-amde: “Dios, ¡xam japi jiw kajachawae'e tapasasamatas babijaxan” —amde! Dios kawujajnam wut japi jiwliajwa, ¡nabej nejchaxoele': “Japi nej tapasas babijaxan xam kastikaliajwam japi jiw!” —nabej aeche', Dios kawujajnam wut!

¹⁵ Asew jiw nejchachaemil wut, ¡xamalbej nejchachaemilde, japi suapich! Asew jiw now wut asaxliajwa, ¡xamalbej noem, japi jiw suapich!

¹⁶ ¡Kaenejchaxoelaxde, asew jiw suapich, chiekal duilaliajwam! Xamal nejchaxoelam wut, ¡nejchaxoelde: “Xan kaes pachaeman. Me-ama asew jiw kijila, xan jachi-enil” —amde! ¡Nabej nejchaxoele'bej: “Xan kaes pejme matabijtax. Me-ama asew jiw, xan jachi-enil” —nabej aeche', nejchaxoelam wut!

¹⁷ Asew jiw babijaxan is wut xamalliajwa, ¡xamallax nabej is babijax japi jiwliajwa wetawiasliajwam japox babijax! ¡isfulde pachaempoxan puexa jiwliajwa!

¹⁸ ¡Ma ixajupamdo', do japoxtat xamal isfulde chiekal duilaliajwam, asew jiw suapich!

¹⁹ Takoew, xamal nejxasinkaxpim, asew jiw babijax is wut xamalliajwa, ¡xamal nabej is babijaxan japiliajwa! Japoxliajwa nejchaxoelam wut, ¡nejchaxoelde: “Asamatkoi japi Dios kastikaxaes, babijax is xoti xanliajwa” —amde, nejchaxoelam wut! Japox Dios pejjamechan, chajia lelsprox, jum-aech wut, Dios jum-aech: “Jiw babijaxan ispi asew jiwliajwa, japi jiw xan tajut kastikaxaelen” —aech Dios, jum-aech wut.

²⁰ Dios pejjamechan, chajia lelsprox, jum-aech wutbej, Dios jum-aech: “Nadaelman litaxaela wut, ¡chaxdu'e naxaeyax! O, minsila wutbejpon, ¡chaxdu'e mint! Japoxan isam wut, nadaelman pajut xabich padalaxael, majt babijax is xoton xamalliajwa” —aech Dios, jum-aech wut.

²¹ Asew jiw babijaxan is wut xamalliajwa, ¡boejtalia'e! ¡Kamta nalalaximilbej babijax isasamatam japi jiwliajwa! ¡isfulde pachaempoxan japi jiw babijaxan ispiliajwa xamalliajwa! Ja-am wut, pachaempoxan isaxtat malechaxaelam babijax.

13

¹ Puexa jiw chiekal naexasisaxael jiw tato'la. Japi jiw tato'al, Dios tapaeis xot. Dios tapaeis xotbej, japi xajup puexa jiw tato'laliajwa.

² Samata, jiw naexasis-el wut jiw tato'la, japibej sitae-el Dios tato'alpox. Naexasis-el wuti, asamatkoi Dios kastikaxaes japi jiw.

³ Jiw, ispi pachaempoxan, japi pejlwla-el jiw tato'alpiliajwa. Pe babijaxan ispi, japi jiw lax pejlwla jiw tato'alpiliajwa. Xamal nejlewlasamata jiw tato'alpiliajwa, ¡isfulde pachaempoxan! Ja-am wut, jiw tato'alpi nejchachaemlaxael xamalliajwa.

⁴ Japi tato'al jiw, Dios tapaeis xot puexa xamalxot chiekal pachaemaliajwa. Babijaxan isam wut, xamal nejlewlaaxael jiw tato'alpiliajwa. Jiw tato'alpi, japi Dios tapaeis jiw kastikaliajwa, babijaxan ispi.

⁵ Samata, ¡chiekal naexasisfulde jiw tato'alpi! Xamal japi chiekal naexasitam wut, nejchaxoelam wut, ¡nabej nejchaxoele': “Jiw tato'alpi xan naexasitx

nakastikasamata” —nabej aeche', nejchaxoelam wut! ¡Nejchaxoelafuldex: “Jiw tato'alpi naexasisaxaelen, pachaem xot naexasisliajwan” —amsfulde, nejchaxoelam wut!

⁶ Samata, xamal impuesto motam jiw tato'alpi chiekal xanbichfulaliajwa japaplata, me-ama Dios tato'las japi.

⁷ Samata, jiw tato'alpi kaenanala dewatam wut, imo'e! Nabistpi jiw tato'alpiliajwa, japibej xamal mat-omwuljow wut, impuesto dewatampoxan, imo'e japox impuesto! Asew jiw, sitaenspi, ¡japibej xamal sitaem!

⁸ ¡Xamal asew jiw nabej dewas! ¡Xamallax asew jiw nejxasinkafulde! Xatis asew jiw nejxasinkas wut, jatis wut, kaewutje naexasich puexa Moisés chajia lelpox.

⁹ Moisés chajia lelpox jum-aech: “Xam nijowponam, ¡asew watho' nabej bu'moejs! ¡Nabej be'bej asew jiw! ¡Nabej natkowe'bej asew jiw pejew! ¡Nabej nejxasinke'bej asew pejew nejewliajwa!” —aech asafutat Moisés chajia lelpox. Moisés lelbej asawuajan. Puexa japawuajanxot jum-aechpoxan, jumchiliajwa ampox: “¡Asew jiw nejxasinkde! Me-ama xamal najut nanejxasinkam wut, ¡ja-amsfulde asew jiwliajwa!” —chiliajwa japox.

¹⁰ Jiw nejxasink wut asew jiw, japi jiw is-el babijaxan asew jiwliajwa. Samata, japi jiw ja-aech wut, kaewutje naexasiti Moisés chajia lelpox jum-aechpoxbej.

¹¹ Xatis asew jiw nejxasinkaxaes, mox pawuajna xot Jesucristo pejme pasliajwa ampathatasik. Samata, ¡xamal nabej bu'xkofe' jiw naewuajnalijwam wajpaklon Jesucristo pejuwajan! Akasestat naexasich wut Jesús pejuwajan, nejchaxoels: “Jesucristo makach bej pasaxilbej” —tis, nejchaxoels wut. Amwutjel mox pawuajna Jesucristo pejme pasliajwa ampathatasik, xatis nakbuflaeliajwa Dios poxase.

¹² Mox pawuajna matkoiyan toepaliajwa, xatis ampathatat laelpaspisliajwa. Moxsfulbej matkoi xatis duilaliajwaspox Diosxotse. Samata, kofaxaes babijaxan isaspoxan. Amwutlax isfulaxaes Dios nejxasinkpoxan.

¹³ Babijaxan isaxisal chiekal duilaliajwas. Samata, feyaxisal saxa naksaxsliajwa. Najajinaxisalbej fiestanxot. Bu'moejsaxisalbej asew watho'. Nabu'moejsaxisalbej nakaepojwa. Kaes asaxan babijaxan isaxisalbej. Nabeyaxisalbej. Nusasiowlaxisalbej asew jiwliajwa.

¹⁴ Xatislax wajpaklon Jesucristo pejiws xot, chiekal duilaxaes, japon nakkajachawaesaxael xot. Isaxisal babijaxan, wajut isasiaspoxan.

14

Nakaewa najumchiyaxilpox babejamechan Jesús pejuwajan naexasiti

¹ Asew jiw, naexasiti Jesús pejuwajan, japi jiw chiekal Dios xanaboeja-elpifak. ¡Japi jiw xamal chiekal bu'kulim, pat wuti xamal natamejlamxot! ¡Japi suapich, nabej nabunlos Jesús pejuwajan naexasitampoxliajwa, japi kaenejchaxoelaxa-el wut japawuajanliajwa!

² Asew, naexasiti Jesús pejuwajan, chiekal matabija puexa naxaeyaxan pachaempox xaeliajwa. Asew jiw japixotlax chiekal matabija-elfuk xatis naewuajnaspoxan. Samata, japi jumch nejchaxoel: “Xan nejmachpawi xaelx wut, Diosliajwa pachaemaxinil” —aechi, nejchaxoel wut. Ja-aech wut, japi jiw nejmachpawi xae-el.

³ Nejmachnaxaeyaxan xaelpon, nej nejchaxoela-ele': "Xan kaes pachae-man. Me-ama nejmachnaxaeyaxan xae-elpon, xan jachi-enil" —nej chiele'pon, nejchaxoel wut nejmachnaxaeyaxan xae-elponliajwa. Nejmachnaxaeyaxan xae-elponbej nej nejchaxoela-ele': "Xan kaes pachae-man. Me-ama nejmachnaxaeyaxan xaelpon, jachi-enil" —nej chiele'pon, nejmachnaxaeyaxan xaelponliajwa, japon Dios makafich xot Dios pej-atonliajwa.

⁴ ¿Achanamkat xam babejjamechan jumchiliajwam nabistpon asanliajwa? Pejpaklon japon jumchiyaxaes, chiekal nabist wut, o, chiekal nabich-el wuton. Dios xajur kajachawaesliajwa nabistpon Diosliajwa.

⁵ Asew jiw, naexasiti Jesús pejwajan, japi jum-aech: "Ampamatkoi kaes pejme sitaeyaxaes, me-ama asamatkoiyan, jachi-el xot" —aechpi. Pe asew jiw jum-aechpi: "Puexa matkoiyan chiekal najupasitaeyaxaes" —aechpi. Kaematkoi kaes pejme sitaenpi, japi kaenanula chiekal matabijaxael, ma-aech xot kaes pejme sitaenpi japamatkoi. Asew jiw jum-aechpi: "Puexa matkoiyan chiekal najur" —aechpi, japi jiwbej chiekal matabijaxael, ma-aech xot najupasitaenpi japamatkoiyan.

⁶ Napatamatkoi wut, aton nabich-el Dios sitaeliajwa. Nejmachnaxaeyaxan xaelpon, japoxan japon xael wut, gracias-aechpon Diosliajwa. Asan, nejmachnaxaeyaxan xae-elponbej, japoxan xae-elpon Diosliajwa. Japonbej asanaxaeyax xael wut, gracias-aechon Diosliajwa.

⁷ Laelpas wut, wajut isasiaspoxan isaxisal. Xatis tups wutbej, tuxaxisal, wajut nejxasinkas xot tuxaliajwas.

⁸ Laelpas wutlax, isfulaxaes Dios nejxasinkpoxan. Tups wutbej, tuxaxaes Diosliajwa. Laelpas wut, nabichaxaes Diosliajwa. Baxael, tups wutbej, nakiowa Dios pejjiwswfulaxaes.

⁹ Cristo tux wut cruztat, moton puexa jiw babijaxan ispoxanliajwa. Do jawux, mat-echbejpon pejme dukaliajwa. Ja-aech Cristo puexa jiwpaklonaliajwa, jiw tuxpiliajwa, laelpiliajwabej.

¹⁰ Samata, babejjamechan jumchiyaximil asew jiwliajwa, naexasiti Jesús pejwajan. Nejchaxoelaximilbej japiliajwa: "Ampi jiw pachae-man-el Diosliajwa" —chiyaximil, nejchaxoelam wut. Asamatkoi puexa xatis nuilaxaes Dios pejwajnalel. Jawut xatis kaenanula Dios nakjumchiyaxael: "Xam nabistampoxan xanliajwa xabich pachae-man" —chiyaxaelon kaenanula xatisliajwa. O, Dios jumchiyaxael xatisliajwa: "Xam nabistampoxan xanliajwa, japoxan pachae-man-el" —chiyaxaelon xatisliajwa.

¹¹ Dios pejjamechan, chajia lelspx, jum-aech Dios jum-aechpox: "Xan pomatkoichaxaelen. Jum-an diachwajnakolaxpox. Asamatkoi puexa jiw brixtat nuilaxael xan tajwajnalel nasitaeliajwa. Jawut puexa jiw jumchiyaxael xanliajwa: 'Diachwajnakolax xam Dios xabich mamnikam' —chiyaxael puexa jiw xanliajwa" —aech Dios jum-aechpox.

¹² Diachwajnakolax japox jachiyaxael asamatkoi. Kaenanula xatis Dios pejwajnalel wajut jumchiyaxaes puexa isaspoxanliajwa.

Babijax isaxilpox Jesús pejwajan naexasiti, asew jiw, Jesús pejwajan naexasiti, isasamatabej, japox babijax

¹³ Asamatkoi, xatis Dios wajnalels wut, kaenanula wajut jumchiyaxaes puexa isaspoxanliajwa ampathatat. Samata, xatis jumchiyaxisal asew jiwliajwa, japi naexasiti Jesús pejwajan: "Japi jiw duil wut, chiekal duilael. Babijaxan ispi" —chiyaxisal. Xatislax kaenanula wajutliajwa chiekal nejchaxoelaxaes: "Xan babijax isaxinil asew jiwbej, Jesús pejwajan naexasiti, isasamata babijax, kofasamatabejpi Jesús pejwajan naexasitpox" —chiyaxaes, nejchaxoels wut.

14 Xan Jesús pejwñajan naexasitx xot, matabijtax, Dios natapaei nejmachnaxaeyaxan xaeliajwan. Pelax asan nejchaxoel wut naxaeyaxanliajwa: “Asew jiw nakaechafiatpoxan, japoxanbej Dios xan nakaechtapae-el. Pe nakiowa, japoxan xaelx wut, diachwñajnakolax xan chawñlatajbu'wñajnaaxaelen Diosliajwa” –aech wuton, japon aton japanaxaeyaxan nej xae-ele', kaechafiach xoton!

15 Xamal nejxasinkam wut asew, Jesús pejwñajan naexasiti, japi sñapich, xaelam wut, ñnabej itfuxabijs japi jum-aechpoxliajwa: “Japox xaeliajwa pachaema-el” –aechpoxliajwa! Pe nakiowa, japox itfuxabijtam wut, ja-aech wut, japi jiw xaeyaxaelbej japanaxaeyax. Do jawut, xaeyax kaechatoel wut, nejchaxoelaxaeli: “Xan tajbu'wñajan Diosliajwa. Samata, nafo'axaelen Diosliajwa” –chiyaxaeli, nejchaxoel wut. Cristo tñp japiliajwa. Samata, japon nabej xae'!

16 Xamal matabijam, isaxaelampox pachaem wut, pe asew jiw jum-aech wut japoxliajwa: “Japox pachaema-el isliajwas” –aech wut, ja-aech wut, japon xamal nabej is! Xamal japox nakiowa isam wut, japi jiw jumchiyaxael babejjamechan xamalliajwa.

17 Xatis naexasich xot Jesús pejwñajan, naexasich Dios naktato'alpox. Xatisbej xabich nejchaxoelaxisal xaeyaxaespoxiajwa, feyaxaespoxiawabej. Pelax xatis nejchaxoelaxaes isliajwas pachaempoxan Espiritu Santo pijaxtat pachaemaliajwas Diosliajwa, nejchachaemlaliajwasbej.

18 Xatis isas wut pachaempoxan, diachwñajnakolax nabistas Cristoliajwa. Samata, Dios nejchachaemlaxael xatisliajwa. Asew jiw naksitaeyaxaelbej.

19 Samata, kaenejchaxoelaxaes chiekal duilaliajwas, asew jiw sñapich. Nakaewa nakajachawaesfulaxaesbej kaes mamnikaliajwa wajxanaboexan Diosliajwa.

20 ¡Asew jiw, nabej tabejs Jesús pejwñajan naexasiti naxaeyax xaelampoxtat! Diachwñajnakolax puexa naxaeyaxan pachaem xatis xaeliajwas. Pe asew nejchaxoel wut: “Ampoxan xaes wut, xatis wajbu'wñajnaaxaes Diosliajwa” –aech wuti, ñnawoesa nabej xaetis! Japi jiw itfuxabijtas wut, ja-aech wut, japi jiw bej xaeyaxaelbej japox naxaeyax.

21 Samata, asew jiw, Jesús pejwñajan naexasiti, japox xae-el wuti, o, kilewla wutbejpi jachaliajwa, kaes nawoesa pachaem japox naxaeyax xaelaliajwam, fe-elaliajwambej. Pe nakiowa, itfuxabijtam wut, ja-am wut, japi jiw xaeyaxael japox naxaeyax. O, feyaxaelbejpi vinomin. Ja-aech wut, japoxliajwa nejchaxoelaxaeli: “Xan babijax isx Diosliajwa” –chiyaxaeli, nejchaxoel wut.

22 Xamal nejchaxoelam wut: “Nejmachnaxaeyaxan pachaem xaeliajwas” –am wut, asew jiw, nejmachnaxaeyax xae-elpiliajwa, japox naxaeyax xaelam wut, ñxam najut nabej kaechjalpae'! Dios matabijt puexa nejchaxoelampoxan. Jesús pejwñajan naexasiti, japi nejchaxoel wut: “Xan babijax isenil Diosliajwa” –aech wuti, nejchaxoel wut, japi jiw xabich nejchachaemil Diosliajwa.

23 Jesús pejwñajan naexasitpon nejchaxoel wut: “Diachwñajnakolax, xan pawit xaelx wut, tajbu'wñajnaaxaelen Diosliajwa. Samata, kaes pachaemaxael xae-elaliajwan” –aech wut japon aton, pe nakiowa, xael wut, diachwñajnakolax japon aton pejbu'wñajnaaxael Diosliajwa. Ja-aech wut, japon isaxil pachaempox Diosliajwa. Japon aton nejchaxoel wutbej asaxliajwa: “Japox isx wut, xan tajbu'wñajnaaxael Diosliajwa” –aech wuton, pe nakiowa, is wut, diachwñajnakolax japon aton pejbu'wñajan Diosliajwa.

15

Jesús pejwñajan naexasiti isaxaelpox pachaempoxan asew jiwliajwa

¹ Xatis, Dios chiekal xanaboejaspis, kajachawaesaxaes asew jiw, japi chiekal xanaboeja-elpi Dios. Isaxisalbej wajut nejxasinkaspojan.

² Xatislax isaxaes pachaempoxan asew jiwliajwa, japi naexasiti Jesús pejwñajan. Japoxan isaxaes japi jiw kaes pejme Dios xanaboejalijwa.

³ Cristobej ampathatat wut, is-el pajut nejxasinkpoxan. Pelax japon is Dios nejxasinkpoxan. Dios pejjamechan, chajia lelspx, jum-aech Cristo jumchiyaxaelpox Dioslijwa: “Jiw jum-aech wut babejjamechan xanlijwa, japi japoxan jum-aech wut, jum-aechbejpi xamlijwa” –aechox.

⁴ Dios pejjamechan, chajia lelspx, jum-aech xatis chiekal matabijalijwas. Samata, xatis Dios pejjamechan naexasich xot, nabijatas wut, nakiowa Dios chiekal xanaboejaxaes. Nejchaxoelaxaesbej: “Dios diachwñajnakolax isaxael jumdutox nakbu'welijwa” –chiyaxaes, wajut nejchaxoels wut.

⁵ Asew jiw xatis naktaliat wut, ja-aech wut, Dios nakkajachawaet wajx-anaboejaxan kaes mamnikalijwa japonlijwa. Samata, Dios kawñajnax xamal kajachawaeslijwa chiekal duilalijwam. Me-ama Jesucristo ampathatat chiekal duk, xamalbej jachilijwam.

⁶ Samata, xamal kaenejchaxoelaxaelam jumchilijwam Dioslijwa, wajpaklon Jesucristo pax: “Xam xabich pachaemam” –chilijwam Dioslijwa.

Chimiawñajan, Jesús pejwñajan, jumtaenpox judíos-elpi

⁷ ¡Nakaewa chiekal nabu'kulim! Me-ama Jesucristo xamal chiekal bu'kula, jja-amde! Xamal ja-am wut, asew jiw sitaeyaxael Dios.

⁸ Xan xamal jum-an. Jesucristo fuloek ampathatlelsik kajachawaeslijwa judíos. Samata, japox patlisox, Dios chajia jumdutpox judíos pejwñajnapijwlijwa. Ja-aech wut, puexa jiw chiekal matabija, Dios nejkiowa-el chajia jumdutpox.

⁹ Jesucristo fuloekbej bu'welijwa judíos-elpi, japi jumchilijwa Dioslijwa: “Xam xabich pachaemam” –chilijwa, Dios beltaens xoti babijaxan ispx-anlijwa. Japoxlijwa Dios pejjamechan, chajia lelspx, jum-aech Jesucristo jumchiyaxaelpox pax Dios jumtaelijwa:

“Potñajñuchanpijwlijwa, judíos-elpilijwa, jumchiyaxaelen: ‘Dios xabich pachaem’ –chiyaxaelen xamlijwa. Jajuiyaxaelenbej japi matabijalijwa, xam xabich pachaemamponam” –aech Dios pejjamechan, chajia lelspx, Jesucristo jumchiyaxaelpox pax Dioslijwa.

¹⁰ Dios pejjamechan, chajia lelspx, asafutxot jum-aechbej:

“Xamal asatñajñuchanpijwam, judíos-emilpim, ¡nejchachaemilde, judíos sñapich, japi Dios pejjiwpi!” –aechox Dios pejjamechan, chajia lelspx.

¹¹ Dios pejjamechan, chajia lelspx, jum-aech wut, jum-aechbejpx:

“¡Puexa xamal, asatñajñuchanpijwam, judíos-emilpim, Dioslijwa jum-amde: ‘Dios, xam xabich pachaemam’ –amde!” –aech Dios pejjamechan, chajia lelspx.

¹² Profeta Isaías chajia lel wut, lelbejpon Jesús nalaelsaxaelpox ampathatat:

“Japon nalaelt wut, Isai pamonaxael. Japon pati'in wut, potñajñucha jiw tato'laxael. Jiw jumchiyaxael japonlijwa: ‘Kaenanula xatis nakbu'weyaxaelon’ –chiyaxael jiw japonlijwa” –aech profeta Isaías chajia lelpox Jesúslijwa.

¹³ Xatis matabijas Dios nakbu'weyaxaelpox Jesucristo pijaxtat. Samata, Dios kawñajnax xamal kajachawaeslijwa nejchachaemlialijwam Espíritu Santo pijaxtat, xamal wñajnawesfulam wut Dios islijwa pachaempoxan

xamalliajwa. Xan Dios kaw^uajⁿaxbej xamal chiekal duilaliajwam, asew jiw s^uapich, Dios chiekal xanaboejam xot.

¹⁴ Takoew, xan matabijtax, xamal asew jiw xabich kajachawaetam. Matabijtaxbej, xamal xabich matabijam Dios. Xamalbej matabijam nakaewa chiekal nanaew^uajⁿaliajwam.

¹⁵ Ampacartaxot lelx asaw^uajan, xamal nejkiowasamatam majt chajia matabijamw^uajan. Ja-an, Dios nato'a xot isliajwan japox.

¹⁶ Dios nato'a Jesucristo pejw^uajan naew^uajⁿaliajwan judíos-elpi. Samata, naew^uajⁿax japaw^uajan, chimiaw^uajan, japibej Dios b^u'weliajwas. Amw^utjel judíos-elpi kajachawaech xot Espíritu Santo, japi Jesús pejiw^ulisi. Samata, Dios nejchachaemil japi jiw^uliajwa.

¹⁷ Xan nabistax w^ut Jesucristoliajwa, japon chiekal nakajachawaesful. Samata, nejchaxoelx: “Xan isxproxan Diosliajwa, xabich pachaem” –an, nejchaxoelx w^ut.

¹⁸ Wajpaklon Jesucristo chiekal nakajachawaesful naew^uajⁿaliajwan judíos-elpi, japibej naexasisliajwa Dios. Xan j^um-anproxan japi naj^umtaen w^ut, taen w^utbejpi isxproxan, japibej naexasit Jesús t^upprox japiliajwa. Samata, xan japoxanliajwa chiekal charaeix asew jiw^uliajwa.

¹⁹ Espíritu Santo pijaxtat xan koexaxan isxbej. Amw^utjel toetx pot^uajⁿucha naew^uajⁿaxprox chimiaw^uajan, Jesucristo pejw^uajan, japon nakb^u'wiaron. Xan majt t^uadutx naew^uajⁿax Jerusalén paklowaxxot. Do jaw^ux, naew^uajⁿax japaw^uajan asa t^uajⁿuchanlelbej. Iliria t^uajⁿu poxdaxbej naew^uajⁿaliajwan.

²⁰ Jesús pejw^uajan j^umtae-elpi, japapaklowaxanpijiw poxadaxbej, japi naew^uajⁿaliajwan Jesús pejw^uajan, Dios b^u'weliajwasbejpi. Asew jiw w^uajna chajia naew^uajanxot, japapaklowaxanxot xan nejxasinka-enil naew^uajⁿaliajwan Jesús pejw^uajan.

²¹ Xan naew^uajⁿax w^ut Jesús pejw^uajan, patliso^x, me-ama Dios pej^ujamechan, chajia lels^uprox, j^um-aech w^ut, j^um-aechox:

“Jiw j^umtae-elpi Dios to'axoekspon pejw^uajan, japi jiw j^umtaeyaxael japon pejw^uajan. Jiw naew^uajⁿa-esalpi japaw^uajan, japi jiw naew^uajⁿaxaes japon pejw^uajan” –aech chajia lels^uprox.

Pablo nejchaxoelpox taeliajwapon Roma paklowaxpijiw

²²⁻²³ Pin-iaveces xamal xabich taesian. Pe xabich pot^uajⁿucha naew^uajⁿax xot Jesús pejw^uajan, xamal taeyaxinilfuk. Maw^utkal tajbichax chiekal toetx. Samata, xamal taeyaxaelen.

²⁴ España t^uajⁿu poxaxaechan w^ut, majt xamal taeflaxaelen. Do jaw^ut, xabich nejchachaemlaxaes, xamal taeflax w^ut. Jaw^ux nakajachawaesaxaelam, España t^uajⁿu poxaliajwan w^ut.

²⁵ Pe amw^ut, xan majt xalaeyaxaelen ofrenda Jerusalén paklowaxpijiw poxade, japi naexasiti Jesús pejw^uajan.

²⁶ Asew, naexasiti Jesús pejw^uajan, Macedonia t^uajⁿu^upijiw, Acaya t^uajⁿu^upijiwbej, plata owa ofrenda xato'aliajwa Jerusalén paklowaxpijiw poxade kijilaliajwa, japi naexasiti Jesús pejw^uajan.

²⁷ Macedonia t^uajⁿu^upijiw, Acaya t^uajⁿu^upijiwbej, japi judíos-el. Pe nakiowa, japi nakaewa naj^um-aech: “Ofrenda xato'axaes judíosliajwa, japi naexasiti Jesús pejw^uajan, japi Jerusalén paklowaxpijiw, kajachawaesliajwas. Japi matxoela matabija Jesucristo pejw^uajan Dios b^u'weliajwas. Amw^utjel xatisbej japi pijaxtat matabijas Jesús pejw^uajan. Samata, judíos kajachawaesaxaes wewe'pasproxanliajwa” –aechi nakaewaliajwa. Samata, ofrenda owapi.

²⁸ Samata, xan majt xalaeyaxaechan ofrenda Jerusalén paklowax poxade. Do jawux, España tujnux poxadax wut, majt pasaxaelen xamalxot. Do jawux, España poxaxaelen.

²⁹ Xan patx wut xamalxot, chapaeyaxaelen wut Cristo puexa nakajachawaetpoxanliajwa, xabich nejchachaemlaxaelam.

³⁰ Takoew, xamal naexasitam wajpaklon Jesucristo pejwujajan. Xatis nakaewa nanejxasinkas Espíritu Santo pijaxtat. Samata, xan jum-an xamal Dios kawujajnalijwam Dios nakajachawaesliajwa.

³¹ ¡Dios kawujajande xan japon nakajachawaesliajwa asew judíos, Jesús pejwujajan naexasis-eli, babijax isasamata xanliajwa, Judea tujnuxotx wut! ¡Dios kawujajandebej Jerusalén paklowaxpijiw xanejchachaemlaliajwa ofrenda, xalaeyaxaelenpi japi jiwliajwa!

³² ¡Dios kawujajandebej xanliajwa xabich nejchachaemlaliajwan, chiekal damlathulaliajwanbej, xamalxot patx wut!

³³ Xan Dios kawujajnax puexa xamal Dios kajachawaesliajwa chiekal duilaliajwam, asew jiw suapich. ¡Jasox nej ja-aeche'!

16

Pablo saludos xato'apox Roma paklowaxpijiwliajwa, Jesús pejwujajan naexasitiliajwa

¹ Wajkoewow Febe pa'a wut xamalxot, ¡chiekal bu'kulimpow! Japow kajachawaet Cencrea paklowaxpijiw, Jesús pejwujajan naexasiti.

² Xamalxot pa'a wutow, ¡chiekal bu'kulimpow, Jesús pejwujajan naexasit xotow! Me-ama xatis chiekal nabu'kulas wut, ¡ja-amdepow, majt japow kajachawaet xotow naexasiti Jesús pejwujajan! Xanbej japow nakajachawaet. Samata, ¡japow kajachawae'e wewe'paspojanliajwa!

³ ¡Nawesaludam Aquila! ¡Nawesaludambej japon pijow, japow pawul Prisca! Japi nabist Jesucristo pejbichax, xan suapich.

⁴ Asew jiw xan naboesasia wut, japon Aquila, pijow Prisca suapich, nakajachawaet. Japi nakajachawaet wut, japiliajwabej xabich chachoel, xan nakajachawaet xoti weliajwan. Samata, xan gracias-an japiliajwa. Xan kaenan japox jumchi-enil. Puexa naexasiti Jesús pejwujajan, judíos-elpi, japibej gracias-aech Aquilaliajwa, Priscaliajwabej.

⁵ Asew, naexasiti Jesús pejwujajan, Aquila pejbaxot culto is wut natamejapi, ¡japi jiwbej nawesaludam! ¡Nawesaludambej tajnachalan Epeneto! Japon matxoela naexasit Jesús pejwujajan, puexa Asia tujnuxpijiw naexasis-el wutfuk Jesús pejwujajan.

⁶ ¡Nawesaludambej wajkoewow María! Japow xabich nabist Dios pejbichax xamalxot.

⁷ ¡Nawesaludambej Andrónico, Junias suapich! Japi judíos. Me-ama xan, ja-aechi. Asew jiw xan najia wut jiw jebatat, jawut japibej jias. Japi chiekal matabijas apóstoles. Japi kolenje naexasit Jesús pejwujajan, xan naexasis-enil wutfuk Jesús pejwujajan.

⁸ ¡Nawesaludambej tajnachalan Ampliato! Japonbej naexasit Jesús pejwujajan.

⁹ ¡Nawesaludambej Urbano! Japonbej nabist Jesucristo pijax bichax. ¡Nawesaludambej tajnachalan Estaquis!

¹⁰ ¡Nawesaludambej Apeles! Japon xabich nabijat, naexasit xot Jesús pejwujajan. Pe kofs-elpon naexasitpox Jesús pejwujajan. ¡Nawesaludambej Aristóbulo pejjiw!

¹¹ ¡Nawesaludambej Herodión! Japonbej judío-aton. ¡Nawesaludambej Narciso pejjiw, japi naexasiti Jesús pejwɥajan.

¹² ¡Nawesaludambej wajkoew Trifena, Trifosabej! Japi watho' nabist Dios pijax bichax! ¡Nawesaludambej wajkoewow Pérsida! Japow xabich nabist Dios pijax bichax.

¹³ ¡Nawesaludambej Rufo! Japon xabich matabijtas naexasiti Jesús pejwɥajan, chiekal naexasit xoton Jesús pejwɥajan. ¡Nawesaludambej japon pen! Japow, me-ama taj-en wɥt, ja-aechow xanliajwa.

¹⁴ ¡Nawesaludambej Asíncrito, Flegontebej, Hermesbej, Patrobasbej, Hermasbej! ¡Nawesaludambej asew japixoti, japi naexasiti Jesús pejwɥajan!

¹⁵ ¡Nawesaludambej Filólogo, wajkoewow Juliabej! ¡Nawesaludambej Nereo, japon pakoewow Olimpassej! ¡Nawesaludambej asew japixoti, japi naexasiti Jesús pejwɥajan!

¹⁶ Xamal, naexasitampim Jesús pejwɥajan, nakaewa nasaludam wɥt, ¡naki-jacham! Puexa naexasiti Jesús pejwɥajan xato'a saludos xamalliajwa.

¹⁷ Takoew, xan jɥm-an xamal najut chiekal natataeflialiajwam asew jiw naekichachajbasamata xamal. Japi naewɥajanpox najɥpa-el xamal naexasitamwɥajan. Japi jiw naewɥajan wɥt, jiw kaenejchaxoelaxa-el nakaewaliajwa japi jiw pejnaewɥajnaxtat. Samata, japi naewɥajan wɥt, ¡nabej naewes! ¡Japixot xamal nadiajim!

¹⁸ Japi nabich-el wajpaklon Jesucristoliajwa. Japilax pajut isasiapoxan is. Japi naewɥajanpox, me-ama diachwɥajnakolax wɥt, ja-aechox. Pe diachwɥajnakolaxa-el japi naewɥajanpox. Japi jiw naekichachajbamaenkbej.

¹⁹ Puexa jiw chiekal matabija xamal naexasitampox Jesús pejwɥajan. Samata, xan nejchachaemlax. Nejxasinkax xamal matabijaliajwam isliajwam pachaempoxan. ¡Nabej tapae' asew jiw xamal naekichachajbaliajwa isliajwambej babijaxan!

²⁰ Dios nakkajachawaet kaenejchaxoelaxliajwas chiekal duilaliajwas. Dios kajachawaesaxaelbej xamal kamta malechaliajwam Satanás. Xan wajpaklon Jesucristo kawɥajna xapon xamal kajachawaesliajwa.

²¹ Timoteo saludos xato'a xamalliajwa. Japon, xan sɥapich, nabist Diosliajwa. Lucio, Jasónbej, Sosípaterbej, japibej saludos xato'a xamalliajwa. Japibej judíos, me-ama xan.

²² Xan, Tercio, lelx ampox carta, Pablo jɥm-aechfɥlpoxan. Xanbej saludos xato'ax xamalliajwa, puexa xatis wajpaklon Jesús pejjiw's xot.

²³ Gayobej saludos xato'a xamalliajwa. Xan amwɥtjel dukx japon pejbaxot. Japon, Gayo, tapaei puexa jiw, naexasiti Jesús pejwɥajan, japi natamejalijwa japon pejbatat. Erastobej saludos xato'a xamalliajwa. Japon tesoro, plata tataeflan, Corinto paklowaxliajwapi. Wajkoewan Cuartobej saludos xato'a xamalliajwa.

²⁴ Xan wajpaklon Jesucristo kawɥajna xapon xamal kajachawaesliajwa. ¡Jasox nej ja-aече'!

Pablo jɥm-aechpoxan, ampox carta toesliajwa wɥt

²⁵ Puexa xatis jɥmchiyaxaes Diosliajwa: “¡Xam xabich pachaemam!” — chiyaxaes. Dios xajɥp nakkajachawaesliajwa kaes chiekal xanaboejalijwas Dios. Japox chiekal matabijas, jɥm-aech xot Jesús pejwɥajan, chimiawɥajan, jiw bu'weyaxaespoxlajwa. Xan japawɥajan naewɥajna. Japawɥajan majt maliach pejwɥajan. Majt Dios chapae-el japawɥajan kaen aton matabijsliajwa.

²⁶ Chajiakolaxtat profetas chiekal matabija Jesús pasliajwapox, Dios chajia chapaeis xoti. Samata, profetas japoxliajwa lel, Dios kito'as xot. Japon Dios,

pomatkoichapon, amwætjel japon naktapaei chiekal matabijaliajwas Jesucristo pejwɛajan. Dios bɛxto'abej pejjiwpi, japi naewɛajnalialjwa japawɛajan potɛajɲcha jiw naexasisliajwa.

²⁷ ¡Kaen Dios matabijsan! Samata, Jesucristo tɛp xot xatisliajwa, ipomatkoicha jumchiyaxaes: “Dios, ¡xam xabich pachaemam!” –chiyaxaes! ¡Jasox nej ja-aече’!

Matxoelacarta, Pablo lelpox, Corinto paklowaxpijiwliajwa

Pablo lelpox carta Corinto paklowaxpijiwliajwa

¹⁻² Xan, Pablo, Dios namakafit Jesucristo pej-apóstolliajwan. Samata, Dios nato'a jiw naewhajnaliajwan Jesús pejwhajan pothajnucha. Ampox carta lelax, wajkoewan Sóstenes shapich, xamal Dios pejjiwam, Corinto paklowaxpijwamliajwa. Xamal japon pejjiwam, Jesucristo tux xot xamalliajwa. Dios xamal tadut, asew jiw shapich, japon pejjiwaliajwam chiekal duilaliajwam japonliajwakal. Asewbej, taduchpi japon pejjiwaliajwa, japi pothajnucha duilpi, kawhajan wajpaklon Jesucristo. Jesucristo paklon puexa xatisliajwa, japi jiwliajwabej.

³ Waj-ax Dios, wajpaklon Jesucristobej, kawhajnax xamal kajachawaesliajwa, chiekal duilaliajwambej, asew jiw shapich.

Dios kajachawaechpox Corinto paklowaxpijiw, japi Cristo pejjiw xot

⁴ Xan Dios kawhajnax wut, gracias-an Diosliajwa, japon xamal pomatkoicha kajachawaesful xot, Jesucristo pejjiwam xot.

⁵ Xamal Jesucristo pejjiwam xot, Dios xamal chiekal kajachawaet. Samata, xamal xajupam tanbichliajwam Diosliajwa. Chiekal matabijambej Dios pejjamechan jiw chiekal naewhajnaliajwam.

⁶ Ja-am wut, xamal chiekal naexasitam Jesús pejwhajan.

⁷ Samata, ampamatkoian xamal whajnawetam wajpaklon Jesucristo pejme pasliajwasik. Xamal Dios kajachawaesaxael chiekal nabichliajwam Diosliajwa.

⁸ Dios xamal kajachawaesaxael chiekal naexasisfulaliajwam, kaen aton xamal tasalasangata, wajpaklon Jesucristo pejme pask wut.

⁹ Xanal chiekal matabijax Dios xamal kajachawaetpox, is xoton jumdutpox. Dios xamal tadut japon pejjiwaliajwam duilaliajwam pomatkoicha japonxotse, Dios paxalan shapich, wajpaklon Jesucristo.

Nasalpox Jesús pejwhajan naexasiti, kaenejchaxoelaxa-el xoti

¹⁰ Takoew, wajpaklon Jesucristo xan nabuxto'a xot, xamal jum-an kaenejchaxoelaxliajwam, duilam wut. ¡Asalel nabej nasale!

¹¹ Cloé, japow pejjiw, xan nachapaei. Samata, wultaenx xamal kaenejchaxoelaxa-emilpox. Samata, ampox carta lelax xamal naewhajnaliajwan.

¹² Asew jiw xamalxot jum-aech: “Xanal kaes nejxasinkax Pablo naewhajanpox. Samata, xanal Pablo pejjiwan” –aech japi jiw. Asew jiw xamalxot jum-aechbej: “Xanal kaes nejxasinkax Apolos naewhajanpox. Samata, xanal Apolos pejjiwan” –aechi. Asew jiw xamalxot jum-aechbej: “Xanal kaes nejxasinkax Pedro naewhajanpox. Samata, xanal Pedro pejjiwan” –aech asew jiw. Asew jiw xamalxot jum-aechbej: “Xanal kaes nejxasinkax Cristo naewhajanpox. Samata, xanal Cristo pejjiwan” –aechi.

¹³ Cristo kaekolan. Japon, me-ama xabich wut, jachi-elon. Samata, xatis Cristo pejjiws xot, nasalaxisal, kaemuch xotlis. Xan, Pablo, cruztat nakimatamatla-el. Xamalxot asew jiw bautisa-esalbej tajjiw nadofaliajwa. Samata, xamal jumchiyaximil xanliajwa: “Xanal Pablo pejjiwan” –chiyaximil.

14-15 Xamalxot jiw xabich bautisa-enil. Asbuan jumch bautisax kolenje. Bautisax Crispo, Gayobej. Samata, xamalxot asew jiw jumchiyaxil xanliajwa: “Pablo xan nabautisa japon pej-aton nadofaliajwan” —chiyaxil japi jiw xanliajwa. Samata, xan nejchachaemlax, jiw japox jumchiyaxil xot.

16 Amwutjel xan nejchafaetx asew kaes bautisaxpi. Bautisaxbej Estéfanas, pejjiw sapich. Jalape. Kaes asew bautisax wut, xan nejkiowxlis.

17 Cristo nato'a-el jiw bautisaliajwan. Japon xan nato'a pejwujajan jiw naewujajnalijwan, japi Dios bu'welijwas. Naewujajna x wut Cristo pejwujajan, me-ama aton, xabich matabijsan wut, xan jachi-enil. Pe jachiyaxaelen wut, jiw asbuan jumch jumchiyaxael xanliajwa: “Pablo xabich matabijt” —chiyaxaeli. Jachiyaxael wut, naexaxisaxili Cristo tuxpox cruztat japiliajwa.

Amxot jum-aechpox Dios pejpamamaxlijwa, matabijsaxlijwabej

18 Asew jiw pejbu'wujajan wutfuk, japi tux wut, infierno poxaxaek, naexaxis-el xoti Cristo tuxpox cruztat japiliajwa. Cristo pejpatuxax japiliajwa, me-ama nejliaklax wut, wejatisipox. Pelax xatis Dios nakbu'weyaxaelpis, chiekal matabijas, Dios nakkajachawaesfulaxaelpox.

19 Dios pejjamechan, chajia lelspx, jum-aech wut, jum-aech Dios jum-aechpox:

“Jiw xabich matabijapi, japi matabijapoxan xan toesaxaelen. Asamatkoi xan tajaxtat japi jiw chiekal matabijaxael japi matabijapoxan pachaema-elpox, diachwujajnakolaxa-el xot” —aechox.

20 Asew jiw ampathatpijiw pajutliajwa jum-aech: “Xanal xabich matabijax” —aechi asew jiw jumtaeliajwas. Asew jiwbej pajutliajwa jum-aech: “Xanal xabich matabijax jiw chanaekabuanaliajwan” —aechi asew jiw jumtaeliajwas. Asew jiwbej pajutliajwa jum-aech: “Xanal chiekal matabijax puexa ampathatpijaxanliajwa” —aechi asew jiw jumtaeliajwas. Pe Dios jum-aech puexa japi jiwliajwa: “Japi pejmatabijsaxan, nejliaklaxan, pajut nejchaxoelpoxankal xot” —aech Dios japi jiwliajwa.

21 Dios xabich pejmatabijsax. Me-ama ampathatpijiw pejmatabijsax, jachi-el Dios pejmatabijsax. Dios tapae-el japi jiw matabijaliajwa Dios pejmatabijsax. Dios jiw bu'weyaxael, naexasit xoti chimiawujajan, Cristo tuxpox cruztat japiliajwa. Pe nakiowa, asew jiwliajwa Jesús pejwujajan, me-ama nejliaklaxwujajan wut, wejatisipox.

22 Xan naewujajna x wut judíos, japi xabich taesia koechaxan naexaxislijaw xan naewujajna x wut. Judíos-elpi xabich nejxasink matabijaliajwa ampathatpijaxan. Japi jiw xan naewujajna x wut, najum-aechi xanliajwa: “Xam naewujajna x wut najux wut tajwujajnapijiw naewujajna x wut, ja-aech wut, xanal naexaxisaxaelen xam naewujajna x wut” —aech judíos-elpi xanliajwa.

23 Pe xanal nakiowa japi naewujajna x wut Cristo tuxpox cruztat japiliajwabej. Judíos jarawujajan jumtaen wut, nejxasinka-elpi jarawujajan. Judíos-elpi x wut, jumtaen wut jarawujajan, me-ama nejliaklax wut, wejatisipox.

24 Xanal naewujajna x wut Cristo tuxpox cruztat xatislijaw. Dios makanot judíos japon pejjiwaliajwa. Makanotbejpon judíos-elpi japon pejjiwaliajwa. Puexa japi jumtaen wut Cristo tuxpox cruztat, japi chiekal matabija Dios pejpamamax, Dios pejmatabijsaxbej, Dios chajia nejchaxoel xot, Cristo tux wut puexa japi bu'welijwapon.

25 Jiw jumtaen wut Cristo tuxpox cruztat jiw bu'welijwa, japox, me-ama nejliaklax wut, wejatisipox. Pe amwutjel, japox kaes pejme matabijsax. Me-ama ampathatpijiw pejmatabijsax, jachi-el japox. Dios tapaei wut Cristo

tupaliajwa cruztat, japon tup wut, me-ama Dios mamnika-el wut, ja-aechon. Dios mat-et wut Cristo pejme dukaliajwa, jawut jiw matabija Dios pejpamamax, Dios kaes pejme mamnikpox. Me-ama jiw pejpamamax, jachi-el Dios pejpamamax.

²⁶ Takoew, jamal najut chiekal nejchaxoelde ma amwut xan jumchiyaxaelenpox! Dios xamal makanot wut japon pejiwaliajwam, xamalxot xabicha-el matabijapi ampathatpijixan. Xabicha-elbej paklochow paxi.

²⁷ Dios makanochpi, japi Dios pejiwaliajwa, japi jiw, me-ama matabijsla wut, ja-aechi asew jiwliajwa. Pe japi Dios kajachawaech xot, kaes pejme matabijs wut, ja-aechi. Me-ama ampathatpijiw matabijtpi, jachi-el japi jiw. Ja-aech wut, ampathatpijiw, xabich matabijtpi, xabich padalaxaeli. Dios makanot jiw japon pejiwaliajwa, japi jiw, me-ama mamnika-el wut, ja-aechi asew jiwliajwa. Pe japi jiw Dios kajachawaech xot, kaes pejme xabich mamnik Diosliajwa. Me-ama ampathatpijiw mamnik wut, jachiyaxil japi jiw. Ja-aech wut, ampathatpijiw, xabich mamnikpi, japox taen wut, xabich padalaxaeli.

²⁸ Dios makanot jiw japon pejiwaliajwa mastaenspi asew jiw. Japi jiw, me-ama pachaema-el wut, ja-aechpi paklochowliajwa. Ja-aech Dios, makanot wut jiw japon pejiwaliajwa, asamatkoi paklochow xabich padalaliajwa.

²⁹ Samata, aton nejchaxoelaxil: “Xan kaes pejme pachaeman. Me-ama asew jiw, jachi-enil xot, Dios namakafit japon pej-atonanliajwa” — chiyaxilon, nejchaxoel wut.

³⁰ Dios pajut puexa nakmakanot Jesucristo pejiwaliajwas. Dios nakta-paeibej chiekal matabijaliajwas japon pejjamechan, Cristo tup xot cruztat. Samata, xatis babijixan isaspoxan ajil Diosliajwa. Isfulasbej Dios nejxas-inkpoxan. Dios nakkajachawaetbej xatis babijax isasamatas.

³¹ Samata, xatis jiw jumchiyaxaes Dios nakkajachawaetpoxliajwa. Dios pejjamechan, chajia lelspx, jam-aech wut, jam-aechox: “jAton pajut ispoxan, japon chapaeyaxil asew jiw asbuan jumch japon aton sitaeliajwas! Japon atonlax chapaesia wut ispoxanliajwa, j japon nej chapae' asew jiw Dios kajachawaechpoxan, asew jiw japox jumtaen wut japi Dios sitaeliajwa!” — aech Dios pejjamechan, chajia lelspx.

2

Jesucristo kimatamatlaspx cruztat

¹ Takoew, xamalxot majt patx wut, xan chimiawujan naewujnax, maliach matabijtaxpoxan Diosxot. Japawujan majt asew jiw matabijael. Xamal japawujan naewujnax wut, chiekal naewujnax chiekal jummatabijaliajwam. Naewujnax wut japawujan, me-ama xabich matabijtax wut, jachi-enil.

² Xan xamalxotx wut, kaes asaxan nejchaxoela-enil matabijsliajwan. Xanlax nejchaxoelafulax naewujnafulaliajwan Jesucristo pejwujan, cruztat kimatamatlaspx.

³ Xamal nejwujnalel naewujnax wut, tajlewt tathulax. Chiekal mamnika-enil wut, ja-an xan.

⁴ Naewujnax wut chimiawujan xamal naexasisliajwam, me-ama xabich matabijsnan wut, jachi-enil. Espiritu Santo xan nakajachawaet xamal naexasisliajwam naewujnaxpoxan.

⁵ Dios nakajachawaet xotbej, xamal naexasitam xan naewhajnaxpoxan. Japoxan naexasis-emil, xamal matabijam xot ampathatpijiw matabijapoxan.

Espíritu Santo nakkajachawaetpox xatis matabijaliajwas Dios matabijtpoxan

⁶ Cristo chiekal xanaboejapixot, jaxot xan Dios pejjamechan naewhajnax, japi jiw kaes chiekal matabijaliajwapi Dios. Xan naewhajnaxpoxan najura-el ampathatpijiw naewhajanpoxan. Najura-elbej paklochow naewhajanpoxan. Asamatkoi puexa japi jiw chiekal toepaxael.

⁷ Xan jiw naewhajnax wut, naewhajnax Cristo tɔppox cruztat japi bu'welijawas Dios. Japoxliajwa Dios chajiakolaxtat, that is-el wutfuk, tamach nejchaxoelon: “Japox jachiyaxaelen jiw bu'welijawan” –aech Dios, tamach nejchaxoel wut. Ampamatkoiyan xanal japawhajan jiw naewhajnax, majt jiw matabija-elwhajan.

⁸ Cristo ampathatat wut, paklochow, ampathatpijiw tato'alpi, matabijaeli japawhajan. Japi japawhajan chiekal matabijaxael wut, kimatamatlaxili Cristo tɔpaliajwa cruztat. Japonlap, kaen, tato'laxael puexa ampathatpijiw, Diosxotsepibej.

⁹ Paklochow japi matabija-el Jesús, japon Cristopon. Me-ama Dios chajia jum-aech Cristo tɔpaliajwa, ja-aechlisi japox. Dios pejjamechan, chajia lelspx, jum-aech wut, jum-aechox:

“Jiw, nejxasinkpi Dios, japi jiwliajwa Dios chaemt pachaempoxan, majt chinax kaen aton tae-elpoxan, jumtae-elpoxanbej, nejchaxoela-elpoxanbej” –aech Dios pejjamechan, chajia lelspx.

¹⁰ Dios naktapaei matabijaliajwas Cristo tɔppox xatisliajwa, Espiritu Santo nakkajachawaet xot. Espiritu Santo puexa chiekal matabijt. Chiekal matabijtbejpon puexa Dios nejchaxoelpoxan.

¹¹ Xatis chiekal matabijaxisal asew jiw nejchaxoelpoxan. Pelax jiw pajut chiekal matabija nejchaxoelpoxan. Ja-aechbej Espiritu Santo. Japon chiekal matabijt Dios nejchaxoelpoxan, japon pajut Dios xot.

¹² Dios nejchaxoelpoxan xatis matabijaxisal wajut wajnejchaxoelaxantat. Espiritu Santo, fuloekpron athuxotsik, japon nakkajachawaet xatis matabijaliajwas Dios ispx xatisliajwa.

¹³ Xanal xamal naewhajnax wut, naewhajna-enil tajut matabijaxpoxan. Xamal naewhajnax Espiritu Santoxot matabijtaxpoxan. Xanal jiw naewhajnax Dios pejjamechan, japi jiwlis pejmatpɔatanxot Espiritu Santopi.

¹⁴ Jiw, naexasis-eli Jesús pejwhajan, japi pejmatpɔatanxot jil Espiritu Santo. Samata, nejxasinka-eli xanal naewhajnaxpoxan, xanal matabijaxpoxanbej Espiritu Santoxot. Japoxanliajwa, japi jiw asbuan jumch nejchaxoel: “Japoxan nejliaklaxan” –aechi, nejchaxoel wut. Japi xanal naewet wut, najumatabija-el, Espiritu Santo kajachawaes-esal xot. Samata, japi jiw chiekal jummatatabija-el Dios pejjamechan.

¹⁵ Pelax jiw, pejmatpɔatanxoti Espiritu Santo, japi jiw chiekal nejchaxoel Dios pijaxan matabijaliajwa. Japiliajwa asew jiw jumchiyaxisal: “Xamal jum-ampoxan diachwhajnaxolax. O, japoxan diachwhajnaxolaxa-el” –chiyaxisal.

¹⁶ Japoxliajwa Dios pejjamechan, chajia lelspx, jum-aech wut, jum-aechox: “Jiw pajut chiekal matabijaxil wajpaklon Dios nejchaxoelpoxan. Jiw naewhajnaxilbej Dios” –aech Dios pejjamechan. Xatis wajmatpɔatanxot Espiritu Santo. Samata, xatis matabijas Cristo nejchaxoelpoxan. Jatis wut, nejchaxoels, me-ama Cristo nejchaxoel.

3

Chiekal nabichaxaelpox Diosliajwa Jesús pejwajjan naexasiti

¹ Takoew, xamalxot majt naewajnajx wut, puexa Dios pejjamechan chiekal naewajjna-enil. Ja-an xan, xamal naewajnajx wut, xamal chiekal naexasis-emil xotfuk Espíritu Santo tato'alpox, xamal jelnaexasitam xotbejfuk Cristo pejwajjan. Samata, xamal, me-ama yamxi wut, ja-am Cristo pejwajjan naexasitampoxliajwa.

² Xamal majt matxoela naewajnajx tampapoxan Cristoliajwa, chiekal matabijaliajwam. Me-ama yamxuch pen mit miach, naxaeyaxan xaeyaxil xot, ja-an xan, xamal naewajnajx wut tampapoxan Cristoliajwa. Pe amwutjel, nakiowa xamal ja-amfuk. Nejnejchaxoelaxan kaes chiekal ti's-el, matabija-emil xot Cristoliajwa. Samata, xamal chiekal matabijaximil kaes xabich tampoelpoxan Cristoliajwa.

³ Xamal, me-ama asew jiw, Dios naexasis-elpi, ja-amfuk. Xamal-bej nusasiowlam asew jiwliajwa. Nalotambej. Jasoxan isam xot, diachwajnakolax xamal, me-ama asew jiw, ja-am.

⁴ Me-ama asew jiw, Dios naexasis-eli, duil wut kaenejchaxoelaxa-el, ja-ambej xamal. Xamalxot asew jiw jum-aech: "Xanal Pablo pejjiwan" — aechi. Asew jiw xamalxotbej jum-aech: "Xanallax Apolos pejpijwan" — aechi. Japoxan xamal amwutjel nakiowa jum-amfuk. Samata, duilam wut, kaenejchaxoelaxa-emil.

⁵ Xan, Pablo, kaes pejme pachaema-enil. Apolosbej kaes pejme pachaema-el. Xan, Apolos suapich, nabistax Diosliajwa. Samata, xanal naewajnajx wut, xamal chiekal naexasitam Jesucristo pejwajjan. Kaenanula xanal chiekal nabistax, me-ama Dios nato'a.

⁶ Xan matxoela naewajnajx Dios pejjamechan, xamalxotx wut. Do jawux, Apolos xamal naewajjan. Japon xamal kaes naewajjan, me-ama Dios nejxasink xamal duilaliajwam. Xan majt xamalxot naewajnajx wut Dios pejjamechan, me-ama muthax wut, ja-an nejmatpuatanxot. Do jawux, xan muthaxpi, Apolos, me-ama min matfalan, ja-aechon xamalliajwa. Dios chiekal is xotbej pejbichax nejmatpuatanxot, xamal, me-ama xan muthaxpi wut, chiekal ti'tpi, ja-am xamal.

⁷ Muthapon kaes pejme pachaema-el. Min matfalanbej kaes pejme pachaema-el. Dioslax kaes pejme pachaem. Dios kajachawaet xot, puexa muthaspi chiekal ti'sful.

⁸ Muthapi, min matfalpibej, kolemutje. Pe japi jiw puexa chiekal najup Diosliajwa. Dios mosaxaespi Diosxotse kaenanula nabisti ampathatat.

⁹ Xan, Apolos suapich, kaebichax nabistax Diosliajwa. Xamal, me-ama Dios pejlulan wut, ja-am xanal nabichliajwan. Xamal Dios pejjiwam xotbej, me-ama Dios isfalba wut, ja-ampox.

¹⁰ Xan matxoela naewajnajx xamal Cristo pejwajjan. Samata, xan, me-ama Dios pejba tuadutxponan wut, ja-an Diosliajwa. Amwutjel Apolos xamal kaes naewajnaful Cristo pejwajjan. Samata, japonbej, Dios pejba isan wut, ja-aechon. Xanwux, Apolosbej, japon, Dios pejba nabichan wut, ja-aechon. Kaenanula Diosliajwa nabisti chiekal nabichaxael Dios pejba chiekal pachaemaliajwa.

¹¹ Xamal naewajnajx Jesús pejwajjan, xamalbej tuadusliajwam Dios xanaboejampox. Xan Jesús pejwajjan xamal matxoela naewajnajx wut xamalxot, japanaewajnajx, me-ama bases, bapijax, ja-aechox, Dios pejba isliajwa. Japabases matxoela isas satat japaba chiekal mamnikaliajwa. Jesucristo, japon pajut, me-ama bases Dios pejbaliajwa.

¹² Aton ba isliajwa wut, bases isax toet wut, japabasesmatwujtat asan japaba isaxael, toepaxilba. Ja-aech wut, isaxaelon orotat. Ja-el wut, ba isaxaelon platatat. Ja-el wut, ba isaxaelon ia'antat, xabich ommaenkpotantat. Ja-el wut, asan aton isaxael toepaxaelba. Ja-aech wut, esaxaelon tawloba. Ja-el wut, ba esaxaelon baba-ufba. Ja-el wut, esaxaelon maklejbut-ufba.

¹³ Cristo pejme fuloek wut, jitat xapaejaxaelon bichaxan, kaenanula pejjii nabistpoxanliajwa. Do jawut, Cristo pejjiiw, japi kaenanula matabijaxael, chiekal nabist wut, o, chiekal nabich-el wut.

¹⁴ Cristo xapaejaxael wut japi pejbichaxan, japabichaxan pachaem wut, japi, nabistpi Cristoliajwa, chiekal mosaxaesi Diosxotse.

¹⁵ Japi nabistpoxan, pachaema-el wut, mosaxisali Cristo. Japi ispoxan wetoejwaxaes jitat. Pe nakiowa, napelsaxili Diosliajwa. Samata, japi jiw, me-ama wiapi jit pejba wematwujtamdaduch wut, ja-aechiyaxael japi jiw.

¹⁶ ¿Xamalkat matabija-emil, Dios pejtemploba wut, ja-ampox, Espíritu Santo nejmatpueatanxot duk xot?

¹⁷ Aton Dios pejtemploba tabejt wut, japon atonbej Dios boesaxaeson. Japaba Dios pajutliajwa. Xamal, Dios pejtemploba wut, ja-am, japon pejjiiwam xot.

¹⁸ ¡Najut nabej naekichachajbe! Xamalxot kaen aton nejchaxoel wut ampox: “Xan kaes pejme matabijtax. Me-ama asew jiw, ampathatpijiw, matabijs, xan jachi-enil” –aech wuton, japon kofsaxael japanejchaxoelax. Japon nejchaxoelaxael: “Xan matabijs-enil. Me-ama asew, ampathatpijiw, matabijs, xan jachi-enil” –chiyaxaelon, nejchaxoel wut. Japon aton diachwujnakolax asamatkoi matabijsanaxael.

¹⁹ Ampathatpijiw pejmatabijsaxan, japoxan Diosliajwa nejliaklaxan. Japoxanliajwa Dios pejjamechan, chajia lelsbox, jum-aech wut, jum-aechox: “Dios kajachawaet ampathatpijiw pejmatabijsaxtat, pajut chiekal matabijaliajwa japi pejmatabijsaxan nejliaklaxanpox” –aech Dios pejjamechan.

²⁰ Dios pejjamechan, chajia lelsbox, jum-aech wut, jum-aechbejbox: “Jiw pejmatabijsaxan, Diosliajwa, japox nejliaklaxan” –aech Dios pejjamechan, jum-aech wut japoxanliajwa.

²¹ Samata, xamal kaes pejme nejxasinkam wut asan naewujajanpox Jesús pejwujajan, xamal nejchaxoelaximil: “Xatis kaes pejme pachaems. Me-ama asew, Jesús pejwujajan naexasiti, jachi-esal” –chiyaximil, nejchaxoelam wut. Puexa xanal Jesús pejwujajan naewujajnax, Dios nato'a xot. Dios puexa ampathatat ispi, japoxan, puexa xamalliajwa.

²² Xan Pablo, Apolosbej, Pedrobej, xanal Dios panto'apin, xamal naewujajnalijwan. Dios ampathat is amwutjel xamal duilaliajwam, asamatkoiyanliajwabej. Dios tapaeibej xamal asamatkoi tupaliajwam. Dios puexa japoxan tapaei ampathatat xamalliajwa.

²³ Xamal, Cristo pejjiiwam, isfulaxaelam Cristo nejxasinkpoxan. Cristo, Dios paxulan, japonbej isful pax Dios nejxasinkpoxan.

4

Nabistpoxan apóstoles

¹ Xamal nejchaxoelam wut, ¡nejchaxoelde xanalliajwa: “Pablo, asew jiwbej, paklochowa-el. Japi jiw, me-ama xatis, ja-aechi. Japi nabist Cristoliajwa. Japi naknaewujajan majt jiw matabija-elpoxan, Dios to'as xoti” –amde, nejchaxoelam wut xanalliajwa!

² Xamal chiekal matabijam. Aton nabist wut pejpaklonliajwa, japon chiekal isaxael puexa tato'laspoxan.

³ Xanbej isfulax, tajpaklon natato'alpoxan. Samata, xamal, a sew jiw suapich, jumchiyaxaelam wut xanliajwa: "Pablo chiekal naewuajnafula-el jiw. Ispoxan chiekal isfula-elbejpon" —chiyaxaelam wut xanliajwa, xan japoxliajwa nejchaxoelaxinil. Isfulaxpoxanliajwa nejchaxoela-enilbej: "¿Xankat chiekal isfulax Dios natato'alpoxan? O, ¿xankat chiekal isfula-enil Dios natato'alpoxan?" —chi-enil, xan tajut nejchaxoelx wut.

⁴ Xan tajut matabijs-enil, babijax isx wut Diosliajwa, nabistax wut japonliajwa. Xanfuk tajut chiekal matabijs-enil, Dios chiekal naexasitx wut, o, chiekal naexasis-enil wutbej. Asamatkoi Dios pajut chiekal xan najumchiyaxael japoxanliajwa.

⁵ Samata, xamal nabej nejchaxoele' a sew jiwliajwa, nabisti Diosliajwa: "Japi chiekal nabich-el Dios to'aspox" —nabej aeche', nejchaxoelam wut! jAsbuan jumch wajpaklon Jesús wuaj nawesaxaelam pejme pasliajwasik! Jesús pask wut, japon pajut puexa jiw chiekal itpaeyaxael japi kaenanula ispoxanliajwa. Maliach ispoxanbej tulaela itpaeyaxaelon. Japon itpaeyaxaelbej, ma-aech xot jiw kaenanula japoxan is. Do jawux, Dios jumchiyaxael kaenanula jiwliajwa nabisti japonliajwa: "Xam diachwuajnakolax chiekal nabistam xanliajwa. Samata, xan xabich nejchachaemlax xamliajwa" —chiyaxael Dios kaenanula japi jiwliajwa.

⁶ Takoew, xan chiekal nanaewe'e tajutliajwa jumchiyaxaelenpox, Apolosliajwabej! Chiekal nanaewetam wut, xamal chiekal naexasi'e Dios pejjamechan, chajia lelspx! Dios pejjamechan, chajia lelspx, jum-aech wut, jum-aechox ampx, fiat wut: "Jum-am wut, jnabej jum-aech': 'Ampon kaes pejme xabich pachaem. Me-ama asan aton, jachi-elon' —nabej aeche'!" —aech Dios pejjamechan. Samata, nejchaxoelam wut, jnabej nejchaxoele': "Ampon aton, Dios pejjamechan naewuajanpon, kaes pejme pachaem. Me-ama asan aton, Dios pejjamechan naewuajanpon, jachi-el japon aton" —nabej aeche', nejchaxoelam wut!

⁷ ¿Achankat xamal jum-aech: "Xamal kaes pachaemampim. Me-ama a sew jiw, jachi-emilpim" —aechkat xamalliajwa? Xamal amwutjel nejewpoxan, japoxan, Dios xamal chaxduw. Dios xamal chaxduw wut, ¿ma-aech xotkat japoxanliajwa jum-am, me-ama xamal najut chiekal faekam wut, ja-amkat?

⁸ Xamal asbuan jumch nejchaxoelam: "Xatis xabich matabijas Dios pejjamechan, a sew jiw naknaewuajan xot. Samata, nakwewe'pa-el japi kaes naknaewuajnalialjwa" —am xamal, nejchaxoelam wut. Xamal japox nejchaxoelam wut, diachwuajnakolaxa-el. Chiekal matabijam wut Dios pejjamechan, xamal, me-ama tajpaklochowam wut, jachiyaxaelam. Diachwuajnakolax Dios pejjamechan naexasiti pejpaklochowam wut, ja-am wut, xanal nejchachaemlaxaelen xamalliajwa.

⁹ Xan tajut nejchaxoelx: "Dios natapaei puexa xanal apóstolespin ampathatpijiw xanal nanejweslialjwa. Japi jiw jum-aechbej: 'Xatis apóstoles beyaxaes' —aechi. Samata, puexa ampathatpijiw, Dios pej-ángesbej, chiekal xanal natachaemapi taelialjwa jachiyaxaelpox xanalliajwa" —an xan, nejchaxoelx wut.

¹⁰ A sew jiw nejchaxoel xanalliajwa: "Japi Cristo pejjiw xot, nejliakla" —aechi xanalliajwa, nejchaxoel wut. Pe xamallax najutliajwa asbuan jumch nejchaxoelam wut, jum-am: "Xatis Cristo pejjiws xot, xabich matabijas" —am, nejchaxoelam wut. Nakaewa najum-ambej xanalliajwa: "Japi mamnika-el" —am xamal xanalliajwa. Xamallax najut nejchaxoelam wut, jum-am: "Xatis kaes pejme mamnikas" —am xamal. A sew jiw xanal nasitae-el. Pelaxi xamal japi jiw sitaen.

¹¹ Xanal jiw naewhajnax wut asapaklowaxanxot, nabijatax. Amwutjelbej nakiowa nabijatax. Xanal asamatkoi litaxaelax. Minsilabej. Nawejilbej chamoeyaxan chiekal naxoeliajwanlejen. Jiw babijaxan isfulbej xanalliajwa. Tajbachan nawejilbej, xabich nanhamtax xot asatujnuchanel.

¹² Asamatkoi xanal xabich damlax, xabich nabistax wut tejew wujsliajwan. Asew jiw jum-aech babejjamechan xanalliajwa. Ja-aech wut, xanallax Dios kawhajnax japi jiw Dios kajachawaesliajwas. Asew jiw babijaxan isful wut xanalliajwa, xanal talala-el japi jiwliajwa.

¹³ Asew jiw babejjamechan jum-aech wut xanalliajwa, xanallax jum-an chimiajamechan japi jiwliajwa. Asew jiwliajwa, xanal, me-ama xabich pachaema-elpoxan wut, ja-an japiliajwa. Pomatkoicha, hasta amwutjel, jasoxtat xanal duilafulax.

¹⁴ Xan amprox lelx wut, lela-enil xamal nadalaliajwa. Xanlax lelx amprox xamal naewhajnaliajwan. Xamal naewhajnax wut, me-ama taxikola naewhajnax wut, ja-an xamalliajwa, xamal nejxasinkax xot.

¹⁵ Xamal naewhajnax wut Jesús pejwujajan, naexasitam japawhajan Dios xamal bu'welialjwa babijaxan isamproxanliajwa. Samata, xan, me-ama nejaxnan wut, ja-an xamalliajwa, Jesús pejwujajan naewhajnax wut, naexasitam xot. Do jawux, Jesús pejwujajan naexasitam wut, xabich asew jiw kaes xamal chanaekabana chiekal matabijaliajwam.

¹⁶ Amwutjel xamal jum-an chiekal duilaliajwam. Me-ama xan xamalxot chiekal dukx wut, xamalbej ja-amde, duilam wut!

¹⁷ Samata, Timoteo to'ax xamal poxade, japon xamal naewhajnaliajwa, chiekal duilaliajwam, me-ama xan chiekal dukx, jachiliajwam. Xan Timoteo xabich nejxasinkax, chiekal naexasit xoton Jesús pejwujajan. Samata, Timoteo, me-ama taxulan, jabuan-an. Timoteo xamal chapaeyaxael nejchaxoelaliajwam, ma-an xan, majt dukx wut xamalxot, Jesús pejwujajan naexasitx xot. Me-ama xan potujajucha naewhajnax, jachiyaxael Timoteo, xamalxot wut.

¹⁸ Asew jiw xamalxot pajut nejchaxoel: “Xatis kaes pejme pachaems, xabich matabijas xot. Samata, Pablo xatis bej naktaeyaxilbej kaes naknaewhajnaliajwa” —aech japi jiw, pajut nejchaxoel wut xanliajwa.

¹⁹ Pe nakiowa, Dios natapaei wut, kaematkoian sapich wut, xamal taeyaxaelen. Xan japi jiw tajut chiekal taeyaxaelen, matabijsliajwan, diachwujnakolax japi jiw mamnik wut Espiritu Santo pijaxtat. Jachi-el wut, xan tajut chiekal matabijsaxaelen, japi jiw asbuan jumch pajut jum-aechpoxankal.

²⁰ Dios pejjiw matabijaxaes, isful wut pachaempoxan, Dios kajachawaech xoti. Japi jiw asbuan jumch pajut jumdui-el isliajwa pachaempoxan.

²¹ Xamalxot patx wut, xamalkat nejxasinkam xan kastikaliajwan, xamal babijaxan isam xot? O, xamalkat nejxasinkam xan chiekal naewhajnaliajwan, xamal nejxasinkax xot?

5

Corinto paklowaxpijw, Jesús pejwujajan naexasitixot, dukpox xabich babijax ispon

¹ Kaen aton xabich babijax is xamalxot, fit xoton pax pijow. Jiw, naexasiseli Jesús pejwujajan, jasox is-el, me-ama japox.

² Pe xamal japon aton fias-emil. Asbuan jumch xamal najutliajwa nejchaxoelam: “Xatis kaes pejme pachaems. Me-ama asew jiw, jachi-esal” —am xamal, nejchaxoelam wut. ¡Jasox xamal nabej nejchaxoele! ¡Xamal xabich

nadalaxaelam japon atonliajwa! ¡Xamal to'im japon aton chijiyaliajwa xamalxot, pejme kaxa-elaliajwapon!

³ Diachw_uajnakolax amw_utjel xan tajut xamalxota-enil. Pe nakiowa, nejchaxoelx w_ut, xan tajut, me-ama xamalxotx w_ut, ja-an. Matabijtax japon aton babijax ispo_x. Samata, xanliajwa japon aton wewe'pas kastikax. Xamal japon aton kastikaxaelam, xan jaxota-enil w_ut.

⁴ Xamal natamejlam w_ut j_umchiliajwam japon aton babijax ispo_xliajwa, jaw_ut xan nejchaxoelaxaelen xamalliajwa. Jaw_utbej wajpaklon Jesús xamal kajachawaesaxael chiekal matabijaliajwam, machiyaxaelam japon atonliajwa.

⁵ Japon, xabich babijax ispon, ¡xamal to'impon chijiyaliajwa xamalxot, Satanás tato'laspi poxaliajwapon! Jaxotde xabich nabijat w_ut, pajut chiekal nejchaxoelaxaelon. Ja-aech w_ut, japon pejme chiekal naexaxisaxaelbej Jesús pejw_uajan. Ja-aech w_ut, japon bu'weyaxaes asamatkoi, Jesús pejme pask w_ut.

⁶ ¡Xamal najut nabej nejchaxoele': "Xatis kaes pejme pachaems. Me-ama asew jiw, jachi-esal" –nabej aeche', nejchaxoelam w_ut, japon, xabich babijax ispon, xamalxot duk xoton! Xamal chiekal matabijam. Aton babijax isful w_ut xamalxot, japon aton tabejsaxael puexa Jesús pejw_uajan naexasiti.

⁷ Samata, japon aton, babijax isax nejxasinkpon, ¡xamal chijiyax to'im tabejsasamatapon asew jiw xamalxot! Japon aton, me-ama padujpansap, levadura kitania_lassap, ja-aech japon aton, babijax isax nejxasink xot. Pe xamal pajelnejchaxoelaxan, Jesús kajachawaet xot babijax isasamatam. Ja-am w_ut, Diosliajwa, me-ama pajelsap, levadura kitania_la-esal sap pan isliajwa, ja-am xamal. Cristo t_up xot cruztat nakbu'wel_uliajwa babijaxan isaspo_xanliajwa, Diosliajwa japon, me-ama wajan Cordero, Pascuafiesta w_ut boesaspon, jakitison.

⁸ Samata, xatis nejchachaemlas. Me-ama judíos nejchachaemil Pascuafiesta w_ut, jatisbej xatis. Judíos pelt padujpansapan, japasapan ajilaliajwa japixot. Jachiyaxaesbej xatis. Samata, majt babijaxan isaspo_xan kofaxaes kaes is-elaliajwas babijaxan.

⁹ Majt asacarta xamalliajwa lel_x w_ut, jaxot chiekal chanaekabu_uanax nachal_uasamatam jiw, babijaxan isaxan nejxasinkpi suapich, asew watho' bu'moejsax nejxasinkpi suapichbej.

¹⁰ Naexaxis-elpixot Jesús pejw_uajan, asew watho' bu'moejt. Asew japixotbej, pejew w_ut, xabich nejpas-esal pejew. Xabich j_umch kaesasiapi. Asew nejxasink natkowax. Asew nejxasinkbej ídolos kaw_uaj_nax. Japacarta xato'ax w_ut, xato'a-enil xamal nadijaliajwam japi jiw_xot. Jiw babijaxan ispi, japi pothata xaj_up. Samata, nakolaximil japi jiw_xot. Japixot xamal nakolasiam w_ut, nakolaxaelam ampathatat.

¹¹ Xan chajia asacarta lel_x w_ut, naew_uaj_nasian ampo_x. Aton j_um-aech w_ut: "Xan naexasitx Jesús pejw_uajan" –aech w_uton, pe japon aton nakiowa asew watho' bu'moejt w_ut, ¡jasi jiw suapich, xamal nabej nan_uams! Xamalxot asan aton pejew w_ut, japon aton nejpas-esal w_utbej, xamalxot asan aton ídolo kaw_uajan w_utbej, ¡jasi jiw suapich, xamal nabej nan_uams! Xamalxot asan aton j_um-aechful w_ut babejjamechan asew jiw_liajwa, xamalxot asan aton saxa feyax nejxasink w_utbej, xamalxot asan aton nejxasink w_utbej natkowax, ¡jasi jiw suapich, xamal nabej nan_uams! Jiw ja-aechpi, xamal tad_ut w_ut xaeliajwa, ¡japi jiw suapichbej, nabej naxae'!

¹²⁻¹³ Dios xan natapae-el j_umchiliajwan naexaxis-elpiliajwa Jesús pejw_uajan: "Ampi jiw, babijaxan is. Samata, japi xabich kastikaxaes" –chiliajwan. Dios pajut japox j_umchiyaxael japiliajwa. Xabich

kastikaxaesbejpi. Xamalxotlax naexasiti Jesús pejwñajan babijax is wñt, Dios tapaei xamal najut jumchiliajwam, chaemsliajwambej: “Ampi babijaxan is. Samata, xatis wajut japi kastikaxaes” —chiliajwam. Samata, ðto'im japon aton xamalxot chijiyaliajwa, xabich babijax is xoton!

6

Wñajan chaemsaxaelpox, Jesús pejwñajan naexasiti wñajan wñt nakaewaliajwa

¹ Xamalxot asan babijax is wñt xamalliajwa, japon aton nabej bñflae' juez poxade japox wñajan juez xamal wechaemsliajwa! Xamallax tadñsaxaelam asew jiw, Jesús pejwñajan naexasiti, japi kajachawaesliajwa japox wñajan chaemsliajwam.

² Xamal chiekal matabijam. Cristo asamatkoi fuloek wñt, jawñt naexasichpis Jesús pejwñajan Dios naktapaeyaxael jumchiliajwas kaenanñla naexasiseli Jesús pejwñajan: “Xam babijaxan isam. Samata, Dios xam kastikaxael” —chiliajwas. Samata, xamal amwñtjel chiekal matabijam wñajan chaemsliajwam, asew jiw xamalxot pejbñ'wñajan wñt. Puxa japox chiekal tampa xamalliajwa.

³ Xamal chiekal matabijambej. Asamatkoi xatis jumchiyaxaesbej kaenanñla asew ángeles, babijaxan ispiliajwa: “Xam nejbñ'wñajan Diosliajwa, babijaxan isam xot. Samata, Dios xam kastikaxael” —chiyaxaes. Samata, xatis amwñtjel matabijas wajut chaemsliajwas, wñajan wñt xatisxot.

⁴ Samata, xamalxot wñajan wñt, ¿ma-aech xotkat aton bñ'folam juez poxade japon juez wñajan wechaemsliajwa? Japi juez, Jesús pejwñajan naexasis-el. Xamal fulaeyaximil juez poxade japox wñajan juez wechaemsliajwa.

⁵ Xamal japox jum-an nadalaliajwa. Xamalxot wñajan wñt, ¿xamalxotkat kaen aton ajil, chiekal matabijtpon wñajan chaemsliajwa?

⁶ Xamal Jesús pejwñajan naexasitam xot, kaen xamalxot babijax is wñt, ðnabej bñflae' juez poxade japon aton tasalaliajwam jaxotde!

⁷ Japon aton bñ'folam wñt jueces poxade, japi jueces, Jesús pejwñajan naexasis-eli, japi wñaltaen wñt japox, pachaemaxil xamalliajwa. Naexasis-elpi Jesús pejwñajan matabijaxael xamal chiekal duila-emilpox. Samata, ðbabijaxan ispon nabej bñflae' juez poxade! Jelnaxasiti Jesús pejwñajan, babijaxan is wñt xamalliajwa, kaes pachaem tapaeliajwam japi japoxan isliajwa. Japi nejew natkowa wñt, tapaeeyaxaelam natkowaliajwa.

⁸ ðPelax xamal babijaxan isfulam nakaewaliajwa! ðWenatkowambej asew jiw, naexasiti Jesús pejwñajan!

⁹⁻¹⁰ ðXamal najut nabej naekichachajbe'! Xamal chiekal matabijam, babijaxan ispi, japi duilaxil Diosxotse. Samata, ðnabej is pachaema-elpoxan, najut isasiampoxan! Poejiw, asew watho' bñ'moejtpi, japibej duilaxil Diosxotse. Jiw ídolos kawñajanpi, japibej duilaxil Diosxotse. Pejwatho'pi, asew watho' naebñ'moejtpi, japibej duilaxil Diosxotse. Nakaepojwa nabñ'moejtpi, japibej duilaxil Diosxotse. Jiw kithakabej, duilaxil jaxotse. Jiw pejew wñt, jumch xabich kaesasiapi, japibej duilaxil jaxotse. Saxa femaenkpi, japibej duilaxil Diosxotse. Jiw, bñxwñajanmaenkpi, japibej duilaxil Diosxotse. Asew jiw, naekichachajbapi wenosliajwa asew jiw pejew, japibej duilaxil Diosxotse.

¹¹ Asew jiw xamalxot majt babijaxan isful. Pe amwñtjel, japi is-el babijaxan, Dios webeltaens xot babijaxan ispoخانliajwa, Jesucristo tap xot cruztat japiliajwa. Diosliajwa japi jiw pachaemlisi. Samata, japi Dios pejiw. Espíritu Santobej kajachawaech naexasisliajwapi Dios.

Isaxilpox babijax Jesús pejwɥajan naexasiti

¹² Asew jiw jum-aech: “Amwɥtjel xan na-it-ele-el majt nafiatpox. Samata, isasianpoxan isaxaelen” —aechi. Pe xatis puexa isasiaspoxan isas wɥt, chiekal duilaxisal Diosliajwa. Diachwɥajnakolax xan na-it-ele-el puexa isasianpoxan isliajwan. Pe xan tajut natapaeyaxinil tajnejchaxoelax natato'laliajwa babijaxan isliajwan, japox babijax, me-ama tajpaklon wɥt, jachiliajwan.

¹³ Asew jiw jum-aech wɥtbej: “Naxaeyaxan tajwoejtliajwa. Tajwoejtbej naxaeyaxanliajwa” —aech wɥti, japi jum-aechpox, diachwɥajnakolax. Pe Dios asamatkoi toesaxael naxaeyaxan, wajwoejanbej. Dios nak-is-el asew watho' bu'moejsliajwas. Dios nak-is japon tanbichliajwas. Dios nakka-jachawaetbej xatis chiekal mamnikaliajwas.

¹⁴ Wajpaklon Jesús tɥp wɥt cruztat, Dios mat-echpon pejme dukaliajwa. Asamatkoi xatisbej Dios nakmat-eyaxael pejme duilaliajwas.

¹⁵ ¡Xamal matabijaxaelam, xatis kaenanɥla Cristo pejiws xot, me-ama Cristo pejbɥ't wɥt, jatis! Samata, asew watho' bu'moejsaxisal, plata kanapi poejiw bu'moejsaxtat.

¹⁶ ¡Xamalbej matabijaxaelam, kaen aton japow bu'moejt wɥt, japi, me-ama kaen wɥt, ja-aechlisi! Dios pejjamechan, chajia lelsbox, jum-aech wɥt, jum-aechox japoxliajwa: “Japi kolenje, me-ama kaen wɥt, ja-aechlisi” —aechox.

¹⁷ Naexasitpon Cristo pejwɥajan, japon, Cristo sɥapich. Japi, me-ama kaen wɥt, ja-aechi Diosliajwa.

¹⁸ Samata, ¡nabej bu'moejs asew watho'! Nejmachbabijaxan jiw is wɥt, pejbɥ'an tabejs-esal. Pe nakiowa, aton asew watho' bu'moejt wɥt, japon aton pajut natabejt Diosliajwa.

¹⁹ ¡Xamalbej matabijaxaelam! ¡Xamal Diosliajwa, me-ama Espiritu Santo pejtemploba wɥt, ja-am, Espiritu Santo duk xot nejmatpɥatanxot! Pe Dios to'a Espiritu Santo dukaliajwa xamal nejmatpɥatanxot. Nejbɥ'anbej xamal najutliajwa-el isliajwam babijaxan.

²⁰ Xamal Dios wɥajt. Cristo tɥp wɥt cruztat, japon mot xamal babijaxan isampoxanliajwa. Samata, ¡kaes babijaxan nabej is! Babijaxan is-emil wɥt, jiw sitaeyaxael Dios.

7

Pablo naewɥajanpox Jesús pejwɥajan naexasiti nakjiyaxliajwa

¹ Majt xamal carta xato'am wɥt xanliajwa, japacartaxot nawɥajnachaemtam nakjiyaxliajwa. Amwɥt nawɥajnachaemtampoxliajwa amxot lelaxaelen xamal chiekal chanaekabuɥanaliajwan nakjiyax. Kaes pejme pachaem, aton tamach laejaliajwa, pawis fis-elaliajwa.

² Pe poejiw xabich asew watho' bu'moejt xot, jasox isasamata, kaes pejme pachaem kaenanɥla poejiw nakjiyaliajwa, kaenanɥla watho'bej nakjiyaliajwa, asbuɥan jumch asew poejiw bu'moejsasamata watho'.

³ Kaenanɥla poejiw chiekal laelpaxael pijowxot. Jachiyaxaelbej kaenanɥla watho'. Chiekal laelpaxaeli pamalxot.

⁴ Kaenanɥla watho' pamalpi, japi watho' pajutliajwa-el pejbɥ'an. Japi pejbɥ'an pamalliajwa. Jachiyaxaelbej poejiw pejwatho'pi. Japi poejiw pejbɥ'an pajutliajwa-el. Japi pejbɥ'an pijowliajwa.

⁵ Samata, xamal, watho'am, ¡nabej nejwesle' kaeyaxtat moejsliajwam, nejmol sɥapich! Xamal poejwam, ¡ja-amdebej! Pelax xamal, nijow sɥapich, kaenejchaxoelaxam wɥt Dios piach kawɥajnalialjwam, ¡jawɥt kaeyaxtat nabej moejs, nijow sɥapich! Jachiyaxaelam asax nejchaxoelasamatam,

piach Dios kaw_uajnalialjwam w_{ut}. Dios kaw_uajnax bu_xtoetam w_{ut}, nijow s_uapich, pejme kaeyaxtataxaelam. Jasox isaxaelam xamal babijaxan isasamatam, Satanás naekichachajbasamata xamal.

⁶ Xan ampox lelx w_{ut}, to'a-enil puexa xamal nakjiyalialjwam. Pe ampox xan lelx xamal chiekal matabijalialjwam. Nakjiyasiam w_{ut}, ¡nakjiyim!

⁷ Nejxasinkax xamalbej tamach laelpalialjwam, me-ama xan pawis fis-enil, jachilialjwam. Dios kaenan_ula jiw kajachawaet duilalialjwa, me-ama Dios nejxasink. Samata, asew jiw nakjiyaxael. Asew nakjiyaxil.

⁸ Xamal poejwam tamach laelpampim, xamal watho'am tamach laelpampimbej, xamal watho'am nejmol naet_upimbej, puexa xamallialjwa j_um-an ampox. Pachaem nakjiya-elalialjwam, me-ama xan, jachilialjwam.

⁹ Pe xamal boejtaliasaximil w_{ut}, ¡nakjiyim, kaes nejchaxoelasamatam asaxan isaxan, japow s_uapich!

¹⁰ Xamal, nakjiyampim, j_umchiyaxaelen. Japox tajnejchaxoelaxa-el. Pe japox, Dios nejchaxoelpox, j_umchiyaxaelen. Xamal watho'am, ¡nabej pels nejmol!

¹¹ Pawis pamal fo'apow, japow asan aton fisaxil. O, japow nospaeyaxael, pamal s_uapich, pejme nawoeyalialjwa, chiekal pachaemalialjwapi. Poejiwbej pelsaxil pejwatho'jiw.

¹² Asew jiw, xamalxotpijiw, xan japi j_umchiyaxaelen tajut nejchaxoelx_pox nakjiyaxliajwa. Japox wajpaklon Jesús nab_uxto'a-el. Jesús pejw_uajan naexasitpon, japon pijow, Jesús pejw_uajan naexaxis-elpow w_{ut}, pe pijow nejxasink w_{ut} laejalialjwa pamalxot, ja-aech w_{ut}, japon aton fo'axil pijow.

¹³ Jesús pejw_uajan naexasitpow, japow pamal, naexaxis-elpon w_{ut} Jesús pejw_uajan, pe japon nejxasink w_{ut} laejalialjwa pijowxot, ja-aech w_{ut}, japow fo'axil pamal.

¹⁴ Naexaxis-elpon Jesús pejw_uajan, japon aton Dios kajachawaesaxaes pijow pijaxtat. Pawisbej, naexaxis-elpow w_{ut} Jesús pejw_uajan, japow Dios kajachawaesaxaes pamal pijaxtat. Do ja-aech w_{ut}, japi paxibej Dios kajachawaesaxaes. Dios kajachawaes-el w_{ut}, japi paxi, me-ama asew, Jesús pejw_uajan naexaxis-eli paxi w_{ut}, jachiyaxael japi paxi.

¹⁵ Pawis, Jesús pejw_uajan naexasitpow, japow pamal, naexaxis-elpon w_{ut} Jesús pejw_uajan, japon aton pijow fo'asia w_{ut}, ¡nej fo'epon pijow, japow tamach laejalialjwa! Atonbej, Jesús pejw_uajan naexasitpon, japon pijow, Jesús pejw_uajan naexaxis-elpow w_{ut}, japow fo'asia w_{ut} pamal, ¡nej fo'epow pamal, japon aton tamach laejalialjwa! Dios jasox nejxasink xamal chiekal duilalialjwam w_uajanjilaxtat.

¹⁶ Xamal watho'am, kaenan_ula nejmol, naexaxis-elpon w_{ut} Jesús pejw_uajan, xamal chiekal laelpam w_{ut}, nejmol s_uapich, ja-am w_{ut}, nejmol bej naexaxisaxaelbej Jesús pejw_uajan. Xamal poejwambej, kaenan_ula nijow, naexaxis-elpow w_{ut} Jesús pejw_uajan, xamal chiekal laelpam w_{ut}, nijow s_uapich, ja-aech w_{ut}, nijow bej naexaxisaxaelbej Jesús pejw_uajan.

¹⁷ Ma akasestat xamal iduilamdo' naexaxis-emil w_{ut}f_uk Jesús pejw_uajan, ¡do jaxot xamal nakiowa duilaf_ulde! Ma akasestat xamal inabistamdo' naexaxis-emil w_{ut}f_uk Jesús pejw_uajan, ¡do japabichaxan nabichf_ulde! Japox xan pot_uaj_ncha naew_uaj_nax naexasiti Jesús pejw_uajan.

¹⁸ Jesús pejw_uajan naexasitpon, circuncidas w_{ut} Dios pejmarkaxliajwa, japon nejxaejwaxisal circuncidaspo_xliajwa. Asan Jesús pejw_uajan naexasit w_{ut}, japon circuncida-esal w_{ut}, ¡japon kito'axil circuncidialjwas!

¹⁹ Circuncidax, o, circuncida-elpoxbej, japoxan koloeyaxanxot, Diosliajwa kaes asax pejme pachaema-el. Japoxan koloeyax chiekal najur. Kaes pejme pachaempox naexasisliajwas Dios tato'alpox.

²⁰ Jesús pejuajan naexasiti kaenanula ma iduildo', do jaxot duilafulaxaeli. Ma japi inabistdo' akasestat naexasis-el wutfuk Jesús pejuajan, do japoxan japi nabichfulaxael.

²¹ Asew jiw xamalxot esclavospi. Naexasit wuti Jesús pejuajan, japi nej nechaxoela-ele' malech nabistpoxliajwa paklochowliajwa! ¡Nejmach chiekal nej nabichpi nabistxot! Japi pejmatkoi wepach wut nakolaliajwa, ¡nej nakole paklochowxot!

²² Kaen esclavo naexasit wut wajpaklon Jesús pejuajan, japon Jesús pamakan. Pe japon, esclavo-el wut, ja-aechbejpon. Japon nabist wut paklonliajwa, jawutbej, me-ama nabiston Jesúsliajwa. Aton, esclavo-elpon, naexasit wut Jesús pejuajan, japon aton Cristo pej-esclavo wut, ja-aechon.

²³ Dios xamal wujt wut, moton xabich ommaeyaxtat. Samata, asew jiw tato'al wut babijaxan isliajwam, ¡xamal nabej is japoxan!

²⁴ Samata, Jesús pejuajan naexasitampim, kaenanula duilamxot, ¡do jaxot xamal duilafulde! Nabistampox, ¡japoxbej nabichfulde! Xamal kaenanula jam wut, Dios kajachawaesaxael.

²⁵ Xamal nakjiya-emilpim, naewujnaxaelen nakjiyaxliajwa, majt nawujnachaemtampox. Wajpaklon Jesús nabuxto'a-el japox xamal naewujnaliajwan. Pe xan tajut nechaxoelxrox xamal jumchiyaxaelen. Dios nabeltaen xot, natapaei japon pejjamechan jiw naewujnaliajwan. Samata, xamal naewujnaxaelen.

²⁶ Xatis amwutjel duilafulas pachaema-elmatkoiyantat. Samata, xan nechaxoelx: "Kaes pejme pachaem, nakjiya-esal wut tamach laelpaliajwas" — an, nechaxoelx wut.

²⁷ Samata, xamal poejwam kaenanula nijow wut, ¡nabej fo'e! ¡Chiekal kaelel bu'laelpde nejwatho'! Xamal poejwam, nakjiya-emil wutfuk, ¡nabej wulweke' watho' nakjiyaliajwam!

²⁸ Fitam wut nijow, japox chaemila-el. Pansiawbej fit wut pamal, japoxbej chaemila-el. Pe nakjiyapi, japi jiwliajwa asamatkoi xabich tampoelaxael wewe'paspojanliajwa. Samata, xan nejxasinkax jumchiliajwan, xamal poejwam kaenanula watho' notam wut bunbijasasamatam.

²⁹ Takoew, xan nejxasinkax xamal jumchiliajwan amprox. Matkoiyan xabich xatis nakwewe'pa-el laelpaliajwas. Samata, pejuwatho'pi, japibej wajpaklon Diosliajwa xabich nabichaxael. Me-ama tamach laelpi xabich nabist Diosliajwa, jachiyaxaelbej pejuwatho'pi.

³⁰ Puexa jiw nechaxoelaxael nabichliajwa Dios pijax bichax. Jiw wetups wut pejiw, xabich nejxaejwas wutbej, xabich nabichaxaelpi Dios pijax bichax. Nejxaejwaxkal japi boejxatataeyaxil. Jiw nechachaemilpi, japibej xabich nabichaxael Dios pijax bichax, me-ama nechachaemla-el wut, jachiliajwapi. Jiw pejew wut, japibej pasiowlaxil pejew. Japibej xabich nabichaxael Diosliajwa.

³¹ Pejew xabich mowapi, pejew mowa wut, japi jiw nechaxoelaxil pajutliajwakal. Japibej Diosliajwa xabich nabichaxael, asamatkoi puexa ampathat chiekal toepaxael xot. Samata, puexa jiw pejewkalliajwa xabich nechaxoelaxil.

³² Xan nejxasinkax xamal nechaxoela-elaliajwam ampathatpijaxan. Pawis fis-elpon, japon nechaxoelaful nabichliajwa wajpaklon Dios pejbichax, Dios nechachaemlaliajwa japon atonliajwa.

³³ Pijowponlax nejchaxoel ampathatpijaxan. Nejchaxoelbejpon puexa isliajwa pijow chiekal nejchachaemlaliajwa japonliajwa.

³⁴ Pawis, pamal fis-elpow, japow nejchaxoel wajpaklon pijax bichax. Japow nejchaxoel Dios tanbichliajwa. Pawis, pamalpowlax, japow nejchaxoel ampathatpijaxan. Nejchaxoelbejpow puexa isliajwa pamal chiekal nejchachaemlaliajwa japowliajwa.

³⁵ Japox jum-an wut, xamal fias-enil nakjiyasamatam. Pe japox jum-an xamal naewuajnalialjwan chiekal nejchaxoelaliajwam. Nejxasinkax xamal chiekal duilaliajwam. Nejxasinkaxbej puexa xamal chiekal tanbichliajwam wajpaklon Dios.

³⁶ Aton chajia jumdut wut pawis fisliajwa, japow chiekal ti't wut, japon aton nejchaxoel: "Xan japow fitx wut, japox pachaemaxael xanliajwa" — aechon, nejchaxoel wut. Ja-aech wut, japon aton japow pawis fisaxael. Japox chaemila-el.

³⁷ Asan aton jum-aech wut: "Xan pawis fisaxinil" — aech wuton, nejchaxoel wut, japox pachaem japonliajwa.

³⁸ Samata, aton fit wut jumdutpow, japox chiekal pachaem japon atonliajwa. Asanlax, pawis fis-el wut, japon atonliajwa japox kaes pejme pachaem.

³⁹ Pamal laeja wut, japow pamalxotaxael. Fisaxilow asan. Jasox jum-aech Dios pejjamechan, chajia lelspx. Pelax pamal tɔp wut, ja-aech wut, pachaem japow asan fisliajwa. Japow fisaxael Jesús pejwuajan naexasitpon.

⁴⁰ Xan nejchaxoelx: "Pamal naetɔpspow, asan fis-el wut, ja-aech wut, kaes pejme nejchachaemlaxael japow" — an, xan nejchaxoelx wut. Xan jasox nejchaxoelx, Espíritu Santo nakajachawaet xot.

8

Choef xua'atpox ídolos-ofrendaliajwa, japawi nama wut, asew jiw xael

¹ Majt xamal carta xato'am wut xanliajwa, nawuajnachaemtam: "¿Choef xua'taspi ídolos-ofrendaliajwa, japawi naman wut, pachaemkat xaeliajwas?" — na-am xamal, nawuajnachaemtam wut. Asew, naexasiti Jesús pejwuajan, japawi xaeliajwa nejxasinka-el. Puexa xatis chiekal matabijas japawi pachaempox xaeliajwas. Pe nejchaxoels wut: "Xatis kaes pejme chiekal matabijas. Me-ama asew, Jesús pejwuajan naexasiti, xae-elpi japawi, xatis jachi-esal" — tis wut, nejchaxoels wut, japonejchaxoelax pachaemaxil. Samata, nejchaxoelaxisal japox. Kaes pachaem, nejchaxoelaliajwas: "Xatis nejxasinkas japi jiw, xae-elpi japawi. Samata, xatis xaeyaxisal japawi japi jiw nakkaechataesamata" — chiyaxaes, nejchaxoels wut. Jatis wut, xatis japi jiw kajachawaesaxaes chiekal naexasisliawapi Dios.

² Aton pajut nejchaxoelpon: "Xan japoxanliajwa puexa chiekal matabijtax" — aech wuton, japon aton pajut nanaekichachajba. Japon wewe'pas puexa kaes chiekal matabijsliajwa.

³ Dios nejxasinkpon, japon aton Dios matabijtas.

⁴ Xatis chiekal matabijas. Ídolos chinax pachaema-el, asbuuan jumch japoxan ídolos xot. Puexa ídolos, japoxan Dios-el. Kaen Dios athuxotse duk. Jiw choef xua'at wut ídolos-ofrendaliajwa, japox ofrenda asaxliajwa chinax pachaema-elbej.

⁵ Jiw chiekal matabija-el. Samata, asbuuan jumch jum-aechi: "Ampathatat xabich maenk dioses, athuxotsebej" — aechi.

⁶ Pelax xatis chiekal matabijas. Kaen waj-ax Dios. Do japon chiekal kaekolan. Do kaes asan Dios ajil, me-ama Dios, jason. Dios puexa is xatis duilaliajwas, japon nejxasinkpoxan isliajwas. Chiekal matabijasbej.

Kaen, wajpaklon Jesucristo. Japon Dios to'as puexa isliajwa. Japon nakka-jachawaet xot, laelpas ampathatat.

⁷ Puexa naexasiti Jesús pejwñajan, japi chiekal matabija-el ídolos chinax pachaema-elpox asaxliajwa. Asew jiw japixot majt ídolos kawñajan. Amwutjel japi jiw chiekal Dios xanaboeja-elfuki. Samata, japi jiw xael wut namanwi, ídolos-ofrendaliajwawi, japi jiw nejchaxoel: “Xatis japawi xaes xot, isas pachaema-elpox” –aechi, nejchaxoel wut.

⁸ Xatis chiekal matabijas. Jiw choef xua'at wut ídolos-ofrendaliajwa, japawi xaes wut, o, xae-esal wutbej, Diosliajwa japoxan koloeaxan chiekal pachaem.

⁹ Pachaem xatis japawi xaeliajwas. ¡Pe chiekal taeyaxaes! Asew, naexasiti Jesús pejwñajan, jum-aech wut: “Dios nejxasinka-el japawi xaeliajwas” –aech wuti, ja-aech wut, nabej xae' japawi! Xamal kaechataen wuti, ja-aech wut, japiwej xaeyaxaelbej japawi. Xael wuti, kaenanula nejchaxoelaxaeli: “Xan babijax isx Diosliajwa” –chiyaxaeli, nejchaxoel wut. Jasox japi nejchaxoelaxael, chiekal xanaboeja-el xotfuki Dios.

¹⁰ ¡Xamal nabej xae' japawi, ídolos pejtemplobaxoti! Xamal chiekal matabijam. Xaelam wut japawi, japox chaemila-el. Pe nakiowa, xaelam wut, asan Jesús pejwñajan naexasitpon, japon chiekal Dios xanaboejs-el wutfuk, xamal kaechataen wuton, ja-aech wut, japon aton bej xaeyaxaelbej japawi. Ja-aech wut, japon aton japawi xael wut, nejchaxoelaxaelon: “Xan babijax isx Diosliajwa, xaelx xot japawi” –chiyaxaelon, nejchaxoel wut.

¹¹⁻¹² Xamal chiekal matabijam, japawi pachaem jiw xaeliajwa. Japawi xaelam wut, ja-am wut, asew jiw, chiekal xanaboeja-elpifuk Dios, japiwej xaeyaxael japawi. Samata, kaes pejme pachaem xamal xae-elaliajwam japawi, japi jiwbej xaesamata japawi. Xamalkalliajwa Cristo tupa-el. Japiliajwabej Cristo tup. Xamal xaeyaxaelam wut japawi, japiwej xaeyaxael wut, ja-aech wut, japi nejchaxoelaxael: “Xan isx babijax Diosliajwa” –chiyaxaeli, nejchaxoel wut. Ja-aech wut, xamal isaxaelam babijax Cristoliajwa.

¹³ Samata, xan nejchaxoelx: “Xan xaelx wut japawi, asew jiw, naexasiti Jesús pejwñajan, xaeyaxaelbej japawi. Do jawux, japi nejchaxoelaxael: ‘Xan Diosliajwa babijax isx, xaelx xot japawi’ –chiyaxaeli, nejchaxoel wut” –an xan, nejchaxoelx wut. Samata, kaes pejme pachaem xan japawi xae-elaliajwan, asew naexasiti Jesús pejwñajan xaesamatabej japawi.

9

Dios tapaeipox apóstoles wñljoeliajwa Jesús pejwñajan naexasiti, japi wewe'paspoxanliajwa

¹ Cristo xan namakafit apóstolliajwan. Japonbej xan nato'a jiw naewñajnalijwan, me-ama asew apóstoles, jachiliajwan. Xanbej tajut chiekal taenx wajpaklon Jesús. Xamal naewñajnax japon pejwñajan. Samata, xamal chiekal naexasitam japon pejwñajan.

² Asew jiw nakaewa najum-aech xanliajwa: “Pablo Jesucristo pej-apóstola-el” –na-aechi. Xamallax matabijam diachwñajnakolax xan Jesucristo pej-apóstolan. Naewñajnax wut Jesús pejwñajan, xamalbej naexasitam. Samata, xamal najut chiekal matabijam diachwñajnakolax xan Jesucristo pej-apóstolan.

³ Xan ampox lelaxaelen, asew jiw jum-aech xot asaxan xanliajwa.

⁴ Xanal apóstoles, Jesús pejjiwan, Dios tanbistax xot, japon xanal natapaei xamal nachaxduiliajwam naxaeyaxan.

⁵ Xan tajow fitx wut, Jesús pejwujajan naexasitpow, xanbej tajow buflaeyaxaelen, jiw naewujajna x wut Jesús pejwujajan. Me-ama a sew apóstoles, Pedrobej, wajpaklon Jesús pakoewbej, japi bu'nanuamt pejwatho', jiw naewujajan wuti Jesús pejwujajan, xanbej jachiyaxaelen, tajow fitx wut.

⁶ A sew, naexasiti Jesús pejwujajan, xamal naewujajan wuti Cristo pejwujajan, japi naxaeyaxan wewe'pas wut, xamal kajachawaetam. Xanlax, Bernabé suapich, tajut nabistax. Xanal koewan ja-anlapax, xamal nakajachawaesamatam.

⁷ Xamal chiekal matabijam. Aton nabist wut, japon moch pajut naxaeyaxan wujajsliajwa. Soldaw-atonbej pejpaklon chaxduws naxaeyaxan japon xaeliajwa. Nabistponbej uvalul pejpaklonliajwa, japon aton kaechtapaeis kaesapich uva xaeliajwa. Asanbej, oveja tataefu lpon, japonbej pejpaklon kaechafias-esal, leche sae'a wut mat-uffeliajwa.

⁸⁻⁹ Nejchaxoelam wut, jnabej nejchaxoele': "Pablo pajut pejnechaxoelaxtat japox faen jumchiliajwa" —nabej aeche', nejchaxoelam wut! Moisés chajia lelpox jum-aech: "Woei xanbistam wut trigo matbokanaliajwa, jwoei bozal nabej kaechxoele' trigo xaeliajwa!" —aechox. Moisés chajia lelpox woelija jwakal japox lela-elon.

¹⁰ Moisés chajia lelpox nakjum-aech xatis chiekal matabijaliajwas, naktanbistpi chiekal mosliajwas. Sat xawawakanpon paklonliajwa trigo pelaliajwa, nabist wut, nejchaxoelon: "Asamatkoi trigo foel wut, tajpaklon kaesapich trigo nachaxdusaxael namosliajwa tanbistaxpox" —aechon, nejchaxoel wut. Trigo matbokanpi nejchaxoelbej: "Trigo matboknax kitoetx wut, tajpaklon kaesapich trigo nachaxdusaxael" —aechi, nejchaxoel wut. Do jawux, kaenanula chaxduwspi, trigo matboknax toet wut.

¹¹ Xamal naewujajna x wut Jesús pejwujajan, ja-an wut, japawujajan, me-ama muthax nejmatpuatanxot. Samata, pachaem xamal xanal nakajachawaesliajwam, nawewe'p wut.

¹² Xamal kajachawaetam a sew, japi xamal naewujajan wut Jesús pejwujajan. Kaes pejme pachaemaxael xanal matxoela nachaxduiliajwam, japi chaxduil emil wutfuk japoxan.

Dios natapaei xanal japoxan xamal nachaxduiliajwam, Jesús pejwujajan naewujajna x wut. Pe nakiowa, xamal wujjoe-enil nachaxduiliajwam. Xanalax tajut nabistax natataeflaliajwan. Xanal wujjowx wut, xamal nejchaxoelam wut, asax nejchaxoelaxaelam xanalliajwa. Ja-an wut, xamal naexaxisaximil naewujajna xprox Jesús pejwujajan.

¹³ Xamal chiekal matabijam. Dios pejtemplobatat nabistpi, japi xaeyaxael naxaeyaxan, Dios pej-ofrendapi. Altarxot nabistpi, japi choef xua'at wut Dios pej-ofrendaliajwa, japibej xaeyaxael japawi, wediajkaswi japiliajwa.

¹⁴ Ja-aechbej, a sew Jesucristo pejwujajan naewujajan wut. Wajpaklon Jesucristo japi tapaeis chaxduiliajwas, naxaeyaxan wewe'pas wuti.

¹⁵ Xanbej wajpaklon Jesucristo natapaei xamal nakajachawaesliajwam, naxaeyaxan nawewe'p wut. Pe nakiowa, xamal wujjoe-enil nakajachawaesliajwam. Ampacarta lela-enilbej xamal wujjoeliajwan kajachawaesax. Xan nejxasinka-enil xamal wujjoeliajwan naxaeyaxan xan xaeliajwan. Xanliajwa, kaes pejme pachaem tajlit tupaliajwan.

¹⁶ Xan a sew Jesús pejwujajan naewujajna x wut Dios bu'welija jwas, nejchaxoelx wut, nejchaxoela-enil: "Xan kaes pejme pachaeman. Me-ama a sew jiw, jachi-enil" —chi-enil, nejchaxoelx wut. Wajpaklon Jesucristo nato'a jiw naewujajna liajwan japon pejwujajan. Japawujajan jiw naewujajna xinil wut, asamatkoi Dios wujajnalelan wut, japox xabich pachaemaxil xanliajwa.

¹⁷ Xan tajut tajaxtat naewhajnax wut, ja-an wut, wahnawesaxaelen jiw xan namosliajwa. Pe xan tajut tajaxtat naewhajna-enil japawhajan. Xan jiw naewhajnafulax japawhajan, wajpaklon Dios nato'a xot.

¹⁸ Dios natapaei xan jiw namosliajwa, naewhajnax wut. Pe nakiowa, xan jiw naewhajnax wut Jesús pejwhajan japi Dios bu'welijwas, xan matomwuljoe-enil. Nejchachaemlax wut, japox nejchachaemlax, me-ama xan jiw namot wut, ja-an.

¹⁹ Xan esclavo-enil. Malech nabistrona-enil puexa jiwliajwa. Pe nakiowa, me-ama esclavo wut, ja-an. Puexa jiw malech naewhajnax Cristo pejwhajan japi jiw naexasisliajwa.

²⁰ Diachwhajnakolax xan nawewe'pa-el naexasisliajwan Moisés chajia lelpox, naexasitx xot Jesucristo pejwhajan. Pe xan judíosxotx wut, me-ama Moisés chajia lelpox naexasitx wut, ja-an, japi judíosbej naexasisliajwa Cristo pejwhajan.

²¹ Judíos-elpi Moisés chajia lelpox naexasis-el. Samata, xan japixotx wutbej, Moisés chajia lelpox naexasis-enil wut, ja-an judíos-elpibej naexasisliajwa Cristo pejwhajan. Ja-an wut, xan kofs-enil Dios pejjamechan naexasitxproh. Naexasisfulax, me-ama wajpaklon Jesucristo nato'a.

²² Jiw, jelnaexasiti Jesús pejwhajan, japi chiekal xanaboeja-elfak Dios. Samata, xan japixotx wut, me-ama japi, ja-an, japibej chiekal naexasisliajwa Cristo pejwhajan. Xan puexa jiw naewhajnax wut, isfulax, me-ama japi, japibej chiekal naexasisliajwa Jesús pejwhajan Dios bu'welijwasbejpi.

²³ Xan ja-an japixotx wut, puexa jiw chiekal naexasisliajwa Cristo pejwhajan Dios bu'welijwas. Samata, Dios xan nakajachawaesaxael wut, kajachawaesaxaelbejpon japi jiw, me-ama Dios chajia jum-aech kajachawaesliajwa.

²⁴ Xamal chiekal matabijam, puexa jiw xabich dukp kanaliajwa premio. Pe japixot kaen, matxoelapatron, japon premio kana. Xamalbej ja-am, Diosliajwa xabich nabistam wut.

²⁵ Dukpaxaelpi premio kanaliajwa, kaenanula chiekal nejchaxoel xabich najaesliajwa, me-ama asew, jachi-elaliajwa. Samata, dukpaxaelpi pajut chiekal natataeful kanaliajwa premio, nuaf-uafcorona. Japox corona piachliajwa-el, selnaxaes xotox. Xatis Diosliajwa xabich nabistas kanaliajwas Dios pijax premio. Japox premiolax pomatkoichaliajwa.

²⁶ Me-ama aton matnoch xabich najaet markaxot pasliajwa, xan jachiyaxaelen. Puexa tajpamamaxtat isaxaelen. Me-ama wajpaklon Dios nato'a, jachiyaxaelen. Ja-an wut, japonliajwa tanbistaxpoxan, kaeyax, nawe-nafo'axil.

²⁷ Samata, tajut chiekal natataeflax babijax isasamatan. Jasox isx tajpaklon, Jesús, nejchachaemlaliajwa, xan jiw naewhajnax wut japon pejwhajan. Asew naewhajnax wut Jesús pejwhajan, japamatkoiyan xan chiekal duka-enil wut, Dios pajut xan nato'axael kofsliajwan japon pijax bichax.

10

Pablo fiatpox Corinto paklowaxpijiw ídolos kawhajnasmata

¹ Takoew, xan naewhajnax xamal nejkiowasamatam. Wajwhajnapijiw nakola wuti Egipto tuajnuhaxot, japi fulafol Moisés. Jawut itloejen athu dukaful japi pejwhajnalel. Samata, japi japox, itloejen, fulafol. Do jawut, Dios japi kajachawaech likaliajwapi Mar Rojo.

² Jiw bautisas wut, bautisas mintat. Ja-aech wut, japi Dios pejjiw. Jatislapis wajwhajnapijiw, fulafol wuti itloejen, Moisés suapich. Fulaechbejpi Mar

Rojo poxade, min najupanadijan poxade, likaliajwa we-enlelde. Ja-aech wut, puexa israelitas Diosliajwa, me-ama bautisas wut, ja-aechi. Ja-aech wut, japi jiw Dios pejiwlisi.

³ Japibej kaeyax naxaeyax xael pomatkoicha, Moisés s̄apich. Pejnaxaeyax fulaloeka ath̄lelsik.

⁴ Puexa japibej kaemin afpi, Dios chaxduchmin, nakolamin ia'botxot. Samata, japa-ia'bot, Cristo wut, ja-aech, israelitas wia xot, t̄pasia wuti minsit.

⁵ Pe nakiowa, xabich jiw japixot is Dios nejxasinka-elpoxan. Samata, japi xabich t̄p, pajilaxtat wuti.

⁶ Puexa israelitas japox wejatis, xatisbej isasamatas babijaxan.

⁷ Samata, ¡xamal nabej kaw̄ajne' ídolos! Me-ama asew tajw̄ajnapijiw, ¡nabej ja-aech' xamal! Dios pejjamechan, chajia lelspx, j̄m-aech wut, j̄m-aechox japiliajwa: “Jiw is wut fiesta ídolosliajwa, chalak xaeliajwa, feliajwabej. Do jaw̄x, kaechatoel wut, nanapi nababoelaliajwa” —aechox.

⁸ ¡Xatis nabej b̄moejstis asew watho'! Me-ama asew tajw̄ajnapijiw, ¡nabej jachitis! Tajw̄ajnapijiw japox is wut, kaematkoit̄p veintitrés mil jiw, Dios kastikas xoti.

⁹ Me-ama asew tajw̄ajnapijiw, japi is babijaxan Dios palalaliajwa, xatislax japox jachiyaxisal. Tajw̄ajnapijiw asb̄uan j̄mch babijax is wut, japixot xabich jom liklas. Do jaw̄ut, chat̄pbejpi jom liklaspoxan.

¹⁰ Asew tajw̄ajnapijiw j̄m-aech babejjamechan Diosliajwa. Ja-aech wut, Dios to'a ángel japi beliajwas. Samata, ¡xamalbej nabej j̄m-aech' babejjamechan Diosliajwa!

¹¹ Tajw̄ajnapijiw japoxan wejatis, xatis wachakalpijwasbej nejchaxoe-lasamatas babijaxan isliajwas. Japoxanliajwa Dios pejjamechan, chajia lelspx, j̄m-aech wut, j̄m-aechox xatis chiekal matabijaliajwas isasamatas babijaxan.

¹² Jesús pejw̄ajan naexasitpon, nejchaxoel wut: “Xan chiekal naexasitx Jesús pejw̄ajan. Diachw̄ajnakolax babijax isaxinil” —aech w̄ton, nejchaxoel wut, japon pajut chiekal natataeflaxael, asamatkoi babijax isasamata.

¹³ Xamal matabijaxaelam. Satanás xamal xapaeja wut babijaxan isliajwam, xamal koewam japon xapaejaxil. Asew, Jesús pejw̄ajan naexasitibej, xapaejaxaes. Satanás xatis nakxapaeja wut, Dios nakiowa nakkajachawaesaxael babijaxan isasamatas. Me-ama Dios chajia j̄mdut nakkajachawaesliajwa, jachiyaxael Dios xatisliajwa. Samata, Satanás xamal xapaeja wut, Dios kajachawaesaxael kaes mamnikaliajwam Dios xanaboejampoxliajwa. Ja-am wut, babijax isaximil.

¹⁴ Samata, xamal takoew, nejxasinkaxpim, ¡nabej kaw̄ajne' ídolos!

¹⁵ Xamal chiekal matabijam. Chiekal nejchaxoelambej. Samata, nejchaxoelam wut, ¡chiekal nejchaxoelde chiekal matabijaliajwam xan j̄m-anpoxan, japoxan diach chiekal w̄ajnakolax wut, o, japoxan diachw̄ajnakolaxael wut!

¹⁶ Xatis Santa Cena xaes wut, japox nejchaxoelaliajwas, wajpaklon Jesucristo s̄apichaspx. Jaw̄ut, vino afs wutbej, nejchaxoelaliajwas Cristo t̄ppox cruztat xatisliajwa. Panbej jalkas wut xaeliajwas, japox nejchaxoelaliajwas, Cristo boesaspx xatis nakb̄u'welija.

¹⁷ Xatis, Jesús pejw̄ajan naexasichpis, xabich pin-iach. Pe nakiowa, kaeyax panax xaes. Samata, xatis, Cristo s̄apich, kaeb̄u'tas.

¹⁸ ¡Chiekal nejchaxoelde judíosliajwa! Japi choef x̄na'at wut ofrenda isliajwa Diosliajwa, japi japawi xael wut, chiekal kaenejchaxoelax Diosliajwa.

19 Xan lelx wut, jumchi-enil: “Ídoloslap Dios” —chi-enil. Xan jumchi-enilbej: “Pawi ídolosliajwapi, kaes pejme pachaem, asawi ídolosliajwa-elwi, jachi-el” —chi-enil.

20 Jiw, naexaxis-elpi Dios pejjamechan, choef xua'at wut ofrenda isliajwa ídololijwa, japi jiw nejchaxoel: “Ampawi chaxdutex ofrenda ídololijwa” —aechi, nejchaxoel wut. Diachwujnakolax ídololijwa-el. Japi choef xua'at deplijwa. Japawibej Diosliajwa-el. Samata, xan nejxasinka-enil xamal isliajwam japox ofrenda, japi jiw suapich.

21 Xamal Santa Cena xaelam wut, vino afambej nejchaxoelalijwam Jesucristo tuxpox. Asew jiw, Dios pejjamechan naexaxis-elpi, fiesta is wut ídolosliajwa, japafiesta deplijwa. Samata, xamal japi jiw suapich, nabej xae'! jNabej fe'bej, japi jiw suapich!

22 Xatis nejxasinka-esal babijax isliajwas wajpaklon Jesús palalasangata, japon kaes pejme mamnik xot. Me-ama xatis, jachi-elon.

Chiekal duilaxaelpox Jesús pejwujajan naexasiti

23 Asew jiw jum-aech: “Majt nafiatpoxan, amwutjel japoxan chiekal toep. Samata, xan na-it-ele-el. Isasianpoxan isaxaelen” —aech asew jiw asbuan jumch. Japi jum-aechpox diachwujnakolax. Pe puexa japi isasiapoxan, is wuti, japoxan pachaemaxil kaes xanaboejalijwapi Dios.

24 Nejchaxoelam wut, jnabej nejchaxoele' pachaempoxan isliajwam najutliajwakal! Pelax nejchaxoelde isliajwam pachaempoxan asew jiwliajwa.

25 Pawi mowaxot wujtam wut, japawi nejmach xaeyaxaelam. Japawi xaelam wut, pachaem Diosliajwa. Samata, pawu mowaxot wujtam wut, nabej wujnachaems: “¿Ampawikat ofrenda ídolosliajwawi?” —nabej aeche'. Pawu mowapi xamal wujnachaemtam wut, jumnosaxaeli: “Diachdo', ampawu, ofrenda ídolosliajwawi” —chiyaxaeli xamallijwa. Japox jumtaenam wut, nejchaxoelaxaelam: “Japawu xaelx wut, Diosliajwa japox pachaemaxil” —chiyaxaelam, nejchaxoelam wut. Samata, pawu wujtam wut, jnabej wujnachaems!

26 Ampathat, puexa ampathatpibej, japoxan wajpaklon Dios pejew. Samata, pachaem xatis xaelijwas japawu.

27 Jesús pejwujajan naexaxis-elpon, xamal tadut wut xaelijwam, jnejmach xaem! Xaelijwam wut, jnabej wujnachaems: “¿Ampawikat, ofrenda ídolosliajwawi?” —nabej aeche'!

28 Pe jawut, asan, Jesús pejwujajan naexasitpon, jum-aech wut: “Ampawu xaes wut, Diosliajwa pachaemaxil” —aech wuton, xamal nabej xae' japawu! Pe nakiowa, xamal japawu xaelam wut, diachwujnakolax japon aton tabesaxaelam.

29 Xamal chiekal matabijam, puexa pawu pachaem xaelijwas. Pe nakiowa, asew jiw jum-aech wut japawilijwa: “Pachaema-el ampawu xaelijwas” —aech wuti, xamalbej nabej xae' japawu!

Asan, Jesús pejwujajan naexasitpon, xan jum-anpox jumtaen wut, japon asbuan jumch jumchiyaxilbej: “Dios natapaei xaelijwan ofrenda ídololijwawi. Samata, xan nejmach chiekal xaelx. ¿Ma-aech xotkat majt xaelxpoxan wulkaechakoftax?” —chiyaxil japon aton.

30 Xan xaelijwan wut, gracias-an Diosliajwa. ¿Ma-aech xotkat asan aton asbuan jumch jumchiyaxael xanlijwa: “Japon pejbujwujajan Diosliajwa, xael xoton japawu, ofrenda ídololijwawi” —nachiyaxaelkat?

31 Puexa isaxaelampoxan, xaeyaxaelampoxanbej, feyaxaelampoxanbej, puexa japoxan isam wut, jchiekal isde, puexa jiw Dios sitaelijwa!

³² Samata, ¡xamal nabej is babijaxan nakxataesamata, tabejsasamatambej, judíos, judíos-elpibej, asew, Dios naexasitibej!

³³ Puexa xan isxpoxan, isx puexa asew jiw nejchachaemlaliajwa. Isx wut pachaempoxan, nejchaxoela-enil: “Ampoxan xan tajutliajwa” —chi-enil, nejchaxoelx wut. Japoxan xan isx puexa asew jiw wepachaemaliajwas. Japox nejchaxoelx, nejxasinkax xot japi jiwbej Dios bu'welialjwas.

11

¹ Xan isfulax Cristo isfulpoxan. ¡Xamalbej japoxan isfulde!

Machiyaxaelpox watho', cultoxot wut

² Takoew, xamal nejchaxoelam xanliajwa. Xan jum-anpoxanbej xamal naexasisfulam. Samata, xan xabich nejchachaemlax xamalliajwa.

³ Xan jum-an xamal chiekal matabijaliajwam ampox. Dios paklon Cristoliajwa. Cristobej paklon kaenanala poejiwliajwa, japi naexasiti japon pejwujajan. Kaenanala poejiwbej paklochow pejwatho'liajwa.

⁴ Samata, aton matlua't wut panuelbu', Dios kawujajnalialjwa wut, o, Dios buxto'aspox jiw naewujajnalialjwa wutbej, ja-aech wut, wajpaklon Jesucristo padalaxael japon atonliajwa.

⁵ Kaeow pawis Dios kawujajnalialjwa wut, o, Dios buxto'aspox jiw naewujajnalialjwa wutbej, matlua's-el wut panuelbu', ja-aech wut, pamal padalaxael pijowliajwa, japow, me-ama ta'laxaxoch wut, jachiyaxael xotow pamalliajwa.

⁶ Pawis nejxasinka-el wut panuelbu' matlua'sliajwa, ja-aech wut, pajut nata'laxaxosaxaelpow. Pe nejxasinka-el wut pajut namatfunaliajwa, o, pajut nata'laxaxosliajwa ta'dalasangata, ja-aech wut, ¡nej matlua's panuelbu'!

⁷ Dios is wut aton, me-ama Dios pajut wut, ja-aech japon aton. Samata, poejiw matlua'axil panuelbu'. Japi chiekal pachaem wut, puexa jiw nejchaxoelaxael Diosliajwa: “Dios xabich pachaem” —chiyaxael jiw, nejchaxoel wut. Atow chiekal pachaem wutbej, puexa asew jiw nejchaxoelaxael japow pamalliajwa: “Ampow pamal xabich pachaem” —chiyaxael asew jiw, nejchaxoel wut japowliajwa.

⁸ Dios aton is wut, kus-elon pawis pejchena. Dioslax kut aton pejchena isliajwapon pawis.

⁹ Dios aton is wut, is-elon japon aton kajachawaesliajwa pawis. ¡El! Dios is pawis, japow kajachawaesliajwa japon aton.

¹⁰ Samata, atow matlua'saxael panuelbu', naexasiti Jesús pejwujajan natamejabatat wut. Do ja-aech wut, Dios pej-ángeles nejchaxoelaxael japowliajwa: “Diachwujajnakolax ampow pawis pamal chiekal sitaen” —chiyaxael Dios pej-ángeles japowliajwa.

¹¹ Xatis, naexasichpis Jesús pejwujajan, chiekal matabijas. Watho' chiekal jil wut, xatis poejiw, machiyaxisal. Watho'bej machiyaxil, poejiw chiekal jil wut.

¹² Dios is wut atow, aton chenakuton atow isliajwapon. Do jawux, poejiw nalaela watho'xot. Dios pijaxtat japox ja-aech.

¹³ Xamal najut nejchaxoelam wut, ¡chiekal nejchaxoelde ampoxliajwa! Jesús pejwujajan naexasitampim natamejam wut natamejabatat, ¿pachaemkat pawis matlua's-elaxtat Dios kawujajnalialjwa? ¡El! Japox chiekal pachaema-el.

¹⁴ Wajut chiekal matabijas. Poejiw matlatapaei wut kasnikaliajwa, japox xabich padalapox.

15 Watho'lax matlakasnik wut, japox pachaem japi watho'liajwa. Pe Dios jasox chajia tapaei watho' matlakasnikaliajwa, japow pejmatlatat, me-ama matnaematakach wut, jachiliajwaspow.

16 Kaen aton naexasis-el wut xan jum-anpox, japon matabijsaxael xanal kaenejchaxoelaxanpox, a sew jiw sapich, naexasiti Jesús pejwujajan, matlakasnikpoxliajwa.

Santa Cena xael wut, a sew jiw xabich xaelpox

17 Xan lelax wut, lela-enil xamal jumchiliajwan ampox: “Santa Cena xaelam wut, chiekal isam” —chiliajwan. ¡E! Xamal natamejlam wut Santa Cena xaeliajwam, chiekal is-emil.

18 Xamal natamejlam wut Santa Cena xaeliajwam, chiekal kaenejchaxoelaxa-emil. Asbuan jumch xamal nasalam, Santa Cena xaeliajwam wut. Japoxliajwa a sew jiw xan nachapaei xamal ja-ampoxan. Jawut xan nejchaxoelx: “Japox diachwujajnakolax bej ja-aechbej” —an xan, tajut nejchaxoelx wut.

19 Xamalxot a sew nakaewa najum-aech: “Xatis kaes pejme naexasich Jesús pejwujajan. Me-ama a sew xatisxot, jachi-esal. Samata, wajlel chalakaxaes” —aechi nakaewaliajwa.

20 Samata, natamejlam wut nejchaxoelaliajwam wajpaklon Jesucristoliajwa, japox Santa Cena Jesucristoliajwa-el.

21 Santa Cena xaelam wut, xamal najut matxoela xaelam xapatampoxam, naxaeyaxan. Xamal a sew jiw xasala-emil. A sew jiw xamalxot xabich af wut, saxtas. A sew jiw lax, kijilpi, nejmutpijwa-elpi, japi kaekow. Litaxaelapi.

22 ¡Xamal jasox nabej ja-aech! Asamatkoi, Santa Cena xaeliajwam wut, fulaeliajwam wut, xamal xabich litaxaelam wutbej, ¡nejbachantat majt cha-aex xaem! ¡Fembej! ¿Ma-aech xotkat sitae-emil a sew jiw, naexasiti Jesús pejwujajan, pat wut Santa Cena xaeliajwa? A sew xamalxot, kijilpi, japi xamal xabich datam. Xamal japoxan isam wut, pachaema-el japiliajwa. Samata, xan nejchachaemla-enil xamalliajwa, japox wultaenx wut.

*Jiw Santa Cena xael nejchaxoelaliajwa Jesús tuppox
(Mt 26.26-29; Mr 14.22-25; Lc 22.14-20)*

23 Xamal chajia chiekal chanaekabuanax Santo Cenaliajwa, xan matabijtaxpoxan Cristoxot. Wajpaklon Jesús, pejnachala sapich, madoi xael wut Santa Cena, jawut panax fiton. Japamadoi, kaen pejnachalan wiasaxaeson padaelmajiwxot.

24 Do jawut, Jesús panax fit wut, pax Dios kawujajan wut, gracias-aechon. Jawut panax jalkafulon. Jawut jum-aechon pejnachalaliajwa: “Ampox panax, tajwit wut, ja-aech. Asamatkoi, xamal xaelam wut Santa Cena, kaenanula nejchaxoelaliajwam xan isxroxliajwa” —aech Jesús pejnachalaliajwa, bu'xael wut Santa Cena.

25 Do jawux, xaeyax kaechatoel wut, Jesús vinomint chafit wut, jum-aechon: “Ampot vinomint, me-ama tajjal wut, ja-aech. Diachwujajnakolax Dios chajia jumdut bu'weliajwa tajjal pijaxtat makanotxpi. Samata, Santa Cena xaelam wut, xamal nejchaxoelaxaelam xan tuxpox xamalliajwa” —aech Jesús pejnachalaliajwa.

26 Samata, xamal Santa Cena xaelam wut, jawut a sew jiw japox taen wut, nejchaxoelaxael wajpaklon tuppox. Xamal japox isfulaxaelam, hasta wajpaklon Jesús pejme pask wut.

Jiw chiekal nejchaxoelaxaelpox Santa Cena xael wut, chiekal nejchaxoelaliajwa wajpaklon tuppoxliajwa

²⁷ Jiw natamejal wut Santa Cena xaeliajwa, jawut chiekal nejchaxoelaxaelpi wajpaklon tuppoxliajwa. Japox chiekal nejchaxoela-el wuti, babijax isaxael, sitae-el xoti wajpaklon tuppox japiliajwa.

²⁸ Samata, pan xaeliajwa wut, vino feliajwa wutbej, jawut kaenanula jiw chiekal nejchaxoelaxael. Jawutbej, jiw pejbu'wujajan wut Diosliajwa, japoxliajwa Dios kawujajnaaxaeli Dios beltaeliajwas. Do ja-aech wut, pachaem japi xaeliajwa pan, feliajwabejpi vino.

²⁹ Pe masoxtat asbuan jumch jiw pan xael wut, af wutbejpi vino, majt chiekal nejchaxoela-el wut wajpaklon tuppoxliajwa cruztat jiwliajwa, japi jiw pejbu'wujajnaaxael Diosliajwa. Kastikaxaesbejpi Dios.

³⁰ Samata, jasoxtat xamalxot xabich jiw bu'xaenk. Asew chiekal mamnika-elbej. Asew tuppbej, sitae-el xoti Santa Cena.

³¹ Xatis kaenanula wajut chiekal nejchaxoelaxaes wut babijax isaspoxanliajwa, japoxan kofas wutbej, jatis wut, wajpaklon nakkastikaxil.

³² Xatis babijaxan isaspoxan kofa-esal wut, jatis wut, wajpaklon nakkastikaxael xatis babijaxan kofaliajwas. Jasoxtat Dios nakbu'weyaxael nakpelsamatas, Jesús pejwujajan naexasis-eli suapich.

³³ Takoew, xamal natamejlam wut Santa Cena xaeliajwam, asew jiw pas-el wutfuk, jwujajnawe'e! Puexa jiw pat wut, do ja-aech wut, jnaxaem kaeyaxtat!

³⁴ Natamejlax wujajna, asew xamalxot xabich litaxaela wut, japi pejbachantat majt naxaeyaxael. Japi jachiyaxael, asew jiw kaechkawasamata natamejlamxot, Dios kastikasamatas japi jiw. Xamal kaes asaxanliajwa majt nawujajnaemtam. Jelow japox tajut chiekal chanaekabuanalax, paslax wut xamalxot.

12

Espíritu Santo kajachawaesfulaspox Jesús pejwujajan naexasiti Dios tato'alpox isfulaliajwa

¹ Takoew, lelaxaelen xamal chiekal matabijaliajwam. Kaenanula naexasiti Jesús pejwujajan, japi jiw Espíritu Santo kajachawaesfulas Dios tato'alpoxan isfulaliajwa.

² Xamal chiekal matabijam. Majt naexasis-emil wutfuk Jesús pejwujajan, Satanás xamal naekichachajbaful. Samata, ídolos, naksiya-elpoxan, xamal kawujajnam.

³ Samata, xan nejxasinkax xamal chiekal matabijaliajwam. Aton jum-aech wut babejjamechan Jesúsliajwa, japon pejmatpumatxot jil Espíritu Santo. Asan aton jum-aech wutlax: "Jesús tajpaklon" —aech wut, japon pejmatpumatxot Espíritu Santo duk.

⁴ Jesús pejwujajan naexasiti kaenanula nabist asabichaxan, Dios pejbichaxan. Espíritu Santobej kajachawaesfulas japi jiw Dios tato'alpoxan isfulaliajwa.

⁵ Japi jiwbej kaenanula chiekal nabist Diosliajwa. Japi pejbichaxan kaenanula najupa-el. Pe japi jiw nabist kaen wajpaklon Diosliajwa.

⁶ Japi jiw kaenanula asabichaxan nabist, Dios pejbichaxan. Samata, Dios puexa japi jiw kaenanula kajachawaesful chiekal isfulaliajwa japon pejbichaxan.

⁷ Jesús pejwujajan naexasiti, japi jiw kajachawaesfulas Espíritu Santo chiekal isfulaliajwa Dios pejbichaxan, puexa asew, naexasiti Jesús pejwujajan, wepachaemaliajwas japoxan.

⁸ Asew Jesús pejwujajan naexasitixot kajachawaesfulas Espíritu Santo. Samata, japi naewujajan wut, asew jiw chiekal naewechpi. Do ja-aech wut,

japi jiwbej chiekal duilafal. Asew jiw, naexasitpixot Jesús pejwajaan, Espíritu Santo kajachawaesfulas xot, japi jiw xajup chiekal chanaekabuanaliajwa asew jiw chiekal matabijaliajwa japajamechan.

⁹ Asew Jesús pejwajaan naexasitixot, Espíritu Santo kajachawaesfulas xot, japi jiw chiekal xanaboejapi Dios. Asew naexasitpixot Jesús pejwajaan, Espíritu Santo kajachawaesfulas xot, japi jiw xajup, jiw bu'xaenk wut boethusliajwa.

¹⁰ Asew naexasitpixot Jesús pejwajaan, Espíritu Santo kajachawaesfulas xot, japi jiw xajup koechaxan isliajwa. Asew naexasitpixot Jesús pejwajaan, Espíritu Santo kajachawaesfulas xot, japi jiw xajup jiw naewuajnalijwa Dios buxto'aspoxan. Asew naexasitpixot Jesús pejwajaan, Espíritu Santo kajachawaesfulas xot, japi jiw xajupaxael matabijaliajwa, asew jiw jum-aech wut Espíritu Santo buxto'aspoxan, o, dep buxto'aspoxanbej. Asew naexasitixot Jesús pejwajaan, japi jiw Espíritu Santo kajachawaesfulas xot, xajupaxael naksiyalijwa asajame, japi majt matabija-eljame naksiyalijwa. Asew naexasitixot Jesús pejwajaan, japi jiw Espíritu Santo kajachawaesfulas xot, xajupaxael jummatbijaliajwa, asew jiw naksiya wut asajame. Do jawux, japi jiw xajupaxaelbej asew jiw chiekal chanaekabuanaliajwa japajame jum-aechpoxan.

¹¹ Puexa japi jiw, Jesús pejwajaan naexasitixot, japoxan ja-aech, Espíritu Santo japi kajachawaesfulas xot. Espíritu Santo kaenanula jiw kajachawaet, me-ama japon nejaxasink jiw kajachawaesliajwa.

Kaebu'tpox Cristo suapich naexasiti Jesús pejwajaan

¹² Aton pejbu'txot xabich pathi, pawibej. Kaes asewbej. Pe nakiowa, kaebu't. Jatisbej xatis, Jesús pejiws. Xabichas. Pe nakiowa, kaebu'tas, Cristo suapich.

¹³ Puexa xatis nakbautisa kaemutaliajwas. Dios to'a kaen Espíritu Santo wajmatpuaatanxotalijwa. Xanal judíos-pin, xamal judíos-emilpimbej, xanal esclavos-enilpin, xamal esclavospimbej, puexa xatis wajmatpuaatanxot kaen Espíritu Santo.

¹⁴ Kaenanula wajbu'antat, xabich pathi, pawibej.

¹⁵ Aton pejtak naksiyaxael wut, jumchiyaxilpox: “Xan ke-e-enil. Samata, xan ampabu'tpijaxa-enil” —chiyaxil tuakliajwa. Tuak japox jumchiyaxael wut, japox pachaemaxil, japabu'tpijax xot.

¹⁶ Aton pejnaecho'tbej naksiyaxael wut, jumchiyaxilbej: “Xan itfuta-enil. Samata, xan ampabu'tpijaxa-enil” —chiyaxilbej naecho't. Naecho't japox jumchiyaxael wut, japox pachaemaxil, japabu'tpijax xot.

¹⁷ Japon pejbu't puexa itfukal wut, jumtaeyaxilon. Puexa pejbu'txot naecho'ankal wutbej, japon aton jaenxataeyaxil.

¹⁸ Samata, Dios aton is wut, nejmach puexa ispon, pathiliajwa, pawiliajwabej, kaes asaxanliajwabej pachaemaliajwa.

¹⁹ Aton pobu'ta itfukal chanlaelt wut, o, naecho'ankal chanlaelt wutbejpon, ja-aech wut, japon aton pejbu't ajilaxael.

²⁰ Diachwujnakolax aton pejbu'tat xabich pathi, pawibej, kaes asaxanbej. Pe nakiowa, japon aton kaebu't.

²¹ Aton pej-itfut naksiyaxael wut, jumchiyaxil ke-elijwa: “Ke-e, xam nawewe'pa-el” —chiyaxil itfut ke-elijwa. Aton pejmatnaetbej naksiyaxael wut, jumchiyaxil tuakliajwa: “Tuak, xam nawewe'pa-el” —chiyaxil matnaet tuakliajwa.

²² Puexa xatis wajbu'antatpi xabich pachaem. Nejchaxoels wut wajbu'antatpiliajwa, me-ama nakwewe'pa-el wut, jatis japoxanliajwa. Pe

japoxan diachwajnakolax ajil wut wajbu'anxot, xabich nakwewe'paxael japoxan.

²³ Xatis chiekal naxoeis wajdalapoxanxot, nejchaxoels xot: “Pachaema-el, asew jiw nabu'taeliajwa” –tis xot, nejchaxoels wut.

²⁴ Pe wajmuax, wajthitbej, wajmatnaetbej, pachaem asew jiw nakwetaeliajwa. Samata, jaxot naxoe-esal. Dios is wut wajbu'an, wajbu'anxot asaxan, me-ama xatis nakwewe'pa-el wut, ja-aech japoxan. Jaxot chiekal naxoeis wut, jatis wut, japoxan, me-ama xatisxot nakwewe'p wut, jachiyaxael.

²⁵ Wajthit, wajwibej, kaes asaxanbej, wajbu'antat nasalaxil. Japoxan kaenanula wajbu'antat chiekal nakaewa natataeflaful.

²⁶ Nakwexaenk wut wajbu'anxot, pobu'ta chiekal pachaema-esal. Do jawux, xaenkpox boejkijil wut, ja-aech wut, chiekal pejme nejchachaemlas.

²⁷ Kaenanula xamal, puexa Cristo pejbu'tam wut, ja-am.

²⁸ Samata, xamal kaenanula Dios chaxduw asabichaxan. Dios matxoela makanot asew jiw, japi Jesús pej-apóstolesliajwa. Do jawux, makanoton asew jiw profetasliajwa, japi asew jiw naewuajnalialjwa, me-ama Dios buxto'as. Makanotbejpon asew jiw chanaekabuanaapiliajwa japon pejjamechan. To'abejpon asew jiw koechaxan isliajwa. To'abejpon asew jiw, bu'xaenkpi boejthusliajwa. To'abejpon asew jiw, japi kajachawaesliajwa asew jiw. To'abejpon asew jiw, japi paklochowliajwa Jesús pejuwajan naexasitiliajwa. To'abejpon asew jiw chalechkal asajamechan naksiyalialjwa, japi majt naksiya-eljamechan.

²⁹ Puexa jiw apóstoles-el. Puexa jiw profetas-elbej. Puexa jiw chanaekabuana-piya-elbej. Puexa jiw koechaxan ispiya-elbej.

³⁰ Puexa jiw boejthutpiya-elbej bu'xaenkpi. Puexa jiw chalechkal asajame naksiya-elpi-bej, majt naksiya-eljame. Puexa jiw jummatabija-elbej, asew jiw asajamechan naksiya wut chiekal chanaekabuanaliajwa asew jiw.

³¹ Pachaem, xamal nejchaxoelam wut: “Xan nejxasinkax Dios nachaxdusliajwa pijax bichax, kaes chiekal pachaempox” –am wut.

Nejxasinkaxaespox asew jiw

Amwut xamal naewuajnaxaelen kaes chiekal pachaempox. Japox nakaewa nanejxasinkaspox.

13

¹ Xan naksiyaxaelen wut asajametad, ángeles pejjametadbej, pe asew jiw, xan nanaeweti, nejxasinka-enil wut, asajametad naksiyaxaelenpox pachaemaxil xanliajwa. Me-ama platillo, o, campana nejmetpox, jiw daka wut, jachiyaxael xan naksiyaxpox japi jiwliajwa.

² Asew jiw nejxasinka-enil wut, xan Dios nabu'xto'apox jiw naewuajnaxaelen wut, japox pachaemaxil xanliajwa. Matabijsaxaelen wutbej maliach Dios matabijtpoxan, japoxbej pachaemaxil xanliajwa, nejxasinka-enil wut asew jiw. Xabich nejmach matabijsaxaelen wutbej, japox pachaemaxil xanliajwa, nejxasinka-enil wut asew jiw. Xan xabich Dios xanaboejsaxaelen wutbej, Dios kawuajnaxaelen wut pinamuax nawexaliaxsliajwa asalel, japamuax nawexaliaxt wut, japoxbej pachaemaxil xanliajwa, nejxasinka-enil wut asew jiw.

³ Xan puexa tejew chaxduiyaxaelen wutbej kijila, xan tajut natapaeyaxaelen wutbej asew jiw naboesaliajwa, japoxanbej pachaemaxil xanliajwa, asew jiw nejxasinka-enil wut.

⁴ Aton, nejxasinkpon asew jiw, japon aton matabijt palala-elaliajwa, asew jiw babijaxan isful wut japonliajwa. Japonbej matabijt kajachawaesliajwa

asew jiw. Japonbej nusasiowla-el, taen wuton asew jiw pejew. Japon aton pajutliajwa nejchaxoel wutbej, nejchaxoela-elon: “Xan kaes pejme xabich pachaeman. Me-ama asew jiw, jachi-enil” –chi-elon, nejchaxoel wut pajutliajwa.

⁵ Aton, nejxasinkpon asew jiw, japon aton chiekal pachaembej asew jiwliajwa. Japon nejchaxoel wutbej, nejchaxoela-el faekaliajwa wepachaemspoxan japon pajutliajwakal. Japon aton kamta palala-elbej. Beltaenbejpon asew jiw, japi babijaxan is wut japonliajwa.

⁶ Aton, nejxasinkpon asew jiw, japon aton nejchachaemla-el, asew jiw babijaxan is wut. Asew jiw is wutlax pachaempoxan, ja-aech wut, japon aton xabich nejchachaemil japoxanliajwa.

⁷ Aton, nejxasinkpon asew jiw, japon aton nabijat wut, japi jiw babijaxan is wut japonliajwa, japon aton nakiowa nejxasinkaful japi jiw. Palala-elbejpon, japi jiwliajwa babijaxan isful wut japonliajwa. Japon nejchaxoelbej japi jiwliajwa: “Japi jiw asamatkoi bej pachaemaxaelbejpi” –aechon, nejchaxoel wut japi jiwliajwa.

⁸ Nejxasiyax asew jiwliajwa, japox asamatkoi toepaxil. Asamatkoi profetas buxkofaxael jiw naewuajanpoxan, Dios buxto'aspoxan. Asew jiw chalechkal asajame naksiya wut, matabija-eljame naksiyaliajwa, japi bej japox buxkofaxael. Jawutbej jiw pejmatabijsaxan toepaxaelbej.

⁹ Wajmatabijsaxan xabicha-el. Chiekal puexa matabija-esal. Profetasbej Dios buxto'aspoxan jiw naewuajnalialjwa, japoxbej xabicha-el.

¹⁰ Majt puexa chiekal matabija-esalpoxan, puexa xatis Diosxotas wut, jawut japoxan chiekal matabijaxaes.

¹¹ Xan yamxuchan wut, naksiyax, me-ama yamxi naksiya. Nejchaxoelx wutbej, nejchaxoelx, me-ama yamxi nejchaxoel. Matabijtax wutbej, matabijtax, me-ama yamxi matabija. Pelis xan pati'nan wut, nejchaxoela-enil, me-ama yamxi nejchaxoel.

¹² Xatis matabijaspojan Diosliajwa xabicha-el. Me-ama chapot, itanasuchanpot, chiekal itathu'la-el taeliajwas, ja-aechbej xatis matabijaspojan Diosliajwa. Pe asamatkoi, puexa chiekal matabijaxaes Dios. Me-ama Dios xatis chiekal nakmatabijt, jachiyaxaes, xatis chiekal matabijas wut Dios.

¹³ Dios xanaboejaspojan toepaxil. Dios nakjumdutpox wuaj nawesfulaspoxbej, japox toepaxil. Nakaewa nejxasinkaspoxbej toepaxil. Japoxan tresxot, kaes pejme pachaempox, japox nakaewa nanejxasinkaspox.

14

Espíritu Santo kajachawaetpox jiw naksiyalialjwa majt matabija-eljame

¹ ¡Xamal kaenejchaxoelde nejxasinkaliajwam asew jiw! Asew jiw nejxasinkam wut, ¡Dios kawuajande Espiritu Santo xamal kajachawaesliajwa Dios pejbichaxan isliajwam! ¡Kaes Dios kawuajandebej Espiritu Santo xamal kajachawaesliajwa, me-ama Dios buxto'a xamal jiw naewuajnalialjwam!

² Asew jiw Espiritu Santo kajachawaech chalechkal naksiyalialjwa, majt matabija-eljame. Japi naksiya japajame Dioskal jumtaeliajwas. Naksiya-eli jiw jumtaeliajwas. Kaen aton jummatabijs-el, japi naksiya wut.

³ Asewlax Espiritu Santo kajachawaech wut, matabijapi jiw chiekal naewuajnalialjwa Dios buxto'aspoxan. Ja-aech wut, naexasiti Jesús pejwuajan kaes Dios xanaboejaxaeli. Samata, japi jiw xabich nejchachaemlaxael.

⁴ Asewbej Espiritu Santo kajachawaech wut, chalechkal naksiyapi majt matabija-eljame, japi kaes Dios xanaboejaxael. Asewlax, Espiritu Santo

kajachawaech xot, japi jiw naewhajan Dios buxto'aspoxan Jesús pejwhajan naexasiti, japi jiw kaes xanaboejalijwa Dios.

⁵ Xan nejxasinkax puexa xamal chalechkal naksiyalijwam majt matabija-emiljame. Pe xan kaes nejxasinkax xamal Espíritu Santo kajachawaesliajwa, asew jiw naewhajnaliajwam xamal Dios buxto'apoxan. Japoxan kaes pejme pachaem. Me-ama chalechkal majt matabija-emiljamechan naksiyam-poxan, jachi-el japoxan. Pachaem chalechkal xamal naksiyalijwam majt matabija-emiljamechan. Pe japajamechan naksiyam wut, jawut asan aton chanaekabhanaxael xamal jum-ampoxan, naexasiti Jesús pejwhajan chiekal jummatabijaliajwa. Ja-aech wut, japi kaes Dios xanaboejaxael.

⁶ Takoew, xamalxot patx wut, chalechkal naksiyaxaelen wut majt matabijs-eniljame, diachwhajnakolax xamal jummatabijaximil japajame. Ja-aech wut, japox pachaemaxil xamalliajwa. Pelax xamalxot naewhajnax wut wajjametat Dios nachanaekabhanapoxan, ja-an wut, xamal chiekal najummatabijaxaelam. Ja-aech wutbej, xamal kaes chiekal Dios xanaboejaxaelam.

⁷ Asew jiw Espíritu Santo kajachawaech xot, chalechkal naksiya majt matabija-eljamechan. Ja-aech wut, kaen japixot jummatabijsaxil japajamechan jum-aechpoxan. Jachiyaxaelbej, kaen aton arpa chiekal daka-el wut. Jiw thiamatabijaxil jajuiliajwa japajajuit. Jachiyaxaelbej, kaen aton toela chiekal nababe-el wut. Jiw thiamatabijaxil jajuiliajwa.

⁸ Jachiyaxaelbej, kaen soldawan chiekal nababe-el wut trompeta natamejlaliajwa soldaw, japon pejmutpijiw nabeliajwa, padaelmajiw sɤapich. Soldaw thiamatabijaxil. Ja-aech wut, thiatadakpaxili natamejlaliajwa nabeliajwa, padaelmajiw sɤapich.

⁹ Xamal jachiyaxaelam, Espíritu Santo kajachawaet wut chalechkal naksiyalijwam majt matabija-emiljamechan. Xamal naeweti jummatabijaxil, xamal naksiyam wut japajamechan. Asbhan jumch japox nafo'axael.

¹⁰ Xabich asajamechan maenk ampathatat. Pe nakiowa, kaejame naksiyapi nospaei wut, chiekal najummatabijaliajwa.

¹¹ Asew jiw asajametata naksiya wut, xan jummatabijsaxiniljame, ja-aech wut, xan nejchaxoelaxaelen japi jiwliajwa: “Ampi jiw bej asatɤajnpijiwbej” –chiyaxaelen, nejchaxoelx wut japiliajwa. Xanbej naksiyax wut asajametata, japibej xan najummatabijaxil. Asbhan jumch nejchaxoelaxaeli xanliajwa: “Pablo, asatɤajnpijinbej” –chiyaxaeli, nejchaxoel wut.

¹² Xamal nejxasinkam Espíritu Santo kajachawaetpox kajachawaesliajwam asew, naexasiti Jesús pejwhajan. Samata, japi naewhajande chiekal jummatabijaliajwa, japi kaes chiekal Dios xanaboejalijwa!

¹³ Kaen aton chalechkal matabijs-eljame naksiya wut, Espíritu Santo kajachawaech xot, japon aton Dios nej kawhajne' kajachawaesliajwas naksiyapox pajut chiekal jummatabijsliajwa japajamechan jum-aechpoxan! Do jawut, japon aton chiekal chanaekabhanaxael asew jiw japajamechan jum-aechpoxan.

¹⁴ Xan Dios kawhajnax wut matabijs-eniljametat, xan japajame naksiyax wut, naksiyax Espíritu Santo nakajachawaesaxtat. Pe xan jummatabijs-eniljametat Dios kawhajnax wut, xan tajut jummatabijsaxinilbej.

¹⁵ Ja-an wut, ¿machiyaxaelenkat xan? Xan tamachan wut, matabijs-eniljametat Dios kawhajnaxaelen Espíritu Santo pijaxtat. Pe xan asew jiwxotx wut, Dios kawhajnaxaelen tajjametat puexa jiw chiekal jummatabijaliajwa. Jachiyaxaelenbej, xan jajuixaelen wut. Tamachan

wut, jajui jajuiyaxaelen matabijs-eniljemetat. Pelax asew jiwxotx wut, jajuiyaxaelen tajjemetat puexa jiw chiekal najummatatabijaliajwa.

¹⁶ Xamal Espiritu Santo kajachawaet wut, matabija-emiljemetat Dios gracias-am wut, ja-am wut, asan aton, jelnaexasitpon Jesús pejwujajan, japon xamal jumtaen wut, jummatabijsaxilon japox. Samata, japon kaenejchaxoelaxil, xamal suapich, Dios kawujajnam wut.

¹⁷ Xamal matabija-emiljemetat Dios kawujajnam wut, gracias-am wut, japox chiekal pachaem Diosliajwa. Pe asew jiw japajame jummatatabija-el wut, ja-aech wut, japi jiw kaes chiekal Dios xanaboelijaxili, jummatatabija-el xoti, Dios kawujajnam wut.

¹⁸ Xan gracias-an Diosliajwa, kaes xabich naksiyax xot matabijs-eniljamechan. Me-ama puexa xamal, xan jachi-enil.

¹⁹ Pe naexasiti Jesús pejwujajan Dios pejjamechan jumtaeliajwa natameja wut, kaes pejme pachaemaxael naewujajnalialjwan kaes suapich tajjemetat, naeweti chiekal xan najummatatabijaliajwa. Pelax pachaemaxil jiwliajwa, piach naewujajnaaxaelen wut jummatatabija-eljemetat.

²⁰ Takoew, ¡xamal nabej nejchaxoele!, me-ama yamxi nejchaxoele! ¡Pelax xamal babijaxanliajwa, me-ama yamxim wut, ja-amde! Xamal pakdiachwam xot, ¡chiekal nejchaxoelde!

²¹ Dios pejjamechan, chajia lelsprox, jum-aech Dios jum-aechprox: “Xan asamatkoi to'axaelen asajame naksiyapi, asatujajnanpijiw, japi jiw xamal naewujajnalialjwa. Pe xamal naexaxisaximil tajjamechan, japi jiw xamal naewujajan wut” —aechox.

²² Aton chalechkal naksiya wut asajame, matabijs-eljame naksiyalialjwa, Jesús pejwujajan naexaxis-eli japox taen wut, pajut matabijaliajwapi Dios xajupprox japibej kajachawaesliajwas. Samata, japi jiw bej naexaxisaxaelbejpi Jesús pejwujajan. Pelax kajachawaechpi Espiritu Santo, japi jiw naksiyalialjwa Dios buxto'aspoxan jiw naewujajnalialjwapi, japox Jesús pejwujajan naexasitikal jumtaeliajwa.

²³ Xamal natamejlamxot kaewutje puexa xamal chalechkal naksiyam wut asajamechan, matabija-emiljamechan, jawut, asan aton pat wut, Jesús pejwujajan naexaxis-elpon, japon aton nejchaxoelaxael xamallialjwa: “Ampi jiw na-acha” —chiyaxaelon, nejchaxoel wut xamallialjwa.

²⁴ Xamal natamejlamxot Espiritu Santo kajachawaet wut jumchiliajwam Dios buxto'apoxan jiw naewujajnalialjwam, jawut, asan aton xamalxot pat wut naexaxis-elpon Jesús pejwujajan, xamal jumtaen wut, japon aton pajut matabijsaxael pejbu'wujajanpox Diosliajwa, babijaxan is xoton. Xabich nejchaxoelaxaelbejpon babijaxan isproxanliajwa.

²⁵ Nejchaxoelaxaelbejpon: “Xan puexa nejchaxoelxproxan Dios matabijt” —chiyaxaelon, nejchaxoel wut. Do jawut, Dios kawujajan wut, brixtat nukaxaelon Dios sitaelialjwa. Jawut japon aton jumchiyaxael xamallialjwa: “Diachwujajnakolax Dios xamalxot” —chiyaxaelon.

Culto chiekal isaxaelprox Jesús pejwujajan naexasiti

²⁶ Takoew, natamejlam wut Dios pejjamechan naewesliajwam, asew jiw xamalxot jajuiyaxael Diosliajwa. Asew naewujajnaaxael jiw. Asew jumchiyaxael Dios buxto'aspoxan jiw naewujajnalialjwa, Espiritu Santo kajachawaech wut. Asew chalechkal naksiyaxael matabija-eljamechan, Espiritu Santo kajachawaech wut. Japi jum-aechproxan, asew jiw chiekal chanaekabuanaxael jiw chiekal jummatatabijaliajwa japox, Espiritu Santo kajachawaech wuti. Jasox jachiyaxaelam puexa Jesús pejwujajan naexasiti kaes pejme chiekal xanaboelijaliajwapi Dios.

²⁷ Asew jiw xamalxot chalechkal naksiya wut matabija-eljamechan, Espiritu Santo kajachawaech wut, ja-aech wut, Dios tapaeis japi kolenje, o, tres atonbej, naksiyaliajwa japi matabija-eljamechan. Japi naksiya wut, kaenanula naksiyaxael. Japi jiw Dios tapae-esal kaewutje kamta naksiyaliajwa. Japi kaenanula naksiyapoxan buxtoet wut, do jawut, asan xamalxot chanaekabuanaxael puexa jaxot naeweti japajamechan chiekal jummatajibijaliajwa.

²⁸ Asew jiw xamalxot naksiyasia wut matabijs-eljame, jaxot aton ajil wut japon chiekal chanaekabuanaliajwa puexa jiw jummatajibijaliajwa, ja-aech wut, kaes pachaem, japi jiw naksiya-elaliajwa matabijs-eljame. Ja-aech wut, japi kaenanula boejlach Dios kawuajnaaxael.

²⁹ Asew jiw xamalxot jum-aech wut Dios buxto'aspojan, japoxan japi jiw naewuajnalijwa, Dios tapaeis japi kolenje, o, tres aton wut, jumchiliajwa. Japi kaenanula jum-aech wut, asew chiekal naewesaxaespi japi naksiyapoxan jummatajibijaliajwa, diachwuajnakolax Dios buxto'aspojan jum-aech wuti. Ja-el wut, japi pajut asbuan jumch jum-aechlappoxkal.

³⁰ Jaxot kaen aton ek wut, jawut chalechkal japon Dios buxto'as wut jumchiliajwa, ja-aech wut, matxoelanaksiyapon, boejlach nukaxaelbuk asan aton Dios buxto'aspojan jumchiliajwa.

³¹ Ja-am wut, xamal kaenanula jiw naewuajjande Dios buxto'apoxan, puexa jiw chiekal jummatajibijaliajwa! Ja-am wut, puexa naexasiti Jesus pejwuajan, japi nejchachaemlaxaelbej, jummatabija wuti japoxan.

³² Xamalxot kaen aton jumchisia wut Dios buxto'aspojan, japon jumchiyaxilbuk japox. Asew jiw naksiyax buxtoet wut, do jawut, japon jumchiyaxael Dios buxto'aspojan.

³³ Dios nejxasinka-el kamta kaewutje puexa jiw jumchiliajwa, natameja wut.

Samata, xamalbej natamejlam wut, me-ama asew jiw, naexasiti Jesus pejwuajan, kaewutje jumchi-el naksiyaxaelpox, xamalbej ja-amde!

³⁴ Xamal natamejlam wut culto isliajwam, watho' boejlach chalakaxael naewesliajwa naewuajanpoxan. Tapae-esal watho' naksiyaliajwa. Watho' kaenanula chiekal naexasisaxael pamal, Dios japox to'a xot.

³⁵ Watho' kaes matabijasia wut cultotat naewetpoxanliajwa, jawut kamta watho' wuajnaemsaaxilbuki pamal matabijasiapox. Pejbachanxot pat wut, japi watho' wuajnaemsaaxael pamal. Puexa watho' jachiyaxael jumxan-elasamata cultotat.

³⁶ Xamal matxoela tuadui-emil Dios pejjamechan asew jiw naewuajnalijwa. Xamalbej Dios pejjamechan naexasitam wut, xamal koewam Dios pejjamechan naexasitampiya-emil. Samata, xamal najutliajwa nejchaxoelde isaxaelampoxan Diosliajwa!

³⁷ Asan aton xamalxot jum-aech wut: “Xanlap Dios pejprofetan, Dios nabuxto'aponan jiw naewuajnalijwan” —aech wuton, japon aton pajut chiekal matabijsaxael, xan lelxpox Dios nakito'a lelaliajwan japox. Asan atonbej jum-aech wut: “Espiritu Santo nakajachawaet asew jiw kajachawaesliajwan” —aech wuton, japonbej pajut chiekal matabijsaxael, xan lelxpox Dios nakito'a lelaliajwan.

³⁸ Japon aton nejxasinka-el wut naexasisliajwa xan lelxpox, Dios nakito'apox, xamal japon aton nabej naexasis, japon aton naewuajan wut!

³⁹ Takoew, nejxasinkde asew jiw naewuajnafulaliajwam xamal Dios buxto'apoxan! jNabej buxfiasbej, asew jiw Espiritu Santo kajachawaech wut, chalechkal matabijs-eljame naksiya wut!

⁴⁰ Natamejlam wut culto isliajwam, chiekal culto isde!

15

Jesucristo tɥp wɥt, tres matkoi wɥt, Dios mat-echpox pejme dukaliajwa

¹ Takoew, xan majt xamal naewɥajnaɥ Jesús pejwɥajan Dios bu'welijaɥwa xamal. Samata, xamal jaraɥwɥajan naexasitam xot, chiekal duilam. Xan nejxasinkax japox nejchaxoelaliaɥwam.

² Jaraɥwɥajan chiekal naexasisɥalaxaelam wɥt, Dios xamal bu'weyaxael babijaxan isampoxanliaɥwa. Naexasis-emil wɥt, Dios xamal bu'weyaxil.

³ Xamal naewɥajnaɥ, majt xan nanaewɥajanwɥajan, Jesús pejwɥajan. Jaraɥwɥajan kaes pejme pachaem. Me-ama asawɥajan, jachi-el. Cristo tɥp cruztat babijaxan isasproxan nakwemosliaɥwapon, me-ama Dios pej-jamechan, chajia lelsprox, jɥm-aech japox jachiliaɥwa.

⁴ Cristo tɥp wɥt, jawɥx mɥaxwɥajtat ochpon. Do jawɥx, tres matkoi wɥt, Cristo mat-ech pejme dukaliaɥwa. Me-ama Dios pejjamechan chajia jɥm-aech, ja-aechlisox.

⁵ Do jawɥx, Cristo natulaelt Pedroxot. Jawɥx pejme natulaelton doce apóstolesxot.

⁶ Do jawɥx, kaes quinientos wajkoew natamejaxot natulaelton. Asew japixot tɥp, padiachow xotlisi. Xabich asew japixot laelpɥuk.

⁷ Do jawɥx, pejme Cristo natulaelt Santiagoxot. Jawɥx puexa apóstolesxotbej pejme natulaelton.

⁸ Do baxael, taxdukaxtat xanxot natulaelton. Asew jiw matxoela taen japon. Do jawɥx, xabich pin-iamatkoian wɥt, xanbej taenx japon. Samata, xan, me-ama kaes pachaema-enil wɥt, ja-an, taxdukaxtat taenx xot Cristo.

⁹ Xan majt chakifolx jaelaliaɥwan naexasiti Jesús pejwɥajan jeliaɥwan jiw jebatat. Samata, amwɥtjel xan nejchaxoelx: “Puexa apóstolesxot xan kaes pejme pachaema-enil. Me-ama puexa asew apóstoles pachaem Jesúsliaɥwa, xan jachi-enil” —an, nejchaxoelx wɥt. Samata, xan kaes pachaema-el apóstolliaɥwan.

¹⁰ Pe nakiowa, Dios nabeltaen xot, namakafit amwɥtjel xan apóstolliaɥwan. Xan xabich kaes nabistax Diosliaɥwa. Me-ama puexa asew apóstoles nabist wɥt Diosliaɥwa, xan jachi-enil. Samata, Dios nafa'a-el xanxot. Xan tajut tajaxtat is-enil Dios pijax bichax. Dios nabeltaen xot, nakajachawaet japabichax isɥalaliaɥwan.

¹¹ Xan naewɥajnaɥ xamal Jesús pejwɥajan. Asew apóstolesbej xamal naewɥajan jaraɥwɥajan. Kaes pejme pachaempox xanliaɥwa, xamal naexasisliaɥwam Jesús pejwɥajan, naewɥajnaɥprox.

Asamatkoi Dios mat-eyaxaelpox tɥpi, pejme duilaliaɥwa naexasiti Jesús pejwɥajan

¹² Xamal naewɥajnaɥ wɥt, jɥm-an: “Cristo tɥp wɥt, tres matkoi wɥt, Dios mat-echpon pejme dukaliaɥwa” —an xanal. ¿Ma-aech xotkat asew jiw xamalxot jɥm-aech: “Dios mat-eyaxil jiw tɥpi pejme duilaliaɥwa” —aechkati xamalliaɥwa? Jasox japi jiw jɥmchiyaxil.

¹³ Diachwɥajnakolax Dios mat-eyaxil wɥt tɥpi pejme duilaliaɥwa, Cristobej mat-esaxisal pejme dukaliaɥwa, tɥp wɥton.

¹⁴ Cristo mat-es-esal wɥt pejme dukaliaɥwa, xanal naewɥajnaɥprox, japox pachaemaxil jiwliaɥwa. Ja-aech wɥtbej, xamal Dios xanaboejampox bu'welijaɥwa pachaemaxil xamalliaɥwa.

¹⁵ Cristo mat-es-esal wɥt pejme dukaliaɥwa, xanal jɥm-anpox Dios isproxliaɥwa, japox diachwɥajnakolaxil. Dios mat-eyaxil wɥt tɥpi pejme duilaliaɥwa, Cristo tɥp wɥtbej, japon chiekal kaelel tɥpaxael. Mat-esaxisalbejpon pejme dukaliaɥwa.

¹⁶ Dios mat-eyaxil wut tɔpi pejme duilaliajwa, ja-aech wut, Cristobej mat-esaxisal pejme dukaliajwa.

¹⁷ Ja-aech wut, xamal Dios xanaboejampox bɔ'welialjwa, japoxbej pachaemaxil xamallialjwa. Ja-aech wut, Dios xamal kastikaxael, babijaxan isfulam xot.

¹⁸ Ja-aech wutbej, chajia tɔpi, Cristo pejwɔajan naexasiti, japibej napelsaxael Diosliajwa.

¹⁹ Xatis ampathatat laelpas wut, wɔajnowesfulas Cristo nakchax-dusaxaelpox. Dios nakmat-eyaxil wut pejme duilaliajwas, ja-aech wut, puexa jiw xatisliajwa nakwɔljɔmchiyaxael: “Ampi jiw xabich nabijaslap, wɔajnoweslap xoti jilpox” –chiyaxael jiw xatisliajwa. Samata, kaes pejme xatis nabijasaxaes. Me-ama puexa asew jiw nabijat wut, jachiyaxisal xatis.

²⁰ Pe diachwɔajnakolax Cristo matxoela mat-ech pejme dukaliajwa.

²¹ Patɔpax tɔadut, kaen Adán, matxoelapijin, babijax is wut puexa jiw tɔpaliajwa. Kaen Cristo tɔp wut cruztat, Dios mat-ech pejme dukaliajwa. Samatabej, asamatkoi jiw, tɔpi, japi jiw Dios mat-eyaxaes pejme duilaliajwa.

²² Adán, wajwɔajnapijin, tɔp xot, xatisbej, wɔchakalpijwas, tɔpaxaes. Xatis, Jesús pejwɔajan naexasichpis, Cristo pejjijws xot, Dios nakmat-eyaxael pejme duilaliajwas. Me-ama Cristo mat-echpon pejme dukaliajwa, jachiyaxaelbej Dios xatisliajwa, asamatkoi nakmat-eyaxael wut pejme duilaliajwas.

²³ Dios markpox, matkoi, pat wut, jawut jiw tɔpi, japi naexasiti Jesús pejwɔajan, kaenanala mat-eyaxaes. Dios matxoela mat-et Cristo pejme dukaliajwa. Pejme japon pask wut ampathatasik, japamatkoi puexa jiw, naexasiti Jesús pejwɔajan, mat-eyaxaesbej pejme duilaliajwa.

²⁴⁻²⁵ Do jawut, Cristo chiekal toesaxael padaelmajiw. Kaen namanaxil, japi asew jiw tato'alpi. Do jawutbej, Cristo naliaxsaxael potɔajnwɔcha jiw tato'laliajwa. Do jawɔx, Cristo wiasaxael pax Diosxot jiw tato'alpox.

²⁶ Jawɔx japon toesaxael patɔpax. Ja-aech wut, jiw kaes tɔpaxil.

²⁷ Dios pejjamechan, chajia lelspx, jɔm-aech wut, jɔm-aechox: “Cristo asamatkoi tapaeyaxaes puexa jiw tato'laliajwa” –aechox. Pe nakiowa, Dios pejjamechan, chajia lelspx, jɔmchi-el: “Cristo puexa jiw tato'al wut, Diosbej tato'laxaelon” –chi-elox.

²⁸ Cristo puexa tato'al wut, japamatkoi japon pajut natapaeyaxael pax Dios tato'laliajwas. Samata, Dios puexa tato'laxael.

²⁹ Xan ampx lelaxaelen chiekal matabijaliajwam. Asew jiw xamalxot pejjijw wetɔps wut, bautisa-esalpi, japi, laelpi, kawɔajan bautisaliajwas pejjijw, tɔpiliajwa: “iXan nabautisam! Xan nabautisam wut, jɔbautisa-esalpon, tɔpon, japon Diosxotsepon, me-ama bautisas wut, jachiliajwapon jaxotse!” –aech pejjijw tɔpiliajwa. Jiw tɔp wut, asamatkoi mat-eyaxisal wut pejme duilaliajwa, ¿ma-aech xotkat japi kawɔajan bautisaliajwas pejjijwliajwa, japi tɔpiliajwa?

³⁰ Ajil wut mat-eyax jiw pejme duilaliajwa, ¿ma-aech xotbejkat pomatkoicha xabich chachoel wut xanallialjwa, xanal nakiowa naewɔajnax Jesús pejwɔajan? Ja-aech wut, japox xanallialjwa pachaemaxil, Dios xanal namat-eyaxil wut pejme duilaliajwan.

³¹ Takoew, diachwɔajnakolax pomatkoicha xanliajwa chachoel, asew jiw naboesasia xot. Xan nejchachaemlax, xamal naexasitam xot wajpaklon Jesucristo pejwɔajan.

³² Xan xabich nabijatax Éfeso paklowaxxot. Japapaklowaxpijwaxot, asew jiw xan nanejwesla. Japi jiw xabich chachoel xanliajwa. Pejmachoeff wut, ja-aechi xanliajwa. Xatis asamatkoi puexa chiekal tɔpaxaes. Mat-eyax ajil wut jiw pejme duilaliajwa, ja-aech wut, ¿achaxkat xatis kanaxaes Diosliajwa

isaspoxan? Mat-eyax ajilaxael wut jiw pejme duilaliajwa, ja-aech wut, kaes pachaemaxael isliajwas asew jiw jum-aechpoxan. Japi asbuan jumch jum-aech: “¡Xabich xaeyaxaes! ¡Xabich feyaxaesbej naksaxsliajwa! Jasox isfulas wut, ¡nejchachaemlaxaes, mox pawuajna xot tupaliajwas!” —aech asew jiw.

³³ ¡Japi jiw, japox jum-aechpi, xamal nabej tapae' naekichachajbaliajwa! Xamal pachaemam wut, pe nejnachala, babejchow wut, ja-aech wut, xamal-bej babejchowaxaelam.

³⁴ ¡Xamalbej nabej nejliakle'! ¡Kaes babijaxan nabej isbej! Asew jiw xam-xot, japi jiw matabija-el Dios. Xan japox jum-an xamal nadalaliajwa.

Machiyaxaespox tɔpi, asamatkoi mat-eyaxaes wut pejme duilaliajwa

³⁵ Kaen aton xam-xot wuajnaemsaaxael wut, bej jumchiyaxaelbejpon: “¿Machiyaxaelkat jiw, tɔpi, mat-eyaxaes wut pejme duilaliajwa? Tɔpi mat-ias wut pejme duilaliajwa, ¿japi pejbu'an makabuanchiyaxaelkat?” —bej chiyaxaelbej, japon aton wuajnaemt wut.

³⁶ Japon japox wuajnaemsaaxael wut, japon wuajnaemtpox, nejliak-lax wulxael. Jesfut muthtas wut, naboelt. Jesfubokt xoep satat.

³⁷ Jesfut, o, asafutbej, muthtas wut, muthtas pafut. Naboelt-pox muths-esal.

³⁸ Muthtasfut, japox naboelt wut, me-ama pafut, kabuanchi-el. Boelnakola, me-ama Dios nejxasink japafut naboelaliajwa. Nejmach-asafu boelnakola wut, me-ama majt pafut wut, jakabuanchi-el.

³⁹ Ja-aechlap-is jiw pejbu'an. Najɔpa-elbej, choef suapich, mia suapichbej, baxi suapichbej.

⁴⁰ Xatis taenspoxan thatbaxotat, ampathatat taenspoxanbej, japoxan kaenanula chiekal najɔpa-el. Thatbaxotat pachaempoxan najɔpa-el, ampathatat xabich pachaempoxan suapich.

⁴¹ Ja-aechbej juimt matkoipijin, madoipijin suapich. Kaenanula chiekal najɔpa-itliaka-el. Puexa ithaejbej kaenanula chiekal najɔpa-itliaka-el.

⁴² Ja-aechbej jiw tɔpi, Dios mat-ias wut, japi pejme duilaliajwa. Jiw tɔp wut, muthas. Do japoxan jaxot kaweta xoepdik. Japi jiw Dios mat-ias wuti, pajelbu'anaxaelpi pejme duilaliajwa. Pajelbu'an wut, japi jiw kaes tɔpaxil. Kaes japi pejbu'an wexoepaxisalbejpi.

⁴³ Patɔpan muthtas wut, muthtaspox pachaema-el. Mamnika-elbej-pox. Samata, chinax kaen aton japox nejxasinka-el. Pelax Dios mat-esaxael-pox pejme dukaliajwa xabich pachaemaxael. Mamnikaxaelbej-pox.

⁴⁴ Muthtaspox satat naman. Jaxot xoepbej-pox. Pelax Dios mat-esaxael-pox pejme dukaliajwa, japox athɔpijax wulxael. Xatis ampathatat laelpas wut, wajbu'an chabu'alaelpas. Pe asamatkoi duilaxaes kaenanula pajelbu'antat Diosxotse.

⁴⁵ Dios pejjamechan, chajia lels-pox, jum-aech wut, jum-aechox: “Adán matxoela isas. Do jawut, dukafulon, Dios kajachawaech xot” —aechox. Do jawux, Adán tɔp wut, baxael, Cristo nalaelt, me-ama Adán, ja-aechon. Pe Cristo kaes pejme pachaem. Me-ama Adán, jachi-elon. Cristo tɔp xot atisliajwa, Dios naktapaeyaxael duilaliajwas pomatkoicha Diosxotse.

⁴⁶ Wajbu'an, me-ama ampathatpijiw pejbu'an wut, ja-aech. Pe asamatkoi, Dios nakmat-eyaxael wut pejme duilaliajwas, me-ama Diosxotse duilpi pejbu'an wut, jachiyaxael kaenanula wajbu'an.

⁴⁷ Adán Dios matxoela isas asthumbatat ampathatpijinliajwa. Baxael, Jesús, wachakalpijin, japon fuloek athuxotsik.

⁴⁸ Puexa xatis wajbu'an, me-ama Adán pejbu't wut, ja-aech, isaspox asthumbatat. Pe asamatkoi, Cristo pejuajan naexasichpis, wajbu'an, me-ama Cristo pejbu't wut, jachiyaxael.

⁴⁹ Amwutjel wajbu'an, me-ama Adán pejbu't wut, ja-aech. Asamatkoi wajbu'an, me-ama Cristo pejbu't wut, jachiyaxael.

⁵⁰ Takoew, ampox lelaxaelen xamal chiekal matabijaliajwam. Jiw pejbu'an wutfuk ampathatat, japi jiw, japabu'an suapich, fulaeyaxilse Dios poxase duilaliajwa jaxotse. Ampathatat jiw pejbu'an pomatkoichaliajwa-el.

⁵¹ Xan nejxasinkax xamal matabijaliajwam asew jiw matabija-elpox. Cristo pejme pasliajwa wut, puexa xatis tɔpaxisal. Cristo pask wut, puexa xatis, tɔpa-esalpisfuk, tɔpi suapichbej, jawut Dios puexa wajbu'an nakwexalixaxael.

⁵² Taxdukatrompeta jiw thiataen wut, jawutbej tɔpilis Dios mat-eyaxaes pejme duilaliajwa. Xatisbej, laelpaspisfuk, Dios nakwexalixaxael wajbu'an pajelbu'antat pomatkoicha duilaliajwas.

⁵³ Xatis ampathatat tɔps wut, wajbu'an xoepaxael. Japoxan asthumba nadofaxael. Samata, Dios nakbu'xalixaxael kaes pejme pachaemaxaelbu'an, xoepaxilbu'an.

⁵⁴ Dios nakwexalixaxa wut wajbu'an, ja-aech wut, pejme tɔpaxisal, me-ama Dios pejjamechan, chajia lelspx, jum-aech wut, jum-aechox: "Dios malechaxael patɔpax. Samata, Dios japi jiw mat-ia wut pejme duilaliajwa, japi jiw pejme tɔpaxil.

⁵⁵ Patɔpax kaes malechaxil jiwliajwa. Patɔpax kaes mamnikaxilbej jiwliajwa" –aech Dios pejjamechan.

⁵⁶ Jiw pejlewla tɔpaliajwa, Dios kastikaxaes xoti babijaxan ispoxanliajwa. Dios japi jiw kastikaxael, naexasis-el xot Moisés chajia lelpox.

⁵⁷ Xatis tɔps wut, napelsaxisal Diosliajwa. Wajpaklon Jesucristo tɔp cruztat Dios nakbu'welija. Samata, xatis graciastis Diosliajwa.

⁵⁸ Takoew, xamal nejxasinkaxpim, Diosliajwa nabistampoxan, japoxan napelsaxil xamalliajwa. Samata, jnabej kofe' Dios naexasitampox! ¡Dios chiekal xanaboejim xamal kajachawaesfulaliajwa! ¡Kaes pejme xabich nabisde japonliajwa!

16

Pablo kito'apox Corinto paklowaxpijiw ofrenda owaliajwa

¹ Ma amwutjel lelx xamal to'aliajwan plata owaliajwam, xato'aliajwam Jerusalén paklowaxpijiwliajwa, japi naexasiti Jesús pejwuajan. Me-ama xan kito'ax Galacia tɔajnpijiw ofrenda owaliajwa Jerusalén paklowaxpijiwliajwa, jxamalbej ja-amde!

² Xamal kaedominkoful wut, kanampi, kaesɔpich diajnaxaelam plata owaliajwam Jerusalén paklowaxpijiwliajwa. Asew jiw xamalxot, kaes kanapi, kaes plata owaxael ofrendaliajwa. Jachiyaxaelam ofrenda owax kitoesliajwam, xan pas-enil wutfuk xamalxot. Xamal kitoetam wut ofrenda owax, xamal kaes kito'axinil ofrenda owaliajwam Jerusalén paklowaxpijiwliajwa, xan patx wut.

³ Xamalxot pa'ax wut, poejiw, najut makanotampi, to'axaelen Jerusalén paklowax poxade japi plata xalaeliajwa. Xan carta lelaxaelen japi nawexalaeliajwa Jerusalén paklowaxpijiw poxade. Japi jaxot xapa'a wut, japaplata chaxdut wuti, japox cartabej chaxdusaxaelpi.

⁴ Pachaem wut, xan tajut japi buflaeyaxaelen Jerusalén paklowax poxade.

Pablo nejchaxoelpox pejme taeliajwa Corinto paklowaxpijiw

⁵ Xan amxot chijian wut, majt Macedonia tɔajnpɔ poxaxaelen. Do jawux, xamal Corinto paklowaxpijwam taeyaxaelen.

⁶ Xamalxotx wut, piach bej nakdukaxaelenbej xamalxot. Ja-an wut, iama chatoepaxaelenbej xamalxot. Do jawux, xamal nakajachawaesaxaelam, xan fulaeliajwan wut.

⁷ Patx wut xamalxot, xan nejxasinka-enil kamta chijiyaliajwan xamalxot. Dios natapaei wut, piach dukaxaelen xamalxot.

⁸ Amwutfuk namanaxaelen Éfeso paklowaxxot. Pentecostésfiesta toep wut, do jawux, fulaeyaxaelen Macedonia tujnux poxade.

⁹ Amwutjelfuk amxot, Éfeso paklowaxxot, pachaem xan jiw naewhajnalialjwan Jesús pejwujajan. Samata, namanxfuk amxot. Jiw xabich nejxasink naewesliajwa Jesús pejwujajan. Pe nakiowa, asew jiw japixot xabich nejxasinka-el xan naewhajnaxrox.

¹⁰ Timoteo pa'a wut xamalxotde, ¡chiekal bu'kulim japon nejchachaemlialjajwa! Timoteo chiekal nabist wajpaklon Jesúsliajwa. Me-ama xan chiekal nabistax wut, ja-aech Timoteo.

¹¹ Samata, Timoteo xamalxot wut, chiekal sitaeyaxaelam. Japon kajachawaesaxaelam, fulaen wut xan nataeliajwa. Xan Timoteo wujnawetx, asew, naexasiti Jesús pejwujajan suapich.

¹² Xamal nawujnachaemtam Apolosliajwa. Xan xabich to'ax Apolos, asew suapich, japi naexasiti Jesús pejwujajan, nakfulaeliajwapon xamal taeliajwa. Pe Apolos owchi-el. Asamatkoi fulaeyaxaelpon xamal taeliajwa.

Pablo xabich saludos xato'apox, carta lelax kitoesliajwa wut

¹³ ¡Chiekal taem Satanás xamal naekichachajbasamata! ¡Dios chiekal xan-aboejimbej! ¡Xamal chinax asaxliajwa nabej nejlewl'e'bej!

¹⁴ Isam wut pachaempoxan asew jiwliajwa, ¡puexa japoxan isfulde, japi nejxasinkam xot!

¹⁵ Takoew, xamal matabijam Estéfnas, japon pejjiw suapich, matxoela naexasit Jesús pejwujajan Acaya tujnuxot. Japibej xabich kajachawaet asew jiw, naexasiti Jesús pejwujajan.

¹⁶ Xan nejxasinkax xamal chiekal naexasisliajwam, me-ama japi, ja-aechpi, xamal to'a wut. Asew jiwbej, japi suapich nabistpi, chiekal naexasisaxaelambej.

¹⁷ Xan nejchachaemlax, asew xamalxotpijiw pa'an wut. Japi pa'anpi, Estéfnas, Fortunato, Acaicobej. Xan japiliajwa nejchaxoelx: “Ampi jiw xan nakajachawaet xot, me-ama Corinto paklowaxpijiw nakajachawaet wut, ja-aechi xanliajwa” —an xamal Corinto paklowaxpijwamliajwa, nejchaxoelx wut.

¹⁸ Samata, japi jiw pat wut, xan xabich nejchachaemlax. Kaes pejme chiekal Dios xanaboejtaxbej. Japi xamal kajachawaet wut, kaes Dios chiekal xanaboejam. Xan ja-anbej. Samata, ¡jasi jiw xamal chiekal sitaem!

¹⁹ Asia tujnuxpijiw, naexasiti Jesús pejwujajan, saludos xato'a xamalliajwa. Aquila, pijow suapich, japow pawul Prisca, asew jiwbej, Aquila pejbaxot natamejapi, xabich saludos xato'a xamalliajwa. Jasoxtat puexa japi jiw saludos xato'a xamalliajwa, kaen, wajpaklon Jesucristo, pejjiw xot.

²⁰ Puexa naexasiti Jesús pejwujajan, amxotpijiw, saludos xato'abej xamalliajwa. Me-ama asew jiw, Jesucristo pejwujajan naexasiti, nakaewa nasaluda wut, ¡ja-amdebej xamal!

²¹ Xan Pablo, amxot tajut lelax xamal saludaliajwan.

²² Jiw, nejweslapi wajpaklon Jesucristo, japi jiw Dios kastikaxaes. ¡Nej xabwata wajpaklon Jesús!

²³ Xan wajpaklon Jesucristo kawujnax xamal chiekal kajachawaesliajwa.

²⁴Puexa xamal saludax, nejxasinkax xot xamal, xatis wajpaklon Jesucristo pejjiws xot.

Wachakalcarta, Pablo lelpox, Corinto paklowaxpijiwliajwa

Pablo lelpox carta Corinto paklowaxpijiwliajwa

¹ Xan Pablo, Dios namakafit Jesucristo pej-apóstolliajwan, Dios nanejxasink xot. Xan ampox carta lelx, Timoteo suapich, xamal Jesús pejwñajan naexas-itampimliajwa, Corinto paklowaxpijwam. Lelxbej ampox carta puexa Acaya tuajñupijwliajwa, Jesús pejwñajan naexasitiliajwa.

² Waj-ax Dios, wajpaklon Jesucristobej, japi kawñajna xamal kajachawaesliajwa, chiekal duilaliajwam, asew jiw suapich.

Pablo lelpox xabich nabijatpoxanliajwa

³ Xatis wajpaklon, Jesucristo pax Diosliajwa, graciastis. Waj-ax Dios nakbeltaen. Pomatkoicha nakkajachawaetbejpon, nabijatas wut nejchachaemlaliajwas.

⁴ Xanal nabijatax wut asaxanliajwa, Dios nakajachawaet nejchachaemlaliajwan. Samata, xanal xajux, naewñajna xamal kajachawaesliajwan, asew jiw nabijat wut, japibej nejchachaemlaliajwa. Me-ama xanal Dios nakajachawaet, xanalbej naewñajna xaelen asew jiw kajachawaesliajwan.

⁵ Xanal Jesucristo pejiwan xot, nabijatax wut, Dios nakiowa nakajachawaet nejchachaemlaliajwan.

⁶ Samata, xanal nabijatax wut, xajux xamal naewñajnalialjwan xamalbej nejchachaemlaliajwam, asamatkoi nabijatam wut. Xajuxaxaelenbej xamal naewñajnalialjwan Dios kaes xanaboejalajwam xamal bu'welialjwapon. Samata, nabijatam wut, me-ama xanal majt nabijatax, ja-am wut, inabej boejxatatae' nabijatampoxkal!

⁷ Xanal matabijax. Xamal nabijatam wut, Dios kajachawaesaxael. Me-ama xanal nakajachawaet wut, jachiyaxaelbejpon xamalliajwa. Samata, xamal nabijatam wut, Dios kajachawaesaxael nejchachaemlaliajwam. Me-ama xanal majt nabijatax wut, Dios nakajachawaet nejchachaemlaliajwan, jachiyaxaelbejpon xamalliajwa.

⁸ Takoew, xanal nejxasinkax xamal nejchaxoelaliajwam xabich nabijatax-pox, Asia tuajñuxotan wut. Xanal jaxot nabijatax wut, nejchaxoelx: “Xabich nabijatas. Samata, kaes bej machiyaxisalbej nabijataspoxanliajwa. Xatis nakbeyaxaelbejpi” —an xanal, nejchaxoelx wut.

⁹ Xanal xabich nejchaxoelxbej: “Diachwñajnakolax Dios naktapaeibej tupaliajwas” —an xanal, nejchaxoelx wut. Japox ja-aech xanal Dios xabich xanaboejalajwan. Japon xajux tupibej mat-elialjwa pejme duilaliajwa. Samata, xanal amwutjel chiekal matabijax. Xatis wajut wajaxtat xanaboexaxisal, xajuxaxisal xot welialjwas.

¹⁰⁻¹¹ Asew jiw xabich chachoel wut xanalliajwa, Dios nakiowa nabu'wia. Amwutjelbej Dios nakiowa nabu'wia, chachoel wut xanalliajwa. Xamal Dios kawñajnafulam wut xanalliajwa, Dios nakajachawaesfulaxael xanal welialjwan. Ja-aech wut, xabich asew jiw taen wut Dios nakajachawaetpox, graciaschiyaxaelpi Diosliajwa.

Ma-aech xot Pablo fulae-el Corinto paklowaxpoxade

¹² Xanal potñajna xamalbej jiw naewñajna xamal xotan wutbej, chiekal duilx, me-ama Dios nejxasink. Samata, xanal nejchachaemlax. Xanal

chiekal duilx, Dios nakajachawaet xot. Tajut tajaxtat, matabijaxpoxantat, xanal chiekal duila-enil.

¹³ Xanal cartan lelx wut, jaxot kaes asaxan lela-enil. Samata, japacartan xaljowam wut, chiekal matabijaxaelam. Xan nejxasinkax, cartan xaljowam wut chiekal matabijaliajwam xanal lelxpoxan.

¹⁴ Asew jiw, xamalxotpijiw, chiekal matabija xanal isxpoxan. Jesucristo pejme pask wut ampathatasik, nejxasinkax japamatkoi xamal xabich nejchachaemlaliajwam xanal isxpoxanliajwabej. Xanalbej xabich nejchachaemlaxaelen xamal isampoxanliajwa.

¹⁵ Samata, nejchaxoelx xamal taeliajwan kolevecas.

¹⁶ Xan nejchaxoelx ampox: “Macedonia tɛajɲɛ pɔxadax wut, matxoela taeyaxaelen Corinto paklowaxpijiw. Do jawɯx, baxael, Macedonia tɛajɲɛxot nawia'nax wut, pejme taeyaxaelen Corinto paklowaxpijiw. Do jawut, japixotx wut, japi nakajachawaesaxael Judea tɛajɲɛ pasliajwan” –an, nejchaxoelx wut.

¹⁷ Pe fɛlae-enil xamal taeliajwan. Xan japox nejchaxoelx wut, diachwɛajnakolax fɛlaesian xamal taeliajwan. Me-ama xabich asew jiw nejchaxoel asax isliajwa, do jawɯx, is-elipox, xan jachi-enil.

¹⁸ Dios chiekal matabijt xanal naekichachajba-enilpox. Xanal isaxinil wut asax, “Japox diachwɛajnakolax isaxaelen” –chi-enil.

¹⁹ Xan Pablo, Silvano sɛapich, Timoteobej, xamalxot naewɛajɲax Jesucristo pejwɛajan. Jesucristo, Dios paxɛlan, is-elasia wut, jɯmchi-elon: “Xan japox isaxaelen” –chi-elon.

²⁰ Puexa Dios chajia jɯmdutpoxan, japoxan Jesucristo is xatisliajwa. Samata, xatis Dios jɯmtis: “jXam xabich pachaemam!” –tis.

²¹ Dios xatis nakkajachawaet kofasamatas Jesús pejwɛajan naexasichpox. Dios nakmakanotbej japon pejjiwaliajwas.

²² Dios to'ak Espíritu Santo wajmatpɛatanxotaliajwa nakkajachawaesliajwa. Ja-aech wut, xatis matabijas japon pejjiwspox. Samata, xatis chiekal matabijas, Dios chajia jɯm-aechpox diachwɛajnakolax japon isaxael japox xatisliajwa.

²³ Xan majt nejchaxoelx xamal taeliajwan. Pe fɛlae-enilfɛk, xan nejxasinka-enil xot xamal losliajwan, is-emil xot xan to'axpox. Dios chiekal matabijt xan jɯm-ampox diachwɛajnakolax.

²⁴ Xanal matabijax, xamal chiekal naexasitam Jesús pejwɛajan. Samata, xanal to'a-enil xamal naexasisliajwam japawɛajan. Xanallax nejxasinkax xamal kajachawaesliajwan chiekal nejchachaemlaliajwambej.

2

¹ Samata, nejchaxoelx wut, jɯm-an xamalliajwa: “Kaes pachaem, taelialiajwan Corinto paklowaxpijiw. Xan japi taenx wut, losaxaelenbej. Lotx wut, japi nejxaejwaxaes” –an, nejchaxoelx wut xamalliajwa.

² Xamal nejchachaemlam wut, xanbej nejchachaemlax. Xamal losaxaelen wut, xamal nejxaejwaxael. Jachiyaxaelam wut, xanbej nanejxaejwaxael, xamal losaxaelen wut.

³ Samata, xan tajut xamal tae-enilfɛk. Cartakal asbɛan jɯmch xato'ax xamalliajwa nejxaejwasamata, xamal lotx wut. Nejchachaemlaxinil, xamalxot pa'ax wut, losaxaelen xot. Xan fɛlaechx wut xamal pɔxade, xamalbej nejchachaemlaximil.

⁴ Xan japox carta lelx wut, xabich nejchaxoelx xamalliajwa. Nowxbej. Lela-enil carta xamal nejxaejwaliajwa. Xan lelxlax xamal najut chiekal nejchaxoelaliajwam xamal xabich nejxasinkaxpox.

Pablo Corinto paklowaxpijiw to'apox beltaeliajwapi aton, majt xabich babijax ispon

⁵ Xan tamach nanejxaejwa-el japon atonliajwa, xamalxot xabich babijax is wut. Puexa xamalbej nejxaejow. Xan nejxasinka-enil japon aton tasalaliajwan.

⁶ Puexa xamal japon aton fiatam, babijax is wut. Fiatambejpon culto iselaliajwa, xamal s̄apich. Samata, japon koft babijax ispox. Amwutjel japon aton tapaeyaxaelam pejme culto isliajwa, xamal s̄apich.

⁷ ¡Amwutjel xamal japon beltaem! ¡Naewuajandebejpon kofsliajwa nejxaejwaspox! Ja-aech wut, japon kofsaxil naexasitpox Jesús pejwujajan.

⁸ Samata, xamal jum-an japon aton pejme chiekal bu'kulaliajwam, japon pajut chiekal matabijsliajwa xamal nejxasinkampox japonliajwa.

⁹ Majt xan lelx wut carta xato'aliajwan xamal poxade, japacarta xato'ax chiekal matabijsliajwan, xamal naexaxisaxaelam wut xan xato'axpox japon atonliajwa.

¹⁰ Xamal beltaenam wut japon aton, ja-am wut, xanbej japon aton beltaeyaxaelen. Xan japox ja-an wut, Cristo taeyaxael beltaenxpox japon atonliajwa. Xan jachiyaxaelen xamal chiekal matabijaliajwam, xamalbej jachiliajwam.

¹¹ Xatis jachiyaxaes Satanás naknaekichachajbasamata. Xatis chiekal matabijas, ma-aech Satanás, jiw naekichachajbasia wut.

Pablo xabich nejchaxoelpox Titoliajwa, Troas paklowaxxot wuton

¹² Pa'ax wut Troas paklowaxxot jiw naewuajnalialjwan Jesús pejwujajan, Dios nakajachawaet xot, xabich pachaemlach naewuajnalialjwan japawujajan.

¹³ Wajkoewan Tito faena-enil xot Troas paklowaxxot, xan xabich nejchaxoelx Titoliajwa. Samata, Troas paklowaxpijiw kijachax, xan fulaelialjwan wut Macedonia tuajnu poxade, jaxotde Tito faenaliajwan.

Dios kajachawaech xot, apóstoles xajuppox jiw naewuajnalialjwa Jesús pejwujajan

¹⁴ Xanal gracias-an Diosliajwa, japon nakajachawaet xot, Jesús pejjiwan xot. Xanal potujajnucha naewuajnaj wut Jesús pejwujajan, Dios nakajachawaet. Xanal Jesús pejwujajan potujajnucha jiw naewuajnaj atuj. Me-ama incienso bowas wut, xabich atuj xabej-ok, ja-aech Jesús pejwujajan naewuajnajpox. Samata, naexasiti Jesús pejwujajan jum-aechi Jesús pejwujajanliajwa: “Amrawujajan xabich pachaem” –aechi.

¹⁵ Dios nejchachaemil, xan jiw naewuajnaj wut Jesucristo pejwujajan. Incienso bowas wut, puexa jiw xabejtaena. Ja-aechbej, Jesús pejwujajan xanal naewuajnaj wut. Puexa jiw jumtaen japawujajan. Asew jiw naexasit Dios bu'welialjwas. Asew jiw lax naexaxis-el japawujajan.

¹⁶ Jiw naexaxis-elpi napelsaxael Diosliajwa. Asew jiw lax bu'weyaxaes. Xanal Jesús pejwujajan naexasitx, Dios nakajachawaet xot. Samata, xanal xajupx jiw naewuajnalialjwan Jesús pejwujajan, japi Dios bu'welialjwas.

¹⁷ Asew jiw naewuajjan Jesús pejwujajan asbuan jumch mosliajwas. Xanal lax jachi-enil. Jiw naewuajnaj wut japawujajan, chiekal naewuajnaj. Kichachajba-enil, Dios nato'a xot, Cristo pejjiwan xotbej.

3

Pajelwujajantat Dios jumdutpox jiw bu'welialjwa

¹ Xamal naewhajnax wut Jesús pejwajan, xanal tajutliajwa jumchi-enil: “Xanal kaes pejme pachaeman. Me-ama asew jiw, jachi-enil” —chi-enil tajutliajwa. Asew jiw pat wut xamalxot Jesús pejwajan naewhajnaliajwa, japi carta xapat, asew jiw welelspox japiliajwa. Japox, carta lelspx, jum-aech: “Ampi jiw, Jesús pejwajan naewhajanpi” —aechox. Samata, xamal chiekal bu'kulam japi jiw, pat wuti xamalxot. Xanallax xamalxot patx wut, carta xapas-enil xamal itpaeliajwan chiekal namatabijaliajwam, chiekal nabu'kulaliajwambej. Xanal nawewe'pa-elbej xamal lelaliajwam carta xanal xalaeliajwan asew jiw poxade chiekal japi namatabijaliajwa, chiekal nabu'kulaliajwabejpi.

²⁻³ Xamal naewhajnax Cristo pejwajan. Samata, amwutjel chiekal duilam. Chiekal duilampox Cristo nejxasink jiw matabijaliajwa. Cristo lela-el cartan jiwliajwa. Lela-elbejpon ia'fachantat. Me-ama chajia Moisés lel, jachiel Cristo. Pelax Cristo Espíritu Santo to'a lelaliajwa pejjamechan nejmatpreatantat, xamal pajelnejchaxoelaxanliajwa. Samata, amwutjel xamal chiekal duilam xot, asew jiw chiekal matabija xamal Jesucristo ka-jachawaesfulpox.

⁴ Xanal matabijax, Dios nato'a xamal naewhajnaliajwan Jesús pejwajan. Dios nakajachawaetbej japoxan isliajwan, Jesucristo pejjiwan xot.

⁵ Xanal tajut isaxinil Dios pejbichax. Pe nakiowa, Dios nakajachawaet xot, japox bichax nabistax.

⁶ Dios xanal nakajachawaet jiw naewhajnaliajwan pajelwajan. Japawhajan jiw to'a-esal Moisés chajia lelpox naexasisliajwapi. Japawhajanbej najupa-el, Moisés chajia lelpox sapich. Espíritu Santo nakajachawaet xot, xanal jiw chiekal naewhajnax, japi jiw chiekal duilaliajwa, me-ama Dios nejxasink. Moisés chajia lelpox xatis wajut puexa chiekal naexasis-esal. Samata, chiekal napelsaxaes Diosliajwa. Naexasich wutlax pajelwajan, Espíritu Santo nakkajachawaesfulaxael chiekal duilaliajwas pomatkoicha Diosxotse.

⁷ Dios majt lel tato'laliajwapoxan ia'fachantat. Do jawut, japa-ia'fachan chaxduton Moisés. Jiw japox chiekal puexa naexasis-el. Ja-aech wut, japi pejbuhwajan Diosliajwa. Napelthejpi Diosliajwa. Dios chaxdut wut Moisés japa-ia'fachan, Moisés pejxu xabich itliak. Samata, israelitas taeyaxili Moisés pejxu. Moisés xu-itliakpox bijiat toepaful.

⁸ Kaes pejme pachaem pajelwajan. Ampamatkoiyan japawhajan naexasich Dios nakbu'welialjwa, Espíritu Santo duk xot wajmatpreatanxot.

⁹ Dios tato'alpoxan pachaem. Jiw pajut matabija kastikaxaespx, xabich babijaxan is xoti. Pe kaes pejme pachaem pajelwajan Dios nakbu'welialjwa babijaxan isaspoxanliajwa. Xatis naexasich xot pajelwajan, babijaxan isaspoxan Diosliajwa chiekal ajil.

¹⁰ Pachaem Dios tato'alpoxan, Moiséstat waeltpx. Pe baxael, Dios wachakalwaeltpx, pajelwajan, japawhajan kaes pejme chiekal pachaem. Samata, amwutjel majt Dios waeltpx Moiséstat, japox chiekal pachaemellejen.

¹¹ Dios tato'alpoxan, waeltpx Moiséstat, japox wajan pachaem. Pe baxael, wachakalwajan pat wut, kaes pejme pachaem japawhajan. Japawhajanlax namanaxael pomatkoichaliajwa.

¹² Xanal matabijax, japawhajan namanaxael pomatkoichaliajwa. Samata, xanal tajlewla-el jiw naewhajnaliajwan japawhajan.

¹³ Jiw naewhajnax wut, chiekal chanaekabuanax japawhajan. Chajiakolaxtat Dios tato'alpoxan, waelt Moiséstat. Japawhajan Moisés chiekal

chanaekabana wut israelitas, japi chiekal jummatabija-el. Japamatkoiyan, Moisés xu-itliak wut, panuelbu' xumatakaton israelitas taesamata, Moisés pejxu itliakpox toepafulpox.

¹⁴ Moisés naewhajan wut israelitas, japi chiekal jummatabija-el chanaekabanaspoxan, japi pejnechaxoelaxan, me-ama matakas wut, ja-aech xoti. Amwutjelbej israelitas pamojiw, japi pejnechaxoelaxan, me-ama matakas wut, ja-aech. Israelitas naewhajnabaxot chanaexaljows wut Moisés chajia lelpox, japox chiekal jummatabija-eli. Pelax israelitas pamojiw naexaxisaxael wut Jesús tæppox japiliajwa, ja-aech wut, japi chiekal matabijaxael Moisés chajia lelpox.

¹⁵ Amwutjelbej israelitas pamojiw chiekal jummatabija-el, xaljow wut Moisés chajia lelpox. Japi pejnechaxoelaxan, me-ama matakas wut, ja-aech xoti jummatabija-el.

¹⁶ Pe nakiowa, a sew israelitas naexasit wajpaklon Jesucristo pejhajan. Samata, japi chiekal matabija, xaljow wut Moisés chajia lelpox.

¹⁷ Wajpaklon Jesucristo kaenechaxoelax, Espiritu Santo sæapich. Espiritu Santo duk wajmatpæatanxot. Samata, Espiritu Santo nakkajachawaesful isasamatas babijaxan. Ja-aech wut, nakwewe'pa-el Moisés chajia lelpox naexaxisfulaliajwas.

¹⁸ Samata, xatis babijax isaxisal. Jatis wut, a sew jiw matabijaxael, diachwhajnakolax Dios chiekal pachaempon. Espiritu Santo nakkajachawaet xot, xatis chimianejchaxoelaxan. Jatis wut, wajnejchaxoelaxan, me-ama Jesucristo nejchaxoel wut, jachiyaxael.

4

¹ Dios xanal nabeltaen xot, nato'a nabichliajwan japon pejbichax. Samata, xanal nejchaxoela-enil kofaliajwan.

² Xanal is-enil padalapoxan. Asaxbej is-enil jiw naekichachajbaliajwan. Dios pejjamechan naewhajnax wut, kaes asaxan jiw naewhajnalenil. Dios chiekal matabijt xanal jum-anpoxan, puexa japoxan diach chiekal whajnakolax, puexa jiw pajut chiekal matabijaliajwa. Xanal naewhajnaxpoxan xabich pachaem.

³ Naewhajnax wut, chiekal naewhajnax puexa jiw chiekal matabijaliajwa Dios bu'welialjwas. Pe japi naexasis-el wut xanal naewhajnaxpox, ja-aech wut, japi jiw pomatkoicha pajut napelsaxael Diosliajwa.

⁴ Japi naexasis-el wut japawhajan, pejnechaxoelaxan, me-ama itkua'nik. Pelax naexasiti Jesús pejhajan, japi pejnechaxoelaxan, me-ama itliak. Samata, Satanás, paklonpon ampathatpijiwliajwa, japon nejxasinka-el jiw naexasisliajwa Jesús pejhajan. Cristo, pax Dios sæapich, kaenechaxoelax.

⁵ Xanal naewhajnax wut, naewhajna-enil nasitaeliajwam, naxanaboejalijwambej. Pelax xanal naewhajnax xamal sitaeliajwam wajpaklon Jesucristo. Xanal nabistaxpin xamalliajwa, Jesucristo nejxasinkax xot.

⁶ Dios akaseskolaxtat ampathat is wut, puexa chiekal itkua'nik wut, jawut Dios to'a itliakaliajwa. Jatisbej xatis, Jesús pejhajan naexasichpis. Amwutjel wajmatpæatantat, me-ama itliak wut, ja-aech, Dios pejjiws xot. Xatis Jesús pejhajan chiekal matabijas xot, matabijas, Dios xabich pachaempon.

Dios kajachawaetpox pejiw, xanaboejapi japon

⁷ Xanal tajut tajaxtat mamnika-enil. Me-ama kuarnat piachliajwa pachaemaxil, ja-anbej xanal. Dios nakajachawaet xot, xanal mamnikax. Ja-an wut, jiw nejchaxoel xanalliajwa: “Japi japox is wut, pajut pijaxtat is-el. Japox ispi, Dios kajachawaech xot” –aech jiw xanalliajwa, nejchaxoel wut.

⁸ Xanal nabijatax wut, nejchaemila-enil. Asbuan jumch nejchachaemlax. Xanal asaxanliajwa xabich nejchaxoelx wut, nakiowa Dios xanaboejax nakajachawaesliajwa.

⁹ Asew jiw babijaxan is xanal nabijasliajwan, Dios pejjiwan xot. Pe nakiowa, Dios nakajachawaet. Tamach xanal nawaela-elon. Asew jiwbej nabesia wut, japi xajupa-el, Dios nakajachawaet xot.

¹⁰ Xanal fulaech poxade, jaxotde chachoel. Asew jiw nejchaxoel nabeliajwa. Me-ama Jesús boesas, jachisiabejpi xanalliajwa. Samata, puexa jiw pajut matabija, xanal chiekal duilx, Jesús nakajachawaet xot.

¹¹ Pomatkoicha chachoel xanalliajwa, asew jiw nabesia xot, Jesús pejjiwan xot. Ja-aech wut, puexa jiw pajut matabija, xanal chiekal duilx, Jesús nakajachawaesful xot.

¹² Asew jiw xanal nabesia wut, nakiowa xamal naewhajna x Jesús pejwajan. Samata, xamal japawajan naexasitam xot, pomatkoicha duilaxaelam Diosxotse.

¹³ Dios pejjamechan, chajia lelspx, jum-aech wut, jum-aechox: “Xan xanaboejtax Dios chajia jum-aechpoxan nakajachawaesliajwa. Samata, japox jum-an asew jiwliajwa” –aech Dios pejjamechan, chajia lelspx. Samata, xanalbej nejchaxoelx: “Dios xatis nakkajachawaesaxael” –an xanal, nejchaxoelx wut. Samata, asew jiw naewhajna x Dios pejjamechan.

¹⁴ Wajpaklon Jesucristo tup wut, Dios mat-echpon pejme dukaliajwa. Samata, xatis chiekal matabijas. Diachwajnakolax asamatkoi xatis tups wut, baxael, Dios nakmat-eyaxaelbej xatis pejme duilaliajwas. Dios nakmatia wut pejme duilaliajwas, japon nakbulaeyaxael japonxotaliajwas.

¹⁵ Chajia xan nabijatax wut, asew jiw babijaxan is wut xanalliajwa, xanal nakiowa naewhajna xamal Jesús pejwajan. Ja-an wut, xabich xamal naexasitam naewhajna xroxan. Dios xabich xamal kajachawaesful. Samata, xamal chiekal naewhajna wut asew jiw Jesús pejwajan, Dios kajachawaesful japi jiw naexasisliajwa japawajan. Samata, Diosliajwa gracias-aechi. Japibej chiekal matabija Dios, xabich pachaempon.

¹⁶ Samata, xanal nejchaxoela-enil buxkofaliajwan naewhajna xroxan. Kaematkoisful, xanal kaes pakdiachwan wut, ja-an wut, nakiowa kaes chiekal Dios xanaboejafulax.

¹⁷ Xanal nabijatax wut ampathatat, nakiowa nabistax Jesucristoliajwa. Nabijataxrox piachaxil. Asamatkoi japox chiekal toepaxael. Ja-aech wut, Dios xanal nachaxdusaxael pachaempox. Japox toepaxil.

¹⁸ Xanal nejchaxoela-enil ampathatpijaxan, taenxroxan. Xanallax nejchaxoelx Diosxotsepxoxan, taeyaxisalpxoxan. Ampathatpijaxan, taenxroxan, japoxan toepaxael. Diosxotsepxoxan, japoxanlax, toepaxil. Japoxan pomatkoichaliajwa.

5

¹ Thaejtxot bua-at, kaspox, piachliajwa-el. Ja-aechlap-is wajbu'an. Wajbu'an pomatkoichaliajwa-el ampathatat. Xatis chiekal matabijas. Diosxotse toepaxilba, japaba Dios chiekal chaemt asamatkoi xatis duilaliajwas, tups wut.

² Xatis laelpas wutfuk, xabich nejxasinkas wajbu'an nakwexaliaxaliajwa pajelbu'analiajwas, duilaliajwas pomatkoicha Diosxotse.

³ Jachiyaxaes puexa xatis, asamatkoi, nakbu'xaliaxaxael wut. Samata, kaenanula xatis asabu'anaxaes.

⁴ Xatis laelpas wutfuk, xabich nejxasinkas nakbu'xaliaxaliajwa wajbu'an. Japox jum-an wut, jumchi-enil: “Xan tajbu'txot nakolsasian” —chi-enil. Pe xatis kaenanula pajelbu'anasias. Pe asamatkoi, tups wut, duilaxaes toepax-ilbu'antat Diosxotse. Wajbu'an, ampathatpijax, amxot kaweta toepaxael.

⁵ Diosxotse Dios nakwechaemt pajelbu'an xatisliajwa. Samata, Dios to'ak Espiritu Santo xatis wajmatpuatanxotaliajwa. Samata, chiekal matabijas. Diachwujnakolax Dios jumdut xatis wajbu'an, pajelbu'analiajwas.

⁶ Samata, xanal nejchaxoela-enil kofaliajwan jiw naewuajnaprox. Xanal chiekal matabijax. Ampathatat xanal laelpax wut, me-ama atujajan wut tajpaklon Jesucristoxot, ja-an.

⁷ Amwutjel xanal Jesucristo tae-enil. Pe nakiowa, Jesucristo chiekal xanaboejax nakajachawaesliajwa. Chiekal xanaboejaxbej asamatkoi duilaliajwan Jesucristoxotse.

⁸ Samata, xanalliajwa kaes pejme pachaem tupaliajwan, duilaliajwan tajpaklon Jesucristoxotse.

⁹ Samata, laelpax wut, o, tux wutbej, nejxasinkax xanal isliajwan Dios nejxasinkprox.

¹⁰ Asamatkoi xanal kaenanula nuilaxaelen Jesucristo pejuajnalel. Japamatkoi japon xanal kaenanula nachaxduiyaxael. Xanal chiekal tanbistax wut, nachaxduiyaxael xabich pachaempoxan. Pe chiekal nabich-enil wut japonliajwa, xanal nachaxduiyaxilon. Ja-aech wut, xanal masox namaeyaxaelen.

Amwutjel xatis pachaempox Diosliajwa, Jesucristo tux xot

¹¹ Xanal chiekal matabijax Jesucristo chiekal sitaeyaxaelenpox, asamatkoi nuilaxaelen xot japon pejuajnalel. Samata, xanal jiw xabich naewuajnap japibej naexasisliajwa Jesucristo pejuajan. Dios chiekal matabijt xanal isfulaxproxan. Xanal nejxasinkax xamalbej chiekal matabijaliajwam xanal isfulaxproxan.

¹² Xamal chapaeix wut tajut isxpoxan, xanal jumchi-enil: “Xanal kaes pachaeman. Me-ama asew jiw, jachi-enil” —chi-enil tajutliajwa. Xanal japox chapaeix xamal chiekal namatabijaliajwam, nejchachaemlaliajwam xanalliajwa, nakajachawaesliajwam, asew jiw natasala wut. Xanal natasalapi, japi jiw jum-aech asew jiw chiekal sitaeliajwas. Japi, pachaem wut, kabuan-aechi. Pe japi pejnechaxoelaxan chaemil.

¹³ Potuajnucha xanal naewuajnap wut Jesús pejuajan, asew jiw nakaewa najum-aech xanalliajwa: “Japi jiw na-acha” —na-aechi xanalliajwa asbuuan jumch. Diachwujnakolax xanal, na-achax wut, ja-an, nabistax xot Diosliajwa. Diachwujnakolax xanal na-acha-enil. Potuajnucha xanal naewuajnap xot Jesús pejuajan, japox pachaem xamalliajwa.

¹⁴ Cristo nanejxasink xanal. Samata, pomatkoicha nabistax japonliajwa. Nejchaxoelxbej: “Cristo tux wut cruztat, tux puexa xatisliajwa. Samata, Diosliajwa, Cristo suapich, cruztat tups wut, jatis. Samata, Cristo mot babilaxan isaspoxanliajwa” —an xanal, nejchaxoelx wut Cristo tuxproxliajwa.

¹⁵ Cristo tux puexa jiw bu'welija, japi kaes isasamata pajut isasiapoxan. Japilax isfulaxael Cristo nejxasinkproxan. Japon tux wut, mat-echbejpon pejme dukaliajwa japi jiwliajwa.

¹⁶ Samata, xanal amwutjel nejchaxoela-enil babijax isliajwan. Me-ama asew jiw, naexasis-eli Jesús pejuajan, nejchaxoel babijaxan isliajwa, xanal

jachi-enil amwutjel. Majt xanal isx babijaxan Jesucristoliajwa. Pe amwutjel, jasox chiekal nejchaxoela-enil.

¹⁷ Jesús pejwujajan naexasitpon, japon aton pajelnejchaxoelax, padujnejchaxoelaxan koft xoton. Ja-aech wut, nejchaxoelon pachaempoxankal.

¹⁸ Dios nakajachawaet xot, xanal pajelnejchaxoelaxan. Samata, amwutjel xanal pachaeman Diosliajwa, Cristo tup xot xatistiajwa. Dios nabuxto'a xanal jiw naewujajnalijwan japi naexaxisliajwa Jesús pejwujajan, pachaemaliajwapi Diosliajwa.

¹⁹ Jesucristo tup cruztat puexa jiwliajwa, japi pachaemaliajwa Diosliajwa, naexasit wuti Jesús tuppox. Ja-aech wut, Dios beltaeyaxael japi jiw babijaxan ispoxanliajwa. Japawujajan xanal Dios nabuxto'a jiw naewujajnalijwan.

²⁰ Xanal Jesucristo pejjiwan xot, naewujajnax japon pejwujajan. Xamal naewujajnax wut, me-ama Dios pajut naewujajan wut, ja-an xanal. Samata, xanal jum-an Jesucristo pijaxtat xamal chiekal pachaemaliajwam Diosliajwa.

²¹ Jesucristo babijax is-el. Pe xatis babijaxan isaspoxantat, Jesucristo, me-ama babijaxan is wut, ja-aechon Diosliajwa. Samata, Jesucristo kimatamatlas cruztat. Samata, amwutjel xatis bu'wujajanjisal Diosliajwa, naexasich xot Jesucristo tuppox xatistiajwa.

6

¹ Xanal nabistax xot Diosliajwa, xamal jum-an mastaesamatam Dios beltaenpox babijaxan isampoxanliajwa.

² Dios pejjamechan, chajia lespox, jum-aech wut, jum-aechox Dios jumchiyaxaelpox, asamatkoi Dios jiw beltaeyaxaelpoxliajwa:

“Xan xamal kajachawaesaxaelen, pat wut tajmatkoi xamal bu'welijwan”
—aech Dios. ¡Naewe'e! ¡Ma amwut, ampamatkoi, xamal Dios bu'weyaxael!

³ Xanal nejxasinkax chiekal nabichliajwan Diosliajwa. Ja-an xanal, asew jiw japox taen wut, japibej chiekal naexaxisliajwa Dios pejjamechan. Ja-aech wut, japi jiw jumchiyaxil: “Dios pejjamechan pachaema-el” —chiyaxili.

⁴ Xanal chiekal isx Dios pejbichax, jiw japoxan taen wut pajut chiekal matabijaliajwa xanal Dios pejjiwanpox. Samata, xabich nabijatax wut, asaxan nawewe'p wutbej, puexa pachaema-el wutbej xanal isliajwan, xanal nakiowa boejtaliasfulax.

⁵ Naeyatat namatwujajselt wutbej, jiw jebatat najia wutbej, xabich asew jiw palala wut, naboesia wutbejpi, puexa japoxanliajwa xanal xabich boejtaliasfulax. Xabich nabistax wutbej tajut natataeflaliajwan, asamadoi chiekal moejs-enil wutbej, Dios pejjamechan jiw naewujajnax xot, asamatkoiyan xabich litaxaelax wutbej, puexa japoxanliajwa xanal xabich boejtaliasfulax. Puexa japoxan natapat wut, nakiowa jiw naewujajnafulax Dios pejjamechan. Ja-an wut, jiw pajut chiekal matabija xanal Dios pejjiwanpox.

⁶ Jiw pajut chiekal matabijaliajwa xanal Dios pejjiwanpox, asax babijax is-enil. Chiekal matabijaxbej chimiawujajan, Jesús pejwujajan, jiw naewujajnalijwan. Xabich piach boejtaliasfulaxbej, asew jiw babijaxan is wut xanalliajwa. Asew jiwliajwa xanal isxbej pachaempoxan. Jiw chiekal naewujajnaxbej, Espíritu Santo nakajachawaet xot. Chiekal nejxasinkaxbej asew jiw.

⁷ Naewujajnaxbej diachwujajnakolaxpoxkal Jesús pejwujajanliajwa, Dios nakajachawaesful xot. Isxbej pachaempoxan asew jiwliajwa, xanal babijaxan namalechasamata. Japoxan babijaxan potujajucha xajur.

⁸ Asamatkoi jiw nasitaen. Asamatkoi jiw nasitae-el. Asamatkoi asew jiw chimiajamechan jum-aech xanalliajwa. Asew jiw lax jum-aech babejamechan xanalliajwa. Jum-an wut diachwujnakolaxpoxan, asew jiw japoxan jumtaen wut, xanalliajwa jum-aechi: “Japi kichachajbapijiw” –aechi asbuan jumch xanalliajwa.

⁹ Jiw, chiekal xanal namatabijapi, japi xanal nataen wut, me-ama namatabija-el wut, ja-aechi xanalliajwa. Asamatkoi xabich chachoelbej xanalliajwa, asew jiw nabesia xot. Pe xanal nakiowa duilafulax. Asamatkoiyan asew jiw xabich nakastikabej. Pe nakiowa, tupa-enil.

¹⁰ Asamatkoiyan, asew jiw babijaxan is wut xanalliajwa, xanal nanejxaejow. Pe nakiowa, nejchachaemlax tajnejchaxoelaxantat. Xanal kijinil. Pe nakiowa, xanal naewujnaxpi, japi jiw, me-ama kimaenk wut, ja-aechi Diosliajwa, japi naexasit xot xanal naewujnaxpoxan. Ampathatat xanal kijinil wut, ja-an. Pe Dios nakajachawaet xot, xanal xabich tejew, toepaxilpoxan.

¹¹ Takoew, xamal Corinto paklowaxpijwam, xanal puexa jum-anpoxan, japoxan diach chiekal wujnakolax. Samata, tulaela chiekal jum-an japoxan xamal chiekal matabijaliajwam. Xanal xabich nejxasinkax xamal.

¹² Xanal kofa-enil xamal nejxasinkaxpox. Amwutjel xamallax xanal chiekal nanejxasinka-emil. Me-ama majt nanejxasinkam wut, jachi-emil.

¹³ Xamal naewujnax wut, me-ama kaen aton paxi naewujan wut, ja-an xanal xamalliajwa. ¡Xanal nanejxasinkde! Me-ama xanal xamal nejxasinkax wut, ¡ja-amsfuldebej xanalliajwa!

Xatis, me-ama Dios pejtemploba wut, jatispox

¹⁴ ¡Xamal, Jesús pejwujan naexasitampim, Jesús pejwujan naexasiseli suapich, nabej nakjiye! ¡Japi suapich, piach nabej nabichbej, kaenejchaxoela-emil xot! Xamal isam pachaempoxan. Pelax japi jiw is pachaema-elpoxan. Japoxan najupa-el. Itliakax, itkatax suapich, najupa-el. Ja-amlap-is xamal. Babijaxan ispi suapich, xamal, japi suapich, najupa-emil.

¹⁵ Cristo kaenejchaxoelaxa-el, Satanás suapich. Ja-aechbej Jesús pejwujan naexasiti. Xamal kaenejchaxoelaxa-emil, asew jiw, Jesús pejwujan naexasis-eli suapich.

¹⁶ Ja-aech Dios pejtemplobaliajwa, ídolo pejtemplobaliajwabej. Japakolebachanxot ajil kaenejchaxoelaxpox. Xatis, me-ama Dios pejtemploba wut, jatis. Dios pajut chajia jum-aech japoxliajwa:

“Xan tajjiwxot dukaxaelen. Japi suapich, nanamsaxaelenbej. Xan japi pejDios wulxaelen. Japibej tajjiw wulxael” –aech Dios.

¹⁷ Samata, Dios pejme jum-aech:

“Jiw babijaxan is xamal duilamxot. Samata, ¡jaxot nakolim asalel duilaliajwam! ¡Xamal nabej is babijaxan, japi jiw ispoxan! Ja-am wut, xamal tajjiwaxaelam.

¹⁸ Xan nej-axnaxaelen xamalliajwa. Xamalbej taxi wut, jachiyaxaelam” –aech Dios, xabich mamnikpon.

7

¹ Takoew, japox Dios chajia nakjumdut xatis chiekal matabijaliajwas. Samata, ¡chiekal duilaxaes babijaxan isasamatas Diosliajwa! Babijaxan majt isas, japoxan chajia nejchaxoels xot isliajwas, ¡puexa japoxan chiekal kofaxaes, duilaliajwas, me-ama Dios nejxasink!

Pablo nejchachaemilpox Corinto paklowaxpijwliajwa

² Xamal nabej kofe' xanal nanejxasinkampox! Xamalxotan wut, chinax babijax is-enil kaen atonliajwa. Tabejs-enilbej asan aton pejnechaxoelax japon babijax isliajwa. Chinax kaen aton naekichachajba-enilbej.

³ Xanal japox jumchi-enil xamal losliajwan. Chajia jum-an xamal pomatkoicha nejxasinkaliajwan, hasta xan tux wut ampathatat.

⁴ Xan matabijtax, xamal naexaxisaxaelam cartaxot lelxpox. Xan jiw chapaeix xamal isampoxan. Japoxan chapaeix wut, xabich nejchachaemlax xamalliajwa. Xan nabijatax wut, nakiowa xabich nejchachaemlax, xamal nejchaxoelx xot.

⁵ Macedonia tujnuxot xanal pa'ax wut, chiekal damlathula-enil, naewhajnafulax xot. Amwutjelbej nakiowa chiekal damlathula-enilfuk. Potujnucha jiw naewhajnax wut Jesús pejwajan, puexa chiekal pachaemael xanalliajwa. Potujnucha chiekal pachaema-el xanalliajwa. Xabich asew jiw nabu'alot Jesús pejwajan, naewhajnax wut. Samata, nejchaxoelx: "Japi nawetabejsaxael naewhajnaxpox" —an, nejchaxoelx wut.

⁶ Dios kajachawaet jiw nejxaejwaspi, japi jiw nejchachaemlaliajwa. Japon xanalbej nakajachawaet nejchachaemlaliajwan, Tito pa'an xot.

⁷ Tito pa'an wut, xanal nejchachaemlax. Titobej xabich nejchachaemil xamalliajwa. Samata, xanalbej nejchachaemlax. Japon xanal nachapaei xamal xabich nataesiampox. Nachapaeibejpon xamal xabich nejxaejowpox xanalliajwa, majt ja-aechpoxanliajwa. Nachapaeibejpon xamal nakajachawaesasiampox, asew jiw nabu'alot wut naewhajnaxpoxliajwa. Puexa japoxan jumtaenx wut, xan xabich nejchachaemlax xamalliajwa.

⁸ Carta, matxoelalelxpox, xato'ax wut xamal poxade, japox carta xaljowam wut, xamal nejxaejow. Xan japox carta lelx wutfuk, nejchaxoelx: "Xan nejchachaemla-enil ampox carta lelaliajwan, Corinto paklowaxpijiw xaljow wut, nejxaejwaxaes xoti" —an, nejchaxoelx wut. Do jawux, xamal japox carta xaljowam wut, diachwajnakolax xamal nejxaejow. Pe nejxaejowpox piacha-el. Samata, xan nanejxaejwa-el, japox carta lelx wut.

⁹ Xan nejchachaemla-enil xamal nejxaejowpox, japox carta xaljowam wut. Xanlax nejchachaemlax, xamal nejxaejow wut, kofam babejnechaxoelaxan. Pe amwutjel, isfulam Dios nejxasinkpoxan. Samata, Dios xabich nejchachaemil xamalliajwa. Carta xato'ax wut xamalliajwa, nejnejchaxoelaxan tabejs-enil.

¹⁰ Kaen aton nejxaejwas wut babijaxan ispoxanliajwa, Dios xajur japon aton beltaeliajwas. Ja-aech wut, japon aton nejxaejwaspox wetoepaxaes. Asan atonlax, babijaxan ispon, kofs-el wut babijax, ja-aech wut, japon aton Dios beltaeyaxisal.

¹¹ Xamal xabich nejxaejow, xaljowam wut carta japon aton xamalxot xabich babijax isponliajwa. Do jawux, xamal isam Dios nejxasinkpox japon atonliajwa. Samata, Dios xabich nejchachaemil xamalliajwa. Xamal chiekal matabijam, ma-am majt xamal. Japon aton fias-emil, xabich babijax is wut. Jawutbej xamal nalala japon atonliajwa, nejlewla xot Dios kastikaxael xot xamal. Samata, japon aton fiatam xot, asew jiw matabija xamal kaenejchaxoelaxa-emilpox, japon aton ispoxliajwa. Amwutjel xamal xabich nataesiam.

¹² Japox carta lelx wut, xan lela-enil asbuan jumch xamal to'aliajwan japon aton kastikaliajwam. Lela-enilbej japox carta japon aton, pax suapich, chaemsliajwa babijax. Dios matabijt, ma-aech xot lelx japox carta. Xan lelx xamal chiekal najut matabijaliajwam, diachwajnakolax xanal nanejxasinkampox.

¹³ Samata, xanal nejchachaemlax, majt nanejxaejow xamalliajwa.

Xanal kaes pejme xabich nejchachaemlax, taenx wut Tito xabich nejchachaemilpox, xamal chiekal bu'kulam xoton.

¹⁴ Tito fulaeliajwa wut xamal poxade, xan japon jum-an xamalliajwa: “Corinto paklowaxpijiw chiekal naexasisaxael ampox carta, xato'axpox” — an Titoliajwa. Diachwujnakolax xamal japox carta xaljowam wut, xan lelpxox chiekal naexasitam. Samata, xanal, Tito supich, nejchachaemlax xamalliajwa. Me-ama xan chajia jum-an Titoliajwa, diachwujnakolax japox ja-aech.

¹⁵ Japon Tito nejchaxoel wut xamalliajwa, nejchaxoelon, ma-am xamal, japon naexasitam wut, xamal tato'al wuton. Nejchaxoelbejpon, ma-am xamal, chiekal bu'kulam wut, sitaenam xoton. Samata, amwutjel xamal kaes pejme xabich nejxasinkon.

¹⁶ Xan matabijtax, xamal isampoxan puexa chiekal pachaem. Samata, xabich nejchachaemlax.

8

Jesús pejwujajan naexasiti ofrenda owapox kajachawaesliajwa kijila, Judea tujnupijiw

¹ Takoew, xamal chapaeyaxaelen chiekal matabijaliajwam, ma-aech Dios, kajachawaet wut Macedonia tujnupijiw, japi naexasiti Jesús pejwujajan.

² Japi jiw nabijat, asew jiw babijaxan isas wut japiajwa, Jesús pejwujajan naexasit xoti. Pe nakiowa, japi jiw nejchachaemil. Japi jiw, xabich kimaenka-el. Pe nakiowa, japi jiw ofrenda owa kajachawaesliajwa asew jiw. Japixot asew xabich owa. Me-ama kimaenk wut, ja-aechi.

³ Xan tajut chiekal taenx, japi owa wut. Jawut nejchaxoelx: “Japi kaes xabich owa, owa wuti ofrendaliajwa” —an, nejchaxoelx wut. Japi japox to'asal. Japi japox pajut is, isasia xot.

⁴ Xanalliajwa japi jiw xabich najum-aech: “Xanalbej natapaem ofrenda owaliajwan kajachawaesliajwan naexasiti Jesús pejwujajan, Jerusalén paklowaxpijiw” —aech japi jiw xanalliajwa.

⁵ Xanal nejchaxoelx wut, jum-an: “Japi jiw kijil xot, xabich bej owaxaelbejpi kaeyaxach” —an, nejchaxoelx wut. Pe nakiowa, japi xabich owa. Japilap matxoela nawoeya Diosxot isfulaliajwa Dios tato'alpoxan. Do japoxwux, xanal najum-aechi: “Xamal nejxasinkam wut xanal natato'laliajwam, xanal natato'alde! Xanal japoxan isfulaxaelen, me-ama Dios nejxasink” —aechi xanalliajwa.

⁶ Xanal taenx wut Macedonia tujnupijiw kaenanula ofrenda owaliajwa, jawut xanal Tito to'ax xamal poxade. Tito jum-an: “Xam majt kajachawaetam Corinto paklowaxpijiw, tudut wuti ofrenda owax kajachawaesliajwapi Jerusalén paklowaxpijiw. Xam amwut pejme fulaem japi ofrenda owax kito'aliajwam, kitoesliajwabejpi!” —an xan Titoliajwa, xamal poxaliajwa wuton.

⁷ Xamal kaes chiekal pachaemam, duilam wut Diosliajwa. Chiekal xanaboejambej Dios. Chiekal matabijambej Dios pejjamechan. Samata, chiekal xajupam asew jiw naewujnaliajwam Dios pejjamechan. Nejxasinkambej chiekal isliajwam Dios pejbichaxan. Xanal xabich nanejxasinkambej. Xamal ja-am xot, jkaes pejme owim ofrenda kajachawaesliajwam Jerusalén paklowaxpijiw!

⁸ Xamal jum-an wut: “Macedonia tujnupijiw xabich plata owa ofrendaliajwa Jerusalén paklowaxpijiwliajwa” —an wut, japox jumchi-enil xamal

to'aliajwan, me-ama japi, jachiliajwam. Japox jum-an xamal chiekal matabi-jaliajwam. Xamal owam wut ofrenda, me-ama Macedonia tujnupijiw, ja-am wut, a sew jiw taeyaxael xamal diachwujnakolax Dios nejxasinkampim.

⁹ Xamal matabijam, wajpaklon Jesucristo nakkajachawaet, xatis nakne-jxasink xot. Wajpaklon Jesucristo pas-el wutfuk ampathatasik, xabich ki-maenkon. Puexa tato'albejpon. Jawux ampathatat xabich nabijat Jesucristo. Me-ama kijilan xabich nabijat wut, ja-aech Jesucristo xamal kajachawaesli-ajwa. Ja-aech xoton, xamalliajwa asamatkoi pachaemaxael Diosxotse.

¹⁰ Chajia, asawaech wut, xamal tjaduwam plata owax ofrendaliajwa kajachawaesliajwam Jerusalén paklowaxpijiw. Xamal ja-am, xabich nejx-asinkam xot japox isliajwam. Ampamatkoiyan pachaem xamal plata owax kitoesliajwam. Japox jum-an, xan tajut nejchaxoelxpo.

¹¹ Majt xamal xabich kajachawaesiam Jerusalén paklowaxpijiw. ¡Amwutjel xamal kajachawae'e! ¡Owim ofrenda xajupamproxat!

¹² Xamal owam wut puexa xajupamproxat, ja-am wut, Dios nejchachaem-laxael xamalliajwa. Nejew kaesupich owam wut a sew jiw kajachawaeslia-jwam, ja-am wut, Dios nejchachaemlaxael xamal a sew jiw kajachawaetam-poxliajwa. Dios to'a-el, xamal xabich ajil wut nejew owaliajwam a sew jiw kajachawaesliajwam.

¹³ Xamal to'a-enil puexa nejew owaliajwam ofrendaxot, kajachawaetam wut kijila. Puexa nejew owam wut, ja-am wut, xamal najutliajwa na-maeyaxil.

¹⁴ Xan nejxasinkax xatis nakaewa nakajachawaesliajwas, a sew jiwlia-jwabej, japi wewe'pas wut. Amwutjel xamal xajupam kajachawaeslia-jwam kijila, Jerusalén paklowaxpijiw. Asamatkoi, xamalliajwa ajil wut, japibej xamal kajachawaesaxael. Ja-aech wut, kaen xamalxot wewe'paxisal wewe'paspoxan.

¹⁵ Japoxliajwa Dios pejjamechan, chajia lelsपो, jum-aech wut, jum-aechox: “Aton xabich naxaeyaxan notpon pajutliajwakal, japon aton wenamana-esal. Asan, aton, naxaeyaxan kaesupich notpon, japon aton wewe'pa-esal” —aech Dios pejjamechan.

Tito fulaechpox Corinto paklowax poxade, kolenje pejnachalan supich

¹⁶ Xan nejxasinkax xamal kajachawaesliajwan ofrenda owampox kitoes-liajwam. Titobej Dios pijaxtat japox nejchaxoel. Samata, gracias-an Dioslia-jwa.

¹⁷ Samata, Tito to'ax xamal taeliajwa, kajachawaesliajwabejpon ofrenda owampox kitoesliajwam. Japon ow-aech. Japon pajut pijaxtat xamal xabich taesiabejpon.

¹⁸ Tito, pejnachalan supich, to'ax. Tito pejnachalan matabijas puexa Jesús pejwujajan naexasiti, Macedonia tujnupijiw. Sitaensbejpon puexa japi jiw, japon chiekal jiw naewujajan xot Jesús pejwujajan.

¹⁹ Tito pejnachalan, to'as puexa Jesús pejwujajan naexasiti, Macedonia tujnupijiw, japon, xan supich, fulaeliajwa Jerusalén paklowax poxade. Ofrenda xalaeliajwan wut Jerusalén paklowaxpijiwliajwa, japon nachalax-ael, kaes chiekal japi nejchachaemlaliajwapi Diosliajwa. Japi pajut chiekal matabijaxaelbej xatis kajachawaesiaspox, nakaejiws xot.

²⁰ Xanal ofrendaplata pin-iat xafolx wut Jerusalén paklowaxpijiwliajwa, japon buflaeyaxaelen, a sew jiw xan najumchisamata: “Pablo kaesupich dijanbej ofrendaplata pajutliajwa” —nachisamata a sew jiw xanliajwa.

²¹ Dios matabijt xanal puexa ofrenda chaxdusaxaelenpox. Pe nakiowa, nejxasinkax puexa jiw chiekal pajut matabijaliajwa xanal puexa ofrenda chaxduiyaxaelenpox japi jiw.

²² Tito, pejnachalan s̄apich, kaes asanbej to'axaelen, Jesús pejw̄ajan naexasitpon. Japon xabich nakajachawaet. Amw̄utjel japon xamal xabich kajachawaesasia, w̄ultaen w̄uton Jerusalén paklowaxpijiw kajachawaesasiampox.

²³ Xamalxot asew jiw w̄ajnaem̄t w̄ut Titoliajwa, xamal j̄m̄chiyaxaelam: “Japon Tito, Pablo pejnachalan. Japon xanal nakajachawaet” –chiyaxaelam. Kolenje, Tito nakf̄ulaeyaxaespi, xamalxot asew jiw w̄ajnaem̄t w̄ut japi kolenjeliajwa, xamal j̄m̄chiyaxaelam: “Ampi kolenje to'as naexasiti Jesús pejw̄ajan, Macedonia t̄aj̄n̄pijiw. Ampi kolenje chiekal pachaem. Samata, asew jiw chiekal sitaen Cristo” –chiyaxaelam japi kolenjeliajwa.

²⁴ Japi, tres poejiw, xamalxot pa'a w̄ut, chiekal b̄'k̄ulaxaelam japi pajut chiekal matabijaliajwa xamal nejxasinkampox. Ja-am w̄ut, puexa jiw, naexasiti Jesús pejw̄ajan, chiekal matabijaxael xamal diachw̄ajnakolax nejxasinkam naexasiti Jesús pejw̄ajan. Japox w̄ultaen w̄uti, chiekal matabijaxael xan majt j̄m̄-anpoxan xamalliajwa, japox diachw̄ajnakolax, xamal puexa jiw nejxasinkampox.

9

Asew jiw owapox ofrenda Jesús pejw̄ajan naexasitiliajwa

¹ Diachw̄ajnakolax we'pa-el, xan lel̄x w̄ut xamal pejme kito'aliajwan ofrenda owaliajwampox naexasitpiliajwa Jesús pejw̄ajan, Jerusalén paklowaxpijiwliajwa.

² Xan chiekal matabijtax xamal xabich japi kajachawaesasiampox. Samata, xabich nejchachaem̄lax xamalliajwa. Chajia Macedonia t̄aj̄n̄pijiw j̄m̄-an xamal Corinto paklowaxpijwamliajwa: “Acaya t̄aj̄n̄pijiw, Corinto paklowaxxot duilpi, chajia, asawaestat, owapi ofrenda kajachawaesliajwa Jerusalén paklowaxpijiw. Amw̄utjelbej nakiowa owaf̄uki ofrenda” –an xamalliajwa. Dolis jaw̄ut, Macedonia t̄aj̄n̄pijiw w̄ultaen xamal kajachawaesasiampox Jerusalén paklowaxpijiw. Do jaw̄ut, Macedonia t̄aj̄n̄pijiwbej ofrenda owa kajachawaesliajwapi Jerusalén paklowaxpijiwliajwa.

³ Samata, amw̄utjel Tito to'ax xamal poxade, pejnachala s̄apich, xamal kajachawaesliajwa, ofrenda owampox kitoesliajwam Jerusalén paklowaxpijiwliajwa. Xan tajpasax w̄ajna, xamal ofrenda owax kitoes-emil w̄ut, ja-am w̄ut, japox pachaemaxil xanliajwa, xamalliajwa chajia j̄m̄-an xot Macedonia t̄aj̄n̄pijiwliajwa.

⁴ Xamal poxaxaechan w̄ut, Macedonia t̄aj̄n̄pijiw xan nakf̄ulaen w̄ut, xamal toes-emil w̄utf̄uk ofrenda owampox, ja-am w̄ut, japox pachaemaxil xanliajwa. Japox jachiyaxael, xamalliajwa chajia j̄m̄-an xot: “Japi xabich kajachawaesasia Jerusalén paklowaxpijiw” –an xot. Japox pachaemaxilbej xamalliajwa, ofrenda owampox kitoes-emil w̄utf̄uk.

⁵ Samata, nejchaxoel̄x Tito w̄ajna to'aliajwan, Tito pejnachalabej. Japi xamal kajachawaesaxael kamta kitoesliajwam ofrenda owampox. Xan pasax w̄ajna, puexa xamal chiekal kitoesaxaelam ofrenda owax nejmach chalakaliajwa. Jasox najut isaxaelam, nejxasinkam xot. Japox isam w̄ut, j̄nabej is, xamal kito'ax xot!

⁶ Xamal nejchaxoelam wut, ¡nejchaxoelde ampox! Cha-aellulx muthapon, wenakolas wut, kaeyaxach wenakolas. Pelax pinjiyax lul muthapon, xabich pin-iat wenakolas. Jachiyaxaelbej ofrenda owam wut asew jiwliajwa. Pin-iat owam wut kajachawaesliajwam asew jiw, ja-aech wut, asamatkoi asew jiw xamal pin-iat chaxduiyaxaelbej.

⁷ Samata, xamal kaenanala owasiam wut, ¡owim! Owam wut, jawut, nejchaxoelam wut, ¡nabej nejchaxoele': "Xan diachwajnakolax nejxasink-enil japi jiw kajachawaesliajwan. Pe nakiowa, nakito'a xot, kajachawaetxlejen" —nabej aeche', nejchaxoelam wut! Dios nejxasink, aton chaxduw wut nejchachaemlaxtat asew jiw.

⁸ Dios xajup chaxduiliajwa puexa xamal wewe'ppoxan. Samata, xamalliajwa puexa wewe'paxil. Japoxan wenamaeflaxaelbej kajachawaesliajwam jiw kijila.

⁹ Dios pejjamechan, chajia lelsopox, jum-aech wut, jum-aechox: "Aton pejew chaxduw wut kijila, Dios nejkiowaxil. Japon aton mosaxaes pachaempoxan. Japoxan pomatkoichaliajwa. Japoxbej toepaxil" —aechox.

¹⁰ Dios is naebaechpa-athanpi jiw muthaliajwa. Isbejpon pafupi jiw pelaliajwa. Dios kajachawaet wut, muthasi chiekal ti'sfulbej. Do jawux, ti't wut, pachaembej xaeliajwa. Jachiyaxaelbej, Dios xamal chaxduw wut puexa wewe'ppoxan. Samata, xajupaxaelambej kajachawaesliajwam asew jiw.

¹¹ Ja-aech wut, Dios xamal xabich chaxduiyaxael. Samata, xamal xajupaxaelam asew jiw xabich chaxduiliajwam, japi wewe'pas wut. Xamal ofrenda owaxaelam xanal xalaeliajwan Jesús pejwajan naexasitiliajwa, Jerusalén paklowaxpijiwliajwa. Japa-ofrenda japi chaxdutex wut, graciaschiyaxaelpi Diosliajwa.

¹² Asew, Jesús pejwajan naexasiti, xamal kajachawaetam wut, kajachawaesaximil wewe'paspoxankalliajwa. Kajachawaesaxaelambej japi jiw xabich graciaschiliajwapi Diosliajwa.

¹³ Jasoxtat ofrenda owam wut kajachawaesliajwam Jerusalén paklowaxpijiw, japi chiekal matabijaxael, diachwajnakolax xamal chiekal naexasitam Jesús pejwajan. Japi jumchiyaxaelbej Diosliajwa: "Xam xabich pachaemam" —chiyaxaelpi, xamal ofrenda pin-iat owam xot japiliajwa, puexa asew, Jesús pejwajan naexasitiliajwabej.

¹⁴ Samata, japi jiw Dios kawajnaaxael xamalliajwa, xabich nejxasink xoti xamal. Ja-aech wut, japi pajut matabijaxael Dios xabich xamal kajachawaetpox.

¹⁵ Dios paxulan to'a ampathatasik tupaliajwa xatisliajwa. ¡Japox xabich pachaem! Samata, xatis puexa graciastis Diosliajwa. Xatis japox chiekal chanaekabuanaliajwas tampoel.

10

Pablo xajupox tato'laliajwa Jesús pejwajan naexasiti, japon apóstol xot

¹ Xan, Pablo, chiekal xamal jumchisian asaxan. Me-ama Jesús ampathatat chiekal jum-aech, xanbej jachisian xamalliajwa. Xamalxota-enil wut, asew jiw nabu'wajanpaei wut, jum-aechi: "Pablo amxot duk wut, naknaewajan wutbej, pejlwla wut, ja-aechon. Pelax ataj wuton, carta lel wut xatis naknaewajnalialiajwa, pejlwla-el wut, ja-aechon" —aech asew jiw, xanliajwa nabu'wajanpaei wut.

² Xamal jum-an amwutjel kofaliajwam babijaxan isampoxan. Japoxan kofam wut, asamatkoi xamalxot patx wut, losaxinil. Xamalxot asew jiw jum-aech xanliajwa: "Pablo duka-el, me-ama naexasiti Jesús pejwajan duil wut,

jachi-elon. Japon duk, me-ama Jesús pejwujajan naexasis-eli duil wut, ja-aechon” —aech asew jiw xanliajwa. Jiw jum-aechpi japox xanliajwa, xan pa'ax wut, japi jiw losaxaelen.

³ Diachwujajnakolax xanal chiekal jiwankal. Me-ama asew jiw, xanalbej, ja-an. Jesús pejwujajan naewujajnax wut, me-ama, Satanás suapich, nabax. Pe nabe-enil kirixtat. Me-ama ampathatpijiw kirixtat naba, xanal jachi-enil.

⁴ Xanal, me-ama ampathatpijiw, naba wut espadatat, jachi-enilbej. Xanalax Dios nakajachawaet xot, xajux Satanás malechaliajwan. Dios nakajachawaesful xotbej, toesaxaelen jiw natasalapoxan.

⁵ Dios nakajachawaesful xotbej, buxmalechaxaelen asew jiw pajutliajwa najum-aechpi: “Xanal kaes pejme pachaeman. Me-ama asew jiw, jachi-enil” —aechpi pajutliajwa. Japi jiw asax jum-aech, xan jiw naewujajnax wut asew jiw matabijasamatapi Dios. Xan japi jiw buxmalechax wut, ja-an wut, asew jiw chiekal naexasisaxael Jesús pejwujajan.

⁶ Xamal chiekal naexasitam wut xanal to'axpox, ja-am wut, puexa, asew jiw, xanal naexasis-elpi, japi kastikaxaelen.

⁷ Xamal chiekal taenam jiw kabuan-aechpoxan. Pe diachwujajnakolax xamal matabija-emil japi nejchaxoelpoxan, pejmatpuatantat ma-aechbejpi. Asew jiw xanal nabu'wujajanpaei. Japi pajut jum-aech asew jiwliajwa: “Xanal nabistax Cristoliajwa” —aechi pajutliajwa. Japi jiwbej pajut matabijaxael, xanalbej nabistax Cristoliajwa.

⁸ Xamal nejchaxoelambej xanliajwa: “Pablo pomatkoicha nakchapaei Dios makafichpox apóstolliajwa” —ambej, xamal nejchaxoelam wut xanliajwa. Diachwujajnakolax Cristo nato'a xamal naewujajnalialjwan japon kaes chiekal xanaboejalialjwam. Cristo nato'a-el tabejsliajwan xanaboejampox japonliajwa. Samata, xan tadala-el jiw jumchiliajwan: “Dios namakafitpox apóstolliajwan” —chiliajwan.

⁹ Xan nejxasinka-enil xamal nejchaxoelaliajwam xanliajwa: “Pablo xatis nakbeljasasia cartaxot lelpoxtat” —chiliajwam. Xan carta lela-enil asbuan jumch xamal japox nejchaxoelaliajwam beljasax.

¹⁰ Asew jiw xanliajwa nakaewa najum-aech asbuan jumch: “Pablo carta xato'a wut xatisliajwa, xabich mamnik wut, ja-aechon. Japacarta xabich tampoelbej xatis chiekal jummatabijaliajwas. Pelax Pablo xatisxot naknaewujajan wut, mamnika-el wut, ja-aechon. Chiekal naewujajnaelbejpon” —aech asew jiw nakaewa xanliajwa.

¹¹ Japi jiw, japox jum-aechpi xanliajwa, chiekal matabijaxael xan isaxaelenpox japiliajwa, xamalxot pa'ax wut. Me-ama cartaxot lelpxox jum-aech, japoxlap pejme xan jachiyaxaelen japi jiwliajwa.

¹² Japilax nejchaxoel pajutliajwa: “Xatis kaes pejme pachaems. Me-ama asew jiw, jachi-esal” —aechi, nejchaxoel wut. Japi pajut asew jiw chapaeibej, is wut pachaempoxan, asew jiw sitaeliajwas. Japoxan chapaei wut, japi, me-ama nejliakla wut, ja-aechi. Samata, chapaeipoxan pachaema-el. Xanal nejxasinka-enil japox nejchaxoelaliajwan.

¹³ Dios xanal nato'a isliajwan japon pejbichax. Samata, Dios nato'alel xan jiw naewujajnax Jesús pejwujajan. Dios nato'abej xamal, Corinto paklowaxpijwam, naewujajnalialjwan. Xamal chapaeix wut xanal isxpoxan, kaes pejme asaxan chapae-enil xamal kaes nasitaeliajwam. Dios nato'apoxankal isliajwan, japoxankal xamal chapaeix.

¹⁴ Samata, xanal Dios nato'a xot, xamalxot patx wut, naewujajnax chimiawujajan, Jesucristo pejwujajan. Xanallap matxoela naewujajnax japawujajan xamalxot, asew jiw naewujajna-el wutfuk.

¹⁵ Asew naexasit Jesús pejwɥajan, asew jiw naewɥajnas xot. Samata, japiliajwa xanal jumchi-enil: “Japi naexasit Jesús pejwɥajan, xanal naewɥajnaj xot” —chi-enil. Xanal kaes naewɥajnasian, xamal kaes Jesucristo xanaboejalialjwam. Dios nato'apoxkal, japoxkal xanal nabichaxaelen.

¹⁶ Naewɥajnaj bɥxtoetx wɥt xamalxotde, jawɥx, fulaeyaxaelen asapaklowaxan poxade, kaes pejme atɥaj poxade. Jaxotan wɥt, xanal naewɥajnaxaelen Jesús pejwɥajan. Xanal nejxasinka-enil naewɥajnalialjwan asew jiw wɥajna chajia naewɥajanxot.

¹⁷ Jiw chapaei wɥt pajut ispoxanliajwa asew jiwliajwa, ja-aech wɥt, chapaeaxaelbejpi Dios kajachawaechpox japoxan isliajwa. Ja-aech wɥt, asew jiw jumtaens wɥt, japi jiw sitaeyaxael Dios. Japi chapaeaxil pajut ispoxanliajwa asɥuan jumch asew jiw sitaelialjwas.

¹⁸ Chinax kaen aton pajutliajwa jumchiyaxil: “Xan isxpoxan xabich pachaem” —chiyaxil pajutliajwa. Dios jum-aech wɥtlax japon atonliajwa: “Xam isampoxan xabich pachaem” —aech wɥt, japox xabich pachaemaxael.

11

Pablo tasalapox apóstoles-elpi, patpi Corinto paklowaxxot

¹ Asew jiw pajut ispoxan chapaei, asɥuan jumch asew jiw sitaelialjwas. Xanbej tajut isxpoxan xamal chapaeix wɥt, ¡chiekal naewe'e!

² Jasox xamal jum-an, xamal xabich nejxasinkax xot. Me-ama xamal nejxasinkam Dios, xanbej ja-an, xamallialjwa. Nejxasinkax xamal nejxasinkaliajwam Cristo. Me-ama pawis nejxasink pamalkal, ¡xamalbej ja-amde, nejxasinkam wɥt Cristo!

³ Chajiakolaxtat Eva naekichachajbas Satanás. Samata, xan xamallialjwa nejchaxoelx: “Satanás bej naekichachajbaxaesbejpi. Japi naekichachajbas wɥt, kofaxaeli Cristo nejxasinkpox” —an, nejchaxoelx wɥt xamallialjwa.

⁴ Asew jiw, xamalxot patpi, japi jiw pat naewɥajnalialjwa asawɥajan, Satanás to'aspox. Japawɥajan najɥpa-el, Jesús pejwɥajan sɥapich, xanal naewɥajnajpox. Japi xamal naewɥajan wɥt, chiekal naewetam. Xanal naewɥajnajpox Espiritu Santo nejmatpɥatanxotalialjwa, japawɥajanliajwa japi jiw naewɥajan asawɥajantat. Xanal naewɥajnajpoxbej, chimiawɥajan, Dios xamal bɥ'welialjwa, japi japoxliajwa naewɥajan wɥt, naewɥajanbej asawɥajantat.

⁵ Japi pat wɥt xamalxot, nejchaxoelam japi jiwliajwa: “Diachwɥajnakolax ampi jiw kaes pejme pachaem, apóstoles xot” —am, nejchaxoelam wɥt. Japi pajutliajwa nejchaxoelbej: “Xatis kaes pejme pachaems. Me-ama asew jiw jachi-esal” —aechi, nejchaxoel wɥt pajutliajwa. Xanlax japox nejchaxoela-enil: “Japi kaes pejme pachaem. Me-ama xan, jachi-el” —chi-enil, nejchaxoelx wɥt japi jiwliajwa.

⁶ Xan tajut chiekal matabijtax. Jiw pejwɥajnalel naksiyax wɥt, chiekal naewɥajna-enil. Me-ama aton xabich matabijtpɥon naewɥajan wɥt, xan jachi-enil. Pe nakiowa, xan tajut matabijtax, xamal chiekal chanaekabɥanax. Samata, xamal chiekal matabijam naewɥajnajpoxan, chiekal naewɥajnaj xot Jesús pejwɥajan.

⁷ Xamal naewɥajnaj wɥt Dios bɥ'welialjwa xamal, mat-omwɥljoe-enil. Ja-an wɥt, ¿xamallialjwakat isx babijax? ¡E! Xan japox isx wɥt, is-enil babijax. Xan na-it-ele-el wɥt, nabistax tajut wɥajslialjwan tejew.

⁸ Xamal naewɥajnaj wɥt Jesús pejwɥajan, asatɥajɥchanpijiw, Jesús pejwɥajan naexasiti, japi plata naxto'a wɥti xanliajwa, xan kifitx japaplata tejew wɥajslialjwan. Ja-an wɥt, xan kaes xajɥpx xamal naewɥajnalialjwan.

⁹ Xamalxotx wut, asax nawewe'p wut, xamal wuljoe-enil nachaxduili-ajwam. Jesús pejwujajan naexasiti, Macedonia tujnupijiw, nachaxduw xan nawewe'poxanliajwa. Ja-an, xan dukx wut xamalxot taliasasamatan. Jachiyaxaelenbej, pejme xamalxotx wut.

¹⁰ Xan naexasitx diachwujnakolax, Cristo pejwujajan. Samata, xan jum-anpox, diachwujnakolax. Xan jum-an wut: “Acaya tujnupijiw mat-omwuljoe-enil, naewujnax wut Jesús pejwujajan” –an wut, kaen aton nabuxfiasaxil, japox jum-an wut.

¹¹ Asew jiw jum-aech xamal chiekal jumtaeliajwam xanliajwa: “Pablo xamal nejxasinka-el. Samata, nejew plata kifis-elon” –aechi. Japox diachwujnakolaxa-el. Dios chiekal matabijt xamal nejxasinkaxpox.

¹² Pejme xan patx wut xamalxot naewujnaliajwan, xamal mat-omwuljoeyaxinil. Me-ama majt, jachiyaxaelen. Asew, xamalxot patpi, japi xamal mat-omwuljow, naewujajan wuti Jesús pejwujajan. Samata, japi jiw jumchiyaxil: “Xanal isx puexa, me-ama Pablo is” –chiyaxil japi jiw xanliajwa.

¹³ Japi diachwujnakolax apóstoles-el. Xamal jum-aech wuti: “Xanal apóstoles” –aech wut, japi japox jum-aech xamal naekichachajbaliajwa. Japi xamalxot naewujajan wut, me-ama xanal, Cristo pejjiwan wut, apóstoles, ja-aech japi jiw xamal naekichachajbaliajwa. Pe xanal tajjiwa-el japi jiw.

¹⁴ ¡Xamal nabej nejchaxoelanuile', apóstoles-elpi is wut, me-ama xanal apóstol, ja-an wut! Satanásbej xajup itliakaliajwa, me-ama Dios pej-ángeles, jachiliajwa jiw naekichachajbaliajwa.

¹⁵ Samata, Satanás pejjiwbej xajup, me-ama jiw pachaempi wut, kakuchiliajwa. Japi ja-aech xot, asamatkoi Dios xabich kastikaxaesi, babijaxan is xot.

Pablo xabich nabijatpox, apóstol xot

¹⁶ Xan pejme jum-an. ¡Xamal nabej nejchaxoele' xanliajwa: “¡Pablo n-acha, pajut ispoxan chapaei xoton!” –nabej aeche', nejchaxoelam wut! Xamal nakiowa xanliajwa jasox nejchaxoelam wut, natapaeyaxaelam xan jumchiliajwan tajut ispoxanliajwa, me-ama na-achax wut, jachiliajwan, japoxan jum-an wut. Asew, me-ama apóstoles, ja-aechi, pajut ispoxan chapaeipi xamal naekichachajbaliajwa, japi sitaeliajwam. Samata, xanbej tajut ispoxan chapaeiyaxaelen xamal nasitaeliajwam.

¹⁷ Tajpaklon nato'a-el xan tajut ispoxan xamal chapaeliajwan. Pe nakiowa, xan me-ama na-achanan, jasonan, tajut ispoxanliajwa xamal chapaeiyaxaelen xan nasitaeliajwam.

¹⁸ Xamalxot patpi pajut ispoxankal xamal chapaeipi. Japi buxdala-el chapaeliajwa japoxan xamalxot, japi chiekal xamal sitaeliajwam. Samata, xanbej tajut ispoxan chapaeiyaxaelen xamal chiekal xan nasitaeliajwam.

¹⁹ Xamal najut nejchaxoelam: “Xatis kaes pejme chiekal matabijas” –am, nejchaxoelam wut. Pe diachwujnakolax xamal chiekal matabija-emil. Xamal nalala-el japiliajwa, japoxan chapaei wuti. Xamal chiekal naewetam na-acha, japi pat wut xamalxot naekichachajbaliajwa.

²⁰ Xamalxot patpi, japi jiw xamal tato'al. Samata, xamal, japi pamakam wut, ja-am. Japi jiw xamal naekichachajba nejew wenosliajwa. Xamal naekichachajba wut, xamal nalala-el. Japi xamal mastaen wut, asaxan is wutbejpi, xamal nalala-el japiliajwa.

²¹ Xanallax jasox is-enil, xamalxotan wut.

Xamalxot patpi, pajut ispoxan chapaeipi xamal japi chiekal sitaeliajwam. Xanbej tajut ispxoxan chapaeaxaelen xamal chiekal nasitaeliajwam, me-ama na-achan, jachiliajwan.

²² Japi pajut jum-aech xamal sitaeliajwam: “Xanal judíosan” –aechi. Xanbej, judíos-atonan. Japi pajut jum-aechbej: “Xanal israelitan, Dios pejiwan” –aechi. Xanbej israelita-atonan, Dios pej-atonan. Japi pajut jum-aechbej: “Xanal Abraham pamojiwan” –aechbejpi. Xanbej Abraham pamonan.

²³ Japi pajut jum-aechbej: “Xanal Cristo pamakjiwan” –aechi. Xan kaes pejme Cristo pamaknan. Me-ama japi, jachi-enil. Japox tajutliajwa jum-an wut, me-ama na-achan, ja-an xamalliajwa. Xan xabich kaes pejme nabistax Cristoliajwa. Me-ama japi, jachi-enil. Ja-an wut, pin-iaveces asew jiw namatwujajselt. Me-ama japi jiw, xan jachi-enil. Jiw jebachantat asew jiw xan najia pin-iaveces. Me-ama japi jiw, xanbej jachi-enil. Pin-iaveces asew jiw mox pejnaboesebej.

²⁴ Cinco veces judíos najaelt wut, nakastika. Do jawutbej, namatwujajselt treinta y nueve veces jiw xaselsmuatat.

²⁵ Pejme tres veces najaelt wut, naeyatat namatwujajbe'bala. Kaeveces jiw ia'tat nadadap namatkaejabaliajwa. Tres veces barkamtat chafolx wut, chabu'lax. Kaeveces chabu'lax wut, kaematkoi chatuilx mintat. Kaemadoi mintat chanlianxbej.

²⁶ Xan xabich nanuamtax jiw naewujajnalialjwan Jesús pejwujajan. Asamatkoi, chafolx wut minlel, xabich chachoel xanliajwa. Asamatkoi, putlel nanuamtax wut, xabich chachoelbej xanliajwa nawenatkowasamata nuamfatat. Asamatkoi xabich chachoelbej xanliajwa jiw tajtujajnuapijiw babijax nawe-isasamata. Asamatkoi chachoelbej xanliajwa asatujajnuchanpijiw babijax nawe-isasamata. Asamatkoiyan chachoelbej xanliajwa paklowaxanxotx wut, pajilaxxotx wutbej, marxotx wutbej. Asamatkoiyan xanliajwa chachoelbej, jiw naexasis-elpixotx wut Jesús pejwujajan.

²⁷ Asamatkoiyan xabich damlax, xabich nabistax xot. Asamatkoiyan moejs-enil madoi. Asamatkoiyan xan xabich litaxaelax. Xabich minsilabej. Asamatkoiyan piach naxae-enil. Asamatkoiyan xabich nabijatax, xabich thunk wut, nawewe'p xot naxoe.

²⁸ Xamal chapae-enil pejme kaes asaxan nabijataxpoxan. Amwutjelbej nabijatax, nejchaxoelx wut Jesús pejwujajan naexasitiliajwa, kaenanula paklowaxanxot duilpiliajwa.

²⁹ Jesús pejwujajan naexasiti mamnika-el wut Dios chiekal xanaboepoxan, ja-aech wut, japi nejxaejwas wut, xanbej nanejxaejow japi jiwliajwa. Aton, Jesús pejwujajan naexasitpon, asew jiw naekichachajbas wut, japon babijax is wut, xanbej xabich nanejxaejow japon atonliajwa. Xabich talalabej japi jiwliajwa, naekichachajba xoti japon aton.

³⁰ Asan nabuxto'a wut asew jiw tajut jumchiliajwanpox, ja-aech wut, chapaeaxaelen japi jiw pajut chiekal matabijaliajwa xan chiekal mamnika-enilpox.

³¹ Xatis Diosliajwa, Jesucristo pax, jumtis: “Dios, xam xabich pachaemam” –tis pomatkoicha. Japon chiekal matabijt xan jum-anpox diachwujajnakolax.

³² Damasco paklowax ia' chaxjajalspox, xabich pinjiyax. Xabich athubejpo. Japox xajajalspox pejfafachan jiw leliajwa japapaklowaxxot. Damasco paklowaxpijin, gobernador, japon makafich rey Aretas gobernadorliajwapon japapaklowaxxot. Xan pa'ax wut Damasco paklowaxxot, japon gobernador kito'a pejsoldaw xan najaelsliajwa. Jawut jum-aechon: “¡Paklowaxfafachan wesfulde, Pablo nakolt wut jaelsliajwam!”

—aech gobernador pejsoldawliajwa.

³³ Ja-aech wut, naexasiti Jesús pejwujajan, pinjiyax canastotat nachakakofan ventana tathoetleldik, ia' xajajialsleldik. Ja-aech wut, xan wiax Damasco paklowaxxot.

12

Pablo chapaeipox masoxtat taenpoxliajwa wajpaklon Jesús

¹ Wajut isaspoxan asew jiw chapaeis wut japi jiw naksitaeliajwa, japox pachaema-el wajutliajwa. Pe nakiowa, xamal chapaejaxaelen xan masoxtat tajut taenxpro, xamal chiekal jumtaeliajwam wajpaklon Jesús natulaeltpox xanxot. Japon natulaelt xanxot chiekal tajut taeliajwan, xan isfalaliajwan japon nejxasinkpoxan.

²⁻³ Catorce waechanliso Dios nabu'folpox athu poxase, japon duk poxase. Xan naxtae-enil, nabu'fol wut Dios. Jalape. Matabijs-enil, tathualnan nabu'fol wut, o, taj-aelkal bu'fol wut. Kaen Dios japox chiekal matabijt.

⁴ Xan chiekal matabijtax Dios nabu'folpox, japon duk poxase. Jaxochax wut, jumtaenx asew jiw majt jumtae-eljamechan. Dios natapae-el japox asew jiw chapaeliajwan.

⁵ Xan tajut chapaesian wut, japox chapaejaxaelen asew jiw nasitaeliajwa, athu poxase nabu'folpox. Pe japox xan jiw chapaejaxinil. Xanlax chapaejaxaelen chiekal mamnika-enilpoxan.

⁶ Xan xabich chapaejaxaelen wut Diosxotse taenxpro, me-ama na-acha-enil wut, jachiyaxaelen, diachwujajnakolax xot japoxan. Pe japoxan chapaejaxinil jiw nasitaesamata. Xan nejxasinkax jiw nasitaeliajwa Diosliajwa isxproxanliajwa, asew jiw naewujajnaproxanliajwabej.

⁷ Dios natapaei pomatkoicha tajbu't nawexaenkaliajwa, japoxtat nabijasliajwanbej. Ja-an wut, Satanás, me-ama pokcho-etat, na-e'atat, naxua'at wut, ja-aech tajbu't nawexaenkaliajwa. Jaso x ja-aech, Dios natapaei xot xan nejchaxoelasamatan: “Dios na-itpaei pachaempoxan xan taeliajwan japonxotse. Samata, xan kaes pejme pachaeman. Me-ama asew jiw, jachi-enil” —chisamatan, tajut nejchaxoelx wut.

⁸ Xan tres veces wajpaklon Jesucristo kawujajnap naboejthusliajwa japox waxae.

⁹ Pe naboejthus-elon. Jawut Jesucristo najum-aech: “Xam wewe'p tajnejxasiyaxkal. Xam boejthusaxinil puexa jiw matabijaliajwa xam chiekal mamnika-emilpox” —aech wajpaklon. Samata, xan chiekal nejchachaemlax, jiw pajut matabijaxael xot. Xan puexa chiekal isx, Cristo nakajachawaesful xot.

¹⁰ Chiekal mamnika-enil wut, nakiowa nejchachaemlax. Asew jiw jum-aech wutbej babejjamechan xanliajwa, Jesús pejwujajan naexasitx xot, xan nakiowa nejchachaemlax. Asaxan nawewe'p wutbej, xan nejchachaemlax. Asew jiw babijaxan is wutbej xanliajwa, naexasitx xot Jesús pejwujajan, xan nakiowa nejchachaemlax. Pachaema-el wutbej nabichliajwan Cristoliajwa, xan nakiowa nejchachaemlax. Jiw pajut taen wut xan mamnika-enilpox, ja-aech wut, japi pajut chiekal matabija, puexa xan japoxan isx Cristo pejkajachawaesaxtat.

Pablo xabich nejchaxoelpox Corinto paklowaxpijwliajwa

¹¹ Xan chapaeix tajut isxpro. Me-ama na-achan pajut ispoxan chapaei wut, xan ja-an. Jaso x chapaeix, xamal asew jiw chiekal chapae-emil xot xan isxpro. Xanlax pachaema-enil. Pe xan kaes pachaeman. Diachwujajnakolax apóstoles-elpi, xamal naewetampi, xan jachi-enil.

12 Xamalxot dukx wut, naewuajna x pin-iamatkoian, Dios nato'a xot. Isxbej koechaxan. Samata, xamal najut chiekal matabijam, diachwajnakolax xan Cristo pej-apóstolan.

13 Xan dukx wut xamalxot, puexa chiekal isfulax xamalliajwa, me-ama asapaklowaxanpijw, Jesús pejuajan naexasitiliajwa, puexa chiekal isx. Ja-an wut, xan asax is-enil xamal taliasliajwan. Xamal wuljoe-enilbej naka-jachawaesliajwam nawewe'poxanliajwa. Jasox ja-an wut, xamalliajwa chiekal pachaema-el wut, xan nabeltaem!

14 Xan thiltax xamal pejme taeliajwan. Amwut xamal taeyaxaelen wut, japoxtat tres vecesaxael taenxrox xamal. Pejme xamalxot pa'ax wut, xamal wuljoe yaxinil plata nakajachawaesliajwam. Me-ama majt wuljoe-enil plata, pejme xan jachiyaxaelen. Xan nejxasinka-enil nejew plata. Nejxasinkaxlax xamal chiekal naexasisliajwam Dios. Paxjiw chaxduw plata paxiliajwa. Paxi plata chaxdui-el paxjiw. Xamal, taxi wut, ja-am xanliajwa. Samata, plata xamal wuljoe-enil nachaxduiliajwam.

15 Xan nejchaxoelx xamalliajwa: “Corinto paklowaxpijw wewe'pas wut kajachawaesax, puexa xan tejew toesaxaelen japi kajachawaesliajwan. Xan xajux wut, puexa isaxaelenbej japi kajachawaesliajwan” –an, nejchaxoelx wut xamalliajwa. Xamal kaes nejxasinkax wut, xamallax xan nanejxas-inkampox toepafal.

16 Xamalxotx wut, xan asaxan nawewe'p wut, xamal wuljoe-enil. Pe nakiowa, asew jiw nakaewa najum-aech xanliajwa: “Pablo xatis naknae-kichachajba plata nakwenosliajwa” –na-aechi nakaewa xanliajwa.

17 ¿Xamalkat nejchaxoelam xanliajwa: “Pablo to'api xatisleldin, kaen japixot plata not Pabliolajwapi” –amkat xamal xanliajwa, nejchaxoelam wut? Japox nejchaxoelam wut, diachwajnakolaxa-el.

18 Tito to'ax wut xamal taeliajwa, jawut asan, Jesús pejuajan naexasitpon, to'axbej fulaeliajwa, Tito suapich. Japamatkoi, ¿Titokat xamal naekichachajba? ¡Japon naekichachajba-el! Xan, Tito suapich, chiekal kaenejchaxoelaxan. Samata, Titobej xamal wuljoe yaxil plata.

19 Xamal xanliajwa nejchaxoelambej: “Pablo puexa japoxan pajut pijaxtat nakum-aechbej xatis tasala-elaliajwas” –ambej, nejchaxoelam wut xanliajwa. ¡El! Japoxliajwa xan jumchi-enil. Xan puexa jum-an, Cristo nejxasinkroxan, Dios nejchachaemlaliajwa. Xamal nejxasinkax. Samata, puexa japoxan jum-an xamal kajachawaesliajwan, kaes Dios chiekal xan-aboejaliam.

20 Xan xabich nejchaxoelx xamalliajwa, ma-am xamal amwutjel, duilam wut. Chiekal bej duila-emilbej, me-ama xan nejxasinkax xamal duilaliajwam. Xamal nakaewa bej nalotambej. Bej nusasiowlambej. Nalala wut, xabich piach bej nalalabej. Kaenanala xabich bej nejchaxoelambej nejewkalliajwa. Puexa xamal bej jum-ambej babejjamechan asew jiwliajwa. Xamal asew jiw maliach bej bu'wajanpaeyambej. Bej nejchaxoelambej: “Xatis kaes pejme pachaems. Me-ama asew jiw, jachi-esal” –bej ambej, nejchaxoelam wut. Xamal duilam wut, chiekal bej duila-emilbej. Samata, xamal bej nasaladuilambej. Ja-amsfulam wut, xamalxot patx wut, xan xabich talalaxael japoxanliajwa. Samata, xamal xabich losaxaelen.

21 Samata, xan tadaxael Diosliajwa, xamal amwutjel babijaxan isam xot. Samata, amwutjel xabich nejchaxoelx xamalliajwa. Asew jiw xamalxot chajiakolaxtat babijaxan is. Amwutjelbej asew xamalxot nakiowa japoxan babijaxan isfuluk. Asew watho' bu'moejtbejpi. Kaes asaxan babijaxan

isfulbejpi, japi jiw padaeyax wejisal xot. Xamalxot patx wut, japi jiw isful wut babijaxan, xan noeyaxaelen japoxanliajwa, xabich nanejxaejwaxael xot.

13

Pablo kitoesaxaelpox carta lelax Corinto paklowaxpijiwliajwa

¹ Amwut, xamal taeyaxaelen wut, ampoxtat tres veces wulxael. Dios pejjamechan, chajia lelsbox, jum-aech wut, jum-aechox babijaxan ispiliajwa: “Kaen aton babijax is wut asew jiwliajwa, japi jiw tasala wuti japon aton kastikaliajwas, japi jiw buflaeyaxael kolenje, o, tres aton, chiekal taenpikal, japon aton babijax is wut” –aechox.

² Majt asaviaje wut, xamalxot pa'ax wut, asew jiw fiatx babijaxan is-poxan kofaliajwa, japi bu'wujajanjlialiajwa Diosliajwa. Xamalxot asew jiw naewujajnaxbej babijaxan isasamata. Amwutjel, atujan wut, xamal pejme fiatx babijaxan isasamatam. Pejme xamal taenx wut, nakiowa babijaxan isfulam wut, ja-amsfulam wut, xamal beltaeyaxinil.

³ Jasoxtat xamal kastikaxaelen chiekal matabijaliajwam xan diachwujajnakolax Cristo nabuxto'aponan. Cristo mamnika-ele-el. Pe xamal kajachawaet wuton, ja-aech wut, xamal chiekal matabijam japon pejpamamax.

⁴ ¡Diach japox ja-aechdo! Cristo, me-ama mamnika-el wut, ja-aechon, cruztat kimatamatlas wut, tup wutbejpon. Pe Dios mat-echpon pejme dukaliajwa. Me-ama Cristo mamnika-el wut, ja-anbej xanal apóstoles. Xanal tajut mamnika-enil. Xanal, Cristo supich, kaemutan. Samata, chiekal duilafulax xamal kajachawaesliajwan, Dios nakajachawaesful xot.

⁵ ¡Xamal najut chiekal nejchaxoelde, diachwujajnakolax xamal chiekal naexasitam wut Cristo pejwujajan, o, chiekal naexasis-emil wutfuk! Ja-am wut, diachwujajnakolax najut chiekal matabijaxaelam, ma-am xamal, Cristo pejwujajan naexasitam wut.

⁶ Xan nejchaxoelx xamalliajwa: “Corinto paklowaxpijiw chiekal nejchaxoel wut, ja-aech wut, japi pajut chiekal matabijaxael diachwujajnakolax apóstolanponanpox” –an, nejchaxoelx wut xamalliajwa.

⁷ Xanal Dios kawujajnax xamal babijaxan isasamatam. Nejchaxoela-enil xamalliajwa: “Corinto paklowaxpijiw chiekal duil wut, diachwujajnakolax puexa jiw chiekal nakmatabijaxael xatis Cristo pejjiwspis” –chi-enil, nejchaxoelx wut. Jasox nejchaxoela-enil. Xanal nejxasinkax xamal isliajwam pachaempoxankal. Jiw xanliajwa jumchiyaxael wut: “Pablo pachaema-el apóstolliajwa” –chiyaxael wuti, xan nejchaxoelaxinil japoxliajwa.

⁸ Pe xan asbuan jumch xamal chanaekabuanaxaelen Jesús pejwujajan, diachwujajnakolaxpox, jiw naexasisliajwa. Xan asax jumchiyaxinil jiw itsal-sasamatan japi naexasisliajwa japawujajan.

⁹ Samata, xanal nejchachaemlax, asew jiw najum-aech wut xanalliajwa: “Japi, Jesús pejwujajan chanaekabuanapi, mamnika-el wut, ja-aechi” –aech wut asew jiw xanalliajwa. Xanallax nejxasinkax Dios xanaboejampox chiekal mamnikaliajwa. Xanal Dios kawujajnafulax xamal kaes chiekal Dios xanaboejalajwam.

¹⁰ Xan ampox carta lelax xamal poxade xato'aliajwan kofaliajwam babijaxan isampoxan tajpasax wujajna. Ja-am wut, xamal losaxinil. Dios nato'a xamal tataeflialiajwan. Samata, xamalxot pa'ax wut, xan nejchachaemlaxinil xamal losliajwan. Xanlax nejxasinkax xamal kajachawaesliajwan, kaes chiekal Dios xanaboejalajwam.

¹¹ Takoew, ampox carta kitoesliajwan wut, lelaxaelen ampoxan. Xan nejxasinkax xamal nejchachaemlaliajwam. Nejxasinkaxbej nejchaxoelaliajwam isliajwam pachaempoxan. Nejxasinkaxbej naewesliajwam naewuajnapox, xamal chiekal nejchachaemlaliajwam. Nejxasinkaxbej kaenejchaxoelaxliajwam chiekal duilaliajwam. Ja-am wut, Dios naknejxasinkpon, nakkajachawaetponbej chiekal duilaliajwas, asew jiw sapich, japon xamalxotaxael.

¹² Xamal, Jesús pejwuajan naexasitampim, natamejlam wut, ichiekal nakaewa nasaludam!

¹³ Puexa jiw, naexasiti Jesús pejwuajan, saludos xato'a xamalliajwa.

¹⁴ Xan Dios kawuajnapax wajpaklon Jesucristo xamal kajachawaesliajwa. Dios kawuajnapaxbej xamal asew jiw nejxasinkaliajwam, me-ama Dios xamal nejxasink, jachiliajwambej xamal. Dios kawuajnapaxbej Espíritu Santo pomatkoicha puexa xamalxotaliajwapon.

Pablo lelpox carta Galacia tñajñepijwliajwa

Pablo lelpox carta Galacia tñajñepijwliajwa, Jesús pejwñajan naexasitiliajwa

¹ Xan, Pablo, Jesucristo namakafit apóstolliajwan potñajñecha jiw naewñajñaliajwan japon pejwñajan. Jesús tñp wñt, pax Dios mat-echpon pejme dukaliajwa. Do jawñt, Dios xan namakafitbej apóstolliajwan. Jiw nato'a-el. Japi jiw xan namakafis-el naewñajñaliajwan Jesús pejwñajan.

² Lelx ampox carta xamal, Jesús pejwñajan naexasitampimliajwa, Galacia tñajñepijwamliajwa. Puexa xanxotpi, naexasiti Jesús pejwñajan, japi, xan sñapich, saludos xato'a xamalliajwa.

³ Xan kawñajñax waj-ax Dios, wajpaklon Jesucristobej, xamal kajachawaesliajwapi, chiekal duilaliajwam, asey jiw sñapich.

⁴ Waj-ax Dios, japon to'a Jesucristo pajut natapaeliajwa asajiw boesaliajwas, nakwemosliajwa xatis babijaxan isaspoxanliajwa. Samata, Dios nakkajachawaesaxael Jesús pijaxtat babijaxan isasamatas, me-ama asey jiw babijaxan isful ampamatkoiyantat, jachisamatas xatis.

⁵ Samata, xatis pomatkoicha jñmchiyaxaes Diosliajwa: “¡Xam xabich pachaemam!” –chiyaxaes. ¡Jasox nej ja-aech' Diosliajwa!

Kaes asawñajan ajilpox, me-ama Jesús pejwñajan Dios jiw bñ'weliajwa

⁶ Dios xamal nejxasink xot, tadñt bñ'weliajwa. Samata, xamal naexasitam Jesús pejwñajan. Do jawñx, piacha-el wñt, wñltaenx xamal kofasiampox naexasitampox Jesús pejwñajan. Samata, amwñtjel xan xabich nejchaxoelx xamalliajwa, asawñajan asbñan jñmch naexasisasiam xot.

⁷ Diachwñajñakolax xan jñm-an. Jiw chiekal naexasit wñt Jesús pejwñajan, ja-aech wñt, Dios bñ'weyaxaesi. Kaes asawñajan ajil, me-ama japawñajan Dios bñ'weliajwa jiw. Asey jiw pat xamalxot naewñajñaliajwa asawñajan, xamal naexasisfula-elaliajwam majt xan naewñajñaxpox, kaenejchaxoelaxa-elaliajwam, xanal sñapich. Japi jiw asaxantat xaliaxasiapi chimiawñajan, Jesús pejwñajan, Jesús ispoxanliajwa.

⁸ Xanal naewñajñax chimiawñajan, Jesús pejwñajan. Japawñajan naexasitam wñt, Dios xamal bñ'weyaxael. Xanal xaliaxaxinil Jesús pejwñajan. Kaen ángel pask wñt, japonbej xaliaxaxil japawñajan. Asey jiwbej japawñajan xaliaxaxil. Asan aton asawñajan naewñajan wñt, Jesús pejwñajana-elpox, japon aton Dios xabich kastikaxaes pomatkoicha infiernoxotdik.

⁹ Majt jñm-anpox pejme xamal jñmchiyaxaelen. Xamalxot asan aton naewñajan wñt asawñajan, Cristo pejwñajna-el wñt, xamal majt naexasitamwñajna-el wñt, ¡Dios xabich kastikaxaes japon aton pomatkoicha infiernoxotdik!

¹⁰ Jiw naewñajñax wñt Jesús pejwñajan, naewñajna-enil jiw asbñan jñmch nejchachaemlaliajwa xanliajwa. Xan naewñajñax japawñajan Dios nejchachaemlaliajwa xanliajwa. Naewñajñaxaelen wñt asawñajan, Cristo pejwñajna-elpox jiwkal nejchachaemlaliajwa xanliajwa, jachiyaxaelen wñt, kaes Cristo pamakñaxinil.

Pablo Dios makafichpox apóstolliajwa

¹¹ Takoew, xan nejxasinkax xamal chiekal matabijaliajwam, Dios bñ'weyaxaelpox Jesús pejwñajan naexasiti. Xan jiw naewñajñaxpox, Jesús pejwñajan, japawñajan jiw pajut faena-el.

¹² Jesucristo pejwɥajan majt chinax kaen aton nachapae-el xan matabijsliajwan. Jesucristo xan natapaei matabijsliajwan japon pejwɥajan.

¹³ Xamal nawɥtaenam, ma-an xan majt naexasitx wɥt Moisés chajia lelpox. Me-ama asew judíos, xanbej ja-an. Xamal nawɥtaenam, ma-an xan, chakinanɥamtax wɥt Jesús pejwɥajan naexasiti, jaelaliajwan wɥt. Japi jiw chinax beltae-enil. Ja-an xan japi jiw chiekal toesliajwanlach.

¹⁴ Moisés chajia lelpox naexasitx wɥt, xan xabich kaes pejme xentax japoxliajwa. Me-ama asew judíos, kaewɥtje najɥpati'taxpi, xan jachi-enil. Xan, me-ama tajwɥajnapijiw, ja-an japoxliajwa.

¹⁵ Xan nalaels-enil wɥtfɥk, Dios nabeltaen xot, namakafit japon pijax bichax nabichliajwan.

¹⁶ Samata, baxael, Dios pijaxtat chiekal matabijtax Jesús, Dios paxɥlanpon, xan naewɥajnalialjwan japon pejwɥajan judíos-elpi, japibej Dios bu'welialjwas. Jesús pejwɥajan matabijtax wɥt, xan fɥlae-enilde chinax kaen aton poxade wɥajnachemsliajwan. Jɥmchi-enil: “¿Machiyaxaelenkat xan?” —chi-enil.

¹⁷ Fɥlae-enilbej Jerusalén paklowax poxade taelialjwan apóstoles wɥajnachemsliajwan. Japi matxoela-apóstolespi, xan apóstola-enil wɥtfɥk. Xanlax fɥlaechx Arabia tɥajɥ poxade. Do jawɥx, Arabia tɥajɥxotx wɥt, baxael, Damasco paklowaxxot nawia'nax.

¹⁸ Nawia'nax wɥt, xan dukx tres waechan Damasco paklowaxxot. Do jawɥx, xan fɥlaechx Jerusalén paklowax poxade Pedro taelialjwan, japon apóstolpon, xan matabijsliajwan. Japonxotx kolesemana.

¹⁹ Jerusalén paklowaxxot kaes asew apóstoles tae-enil. Kaen Santiago taenx, japon wajpaklon Jesús pakowean.

²⁰ Xan lelpox Dios chiekal matabij, diachwɥajnakolaxpox.

²¹ Do baxael, Jerusalén paklowaxxot chijian wɥt, fɥlaechx Siria tɥajɥ poxade, Cilicia tɥajɥ poxadebej.

²² Japamatkoitat Judea tɥajɥpijiw, Jesús pejwɥajan naexasiti, japi xan chiekal namatabija-elfɥki.

²³ Judea tɥajɥpijiw jɥmtaen asew jiw jɥm-aechpox xanliajwa: “Pablo, japon majt nakchakinanɥamt xabich naktoesliajwa, Jesús pejwɥajan naexasich xot, amwɥtjel japonbej Jesús pejwɥajan naexasit. Japon asew jiw naewɥajnafɥlbej Jesús pejwɥajan japi jiw naexasisliajwa japawɥajan” —aech japi jiw xanliajwa.

²⁴ Samata, Judea tɥajɥpijiw, naexasiti Jesús pejwɥajan, japi Dios kawɥajan wɥt xanliajwa, jɥm-aechi: “Dios, ¡xam xabich mamnikam! ¡Xam nijaxtat Pablo naexasit naxɥlan Jesús pejwɥajan!” —aechi, Dios kawɥajan wɥt xanliajwa.

2

Asew, apóstoles, chiekal bu'kɥlapox Pablo

¹ Catorce waechanwɥx, xan pejme kaxa fɥlaechx Jerusalén paklowax poxade. Jawɥt xan fɥlaechx, Bernabé sɥapich. Bu'folxbej Tito.

² Xan fɥlaechx Jerusalén paklowax poxade, Dios nato'a xot. Jerusalén paklowax patx wɥt, natameja Jesús pejwɥajan naexasiti, japi paklochow. Do jawɥt, paklochow chiekal chanaekabɥanax judíos-elpi naewɥajnaepox. Xan ja-an paklochow jɥmchisamata xanliajwa: “Pablo naewɥajanpox, chimiawɥajan, Jesús pejwɥajan, judíos-elpi naexasisliajwa, japox chiekal pachaema-el” —chisamata paklochow xanliajwa.

³ Paklochow jumtaen wut judíos-elpi naewhajnaxpox, japi paklochow xabich nejchachaemil. Tito, tajnachalanpon, japon judíos-atoná-el. Pe paklochow jumchi-esal japonliajwa: “¡Titobej nej circuncidas Dios pejmarkaxliajwa, chiekal naexasisliajwa Moisés chajia lelpox!” —chi-esal Titoliajwa.

⁴ Asew judíosxot, me-ama Jesús pejwuhajan naexasit wut, ja-aechi. Japi xanalxot pat asbuan jumch naewesliajwa, natasalaliajwabejpi, chiekal naexasis-enil xot puexa Moisés chajia lelpox, xanal amwutjel chiekal naexasitx xot Jesús pejwuhajan. Japi jiw xanal nato'a pejme naexasisliajwan puexa Moisés chajia lelpox.

⁵ Japi xanal nato'apox naexasis-enil. Samata, xanal to'a-enil xamal naexasisliajwam Moisés chajia lelpox. Xamallis chimiawuhajan, Jesús pejwuhajan, naexasitam pejme pachaemaliajwam Diosliajwa. Japawuhajan diach chiekal wuhajnakolax. Samata, xanal nejxasinka-enil japawuhajan xaliaxaliajwan.

⁶ Jesús pejwuhajan naexasiti, paklochow, chapaex wut xan naewhajnaxpoxan judíos-elpiliajwa, japi paklochow xan najumchi-el: “Japi jiw naewhajnám wut Jesús pejwuhajan, xam wewe'pfak kaes asax japi chiekal naewhajnaliajwam” —nachi-el paklochow. Xan nejchaxoela-enil paklochow nejchaxoelropoxanliajwa, puexa xatis chiekal najups xot Diosliajwa.

⁷ Japi paklochow nakaewa najum-aech xanliajwa: “Diachwuhajnakolax Pablo Dios to'as naewhajnaliajwa judíos-elpi, Dios bu'weliawwasbej japi jiw. Me-ama Pedro Dios to'as naewhajnaliajwapon judíos, jatisbej Pablo” —aech paklochow nakaewa xanliajwa.

⁸ Pedro Dios makafich apóstolliajwa, japon naewhajnaliajwa judíos. Xanbej Dios namakafit apóstolliajwan naewhajnaliajwan judíos-elpi.

⁹ Samata, Santiago, Pedro suapich, Juanbej, japi paklochow Jerusalén paklowaxxot naexasitpiliajwa Jesús pejwuhajan, japi pajut chiekal matabija Dios xan namakafitpox naewhajnaliajwan judíos-elpi. Samata, japi xanal chiekal nakijacha, kaenejchaxoelax xoti, xan, Bernabé suapich, naewhajnaliajwan judíos-elpi Jesús pejwuhajan. Santiago, Pedro suapich, Juanbej, japilax naewhajnaxael judíoskal Jesús pejwuhajan.

¹⁰ Japi paklochow asbuan jumch nato'a xanal nejkiowasamatan kijila kajachawaesfulaxpox. Pelis xanal kajachawaesfulax kijila.

Pablo lotpox Pedro Antioquía paklowaxxot

¹¹ Pedro Antioquía paklowaxxot wut, xan jiw pejwuhajnalel japon chiekal jum-an, is xoton isaxilpox.

¹² Pedro majt naxael, judíos-elpi suapich, koft xoton wajwuhajnapijiw fitpox. Samata, Pedro nejmach jixaelpón, judíos-elpi suapich, japi naexasiti Jesús pejwuhajan. Pe Santiago pejjiw pasax taen wuton Antioquía paklowaxxot, Pedro japi wuhajna nakolt judíos-elpixot. Nakoftbejpon, japi suapich, naxaelpox. Ja-aech Pedro, pejlwla xot Santiago pejjiwliajwa. Santiago pejjiw jum-aech: “¡Judíos-elpi, naexasiti Jesús pejwuhajan, japi nej circuncidas, me-ama xatis judíos, jachiliajwa!” —aech Santiago pejjiw.

¹³ Asew judíos, naexasiti Jesús pejwuhajan, Pedro nakolsax taen wut, japibej nakola judíos-elpi pejbaxot. Bernabébej nakolt jaxot.

¹⁴ Xan japi taenx wut naexasis-elpox Jesús pejwuhajan to'apox, jawut xan puexa jiw pejwuhajnalel, jum-an chiekal Pedroliajwa: “Xam Pedro, diachwuhajnakolax chiekal judíos-atonam. Pe xam, judíos-atoná-emil wut, ja-am. Ja-am wut, ¿ma-aech xotkat to'asiam judíos-elpi duilaliajwa, me-ama xatis judíos?” —an Pedroliajwa.

Judíos, judíos-elpibej, naexasit wut Jesús pejwuhajan, japi Dios bu'weyaxaespox

¹⁵ Xanal diachwajnakolax judíosjiwan, taj-axjiw judíosjiw xot. Samata, xanal chiekal matabijax Moisés chajia lelpox. Me-ama judíos-elpi, matabija-el Moisés chajia lelpox, xanal judíosnanpin jachi-enil japoxliajwa.

¹⁶ Xanal chiekal matabijax, Moisés chajia lelpox chiekal naexasisaxinil chiekal pachaemaliajwan Diosliajwa. Pelax Jesucristo pejwajan naexasitx wut, ja-an wut, chiekal bu'wajanjilaxaelen Diosliajwa. Samata, xanal naexasitx Jesucristo pejwajan Dios nabu'welija. Samata, xanal bu'wajanjinil Diosliajwa. Bu'wajanjila-enil Diosliajwa, naexasitx xot Moisés chajia lelpox. Chinax kaen aton puexa chiekal naexasisaxil Moisés chajia lelpox bu'wajanjilaliajwa Diosliajwa.

¹⁷ Amwutjel xanal Jesucristo pejwajan naexasitx Dios nabu'welija. Ja-an wut, asew judíos najumchixael xanalliajwa: “Xamal babijaxan isam, kaes naexasis-emil xot Moisés chajia lelpox” —chixaeli xanalliajwa. Xanal Jesús pejwajan naexasitx wut, ¿xanalkat isx babijax, kaes naexasis-enil wut Moisés chajia lelpox? ¡Diachwajnakolax xanal is-enil babijax!

¹⁸ Xan jiw jum-an wut: “Moisés chajia lelpox nakwewe'pa-el naexasisliajwas” —an wut, do jawux, pejme jiw to'ax wut naexasisliajwapi Moisés chajia lelpox, xan ja-an wut, tajbu'wajnaaxaelen Diosliajwa.

¹⁹ Xan chiekal matabijtax wut Moisés chajia lelpox, jawut tajut matabijtaxbej chiekal naexasisaxinilpox japoxan. Samata, xan koftax naexasitxpox Moisés chajia lelpox Diosliajwa chiekal pachaemaliajwan. Amwutjel naexasitx Jesús pejwajan. Samata, chiekal pachaemx Diosliajwa. Cristo tux wut cruztat, jawutbej, xan, me-ama tux cruztat, Cristo suapich, ja-an Diosliajwa.

²⁰ Amwutjel, xan dukx wut, nejchaxoela-enil tajut isasianpoxan isfulaliajwan. Amwutjel, dukx wut, Dios paxulan chiekal xanaboejsfulax japon nakajachawaesfulaliajwa. Japon nanejxasink xot, pajut natapaei asajiw boesaliajwas, tupaliajwapon xanliajwa.

²¹ Xan nejwesla-el Dios nanejxasinkpox. Jiw chiekal naexasisaxael wut Moisés chajia lelpox japi jiw chiekal pachaemaliajwa Diosliajwa, ja-aech wut, Cristo tuxpox masox chiekal namanaxael.

3

Amxot jum-aechpox Moisés chajia lelpoxliajwa, Abraham chiekal Dios xan-aboejtpoxliajwabej

¹ Xamal, Galacia tujnupijwam, ¡nejliaklawam! ¿Ma-aech xotkat tapaeyam asew jiw xamal naekichachajbajliajwa kofaliajwam naexasitampox, diachwajnakolaxpox? Chajia xamalxotx wut, chiekal naewajnaax Jesús cruztat kimatamatlaspox. ¿Xamalkatlis japox chiekal nejkiowam?

² ¡Xamal ampox, wajnachaemsaxaelenpox, chiekal najumno'e! ¿Xamalkat nejmatpumatantat Espíritu Santo, naexasitam wut Moisés chajia lelpox? ¡E! Espíritu Santo nejmatpumatantat, xamal naexasitam xot Jesús pejwajan.

³ Diachwajnakolax xamal nejnejchaxoelaxan pawe-ajil. Tuaduam wut naexasitampox Jesús pejwajan, Espíritu Santo xamal kajachawaet. Amwutjel xamal nejchaxoelam najut nijaxtat duilaliajwam Cristoliajwa, hasta tuxpam wut.

⁴ Xamal majt nabijatam, asew jiw babijaxan is wut xamalliajwa, Jesús pejwajan naexasitam xot. Ma amwut, kofam wut Jesús pejwajan naexasitampox, ja-am wut, majt chajia nabijatampox, naexasitam wut Jesús pejwajan, japox omjilaxael xamalliajwa.

⁵ Dios to'ak Espíritu Santo xamal nejmatpumatantaxotaliajwa. Dios isbej koechaxan xamalxot. ¿Ma-aech xotkat Dios japoxan is xamalliajwa? Dios is

japoxan, xamal Jesús pejwɔajan chiekal naexasitam xot. Japoxan is-elpon, xamal naexasitam xot Moisés chajia lelpox.

⁶ Abraham chiekal naexasit Dios jumtispor japonliajwa. Samata, Abraham chiekal pachaempon Diosliajwa.

⁷ Samata, xamal chiekal matabijam! Abraham pamojiwkola, japilap chiekal Dios xanaboejapi.

⁸ Dios pejjamechan, chajia lelpox, jum-aech wɔt, jum-aechox judíos-elpilajwa. Japibej chiekal Dios xanaboeja wɔt, babijaxan isporan wejilaxaespi. Japox chimiaɔajanliajwa Dios jum-aech Abrahamliajwa: “Potɔajnuɔchanpijw xan kajachawaesaxaelen xam nijaxtat” —aech Dios Abrahamliajwa.

⁹ Samata, Dios kajachawaesaxael puexa jiw, japi chiekal Dios xanaboejapi, me-ama chajiakolaxtat Dios kajachawaet Abraham, japon xanaboejt wɔt Dios.

¹⁰ Aton pajut nejchaxoel wɔt, jum-aech wɔton: “Diachwɔajnakolax xan Dios nabɔweyaxael, Moisés chajia lelpox naexasitx xot” —aech wɔton, japon aton Dios kastikaxaes, chiekal puexa naexasis-el xoton Moisés chajia lelpox. Japon aton japox wejachiyaxaes, Dios pejjamechan, chajia lelpox, jum-aech wɔt, jum-aech xot: “Aton chiekal naexasis-el wɔt puexa Moisés chajia lelpox, japon aton Dios kastikaxaes” —aech xot Dios pejjamechan.

¹¹ Samata, xatis chiekal matabijas. Diachwɔajnakolax aton mason namanaxil bɔwɔajanxilaxtat Diosliajwa, puexa chiekal naexasis-el wɔton Moisés chajia lelpox. Dios pejjamechan, chajia lelpox, jum-aech wɔt, jum-aechox: “Jiw chiekal xanaboeja wɔt Dios, ja-aech wɔt, japi jiw bɔwɔajanxilaxael Diosliajwa. Samata, japi jiw pomatkoicha duilaxael Diosxotse” —aech Dios pejjamechan, chajia lelpox.

¹² Jiw nejchaxoeli naexasisliajwa Moisés chajia lelpox, japi jiw xanaboeja-el Dios bɔwɔelijwas. Dios pejjamechan, chajia lelpox, jum-aech wɔt, jum-aechox: “Jiw chiekal pachaemasiapi Diosliajwa, naexasit xoti Moisés chajia lelpox, japi jiw chiekal naexasisaxael puexa Moisés chajia lelpox” —aech Dios pejjamechan, chajia lelpox.

¹³ Moisés chajia lelpox puexa xatis chiekal naexasis-esal xot, Dios puexa xatis nakkastikaxael. Pe ja-aech wɔt, Cristo cruztat tɔp xatisliajwa. Jawɔt nakwemoton xatis babijaxan isapoxanliajwa Dios nakkastikasamata. Dios pejjamechan, chajia lelpox, jum-aech wɔt, jum-aechox: “Aton naetat duch tɔpalajwa, Dios kastikas xot” —aechox.

¹⁴ Cristo tɔp xatis nakbɔwɔelijwa. Samata, Dios kajachawaesaxael judíos-elpibej, me-ama Dios jum-aech Abrahamliajwa. Dios jum-aech xatis Jesús pejwɔajan naexasichpisliajwa, Espíritu Santo nakchalaliajwa, nakkachawaesliajwabej.

Amxot jum-aechox Moisés chajia lelpoxliajwa, Dios chajia jumdutporbej Abrahamliajwa

¹⁵ Takoew, xamal ampor jumchiyaxaelen. Kaen aton jumdut wɔt nabichliajwa contrato asan atonliajwa, jaxot lelon isliajwapoxan contratofutat. Do jawɔt, contratofutat pejwɔl lelon. Pejwɔl lel wɔt, kaes asax pejme isliajwa lelaxilon. Japon aton chiekal toesaxael japox bichax, me-ama contratofutat jum-aech.

¹⁶ Dios jumdutpor Abrahamliajwa, kaen Abraham pamonliajwabej. Dios jumdutpor, japox, me-ama contrato wɔt, ja-aechox Diosliajwa. Dios japox jumdut wɔt, jumdus-elon puexa Abraham pamojiwliajwa. Dios japox jumdut kaen Abraham pamonliajwa, japon Cristoliajwa.

¹⁷ Xan jum-anpox xamal chiekal chanaekabuanaxaelen. Chajiakolaxtat Dios jum-aech Abrahamliajwa asamatkoi jachiyaxaelpoxliajwa. Dios japox jum-aech wut, do jawux, cuatrocientos treinta waechan toep wut, japamatkoian Dios kito'a Moisés lelaliajwa Dios jum-aechpoxan Abraham pamojiwliajwa, japi israelitasliajwa, japox naexasisfulaliajwapi. Ja-aech wut, Dios jumdutpox Abrahamliajwa amwutjel nakiowa ja-aechfukox. Japox toepa-elfuk. Asamatkoi, Dios jum-aechpox diachwujnakolax chiekal jachiyaxael.

¹⁸ Dios jumdutpox Abrahamliajwa, japox malech Dios kajachawaesliajwa Abrahamliajwa. Japox diachwujnakolax jachiyaxael asamatkoi, Dios malech nakkajachawaesaxael wut xatis. Pelax Moisés chajia lelpox naexasisaxaes wut, Dios jumdusaxil malech nakkajachawaesaxaelpoxliajwa.

¹⁹ ¿Ma-aech xotkat pachaem Moisés chajia lelpox? Dios chaxdut pejtato'laxan puexa jiw pajut chiekal matabijaliajwa, is wut babijaxan. Moisés chajia lelpox fiat jiw babijaxan isasamata. Moisés lelpox, jiw chiekal naexasisfulaliajwa, hasta Abraham pamon pask wut. Pasaxaelpon, japon Cristo, Dios to'aspon. Dios pajut kito'a-el Moisés japox lelaliajwa. Dios to'alax pejángeles japi jumchiliajwa Moisés. Do jawux, Moisés jum-aech israelitasliajwa ángeles jum-aechpox japonliajwa. Lelbejpon japox.

²⁰ Dios jumdut wut isaxaelpox Abrahamliajwa, Dios pajut chiekal jum-aech Abrahamliajwa. Jawut Dios asan baxto'a-el, Abraham jumchiliajwa wut.

Ma-aech xot pachaempox Moisés chajia lelpox

²¹ Moisés chajia lelpoxxot jumchi-el: “Pachaema-el Dios jumdutpoxan” —chi-elpox. Kaes pejme asax ajil, Dios tato'alpox, jiw chiekal naexasisliajwa pomatkoicha jiw duilaliajwa Diosxotse.

²² Dios pejjamechan, chajia lelpox, jum-aech wut, jum-aechox: “Puexa ampathatpijiw babijaxan isla-ele-el” —aechox. Samata, wajut chiekal matabijas. Jesucristo pejwujajan naexasiti, japi Dios chaxduiyaxaes jumduchpox.

²³ Jesús pasax wujajna, japamatkoian, xanal judíos naexasisfulax xot Moisés chajia lelpox, me-ama esclavos wut, ja-an japawujajanliajwa. Pe xanal chiekal naexasis-enil Moisés chajia lelpox. Ja-an wut, Jesucristo xanaboejaenilfuk Dios nabu'welija.

²⁴ Me-ama yamxi tataeflan, naewujajan yamxi babijaxan isasamata, ja-aech Moisés chajia lelpox. Moisés chajia lelpox xanal nanaewujajan babijaxan isasamatan. Samata, Cristo nalaelt wut, baxael, tapon puexa xatisliajwa. Xatis naexasich wut Cristo pejwujajan, jatis wut, xatis babijaxan isaspoxan Diosliajwa chiekal nakwe-ajil.

²⁵ Amwutjel xatis chiekal xanaboejas Dios nakbu'weyaxaelpox, Cristo tapon xot xatisliajwa. Samata, kaes nakwewe'pa-el naexasisliajwas Moisés chajia lelpox.

²⁶ Xamal Jesucristo pejwujajan naexasitam xot, Dios xamal beltaen babijaxan isampoxanliajwa. Samata, amwutjel xamal puexa Dios paxim.

²⁷ Xamal bautisa wuti, asew jiw matabija xamalbej Cristo pejjiwampox. Ja-am wut, xamal nejchaxoelam: “Xan chiekal dukasian, me-ama Cristo, jachisian” —am, nejchaxoelam wut.

²⁸ Xatisxot asew judíos, asew judíos-elpibej. Asew esclavos, asew esclavos-elpibej. Asew poejiw, asew watho'bej. Puexa xatis Jesucristo pejwujajan naexasich. Samata, xatis, me-ama kaemuch wut, jatis Diosliajwa.

²⁹ Xatis Cristo pejjiws wut, jatis wut, Abraham pamojiwsbej. Samata, Dios nakchaxduiyaxael Abraham chajia jumduchpoxan.

4

¹ Xan kaes amwut jumchiyaxaelen Moisés chajia lelpoxliajwa, Dios jumdutproxan Abrahamliajwabej. Kaen kimaeyan puexa pejew naetup wut, paxulan jam wutfuk, japon kamta pax pejew chaxduiyaxisalfuk. Baxael, japon chiekal ti't wut, pax pejew chaxduiyaxaeson pejewliajwa. Japon jam wutfuk, me-ama esclavo wut, ja-aechon, naexasisful xot tataeflaspi.

² Japon ti's-el wutfuk, asew tataeflas. Wetataeflasbejpon pejwaxaelpi. Asamatkoi, japon ti't wut, pax jum-aechmatkoi pat wut, japamatkoi pax pejew puexa chaxduiyaxaeson.

³ Jatisbej majt xatis. Me-ama yamxuchas wut, jatis, chiekal matabija-esal xot Jesucristo pejwajan. Xatis majt, me-ama esclavos wut, jatis. Xatisbej isas babijaxan, ampathatpijiw ispoxan.

⁴ Pat wut Dios markprox, matkoi, Dios to'ak paxulan nalaelsliajwapon kaeow judíos-atowtat. Nalaelt wut, baxael, chiekal ti'sful wutbejpon, japon naexasisful Moisés chajia lelpox.

⁵ Xatis xajupa-esal chiekal naexasisliajwas Moisés chajia lelpox. Samata, Dios paxulan fuloek nakwemosliajwa xatis babijaxan isaspoxanliajwa, xatis pejme chiekal pachaemaliajwas Diosliajwa. Samata, amwutjel xatis Dios paxis.

⁶ Dios to'ak Espíritu Santo wajmatpuatanxotaliajwa wajut chiekal matabijaliajwas Dios paxispox. Samata, xatis jumtis Espíritu Santo pijaxtat Dios nakjumtaeliajwa: “Taj-ax Dios” —tis.

⁷ Amwutjel xamal Dios paxim xot, esclavos-emil, isfula-emil xotlis ampathatpijiw isfulpoxan. Samata, asamatkoi Dios xamal chaxduiyaxael xabich pachaempoxan.

Pablo xabich nejchaxoelpox Galacia tujnapijiw, Jesús pejwajan naexasitiliajwa

⁸ Xamal majt Dios matabija-emil wut, brixtat nuilam ídolos kawajnalijwam. Xamal chiekal matabija-emil xot, nejchaxoelam: “Japi ídolos nakajachawaesaxael” —am, nejchaxoelam wut. Pe ídolos Dios-el.

⁹ Amwutjel xamal chiekal Dios matabijam. Pe Dios kaes pejme xamal chiekal matabijton. ¿Ma-aech xotkat kofasiam Dios naexasitamprox? ¿Ma-aech xotbejkat pejme naexasisasiam Moisés chajia lelpox, Dios xamal bu'welijwa?

¹⁰ Xamalbej napatam, judíos pejmatkoi pat wut, napatamatkoi. Judíos fies-tan is wut, xamalbej fulaemch japafiestan taelijwam. Xamal ja-amsfulam, fiestamatkoi wut, fiestajuimt wutbej, fiestawaechan wutbej. Japafiestan xamalbej naktaenam wut, nejchaxoelam: “Dios nejchachaemlaxael xatisliajwa, ampafiestan naktaens xot” —am xamal, nejchaxoelam wut.

¹¹ Samata, xan nejchaxoelx xamalliajwa: “Xabich naewajnaxprox japixot, bej nawenafo'abej” —an, nejchaxoelx wut xamalliajwa.

¹² Takoew, xamal jum-an amprox. Xamalbej, me-ama xan, ja-amde! Xan judíosnan, xamal judíos-emilpimxot xan dukx wut, me-ama xamal, judíos-emilpim wut, xan ja-an. Xamal babijax nawe-is-emil. ¡Amwutjelbej ja-amde!

¹³ Xamal chiekal matabijam. Xan bu'xaenkax wut, majt xamalxot patx. Jawut nakiowa, xamal naewajnax Jesús pejwajan Dios xamal bu'welijwa.

¹⁴ Jawut, waxae nawaet wut, xan xabich kabanchaemilan waxaetat. Pe nakiowa, xamal xan nanejxasinkam. Nato'a-emilbej asatujnulel. Najut xamal chiekal xan nabu'kulam. Me-ama Dios pej-ángel, Jesucristobej, chiekal bu'kulaxaelam wut, xamal ja-am xanliajwa.

¹⁵ ¿Ma-aech xotkat amwutjel nejchachaemla-emil xanliajwa? Xan naewhajnax wut Jesús pejhajan, xamal majt chiekal xan nanaewetam. Jawutbej xabich nejchachaemlam. Japamatkoi xamal wuljowx wut, nejmach bej nachaxdusaxaelambej wuljowxrox, xabich nasiowlapox.

¹⁶ ¿Pe xankat amwutjel xamalliajwa, me-ama nadaelmanan wut, jakabuan-ankat xamalliajwa, naewhajnax xot diachwhajnakolaxwhajan?

¹⁷ Asew jiw xamalxot, japi xamal naewhajnasia circuncidaliajwam. Japi, me-ama xamal kajachawaesasia wut, ja-aechi. Pe japi kajachawaesaxaelpox pachaemaxil xamalliajwa. Japi nejxasink xanalxot xamal nadijaliajwam, xamal japi pejjiwaliajwam.

¹⁸ Pachaemaxael, japi is wut pachaempoxan, kajachawaet wutbejpi xamal. Pomatkoicha xamal kajachawaesasia wut, japox pachaemaxaelbej. Pe japi xamal asbuan jumch kajachawaesasia, xan xamalxotx wut.

¹⁹ Xamal, me-ama taxi wut, ja-am xanliajwa. Atow naxhwlaliajwa wut, xabich, nejchaxoelaful. Xanbej xabich nejchaxoelx xamalliajwa. Jansfulax, hasta xamal chiekal duilaliajwam Cristoliajwa.

²⁰ Amwutjel xan nejxasinkax xamalxotaliajwan tajut chiekal jumchiliajwan. Jalape. Xan matabijs-enil, achax nejchaxoelaxaelen xamalliajwa.

Amxot jum-aechpox Hagarliajwa, Saraliajwabej

²¹ Xamal jum-am: “Moisés chajia lelpox naexasisaxaes Dios nakbu'weliajwa” –am xamal. ¿Amwut chiekal xan nanaewe'e chiekal matabijaliajwam Moisés chajia lelpox!

²² Moisés chajia lelpox jum-aech Abraham kolenjepox paxulan. Matxoe-lapijin nalaelton Agartat. Japow esclava-atow. Asan paxulan nalaeltron Abraham pijowkolowtat. Japow pawul Sara. Japow Sara esclava-atowa-el.

²³ Agar nafoena-el. Samata, piacha-el japow moejwaliajwa, naxhwlaliajwabej. Naxhwal wut, faenow paxuch, poich. Saralax nafoena. Pe Dios jumdut japow naxhwlaliajwa, paxuch faenaliajwapow, poich. Asamatkoi, Dios jumdutmatkoi pat wut, Sara naxhwal. Faenow paxuch, poich.

²⁴⁻²⁵ Agar pejhajan, me-ama Moisés chajia lelpox, ja-aech. Moisés chajia lelpox naexasiti, japi, me-ama esclavos wut, ja-aechi, naexasisful xot japawhajan. Me-ama Agar, esclava, ja-aech japi jiw. Arabia thajnxot xabich pinjiyax mmax, Sinaimmax. Japammaxmatwhajtat Dios jum-aech Moisésliajwa. Do jawux, baxael, Moisés kito'as japox lelaliajwa. Sara pejhajanlax, me-ama Dios jumdutpox Abrahamliajwa. Ja-aech japawhajan, Sara esclava-el xot.

²⁶ Xatis Jesucristo pejhajan naexasich xot, me-ama Sara paxis wut, jatis, esclavos-esal xot. Samata, asamatkoi duilaxaes pomatkoicha Diosxotse, Dios pejpaklowaxxotse, pajelpaklowax, Jerusalén paklowaxxotse.

²⁷ Dios pejjamechan, chajia lelpox, jum-aech wut, jum-aechox Saraliajwa: “Xam nafoenam xot, xijimil. Pe nakiowa, ¿nejchachaemilde xam boejtae-emilpowam yamxuchxaenkpox, nalaelsliajwa wut! Asamatkoi xabich chanoeyaxaelam, yamxuch boejpun wut nalaelsliajwa. Do baxael, asamatkoi, xabichaxael namojiw. Xam, me-ama namakow, jachiyax-imil” –aechox Saraliajwa.

²⁸ Takoew, xamal, me-ama Abraham paxulan, Isaac wut, ja-am. Japon nalaeltron Saraxot, Dios chajia jumduchpon Abrahamliajwa. Samata, xamalbej amwutjel Dios paxi wut, ja-am, Dios jumdut xot Abrahamliajwa.

²⁹ Abraham paxulan, nalaeltpon Agarxot, japon taliat pakoewan pajaman, nalaeltpon Saraxot, Espíritu Santo jumtusaxtat. Amwutjelbej, Moisés chajia lelpox naexasiti, xatis naktaliat, Jesús pejwujajan naexasichpis.

³⁰ ¿Achaxkat jum-aech Dios pejjamechan, chajia lelpox, Dios jum-aech wut Abrahamliajwa? Jum-aechon: “Naxulan, namakowxot nalaeltpon, xam tujam wut nejew waelaximil japonxot. Puexa nejew waelaxaelam ni-jowkolowxot nalaeltponxot. Samata, jto'im namakow chijiyaliaw xamxot, paxulan suapich!” —aech Dios Abrahamliajwa.

³¹ Takoew, xatis Diosliajwa, Abraham pamakow paxi wut, jachi-esal. Xatis-lax, Abraham pijowkolow paxi wut, jatis.

5

Jesús pejwujajan naexasiti wewe'pa-esalpo naexasisliaw Moisés chajia lelpox

¹ Jesucristo tujp nakwemosliaw babijaxan isaspoxan Dios nakbu'weliaw. Samata, Moisés chajia lelpox kaes nakwewe'pa-el naexasisliaw Dios nakbu'weliaw. Xatis, me-ama judíos, jachiyaxisal. Samata, wajut chiekal nejchaxoelaxaes: “Dios nakbu'weyaxael, Cristo tujp xot. Samata, peme kaxadik nejchaxoelaxisal naexasisliaw Moisés chajia lelpox” —chiyaxaes, wajut nejchaxoels wut.

² ¿Xamal chiekal naewe'e xan lelpox! Nejchaxoelam wut, jnabej nejchaxoele': “Xan kitapaeaxaelen nacircuncidaliaw. Ja-an wut, Dios xan nabu'weyaxael” —nabej aeche', nejchaxoelam wut! Japox nejchaxoelam wut, diachwujnakolaxa-el. Japox nejchaxoelam wut, pachaemaxil Cristo tujpox cruztat xamal bu'weliaw.

³ Pejme lelaxaelen circuncidaxliaw. Jiw pajut kitapaei wut circuncidaliaw, japi jiw chiekal naexasisaxaelbej puexa Moisés chajia lelpox, japi babijaxan ispoxanliaw Dios bu'weliaw.

⁴ Xamal nejchaxoelam: “Moisés chajia lelpox xatis naexasisaxaes Dios nakbu'weliaw” —am xamal, nejchaxoelam wut. Ja-am wut, kofaxaelam naexasitampox Cristo pejwujajan Dios xamal bu'weliaw. Ja-am wut, xamal nejxasinkaximil Dios kajachawaesaxaelpo.

⁵ Xatis naexasich Jesucristo tujpox cruztat nakbu'weliaw. Xatis chiekal matabijasbej Dios nakbu'weyaxaelpo. Samata, Espíritu Santo nakkachawaesaxael piach wujnawesliaw that toepaxmatkoi. Japamatkoi pat wut, Dios kaenanula nakjumchiyaxael: “Xam babijaxan isampoxan ajil xanliaw” —chiyaxael Dios kaenanula xatisliaw.

⁶ Xatis, Jesucristo pejiws, nakcircuncida wut, o, nakcircuncida-el wutbej, japox, koloeyax, Diosliaw chiekal najujp. Kaes pejme pachaempox Diosliaw, Jesucristo chiekal xanaboejaspo. Jesucristo chiekal xanaboejas xot, nejxasinkas asew jiw. Samata, isasbej pachaempoxan japiliaw.

⁷ Xamal majt chiekal naexasitam Jesús pejwujajan. ¿Achankat xamal to'a kofaliajwam naexasitampox Jesús pejwujajan, diachwujnakolaxpo?

⁸ Dios xamal to'a-el kofaliajwam naexasitampox Jesús pejwujajan. Dios xamal tadut naexasisliaw japawujajan.

⁹ Jiw jum-aech: “Pan isliaw wut, cha-aelaxach levadura tanialtas puexa pansap puthlaliaw” —aechi. Ja-aechlap-is jiw babejchow. Kaesapich wut, japi xajujp puexa jiw tabesliaw, naexasiti Jesús pejwujajan.

¹⁰ Xan Dios chiekal xanaboejtax xamal asax nejchaxoelasamatam, xatis chiekal kaenejchaxoelaxliajwas. Xamalxot kaen aton itsalt wut Cristo xanaboejampoxliajwa, japon aton Dios kastikaxaes. Japon aton, paklon wut, o, paklona-el wutbej, nakiowa, japon aton Dios kastikaxaes.

¹¹ Takoew, xamal judíos-emilpim, to'axaelen wut circuncidaliajwam, ja-an wut, judíos xan nanejweslaxil. Ja-an wutbej, xan judíos pijaxtat nabijasaxinil. Judíos xan nanejwesla, jiw naewuajntax xot Cristo tappox cruztat xatis babijaxan isaspoxanliajwa.

¹² Xan nejxasinkax xamalxot itsaltpi kamta nakolaliajwa, kaes xamal itsalsasamatapi.

¹³ Takoew, Dios xamal tadut Jesucristo pejwujajan naexasisliajwam Dios xamal bu'welija jwa babijaxan isampoxanliajwa. Jesucristo pejwujajan naexasitam wut, nejchaxoelam wut, inabej nejchaxoele': "Amwutjel asax na-it-ele-el. Samata, babijaxan isasianpox isaxaelen" —nabej aeche', nejchaxoelam wut! ¡Asbuan jumch nakaewa chiekal nakajachawaesfulde, xabich nanejxasinkam xot!

¹⁴ Dios pejjamechan, chajia lelsbox, jum-aech wut, jum-aechox: "¡Xamal nejxasinkde asew jiw! Me-ama najut nanejxasinkam wut, ja-amde asew jiwliajwa!" —aechox. Ja-am wut, kaewutje kamta naexasisaxaelam puexa Moisés chajia lelpoxbej.

¹⁵ ¡Najut chiekal taem nakaewa natoesasamatam! Xamal nakaewa nanejwesla wut, nakaewa najum-am wutbej babejjamechan, ja-am wut, asbuan jumch nakaewa natoesaxaelam Jesús pejjiwampim.

Espíritu Santo kajachawaechpox Jesús pejwujajan naexasiti chiekal duilaliajwa

¹⁶⁻¹⁷ Xatis babijaxan, wajut isasiaspoxan, japoxan Espiritu Santo nejxasinka-el. Espiritu Santo naktato'alpoxan pachaem xatis isliajwas. Pe xatis japoxan nejxasinka-esal isfulaliajwas. Espiritu Santo naktato'alpoxan xatis wajut xajupaxisal japoxan isliajwas. Samata, ipomatkoicha japoxan isfulde Dios pejkajachawaesaxtat, xamal najut isasiampoxan, babijaxan, isasamatam!

¹⁸ Isfulam wut Espiritu Santo tato'alpoxan, xamal kaes pejme nejchaxoelaximil: "Xan naexasisaxaelen Moisés chajia lelpox pejme chiekal pachaemalijwan Diosliajwa" —chiyaximil, nejchaxoelam wut.

¹⁹ Tampa xatis wajut chiekal matabijaliajwas, jiw babijaxan is wut. Poejiw asew watho' bu'moejt wut, pejwatho'a-elpi, japox pachaema-el Diosliajwa.

²⁰ Ídolos kawuajntaxan, japoxanbej pachaema-el Diosliajwa. Pinjoe'iw pinjoe'axtat ispoxan, japoxanbej pachaema-el Diosliajwa. Jiw nejwesla wut asew, japoxbej pachaema-el Diosliajwa. Jiw kaenejchaxoelaxa-el wut, jum-aech wutbejpi palaeyajamechan, japoxbej pachaema-el Diosliajwa. Jiw xabich wumaenk wut, japoxbej pachaema-el Diosliajwa. Jiw xabich kamta palala wut, japoxbej pachaema-el Diosliajwa. Asew jiw kaesasia wuti, pejew wut, me-ama asew jiw, jachi-elasia wuti, japoxbej pachaema-el Diosliajwa. Jiw chanaekabuanapoxtat asew jiw asbuan jumch nadija wut, japoxbej pachaema-el Diosliajwa. Jiw nadija wut kolemutjeliajwa, do jawux, jumchiyaxael wut babejjamechan nakaewa asamutpijiwliajwa, japoxbej pachaema-el Diosliajwa.

²¹ Jiw kinusasiowal wut asew jiw, japoxbej pachaema-el Diosliajwa. Jiw saxa af wut saxsliajwas, japoxbej pachaema-el Diosliajwa. Jiw xabich xael wut, babijaxan is wutbej, japoxanbej pachaema-el Diosliajwa. Jiw is wutbej kaes asaxan babijaxan, japoxanbej pachaema-el Diosliajwa. Puexa

japababijaxan ispi, japi jiw duilaxil Diosxotse. Majt xamal naewuajna xpo x, japox pejme xamal naewuajna x.

²² Jesús pejuwajan naexasiti, japi jiw kajachawaesfulas Espíritu Santo. Samata, japi nejxasink asew jiw. Japibej xabich nejchachaemil. Japibej asew jiw suapich, chiekal duilaful. Japibej piach boejtaliasful palala-elaliajwa, asew jiw babijaxan is wut japiliajwa. Japibej asew jiw kajachawaet. Japibej jumduw wut asew jiwliajwa, japoxan chiekal isbejpí.

²³ Japibej nejchaxoela-el: “Xan kaes pejme pachaeman. Me-ama asew jiw jachi-enil” —chi-eli, nejchaxoel wut. Japibej pajut chiekal natataeful babijaxan isasiapoxan is-elaliajwa. Japilax isful pachaempoxan. Japoxan japi is, Espíritu Santo kajachawaesfulas xot. Samata, japi fias-esal is-elaliajwa pachaempoxan.

²⁴ Jesucristo pejuwajan naexasiti nejchaxoel: “Jesús cruztat kimatamatlas wut, jawutbej tajax padujnejchaxoelax, cruztat matamatlas” —aechi, nejchaxoel wut. Samata, amwutjel padujnejchaxoelax japixot ajil, majt tato'laspoxan babijaxan isliajwa.

²⁵ Amwutjel xatis Espíritu Santo nakkajachawaet xot, tapaeyaxaes japon naktato'laliajwa isliajwasbej japon nejxasinkpoxan.

²⁶ ¡Nabey nejchaxoelatis: “Xatis kaes pachaems. Me-ama asew jiw, jachi-esal” —nabey chitis, nejchaxoels wut! ¡Nakaewa nabey nataliastisbej nauklusliajwas! ¡Xatis nakaewa nabey nanusasiowlatisbej!

6

Jesús pejuwajan naexasiti nakaewa nakajachawaesaxaelpox

¹ Takoew, xamalxot Jesús pejuwajan naexasitpon, babijax is wut, ¡japon fia'e kofsliajwa japox babijax! ¡Japon naewuajande pejme isliajwa Dios nejxasinkpoxan! Naewuajnam wut, ¡chiekal naewuajande! ¡Ja-amde, kaes xamal naexasitam xot Espíritu Santo tato'alpox! ¡Xamalbej najut chiekal natataefulde babijax isasamatam!

² Xamalxot Jesús pejuwajan naexasitpon xabich nabijat wut, ¡japon xamal kajachawa'e! Ja-amsfulam wut, naexasisaxaelam Cristo tato'alpox.

³ Aton, chiekal pachaema-elpon, pajutliajwa jum-aech wut: “Xan kaes pachaeman. Me-ama asew jiw, jachi-enil” —aech wuton, japon pajut naekichachajba, diachwujnakolaxa-el xot.

⁴ Kaenanula jiw pajut chiekal nejchaxoelaxael: “Xan dukx wut, ¿bej manbejkat Diosliajwa?” —chiyaxaeli, pajut nejchaxoel wut. Japi ispoxan pachaem wut, xabich nejchachaemlaxaeli. Ja-aech wut, pajutliajwa japi jiw jumchiyaxil: “Xan kaes pejme pachaeman. Me-ama asew jiw jachi-enil” —chiyaxili.

⁵ Samata, xamal kaenanula chiekal isfulaxaelam Dios tato'alpoxan.

⁶ Aton xamal naewuajan wut Dios pejjamechan, japon aton xamal kajachawaesaxaelam nejewtat.

⁷ ¡Xamal najut naekichachajbaximil! Chinax kaen aton xajupaxil naekichachajbaliajwa Dios. Jiw pejlulantat pelapi pachaem wut, asamatkoi jolaxaeli pachaempi. Pelax pachaema-el wut pelasi, ja-aech wut, asamatkoi jolaxisal, pelasi pachaema-el xot.

⁸ Jachiyaxaelbej jiw ispoxan. Jiw babijaxan is wut, pajut isasiapoxan, asamatkoi, japi jiw tux wut, pomatkoicha Dios kastikaxaespi. Aton isful wutlax Espíritu Santo tato'laspoxan, japon aton asamatkoi tux wut, pomatkoicha dukaxael Diosxotse.

⁹ Samata, xatis kofaxisal isfulaliajwas pachaempoxan. Damlaxisalbej isfulaliajwas Espíritu Santo naktato'alpoxan. Japoxan isfulas wut, Dios asamatkoi nakchaxduiyaxael pachaempoxan.

¹⁰ Samata, xatis xajups wut, puexa asew jiw kajachawaesaxaes. Pe kaes chiekal kajachawaesaxaes naexasiti Jesús pejwajan.

Pablo lelpox taxdukanaewajanx Gálatas paklowaxpijwliajwa

¹¹ Xan, Pablo, amxot tajut lelx. Samata, xamal taeyaxaelam pinaletan.

¹² Judíos to'a wut xamal circuncidaliajwam, japi japox to'a, nakaejudíos sapich, chiekal pachaemaliajwa, pejlewla xoti asew judíosliajwa. Japi judíos nejwesla nabijasliajwa, me-ama nabijatpi, japi jum-aechpi: “Dios nakbeltaen babijaxan isaspoxanliajwa, Cristo tap xot cruztat” –aechpi.

¹³ Xamal to'api circuncidaliajwam, japi pajut chiekal naexasis-el Moisés chajia lelpox. Asbuan jumch japi to'a xamal circuncidaliajwam. Ja-aech wut, japi jumchisia asew judíos jumtaeliajwas: “Xanal kito'ax xot, xabich Galacia tujnupijiw, japi judíos-elpi, circuncidaslisi. Samata, xanal kaes pejme xabich pachaeman” –chisiapi asbuan jumch, asew judíos sitaeliajwas.

¹⁴ Xan tajut jumchiyaxinil asew jiwliajwa: “Xan isxpoxan asew jiwliajwa xabich pachaem” –chiyaxinil. ¡El! Xanlax nejxasinkax asew jiw naewajnalialjwan wajpaklon Jesucristo cruztat tappoxkal. Xanliajwa Cristo cruztat tap xot, amwutjel nejxasinka-enil babijaxan isliajwan, me-ama ampathatpijiw is babijaxan. Samata, xan ampathatpijiwliajwa, xan, me-ama tapx wut, Jesucristo sapich, ja-an.

¹⁵ Poejiw circuncidaspi, o, poejiw circuncida-esalpibej, japoxan koloeyaxan, Diosliajwa chiekal najup. Kaes pejme pachaem, xatis pajelnejchaxoelaxan wuch, Jesús pejwajan naexasich wut. Jatis wut, me-ama jelnalaelaspis wut, jatis Diosliajwa.

¹⁶ Puexa xamal, chiekal duilampim, me-ama ampacartatat lelx wut, to'ax chiekal duilaliajwam, xan Dios kawajnajx. Dios kawajnajxbej xamal beltaeliajwapon. Dios kawajnajxbej puexa asew jiwliajwa, japi diachwajnakolax Dios pejjiwpi.

¹⁷ Xan naewajnajx xot Jesús pejwajan, asew jiw pin-iaveces xabich naselt wut, namatwajjakolbala. Japawajelan jiw taen wut, pajut chiekal matabija xan Jesúsliajwa nabistaxponan. Samata, xan kaes nejxasinka-enil asew jiw najumchiliajwa: “Pablo Jesúsliajwa nabistpona-el” –nachiliajwa.

¹⁸ Takoew, wajpaklon Jesucristo kawajnajx puexa xamal kajachawaesliajwa. ¡Jasox nej ja-aече' xamalliajwa!

Pablo lelpox carta Éfeso paklowaxpijiwliajwa

Pablo lelpox carta Éfeso paklowaxpijiwliajwa

¹ Xan Pablo, Dios namakafit Jesucristo pej-apóstol nadofaliajwan. Lelx ampox carta xamal Éfeso paklowaxpijwamliajwa, Jesucristo pejwñajan naexasitampimliajwa.

² Xan waj-ax Dios kawñajna, wajpaklon Jesucristobej, xamal kajachawaesliajwa chiekal duilaliajwam, asew jiw sñapich.

Dios kajachawaetpox naexasiti Jesucristo pejwñajan

³ ¡Xatis jumchiyaxaes Dios, japon wajpaklon Jesucristo pax: “Xam xabich pachaemam” —chiyaxaes! Dios nakkajachawaesful puexa nejmach xatisliajwa chiekal pachaemaliajwa japonxotse, naexasisfulas xot Jesucristo pejwñajan.

⁴ Chajiakolaxtat, Dios ampathat is-el wñtfak, xatis nakmakanoton Jesucristo pejiwaliajwas, Dios pejwñajnalel bñ'wñajanjilaliajwas.

⁵ Dios naknejxasink xot, japon chajia nejchaxoel xatis japon paxiliajwas, asamatkoi Jesucristo tñpaxael xot xatis babijaxan isaspoxanliajwa. Samata, Dios japox nejxasink xot, Jesucristo tñp xatis babijaxan isaspoxanliajwa.

⁶ Samata, amwñtjel xatis pomatkoicha jumtis Diosliajwa: “Xam xabich pachaemam, nabeltaenam xot” —tis xatis japonliajwa. Jasoxtat Dios xatis nakbeltaen paxulan Jesucristo, xabich nejxasinkpon, pijaxtat.

⁷ Dios xabich naknejxasink xot, paxulan to'a tñpaliajwa cruztat. Samata, xatis babijaxan isaspoxan ajil Diosliajwa.

⁸ Ja-aech wñt, chiekal matabijas Dios xabich naknejxasinkpox. Ja-aech wñtbej, Dios naktapaei pejjamechan chiekal matabijaliajwas.

⁹ Dios chajia nejchaxoel asamatkoi to'aliajwapon Cristo, japon tato'laliajwa puexa ampathatpijiw. Japox majt chinax kaen aton matabijs-elfak. Dios xatis naktapaei japox chiekal matabijaliajwas.

¹⁰ Japoxlap asamatkoi jachiyaxael. Japamatkoi wñt, Dios tapaeyaxael Jesucristo puexa tato'laliajwa ampathatpijiw, Diosxotsepibej.

¹¹ Xatis nalaela-esal wñtfak, Dios chajia nakmakanot Jesucristo pejiwaliajwas. Samata, Dios naktapaeyaxael pomatkoicha duilaliajwas japonxotse, Cristo sñapich. Japoxlap chajiakolaxtat Dios nejchaxoel.

¹² Xanal, judíos, matxoela naexasitx Jesucristo pejwñajan. Samata, xanal jum-an Diosliajwa: “Xam xabich pachaemam” —an, japon xajñp xot puexa isliajwa.

¹³ Xamalbej, judíos-emilpim, jumtaenam wñt chimiawñajan, Cristo pejwñajan, diachwñajnakolaxpox, naexasitam japawñajan Dios xamal bñ'welialjwa. Japawñajan naexasitam wñt, Dios to'ak Espíritu Santo xamalxotaliajwa kajachawaesliajwabej, chiekal matabijaliajwam xamal japon pejiwampox. Ja-aech, Espíritu Santo xamalxot pask wñt, Dios jumdutpox pat xotlisox xamalxot.

¹⁴ Espíritu Santo wajmatpñatanxot. Samata, chiekal matabijas diachwñajnakolax pomatkoicha duilaxaes Diosxotse. Dios nakchaxduiyaxaelbej puexa xatisliajwa owapipon, wejewliajwa. Samata, xatis jumtis Diosliajwa: “Xam xabich pachaemam” —tis, japon xajñp xot puexa isliajwa. Asew jiw, we'ppifak naexasisliajwa Jesús pejwñajan, japi puexa naexasit wñt Jesús pejwñajan, Dios japoxan nakchaxduiyaxael, owapipon wejewliajwa.

Pablo kawɥajanpox Dios, Jesús pejwɥajan naexasiti chiekal matabijaliajwa

¹⁵ Xan xamal wɥaltaenx chiekal naexasitampox wajpaklon Jesús pejwɥajan. Wɥaltaenxbej nejxasinkampox puexa Dios pejjiw.

¹⁶ Samata, xan pomatkoicha Dios kawɥajnax xamalliajwa. Kawɥajnax wɥt, jɥm-an Diosliajwa: “Gracias-an, Éfeso paklowaxpijiwbej naexasit xot Jesucristo pejwɥajan” –an Diosliajwa.

¹⁷ Dios, athɥxotsepon, japon wajpaklon Jesucristo pax, xabich pachaem. Dios kawɥajnax wɥt xamalliajwa, Dios jɥm-an Espiritu Santo xamal kajachawaesliajwa Dios chiekal matabijaliajwam.

¹⁸ Dios kawɥajnaxbej xamal chiekal matabijaliajwam Dios chaxduiyaxaelpox. Xabich pachaem japox, xamal Dios pejjiwam wɥajnawetampox.

¹⁹⁻²⁰ Dios kawɥajnaxbej xamal chiekal matabijaliajwam, japon xabich mamnik. Samata, Dios xajɥp nakkajachawaesliajwa, Jesucristo pejwɥajan naexasichpis. Cristo tɥp wɥt, Dios mat-echpon pejme dukaliajwa. Ja-aech wɥt, Dios itraei pejpamamax. Do jawɥx, paxɥlan bɥ'folon athɥ poxase ekaliajwa japon pejpoklalel, tato'laliajwabejpon, japon sɥapich.

²¹ Samata, amwɥtjel Jesús kaes paklon. Me-ama puexa tato'alpi, athɥxotsepi, ampathatpijiwbej, jachi-el Jesús. Pomatkoicha tato'laxaelon.

²² Dios tapaei Cristo puexa tato'laliajwa. Samata, Cristo puexa jiw tato'lafɥl. Cristo tato'lafɥlbej puexa japon pejwɥajan naexasitpi.

²³ Cristo pejwɥajan naexasiti, puexa japi jiw Cristo pejbɥ't wɥt, ja-aechi. Samata, Cristo japixot. Japon xajɥp puexa isliajwa athɥxot, ampathatxotbej.

2

Dios bɥ'wiapox jiw, xabich nejxasink xoton

¹ Xamal majt babijaxan isfɥlam wɥt, me-ama patɥpa, ja-am Diosliajwa.

² Ja-am wɥt, xamal duilam, me-ama ampathatpijiw, isfɥlam xot Satanás tato'alpoxan. Satanás puexa dep tato'al. Japi, dep, pothata xajɥp. Nanɥamtbej athɥ. Satanás tato'albej jiw, naexasis-elpi Dios, babijaxan isliajwa.

³ Xatis majt, me-ama asew jiw, japi Dios matabija-elpi wɥt, jatis. Jatis wɥt, isfɥlas babijaxan, wajut isasiaspoxan. Me-ama asew jiw, Dios xabich kastikaxaespi, Dios nakjachisiabej xatisliajwa, nakkastikasia wɥt.

⁴ Jatis wɥt, Dios nakiowa nakbeltaefɥl, xabich naknejxasink xoton.

⁵ Xatis majt xabich babijaxan isfɥlas xot, me-ama patɥpawas wɥt, jatis Diosliajwa. Amwɥtjel xatis Jesús pejjiws. Samata, xatis, Jesús sɥapich, me-ama Dios nakmat-ia wɥt, jatis pejme duilaliajwas. Dios nakbeltaen xot, nakbɥ'wia.

⁶ Asamatkoi Dios xatisbej nakmat-eyaxael pejme duilaliajwas. Me-ama Jesús mat-ech pejme dukaliajwa, jachiyaxaelbej Dios xatisliajwa, Jesús sɥapich, chalakaliajwas Diosxotse naktato'laliajwas.

⁷ Jasox Dios jachiyaxael xatisliajwa, puexa jiw pajut chiekal matabijaliajwa, diachwɥajnakolax Dios xabich naknejxasink. Nakbeltaenbejpon, Jesucristo tɥp xot xatisliajwa.

⁸ Dios nakbeltaen xot, nakbɥ'wia, naexasich xot Jesús pejwɥajan. Samata, xatis kaenanɥla jɥmchiyaxisal: “Dios nakbɥ'wia, isas xot pachaempoxankal” –chiyaxisal, Dios nakbɥ'wia xot malech.

⁹ Dios nakbɥ'we-el, isas xot pachaempoxan. Samata, jkaenanɥla nabej jɥmchitis: “Dios nabɥ'wia, pachaempoxankal tajut tajaxtat isx xot” –nabej chitis!

¹⁰ Dios nakbu'wia Jesucristo pejiwaliajwas, xatisbej isliajwas pachaempoxankal. Dios japox chajia nejchaxoel xatisliajwa, xatis nalaela-esal wutfuk.

Chiekal duilpox Jesús pejwñajan naexasiti, asey jiw sñapich, kajachawaech xoti Jesús

¹¹ Xamal, judíos-emilpim, nejchaxoelam wut, ñnejchaxoelde ampox! Judíos, japi circuncidaspi Dios pejmarkaxliajwa, japi xamal majt nejwesla, xamal circuncida-emil xot.

¹² Jawut xamal matabija-emilfuk Jesucristo pejwñajan naexasisliajwam. Majt xamal Dios pejiwa-emil. Me-ama judíos, jachi-emil. Matabija-emilbej Dios jumdutpox xamalbej bu'welija.

¹³ Xamal majt Dios matabija-emil. Pe amwutjel, Cristo tup xot xamalliajwa, japon pejiwam. Chiekal matabijambej Dios.

¹⁴ Xanal judíos, xamal judíos-emilpimbej, amwutjel Jesucristo nakka-jachawaet xot, me-ama koews wut, jatis. Samata, amwutjel kaemuch. Xanal judíos, xamal judíos-emilpimbej, majt xatis nakaewa nanejweslas. Pe amwutjel, japox chiekal toep, Cristo tup xot cruztat xatis babijaxan isaspox-anliajwa.

¹⁵ Cristo tup xot xatis babijaxan isaspoxanliajwa, Moisés chajia lelpox tato'alpox, japox toep. Samata, xanal judíos, xamal judíos-emilpim sñapich, xatis Cristo pejiws, naexasich xot japon pejwñajan. Jatis wut, kaenanula xatis chiekal pachaems Diosliajwa, Cristo tup xot xatisliajwa.

¹⁶ Cristo tup wut cruztat, xanal judíos, xamal judíos-emilpimbej, kofas nakaewa xatis nanejweslaspox kaemutaliajwas. Jawutbej xatis chiekal pachaems Diosliajwa, naexasich xot Jesucristo pejwñajan.

¹⁷ Cristo pat wut ampthatat, xapaton chimiawñajan xatis kaenejchaxoelaxliajwas, chiekal duilaliajwas, asey jiw sñapich. Japon naewñajan japawñajan judíos-elpi. Japi jiw majt Dios matabija-el. Naewñajanbejpon judíos. Judíos chajia chiekal matabija Dios pejjamechan.

¹⁸ Xamal judíos-emilpim, xanal judíos-pinbej, Jesucristo tup xot puexa xatisliajwa, Dios pajut naktapaei japon Dios kawñajnalialjwas. Jatis wut, Espíritu Santo nakkajachawaesfal Dios kawñajnalialjwas.

¹⁹ Samata, xamal judíos-emilpim, amwutjel, me-ama asajiwa-emil wut, jachi-emil Diosliajwa. Amwutjel Dios pejiwam. Me-ama xanal judíos, jambej xamal amwutjel, judíos-emilpim. Samata, Diosliajwa, xatis chiekal koews, Dios pejiws xot.

²⁰ Xamal, me-ama Dios pejba wut, ja-am Diosliajwa. Jesucristobej, me-ama ia't, matxoelapijt batukso'tpijtalialjwa, kaes pejme pachaempot, ja-aech Jesús. Apóstoles, profetasbej, xamal matxoela naewñajan xot Dios pejjamechan, japi, me-ama asey ia' wut, matxoela-owaspi satat ba chiekal mamnikaliajwa, ja-aech japi jiw.

²¹ Xatis Cristo pejwñajan naexasich xot, chiekal kaemuch. Samata, xatis, me-ama Dios pejtemploba wut, jatis Diosliajwa.

²² Xamalbej, asey jiw sñapich, Cristo pejiwam xot, me-ama Dios pejtemploba wut, ja-am, Espíritu Santo duk xot nejmatpumatantat.

3

Pablo to'aspox naewñajnalialjwa judíos-elpi chimiawñajan, Jesús pejwñajan

¹ Xan Pablo, jiw jebatat najia, xamal, judíos-emilpim, naewñajna xot chimiawñajan, Jesús pejwñajan.

² Xamal chiekal matabijam. Dios nato'a xamal naewhajnaliajwan japawhajan, xabich pachaem xoton xanliajwa.

³ Dios nejchaxoel xamalbej beltaeliajwa. Japoxliajwa Dios xan natapaei chiekal matabijsliajwan, majt jiw matabija-elpoxfuk. Japoxliajwa amwutjel ampacartaxot kaejamechan lelax.

⁴ Xamal ampox carta xaljowam wut, najut chiekal matabijaxaelam Cristo pejwhajan xan matabijtaxpox. Japawhajan xamalliajwabej.

⁵ Majt Dios tapae-el japawhajan asew jiw matabijaliajwa. Amwutjel Dios tapaei apóstoles, profetasbej, japi matabijaliajwa japawhajan, Espíritu Santo kajachawaech xoti.

⁶ Majt japawhajan chiekal maliach. Chajia jiw matabija-el. Japawhajan amwut lelaxaelen. Judíos bu'weyaxaes Dios. Jachiyaxaesbej judíos-elpi, naexasit wuti Jesús pejwhajan. Amwutjel judíos-elpi, judíosbej, japi Cristo pejwhajan naexasiti, puexa japi, Cristo pejbu't wut, ja-aechi. Samata, Dios chaxduiyaxaes chajia jumdutpox judíos pejwhajnapijiwliajwa.

⁷ Dios nato'a chimiawhajan, Jesús pejwhajan, jiw naewhajnafulaliajwan, xan nabeltaen xoton. Dios nakajachawaesfulbej pejbichax isliajwan.

⁸ Xan kaes pachaema-enil. Me-ama puexa asew, Dios pejjiw, jachi-enil. Pe nakiowa, Dios natapaei naewhajnaliajwan judíos-elpi chimiawhajan, Jesús pejwhajan. Xatis chiekal matabijaxisal Jesúsliajwa, japon xabich pachaempón.

⁹ Dios, puexa ampathatat ispon, japon xan nato'a naewhajnaliajwan puexa jiw jumatabijaliajwa Dios bu'weyaxaespoex, judíos-elpibej. Dios majt tapae-el puexa jiw matabijaliajwa japawhajan.

¹⁰ Samata, amwutjel Jesús pejwhajan naexasiti, japi naewhajnaful wut japawhajan, ja-aech wut, ángeles, tato'alpi Diosxotse, pajut chiekal matabijaxael Dios puexa matabijtpox.

¹¹ Dios chajia nejchaxoel to'aliajwapon Jesucristo ampathat poxasik tupaliajwapon puexa jiwliajwa. Do japox diachwhajnakolax ja-aechlisox.

¹² Amwutjel xatis Jesús pejwhajan naexasich xot, Dios nejchachaemil. Samata, wajdala-el Dios kawhajnaliajwas.

¹³ Samata, xamal jum-an nejchaemilasamatam, jiw jebatat najia xoti nabijasliajwan, xamal, judíos-emilpim, naewhajnax xot. Xan amxotx pachaemaliajwa xamalliajwa. Samata, ¡xamal nejchachaemilde!

Cristo xabich naknejasinkpox

¹⁴ Xan nejchaxoelx wut Dios bu'weyaxaelpoxliajwa xamal judíos-emilpim, xan brixtat nukx waj-ax Dios kawhajnaliajwan xamalliajwa.

¹⁵ Japon kaen, waj-ax Dios. Puexa athxotsepi, puexa jiw ampathatpijiwbej, waj-ax Dios isas xot, duilaful.

¹⁶ Dios xabich mamnik. Xan Dios kawhajnax Espíritu Santo xamal kajachawaesfulaliajwa, kaes Dios chiekal xanaboejaliajwam.

¹⁷ Dios kawhajnaxbej xamal chiekal Cristo xanaboejaliajwam pomatkoicha, nejxasinkaliajwambej asew, naexasiti Jesús pejwhajan.

¹⁸⁻¹⁹ Dios kawhajnaxbej xamal, puexa asew, Jesús pejwhajan naexasiti suapich, chiekal matabijaliajwam Jesús xabich xatis naknejasinkpox. Xatis chiekal matabijaxisal Jesús naknejasinkpox. Xamal japox chiekal matabijaxaelam wut, me-ama Dios nejchaxoel pachaempoxan, xamalbej jachiyaxaelam.

²⁰ Xatis jumtis Diosliajwa: “Xam xabich pachaemam” –tis. Dios xabich kaes xajup nakkajachawaesliajwa. Samata, wuljows wut nakkajachawaesliajwa, nakkajachawaes-elon wuljowspoxtat. Dios kaes pejme

nakkajachawaet wuljowspoxliajwa. Japonbej ma inejchaxoelsdo', japox-tat nakkajachawaes-elon. Kaes pejme nakkajachawaeton. Dios nakkajachawaesful amwutjel xatis chiekal duilaliajwas, me-ama japon nejxasink.

²¹ Pomatkoicha xatis jumtis Diosliajwa: “Xam xabich pachaemam” — tis, Dios pejiws xot. Japox jumtis, Dios nakbu'wia xot, Jesucristo tɔp wut xatisliajwa.

4

Chiekal kaenejchaxoelaxpox Jesús pejwɔajan naexasiti, Espiritu Santo kajachawaech xot

¹ Xan jiw najia jiw jebatat, asew jiw naewɔajnax xot Jesucristo pejwɔajan. Xamal jum-an chiekal duilaliajwam, me-ama Dios xamal tato'al, japon xamal makanot xot pejiwaliajwam.

² Kaenanɔla xamal najutliajwa nejchaxoelam wut, jchiekal nejchaxoelde ampo: “Xan kaes pejme pachaema-enil. Me-ama asew jiw, jachi-enil” — amde, najut nejchaxoelam wut! jPachaemdebej asew jiwliajwa! jXamal kamta nabej nalale', asew jiw babijaxan is wut xamalliajwa! jXamal nakaewa naboejtalia'e, nakaewa chiekal nanejxasinkam xot!

³ Espiritu Santo xamal kajachawaet xot, kaemɔtam. Samata, jkaenejchaxoelaxde chiekal duilaliajwam bu'wɔajanjilaliajwam!

⁴ Xamal Cristo pejiwam xot, japon sɔapich, kaebu'tam wut, ja-am. Kaen Espiritu Santo xamal nejmatpɔatanxotbej. Xamal wɔajnewetam Dios chajia jumdutpox, xamal chaxduiyaxaelpox.

⁵ Xamalbej, kaen nejpaklon. Japon xamal chiekal xanaboejam bu'welialjwa. Xamal bautisam, kaen Cristo pejiwam xot.

⁶ Xamalbej kaen nejDios. Japonbej nej-ax. Puexa xamal tato'alpon. Japonbej xamal chalafɔl. Xamal kajachawaesfulbejpon.

⁷ Cristo nakxadiajk kaenanɔla bichaxan xatis nabichliajwas, japon pejbichax. Japon nakkajachawaetbej xajɔpaliajwas, nabistas wut japon pejbichax.

⁸ Samata, Dios pejjamechan, chajia lelspx, jum-aech wut, jum-aechox Cristoliajwa:

“Cristo athɔ poxase wut, japon matxoela malecha padaelmajiw. Pejiw, waelapipon ampathatat, japi kajachawaesfulaxaelon japi xajɔpaliajwa, nabist wut Diosliajwa” —aechox Cristoliajwa.

⁹ Dios pejjamechan, chajia lelspx, jum-aech wut, jum-aechox Cristoliajwa: “Kaxa nawiasaxoeyon athɔ poxase” —aechox, majt fuloek xoton ampathat poxasik.

¹⁰ Samata, chiekal matabijas athɔxotsik fuloekpon, japon pajut pejme kaxa nawiasa tato'laliajwa Diosxotsepi, ampathatpijiwbej.

¹¹ Jesús makanot pejiwxot asew apóstolesliajwa, asew profetasliajwabej. Makanotbejpon asew japon pejwɔajan naewɔajnaliajwa potɔajnɔchanpijiw. Makanotbejpon asew pastoresliajwa. Makanotbejpon asew japi chanaekabɔanaliajwa asew jiw japon pejwɔajan.

¹² Jesús jasoxtat pejiw makanot asew naewɔajnaliajwa japon pejwɔajan. Do jawɔx, japibej asew jiw naewɔajnaxael japon pejwɔajan. Ja-aech wut, asew, Jesús pejwɔajan naexasiti, kaes chiekal xanaboejaxaeli Jesús.

¹³ Do ja-aech wut, puexa xatis kaenejchaxoelaxaes Cristo xanaboejaspxliajwa. Jawutbej, chiekal matabijaxaes Dios paxɔlan, japon Cristo. Jatis wutbej, chiekal duilaxaes. Kaes pejme chiekal Dios xanaboejaxaesbej. Me-ama Cristo chiekal Dios xanaboejt, jachiyaxaesbej xatis.

¹⁴ Xatis chiekal xanaboejas xot Cristo, tampoela-el xatis naknaekichachajbaliajwa, me-ama yamxi. Asew jiw chiekal matabija chanaekabuana xat naekichachajbaliajwa asew jiw. Japi jiw chanaekabuana wut pajel-naewuajanax, me-ama Dios pejjamechan wut, ja-aechipox. Japi jiw nejxasink xatis naexasisliajwas japi naewuajanpox naknaekichachajbaxtat.

¹⁵ Xatis jiw nejxasinkas xot, naewuajanaxaes diachwujnakolaxtat Diosliajwa. Jatis wut, chiekal pachaemaxaes. Me-ama Jesús wajpaklon, jachiyaxaes pachaemspox.

¹⁶ Puexa xatis, Jesús pejuajan naexasichpis, Cristo pejjiws. Samata, xatis, japon suapich, kaebu'tas wut, jatis. Wajbu'anxot xabich maenk pawiwulan, pathiwulanbej. Pe puexa chiekal najupa-el. Japoxanxot, kaenanula wajbu'anxot, xabich pachaem asaxanliajwa. Jatisbej xatis. Kaenanula isas Cristo naktato'alpoxan. Xatis nakaewa nakajachawaesaxaes bichaxan isas-poxanliajwa. Nakaewa nanejxasinkaxaesbej kaes pachaemaliajwas, me-ama wajpaklon Jesús, jachiliajwas xatis.

Jesús pejuajan naexasiti nejchaxoelpox, pajelnejchaxoelaxan, chiekal duilaliajwa

¹⁷ Xan lelx ampox xamalliajwa, wajpaklon Jesucristo nato'a xot. ¡Nabej is babijaxan! Me-ama asew jiw, Dios matabija-elpi, xabich babijaxan is, ¡xamal nabej ja-aeche! Babijaxan ispi xabich asaxan nejchaxoel, pachaemelpoxan Diosliajwa.

¹⁸ Japi nejxasinka-el matabijaliajwa Dios pejjamechan. Nejxasinka-elbejpi matabijaliajwa pajelnejchaxoelaxan chiekal duilaliajwa. Japi pejnechaxoelaxan itkua'nikxot, nejxasinka-elbejpi matabijaliajwa Dios.

¹⁹ Babijaxan is wutbejpi, chinax padala-el. Samata, puexa xabich pachaema-elpoxan isful. Kofa-eli japoxan.

²⁰ Xamal Cristo pejuajan chiekal matabijam xot, ¡nabej is babijaxan! Me-ama japi jiw, ¡nabej ja-aeche!

²¹ Diachwujnakolax xamal jumtaenam, asew naewuajan wut Jesucristo pejuajan. Chiekal matabijambej japawuajan, diachwujnakolaxpox.

²² Samata, majt babijaxan isampoxan, ¡ma amwut kofim! Xamal japoxanliajwa nejchaxoelam wut, japoxan xamal naekichachajbaxael isliajwam babijaxan.

²³ Samata, ¡nejchaxoelde pachaempoxan isliajwam! Me-ama asew jiw, naexasiti Jesús pejuajan, nejchaxoel pajelnejchaxoelaxan, ¡xamalbej ja-amde, nejchaxoelam wut!

²⁴ ¡Nejchaxoelde pajelnejchaxoelaxan! Me-ama Dios xabich pachaem, ¡xamalbej ja-amde! ¡Isfulde puexa pachaempoxan, me-ama Dios tato'al!

²⁵ Samata, ¡kaes asew jiw nabej kichachajbe! ¡Amwutjel diachwujnakolaxpoxkal nakaewaliajwa najum-amsfulde, xatis chiekal kaemuch xot!

²⁶ Xamal nalala wut, ¡babijaxan nabej is! Juimt tuila wut, ¡kaes nabej nalale!

²⁷ Xamal nalala wut, ¡nabej tapae' Satanás naekichachajbaliajwa, babijax isasamatam!

²⁸ Xamal natkowapijwam wut, ¡ma amwut kofim natkowampoxan! ¡Najut chiekal nabisde! Dios nejxasink xamal najut nabichliajwam bichaxan, pachaempoxan. Ja-am wut, xajupaxaelam kajachawaesliajwam jiw kijila.

²⁹ ¡Nabej jum-aeche'bej babejjamechan! ¡jum-amdelax chimiajamechan! Ja-am wut, asew jiw kajachawaesaxaelam japi jiw kaes Dios xanaboejalijwa.

³⁰ ¡Nabej is babijaxan Espiritu Santo nejxaejwasamatas xamalliajwa! ¡Nabej jum-aeche'bej babejjamechan! Dios to'a Espiritu Santo xamal nejmatpɥatanxotaliajwa, kajachawaesliajwabej chiekal matabijaliajwam japon pejjiwampox. Samata, asamatkoi, wajpaklon Jesucristo pejme pask wɥt, xatis nakbɥflaeyaxaelon athɥ poxase.

³¹ ¡Xamal kofim piach nejchaxoelampox asew babijaxan ispiliajwa xamalliajwa! ¡Xabich piach nabej ulatae'bej asew jiw! ¡Nabej losbej asew jiw! ¡Nabej bu'wɥajanpae'bej asew jiw! ¡Kofimbej nejmachbabijaxan!

³² ¡Isfulade pachaempoxan nakaewaliajwa! Pe kaen aton babijax is wɥt, ¡beltaem japoxliajwa! Dios xamal beltaen babijaxan isampoxanliajwa, Jesucristo tɥp xot. Samata, ¡xamalbej beltaem, asew jiw babijaxan is wɥt xamalliajwa!

5

Jesús pejwɥajan naexasiti machiyaxaelpox Dios nejchachaemlaliajwa japiliajwa

¹ Dios xamal xabich nejxasink, japon paxim xot. Samata, xamal isfulaxaelam pachaempoxan. Me-ama Dios isful pachaempoxan, ¡xamalbej jamamsfulde!

² ¡Nejxasinkafulde asew jiw! Me-ama Jesucristo naknejxasink, ¡jamamsfuldebej xamal asew jiwliajwa! Japon xatis naknejxasink xot, pajut natapaeipon asajiw boesaliajwas nakwemosliajwa xatis babijaxan isaspoxanliajwa, Dios nakbeltaeliajwa. Samata, Dios nejchachaemil, Jesús tɥp wɥt xatisliajwa.

³ Xamal Dios pejjiwam xot, ¡nabej is puexa pachaema-elpoxan, asew jiw xamal bu'wɥajanpaesamata! Samata, nejchaxoelam wɥt, ¡nabej nejchaxoele' asew watho' bu'moejsaxan, nijwa-elpow! Nejchaxoelam wɥt, ¡nabej nejchaxoele'bej asew jiw pejew kinosliajwam!

⁴ ¡Nabej jum-aeche'bej babejjamechan, wajdalaxaelpoxan! ¡Nabej jum-aeche'bej nejliaklaxan! Japoxan jum-am wɥt, japoxan pachaemaxil. ¡jum-amdela Diosliajwa: “Dios, xam xabich pachaemam, nakajachawaetam xot” —amde Diosliajwa!

⁵ Xamal chiekal matabijam. Asew poejiw pijowpi, asew watho' naebu'moejt wɥti, japi poejiw pasaxil Jesucristoxotse, pax suapich, tato'axotse. Asaxan pachaema-elpoxan ispibej, japibej pasaxil jaxotse. Asew pejew kinosasiapi, japibej pasaxil Diosxotse, kaes nejxasink xoti pejewkal. Pe japi nejxasinka-el Dios.

⁶ ¡Nabej tapae'bej asew jiw xamal naekichachajbaliajwa isliajwam Dios fiatpoxan! Jiw, ispi japoxan, Dios kastikaxaesi.

⁷ ¡Japi ispoxan xamal nabej is!

⁸ Xamal majt babijaxan isfulam, chiekal naexasis-emil wɥtfɥk Dios. Samata, majt nejnejchaxoelaxan, me-ama itkɥa'nik wɥt, ja-aech. Amwɥtjel chiekal duilam, Dios pejjiwam xot. Samata, amwɥtjel nejnejchaxoelaxan, me-ama itliak, naexasitam xot Jesús pejwɥajan.

⁹ Xatis laelpas wɥt, chiekal laelpaxaes, me-ama Dios nejxasink. Isfulaxaesbej pachaempoxan. Nakaewa najumchiyaxaesbej diachwɥajnokolaxpoxan.

¹⁰ Nejchaxoelam wɥt, ¡nejchaxoelde isliajwam Dios nejxasinkpoxan!

¹¹ Naexasis-elpi Jesús pejwɥajan, japi babijaxan isful wɥt, ¡xamal japi nabej nakxatae' japoxan isasamatam! ¡Xamallax japi jiw naewɥajande kofaliajwa babijaxan ispoxan!

¹² Japi jiw maliach ispoxan, kaen aton jumchiyaxael wut asew jiwliajwa, japon aton xabich padalaxael japoxanliajwa.

¹³ Xamal naewuajnam wut japi jiw Jesús pejwuajan, ja-am wut, japi pajut matabijaxael babijaxan ispoxan.

¹⁴ Samata, ja-aech wut, japilax isaxael pachaempoxan. Chajia lelsbox jum-aech wut, jum-aechox:

“Xamal babijaxan isfulam wut, napelsaxaelam Diosliajwa. Samata, jkofim babijaxan isampoxan! Dios xamal bu'weliajwa, Cristo tɔp” —aechox.

¹⁵ Samata, duilam wut, jchiekal taem babijaxan isasamatam! jNabej duile', me-ama Jesús pejwuajan naexasis-eli! jChiekal duilafulde! Me-ama chiekal matabijapi Jesús pejwuajan, ja-amde, xamal duilafulam wut!

¹⁶ Ja-am wut, xajupaxaelam isliajwam pachaempoxan. jJapoxan isfulde, xabich asew jiw babijaxan isful xot!

¹⁷ Xamal, me-ama nejliaklawam wut, jnabej ja-aече'! jMajt chiekal ne-jchaxoelde isaxaelampoxan, isliajwam Dios nejxasinkpoxan!

¹⁸ jXamal saxa nabej fe' babijaxan isasamatam! jXamallax naexasisfulde Espiritu Santo tato'alpoxan, chiekal duilaliajwam, me-ama Dios nejxasink!

¹⁹ Asew jiw suapich, natamejlam wut, jajuum Diosliajwa Dios pejjajui, xabich nejchachaemlam xot Diosliajwa!

²⁰ Waj-ax Dios naktaen, kawuajnas wut, naexasich xot Jesús pejwuajan. Samata, pomatkoicha Dios graciaschixaxaes puexa japon ispoxanliajwa xatisliajwa.

Machiyaxaelpox Jesús pejwuajan naexasiti chiekal duilaliajwa, pejbapijiw suapich

²¹ Nakaewa natato'lam wut, jchiekal na-ow-amde xamalxot wuajan ajilaliajwa! jJa-amde, xamal xabich sitaenam xot Cristo!

²² Xamal watho'am, nejmol tato'al wut, jow-amde! jNaexasisfulde, nejmol tato'al wut! Me-ama wajpaklon Jesucristo tato'alpox chiekal naexasisfulam wut, ja-amsfulde xamal watho'am nejmolliajwa!

²³ Dios tapaei Cristo tato'laliajwa jiw naexasiti japon pejwuajan. Dios tapaeibej kaenanula poejiw tato'laliajwa pejwatho'. Jesucristo tɔp xot, nakwemot xatis babijaxan isaspoxanliajwa Dios nakbu'weliajwa. Samata, puexa xatis Cristo pejjiws, naexasich xot Cristo pejwuajan.

²⁴ Xatis, naexasichpis Jesús pejwuajan, naexasisaxaes Jesucristo tato'alpox. Watho'bej kaenanula naexasisaxael pamal tato'laspox.

²⁵ Xamal poejwam, jnejxasinkde nejwatho'! Me-ama Jesucristo xatis kaenanula naknejxasink, naexasichpis japon pejwuajan, ja-amsfulde xamal poejwam, nejxasinkam wut nejwatho'! Japon pajut natapaei asajiw boesaliajwas. Tɔp wut, nakwemoton xatis babijaxan isaspoxanliajwa.

²⁶ Jesucristo jasoxtat nakwemot xatis babijaxan isaspoxanliajwa, naexasichpis japon pejwuajan matabijaliajwas, pachaemaliajwas Diosliajwa. Xatis nakbautisa wut, japox jiw chiekal matabijaliajwa puexa xatis babijaxan isaspoxan nakwe-ajilpox Diosliajwa.

²⁷ Jesucristo pejme athulelsik pask wut, japon taesia puexa xatis chiekal naexasichpox japon pejwuajan.

²⁸ Samata, xamal poejwam, me-ama najut nanejxasinkam wut, ja-amsfuldebej kaenanula nejwatho'liajwa! Pijow nejxasinkpon, japon atonbej pajutliajwa chiekal nanejxasink.

²⁹ Kaen aton pajutliajwa nanejwesla-el. Japon aton pajutliajwa chiekal natataeful. Japon chiekal xaelbej naxaeyaxan mamnikaliajwa. Jatisbej xatis, Cristo pejwuajan naexasichpis. Cristo chiekal naktataeflaful.

³⁰ Puexa xatis, Cristo pejbu't wut, jatis. Samata, japon naktataeflaful.

³¹ Dios pejjamechan, chajia lelspos, jum-aech wut, jum-aechox: “Aton pawis fit wut, pax, penxot dukaxil. Japon pejlel dukaxael, pijow srapich, japi pajut natataeflaliajwa. Majt japi kolenje. Japi nanot wut, me-ama kaen wut, ja-aechlisi” —aech Dios pejjamechan.

³² Dios pejjamechan, chajia lelspos, japox jum-aech wut, xabich pachaem xatis matabijaliajwas. Majt matabija-esal japox. Japox jum-aechbej xatis amwutjel matabijaliajwas Cristo pejjiwspox. Samata, xatis Jesús pejwajaan naexasichpis, Diosliajwa, Cristo srapich, kaebu'tas wut, jatis.

³³ Samata, xamal poejwam, ichiekal nejxasinkafulde nejwatho'! Me-ama xamal najut nanejxasinkam wut, ja-amsfulde! ¡Watho'bej, nej sitae' pamaljiw!

6

¹ Xamal yamxim, ¡kaenanula nej-ax, nej-enbej, chiekal naexasisfulde! ¡Ja-amsfulde, xamal naexasitam xot Jesús pejwajaan! Japox Dios pejjamechan jum-aech xamal yamxim chiekal naexasisliajwam nej-ax, nej-enbej.

²⁻³ Dios pejjamechan, chajia lelspos, jum-aech wut, jum-aechox: “¡Sitaem nej-axjiw, nej-enjiwbej! Ja-amsfulam wut, puexa pachaemaxael xamalliajwa. Pin-iawaechan laelpaxaelambej ampathatat” —aech Dios pejjamechan. Dios to'a wut japox tato'lax, jumdutbejpon kajachawaesliajwa naexasitpi japox tato'lax.

⁴ Xamal paxjiwam, naxi to'am wut, ¡nabej tato'le' palaeyaxtat, naxibej palalasangata xamalliajwa! ¡Chiekal tato'alde naxi xamal chiekal naexasisliajwa, Dios nejchachaemlaliajwa xamalliajwa!

⁵ Xamal esclavos, ichiekal naexasisfulde, nejpaklochow tato'al wut! Japi owam wut, ¡isde chiekal! ¡Pomatkoicha chiekal nabichfuldebej nejpaklochowliajwa! Me-ama Cristoliajwa nabistam wut, ja-amsfulde, nejpaklochow tanbistam wut!

⁶ Asew jiw chiekal nabist, pejpaklochow tataeflas wut, pejpaklochow chiekal nejchachaemlaliajwa japiliajwa. Pe paklochow tataefla-esal wut, japi chiekal nabich-el. ¡Xamal jasox nabej ja-aeché! ¡Xamal chiekal nabisde! Me-ama Jesucristo pejjiw chiekal nabist, ¡xamal ja-amde puexa nejpamamaxtat, nabistam wut nejpaklochowliajwa! Japoxlap Dios nejxasink xamal isliajwam.

⁷ Xamal asew jiwliajwa nabistam wut, ichiekal nabisde! Jawut, nejchaxoelam wut, ¡nejchaxoelde ampox: “Nabistax wut, nabichaxaelen, me-ama Cristoliajwa nabistax wut, jachiyaxaelen” —amde, nejchaxoelam wut! Me-ama majt xamal asbuan jumch asew jiwliajwa chiekal nabich-emil, ¡jasox nabej ja-aeché, amwutjel nabistam wut!

⁸ Xamal esclavos, esclavos-emilpimbej, chiekal matabijam Dios pajut xamal chaxduiyaxael, kaenanula chiekal nabistam wut Jesúsliajwa.

⁹ Xamal paklochwam, ¡pachaemde namakjiwliajwa! ¡Nabej bu'athiye', namak tato'lam wut! Xamal paklochwam, nejchaxoelam wut, ¡nejchaxoelde ampox! Xamalbej nejpaklon. Japon Dios, athuxotsepon. Diosbej paklon namakliajwa. Dios puexa xatis chiekal naktaen. Samata, xatis kaenanula Dios nakkastikaxael, isas wut babijaxan. Samata, xamal namak tato'lam wut, ichiekal tato'alde!

Pajut chiekal natataeflaxaelpox Jesús pejwajaan naexasiti, Satanás naekichachajbasamatas

¹⁰ Takoew, Dios pejjiwam xot, ¡xamal kaes mamnikde Dios pijaxtat japon xanaboejampoxliajwa!

¹¹ Soldaw nabeliajwa wut, patiya naxoei, padaelmajiw xua'balas wut xakolasamatas. Xamalbej jachiyaxaelam. ¡Dios chaxduwproxan naxoem mamnikaliajwam! Japoxan naxoeyam wut, Satanás xajupaxil xamal malechaliajwa, xapaeja wuton xamal babijax isliajwam.

¹² Xatis nabaes wut, nabe-esal, jiw suapich. Xatislax nabaes, taeyaxisalpi suapich. Japi, Satanás pejjiwpi, “dep” –tispi. Japon jiw tato'al, babijaxan ispi ampathatat. Tato'albejpon puexa dep, nanuamti pothata.

¹³ Samata, xamal nabeyax wuajna, ¡chiekal thilsfulde! ¡Dios chiekal xanaboejimbej! Ja-am wut, Satanás pijaxtat babijax pat wut, xamal xajupaxaelam chiekal mamnikaliajwam.

¹⁴ Soldaw patiya naxoei, padaelmajiw xua'balas wut xakolasamatas. Do jawux, padaelmajiw suapich, naba wuti, japi soldaw dukpaxil. Kaekawutat nuilpi nabeliajwa. Xamalbej, ¡ja-amde! Samata, ¡Dios chiekal xanaboejim, Satanás xapaeja wut malechasamata, chiekal xamal matabijam xot Dios pejjamechan, diachwuajnakolaxpox! ¡Isfuldebej puexa pachaempoxan!

¹⁵ ¡Xamal chiekal thilsfulde naewuajnalialjwam chimiawuajan, Jesús pejwuajan, jiw chiekal pachaemaliajwa Diosliajwa!

¹⁶ Soldaw xafol patiyaxan, pawulpox escudo, xat-elbalaliajwa, itkua'balaliajwabej japoxantat, padaelmajiw buyan tamduwpi, xapajaldan wut japilel. Xamal, me-ama soldaw, ¡ja-amsfulde! Dios chiekal xanaboejampox, me-ama escudos, jachiyaxael. Samata, ¡Dios chiekal xanaboejim xamal kajachawaesliajwa, Satanás xapaeja wut, xamal babijaxan is-elaliajwam!

¹⁷ Soldaw matlua'abej patiyaxan, pawulpox casco, padaelmajiw matnaebijlas wut buyatat xakolasamatas. Xamal naexasitampim Jesús pejwuajan Dios bu'weyaxael. Japox xamalliajwa, me-ama casco, ja-aech. Soldaw xafol espada padaelmajiw beliajwa. Xamalbej, me-ama japi, ¡ja-amde! Dios pejjamechan, me-ama espada, ja-aech, Espíritu Santo chaxdutupowa, xamal Satanás malechaliajwam, xamal naekichachajbasia wuton.

¹⁸ ¡Xamal Dios kawuajande pomatkoicha! Me-ama Espíritu Santo xamal tato'al kawuajnalialjwam, ¡ja-amsfulde! ¡Dios kawuajandebej puexa asew jiwliajwa, Dios pejjiwpiliajwa!

¹⁹ ¡Dios kawuajandebej xanliajwabej nakajachawaesliajwa, naewuajnax wut judíos-elpi! ¡Dios kawuajandebej, xan tajlewla-elaliajwa japi naewuajnax wut chiekal jumatabijaliajwa chimiawuajan, majt matabija-elpox Dios bu'welias!

²⁰ Dios nato'a jiw naewuajnalialjwan japawuajan, wuajan xananuamsan wut, jachiliajwan. Samata, xan amwutjel jiw jebatatax. ¡Xanliajwa Dios nawekawuajande tajlewlasmata, asew jiw naewuajnax wut Diosliajwa!

Pablo saludos xato'apox, carta lelax kitoesliajwa wut

²¹ Wajkoewan Tíquico, puexa xatis nejxasinkaspon, japon xamalxot pa'a wut, puexa tajwuajan chapaeyaxaelon. Tíquico chiekal nakajachawaet, Dios pijax bichax isfulax wut.

²² Samata, xan to'ax Tíquico xamal poxade. Ja-aech wut, kofaxaelam xabich nejchaxoelampox xanliajwa.

²³ Waj-ax Dios, wajpaklon Jesucristobej, kawuajnax xamal kajachawaesliajwa chiekal duilaliajwam, asew jiw suapich. Kawuajnaxbej nakaewa nanejxasinkaliajwam, Dios xanaboejam xot.

²⁴ Xan Dios kawuajnaxbej japon kajachawaesliajwa puexa naexasiti Jesús pejwuajan, japi jiw, xabich nejxasinkpi wajpaklon Jesucristo.

Pablo lelpox carta Filipos paklowaxpijiwliajwa

Pablo lelpox carta Filipos paklowaxpijiwliajwa

¹ Xan Pablo, Timoteo s̄apich, nabistax Jesucristoliajwa. Lelx ampox carta xamal Filipos paklowaxpijwamliajwa. Dios pejjiwam, naexasitam xot Jesús pejw̄ajan. Ampox cartabej ancianosliajwa, diáconosliajwabej, japi xamalxotpi.

² Xan kaw̄ajna x waj-ax Dios, wajpaklon Jesucristobej, japi xamal kajachawaesliajwa, chiekal duilaliajwambej, asex jiw s̄apich.

Pablo Dios kaw̄ajanpox Jesús pejw̄ajan naexasitiliajwa

³⁻⁵ Nejchaxoelx w̄ut xamalliajwa, Diosliajwa gracias-an, japon xamal kajachawaet xot. Xamalxotx w̄ut, jelnaexasitam w̄ut Jesús pejw̄ajan, xamal xan nakajachawaetam, asex jiw naew̄ajnalialjwan chimiaw̄ajan, Jesús pejw̄ajan. Amw̄utjelbej nakiowa nakajachawaesfulam. Samata, xan nejchachaemlax xamalliajwa, Dios kaw̄ajna x w̄ut.

⁶ Xan chiekal matabijtax, Dios xamalxot t̄adut kajachawaesliajwa nejnejchaxoelaxan pachaemaliajwa, isfulaliajwam pachaempoxan. Dios japox isfulaxael, hasta Jesucristo pejme fuloek w̄ut.

⁷ Puexa xan nejchaxoelxpro xan xamalliajwa, xabich pachaem, xamal xabich nejxasinkax xot. Xan jiw jebatax w̄ut, jiw tato'alpi w̄ajnalelan w̄utbej, jaw̄ut xan jum-an japi paklochow chiekal naj̄mtaeliajwa: “Chimiaw̄ajan, Jesús pejw̄ajan, diachw̄ajnakolax jiw bu'weliajwas” –an, naew̄ajna x w̄ut. Xamal plata naxto'am xanliajwa nakajachawaesliajwam, jiw naew̄ajna x w̄ut Jesús pejw̄ajan. Dios nabeltaen xot, nato'a Jesús pejw̄ajan jiw naew̄ajnalialjwan.

⁸ Dios matabijt, xamal xabich taesianpox, xabich nejxasinkax xot. Me-ama Jesús xamal xabich nejxasink, xanbej, ja-an, xamal nejxasinkax w̄ut.

⁹ Xan Dios kaw̄ajna x xamal nakaewa kaes chiekal nanejxasinkaliajwam. Dios kaw̄ajna xbej xamal japon kaes chiekal matabijaliajwam.

¹⁰ Xamal ja-am w̄ut, matabijaxaelam isliajwam kaes pachaempoxan. Ja-am w̄ut, chiekal duilaxaelam. Samata, asamatkoi Cristo pejme pask w̄ut, xamal chiekal bu'w̄ajanjilaxaelam.

¹¹ Kaen Cristo xaj̄p xamal kajachawaesliajwa isliajwam pachaempoxan. Ja-am w̄ut, xamal chiekal duilaxaelam. Samata, asex jiw Dios sitaeyaxael.

Pablo chiekal dukpox, Cristo pejw̄ajan naexasit xot

¹² Takoew, xan nejxasinkax xamal chiekal matabijaliajwam jumchiyaxaelenpox. Jiw jebatat xan najia, pot̄aj̄n̄ucha kaes asex jiw naew̄ajnasamatan chimiaw̄ajan, Jesús pejw̄ajan. Pe nakiowa, xabich jiw kaes naexasisful Jesús pejw̄ajan, xan jiw jebatax w̄ut.

¹³ Puexa gobernador pejbapijiw, asex jiwbej, matabija jiw jebatat asex jiw xan najiapox, naew̄ajnafulax xot Cristo pejw̄ajan asex jiwliajwa.

¹⁴ Jesús pejw̄ajan naexasiti naw̄ultaen w̄ut asex jiw xan najiapox jiw jebatat, japi kaes Dios xanaboeja kajachawaesliajwas. Samata, pejlw̄la-eli naew̄ajnafulaliajwa Jesús pejw̄ajan asex jiwliajwa.

¹⁵ Diachw̄ajnakolax asex jiw naew̄ajan Jesús pejw̄ajan, xan nanusasiowal xoti. Japi xabich kaes jiw naew̄ajan, nejxasink xoti jiw kaes sitaeliajwas. Me-ama xan jiw nasitaen w̄ut, jachi-elasiapi. Japi jiw xabich

kaes nejxasink jiw sitaeliajwas. Asew jiw lax naewuajan Jesús pejuajan, japi nejxasink xot asew jiwbej Jesús pejuajan chiekal naexasisliajwa.

¹⁶ Japilax naewuajan asew jiw Jesús pejuajan, xan nanejxasink xot. Japi pajut chiekal matabija, Dios natapaei jiw jebatat jiw najeliajwa, jaxotx wut paklochow jumchiliajwan: “Chimiawuajan, Jesús pejuajan, diachwuajnakolax jiw bu'welijaes” —chiliajwan paklochow.

¹⁷ Jiw, xan nanusasiowalpi Jesús pejuajan naewuajnaprox, japi xabich kaes naewuajan jiw, xabich kaes sitaeliajwas. Samata, nakaewa najumaechi: “Amwutjel Pablo jiw jebatat nakwultaen wut xabich xatis jiw naewuajnaprox Jesús pejuajan, kaes xabich nejxaejwaxaeson” —na-aechi nakaewa.

¹⁸ Xan japoxliajwa nanejxaejwaxil, japi jiw xamal chiekal naewuajan wut Jesús pejuajan. Puexa japi jiw naewuajanproxliajwa, xan nejchachaemlax japoxliajwa.

Xan kaes nejchachaemlaxaelenbej.

¹⁹ Xamal pomatkoicha Dios kawuajnam xanliajwa. Espíritu Santo, Jesucristo to'aspon, xan nakajachawaet. Samata, matabijtax asamatkoi nakolaxaelenprox amxot, jiw jebatat.

²⁰ Xan tajlewt naewuajna-enil wut Jesús pejuajan, ja-aech wut xan tadalaxael. Pe amwutjel, amxot, jiw jebatat wut, nakiowa naewuajnafulax Jesús pejuajan, Dios xanaboejsfulax xot. Asamatkoi, paklochow wuajnalelan wut, jumchiyaxaelen naewuajnafulaxprox. Jawut, naboesa wut, o, naboesa-el wutbej, japoxan koloeyaxan xanliajwa chiekal pachaemaxael. Xan nejxasinkax jiw sitaeliajwa Cristo.

²¹ Japox koloeyaxliajwa nejchaxoelxbej: “Laejax wutfuk, isfulaxaelen Cristo nejxasinkproxan. Pe tux wutbej, Cristoxotaxoeyan. Tux wut, japox xanliajwa kaes pejme pachaem” —an, nejchaxoelx wut.

²² Laejax wutfuk, nabichaxaelen Jesucristoliajwa. Samata, chiekal matabijs-enil, achax kaes pejme pachaem xanliajwa, ampathatat laejax, o, tupaliajwanprox.

²³ Japoxan, koloeyaxxot, tampoel chiekal matabijsliajwan, masox koloeyaxxot kaes pejme pachaem xanliajwa. Pachaem Cristotaliajwan, tux wut. Japox xanliajwa xabich kaes pejme pachaem.

²⁴ Xan laejax wutfuk ampathatat, kaes pejme pachaem xamal kajachawaesliajwan.

²⁵ Xan chiekal matabijtax. Laejax wutfuk, xamal chiekal kajachawaesfulax kaes Dios chiekal xanaboejalijwam, kaes chiekal nejchachaemlaliajwambej, Jesús pejuajan naexasisfulam xot.

²⁶ Asamatkoi, pejme xamalxotaxaelen wut, xamal jumchiyaxaelam Jesucristo jumtaeliajwa: “Gracias, Pablo pejme pat xot xanalxot” —chiyaxaelam xanliajwa.

²⁷ ¡Xamal isfulde Jesucristo pejuajanxot jum-aechprox! ¡Jasox ja-amsfulde, xan xamalxotx wut, o, xamalxota-enil wutbej! Xan jumtaesianbej xamal chiekal duilamprox kaenejchaxoelaxtat, Jesús pejuajan naexasitam xot. Jumtaesianbej, xamal asew jiw naewuajnaprox Jesús pejuajan, japi jiwbej naexasisliajwa japawuajan Dios bu'welijaesbejpi.

²⁸ Jesús pejuajan naexasis-eli, is wut babijaxan xamalliajwa, ¡nabej nejlewe! Ja-am wut, japi jiw pajut matabijaxael asamatkoi japi Dios kastikaxaesprox. Jawutbej pajut chiekal matabijaxaeli xamallax Dios bu'weyaxaelprox. Puexa japoxan jachiyaxael.

²⁹ Dios tapaei xamal naexasisliajwam Jesús pejwɔajan. Dios tapaeibej nabijasliajwam, naexasitam xot Jesús pejwɔajan.

³⁰ Xan nabijatax, asew jiw babijaxan is wɔt xanliajwa, naexasitx xot Jesús pejwɔajan. Xamalbej nabijatam japi jiw pijaxtat. Xamal nataenam, majt nabijatax wɔt. Amwɔtjel nakiowa nawɔltaenam nabijataxpoxfɔk.

2

Puexa jiw chimiajamechan jɔmchiyaxaelpox Cristoliajwa

¹ Jesús pejwɔajan naexasitam xot, Dios xanaboejam. Xamal najut matabijambej Cristo xamal nejxasinkpox. Samata, xamal nejchaxoela-emil asaxan. Espiritu Santo xamal nejmatpɔatanxotpon. Samata, chiekal pachaemam nakaewaliajwa. Nabeltaenambej nakaewa.

² Samata, jxamal isfulde xan to'axpox, xan nejchachaemlaliajwan xamalliajwa! jXamal nakaewa nanejxasinkde! jXamal isaxaelampox isfulde kaanejchaxoelaxantat!

³ Xamal nejchaxoelam wɔt, jnabej nejchaxoele' ampox: “Xan isxpoxan, japoxan xan tajutliajwa” —nabej aeche'! jNabej nejchaxoele'bej: “Ampoxan isx jiw xabich nasitaeliajwa” —nabej aeche', nejchaxoelam wɔt! Xamal najutliajwa nejchaxoelam wɔt, jnejchaxoelde ampox: “Xan kaes pachaema-enil. Me-ama asew jiw, xabich pachaempi, xan jachi-enil” —amde, nejchaxoelam wɔt!

⁴ Xamal nejchaxoelam wɔt, jnabej nejchaxoele'bej isliajwam pachaempoxan xamal najutliajwakal! jNejchaxoelde isliajwam pachaempoxan asew jiwliajwabej!

⁵ Me-ama Jesucristo nejchaxoel, jjasox xamalbej nejchaxoelde!

⁶ Jesucristo chiekal najɔp, pax Dios sɔapich. Pe japon jɔmbisnika-el, me-ama pax Dios wɔt, jachiliajwa.

⁷ Samata, kofton tato'alpox Diosxotse fɔlaeliajwa ampalthatasik. Ja-aech wɔt, nalaelton ampalthatat. Japon chiekal ti't wɔt, me-ama nejmach-aton wɔt, ja-aechon.

⁸ Ampalthatat wɔton, pajut nejxasinkpoxan is-el. Japonlax isful Dios nejxasinkpoxan. Samata, pajut natapaeipon asajiw boesaliajwas, Dios to'as xoton japox jachiliajwas. Jatis wɔt, japon tɔp cruztat. Me-ama xabich babijaxan ispon wɔt, jakitison, kimatamatlas wɔt cruztat.

⁹ Jatis wɔton, japon Dios mat-ech pejme dukaliajwa. Bɔ'fosbejpon athɔpoxase, kaes paklon nadofaliajwa, puexa tato'laliajwabejpon. Kaes asan ajil, me-ama japon, jason.

¹⁰ Dios jasox to'a Jesús, puexa jiw brixtat nuilaliajwa Jesús pejwɔajnalel, puexa athɔxotsepi, ampalthatpijiwbej, infiernoxtotpijbej.

¹¹ Puexa jiw jɔmchiyaxael Jesúsliajwa: “Japon paklon puexa jiwliajwa” —chiyaxaespon. Ja-aech wɔt, puexa jiw pajut matabijaxael Dios diachwɔajnakolax xabich pachaem.

Jesús pejwɔajan naexasiti ampalthatat, me-ama itliak wɔt, ja-aechi

¹² Takoew, xamal nejxasinkaxpim, majt xamalxotx wɔt, xamal xan nanaexasitam. Amwɔtjel, atɔajan wɔt, jkaes pejme nanaexasisfulde! Kaenanɔla xamal chiekal duilam, Dios xabich sitaenam xot, naexasitam xotbej Jesús pejwɔajan.

¹³ Dios xamal kajachawaesful xot, nejxasinkam isliajwam Dios nejxasinkpoxan. Dios nejxasinkpoxan isaxaelam wɔt, japon kajachawaesfulaxaelbej xamal japoxan isliajwam.

14 Kiwesla wut asax isliajwam, ¡nakiowa isde! ¡Nabej jum-aeche' babej-jamechan japoxliajwa! ¡Nakaewa nabej nalosbej!

15 Ja-am wut, asew jiw babejjamechan jumchiyaxil xamalliajwa. Dios paxim xot, ¡chiekal duilafalde jiw babejchowxot! Ja-am wut, xamal, me-ama ithaej, madoi itliak wut, jachiyaxaelam japi jiwliajwa.

16 ¡Jiw babejchowxot naewhajande Jesús pejwajajan japi jiw chiekal matabi-jaliajwa, chiekal duilaliajwabejpi pajelnejchaxoelaxantat! Ja-amsfulam wut, Cristo fuloek wut, xan nejchachaemlaxaelen xamalliajwa. Matabijtax xan nawenafo'axilpox, xamal naewhajanaxpox.

17 Dios nejchachaemil, xamal naexasitam xot Cristo pejwajajan. Xan matabijtax wut Dios nejchachaemilpox xamalliajwa, xanbej nejchachaem-lax. Xan bej nabu'aboesaxaelbej asew jiw, xamal naewhajanax xot Jesucristo pejwajajan. Japi nabu'aboesa wut, xan nejchachaemlaxaelen Diosxotse.

18 ¡Xamalbej xanliajwa nabej nejxaejwe'! ¡Asbuan jumch nejchachaemilde!

Pablo nejchaxoelpox to'aliajwa Timoteo, Epafrodito sɯapich, Filipos pak-lowax poxade

19 Wajpaklon Jesús nejxasink wut, kamtalejen xan to'axaelen Timoteo xamal poxade. Timoteo xamalxot nawia'an wut, wultaeyaxaelen, ma-am xamal, duilam wut. Wultaenx wut chiekal duilampox, xan xabich nejchachaemlaxaelen.

20 Kaen Timoteo kaenejchaxoelax, xan sɯapich. Xanxot kaes asan aton ajil, xamalliajwa xabich nejchaxoelpon, me-ama xan, ja-aechpon.

21 Puexa amxotpijiw nejchaxoel pajut isasiapoxan. Samata, nejchaxoela-eli isliajwa Jesucristo pejbichax.

22 Xamal chiekal matabijam, Timoteo chiekal nabist Jesúsliajwa. Japon asew jiw naewhajajan Jesús pejwajajan, xan sɯapich. Samata, Timoteo xanliajwa, me-ama taxulan wut, jabuan-anpon, nakajachawaesful xot naewhajanaxpoxan.

23 Xan tajut chiekal matabijtax wut jachiyaxaelpox xanliajwa amxot jiw jebatat, jawut to'axaelen Timoteo xamal poxade.

24 Dios nejxasink wut, xanbej tajut fulaeyaxaelen xamal taeliajwan.

25 Timoteo fulaeyaxil wutfuk, xan nejchaxoelx matxoela to'aliajwan wajkoewan Epafrodito xamal poxade. Epafrodito nakajachawaet xan jiw naewhajanax wut Jesús pejwajajan. Xamal japon to'am wut, japon fulaen xanlel nakajachawaesliajwa nawewe'ppoxan.

26 Epafrodito majt xabich bu'xaenk, xanxot wut. Amwutjel chiekal nejchaemlison. Samata, japon xamal xabich taesia. Xabich nejchaxoelon xamalliajwa, xamal xabich nejchaxoelam xot japonliajwa, wultaenam wut japon majt xabich bu'xaenkpox.

27 Epafrodito bu'xaenk wut, diachwajnakolax mox pejtɯapapon. Dios beltaens xot, kajachawechpon boejthulaliajwas japawaxae. Pe japonkal Dios beltae-esal. Xanbej Dios nabeltaen, Epafrodito tɯp wut xabich kaes nanejxaejwasamata.

28 Samata, Epafrodito to'axaelen xamal poxade. Pejme xamal japon taeyaxaelam wut, xabich nejchachaemlaxaelam japonliajwa. Xanbej nejchachaemlaxaelen, xamal pejme japon taeyaxaelam wut, chiekal nejchaem xotlison.

29 Epafrodito xamalxot pat wut, ¡xamal chiekal bu'kulim, nejchachaemlax-tat, japonbej naexasit xot Jesús pejwajajan! ¡Chiekal sitaembejpon! ¡Asew jiw, Jesús pejwajajan naexasiti, japibej sitaem! Me-ama Epafrodito sitaenam wut, ¡ja-amdebej japi jiwliajwa!

³⁰ Epafrodito xan nakajachawaet wut Cristo pejbichax, japon waxae waech wut, mox pejtupepon. Xamal japon to'am xan nakajachawaesliajwa, xamal najut nakajachawaesaximil xot.

3

Kaes pejme pachaempox, japox wajpaklon Jesucristo matabijasox

¹ Takoew, jamwutjel xamal nejchachaemilde, naexasitam xot Jesús pejwujajan! Chaemila-el xan pejme lelaliajwan chajia lelxpox xamalliajwa. Ampox, lelxpox, xabich pachaem xamal najut chiekal natataeflaliajwam, a sew jiw xamal naekichachajbasamata.

² ¡Chiekal taem jiw babejchowliajwa! Japi naewujajan wut, jum-aechi: “Judíos-elpi, naexasiti Jesús pejwujajan, japi circuncidaxaes Dios pejmarkaxliajwa Dios bu'weliajwas” —aechi, jiw naewujajan wut.

³ Diachwujajnakolax xatis Dios pejjiws. Espíritu Santo nakkajachawaet xot, xatis jumtis Diosliajwa: “Xam xabich pachaemam” —tis. Xatis chiekal nejchachaemlas, Jesucristo pejjiws xot. Matabijas Dios nakbu'weyaxilpox wajut isaspoxantat. Dios nakbu'weyaxael, Jesucristo nakwemot xot babijaxan isaspoxanliajwa.

⁴ Kaen judíosxot pajut pijaxtat weyaxael wut babijaxan ispoxanliajwa, xanlap japonaxaelen.

⁵ Xan nalaeltaxpox ocho matkoiyan wut, nacircuncida. Xan israelita-atonan. Benjamín pamonanbej. Tajjame hebreojame. Xan fariseo-atonan. Samata, me-ama fariseos chiekal naexasit Moisés chajia lelpox, xanbej ja-an, chiekal naexasitx wut Moisés chajia lelpox.

⁶ Xan majt xabich kaes naexasitx Moisés chajia lelpox. Samata, chakifolx naexasiti Jesús pejwujajan jaelaliajwan, japi jiw jeliajwan jiw jebatat. Samata, kaen najumchiyaxil xanliajwa natasalaliajwa: “Pablo chiekal naexasis-el Moisés chajia lelpox” —nachiyaxil.

⁷ Chiekal majt matabijs-enil wut, xan nejchaxoelx: “Diosliajwa isxpoxan xabich pachaem” —an, majt nejchaxoelx wut. Pe amwutjel, Jesús pejwujajan naexasitx xot, chiekal matabijtax, majt isxpoxan Diosliajwa japoxan pachaema-el.

⁸ Amwutjel chiekal matabijtax. Kaes pejme pachaem tajpaklon Jesucristo matabijtaxpox. Samata, majt puexa isxpoxan, puexa japoxan chiekal koftax kaes matabijsliajwan Jesucristo.

⁹ Xan amwutjel naexasitx Cristo pejwujajan Dios nabu'weliajwa. Samata, kaes nejchaxoela-enil: “Moisés chajia lelpox xan naexasisaxaelen Dios nabu'weliajwa” —chi-enil, nejchaxoelx wut. Cristo tæppox cruztat xanliajwa, japox naexasitx xot, Diosliajwa bu'wujajanjinil.

¹⁰ Xan kaes chiekal matabijsasian Jesucristo. Japon tæp wut, Dios mat-echpon pejme dukaliajwa. Xanbej chiekal dukasian Dios pejkajachawaesaxtat. Me-ama Jesucristo nabijat xanliajwa, xanbej jachisian. Aton tæp wut, kaes babijaxan is-el. Xanbej japoxasian. Laejax wut, chiekal laejasian babijaxan is-elaxtat.

¹¹ Xan nejxasinkax xanbej Dios namat-esliajwa pejme dukaliajwan, asamatkoi Dios tæpi mat-eyaxael wut pejme duilaliajwa.

Chiekal laelpaxaesox xatis kanaliajwas premio

¹² Xan tajut jumchi-enil a sew jiwliajwa: “Xan chiekal isx puexa Dios nejxasinkpoxan” —chi-enil a sew jiwliajwa. Nawewe'p chiekal nejchaxoelaliajwan,

me-ama Dios nejxasink. Dios nakajachawaet wut, isaxaelen Dios nejxasinkpoxan. Me-ama Cristo nejchaxoel, xanbej jachiyaxaelen, namakafit xot Cristo pamaknanliajwa.

¹³ Takoew, xan matabijtax puexa chiekal is-enilpox Cristo nejxasinkpoxan. Pe nakiowa, majt isxpoxan, amwutjel kaes japoxan is-enil. Amwutjellax isfulaxaelen Cristo nejxasinkpoxan.

¹⁴ Aton xabich najaet pasliajwa markasxot premio kanaliajwa. Xanbej chiekal dukasian, Dios namakafit xot chiekal dukaliajwan, xan naexasitx xot Jesús pejwujajan.

¹⁵ Jasox puexa xatis chiekal nejchaxoelaxaes, Dios piach naexasich xot. Xamal japox nejchaxoela-emil wut, Dios kajachawaesaxael chiekal nejchaxoelaliajwam.

¹⁶ Xatis matabijas isliajwas Dios nejxasinkpoxan. Samata, japoxan isfulaxaes.

¹⁷ Takoew, ¡xamal chiekal duilde! Me-ama xan chiekal dukx wut, ¡ja-amde! Jiw chiekal duilpi, me-ama xanal, ja-aechpi, ¡japi jiw xamal chiekal taem! ¡Ja-amde xamal chiekal duilaliajwam, me-ama japi jiw!

¹⁸ Pin-iaveces xamal jum-an. Amwutjel, pejme jum-an wut, jum-an it-minxpoxtat, xabich jiw naexasis-el xot Jesucristo tuppox cruztat. Japi jiw nejxasinka-el Jesús pejwujajan.

¹⁹ Ampathat toep wut, japi jiw Dios toesaxaes, babijaxan pajut isasiapoxan is xoti. Japi jiw buxdala-el chapaeliajwapi asew jiw babijaxan ispoxanliajwa. Japi nejchaxoel wut, nejchaxoel ampathatpijaxankal.

²⁰ Xatislax duilaxaes Diosxotse. Samata, wujajnewesfulas wajpaklon Jesucristo pasliajwasik nakbu'welija.

²¹ Wajpaklon Jesucristo pask wut, wajbu'an, ampathatpijax, nakwexali-axaxaelon, chiekal pachaema-el xotox. Do jawut, wajbu'an asabu'anaxael. Pajelbu'anaxaes. Jawut xatis wajbu'an, me-ama wajpaklon Jesucristo pejbu't wut, jachiyaxael. Do ja-aech wut, japon puexa tato'laxael.

4

Pomatkoicha nejchachaemlaxaelpox naexasiti Jesús pejwujajan

¹ Takoew, xamal nejxasinkaxpim, xabich taesian xamal. Xabich nejchachaemlaxbej xamalliajwa, chiekal naexasitam xot Jesús pejwujajan. Samata, asew jiw japox chapaeix xamal chiekal naexasitampox Jesús pejwujajan. ¡Chiekal xanaboejim wajpaklon Jesucristo!

² Xan ampox jum-an japow Evodialiajwa, asaow Síntiqueliajwabej, japi watho' chiekal kaenejchaxoelaxliajwa, nakaewaliajwa, naexasit xoti wajpaklon Jesucristo pejwujajan.

³ Xam, tajnachalnam, kaeyax nabistas xot Diosliajwa. Xan jum-an xam kajachawaesliajwam, japi watho' pejme chiekal kaenejchaxoelaxliajwa. Japi watho' xabich xan nakajachawaet, xamalxot naewujajna x wut Jesús pejwujajan. Jawut japon Clementebej, kaes asew jiw suapich, xabich naka-jachawaet, xamalxot naewujajna x wut. Japi jiw wullels Dios pejfatat, pomatkoicha duilaliajwapi Diosxotse.

⁴ ¡Pomatkoicha xamal nejchachaemilde, wajpaklon pejiwam xot! Pejme jum-an xamal nejchachaemlaliajwam.

⁵ ¡Chiekal duilde asew jiw pajut matabijaliajwa, xamal pachaemampim! ¡Nabej nejkiowe'bej wajpaklon Jesucristo mox pawujajnapox pasliajwa ampathatasik!

⁶ ¡Xamal xabich nabej nejchaxoele' asaxliajwa! Asax pachaema-elpox wut xamalliajwa, ¡Dios kawuajande japox chiekal pachaemaliajwa! Dios kawuajnam wut, ¡nabej nejkiowe'bej Dios graciaschiliajwam puexa xamal kajachawaetpoxliajwa!

⁷ Ja-am wut, Dios xamal kajachawaesaxael xabich nejchaxoelasamatam nejchaxoelampox. Nejchachaemlaxaelambej. Japox nejchachaemlax, Dios pijax. Samata, asew jiw matabijaxil japonejchachaemlax. Xamal nejchachaemlam wut, nejlewlixil. Nejchaxoelam wut, chiekal nejchaxoelaxaelambej, xamal Jesucristo pejjiwam xot.

Pablo to'apox Filipos paklowaxpijw nejchaxoelaliajwa puexa pachaempoxan

⁸ Takoew, xamal jumchiyaxaelen matdukanaewuajna. Nejchaxoelam wut, ¡nejchaxoelde puexa diachwuajnakolaxpoxan, puexa jiw sitaenpoxanbej! ¡Nejchaxoeldebej puexa pachaempoxan, Dios nejxasinkpoxan! ¡Nejchaxoeldebej isliajwam jiw jum-aechpoxan: “Ampoxan xabich pachaem xatis isliajwas” – aechpoxan!

⁹ ¡Xamal chajia naewuajna. xoprox, chanaekabuana. xoproxbej, naexasisfulde! Japoxan naexasitam wut, Dios kajachawaesaxael xamal chiekal duilaliajwam, asew jiw suapich.

Filipos paklowaxpijw ofrenda xato'apox Paboliajwa

¹⁰ Xan nejchachaemlax xamal pejme xan nanejchaxoelam xot, ofrenda naxto'am xotbej xanliajwa. Samata, gracias-an Diosliajwa. Xan tajut chiekal matabijtax, xamal xan nejkiowa-emil. Majt xamal ofrenda naxto'a-emil xanliajwa, ajil xot aton nawexalaeliajwa ofrenda xanliajwa.

¹¹ Xan ampox jumchi-enil xamal kaes ofrenda naxto'aliajwam. Xan tejew kaeyaxach wut, nakiowa xanejchachaemlax.

¹² Xan kijinil wutbej, xan nakiowa nejchachaemlax. Xabich wutbej tejew, xan nejchachaemlax. Litaxaelax wut, nuafniax wutbej, xan nakiowa nejchachaemlax.

¹³ Puexa asaxan, pachaema-elpoxan, nawepat wut xanliajwa, xan tajlewlael japoxanliajwa, Cristo nakajachawaet xot.

¹⁴ Xamal isam pachaempox xanliajwa, nakajachawaetam xot nawewe'ppoxanliajwa.

¹⁵ Macedonia tuajnu. xot chijian wut tuadusliajwan naewuajnalialjwan Jesús pejuwajan Dios asew jiw bu'welialjwa, naexasiti Jesús pejuwajan, xan nakajachawaes-el nawewe'ppoxanliajwa. Jawut xamalkal, Filipos paklowaxpijwam, nakajachawaetam.

¹⁶ Majt Tesalónica paklowaxxotx wut, xamal nakajachawaetam pin-iaveces, ofrenda naxto'am wut xan tejew wuajsliajwan, nawewe'ppoxan.

¹⁷ Xan ampox lelax wut, lela-enil xamal pejme naxto'aliajwam ofrenda xanliajwa. Xan nejxasinkax Dios nejchachaemlaliajwa xamalliajwa, nakajachawaetam xot.

¹⁸ Epafrodito puexa chiekal nachaxdut, xamal naxto'ampi xanliajwa. Samata, amwutjel xan xabich tejew. Nawewe'pa-el. Xamal xanliajwa naxto'ampi, ofrenda, japox Diosliajwa, me-ama incienso bowas wut xabeknikaliajwa, ja-aechox. Samata, Dios xabich nejchachaemil, xamal ofrenda naxto'am wut xanliajwa.

¹⁹ Samata, Diosbej xamal kajachawaesaxael puexa xamal wewe'ppoxanliajwa. Jesucristo pejjiwam xot, Dios kajachawaesaxael japoxanliajwa, xajur xoton japox isliajwa.

²⁰ Puexa xatis pomatkoicha jumchiyaxaes: “Waj-ax Dios xabich pachaem” —chiyaxaes. ¡Jasox nej ja-aeche' Diosliajwa!

Pablo saludos xato'apox, a sew sɨapich, Filipos paklowaxpijiwliajwa

²¹ Xan saludos xato'ax a sew, xamalxotpiliajwa. Japi Dios pejjiwpi, naexasit xoti Jesús pejwɨajan. A sew, naexasiti Jesús pejwɨajan, xanxotpi, japibej saludos xato'a xamalliajwa.

²² Puexa a sewbej, Dios pejjamechan naexasitpi, Roma paklowaxpijiw, japibej saludos xato'a xamalliajwa. Roma tɨajnpɨjiw tato'lan, japon pejbaxot nabisti, a sew japixot, naexasiti Jesús pejwɨajan. Japibej xabich kaes pejme saludos xato'a puexa xamalliajwa.

²³ Xan wajpaklon Jesucristo kawɨajnax puexa xamal xabich kajachawaesliajwa.

Pablo lelpox carta Colosas paklowaxpijwliajwa

Pablo lelpox carta Colosas paklowaxpijwliajwa

¹ Xan Pablo, Jesucristo pej-apóstol nadofax, Dios namakafit xot. Wajkoe-wan Timoteo nakajachawaet amprox carta lelaliajwan.

² Lelx amprox carta xamal Colosas paklowaxpijwamliajwa, Jesucristo pejwñajan naexasitampim. Xan waj-ax Dios kawñajna xamal kajachawaesliajwa puexa chiekal isliajwam. Japon kawñajna xamal kajachawaesliajwa chiekal duilaliajwam, a sew jiw sñapich.

Pablo kawñajanprox Dios, Colosas paklowaxpijwliajwa, Jesús pejwñajan naexasitiliajwa

³ Xanal xamalliajwa Dios kawñajna xamal, japon wajpaklon Jesucristo pax. Kawñajna wñt, xanal gracias-an Diosliajwa, xamal chiekal kajachawaet xoton.

⁴ Jasoxtat xanal Dios kawñajna xamal, wñtaen xot xamal chiekal naexasitamprox Jesucristo pejwñajan. Wñtaen xamal puexa jiw nejxasinkamprox, Dios pejiwpi.

⁵ Xamal naexasitam wñt chimiawñajan, Jesús pejwñajan, Dios xamal bñ'weliajwa, jawñt chiekal matabijam Dios athñxotse xawñajna xamal xabich pachaempox xamalliajwa. Samata, xamal Jesús xanaboejam. Nejxasinkam-bej Dios pejiw.

⁶ Jesús pejwñajan xamal naewñajan wñti, jñmtaenam. Amwñtjel, japawñajan potñajna xamal jiw jñmtaena wñti, japibej naexasit japawñajan. Samata, japi kofa majt babijaxan isfulproxan. Amwñtjel ispi pachaempoxan. Me-ama xamal, ja-aechbej japi jiw. Jñmtaenam wñt Jesús pejwñajan, xamal najut chiekal matabijam, diachwñajna xamal Dios xamal nejxasinkprox.

⁷ Epafras, xatis nejxasinkaspon, japon xamal matxoela naewñajan Jesús pejwñajan. Japonbej, xanal sñapich, nabist Cristoliajwa. Japonbej xamal naewñajan, xanal tajut fulaeyaxinil xot xamal poxade.

⁸ Pa'an wñton xanalxot, xapa'non nejwñajan. Jawñt xanal nachapaeipon nejxasinkamprox a sew jiw, naexasiti Jesús pejwñajan, Espíritu Santo xamal kajachawaet xot.

⁹ Xanal japox wñtaen xamal, bñxkofa-enil Dios kawñajna xamal xamalliajwa. Dios kawñajna xamal chiekal matabijaliajwam isliajwam-bej Dios nejxasinkproxan. Dios kawñajna xamal chiekal matabijaliajwam Dios pejmatabijaxan Espíritu Santo pijaxtat.

¹⁰ Japox chiekal matabijam wñt, chiekal duilaxaelam. Me-ama japon pejwñajan naexasiti chiekal duil, xamal jachiyaxaelam. Samata, Dios nejchachaemlaxael xamalliajwa. Xamal isaxaelam puexa pachaempoxan. Isam wñt japoxan, xamal kaes chiekal matabijaxaelam Dios.

¹¹ Xanal Dios kawñajna xamal kajachawaesliajwapon, kaes chiekal xanaboejaliajwam Dios. Ja-am wñt, xabich boejtaliasaxaelam, a sew jiw pijaxtat nabijatam wñt.

¹² Dios xamal beltaen. Samata, Diosliajwa, xamal babijaxan isampoxan ajil. Ja-aech wñt, xamal Dios tapaeyaxael pomatkoicha athñxotaliajwam, Dios pej-itliakaxotse. Samata, xanal nejxasinkax xamal waj-ax Dios gracia schiliajwam, Dios kawñajna wñt.

¹³ Xatis majt matabija-esal chimiaw^uajan, Jesús pejw^uajan. Samata, me-ama itk^uataxxot duils w^ut, jatisf^ulas, naexasisf^ulas xot Satanás. Amw^utjel naexasisf^ulas Dios pax^ulan pejw^uajan, Dios nejxasinkaspon.

¹⁴ Dios pax^ulan t^up w^ut, japon nakwemot xatis babijaxan isaspoxanliajwa. Samata, Dios nakbeltaen.

Pachaempox Diosliajwa Jesús pejw^uajan naexasiti, Cristo t^up xot japiliajwa

¹⁵ Xatis wajut Dios taeyaxisal. Pe nakiowa, Cristo pijaxtat chiekal matabijas, ma-aech Dios. Cristo kaes pejme pachaem. Me-ama puexa Dios ispi, jachi-elon.

¹⁶ Cristo puexa is Dios pijaxtat, ath^uxotse, ampathatatbej. Xabich japoxan xatis taens. Pe asaxan wajut taeyaxisal, tampoel xoti xatis taeliajwas. Cristo puexa is w^ut, isbejpon ángeles. Japi mamnik xot, xaj^up tato'laliajwa. Puexa japoxan Cristo is pajutliajwa.

¹⁷ Chajiakolaxtat, puexa is-esal w^utf^uk, Cristo jaw^ut duk. Amw^utjel puexa ispoxan nakiowa ja-aechfulf^uk japon pijaxtat.

¹⁸ Cristobej puexa jiw tato'al, naexasiti japon pejw^uajan. Japon t^up xot jiwliajwa, Dios beltaen japi jiw babijaxan ispoxanliajwa, japon pejjiwaliajwabejpon. Cristo matxoela mat-ech pejme dukaliajwa, t^up w^uton. Samata, Jesucristo pejw^uajan naexasitibej asamatkoi mat-eyaxaes pejme duilaliajwa. Cristo puexa japiliajwa paklon.

¹⁹ Dios nejchachaemil Cristoliajwa, me-ama Dios, ja-aech xoton.

²⁰ Chajiakolaxtat, Dios chajia nejchaxoel Cristo t^upaliajwa cruztat puexa jiwliajwa, xabich jiw b^u'w^uajanjilaliajwa Dios pejw^uajnael. Samata, Cristo t^up w^ut, puexa naexasiti japon pejw^uajan, ampathatpijiw, ath^upijiwbej, amw^utjel puexa chiekal pachaemlisi Diosliajwa.

²¹ Xamal majt naexasis-emil w^utf^uk Cristo pejw^uajan, pachaema-emil Diosliajwa. Dios padaelmajiwambej, isam xot babijaxan.

²² Cristo xabich nabijat, xamal babijaxan isampoxanliajwa t^up w^uton cruztat. Samata, xamal pachaemam Diosliajwa. Amw^utjel isfalam japon nejxasinkpoxan, b^u'w^uajanjimil xot.

²³ ¡Xamal chiekal naexasisfulde Jesucristo pejw^uajan! Japon pejw^uajan xabich asew jiwbej naew^uajnaful pot^uaj^ucha. Xan, Pablo, naew^uajnafulaxbej japaw^uajan.

Pablo Dios to'aspox, japon naew^uajnalialjwa Jesús pejw^uajan naexasiti

²⁴ Xan amw^utjel jiw jebatat nabijatax, majt xamal, judíos-emilpim, naew^uajnax xot Jesús pejw^uajan. Me-ama majt Cristo nabijat cruztat jiw b^u'welialjwa, xanbej amw^utjel nabijatax, jiw jebatat najia xoti. Samata, nejchachaemlax. Nawewe'pf^uk xabich kaes nabijasliajwan, naew^uajnax w^ut Jesucristo pejw^uajan naexasiti. Japi, Cristo pejb^u't w^ut, ja-aech.

²⁵ Dios nato'a xamal kajachawaesliajwan, asew jiwbej, naexasiti Jesús pejw^uajan. Samata, xamal, asew jiwbej, j^umchiyaxaelen puexa Dios pej-jamechan j^um-aechpoxan Cristoliajwa.

²⁶ Japaw^uajan majt chinax kaen aton matabijs-elf^uk. Japaw^uajanliajwa Dios tulaela j^umchi-el. Amw^utjel tapaeipon puexa pejjiw chiekal matabijaliajwa japaw^uajan.

²⁷ Japaw^uajan xabich pachaem puexa jiwliajwa. Jesús, xamalxot dukpon, japon pejw^uajan majt maliach. Pe amw^utjel, puexa xamal chiekal matabijam. Samata, asamatkoi duilaxaelam Diosxotse.

²⁸ Samata, xanal naewhajnax Cristo pejwhajan puexa jiw chiekal jummatajibaliajwa. Ja-an xanal, japibej chiekal pachaemaliajwa, Dios nejchachaemlaliajwa japiliajwa.

²⁹ Samata, ampabichax chiekal nabistax wut, Cristo nakajachawaet xot, mamnikax naewhajnaliajwan japon pejwhajan.

2

¹ Xan nejxasinkax xamal matabijaliajwam Dios xabich kawhajnaxpox xamalliajwa. Dios kawhajnaxbej Laodicea paklowaxpijiwliajwa, asew jiwliajwabej, japi jiw xan namatabija-elpifuk.

² Dios xabich kawhajnax xamal nejlewasamata, jiw naewhajnax wut japi chiekal xanaboejaliajwa Dios. Xan xabich Dios kawhajnaxbej xamal kaenejchaxoelaxliajwam chiekal duilaliajwam, nakaewa nanejxasinkam xot. Dios xabich kawhajnaxbej xamal chiekal jummatajibaliajwam Cristoliajwa, majt puexa jiw chiekal matabija-elpoxfuk. Samata, amwut chiekal matabijaxaelam Cristoliajwa. Dios majt tapae-el ampathatpijiw matabijaliajwa Cristoliajwa.

³ Xamal naexasitam wut Jesucristo pejwhajan, ja-am wut, chiekal matabijaxaelam Dios pejmatabijsax, xabich pachaempox.

⁴ Japox jum-an asew jiw xamal naekichachajbasamata. Japi jiw jum-aech chimiajamechan xamal naekichachajbaliajwa.

⁵ Diachwhajnakolax amwutjel xan tajut xamalxota-enil. Pe nejchaxoelx wut, me-ama tajut xamalxotx wut, ja-an. Samata, wultaenx wut xamal kaenejchaxoelaxtat duilampox, Cristo chiekal xanaboejampoxbej, xan xabich nejchachaemlax.

Jesús pejwhajan naexasiti, japi pajelnejchaxoelaxan

⁶ Xamal jelnaexasitam wut Jesús pejwhajan, “Jesús tajpaklon” –am xamal. Samata, jamwutjel diachwhajnakolax chiekal duilafalde! Me-ama jiw, naexasiti Jesús pejwhajan, duil wut, jja-amsfalde xamal!

⁷ Xamal nejpaklon Jesucristo. Samata, jisfalde puexa japon tato'alpoxan! ¡Asew jiw xamal majt naewhajanpox Cristoliajwa, japox chiekal naexasisfalde! Ja-am wut, kaes xanaboejaxaelam Cristo. Pomatkoicha Dios kawhajnax wut, graciaschiyaxaelam Diosliajwa.

⁸ ¡Chiekal taem! ¡Xamal nabej tapae' asew jiw xamal naekichachajbaliajwa, pajut pejnechaxoelaxan naewhajanpi! ¡Xamal japi jiw nabej naexasis, asawhajan naewhajan wuti, Cristo naewhajna-elpox wut! Japi jiw asew jiw chanaekabana pamjiw chanaekabanaspoxan. Chapaefalbejpi jiw nejchaxoelpoxan, ampathatpijixanliajwa.

⁹ Cristo ampathatat wut, me-ama pax Dios, ja-aechon. Samata, ¡nabej tapae' asew jiw xamal naekichachajbaliajwa, asawhajan naewhajan wuti!

¹⁰ Xamal Cristo pejjiwam xot, wewe'pa-el asax. Cristo paklon puexaliajwa. Japon puexa, nejmachpaklochow, tato'al.

¹¹ Xamal Jesús pejwhajan naexasitam xot, me-ama judíos circuncidaspi, ja-am Diosliajwa. Samata, kaes nejchaxoela-emil isliajwam pachaemal-poxan, Jesús xamal kajachawaet xot.

¹² Xamal jiw bautisa wut, jawut, xamal, Jesús swapich, muthtaspi wut, ja-am. Jesús tux wut, Dios mat-echpon pejme dukaliajwa. Samata, xamal bautisa wuti, jawutbej, xamal, Jesús swapich, Dios mat-echpi wut, ja-am pejme chiekal duilaliajwam, Dios chiekal xanaboejam xot.

¹³ Xamal, judíos-emilpim, majt tɔpawam wɔt, ja-am Diosliajwa, xabich babijaxan isfulam xot. Amwɔtjel, jachi-emil. Xamal amwɔtjel pajelnejchaxoelaxan, Dios beltaen xot babijaxan isampoxanliajwa, naexasitam xot Jesús pejwɔajan.

¹⁴ Majt xatis naexasis-esal xot Dios tato'alpoxan, xatis wajbu'wɔajan Diosliajwa. Pe Dios nakbeltaen xatis babijaxan isaspoxanliajwa. Cristo tɔp wɔt cruztat, nakwemot xatis babijaxan isaspoxanliajwa. Ja-aech wɔt, Dios tato'alpoxan, me-ama toep wɔt, ja-aechox, japon nakkastikaxaelpox xatis babijaxan isaspoxanliajwa.

¹⁵ Cristo tɔp wɔt cruztat, Dios malecha Satanás, Satanás pejjiwbej, japi depaklochowpi. Dios japox is wɔt, puexa jiw matabija Satanás malechaspox, japon pejjiwbej.

Jesús pejwɔajan naexasiti chiekal nejchaxoelaxaelpox isliajwa Dios nejxasinkpoxan

¹⁶ Xamal amwɔtjel Cristo pejjiwam xot, jasew judíos nabej tapae' kaechafiasliajwa xamal xaelampoxan, feyaxaelampoxanbej! Japi judíos naexasit Moisés chajia lelpox. Samata, japi kaewaechful wɔt, fiesta is. Isbejpi fiesta, kaejuimsful wɔt. Fiesta isbejpi, napatamatkoisful wɔt. Japi judíos xamal to'a wɔt fulaeliajwam japafiestan poxade, jxamal nabej fulae'!

¹⁷ Majt jiw xabich fulalaecha fiestan poxade, Moisés chajia lelpox naexasit xoti. Japafiestan ispi jiw nejchaxoelaliajwa asamatkoi Cristo isaxaelpoxliajwa. Pelis Cristo pat. Japon pejwɔajan xamal naexasitam xot, jamwɔtjel xamal wewe'pa-el japafiestan poxade fulaeliajwam!

¹⁸ Asew jiw xamal jum-aech wɔt: “Xanal ángeles kawɔajna. Xamal kawɔajna-emil wɔt ángeles, babijax isam” —aech wɔti, japi jiw xamal nabej naexasis! Jum-aech wɔtbejpi: “Xanal matabijax, masoxtat taenx xot asew jiw tae-elpoxan” —aech wɔti, jxamal japi jiwbej nabej naexasis! Japi japoxan jum-aech wɔt, pejnechaxoelaxan pachaema-el, pajut nejchaxoelpoxan jum-aech xoti.

¹⁹ Japi kofa naexasitpox Jesús pejwɔajan. Puexa xatis Jesús pejwɔajan naexasichpis, Cristo naktato'al. Xatis, me-ama Cristo pejbu't wɔt, jatis, kaenejchaxoelax xotch, Cristo sɔapich. Samata, Cristo nakkajachawaet chiekal duilaliajwas, me-ama Dios nejxasink.

²⁰ Xamal, me-ama, Cristo sɔapich, cruztat tɔpam wɔt, ja-am. Samata, jnabej naexasis ampathatpijiw jum-aechpoxan! Xamal ja-am wɔt, jma-aech xotkat xamal nakiowa naexasisasiam Jesús pejwɔajan naexasis-eli jum-aechpoxan?

²¹ Japi jum-aech, xamal fiat wɔti: “jAmpox nabej jache'! jAmpoxbej nabej xae'! jAmpoxbej nabej fis!” —aechi, xamal fiat wɔt.

²² Japi jum-aechpoxan xamal fiat wɔt, japoxan asamatkoi chiekal toepaxael, pajut nejchaxoelpoxankal xot.

²³ Japi xabich asew jiw tato'al kawɔajnalialiajwa ángeles. Japibej tato'al jiw pajut nejchaxoelaliajwa: “Xan kaes pejme pachaema-enil. Me-ama asew jiw, jachi-enil” —chiliajwa, jiw nejchaxoel wɔt. Japi jiw naewɔajanbej jiw babijaxan isasamata. Japi jiw jasox naewɔajan wɔt, me-ama xabich matabija wɔt, ja-aechi. Pe japi naewɔajanpoxan pachaema-el, asew jiw kajachawaesal xot kofaliajwa babijaxan nejchaxoelpoxan is-elaliajwa.

3

¹ Cristo tɔp wɔt cruztat, mat-ech wɔton pejme dukaliajwa, jawɔtbej, xamal, me-ama Dios mat-ia wɔt, ja-am pejme duilaliajwam, Cristo sɔapich. Samata,

xamal nejchaxoelam wut, ¡nejchaxoelde pomatkoicha duilaxaelampox Cristo ekxotse, Dios pejpoklalel!

² ¡Xamal nejchaxoeldebej isliajwam Dios nejxasinkpoxan! ¡Nabej nejchaxoele' babijaxan isliajwam, me-ama ampathatpijiw isful!

³ Ampathatat laelpam wut, ¡chiekal duilafulde! Me-ama Cristo Diosliajwa chiekal duk wut, ¡ja-amsfuldebej xamal! Samata, xamal, me-ama majt duilam wut, ¡nabej ja-aeche'! Cristo chiekal duk pax Diosxotse. Amwutjel xamal tataefalpon.

⁴ Chiekal duilaxaelam tanbichliajwam Cristo. Asamatkoi Cristo pejme fuloek wut, puexa jiw taeyaxaeson, japon xabich mamnikpox. Xatisbej asew jiw naktaeyaxael, Cristoxotas wut.

Colosas paklowaxpijiw ma-aechpox, majt duil wuti Jesús pejwujajan naexasis-elaxtat

⁵ ¡Kofim babijaxan isfulampoxan! Aton tuj wut, kaes babijaxan is-elon, tuj xotlison. ¡Xamalbej ja-amsfulde! ¡Nejwatho' nabej naebu'moejs asew watho'! ¡Nabej isbej asaxan, pachaema-elpoxan! ¡Nabej nejxasinke'bej babijaxan isaxan! ¡Nabej nejxasinke'bej nejew xabichaliajwa! Xabich wut nejew, ja-am wut, Dios nejxasinkaximil, japoxan kaes xabich nejxasinkaxaelam xot.

⁶ ¡Xamal jasox nabej ja-aeche', Dios xabich kastikaxael xot jasi jiw!

⁷ Xamal majt japoxan babijaxan isfulam, naexasis-emil wutfak Dios.

⁸ Pe amwutjel, ¡xamal kofim xabich nalalapoxan asew jiwliajwa, babijaxan isampoxanbej asew jiwliajwa! ¡Buxkofimbej babejjamechan jum-ampoxan asew jiwliajwa! ¡Nabej jum-aeche'bej jiwttutat pachaema-elpoxan!

⁹ ¡Kofimbej nakaewa naekichachajbampoxan, kofam xot padujnejchaxoelaxan, majt isampoxanbej!

¹⁰ Amwutjel kofam padujnejchaxoelaxan, naexasitam xot Dios. Samata, ¡duilafulde, me-ama Dios nejxasink! Ja-am wut, chiekal xamal matabijaxaelam Dios.

¹¹ Jesús pejwujajan naexasiti pajelnejchaxoelaxan. Samata, Dios puexa japi taen wut, japi jiw puexa chiekal najupanejxasinkpon. Judíos, judíos-elpibej, atuj fulaenpi, asatujnuchanpijiwbej, jiw estudia-elpibej, esclavos, esclavos-elpibej, japi puexa naexasiti Jesús pejwujajan, Dios chiekal najupanejxasink puexa japi jiw.

¹² Dios xamal nejxasink. Makanotbejpon xamal japon pejiwaliajwam. Samata, ¡asew jiw beltaem! ¡Kajachawae'ebey! Nejchaxoelam wut, ¡nejchaxoelde: "Xan kaes pejme pachaema-enil. Me-ama asew jiw, jachi-enil" —amde, nejchaxoelam wut! Asew jiw tato'lam wut, ¡nabej tato'le' palaeyaxtat! Asew jiw is wut pachaema-elpoxan xamalliajwa, ¡xamal boejtaliasfulde japoxanliajwa!

¹³ Asew jiw xamalxot nakaewaliajwa is wut pachaema-elpoxan, ¡xamal nabej nalale'! ¡Boejtaliasfulde! ¡Nakaewa nabeltaembej! Me-ama Dios xamal beltaen babijaxan isam wut, ¡xamalbej ja-amsfulde nakaewaliajwa!

¹⁴ Jumchiyaxaelen kaes pejme pachaempox. Japox nakaewa nanejxasinkampox. Ja-am wut, chiekal duilaxaelam kaenejchaxoelaxtat.

¹⁵ Cristo xamal kajachawaet xot, ¡xamal chiekal kaenejchaxoelaxde! Dios xamal tadut kaemutliajwam, Cristo suapich. Samata, Dios kawujajnam wut, ¡gracias-amde!

¹⁶ Xan Dios kawujajnax xamal kajachawaesliajwa pomatkoicha nejchaxoelaliajwam Jesús pejwujajan. ¡Dios pejjamechan xamal nakaewa nanaewujajande kaes pejme chiekal Dios xanaboejalajwam! Jajuwam wut salmos, himnosbej, ¡xabich gracias-amde Diosliajwa!

17 ¡Puexa isaxaelampoxan isde, wajpaklon Jesús pijaxtat! ¡Puexa jumchiyaxaelampoxanbej jum-amde, wajpaklon Jesús pijaxtat! Ja-am wut, ¡gracias-amde waj-ax Dios Jesús pijaxtat!

Jesús pejwujajan naexasiti machiyaxaelpox pejbapijiwliajwa

18 Xamal watho'am, ¡nejmol chiekal naexasisfulde, to'a wut! ¡Ja-amsfulde, xamal Jesús pejwujajan naexasitam xot!

19 Xamal poejwam, ¡kaenanula nejwatho' chiekal nejxasinkafulde! Nijow to'am wut, ¡to'im chamoeyaxtat! Me-ama esclavas wut, ¡nabey ja-aече' nejwatho'liajwa!

20 Xamal yamxim, ¡pomatkoicha chiekal naexasisfulde nej-axjiw, nej-enjiwbej, xamal to'a wut! Ja-am wut, Dios nejchachaemlaxael xamal yamximliajwa.

21 Xamal paxjiwam, ¡naxi chamoeyaxtat tato'alde naxi palalasangata, nejchaeamilasangatabejpi!

22 Xamal esclavos, ¡isfulde nejpaklochow puexa tato'alpoxan! ¡Chiekal nabichfulde japiliajwa! Asew jiw nejpaklochow chiekal tataefla-esal wut, chiekal nabich-eli. Pelax nejpaklochow tataeflas wut, ja-aech wut, japi jiw, me-ama chiekal nabist wut, ja-aechi nejpaklochow nejchachaemlaliajwa japiliajwa. ¡Xamal jasox nabey ja-aече'! Pomatkoicha chiekal nabichaxaelam nejpaklochowliajwa, xamal sitaenam xot wajpaklon Jesús.

23 Xamal nabistam wut nejpaklochowliajwa, puexa chiekal isaxaelam nejchachaemlampoxtat. Me-ama wajpaklon Jesúsliajwa nabistam wut, jachiyaxaelam, nejpaklochowliajwa nabistam wut.

24 Chiekal nabichaxaelam wajpaklon Jesúsliajwa, japon chiekal xamal mosaxael xot. Jesús xamal chaxduiyaxael Dios chajia jum-aechpox. Cristo diachwujajnakolax nejpaklon, nabistam xot japonliajwa.

25 Pe asew jiw, babijaxan ispi, japi jiw Dios kastikaxaes. Sangata, puexa jiw babijaxan is wut, japi puexa diachwujajnakolax Dios kastikaxaesi.

4

1 Xamal paklochwam, ¡xamal chiekal pachaemde nej-esclavosliajwa! Me-ama Dios nejxasink, ¡ja-amsfulde japiliajwa! ¡Xabich nabey tato'le' nej-esclavos xabich nabichliajwa bichaxan! ¡Chiekal nejchaxoelde! Xamalbej nejpaklon athaxotse.

Pablo to'apox Colosas paklowaxpijw, japi Dios kawujajnalialjwa japonliajwa

2 ¡Xamal Dios kawujajnafulde! ¡Gracias-amsfuldebej Diosliajwa, kawujajnam wut!

3 ¡Xanalliajwabej Dios kawujajande japon xanal natapaelialjwa pejme jiw naewujajnalialjwan Jesús pejwujajan, majt jiw matabija-elwujajan! Japawujajan naewujajnax xot, amwutjel jiw jebatat asew jiw xan najia.

4 ¡Dios kawujajande, xan jiw naewujajnax wut chiekal naewujajnalialjwan, japibej chiekal matabijaliajwa Jesús pejwujajan!

5 Xamal Jesús pejwujajan naexasis-elixotam wut, ¡chiekal duilafulde! Japixot pachaem wut naewujajnalialjwam Jesús pejwujajan, ¡naewujajande!

6 Xamal nospaeyam wut, jiw srapich, ¡nospaem pachaempoxan jiw chiekal nejchachaemlaliajwa! ¡Matabijimbej chiekal jumnosliajwam kaenanula japi jiw!

Pablo saludos xato'apox asew jiwliajwa

⁷ Wajkoewan Tíquico, xatis nejxasinkaspon, chiekal nabist wajpaklonliajwa, xan s̄apich. Tajw̄ajan japon xalaeyaxael xamal chapaeliajwa, pa'a w̄uton xamalxot.

⁸ Samata, japon to'axaelen amw̄ut xamal poxade jumchiliajwapon, man xanal, amxotan w̄ut. Ja-aech w̄ut, xamal xabich nejchachaemlaxaelam xanalliajwa.

⁹ Tíquico f̄ulaeyaxael w̄ut xamal poxade, wajkoewan Onésimo, xatis xabich nejxasinkaspon, japonbej f̄ulaeyaxael xamal poxade. Onésimo majt xamalxoton. Japon chiekal nabistbej wajpaklonliajwa. Kofs-elpon. Japi xamalxot pa'a w̄ut, xamal chapaeyaxaelon xanliajwa amxot ja-aechpoxan.

¹⁰ Aristarco, japon tajnachalan jiw jebatat, saludos xato'a xamalliajwa. Marcos, Bernabé pakoewan, japonbej saludos xato'a xamalliajwa. Xamal chajia to'ax, Marcos pat w̄ut xamalxot chiekal bu'kulaliajwam.

¹¹ Asan pawul Jesús. Japonbej saludos xato'a xamalliajwa. Japon asawul Justo. Japi tres poejiw, judíos, naexasiti Jesús pejw̄ajan. Puexa judíosxot, japi koew, xan s̄apich, nabist Diosliajwa, asew jiw Dios naexasisliajwa. Samata, xan xabich nejchachaemlax, japi nakajachawaet xot.

¹² Epafras majt xamalxoton, japon nabist Jesucristoliajwa. Japonbej saludos xato'a xamalliajwa. Japon xabich Dios kaw̄ajan nejxanaboejaxan kaes mamnikaliajwa Diosliajwa. Xabich Dios kaw̄ajanbejpon xamal kajachawaesliajwa isliajwam puexa Dios nejxasinkpoxan.

¹³ Xan taenx, Epafras xabich nejchaxoel w̄ut xamalliajwa, Laodicea paklowaxpijiwliajwabej, Hierápolis paklowaxpijiwliajwabej.

¹⁴ Lucas, japon médico, xatis nejxasinkaspon, japonbej saludos xato'a xamalliajwa. Asan, pawulpon Demas, japonbej saludos xato'a xamalliajwa.

¹⁵ Xan saludos xato'ax naexasiti Jesús pejw̄ajan, Laodicea paklowaxpijiwliajwa. Saludos xato'axbej japon Ninfaliajwa. Saludos xato'axbej, japi natamejapi Ninfa pejbaxot, naexasiti Jesús pejw̄ajan.

¹⁶ Xamal ampox carta xaljoeyax toetam w̄ut, ¡xato'im Laodicea paklowaxpijiw poxade, japi naexasiti Jesús pejw̄ajan, japipej xaljoeliajwa ampox carta! Asacarta chajia xato'ax Laodicea paklowaxpijiwliajwa. Japox carta japi xato'axaen xamal poxadin. Carta xamal chaxdut w̄uti, ¡xamalbej xaljoem japox carta!

¹⁷ ¡Arquipo jum-amde chiekal toesliajwa Jesucristo to'aspox japon isliajwa!

¹⁸ Xan Pablo, tajut lel̄x xamal saludaliajwan. Xamal Dios kaw̄ajnam w̄ut, ¡nabej nejkiowe' xanliajwabej Dios nawekaw̄ajnalialjwam, xan jiw jebatatapoxliajwa! Xanbej Dios kaw̄ajnax xamalliajwa japon xabich kajachawaesliajwa xamal.

Matxoelacarta, Pablo lelpox, Tesalónica paklowaxpijiwliajwa

Pablo lelpox carta, Silvano s̄apich, Timoteo s̄apichbej, Tesalónica paklowaxpijiwliajwa

¹ Xan Pablo, Silvano s̄apich, Timoteo s̄apichbej, lelx amprox carta xamal, naexasitampimliajwa Jesús pejw̄ajan, Tesalónica paklowaxpijwamliajwa. Waj-ax Dios, wajpaklon Jesucristobej, xamal japi pejjiwam. Xanal Dios kaw̄ajna xamal kajachawaesliajwa, chiekal duilaliajwambej, asew jiw s̄apich.

Tesalónica paklowaxpijiw chiekal xanaboejapox Dios

² Xanal Dios kaw̄ajna x w̄ut, xamalliajwabej Dios kaw̄ajna x. Ja-an w̄ut, j̄m-anbej Diosliajwa: “Gracias-an, xam kajachawaetam xot naexasiti Jesús pejw̄ajan, Tesalónica paklowaxpijiw” –an Diosliajwa.

³ Xanal waj-ax Dios kaw̄ajna x w̄ut, nejchaxoelx xabich Dios tanbistamproxliajwa, Jesucristo pejw̄ajan naexasitam xot. Xamal kajachawaetambej asew jiw, japi jiw nejxasinkam xot. Xamal xabich nabijatam w̄ut, xabich nejxaejwa-el. Ja-am xamal, w̄ajnawesfulam xot wajpaklon Jesucristo pejme pasliajwa ampathatasik.

⁴ Takoew, Dios nejxasink xamal. Xanal chiekal matabijax, Dios xamal makanot japon pejjiwaliajwam.

⁵ Xanal majt Jesús pejw̄ajan, chimiaw̄ajan, xamal naew̄ajna x w̄ut, naew̄ajna xproxankala-el. Jaw̄utbej koechaxan isaxbej Dios pijaxtat, Espiritu Santo nakajachawaet xot. Samata, xamal chiekal najut matabijam xanal naew̄ajna xproxan, diach chiekal w̄ajnakolax. Xamalbej chiekal matabijam, ma-an xanal, xamalxot duilx w̄ut. Ja-an xanal jasoxtat xamal kajachawaesliajwan.

⁶ Xanal ja-an w̄ut, xamalbej chiekal duilam. Me-ama wajpaklon Jesucristo ampathatat chiekal duk w̄ut, xamalbej ja-am. Naew̄ajna x w̄ut Jesucristo pejw̄ajan, xamal chiekal naexasitam. Naexasitam w̄ut Jesús pejw̄ajan, asew jiw palala xamalliajwa. Samata, japi jiw xabich babijaxan is w̄ut xamalliajwa, xabich nabijatam. Pe nakiowa, nejchachaemlam, Espiritu Santo xamal kajachawaesful xot.

⁷ Puexa naexasiti Jesús pejw̄ajan, Macedonia t̄ajnapijiw, Acaya t̄ajnapijiwbej, japi w̄ultaen xamal chiekal duilamprox. Samata, japi chiekal duil. Me-ama xamal, ja-aechi.

⁸ Xamal xabich jiw naew̄ajnam Jesús pejw̄ajan. Samata, amw̄utjel Macedonia t̄ajnapijiw, Acaya t̄ajnapijiwbej, japi matabija japaw̄ajan. Pot̄ajnapijiwbej matabija japaw̄ajan. Japibej matabija xamal Dios xanaboejampox. Samata, xanal kaes j̄mchiyaxinil xamal, Tesalónica paklowaxpijwamliajwa, japi j̄mtaeliajwa xamal Dios xanaboejamproxliajwa.

⁹ Puexa asew jiw, pot̄ajnapijiw, nakaewa naj̄m-aech xamalliajwa: “Tesalónica paklowaxpijiw chiekal bu'kulapi Pablo, asewbej, japon s̄apich, pat w̄uti japixot. Japibej kofa ídolos kaw̄ajanproxan. Amw̄utjel chiekal naexasitlisi Dioskal, pomatkoicha dukpon.

¹⁰ Tesalónica paklowaxpijiw w̄ajnawesful Jesús, Dios paxulan. Japonlap Dios mat-ech pejme dukaliajwa. Japonbej pejme fuloeyaxoek. Jesús nakbu'weyaxael, kastikamatkoi pat w̄ut. Japamatkoi asew jiw xabich

kastikaxaes, xabich babijaxan isful xot” –aech japi jiw xamalliajwa, nakaewa najum-aech wuti.

2

Pablo nabistpox Dios pijax, bichax, Tesalónica paklowaxpijiwxot

¹ Takoew, xamal najut chiekal matabijam, xamal poxandax wut taeliajwan, chiekal naexasitam naewhajna-xpox. Samata, xanal naewhajna-xpox nafa'a-el.

² Xamal matabijambej amprox. Patx wut Filipos paklowaxxot, japapaklowaxpijiw babejjamechan jum-aech xanalliajwa. Japi jiw is pachaema-elpoxan xanal nabijasliajwan. Do jawux, xanal patx wut nejtajnu, Tesalónica paklowaxxot, a sew jiw, nejtajnu-pijiw, palalapi xanalliajwa. Japi jiw nejchachaemla-el xamal naewhajnalialjwan Dios pejjamechan. Pe nakiowa, naewhajna-x. Naewhajna-x wut, Dios nakajachawaet tajlewla-elaliajwan, xamalbej Dios bu'welialjwa.

³ Xanal Dios pejjamechan naewhajna-x wut, chiekal naewhajna-x xamal. Kaes asawajan naewhajna-enil xamal naekichachajbalialjwan.

⁴ Xanal Dios namakanot jiw naewhajnalialjwan japi jiw bu'welialjwasbej. Xanal ja-an, jiw naewhajna-x wut Dios chiekal nejchachaemlialjwa xanalliajwa. Naewhajna-enil jiw asbuan jumch nejchachaemlialjwa xanalliajwa. Dios chiekal matabijt xanal nejchaxoel-xpoxan.

⁵ Xamal chiekal matabijam. Xan jum-an wut chimiajamechan xamalliajwa, japox jumchi-enil asbuan jumch xamal nejchachaemlialjwam xanalliajwa. Naewhajna-x wutbej, nejchaxoela-enil nejew kinosliajwan. Dios japox chiekal matabijt.

⁶ Dios pejjamechan naewhajna-x wut xamalliajwa, a sew jiwliawabej, xan nejchaxoela-enil: “Xan Dios pejjamechan naewhajna-x jiw chiekal nasita-elialjwa” –chi-enil, nejchaxoel-x wut.

⁷ Xamalxotx wut, xabich tato'la-enil isliajwam tato'laxpoxan. Xanal Jesu-cristo pej-apóstolan xot, xajux xamal xabich tato'lialjwan. Pe nakiowa, jasoxtat tato'la-enil. Me-ama kaeow pawis chimiajamechan chiekal jum-aech, paxi fiat wut, xanalbej ja-an, xamal naewhajna-x wut.

⁸ Xabich nejxasinkax xamal. Samata, xamalxotan wut, Dios pejjamechan chiekal naewhajna-x. Ja-an wut, xanal nejchaxoel-x xamalliajwa: “A sew jiw nabesia wut xanal naewhajna-elaliajwan Tesalónica paklowaxpijiw, japox ja-aech wut, nakiowa xanal buxkofaxinil naewhajna-xpoxan” –an, nejchaxoel-x wut.

⁹ Takoew, xamal nejchaxoelam wut, ichiekal nejchaxoelde, ma-an xanal, xamalxotan wut! Naewhajnafulax wut Dios pejjamechan, xanal tajut nabistaxbej tejew wajsliajwan. Naewhajna-enil wut, japamatkoi nabistax. Madoibej nabistax. Ja-an xanal, xamal nawemosasamatam xanal nawewe'ppoxan.

¹⁰ Xamalxotan wut, chiekal duilx. Asax pachaema-elpox is-enil xamalliajwa, xamal naexasitampimliajwa Jesús pejjawajan. Xamal japox chiekal matabijam. Diosbej japox chiekal matabijt.

¹¹ Xamal chiekal matabijambej, kaenanula xamal naewhajna-x kaes chiekal Dios xanaboejalialjwam. Me-ama paxjiw paxi chiekal naewajan, xanalbej ja-an, xamal chiekal naewhajna-x wut.

¹² To'ax xamal chiekal duilialjwam, me-ama Dios nejxasink duilialjwam. Dios xamal makanotbej japon pejjiwaliajwam, chiekal matabijaliajwambej, Dios kaes pejme xabich pachaem.

¹³ Naew_{uaj}nax w_{ut} Dios pejjamechan, xamal nejchaxoelam: “Dios pejjamechan, japi naknaew_{uaj}anpox, diachw_{uaj}nakolax. Samata, Dios pejjamechan naexasisaxaes” —am, nejchaxoelam w_{ut}. Jaw_{ut} japoxliajwa nejchaxoela-emil: “Japajamechan jiw pajut faekpoxan” —chi-emil, nejchaxoelam w_{ut}. Xanal naew_{uaj}nax diachw_{uaj}nakolax Dios pejjamechan. Samata, xamal Dios naexasitam xot, chiekal duilaf_ulam. Samatabej, xanal Dios kaw_{uaj}nax w_{ut}, gracias-an xamalliajwa.

¹⁴ Jesús pejw_{uaj}ajan naexasiti, Judea t_{uaj}n_{uaj}pijiw, nabijat nakaet_{uaj}n_{uaj}pijiw, judíos pijaxtat, naexasit xoti Jesús pejw_{uaj}ajan. Xamalbej nabijatam nej_{uaj}n_{uaj}pijiw pijaxtat, Jesús pejw_{uaj}ajan naexasitam xot.

¹⁵ Judíos pejw_{uaj}n_{uaj}pijiw bapi profetas. Baxael, japi pamojiwbej boesapi wajpaklon Jesús. Amw_{ut}tjelbej japi judíos pijaxtat, xanalbej nabijatax. Japi judíos nejwesla puexa asew jiw. Samata, Dios nejchachaemla-el japiliajwa.

¹⁶ Xanal Dios pejjamechan naew_{uaj}nax w_{ut} asew jiw, judíos-elpi, japibej Dios b_u'weliajwas, judíos asb_uan jumch nab_uxfiat. Ja-aech w_{ut}, japi judíos xabich pejb_u'w_{uaj}ajan Diosliajwa. Samata, Dios xabich kastikaxaespi.

Pablo nejchaxoelpox pejme taeliajwa Tesalónica paklowaxpijiw

¹⁷ Takoew, xamalxot majt nakolax w_{ut}, xabich piach xamal tae-enil. Pe nakiowa, xamal nejkiowa-enil. Nejchaxoelx pejme xamal taeliajwan.

¹⁸ Xan, Pablo, pin-iaveces xamal taesian. Pe Satanás pachaema-elpoxan is xot xanliajwa, xamal taeyaxinil.

¹⁹ Wajpaklon Jesucristo pejme pask w_{ut}, xanal xabich nejchachaemlax-aelen. Japon jumtaeliajwa xan jumchiyaxaelen xamal chiekal naexasitam-poxliajwa, naew_{uaj}nax w_{ut} chimiaw_{uaj}ajan, japon pejw_{uaj}ajan.

²⁰ Samata, xabich nejchachaemlax xamalliajwa.

3

¹ Xan kaes boejtaliasaxinil matabijsliajwan, ma-am xamal, amw_{ut}tjel duilam w_{ut}. Samata, xan, Silas s_{uaj}apich, Atenas paklowaxxot kaweta namax.

² Xanal ja-an w_{ut}, wajkoewan Timoteo to'ax xamal taeliajwapon. Japon nabist Diosliajwa. Xan, japon s_{uaj}apich, jiw naew_{uaj}nax chimiaw_{uaj}ajan, Jesucristo pejw_{uaj}ajan. Timoteo to'axbej xamal naew_{uaj}naliajwa kaes Dios xanaboejaliam, chiekal nejchachaemlaliajwambej.

³ Samata, Timoteo to'ax xamal kajachawaesliajwa, xamalxot kaen nejxaejwas w_{ut}, asew jiw pijaxtat nabijat w_{ut}on. Xamal najut matabijam, Dios naktapaei nabijasliajwas.

⁴ Xamalxotx w_{ut}, chajia jum-an: “Asamatkoi xatis nabijasaxaes asew jiw pijaxtat, Jesús pejw_{uaj}ajan naexasich xot” —an xamalliajwa. Amw_{ut}tjel xamal chiekal matabijam, ja-aech xotlisox xatisliajwa.

⁵ Kaes boejtaliasaxinil, chiekal matabijsasian xot, ma-am xamal, duilam w_{ut}. Samata, Timoteo to'ax xamal taeliajwapon, ma-am xamal, Dios xanaboejam w_{ut}. Xanlach nejchaxoelx ampo xamalliajwa: “Satanás bej xapaejasbej Tesalónica paklowaxpijiw. Samata, bej kofabejpi naexasitpox Jesús pejw_{uaj}ajan. Samata, wajbichax japixot nakwenaf_o'a” —anlach, nejchaxoelx w_{ut} xamalliajwa.

⁶ Pe Timoteo nawia'an w_{ut} xamalxotdin, chimiaw_{uaj}ajan xapaton. Xamalpil nakiowa chiekal naexasis_ulam Jesús pejw_{uaj}ajan. Nakaewa chiekal nanejxasinkambej. Xamal nejkiowa-emilbej nejchaxoelaliajwam xanalliajwa, nanejxasinkam xot. Xamalpil xabich xanal nataesiam. Me-ama xanal xabich xamal taesian, xamalpil-is ja-ambej xanalliajwa.

⁷ Takoew, a sew jiw pijaxtat xanal nabijatax wut, wultaenx xamal chiekal Jesús pejwajaan naexasisfulampox. Samata, xabich nejchachaemlax xamalliajwa.

⁸ Wultaenx wut Jesús pejwajaan chiekal naexasisfulampox, xanal kaes Dios xanaboejax.

⁹ Samata, xanal Dios kawajna x wut, gracias-an xamalliajwa. Nejchachaemlaxbej xamalliajwa, Dios chiekal xanaboejam xot.

¹⁰ Xanal xabich Dios kawajna x natapaeliajwapon xamal pejme tajut chiekal taeliajwan. Xamal pejme naewajnasian kaes pejme matabijaliajwam, kaes pejme chiekal Dios xanaboejalijawam.

¹¹ Xanal kawajna x waj-ax Dios, wajpaklon Jesucristobej, nakajachawaesliajwa xamal taeliajwan.

¹² Dios kawajna xbej xamal kajachawaesliajwa nakaewa nanejxasinkaliajwam, puexa a sew jiwbej, me-ama xamal nejxasinkax, xamalbej jachiliajwam, a sew jiwliajwa.

¹³ Dios kawajna xbej xamal kaes Dios xanaboejalijawam, babijax isamatambej, duilam wut. Ja-am wut, bu'wajaanjilaxaelam, asamatkoi, waj-ax Dios pejwajaanlel nuilam wut, wajpaklon Jesús kaxasik wut, puexa pejjiw sapich.

4

Machiyaxaelpox Jesús pejwajaan naexasiti chiekal duilaliajwa, Dios nejchachaemlaliajwa japiliajwa

¹ Takoew, xanal chajia xamalxotan wut, naewajna x machiyaxaelampox, duilam wut Dios nejchachaemlaliajwa xamalliajwa. Amwutjel chiekal duilam. Pe nakiowa, wajpaklon Jesús nato'a xot, kaes naewajna xaelen xamal kaes chiekal duilaliajwam.

² Xamal matabijam, chajia xanal naewajna x wut wajpaklon Jesús pijaxtat, machiyaxaelampox, duilafalam wut.

³ Xamal duilafalde, me-ama Dios nejxasink duilaliajwam! Dios nejwesla xamal poejwam bu'moejsliajwam a sew watho'. Dios nejweslabej watho' bu'moejsliajwa a sew poejiw.

⁴ Dios nejxasink kaenanala xamal poejwam matabijaliajwam ampox. Pawis fitam wut nijowliajwa, nijowxot chiekal laelpde, me-ama Dios nejxasink!

⁵ Pawis fitam wut nijowliajwa, nabej fis asbuan jumch japow pijaxkal nejxasinkaliajwam! Me-ama a sew jiw, naexasis-elpi Dios, nabej ja-aeche' xamal!

⁶ Dios nejwesla aton bu'moejsliajwa asan pijow. Japox is wut, japon aton Dios xabich kastikaxaeson. Japoxliajwa chajia xamal naewajna x, xamalxotan wutfuk.

⁷ Dios nakmakanot wut, nakmakanos-el isliajwas babijaxan. Dioslax nakmakanot chiekal duilaliajwas japonliajwa.

⁸ A sew jiw naexasis-el xanal naewajna xroxan. Japi japoxan naexasis-el xot, naexasis-elbejpi Dios, japon to'apon Espiritu Santo xatis nakkachawaesliajwa.

⁹ Xamal nakaewa nanejxasinkam, Dios pajut xamal kajachawaet xot. Samata, lelaxinil xamal to'aliajwan nakaewa nanejxasinkampoxliajwa.

¹⁰ Xamal nejxasinkam puexa wajkoew, Jesús pejwajaan naexasiti, potajna xchapijiw, Macedonia taja xpijiw. Amwutjel xamal jum-an kaes nejxasinkaliajwam japi jiw.

11 ¡Chiekal duilafulde! Chajia jum-an xamal chiekal nabichliajwam. Samata, ¡najut nejbichaxan nabichfulde! ¡Nabej xandadus, asew jiw pijaxan!

12 Xamal japoxan isfulam wut, kaeyax wewe'paxil. Ja-am wut, asew jiw, Jesús pejwujajan naexasis-eli, xamal chiekal sitaeyaxael.

Wajpaklon Jesús asamatkoi pejme pasaxoekpox ampathat

13 Takoew, xanal nejxasinkax xamal chiekal matabijaliajwam, machiyaxael jiw tujiliajwa. Kaen nejjiwxot, tuj wut, xamal xabich nejxaejwaxillejen. Me-ama asew jiw, naexasis-eli Jesús pejwujajan, pejjiw tuj wut, xabich nejxaejwas, ¡xamal nabej ja-aече', najut chiekal matabijam xot!

14 Xatis naexasich Jesús tujpox cruztat. Naexasichbej Jesús Dios mat-echpox pejme dukaliajwapon. Samata, chiekal matabijas, xatis naexasichpis Jesús pejwujajan asamatkoi tujps wut, diachwujajnakolax Dios nakmat-eyaxael pejme duilaliajwas.

15 Samata, xanal lelX Jesús chajia jum-aechpox. Asamatkoi japox diach chiekal jachiyaxael. Xatis ampathatat laelpaspisfuk Jesús pask wut, xatis matxoela fulaeyaxisal Dios poxase. Matxoelatupi, japilax, matxoela fulaeyaxael Dios poxase.

16 Japamatkoi, Jesús fuloeyaxoek wut, Dios pej-ángelespaklon pinjametat nejlakchaxael. Do jawut, Dios pejtrompeta nejmesaxael. Jawut wajpaklon Jesús fuloeyaxoek. Jiw tujpi, naexasiti Jesús pejwujajan, matxoela mat-eyaxaes pejme duilaliajwa.

17 Do jawut, xatis, Jesús pejwujajan naexasichpis, ampathatat laelpas wutfuk, wajpaklon Jesús nakbuflaeyaxoi Dios poxase, mat-iaspi suapich, jaxotse pomatkoicha duilaliajwas.

18 ¡Puexa xamal nejchachaemilde, nakaewa nanaewujajnam wut am-pawujajan!

5

1 Takoew, xanal ampox lelX wut, lela-enil jumchiliajwan: “Japamatkoitat Jesús pasaxoek” —chiliajwan. Japon asamatkoi pajut chiekal pasaxoek.

2 Xamal chiekal matabijam wajpaklon Jesús asamatkoi pejme pasaxoekpox. Chalechkal pasaxoekon, jiw japox nejchaxoela-el wut. Me-ama kithakan madoi chalechkal pat wut, jachiyaxael, wajpaklon Jesús chalechkal pasaxoek wut.

3 Jiw jum-aech wut: “Potujajnucha chiekal wujajan ajil. Puexa jiw nejmach chiekal duil” —aech wuti, jawut chalechkal Jesús pejwujajan naexasis-eli Dios kastikaxaes. Me-ama pawis xabich wexaenks naxuwllaliajwa wut, jachiyaxaelbej jiw, naexasis-eli Jesús pejwujajan, xabich kastikaxaes wut. Japi jiw xabich nabijasaxael.

4 Takoew, xamal, me-ama asew jiw, naexasis-eli Jesús pejwujajan, ¡nabej ja-aече'! Japi pejnechaxoelaxan, me-ama itkua'nik, babijaxan is xot. Xamal wujajnowetam wajpaklon Jesús pasaxoekpox athulelsik. Japamatkoitat fuloek wuton, ¡xamal nabej belwe'! Me-ama kithakan chalechkal pat wut, jiw beljow, ¡xamal nabej ja-aече', Jesús chalechkal pasaxoek wut!

5 Puexa xamal Jesús pejjiwam xot, itliakaxpijwam. Itkua taxpijwa-emil.

6 Samata, Jesús pejjiws xot, chiekal nejchaxoelaxaes babijax isasamatas. Me-ama asew babijaxan is, xatislax jachiyaxisal.

7 Madoi jiw moejt. Jiw saxtaspi, japi madoi saxtas.

8 Xatis itliakaxpijwas xot, wajut chiekal natataeflaxaes babijaxan isasamatas. Kaes naexasisaxaesbej Dios pejjamechan, Satanás

nakmalechasamata. Nakaewa nanejxasinkaxaesbej. Dios xanaboejax-aesbej nakb_u'weliajwa.

⁹ Dios xatis nakmakanot w_{ut}, nakmakanos-el nakkastikaliajwa. Nakmakanotlax nakb_u'weliajwa wajpaklon Jesucristo pijaxtat.

¹⁰ Jesucristo t_{up} xatis nakb_u'weliajwa. Samata, Jesús pejme f_{uloek} w_{ut}, xatis ampthatat laelpaspisfuk, o, t_{ups} w_{ut}bej, jaw_{ut} Jesús puexa xatis nakb_uflaeyaxael duilaliajwas japonxotse.

¹¹ Xamal nakaewa nanaew_{uaj}nampoxlis nejchachaemlaliajwam, kaes Dios xanaboejalijwambej, ijapoxlap xamal nakaewa nanaew_{uaj}nafalde!

Pablo pejme naew_{uaj}anpox naexasiti Jesús pejw_{uaj}an

¹² Takoew, xamal j_{um}-an sitaeliajwam nabisti Diosliajwa xamalxot. Japi Dios makanoch xamal tataeflaliajwa, naew_{uaj}naliajwabejpi Dios pej-jamechan.

¹³ ¡Japi jiw chiekal sitaem! ¡Nejxasinkdebej, nabist xoti Diosliajwa! Duilam w_{ut}, ¡chiekal duilafalde, asew jiw s_{uapich}!

¹⁴ Takoew, xamal to'ax jiw kiwecha nabichax to'aliajwam. Jesús pejw_{uaj}an naexasiti, nejchaemil w_{ut}, ¡japi jiw naew_{uaj}ande nejchachaemlaliajwa! ¡Kajachawae'ebey jiw Dios xanaboejapox chiekal mamnika-elpi, kaes chiekal Dios xanaboejalijwa! Asew jiw xamal taliat w_{ut}, ¡kamta nabej nalale'!

¹⁵ Asew jiw babijaxan is w_{ut} xamalliajwa, ¡xamal chiekal taem babijaxan isasamatam japi jiwliajwa! ¡Xamallax isfalde pachaempoxan nakaewaliajwa, puexa asew jiwliajwabej!

¹⁶ ¡Pomatkoicha nejchachaemildebej!

¹⁷ ¡Dios kaw_{uaj}andebej pomatkoicha!

¹⁸ ¡Diosliajwa gracias-amdebej puexa Dios ispoxanliajwa xamalliajwa! Japoxlap Dios xabich nejxasink xamal j_{um}chiliajwam, naexasitam xot Jesucristo pejw_{uaj}an.

¹⁹ Espíritu Santo xamal to'a w_{ut} isaxaelampox, ijapoxliajwa nabej nejchaxoele': "Xan japox isaxinil" —nabej aeche', nejchaxoelam w_{ut}!

²⁰ Profetas j_{um}-aech w_{ut}bej asamatkoi jachiyaxaelpoxliajwa, ¡xamal nejchaxoelam w_{ut}, nabej nejchaxoele': "Japox asamatkoi diachw_{uaj}nakolax jachiyaxil" —nabej aeche', nejchaxoelam w_{ut}! ¡Profetas naew_{uaj}anpoxanliajwabej nabej j_{um}-aech': "Japi naew_{uaj}anpoxan, Dios b_{uxto}'aspoxana-el" —nabej aeche'!

²¹ ¡Profetas j_{um}-aechpoxan xamal majt chiekal xapaejam Dios pejjamechantat! Do ja-am w_{ut}, xamal chiekal matabijaxaelam. Do jaw_{ut}bej, ¡j_{um}-amde: "Diachw_{uaj}nakolax japi Dios b_{uxto}'as naew_{uaj}naliajwa japajamechan" —amde, nejchaxoelam w_{ut}! Do jaw_{ut}, ¡japi chiekal naexasi'e!

²² ¡Puexa pachaema-elpoxan nabej is! ¡Puexa babijaxan ispixot xamal at_{uaj}imbej!

²³ Dios, xabich pachaempon, ¡japon pajut nej kajachawaes xamal chiekal duilaliajwam, is-elaliajwambej babijaxan! Dios xamal kajachawaet w_{ut}, xamal xabich pachaemaxaelam, wajpaklon Jesucristo pasliajwa w_{ut}.

²⁴ Jasoxtat Dios kajachawaesaxael, xamal makanot xoton japon pejjiwaliajwam. Isaxaelbejpon puexa chajia j_{um}dutpoxan.

Pablo to'apox naexasiti Jesús pejw_{uaj}an nakaewa nasaludaliajwa, Tesalónica paklowaxpijw

²⁵ Takoew, ¡xamal Dios kaw_{uaj}ande xanalliajwa!

²⁶ ¡Jesús pejw_{uaj}an naexasitampim, nakaewa chiekal nasaludam!

²⁷ Dios pijaxtat xamal to'ax ampox carta chanaexaljoeliajwam puexa wajkoew, Jesús pejwajjan naexasitiliajwa.

²⁸ Xan wajpaklon Jesucristo kawajjajna xamal xabich kajachawaesliajwapon.

Wachakalcarta, Pablo lelpox, Tesalónica paklowaxpijiwliajwa

Pablo lelpox carta, Silvano sɥapich, Timoteo sɥapichbej, Tesalónica paklowaxpijiwliajwa

¹ Xan Pablo, Silvano sɥapich, Timoteo sɥapichbej, lelx ampox carta, xamal Jesús pejwɥajan naexasitampimliajwa, Tesalónica paklowaxpijwamliajwa. Waj-ax Dios, wajpaklon Jesucristobej, xamal japi pejjiwam.

² Xanal Dios kawɥajnaɥ, Jesucristobej, japi xamal xabich kajachawaesliajwa, chiekal duilaliajwambej, asew jiw sɥapich.

Dios kastikaxaelpox jiw, babijaxan ispi, Cristo pejme pask wɥt

³ Takoew, xamal Dios xanaboejampox kaesful. Asew jiw nejxasinkampox kaesfulbej. Samata, xanal Dios kawɥajnaɥ wɥt, jɥm-an: “Gracias-an, xam jasoxtat kajachawaesfulam xot Tesalónica paklowaxpijiw” –an Diosliajwa xamalliajwa.

⁴ Xamal xabich nabijatam wɥt asew jiw pijaxtat, kofa-emil Dios xanaboejampox. Samata, xanal xabich nejchachaemlax xamalliajwa. Samatabej, asapaklowaxanpijiw, naexasiti Jesús pejwɥajan, chapaeix japoxliajwa.

⁵ Xamal Dios chiekal xanaboejam xot, puexa jiw pajut chiekal matabija, Dios puexa ispoɥan xabich chiekal pachaem. Samata, xamal pasaxoemch Dios tato'alxotse, ampathatat xabich nabijasfulam xot.

⁶ Japi jiw xabich babijaxan is xot xamalliajwa, Dios kastikaxaespi.

⁷ Amwɥtjel xamal nabijatampim, me-ama xanal, ja-ampim. Nabijataspoxan toep wɥt, kaes nabijasaxisal, wajpaklon Jesús fuloek wɥt athɥlelsik, ángeles sɥapich, xabich mamnikpi. Japi fuloek wɥt, fulaeyaxoeki tamdadusaxtat.

⁸ Wajpaklon Jesús fuloek wɥt, kastikaxaelon jiw, naexasis-elpi Dios. Kastikaxaelbejpon naexasis-elpi chimiawɥajan, wajpaklon Jesucristo pejwɥajan.

⁹ Japi pomatkoicha kastikaxaes. Atɥaj pelsaxaesbejpi Dios pejwɥajnalel. Japon Dios, xabich mamnikpon, tapaeyaxilbejpon japi japonxotse pasliajwa.

¹⁰ Wajpaklon fuloek wɥt, japamatkoi, puexa naexasiti Jesús pejwɥajan jɥmchiyaxael japonliajwa: “Xam xabich pachaemam” –chiyaxaeli. Japi xabich sitaeyaxaelbej Jesús. Xanal naewɥajnaɥ wɥt Jesús pejwɥajan, xamalbej chiekal naexasitam. Samata, xamalbej asamatkoi Jesúsxotaxaelam.

¹¹ Samata, xanal Dios kawɥajnaɥ xamal pachaemaliajwam, me-ama Dios nejxasink. Dios kawɥajnaɥbej xamal japon kajachawaesliajwa, puexa pachaempoxan isasiam wɥt isliajwam, naexasitam xot Jesús pejwɥajan.

¹² Japoxan isam wɥt, puexa jiw jɥmchiyaxael chimiajamechan wajpaklon Jesúsliajwa. Ja-am wɥt, asew jiw xamal sitaeyaxael, Dios, wajpaklon Jesucristobej, xamal kajachawaet xot.

2

Babejkolan matxoela pasaxaelpox, Jesucristo pejme pasliajwa wɥt

¹ Takoew, wajpaklon Jesús pejme pask wɥt, xatis naktamejaxaelon. Xanal lelx ampox xamal matabijaliajwam. Jesucristo pasliajwa wɥt, majt asaxan jachiyaxael.

² Aton jum-aech wut: “Xan matabijtax Espiritu Santo pijaxtat. ¡Jesús pasklison!” —aech wuton, ¡japon aton nabej naexasis! Asan aton jum-aech wutbej: “Xan tajut taenx Jesús. ¡Japon pasklison!” —aech wuton, ¡japon atonbej nabej naexasis! Asan aton jum-aech wutbej: “Pablo carta naxto'a xanliajwa. ¡Jesúspilis pask!” —aech wuton, ¡japon atonbej xamal nabej naexasis!

³ Japoxan jiw jum-aech wut, ¡xamal chiekal taem Jesús pasaxaelpoxliajwa xamal naekichachajbasamatapi! Mox pawhajna wut Jesús pasliajwa, xabich jiw kofaxael naexasitpox Dios pejjamechan. Japi jiw Dios padaelmajiw nadofaxael. Japamatkoi kaen, babejkolan, pasaxael. Japon babejkolan asamatkoi Dios xabich kastikaxaes.

⁴ Dios padaelmanaxaelon. Nejweslaxaelbejpon Dios. Japonbej nejweslaxael asaxan, jiw kawhajanpoxan. Japon leyaxael Dios pejtemploba. Jaxot nosaxaelon pejtua-ekax jiw tato'laliajwa, Dios pejtemplobatat. Do ja-aech wut, pajut najumchiyaxaelon: “Xan Diosnan” —nachiyaxaelon xabich jiw naekichachajbaliajwa.

⁵ Xamalxotx wut, chajia jum-an japon babejkolan pasaxaelpoxliajwa. ¿Xamalkat nejkiowam, jum-an wut japoxliajwa?

⁶ Xamal chiekal matabijam, Dios tapae-el babejkolan pasasamatafuk. Dios markpox, matkoi, pat wut, jawut japon babejkolan pasaxael.

⁷ Ampamatkoiyan jiw xabich kaes babijaxan is. Pefuk babejkolan pasaxilfuk. Dios tapaeis wut, jawut babejkolan pasaxael babijaxan isliajwa.

⁸ Babejkolan tapaeis wut pasliajwa, japon pasaxael. Do jawux, wajpaklon Jesús pask wut, jiw taeyaxael Jesús pijax pamamax. Do jawut, Jesús kaefulaxtat matkaelaxaelon babejkolan.

⁹ Japon babejkolan ampathatat wutfuk, xabich kajachawaesaxaeson Satanás puexa jiw taeliajwa babejkolan pejpamamax. Samata, babejkolan nejmachkoechaxan isaxael xabich jiw naekichachajbaliajwa.

¹⁰ Isaxaelbejpon xabich babijaxan jiw naekichachajbaliajwa. Japon pijaxtat xabich jiw napelsaxael Diosliajwa, naexasis-el xoti Jesús pejwujajan, diachwujajnakolaxpox, Dios bu'welijwas.

¹¹ Samata, Dios tapaeiyaxael babejkolan jiw naekichachajbaliajwa. Jiw naexasisaxael naekichachajbaspoxan.

¹² Samata, puexa japi jiw Dios kastikaxaes, naexasis-el xoti diachwujajnakolaxpox. Japi jiw asbuan jumch nejchachaemil, isful wut babijaxan.

Dios makanotpox Tesalónica paklowaxpijw, japi bu'welijwapon

¹³ Takoew, Dios that is-el wutfuk, Dios chajia nejchaxoel xamal makanosliajwa japon pejjiwaliajwam, bu'welijwabejpon xamal. Naexasitam xot Dios pejjamechan, diachwujajnakolax Dios pejjiwam Espiritu Santo pijaxtat. Samata, xanal Dios kawhajna wut, Dios gracias-an xamalliajwa.

¹⁴ Dios xamal makanot japon pejjiwaliajwam. Samata, Dios xanal nato'a xamal naewhajnalajwan chimiawhajan, Jesús pejwujajan, Dios xamal bu'welijwa. Ja-an wut, xamal naexasitam japawhajan. Samata, duilaxaelam, Jesucristo shapich, Diosxotse.

¹⁵ Samata, takoew, ¡Dios chiekal naexasisfulde! ¡Nabej nejkiowe' naewhajna xpo x, Jesús pejwujajan! ¡Nabej nejkiowe'bej xanal tajut naewhajna xpo xan, naewhajna xpo xanbej cartanxot!

¹⁶ Wajpaklon Jesucristo, waj-ax Diosbej, japi naknejxasink. Nakkeltaenbejpi. Nakkajachawaetbejpi xatis wajlewlasamatas. Nakkajachawaetbejpi xatis wujajna wesliajwas wajpaklon Jesucristo pasliajwa athulelsik.

17 Xanal Dios kawhajna xamal kaes Dios xanaboejalijwam. Dios kawhajna xbej puexa xamal jum-ampoxan pachaemalijwa, isfulampoxanbej.

3

Pablo to'apox Tesalónica paklowaxpijiw Dios kawhajnalijwa japonlijwa

1 Takoew, kaes lelaxaelen ampox xamallijwa. ¡Dios kawhajande xanallijwa, jiw naewhajna x wut chiekal naewhajnalijwan! ¡Dios kawhajandebej, xanal jiw potajna cha naewhajna x wut kamtalejen jiw chiekal naexasislijwa Jesús pejwajan, me-ama xamal kamta naexasitam, jachilijwabej japi jiw!

2 ¡Dios kawhajande japon xanal natataeflialijwa, jiw babejchow babijaxan isasamata xanallijwa, puexa jiw naexasis-el xot Jesús pejwajan!

3 Pe nakiowa, Dios nakkajachawaesaxael. Dios kajachawaesaxael xamal kaes xanaboejalijwam japon. Dios tataeflaxaelbej xamal malechasamata, Satanás xapaeja wut xamal.

4 Xanal nejchaxoelx xamallijwa: “Tesalónica paklowaxpijiw Dios kajachawaesaxaes. Samata, japi puexa isaxael xatis tato'laspoxan” –an xanal, nejchaxoelx wut xamallijwa.

5 Xanal Dios kawhajna xamal kajachawaeslijwapon asew jiw nejxasinkalijwam, me-ama Dios nejxasink xamal, jachilijwam xamal asew jiwlijwa. Dios kawhajna xbej, xamal nabijatam wut japon kajachawaeslijwa. Me-ama Cristo nakiowa Dios naexasisful, nabijat wut, ¡xamalbej ja-amsfulde!

Jesús pejwajan naexasiti nabichaxaelpox pajut natataeflialijwa

6 Takoew, xanal lel x wut, jum-an wajpaklon Jesucristo pijaxtat. Aton, naexasitpon Jesús pejwajan, kiwechan wut nabichlijwa, ¡japon atonxot xamal nadijim, naexasis-el xoton xanal naewhajna xpo x!

7 Xamal chiekal matabijam, ma-an xanal, xamalxot duilx wut. Ja-an xanal, xamalbej matabijalijwan chiekal duilalijwam. Xamalxotan wut, tajut nabistax wajslijwan nawewe'ppoxan.

8 Xamalxotan wut, malech naxaeyaxan wuljoe-enil. Wuljowx wut, xatomotx. Naewhajna-enil wut, tajut nabistax matkoi, madoi wutbej, plata kanalijwan, kaen xamalxot xanal nawewe'ppoxan nawemosasamata.

9 Wajpaklon Jesús xanal natapaei xamal wuljoelalijwan nawewe'ppoxan, xamal naewhajna x wut japon pejwajan. Pe nakiowa, wuljoe-enil xamal. Xanallax tajut nabistax, xamalxotan wut, xamalbej najut nabichlijwam wajslijwam xamal wewe'ppoxan.

10 Xamalxotan wut, jum-an: “Aton kiwesla wut nabichlijwa, ¡japon nej xaele!” –an xan.

11 Xanal wultaenx xamalxot asew nabich-elpox. Pomatkoicha japi jiw asbuan jumch mathan. Nabichaxaelpi itsalti asbuan jumch.

12 Jasi jiwlijwa wajpaklon Jesucristo xan nato'a jumchilijwan: “¡Japi jiw pajut nej nabich wajslijwa wewe'paspoxan!” –chilijwan.

13 Takoew, ¡nabej kofe' islijwam pachaempoxan asew jiwlijwa!

14 Jiw naexasis-el wut xan lel xpo x carta, ¡japi sapich, nabej nanams! Jam wut, japi jiw pajut padalaxael.

15 ¡Pe xamal nabej nejchaxoele' japi jiwlijwa: “Japi jiw tadaelmajiw” –nabej aeche', nejchaxoelam wut! ¡Asbuan jumch chiekal naewhajande, japi naexasit xot Jesús pejwajan!

Pablo amxot kitoesaxaelpox lelpox

¹⁶ Wajpaklon Jesucristo nakkajachawaet chiekal duilaliajwas. Dios kawhajnax xamal pomatkoicha chalaliajwapon, kajachawaesliajwabej xamal chiekal duilaliajwam nejmachtajnjachaxot.

¹⁷ Xan Pablo, ampox tajut lel xamal saludaliajwan. Ja-an, xan kaenanala cartan lelxxot. Tajwalbej jaxot lel xamal puexa chiekal matabijaliajwam xan xato'axox.

¹⁸ Xan wajpaklon Jesucristo kawhajnax puexa xamal kajachawaesliajwa.

Matxoelacarta, Pablo lelpox, Timoteoliajwa

Pablo lelpox carta Timoteoliajwa

¹ Xan Pablo, Jesucristo pej-apóstolan, japon pejwɛajan jiw naewɛajnalijwan. Dios, jiw bu'weyaxaelpon, japon xan namakafit Jesucristo pej-apóstolliajwan. Wajpaklon Jesucristo, xatis wɛajnwewechpon pasliajwasik, japonbej namakafit pej-apóstolliajwan.

² Timoteo, ampox carta lelx xamliajwa. Xam, me-ama taxɛɛnam, naknaexasitam xot Jesús pejwɛajan, naewɛajnaɛ wɛt. Samata, xan waj-x Dios kawɛajnaɛ, wajpaklon Jesucristobej, xam kajachawaesliajwapi, xam beltaeliajwabejpi. Dios kawɛajnaɛbej xam chiekal dukaliajwam Diosliajwa, Jesúsliajwabej, jiwliajwabej.

Pablo to'apox Timoteo, japon buxfiasliajwa asawɛajan naewɛajanpi

³ Macedonia tɛajnaɛ poxadaɛ wɛt, xam to'ax namanaliajwam Éfeso paklowaxxot japi jiw chiekal naewɛajnalijwam. Xan nejxasinkaɛ xam jaxot namanaliajwam asew jiw buxfiasliajwam, japi naewɛajanpi asawɛajan Jesús pejwɛajanliajwa.

⁴ Japi jiw naewɛajanbej asawɛajan, pajut faekwɛajan. Chapaeibejpi puexa pejwɛajnapijiw ispoxan. Japawɛajan pachaema-el japiliajwa. Japawɛajanliajwa jiw nakaewa najɛm-aech wɛt, asbɛan jɛmch nakaewa nabɛnloti. Samata, jiw kaes Dios xanaboeja-el naexasisliajwapi Jesús pejwɛajan.

⁵ Samata, xam to'ax japi jiw buxfiasliajwam. Dios nejxasink xatis naewɛajnalijwas, nakaewa nanejxasinkaliajwasbej. Samata, nakaewa nanejxasinkas wɛt, isaxaes pachaempoxan nakaewaliajwa. Dios chiekal xanaboejaxaesbej. Nejchaxoelaxisal isliajwas pachaema-elpoxan.

⁶ Asew japixot nakaewa nanejxasinkpox nakofapi. Amwɛtjel japi jiw asbɛan jɛmch nakaewa najɛm-aechɸal pachaema-elpoxan.

⁷ Japi naewɛajan wɛt Moisés chajia lelpox, nejxasink asew jiw jɛmchiliajwas japiliajwa: “Ampi jiw chiekal naewɛajan Moisés chajia lelpox” –chiliajwas. Japi, me-ama chiekal matabija wɛt, ja-aechi. Pe japi jiw pajut chiekal matabija-el Moisés chajia lelpox.

⁸ Xatis matabijas, Moisés chajia lelpox pachaem japox jiw naewɛajnalijwas. Pe jiw chiekal pajut matabijaxael, ma-aech xot Moisés japox lel.

⁹ Xatis wajut matabijaxaes ampox. Paklochow lel wɛt tato'alpox, japi japox lela-el fiasliajwa jiw, ispi pachaempoxan. Japilax japox lel jiw fiasliajwa, babijaxan is wɛt, kastikaliajwabejpi. Japox lelbejpi kastikaliajwa jiw, sitae-elpi Dios, naexasis-elpibej Dios. Japox lelbejpi kastikaliajwa paxjiw bapi, penjiwbej, asew jiwbej.

¹⁰ Japox lelbejpi fiasliajwa poejiw bu'moejsasamata asew watho', watho'bej asew poejiw bu'moejsasamata. Japox lelbejpi fiasliajwa nakaepojwa nabu'moejsasamata, watho'bej nakaewatho'a nabu'moejsasamata. Japox lelbejpi fiasliajwa asew jiw mowasamata asatɛajnaɛchanlel, japi jiw esclavos nadofaliajwa. Japox lelbejpi fiasliajwa jiw kichachajbasamata. Japox lelbejpi fiasliajwa, jiw jɛmduw wɛt japox is-elasamata. Japox lelbejpi fiasliajwa naexasislasamata diachwɛajnakolaxwɛajan.

11 Jesús pejwɛajan, chimiawɛajanxot, jum-aech japox diachwɛajnakolaxwɛajan, Dios nabɛxto'apox naewɛajnalialjwan. Dios, japon xabich pachaem.

Pablo gracias-aeçpox Jesucristoliajwa, Jesucristo kawɛajan wɛton

12 Wajpaklon Jesucristo chiekal matabijt, japon nato'apox isaxaelenpox. Samata, japon pajut nakajachawaesful, asew jiw naewɛajnax wɛt japon pejwɛajan. Samata, gracias-an Jesucristoliajwa, Jesucristo kawɛajnax wɛt.

13 Majt naexasis-enil wɛtfuk Jesús pejwɛajan, xan jum-ansfulax babej-jamechan Jesúsliajwa. Chakifolxbej naexasiti Jesús pejwɛajan. Japox isx wɛt, Dios nakiowa nabeltaen. Japox isfulax wɛt, xan tajut chiekal matabijs-enil, babijax isfulax wɛt, naexasis-enil wɛtfuk Jesús.

14 Wajpaklon Jesucristo xan xabich nakajachawaet. Samata, japon naexasitx kaes xanaboejsliajwan. Do jawɛt, japon nakajachawaetbej asew jiw nejxasinkalialjwan.

15 Ampox diachwɛajnakolax. Samata, puexa jiw chiekal naexasisaxael. Jesucristo fuloek ampathatasik jiw, babijaxan ispi, bu'welialjwa. Xan kaes babijaxan isx. Me-ama puexa asew jiw, xan jachi-enil.

16 Xan japoxan isx wɛt, Dios nakiowa nabeltaen. Ja-aech wɛt, puexa jiw chiekal matabija Jesucristo xabich piach palala-elpox xanliajwa. Japon kamta xan nakastika-el, naexasisfula-enil wɛt. Samata, jiw pajut chiekal matabijaxael, xabich wɛti babijaxan ispoxan, Dios nakiowa beltaeyaxaesi, me-ama xan Dios nabeltaen. Japi jiw Dios beltaens wɛt, duilaxael pomatkoicha Diosxotse.

17 Samata, pomatkoicha jumchiyaxaes Diosliajwa: “Xam xabich pachaemam” –chiyaxaes. Dios, kaen paklon puexa jiwliajwa, pomatkoichialjwabej. Pomatkoicha dukpon. Chinax kaen aton taeyaxil Dios. Japon Dios chiekal kaekolan. Japon jachiyaxael pomatkoicha.

18 Xam Timoteo, taxɛlan wɛt, ja-am. Samata, jisde xan to'axpox asew jiw naewɛajnalialjwam Dios pejjamechan! Japoxliajwa asew jiw, naexasiti Jesús pejwɛajan, majt jum-aechi xam naewɛajnaxaelampoxliajwa. Asew jiw naewɛajnam wɛt Dios pejjamechan, tampoelaxael. Ja-aech wɛt, ixam nakiowa naewɛajande! Me-ama soldawan nakiowa naba, chachoel wɛt japonliajwa, ixamlap-is ja-amde, Dios pejjamechan jiw naewɛajnam wɛt!

19 Japox isam wɛt, ¡Dios xanaboejsfulde! ¡Isfuldebej pachaempoxan, me-ama xam matabijtam isfulalialjwam! Asew jiw matabija wɛt pachaempoxan isliajwa, japoxan is-eli. Samata, japi jiw kofa Dios xanaboejapoxan.

20 Japox ja-aech Himeneo, Alejandro sɛapich. Samata, jum-aechi babej-jamechan Diosliajwa. Japoxan japi bɛxkofaliajwa, xan japi jiw woeyax Satanásxot, wɛxataeliajwapi jaxot wɛt.

2

Jesús pejwɛajan naexasiti Dios kawɛajnaxaelpox puexa asew jiwliajwa

1 Timoteo, xan xabich nejxasinkax naexasiti Jesús pejwɛajan Dios kawɛajnalialjwa puexa asew jiwliajwa. Japi jiw Dios kawɛajan wɛt, graciaschiyaxaelbejpi Diosliajwa, Dios puexa jiw kajachawaetpoxliajwa.

2 Japi, naexasiti Jesús pejwɛajan, Dios kawɛajnaxaelbejpi Dios chiekal kajachawaesliajwas jiw tato'alpi, nabistibej japiliajwa. Ja-aech wɛt, ajilaxael nabeyax. Samata, xatis chiekal duilaxaes. Ja-aech wɛt, xatisliajwa chiekal pachaemaxael Dios naexasisfulalialjwas, me-ama japon nejxasink.

3 Pachaem, xatis Dios kawɛajnas wɛt asew jiwliajwa. Dios, nakbu'wiapon, nejchachaemilbej, japon kawɛajnas wɛt asew jiwliajwa.

⁴ Dios bu'wesia puexa jiw. Nejaxasinkbejpon puexa jiw matabijaliajwa Jesús pejwujajan, diachwujajnakolaxpox.

⁵ Dios kaen. Do kaes asan Dios ajil, me-ama Dios, jason. Jesucristobej kaen. Japonlap asamatkoi jiw buflaeyaxael Dios poxase.

⁶ Cristo pajut natapaei asajiw kimatamatlaliajwas puexa jiw babijaxan ispoxan wemosliajwapon, Dios puexa jiw bu'welialjwa. Japawujajan Dios naktapaei matabijaliajwas, naewujajnalialjwasbej asew jiw ampamatkoiyan.

⁷ Samata, Dios xan namakafit apóstollialjwan, potujajnucha judíos-elpi naewujajnalialjwan chimiawujajan, Jesús pejwujajan. Xan jum-anpox, diach chiekal wujajnakolax. Kichachajba-enil.

⁸ Xan nejaxasinkax poejiw potujajnucha Dios kawujajnalialjwa. Japi muaxxachoe yaxael, Dios kawujajan wut. Japi poejiw, chiekal pachaempi, me-ama Dios nejaxasink. Palala-elpi bej, asew jiw suapich. Majt nalot wut, asew jiw suapich, chiekal chaempibejlis.

⁹ Xan nejaxasinkaxbej watho' naxoelialjwa, mado' ipachaem. Do japoxantat watho' naxoeyaxael. Watho' nachaemt wut, chiekal mathiayaxael. Xabich duyaxil oro, perlasbej. Watho' naxoeyaxilbej yiafan, xabich ommaenkpi.

¹⁰ Jachiyaxil watho', naexasiti Jesús pejwujajan. Japi watho'lax isaxael pachaempoxan asew jiw kajachawaesliajwa. Ja-aech wut, asew jiw sitaeyaxaesi. Japi watho'liajwa jumchiyaxaesbej: “Japi watho' xabich pachaem” – chiyaxaesi.

¹¹ Poejiw Dios pejjamechan naewujajan wut, watho' boejlach chalakaxael chiekal naewesliajwa. Ja-aech wut, asew jiw nejaxaxoelaxael japi watho'liajwa: “Japi watho' diachwujajnakolax chiekal sitaen, asew jiw naewujajan wut Dios pejjamechan” – chiyaxael jiw, nejaxaxoels wut japi watho'liajwa.

¹² Xan tapae-enil watho' naewujajnalialjwa Dios pejjamechan, jiw natameja wut. Watho'lax chiekal boejlach chalakaxael naewesliajwa Dios pejjamechan. Watho' tato'laxil poejiw.

¹³ Dios matxoela is Adán. Do jawux, Adán pijow ispon. Samata, watho' tato'laxil poejiw.

¹⁴ Adán naekichachajba-esal Satanás. Eva naekichachajbas Satanás. Samata, japow naexasis-el Dios.

¹⁵ Watho', paxipi, chiekal isful wut puexa Dios tato'laspoxan paxi chiekal ti'sliajwa, ja-aech wut, Dios bu'weyaxaes japi watho'. Japi watho'bej chiekal naexasisaxael Jesús pejwujajan. Asew jiw nejaxasinkaxaelbejpi. Chiekal duilaxaelbejpi, me-ama Dios nejaxasink.

3

Masi poejiw makanosaxaes pox ancianosliajwa, japi chiekal tato'laliajwa Jesús pejwujajan naexasiti

¹ Ampox diach chiekal wujajnakolax. Kaen ancianosia wut naexasiti Jesús pejwujajan tato'laliajwa, japox bichax xabich pachaem.

² Makafisaxaespon ancianoliajwa, japon aton chiekal pachaempon asew jiwliajwa, japonaxaellape. Japonbej puexa jiw jumtispon: “Ampon aton babijax is-el” – tispon. Japonbej kaeow pijow. Japonbej chiekal natataeful pajutliajwa isasamata pachaema-elpoxan asew jiwliajwa. Japonbej asew jiw sitaenspon. Japonbej chiekal asew jiw bu'kula, pejbatat jiw pat wut. Japonbej chiekal xajup asew jiw naewujajnalialjwa.

³ Japonbej saxa fe-el saxsliajwas. Japonbej nabeyax nejxasinka-el. Japonbej nejxasinka-el nalosax, asew jiw s̄apich. Japonbej nejxasinka-el xabich plata kanaliajwa.

⁴ Japonbej chiekal tato'alpon pejbapijiw. Japonbej paxi to'a w̄ut, chiekal owtis. Japonbej chiekal sitaens paxi.

⁵ Kaen aton chiekal tato'la-el w̄ut pejbapijiw, ja-aech w̄ut, japon chiekal tato'laxilbej naexasiti Jesús pejw̄ujan.

⁶ Jesús pejw̄ujan jelnaexasitpon, japon aton chiekal pachaema-elfak ancianoliajwa. Japon aton makafich w̄ut ancianoliajwa, nejchaxoelaxaelon: “Xan kaes pejme pachaeman. Me-ama asew jiw, jachi-enil” —chiyaxaelon, nejchaxoel w̄ut. Japox nejchaxoel w̄ut, japon aton Dios kastikaxaes. Me-ama Dios kastika w̄ut Satanás, jachixaesbej japon aton.

⁷ Makafisaxaespon ancianoliajwa, japon chiekal sitaeyaxaes asew jiw, naexasis-eli Jesús pejw̄ujan. Ja-aech w̄ut, asew jiw japon aton w̄ulj̄umchiyaxisal. Satanásbej xaj̄upaxil japon anciano naew̄ujanpox wetoessliajwaspon.

Masi poejiw makanosaxaespon diáconosliajwa, japi kajachawaesliajwa ancianos

⁸ Makanosaxaespi diáconosliajwa, japibej puexa jiw chiekal sitaenspilis. Japibej kichachajba-el. Japibej saxa fe-el saxsliajwas. Japibej nejchaxoela-el isliajwa babijaxan xabich plata kanaliajwa.

⁹ Japibej babijax is-el, chiekal naexasit xoti diachw̄ajnakolaxpox, Cristo pejw̄ujan. Japi nejchaxoel w̄ut Jesús pejw̄ujanliajwa, nejchaxoela-el: “Amraw̄ujan diachw̄ajnakolaxa-el” —chi-eli, nejchaxoel w̄ut.

¹⁰ Makanosaxaespi diáconosliajwa, japi matxoela xapaejaxaes naexasiti Jesús pejw̄ujan, matabijaliajwa japi pachaem w̄ut. Japi pachaem w̄ut, makanosaxaes diáconosliajwa.

¹¹ Makanosaxaespi diáconosliajwa, japi pejwatho' chiekal sitaeyaxaespi asew jiw. Japi watho'bej buxw̄ujanmaenkaxilpi asew jiwliajwa. Japi watho'bej pajut chiekal natataefulpi, asax isasamata, pachaema-elpox.

¹² Poejiw makanosaxaespi diáconosliajwa, japi kaenan̄la pijowaxaelpi. Japibej chiekal matabijapi paxi tato'laliajwa, pejbachanpijiwbej.

¹³ Japi diáconosbichax chiekal isful w̄ut, puexa jiw chiekal sitaeyaxaes. Ja-aech w̄ut, diáconos buxdalaxil pajut chapaeliajwapi puexa jiw naexasitpox Jesucristo pejw̄ujan.

Pablo lelpox naew̄ujanliajwapon Timoteo diachw̄ajnakolaxpox Jesucristoliajwa

¹⁴ Timoteo, xan ampox carta lelx w̄ut, nejchaxoelx: “Asamatkoi chalechkal pasaxaechan Éfeso paklowaxxot Timoteo taeliajwan” —an, nejchaxoelax w̄ut.

¹⁵ Pe nakiowa, xan piach kijlax w̄ut pasliajwan xamxot, ampox carta xaljowam w̄ut, xam matabijsaxaelam, naexasiti Jesús pejw̄ujan machiyaxael, duil w̄ut. Japi jiw, Dios pomatkoichapon pejjiwpi. Samata, japi jiw naew̄ujanxael asew jiw Jesús pejw̄ujan. Japibej buxfiasaxael, asew jiw naew̄ujan w̄ut asaw̄ujan, Jesús pejw̄ujana-el w̄ut.

¹⁶ Jesús pejw̄ujan diach chiekal w̄ajnakolax xabich pachaem, xatis naexasichpox. Dios nakkajachawaet japaw̄ujan j̄umatabijaliajwas. Jiw himnotat jajuw w̄ut, j̄um-aechi:

“Cristo nalaelt ampathatat. Do jaw̄ux, Cristo t̄ap w̄ut cruztat, tres matkoi w̄ut, Dios mat-ech w̄utbejpon, pejme dukon, jiw pajut matabijaliajwa Cristo Dios pax̄ulanpon. Jaw̄ux japon bu'fos Dios ath̄use, Dios poxase.

Jawut ángeles taenpi Cristo. Do jawux, Cristo pejnachala naewhajan xabich asew jiw, asatuhajchanpijiw, Cristo pejwhajan. Samata, japi xanaboeja Cristo” —aech jiw, jajuw wut himno.

4

Asew jiw kofaxaelpox Jesús pejwhajan naexasitpoxliajwa

¹ Espíritu Santo nakjum-aech xatis chiekal matabijaliajwas amprox. That toepax mox pawhaina wut, naexasitpixot Jesús pejwhajan, asew jiw kofaxael, japi jiw naekichachajbaxaes xot. Japi asew jiw naewhajnaspox naexasisaxaeli. Japanaewhajnax, Satanás pejnaewhajnax.

² Japi naexasisaxael naekichachajbapijiw naewhajanproxan. Japawhajan, me-ama diachwhajnakolax wut, wejachiyaxaesipox. Naekichachajbapijiw asew jiw naewhajan wut, padalaxili. Samata, chiekal nejmach naewhajnaxaeli.

³⁻⁴ Japi naekichachajbapijiw naewhajan wut, japi asbuan jumch jiw fisaxael nakjiyasamata. Kaechafiasaxaelbejpi asanaxaeyaxan, nejmachnaxaeyaxan jiw xaesamata. Pe xatis, Jesús pejwhajan naexasichpis, chiekal matabijas. Xatis Diosliajwa graciastis wut, puexa Dios isproxan pachaem xaeliajwas. Kaen aton jumchiyaxil: “Amprox xaelx wut, pachaemaxil Diosliajwa” —chiyaxilon. Dios isproxan xaes wut, graciaschiyaxaes Diosliajwa.

⁵ Dios pejjamechan, chajia lelsprox, jum-aech wut, jum-aechox: “Puexa nejmachnaxaeyaxan pachaem xatis xaeliajwas” —aechox. Samata, Diosliajwa graciastis wut, japoxan pachaem xatis xaeliajwas.

Pablo naewhajanpox Timoteo

⁶ Xam chiekal naewhajnám wut naexasiti Jesús pejwhajan xan jum-anproxan, ja-am wut, xam pachaemaxaelam Jesucristo tanbichliajwam. Xam kaes Dios xanaboejsliajwam, chiekal naexasisaxaelam chajia xan jum-anproxan, xam naewhajnax wut.

⁷ ¡Nabej naexasis jiw pajut faekwhajan, japi naewhajan wut japox! Japawhajan pachaema-el, Dios pejjamechana-el xot. ¡Xam chiekal matabijtam naexasisliajwam Dios jum-aechproxan!

⁸ Najaesax pachaem wajbu'anliajwa. Pe kaes pejme pachaem xatisliajwa Dios xanaboejasprox. Samata, xatis laelpas wut, Dios nakkajachawaesaxael. Baxael, tups wutbej, Dios nakkajachawaesaxael duilaliajwas japonxotse.

⁹ Amproxlap diachwhajnakolax. Samata, xatis puexa chiekal naexasisaxaes.

¹⁰ Samatabej, xatis xabich nabistas Dios pijax bichax. Jatis Dios, pomatkoicha dukpron, xanaboejas xot. Dios puexa jiw bu'weyaxael, naexasiti Jesús pejwhajan.

¹¹ ¡Xan lelxproxan xam jiw naewhajande! ¡Jiw tato'aldebej amproxan chiekal naexasisliajwapi!

¹² Diachwhajnakolax xam chiekal pati'na-emil. Pe nakiowa, xam naewhajnám wut, ¡nabej tapae' jiw naewhajnamproxan naexasislasamata, chiekal pati'na-emil xot! Jesús pejwhajan naexasitixotam wut, ¡chiekal dukde xam japi jiw nakxataeliajwa! ¡Jiw naewhajnám wutbej, chiekal chamoeyaxtat naewhajande! ¡Nejxasinkdebej asew jiw! ¡Dios chiekal xanaboejsfuldebej xam kajachawaesliajwapon! ¡Nabej isbej babijaxan!

¹³ Xan pas-enil wutfuk xamxot, naexasiti Jesús pejwhajan suapich, natamejlam wut, ¡Dios pejjamechan, chajia lelsprox, chanaexaljoem! Do jawut, ¡chiekal chanaekabuanimbej japoxanliajwa jiw nejchachaemlaliajwa, Dios kaes xanaboejaliajwabejpi!

14 ¡Isfulde Dios xam tato'alpoxan! Ja-am wut, Dios kajachawaesfulaxael. Nejchaxoelam wutbej, ¡nejchaxoelde ancianos majt ki-owapoxliajwa nejta'tat, Dios kawuajan wuti xamliajwa! Jawut ancianos Dios to'as japi xam jumchiliajwa: “Dios xam makafit japon tanbichliajwam” —chiliajwapi.

15 ¡Puexa xan tato'laxpoxan chiekal isfulde! Ja-am wut, puexa jiw xam taeyaxael chiekal dukampox.

16 ¡Najut chiekal natataeflafalde babijax isasamatam! Jiw naewuajnam wutbej Dios pejjamechan, ¡naewuajande, me-ama Dios nejxasink! ¡Nabej kofs Dios naexasitampox! Ja-am wut, Dios xam bu'weyaxael. Xam naewetibej, Dios bu'weyaxesbej japi jiw.

5

Machiyaxaelpox Timoteo, duk wuton Jesús pejwuajan naexasitixot

1 Aton, pati'in, is wut pachaema-elpox, japon fiatam wut, ¡nabej los! Naewuajnam wut ispoxliajwa, ¡chiekal naewuajande! Me-ama nej-ax jum-am wut, ¡ja-amde japon atonliajwa! Watho', pansiachow, naewuajnam wutbej, me-ama nakoew naewuajnam wut, ¡ja-amde!

2 ¡Watho', pakdiachow, sitaem! Me-ama nej-en wut, ¡ja-amde! ¡Watho', pansiachow, sitaembej! Me-ama nakoewkola wut, ¡ja-amde! ¡Nabej bu'nejchaxoele' asax isax, japi watho' suapich!

Amxot jum-aechpox, watho', pamaljiw naetupsi, japi naexasiti Jesús pejwuajan

3 ¡Naewuajande naexasiti Jesús pejwuajan, japi kajachawaesliajwa asew watho', pamaljiw naetupsi, japi watho' pejjiw chiekal kijilpi kajachawaesliajwas!

4 Watho', pamaljiw naetupsi, paxi, pamojiwbej, pakdiachow wut, ja-aech wut, nej kajachawaesas japi watho'. Amwutjel, japi pakdiachow xot, ¡nej tataefle' penjiw, pae'jiwbej! Ja-aech wut, Dios nejchachaemlaxael japi jiwliajwa.

5 Watho', pamaljiw naetupsi, diachwajnakolax pejjiw chiekal kijilpi, japi watho' Dios xanaboeja kajachawaesfulaliajwas. Japi watho' buxkofa-elbej Dios kawuajnapoxan matkoi, madoibej, Dios kajachawaesfulaliajwas.

6 Asew watho', pamaljiw naetupsi, pajut isasiapoxan, pachaema-elpoxan, isful wut, ja-aech wut, japi watho', me-ama patupa, jachiyaxaeli Diosliajwa.

7 ¡Jesús pejwuajan naexasiti to'im kajachawaesliajwapi watho', pamaljiw naetupsi! Jesús pejwuajan naexasiti chiekal kajachawaet wut japi watho', chinax kaen aton, Jesús pejwuajan naexasis-elpon, wuljumchiyaxil babejamechan Jesús pejwuajan naexasitiliajwa.

8 Aton, Jesús pejwuajan naexasitpon, japon kajachawaes-el wut pejjiw, pejjiwkolabej, ja-aech wut, asew jiw matabijaxaeson, japon aton koft Jesús pejwuajan naexasitpox. Me-ama naexasis-eli Jesús pejwuajan, jachiyaxil japon. Kaes pejme chaemilaxaelon. Naexasis-elpi Jesús pejwuajan, japi chiekal tataeful pejjiw.

9 Watho', pamaljiw naetupsi, japi kaes sesenta waechanpi wut, japi pejwulan lelaxaes pelfutat, kajachawaesliajwas naexasiti Jesús pejwuajan. Japi watho' pamaljiw naetupsi wut, pejme poejiw nos-eli.

10 Japi watho' chiekal matabijas asew jiw, majt is xoti pachaempoxan asew jiwliajwa, pamaljiw naetupa-esal wuti. Japi watho'bej majt paxi wut, chiekal tataeful. Japi watho'bej chiekal bu'kula, asew jiw pat wut japi pejbatat. Japi watho'bej majt tuakkiatpi, naexasiti Jesús pejwuajan pat wut japi pejbatat chiekal bu'kulaliajwa. Japi watho'bej majt kajachawaetbej asew jiw, nabijat

wut. Isbejpi puexa pachaempoxan asew jiwliajwa. Me-ama japi watho', jasi watho'lap, kajachawaesaxaes naexasiti Jesús pejwajan.

¹¹ ¡Watho', pamaljiw naetɔpspi, sesenta waechana-elpifuk, japi pejwalan nabej lele' pelfutat, naexasiti Jesús pejwajan kajachawaesliajwas! Japi watho' pejme nosaxael wut poejiw, ja-aech wut, bej kofaxaelbejpi Jesús pejbichax nabistpox.

¹² Ja-aech wut, japi watho' pejbwajanaxael Diosliajwa, chiekal is-el xoti jumduwpox, Dios tanbichaxaelpox.

¹³ Ja-aech wut, japi watho' asbwan jumch nanamsaxael asabachan mathanaliajwa. Ja-aech wutbej, japi watho' kiwecha nadofaxael. Bwxwajanmaenkaxaelbejpi. Bwxandadwsaxaelbejpi. Japi watho'bej jumchiyaxael asew jiwliajwa pachaema-elpoxan jumchiliajwa asew jiw.

¹⁴ Samata, watho', pamaljiw naetɔpspi, japi chiekal pakdiachowa-el wutfuk, xan jum-an japi watho' pejme nakjiyaliajwa. Ja-aech wut, paxi wuxaeli. Chiekal tataeflaxaelbejpi jiw pejbachanpijiw. Ja-aech wut, wajdaelmajiw babejjamechan jumchiyaxisal japi watho'liajwa.

¹⁵ Xan japox jum-an, asew watho', pamaljiw naetɔpspi, kofa xoti Jesús pejwajan naexasitpox. Do jawax, asbwan jumch islisi Satanás tato'alpoxan.

¹⁶ ¡Watho', naexasiti Jesús pejwajan, japi watho' kaenanala nej kajachawaes pejiw, watho', pamaljiw naetɔpspi! Japi japox isful wut, ja-aech wut, asew, naexasiti Jesús pejwajan, xajwaxael kajachawaesliajwa asew watho', pejiw chiekal kijilpi.

Jesús pejwajan naexasiti, japi sitaeyaxaelpox ancianos

¹⁷ Ancianos chiekal tataeful wut naexasiti Jesús pejwajan, ja-aech wut, ¡chiekal nej sitaes! ¡Ancianosbej chiekal nej mosas, pomatkoicha naewajan wuti, chiekal chanaekabwana wutbejpi jiw Dios pejjamechan!

¹⁸ Dios pejjamechan, chajia lelpox, jum-aech wut, jum-aechox: “Woei xanbistam wut trigo matbokkiyanaliajwa, ¡woei nabej kaechjoele' bozal trigo xaesamata!” —aechox. Jum-aechbejpo: “Kaen aton nabist wut asanliajwa, ¡japon nej mosas!” —aechox. Samata, ¡ancianos chiekal nej mosas, pomatkoicha chiekal naewajan wuti, chanaekabwana wutbejpi asew, Jesús pejwajan naexasiti!

¹⁹ Asan aton xam jum-aech wut: “Xan taenx, anciano babijax is wut” —aech wuton, ¡japox kamta nabej naexasisfuk! Pe kolenje, o, tres aton, japox kaeyax chiekal jum-aech wut, ja-aech wut, ¡japi chiekal naexasi'e!

Pablo kaes lelpox, naewajanxan Timoteoliajwa

²⁰ Diachwanakolax ancianos babijaxan isful wut, ¡fia'e puexa Jesús pejwajan naexasiti pejwajnale! ¡Japoxlap xamal ja-amde puexa Jesús pejwajan naexasiti pejlowlaliajwa, japibej babijaxan isasamata!

²¹ Paklon babijax is wut, o, paklona-elpon wutbej, ¡japi fia'e! Xam japox to'ax isliajwam. Dios chiekal matabijt, Jesucristo swapich, ángelesbej, xam to'axpox isliajwam.

²² Xam Timoteo, ki-osasiam wut aton pejta'tat japon aton makafisliajwam ancianoliajwa, japon tato'laliajwa naexasiti Jesús pejwajan, ¡xam majt chiekal nejchaxoelde japon atonliajwa! Chiekal matabijs-emilpon makafitam wut ancianoliajwa, asamatkoi japon aton babijax is wut, ja-aech wut, japi jiw xam wuljumchiyaxael: “Timoteo kaenejchaxoelax, japon aton swapich, japox babijaxliajwa” —chiyaxael japi jiw xamliajwa. Dukam wut, ¡chiekal najut tataefulde pomatkoicha babijax isasamatam!

²³ Asamatkoi xam nejpoklawoejt chalechkal xabich jiwexaenk. Ja-aech wut, ¡nabej fe' minkal! ¡Cha-aeldoech tialalde vinomint!

²⁴ Asew jiw babijaxan is wut, puexa jiw japoxan chiekal matabija. Samata, japi tasalas. Pelax asew jiw maliach babijaxan is wut, matabija-esal. Pe baxael, japi tasalas wut, jawut puexa jiw matabija japi babijaxan ispoxan.

²⁵ Jiw tulaela is wutbej pachaempoxan, puexa jiw chiekal taen. Asew jiw, tulaela is-el pachaempoxan. Pe japoxan asamatkoi puexa jiw chiekal matabijaxael.

6

¹ Jesús pejwujajan naexasiti, esclavos wut, japi chiekal sitaeyaxael pejpaklochow. Ja-aech wut, asew jiw wujumchiyaxisal esclavosliajwa: “Japi esclavos naexasitwujajan, chiekal pachaema-el” –chiyaxil asew jiw. Japi jiwbej jumchiyaxil babejjamechan Diosliajwa.

² Japi esclavos nejchaxoelaxilbej: “Tajpaklon Jesús pejwujajan naexasit xot, chiekal sitaeyaxinil” –chiyaxil esclavos, nejchaxoel wut pejpaklochowliajwa. ¡Japi kaes chiekal nej nabich pejpaklochowliajwa!

Jesús pejwujajan naexasiti, japi xanejchachaemlaxaelpox pejew

³ Asew jiw naewujajan, asawujajan, wajpaklon Jesucristo pejwujajna-elpox. Japi naewujajna-el diachwujajnakolaxwujajan. Japi jiw naewujajna-elbej asew jiw chiekal duilaliajwa, me-ama Dios nejxasink.

⁴ Japi jiw, asawujajan naewujajanpi, nejchaxoeli: “Xatis puexa matabijas. Me-ama asew jiw, jachi-esal” –aechi, nejchaxoel wut. Pe japi pajut chiekal matabija-el asew jiw naewujajnaspo. Japi nejxasink wujajan nabunlosliajwa, pachaema-elpox. Nakaewa nusasiowlamaenkbejpi. Nakaewa najum-aechmaenkbejpi babejjamechan. Chiekal nakaewa naxanaboeja-elbejpi.

⁵ Nabuxkofa-elbejpi nabunlosax, pejnechaxoelaxan chaemil xot. Matabija-elbejpi diachwujajnakolaxpox. Kaenanula asbuan jumch nejchaxoel: “Xan naewujajna wut Dios pejjamechan, xabich plata kanaxaelen” –aechi asbuan jumch, nejchaxoel wut.

⁶ Xatis, Jesús pejwujajan naexasichpis, Diosliajwa, me-ama kimaenkas wut, jatis, xanejchachaemlas wut Dios nakchaxduwpoxan.

⁷ Ampathatat nalaelas wut, chiekal masox nalaelas. Asamatkoi tups wutbej, kaeyax xalaeyaxisal, ampathatpijaj.

⁸ Samata, ampathatat xatis naxaeyaxan wut xaeliajwas, naxoe wutbej naxoeliajwas, japoxanliajwa xanejchachaemlaxaes.

⁹ Pelax kimaenkasiapi, japiliajwa tampoela-el naekichachajbaliajwas japi babijaxan isliajwa. Samata, japi babijaxan is kimaenkaliajwa. Ja-aech wut, kofaxili babijaxan isfulpoxan. Samata, baxael, xabich babijaxan is xot, nabijasaxaeli. Napelsaxaelbejpi Diosliajwa. Me-ama choef muthadik natacholika, jachiyaxael japi kimaenkasiapi. Japamuthxotdik japi weyaxil. Tup wut, chiekal toepaxaeli.

¹⁰ Jiw xabich kimaenkasia wut, babijaxan is plata kanaliajwa. Ja-aech wut, kofapi Dios naexasitpox. Samata, amwutjel japi jiw pajut ispoxantat xabich nabijat.

Pablo Timoteo naewujajanpox Dios kaes xanaboejsliajwapon

¹¹ Timoteo, xam nabistamponam Diosliajwa, nejchaxoelam wut, ¡nabej nejchaxoele' kimaenkaliajwam! Me-ama asew jiw nejchaxoel kimaenkaliajwa, ¡xam nabej ja-aeche'! ¡Isfulde pachaempoxan! Dukam wut, ¡chiekal dukde, me-ama Dios nejxasink! ¡Dios xanaboejde xam kajachawaesliajwa! ¡Nejxasinkdebej asew jiw, naexasiti Jesús pejwujajan! Nabijatam wutbej, ¡nabej kofs Dios

naexasitampox! Nejchaxoelam wut, ¡nabej nejchaxoele': "Xan kaes pejme pachaeman. Me-ama asew jiw, jachi-enil" —nabej aeche', nejchaxoelam wut!

¹² ¡Xam chiekal naexasisfulde Dios! Me-ama kaen aton xabich najaet puexa pejpamamaxtat premio kanaliajwa, ¡xambej ja-amde, dukam wut! ¡Chiekal dukde, me-ama Dios nejxasink! Ja-am wut, asamatkoi, dukaxaelam pomatkoicha Diosxotse. Japoxliajwa Dios xam chajia makafit. Asew jiw xam bautisa wut, jawut xabich jiw pejwñajnael xam jum-am: "Xan pomatkoicha chiekal naexasisfulaxaelen Jesús pejwñajan" —am xam jiw pejwñajnael.

¹³ Amwutjel lelx xam to'aliajwan isaxaelampox. Japox lelx wut, Dios matabijt. Japon pijaxtat puexa xatis chiekal duilafulas. Jesucristobej matabijt xan lelxpox xamliajwa. Jesús nuk wut Poncio Pilato pejwñajnael, jawut jum-aechon diachwñajnakolaxpox pajutliajwa.

¹⁴ Xan jum-an xam puexa chiekal naexasisliajwam xan lelxpoxan. ¡Chiekal naexasisfulde puexa xan jum-anpoxan, asew jiw xam wuljumchisamata: "Ampon aton chiekal naexasis-el Dios" —chisamata asew jiw xamliajwa! ¡Xan jum-anpoxan naexasisfulde, hasta wajpaklon Jesucristo pejme fuloek wut!

¹⁵ Pat wut Dios markpox, matkoi, Jesucristo pejme pasaxoek. Dios, kaen, japon paklokolan puexa jiw tato'laliajwa. Japonbej xabich pachaem. Am-pathatpijiwtato'alpi, puexa japibej Dios tato'laxaesi.

¹⁶ Dios, kaen, japon tɔpaxil. Dios dukxotse xabich itliak. Chinax kaen aton jaxotse pasaxil, tɔpa-el wutɔk ampathatat. Chinax kaen aton taeyaxilbej Dios. Pomatkoicha puexa jiw jumchiyaxael: "Dios, xam xabich pachaemam" —chiyaxael jiw pomatkoicha. ¡Diachwñajnakolax japox jachiyaxael!

¹⁷ ¡Naewñajande kimaenkpi, japi nejchaxoelasamata: "Xan xabich tejew. Samata, kaes pejme xan pachaeman. Me-ama asew jiw, jachi-enil" —chisamatapi, nejchaxoel wut! Kimaeyax chalechkal toepaxael. Samata, ¡xam naewñajande kimaenkpi japi pejew xanaboejasamata! ¡Japi naewñajande Dios xanaboejalijwapi, japon tataeflaliajwas! Dios puexa xatis nakwewe'ppoxan nakchaxduw chiekal duilaliajwas.

¹⁸ ¡Kimaenkpi to'im, japi jiw kajachawaesliajwa!

¹⁹ Ja-aech wut, kimaenkpi Dios chaxduyaxaes kaes pejme ommaenkpoxan japonxotse. Japoxan pomatkoichaliajwa. Ja-aech wut, japi kimaenkpi pomatkoicha duilaxael Diosxotse.

Pablo lelpox ampacarta taxdukanaewñajna Timoteoliajwa

²⁰ Timoteo, ¡chiekal jiw naewñajande Dios pejjamechan, me-ama Dios xam to'a! ¡Nabej naewes asew jiw pajut faekwñajan! Japawñajan Diosliajwa pachaema-el. Japi pajutliajwa najum-aech asew jiw jumtaeliajwas: "Xan kaes pejme matabijtax. Me-ama asew jiw, jachi-enil" —na-aechi pajutliajwa. Jasi jiw naewñajan wut, ¡nabej naewes, japox wñajan diachwñajnakolaxa-el xot!

²¹ Asew jiw lax japox wñajan naexasit, naewñajnas wut. Samata, amwutjel kofalisi Jesús pejwñajan naexasitpox.

Xan Dios kawñajna xam kajachawaesfulaliajwapon, asew naexasitpiliajwabej Jesús pejwñajan, Éfeso paklowaxpijiw.

Wachakalcarta, Pablo lelpox, Timoteoliajwa

Pablo lelpox carta Timoteoliajwa

¹ Xan, Pablo, Dios namakafit Jesucristo pej-apóstolliajwan, jiw naewhajnaliajwan Jesús pejwajaan. Dios nejxasink xan jiw naewhajnaliajwan Dios jum-aechpox, naexasiti Jesús pejwajaan duilaliajwa japonxotse.

² Timoteo, ampox carta lelx xamliajwa. Xam taxulnam wut, ja-am xanliajwa, xambej naexasitam xot Jesús pejwajaan. Samata, xam nejxasinkax. Xan waj-ax Dios, wajpaklon Jesucristobej, kawhajnax xam kajachawaesliajwapi. Japi kawhajnaxbej xam chiekal beltaeliajwa. Japi kawhajnaxbej xabich xam kajachawaesliajwa chiekal dukaliajwam, a sew jiw suapich.

Pablo Timoteo naewhajanpox, japon kofs-elaliajwa Dios pijax bichax

³ Me-ama tajwajnapijiw nabist Diosliajwa, xanbej ja-an amwutjel. Ja-an wut, xan babijax is-enil a sew jiwliajwa. Matkoi, madoibej, Dios kawhajnax wut, xam nejchaxoelx. Samata, jawut Dios gracias-an xamliajwa.

⁴ Xan nejchafaetx xam nowampox, xan chijyaliajwan wut asalel. Samata, pejme xam taesian nejchachaemlaliajwan.

⁵ Xan nejkiowa-enil xam Jesucristo pejwajaan chiekal naexasitampox. Nej-ae' Loida matxoela naexasit Jesús pejwajaan, nej-en Eunice suapichbej. Xan matabijtax, xambej diachwajnakolax naexasitam Jesús pejwajaan.

⁶ Samata, ixam nejchaxoelde Dios pijax bichax isfulaliajwam! Xan nejtat'at ki-otx wut Dios kawhajnaliajwan, jawut Espiritu Santo tudut xam kajachawaesfulaliajwa Dios pijax bichax isliajwam.

⁷ Dios to'ak Espiritu Santo xatis wajmatpuatanxotaliajwa. Samata, wajlewlixil a sew jiwliajwa. Espiritu Santo nakkajachawaet isliajwas Dios nejxasinkpoxan. Nakkajachawaetbejpon a sew jiw nejxasinkaliajwas. Nakkajachawaetbejpon babijaxan isasamatas.

⁸ ixam nabej nadale' a sew jiw naewhajnaliajwam wajpaklon Jesús pejwajaan! ixam nabej nadale'bej xan jiw jebatat najiapoxliajwa, jiw naewhajnax xot Jesús pejwajaan! Nabijatam wut, a sew jiw is wut babijaxan, Jesús pejwajaan naewhajnax wut, ja-am wut, ixam nakiowa naewhajnaxafalde! Ja-am wut, Dios kajachawaesfulaxael xam mamnikaliajwam, me-ama xan Dios nakajachawaesful.

⁹ Dios nakbu'wia xatis. Nakmakanotbejpon japon pejiwaliajwas tanbichliajwas. Dios nakmakanos-el, pachaempoxan isas xot. Pe japon nakmakanot, pajut nejchaxoel xot, xatis naknejxasink xoton. Chajiakolaxtat Dios is-el wutfak ampathat, Dios nejchaxoel to'aliajwa Jesucristo ampathat-pijiw bu'welialjwa.

¹⁰ Wajpaklon Jesucristo ampathatat nalaelt. Do baxael, japon boesas tupaliajwa xatisliajwa. Japon tup wut, Dios mat-echpon pejme dukaliajwa. Ja-aech wut, Jesucristo malecha patupax. Jesucristo tup wut xatisliajwa, matabijas Dios xabich naknejxasinkpox. Jiw matabija wut chimiawhajan, Jesús pejwajaan, japi matabijaxael pomatkoicha duilaxaelpox Diosxotse.

¹¹ Dios nato'a xan jiw naewhajnaliajwan Jesús pejwajaan. Dios namakafitbej Jesús pej-apóstolliajwan, jiw naewhajnax wut chiekal chanaekabuanaliajwanbej japon pejwajaan.

¹² Samata, a sew jiw pijaxtat amwutjel xan nabijatam jiw jebatat. Pe nakiowa, tadala-el, matabijtax xot Jesucristo, xabich xanaboejtaxpon.

Matabijtaxbej japon pomatkoicha xan natataeflaxaelpox, jiw naewhajanliajwan japon pejwhajan.

¹³ Samata, ichimiawhajan, Jesús pejwhajan, chiekal naewhajande, majt xam naewhajnaxpox! Me-ama xam naewhajnax wut, ja-amdebej, asew jiw naewhajnax wut! ¡Pomatkoicha Jesús pejwhajan chiekal naexasisfulde! Xatis Jesús pejiw xot, ¡nakaewa chiekal nanejxasinkaxaesbej!

¹⁴ Dios to'a xam jiw naewhajnaxfulaliajwam chimiawhajan, Jesús pejwhajan. ¡Japawhajan nabej xaliaxe' asawhajanantat! Espíritu Santo, xatis wajmatpuxatanxotpon, japon xam kajachawaesfulaxael japawhajan xaliaxsasamatam.

¹⁵ Xam chiekal matabijtam ampo. Xan jiw jebatatax wut, puxa Asia tujnupijiw, naexasiti Jesús pejwhajan, japi chajia nakofaliajwa. Kaes nawultatae-ellisi. Xanxot chajiapixot ampilape. Kaen pawul Figelo. Asan pawul Hermógenes.

¹⁶ Xan Dios kawhajnax Onesíforoliajwa, japon pejiwliajwabej, Dios kajachawaesliajwas. Xan jiw jebatatax wut, japon kaen xabich nataent. Japon padala-elbej xan nataentaliajwa. Japon nataent wut, xan xabich nejchachaemlax.

¹⁷ Japon Roma paklowaxxot pat wut, damlathula-elon. Kamta nawulwekaxenton nafaentaliajwa. Do baxael, nafaenpon.

¹⁸ Xam matabijtam, japon xabich nakajachawaet, xan Éfeso paklowaxxotx wut. Samata, Dios kawhajnax japon xabich kajachawaesliajwas, asamatkoi Cristo pejme pask wut.

2

Machiyaxaelpox Jesús pejwhajan naexasiti, nabist wuti Jesúsliajwa

¹ Wua, Timoteo, Jesucristo xam kajachawaet xot, ¡mamnikde Dios pijax, bichax, chiekal nabichliajwam!

² Xam chiekal jumtaenam xabich jiw pejwhajnalel xan naewhajnax wut. ¡Japanaewhajnaxlap xam asew jiw naewhajande, japi jiw, matabijtampi, chiekal xajuppi naewhajanliajwa asew jiw japanaewhajnax!

³ Xam nabijasaxaelam asew jiw pijaxtat, nabistam xot Jesucristoliajwa. Soldawan nabijat wut, nakiowa nabeful. Boejtaliatbejpon. ¡Xamlap-is jamde, nabijatam wut Jesucristoliajwa!

⁴ Soldawan whajnawet isliajwa pejpaklon to'aspoxkal. Pajut isasiapoxan isaxilon.

⁵ Najaesaxaelpon kanaliajwa premio, jachiyaxaelbej. Japon aton chiekal naexasisaxaelbej to'aspox najaesliajwa. Najaesaxaelpon chiekal naexasis-el wut, ja-aech wut, japon aton premio kanaxil.

⁶ Nabistpon pejlul, jachiyaxaelbej. Xabich nabistpon. Pe baxael, chiekal weti'tas wut, wepachaems wutbej, jolaxaelon pajutliajwa, pejbichax chiekal is xoton.

⁷ Samata, xam nejchaxoelam wut, ¡chiekal nejchaxoelde japoxanliajwa! Jam wut, Dios kajachawaesaxael puxa chiekal matabijsliajwam.

⁸ Xam jiw naewhajnax wut, ¡nejchaxoelde Jesucristo, Dios mat-echpon pejme dukaliajwa, japon rey David pamon! Xan jiw naewhajnax japon pejwhajan. Japi naexasit wut japawhajan, Dios bu'weyaxaespi.

⁹ Xan nabijatax, asew jiw najia xot jiw jebatat, Jesús pejwhajan jiw naewhajnax xot. Cadenamnatat namaxwasixawaet. Me-ama babejnan wut, naki-aechpi. Pe Jesús pejwhajan chinax kaen aton xawaesaxil cadenamnatat. Samata, Jesús pejwhajan xabich potujnucha xajup.

¹⁰ Xan japox matabijtax xot, boejtaliatx, nabijatax wut, Dios makanochpi, japibej naexasisliajwa Jesús pejwujajan. Samata, japi jiwbej bu'weyaxaes, Jesucristo pejwujajan naexasit wut pomatkoicha duilaliajwapi Diosxotse.

¹¹ Diachwujajnakolax himnotat jum-aech wut, jum-aechox:

“Xatis, Cristo suapich, tups wut, xatisbej duilaxaes Diosxotse, Cristo suapich.

¹² Asew jiw pijaxtat nabijatas wut, boejtaliasaxaes. Jatis wut, xatis, Cristo suapich, Diosxotse tato'laxaes. Xatis jumtis wut asew jiwliajwa: ‘Xanal Cristo pejjiwa-enil’ –tis wut, Cristobej asamatkoi xatisliajwa jumchiyaxael: ‘Ampi, jiw, tajjiwa-el’ –chiyaxaelbejpon.

¹³ Xatis wajut jumduwspox is-esal wut, Cristolax isaxael nakjumdutpox xatisliajwa. Cristo asanejchaxoelaxa-el, jum-aech wut” –aech himnotat.

Ma-aechpox aton, japon chiekal nabist wut Diosliajwa

¹⁴ Xan amprox jum-an wut, Dios chiekal matabijt. ¡Xam jiw chiekal naewujajnafulde japi nejchafaekaliajwa, kaes nakaewa nabunlos-elaliajwa asaxan, pachaema-elpoxan! Japi nakaewa asaxanliajwa nabunlot wut, japox chinax pachaemaxil. Asew jiw japox jumtaen wut, naexasisaxili Jesucristo pejwujajan.

¹⁵ ¡Jiw naewujajande diachwujajnakolaxwujajan, me-ama Dios xam to'a! Jam wut, asamatkoi xam nadalaxil, Dios pejwujajnalel nukam wut. Ja-am wutbej, Dios nejchachaemlaxael xamliajwa.

¹⁶ Jiw naewujajmaximil Dios pejjamechana-el wut, japanaewujajmax pachaema-el xot. Asew jiw japox naewujajan wut, japi jiw xabich tabejt asew jiw, Dios xanaboejapi.

¹⁷ Japi naewujajanpox, me-ama bu'xaxaeflawaxae wut, ja-aechox, xabich asew jiw tabejt xot. Himeneo, Fileto suapich, japibej tabejt asew jiw, naewujajan wuti Dios pejjamechana-elpox.

¹⁸ Japi kolenje kofa Dios pejjamechan, diachwujajnakolaxwujajan. Asbuan jumch jum-aechi, asew jiw naewujajan wut: “Xatis, Jesús pejwujajan naexasichpis, Dios nakmat-eyaxaelpox pejme duilaliajwas, japox toeplixox. Samata, Dios kaes xatis nakmat-eyaxil pejme duilaliajwas” –aech japi jiw, asew jiw naewujajan wut. Samata, jiw, japi majt naexasiti Jesús pejwujajan, amwutjel chiekal matabija-el achawujajan kaes pachaem naexasisliajwapi.

¹⁹ Diachwujajnakolax Dios pejjamechan xaliaxaxil. Japon pejjamechan, chajia lelspx, jum-aech wut, jum-aechox: “Wajpaklon matabijt pejjiw” –aechox. Jum-aechbejpx: “Puexa jiw jum-aechpi: ‘Xanal Cristo pejjiwan’ –aechpi, japi jiw kofaxael babijaxan ispxoxan” –aechbej Dios pejjamechan, chajia lelspx.

²⁰ Pinjiyax batutat chalak oroplatfanchan. Chalakbej plataplatfanchan, fiestamatkoi wut, japaplatfanchantat jiw xaxaeliajwa. Japabatutat chalakbej platfanchan isaspi naechantat, bux-astatbej, nejmachmatkoi wut japaplatfanchantat jiw xaxaeliajwa.

²¹ Jachiyaxaelbej jiw, naexasitpixot Jesús pejwujajan. Asew jiw chiekal kaellel kofa babijaxan ispxoxan. Ja-aech wut, chiekal isful Dios pejbichaxan. Samata, xajup isliajwa nejmachpachapoxan.

²² Timoteo, ¡xam pomatkoicha chiekal taem babijax isasamatam, me-ama asew, pansiachow, isful babijaxan, jachisamatam! ¡Xamlax isfulde pachaempoxan! ¡Chiekal xanaboejsfuldebej Cristo! ¡Chiekal nejxasinkdebej asew jiw, naexasiti Jesús pejwujajan! Dukam wut, ¡chiekal dukdebej! ¡Ja-amde asew jiw, naexasiti Jesús pejwujajan suapich, japi jiwbej chiekal pachaemaliajwa Diosliajwa!

²³ Xam matabijtam. Jiw nalot wut, japi nakaewa nanejwesla. Samata, xam, asew jiw suapich, jnabej nabunlos wuajan, pachaema-elwuajan!

²⁴ Xatis nabistaspis Jesúsliajwa, nalosaxisal, asew jiw suapich. Asbuan jumch chiekal pachaemaxaes asew jiwliajwa. Chiekal matabijaxaesbej Dios pejjamechan jiw chanaekabuanaliajwas. Piach wajlalaxilbej, asew jiw babejjamechan jum-aechful wut xatisliajwa.

²⁵ Chiekal naewuajnaxaes asew jiw, Dios naexasis-elpifuk. Wuajnowesaxaes asamatkoi japibej Dios kajachawaesliajwas naexasisliajwapi Dios. Naexasit wuti Dios, jawut chiekal pajut matabijaxaeli Jesús pejwuajan, diachwuajnakolaxpox.

²⁶ Ja-aech wutbej, japi pajut matabijaxael chiekal nejchaxoela-elpox Dios pejjamechanliajwa. Japi naexasit wuti Dios, ja-aech wut, nadijaxaeli Satanás tato'alxot. Ja-aech wutbej, pajut chiekal matabijaxaelbejpi majt Satanás naekichachajbaspox, japi isful wut Satanás nejxasinkpoxan.

3

Machiyaxaelpox jiw, mox pawuajna wut ampathat toepaliajwa

¹ Timoteo, xam chiekal matabijsaxaelam ampox. Mox pawuajna wut ampathat toepaliajwa, puexa jiwliajwa xabich chachoelaxael. Matkoivan xabich chaemilaxaelbej japi jiwliajwa.

² Japamatkoiyantat jiw nejchaxoelaxael isliajwa pachaempoxan pajutliajwakal. Japi jiw xabich nejchaxoelaxaelbejpi kimaeyax. Nejchaxoel wut, jumchiyaxaelbejpi: “Xatis kaes pejme pachaems. Me-ama asew jiw, jachi-esal” —chiyaxaeli, nejchaxoel wut. Jumchiyaxaelbejpi babejjamechan Diosliajwa. Naexasisaxilbejpi paxjiw, penjiwbej, tato'laspoxan. Asew jiw kajachawaech wut, graciaschiyaxilbejpi. Sitaeyaxilbejpi Dios.

³ Nejxasinkaxilbejpi asew jiw. Beltaeyaxilbejpi asew jiw. Buxwuajanmaenkaxaelbejpi. Kofaxilbejpi babijaxan ispoxan. Japi asew jiw ba wut, beltaeyax chiekal wejisa. Nejweslaxaelbejpi jiw, pachaempoxan ispi.

⁴ Japibej woeyaxael pejnachala padaelmajiwxot. Isaxaelbejpi babijaxan pajut isasiapoxan. Japibej naewesaxil, asew jiw naewuajnas wut, pajutliajwa nejchaxoel xot: “Xatis kaes pejme matabijas. Me-ama asew jiw, jachi-esal xatis” —chiyaxael xoti, nejchaxoel wut. Nejchaxoelaxaelbejpi pajut nejxasinkpoxan isliajwa. Ja-aech wut, nejchaxoelaxili isliajwa Dios nejxasinkpoxan.

⁵ Japi jiw pajutliajwa najumchiyaxaelbej asew jiwliajwa: “Xanalbej chiekal naexasitx Dios” —chiyaxaeli. Pe japi isaxael babijaxan. Ja-aech wut, puexa jiw matabijaxaesi japi Dios naexasis-elpi.

Jiw ja-aechpi, jxam nabej nachale', japi suapich!

⁶ Japi jiw asabachan low. Naewuajan wut japabachanpijiw, watho', naekichachajbapi. Japi watho', nejxaejwaspi, xabich babijaxan is xot. Ja-aech wut, nakiowa kaes pejme asaxan babijaxan isasia. Samata, tampoela-el naekichachajbaliajwas japi watho'.

⁷ Japi watho' matabijasia pajelnaewuajna. Pe matabijaxili diachwuajnakolaxpox, japox xabich tampoel xot japiliajwa.

⁸ Japi poejiw nejxasinka-el naewuajnalialjwa diachwuajnakolaxpox. Nejchaxoelpi babijaxan. Naexasis-eli Jesús pejwuajan. Samata, japi poejiw, me-ama chajiakolaxtat Janes, Jambresbej, ja-aechi. Chajiakolaxtat Moisés naewuajan wut faraón, japi kolenje asbuan jumch bixtasalti Moisés, faraón naexasis-elaliajwa Moisés jum-aechpox, diachwuajnakolaxpox.

⁹ Japi poejiw, lowpi watho' pejbachantat, japi piach jiw naekichachajbaxil. Asamatkoi puexa jiw pajut chiekal matabijaxael, japi nejliaklapi. Me-ama chajiakolaxtat jiw matabija, Janes, Jambresbej, japi nejliaklapi, jachiyaxaeslap-is japi poejiw.

Pablo to'apox Timoteo, japon kaes jiw naewuajnalijwa

¹⁰ Timoteo, xam chiekal matabijtam, ma-an xan, jiw naewuajnax wut Jesús pejwujajan. Xam matabijtambej, ma-an xan, nabistax wut Dioslijaw, Dios chiekal nejchachaemlaliajwa xanlijaw. Xambej chiekal matabijtam, ma-an xan, Dios chiekal naexasitx wut. Xambej chiekal matabijtam, asew jiw babijaxan is wut xanlijaw, xan talala-el japoxanlijaw. Xambej chiekal matabijtam, ma-an xan, puexa jiw nejxasinkax wut. Xambej najut chiekal matabijtam xabich boejtaliasfulaxpox.

¹¹ Xambej najut matabijtam, ma-an xan, nabijatax wut, naewuajnax xot Jesús pejwujajan. Xambej puexa chiekal matabijtam xanlijaw ja-aechpoxan, Antioquía paklowaxxotx wut, Iconio paklowaxxotx wutbej, Lистра paklowaxxotx wutbej. Japapaklowaxanxotx wut, japapaklowaxanpijiw pijaxtat xan xabich nabijatax, Jesús pejwujajan naewuajnax wut. Pe nakiowa, wajpaklon Jesucristo nakajachawaet weliajwan japapaklowaxanpijiwxot.

¹² Puexa jiw, duilasiapi, me-ama Jesucristo nejxasink japi duilaliajwa, japi nabijasaxael asew jiw pijaxtat.

¹³ Jiw babejchowlex kaes babijaxan isaxael. Jiw naekichachajbapibej, asew jiw kaes naekichachajbaxael. Japibej asew jiw naekichachajbaxaes.

¹⁴ Timoteo, ¡xam nabej tapae' japi jiw xambej naekichachajbaliajwa! ¡Chiekal naexasisfulde matabijtam poxan! Xam chiekal matabijtam jiw xam naewuajanpi diachwujnakolaxpox.

¹⁵ Xam yamxulnam wut, matabijtam wut Dios pejjamechan, chajia lelspxox, ja-am wut, matabijtam Dios xam bu'weyaxaelpox, Jesús pejwujajan naexasitam xot.

¹⁶ Chajiakolaxtat Dios pejjiw, profetas, asew jiwbej, Dios kito'as lelaliajwa Dios pejjamechan. Jawut, japi kaenanula lel wut, Espiritu Santo pijaxtat chiekal matabija lelaliajwa. Samata, Dios pejjamechan xabich pachaem, chiekal naknaewuajnalijaw xatis chiekal matabijaliajwas diachwujnakolaxpox naexasisliajwas. Dios pejjamechanbej pachaem xatis chiekal matabijaliajwas, masox naexasisaxisal. Dios pejjamechan xabich pachaembej kofaliajwas, babijaxan isas wut. Dios pejjamechan xabich pachaembej naknaewuajnalijaw isliajwas pachaempoxan. Dios pejjamechan xabich pachaembej naknaewuajnalijaw chiekal duilaliajwas.

¹⁷ Samata, Dios naexasiti chiekal matabija wut Dios pejjamechan, japi jiw matabijaxael isliajwa puexa pachaempoxan.

4

¹ Xam to'ax jiw naewuajnalijawam Dios pejjamechan japon pijaxtat, Jesucristo pijaxtatbej. Jesucristo pejme pask wut, japon kaenanula ampathatpijiw tato'laxael. Jumchiyaxaelbejpon kaenanula jiw chajia tɔpiliajwabej: “Xam Dios kastikaxael, nejbu'wujajan xot” —chiyaxaelon tɔpiliajwa. O, jumchiyaxaelbejpon: “Xam Dios kastikaxil, nejbu'wujajan ajil xot” —chiyaxael Jesucristo.

² Samata, ¡asew jiw naewuajande Jesús pejwujajan! Jiw naewet wut, ¡japi jiw naewuajande! Nejxasinka-el wutbejpi xam naewuajnam pox, ¡nakiowa naewuajande! ¡Naewuajande japi jiw kaenanula pajut chiekal nejchaxoelaliajwa: “Ampawuajan diachwujnakolax. Samata, xambej naexasisaxaelen”

—chiliajwapi, pajut nejchaxoel wut! Japi babijaxan is wut, ¡fia'e! ¡To'im naexasisliajwapi Dios pejjamechan! Naewuajnam wut, ¡nabej buxkofe! ¡Nakiowa naewuajnafulde!

³ Asamatkoi jiw nejweslaxael naewesliajwa diachwujnakolaxwujajan. Japi wulwekaxael asew jiw naewuajnalajwas asawujajan, naewesasiawujajan.

⁴ Nejweslaxaeli naewesliajwa diachwujnakolaxpox. Japi naewesaxael puexa nejmachwujajan, asew naewuajanpoxan, jiw pajut faekwujajan.

⁵ ¡Xamlax nabej tapae' japi jiw naekichachajbaliajwa! ¡Naexasisfulde diachwujnakolaxpox! ¡Japawujajan asew jiwbej naewuajnafulde! Cristolijwa nabijatam wut, ¡boejtaliasfulde! ¡Jiw naewuajnafulde chimiawujajan, Jesús pejwujajan, japi Dios bu'welajwas! ¡Chiekal puexa isde Dios xam tato'alpoxan!

⁶ Tajmatkoi moxlisox asew jiw xan naboesaliajwa, naewuajnafulax xot wajpaklon Jesús pejwujajan.

⁷ Me-ama aton xabich najaet puexa pejpamamaxtat premio kanaliajwa, xanbej ja-an. Dios tanbistax wut, puexa tajpamamaxtat chiekal nabistax. Bichax toetx, isxpox, Dios nato'apox. Xan jiw naewuajnax diachwujnakolaxpox, me-ama Dios nato'a.

⁸ Amwutjel Dios naxawujnawet corona xan nachaxdusliajwa. Wajpaklon Jesucristo, japon juez, xabich pachaempon. Japon asamatkoi xan najumchiyaxael: “Xam chiekal nabistam xanliajwa” —chiyaxaelon. Do jawut, nachaxdusaxaelon corona. Jawut xan kaenan japon nachaxdusaxil corona. Puexa asew jiwbej kaenanala chaxduiyaxaes corona. Japi jiw, nejxasinkpi Cristo, wujnawetibej japon pejme pasliajwapox.

Pablo wullalapox Timoteo

⁹ Timoteo, xam kamta fulaesiam wut, ¡xabua'tlejno xan nataeliajwam!

¹⁰ Japon Demas, xanxot chijia wut, fulaechon Tesalónica paklowax poxade, kaes nejxasink xoton ampathatpijaxan. Crescente to'ax japon naewuajnalajwa Jesús pejwujajan Galacia tujnupijiw. Tito to'axbej japon Jesús pejwujajan naewuajnalajwa Dalmacia tujnupijiw.

¹¹ Lucas, japon kaen, naman xanxot. Samata, ¡wulwekde Marcos! Faenam wut, ¡japon buflaeman xanle! Japon xan nakajachawaesaxael Dios pijax bichax.

¹² Tíquico to'ax Éfeso paklowax poxade.

¹³ Xam fulaeman wut, ¡nawexalaemno tajax, thuch naxoelxpox! Japox Troas paklowaxxot waeltax, Carpo pejbaxot. ¡Nawexalaemanbej tejew libros, asaafbej, xakoeyasi! Japapel-uf xabich xan nawewe'p.

¹⁴ Alejandro, anaeltat nejmach-isan, japon babijaxan is xanliajwa. Samata, japon asamatkoi Dios kastikaxaes, japoxan is xoton xanliajwa.

¹⁵ ¡Xam chiekal taem Alejandroliajwa! Japon xabich nejwesla xatis naewuajnaspox.

¹⁶ Roma paklowaxxotx wut, tadelmajiw natasala wut paklochow pejwujajnalel, xan jumnotx wut, tajut chiekal jum-an: “Diachwujnakolaxael japi xan natasalapox” —an xan japi paklochowliajwa. Jawut asan aton chinax asalel jumchi-el xan nakajachawaesliajwa. Puexa tajnachala asbuan jumch tamach nawaelti. Xan japiliajwa Dios kawujnax Dios kastikasamatas.

¹⁷ Tajnachala tamach nawaelt wut, Dios nakajachawaet tadelmajiw naboesa-elaliajwa. Dios nakajachawaetbej mamnikaliajwan

naew_{uaj}nalijwan chimiaw_{uaj}an, Jesús pejw_{uaj}an, puexa jaxotpijiw, judíos-elpi.

¹⁸ Dios nakajachawaesaxael, a sew babijaxan is w_{ut} xanliajwa. Dios nab_uflaeyaxaelbej japon tato'alxotse. Samata, xatis Diosliajwa pomatkoicha j_umchiyaxaes: “¡Xam xabich pachaemam!” —chiyaxaes. ¡Jasox nej ja-aeche' Diosliajwa!

Pablo saludos xato'apox a sew jiwliajwa

¹⁹ ¡Nawesaludam Aquila, japon pijowbej, Prisca! ¡Nawesaludambej Onesíforo pejjiw!

²⁰ Erasto kaweta naman Corinto paklowaxxot. Tróximo bu'xaenk xot, namanax to'ax Mileto paklowaxxot.

²¹ ¡Kamtalejen f_ulaemno pasliajwam iama w_{uaj}na! Saludos xato'api xamliajwa ampilape, Eubulo, Pudente, Lino, Claudiabej, puexa a sew jiw, Jesús pejw_{uaj}an naexasitibej.

²² Xan Dios kaw_{uaj}nax Jesucristo xam chalaliajwa. Xan Dios kaw_{uaj}naxbej puexa xamal kajachawaesliajwapon.

Pablo lelpox carta Titoliajwa

Pablo lelpox carta Titoliajwa

¹ Xan Pablo nabistax Diosliajwa. Xanbej Jesucristo pej-apóstolan. Dios nato'a kajachawaesliajwan Dios makanochpi, japi naexasisliajwa Jesús pejwujajan. Ja-an wut, japi matabija xatis Jesús pejwujajan naexasichpox, diachwujajnakolaxpox.

² Samata, japi jiw naexasisaxael Jesús pejwujajan pomatkoicha duilaliajwapi Diosxotse. Chajiakolaxtat Dios ampathat is-el wutfuk, jumduton jiw pomatkoicha duilaxaelpox japonxotse. Dios kichachajba-el.

³ Dios chajia markpox, matkoi, amwutjel patliso xatis matabijaliajwas Jesús pejwujajan. Dios, nakbu'weyaxaelpon xatis, japon xan nato'a jiw naewujajnalijwan chimiawujajan, Jesucristo pejwujajan.

⁴ Tito, xam taxulnam wut, ja-am xanliajwa, Jesús pejwujajan naexasitam xot. Samata, lelx ampox carta xamliajwa. Waj-ax Dios, Jesucristobej, kawujajnas xam beltaeliajwapi, kajachawaesliajwabej, chiekal dukaliajwam, a sew jiw suapich.

Pablo to'apox Tito namanaliajwa Creta tanaetxot, isliajwapon Dios pejbichax

⁵ Tito, xam chajia to'ax namanaliajwam Creta tanaetpijwxot we'ppoxfuk chiekal toesliajwam. To'axbej kaenanula paklowaxanxot makanosliajwam ancianos, japi tato'laliajwa Jesús pejwujajan naexasiti japapaklowaxanxot. Chajia xam jum-an, masi poejiw xam makanosaxaelam ancianosliajwa.

⁶ Xam makanosaxaelampi jiw ancianosliajwa, japi jiw chiekal pachaempi a sew jiwliajwa. Japi tasala-esalpibej, babijaxan is-el xot. Kaenanula japibej pijowpi. Japi paxibej, chiekal naexasiti Jesús pejwujajan. Japi paxibej bu'wujajanjilpi. Japi paxibej chiekal naexasichpi, naewujajnas wut.

⁷ Xam makanosaxaelampi ancianosliajwa, japi tato'laliajwa Jesús pejwujajan naexasiti, japi jiw chiekal nabichaxael Diosliajwa. Samata, xam makanosaximil jiw, babijaxan ispi. Makanosaximilbej nejchaxoelpi: “Xan kaes pejme pachaeman. Me-ama a sew jiw, jachi-enil” —aechpi, nejchaxoel wut. Xam makanosaximilbej kamta palalapi. Makanosaximilbej saxa afpi. Makanosaximilbej nabeyax wulwekpi. Makanosaximilbej xabich plata kanaxkal nejchaxoelpi.

⁸ Xam makanosaxaelampi ancianosliajwa, japi jiw chiekal bu'kulapi, a sew jiw pat wut japi pejbachanxot. Japi nejxasinkpibej isliajwa pachaempoxan. Japibej majt chiekal nejchaxoelpi isaxaelpoxanliajwa. Japibej chajia xapaejas babijaxan isliajwa. Pe nakiowa, japi is-eli babijaxan.

⁹ Xam makanosaxaelampi ancianosliajwa, japi jiw Jesús pejwujajan chiekal naexasitpiyaxael, me-ama xatis majt naewujajnas, jachiliajwa japi jiw. Japawujajan kichachajba-el. Japi ancianos japawujajan naewujajan wuti, a sew jiw, Jesús pejwujajan naexasiti, kaes xanaboejaxaeli Jesús. A sew jiwbej, majt nejweslapi naexasisliajwa Jesús pejwujajan, japibej naexasisaxael Jesús pejwujajan.

¹⁰⁻¹¹ ¡Jasi poejiw xam makanosaxaelam ancianosliajwa! Creta tanaetpijw xabich chiekal naexasis-elfuk xatis naewujajnaspox, Jesús pejwujajan. Japixot xabich judíos, jum-aech: “Judíos-elpi, naexasiti Jesús pejwujajan, japibej wewe'pas circuncidaliajwas Dios pejmarkaxliajwapi” —aechi asbuan jumch. Judíos japox kito'a wut, jumchi-el diachwujajnakolaxpox. Japi japox

kito'a asbuan jumch jiw naekichachajbaliajwa, japoxantat plata kanaliajwa. Samata, judíos japoxan jum-aech xot, xabich jiw, judíos-elpi, kofa naexasitpox Jesús pejwajan. Samata, xam buxfiasaxaelam japi judíos.

¹² Kaen Creta tanaetpijin, xabich matabijsan, japon chajia jum-aech nakaetanaetpijiwliajwa: “Creta tanaetpijiw kichachajbamaenk. Xabich chachoelbejpi. Me-ama nuth chachoel wut, ja-aechi. Japi jiw xaemaenkbejpi. Kiwechabej” —aech chajia Creta tanaetpijin nakaetanaetpijiwliajwa.

¹³⁻¹⁴ Creta tanaetpijin jum-aechpox pejiwliajwa, japox diachwajnakolax. Samata, xam Tito, jbuxfia'e japi judíos naekichachajbasamatapi Creta tanaetpijiw, Creta tanaetpijiw chiekal naexasisliajwa Jesús pejwajan! jJapi judíos fia'ebej naexasisfula-elaliajwa judíos pajut faekwajan! jJapi judíos fia'ebej naexasislaliajwa, to'as wut Jesús pejwajan naexasis-eli!

¹⁵ Jesús pejwajan naexasiti chiekal nejchaxoel taenpoxanliajwa, japoxantat pejnechaxoelaxan tabejsasamatas. Pe Jesús pejwajan naexasis-eli, taen wuti babijaxan, japi nejchaxoel isliajwa japababijaxan. Ja-aech wut, pejnechaxoelaxan tabejtas. Japi matabija-elbej pachaempox.

¹⁶ Japi jum-aechbej: “Xan Dios matabijtax” —aechi asbuan jumch. Babi-jaxan is wut, puexa asew jiw matabija, japi Dios matabija-elpi. Japi jiw nejwesla naexasisliajwa Dios. Japi jiw xajupa-elbej isliajwa pachaempoxan.

2

Pablo to'apox Tito naewajnalialjwa asew jiw, Pablo majt naewajanpoxan Titoliajwa

¹ Tito, xam naewajnam wut Jesús pejwajan naexasiti, jxam naewajnamwajan, jarawajan nej kaenejchaxoelax, chimiawajan, Jesús pejwajan sapich!

² Xam naewajnaaelam poejiw, pakdiachowpi, chiekal pajut natataeflialjwa isasamata pachaema-elpoxan asew jiwliajwa, asew jiw japi sitaelialjwasbej. jJapi pakdiachowpi naewajandebej majt chiekal nejchaxoelaliajwa isaxaelpoxan, isasamata babijaxan! jJapi pakdiachow naewajandebej chiekal naexasisliajwa xan naewajnaprox, diachwajnakolaxprox! jJapi pakdiachow naewajandebej asew jiw nejxasinkaliajwapi! jJapi pakdiachow naewajandebej, nabijat wut kofasamatapi Dios naexasitpox!

³ jNaewajandebej watho', pakdiachowpi, chiekal duilaliajwa asew jiw japi watho' sitaelialjwas! jJapi watho' naewajandebej buxwajanmaenkasamata! jSaxa feyaxan nejxasinkaxilpibej! jJapi watho' chiekal nej duile', asew watho'bej nakxataeliajwas!

⁴ Samata, jJapi watho', pakdiachow, nej naewajne' asew watho', kaes pansiachowpi, japi watho' nejxasinkaliajwa pamaljiw, paxibej!

⁵ jJapi watho' nej naewajne' asew watho', kaes pansiachowpi, chiekal nejchaxoelaliajwa isaxaelpoxanliajwa, asax isasamata, pachaema-elpox! jNej naewajne'bejpi chiekal tataeflialjwa pejbachanpijiw! jNej naewajne'bejpi watho' pansiachow naexasisliajwa pamaljiw, asew jiw jumchisamata babejjamechan Diosliajwa!

⁶ Tito, jxam naewajande poejiw, pansiachow, chiekal nejchaxoelaliajwa isaxaelpoxan, japi isasamata babijaxan!

⁷ jXambej chiekal dukde puexa pansiachow xam nakxataeliajwa! Naewajnam wut, jchiekal naewajande diachwajnakolaxtat!

⁸ Naewajnam wut, jnaewajande chimiajamechan, asew jiw xam wujumchisamata! Xam asax is-emil wut, nadaelmajiw padalaxael nakjumchiliajwa babejjamechan, xatis naexasichpis Jesús pejwajan.

⁹ ¡Naewuajandebej esclavos, japi naexasiti Jesús pejwuajan, chiekal naexasliajwa puexa pejpaklochow tato'laspoxan, buxfafonasamatabeji!

¹⁰ ¡Naewuajandebej esclavos, japi natkawasamata paklochow pejew! Ja-aech wut, esclavos bu'wuajanjilaxael pejpaklochowliajwa. Ja-aech wut, puexa jiw matabijaxael Dios nakbu'weyaxaelpox, diachwuajnakolax.

¹¹ Xatis chiekal matabijas. Dios nakbeltaen xot, paxulan to'ak ampathatasik puexa jiw bu'welijaewapon, japi naexasit wut Jesús pejwuajan.

¹² Dios nakbeltaen xot, kofas babijaxan isaspoxan, wajut isasiaspoxan. Me-ama ampathatpijiw isful babijaxan, ¡nabej jachitis! Amwutjel, ¡chiekal nejchaxoelaxaes isaxaespoxanliajwa, babijaxan isasamatas! ¡Isfulaxaeslax Dios nakto'apoxan! ¡Sitaeyaxaesbej Dios, laelpas wut ampathatat!

¹³ ¡Jachiyaxaes, wuaj nawesfulas wut Jesús pasliajwa, me-ama Jesús nakjum-aech! Japon pask wut, xabich nejchachaemlaxaes. Jesucristolap Dios. Jawut japon itpaeyaxael pamamax, xatis nakbu'wia wut.

¹⁴ Jesús pajut natapaei asajiw jaelsliajwas, boesaliajwasbejpon, xatis nakbu'welijaewapon. Jatis wuton, xatis babijaxan isaspoxan nakwejl xatisxot, japon pejjiwaliajwas xatis isfulaliajwas pachaempoxan.

¹⁵ ¡Japoxanlap xam naewuajande Jesús pejwuajan naexasiti! Japi nejxaejwas wut, ¡xam naewuajande nejchachaemlaliajwa! Japi is wutbej isaxilpoxan, babijaxan, ¡xam japi fia'e, me-ama Dios pejjamechan jum-aech! Japoxanlap Dios xabich nejxasink xam isliajwam. ¡Nabej tapae' asew jiw xam mastaeliajwa!

3

Machiyaxaelpox, duil wut Jesús pejwuajan naexasiti

¹ Xam Tito, ¡naewuajande naexasiti Jesús pejwuajan, japi naexasisliajwa gobierno lelpoxan, gobiernopaklochow tato'alpoxanbej! Naexasiti Jesús pejwuajan chiekal nejchaxoelaxael isliajwa pachaempoxan.

² ¡Naewuajandebej naexasiti Jesús pejwuajan jumchisamata babejjamechan asew jiwliajwa! ¡Japi naewuajandebej nalosamata, asew jiw suapich! ¡Naewuajandebej japi pachaemaliajwa, asew jiw suapich! ¡Naewuajandebej japi nejchaxoelaliajwa: “Xan kaes pejme pachaema-enil. Me-ama asew jiw, jachi-enil” —chiliajwapi, nejchaxoel wut!

³ Xatisbej majt matabija-esal Dios. Naexasis-esalbejpon. Samata, ampathatat laelpas wut, chiekal napeltas Diosliajwa. Laelpas wut, nejmachbabijaxan isasias. Xatis majt nusasiowlamaenkasbej asew jiw pejew, taens wut. Majt asew jiw naknejweslabej. Xatisbej asew jiw nejweslas.

⁴ Majt xatis jatis wut, Dios naktapaei matabijaliajwas nakbeltaenpox, puexa xatis naknejxasinkpoxbej.

⁵ Dios nakbeltaen xot, nakbu'wia. Dios nakbu'we-el, isas xot pachaempoxan. Espíritu Santo nakkajachawaet xot, xatis pajelnejchaxoelaxan.

⁶ Jesucristo, nakbu'weyaxaelpon, to'ak Espíritu Santo xatis wajmatpuatanxotaliajwa.

⁷ Dios nakbeltaen xot, xatis bu'wuajanjisal babijaxan isaspoxanliajwa japonliajwa. Samata, pomatkoicha duilaxaes Diosxotse. Japoxlap xatis amwutjel wuaj nawesfulas.

⁸ Japox diach chiekal wuajnakolax. Samata, ¡chiekal naewuajande puexa naexasiti Jesús pejwuajan isfulaliajwa pachaempoxan! Japoxan xabich pachaem puexa jiwliajwa.

⁹ Tito, ¡xam nabej buxxandadus, jiw nabunlot wut wuajan pachaemelpoxliajwa! ¡Nabej buxxandadusbej, judíos nabunlot wut pejwuajnapijiw

pejwulanliajwa! ¡Nabej buxxandadusbej, jiw nabunlot wut Moisés chajia lelpoxliajwa! Puexa japoxan nabunlot wut, pachaemaxil.

¹⁰ Aton naewhajan wut asawhajan jiw kofaliajwa diachwhajnakolaxwhajan, ¡japon aton xam buxfia'e! Buxkofs-el wut, ¡pejme buxfia'e buxkofsliajwapon japox! Pe japon buxkofs-el wut naewhajanpox, ¡japon aton nabej tapae' kaes naewhajnaliajwa naexasiti Jesús pejwhajan!

¹¹ Japon aton asawhajan naewhajan wut, xam matabijsaxaelam japon chiekal naewhajna-el Jesús pejwhajan. Ja-aech wut, japon aton pajut tasalaxaes babijax ispoxanliajwa.

Pablo to'apox Tito isliajwa we'ppoxanfuk

¹² Xan to'axaelen Artemas xam poxade. Ja-el wut, to'axaelen Tíquico. Japon pa'a wut xamxot, ¡xabua'de Nicópolis paklowax poxade, jaxot xatis nafaekaliajwas! Japaraklowaxxot xan iama chatoepaxaelen.

¹³ Abogado, pawlpon Zenas, Apolos shapich, japi thilt wut fulaeliajwa kaes atñaj poxade, ¡xam kajachawae'e japi wewe'paspojanliajwa!

¹⁴ Puexa naexasiti Jesús pejwhajan matabijaxael kajachawaesliajwa asew naexasiti Jesús pejwhajan, xabich wewe'pas wut. Kaen kajachawaes-el wut asew jiw, japon aton chiekal pachaema-el Diosliajwa.

Pablo saludos xato'apox asew Jesús pejwhajan naexasitiliajwa

¹⁵ Puexa xanxotpi saludos xato'a xamliajwa. ¡Nawesaludam jaxotpijiw, naexasiti Jesús pejwhajan! Xan puexa xamalliajwa Dios kawhajnax kajachawaesliajwapon.

Pablo carta lelpox Filemónliajwa

Pablo carta lelpox Filemónliajwa

¹ Xan Pablo, jiw jebatat jiw nabu'ajia chimiawuajan, Jesucristo pejuwajan, naewuajna xot. Filemón, xan, wajkoewan Timoteo suapich, ampox carta lelx xamliajwa, xanal xam nejxasinkax xot. Xambej nabistam Jesucristo pejbichax, me-ama xanal.

² Xanal lelxbej ampacarta wajkoewow Apialiajwa, Arquipoliajwabej. Arquipobej naknaewuajan Jesucristo pejuwajan, xam Filemón suapich. Lelxbej asewliajwa, japi naexasiti Jesucristo pejuwajan, natamejapi nejbatat.

³ Xan waj-ax Dios kawuajna x, wajpaklon Jesucristobej, xamal xabich kajachawaesliajwapi, chiekal duilaliajwambej, asew jiw suapich.

Pablo Dios kawuajanpox Filemónliajwa

⁴ Xan xabich Dios kawuajna x wut xam Filemónliajwa, gracias-an Diosliajwa.

⁵ Wuhtaenx xam chiekal naexasisfulampox wajpaklon Jesucristo. Wuhtaenxbej asew jiw nejxasinkampox, japi naexasiti Jesús pejuwajan. Japoxan wuhtaenx wut, xan Dios kawuajna xamliajwa.

⁶ Xan Dios kawuajna xam naewuajnalijwam Jesucristo xanaboejaspoxliajwa. Xam chiekal naewuajnam Jesús pejuwajan naexasitampoxliajwa. Jam wut, xam chiekal matabijsaxaelam puexa pachaempoxan xatisliajwa Jesucristo pijaxtat.

⁷ Takoewan, xam xabich nejxasinkam asew jiw, japi naexasiti Jesús pejuwajan. Samata, xabich japi jiw nejchachaemil xamliajwa. Samata, xambej xabich nejchachaemlax xamliajwa. Xabich nejchaxoelxpo xamliajwa, amwutjel nejchaxoela-enillejen.

Pablo to'apox Filemón pejme bu'kulsliajwapon Onésimo

⁸ Xan apóstolan, Dios nato'a xot. Samata, xajupx xam tato'laliajwan. Pe nakiowa, xam to'axinil isaxaelampoxliajwa.

⁹ Xanlax ampox to'ax xam nawe-isliajwam, nanejxasinkam xot. Xan Pablo, pati'nan, nabistax Jesucristoliajwa. Samata, jiw jebaxot jiw nabu'ajia, naewuajnafulax xot Jesucristo pejuwajan asew jiwliajwa.

¹⁰ Samata, xam to'ax chamoeyax isliajwam Onésimoliajwa. Onésimo, me-ama taxulan, xan naewuajna x wut jiw jebaxot, japon naexasit xot Jesús pejuwajan.

¹¹ Onésimo nej-esclavo wut, japon najaet xamxot. Ja-aech wut, diachwuajnakolax japon chaemil xamliajwa. Pe amwutjel, japon chiekal pachaemlison xamliajwa, xanliajwabej.

¹² Xan japon to'ax xam poxade nawiasliajwa. ¡Chiekal bu'kuldepon! Me-ama xan chiekal nabu'kultam wut, ja-amde Onésimoliajwa!

¹³ Xan nejchaxoelx: “Pachaem Onésimo xanxot namanaliajwa, Filemón pijaxtat Onésimo nakajachawaesfulaliajwa, xan jiw jebaxotx wut, chimiawuajan, Jesucristo pejuwajan, naewuajnafulax xot jiw” —an, nejchaxoelx wut japonliajwa.

¹⁴ Pe xanliajwa chiekal nawepachaema-el Onésimo namanaliajwa xanxot, xam najut tapae-emil wut. Xambej nejxasinka-enil xam wuljoeliajwan japon to'aliajwam nakajachawaesliajwa. Xam najut to'asiam wut Onésimo, pachaem to'aliajwam xan nakajachawaesfulaliajwapon.

¹⁵ Dios bej tapaeisbej Onésimo najaesliajwa xamxot japox kaematkoianliajwa asbuan jumch. Amwut nawiasaxaelon xam poxade pomatkoicha jaxot namanaliajwa.

¹⁶ Japon nawiat wut pejme xamxot, malech nabichaxaelon. Pe japon amwutjel esclavokala-el. Amwutjel japon kaes pejme pachaem. Japon wajkoewanbej, naexasit xoton Jesús pejwajan, me-ama xam, ja-aech xoton. Xan japon nejxasinkax. Xambej japon nejxasinkaxaelam.

¹⁷ Xam nejchaxoelam wut xanliajwa: “Pablo, me-ama takoewan, japon Jesús pejwajan naexasit xot” —am wut, ja-aech wut, Onésimo xamxot pat wut, chiekal bu'kulsaxaelampon. Me-ama xan chiekal nabu'kulsaxaelam wut, jachiyaxaelam Onésimoliajwa.

¹⁸ Onésimo xam chajia dewat wut, is wutbejpon babijax xamliajwa, xan namat-omwuloem! Xan mosaxaelen japon dewatpoxan.

¹⁹ Xan, Pablo, tajut ampox lelx. Xan tajut xam mosaxaelen Onésimo dewatpoxanliajwa. Xambej chiekal nejchafae'e xan xabich nadewatampox! Xam kajachawaetx xot naexasisliajwam Jesús pejwajan, pomatkoicha dukaxaelam Diosxotse.

²⁰ Takoewan, ampox jum-an xam nawe-isliajwam pachaempox Onésimoliajwa, xambej naexasitam xot Jesucristo pejwajan. Isde pachaempox Onésimoliajwa xan nejchachaemlaliajwan, xatis Jesucristo pejiws xot!

²¹ Xan chiekal matabijtax xam na-owchiyaxaelampox. Matabijtaxbej xan jum-anpox, xam kaes pejme isaxaelam. Samata, ampox carta lelx xamliajwa.

²² Kaes asax jumchiyaxaelen. Tajpasax wujna batu chiekal nawechaemde xanliajwa! Xamal piach Dios kawujnam soldaw nakolsax natapaeliajwa xan dukxbatat, xamalxot pasliajwan. Samata, xan nejchaxoelx wut, jum-an: “Japi pejkawujnaxantat xan ampabatat nakolsaxaelen” —an, nejchaxoelx wut.

Pablo, asew jiw suapich, saludos xato'apox

²³ Epafra, japon tajnachalan, amwutjel japon jiw jebatat jiasbej, Jesucristo pejwajan asew jiw naewujnafal xoton. Japonbej saludos xato'a xamalliajwa.

²⁴ Marcosbej saludos xato'a. Aristarco, Demasbej, Lucas suapichbej, japipej saludos xato'a. Japi xan nakajachawaesfal, Dios pejbichax isfalax wut.

²⁵ Xan wajpaklon Jesucristo kawujnax xamal kajachawaesfalaliajwapon.

Ampox carta xato'as judíosliajwa, Jesús pejwɛajan naexasitiliajwa

Dios to'apox paxɛlan, japon naewɛajnalijwa jiw

¹ Chajiakolaxtat Dios pin-iaveces xabich bɛxto'a pejprofetas, japi profetas jumchiliajwapi wajwɛajnapijiw Dios bɛxto'aspoxan. Do jawɛx, profetas naewɛajan wajwɛajnapijiw Dios bɛxto'aspoxan.

² Do baxael, Dios to'a paxɛlan xatis naknaewɛajnalijwa Dios matabijalijwas. Chajiakolaxtat Dios to'a paxɛlan isliajwa ampaxthat, puexa thatbaxotatpibej. Do jawɛx, Dios paxɛlan to'a japon puexa japoxan tataeflaliajwa.

³ Dios paxɛlan xabich pachaempon. Me-ama pax Dios xabich pachaem, ja-aechbej paxɛlan. Dios paxɛlan xajur puexa isliajwa jum-aechpoxtat, mamnik xoton. Puexa japon ispoxan ampaxthatat, athɛxotsebej, nakiowa amwɛtjel pachaemsful japon pijaxtat. Dios paxɛlan tɛp cruztat xatis babi-jaxan isaspoxan ajilaliajwa Diosliajwa. Jawɛx chijialison athɛ poxase ekaliajwa pax poklalel, japon sɛapich, puexa tato'laliajwa.

Dios paxɛlan kaes pejme pachaempox, me-ama ángeles, jachi-elon

⁴ Dios paxɛlan kaes pejme pachaem. Me-ama ángeles, jachi-elon. Dios tapaei paxɛlan puexa tato'laliajwa, japon sɛapich. Dios tapaeibej ángeles kaesɛapich tato'laliajwa.

⁵ Dios jum-aech paxɛlanliajwa:

“Xam taxɛlnam. Amwɛtjel puexa jiw matabijaxael xam diachwɛajnakolax taxɛlnam” —aech Dios. Dios jum-aechbej asew jiw chiekal matabijalijaw japon paxɛlanliajwa: “Xanlap japon paxnan. Japon xan taxɛlan” —aech Dios. Dios japox jumchi-el kaen ángelliajwa. Dios japox jum-aech paxɛlankalliajwa. Samata, matabijas Dios paxɛlan kaes pejme pachaempon. Me-ama ángeles, jachi-elox.

⁶ Dios paxɛlan to'aliajwa wɛt ampaxthatlelsik, jum-aechon ángelesliajwa:

“Xamal puexa brixtat nuilaxaelam taxɛlan pejwɛajnalel, sitaeyaxaelam xot” —aech Dios ángelesliajwa.

⁷ Dios jum-aechbej:

“Taj-ángeles tajjamechan xananɛamspijwaxael asew jiwliajwa. Ángeles pabisla. Me-ama joewa wɛt, ja-aech. Japibej, me-ama jitkaech-ia'an wɛt, ja-aech jiw toejafaliajwa, pejbu'wɛajanpi xanliajwa” —aech Dios.

⁸ Dios jum-aech paxɛlan jumtaeliajwa:

“Xam Diosnam. Tato'laxaelam pomatkoicha. Xam puexa tato'lam wɛt, chiekal tato'laxaelam.

⁹ Xam nejxasinkam isliajwam pachaempoxan. Xambej nejwesla isliajwam pachaema-elpoxan. Samata, xam makafitx tajaxtat kaes nejchachaemlaliajwam. Me-ama nejnachala nejchachaemil wɛt, xam jachiyaximil” —aech Dios paxɛlanliajwa.

¹⁰ Dios pejme jum-aech paxɛlanliajwa:

“Xam paklonam. Isam ampaxthat, puexa ajil wɛt. Isambej thatbaxo.

¹¹ Puexa xam isampoxan, baxael, paduj nadofaxael. Me-ama padujnaxoe, jachiyaxael japoxan, asamatkoi, puexa toep wɛt. Pelax xam toepaximil, pomatkoicha dukaxaelam xot.

¹² Me-ama jiw truka padujnaxoe, xambej asamatkoi jakichiyaxaelam that-baxoliajwa, ampathatliajwabej. Do jawux, pajelthatbaxo, pajelthatbej, xam isaxaelam. Pelax xam, me-ama amwutjel, jachisfulaxaelam pomatkoicha, xam toepaximil xot” –aech Dios paxulanliajwa.

¹³ Dios jumchi-el kaen ángelliajwa:

“¡Ekde tajpoklalel puexa jiw tato'laliajwam! Nadaelmajiw malechaxaelen japi xam naexasisliajwa to'axaelampox” –chi-el Dios pej-ángellesliajwa. Pelax Dios japox jum-aech paxulankalliajwa.

¹⁴ Puexa ángeles, japi espíritu. Samata, japi taeyaxisal. Japi duil isfulaliajwa Dios tato'alpoxan. Japi to'as potuajnucha kajachawaesliajwa jiw. Japi jiw Dios bu'weyaxaes.

2

Xatis naekuanjiamsaxisalpox Jesús pejwujanliajwa

¹ Xatis chiekal matabijas Dios paxulan kaes pejme pachaem. Me-ama ángeles, jachi-el Dios paxulan. Samata, xatis naekuanjiamsaxisal, naknaewujan wut chimiawujan, japon pejwujan. Kaes chiekal naexasisaxaes kofasamatas japawujan.

² Chajiakolaxtat Dios pajut buxto'a ángeles, japi chapaeliajwa Moisés Dios pejtato'laxan, japoxan jiw naewujnaliajwas. Do jawux, Moisés japatato'laxan lel. Jiw naexasis-elpi japatato'laxan, japi Dios kastikas.

³ Samata, xatis naekuanjiamsaxisal chimiawujan, Dios paxulan pejwujanliajwa, xatis Dios nakbu'welija. Wajpaklon Jesucristo jum-aech jiw bu'weyaxaelpox. Japi jiw pajut matabija wut japawujan diachwujnakolaxpox, ja-aech wut, xatisbej japox chiekal naknaewujanpi.

⁴ Japi jiw, xatis naknaewujan wut, isbejpi koechaxan Dios pijaxtat. Espíritu Santobej kajachawaech japi kaenanula isliajwa Dios nejxasinkpoxan. Samata, xatisbej matabijas naknaewujanpoxan, diachwujnakolaxpoxan.

Jesucristo nalaelt wut, me-ama yamxi nalaela wut, ja-aechpox

⁵ Asamatkoi, ampathat pajelthat wut, jawut Dios tapaeyaxil ángeles tato'laliajwa japathatat.

⁶ Dios pejjamechan, chajia lelsbox, jum-aech wut, jum-aechox jiw kaes pejme pachaemaxaelpoxliajwa. Me-ama Dios pej-ángeles, jachiyaxil jiw. Japoxbej Dios pejjamechan, chajia lelsbox, jum-aech wut, jum-aechox:

“Dios, xam kaes xabich pachaemam. Me-ama jiw, jachi-emil. Ja-am wut, ¿ma-aech xotkat xam nakiowa nejchaxoelam jiwliajwa?

⁷ Xam jiw isam wut, japi jiw puexa chiekal pachaema-ellejen. Me-ama ángeles xabich pachaem, jachi-el japi jiw. Pe nakiowa, asamatkoi, japi jiw xam chiekal naexasit wut, japi kaes pejme pachaemaxael xamliajwa. Me-ama ángeles, jachiyaxilpi pachaempox. Ja-aech wut, puexa kaes pejme sitaeyaxaes.

⁸ Samata, asamatkoi xam tapaeyaxaelam japi jiw tato'laliajwa puexa isampoxan” –aech Dios pejjamechan, chajia lelsbox, japi jiwliajwa.

Dios tapaei wut jiw tato'laliajwa puexa Dios ispoxan, japi tato'laxael puexa. Tataeflaxaelbejpi. Pe xatis amwutjel tae-esal jiw puexa tato'alpox, tudus-el xotfuk.

⁹ Jesús ampathatat nalaelt wut, kaes xabich pachaempon. Me-ama ángeles, xabich pachaem wut, jachi-el Jesús. Dios naknejxasink xot, paxulan to'a nalaelsliajwa ampathatat, xabich nabijasliajwa. Do baxael, Cristo tux xatis

babijaxan isaspoxanliajwa. Samata, Dios tapaei japon ekaliajwase Dios poklalel, puexa jiw tato'laliajwa.

¹⁰ Dios puexa is wut, japoxan japon pajutliajwa. Dios xabich nejxasink japi jiw chiekal naexasisliajwapi japon pejjamechan. Nejxasinkbejpon japi jiw japon pejjiwaliajwa. Nejxasinkbejpon japi jiw chiekal pachaemaliajwa, me-ama Dios pachaem, jachiliajwa japi jiw. Samata, Jesucristo tapaeis xabich nabijasliajwa, tɔp wuton cruztat jiw babijaxan ispoxanliajwa.

¹¹ Amwutjel xatis babijaxan isaspoxan ajil xatisliajwa, Jesús tɔp xot cruztat xatisliajwa. Japon pax, xatisbej japon waj-ax. Samata, Jesús bɔxdala-el jumchiliajwa: “Ampi jiw takoew” –chiliajwapon xatisliajwa.

¹² Dios pejjamechan, chajia lelspx, jum-aech wut, jum-aechox Jesús jumchiyaxaelpox pax Dios jumtaeliajwa:

“Asamatkoi jumchiyaxaelen, puexa takoew sɔapich, xamliajwa. Puexa takoew sɔapich, natamejlax wut, xanal xabich himno jajuiyaxaelen xam nejchachaemlaliajwam” –aech Jesús jum-aechpox pax Diosliajwa.

¹³ Dios pejjamechan, chajia lelspx, jum-aech wut, jum-aechox Jesús jumchiyaxaelpox pejnachalaliajwa:

“Xan taj-ax, Dios, xanaboejsaxaelen nakajachawaesliajwa” –aechox.

Japafutxot jum-aechbej Jesús jumchiyaxaelpox pejnachalaliajwa:

“Xan amxotx, japi sɔapich, Dios nachaxdutpi sɔapich” –chiyaxaelpox.

¹⁴ Jesús ampathatat nalaelt wut, me-ama yamxi nalaela wut, ja-aechon. Samata, Jesús xajɔp tɔpaliajwa, xatis babijaxan isaspoxanliajwa. Samata, Jesús tɔp wut, malechapon Satanás. Jiw tɔp Satanás pijaxtat.

¹⁵ Jesús tɔp wut, chiekal toep pomatkoicha wajlewlapox tɔpaliajwas.

¹⁶ Diachwɔajnakolax Jesús fulae-elsik ampathatasik japon kajachawaesliajwa ángeles. Pelax japon fɔloek kajachawaesliajwa Abraham pamojiw, japi naexasitpi Dios, me-ama Abraham, ja-aechpi.

¹⁷ Samata, Jesús nalaelt ampathatat Dios kawɔajnalialiajwa xatisliajwa. Nakbeltaenbejpon. Ispox Dios to'aspx. Samata, pajut natapaeipon padaelmajiw kimatamatlaliajwas cruztat. Japon tɔp wut, Dios nakbeltaen toepaliajwa wajbɔ'wɔajanpox.

¹⁸ Jesús nabijat, Satanás xapaejtas wut babijax isliajwa. Pe Jesús is-el babijax. Samata, Jesús xajɔp pejjiw kajachawaesliajwa, japibej xapaejas wut Satanás.

3

Amxotpox jum-aechpox Jesús kaes pejme pachaempon, me-ama Moisés pachaem wut, jachi-elpon

¹ Takoew, xamal Dios pejjiwam, makanot xoton japon pejjiwaliajwam. Nejchaxoelam wut, jchiekal nejchaxoelde Jesucristoliajwa, japon Dios to'akas ampathatasik xatis naknaewɔajnalialiajwa Dios pejjamechan! Jesús diachwɔajnakolax sacerdotekolan, japon Dios nakwekawɔajnalialiajwa Dios nakkajachawaesliajwa xatis.

² Chajiakolaxtat Moisés chiekal tataefɔl puexa Dios pejjiw, Dios japox to'as xoton japi israelitas tataeflaliajwapon. Jesúsbej chiekal is Dios pijax bichax ampathatat.

³ Jesús kaes pejme pachaem. Me-ama Moisés pachaempon, jachi-el Jesús. Jesús kaes pejme xabich sitaens, jiw bɔ'weyaxael xoton, naexasiti japon pejwɔajan. Bachan isanbej sitaens. Me-ama japon ba ispx sitaens wut, jachi-esal.

⁴ Xatis bachan taens, jiw isbachan. Pe Dios ampathatat puexa nejmach is.

⁵ Chajiakolaxtat Dios pajut to'a Moisés chiekal tataeflaliajwa puexa Dios pejjiw. Samata, Moisés chiekal naexasit, Dios to'as wut. Moisés jum-aechbej asamatkoi Dios jumchiyaxaelpoxan jiwliajwa.

⁶ Cristo, Dios paxulan, chiekal naktataeflaful, Dios pejjiws xot. Chiekal naexasich wut Cristo pejwajan, nejchachaemlas wutbej Dios nakbu'weyaxaelpoxliajwa, jatis wut, pomatkoicha Dios pejjiwaxaes.

Dios tapaeyaxaelpox pejjiw leliajwa japonxotse

⁷⁻⁸ Kaes pejme pachaem Jesucristo. Me-ama Moisés, ángelesbej, jachi-el Jesucristo. Samata, ¡Jesús chiekal naexasisfulde! Dios pejjamechan chajia lelsxot jum-aech, Espíritu Santo jum-aechpox:

“Amwutjel, xamal jumtaenam wut Dios jum-aechpox, ¡nabej naexasisle' Dios naexasisliajwam! Me-ama asew nejwajnapijiw xot, naexasis-eli Dios, ¡xamal nabej ja-aече'! Chajiakolaxtat pajilaxtat japi duilaful wut, japi nejwesla isfulaliajwa Dios tato'laspoxan. Japi naexasisfula-el Dios. Pe nakiowa, japi toes-esal Dios.

⁹ Nejwajnapijiw naexasis-el, Dios pajilaxtat wuti. Naexasis-elbejpi, Dios to'as wut. Cuarenta waechan Dios is koechaxan nejwajnapijiwliajwa. Japoxan taen wut, nakiowa naexasisfula-eli, Dios tato'las wut.

¹⁰ Samata, Dios palala nejwajnapijiwliajwa. Dios jum-aech: ‘Japi naexasisfula-el, xan tato'lax wut. Nejwesla isliajwa xan tato'laxpoxan’ —aech Dios nejwajnapijiwliajwa.

¹¹ Samata, Dios palala wut, jum-aechon: ‘Japi pasaxil xan chaemtaxxotse damlathulaliajwa’ —aech Dios nejwajnapijiwliajwa” —aech japox Espíritu Santo.

¹² Takoew, ¡najut chiekal natataefulde! Nejchaxoelam wut Diosliajwa, ¡nabej nejchaxoele': “Xan kofsaxaelen Dios naexasitxox, Dios chiekal ajil xot” —nabej aeche', nejchaxoelam wut! Diachwajnakolax Diosjila-el. Japon duk.

¹³ Xamal ampathatat laelpam wutfuk, ¡pomatkoicha nakaewa nanaewajande Dios pejjamechan Dios kaes xanaboejalajwam! ¡Ja-amde, kaen xamalxot Satanás naekichachajbasamatas babijax isasamatapon! ¡Ja-amde kaen xamalxot naexasislasamata Dios, asew jiw xamal naewajan wut!

¹⁴ Xatis chiekal naexasisaxaes Jesús pejwajan. Me-ama akasestat chiekal naexasisfulas wut, jachisfulaxaes. Laelpas wut ampathatat, kofaxisal naexasichpox Jesús pejwajan. Jatis wut, xatis duilaxaes Cristo tato'alxotse.

¹⁵ Dios pejjamechan, chajia lelsxox, jum-aech wut, jum-aechox xamal naexasislasamatam:

“Amwutjel, xamal naewetam wut Dios jum-aechpox, ¡nabej naexasisle' chiekal naexasisliajwam! Me-ama nejwajnapijiw pajilaxtat naexasis-el, ¡xamallax nabej ja-aече'!” —aech Dios pejjamechan, chajia lelsxox.

¹⁶ Xamal chiekal matabijam, Moisés bu'fol wut, israelitas nakola wut Egipto tujnaxotdin. Japibej Dios naexasis-el, jumtaen wuti, Dios pajut chiekal jum-aech wut.

¹⁷ Xamal chiekal matabijambej, israelitas babijaxan is wut Diosliajwa, cuarenta waechan pajilaxtat wuti, Dios palala. Samata, japi tuj pajilaxtat.

¹⁸ Japi naexasis-el wut Dios jumtisxox, japi leyaxil Dios chaemtaxotse jiw damlathulaliajwa.

¹⁹ Xatis matabijas, wajwajnapijiw le-el damlathulaxxotse, naexasis-el xoti Dios jum-aechpox.

4

¹ Xatis Dios nakwaj nawesful damlathulaxxotse, me-ama Dios nakjumdut. Samata, chiekal naexasisfulaxaes Jesús pejwajajan. Nakaewa nakajachawaesfulaxaes chiekal naexasisfulaliajwas Jesús pejwajajan, asamatkoi kaeyaxtat damlathulaliajwas damlathulaxxotse.

² Xatisbej jumtaens chimiawajajan damlathulaliajwas, me-ama wajwajnapijiw majt jumtaen. Wajwajnapijiwliajwa japawajajan chiekal werpachaema-esal, naexasis-el xoti.

³ Pe naexasichpis Jesús pejwajajan, damlathulaxaes Dios nakjumdutxotse. Jesús pejwajajan naexasis-eli jaxotse damlathulaxil. Dios japox jum-aech, palala wut:

“Japi leyaxil xan chaemtaxxotse damlathulaliajwa” –aech Dios.

Dios toet wut that isax, thatbaxobej, jawut toetbejpon isax wajwajnapijiw damlathulaxaelxotse.

⁴ Dios pejjamechan, chajia lelsproh, jum-aech wut, jum-aechbejproh Dios isproh, séptimomatkoï wut:

“Séptimomatkoï wut, kaes Dios is-el. Jawut damlathulon” –aechox.

⁵ Dios pejjamechan, chajia lelsproh, jum-aech wut, jum-aechbejproh Dios jum-aechproh asew jiw naexasisaxilproh Jesús pejwajajan:

“Japi jiw leyaxil damlathulaliajwa xan chaemtaxxotse” –aech Dios jum-aechproh.

⁶ Matxoelajumtaenpi chimiawajajan naexasis-el xoti, japi leyaxil damlathulaxxotse. Samata, xabich jiw we'pfuk leliajwa jaxotse.

⁷ Asew jiw naexasis-el xot chimiawajajan, Dios jumdut asamatkoi asew jiw leyaxaelproh damlathulaxxotse. Chajia Dios to'a rey David jumchiliajwa ampamatkoiyan asew jiw leyaxaelproh damlathulaxxotse. Rey David jum-aech japoxliajwa:

“Xamal jumtaenam wut Dios jum-aechproh, jnabej naexasisle' Dios naexasisli-ajwam!” –aech rey David.

⁸ Josué b'pat wut israelitas Canaán tujajuxot, japatujajnu Dios xapa-el pomatkoïcha israelitas damlathulaliajwa. Japatujajnu Dios xapa-el wut pomatkoïcha israelitas damlathulaliajwa, ja-aech wut, Dios jumdusaxil asamatkoi pejjiw israelitas damlathulaxxotse leliajwa.

⁹ Samata, matabijas, asamatkoi Dios tapaeyaxael pejjiw leliajwa damlathulaxxotse. Jatis wuti, Dios pejjiw damlathulaxael jaxotse. Me-ama Dios damlathul séptimomatkoï wut, jachiyaxaelbej Dios pejjiwpi.

¹⁰ Japi leyaxael damlathulaxxotse damlathulaliajwa. Me-ama Dios damlathul, isax toet wut, jachiyaxaelbej japi jiw.

¹¹ ¡Ma xamal ixajupamdo' puexa isliajwam, do japoxtat isde leliajwam damlathulaxxotse! Chajiakolaxtat wajwajnapijiw Dios naexasis-el japi leliajwa damlathulaxxotse. Samata, puexa xatis, me-ama japi, jachiyaxisal.

¹² Dios pejjamechan xabich mamnik. Me-ama espada, nataelapabua'powa, xua'la wut xabich funiachde, ja-aechbej Dios pejjamechan. Dios pejjamechan xajup leliajwa xabich funiach jiw pejmatpreatan poxade, japi pajut chiekal matabijaliajwa, ma-aech pejnechaxoelaxan, pachaem wut, o, chaemil wut.

¹³ Puexa Dios isprohan, japoxan namoechaxil Dios pejwajajnael, Dios puexa chiekal taen xot japoxan. Asamatkoi xatis kaenanula Dios charaeyaxaes, ma-aech xot isas kaenanula isasprohan.

Amxot jum-aechproh Jesús sacerdotekolanpon, Dios kawajnalijwapon puexa jiwliajwa

¹⁴ Jesús, Dios paxulan, athu poxasepon wajsacerdotekolnaliajwa. Japon Dios kawhajnaful xatisliajwa, Dios xatis nakkajachawaesliajwa. Samata, ¡Dios chiekal naexasisaxaes!

¹⁵ Jesús ampathatat wut, Satanás xapaejaspon babijax isliajwa. Pe nakiowa, Jesús is-el babijax. Samata, Jesús chiekal matabijt, ma-aech Satanás nakxapaeja wut babijax isliajwas.

¹⁶ Samata, Satanás nakxapaeja wut, xatis kamta Dios kawhajnaxaes nakkajachawaesliajwa. Jatis wut, Dios nakkajachawaesaxael, nakbeltaen xoton, naknejxasink xotbejpon.

5

¹ Puexa sacerdotesxot, kaen sacerdote makafich Dios, japon puexa sacerdotespaklokolnaliajwa. Do jawux, japon puexa sacerdotespaklokolnaxael, Dios kawhajnafulaliajwa puexa jiwliajwa. Choef xua'atbejpon Dios beltaeliajwa puexa jiw babijaxan ispoxanliajwa.

² Ampathatat tampoela-el sacerdotes isliajwa babijaxan, Satanás xapaejas wut, asbuan jumch jiwkal xoti. Samata, puexa sacerdotespaklokolan xajup jiw beltaeliajwa, jiw is wut babijaxan matabijs-elaxtat.

³ Puexa sacerdotespaklokolan, choef xua'asliajwa wut, kaen choefan matxoela xua'lapon, pajut babijaxan ispoxanliajwa Dios beltaeliajwas. Japox kitoet wut, sacerdotespaklokolan pejme asew choef xua'aton asew jiw babijaxan ispoxanliajwa japibej Dios beltaeliajwas.

⁴ Sacerdotes pajut namakafisaxil puexa sacerdotespaklonkolnaliajwa. Sacerdote Dios makafich wut, ja-aech wutlax, japon puexa sacerdotespaklokolnaxael. Me-ama chajiakolaxtat wajwajnapijin Aarón Dios makafich sacerdotespaklokolnaliajwa, jachiyaxael japon sacerdote.

⁵ Cristoliajwa japox ja-aechbej. Japon pajut namakafis-el sacerdotekolnaliajwa. Dios makafichpon. Dios jumentisbejpon:

“Xam taxulnam. ¡Puexa jiw nej matabijs diachwajnakolax xam taxulnamponam!” –tison Dios.

⁶ Dios pejjamechan, chajia lelsrox, jum-aech wut, jum-aechbejrox Dios jum-aechpox Cristoliajwa:

“Xam pomatkoicha sacerdotnaxaelam. Me-ama Melquisedec pomatkoicha sacerdote, xamlap-is jachiyaxaelam” –aech Dios jum-aechpox Cristoliajwa.

⁷ Jesucristo ampathatat wut, pin-iaveces pinjametat Dios kawhajanpon. Dios kawhajan wut, xabich nejxaejwas wut, itminpon. Jasoxtat Jesucristo Dios kawhajan Dios bu'weliajwas, matabijt wut padaelmajiw boesaxaesrox. Pe jawut, Jesucristo nakiowa nejchaxoel: “Xan isaxaelen taj-ax Dios nejxasinkrox” –aechon, nejchaxoel wut. Samata, Dios kajachawaechpon isliajwa Dios nejxasinkrox.

⁸ Jesucristo, Dios paxulan, xabich pachaempon. Japon nejchaxoel: “Xan nabijasaxaelen. Pe nakiowa, Dios chiekal naexasisaxaelen” –aechon, nejchaxoel wut. Samata, naexasitpon pax Dios.

⁹ Cristo chiekal naexasit xot pax Dios, japon tux puexa jiw bu'wajanjilaliajwa Diosliajwa. Samata, puexa jiw, naexasiti Jesús pejwajan, japon bu'weyaxael japi jiw pomatkoicha duilaliajwapi Diosxotse.

¹⁰ Samata, Dios makafit Jesús sacerdotekolnaliajwa, me-ama Melquisedec pomatkoicha sacerdote, jachiliajwa Jesús.

Jesús pejwajan naexasiti naewajnasrox kofasamata naexasitpoxliajwa

¹¹ Xan xabich lelaliajwan Jesucristoliajwa, sacerdotekolanpoxliajwa. Pe pachaema-el puexa chiekal chanaekabuanaliajwan, xamal makach matabija-emil xot.

¹² Xamal piach Jesús pejwajan naexasitam. Pelis, ama xamal jiw chanaekabuaniwaxaelam. Pe nakiowa, xamal xabich we'pamfuk asew jiw chiekal chanaekabuanaliajwam Dios jam-aechpoxan, matabija-emil xot kaes tampoelpoxan chiekal jammatabijaliajwam. Samata, xamal, me-ama yamxi naxaeyaxan xaeyaxilpi, ja-am xamal. Me-ama yamxi mitan afpi, ja-ambej xamal.

¹³ Jiw wewe'paspi naewajnalialjwas tampapoxan, Dios pejjamechan, japi pejnechaxoelaxan, me-ama yamxi, mitan afpi, ja-aechi. Japi matabija-el isliajwa Dios nejxasinkpoxan.

¹⁴ Jiw chiekal matabijapi Dios pejjamechan, japi matabija isliajwa pachaempoxan. Matabijabejpi is-elaliajwa pachaema-elpoxan. Samata, japi jiw Diosliajwa, me-ama pakdiachow xaeyaxaelpi naxaeyaxan, ja-aech japi jiw.

6

¹ Samata, Dios pejjamechan kaes matabijaxaes chiekal naexasisliajwas Dios. Jatis wut, diachwajnakolax Diosliajwa, xatis, me-ama pakdiachwas wut, jachiyaxaes. Jatis wutbej, asew jiw nakwewe'paxil kaeyax naknaewajnalialjwa majt naknaewajanpoxan, akasestat tuaduws wut naexasisliajwas Jesús pejwajan. Jatis wut, japoxanliajwa pomatkoicha naknaewajanaxil. Asaxan nakwewe'paxil kaes naknaewajnalialjwa, chiekal matabijas xotlis japoxan. Samata, nakwewe'paxilbej nakfiasliajwa babijaxan is-elaliajwas Dios nakkastika-elaliajwa. Nakwewe'paxilbej naktato'laliajwa Dios chiekal naexasisliajwas.

² Nakwewe'paxilbej kaes naknaewajnalialjwa bautisapoxliajwa. Nakwewe'paxilbej kaes naknaewajnalialjwa ancianos ki-owapoxliajwa naexasiti Jesús pejwajan, japi pejta'antat, Dios kawajnalialjwa wut. Nakwewe'paxilbej kaes naknaewajnalialjwa tapi mat-eyaxaespoxliajwa pejme duilaliajwa. Nakwewe'paxilbej kaes naknaewajnalialjwa pejbwajanpi pomatkoicha kastikaxaespoxliajwa.

³ Dios naktapaei wut, jkaes chiekal naexasisaxaes Jesús pejwajan!

⁴ Asew jiw matabija diachwajnakolaxpox. Samata, naexasiti Jesús pejwajan Dios bwelialjwas. Japi jiw pejmatpuatanxotbej Espíritu Santo.

⁵ Japi matabijabej Dios pejjamechan xabich pachaempox. Matabijabejpi Jesús asamatkoi ampathatat tato'laxaelpox.

⁶ Pe kofa wuti naexasitpox Jesús pejwajan, diachwajnakolax japi jiw chiekal napelsaxael Diosliajwa. Ja-aech wut, japi jiw pijaxtat puexa asew jiw bwajanpaeyaxaeli Jesúsliajwa. Kofapi Jesús pejwajan naexasitpox, japi jiwlap, me-ama cruztat pejme kimatamatali Jesús, jachiyaxaeli.

⁷ Dios pijaxtat iam thilan ampathatat. Samata, muthaspi chiekal nakweti't.

⁸ Iam thilan wut, toeixkal naboela wut, pachaema-el. Toeixkal wut, asamatkoi toejafaxaes. Jachiyaxaes jiw, Jesús pejwajan naexasitpox kofapi. Asamatkoi Dios kastikaxaes infiernoxtodik.

Xatis chiekal naexasisaxaespox Jesús pejwajan, Dios nakkajachawaet xot

⁹ Takoew, xamal nejxasinkaxpim, xan chiekal matabijtax, asew jiw kofa naexasitpox Jesús pejwajan. Xamal kofa-emil. Xan matabijtaxbej chiekal duilampox. Chiekal naexasitam xot Jesús pejwajan, Dios xamal bwia.

¹⁰ Dios is pachaempoxan. Japon nejkiowaxil xamal isampoxan japonliajwa. Nejkiowaxilbejpon asew jiw, naexasiti Jesús pejwajjan, kajachawae-tampox, japi jiw xamal nejxasinkam xot. ¡Xamal amwutjelbej japi jiw nakiowa kajachawaesfulde!

¹¹ Xan nejxasinkax xamal kaenanula nakaewa nakajachawaesliajwam pomatkoicha. Ja-am wut, Dios xamal kaenanula chaxduiyaxael pachaempox. Diachwajnakolax xamal chaxduiyaxaelon wajjawetampox.

¹² ¡Xamal nabej nejwesle' naexasisliajwam Dios! ¡Pomatkoicha naexasisfulde Dios! Me-ama asew jiw pomatkoicha chiekal naexasisfuli Dios, ¡xamalbej ja-amsfulde! Japi jiw kofa-el naexasitpox Dios. ¡Japoxlap xamal jachisfulaxaelambej! Dios chajia jum-aechpox xabich pachaem. Japi jiw chaxduiyaxaes pachaempox, Dios chajia jum-aechpox chaxduiliajwa.

¹³ Chajiakolaxtat Dios jum-aech Abrahamliajwa chiekal naexasisliajwa: “Xan Diosnan xot, tajut jum-anpox xamliajwa, diachwajnakolax” —aech Dios Abrahamliajwa, japon chiekal matabijsliajwa. Dios japox jum-aech, kaes pachaempon ajil xot, me-ama Dios.

¹⁴ Dios chajia jum-aech wut, jum-aechon Abrahamliajwa: “Diachwajnakolax xam kajachawaesaxaelen. Samata, namojiw xabichaxael” —aech Dios Abrahamliajwa.

¹⁵ Do jawux, Abraham wajjawesful piach Dios jumduchpox. Baxael, japox ja-aechliso Abrahamliajwa.

¹⁶ Jiw jumduw wut asew jiwliajwa, jum-aechi ampox: “Xamal jumdutxpro, Dios chiekal japox najumtaen” —aechi asew jiwliajwa, chiekal naexasisliajwas jumduwpro. Kaes pejme asax jumchiyaxili asew jiw chiekal naexasisliajwas.

¹⁷ Dios jumdut wut jiwliajwa, nejxasinkon jiw chiekal naexasisliajwas japon jum-aechpox. Samata, jumdut wut, jum-aechbejpon: “Xan Diosnan xot, jumdutxpro diachwajnakolax japox xamalliajwa” —aech Dios, jiw chiekal rajut matabijaliajwa japon jum-aechpox diachwajnakolax.

¹⁸ Dios kichachajba-el. Samata, puexa japon jum-aechpox diachwajnakolax. Dios nakjum-aech nakbu'weyaxaelpox. Samata, xatis nejchaxoels wut, nejchaxoelaxisal: “Xatis Dios nakbu'weyaxil” —chiyaxisal, nejchaxoels wut. Diachwajnakolax Dios nakbu'weyaxael.

¹⁹⁻²⁰ Jesús tap wut, jawut Dios poxasepon. Jaxotse Jesús Dios kawajnaful puexa xatisliajwa. Jesús sacerdotekolan. Me-ama Melquisedec pomatkoicha sacerdote, ja-aechbej amwutjel Jesús Diosxotse. Samata, xatis chiekal Jesús xanaboejas. Asamatkoi japon xatis nakbu'flaeyaxael duilialiajwas Diosxotse.

7

Amxot jum-aechpox Jesús sacerdotekolanpox, me-ama Melquisedec, ja-aechpon

¹ Melquisedec chajiakolaxtat duk wut Salem paklowaxxot, japon rey japaklowaxpijwliajwa. Pe japonbej sacerdote, Dios, athaxotsepon, pejsacerdote. Japamatkoiyan Abraham, pamak sapich, malechapi asapaklowaxanpijiw, reyes. Puexa chiekal bapon. Jawut Abraham, pamak sapich, noti padaelmajiw pejew. Abraham, pamak sapich, nawen wut, Melquisedec xabu'kult namfatat. Do jawut, Melquisedec Dios kawajjan Abraham kajachawaesfulaliajwas Dios.

² Do jawut, Abraham tameja kaeyaxtat padaelmajiw pejew. Jawutbej Abraham diajk diezmuxaxt, najuramuxaxtje. Jawut kaemuxaxt malech chaxduton

Melquisedec. Abraham chaxdutpox Melquisedec, japox pawul diezmo. Dia-jkpoخان wenamanson, nuevemuxaxt, Abraham pamakliajwa. “Melquisedec” –aech wut hebreojametat, japox jumchiliajwa: “Rey, xabich pachaempon” –chiliajwa Melquisedec pejwul. Japawulbej jumchiliajwa: “Rey, wuajan chaemsan jiw chiekal duilaliajwa” –chiliajwa Melquisedec pejwul. Japonbej rey Salem paklowaxpijwliajwa.

³ Dios pejjamechan, chajia lelsbox, jumchi-el Melquisedec paxliajwa, japon penliajwabej, pejwuajnapijiwliajwabej. Dios pejjamechan jumchi-elbej Melquisedec nalaeltproxliajwa, tuxproxliajwabej. Samata, Melquisedec, pomatkoicha sacerdotepon. Me-ama Dios paxulan pomatkoicha sacerdote, ja-aechbej Melquisedec.

⁴ ¡Nejchaxoelde chiekal! Melquisedec kaes pejme pachaem. Japon pachaempox, me-ama Abraham, jachi-el. Samata, Abraham chaxdut diezmo Melquisedec itpaeliajwa sitaeyax.

⁵ Moisés chajia lelpox to'a sacerdotes, japi Leví pamojiwpi, matomwuljoeliajwa nakae-israelitas. Samata, israelitas chaxduifal kaesuxapich kanapi, muthapibej. Japox pawul diezmo. Jasox to'as sacerdotes matomwuljoeliajwapi nakae-israelitas, Abraham pamojiw.

⁶ Melquisedec Leví pamona-el. Kaes pejme xabich pachaempon. Japon, me-ama Abraham, jachi-elbejpon. Samata, Abraham diezmo chaxdut Melquisedec itpaeliajwa sitaeyax. Do jawut, Melquisedec Dios kawuajan Abrahamliajwa Abraham Dios kajachawaesfulaliajwas.

⁷ Xatis chiekal matabijas, Dios kawuajanpon asew jiwliajwa japi Dios kajachawaesliajwas, japon kaes pachaem. Me-ama Dios kajachawaesaxaespi, jachi-elon.

⁸ Sacerdotes kinot, jiw chaxduws wut diezmo. Japi sacerdotes tuxpafal, jiwkal xot. Pe Dios pejjamechan jum-aech wut Melquisedec liajwa, ja-aech wut, me-ama Melquisedec nakiowa laeja wut, ja-aechon.

⁹⁻¹⁰ Chajiakolaxtat, Abraham malech chaxdut wut diezmo Melquisedec, japamatkoi Leví chiekal jilfuk, nalaels-el xoton. Abraham xijilfuk-is. Pamojiwbej jil. Pe baxael, Leví pamojiw, japilap amwutjel sacerdotes nadofafal. Dolis Abraham chaxdut wut diezmo Melquisedec, jawutbej puexa Leví pamojiw, me-ama chaxduti japadiezmo Melquisedec.

¹¹ Ampamatkoiyantat Leví pamojiw, sacerdotes. Japi naewuajnafal judíos naexaxisliajwa Moisés chajia lelpox. Me-ama chajiakolaxtat sacerdote Aarón naewuajan, ja-aechbej japi jiw amwutjel. Pe judíos chiekal naexaxis-el Moisés chajia lelpox, japi buwuajanjilaliajwa Diosliajwa. Samata, japi wewe'pas asan sacerdote, me-ama Aarón, jasona-el. Japi wewe'pas asan sacerdote, japon pomatkoichaxaelpon, me-ama Melquisedec, jason.

¹² Samata, Jesús makafich wut sacerdotekolnaliajwa, jawut judíos kaes wewe'pa-esal Leví pamojiw, japi sacerdotnaliajwa.

¹³ Dios pejjamechan chajia lelsxot jum-aech wajpaklon Jesúsliajwa. Jesús Leví pamona-el. Japon asamutpijin. Majt chiekal ajil sacerdote japamutpijwxot.

¹⁴ Puexa jiw chiekal matabija, wajpaklon nalaelt wut ampathatat, japon nalaelt Judá pamowtat. Moisés chajia lelpox jumchi-el Judá pamojiw xot sacerdotnaliajwa.

¹⁵ Samata, xatis chiekal matabijas, wajpaklon nalaelt sacerdotnaliajwa. Japon, me-ama asew sacerdotes wut, jachi-elon. Japonlap pomatkoicha sacerdotnaxael. Me-ama Melquisedec pomatkoicha sacerdote, japonbej jachiyaxael.

¹⁶ Leví pamojiw sacerdotes nadofa, to'as xoti Moisés chajia lelpox. Baxael, wajpaklon Jesús sacerdote wut, japon to'a-esal Moisés chajia lelpox sacerdote nadofaliajwa. Japonlax pomatkoicha dukaxael. Samata, japon sacerdotekolan nadofa.

¹⁷ Dios jum-aech Jesús jumtaeliajwa:

“Xam pomatkoicha sacerdotnaxaelam. Me-ama majt chajiakolaxtat Melquisedec pomatkoicha sacerdote, xamlap, jachiyaxaelam” —aech Dios Jesúsliajwa.

¹⁸⁻¹⁹ Judíos chiekal naexasis-el Moisés chajia lelpox, bu'wujajanjilaliajwapi Dios pejwujajnalel. Samata, Moisés chajia lelpox, amwutjel japox jiw wewe'pa-esal naexasisliajwa. Amwutjel asawujajan xatis naexasisliajwas. Japawujajan kaes pejme pachaem. Jesucristo tup xatis bu'wujajanjilaliajwas Diosliajwa. Samata, japon pijaxtat, Diosliajwa xatis bu'wujajanjisal. Xatis Jesucristo xanaboejaxaesbej Diosxotaliajwas.

²⁰ Dios pajut jumdut Jesucristo pomatkoicha sacerdotnaxaelpox. Dios majt japox jumtus-el asew sacerdotesliajwa.

²¹ Japox Dios pejjamechan, chajia lelpox, jum-aech wut, jum-aechox Dios jum-aechpox Jesúsliajwa:

“Xan Diosnan xot, diachwujajnakolax chiekal jum-an. Asax nejchaxoelaxinil. Xam sacerdotnaxaelam pomatkoichaliajwa” —aech Dios, jumdut wut Jesúsliajwa.

²² Dios jasox jum-aech xot Jesúsliajwa, chiekal matabijas, Jesús ispox xatisliajwa kaes xabich pachaem. Samata, me-ama Moisés chajia lelpox, jachi-el Jesús ispox xatisliajwa.

²³ Chajiakolaxtat sacerdote tup wut, asan makafich japon sacerdotnaliajwa. Japox ja-aechfal judíosxot. Samata, xabich sacerdotes.

²⁴ Pelax Jesús tupaxil. Samata, japon pomatkoicha sacerdotekolnaxael. Jesús sacerdote wut, asan naliaxsaxil japon aton sacerdotekolnaliajwa.

²⁵ Samata, Jesús xajup pomatkoicha jiw bu'welialjwa, pasliajwapi Diosxotse. Jesús duk Diosxotse. Japon pomatkoicha Dios kawujajan japon pejwujajan naexasitiliajwa.

²⁶ Jesús, sacerdotekolan, kaes pejme pachaempon. Jasonlap majt xatis nakwewe'p. Japon pomatkoicha is pachaempoxan. Babijax is-elon. Dios bu'floeisbejpon athu poxase.

²⁷ Jesús, me-ama puexa sacerdotespaklokolan, jachi-el. Japi choef xua'at ofrenda isliajwa Diosliajwa. Japox isliajwa wut, majt kaen choefan xua'la pajut pejbu'wujajanpoxliajwa. Do jawux, asew choef xua'at asew jiw pejbu'wujajanpoxanliajwa. Jesús jasox is-el. Japon pajut natapaei asajiw kimatamatlaliajwas cruztat. Jasoxtat japon boesas wut, japon pajut, me-ama ofrenda Diosliajwa. Jesús boesas wut asajiw, kamta moton puexa jiw babijaxan ispoxanliajwa. Japox pomatkoichaliajwa.

²⁸ Moisés chajia lelpox jum-aech kaen makafisliajwa puexa sacerdotespaklokolanliajwa. Pe nakiowa, japon xajupa-el isliajwa puexa Dios nejxasinkpoxan. Do baxael, pejme Dios jumdut paxulan sacerdotekolnaliajwa. Japon xabich pachaem pomatkoichaliajwa. Japonlax xajup puexa isliajwa, Dios nejxasinkpoxan.

8

Amxot jum-aechpox Jesucristo, wajsacerdotekolanpon, japon pomatkoicha Dios kawujajan xatisliajwa

¹ Jesús, wajsacerdotekolan, japon Dios kawuajan xatisliajwa. Amwutjel japon ek Dios poklalel. Japox kaes pejme pachaem xamal chiekal matabijaliajwam.

² Jesús nabist Diosxotse tabernáculobatat sacerdotebichax. Dios pajut japaba is. Japaba jiw is-el.

³ Puexa sacerdotespaklokolan makafich choef xua'asliajwa, ofrenda isliajwa Diosliajwa. Jesucristo wajsacerdotekolnaliajwa wut, pajut natapaeipon asajiw boesaliajwas. Ja-aech wut, Jesucristo pajut, me-ama ofrenda wut, ja-aechon Diosliajwa.

⁴ Sacerdotes ampathatat choef xua't ofrenda isliajwa Diosliajwa, me-ama Moisés chajia lelpox jum-aech. Jesús amwutjel ampathatata-elon. Amwutjel Jesús Diosxotse. Jesús ampamatkoitat ampathatataxael wut, ja-aech wut, choef xua'asaxilon. Me-ama asew sacerdotese choef xua't wut, jachiyaxilon.

⁵ Sacerdotes nabistpox ampathatat, japox, me-ama Jesucristo nabistpox Diosxotse, ja-aechox. Moisés Dios pejtabernáculoba isliajwa wut, Dios jum-aech: “¡Nabes nejkiowe' puexa itpaeixpoxan pinamuaxxot! Tajtabernáculoba isam wut, jisde, me-ama xan chajia chiekal xam chanaekabuanax!” —aech Dios Moisésliajwa.

⁶ Pe Jesucristo, wajsacerdotekolanpon, japon nabist Dios to'aspox Diosxotse xatisliajwa. Japox kaes pejme pachaem. Me-ama sacerdotese ispox ampathatat jiwliajwa, jachi-el japon nabistpox. Jesucristo pomatkoicha Dios kawuajan xatisliajwa. Japon tux wut, xatis babijaxan isaspoxan chiekal nakwetoep Diosliajwa. Nakkajachawaetbejpon Dios nakchaxduiliajwa chajia nakjumdutpox duilaliajwas pomatkoicha Diosxotse. Japoxanlap xatisliajwa xabich kaes pejme pachaem. Me-ama Moisés chajia lelpox, jachi-el.

⁷ Moisés chajia lelpox chiekal pachaemaxael wut, japox jiw chiekal naexasit wutbej pachaemaliajwapi Diosliajwa, ja-aech wut, jiw wewe'paxisal asawuajan naexasisliajwa chiekal pachaemaliajwapi Diosliajwa.

⁸ Pe nakiowa, jiw chiekal naexasis-el puexa Moisés chajia lelpox. Samata, Dios jum-aech:

“Asamatkoi xan to'axaelen pajelwuajan naexasisliajwa Israel tuajnapijiw, Judá tuajnapijiwbej, pomatkoicha duilaliajwapi xanxotse.

⁹ Pajelwuajan najupaxil majt jum-anpox pejwuajnapijiwliajwa. Japi Egipto tuajnuxot wut, xan japi jukx. Japibej xan nanaexasis-el, chajia jum-an wut. Samata, japi jiw koftax” —aech Dios.

¹⁰ Dios kaes jum-aech: “Xan jum-an ampox Israel tuajnapijiwliajwa pajelwuajanliajwa. Asamatkoi tajjamechan kaenanula jiw matabijaxael. Samata, nejxasinkaxael naexasisliajwa tajjamechan. Xan japi pejDiosnaxaelen. Japibej tajjiwaxael.

¹¹ Japamatkoiyan puexa paklochow, paklochowa-elpibej, xan chiekal namatabijaxael. Samata, chinax kaen aton jumchiyaxil xanliajwa asew jiwxot.

¹² Xan japi jiw beltaeyaxaelen. Kaes nejchaxoelaxinil japi majt babijaxan ispoxan. Nejkiowaxaelen japoxan” —aech Dios.

¹³ Dios jum-aech pajelwuajanliajwa, matxoelapejwuajan chiekal pachaemael xot. Matxoelapejwuajan kaematkoiyan supich we'p toepaliajwa.

9

Amxot jum-aechpox Dios pejtabernáculobaliajwa, asatabernáculobaliajwabej, Diosxotsepox

¹ Moisés chajia lelpox tato'las israelitas isaxaelpoxan, tabernáculobatat Dios kawuajan wuti.

² Dios pejtabernáculoba, ampathatpijax, japox kolepiezax. Matxoelapiezax pawul Lugar Santo. Jaxot chanuk candelabro itliakaliajwa japapiezaxxot. Jaxotbej kaemesa nuk. Japamesamatwuajtat pomatkoicha sacerdotes pan owa Diosliajwa.

³ Jaxot asapiezaxliajwa duch pinabu'. Japapiezax pawul Lugar Santísimo.

⁴ Japapiezaxtat altar nuk, oro matxafafaspox, japa-altarmatwuajtat bowaliajwa xabejasapan, pawulpi incienso. Jaxotbej baúl ek, oro matxafafaspox patulel, fuletlananbej. Japabaúltutat ek baext, orotat isaspot. Japabaextutat cha-ek maná. Aarón pejkilachalanaeyabej japabaúltutat ok. Japox kilachalanaeya chajia wafnakola. Japabaúltutat oelbej kole-ia't, papa'a. Japa-ia' lels diez tato'laxan, Dios tato'alpoxan jiw naexaxisliajwa.

⁵ Japabaúlfamatwuajtat kolenje, ángeles-ael isaspi, nows. Ba'dolanuili. Japa-ángeles-aelanliajwa israelitas wultaen wut, japi pajut chiekal matabijaliajwa Dios japatabernáculobatatpox. Pe amwutjel, kaes lelaxinil japoxan chanaekabuanaliajwan.

⁶ Ja-aech majt Dios pejtabernáculoba. Sacerdotes pomatkoicha low matxoelapiezaxxot isliajwa pejbichaxan.

⁷ Pe asapiezaxxot, Lugar Santísimoxot, tapaeis puexa sacerdotespaklokolkankal tamach leliajwa. Japon low japapiezaxxot, kaewaechful wut. Low wut, chaxlowpon choefjal matsasalsliajwa baúlmawuaj. Jasox ispon Dios beltaeliajwas pajut babijaxan ispoxanliajwa. Jawux pejme jasox ispon puexa asew jiw babijaxan ispoxanliajwa, japi pajut chiekal matabija-el xot, is wut babijaxan.

⁸ Israelitas chiekal matabija kaen, puexa sacerdotespaklokolan, leyaxaelpox Lugar Santísimoxot. Samata, Espíritu Santo nakkajachawaet matabijaliajwas xatis jaxot wajut leyaxisalpox Dios kawuajnalijwas, xatis babijaxan isaspoxan nakbeltaeliajwapon. Puexa sacerdotespaklokolan, japon kaen, Dios kawuajnaxael xatisliajwa.

⁹ Puexa sacerdotes ispoxan, japoxan ampamatkoiyan xatisbej chiekal matabijaliajwas. Sacerdotes choef xua'at wut ofrenda isliajwa Diosliajwa, puexa jiw babijaxan ispoxanliajwa Dios beltaeliajwas, japoxan is wuti, nakiowa kajachawaes-esal kaes chiekal pachaemaliajwapi Diosliajwa.

¹⁰ Moisés chajia lelpox israelitas naexasit wut, pe japi nakiowa, chiekal pachaema-el Diosliajwa. Japawuajantat japi tato'las pajut chiekal natataeflialiajwa, naxaeyaxan xaeliajwa wut, feliajwa wutbej. Japibej naexasit wut japox, pin-iaveces kikakiati chiekal pachaemaliajwa Diosliajwa. Jasox majt chajia israelitas isful, Jesucristo pas-el wutfuk ampathatat. Jesucristo pat wut, Moisés chajia lelpox toep, pajelwuajan tuadut wut.

¹¹ Cristo pask wut ampathat, japon wajsacerdotekolan nadofa. Samata, puexa chiekal pachaem xatisliajwa japon pijaxtat. Pe pejme kaxasepon pax Dios poxase. Cristo nabist Dios pejtabernáculobaxotse. Jaxotse kaes pejme pachaem. Me-ama ampathatat jiw isba, Dios pejtabernáculoba, jachel japaba.

¹² Cristo low wut Dios pejtabernáculobaxotse, Lugar Santísimoxot, chaxle-el chivojal, pakjalbej, mosliajwa xatis babijaxan isaspoxanliajwa. Pelax japon tup wut, me-ama pejjal xalow wut, ja-aechon. Tup wut, moton xatis babijaxan isaspoxanliajwa nakbu'welialjwa pomatkoichaliajwa.

¹³ Israelitas babijaxan is wut, tapae-esal Dios pejtabernáculoba leliajwa. Ja-aech wut, israelitas majt matsasaltas torjal, o, chivojal. Pakxulan, altar-

matwuajtat bochpon, japathumba min tanialtas, jalmint suaapich. Do jawut, israelitas matsasaltas japajalmint. Ja-aech wut, pachaem israelitas pejme leliajwa Dios pejtabernáculoba.

¹⁴ Cristo pejjal xabich kaes pejme ommaenk Diosliajwa. Me-ama choefjal, jachi-el. Cristo kajachawaech Espíritu Santo, japon pomatkoichapon. Samata, Cristo pajut natapaei asajiw boesaliajwas xatis babijaxan isaspoxan nakwemosliajwa. Me-ama choefan xua'las wut ofrenda isliajwa Diosliajwa, jakitis Cristo. Samata, Cristo tɔp xot cruztat, Dios nakbeltaen xatis babijaxan isaspoxanliajwa. Babijaxan isas xot, xatis wajut chiekal napeltaslach Diosliajwa. Pe Cristo, babijax is-elpon, nakwemot xot, xatis xajɔps Dios tanbichliajwas, japon Diosxotse dukpon.

¹⁵ Samata, Jesucristo tɔp xot cruztat, Dios nakkajachawaet. Puexa xatis Dios nakmakanot pomatkoicha duilaliajwas Diosxotse, me-ama Dios chajia jumdut. Cristo tɔp xatis babijaxan isaspoxanliajwa bu'wuaajanjilaliajwas Diosliajwa. Samata, Dios nakbeltaen.

¹⁶⁻¹⁷ Aton laeja wutfuk, lelon pelfut puexa pejewliajwa. Japapelfutat pawlan lelon nosaxaelpi japon pejew japon pejwulela. Baxael, japon tɔp wut, puexa japon pejiwpi kaenanala chiekal matabijaxael, nosaxaelpi naetɔpon pejew. Japon laeja wutfuk, pelfut, pajut lelpox, pa-oma-elfuk. Pe japon aton tɔp wut, japox pelfut pa-omliso. Samata, japon pejiw chiekal diajkaxael, me-ama pelfut lelpox jum-aech, japi jiw kaenanala nosliajwa pejewaxaelpi.

¹⁸ Ja-aechlap-is Moisés chajia lelpox israelitas naexasisliajwa. Choef xua'at wuti ofrenda isliajwa Diosliajwa, Moisés lelpox pa-om.

¹⁹ Moisés pajut chiekal chanaekabuaana puexa israelitas naexasisliajwa Dios tato'alpoxan. Do jawut, fiton cha-aelnaedalach. Japox pawul hisopo. Jawux pasoeimuat, lanamuat, nae-oefxakoeyapon. Japox xatho'bala jalmint poxadik. Japajalmint tanielas, torjal, chivojal, min suaapichbej. Moisés japajalmint pajut lelpox matsasalton. Do jawut, puexa israelitas matsasaltbejpon.

²⁰ Jawut jum-aechon puexa israelitasliajwa: “Xamal matsasaltax choefjal mint. Samata, naexasisaxaelam xan lelpox. Ja-am wut, Dios isaxael jumdutpox xamalliajwa” –aech Moisés israelitasliajwa.

²¹ Jawutbej Moisés japajalmint matwuajsasalt Dios pejtabernáculoba. Matsasaltbejpon sacerdotes xanbistpoxan japabaxot.

²² Moisés chajia lelpox to'a puexa xanbistpoxan matsasalshiajwa choefjalmin, japoxan puexa chiekal pachaemliajwa Diosliajwa. Jatislap-is puexa israelitasliajwa. Choef xua'la-el wuti ofrenda isliajwa Diosliajwa, ja-aech wut, ajil Dios jiw beltaeliajwa babijaxan ispoxanliajwa.

Dios nakbeltaenpox xatis babijaxan isaspoxanliajwa, Jesús tɔp xot cruztat

²³ Moisés chajia choefjalmin matwuajsasalt Dios pejtabernáculoba ampathatat. Matsasaltbejpon puexa sacerdotes xanbistpoxan japabatat. Japox ispi puexa jiw matabijaliajwa asamatkoi Cristo tɔpaxaelpox ampathatpijiw bu'wuaajanjilaliajwa Diosliajwa. Cristo choefjaltat Diosxotse matwuajsasalsel Dios pejtabernáculoba. Cristolax pajut natapaei asajiw boesaliajwas. Samata, Cristo tɔp wut cruztat, Dios beltaen ampathatpijiw babijaxan ispoxanliajwa.

²⁴ Cristo tɔp wut, mat-echpon pejme dukaliajwa. Do jawut, athu poxasepon nabichliajwa Dios pejtabernáculobaxotse. Jaxotse pax Dios pejwuaajnalel kawuaajnaful xatisliajwa. Dios pejtabernáculoba ampathatpijax, japox, me-ama Dios pejtabernáculoba Diosxotsepox, jakabuan-aechox chiekal.

²⁵ Puexa sacerdotespaklokolan, kaewaechful wut, choefjal chaxlowpon tabernáculobatat, Lugar Santísimoxot, ofrenda isliajwa Diosliajwa. Pe Cristo kaewaechful tupafulaxil. Kaetupaxtat jiw bu'wiapon. Samata, Cristo pejme tupafulaxil jiw bu'wujajilaliajwa Diosliajwa.

²⁶ Cristo tupa kaeveces. Jachi-el wut, kaewaechful wut, Dios to'axael Cristo tupafulaliajwa jiw bu'wujajilaliajwa Diosliajwa. Ampamatkoiyan, Cristo kaeveces ampahatat nalaelt boesaliajwas puexa jiw babijaxan ispoxanliajwa. Cristo boesaspox pomatkoichaliajwa.

²⁷ Puexa jiw, ampahatpijiw, pejmatkoi wepach wut, tupaaxael kaeveces. Do jawux, Dios jumchiyaxaesi kaenanala babijaxan ispoxanliajwa kastikalijwas.

²⁸ Jasoxtatbej Cristo tupa cruztat kaevecesliajwa. Pajut natapaeipon asajiw boesaliajwas, xabich jiw babijaxan ispoxanliajwa. Jawux pax Dios poxasepon. Asamatkoi pejme pasaxoekon. Pask wut, pejme jiw boesaxisalpon tupaliajwa jiw babijaxan ispoxan ajilaliajwa. Japon pasaxoek jiw bu'welialjwa, japi jiw wujajlawetpi japon pejpasax.

10

¹ Moisés chajia lelpox pachaem israelitas naexasisliajwa. Japox amwutjel xatis matabijas. Pe kaes pejme pachaem Cristo ispox xatis naexasisliajwas. Xabich chajia wujajna, Jesús pas-el wutfuk, Moisés chajia lel wut, to'a sacerdotes isaxaelpoxan isliajwa. Samata, sacerdotes kaewaechful wut, choef xua'at ofrenda isliajwa Diosliajwa, Dios beltaeliajwa jiw babijaxan ispoxanliajwa. Pe jiw nakiowa babijaxan isful Diosliajwa.

² Sacerdotes choef xua'at ofrenda isliajwa Diosliajwa. Japox is wuti, jiw babijaxan ispoxan kaelel wejila-esal. Jiw babijaxan ispoxan kaelel wejilaxaes wut, japi jiw kaenanala chiekal nejchaxoelaxael: “Xan babijaxan isxpojan nawe-ajil Diosliajwa” —chiyaxaeli, nejchaxoel wut. Ja-aech wut, kaes choef xalalaeyaxili sacerdoteslel, japi sacerdotes choef xua'asliajwa ofrenda isliajwa Diosliajwa.

³ Kaewaechful wut, sacerdotes choef xua'at ofrenda isliajwa Diosliajwa jiw nejchaxoelaliajwa majt babijaxan ispoxanliajwa.

⁴ Sacerdotes xua'at wut toros, chivosbej, japajal pijaxtat jiw babijaxan ispoxan kaelel wejila-esal Diosliajwa.

⁵ Samata, Cristo pasliajwa wut ampahatasik, jum-aechon pax Diosliajwa: “Ax, xam chiekal nejchachaemla-emil, sacerdotes choef xua'at wut, xamliajwa ofrenda is wuti jiw babijaxan ispoxan beltaeliajwam. Samata, xan nato'axaelam nalaelsliajwan thatxotdik, me-ama yamxi nalaela wut, jachiliajwan. Do baxael, nato'axaelambej tupaliajwan puexa jiw babijaxan ispoxanliajwa, japi jiw bu'wujajilaliajwa.

⁶ Sacerdotes choef xua'at bowaliajwa altarmatwujat ofrenda isliajwa xamliajwa, xam beltaeliajwam jiw babijaxan ispoxanliajwa. Pe xam chiekal nejchachaemla-emil japoxanliajwa.

⁷ Samata, xan amxotx isliajwan xam nejxasinkampox, me-ama nejamechan, chajia lelpox, jum-aech wut, jum-aechox xanliajwa” —aech Cristo Diosxotse pax Diosliajwa.

⁸ Cristo japox jum-aech xot, matabijas Dios chiekal nejchachaemla-el, sacerdotes choef xua'at wut ofrenda isliajwa japonliajwa. Jasoxtat jum-aech Moisés chajia lelpox sacerdotes isliajwa japox. Pe nakiowa, Dios chiekal nejchachaemla-el japoxliajwa.

⁹ Cristo pejme jum-aech pax Diosliajwa: “Xan amxotx isliajwan xam nejxasinkampox” —aechon. Samata, Cristo tupa ampahatat puexa jiw

bü'wüajanjilaliajwa Diosliajwa, Dios to'as xoton. Samata, jawüt toep sacerdots choef xüa'atpox ofrenda isliajwa Diosliajwa.

¹⁰ Cristo is Dios nejxasinkpox. Samata, Cristo pajut natapaei asajiw boesaliajwas puexa jiw bü'wüajanjilaliajwa Diosliajwa. Cristo tüp wüt, japox patüpax kaevecesliajwa, pomatkoichaliajwabej.

¹¹ Sacerdots pomatkoicha choef xüa'at ofrenda isliajwa Diosliajwa. Sacerdots japox is wüt, Dios kaelel wepels-el jiw babijaxan ispoxan japi bü'wüajanjilaliajwa.

¹² Me-ama sacerdots ispox, jasox is-el Jesucristo. Japon pajut natapaei asajiw boesaliajwas puexa jiw babijaxan ispoxanliajwa. Japon kaetüpaxtat jiw bü'wiapon. Do jawüx, Jesucristo Dios poxase. Jaxotse ek pax Dios poklalel.

¹³ Jesucristo jaxotse wüaj nawet pax Dios malechaliajwa japon padaelmajiw, japi naexasisliajwa japon tato'alpoxan.

¹⁴ Cristo tüp wüt japox kaevecesliajwa, jawüt Dios naexasiti bü'wüajanjillisi pomatkoichaliajwa Diosliajwa, babijaxan ispoxanliajwa.

¹⁵ Espíritu Santo nakkajachawaet xot, matabijas, diachwüajnakolax Cristo tüp xatistiajwa. Dios jüm-aech:

¹⁶ “Asamatkoi tajjiw kajachawaesaxaelen chiekal matabijaliajwa tajjamechan. Samata, tajjamechan naexasisaxaeli.

¹⁷ Xan kaes nejchafaesaxinil japi babijaxan ispoxanliajwa” —aech Dios.

¹⁸ Samata, Dios beltaen wüt jiw babijaxan ispoxanliajwa, ja-aech wüt, kaes choef xüa'asaxili ofrenda isliajwa Diosliajwa.

Wajnejchaxoelaxantat moxaxaes pox Diosxot

¹⁹ Takoew, Cristo tüp xot, xatis bü'wüajanjisal Diosliajwa. Samata, amwütjel Dios naktapaei wajnejchaxoelaxantat nejmach chiekal moxaliajwas Diosxotse, Dios pejtabernáculobaxot, Lugar Santísimoxot.

²⁰ Cristo tüp xatis bü'wüajanjilaliajwas Diosliajwa. Samata, japon, me-ama pajelt nüamt wüt, ja-aechon xatis pasliajwas Diosxotse. Samata, Dios naktapae yaxael pomatkoicha duilaliajwas jaxotse.

²¹ Jesús wajsacerdotekolan tataeful Dios pejtabernáculoba Diosxotse.

²² Samata, puexa wajnejchaxoelaxantat moxaxaes Diosxotse, chiekal matabijas xot, Dios diachwüajnakolax nakbü'weyaxael. Xatisbej matabijas, Dios nakbeltaen xatis babijaxan isaspoxanliajwa. Samata, me-ama nawaenspi wüt, jatis. Samatabej, me-ama bü'asjisal wüt, jatis Diosliajwa.

²³ Nejchaxoels wüt Dios nakbü'weyaxael poxliajwa, nejchaxoelaxisal: “Dios bej nakbü'weyaxilbej” —chiyaxisal, nejchaxoels wüt. Dios isaxael nakjümdutpox xatistiajwa.

²⁴ Nejchaxoelaxaes nakaewa nakajachawaesliajwas. Jatis wüt, kaes pejme pachaemaxes. Isaxesbej pachaempoxan nakaewaliajwa.

²⁵ Asew jiw xatixot kofa culto ispoxan. Xatislax kofaxisal. Nakaewa naewüajnaes kaes Dios xanaboejalajwas. Jasox isaxes, matabijas xot matkoiyan moxsfülpox wajpaklon Jesucristo pejme pasliajwasik.

²⁶ Xatis chiekal matabijas, Cristo tüp cruztat nakwemosliajwa xatis babijaxan isaspoxanliajwa. Pe jawüt, xatis babijaxan isfulas wüt, jatis wüt, Dios beltaeyaxil babijaxan isaspoxanliajwa, kaes asan ajil xot pejme tüpaliajwa, xatis bü'wüajanjilaliajwa.

²⁷ Babijaxan kaes isfulas wüt, kaeyax nakwewe'paxael. Japox kastikax, xabich chaemilpox. Jawüt jit itküawa-elpoxtat Dios nakkastikaxael chiekal naktoejafaliajwa japajitat, puexa Dios padaelmajiw süapich.

²⁸ Chajiakolaxtat aton naexasis-el wut Moisés chajia lelpox, kolenje, o, tres aton, taens wut japon ispox, ja-aech wut, tasalas. Do ja-aech wutbej, japi jiw beltae-esal. To'as beliajwas.

²⁹ Dios xabich kaes kastikaxael kofapi Jesucristo pejwajan naexasitpox. Japi nejchaxoel wut, jum-aechi: “Jesucristo tup wut, japox ma-aech asbuan jumch xatis babijaxan isaspoxan nakwemosliajwa” –aechi. Japi jum-aechbej babejjamechan Espiritu Santoliajwa, xatis naknejxasinkpon. Dios paxalan diachwajanakolax tup japi jiw babijaxan ispoxanliajwa, bu'wajanjilaliajwa.

³⁰ Xatis matabijas Dios jum-aechpox: “Asew jiw babijaxan is wut asew jiwliajwa, japi xan kastikaxaelen” –aechox. Dios jum-aechbej: “Jiw babijaxan ispi xan kastikaxaelen. Asew jiw lax, babijax is-elpi, japi jiw kastikaxinil” –aech Dios.

³¹ Dios tupaxilpon. ¡Japon pejkastikax xabich chaemil!

³² Xamal nejchaxoelam wut, ¡nejchaxoelde, akasestat Jesús pejwajan naexasitam wut! Japamatkoiyan xamal xabich nabijatam, asew jiw babijaxan is wut xamalliajwa, naexasitam xot Jesús pejwajan. Ja-am wut, xamal kofa-emil. Nakiowa Jesús pejwajan naexasisfulam, Dios xamal kajachawaesful xot.

³³ Asew xamalxot jumis babejjamechan asew jiw pejwajnalel, Jesús pejwajan naexasit xoti. Japi jiw nabijat asew jiw pijaxtat. Ja-aech wut, xamalxotpijiw, asew jiw pejlwla-el itraeliajwa japibej naexasitpox Jesús pejwajan.

³⁴ Asew jiw, naexasiti Jesús pejwajan, jiw jebatat jias wut, xamal japi jiw kajachawaetam wewe'paspojanliajwa. Asew jiw xamal wenot wut nejew, xamal Jesús pejwajan naexasitam xot, nalala-el. Nakiowa nejchachaemlam nejmatpuatantat Diosliajwa. Ja-am xamal, wajanawetam xot kaes pejme pachaempox Diosxotse, pomatkoichaliajwapox.

³⁵ Samata, ¡xamal nabej kofe' Dios xanaboejampox! Ja-am wut, Dios xamal chaxduiyaxael xabich pachaempoxan japonxotse.

³⁶ Xamal nabijatam wut, ¡nakiowa isfulde, me-ama Dios nejxasink! Ja-amsfulam wut, Dios xamal chaxduiyaxael jumdutpox.

³⁷ Dios pejjamechan, chajia lelpox, jum-aech wut, jum-aechox Dios jum-aechpox Cristo pejme pasaxoekpoxliajwa: “Kamtalejen pasaxoekon. Piach kijlaxilon pasliajwa.

³⁸ Tajjiw isful wut xan nejxasinkaxpoxan, xan naxanaboeja wuti, japi duilaxael pomatkoicha xanxotse. Pe asew jiw kofa wut naxanaboejapoxan, ja-aech wut, xan nejchachaemlaxinil japi jiwliajwa” –aech Dios jum-aechpox.

³⁹ Xatislax kofa-esal Dios xanaboejaspox napelsasamatas Diosliajwa. Xatis chiekal Dios naexasisfulas wut, jatisfulas wut, japon xatis nakbu'weyaxael.

11

Jiw xanaboejapox Dios

¹ Xatis chiekal Dios xanaboejas wut, jatis wut, kaenanula chiekal nejchaxoelaxaes ampox: “Dios jum-aechpox diachwajanakolax jachiyaxael. Xan taenil wut japox, nakiowa matabijtax jachiyaxaelpox. Japox Dios isaxael” –chiyaxaes kaenanula, nejchaxoels wut.

² Wajwajanapijiw chiekal naexasisful Dios jumis pox. Japi kaenanula chiekal nejchaxoel: “Diachwajanakolaxdo', Dios najum-aechpox xanliajwa” –aechi, nejchaxoel wut. Samata, Dios nejchachaemil wajwajanapijiwliajwa.

³ Xatis chiekal Dios xanaboejas xot, matabijas, Dios is ampathat, that-baxobej, jum-aech wuton. Puexa amwutjel taenspoxan, japoxan puexa taens, Dios is xot. Amwutjel taenspoxan, majt japoxan chiekal ajil.

⁴ Chajiakolaxtat Abel chiekal xanaboejt Dios. Samata, Abel naexasit Dios tato'alpox. Samata, Abel ofrenda is wut Diosliajwa, japox xabich pachaem. Me-ama Caín pijax ofrenda, jachi-el Abel pijax ofrenda. Samata, Abel babijaxan ispoxanliajwa bu'wujajanjilon Diosliajwa. Japon Abel chajiakolaxtat boesas wut, tapon. Pe nakiowa, ampamatkoiyan Abel Dios xanaboejtpox nakiowa wultaeflas. Samata, xatisbej Dios chiekal xanaboejaxaes.

⁵ Chajiakolaxtat Enochej chiekal Dios xanaboejt. Samata, Dios bu'foson tathualin athu poxase. Kaes pejme faena-esal, Dios bu'fos xoton. Dios pejjamechan, chajia lelspx, jum-aech wut, jum-aechox: “Enoc Dios bu'floe-esal wutfuk, Dios nejchachaemil japonliajwa” –aechox.

⁶ Dios nejchachaemla-el, jiw xanaboeja-el wuti japon. Jiw xanaboejalijaw wut Dios, japi jiw matxoela chiekal nejchaxoelaxael amprox: “Diachwujanakolax Dios duk athuxotse. Samata, Dios nabu'weyaxael, wulwekx xot Dios tajnejchaxoelaxtat” –chiyaxaeli, nejchaxoel wut.

⁷ Chajiakolaxtat Noé chiekal Dios xanaboejt. Dios jmtis wut matabijsliajwa puexa ampathat bu'laxaelpox, Noé chiekal naexasit. Samata, Dios kito'aspon pinjiyax barkam isliajwa bu'welijawapon pejjiw. Noé, pejjiw suapich, Dios naexasit xoti, japi babijaxan ispoxanliajwa bu'wujajanjil Diosliajwa. Japamatkoiyan puexa jiw, potujajuchanpijiw, chiekal bu'al, Dios naexasis-el xoti.

⁸ Chajiakolaxtat Abrahambej chiekal Dios xanaboejt. Dios to'as wut nakolsliajwa pejtujajuxot, naexasiton. Samata, Abraham fulaech Dios chaxdusaxaestuajux poxade. Jawut Abraham chiekal matabijs-elon, fulaeyaxaech poxade.

⁹ Abraham pat wut Dios jumduchtujajuxot, japatujajuxot asajiw wujajna duil. Abraham naexasit jumduchpox. Samata, japatujajuxot dukjepon. Abraham chimiaba is-el japatujajuxot. Dukjepon carpabatat. Baxael, asamatkoiyan, Abraham paxulan Isaac, Abraham pamon Jacobbej, japi carpabachantat duilalap japatujajuxot. Japibej Dios jmtis asamatkoi chaxdusliajwas japatujajux.

¹⁰ Abraham laeja wut, wujajnawesfulon asamatkoi Dios bu'flaelijawas athu poxase, pomatkoicha dukaliaw Dios pajut ispaklowaxxotse. Samata, Abraham dukje carpabatat asbuan jumch.

¹¹ Chajiakolaxtat Abraham pijow, Sarabej, chiekal Dios xanaboejt. Samata, japow xabich pati'ow wut, naxuwal, Dios jumduch xotow.

¹² Abraham pijow naxuwal wut, Abraham xabich pati'in. Pe nakiowa, Abraham paxulan nalaelt. Do baxael, Abraham pejwulela, xabich kaesful pamojiw. Me-ama ithaej, thaejbelinbej, xabich pin-iakola, ja-aechful Abraham pamojiw. Samata, xajupaxil xajuiliajwas japi jiw.

¹³ Chajiakolaxtat puexa, japi chiekal Dios xanaboeja hasta pejpatupaxtat. Dios jumduchpoxan chaxduiliajwas, japi japoxan naetupaful chaxduiesalpoxtat. Pe nakiowa, japi chiekal matabija pejwulela Dios jumdutpoxan asamatkoi chaxduiyaxaespx japi pamojiw. Samata, japi xabich nejchachaemil. Japi pajut chiekal matabija xot, jum-aechi: “Xatis ampatujajuxot asbuan jumch nanuamspijwas. Wajtujajukolax ajil pomatkoicha xatis duilaliajwaspx” –aechi.

¹⁴ Japox jum-aech wuti, xatis matabijas japi wujajnawesfulpox, asamatkoi Dios bu'flaeyaxaespx athu poxase, Diosxotse, pomatkoicha duilaliajwapi.

¹⁵ Japi nejchaxoel wut, nejchaxoela-el kaxa naweliajwa Abraham nakoltuajnu xot. Naweyax nejchaxoelaxael wut, japi naweyaxael japatuajnu poxade.

¹⁶ Pe japi kaes nejxasink Dios poxaliajwase, jaxotse kaes pejme pachaem xot. Me-ama ampathatat, jachi-el jaxotse. Samata, Dios nejchachaemil japiliajwa jumchiliajwapon: “Ampi tajjiw” —chiliajwapon japiliajwa. Dios chaemt paklowax, pejjiw pat wut japapaklowaxxot duilaliajwase.

¹⁷⁻¹⁹ Dios chajia jum-aech Abrahamliajwa: “Naxulan Isaac asamatkoi xabichaxael pamojiw” —aech Dios. Do asamatkoi, Abraham Dios xapaejtas wut, kito'as paxulan Isaac xua'laliajwapon ofrenda isliajwa Diosliajwa. Jawut Abraham ow-aech. Samata, Abraham xua'laliajwa wuton paxulan Isaac, nejchaxoelon: “Dios xajup tupi mat-elialjwa pejme duilaliajwa” —aech Abraham, nejchaxoel wut. Samata, Abraham xua'laliajwa wuton paxulan, jawut Dios kifiachpon. Do jawut, Abraham paxulan xua'la-el wut, ja-aech wut, Abrahamliajwa Isaac, me-ama Dios mat-ech wut, ja-aechon pejme dukaliajwa.

²⁰ Abraham xabich Dios xanaboejsful. Abraham paxulan, Isaac, japonbej Dios chiekal xanaboejsful. Samata, Isaac xabich pati'in wut, jum-aechon paxulan Jacobliajwa, Esaúliajwabej. Kaenanula japiliajwa jum-aechon: “Dios xam kajachawaesfulaxael” —aech Isaac.

²¹ Isaac paxulan, Jacobbej, chiekal Dios xanaboejsful. Samata, baxael, asamatkoi, Jacob mox pawuajna wut tupaliajwa, japon kaenanula José paxiliajwa Dios kawuajan asamatkoi japi Dios kajachawaesfulaliajwas. Jacob jum-aech kaenanula japiliajwa: “Dios xam kajachawaesfulaxael” —aech Jacob. Do jawut, Jacob Dios kawuajan wut, jum-aechon Diosliajwa: “Xam xabich pachaemam” —aech Jacob, kilamamsnik wut pejkilachalanaeya.

²² Chajiakolaxtat Jacob paxulan, José, japonbej chiekal Dios xanaboejsful. Samata, José mox pawuajna wut tupaliajwa, jum-aechon israelitas asamatkoi nakolaxaelpox Egipto tuajnu xot. Do jawut, José to'anadoft, asamatkoi israelitas Egipto tuajnu xot kaelel nakola wut, japi chaxlaeliajwa José pejbu't.

²³ Chajiakolaxtat Moisés pax, japon penbej, japi chiekal Dios xanaboejafalbej. Faraón, puexa Egipto tuajnu pijiw tato'lan, japon israelitas kito'a, paxi poejiw nalaela wut israelitas kamta beliajwapi paxikola. Moisés nalaelt wut, pax, japon penbej, japi pejlewla-el owchilaliajwa rey Egipto tuajnu pijiw tato'lan kito'aspoxliajwa. Moisés xabich chamian xot, pax, pen suapich, moesti tres juimtje. Do baxael, faraón paxulow fitow chaxti'aliajwas Moisés.

²⁴ Moisésbej chiekal Dios xanaboejsful. Chiekal ti't wut, Moisés nejchaxoel: “Xan nejwesla jiw kaes najumchiliajwa: ‘Moisés, faraón paxulow paxulan’ —nachiliajwa” —aech Moisés, nejchaxoel wut.

²⁵ Do jawut, Moisés nejchaxoelbej: “Tajjiw israelitas, Dios pejjiwpi. Samata, tajjiw xan kajachawaesaxaelen. Tajjiw nabijat, Egipto tuajnu pijiw xabich nabichax to'as xoti. Xanbej naknabijasaxaelen, japi suapich” —aech Moisés, nejchaxoel wut. Moisés nejwesla dukaliajwa Egipto tuajnu pijiw xot, Egipto tuajnu pijiw babijaxan ispoxan nak-isasamatapon.

²⁶ Moisés Dios xanaboejt bu'weyaxaespo x Egipto tuajnu xot puexa japon pejjiw, israelitas suapich. Samata, Moisés matabijt xot, nejchaxoelon: “Asamatkoi Mesías, Dios makafisaxaespon, japon xabich nabijasaxael. Samata, xanbej amwut nabijasaxaelen Egipto tuajnu pijiw pijaxtat. Ja-an wut, xan isaxaelen Dios nejxasinkpox. Dios nachaxdusaxaelpox Diosxotse, kaes pejme xabich pachaemaxael. Me-ama Egipto tuajnu pijiw pejew, pachaempoxan, jachi-el Dios nachaxdusaxaelpox” —aech Moisés, nejchaxoel wut.

²⁷ Moisés xanaboejt Dios kajachawaesaxaespo. Samata, Egipto tɔajɲɔt Moisés chijiapon. Faraón palala wɔt japonliajwa, pejlwla-elon faraónliajwa. Dios, taeyaxisalpon, Moisés is japon to'aspo. Pe Moisés, me-ama pajut chiekal Dios taen wɔt, ja-aechon. Samata, japon Dios xanaboejsɔl.

²⁸ Moisés chiekal Dios xanaboejt xot, kito'apon israelitas xɔa'asliajwa ovejas, Pascuafiesta isliajwa wɔt. Moisés kito'abej kaenanala israelitas, paxipi, bafafachanlelan joelaliajwa ovejajal. Japox is israelitas japi paxi, matxoelanalaelapi, poejiw, Dios pej-ángel wematkaesasamatas.

²⁹ Chajiakolaxtat israelitasbej chiekal Dios xanaboejafɔl. Samata, israelitas Mar Rojo likaliajwa wɔt, min najɲpanadijan Dios pijaxtat. Japox pɔt, me-ama mintata-el wɔt, ja-aech. Chiekal mamó'al. Israelitas japoxade fɔlaech likaliajwa. Do jawɔt, Egipto tɔajɲɔpijiw, soldaw, japoxadin fɔlaen wɔchakal. Jawɔt, min namatawaekcha wɔt, puexa Egipto tɔajɲɔpijiw, soldaw, chiekal bu'al.

³⁰ Israelitasbej chiekal Dios xanaboejafɔl xot, siete matkoiyan masajajianpi Jericó paklowax tathoetlel, ia' xajajialsɔ. Japox xabich pinjiyax, athubejɔ. Jawɔt japox tatɔkɔaxtat puexa natacholan Dios pijaxtat.

³¹ Jericó paklowaxpijiwxot pawis duk. Pe asamatkoi, Dios xanaboejtow. Japow pawɔl Rahab. Japow pejbichax, poejiw bu'moejsax, plata kanaliajwa. Kolenje israelitas pat wɔt chawɔajɲataenpi japapaklowax, japow chiekal bu'kult, japi israelitas pat wɔt japow pejbaxot. Do jawɔtbej, kajachawaetow japi weliajwa. Samata, asamatkoi, israelitas naba wɔt, Dios naexaxis-elpi sɔapich, Jericó paklowaxpijiw sɔapich, japow boesa-esal, Dios xanaboejt xotow.

³² Amwɔtjel tiempo nawewe'p xot, kaes lelaxinil asew jiwliajwa, Dios xanaboejapiliajwa. Samata, lelaxinil Gedeón pejwɔajan, Barac pejwɔajanbej, Sansón pejwɔajan, Jefe pejwɔajanbej, David pejwɔajan, Samuel pejwɔajanbej, kaes asew jiw, profetas pejwɔajanbej.

³³ Puexa japi jiw chiekal Dios xanaboeja, laelp wɔti. Samata, israelitas, asatɔajɲɔpijiw sɔapich, naba wɔt, padaelmajiw xabich malechapi, Dios kajachawaech xoti. Asew japixot makanoch paklochowliajwa. Japi paklochow wɔt, chiekal jiw tato'al, Dios kajachawaesɔlas xot, me-ama Dios chajia jɔmdut japiliajwa. Asew japixot peltas xabich leónxot xaeliajwas. Jatis wɔti, Dios kajachawaech japi xae-elaliajwas leónes.

³⁴ Asew japixot peldas jit tamdadut pɔxade. Jatis wɔt, Dios kajachawaech xot, japi toejwa-esal. Asew japixot espadatat beliajwas wɔt, Dios kajachawaech japi weliajwa. Asew japixot majt chiekal matabija-el nabeliajwa, asatɔajɲɔchanpijiw sɔapich. Baxael, japi chiekal matabija nabeliajwa, Dios kajachawaech xoti. Samata, japi malecha padaelmajiw.

³⁵ Asew watho', chiekal Dios xanaboejapi, pejjiw tɔp wɔt, Dios wemat-echpi, japi jiw pejme duilaliajwa.

Asew jiw Dios chiekal xanaboeja. Japi xabich nabijatbej asew jiw pijaxtat kofaliajwapi Dios naexasitɔ. Pe ja-aech wɔt, japi kofa-el Dios naexasitɔ, japi kaenanala nejchaxoel xot: “Kaes pejme pachaem dukaliajwan Diosxotse. Me-ama ampathatat, jachi-el” —aechi, nejchaxoel wɔt. Ja-aech wɔt, japi jiw baes.

³⁶ Asew, Dios xanaboejapi, xabich itxaelaxafafolspi. Xabich seltasbejpi. Asew mɔaxwasixawaeks cadenamɔatat. Jiasbejpi jiw jebachantat.

³⁷ Asew, Dios xanaboejapi, ia'tat matkaejabas, dadaps wɔt. Asew fatarari-owlas. Asew baes espadatat. Asew naxoei ovejabɔ'an, o, chivobɔ'an, xabich kijil xoti. Xabich nabijat japi jiw. Japi jiw taduktas atɔaj.

³⁸ Japi jiwlap, majt nabijatpi, japi jiw xabich pachaem, Dios xanaboeja xoti. Me-ama a sew jiw ampathatpijiw, jachi-el japi jiw. Pe nakiowa, nabijati. Nanamti pajilaxanxot, mmaxanxotbej. Duilpi pinammaxanwmaxantat. Japixot a sew duilbej pinamathanxotdik.

³⁹ Puexa, japi jiwlap, majt nabijatpi, japi chiekal Dios xanaboeja. Pe nakiowa, kaen japixot Dios chaxdus-esalfuk jumtispor.

⁴⁰ Dios chajia jum-aech japi wmaxnawesfulaliajwafuk japox. Dios xatis matxoela naktapaeyaxael wut Diosxotse duilaliajwas, ja-aech wut, majt nabijatpibej tapaeyaxaes pomatkoicha duilaliajwa Diosxotse.

12

Wajpaklon Jesucristo xanaboejaxaespor

¹ Xatis chiekal matabijas, wajwmaxnapijiw xabich nabijat wut a sew jiw pijaxtat, japi kamta palala-el, Dios chiekal xanaboeja xoti. Xatisbej jachiyaxaes, nabijatas wut. Isfulaxaes puexa wajpamamaxtat Dios nejxasinkpor-ankal. Samata, kofaxaes asaxan it-elbalapoxan isaxaelporan is-elaliajwas. Kofaxaesbej babijaxan isfulasporan, naktabejsfulporan wajnejchaxoelaxan Dios xanaboejasporanliajwa.

² Wajpaklon Jesucristo chiekal naexasisfulaxaes. Japon pijaxtat xatis Dios naexasich. Japon pijaxtatbej Dios chiekal naexasisfulaxaes pomatkoicha. Cruztat tuxax japox xabich padaeyaxkolax. Pe Cristo padala-el cruztat tuxaliajwa xatisliajwa, japon chiekal matabijt xot, pejnabijasaxwax cruztat, xabich nejchachaemlaxaelpor. Amwutjel Cristo ek pax Dios poklalel puexa jiw tato'laliajwa, pax Dios suapich.

³ Xamal nejchaxoelam wut, jnejchaxoelde Jesús xabich nabijatpor, jiw babejchow babijaxan is wut Jesúsliajwa! Samata, xatisbej kofaxisal Dios xanaboejaspor, a sew jiw babijaxan is wut xatisliajwa.

⁴ Xamal nabijatam wut, nabijas-emil, me-ama Cristo. Samata, jboejtaliasfulde babijax isasamatam!

⁵ Xatis Dios paxis. Samata, nejkiowaxisal Dios naknaewmaxjanporan. Dios pejjamechan, chajia lelspor, jum-aech wut, jum-aechox:

“Wua, jnabej naexasisle' Dios fiatpor!

jNabej kofe'bej Dios xanaboejampor!

⁶ Aton, Dios nejxasinkaspon, japon Dios fiach babijax is-elaliajwa. Dios kastikaxaesbejpon, babijaxan is wut, japon aton, me-ama Dios paxalan wut, ja-aech xoton” —aech Dios pejjamechan, chajia lelspor.

⁷ Dios xamal kastika wut, jboejtaliasfulde! Jasoxtat Dios xamal kastika, japon paxim xot. Jiwbej paxi kastika, babijaxan is wut.

⁸ Babijaxan isam wut, Dios xamal fias-el wut, kastika-el wutbejpon, diachwmaxnakolax xamal Dios paxikola-emil. Dios paxikolam wut, babijaxan isam wut, Dios xamal kastikaxael.

⁹ Xatis jams wut, babijaxan isas. Jatis wut, kaenanala waj-axjiw nakfiat. Nakkastikabej. Samata, ampathatat waj-ax sitaens. Samatabej, jamwutjel kaes pejme naexasisaxaes waj-ax Dios, japon athuxotsepon, jaxot duilaliajwas pomatkoicha!

¹⁰ Xatis jams wut, waj-ax nakfiat. Nakkastikabejpi, babijaxan isas wut. Ja-aech, waj-ax nakkastika wut, me-ama japi nejchaxoel. Dios, xabich kaes pejme matabijt. Samata, xatis babijaxan isas wut, nakfiaton. Nakkastikabejpon kofaliajwas babijaxan isasporan, xatis chiekal pachaemaliajwas, me-ama Dios pachaem, jachiliajwas xatis.

11 Babijaxan isas wut, Dios nakkastika wut, jawut nejchachaemla-esal. Jawutbej, naliast xaeyaxkal. Kofas wut babijaxan isaspoxan isliajwas pachaempoxan, jatis wut, chiekal duilaxaes Diosliajwa.

Chachoelpox, naexasis-esal wut Dios

12 Dios xamal fiat wut, kastika wutbejpon babijaxan isam xot, xamal nejchachaemlafalde, jasoxtat Dios kajachawaesfulaxael xot!

13 Xamal nejchaxoelam wut, nejchaxoelde pachaempoxan! jJapoxan chiekal isde! Xamal ja-am wut, asew jiw chiekal duila-elpi, pajut matabijaxael. Ja-aech wut, japi xamal nakxataeyaxael isliajwapi pachaempoxan.

14 jChiekal pachaemde asew jiwliajwa, duilam wut! jXamal duilafaldebej, me-ama Dios nejxasink! Jiw, babijaxan ispi, pasaxil Diosxotse.

15 Dios xabich pachaem xatisliajwa. Samata, jnabej kofe' Dios naexasitamprox! jChiekal taem babijax isasamatam! Isam wut babijax, asew jiw, Dios xanaboelijapi, japox taen wut, japibej isaxael japox babijax.

16 jXamal asew watho' nabej bu'moejs! Nejchaxoelam wut, jnabej nejchaxoele': "Xan nawewe'pa-el Dios pejkajachawaesax" –chiyaximil, nejchaxoelam wut! Chajiakolaxtat Esaú matxoelapijin xot, xabich kaes pax pejew nosaxaelon, pax naetup wut. Pe asamatkoi, Esaú xabich litaxaela wut, asbuan jumch pakoewanxot kaenaxaeyaxtat xanafonpon pax pejew, japon nosaxaelpi, pax asamatkoi naetup wut.

17 Xamal chiekal matabijam, baxael, Esaú jum-aech paxliajwa: "Ax, jxam Dios kawhajande xanliajwa, pomatkoicha Dios nakajachawaesliajwa!" –aechon paxliajwa. Pe pax owchi-esalpon. Samata, jawut Esaú xabich wunow, japox kaes ajil xot japonliajwa.

18 Xamal, Jesús pejwajajan naexasitampim, amwutjel tae-emil majt wajwajnapijiw taenpoxan. Chajiakolaxtat wajwajnapijiw, israelitas, pat pinjiyax muaxxot. Jaxot itkua'nik wut, japi taen pinjiyax jit, japamuaxmatwajtat xabich itliak wut. Do jawut, xabich pinajoewa. Xabich pina-iambej.

19 Jawutbej wajwajnapijiw thiataenpi trompeta nababapox. Jumentaenbejpi, Dios naksiyas wut japiliajwa. Jawut xabich pejlwla xot, jum-aechi Dios kaes naksiya-elaliajwas japiliajwa.

20 To'as wut, Dios jumentispi: "Nejmach-aton ampamuaxxot julan wut, japon aton ia'tat dadaeraxaelam matkaejabaliajwampon. O, lanzatat chaxpiyaxaelampon. Jachiyaxaelambej, choefan wut" –tispi Dios wajwajnapijiw.

21 Wajwajnapijiw japox jumentaen wut, xabich pejlwlap. Moisésbej jum-aech: "Xan tajlewt tathulax" –aech Moisés.

22 Xatis Jesús pejwajajan naexasich xot, wajnejchaxoelaxtat moxslis pinamux, pawlprox Sión, Dios dukxot, Jerusalén paklowaxxotse. Japapaklowaxxot natameja ángeles xabich pin-iakola. Japi jum-aech Diosliajwa: "Xam xabich pachaemam" –aech ángeles Diosliajwa.

23 Dioslap juez puexa jiwliajwa. Xatis mox soepas, Diosxotse, asew jiw suapich, japi naexasiti Jesús pejwajajan. Japi pejwulan wecha-oels Diosxotse. Jiw chajia wujajna tupi, japi jaxotse taeyaxaesbej. Dios beltaen japi babijaxan ispoxanliajwa.

24 Xatis naexasich Jesús tupprox xatisliajwa. Jesús boesas wut, nakwemot babijaxan isaspoxanliajwa, Dios nakkastikasamata. Samata, amwutjel Diosliajwa babijaxan isaspoxan bu'wajjanjisal. Chajiakolaxtat Abel boesapon, japon aton masox namana-el. Japon Dios kastikas. Pe Dios beltaen jiw, Jesús boesapi.

²⁵ Samata, ¡chiekal naexasisfulde Dios jum-aechpox xamalliajwa! Wajwujnapijiw chajiakolaxtat naexasis-el wut Moisés chajia lelpox, japi we-eli kastikaxxot. ¡Xamal naexasisfulde japon jum-aechpoxan! Xatisbej naexasis-esal wut japon jum-aechpoxan, xabich nakkastikaxaelon.

²⁶ Dios naksiya wut pinamuxmatwujtat, japon pejjametat sat xabich najuiya. Amwutjelbej Dios jum-aech: “Asamatkoi kaes pejme that, thatbaxobej, xan tajaxtat xabich najuiyaxael” —aech Dios.

²⁷ Dios japox jum-aech xot, asamatkoi ampathat, thatbaxobej, xabich najuiya wut, puexa Dios ispoxan ampathatat, japoxan chiekal toepaxael. Pe namaeyaxael juiyaxisalpoxankal Diosxotse.

²⁸ Dios tato'alxotse juiyaxisal. Jaxotse pomatkoicha xatis, Dios suapich, duilaxaes. Samata, ampamatkoiyan Dios kawujna wut, graciaschiyaxaes Diosliajwa. Me-ama Dios nejxasink xatis jumchiliajwas, jumchiyaxaesbej: “Xam xabich pachaemam” —chiyaxaes, Dios xabich sitaens xot.

²⁹ Me-ama jit toejow toeix, majowpi, jachiyaxael, wajDios jiw babejchow kastika wut.

13

Machiyaxaespox, laelpas wut ampathatat Dios nejchachaemlialiajwa xatisliajwa

¹ Xamal, Jesús pejwujajan naexasitampim, ¡nakaewa nanejxasinkampox nabej nakofe'!

² Matabija-emilpi pat wuti nejbaxot, ¡nabej mastae' japi jiw chiekal bu'kulaliajwam! Chajiakolaxtat asew jiw matabija-elpi bu'kula wut, ja-aech wut, japi jiw bu'kula Dios pej-ángeles.

³ ¡Jiw jebachantat jiaspiliajwa, xamal nejchaxoelafulde! Japiliajwa nejchaxoelam wut, jum-amde: “Xanbej, me-ama najia jiw jebatat, jiaspi suapich” —amde, nejchaxoelam wut japiliajwa! ¡Nejchaxoeldebej nabijatpiliajwa asew jiw pijaxtat! Japiliajwa nejchaxoelam wut, jum-amde: “Xanbej, me-ama nabijatax, japi jiw suapich” —amde, nejchaxoelam wut!

⁴ Puexa jiw chiekal sitaeyaxael nakjiyax. Samata, poejiw pijowpi wulwekaxil asew watho'. Watho' pamalpiwej wulwekaxil asew poejiw. Poejiw pijowpi, japi asew watho' wulwek wut, japi poejiw Dios kastikaxaes. Watho' pamalpi wulwek wuti asew poejiw, ja-aech wut, japi watho'bej Dios kastikaxaes.

⁵ ¡Xabich plata nabej nejxasinke'! Ma nejew wut, ¡do japoxankal xanejchachaemilde! ¡Ja-amde, Dios chajia jum-aech xot: “Xamal kofsaxinil tajjiwampox. Xamal tamach waelaxinilbej” —aech xot Dios!

⁶ Samata, Dios xanaboejas xot, nakaewa najumchiyaxaes: “Dios xatis nakkajachawaet. Samata, wajlewlaxil, jiw asax isasia wut xatisliajwa” —nachiyaxaes nakaewaliajwa.

⁷ ¡Xamal chiekal nejchaxoelde majt xamal tato'alpiliajwa! ¡Asewbej, xamal naewujjanpi Dios pejjamechan, japiliajwa chiekal nejchaxoeldebej! ¡Chiekal nejchaxoeldebej japi jiwliajwa, ma-aech japi jiw, laelp wut ampathatat, is wutbejpi pachaempoxan! ¡Xamallap-is, me-ama japi, ja-amsfulde! ¡Chiekal Dios xanaboejimbej!

⁸ Jesucristo pomatkoicha xabich pachaempon. Asax nejchaxoela-elon.

⁹ ¡Xamal nabej naexasis, asew jiw xamal naewujjan wut asawujjan, Jesús pejwujjana-el wut! Kaes pejme pachaem Dios naexasisliajwam, japon xamal kajachawaesaxael xot, xamal nejxasink xoton. Asew jiw xae-el nejmachnaeyaxan, kaechafiach xoti. Ja-aech wut, japi pejxanaboejaxan nakiowa kaes chiekal mamnika-el Diosliajwa.

¹⁰ Moisés chajia lelpox naexasiti, japi jiw nejchaxoel: “Xatis naexasisaxaes Moisés chajia lelpox. Samata, choef xua'asaxaes templobaxot ofrenda isliajwas Diosliajwa” –aechi, nejchaxoel wut. Pe nakiowa, japi jiw Dios beltaeyaxisal. Pe naexasich wutlax Jesús tuppox xatisliajwa, jatis wut, Dios nakbu'weyaxael.

¹¹ Puexa sacerdotespaklokolan Lugar Santísimo poxade chaxlech choefjal ofrenda isliajwa Diosliajwa, jiw babijaxan ispoxanliajwa japi bu'wujajilaliajwa. Pe choef, xua'ataspi, xafolipi bowaliajwa tathoetlel jiw duilxot.

¹² Jatisbej Jesucristo. Paklowax tathoetlel kimatamatlas cruztat. Japon tup wut cruztat moton puexa jiw babijaxan ispoxanliajwa, japi jiw bu'wujajilaliajwa Diosliajwa.

¹³ Jesús kimatamatlas wut tupaliajwa paklowax tathoetlel, japox xabich padalapox. Asew jiw xatis nakjum-aech wut Jesús pejwujajan naexasich-poxliajwa: “Japawujajan naexasisliajwa xabich padalapox” –nak-aech wuti, nakiowa xatis naexasisfulaxaes Jesús pejwujajan.

¹⁴ Ampathatat ajil wajpaklowax pomatkoicha duilaliajwas. Samata, xatis wujajnewesfulaxaes asamatkoi Dios pejpaklowaxxotse pomatkoicha duilaliajwas.

¹⁵ Jesucristo tup wut xatisliajwa, Dios naktapaei kawujajnalialjwas Dios. Samata, xatis pomatkoicha Dios jumchiyaxaes: “Xam xabich pachaemam” –chiyaxaes. Japox juntis wut Diosliajwa, me-ama ofrenda chaxduws wut, ja-aechox. Samata, japox pomatkoicha Dios jumchiyaxaes.

¹⁶ ¡Nabej nejkiowe' isliajwam pachaempoxan! ¡Kajachawae'ebej kijila! Japoxan isam wut, Diosliajwa, me-ama ofrenda chaxduwam wut, jachiyaxaelpox. Samata, Dios nejchachaemlaxael japoxanliajwa.

¹⁷ ¡Xamal chiekal naexasisfulde, paklochow tato'al wut! Japi paklochow kofa-el xamal tataeflafulpox. Japi chiekal matabija. Chiekal xamal tataeflafa-el wut, ja-aech wut, japi jiw pejbu'wujajnael Diosliajwa. Samata, ¡chiekal duilaxaelam japi nejchachaemlaliajwa xamalliajwa! ¡Babijaxan nabej is paklochow nejxaejwasamatas xamalliajwa! Babijaxan isam wut, xamalliajwa pachaemaxil.

¹⁸ ¡Xamal Dios kawujajanafulde xanalliajwa! Xanal nejchaxoelx: “Xan babijax is-enil Diosliajwa, asew jiwliajwabej” –an, nejchaxoelx wut. Samata, ¡xamal Dios kawujajande xanalliajwa pomatkoicha chiekal duilaliajwan!

¹⁹ ¡Dios kawujajandebej xan Dios natapaeliajwa xamal poxaliajwan! Xan nejxasinkax xamal kamtalejen pejme taeliajwan.

Ampox carta lelpon saludos xato'apox

²⁰ Dios nakkajachawaet chiekal duilaliajwas, asew jiw suapich. Dios matet wajpaklon Jesucristo pejme dukaliajwa, tup wuton cruztat. Jawut tuadut pajelwujajan, xatis Jesús pejwujajan naexasich wut nakbu'welialjwa babijaxan isaspoxanliajwa. ¡Japox pomatkoicha chiekal naexasisfulde! Samata, Jesús chiekal naktataeful. Me-ama oveja tataeflan chiekal pejew oveja tataeful, ja-aech Jesús, xatis naktataeful wut amwutjel, pomatkoichaliajwabej.

²¹ Samata, Dios kawujajnax chaxduuliajwa puexa xamal wewe'ppoxan, isliajwam Dios nejxasinkpoxan. Dios kawujajnaxbej nakkajachawaesliajwa Jesucristo pijaxtat pachaemaliajwas wajmatpumatxot, me-ama Dios nejxasink, jachiliajwas. Pomatkoicha jumchiyaxaes Jesucristoliajwa: “¡Xam xabich pachaemam!” –chiyaxaes japonliajwa.

²² Takoew, xan lelxpox xabicha-ellejen xamal naewujajnalialjwan. Samata, ¡nabej naewes naewesliajwam ampajamechan!

²³ Xan xato'ax ampawñajan xamal chiekal matabijaliajwam. Timoteo tapaeis nakolsliajwa jiw jebaxot. Japon piach kijla-el wñt, xanxot pa'an wñt, buflaeyaxaelen xamal poxade xamal taeliajwam japon.

²⁴ ¡Nawesaludam xamal tato'alpi! ¡Nawesaludambej puexa asew jiw, japi Dios pejjiwpi, naexasiti Jesús pejwñajan! Italia tñajñapijiw xamalliajwa saludos xato'a.

²⁵ Xan pomatkoicha Dios kawñajna x puexa xamal kajachawaesliajwapon.

Santiago lelpox carta Jesús pejwajaan naexasitiliajwa

Santiago saludos xato'apox

¹ Xan, Santiago, nabistax Diosliajwa, wajpaklon Jesucristoliajwabej. Saludos xato'ax xamal Jesucristo pejwajaan naexasitampimliajwa. Xamal Israel pamojiwam, docemutanpijwam, potwajnwcha nasaladuilampim.

Jesucristo pejwajaan naexasiti wewe'pas wut matabijsax, japi kawwajnaelapox Dios

² Takoew, puexa pachaema-elpoxan xamalliajwa pasfalaxael xapaejaliajwa. Ja-aech wut, xamal nejchachaemilde!

³ Xamal matabijam. Nabijatam wut, kaes naexasisaxaelam Jesús pejwajaan. Ja-am wut, diachwajnakolax xajwaxaelam boejtaliasliajwam, nabijatam wut.

⁴ Xamalliajwa pat wut pachaema-elpox, xnakiowa kaes naexasi'e Jesús pejwajaan! Ja-am wut, pachaemaxaelam, me-ama Dios nejxasink xamalliajwa. Ja-am wutbej, wewe'paxil Jesús pejwajaan kaes chiekal naexasisliajwam.

⁵ Kaen aton xamalxot wewe'pas wut matabijsax isaxaelpoxliajwa, japon aton matxoela kawwajnael Dios chiekal matabijsliajwa. Do ja-aech wut, japon aton Dios kajachawaesaxaes chiekal matabijsliajwa. Dios kajachawaet puexa jiw japi chiekal matabijaliajwa. Dios bu'alos-el, jiw xabich wuljow wut matabijsax.

⁶ Xamal Dios kawwajnam wut, xmajt chiekal nejchaxoelde wuljoeyaxaelampox! Do jawut, xchiekal nejchaxoelde: “Diachwajnakolax Dios nakajachawaesaxael matabijsliajwan isaxaelenpox” —amde, nejchaxoelam wut! xnabej nejchaxoele': “Dios bej nakajachawaesaxilbej matabijsliajwan isaxaelenpox” —nabej aeche', nejchaxoelam wut! Asan aton nejchaxoel wut: “Dios bej nakajachawaesaxilbej matabijsliajwan. O, bej nakajachawaesaxaelbejpon” —aech wuton, japon aton kaeyax chiekal nejchaxoela-el Dios kajachawaespoxliajwa.

⁷ Japon aton kolenejchaxoelax xot, Dios kawwajan wut, Dios kajachawaesaxisal chiekal matabijsliajwa isaxaelpoxliajwa.

⁸ Japon aton kaenejchaxoelaxa-el wut isaxaelpoxliajwa, asan aton xan-abojsaxisal japon aton.

⁹ Aton, Jesús pejwajaan naexasitpon, japon kijilan wut, asew jiw taens wuton, japon, me-ama pachaema-el wut, ja-aechon japi jiwliajwa. Pe ja-aech wut, japon aton nakiowa nejchachaemlaxael, japon xabich pachaem xot Diosliajwa.

¹⁰ Kimaeyan, Jesús pejwajaan naexasitpon wut, chiekal pajut matabijt wuton pejew omjilpox Diosliajwa, japon nejchachaemlaxael. Kimaeyan piachaliajwa-el. Me-ama naetalt kamta toep, jachiyaxaelbej kimaeyan.

¹¹ Juimt masxaenk wut, xabich twajnik wut, naexi selil. Do talselil wut, nachola satadik. Ja-aech wut, talchaempox chiekal toep. Jachiyaxaelbej kimaeyan. Japon pejew mowa wut, wuajsful wutbejpon, chalechkal naetwaxaelon japon pejew.

Dios xapaejs-elpox jiw babijaxan isliajwa

¹² Aton xapaejtas wut babijax isliajwa, xabich boejtaliat wuton, japon xabich nejchachaemlaxael. Ja-aech wut, Dios chaxdusaxaeson premio, pomatkoicha dukaliajwa Diosxotse. Japoxliajwa Dios jum-aech jiw, Dios nejxasinkpiliajwa.

¹³ Aton xapaejtas wut babijax isliajwa, nejchaxoelaxil: “Dios naxapaejt xan babijax isliajwan” –chiyaxilon, nejchaxoel wut. Dios chinax kaen aton xapaejs-el babijax isliajwa. Diosbej pajut nejchaxoela-el babijax isliajwa.

¹⁴ Pe aton pajut nejchaxoel babijaxan isliajwa, isasiapoxan. Do jawux, japoxan ispon.

¹⁵ Is wuton japoxan, babijaxan, japon aton kaelel chiekal nafo'a Diosliajwa.

¹⁶ Takoew, xamal nejxasinkaxpim, inajut nabej naekichachajbe! Samata, nejchaxoelam wut, inabej nejchaxoele': “Dios xan naxapaejt babijax isliajwan” –nabej aeche', nejchaxoelam wut!

¹⁷ Dios puexa nakchaxduwpoxan xabich pachaem. Japon isbej juimt matkoipijin, madoipijinbej, ithaejbej, athuxotsik itliakaliajwa. Asamatkoi japoxan chiekal itliakaxil. Pelax Dios pomatkoicha pachaem. Nejchaxoel wut, kaeyax chiekal nejchaxoelon nejchaxoelpoxliajwa. Jachiyaxaelbej, Dios nejchaxoel wut xatisliajwa.

¹⁸ Xatis naexasich xot Jesús ispox xatisliajwa, Dios nakchaxduw pajelne-jchaxoelaxan japon pejjiwaliajwas. Dios nakmakanot jiwxot xatis matxoela Jesús pejjiwaliajwas. Jesús pejwujajan diachwujajnakolax. Samata, xatis, Jesús pejjiws, xabich pin-iataxae.

Machiyaxaelpox duil wut Jesús pejwujajan naexasiti

¹⁹ Takoew, xamal nejxasinkaxpim, jampox lelaxaelenpox xamal chiekal nejchaxoelde! Jiw jum-aech wut xamal jumtaeliajwam, xamal chiekal naewe'e! Jumchisiam wut, imajt chiekal nejchaxoelde jumchiyaxaelampox, pachaem wut! Pachaem wut, do ja-aech wut, jum-amde! Xamal nalalasangata, imajt chiekal nejchaxoeldebej jumchiyaxaelampox!

²⁰ Aton palala wut, isaxil Dios nejxasinkpox.

²¹ Samata, ipuexa pachaema-elpoxan kaelel kofim! iKaes japoxan nabej is! iDios naexasisfulde isliajwam pachaempoxan! iChiekal naewesfulde, asew jiw xamal naewujajan wut Dios pejjamechan! Ja-am wut, Dios xamal bu'weyaxael.

²² iNabej naewes asbuan jumch Dios pejjamechan! Ja-am wut, xamal najut nanaekichachajbaxaelam. iChiekallax xamal naexasisfulde Dios pejjamechan!

²³ Aton asbuan jumch naewet wut Dios pejjamechan, pe naexasis-el wuton Dios tato'alpoxan, ja-aech wut, japon aton kajachawaesaxisal Dios pejjamechan naewetpoxliajwa. Ja-aech wut, japon aton, me-ama chapot xu-aeltaen wut, jachiyaxaelon.

²⁴ Xu-aeltaeyax toet wut, kamta itfunekiowapon pejxu tala-aechpox.

²⁵ Aton nejkiowa-elpon jumtaenpoxan, Dios tato'alpoxan, japon aton Dios kajachawaesaxaes puexa ispoxanliajwa. Dios tato'alpoxan xabich pachaem. Jiw naexasit wut japox tato'laxan, japi jiw xabich nejchachaemlafaxael.

²⁶ Aton jum-aech wut: “Xan isx Dios nejxasinkpox” –aech wut, pe japon aton nejmach paeje wut pachaema-elpoxan, ja-aech wut, japon aton pajut naekichachajba. Samata, japon Jesús pejwujajan naexasitpox, Diosliajwa chiekal pachaema-el.

²⁷ Japon aton diachwujajnakolax chiekal naexasit wut Jesús pejwujajan, is-elon babijaxan, asew jiw ispoxan. Ampathatat laeja wutfukon, kajachawaet

yamxi, pasoelkola. Kajachawaetbejpon watho', pamaljiw naetupspi, japi watho' kijil xot. Japon aton japoxan is Diosliajwa.

2

Jesús pejwujajan naexasiti, japi puexa jiw chiekal sitaeyaxaelpox

¹ Takoew, xamal xanaboejam wajpaklon Jesucristo, xabich pachaempon. Samata, xamal puexa jiw sitaem! jNabej mastaele' asew jiw!

² Xamal culto isam wut, jaxot kimaeyan pasaxael. Japon xabich oro-anillos kothiyaxajoeyaxael. Japon xabich naxoelaxael chamoeyax. Do jawut, kijilan jaxot pasaxael. Japon naxoelaxael pachaema-elpox. ¿Xamal machiyaxaelamkat, japi kolenje bu'kulam wut?

³ Jawut chiekal bu'kulaxaelam kimaeyan. Japon to'axaelam ekaliajwa tua-ekax, kaes chamoeyaxtat. Kijilanlax nukax to'axaelam. Ja-el wut, to'axaelampon satat ekax. Xamal ja-am wut, isaximil pachaempox Diosliajwa.

⁴ Japi kolenjeliajwa kaeyax nejchaxoelaximil. Xamal sitaeyaxaelam xabich naxoelpon chamoeyax. Asan sitaeyaximil. Japox ja-am wut, jado' japox pachaemaxil.

⁵ Takoew, xamal nejxasinkaxpim, xan lelxpox xamal chiekal naexasisfulde! Dios makanot jiw kijila japon naexasisliajwapi. Ja-aech wut, japi jiw Diosliajwa kimaenk wut, ja-aechi. Japi tapaeyaxaes pomatkoicha duilaliajwa japonxotse, me-ama Dios jumdut jiwliajwa, Dios nejxasinkpiliajwa.

⁶ Xamal chiekal bu'kula-emil wut kijila, ja-am wut, diachwujajnakolax xamal sitae-emil kijila. jXamal najut nejchaxoelde kimaeya pijaxtat xamal nabijatampoxan, buflaech wuti jueces poxade, jaxotde xamal tasalaliajwapi!

⁷ Japi jiw jum-aechbej babejjamechan Jesúsliajwa, japon xabich pachaempon. Xatis japon pejiws.

⁸ Dios pejjamechan, chajia lelspx, jum-aech wut, jum-aechox: “jNejxasinkde asew jiw! Me-ama xam najut nanejxasinkam wut, jja-amde asew jiwliajwa!” —aechox. Xamal diachwujajnakolax jasox ja-am wut, kaes pejme pachaempox isaxaelam.

⁹ Asew jiw chiekal sitaenam. Pe asew jiw chiekal sitae-emil wut, ja-am wut, xamal is-emil Dios nejxasinkpox. Isaxaelam babijax. Ja-am wut, nejbu'wujajnaelam Diosliajwa, puexa jiw chiekal sitae-emil xot, Dios japox to'a wut.

¹⁰ Aton naexasisful wut Moisés chajia lelpox, pe japon aton kaeyax wewe'pas wut naexasisliajwa, japox wewe'pas xot naexasisliajwa, japon aton pejbu'wujajnael Diosliajwa. Ja-aech wut, japon aton, me-ama puexa chiekal naexasis-elon Moisés chajia lelpox, jachiyaxaelon.

¹¹ Dios pajut chajia jum-aech: “jNijow nabej naebu'moejs asew watho'!” —aech Dios. Dios jum-aechbej watho'liajwa: “jNabej naebu'moejs nejmol asew poejiw!” —aech Dios. Dios jum-aechbej: “jNabej be' asew jiw!” —aech Dios. Aton pijowpon, japon asew watho' naebu'moejs-el wuton pijow, pe japon aton, asan aton boesa wut, ja-aech wut, japon aton nakiowa pejbu'wujajan Diosliajwa. Ja-aech wut, japon aton Diosliajwa, me-ama puexa Moisés chajia lelpox chiekal naexasis-el wut, ja-aechon.

¹² Xamal chiekal isam wut Dios to'apox, ja-am wut, xamal bu'wujajnilaxaelam Diosliajwa. Chiekal naexasis-emil wut Dios to'apox, ja-am wut, Dios xamal kastikaxael. Xamal jum-am wut, jum-amde pachaempoxan! jSdebej pachaempoxan asewliajwa, Dios japox to'a xot!

¹³ Jiw beltae-el wut asew jiw, Diosbej japi jiw beltaeyaxil, asamatkoi, Dios jiw babejchow kastika wut. Jiw beltaenpi asew jiw, japi jiw Dios kastikaxil, pat wut kastikamatkoi.

Jesús pejwñajan naexasiti isaxaelpox pachaempoxan

¹⁴ Takoew, asew jiw asbuan jumch jum-aech wuti: “Xan Jesús pejwñajan naexasitx” –aech wuti, pe is-el wut pachaempoxan asew jiwliajwa, japi jiw jum-aechpox pachaema-el Diosliajwa. Japox jum-aech wut, Dios bu'weyaxisal japi jiw.

¹⁵⁻¹⁶ Xamal, Jesús pejwñajan naexasitampimxot, asew jiw wewe'paxaes wut naxoeliajwa, xaeliajwabej, pe xamal asbuan jumch jumchiyaxaelam wut japiliajwa: “¡Chijiamde! ¡Dios xamal nej kajachawaes naxoeliajwam! ¡Dios nej chaxdui naxaeyaxan xamal xaeliajwam!” –chiyaxaelam wut, xamal jum-ampox pachaemaxil japi jiwliajwa.

¹⁷ Asew jiw jumchiyaxael wutbej asew jiwliajwa: “Xanal chiekal naexasitx Jesús pejwñajan” –chiyaxael wuti, pe japi jiw isaxil wutbej pachaempoxan asew jiwliajwa, ja-aech wut, japi jiw jum-aechpox Diosliajwa pachaemaxil, isaxil xoti Dios jum-aechpox.

¹⁸ Kaen aton jumchiyaxael ampox: “Jesús pejwñajan naexasitixot asew is-el pachaempoxan asew jiwliajwa. Asew, Jesús pejwñajan naexasitilax, is pachaempoxan asew jiwliajwa” –chiyaxaelpon. Japon aton japox jum-aech wut, xan jumchiyaxaelen japon atonliajwa: “Xatis chiekal matabijaxisal, asew jiw diachwñajnakolax naexasit wut Jesús pejwñajan, is-el wuti pachaempoxan asew jiwliajwa. Xanlax isfulax pachaempoxan asew jiwliajwa, me-ama Dios nato'a japoxan isliajwan. Ja-ansfulax wut, jiw matabijaxael diachwñajnakolax xan chiekal naexasitx Jesús pejwñajan” –chiyaxaelen japon atonliajwa.

¹⁹ Xan pejme japon aton jumchiyaxaelenbej: “Xam nejchaxoelam wut, jum-am: ‘Dios kaen. Kaes asan Dios ajil, me-ama Dios, jason’ –am wut, japox diachwñajnakolax. Japox nejchaxoelam wut, diachwñajnakolax. Depbej matabija, Dios kaenpon. Japi dep pejlewla xot, tathulalbejpi Diosliajwa. Pe nakiowa, dep kofa-el babijaxan ispoxan asew jiwliajwa. Samata, xan matabijsaxinil, diachwñajnakolax xam chiekal naexasitam wut Jesús pejwñajan. Pe is-emil wut pachaempoxan asew jiwliajwa, ja-am wut, diachwñajnakolax xam naexasis-emil Jesús pejwñajan.

²⁰ ¡Xam nabej nejliakle! Xatis jumchiyaxaes wut: ‘Xan naexasitx Jesús pejwñajan’ –chiyaxaes wut, pe is-esal wutbej pachaempoxan asew jiwliajwa, jatis wut, xatis jumchiyaxaespox, Diosliajwa japox pachaemaxil.

²¹ Wajwñajnapijin Abraham is Dios kito'aspox. Samata, paxulan xña'laxael wuton ofrenda isliajwa Diosliajwa, ja-aech wut, Abraham Diosliajwa bu'wñajanjilon.

²² Abraham naexasit Dios jumtispor. Samata, Abraham paxulan xña'laxael wut, ja-aech wut, puexa jiw chiekal matabija Abraham diachwñajnakolax chiekal xanaboejtpox Dios.

²³ Samata, Abraham is, me-ama Dios pejjamechan, chajia lelspor, jum-aech wut, jum-aechox japonliajwa: ‘Abraham naexasit Dios jumtispor. Samata, Abraham Diosliajwa bu'wñajanjilon’ –aechox. Asew jiw chajiakolaxtat Abrahamliajwa jum-aech: ‘Abraham, Dios pejnachalan’ –aechi” –chiyaxaelen japon atonliajwa, xan jumnosaxaelen wut.

²⁴ Samata, puexa xatis matabijas, aton xanaboejt wut Dios, japon aton bu'wñajanjil Diosliajwa, chiekal is xot Dios tato'alpoxan.

²⁵ Rahab pejbichax, poejiw bu'moejsax plata kanaliajwa. Japow asamatkoi is pachaempox, chiekal bu'kult wutow kolenje, israelitas, pat wut Jericó paklowaxxot. Japi chawhajnataen asamatkoi nabeliajwa, japapaklowaxpijiw suapich. Rahab kajachawaet japi weliajwa padaelmajiwxot. Asanhamtade to'ach besamatas padaelmajiw. Japox is xot, Rahabbej bu'wahajanjl Diosliajwa.

²⁶ Jiw fakjola-el wut, tuxaxael. Ja-aech wut, kaes asaxan isaxilbejpi. Xatisbej jatis, puexa naexasichpis Jesús pejwhajan. Nejchaxoels wut: "Xatis Jesús pejwhajan naexasich" —chiyaxaes wut, pe is-esal wut Dios nakto'apoxan, jatis wut, japox pachaemaxil Jesús pejwhajan naexasichpoxliajwa. Jachiyaxaes wut, Diosliajwa xatis, me-ama patuxa wut, jachiyaxaes.

3

Jesús pejwhajan naexasiti buxfiachpox babejjamechan jumchisamata asew jiwliajwa

¹ Takoew, xamal chiekal matabijam, xanal, Jesús pejwhajan naewhajnaxpin, babijaxan isaxaelen wut, Dios xabich kaes xanal nakastikaxael. Samata, xamalxot nej xabicha-ele' jiw, naewhajanpi Jesús pejwhajan!

² Puexa xatis isas pachaema-elpoxan asew jiwliajwa, majt chiekal nejchaxoela-esal wut isliajwaspoxan. Kaen aton jumchi-el wut kaejame, pachaema-eljame, asew jiwliajwa, japon atonlap Diosliajwa chiekal pachaemaxael. Japon aton pajut chiekal natataeflaxaelbej isasamata babijax.

³ Xatis kawaei kaechaxajoels freno. Jatis wut, pachaem kawaei xajiasliawas, chaflaesias poxade chaflaeliajwas.

⁴ Ja-aechbej pinjiyax barkamliawja. Timón cha-aelaxachpoxtat aton xajux xajiasliawja barkam, xabich pinajoewa wut, chaflaesia poxade chaflaeliajwa.

⁵ Ja-aechbej jit. Cha-aeljit wut, xajux pinjiyax lul toejwaliajwa. Ja-aechbej wajkaech-ia'an. Xajux nejmach jumchiliajwas: "Xan xajux isliajwan pinjiyaxan" —chiliajwas asbuan jumch wajkaech-ia'antat.

⁶ Wajkaech-ia'anbej, me-ama jit, tabejsaxaes xot asew jiw. Wajkaech-ia'antat xabich jumtis babijaxan asew jiwliajwa. Japox tuaduws, jams wut. Amwutjelbej nakiowa jatisfulas. Jachiyaxaes pomatkoicha ampathatat, Satanás nakbuxto'apoxan naksiyax xot.

⁷ Jiw matabija nejmachchoef, tathoetpijiw, itfelaliajwa. Samata, tato'al wuti, tathoetpijiw, mia, jom, minpijiwbej, japi choef jumtaenspi. Naexasichbejpi.

⁸ Pe aton fiasaxil pejkaech-ia't naksiya-elaliajwa pachaema-elpoxan. Buxkofaxil babijaxan jumtisepoxan. Japoxan asew jiwliajwa, me-ama jombua'nael wut, ja-aechox. Samata, asew jiw xabich tabejtas.

⁹ Xatis jumtis wajkaech-ia'antat waj-ax Diosliajwa: "Xam xabich pachaemam" —tis. Do jawux, jumtisbej wajkaech-ia'antat babejjamechan asew jiwliajwa, japi jiw isaspi Dios, me-ama Dios wut, ja-aechpi.

¹⁰ Wajkaech-ia'antat jumtis chimiajamechan Diosliajwa. Do jawutbej, jumtisbej babejjamechan asew jiwliajwa. Takoew, xatis japoxan jumchiyaxisal asew jiwliajwa.

11-12 Satlel min nakakolsanxot, jaxot chimiamin nakakolsan. Jaxot nakola-el xasaxamin. Ja-aechbej muthasi. Higonae naboet wut, japanaexot naboesel asabaech. Uvanaechanxotbej naboes-el asabaech. Me-ama japox ja-aechbejlap-is wajkaech-ia'an. Chimiajamechan jumtis wut, kamta kaewutje, jumchiyaxisal babejjamechan.

Dios pijax, matabijsax, kaes pejme pachaempox xatis matabijaliajwas

¹³ Xamalxot kaen aton xabich matabijsan wut, japon nej is pachaempoxan! Japon nej nejchaxoelebej: "Xan kaes pachaema-enil. Me-ama asew jiw, jachi-enil" –nej aechepon, nejchaxoel wut!

¹⁴ Xamal asew jiw nusasiowlam wut, kaes paklonasiam wutbej, ja-am wut, asew jiw matabijaxael diachwujnakolax xamal matabija-emilpim.

¹⁵ Xamal asew jiw xabich nusasiowlam wut, kaes paklonasiam wutbej, japoxan Dios to'a-el. Ja-am wut, nejchaxoelaxaelam ampathatpijiw nejchaxoelpox. Ja-amwutbej, nejchaxoelaxaelam, me-ama Satanás to'a xamal nejchaxoelaliajwam.

¹⁶ Xamal asew jiw nusasiowlam wut, kaes paklonasiam wutbej, jachiyaxaelam wut, xamal kaenejchaxoelaximil. Isaxaelambej puexa nejmach, chaemilpoxan.

¹⁷ Jiw matabijapi Dios pijax matabijsax, japi jiw chiekal duil, me-ama Dios nejxasink japi duilaliajwa. Duil wut, nabe-eli, asew jiw suapich. Japibej talias-el asew jiw. Nejchaxoelbejpi naexaxisliajwa asew jiw tato'alpoxan. Japibej beltaen, asew jiw nabijat wut. Jiw kajachawaet wutbejpi, puexa jiw chiekal kajachawaeti. Naekichachajba-elbejpi asew jiw. Isbejpi pachaempoxan asew jiwliajwa.

¹⁸ Aton chiekal duk wut, asew jiw suapich, japon naewujajan wutbej asew jiw chiekal duilaliajwa, ja-aech wut, japi jiw chiekal duilaxael.

4

Jesús pejuwujajan naexasiti chiekal naexasisfulaxaelpox Dios

¹ ¿Ma-aech xotkat xamal nakaewa nalotam? ¿Ma-aech xotbejkat xamal nakaewa nabam? Xamal japoxan isfulam, chajia nejchaxoelam xot japox isliajwam.

² Xamal xabich nejxasinkam wut asan pijax, japon aton bu'aboeram wefisliajwam japox. Xamal nusasiowlambej, taenam wut asew jiw pejew. Xamal xajupa-emil wut wujajsliajwam taenam pox, bu'alotam japi jiw. Ja-am wut, bu'abambej. Xamal nejxasinkampoxan faeka-emil, majt Dios chiekal kawujajna-emil xot japoxanliajwa.

³ Xamal japoxanliajwa Dios kawujajnam wut, japoxan Dios chaxdui-el, najut isasiampoxan babijaxan, isaxaelam xot japoxantat.

⁴ ¿Ma-aech xotbejkat xamal kofasiam Dios xanaboejampox? Xamal kofasiam Dios xanaboejampox, xabich nejxasinkam xot ampathatpijixan. Xamal babijaxan isam wut, me-ama asew jiw ampathatpijiw, ja-am wut, xamalbej Dios padaelmajiw nadofaxaelam.

⁵ Dios pejjamechan, chajia lelspx, jum-aech wut, jum-aechox: "Dios to'ak Espíritu Santo wajmatpuatanxotaliajwa. Espíritu Santo nejxasink xatis kaes pejme Dios nejxasinkaliajwas" –aechox.

⁶ Dios nakkajachawaet, naknejxasink xot. Dios pejjamechan, chajia lelspx, jum-aech wut, jum-aechox: "Dios jiw kajachawaet, japi nejchaxoel wut ampx: 'Xan kaes pachaema-enil. Me-ama asew jiw, jachi-enil' –aech wuti. Pe jiw nejchaxoelpe: 'Xan kaes pachaeman. Me-ama asew jiw, jachi-enil'

—aech wut, Dios kajachawaes-el japi jiw” —aech Dios pejjamechan, chajia lelsbox.

⁷ Samata, jxatis naexasisfulaxaes Dios tato'alpox! Ja-am wut, Satanás xamal xapaeja wut isliajwam Satanás nejxasinkpox, isaximil babijax. Ja-am wut, Satanás atuj najaesaxael xamalxot.

⁸ jXamal Dios kaes chiekal xanaboejim! Ja-am wut, Dios kaes xamalx-otchfulaxael. jBabijaxan isampoxan kofim! Xamal, Dios nejxasinkasiampim, jkamta kofim ampathatpijiw nejxasinkpoxan! jDioskal nejxasinkde!

⁹ jKofim xanejchachaemlampoxan, ampathatpijixan! Xamal babijaxan isam wut, nadalaxael. Samata, japoxanliajwa noeyaxaelambej.

¹⁰ Xamal Dios kawuajnam wut, jum-amde: “Xan babijaxan isx. Samata, pachaema-enil xan nanejxasinkaliajwam” —amde, Dios kawuajnam wut! Ja-am wut, Dios xamal kajachawaesaxael chiekal pachaemaliajwam.

Jesús pejwujajan naexasiti nakaewa najumchiyaxil: “Ampi babejchow”

¹¹ Takoew, jxamal nabej jum-aech' babejjamechan asewliajwa, japi, naexasiti Jesús pejwujajan! Kaen aton xamalxot jum-aech wut babejjamechan asan atonliajwa, japon aton, me-ama juez wut, ja-aechon. Japon diachwujnakolax naexasis-el Dios tato'alpox. Kaen Dios, japon juez. Samata, asamatkoi Dios jumchiyaxael kaenanula Jesús pejwujajan naexasitiliajwa: “Japon aton chiekal pachaem” —chiyaxaelon, o, jumchiyaxaelon: “Japon aton chiekal pachaema-el” —chiyaxael Dios kaenanula jiwliajwa, Jesús pejwujajan naexasitiliajwa.

¹² Kaen Dios waelt pejjamechan xatis japox naexasisliajwas. Japonbej juez. Samata, japon Dios, kaen, xajup jiw bu'welija, pomatkoicha duilaliajwapi Diosxotse. Xajupbejpon babejchow to'aliajwa japi kastikaliajwas pomatkoicha. Samata, Dios tapae-el xamal jumchiliajwam asew Jesús pejwujajan naexasitiliajwa: “Japi jiw chiekal pachaema-el xot, Dios kastikax-aespi” —chiliajwam.

Xatis matabija-esalpox asamatkoi jachiyaxael xatisliajwa

¹³ jChiekal naewe'e ampox! Xamalxot asew jiw jum-aech: “Amwutjel, o, kandiawa, fulaeyaxaes asapaklowax poxade. Jaxotde kaewaech chatopaxaes. Jaxotde xabich mowaxaes wejew. Xabich plata kanaxaes” —aech asew jiw xamalxot.

¹⁴ jXamal jasox nabej jum-aech', chiekal matabija-emil xot kandiawa jachiyaxaelpox xamalliajwa! Matabija-emilbej, achamatkoi tuxaxaelam. Kandiawasap itnoj nakola. Pe kamta toep. Me-ama itnoj kamta toep, xamalbej jachiyaxaelam, asamatkoi tuxaxaelam wut.

¹⁵ Asamatkoi, xamal nejchaxoelam wut isaxaelampoxliajwa, jum-amde: “Dios naktapaei wut, laelpaxaes. Nabichaxaesbej. Ja-el wut, isaxaes asax pachaempox” —amde!

¹⁶ Pe nakiowa, xamal najut nejchaxoelam: “Xan matabijtax isaxaelenpox. Me-ama asew jiw, jachi-enil” —am, nejchaxoelam wut. Japox nejchaxoelax pachaema-el, nejchaxoela-emil xot Dios nejxasinkpox.

¹⁷ Aton matabijt wut pachaempox isliajwa, pe is-el wuton, ja-aech wut, japon aton pejbuwujanaxael Diosliajwa.

5

Santiago lelpox ampawujajan naewujajnalija kimaeya

¹ Xamal kimaenkampim, jchiekal naewe'e ampanaewujajnan! jAmwutjel noem! jNoem, asamatkoi xabich nabijasaxaelam xot!

² Nejew tamejampi toepaxael. Nejew ponan xabich itxaeyaxaesbej.

³ Nejew oro, platabej, asnadut wut, japoxan jiw taen wut, japi matabijaxael xamal nejew xanbich-emilpox kajachawaesliajwam jiw kijila. Samata, Dios xamal xabich kastikaxael, nejew xabich asbuan jumch tamejam xot najutli-ajwa.

⁴ Jiw nabistpi nejew lulaxot, xamal japi mos-emil. Japi chapaei asew jiw xot xamal naekichachajbampox japi jiw. Samata, wajpaklon Dios, xajuron puexa isliajwa, japon jumtaen nabistpi xamalliajwa jum-aechpoxan.

⁵ Xamal laelpam wut, najut isasiampoxan isfulam. Samata, xamal, me-ama pak, xabich dalpi wut pachaem xua'asliajwas, ja-am xamal, mox pawhajna xot Dios xamal kastikaliajwa.

⁶ Xamal jiw tasalam, bu'wujanjilpi. Japi jiw xamal jumnos-el wut, xamal pabam wut, chiekal kijtam japi jiw.

Jesucristo pejme pasaxoekpox ampathat poxasik

⁷ Takoew, xamal piach wujnawesfulde wajpaklon pasaxoekpox! Jiw, pejlulanpi, wujnawesful, matxoelapej-iam thilan wut pelaliajwa pejlulantat. Do jawux, pelapi wujnawesful asamatkoi jolaliajwa.

⁸ Xamalbej kofaximil naexasitampox Jesús pejwujan. ¡Piach wujnawesfulde chalechkal Jesús pejme pasaxoekpox!

⁹ Takoew, inabej jum-aech' babejjamechan nakaewaliajwa, asew xamalx-otpiliajwa, xamal bu'wujanjilaliajwam Diosxot! ¡Jasoxan nabej jum-aech'! Mox pawhajna Dios jumchiliajwa kaenanula jiw babijaxan ispiliajwa.

¹⁰ Takoew, nejchaxoelde profetasliajwa, chajia laelpiliajwa! Japi chiekal Dios xanaboeja, nabijasful wut, asew jiw babijaxan is wut japiajwa, japi naewujan wut Dios buxto'aspojan. Japi nabijatpox malecha-esal. Samata, japi boejtaliat, piach nabijat wut. ¡Xamalbej jachiyaxaelam!

¹¹ Jiw nabijasful wut asew jiw pijaxtat, nakiowa Dios xanaboejaful wut, japi jiw nejchachaemil. Xamal wultaenambej Job xabich chajia nabijatpox. Ja-aech wut, japon nakiowa Dios xanaboejsful. Matabijambej, Job nabijasful wut, Dios xabich kajachawaesfulas, xabich beltaens xoton.

¹² Takoew, xan lelaxaelenpox kaes pejme pachaem xamal chiekal naexasisliajwam. Asew jiwliajwa jum-am wut, jum-amde diachwujnakolaxpoxkal! Samata, jumduwam wut isaxaelampoxan, jum-amde jumduwampoxkal! ¡Kaes pejme asaxan xamal nabej jum-aech', asew jiw xamal naexasisliajwa jumduwampoxan! Samata, inabej jum-aech'bej: “Xan diachwujnakolax isaxaelen jumdutxpro, Dios najumtaen xot” —nabej aech'! Japox isaxaelam wut, kamta chiekal jum-amde: “¡Xan diachwujnakolax japox isaxaelen!” —amde! Japox jum-am wut, japox chiekal isde! Japox is-elasiam wut, kamta chiekal jum-amde: “¡Xan japox isaxinil!” —amde! Ja-am wut, Dios xamal kastikaxil, jumduwampoxanliajwa.

¹³ Kaen xamalxot nabijat wut, japon pajut Dios nej kawujne! Kaen xamalxot nejchachaemlaful wutbej, japon jajuw wut, jumchiyaxael: “Dios, xam xabich pachaemam” —chiyaxaelon.

¹⁴ Kaen aton xamalxot bu'xaenk wut, japon aton asan nej buxto'a wullalaeliajwapon ancianos, japi naexasiti Jesús pejwujan tataefulpi! Ancianos pat wut, japi ancianos Dios kawujnaxael bu'xaeyan boejthulaliajwas. Ancianos olivosimint bu'joelaxaelpiwej bu'xaeyan, Dios kawujan wuti.

¹⁵ Japi ancianos Dios kawujan wut, nejchaxoelaxaeli: “Ampon, bu'xaeyan, diachwujnakolax Dios boejthulsaxaeson” —aech wuti, nejchaxoel wut, diachwujnakolax bu'xaeyan boejthulaxaes. Dios beltaeyaxaesbejpron majt babijaxan ispojanliajwa.

¹⁶ Samata, japon bu'xaeyan babijaxan majt is wut, chapaeyaxael ancianos jumtaeliajwa japi Dios kawuajnalijwa. Ja-aech wut, bu'xaeyan boejthulaxaes bu'xaenkpox. Aton, pachaempon Dioslijwa, japon xabich Dios kawuajan wut, Dios kajachawaesaxaeson.

¹⁷ Profeta Elías, me-ama xatis wut, ja-aechon. Chajiakolaxtat, japon Dios kawuajan wut, xabich kawuajan iam thilnasamata. Do jawux, tres waechan y medio iam thilna-el.

¹⁸ Do jawux, Elías pejme Dios kawuajan iam thilnalijwa. Do ja-aech wut, iam thilan. Samata, muthapi chiekal naboela.

¹⁹ Takoew, xamalxot kaen aton Jesús pejuwajan naexasitpox koft wut, jasan xamalxot nej naewuajnason, japon aton pejme naexasislijwa Jesús pejuwajan!

²⁰ Jesús pejuwajan naexasitpon naewuajan wuton asan aton, japon kofsliajwa babijaxan ispoخان, ja-aech wut, japon aton, Jesús pejuwajan naexasitpon, kajachawaet asan aton nafo'asamata Dioslijwa, pomatkoicha japon aton dukaliajwa Diosxotse. Ja-aech wut, naewuajnaspon Dios beltaeyaxaeson xabich babijaxan ispoخانlijwa.

Matxoelacarta, Pedro lelpox, Jesús pejwɛajan naexasitiliajwa

Pedro lelpox carta Jesús pejwɛajan naexasitiliajwa

¹ Xan Pedro, Jesucristo pej-apóstolan, lelx ampacarta xamal Dios pejji-wampimliajwa. Xamal nejpaklowaxanxot amwɛtjel atɛaj nasaladuillampim. Asewam duilam Ponto tɛajnxot. Asewam duilam Galacia tɛajnxot. Asewam duilam Capadocia tɛajnxot. Asewam duilam Asia tɛajnxot. Asewam duilam Bitinia tɛajnxot.

² Xamal nalaela-emil wɛt, waj-ax Dios chajia nejchaxoel, xamal makanosliajwa japon pejjiwaliajwam. Matabijtbejpon xamal isaxaelampox, pachaempoxan japonliajwa. Amwɛtjel xamal Espiritu Santo makanot naexasisliajwam Jesús pejwɛajan. Samata, amwɛtjel Dios xamal beltaen babijaxan isampoxanliajwa, Jesucristo tɛp xot. Xan Dios kawɛajnax xamal xabich kajachawaesliajwa chiekal duilaliajwam, asew jiw sɛapich.

Dios tapaejaxaelpox duilaliajwa Diosxotse naexasiti Jesús pejwɛajan

³ Xatis jumchiyaxaes Diosliajwa, japon wajpaklon Jesucristo paxliajwa: “Xam xabich pachaemam” –chiyaxaeson. Jesucristo mat-ech xot pejme dukaliajwa, Dios xabich nakbeltaen xatis babijaxan isaspoxanliajwa. Samata, Diosliajwa, pajelnejchaxoelaxan xotch, me-ama jelnalaelas wɛt, jatis amwɛtjel. Samata, wɛajnawesfulaxaes pomatkoicha duilaliajwas Diosxotse.

⁴ Jaxotse Dios nakchaxduiyaxael xabich pachaempox. Japox toepaxil. Ommaenkaxaelbejpon.

⁵ Japox Dios nakchaxdusaxael jaxotse, xanaboejas wɛt Cristo. Xatis ampathatat laelpas wɛt, Dios naktataeful. Asamatkoi, ampathatat matdukatkoi wɛt, xatis matabijaxaes Dios nakchaxdusaxaelpox.

⁶ Samata, xabich nejchachaemlaxaelam, laelpam wɛt. Xamal nabijatam wɛt nejmachxapaejapoxantat, nakiowa xamal nejchachaemlaxaelam.

⁷ Dios tapaei wɛt xamal nabijasliajwam, jasoxtat Dios xamal xapaeja matabijsliajwapon, diachwɛajnakolax xamal chiekal naexasitam wɛt Jesucristo pejwɛajan. Jiw xapaeja oro jitat matabijaliajwa, diachwɛajnakolax orokola wɛt. Diosbej jachiyaxael xamalliajwa, xamal xapaeja wɛton Jesucristo pejwɛajan naexasitampoxliajwa. Japox kaes pejme ommaenk Diosliajwa. Me-ama oro, jachi-el. Japoxbej toepaxil. Xamal nabijatam wɛt, jnakiowa Dios xanaboejim! Ja-am wɛt, asamatkoi wajpaklon Jesucristo pask wɛt athɛlelsik, nejchachaemlaxaelon xamalliajwa.

⁸ Xamal najut tae-emil Jesucristo. Pe nakiowa, japon nejxasinkam. Naexasitambej japon pejwɛajan. Samata, nejchachaemlam japonliajwa. Japanejchachaemlax xabich pachaem xamalliajwa. Pe xajɛpa-emil asew jiw chiekal chanaekabɛanaliajwam xamal nejchachaemlampoxliajwa, japibej matabijaliajwa, ma-aech nejchachaemlampox.

⁹ Dios xamal bɛ'weyaxael, naexasitam xot Jesucristo pejwɛajan.

¹⁰ Chajiakolaxtat profetas xabich estudia Dios pejjamechan. Wɛajnachaemtbejpi chiekal matabijaliajwa, machiyaxael Dios jiw bɛ'welija wɛt. Profetas matabija wɛt, japi naewɛajan jiw Dios beltaeyaxaesopox japi babijaxan ispoxanliajwa.

11 Profetas matabija Espíritu Santo pijaxtat Cristo nabijasaxaelpox puexa jiw babijaxan ispoxanliajwa. Matabijabejpi Cristo tɔpaxaelpox. Do jawɯt, pejme kaxaxoeipon pax Dios poxase ekaliajwa poklalel tato'laliajwapon, pax sɯapich. Samata, profetas nakaewa nawɯajnachaemt wɯt, najɯm-aechi: “¿Achatkoitatkat, Cristo pasaxoek ampathatasik? Japon pask wɯt, ¿machiyaeskat xatis matabijaliajwas japon?” –na-aechi nakaewa.

12 Profetas laelp wɯt, matabija asamatkoi japi pejwɯlela jachiyaxaelpox. Japox matabijapi, Dios kajachawaech xot. Samata, xatis amwɯtjel laelpaspis profetas pejwɯlela, matabijas japi profetas jɯm-aechpox Cristoliajwa, japox xatisliajwa. Amwɯtjel asew jiw japawɯajan naewɯajan asew jiwliajwa, japibej bu'welijaes. Japi naewɯajan wɯt asew jiwliajwa, Espíritu Santo kajachawaechpi. Japon Dios to'akaspon. Ángelesbej japoxan chiekal kaes matabijasia.

Dios nakmakanotpox xatis, Jesús pejwɯajan naexasichpis, isasamatas babijaxan

13 Xamal Dios pejjiwam xot, jɯmajt chiekal nejchaxoelde isaxaelampox! jXamal najut chiekal natataefɯldebej babijax isasamatam! jWɯajnawesɯldebej Jesús pasaxoekpox! Jesús pejme ɯloek wɯt, Dios puexa xamal bu'weyaxael, me-ama Dios chajia jɯmdut xamal bu'welijaes babijaxan isampoxanliajwa.

14 jɯsɯlde waj-ax Dios tato'alpox! Nejchaxoelam wɯt, jnabej nejchaxoele' babijaxan isliajwam, majt isampoxan, Dios naexasis-emil wɯtɯk!

15 jDuilafɯlde, me-ama Dios nejxasink! Japon xamal makanot japon pejjiwaliajwam. Japon pajut pachaem. Babijax is-elon.

16 Dios pejjamechan, chajia lelspon, jɯm-aech wɯt, jɯm-aechox Dios jɯm-aechpox: “jNabej is babijax, xan xabich pachaeman xot!” –aechox.

17 Xamal Dios kawɯajnam wɯt, jɯm-am: “Taj-ax Dios” –am. Dios puexa pejjiw taen wɯt, paklochow, paklochowa-elibej, puexa chiekal taenpon. Samata, Dios jɯmchiyaxael kaenanɯla jiw, babijaxan is wɯt, o, babijaxan is-el wɯt. Samata, ampathatat laelpam wɯt, jɯpomatkoicha chiekal duilaxaelam Diosliajwa!

18 Xamal majt napeltam Diosliajwa, duilam xot, me-ama nejwɯajnapijiw. Pe japox pachaema-el Diosliajwa. Xamal chiekal matabijam. Cristo tɔp mosliajwa xamal babijaxan isampoxanliajwa xamal bu'welijaeswapon. Cristo pejmoxax toepaxil. Me-ama oro, platabej, jachiyaxil japox.

19 Cristo tɔppox xabich ommaenk, japon Dios paxɯlan xot. Samata, Cristo tɔp wɯt cruztat, moton jiw babijaxan ispoxanliajwa. Cristo boesas xatis babijaxan isaspoxanliajwa. Me-ama cordero chimian xɯa'las ofrenda isliajwa Diosliajwa, jatisbej Cristoliajwa.

20 Chajiakolaxtat, Dios is-el wɯtɯk ampathat, Dios nejchaxoel Cristo tɔpaliajwa xatisliajwa. Baxael, Cristo nalaelt ampathatat dukaliajwa, tɔpaliajwabej mosliajwapon xatis babijaxan isaspoxanliajwa.

21 Xamal matabijam Cristo pejwɯajan. Samata, chiekal Dios xanaboejam. Cristo tɔp wɯt cruztat, Dios mat-echpon pejme dukaliajwa. Jawɯx bu'floespon athɯ poxase ekaliajwa pax Dios poklalel, puexa jiw tato'laliajwa. Samata, xamalbej Jesucristo pejwɯajan naexasitam xot, Dios xanaboejam pomatkoicha duilaliajwam japonxotse.

22 Amwɯtjel xamal kofam babijaxan isampoxan, naexasitam xot diachwɯajnakolaxpox, Jesús pejwɯajan. Samata, xamal chiekal nejxasinkam asew jiw, naexasiti Jesús pejwɯajan. jNakaewa chiekal nanejxasinkafɯlde!

²³ Jesús pejjamechan pomatkoichaliajwa. Japox toepaxil. Naexasitam xot Jesús pejjamechan, xamal amwutjel, me-ama jelnaelam wut, ja-am Diosliajwa, duilaliajwam pomatkoicha Diosxotse. Xamal pejme nalaela-emil nej-ax pijaxtat. Me-ama majt nalaelam nej-enxot, jachi-emil. Samata, xamal nejnejchaxoelaxan, pajelnejchaxoelaxan, me-ama nej-axjiw pejjamechan, jachi-el.

²⁴ Dios pejjamechan, chajia lelspx, pajut jum-aech toepaxilpoxliajwa: “Puexa jiw, ampaxatpijiw, piach laelpaliajwa-el. Me-ama naetalan piachliajwa-el. Selil wut, nachola satadik. Ja-aechlap-is jiw. Ja-aechbej jiw pejew, xabich pachaempoxan. Japoxanbej pomatkoichaliajwa-el.

²⁵ Pe Dios pejjamechan toepaxil” –aechox.

Asew jiw japajamechan naewhajan Dios xamal bu'welija.

2

¹ Samata, ikofim puexa nejmachbabijaxan, majt isampoxan! iKaes nabej naekichachajbe'bej! Babejchowam wut, me-ama pachaemam wut, inabej kabhan-aechbe'bej! iNabej nusasiowle'bej asew jiw! iNabej buxwhajanmaenke'bej asew jiwliajwa!

² Yamxi, jelnaelapi, mitan af mamnikaliajwa. iXamalbej Dios pejjamechan xabich nejxasinkde nejnejchaxoelaxan kaes mamnikaliajwa Diosliajwa! Dios pejjamechan, me-ama naxaeyaxan wut, ja-aech xamalliajwa. Chiekal matabijam wut Dios pejjamechan, Dios kaes xanaboejaxaelam xamal bu'welija.

³ iJachiyaxaelam xamal, chiekal matabijam xot Dios xabich pachaempon!

Amxot jum-aechpox Diosliajwa Jesucristo, me-ama matxoelapijt, ia't

⁴ iXamal nejxasinkde kaes chiekal matabijaliajwam wajpaklon Jesucristo pejjamechan! Dios to'a japon tupaliajwa puexa jiwliajwa. Samata, Jesucristo, me-ama ia't, matxoela-echpot, xabich ommaenkpot, isliajwa Dios pejba, ja-aechon. Japon, me-ama ia't, mastaenspot, ja-aechbejpon asew jiwliajwa.

⁵ Jesús pejjamechan naexasitam xot, Diosliajwa, xamalbej, me-ama ia' wut, ja-am Dios pejba isliajwa. Xamalbej, sacerdotes, najut Dios kawhajnafulam xot, isfulam xotbej Dios pijax bichaxan. Xamal ja-amsfulam wut, Jesús pejjamechan xot, Dios nejchachaemlaful xamalliajwa.

⁶ Dios pejjamechan, chajia lelspx, jum-aech wut, jum-aechox Dios jum-aechpox Jesucristoliajwa:

“Xan makafitxpon dukaxael Jerusalén paklowaxxot. Japon xabich kaes pachaem xot, me-ama ia't, kaes pejme pachaempot itfech-ia'xot, ja-aechon. Samata, jiw, naexasiti japon pejjamechan, asamatkoi japi jumchiyaxil: ‘iJapon xanaboejas xot, napeltas Diosliajwa!’ –chiyaxil jiw” –aech Dios jum-aechpox Jesucristoliajwa.

⁷ Xamal nejchaxoelam wut Jesúsliajwa, jum-am: “Jesús, me-ama ia't, xabich kaes ommaenkpot, ja-aechon” –am, nejchaxoelam wut. Asew lax, Jesús pejjamechan naexasis-eli nejchaxoel: “Jesús, me-ama ia't, pachaema-elpot, ja-aechon” –aechpi, nejchaxoel wut. Jasox japi nejchaxoel Jesúsliajwa, pat xot Dios jumdutpox. Dios pejjamechan, chajia lelspx, jum-aech wut, jum-aechbejpx Jesúsliajwa:

“Ia'bachan ispi nejchaxoel: ‘Ampot, ia't, pachaema-el’ –aechi, nejchaxoel wut. Pe asew nejchaxoel wut japotliajwa, jumchiyaxael: ‘Ampot, ia't, kaes pejme pachaem’ –chiyaxaeli” –aechox Dios pejjamechan Jesúsliajwa.

⁸ Dios pejjamechan, chajia lelspx, jum-aech wut, jum-aechbejpx Jesúsliajwa:

“Japon, me-ama ia't, jiw tɔakbebalaliajwa fiapaliajwa” –aechox Dios pejjamechan, chajia lelspx.

Jasox jum-aech Dios pejjamechan, asew jiw naexasisaxil xot Jesús pejwɔajan.

⁹ Dios xamal makanot sacerdotsliajwam, japon tanbichliajwambej. Xamal amwɔtjel kofam babijaxan isfulampoxan, Dios pejjiwam xot. Samata, jiw naewɔajnam puexa Dios ispoxanliajwa, xabich pachaempoxan. Majt xamal matabija-emil wɔtɔk Jesús pejwɔajan, nejnejchaxoelaxan, me-ama itkɔa'nik, babijaxan isfulam xot. Ja-am wɔt, Dios xamal tadɔt naexasisliajwam Jesús pejwɔajan. Amwɔtjellax chiekal duilafɔlam. Samata, nejnejchaxoelaxan pachaem xot, me-ama itliak wɔt, ja-aech, naexasisfulam xot Jesús pejwɔajan.

¹⁰ Xamal majt Dios pejjiwa-emil. Amwɔtjellax Dios pejjiwam. Dios majt xamal beltae-el. Amwɔtjel Dios xamal chiekal beltaen.

Jesús pejwɔajan naexasiti, japi jiw duil Dios tanbichliajwa

¹¹ Takoew, xamal jum-an kaenanɔla chiekal nejchaxoelaliajwam: “Xan ampathatat lajaxaelen kaematkoianliajwa. Pelax xan asamatkoi dukaxaelen pomatkoicha Diosxotse” –chiliajwam, xamal nejchaxoelam wɔt. Samata, jnabej is babijaxan, xamal najut nejchaxoelampoxan! jNejchaxoelde isliajwam pachaempoxan!

¹² Xamal duilam wɔt Dios naexasis-elpixot, nanɔamtam wɔtbej, japi sɔapich, jchiekal duilde! Japi jum-aech wɔt xamalliajwa: “Japi jiw, babejchow” –aech wɔti xamalliajwa, asamatkoi japi jiw pajut chiekal matabijaxael, xamal isampoxan xabich pachaem. Samata, jawɔt japi jiw jumchiyaxael Diosliajwa: “Dios, jxam xabich pachaemam!” –chiyaxaeli, Dios kastika wɔt jiw, babijaxan ispi.

¹³ Xamal Dios pejjiwam xot, jpuexa paklochow, ampathatpijiw tato'alpi, naexasisfulde! jNaexasisfuldebej rey, puexa jiw tato'alpon, japon kaes pejme paklon xot!

¹⁴ jNaexasisfuldebej gobernadores! Japi to'as kastikaliajwa jiw, babijaxan ispi. To'asbejpi jumchiliajwa jiw, ispi pachaempoxan: “Xamal isampoxan xabich pachaem” –chiliajwapi jiwliajwa.

¹⁵ Dios nejxasink xamal isliajwam pachaempoxan. Ja-am wɔt, jiw nejliakla wejilaxaes xamal tasalaliajwa.

¹⁶ Amwɔtjel xatis nakwewe'pa-el naexasisliajwas Moisés chajia lelpox. Pe nejchaxoelaxisal isliajwas babijaxan. Samata, jchiekal duilafɔlde! Me-ama asew jiw, Dios pejjiwpi, chiekal duilafɔl, jxamalbej ja-amsfulde!

¹⁷ jPuexa jiw chiekal sitaembej! jNejxasinkdebej asew jiw, naexasiti Jesús pejwɔajan! jChiekal sitaembej Dios! jSitaembej rey, japon puexa jiw tato'al!

Machiyaxaelpox, Jesús pejwɔajan naexasiti, nabijat wɔt

¹⁸ Xamal esclavos, jchiekal sitaem naexasisliajwam nejpaklochow! jNejpaklochow tato'alpoxan puexa isde chiekal! jJa-amsfulde pomatkoicha, nejpaklochow pachaempi wɔt, o, pachaema-elpi wɔtbej!

¹⁹ Xamal is-emil wɔt babijax, pe nakiowa, nejpaklochow xamal kastika wɔt, jboejtaliasfulde! Japox asamatkoi pachaemaxael xamalliajwa, Dios wɔajnalelam wɔt.

²⁰ Pelax xamal babijaxan isam wɔt, nejpaklochow kastika wɔt, xamal boejtaliatampox, japox Diosliajwa pachaemaxil. Pelax xamal isfulam wɔt pachaempoxan, pe nabijatam wɔt boejtaliatampox, asamatkoi xamalliajwa xabich pachaemaxael, Dios wɔajnalelam wɔt.

²¹ Dios xamal makanot nabijasliajwam, Cristo majt nabijat xot xamalliajwa. Cristo, babijax is-elon, nabijat. Samata, xamalbej nabijasaxaelam.

²² Cristo babijax is-el. Chinax kaen aton naekichachajba-elbejpon.

²³ Asew jiw babejjamechan jumtis wut, Cristo jumnos-el babejjametat. Nabijat wutbejpon, japi jiw babijaxan is wut japonliajwa, thiya-elon. Cristolax tapaei japi Dios kastikaliajwas. Dios kastika wut jiw, babijaxan ispi, xabich babijaxan is-elpi, bijiat kastikaxaelon. Pelax jiw, xabich babijaxan ispi, japi xabich kastikaxaelon.

²⁴ Cristo cruztat tɔp xatis kofaliajwas babijaxan isaspoخان, me-ama Dios nejxasink. Tɔpon xatis nakbu'welialjwa, pachaemaliajwas Diosliajwa.

²⁵ Majt xamal napeltam Diosliajwa. Me-ama oveja napeltpi, ja-am xamal. Amwutjel xamal Cristo pijaxtat Dios pejjiwam. Me-ama oveja tataefɔlpon chiekal tataefɔlafɔl pejew oveja, ja-aech Cristo, amwutjel xamal tataefɔlafɔl wuton.

3

Machiyaxaelpox nakjiyapi chiekal duilaliajwa

¹⁻² Xamal watho'am, nejmolpim, naewɔajnaخ chiekal naexasisliajwam nejmol. Nejmol, Jesús pejwɔajan naexasis-elpon wut, pe xam laejasiam wut, ¡chiekal kaelel laejim japonxot, me-ama Jesús xamal tato'al! ¡Sitaembej Dios! Xamal, watho'am, ja-am wut, nejmoljiwbej pajut naexasisaxael Jesús pejwɔajan, xamal naewɔajna-emil wut.

³ Xamal watho'am, nejmolpim, nejchaxoelam wut, ¡nabej nejchaxoele': "Xan kaes chamiowaliajwan chiekal matlapapu'waxaelen. Tajyiaftatbej duiyaxaelen xabich oro. Jachi-enil wut, xan naxoeyaxaelen yiafan, xabich ommaenkpi" –nabej aeche' xamal watho'am, nejchaxoelam wut!

⁴ Xamal watho'am, xabich chamiachwasiam wut, ¡nejchaxoelde pachaempoxan! ¡Naksiyambej chimiajamechan asew jiwliajwa! Ja-am wut, diachwɔajnakolax xabich chamiachwaxaelam nejnejchaxoelaxantat. Pe japox jiw taeyaxil. Japoxbej toepaxil. Japoxlap kaes Dios nejxasink xamal watho'amliajwa.

⁵ Chajiakolaxtat asew watho', Dios sitaenpi, pejnechaxoelaxantat xabich chamiachowpi. Japi watho' isɔlam Dios nejxasinkpoxan. Dios xanaboefɔlafɔlbejpi. Chiekal naexasitbejpi, pamal to'as wut.

⁶ Ja-aechbej Sara, naexasisɔlam wutow Abraham. Pamalliajwa jum-aech wut, jum-aechow: "Tajpaklon" –aechow. Samata, xamal watho'am, me-ama Sara paxi wut, jachiyaxaelam, isɔlam wut pachaempoxan, nejlewlaxil wutbej nejmachliajwa.

⁷ Xamal poejwam, nejwatho'pim, kaenanɔla xamal naewɔajnaخ. ¡Nijow chiekal bu'laejim! ¡Nijow chiekal sitaembej, Dios japox to'a xot! Watho' pejpamamax najɔpa-el, poejiw pejpamamax sɔapich. Watho'bej pomatkoicha duilaxael Diosxotse. Samata, ¡xamal kaenanɔla poejwam chiekal sitaem nejwatho'! ¡Ja-amsɔlamde, xamal Dios kawɔajnam wut Dios chiekal jumtaeliajwa!

Jesús pejwɔajan naexasiti nabijasaxaelpox, asew jiw babijaxan is wut japi-liajwa

⁸ Xamal naexasitam Jesús pejwɔajan. Samata, ¡xamal kaenechaxoelaxde! Asew jiw xamalxot nejchaemil wut, ¡kajachawae'e japi nejchachaemlialiajwa! Asew jiw xamalxot nejchachaemil wutbej, ja-aech wut, ¡xamalbej nejchachaemilde, japi jiw sɔapich! ¡Nejxasinkdebej asew jiw! Me-ama

nakoewkola nejxasinkam wut, jja-amde asew jiwliajwa! ;Nakaewa nabeltaembej! Nejchaxoelam wut, ;nabej nejchaxoele': "Xan kaes pachaeman. Me-ama asew jiw, jachi-enil" —nabej aeche', nejchaxoelam wut asew jiwliajwa!

⁹ Asew babijaxan is wut xamalliajwa, ;xamallax nabej is babijaxan japi jiwliajwa! Asew jiw babejjamechan jum-aech wutbej xamalliajwa, ;xamallax nabej jum-aech' babejjamechan japi jiwliajwa! ;Asbuan jumch Dios chiekal kawhajande japi jiw Dios kajachawaesliajwas! Jasox Dios to'a xamal isliajwam, Dios kajachawaesliajwabej xamal.

¹⁰ Japoxliajwa Dios pejjamechan, chajia lelspx, jum-aech wut, jum-aechox:

"Xamal chiekal duilasiam wut, ;nabej jum-aech' babejjamechan asew jiwliajwa! ;Nabej kichachajbe'bej!

¹¹ ;Kofimbej babijaxan isampoxan! ;Isfuldelax pachaempoxan! Nejchaxoelam wut, ;nejchaxoelde chiekal, machiyaxaelam xamal pachaemaliajwam, asew jiw sapich!

¹² ;Ja-amsfulde, japi Dios tataefulas xot, isfulpi pachaempoxan! Japi Dios kawhajan wut, Dios chiekal naewech. Pelax Dios kastikaxael jiw, babijaxan ispi" —aech Dios pejjamechan, chajia lelspx.

¹³ Isfulam wut pachaempoxan, ja-am wut, asew jiw isaxil babijaxan xamalliajwa.

¹⁴ Pe nakiowa, xamal nabijatam wut, asew jiw is xot babijax xamalliajwa, ;chiekal nejchachaemilde! ;Xamal nabej nejlewl'e'bej japi jiwliajwa!

¹⁵ ;Pelax Cristo sitaem, wajpaklon xot! Nejchaxoelam wut, ;majt chiekal nejchaxoelde jumnosliajwam, asew jiw xamal wujnachaemt wut Dios xan-aboejampoxanliajwa!

¹⁶ Asew jiw xamal wujnachaemt wut, ;chiekal jumno'e! ;Japi jiw sitaembej! ;Chiekal duilafaldebej, Cristo pejwujjan naexasitam xot! Samata, ;najut chiekal matabijaxaelam xamal bu'wujjanjimilpox Diosliajwa! Ja-am wut, babejjamechan jum-aechpi xamalliajwa pajut nadasaxaeli, jum-aech xoti japoxan.

¹⁷ Dios nejxasink wut xamal nabijasliajwam, nawoesa kaes pejme pachaem xamal nabijasliajwam, isam wut pachaempoxan. Pe nabijatampox pachaemaxil, babijaxan isam wut.

¹⁸ Cristo nabijat, Dios nejxasink xot japon nabijasliajwa. Turpejpon xatisliajwa. Japon tur wut, japox kaewecesliajwa, pomatkoichaliajwabejpx. Samata, pejme turpaxilon. Japon kaen xabich pachaem. Pe nakiowa, nabijat xatis babijaxan isaspoxanliajwa Dios nakbu'welialjwa. Japon diachwujnakolax chiekal tur. Pe japon pej-espíritu turpa-el.

¹⁹ Jesús pej-espíritu fulaek jiw tapi pej-aelan jias poxadik, naewujnaliajwapon japi pej-aelan.

²⁰ Japi jiw, tapi, chajia duil ampathatat, Noé laeje wut. Japi jiw naexasis-el, Noé naewujjan wut Dios pejjamechan. Noé barkam isful wut, Dios piach wujnawet japi jiw naexasisliajwa Noé naewujjanpox. Pothata bu'al wut, jawut ocho jiw asbuan jumch wia barkamtat.

²¹ Jatisbej, xatis kaenanala nakbautisa wut mintat. Xatis mintat juls wut, jiw japox taen wut, matabija Dios nakbu'wiapox, Cristo tur xot cruztat xatisliajwa. Nakbautisa-el asbuan jumch asjilialjwas. Nakbautisalax puexa asew jiw matabijaliajwa, xatis Dios kawhajnaspis nakbeltaeliajwa babijaxan isaspoxanliajwa. Samata, wajpaklon Jesucristo tur wut, mat-echpon pejme dukaliajwa. Samata, xatis Dios nakbu'wia.

²² Jesucristo mat-ech wut, pejme duk wuton, fuloeipon athu poxase ekaliajwa pax Dios poklalel, Dios suapich, puexa jiw tato'laliajwa. Amwutjel, japon tato'al Dios pej-ángeles. Tato'albejpon puexa paklochow, Diosxotsepi.

4

Jesús pejuajan naexasiti chiekal duilaxaelpox

¹ Cristo ampathatat wut, asew jiw babijaxan is wut japonliajwa, xabich nabijaton. Xamalbej nejchaxoelam wut, ¡nejchaxoelde nabijasaxaelampox! Nabijatam wut, ¡nabej nejchaxoele' babijaxan isliajwam!

² Ampathatat laelpam wut, ¡nabej is babijaxan nejchaxoelampoxan isliajwam! ¡Isfulde pachaempoxan Dios nejchachaemlaliajwa!

³ Majt Jesús pejuajan naexasis-emil wutfuk, babijaxan isfulam, asew suapich. Me-ama Jesús pejuajan naexasis-eli babijaxan is, ja-ambej xamal. Majt xabich nejchaxoelam asew watho' bu'moejsaxan. Fiestamatkoi wut, xamal saxtbej. Nejbachantat saxa afam wut, pasaxt. Ídolos kawajnambej. Pe amwutjel, japoxan kofam.

⁴ Majt nejnachalapi, japi amwutjel matabija-el, ma-aech xot xamal kofam isampoxan, japi suapich. Samata, japi babejjamechan jum-aechful xamalliajwa.

⁵ Asamatkoi, Dios pejuajnael wut, kaenanula japi pajut jumchiyaxael, ma-aech xot babejjamechan jum-aechi xamalliajwa. Japamatkoi wut, Dios kastikaxael jiw laelpifuk, jiw tuperibej.

⁶ Samata, Jesucristo pajut naewajan pejuajan, chimiawajan, tapi pejaelan pejtajnaxotdik, japi napelsasamata Diosliajwa. Japatajnuprijiw chajia tapi, me-ama Dios waelt patapax jiw tupalapaliajwa.

⁷ Mox pawajnalis ampathat toepaliajwa. Samata, ¡chiekal duilafalde babijax isasamatam! Dios kawajnam wut, ¡chiekal kawajande!

⁸ Kaes pejme pachaempox, nakaewa nanejxasinkampox. Nakaewa nanejxasinkam wut, ja-am wut, xamalxot jiw babijaxan is wut xamalliajwa, ¡japi beltaem!

⁹ ¡Xamal nakaewa chiekal nabu'kulim nejbachantat!

¹⁰ Xamal kaenanula Dios kajachawaet isliajwam asabichaxan, asew naexasiti Jesús pejuajan kajachawaesliajwam. Samata, ¡xamal kaenanula kajachawaesfulde asew jiw, Jesús pejuajan naexasiti!

¹¹ Dios naexasitpon, ¡japon nej naewajne' asew jiw, me-ama Dios buxto'aspon jiw naewajnalialjwa! Asanbej kajachawaet wut asew jiw, ¡japon nej kajachawaes, Dios kajachawaech xoton! Xamal Cristo pejiwam xot, ¡puexa chiekal isde asew jiw sitaelialjwa Dios! Dios, puexa jiw tato'al. Japon xabich mamnik pomatkoichaliajwa. ¡Jasox nej ja-aeché' Diosliajwa!

Jesús pejuajan naexasiti nejchachaemlaxaelpox, nabijat wut

¹² Takoew, ¡nabej belwe', nabijatam wut, asew jiw babijaxan is wut xamalliajwa! Majt xamal nabijasaxaelam Dios matabijsliajwa, diachwajnakolax xamal japon chiekal xanaboejam wut.

¹³ Xamal nabijatam wut, me-ama Cristo nabijat, ja-am wut, ¡xamal nejchachaemilde! Asamatkoi, Cristo fuloek wut puexa jiw tato'laliajwa, japox xamal taenam wut, ¡xabich nejchachaemilde!

¹⁴ Asew jiw babejjamechan jum-aech wut xamalliajwa, Jesús pejuajan naexasitam xot, jawut Dios pej-Espíritu Santo, xabich pachaempon, xamal chalaxael. Samata, ¡nejchachaemilde!

¹⁵ Asew jiw nabijat, ba xoti asew jiw, natkowa xotbejpi asew jiw pejew, matxandadut xotbejpi asew jiw pijaxan. ¡Xamal jasox nabej is, jasoxtat nabijasasamatam!

¹⁶ Xamal nabijatam wut, naexasitam xot Jesús pejwujajan, ¡xamal nabej nadale! Ja-am wut, ¡gracias-amde Diosliajwa, xamal makanot xoton naexasliajwam Jesús pejwujajan!

¹⁷ Mox pawujajnalis Dios jumchiliajwa jiw kaenanala ispoxanliajwa. Xatis, Dios pejjiws, matxoela nakjumchiyaxaelon kaenanala isaspoxanliajwa. Do jawux, jiw naexasis-elpi Dios pejjamechan, japi jiw kaenanala jumchiyaxaes ispoxanliajwa. Do jawut, kastikaxaesbejpi.

¹⁸ Jiw pachaempi Dios bu'weliawwas tampoel wut, ¿machiyaxaelkatlax babejchow bu'weliawwas, japi naexasis-elpi Dios? Diachwujajnakolax japi jiwlap napelsaxael Diosliajwa.

¹⁹ Dios nejxasink wut, xamal nabijasaxaelam. Ja-am wut, ¡isde pachaempoxan! ¡Dios xanaboejimbej xamal kajachawaesliajwa! Dios xamal is duilialiajwam ampathatat. Japon jumdut wut, diach ji-isbejpon.

5

Naewujajnaxan paklochowliajwa, Jesús pejwujajan naexasiti

¹ Ma amwut naewujajnaxaelen nejpaklochow, japi nej-ancianos. Japi ancianos tataeflafal kaenanala xamal, Jesús pejwujajan naexasitampim. Xanbej ancianowan. Me-ama japi, ja-anbej xan. Xan taenx, Cristo nabijat wut, tup wuton cruztat. Asamatkoi, Cristo pejme pask wut tato'laliajwa, jawut xanbej naktato'laxaelen, ancianos suapich.

² Xamal ancianos, ¡chiekal tataefulde naexasiti Jesús pejwujajan! Japi jiw, me-ama oveja, ja-aech. Dios xamal to'a japi jiw chiekal tataeflaliajwam. Samata, ¡chiekal tataefulde! Me-ama Dios nejxasink tataeflaliajwam, ¡ja-amsfulde! Nejchaxoelam wut, ¡nabej nejchaxoele': "Xan nejwesla japi jiw tataeflaliajwan. Pe nakiowa, tataeflax, Dios nato'a xot" —nabej aeche', nejchaxoelam wut! ¡Nabej nejchaxoele'bej: "Namot wut, chiekal tataeflaxaelen" —nabej aeche', nejchaxoelam wut!

³ Xamal Dios to'a japi jiw chiekal tataeflaliajwam. Tato'lam wut, ¡chiekal tato'alde! Me-ama asew paklochow, jiw tato'al wut, tato'ali, me-ama pejesclavos wut, ja-aechi pejjiwliajwa. ¡Xamallax nabej ja-aech' jasox! ¡Jesús pejwujajan naexasiti, japi jiw chiekal tato'alde, japi jiw xamal nakxataelajwa!

⁴ Cristo wajpaklokolan, japon naktato'al puexa japon pejwujajan naexasichpis. Samata, pask wuton, japon xamal kaenanala chaxduiyaxael corona, xabich pachaempox. Japox pomatkoichaliajwa. Toepaxilpox.

⁵ Ma amwut naewujajnaxaelenbej, xamal pansiachwam. Ancianos xamal tato'al wut, ¡chiekal naexasi'e! Kaenanala nakaewa nakajachawaetam wut, nejchaxoelam wutbej, ¡nejchaxoelde: "Xan kaes pejme pachaema-enil. Me-ama asew jiw, pachaempi, xan jachi-enil" —amde, nejchaxoelam wut! Dios pejjamechan, chajia lelsbox, jum-aech:

“Dios nejwesla jiw jum-aechpi: ‘Xan kaes pejme pachaeman. Me-ama asew jiw, pachaema-elpi, jachi-enil’ —aechpi. Pelax Dios kajachawaet jiw jum-aechpi: ‘Xan kaes pejme pachaema-enil. Me-ama asew jiw, pachaempi, xan jachi-enil’ —aechpi” —aechox Dios pejjamechan, chajia lelsbox.

⁶ Samata, xamal, Dios mamnikpon matabijam xot, nejchaxoelam wut, ¡nejchaxoelde: "Xan kaes pejme pachaema-enil. Me-ama asew jiw, pachaempi,

jachi-enil” –amde, nejchaxoelam wut! Asamatkoi, japon xamal kajachawaet wut, jiw xamal sitaeyaxael.

⁷ ¡Dios kawuajande xamal wewe'ppoxan kajachawaesliajwa, Dios xamal tataeflaful xot! Samata, xabich nejchaxoelam wut, ¡nejchaxoelde japoxanliajwa!

⁸ Xamal, naexasitampim Jesús pejwujajan, ¡chiekal taem! Nuth chachoel, jumbu'a wut. Nuth choefan jalwek xaeliajwa. Nadaelman Satanás, ja-aechbej, nanuamt wut tabejsliajwapon xamal, Dios xanaboejampim.

⁹ Satanás xamal naekichachajbasia wut, xamal naekichachajbasamata, ¡Dios chiekal xanaboejim! Xamal matabijam, potujnucha wajkoew, naexasiti Jesús pejwujajan, xabich nabijat. Me-ama xamal nabijatam wut, ja-aech japi.

¹⁰ Xamal kaematkoiyan nabijatam wut, Dios kajachawaesaxael chiekal pachaemaliajwam, Dios kaes xanaboejalijwambej. Dios nejxasink xot, nakmakanot pomatkoicha duilaliajwas Diosxotse, xatis Jesucristo pejjiiws xot.

¹¹ Dios puexa jiw tato'laxael pomatkoicha. ¡Jasox nej ja-aече' Diosliajwa!

Pedro toesliajwa wut ampacarta, saludo xato'apox Jesús pejwujajan naexasitiliajwa

¹² Silvano, me-ama takoewan, japon naexasit xot Jesús pejwujajan. Silvano nakajachawaet ampox carta, cha-aelaxach, lelaliajwan, xamal poxade xato'aliajwan. Ampox xamal chiekal naewujnax Jesús pejwujajan chiekal naexasisliajwam. Dios xatis chiekal nakkajachawaesful xot, matabijas, diachwujnakolax Dios naknejxasink. Samata, ¡nabej kofe' Dios xanaboejam-pox!

¹³ Jesús pejwujajan naexasiti, Babilonia paklowaxpijiw, xato'a saludos xamalliajwa. Japi Dios makanoch pejjiwaliajwa, me-ama xamal, jachiliajwa. Marcosbej, xato'a saludos xamalliajwa. Japon Marcos, me-ama taxulan wut, ja-aechon.

¹⁴ ¡Xamal nakaewa chiekal nasaludam, nakaewa chiekal nanejxasinkam xot, Jesús pejwujajan naexasitam xot!

Puexa xamal nejxasinkax chiekal duilaliajwam, asew jiw sɨapich.

Wachakalcarta, Pedro lelpox, Jesús pejwɥajan naexasitiliajwa

Pedro lelpox carta Jesús pejwɥajan naexasitiliajwa

¹ Xan Simón Pedro, Jesucristo pej-apóstolan, lelɥ ampoɥ carta. Xan nabistax Jesucristoliajwa, nato'a xot xamal naewɥajnalialjwan japon pejwɥajan. Lelɥ ampoɥ carta xato'aliajwan xamal poɥade, xamalbej naexasitam xot Jesús pejwɥajan, me-ama xan. Jesús tɥp xatis nakbɥ'welialjwa. Samata, Jesús pejpatɥpax xabich pa-om Diosliajwa, xatisliajwabej. Jesucristo xatis nakbɥ'wia. Japon pajut Dioslape. Xabich pachaembejpon.

² Dios kawɥajnax xamal xabich kajachawaesliajwapon. Kawɥajnaxbej kaes Dios xanaboejalialjwam. Xamal jachiyaxaelam, Dios chiekal matabijam wɥt, wajpaklon Jesucristobej.

Machiyaxaelpox Jesús pejwɥajan naexasiti

³ Dios puexa nakchaxduw nakwewe'pɥoxan xatis Jesucristo pejwɥajan chiekal naexasisliajwas, chiekal duilaliajwasbej, me-ama Dios nejxasink. Jasoxtat Dios puexa nakchaxduw, Cristo chiekal matabijas xot. Dios nakmakanot, me-ama japon xabich pachaem, jachiliajwas, xatis nakka-jachawaesaxtat.

⁴ Samata, xatis Jesucristo pejwɥajan naexasichpis, Dios chiekal nakka-jachawaet, me-ama jɥmdut, isasamatas pachaema-elɥoxan, me-ama asew jiw, ampathatpijiw, isful pachaema-elɥoxan, jachisamatas xatis. Samata, xatisbej isfulaxaes pachaempoxan, me-ama Dios isful.

⁵ Samata, Jesucristo pejwɥajan naexasitam xot, jxamal puexa nejpmamaxtat isfulde pachaempoxan! Ja-am wɥt, kaes chiekal matabijaxaelam Dios nejxasinkpox isfulaliajwam.

⁶ Ja-am wɥt, kaes chiekal matabijaxaelam boejtaliasliajwam babijaxan isasamatam. Satanás piach xamal xapaeja wɥt, matabijaxaelam kaes chiekal xanaboejalialjwam Dios. Ja-am wɥt, matabijaxaelam chiekal duilaliajwam, me-ama Dios nejxasink.

⁷ Ja-am wɥt, xamal kaes chiekal matabijaxaelam kajachawaesliajwam asew jiw, naexasiti Jesús pejwɥajan. Ja-am wɥt, kaes chiekal matabijaxaelam nakaewa nanejxasinkaliajwam, me-ama nakoew nejxasinkam wɥt, jachiliajwam. Ja-am wɥtbej, kaes chiekal matabijaxaelam nejxasinkaliajwam asew jiwbej, me-ama Dios xamal nejxasink.

⁸ Puexa japoxan matabijam wɥt, kaes pejme pachaemaxael. Kaes matabijaxaelambej wajpaklon Jesucristo. Samata, chiekal nabichaxaelambej Jesucristoliajwa.

⁹ Japoxan chiekal matabija-emil wɥt, matabijaximil chiekal duilaliajwam, me-ama Dios nejxasink. Ja-am wɥt, xamal, me-ama itliakla, o, atɥaj taeyaxilpi fulaelialjwa, jachiyaxaelam xamal Diosliajwa. Jachiyaxaelam, xamal nejkiowaxaelam xot Dios, japon beltaenpon babijaxan isampoxanliajwa.

¹⁰ Samata, takoew, jchiekal duilafulde asew jiw taelialjwa xamal Dios pejjiwampim! Ja-am wɥt, jnabej kofe' Dios naexasitampox!

¹¹ Ja-am wɥt, wajpaklon Jesucristo, xatis nakbɥ'wiapon, japon pijaxtat Dios tapaeyaxael pasliajwam Diosxotse, pomatkoicha wajpaklon Jesucristo tato'alxotse.

¹² Xamal japoxan chiekal matabijam. Pe kaes xamal naewhajnaxaelen chiekal nejchaxoelaliajwam. Chiekal naexasitam Jesús pejwñajan, asew jiw chajia xamal naewñajanpox.

¹³ Xan ampalthatat laejax wutfuk, xamal naewhajnaxaelen chiekal nejchaxoelaliajwam japawñajan.

¹⁴ Wajpaklon Jesucristo pijaxtat xan matabijtax xan nawemoxpox tupaliajwan.

¹⁵ Pe ampamatkoiyan chiekal naewhajnaxaelen Jesús pejwñajan, asamatkoi, xan tajwñela, xamal nejchaxoelaliajwam xan naewhajnaxpoxan.

Apóstoles taenpox Jesucristo pejpamamax

¹⁶ Majt xamal Jesús pejwñajan naewhajnax wñt, xanal jum-an: “Wajpaklon Jesucristo xajup puxa isliajwa. Japon pejme pasaxoek athñelsik” —an xanal. Japawñajan asew jiw pajut faeka-el. Xanal tajut chiekal taenx wajpaklon Jesucristo pejpamamax. Samata, xanal chiekal matabijax, diachwñajnakolax japon pejme kaxaxoek.

¹⁷ Xanal wajpaklon Jesucristo taenx wñt mñaxmatwñajtat, jawñt pax Dios xanal najum-aech Jesucristo diachwñajnakolax xabich pachaempon. Jawñt athñelsik Dios, xabich mamnikpon, jum-aechon paxñanliajwa: “Ampon taxñlan, xabich nejxasinkaxpon. Xabich nejchachaemlax japonliajwa” — aech Dios xanalliajwa.

¹⁸ Xanal, Jesús sñapichan wñt, mñaxmatwñajtatan wñt, tajut japox chiekal jumtaenx, Dios athñelsik jum-aechsik wñt.

¹⁹ Samata, xanal Jesucristo taenx wñt japamñaxmatwñajtat, kaes chiekal naexasitx profetas chajia jum-aechpoxan, japoxan chiekal ja-aech xotlisox. Samata, ichiekal naexasisfulde profetas jum-aechpoxan babijaxan isasamatam! Profetas chajia jum-aechpoxan diachwñajnakolax. Xamal matabijam wñt profetas jum-aechpoxan, matabijaxaelambej isliajwam Dios nejxasinkpoxan, babijaxan isasamatam. Samata, profetas jum-aechpoxan, me-ama lámpara wñt, ja-aechox. Me-ama aton wewe'pas lámpara itkñ'anik wñt, matabijsliajwa fñlaeyaxael poxade, ja-aech profetas naewñajanpoxan. Asamatkoi Cristo pejme pask wñt, japon pajut chiekal xamal kajachawaesaxael puxa chiekal matabijaliajwam.

²⁰ Xamal chiekal matabijam, profetas chajia lel wñt Dios pejjamechan, kaen japixot lela-el pajut pejnechaxoelaxtat. Japoxan pajut faeka-elbejpi.

²¹ Profetas jum-aech wñt asamatkoi jachiyaxaelpoxanliajwa, jumchi-el pajut nejchaxoelpoxan. Japilax jum-aech Dios pijaxtat, me-ama Espíritu Santo bñxto'as.

2

Asamatkoi asew naewhajnaxaelpox naekichachajbaliajwas Jesús pejwñajan naexasiti

¹ Chajiakolaxtat nakaejudíos naekichachajba. Japi profetakola-elpi. Asamatkoi japox jachiyaxaelbej xamalxot. Asew jiw pasaxael xamalxot. Japi xamal naewhajnaxael asawñajan naekichachajbaliajwa. Pe japawñajan diachwñajnakolaxil. Japi pajut kofaxael Jesús pejwñajan naexasitpox, japon motpon japi jiw babijaxan ispoxanliajwa. Xabich isaxaelbejpi babijaxan. Samata, Dios kamta toesaxaesi, japi jiw kastikas wñt.

² Xamalxot pasaxaelpi asawñajan naewhajnaliajwa, japi jiw naewhajnaxael japawñajan. Naewñajan wñt, xabich jiw xamalxot

isaxael babijaxan. Samata, Jesús pejwɥajan naexasis-eli babejjamechan jumchiyaxael xatis Jesús pejwɥajan naexasichpoxliajwa.

³ Japi jiw, asawɥajan naewɥajnaxaelpi xamalxot, naewɥajnaxael xamal naekichachajbaliajwa, plata japi mosliajwam. Dios nejchaxoel japi jiw kastikaliajwa. Samata, diachwɥajnakolax asamatkoi japi jiw Dios kastikaxaes.

⁴ Chajiakolaxtat Dios beltae-el asew ángeles, babijaxan is wɥt. Japi peldikon infierno poxadik. Japi ángeles mɥaxwasixawaeks cadenamɥatan. Jaxotdik itkɥa'nik. Asamatkoi, kastikamatkoi pat wɥt, Dios kastikaxael japi ángeles.

⁵ Chajiakolaxtat Noé xabich jiw fiat japi jiw babijaxan is-elaliajwa, chiekal duilaliajwapi. Dios beltae-el, japi jiw kastika wɥton. Samata, Dios xabich pina-iam to'a thilnaliajwa, that bu'laliajwa, jiwbej. Jawɥt Dios bu'wia kaen Noé, japon pijowbej, japon paxibej, japi pejwatho'bej.

⁶ Chajiakolaxtat Dios toejaf jitat Sodoma paklowaxpijiw, Gomorra paklowaxpijiwbej. Do jawɥt, thumbakal chiekal nama. Jasoxtat Dios jiw toejaf jitat, asew wachakalpijiwbej matabijaliajwa babijaxan isasamata, japibej kastikasamatas.

⁷ Dios toejaf wɥt japakolepaklowax, jawɥt kaen Lot bu'wias, duk xoton, me-ama Dios nejxasink. Dios toejafa-el wɥtɥuk, japi jiw xabich babijaxan isful wɥt, Lot xabich nejxaejwas japakolepaklowaxpijiwliajwa.

⁸ Lot duk wɥt Sodoma paklowaxxot, japon is pachaempoxan. Pomatkoicha xabich nejxaejwas, taen wɥton, wɥltaen wɥtbejpon, asew jiw babijaxan ispoxan.

⁹ Samata, matabijas, Dios xajɥp kajachawaesliajwa jiw, japi Dios xanaboejapi, bu'welialjwas, xapaejas wɥti. Kastikamatkoi pat wɥt, Dios kastikaxael jiw, babijaxan ispi.

¹⁰ Poejiw, asew watho' bu'moejtpi, japi poejiw kaes pejme kastikaxaes Dios. Jiw, nejweslapi wajpaklon tato'laspoxan, japibej Dios kastikaxaes. Xamalxot pasaxaelpi, japi jiw xamal naekichachajbaxael. Japi jiw chinax kaen aton sitaeyaxil. Nejchaxoelaxaeli: “Xatis kaes pejme matabijas. Me-ama asew jiw, jachi-esal” —chiyaxaeli, nejchaxoel wɥt. Bɥxlewlaxilbejpi babejjamechan jumchiliajwa ángelesliajwa.

¹¹ Ángeles kaes mamnik. Kaes xajɥpbejpi tato'laliajwa. Me-ama xamalxot pasaxaelpi, jachi-el ángeles. Pe nakiowa, ángeles tasalaxil wajpaklon pejwɥajnalel xamalxot pasaxaelpi asawɥajan xamal naewɥajnalialjwa.

¹² Xamalxot pasaxaelpi, japi jiw, me-ama pejmachoeff. Samata, nejchaxoel wɥt, nejchaxoelaxili pachaempoxan. Isasiapoxan isaxaeli. Me-ama pejmachoeff belialjwas wɥt, jachiyaxaesbejpi, asamatkoi, Dios chalechkal toesliajwas wɥt.

¹³ Asew jiw xabich nabijasaxael xamalxot pasaxaelpi pijaxtat. Samata, xamalxot pasaxaelpibej, asamatkoi japi xabich nabijasaxael. Japi jiw babijaxan is wɥt, asbɥan jumch nejchachaemili. Xamal sɥapich, japi jiw kaenejchaxoelaxil. Pe nakiowa, japi naknatamejlaxael, xamal sɥapich. Fiesta isam wɥt, japibej nakxaejaxael. Fiesta wɥt, xabich babijaxan isaxaeli. Japi jasox is wɥt, jumchiyaxaeli xamal naekichachajbaliajwa: “Xanal amprox isx wɥt, Diosliajwa chiekal pachaem” —chiyaxaeli. Japi babijaxan is wɥt, xamal xabich nadalaxael japi jiwliajwa.

¹⁴ Japi poejiw, asew watho' taen wɥt, nejchaxoel bu'moejsaxan. Japi jiw babijaxan isful wɥt, damla-el. Naekichachajbabejpi asew jiw babijaxan isliajwa, japi jiw pejxanaboejaxan chiekal mamnika-elpi Diosliajwa. Puexa taen wɥt, xabich nejxasinkbejpi pajutliajwakal. Samata, asamatkoi japi Dios kastikaxaes.

¹⁵ Japi jiw duil wut, chiekal napelt Diosliajwa, diachwajnakolax Dios naexasis-el xoti. Me-ama chajiakolaxtat profeta Balaam, Beor paxulan, nejchaxoel babijax isliajwa xabich plata kanaliajwa, ja-aechbej japi jiw.

¹⁶ Balaam fulaech wut babijax isliajwa, chalechkal namtat pijan bur naksiyaspon Dios pijaxtat. Me-ama aton chapaeis wut, jajumtispon pijan bur, Balaam fulae-elaliajwa. Samata, Balaam, is-el isasiapox, nejliaklax.

¹⁷ Xamalxot pasaxaelpi naewajnalialjwa, japi naewajanpox diachwajnakolaxil. Japi naewajanpoxbej asaxliajwa pachaemaxil. Satlel min nakakolsanxot minjil wut, chaemil. Pachaema-elbej asaxliajwa. Itloejen iampibej, thilna-el wut, joewa xafos wutbej, japi itloejen pachaema-elbej asaxliajwa. Jachiyaxaelbej japi jiw naewajnaaxaelpoxan xamallialjwa. Chinax asaxliajwa pachaemaxil. Samata, japi jiw asamatkoi Dios xabich kastikaxaesi. Pomatkoicha duilaxaeli itkataxxot.

¹⁸ Pasaxaelpi xamalxot, japi nakaewa najum-aech: “Xatis kaes pachaems. Me-ama asew jiw, jachi-esal” —na-aechi nakaewaliajwa. Jum-aechbejpi nejliaklaxan asew jiw naekichachajbalialjwa babijaxan isliajwa, japi sapich. Samata, japi jiw jum-aech, babijaxan is wut: “Ampox, xatis isasiapox, pachaem isliajwas” —aechi. Jasox jum-aechi jelnaexasitpiliajwa Dios, ma amwutjel kofapi babijaxan ispoxan.

¹⁹ Jum-aechbejpi: “Xamal it-ele-el Dios fiatpoxan. Samata, jisasiampoxan isde!” —aechi asew jiwliajwa. Pe japi jiw is-el Dios nejxasinkpoxan. Kofaelbejpi babijaxan ispoxan. Samata, japi jiw, me-ama babijaxan tato'lafulas wut, jatisipox.

²⁰ Jiw matabijapi wajpaklon Jesús, japon nakbu'wiapon, japi jiw kofa wut babijaxan ispoxan, ampathatpijiw ispoxan, japi jiw pejme is wut babijaxan, pajut nejxasinkpoxan, ja-aech wut, japi jiw kaes xabich pejb'u'wajan Diosliajwa. Me-ama majt pejb'u'wajan wut, jachi-eli.

²¹ Japi jiw kofa wut Jesús pejwajan naexasitpox, diachwajnakolax japi jiw Diosliajwa xabich pejb'u'wajan. Kaes pachaemaxael, japi matabijaxil wut Jesús pejwajan. Pelisi japi matabija xot Jesús pejwajan, pachaema-el japi jiw kofaliajwa Jesús pejwajan naexasitpox.

²² Jiw kofa wut Jesús pejwajan naexasitpox babijaxan pejme isfulaliajwa, japi jiw, me-ama asew jiw jumtispi: “Wur pajut chakapox pejme xael” —tispi. Japibej diachwajnakolax, me-ama asew jiw jumtispi: “Maran, jematwaenson, pejme sap naju'a” —tispi.

3

Jesucristo pejme pasaxaelpox ampathatasik

¹ Takoew, xamal xabich nejxasinkaxpim, chajia asacarta xato'ax xamallialjwa. Samata, amwutjel wachakalpijax carta lelx xamal naewajnalialjwan, nejchaxoelaliajwam pachaempoxan.

² Chiekal nejchaxoelde chajiakolaxtat Dios pejprofetas jum-aechpoxan! Nejchaxoeldebej wajpaklon Jesucristo tato'alpox, japon nakbu'wiapon! Japawajan apóstoles xamal naewajan.

³ Chiekal nejchaxoeldebej xan lelaxaelenpox kaes pejme matabijaliajwam! Mox pawajna wut ampathat toepaliajwa, japamatkoiyan asew jiw pasaxael xamalxot. Japi pajut isasiapoxan, babijaxan, xabich isaxael. Japi jiw xamal xafafolaxaelbej, bu'wajanpaei wut Jesús xanaboejampoxliajwa.

⁴ Xamal jumchiyaxaeli: “Cristo chajia pajut jumdut pejme pasliajwapox. ¿Ma-aech xotkat Cristo pejme pas-elfuk? Wajwajnapijiw xabich piach wajnajnawesful Cristo pasaxaelpox. Pe japi asban jumch tɔrafal tae-elaxtat.

Me-ama Dios ampathat is wut, ja-aechlisox puexa. Samata, Cristo pejme pasaxil” —chiyaxael japi jiw xamalliajwa.

⁵ Pasaxaelpi xamalxot, japi nejwesla pajut matabijaliajwa, chajiakolaxtat Dios is that, thatbaxobej. Japi nejweslabej pajut matabijaliajwa, sat nakol-sanpox minxotsin Dios pejjametat.

⁶ Chajiakolaxtat Dios tapaei that bu'laliajwa. Jawut jiw bu'al pothata, pejew suapich.

⁷ Thatbaxotat, ampathatatbej, amwutjel taenspoxan, japoxan pachaemsful Dios pijaxtat. Asamatkoi, Dios pajut japoxan toejafaxael jitat, kastikamatkoi pat wut. Puexa jiwbej, japi Dios naexasis-elpi, toejafaxaes.

⁸ Takoew, xamal xabich nejxasinkaxpim, wajpaklon Cristoliajwa mil waechan wut, me-ama kaematkoi wut, ja-aech japonliajwa. Japonliajwabej, kaematkoi, me-ama mil waechan wut, ja-aech. Samata, japox nabej ne-jkiowe'!

⁹ Asew jiw nejchaxoel: “Cristo makach pasaxil, me-ama chajia jumdut pasliajwa” —aechi asbuan jumch, nejchaxoel wut. Wajpaklon nejthisla-ele-el pasliajwa. Japon pin-iamatkoiyan wuajnewesful. Nejthis-elon. Pasaxilfukon, asew jiw naexasis-el xotfuk japon pejwuajan. Nejweslapon kaen aton nafa'aliajwa Diosliajwa. Nejxasinkon puexa jiw kofaliajwa babijaxan ispoxan, japi jiw isliajwa pachaempoxan.

¹⁰ Asamatkoi wajpaklon chalechkal pejme pasaxael. Me-ama kithakan chalechkal pat wut, jachiyaxael, wajpaklon pejme pask wut. Jawut, xabich thiachoenk wut, toepaxael thatbaxo. Puexa athupijiwbej toejwaxaes. Puexa ampathatat taenspibej, japoxan chiekal toejwaxaes.

¹¹ Jasoxtat puexa chiekal toepaxael. Samata, ¡chiekal duilafalde, me-ama Dios nejxasink xamal duilafalaliajwam!

¹² ¡Dios markpox, matkoi, wuajnewesfulde Jesús pejme pasliajwasik! ¡Isfulde Dios pejbichax japamatkoi kamtalejen pasliajwa! Japamatkoi pat wut, thatbaxo toejwaxaes. Ju'waxaesbej ampathat.

¹³ Do jawux, Dios isaxael pajelthatbaxo, pajelthatbej, me-ama chajia jumduton. Samata, xatis wuajnewesfulaxaes japoxan taeliajwas. Pajelthat wut, puexa jiw isfulaxael pachaempoxankal.

¹⁴ Samata, xamal takoew, nejxasinkaxpim, ¡wuajnewesfulde pajelthatbaxo, pajelthatbej! ¡Pachaempoxankal isfuldebej! Ja-amsfulam wut, wajpaklon pask wut, xabich nejchachaemlaxaelon xamalliajwa.

¹⁵ ¡Chiekal nejchaxoelde, ma-aech xot wajpaklon Jesús pas-elfuk! Japon pasaxilfuk, asew jiw naexasis-el xotfuk japon pejwuajan bu'welija was japi jiw. Japoxliajwa wajkoewan Pablobej, xatis nejxasinkaspon, cartaxot chajia lelpon xamalliajwa. Japox carta lel wut, Dios kajachawaechpon.

¹⁶ Wajkoewan Pablo lel wut cartan, kaenanula cartaxot lelon Jesucristo pejme pasaxoekpoxliajwa. Pablo cartan lelpoxan, asacartanxot, xabich tampoel xatis chiekal jummatatabijaliajwas, japon lelpoxan. Asew jiw majt pajut chiekal jummatatabija-el wutfuk, japoxan nakiowa japi naewuajan asew jiw Pablo lelpoxanliajwa. Jesús pejwuajan jelnaexasiti, japi chiekal Jesús pejwuajan naexasis-el wutfuk, japi jiwbej naewuajan asew jiw Pablo lelpoxanliajwa. Jelnaexasiti Jesús pejwuajan, asew jiw suapich, jiw naewuajan wut, japi kaes asaxan naewuajanbej Pablo lelpoxanliajwa. Kastikamatkoi pat wut, japi jiw Dios xabich kastikaxaes.

¹⁷ Takoew, xamal xabich nejxasinkaxpim, matabijam xan lelpoxan. Samata, ¡najut chiekal natataefalde xamalxot pasaxaelpi xamal naekichacha-

jbasamata, naewuajan wuti! Japi xamal naewuajnaxael kofaliajwam Dios xanaboejampox.

¹⁸ ¡Kaes matabijim wajpaklon Jesucristo, nakbu'weyaxaelpon! Xan Dios kawuajnax xamal kajachawaesliajwa Jesucristo. Dios kawuajnaxbej puexa jiw amwutjel Jesucristo sitaeliajwa, pomatkoichaliajwabej. ¡Jasox nej ja-aeche' Jesucristoliajwa!

Matxoelapijax carta, Juan lelpox

Jesucristo majt waj-ax Diosxotsepox

¹ Xanal ampox lelx xamal matabijaliajwam akaseskolaxtat wñajna chajia dukponliajwa. Japonlap Jesucristo. Akaseskolaxtat japon duk, ampathat is-esal wutfuk. Hasta amwutjelbej japon dukaful. Japon kaen xajur jiw bñweliajwa, jiw pomatkoicha duilaliajwa Diosxotse. Tajut chiekal jumtaenx, japon naksiya wut. Tajut chiekal taenxbej. Natachaemax japon is wut pachaempoxan. Tajut chiekal jachaxbej. Samata, jiw naewñajnax Jesucristo pejwñajan.

² Japon ampathatat wut, xanalxot dukpon. Xanal japon taenx. Samata, naewñajnax nejthñaxtat taenxprovan, jumtaenxprovanbej. Jesucristo majt waj-ax Diosxotse. Do jawux, to'ason ampathatasik, dukaliajwapon, xanal sñapich.

³ Xanal taenxprovan, jumtaenxprovanbej, japoxan xamal naewñajnax naexasisfulaliajwam, kaenejchaxoelaxliajwambej, xanal sñapich. Xanal kaenejchaxoelax, waj-ax Dios sñapich, Dios paxñlan, pawalpon Jesucristo, sñapichbej.

⁴ Samata, lelx ampox carta xamalliajwa, xamalbej chiekal nejchachaemlaliajwam, xanal sñapich.

Dios itliakaxpox

⁵ Jesús jum-aech, jiw naewñajan wut: “Dios babijax is-el. Samata, japon, me-ama itliakax wut, ja-aechon. Itkñatax, jachi-elon” –aech Jesús, jiw naewñajan wut. Xanal tajut jumtaenx, japon naewñajan wut jiw. Samata, xamal japawñajan naewñajnafulax.

⁶ Xatis jumtis wut: “Xanal Dios naexasitx” –tis wut, pe nakiowa, isas wutfuk babijaxan, jatis wut, nakiowa kichachajbapijwaxaes. Jatis wut, duila-xisal diachwñajnakolaxtat.

⁷ Pelax xatis isfulas wut pachaempoxankal, me-ama Dios isful pachaempoxankal, jatis wut, xatis, me-ama chiekal nakaewakolwas wut, jachiyaxaes. Jatis wut, Jesús, Dios paxñlan, kaelel nakwepelsaxael babijaxan isasprovan japon pejjal pijaxtat, tñp xoton cruztat xatisliajwa.

⁸ Xatis jumtis wut: “Xatis babijaxan is-esal” –tis wut, diachwñajnakolax xatis wajut naekichachajbas. Japox jumtis wut, jumchi-esal diachwñajnakolaxpox. Ajilbej diachwñajnakolaxpox xatisxot.

⁹ Pe xatis babijaxan isasprovan chapaeis wut Diosxot, Dios nakbeltaeyaxael babijaxan isasprovanliajwa. Jasoxtat Dios nakbeltaeyaxael, japon pachaem xot xatisliajwa, me-ama japon jumdut. Puexa wajbabijaxan isasprovan kaelel nakwepelsaxaelon.

¹⁰ Dios chajia jum-aech: “Puexa ampathatpijiw babijax isla-ele-el. Puexa jiw babijaxan ispikal” –aech Dios. Pelax jumtis wut: “Xatis is-esal babijaxan” –tis wut, diachwñajnakolax xatis naexasis-esal Dios jum-aechpox. Jatis wut, me-ama jumtis: “Dios kichachajbapijin” –tis asbñan jumch.

2

Jesucristo naksiyaxaelpox Diosxotse xatisliajwa

¹⁻² Xamal, Jesús pejwñajan naexasisfulam xot, me-ama taxikola wut, ja-am. Xan lelx ampox carta babijaxan isasamatam. Asan aton nakiowa

xamalxot babijax is wut, ja-aech wut, Jesucristo naksiyaxael Diosxotse, waj-ax Dios beltaelajwa japon aton babijax ispoxlajwa. Jesucristo babijax is-el. Pe pajut natapaeipon asajiw kimatamatlajawas cruztat. Jasox ja-aechon babijaxan ispi Dios beltaelajwas. Samata, Dios nakbeltaen, babijaxan isas wut. Jesucristo tɔp wut, tɔpa-el xatiskallajwa. Japon tɔpbej puexa ampathatpijwliajwa.

³ Isfulas wut Dios tato'alpox, xatis matabijaxaes, diachwɔajnakolax xatis matabijas Dios.

⁴ Aton jum-aech wut: "Xan Dios matabijtax" —aech wuton, pe naexasis-el wuton Dios tato'alpox, japon aton kichachajbapijin. Japon is-el Dios nejxasinkpoxan. Ja-aech wut, japon aton duka-el diachwɔajnakolaxtat.

⁵ Nejmach-aton chiekal naexasit wut Dios tato'alpox, japon xabich Dios nejxasink. Ja-aech wut, xatis matabijas, Dios suapich, kaeyax nejchaxoelspox.

⁶ Aton jum-aech wut jiwliajwa: "Xan Dios naexasitx" —aech wuton, japon chiekal dukaxael Diosliajwa. Me-ama Jesús chiekal duk pax Diosliajwa, jachiyaxaelbej japon aton, duk wut.

Pajeltato'laxpox

⁷ Takoew, xabich nejxasinkaxpim, lelx Dios tato'alpox xamallajwa, xamal nakaewa nanejxasinkaliajwam. Ampox pajeltato'laxa-el. Chajiakolaxtat xamal jumtaenam wut, naexasitam Jesucristo pejwɔajan. Japatato'lax chajia xamal jumtaenambej.

⁸ Pe nakiowa, lelx pajeltato'lax wut, ja-an xamallajwa. Diachwɔajnakolax Jesucristo naewɔajan xamal nakaewa nanejxasinkaliajwam. Xamalbej naksiyam diachwɔajnakolaxpox. Samata, matabijam diachwɔajnakolaxpox. Me-ama itliakax xenafɔl itkɔataxxot, xamalbej ja-am.

⁹ Nejmach-aton jum-aech wut: "Xan dukx Dios pej-itliakaxtat" —aech wut, japon aton nejwesla wut asew jiw, Jesús pejwɔajan naexasiti, japon aton, me-ama itkɔataxpijin wut, ja-aechon.

¹⁰ Aton nejxasinkpon Jesús pejwɔajan naexasiti, japon aton dukafɔl itliakaxtat. Japon pajut natataefɔl babijax isasamata.

¹¹ Pe nejweslapon asew, Jesús pejwɔajan naexasiti, japon aton, me-ama nanɔamt itkɔataxxot. Matabijs-elon fɔlaeyaxael poxade. Itkɔatax itliaklan, kiladofas xoton.

¹² Xan ampox lelx xamal, Jesús pejwɔajan naexasitampimliajwa. Dios beltaen xamal babijaxan isampoxanliajwa, Jesús tɔp xot nejbabijaxantat.

¹³ Xan lelx xamal pakdiachwamliajwa, matabijam xot Jesucristo. Japon wɔajna duk, ampathat ajil wutfuk. Lelxbej xamal pansiachwamliajwa, malecham xot dep pejpaklon Jesús pijaxtat.

¹⁴ Lelxbej xamal Jesús pejwɔajan naexasitampimliajwa, matabijam xot waj-ax Dios. Lelxbej xamal pakdiachwamliajwa, matabijam xot Jesucristo. Japon duk akaseskolaxtat, ampathat ajil wutfuk. Lelxbej xamal pansiachwamliajwa, chiekal Dios xanaboejam xot, naexasisfulam xotbej Dios pej-jamechan, malecham xot dep pejpaklon Jesús pijaxtat.

¹⁵ ¡Nabej nejxasinke' ampathatpijaxan! Ampathatpijaxan nejxasinkpi, japi nejxasinka-el waj-ax Dios.

¹⁶ Jiw is wut pajut isasiapoxan, babijaxan, japoxan chaemil. Jiw xabich nejxasink wut asew jiw pejew, japoxanbej chaemil. Jiw pajutliajwa xabich naksiya wut, pejewliajwa, ispoخانbej, japoxanbej chaemil. Puexa ampathatat chaemilpoxan, japoxan Dios pijaxana-el. Japoxan ampathatpijax-anlal.

¹⁷ Ampathat bijiat matatoepaful, babijaxan s̄apich, jiw nejxasinkpoxan isfulaliajwa. Pe jiw isful w̄ut Dios nejxasinkpoxan, ja-aech w̄ut, duilaxaeli pomatkoicha Diosxotse.

Diachw̄ajnakolaxxot, jaxot ajil kichachajbapox

¹⁸ Xamal, Jesús pejw̄ajan naexasitampim, matabijam mox paw̄ajnapox that toepaliajwa. Xamal chajia jumtaenam Jesucristo padaelman pasaxaelpox. Ampamatkoiyan xabich nalaelaful Cristo padaelmajiw. Samata, xatis matabijas diachw̄ajnakolax mox paw̄ajnapox that toepaliajwa.

¹⁹ Japi jiw nakola xatisxot. Samata, xatis matabijas japi jiw naexasis-eli Jesús pejw̄ajan. Japi naexasit w̄ut Jesús pejw̄ajan, japi xatisxotaxael. Pe japi jiw chajia w̄ut xatisxot, diachw̄ajnakolax japi jiw wajjiwa-el.

²⁰ Puxa xamal chiekal matabijam, Cristo to'a Espíritu Santo xamal nejmatriatanxotaliajwa. Japon xamal amw̄utjel kajachawaesful chiekal matabijaliajwam diachw̄ajnakolaxpox, diachw̄ajnakolaxa-elpoxbej.

²¹ Xan lelx ampacarta xamal matabijam xot diachw̄ajnakolaxpoxan. Lela-enil, xamal matabija-emil xot diachw̄ajnakolaxpoxan. Xamal chiekal matabijam masox diachw̄ajnakolaxan. Matabijambej masox diachw̄ajnakolaxana-el. Japi jum-aech w̄ut diachw̄ajnakolaxpox, jaxot ajil kichachajbax.

²² ¿Achankat kichachajbapijin? Kichachajbapijin, japon jum-aechpon: “Jesús Dios paxulan-el. Jesús Mesías-elbej” —aechpon. Japonbej Jesucristo padaelman. Japon naexasis-el Dios, Dios paxulanbej.

²³ Nejmach-aton naexasis-el w̄ut Jesús, japon Dios paxulanpon, japon atonbej naexasis-el Dios. Pelax nejmach-aton jum-aech w̄ut: “Jesús Dios paxulan” —aech w̄ut, japon atonlax Dios naexasit.

²⁴ Samata, ¡chiekal naexasisfulde chajia akaseskolaxtat jumtaenamproxaan! Ja-amsfulam w̄ut, kaes chiekal xanaboejaxaelam Jesús, japon paxbej.

²⁵ Jesucristo chajia jumdut pomatkoicha duilaxaespo xaponxotse.

²⁶ Xan ampo lelx xamal chiekal matabijaliajwam, masi jiw xamal nae-kichachajbasia.

²⁷ Pelis xamal nejmatriatanxot Espíritu Santo, Jesucristo to'akpon. Samata, xamal wewe'pa-el a sew jiw xamal chanaekab̄analiajwa, Espíritu Santo pajut chiekal chanaekab̄anaful xot, puxa isaxaelampoxanliajwa, xamal matabijaxaelampoxanliajwabej. Espíritu Santo pejnaew̄ajna x diachw̄ajnakolax. Japanaew̄ajna x kichachajba-el. Samata, ¡xanaboejim Jesucristo! ¡Nabej kofe'! ¡Isfulde Espíritu Santo naew̄ajanpoxan!

²⁸ Xamal, Jesús pejw̄ajan naexasitampim, ¡chiekal xanaboejim Jesucristo! Ja-amsfulam w̄ut, duilafulaxaelam nejlewla-elaxtat, hasta Jesús pejme pask w̄ut. Japamatkoitat xamal nadalaxil Jesús pejw̄ajnalel.

²⁹ Xamal chiekal matabijam Jesús xabich pachaempon. Japonbej is pachaempoxan. Samata, matabijaxaes, jiw is w̄ut pachaempoxan, japi diachw̄ajnakolax Dios paxi.

3

Jesús pejw̄ajan naexasiti, japi Dios paxipox

¹ Waj-ax Dios xabich naknejxasink. Samata, Dios nakw̄alduw Dios paxis. Diachw̄ajnakolax xatis Dios paxis. Ampathatpijiw matabija-el Dios. Samata, japi jiw xatisbej nakmatabija-el.

² Takoew, xabich nejxasinkaxpim, amw̄utjel diachw̄ajnakolax Dios paxis. Pe wajut chiekal matabija-esalfuk wajb̄u'an asamatkoi nakwemachiyaxaelpox, t̄aps w̄ut. Xatis japox matabija-esal, Dios nak-itpae-elxotfuk. Pe

nakiowa, matabijas, Jesucristo pejme pasaxoek wut, xatis japon taeyaxaes. Japamatkoitat wajbu'an, me-ama Jesucristo pejbu't wut, jachiyaxael kaenanula wajbu't.

³ Jesucristo pomatkoicha pachaempon. Is-elon babijax. Samata, kaenanula Jesucristo pejwujajan naexasichpis, chiekal duilafulaxaes. Me-ama japon, is-el babijax, jachiyaxaesbej xatis.

⁴ Puexa jiw babijaxan ispi, japi jiw is babijaxan Diosliajwa, Dios nejxasinka-elpoxan.

⁵ Xamal matabijam. Jesucristo pask ampathatasik babijaxan isaspoxan nakwepelsliajwa kaelel. Pe japon pajut babijax is-el Diosliajwa.

⁶ Samata, xanaboejapi Jesús, japi is-el babijaxan. Pelax jiw babijaxan isfulpi, japi jiw matabija-el Jesucristo.

⁷ Xamal Jesús pejwujajan naexasisfulam xot, me-ama taxikola wut, ja-am. ¡Nabey tapae' asew jiw xamal naekichachajbaliajwa! Jesucristo pomatkoicha pachaempon. Japon is-el babijax. Samata, xamalxot isfulpi pachaempoxan, japi, me-ama Cristo wut, ja-aechi.

⁸ Satanás, dep pejpaklon, chajiakolaxtat babijax isful. Kofs-elon babijaxan ispoxan. Amwutjel nakiowa isfulbejpon babijaxan. Jiw, babijaxan ispi, japi Satanás pejjiw. Samata, Jesucristo, Dios paxulan, pask ampathatasik toesliajwapon Satanás ispoxan.

⁹ Dios pejjamechan naexasiti isfula-el babijaxan, japi Dios paxi xot. Dichwujajnakolax japi Dios paxi. Samata, isfulaxili babijaxan.

¹⁰ Xatis chiekal matabijas, jiw isful wut pachaempoxan ampathatat, japi lap Dios paxi. Xatis chiekal matabijasbej, jiw isfula-elpi pachaempoxan, nejxasinka-elpipej asew jiw, japilap Dios paxi-el. Japilap Satanás paxi.

Dios paxipi nakaewa nanejxasinkpox

¹¹ Ampanaewujajna xamal chajia jumtaenam. Nakaewa nanejxasinkas wut, me-ama wajkoewkola nejxasinkas wut, jachiyaxaes asew jiwliajwa!

¹² Xatis, me-ama wajwujajnapijin, Caín, jachiyaxisal. Wajwujajnapijin, Caín, babejenpon Satanás pijaxtat. Samata, boesapon pakoewan, Abel. ¿Ma-aech xotkaton pakoewan boesa? Abel ispoxan pachaem xot Diosliajwa, japoxliajwa Caín pakoewan boesa. Caín japoxan taen wut, xabich nusasiawalpon pakoewan Abelliajwa. Caín nejwesla pakoewan. Samata, boesapon pakoewan.

¹³ Takoew, ampathatpijiw jasoxtat xamal nejwesla wut, ¡nabey nejchaxoelanuile' japoxliajwa!

¹⁴ Xatis matabijas. Majt xatis Diosliajwa, me-ama tujspis wut, jatis, isfulas xot babijaxan. Pe Jesús pejwujajan naexasich wut, kofasbej babijaxan isaspoxan. Samata, duilaxaes pomatkoicha Diosxotse. Xatis chiekal matabijas japox diachwujajnakolaxpox, nejxasinkas xot wajkoew, japi naexasiti Jesús pejwujajan. Asew xamalxot nejwesla wut asew jiw, Jesús pejwujajan naexasiti, japi jiwfuk, me-ama patupa wut, ja-aechi Diosliajwa.

¹⁵ Jiw, nejwesla wut asew jiw, japi, me-ama jiw beow. Xamal chiekal matabijam, jiw bapi asew jiw, japi duilaxil Diosxotse.

¹⁶ Jesucristo tuj xot cruztat xatisliajwa, xatis chiekal matabijas, machiyaxaes, nejxasinkas wut asew, Jesús pejwujajan naexasiti. Xatisbej jachiyaxaes. Naknejsesit wut tujpaliajwas, ¡tujpaxaes kajachawaesliajwas wajkoew! Japi xabich xatis nejxasinkas xot, jachiyaxaes japox.

¹⁷ Jesús pejw_uajan naexasitpon, kimaeyan w_ut, pe japon kajachawaes-el w_ut asew, Jesús pejw_uajan naexasiti, japi xabich wewe'pas w_ut kajachawaes-sax, kajachawaes-el w_uton, japon itpaei nejxasinka-elpox japi jiw. Me-ama Dios nejxasink asew jiw, jachi-el japon kimaeyan.

¹⁸ Takoew, xamal j_um-an ampox. Wajnejxasiyax asew jiwliajwa, j_umchiyaxisal chimiajamechankal. Kajachawaech w_ut asew jiw, Jesús pejw_uajan naexasiti, jatis w_ut, itpaeis diachw_uajnakolax xatis nejxasinkaspox japi jiw.

Dios paxi, padala-elpox Diosliajwa, japi pachaem xot

¹⁹⁻²⁰ Asew jiw nejxasinkas w_ut, Jesús pejw_uajan naexasiti, jatis w_ut, xatis matabijas, xatis isas Dios nejxasinkpox.

Pe babijax isaspoxliajwa xabich nejchaxoelafulas w_ut, nejchaemilas w_utbej, ja-aech w_ut, nakiowa pachaemsfuk Diosliajwa. Dios kaes pejme pachaem. Me-ama xatis, jachi-el Dios. Puexa pajut matabijton xatis isaspox-anliajwa.

²¹ Takoew, xatis chiekal matabijas wajb_ut'w_uajan jisalpox Diosliajwa. Jatis w_ut, chiekal matabijas chiekal pachaemspox Diosliajwa.

²² Dios nakchaxduiyaxael puexa w_uljowspoxan, naexasisfulas xot japon tato'alpoxan, isas xotbej japon nejxasinkpoxan.

²³ Dios nakto'a xatis naexasisfulaliajwas Dios pax_ulan Jesucristo pejw_uajan. Dios nakto'abej nakaewa nanejxasinkafulaliajwas.

²⁴ Dios tato'alpox naexasisfulpi, japi jiw chiekal xanaboejaful Dios. Dios-bej chalafulas japi jiw. Dios to'ak Espíritu Santo wajmatp_uatanxotaliajwa. Samata, chiekal matabijas Dios nakchalafulpox.

4

Amxot j_um-aechpox, ma-aech jiw duil w_ut pejmatp_uatanxot Espíritu Santopi

¹ Takoew, xamal xabich nejxasinkaxpim, ¡chiekal xan nanaewe'e! Xabich profetakola-eli, japi amp_uathatpijiw naekichachajbaful. Samata, najut natataeflam w_ut, ¡chiekal natataeflafulde! Asew jiw pajutliajwa naj_um-aech w_ut: “Espíritu Santo j_um-aech xanalliajwa. Samata, xanal japoxan j_um-an xamalliajwa” —aech w_uti, ¡xamal kamta nabej naexasis japox! ¡Majt chiekal taem, diachw_uajnakolax japi jiw naew_uajan w_ut Diosliajwa!

² Ja-am w_ut, xamal chiekal matabijaxaelam, japi diachw_uajnakolax j_um-aech Espíritu Santo pijaxtat. J_um-aech w_uti: “Diachw_uajnakolax Jesucristo pat w_ut amp_uathatat, nalaelton kaeow atowtat. Me-ama yamxi amp_uathatat nalaela w_ut, ja-aech, Jesucristo nalaelt w_ut amp_uathatat” —aech w_uti, japi jiw diachw_uajnakolax j_um-aech Espíritu Santo pijaxtat.

³ Asewlax j_um-aech w_ut: “Jesús Dios pax_ulna-el” —aech w_uti, japi jiw Espíritu Santo chala-esal. Dios pejjiwa-elbejpi. Japilax dep pijaxtat naksiya. Samata, japi Cristo padaelmajiw. Xamal chajia j_umtaenam Jesucristo padaelman pasaxoekpox. Pelis Jesucristo padaelman amp_uathatatlison.

⁴ Xamal naexasitampim Jesús pejw_uajan, Dios pejjiwampim. Espíritu Santo xamalxotpon, japon kaes pejme mamnik. Me-ama Cristo padaelman amp_uathatat, jachi-el Espíritu Santo. Samata, xamal malecham naekichachajbapijiw, naexasis-emil xot japi naew_uajanpoxan.

⁵ Japi amp_uathatpijiwkal. Samata, naksiyaful amp_uathatpijaxankalliajwa. Japi jiw naew_uajan w_ut, amp_uathatpijiwkalpi chiekal naewech japi naew_uajanpoxan.

⁶ Pe xatislax Dios pejjiws. Samata, Dios pejjamechan naexasiti naew_uajnas w_ut, chiekal naknaewet w_ut, naexasitbejpi. Asewlax, Dios pejjiwa-elpi,

naknaewes-el, naewuajnas wut Dios pejjamechan. Naexasis-elbejpi. Ja-aech wut, matabijas, masi jiw, pejmatpuatanxot Espiritu Santo. Ja-aech wut, matabijasbej, masi jiw naekichachajbapijiw.

Jiw nakaewa nanejxasinkaxelpox, Dios xabich nejxasink xot pejjiw

⁷ Takoew, xamal nejxasinkaxpim, Dios pajut xatis nakkajachawaet asew jiw nejxasinkaliajwas. Samata, nakaewa nanejxasinkafulaxaes. Nejmachjiw nejxasinkpon, japon Dios paxulan. Japon aton chiekal matabijtbej Dios.

⁸ Dios puexa jiw nejxasink. Nejxasinka-elpon asew jiw, japon aton Dios matabijs-el.

⁹ Dios to'ak wut kaekolan paxulan ampathatasik, japox is wut, Dios nakitpaei pejnejasiyax xatisliajwa. Samata, naexasich wut Jesús pejwujajan, xatis pomatkoicha duilaxaes Diosxotse.

¹⁰ Dios jasox is wut, nak-itpaeipon nejxasiyax diachwujnakolaxpox. Dios to'ak kaekolan paxulan, japon tupaliajwa cruztat nakwemosliajwapon babijaxan isaspoxanliajwa. Xatis nejxasinkaspox Diosliajwa xabicha-el. Me-ama Dios naknejxasinkpox, jachi-el wajnejxasiyax Diosliajwa.

¹¹ Takoew, xamal nejxasinkaxpim, jasoxtat xatis Dios naknejxasink xot, jnakaewa chiekal nanejxasinkde kaenanula!

¹² Xatis wajut tae-esal Dios. Pe nakiowa, xatis nakaewa nanejxasinkas wut, jatis wut, jiw chiekal matabija Dios nakchalafulpox xatis. Jatis wut, jiw chiekal matabijabej Dios pejnejasiyax kaesfulpox xatisxot.

¹³ Dios to'ak Espiritu Santo wajmatpuatanxotaliajwasik xatis wajut chiekal matabijaliajwas Dios pajut nakchalafulpox.

¹⁴ Xanal tajut taenx Dios paxulan. Japoxlap asew jiw chapaeixbej, waj-ax Dios paxulan to'akpox ampathatasik japon bu'welijaajwa ampathatpijiw.

¹⁵ Aton, jum-aechpon: “Jesúslap, Dios paxulan” –aechpon, japon diachwujnakolax Dios xanaboejsful. Japon aton Dios chalafulas ampathatat.

¹⁶ Do ja-aech wut, xatis chiekal matabijas Dios naknejxasinkpox. Jawutbej, chiekal xanaboejas Dios pejnejasiyax. Jiw, nejxasinkpi Dios, japi jiw diachwujnakolax Dios chiekal xanaboejaful. Japi Dios chalafulasbej.

¹⁷ Jasoxtat Dios pejnejasiyax xatisxot kaesful. Samata, wajlewlixil, Dios kastika wut jiw babejchow. Xatis wajlewlixilbej, chiekal matabijas xot, xatis nakaewa nanejxasinkas, me-ama Jesús naknejxasink.

¹⁸ Jiw nakaewa nanejxasink wut, jaxot ajil pejlewax. Poklanejasiyaxxot, jaxot atuj pejlewax. Jiw pejlewla wut, japi pejlewla, chiekal matabija xoti kastikaxaespo. Samata, nejmach-aton pejlewla wut, japonfuk chiekal nejxasink-el asew jiw.

¹⁹ Dios matxoela naknejxasink xatis. Samata, amwutjel xatisbej japon nejxasinkas.

²⁰ Aton jum-aech wut: “Xan Dios nejxasinkax” –aech wuton, pe japon asew jiw nejxasinka-el wut, japon kichachajbapijin. Japon aton nejxasinka-el wut asew jiw, taenpi, japon nejxasinka-elbej Dios, taeyaxisalpon.

²¹ Ampoxlap Jesucristo xatis nakjum-aech: “¡Dios nejxasinkpi, japi jiw nejxasinkbej asew jiw!” –aech Jesús xatisliajwa.

5

Jesús pejwujajan naexasiti isaxilpox babijaxan, ampathatpijiw isfulpoxan

¹ Puexa jiw nejchaxoel wut, jum-aech wuti Jesúslija: “Japon Mesías, Dios to'ason” –aech wuti, japi jiw Dios paxi nadofa. Aton nejxasink wut asan aton, japon nejxasinkbej japon paxi.

² Samata, xatis waj-ax Dios nejxasinkas wut, isas wutbej Dios nak-tato'alpoxan, jatis wut, chiekal matabijas, xatis nejxasinkaxaes Dios paxipi.

³ Xatis Dios nejxasinkas wut, naexaxisaxaesbej japon tato'alpoxan. Japoxan xabich tampoela-el xatis naexaxisliajwas.

⁴ Puexa Dios paxipi, japi jiw duilafulaxael Dios pejkajachawaesaxtat babi-jax isasamata ampthatat, japi chiekal Dios xanaboejaful xot.

⁵ Naexaxisfulpi Jesús, Dios paxulanpon, japi jiw isaxil ampthatpijiw isfulpoxan, babijaxan.

Jesucristo Dios paxulanpox

⁶ Jesucristo nalaelt ampthatat. Do baxael, jiw chiekal matabijaspon, japon Dios paxulanpon, bautisas wuton mintat, tɔp wutbejpon cruztat. Jaxot japon pejjal nakola. Samata, bautisaxkala-el. Boesasbejpon. Espiritu Santo pajut jum-aechbej, achan japon. Espiritu Santo jum-aech diachwɛajnakolaxpoxkal.

⁷⁻⁸ Jiw chiekal matabija Jesucristo diachwɛajnakolax Dios paxulanpon, japonliajwa Espiritu Santo japox jum-aech xot, bautisas xotbej mintat, tɔp xotbejpon cruztat. Japanejchaxoelaxan, tres nejchaxoelaxanliajwa, jiw chiekal matabija diachwɛajnakolax Jesucristo Dios paxulan.

⁹ Jiw jum-aechpox, diachwɛajnakolax wut, xatis japox naexasich. Pe kaes pejme naexasich Dios jum-aechpox, pachaem xot naexaxisliajwas. Samata, naexaxisfulas Dios nakjum-aechpox paxulanliajwa.

¹⁰ Jiw naexasiti Dios paxulan pejwɛajan, diachwɛajnakolax japi jiw naexasit Dios jum-aechpox. Pelax jiw naexasis-eli Jesús pejwɛajan, japon Dios paxulanpon, japi jiw nejchaxoel Diosliajwa: “Dios naekichachajbarijin” – aechi, nejchaxoel wut, naexasis-el xoti Dios jum-aechpox paxulanliajwa.

¹¹ Dios jum-aech amprox: “Xan jiw kajachawaetx taxulan pijaxtat pomatkoicha duilaliajwa xanxot.

¹² Taxulan pejwɛajan naexasiti, japi pomatkoicha duilaxael xanxot. Pelax asew jiw, taxulan pejwɛajan naexasis-elpi, japi duilaxil xanxot” – aech Dios.

Taxdukanaewɛajnaxan ampacartatat

¹³ Xan amprawɛajan lelɔ xamal naexasitampimliajwa Dios paxulan, chiekal matabijaliajwam pomatkoicha duilaxaelamprox Diosxotse.

¹⁴ Xatis chiekal Dios xanaboejas, matabijas xot, Dios naknaewet, xatis kawɛajnas wut, me-ama Dios nejxasink.

¹⁵ Xatis chiekal matabijas, Dios nakjumtaen, kawɛajnas wut. Samata, Dios kawɛajnas wut, chiekal matabijasbej Dios nakchaxduiyaxaelpox, wɛljows wut kawɛajnaxtat.

¹⁶ Taenam wut, Jesús pejwɛajan naexasiti babijaxan is wuti, japiliajwa Dios kawɛajande! Dios kawɛajnam wut, japi Dios kajachawaesaxaes kofaliajwa babijaxan ispoxan. Ja-aech wut, pomatkoicha duilaxaeli Diosxotse. Pe asax babijax xabich kaes chaemil. Japox jiw is wut, diachwɛajnakolax napelsaxaeli Diosliajwa pomatkoicha. Xamal taenam wut, asew, Jesús pejwɛajan naexasiti, japox babijax is wuti, xabich chaemilpox, xan jumchi-enil: “¡Dios kawɛajande japiliajwa!” – chi-enil.

¹⁷ Puexa babijaxan jiw is wut, japoxan chaemil Diosliajwa. Puexa japoxan Dios nejwesla. Pe puexa japababijaxan is wuti, japi jiw napelsaxil.

¹⁸ Chiekal matabijas amprox. Waj-ax Dios paxipi isfulaxil babijaxan, Dios paxulan, Jesucristo, tataeflas xot japi jiw. Samata, Satanás, dep pejpaklon, machiyaxil japi jiw tabejsliajwapon.

¹⁹ Xatis chiekal matabijas, Dios paxispis. Chiekal matabijasbej Satanás tato'alpox ampathatpijiw.

²⁰ Xatis chiekal matabijasbej, Dios paxulan pask wət, japon nakka-jachawaetbej xatis chiekal matabijaliajwas Dioskolan. Samata, xatis kaeyax nejchaxoels, Jesucristo sɛapich. Japon diachwɛajnakolax, Dios paxulankolan. Nakkajachawaetbejpon xatis pomatkoicha duilaliajwas, japon pajut duk xot pomatkoicha.

²¹ Xamal naexasitpim Jesús pejwɛajan, ¡chiekal najut nataefalde ídolos kawɛajnasamatam! ¡Kawɛajnafalde kaen Dioskal!

Wachakalpijax carta, Juan lelpox

Amxot jum-aechpox diachwujnakolaxpox, nejxasiyaxbej

¹ Xan, anciano, lelx ampacarta xamal Dios naexasitampimliajwa, xamal Dios makanotpimliajwa. Diachwujnakolax xamal xabich nejxasinkax. Xan kaenan xamal nejxasinka-enil. Puexa asew jiw chiekal matabijapi diachwujnakolaxpox, japi jiwbej xamal nejxasink.

² Xamal nejxasinkax, xatis puexa naexasich xot diachwujnakolaxpox Diosliajwa. Amwutjel japox naexasisfulas. Japox naexasisfulaxaes pomatkoicha.

³ Xan kawujnax waj-ax Dios, paxulan Jesucristobej, japi xamal xabich kajachawaesliajwa, beltaeliajwabejpi, chiekal duilaliajwambej, asew jiw suapich. Xan waj-ax Dios kawujnax, Jesucristobej, diachwujnakolax xamal nejxasinkam xot Dios.

⁴ Xan xabich nejchachaemlax, taenx wut asew jiw xamalxot kofa-elpox naexasisfulpox Jesús pejwujajan. Japi jiw chiekal duilaful, me-ama waj-ax Dios naktato'al duilafulaliajwas, asew jiw naekichachajba-elaxtat.

⁵ Takoew, xamal nejxasinkaxpim, to'ax nakaewa nanejxasinkaliajwas. Japatato'lax jela-el. Japatato'lax chajiakolaxtat xatis jumtaens wut, naexasisfulas.

⁶ Dios tato'alpox naexasisfulas wut, asew jiw chiekal nakmatabija xatis Dios nejxasinkaspox. Dios tato'alpox nakjum-aech: “¡Xatis nakaewa nanejxasinkaxaes pox kaematkoisful!” —nak-aechox, tato'al wut. Japox xatis chajia chiekal matabijas, akaseskolaxtat naexasisfulas wut Jesucristo pejwujajan.

Ampathatat xabich maenkpox naekichachajbapijiw

⁷ Ampathatat xabich maenk naekichachajbapijiw. Japi asew jiw naewujajan. Japi naexasis-el Jesucristo, Dios paxulan paskpon atontat ampathatat. Jasox nejchaxoelpi, japilap jiw naekichachajbapijiw. Japibej Jesús padaelmajiw.

⁸ ¡Xamal kaenanula najut chiekal natataeflfulde napelsasamata nabistam-poxanliajwa, Dios chaxdusaxaelpox chiekal puexa kifisliajwam!

⁹ Xamal naexasisfulam wut Jesucristo naewujajanpox, ja-am wut, waj-ax Dios, japon paxulan Jesucristobej, xamal kajachawaesfulaxael. Pe asax naexasisfulam wutlax, ja-am wut, Dios xamal kajachawaesfulaxil.

¹⁰ Nejmachjiw pat wut xamalxot naewujajnalijwa asawujajan, japi jiw naexasis-el wut Jesús naewujajanpox, japi to'im asalel! ¡Nabej tapae' nejba leliajwa asawujajan xamal naewujajnalijwapi! ¡Moi! —¡nabej aeche'bej japi jiw!

¹¹ Japi jiw bu'kulaxaelam wut, tapaejaxaelam wutbej nejba leliajwa, ja-am wut, japi pejnaewujajnax, babijaxpox, xamal, me-ama kajachawaesaxaelam.

Amxot Juan kitoesaxaelpox lelpox

¹² Xan xabich wujajan xamal naewujajnalijwan. Pe xanliajwa chiekal nawepachaema-el japoxan lelaliajwan cartatat. Xanlax tajut chiekal nospaesian, xamal suapich. Samata, asamatkoi xamalxot patx wut, nospaejaxaes kaeyaxtat, chiekal nejchachaemlaliajwas.

¹³ Amxot duili, naexasiti Jesús pejwujajan, Dios makanochpi, japibej saludos xato'a xamalliajwa.

Trespijax carta, Juan lelpox

Juan lelpox chamoeyaxan Gayoliajwa

¹ Gayo, xan, anciano, lelx ampox carta xamliajwa. Xam tajnachalnam, xabich pachaemamponam xanliajwa. Diachw_uajnakolax xam nejxasinkax.

² Takoewan nejxasinkaxponam, me-ama xam pachaemam Diosliajwa, xan Dios kaw_uajnax puexa pachaemaliajwa xamxot, b_u'xaenkasamatambej.

³ Xan xabich nejchachaemlax, wajkoew pa'an w_ut, japi xan nachapaei w_ut xam chiekal naexasisfulampox Dios.

⁴ Jiw, naexasiti Jesús pejw_uajan, xan naew_uajnax w_ut, japi jiw, me-ama taxikola w_ut, ja-aechi xanliajwa. Samata, xan xabich nejchachaemlax, w_ultaenx w_ut japi chiekal duilaf_ulpox diachw_uajnakolaxtat.

⁵ Takoewan, xam nejxasinkaxponam, pomatkoicha isam pachaempoxan asew jiwliajwa, japi naexasiti Jesús pejw_uajan. Japi, me-ama wajkoew. Asew jiw, asat_uaj_nuchanpijiw, nejbaxot pat w_ut, nakiowa xam japi chiekal b_u'k_ulam. Kajachawaetambej.

⁶ Xamxot nawenpi natamejlaxtat xanal nachapaeipi xam xabich nejxasinkampox japi. Japi, wajkoew, pejme xamxot pat w_ut, j_nawekajachawae'e Dios nejxasinkpoxtat, japi f_ulaeliajwa w_ut asat_uaj_nuchanlel!

⁷ Japi nan_uamt Jesús pijaxtat isliajwa Jesús pijax, bichax. Kajachawaesax kinos-eli naexasis-eli Dios. Japi kinotlax kajachawaesax Jesús pejw_uajan naexasitpikal.

⁸ Samata, xatis japi kajachawaesaxaes, japi jiw naew_uajan w_ut Dios pejjamechan. Japox isas w_ut, xatis kajachawaech naew_uaj_naf_ulaliajwapi diachw_uajnakolaxpox.

Diótrefes ispox babijaxan

⁹ Xan chajia lelx asacarta japi Jesús pejw_uajan naexasitiliajwa xamxot. Pe Diótrefes nejchaxoela-el naexasisliajwa, xanal cartaxot lelx w_ut j_um-anpox, japon pajut jiw tato'lasia xot.

¹⁰ Asamatkoi xamalxot patx w_ut, chapaeyaxaelen xamal nejw_uajnalel japon ispoxanliajwa xanalliajwa. Japon j_um-aech kichachajbapoxan xanalliajwa. Kaes chaemilpoxan isfulbejpon. Kajachawaes-elon wajkoew, japi nabistpi Jesúsliajwa, pat w_uti japonxot. Tapae-elbejpon asew wajkoew, japi kajachawaesasia w_ut japi patpi. Japi kajachawaet w_ut wajkoew, iglesiaxot nakolax to'apon.

¹¹ Takoewan Gayo, nejxasinkaxponam, j_nabej is babijaxan, me-ama asew jiw isful! j_xamlax isde pachaempoxan! Pachaempoxan ispi, japi Dios pejjiw. Asew jiw_lax, ispi babijaxan, japi jiw chiekal matabija-el Dios.

¹² Amw_ut j_umchiyaxaelen Demetrioliajwa. Puexa jiw chiekal naksiya japonliajwa. Chiekal naexasisfulon Dios pejjamechan, diachw_uajnakolaxpox. Xanalbej naksiyax pachaempoxan japonliajwa. Xam matabijtam xanal j_um-anpoxan diachw_uajnakolax.

Amxot Juan lelpox kitoesaxael

¹³ Xan xabich w_uajan xam j_umchiliajwan. Pe nejxasinka-enil lelaliajwan japoxan ampacartatat.

¹⁴ Xanlax tajut chiekal nospaesian, xam s_uapich, nejchaxoelx xot xamal taeyax. Jaw_ut chiekal nospaeyaxaes.

¹⁵ ¡Puexa jiw xamxot chiekal nej duile' wuajanxilaxtat! Nejnachala, amxoti, japi xato'a saludos xamliajwa. ¡Kaenanula nawesaludam wajnachala!

Judas lelpox carta Jesús pejuajan naexasitiliajwa

Judas lelpox carta Jesús pejuajan naexasitiliajwa

¹ Xan Judas, Santiago pakoewnan, nabistax Jesucristoliajwa. Xan lelx ampox carta xamal waj-ax Dios nejxasinkpimliajwa. Dios xamal makanot japon pejjiwaliajwam. Jesucristobej pomatkoicha xamal tataeflaful.

² Xan Dios kawajna xamal beltaeliajwa, kajachawaesliajwabejpon chiekal duilaliajwam, a sew jiw sapich. Dios kawajna xbej xamal nakaewa nanejxasinkaliajwam.

Judas naewajanpox naexasiti Jesús pejuajan a sew jiw naekichachajbasamatas

³ Takoew, xamal xabich nejxasinkaxpim, xan kaes lelasian chiekal matabijaliajwam wajpaklon nakbu'weyaxaelpox. Pe japox lelaxinil ampapelfutat. Xan wultaenx a sew jiw xamalxot patpox. Japi pat xamal naewajnalialjwa, naekichachajbalialjwabej. Samata, lelaxaelen xamal naexasisasamatam japi jiw naewajanpoxan. Pe japi naewajanpoxan chiekal najapa-el, Dios pejuajan sapich, xatis naexasisliajwaspox. Japawajan pomatkoichaliajwa. Samata, japi jiw buxfia'e buxkofaliajwa naewajanpoxan!

⁴ A sew jiw xamalxot pat. Japi pat xamal naekichachajbalialjwa. Japi, me-ama Jesús pejuajan naexasit wut, jakabuan-aechi. Pe japi jumchi-el diachwajnakolaxpox. Asbuan jumch jum-aechi: “Dios nakbeltaen xatis babijaxan isaspoxanliajwa. Samata, kaes babijaxan isfulas wut, Dios nakkastikaxil” —aechi asbuan jumch. Naexasis-eli Jesucristo, japon kaenpon wajpaklon, japi isfulaliajwabej Jesucristo nejxasinkpoxan. Samata, asamatkoi Dios kastikaxaesi. Me-ama Dios chajia jum-aech japi jiwliajwa, jasox jachiyaxaes japi jiwliajwa.

⁵ Diachwajnakolax xamal matabijamlis lelaxaelenpox. Pe nakiowa, lelaxaelen kaes chiekal nejchaxoelaliajwam ampox. Chajiakolaxtat wajpaklon Dios bu'wia wut pejjiw, israelitas, Egipto tujajuxot ampatujnuleldin, do jawux, japixot a sew toech, naexasis-el wuti Dios tato'laspoxan.

⁶ ¡Nejchaxoeldebej Dios kastikapox asamutpijiw, ángeles! Japi ángeles nejwesla isliajwa Dios tato'alpoxan. Samata, japi ángeles kofa Dios pijax bichax. Ja-aech wut, japi ángeles itkataxxotdik jias. Japi jaxot machiyaxil nakolaliajwa. Japi ángeles wujajawet Dios kastikaliajwas. Asamatkoi, kastikamatkoi pat wut, jiw babijaxan ispi pomatkoicha kastikaxaes. Jawut japi ángelesbej kastikaxaes.

⁷ Nejchaxoelam wut, ¡nejchaxoeldebej Sodoma paklowaxpijiwliajwa, Gommorra paklowaxpijiwliajwabej, a sew jiw, mox duilpiliajwabej japapaklowaxanxot! Japapaklowaxanpijiw nakaepojwa nabu'moejt. Watho'bej nakaewatho'a nabu'moejt. Samata, Dios to'a jit, pinjiyax, natacholnaliajwa japapaklowaxan poxasik. Jasoxtat japapaklowaxanpijiw toejafas. Samata, amwutjel puexa jiw, babijaxan ispi, pajut chiekal matabija Dios asamatkoi jitat kastikaxaes poxan pomatkoichaliajwa. Japajit toepaxil.

⁸ Poejiw, xamalxot patpi, japi pat xamal naekichachajbalialjwa. Japi babejchowbej. Me-ama pejuajnapijiw, ja-aech japi poejiw. Japi poejiw babijaxan is, masoxtat taenpoxan, a sew jiw tae-elpoxan. Nejweslabejpi Dios tato'alpoxan isliajwa. Japi jum-aechbej babejjamechan Dios pej-ángesliajwa.

⁹ Dios pej-ángel, japon pawulpon Miguel, puexa Dios pej-ángeles tato'lan, jumchi-elon kaejame, babejjame, Satanásliajwa. Me-ama poejiw, xamalxot patpi, jum-aech babejjamechan Dios pej-ángelesliajwa, jachi-el Miguel. Chajiakolaxtat Moisés tɔp wɔt, Satanás fisasia Moisés pejbɔ't. Pe jawɔt, Miguel kitapae-el Satanás fisliajwa Moisés pejbɔ't. Jawɔtbej Miguel jumchi-el babejjamechan Satanásliajwa. Asbuan jumch jum-aechon Satanásliajwa: “¡Dios xam nej kastike'!” –aechon.

¹⁰ Pelax poejiw, xamalxot patpi, babejjamechan jum-aech pajut jummatabija-elpoxanliajwa. Me-ama choef matabija-el isliajwa, ja-aech japi jiw. Samata, Dios kastikas wɔt, toesaxaesi.

¹¹ Diachwɔajnakolax japi jiw Dios xabich kastikaxaes, babijaxan is xot, me-ama Caín babijax is chajiakolaxtat, ja-aech xoti. Xabich platakal kanasiapi. Me-ama profeta Balaam isasia, chajia laeja wɔt, ja-aechlap-is japi jiw. Samata, japi jiw Dios pejjamechan naewɔajan wɔt, chiekal naewɔajna-el. Japibej pajut naexasis-el Dios tato'alpoxan. Chajiakolaxtat Coré naexasis-el wɔt Moisés tato'alpox, japon tɔp, Dios kastikas wɔt. Xamalxot patpi, jachiyaxaeslap-is. Dios kastikas wɔti, japibej tɔpaxael.

¹² Xamal natamejlam wɔt xaeliajwam kaeyaxtat, jawɔt japibej xamalxot pat xaeliajwa, xamal sɔapich. Xamal nadala japiliajwa. Pelax japi padaeyax chiekal wejisal, xamal sɔapich, xaeliajwa, feliajwabej. Xabich xael wɔti, japi xanejchadɔs-el asew jiw, puexa jiw kaechxajɔpaliajwa. Me-ama oveja tataeflan, nejchaxoel pejew oveja chiekal tataeflaliajwa, jachi-el japi jiw. Nejchaxoel asbuan jumch pajut natataeflaliajwa. Nejchaxoela-eli xamal tataeflaliajwa. Japi ispoxan xabich pachaema-el. Me-ama itloejen, iampi, joewa xafos, ja-aech japi jiw, pachaema-el xot asew jiwliajwa. Me-ama naebaechnae baechjil wɔt, kaelel tɔp, ja-aechlap-is japi jiw, pachaema-el xoti asew jiwliajwa. Japibej, me-ama nae, potathina chakuchnae, kaelel fo'aliajwas, ja-aech japi jiw.

¹³ Japibej, me-ama pintruxan pijabaspo x pamaklelde pɔtase oelaliajwa, ja-aech japi jiw, isful xot babijaxan, padalapoxan. Japibej, me-ama ithaej fol wɔt, matxalpi, ja-aech japi jiw. Pomatkoicha japi jiw Dios kastikaxaes. Samata, duilaxaeli itkɔataxxot.

¹⁴ Enoc chajiakolaxtat duk. Japon Adán pamon. Enoc Dios kajachawaech xot, jum-aechon ampo x: “Wajpaklon Dios asamatkoi xabich pin-iakola pej-ángeles bɔ'pasaxael.

¹⁵ Dios tasalaxael puexa jiw, pejbɔ'wɔajanpi, japi jiw is-el xot japon tato'alpoxan. Kastikaxaelbejpon puexa jiw, jum-aechpi babejjamechan Diosliajwa” –aech Enoc. Enoc chajia jum-aech japoxliajwa, matabijt xot asamatkoi xamalxot pasaxaelpiliajwa.

¹⁶ Japi jiw, xamalxot patpi, jum-aechi babejjamechan puexa jiwliajwa. Puexa pachaem wɔtbej japi jiwliajwa, nakiowa jum-aechful babejjamechan japoxanliajwa. Babijaxan isbejpi, pajut isasiapoxan. Do jawɔx, japi ispoxan asew jiw chapaeipi sitaeliajwas. Jum-aechbejpi asew jiwliajwa: “Xam chiekal pachaemam” –aechbejpi chaxduiliajwas wewe'paspo xan.

Judas naewɔajanpo x Jesús pejwɔajan naexasiti naekichachajbasamatas

¹⁷ Takoew, xamal xabich nejxasinkaxpim, nejchaxoelam wɔt, ¡nejchaxoelde Jesucristo pejjiw, apóstoles, chajia jum-aechpo x!

¹⁸ Japi apóstoles chajia jum-aech: “Matkoiyan toepax wɔajna, jiw jumchiyaxael babejjamechan Dios pejjamechanliajwa. Bɔ'wɔajanpaeyaxaelbejpi Dios pejjiw. Xabich babijaxan isaxaelbejpi, pajut isasiapoxan” –aech apóstoles.

¹⁹ Japi jiw xamalxot naewuajan wut, jiw kaenejchaxoelaxil. Samata, xabich jiw nasalaxael. Japi, xamalxot patpi, isful babijaxan, pajut isasiapoxan. Japi jiw pejmatpuatanxot jil Espiritu Santo.

²⁰ Takoew, xamal nejxasinkaxpim, ¡chiekal naexasisfulde Jesús pejwajan, Dios kaes chiekal xanaboejalijawam! ¡Dios kawuajandebej, me-ama Espiritu Santo xamal tato'al kawuajnalijawam Dios!

²¹ Dios xamal xabich nejxasink. Samata, Dios to'a xot, ¡xamal chiekal duilde! ¡Wuajnewesfulde wajpaklon Jesucristo fuloeyaxoekpox, xamal pomatkoicha duilalijawam Diosxotse, xamal beltaen xoton babijaxan isampoxanlijawam!

²² Asew jiw chiekal naexasis-elfuk Jesús pejwajan. Samata, naewuajnam wut, ¡japi jiw chiekal naewuajande, japi bej chiekal naexasislijawam Jesús pejwajan!

²³ Jiw, naexasis-eli Jesús pejwajan, japi jiwlijawam chachoel, infierno poxaxaek xoti. Samata, ¡xamal kamta naewuajande japi jiw chiekal jummatabilijawam, Dios bu'welijawam infierno poxasamatapi! Asew jiwlijawam tampoel Jesús pejwajan, japi jiw chiekal jummatabilijawam. Samata, ¡japi jiw chiekal naewuajande naexasislijawam Jesús pejwajan! Japi babijaxan is wut, ¡xamal japoxan nabej nejxasinke'! ¡Chiekal taem xamalbej isasamatam babijax, japi jiw babijaxan is wut!

Puexa Jesús pejwajan naexasiti, japi chimiajamechan jumchiyaxaelpox Dioslijawam

²⁴⁻²⁵ Kaen Dios, japon xatis nakbu'weyaxael babijaxan isaspoxanlijawam. Japon naktataeflaxael isasamatam babijaxan. Asamatkoi, nuilaxaes wut Dios pejwajnalel, wajpaklon Jesucristo tuxot babijaxan isaspoxanlijawam, bu'wajanxilaxaes Dioslijawam. Jaxotaxaes wut, Dios pejitliakax taens wut, xabich nejchachaemlaxaes. Samata, jumchiyaxaes Dioslijawam: “¡Xam xabich pachaemam!” —chiyaxaes, xabich mamnik xoton. Puexa jiw matabijaxael Dios. Japon xajup puexa jiw tato'lalijawam. Jasoxtat Dios chajiakolaxtat majt puexa jiw tato'al. Amwutjel nakiowa, ja-aechfuk japox. Dios puexa jiw tato'laxaelpox, japox pomatkoichalijawam.

That toepax pat wut, machiyaxael ampathat

Jesucristo itpaeipox pejiw, japi matabijaliajwa asamatkoi that puexa jachiyaxaelpoxan

¹ Dios puexa itpaei Jesucristo matabijsliajwa asamatkoi puexa that jachiyaxaelpoxan, Jesucristobej japoxan itpaeliajwa pejiw, naexasiti japon pejwajnan. Samata, Jesús to'ak pej-ángel xanlelsik na-itpaeliajwa japoxan. Xan Juan, Jesucristo pejnachalnán, lelaxaelen ampapelfutat japoxanliajwa.

² Samata, puexa taenxpoxan, jumtaenxpoxanbej, lelaxaelen ampapelfutat. Japoxan Jesucristo na-itpaei. Nachapaeibejpon Dios pejjamechan.

³ Aton chanaexaljow wut ampapelfut asew jiw jumtaeliajwa, japon aton nejchachaemlaxael. Nejchachaemlaxaelbej naeweti ampawajnan, Dios to'apox. Japi matabija wut, naexasit wutbej, Dios chajia jum-aechpox, puexa japi jiw chiekal nejchachaemlaxael. Puexa japi jiw nejchachaemlaxael, mox pawajna xot pasliajwa puexa ampapelfutat lelaxaelenpoxan.

Juan lelpox ampawajnan siete iglesiaspijiw poxade xato'aliajwa

⁴ Xan, Juan, ampawajnan lelx xamal, Asia tujnupijwamliajwa, siete iglesi-aspjwamliajwa. Dios jila-el. Amwutjelbej dukon. That is-el wutfuk, jawutbej japon duk. Dukaxaelbejpon pomatkoichaliajwa. Xan Dios kawajnaj xamal kajachawaesliajwa, chiekal duilaliajwambej. Espiritu Santo xabich pachaem. Japon nuk Dios pejwajnalel. Japonbej xamal kajachawaesaxael.

⁵ Jesucristobej kawajnaj xamal kajachawaesliajwa. Japonbej jiw naewajnan Dios pejjamechan. Japon tuj wut, matxoela mat-ech pejme dukaliajwa. Japon kaes pejme paklon. Me-ama asew jiw, ampathatpijiw tato'alpi, jachi-elon. Jesús xabich xatis naknejxasink xot, tujpon xatisliajwa. Jakitison xatis Dios nakbaweliajwa.

⁶ Jesús xatis nakmakanot japon pejiwaliajwas. Asamatkoi, xatis puexa jiw tato'laxaes, japon suapich. Jesús pijaxtatbej sacerdotesxaes, waj-ax Dios kawajnalialjwas asew jiwliajwa. Samata, pomatkoicha Dios jumchiyaxaes: “¡Xam xabich pachaemam!” –chiyaxaes. Jesús pomatkoicha puexa jiw tato'laxael. Japox toepaxil.

⁷ ¡Cristo fuloejaxoek itloejentat! Jawut puexa jiw taeyaxaeson. Jiw kimata-matalpibej Cristo cruztat, japi jiwbej taeyaxaeson. Puexa ampathatpijiw, naexasis-elpibej Dios, Cristo taen wuti, xabich pejlewt noeyaxaeli. Jachiyaxaeli asamatkoi.

⁸ Wajpaklon Dios xajuj puexa isliajwa. Pajut jum-aechon: “Xan akasesko-laxtat, puexa isx wut, kaes pejme wajna xan dukx. Amwutjelbej nakiowa dukx. Asamatkoi, puexa isxpoxan toetx wutbej, xan pomatkoichaxaelen” – aech Dios pajutliajwa.

Jesús natulaelt wut, itliakpox

⁹ Puexa xatis nakaewas, Jesús pejiws xot. Samata, xatis nabijatas, asew jiw babijaxan is xot xatisliajwa. Pe nakiowa, Jesús nakkajachawaet boejtaliasliajwas, nabijatas wut. Samata, xatis, Jesús suapich, naktato'laxaes, asamatkoi, japon puexa ampathatpijiw tato'al wut. Jiw naewajnaj xot Dios pejjamechan, Jesús pejwajnanbej, asew jiw najaelt nabuflaeliajwa Patmos tanaetxot nakastikaliajwa.

¹⁰ Patmos tanaetxotx wut, dominkomatkoi wut, Espiritu Santo pijaxtat masoxtat chalechkal taenx asamatkoi ampathatat jachiyaxaelpox. Jawut

tajw^uchakallel pinjame jumtaenx. Japajame, me-ama trompeta nababaes w^ut, jathia-aechox.

¹¹ Japajame naj^um-aech: “¡Lelde taenam^upoxan, taeyaxaelampoxanbej! Lelax toetam w^ut, ¡japox xato'im Jesús pejw^uajan naexasiti poxade, siete iglesiapijiw poxade! Japi Éfeso paklowaxpijiw, Esmirna paklowaxpijiw, Pérgamo paklowaxpijiw, Tiatira paklowaxpijiw, Sardis paklowaxpijiw, Filadelfia paklowaxpijiw, Laodicea paklowaxpijiwbej. Puexa japi siete paklowaxanpijiw, Asia t^uaj^un^upijiw” –na-aech japajame.

¹² Japajame jumtaenx w^ut, xan w^ultataenx taeliajwan naj^um-aechpon. Pe jaw^ut, taenx siete candelabros. Japoxan, orocandelabros.

¹³ Siete candelabrosxot, jaxot xan Jesús taenx. Naxoelon pakchowax. Pej^uaktajmexot wewe'pas pejnaxoelax. Matiafkak^u'apon orocinturón^umat.

¹⁴ Pejmatla papoei. Pej-itfu, me-ama jitkaech-ia'an w^ut, ja-itfu-aechon.

¹⁵ Pej^uak xabich nakliafan. Bronce jojas^upox w^ut, jat^uak-aechon. Jesús pejjame, me-ama xabich minaposnik w^ut, jaj^um-aech Jesús pejjame.

¹⁶ Jesús pejpoklake-elel siete ithaej ki-oelspon. Japon kaechmatal^usponbej espada. Japowa xabich nataelapab^ua'. Puexa pejxu xabich itliak. Me-ama juimt itliak w^ut, jaxu-aechon.

¹⁷ Xan Jesús taenx w^ut, okjabax japon pejw^uajnalel. Me-ama t^up^ux w^ut, jan. Do jaw^ut, najachapon pejpoklake-elel. Jaw^utbej naj^um-aechon: “¡Xam nabej nejlewlé! Xan chajiakolaxtat puexa t^uadutx. Asamatkoi puexa toesaxaelenbej japoxan.

¹⁸ Xan majt jiw naboesa. Pe taj-ax Dios xan namat-et pejme dukaliajwan. Taj-ax natapaei tajjiw b^u'weliajwan, japi jiw t^up w^ut infierno poxasamatapi.

¹⁹ ¡Lelde taenam^upoxan! ¡Leldebej asamatkoi jachiyaxaelpoxan!

²⁰ Siete ithaejt, taenampi tajpoklake-elel, japoxan jiw taen w^ut chiekal nejchaxoelaliajwa siete poejiwliajwa. Japi, siete poejiw, kaenan^ula tataef^ul kaepaklowaxpijiw, tajw^uajan naexasiti. Siete orocandelabros, jiw japoxan taen w^ut, japi nejchaxoelaliajwa siete paklowaxanpijiw, japi tajjiw, tajw^uajan naexasitiliajwa” –na-aech Jesús.

2

Jesús kito'apox Juan lelaliajwa carta Éfeso paklowaxpijiwliajwa

¹ Jesús, pejpoklake-elel siete ithaej ki-oelspon, siete candelabros chanuilxot, japon nakito'a w^ut lelaliajwan carta Éfeso paklowaxpijiwliajwa, japi pejtataeflanliajwabej, japon jum-aech ampox japi^uliajwa:

² “Xan chiekal matabijtax xam puexa isampoxan, nejjiw s^uapich. Xamal xabich nabistam Diosliajwa. Samata, nabijatam, asew jiw babijaxan is w^ut xamalliajwa. Nabijatam w^ut, nakiowa nabistam Diosliajwa. Matabijtaxbej, xamal nejwesla jiw babejchow. Xan matabijtaxbej, asew jiw pajutliajwa naj^um-aech w^ut xamalxot: ‘Xanal apóstoles’ –na-aech w^uti, xamal japi jiw majt xapaejam. Do jaw^ut, chiekal matabijam japi diachw^uajnakolax apóstoles-elpi. Japi asb^uan jumch naekichachajbapijiw.

³ Xamal nabijatam, tajjiwam xot. Ja-am w^ut, nakiowa xan naxanaboefalam.

⁴ Pe kaeyax jumchiyaxaelen xan nejweslapox xamalliajwa. Xamal chiekal xan nanejxasinka-emil. Me-ama majt xan nanejxasinkam w^ut, jachi-emil xanliajwa.

⁵ Samata, nejchaxoelam w^ut, ¡chiekal nejchaxoelde, majt xamal xabich nanejxasinkam! ¡Xan pejme chiekal nanejxasinkde! Me-ama majt xan nanejxasinkam w^ut, ¡ja-amsfulde! Jachi-emil w^ut, xamal tajjiwaximil.

⁶ Pe xan kaeyaxliajwa nejchachaemlax xamalliajwa. Me-ama xan nejwesla nicolaítas ispoxan, xamalbej ja-am, nejwesla wut nicolaítas ispoxan-liajwa.

⁷ Xamal matabijasiam wut, ¡chiekal jumtaem Espíritu Santo jum-aechpox xamalliajwa! Espíritu Santo jum-aech: 'Jesús pejwujajan naexasiti nakiowa naexasisful wuti, hasta japi tɔp wut, japi pomatkoicha duilaxael Diosxotse' –aech Espíritu Santo" –aech Jesús Éfeso paklowaxpijiwliajwa.

Jesús kito'apox Juan lelaliajwa carta Esmirna paklowaxpijiwliajwa

⁸ Jesús chajiakolaxtat puexa ispon, japonbej pajut asamatkoi puexa japoxan toesaxael. Japon majt tɔp cruztat. Do jawɔx, Dios mat-echpon pejme dukaliajwa pomatkoicha. Japon pejme nakito'a wut lelaliajwan Esmirna paklowaxpijiwliajwa, japi pejtataeflanliajwabej, japon najum-aech ampox japiliajwa:

⁹ "Xan chiekal matabijtax nabijatampoxan, asew jiw babijaxan is wut xamalliajwa. Taenxbej, xamal kijimil wut. Pe diachwujnakolax xamal kimaenkam Diosliajwa. Matabijtaxbej, judíos, tajjiwa-elpi, jum-aech wut babejjamechan xamalliajwa. Japi judíos, Satanás pejjiw.

¹⁰ Xamal nabijatam wut, ¡nabej nejlewle'! Xamalxot asew jeyaxaes jiw jebatat Satanás pijaxtat. Japoxan jachiyaxael, puexa xamal xapaeja wut. Japox ja-aech wut, asbuan jumch nabijasaxaelam diez matkoiyan. Pe nakiowa, xamal xan naxanaboejam wut, hasta xamal tɔpam wut, pomatkoicha duilaxaelam Diosxotse.

¹¹ Chiekal matabijasiam wut Espíritu Santo jum-aechpox xamal tajjiwampim, ¡chiekal xan nanaewe'e! Espíritu Santo ampox jum-aech: 'Jesús pejwujajan naexasiti chiekal naexasisful wuti, hasta japi tɔp wut, japi kastikaxisal, Dios asew jiw kastika wut' –aech Espíritu Santo" –aech Jesús Esmirna paklowaxpijiwliajwa.

Jesús kito'apox Juan lelaliajwa carta Pérgamo paklowaxpijiwliajwa

¹² Jesús, kaechmataluspon espada, nataelapabua'powa, japon pejme nakito'a wut lelaliajwan carta Pérgamo paklowaxpijiwliajwa, japi pejtataeflanliajwabej, japon jum-aech ampox japiliajwa:

¹³ "Xan matabijtax xamal puexa isampoxan. Matabijtaxbej, xamal duilamxot Satanás pejjiw jaxot tato'al. Jaxotam wut, nakiowa xan tajwujajan naexasisfulam. Pawulpon Antipas, japon chajia naewujajan tajwujajan. Baxael, Satanás pejjiw japon boesas wut, xamal taenam. Japox ja-aech wut, xamal nakiowa kofa-emil xan tajwujajan naexasisfulampox. Samata, xan xabich nejchachaemlax xamalliajwa.

¹⁴ Pe jumchiyaxaelen xan nejweslapoxan xamalliajwa. Xamalxot asew jiw naewujajan asawujajan jiw babijaxan isliajwa, me-ama chajia profetakolnanelpon. Japon pawul Balaam. Japon xabich jiw naekichachajba. Balaam naewujajan xot, Balac fiesta is judíos tadusliajwa. Samata, japafiestatat judíos xabich babijaxan is, xael xoti pawí, ídolosliajwawi. Japafiestatatbej judíos asew watho', asajiwpi, bu'moejtbejpi.

¹⁵ Asew xamalxot, xan tajjiwpi, naexasitbej nicolaítas naewujajanpox. Samata, japi nejwesla kofaliajwa japi naewujajanpox, xabich sichaems xotipox.

¹⁶ Samata, ¡kofim babijaxan isampoxan, Dios pejme chiekal naexasisliawjam! Xamal jachi-emil wut, ja-am wut, xan tajut pasaxaelen xamalxot nabeliajwan, babejchow sɔapich, espadatat, tajkaechatat matalupowatat.

17 Xamal matabijasiam wut, ¡chiekal naewe'e Espíritu Santo jum-aechpox naexasisliajwam! Espíritu Santo jum-aech: 'Jesús pejwñajan naexasiti nakiowa naexasisful wut, hasta japi tɔp wut, chaxduiyaxaelen xaeliajwa maná, moechasi. Kaenanula chaxduiyaxaelenbej papoei-ia't. Japa-ia'tmatwñajtat lelaxaelen pajelwul. Japawul asew jiw matabijaxil. Kaemɔtpijiw, ia' nosaxaelpi, japikal matabijaxael japawul' —aech Espíritu Santo" —aech Jesús Pérgamo paklowaxpijwliajwa.

Jesús kito'apox Juan lelaliajwa carta Tiatira paklowaxpijwliajwa

18 Jesús, Dios paxulan, me-ama jitkaech-ia'an wut, itfu-aechpon. Xabich tñaknakliafanbejpon. Me-ama bronce jojaspox, jatñak-aechon. Japon pejme nakito'a wut lelaliajwan carta Tiatira paklowaxpijwliajwa, japi pejtataeflanliajwabej, japon jum-aech amprox japiliajwa:

19 "Xamal isampoxan, xan chiekal matabijtax. Asew jiw nejxasinkam. Xan chiekal nanaexasitambej. Xamal chiekal nabistambej Diosliajwa. Asew jiw pijaxtat nabijatam wut, xan nakiowa nanaexasitambej. Amwɔtjel kaes pejme xanliajwa nabistambej. Samata, xan nejchachaemlax xamalliajwa.

20 Pe xan kaeyax jumchiyaxaelen, nejweslapox xamalliajwa. Xamal fias-emil Jezabel, babijaxan is wut. Japow pajut najum-aech asew jiwliajwa: 'Xan profeta-atowan, Dios nabɔxto'apowan' —aechow asbñan jumch. Japox jum-aech wut, japow asew jiw naekichachajba, xamalxot japi tajjiwpi. Japow naewñajan poejiw, japi poejiw asew watho' bñ'moejsliajwa, pejwatho'a-elpi. Japow japi jiw naewñajanbej xaeliajwapi pawí, ofrenda, ídolosliajwawí.

21 Xan piach wñajnawetx japow kofsliajwa babijaxan isfulpoxan, Dios naexasisliajwapow. Pe japow kofs-el babijaxan isfulpoxan. Japow asew poejiw xabich bñ'moejt.

22-23 Samata, japow waxae chato'axaelen kamaxtat cha-okaliajwa. Japow paxibej tɔpaxael xan ki-anpoxtat. Asew jiw babijaxan is wut, japow is-poxan, japi kofa-el wutbej, japi jiwbej japawaxaetat nabijasaxael. Ja-aech wut, puexa jiw, tajwñajan naexasiti, chiekal pajut matabijaxael, xan chiekal matabijtax puexa jiw nejchaxoelpoxan. Xamal kaenanula xanliajwa chiekal nabistam wut, japabichaxanliajwa xamal kaenanula chaxduiyaxaelen. Chiekal nabistpi xanliajwa, japi xabich chaxduiyaxaelen. Chiekal nabich-elpi xanliajwa, japi chaxduiyaxinillejen.

24 Xamal, Tiatira paklowaxpijwam, naexasis-emil Jezabel naewñajanpoxan. Samata, xan amprox jum-an xamalliajwa. Japow naewñajan Satanás pijaxan. Samata, asew jiw babijaxan is japow pijaxtat. Kaes matabijasiapi Satanás pijaxan. Pe xamal jachi-emil. Samata, xan xabich nejchachaemlax xamalliajwa. Xamal to'axinil naexasisliajwam asanaewñajnaxan, tampoelpoxan.

25 ¡Xamal xan naxanaboejim! ¡Pomatkoicha ja-amde, hasta xan paskax wut!

26 Tajwñajan naexasiti is wut xan nejxasinkaxpoxan, hasta japi tɔp wut, asamatkoi japi xan to'axaelen tato'laliajwa puexa ampathatpijwí.

27-28 Taj-ax nato'a ampathatpijwí tato'laliajwan. Pamamaxtat tato'laxaelen xan nanaexasisliajwapi. Xan xabich kastikaxaelen jiw nanaexasis-elpi. Me-ama xan taj-ax nato'a wut, jachiyaxaelen xamalliajwabej. Samata, ¡xamalbej nejjiw chiekal tato'alde! Ja-am wut, ithaejt, nalianapijin, xamal chaxdusaxaelen.

29 Xamal matabijasiam wut, ¡chiekal naewe'e Espíritu Santo jum-aechpox tajwñajan naexasiti jumtaeliajwa!" —aech Jesús Tiatira paklowaxpijwliajwa.

3

Jesús kito'apox Juan lelaliajwa carta Sardis paklowaxpijiwliajwa

¹ Jesús, ki-oespon siete ithaejt poklalel, japon to'a Espíritu Santo siete iglesiapijiwliajwa. Japon pejme nakito'a wut lelaliajwan Sardis paklowaxpijiwliajwa, japi pejtataeflanliajwabej, japon jum-aech ampox japiliajwa: “Xan matabijtax xamal isampoxan. Jiw chimiajamechan jum-aech xamalliajwa. Japi jiw jum-aech: ‘Sardis paklowaxpijiw chiekal naexasit Jesús pejwujajan’ —aech japi jiw xamalliajwa. Pe xamal diachwujajnakolax chiekal pachaema-emil. Xan chiekal matabijtax. Majt chiekal Dios naexasis-emil xot, xamal, me-ama tujam wut, ja-am Diosliajwa.

² Samata, xamal, me-ama jelnathikampim wut, jja-amde chiekal ne-jchaxoelaliajwam Dios nejxasinkpoxan! ¡Dios kawujajande xamal kajachawaesfulaliajwa pomatkoicha kaes chiekal Dios xanaboejaliajwam! Xan matabijtax. Xamal asbuan jumch, me-ama damlam Diosliajwa. Japoxlap Dios nejwesla.

³ ¡Chiekal ne-jchaxoelde, asew jiw naewujajan wut xanliajwa! Japox ne-jchaxoelam wut, ¡xan nanaexasi'e! Ja-am wut, ¡kofim babijaxan isampoxan! Pe kofa-emil wut, nawujajawesfula-emil wutbej tajpasax, xan chalechkal pasaxaelen xamalxot. Me-ama kithakan chalechkal pat natkowaliajwa, xanbej jachiyaxaelen, chalechkal pasaxaelen wut.

⁴ Xamal Sardis paklowaxpijwamxot, kaesujapich jiw babijaxan is-el. Samata, japi jiw, chapona-asda'nika-el wut, ja-aechi Diosliajwa, chiekal duil xoti. Samata, japi jiw asamatkoi xanxot duilaxael. Naxoeyaxaelbejpi papoei, xabich chamoeyaxan, xan tajjiw xoti.

⁵ Tajwujajan naexasiti nakiowa naexasisful wut, hasta japi tuj wut, japi naxoeyaxael papoei. Xan japi pejwulan joeyaxinil, pelfutat wullelpilis. Samata, pomatkoicha japi duilaxael Diosxotse. Xan jumchiyaxaelen japi jiwliajwa: ‘Ampi xan tajjiw’ —chiyaxaelen taj-ax Dios pejwujajnael, japon pej-ángeles pejwujajnaelbej.

⁶ Xamal matabijasiam wut, ¡chiekal naewe'e naexasisliajwam Espíritu Santo jum-aechpox tajwujajan naexasitiliajwa!’ —aech Jesús Sardis paklowaxpijiwliajwa.

Jesús kito'apox Juan lelaliajwa carta Filadelfia paklowaxpijiwliajwa

⁷ Jesús, xabich pachaempon. Japon puexa jiw tato'laxael. Chapaeibejpon diachwujajnakolaxpox. Me-ama chajiakolaxtat majt rey David puexa israelitas tato'al, jachiyaxaelbej Jesús. Japon tapaeyaxael asew jiw pasliajwa Diosxotse. Jumchiyaxaelbejpon asew jiwliajwa: “Ampi jiw pasaxael Diosxotse” —chiyaxael Jesús. Jumchiyaxaelbejpon asew jiwliajwa: “Ampi jiw pasaxil Diosxotse” —chiyaxaelbejpon. Japon pejme nakito'a wut lelaliajwan Filadelfia paklowaxpijiwliajwa, japi pejtataeflanliajwabej, japon jum-aech ampox japiliajwa:

⁸ “Xan chiekal matabijtax xamal isampoxan. Matabijtaxbej nejxanaboejjaxan chiekala-elpox xanliajwa. Pe nakiowa, xamal tajwujajan naexasitam. Xanali-emil tajjiwampox asew jiwliajwa. Samata, to'axaelen xamal asew jiw naewujajnalialjwam tajwujajan. Asew jiw xamal buxfiasasia wut, xan tapaeyaxinil japi jiw xamal buxfiasliajwa. Samata, asew jiw naewujajnaelam tajwujajan.

⁹ Asew judíos naexasis-el tajwujajan, chajia naewujajnas wuti. Samata, japi, me-ama judíos-el wut, ja-aechi. Japi judíos, Satanás pejjiw. Asamatkoi japi to'axaelen brixtat nuilaliajwa xamal nejwujajnael. Ja-aech wut, japi judíos pajut chiekal matabijaxael xamal nejxasinkaxpim.

¹⁰ Xamal to'aliajwan wut, majt jum-an: 'Asew jiw babijaxan is wut xamalliajwa, inakiowa xan tajwujajan naexasisfulde!' —an xan chajia xamalliajwa. Do jawux, japox ja-aech xamalliajwa. Samata, asamatkoi xabich chachael wut, xamal kajachawaesaxaelen. Japamatkoi puexa jiw xapaejaxaes, ampathat-pijiw.

¹¹ Asamatkoi xan kamtalejen pasaxoekan xamalxotsik. Samata, iDios chiekal naexasisfulde, kaenanula xamal Dios chaxduiyaxaelpox asew jiw xamal kinosasamata!

¹² Tajwujajan naexasiti nakiowa naexasisful wut, hasta japi tux wut, japi duilaxael pomatkoicha Diosxotse. Jaxotse kaes nakolaxillisi. Jawut xan japi pejbua'antat lelaxaelen Dios pejwul. Dios pijax pajelpaklowax, Jerusalén paklowax, pasaxaekpox athaelisik. Japapaklowaxwulbej lelaxaelen japi jiw pejbua'antat. Lelaxaelenbej tajwul, pajelwul, japi pejbua'antat.

¹³ Xamal kaes chiekal matabijasiam wut, ichiekal naewe'e naexasisliawam Espiritu Santo jum-aechpox tajwujajan naexasitiliajwa!" —aech Jesús Filadelfia paklowaxpijiwliajwa.

Jesús kito'apox Juan lelaliajwa carta Laodicea paklowaxpijiwliajwa

¹⁴ Jesús, diachwujajnakolaxpox chapaeipon. Japon chiekal chapaeibej Dios pejjamechan jiwliajwa. Japon puexa isbej Dios ispoxan ampathatat. Japon pejme nakito'a wut lelaliajwan Laodicea paklowaxpijiwliajwa, japi pejtataeflanliajwabej, japon jum-aech amprox japiajwa:

¹⁵ "Xan matabijtax puexa isampoxan. Matabijtaxbej xamal chiekal xan nanejxasinka-emilpox. Xabichbej nanejwesla-emil. Xan nanejxasinkasiam wut, ichiekal nanejxasinkde! O, jachi-eliasiam wut, ikael diachwujajnakolax xan nanejweslade!

¹⁶ Xamal chiekal nanaexasisfula-emil tajwujajan. Samata, xamal pelsaxaelen.

¹⁷ Xamal nejchaxoelam wut, jum-am: 'Xan kimaenkax. Puexa chiekal nawepachaem isxproxan. Samata, xan chinax kaeyax nawewe'pa-el' —am xamal, nejchaxoelam wut. iPe ma-aech xotbejkat xamal najut chiekal matabija-emil xabich nabijatampox Diosliajwa? iPe ma-aech xotbejkat xamal najut chiekal matabija-emil Diosliajwa xabich kijimilpox, itliaklawampoxbej, chiekal bu'jumchalaelpampoxbej?

¹⁸ Samata, xamal naewujajnaes kaes chiekal matabijaliajwam Dios. Jam wut, xabich kimaenkaxaelam Diosliajwa, Dios chiekal xanaboejam wut. Xamal naewujajnaesbej chiekal naexasisfulaliajwam xan cruztat tuxpox xamalliajwa. Ja-am wut, Dios xamal beltaeyaxael babijaxan isampoxanliajwa. Ja-am wutbej, naxoeyaxaelam papoei Diosliajwa. Xamalbej naewujajnaes Espiritu Santo kajachawaesliajwa chiekal tataeflaliajwam Dios pijaxan. Ja-am wut, Espiritu Santo pijaxtat kaes chiekal taeyaxaelam Dios pijaxan. Me-ama waxaewujamintat najut na-itfujam wut, jachiyaxaelam chiekal taeliajwam.

¹⁹ Xan puexa jiw, nejxasinkaxpi, japi is wut pachaema-elpoxan, xan japi jiw fiatx. Japi babijaxan is wutbej, xan japi jiw kastikax. Samata, ikamta kael chiekal kofim padujnejchaxoelaxan! iDios pejme chiekal naexasisfulde!

²⁰ iXan najumtaem chiekal! Aton nejboxot pat wut, japon lapox jumtaenam wut, xamal ba fafasaxaelam japon aton leliajwa. Xanbej lesian nejmatpuatanxot. Xan leyax natapaeyam wut, pomatkoicha xamal chalaxaelen.

²¹ Xan taj-ax Dios naexasisfulax. Samata, xan ekx taj-ax Dios pejpoklalel athuxotse tua-ekaxtat, taj-ax suapich, puexa tato'laliajwan. Tajwujajan

naexasiti, japibej nakiowa naexasisful wut, hasta japi tɔp wut, japi duilaxael pomatkoicha Diosxotse. Japi jiw xan tapaeyaxaelen, xan suapich, jiw tato'laliajwapi.

²² Xamal matabijasiam wut, ¡chiekal naewe'e naexasisliajwam Espiritu Santo jum-aechpox tajwɔajan naexasitiliajwa!" —aech Jesús Laodicea paklowaxpijwliajwa.

4

Juan taenpox Diosxotsepi, japi jum-aech wut chimiajamechan Diosliajwa

¹ Baxael, xan pejme taenx Diosxotse fafachpox. Me-ama xamoejtax wut, ja-an, japox taenx wut. Pejme jumtaenx Jesús, majt xanliajwa jum-aechpon. Japon naksiya wut, pejjame, me-ama trompeta, jathia-aechox. Do jawut, najum-aechon: "¡Julaman xanlensan! Xam itpaeyaxaelen, asamatkoi machiyaxael japathatxotdik" —aech Jesús xanliajwa.

² Jawut tajut chiekal matabijtax Espiritu Santo nachalapox. Xan taenx, Dios ek wut athxotse pejtua-ekaxtat.

³ Dios xabich itliak japatua-ekaxtat. Me-ama ia', ommaenkpi, pawuli jaspe, cornalina pawulibej, ja-itdel-aech japa-itliakax. Xan jaxot taenx japon pejtua-ekaxtabijlasik alwaera. Japa-alwaera xabich nakliafanpox. Me-ama esmeralda wut, ja-itdel-aechpox japa-alwaera.

⁴ Japatua-ekaxxot asatua-ekaxan masajiasnuil, veinticuatro tua-ekaxan. Japatua-ekaxantat chalak veinticuatro ancianos. Papoei naxoeipi. Kaenanula matlua'api orocorona.

⁵ Dios ekxot xabich nakliafbala chamx. Dios naksiya wut, me-ama chamx jumsia wut, jajum-aechon. Dios pejwɔajnalel siete baenthnaeyan kabɔan-aechpi, tamdadusnuil. Japabaenthnaeyan, jiw taen wut, nejchaxoelaliajwa Espiritu Santo pejpamamax.

⁶ Dios ekxot, me-ama puka pinjiyax, kabɔan-aech. Japox xabich thɔajal. Tinkbejpox.

Dios pejtua-ekaxxot masajiasnuil cuatro choef kabɔan-aechpi. Japi choef xabich pona itfu.

⁷ Cuatro choef kabɔan-aechpoxot, kaen japixot, nuth pasoeyan kabɔan-aech. Asan japixot, tor kabɔan-aech. Asan, trespijin, atonxu wut, jaxu-aechon. Asan, taxdukapijin, me-ama kakoef papun wut, ja-aechon.

⁸ Cuatro choef kabɔan-aechpi, kaenanula seis ba'an. Pejba'anmatwɔajtat, patulelbej, xabich itfu. Japi matkoi, madoibej, buxkofa-el, jum-aech wuti Diosliajwa:

"Xabich pachaempon wajpaklon Dios. Xabich mamnikbejpon. Xajɔp puexa isliajwa. Amwɔtjel dukon. That is-el wut, jawutbej japon duk. Pomatkoichaliajwabej dukaxaelon" —aech japi Diosliajwa, cuatro choef kabɔan-aechpi.

⁹ Cuatro choef kabɔan-aechpi jum-aech Diosliajwa: "¡Xam kaenam jiw tato'lam! ¡Xam puexa jiw sitaenponambej! ¡Isampoxan xabich pachaem xanalliajwa!" —aech choef kabɔan-aechpi Diosliajwa.

¹⁰ Do jawux, veinticuatro ancianos brixtat nuil Dios pejwɔajnalel, pomatkoicha dukpon pejwɔajnalel, itpaeliajwapi sitaeyax. Jawut jaxot kaenanula veinticuatro ancianos pejcorona jolpi owaliajwa Dios pejwɔajnalel. Japibej jum-aech Diosliajwa:

¹¹ "Tajpaklon Dios, xam ampathatat puexa isam. Amwɔtjelbej puexa japoxan ja-aechful. Japoxan isam, isasiam xot. Samata, xam kaenam puexa jiw

chiekal tato'lamponam. Samata, puexa jiw xam sitaen. Xam xabich mamnikambej” —aech ancianos Diosliajwa.

5

Dios xa-ekpox pelfut athuxotse

¹ Xan taenx Dios athuxotse, pejtua-ekaxtat ek wut. Pejpoklake-elel xa-ekon chaxkoeyasfut. Japafut pakchowax. Lels matwujlel, patulelbej. Kaenanula wujajan toepxot, xape'tas kaeyax sello taesamatade asawujajan. Ja-aech kaenanula xape'aspoxan siete wujajan chaxkoeyasfutxot.

² Jawut taenx ángel, xabich mamnikpon. Japon wujajnachaemt wut, pinjametat jum-aechon: “¿Achankat pachaem xape'taspoxan thialnaliajwa siete wujajan xaljoeliajwa?” —aechon.

³ Aton, xabich pachaempon, ajil ampathatat xape'taspoxan thilnaliajwa japawujajan xaljoeliajwa. Thatbaxotatbej ajil. Tupi pej-aelan, japi pejtujnuxotdikbej ajil.

⁴ Samata, xan xabich nowx, ampathatat aton ajil xot xabich pachaempon japapelfut xaljoeliajwa.

⁵ Jawut kaen anciano ancianospixot najum-aech: “¡Kaes nabej noe! Kaen Judá pamon, japon xabich pachaem japapelfut xaljoeliajwa. Japon, rey David pamon. Japonbej malecha Satanás. Samata, pachaempon siete xape'taspoxan thialnaliajwa” —aech anciano xanliajwa.

⁶ Jawut xan taenx Cordero, oveja pajelxulan, nuk wut Dios ekxot wujajnalel. Japon nukxot, cuatro choef kabuan-aechpi masajiachpon. Choef kabuan-aechpi nuilxotbej, masajiach veinticuatro ancianos. Cordero xua'laspox bu'wajelnukon. Japon siete mat-etje. Siete itfutjebejpon. Japi itfu, Dios pej-Espíritu Santo. Japon Espíritu Santo, Dios to'akaspon potujnuchaliajwa.

⁷ Japon Cordero kaes mox soepan Diosxot kifisliajwa chaxkoeyasfut. Jawut japon kifit japapelfut, Dios pejpoklake-elel xa-ekfut.

⁸ Cordero kifit wut japapelfut, jawut cuatro choef kabuan-aechpi, veinticuatro ancianos suapich, brixtat nuil cordero pejwujajnalel. Japi ancianos kaenanula xanuilpi arpa dakaliajwa. Kaenanula xanuilbejpi orocopa. Japacopan wulus pawilpi incienso. “Incienso” —aech wut, jumchiliajwapox: “Jiw kawujajanpoxan Dios, japi jiw Dios naexasiti” —chiliajwapox.

⁹ Japi pajeljajuit jajuw Corderoliajwa. Japajajuitat jajuw wut, jum-aechfali: “Xam pachaemam xot, Dios tapaei chaxkoeyasfut kifisliajwam, xape'taspoxan thilnaliajwambej. Xam japox isliajwam pachaemam, asajiw xam boesa xot. Do jawut, tupam wut cruztat, motam puexa jiw bu'welija wam, japi jiw Dios pejiwaliajwa. Japi jiw duil potujnuchan. Kaenanula kaemutanpijiw naksiya pejjamekolaxan.

¹⁰ Xam to'am japi jiw sacerdotesliajwa, wajDios tanbichliajwapi. Xam to'ambej japi jiw tato'laliajwa puexa ampathatpijiw” —aechful ancianos jajuitat, jajuw wut Corderoliajwa.

¹¹ Dios pejtua-ekaxxot cuatro choef kabuan-aechpi masajiat. Ancianosbej masajiat cuatro choef kabuan-aechpixon. Dios pej-ángeles masajiat ancianosxot. Dios pej-ángeles xabich pin-iakola. Japi millones.

¹² Xan jumtaenx ángeles, pinjametat jum-aech wut Corderoliajwa. Jum-aechi:

“Ampon Cordero, xabich pachaempon, boesas. Samata, Dios tapaeispon japon Cordero puexa ampathatpijiw tato'laliajwa. Tapaeisbejpon kimaenkaliajwa, puexa matabijsliajwabejpon. Tapaeisbejpon xabich pejpamamaxliajwa. Japon Cordero tapaeisbej jiw pomatkoicha

jumchiliajwas: ‘Xam xabich pachaemam, nakajachawaetam xot’ — chiliajwas” — aech ángeles Corderoliajwa.

¹³ Jumtaenxbej puexa Dios ispi, athaxotpi, thatxotpibej, tɔpi pej-aelan, japi pejtɔajnaɔxotbej, marxotbej. Puexa japi jum-aech:

“Dios, ekpon pejtɔa-ekaxtat, Corderobej, japi kolenjeliajwa jumchiyaxaes: ‘Ampi kolenje xabich pachaem. Xatis sitaeyaxaesbejpi. Xabich itliaki. Xabich pejpamamaxbejpi. Jachiyaxaelbejpi pomatkoichaliajwa’ — chiyaxaes japiliajwa” — aech puexa Dios ispi.

¹⁴ Do jawɔt, cuatro choef kabɔan-aechpi jum-aech: “jJasox nej ja-aече’ Diosliajwa, Corderoliajwabej!” — aechi. Jawɔt veinticuatro ancianos brixtat nuil Dios pejwɔajnalel. Jum-aechbejpi Diosliajwa, Corderoliajwabej: “Diachwɔajnakolax xamal xabich pachaemam” — aech puexa japi.

6

Chaxkoeyasfɔtat xape'taspox siete sellos

¹ Xan taenx, Cordero thialan wɔt pelfɔt xape'taspox, matxoelasello. Do jawɔtlejen, jumtaenx kaen, choefan kabɔan-aechpon, naksiya wɔt. Japon pejjame, me-ama chamx jumisia wɔt, jajum-aechon, jum-aech wɔton kawaeipijinliajwa: “jXabɔa't!” — aech wɔton choefan kabɔan-aechponliajwa.

² Jawɔt taenx kawaei papoeyan. Kawaei tɔa-ekpon, japon xafol fadoet. Chaxduchpon corona matɔa'sliajwa. Jawɔt chijiapon nabeliajwa, padaelmajiw sɔapich. Naba wɔt, padaelmajiw xabich malech toeton.

³ Do pejme Cordero wachakalpijax xape'sax thialan. Jawɔt jumtaenx wachakalpijin, choefan kabɔan-aechpon, jum-aechpox. Japon, choefan kabɔan-aechpon, jum-aech: “jXabɔa't!” — aechon asan kawaeipijinliajwa.

⁴ Jawɔt xan taenx, asan chara'an wɔt kawaei pasoeyantat. Dios pijaxtat japon kawaeipijin ampathatpijiw to'apon nakaewa nabeliajwa. Jawɔt Dios chaxdutbej espada kawaeitat chatatponliajwa.

⁵ Do jawɔt, Cordero pejme asaxape'sax thialan. Jawɔt jumtaenx trespijin, choefan kabɔan-aechon, jum-aech wɔt: “jXabɔa't!” — aech wɔton asan kawaeipijinliajwa. Jawɔt xan taenx, asan chara'an wɔt. Tɔa-ekon kawaei, pafoyan. Japon xa-ek balanza xajajuiliajwa.

⁶ Pejme jumtaenx, cuatro choefan kabɔan-aechpixot kaen jum-aech wɔt. Jum-aechon: “Kaematkoi bichaxliajwa pa-ompoɔ amwɔtjel asbɔan jumch xajɔp wɔajsliawam kaekilo trigo. Xamal wɔajs-elasiyam wɔt trigo, xajɔpaxael wɔajsliawam tres kilos cebadafu. Pe xajɔpa-el chawɔajsliawam pasimint, vinominbej. Japox koloeyax chawɔajsliawam, kaes xabich ommaenkaxael” — aechon.

⁷ Do jawɔt, Cordero cuartopijax, xape'sax, thialan. Thialan wɔt, jawɔt jumtaenxbej, cuatropijin, choefan kabɔan-aechpon, jum-aech wɔt: “jXabɔa't!” — aech wɔton asan kawaeipijinliajwa.

⁸ Jawɔt xan taenx, asan chara'an wɔt. Japon tɔa-ek kawaei pawaelan. Japon pawɔl Patɔpax. Asan wɔchakal fɔlaen. Japon pawɔl Tɔpitɔajna. Cordero pijaxtat japi kolenje xabich jiw beyaxaelpi, una cuarta parte ampathatpijiw. Samata, japi pijaxtat xabich jiw tɔpaxael, baes wɔti. Xabich jiw tɔpaxaelbej pejlit, waxaetatbej. Xabich jiw kijsaxaesbej pejmachof.

⁹ Do jawɔt, Cordero quintopijax, xape'sax, thialan. Thialan wɔt, xan taenx jiw baespi, oel wɔti altarbɔxfaltat. Japi jiw baes, naewɔajan xoti Dios pejjamechan asew jiwliajwa.

¹⁰ Jiw baespi pinjemetat jum-aech Diosliajwa: “Xam xabich pachaemam. Chajia najum-ampoxan xam isam. ¿Masmatkoiyan sɔapichkat we'p xam

jiw babejchow kastikaliajwam, ampathatpijiw? ¿Maswutbejkat xanal nachamamosaxaelam xanal nabapi, japi jiw xam beliajwam, kastikaliajwam?” —aechi Diosliajwa.

¹¹ Do jawut, japi jiw chaxduws naxoeliajwa papoei. Jawut Dios jum-aech japiliajwa: “¡Xamal damlathalde! ¡Wuajnewesfuldebej! Asew tajjiwpibej we'pfuk beliajwas, japi nabistpi Jesucristoliajwa” —aech Dios japi jiwliajwa.

¹² Do jawut, Cordero sextopijax, xape'sax, thialan. Thialan wut, that xabich najaet. Juimt matkoipijin xabich pafoyan. Me-ama yiafbu', pafoyax, ja-aech juimt. Juimt madoipijin xabich pasoeyan. Me-ama jal, ja-aech, juimt madoipijin itliak wut.

¹³ Ithaej xabich natacholan that poxadik. Me-ama palolbaech pi'ba wut joewa, ja-aech ithaej, natacholan wut that poxadik.

¹⁴ Thatbaxo kijchas. Me-ama pelfut xakoeyas wut, ajisnat wut, ja-aech thatbaxo. Puexa pinamuxan, tanaetanbej, asalel xaliaxbas.

¹⁵ Puexa reyes, ampathatpijiw, namoecha pinamuxanwujaxnot, ia'botanbuxfalantatbej. Reyes namoechaxot, jaxotbej namoecha puexa paklochow, puexa soldawpaklochowbej, jiw kimaenkpibej, asew jiw xabich sitaenspibej. Puexa esclavos, esclavos-elpibej, namoecha jaxot.

¹⁶ Jiw namoechapi jum-aech pinamuxanliajwa, ia'botanliajwabej, jumtaeliajwas: “¡Xanal tajmatwujasik natacholnamik namoechaliajwam, Dios, ekpon pejtua-ekaxtat, nataesamata, Cordero nakastikasamatabej, xabich palala xoti!

¹⁷ Matkoi pat, Dios xabich jiw kastikaxaelmatkoi. Samata, kaen xanalxot weyaxil, xanal nakastika wut” —aech namoechapi.

7

Israelitas makmarkaspox Dios pejsellotat

¹⁻² Baxael, taenx cuatro ángeles. Japi tapaeis that tabejsliajwa, marbej. Japi kaenanula xabich atuj nuil. Kaen nuk be'klel. Asan nuk bi'alel. Asan nuk be-selel. Asan nuk bi'alel. Japi it-el joewa wikasamata puexa ampathatpijiwxot, puexa naechan uafwilbasamatasbej. It-elbejpi joewa wikasamata marxot. Do jawut, taenx asan ángel, fulaen wut juimt julanlelsan. Japon ángel xalaen Dios pejsello, pomatkoicha dukpon pejsello. Ángel taen wut cuatro ángeles, pinjametat jum-aechon japiliajwa:

³ “Xatisfuk kitoes-esal Dios pejjiw makmarkaspox. Samata, ¡xamal nabej tabejsfuk that, mar, naechanbej!” —aech ángel, Dios pejsello xalaenpon.

⁴ Do jawux, ángeles kitoet wut jiw makmarkax, xan jumtaenx jassuapich jiw makmarkaspox Dios pejsellotat. Makmarkas ciento cuarenta y cuatro mil israelitas.

⁵ Israelitas makmarkaspixot, makmarkas doce mil Judá pamojiw. Doce mil Rubén pamojiwbej makmarkas. Doce mil Gad pamojiwbej makmarkas.

⁶ Makmarkasbej doce mil Aser pamojiw. Makmarkasbej doce mil Neftalí pamojiw. Makmarkasbej doce mil Manasés pamojiw.

⁷ Makmarkasbej doce mil Simeón pamojiw. Makmarkasbej doce mil Leví pamojiw. Makmarkasbej doce mil Isacar pamojiw.

⁸ Makmarkasbej doce mil Zabulón pamojiw. Makmarkasbej doce mil José pamojiw. Makmarkasbej doce mil Benjamín pamojiw.

Xabich jiw, pin-iakola, papoeipox naxoew

⁹ Do jawux, xan xabich jiw taenx, makmarkaspi Dios pejsellotat, potujnuchanpijiw. Kaenanula japatujnuchanpijiw xabich pinamutan. Japi

nuil Dios pejtua-ekax wuajnalel, Cordero wuajnalelbej. Puexa japi papoeikal naxoei. Japi xabich pin-iakola xot, kaen xajupaxil japi jiw xajuiliajwa.

¹⁰ Puexa japi pinjаметat jum-aech:

“WajDios, ekpon pejtua-ekaxtat, Corderobej, japi nakbu'weyaxael” –aechi.

¹¹ Dios ekxot masajiasnuil cuatro choef kabuan-aechpi. Japi choef kabuan-aechpixot ancianos masajiasnuil. Japi ancianosxot masajiach ángeles. Puexa japi brixtat nuil wut, sat makxabijnik.

¹² Sitaen xot, jum-aechi Diosliajwa:

“Dios, xam diachwuajnakolax xanal nabu'weyaxaelam. Samata, pomatkoicha xamliajwa gracias-an. Xam pachaemam. Xabich puexa matabijtambej. Samata, xanal xam xabich sitaenx. Xam puexa jiw tato'lambej. Pomatkoicha xabich mamnikambej. ¡Japox nej ja-aeché' xamliajwa!” –aechi Diosliajwa.

¹³ Do jawut, kaen anciano nawuajnachamt wut, jum-aechon: “¿Masikat ampi jiw, papoei naxoew? ¿Amxotkat ampi jiw fulaen?” –na-aechon.

¹⁴ Xan jumnotx wut, jum-an: “Xam chiekal matabijtam” –an xan. Samata, japon anciano najum-aech: “Japilap xabich nabijat, that toep wut. Japi jiw naexasitpi Cordero tuppox japi bu'welijwas. Samata, japi naxoei papoei, bu'wuajanjil xotlisi Diosliajwa.

¹⁵ “Samatabej, japi jiw nuil Dios pejtua-ekaxtat ekxot wuajnalel. Nabichfuli Dios pejtemplobatat matkoi, madoibej. Japi jiw Dios tataeflafulaxaes pachaema-elpoxan tapasasamatas.

¹⁶⁻¹⁷ Japi tataeflafulaxaes xoti Cordero, japon nukpon Dios pejtua-ekaxtat ekxot wuajnalel, kaes liboejtaeyaxilpi. Kaes minsilaxilbejpi. Masx-aeyax kaes bu'foenaxisalbejpi. Cordero japi bu'flaeyaxael satlel minan nakakolsan poxade. Samata, jaxot japi jiw xabich nejchachaemlaxael. Majt nowpi, japi kaes noeyaxil” –aech anciano xanliajwa.

8

Séptimopijax, xape'sax, xakoeyasfutat

¹ Anciano suapich, nospaeixpox buxtoetx wut, jawut xan taenx Cordero, thialan wut taxdukaxape'sax xakoeyasfutat. Do jawut, Diosxotse xabich buansisjisanat. Japox ja-aech media hora.

² Do jawut, xan taenx siete ángeles, Dios pejwuajnalel nuil wuti. Japi kaenanula chaxduws trompeta.

³⁻⁴ Baxael, asan ángel fulaen. Japon ángel xalaen, me-ama orobaext, jap-atutat bowaliajwa incienso. Nukon altar wuajnalel. Xabich chaxduwson incienso bowaliajwa altarmatwuajtat. Japox altar isas orotat. Japox nuk Dios pejwuajnalel. Ángel incienso bot wut, japa-itnumtat matajul, Dios pejjiw kawuajan wut jum-aechpoxan.

⁵ Do jawut, ángel wulut baext altarjitelan. Japajitelan ángel thokcha that poxadik. Jawut xabich chamx nakliafbala. Jumse'balabej. Satbej najaet.

Seis ángeles kaenanula nababapox trompeta

⁶ Siete ángeles kaenanula thilt nababeliajwa trompeta.

⁷ Kaen ángel matxoela nababa trompeta. Jawut xabich granizo thokchikas that poxadik. Japagranizo, jit suapich, matnatacholan, jal suapichbej. Japagranizo natacholan wut, me-ama iam thilan wut, ja-aech. Japagranizo jajaera. Xabich thunkbejpi. Jawut that, la tercera parte, toejwas, naechanbej. Toejwasbej pola, majwa-elpi.

⁸ Do jawux, asan ángel nababa trompeta. Do jawutbej, taenx mux pinjiyax, tamdadut wut jakabuan-aechox. Japamux fo'akas mar poxadik. Jawut la tercera parte, mar, itjal.

⁹ Samata, la tercera parte marxoti, baxibej, xabich tɔp. Ja-aechbej, la tercera parte toejwas wut barkammochan marxot.

¹⁰ Baxael, asan ángel, trespijin, nababa trompeta. Jawutlejen ithaejt toejwas, jopaful wut. Jopdik thatlel. Jopxot, la tercera parte, toejwas nawelan, satlel minan nakakolsanxotbej.

¹¹ Japa-ithaejt pawul Xasaxa-ithaejt. Puexa nawelanxot, satlel minan nakakolsanxotbej, japa-ithaejt jopxot, min xabich xasaxnik. Japamin jiw af wut, xabich chawulatɔp.

¹² Asan ángel, cuatropijin, nababa trompeta. Jawut juimt matkoipijin, madoipijinbej, kaetafa itkua'nik. Ja-aech wut, chiekal itliaka-el. Ithaejbej kaetafalel itliaka-el. Cuatro horas juimt matkoipijin, juimt madoipijinbej, itliaka-el.

¹³ Do jawux, taenx kakoef, athukal fɔlaen wut. Pinjametat jum-aechon: “Ampathatpijiw xabich nabijasaxael, asew, tres ángeles, kaenanula nababa wuti trompeta” —aech kakoef.

9

¹ Baxael, asan ángel, cincopijin, nababa trompeta. Jawut xan taenx, asan ángel fɔlaek wut that poxadik. Me-ama ithaejt jopaful wut, ja-aechon. Japon ángel chaxduch llave, pinamuthfapijax. Japox muth chinax matduka-el.

² Japallavetat fafaton pinamuth. Do jawut, japamuthxotsin xabich itnum nakolin. Me-ama lul pinjiyax lautas wut, xabich itnum wut, ja-aechox. Japox itnum it-el thatbaxo juimt matkoipijin itkua'nikaliajwa.

³ Japa-itnumxot xabich pin-iakola sui' nakola. Potuajnucha japi sui' xajɔp. Japi sui' tua-epi. Samata, xajɔpi jiw pajlaliajwa. Me-ama afɔ, kabuan-aech japi sui'.

⁴ Japi sui' jɔmtis: “¡Nabey tabeys pola, naexbej, naechanbej! ¡Dios pejsellotat jiw makmarka-esalpi, japikal tabejde!” —tis, japi sui' to'as wut.

⁵ Japi sui' tapae-esal, jiw pajal wut jiw chatɔpaliajwa. Pe japi sui' tapaeis, jiw pajal wut cinco juimtje xabich xaenkaliajwa. Me-ama afɔ piafda wut, jaxae-aech japi sui'.

⁶ Jiw, pajlasi, nejchaxoelaxael: “¡Xan xabich nawexaenk. Samata, tɔpasian kaes pejme paxaechax boejtaeflasamatan!” —chiyaxaeli, nejchaxoel wut. Pe Dios tapaeyaxil japi jiw chatɔpaliajwa.

⁷ Japi sui' kawaei kabuan-aech. Patiyaxan xafafaspi. Me-ama nabeyax poxade fɔlaeliajwa wut, ja-aech japi sui'. Sui' pejmatnaetanxot, me-ama orocorona matlua'a wut, jamatnae-aechi. Sui' pejxubej, me-ama jiwxu wut, jaxu-aechi.

⁸ Japi sui' lakasnikbej. Me-ama watho' lakasnikpi, jala-aech japi sui'. Sui' pejba'anbej, me-ama nuthba'an wut, jabua'-aechi.

⁹ Japi sui' chanlaelabej pabok, xua'las wut xakolasamatas. Pejba'anbej xabich thiaxan-el. Me-ama kawaei zorra xadaduk wut, nabeliajwa fol wut, jaba'thia-aech japi sui'.

¹⁰ Tua-ebejpi. Me-ama afɔ, jatua-e-aechi. Japi sui' pejtua-etat pajal wut, jiw waxaenkaxaes cinco juimtje.

¹¹ Ángel, pinamuth tataeflan, chinax matduka-elmuth, japon japi sui' tato'al. Hebreojametata japon ángel pawul Abadón. Griegojametat pawulon Apolión.

¹² Matxoelapijax babijax toep. Pefuk we'p koleyax babijax pasliajwa ampathatat.

¹³ Pejme asan ángel, seispijin, nababa trompeta. Do jawut, jumtaenxbej jamekal, jum-aech wut altarxotdin. Japox altar isas orotat. Nukox Dios pejwajnalel. Japa-altarmatwajtat, kaenanula esquinaxot nuil, me-ama pakmat-e, jasi. Japacuatro mat-exot japajame jum-aech wut, jumtaenx.

¹⁴ Japajame jum-aech seispijinliajwa: “¡Cuatro ángeles, kuspi pinjiyax nawelbabu'xot, japi jolde! Japox nawel pawul Éufrates” —aechox altarxot.

¹⁵ Do jawut, japi ángeles jols, pejmatkoi wepach xot japi ángeles beliajwa xabich jiw, la tercera parte ampathatpijiw. Japi ángeles xabich piach wajjawnawet japox isliajwa.

¹⁶ Samata, jawut japi ángeles kito'api soldaw potajjnuchanpijiw jiw beliajwa. Jumtaenx doscientos millones soldaw kito'aspo. Chijia wuti, kawaeitat chafolpi.

¹⁷⁻¹⁸ Ja-aech japox, masoxtat taenx wut, soldaw chaflaech wut kawaeitat. Japi matiafxafafas patiyaxan, padaelmajiw xua'balas wut xakolasamatas. Japi kaenanula matiafxafafas pasoe yax, pathoeyaxbej, pawaelax sapichbej. Kaenanula japi pejkawaei, pejmatnaetan, me-ama nuthmatnaetan wut, jamatnae-aech japi suí. Kawaeikaechanxot kaeknakakolas jit, itnuman, azufre-itnumanbej. Japoxantat japi xabich jiw, potajjnuchanpijiw, matkaejwas.

¹⁹ Japi kawaei pejto'thimatduilxot, me-ama jommatnaet wut, jatothi-oef-aech jiw liklaliajwas. Samata, jiw liklas wut, xabich jiw tur. Jasoxtat japi kawaei xabich jiw tabejt pejkaechantat, pejto'thitantatbej.

²⁰ Asew jiw, turpa-elpi japoxtat, japi kofa-el babijaxan ispo. Kofa-elbejpi dep kawajanpoxan, ídolos kawajanpoxanbej. Japoxan ídolos isas orotat, platatat, broncetata, ia'antata, naechantatbej. Ídolos asbuan jumch ídolos. Samata, japoxan taeyaxil. Jumtaeyaxilbejpo. Laejaxilbejpo.

²¹ Jiw, namapi ampathatat, kofa-elbejpi asew jiw bapoxan, pinjoe'axanbej, asew watho' bu'moejtpoxanbej. Kofa-elbejpi natkowaliajwa.

10

Ángel xafolpox xakoeyasfut, cha-elfut, lelspox

¹ Do jawut, xan taenx asan ángel, pamaman, fuloek wut athulelsik itloejentat. Pejmatnaetabijlasik alwaera duk. Pejbe, me-ama jit tamdadut wut, jabeaechon. Xunakthianbejpon. Me-ama juimt nakthian wut, jaxu-aechon.

² Xanukon pelfut, cha-elfut, lelspox. Japafut ba'tas. Majt japafut xakoeyas. Poklatuaklel tuaknoton marminmatwajtat. Soenatuaklel tuaknoton satat.

³ Japon ángel xabich nejlat. Nejlat wut, me-ama nuth jumbu't wut, jajum-aechon. Japox jumtaenx wut, chamx siete veces xabich jumse'bala.

⁴ Do jawut, xan lelasian chamx jum-aechpox. Pe jawut, asajame jumtaenx athulelsik najum-aechsik wut. Japajame najum-aech ampo: “¡Asew jiw nabej chapae' jumtaenamproxan, chamx siete veces jumse'balapoxan! ¡Japoxanliajwa nabej lelabej, jumtaenamproxan!” —aech japajame xanliajwa.

⁵⁻⁶ Japon ángel poklalel mmaxxachose wut, jum-aechon: “Dios, pomatkoicha dukpon, japon thatbaxo is, puexa nejmach-athuxotpibej. Isbejpon that, puexa nejmach thatxotpibej. Isbejpon mar, puexa nejmach marxotpibej. Ampox jumchiyaxaelen, diachwajnakolax, xan jum-an xot Dios pijaxtat. Dios chajia jum-aechpox moxlisox pasliajwa.

⁷ Pejme asan ángel, sietepijin, trompeta nababeyax tuadut wut, jawut Dios tuadusaxael isliajwa puexa chajiakolaxtat nejchaxoelpoxan. Jawutbej,

tʉadusaxael puexa profetas jum-aechpoxan jiwliajwa” —aech ángel, poklalel mʉaxxachosnik wʉt.

⁸ Majt jumtaenxjame pejme athʉlelsik najum-aech: “¡Ángel, martat tʉaknotpon, satatbej, japon mox soepande kifisliajwam japacha-aelpelfʉt, ba'tasfʉt!” —aechox, athʉlelsik najum-aech wʉt xanliajwa.

⁹ Do jawʉt, xan mox soepandax japon ángel. Xan wʉljowx japapelfʉt nachaxdusliajwapon. Wʉljowx wʉt, xan najum-aechon: “¡Maj! ¡Xaembey! Xaelam wʉt, kaechxathʉ'axaelam. Me-ama miel wʉt, kaechxachiyaxaelam. Do jawʉx, xaelam wʉt, nejwoejtat xasaxnikaxael. Samata, chawʉlawoejxaenkaxaelam” —aech ángel xanliajwa.

¹⁰ Do jawʉt, xan ángel kifix japapelfʉt. Xaelx wʉt, chiekal kaechxathʉ'an. Me-ama miel wʉt, jakaechxa-an. Biajlax wʉt, xasaxnik tajwoejtat.

¹¹ Jawʉt ángel pejme najum-aech: “¡Puexa jiw xam chapaem Dios jum-aechpoxan! Japoxan asamatkoi jachiyaxael xabich asatʉajnʉchanpijiwliajwa, asajamechan naksiyapiliajwabej, reyesliajwabej” —na-aech ángel, jum-aech wʉt japoxan xanliajwa.

11

Asamatkoi kolenje aton jiw naewʉajnaxaelpox Dios pejjamechan

¹ Do jawʉt, japon ángel nachaxdut naeya xajuiliajwan. Do jawʉt, najum-aechon: “¡Nande xajajuiliajwam Dios pejtemploba, altarbej! ¡Jiw xajuimbej Dios pejtemplobaxoti, japi jiw Dios kawʉajanpi!

² Dios tapaei judios-elpi japatemplobafʉlmaktxot pasliajwa. Samata, ¡nabej xajajui' templobafʉlmakt! Asatʉajnʉchanpijiw, judios-elpi, pasaxael Jerusalén paklowaxxot. Japi jiw duilaxael cuarenta y dos juimtje japapaklowaxxot.

³ Asamatkoi to'axaelen japapaklowax poxade kolenje aton. Japi kolenje naxoeyaxael papopa. Japi naewʉajnaxael jiw Dios pejjamechan mil doscientos sesenta matkoiyan” —na-aech ángel.

⁴ Dios pejwʉajnalel kole-olivonae nuk. Jaxot koloeyax candelabrobej. Japoxan, kolecandelabro, kole-olivonaebej, jiw taen wʉt, nejchaxoelaliajwa japi kolenje, Dios to'axaespi, japi jiw naewʉajnalialjwa Dios pejjamechan.

⁵ Japi, kolenje, padaelmajiw besias wʉt, pejkaechaxot jit kaechnakakol-saxaespi padaelmajiw matkaejwaliajwas. Japoxtat xabich nejmachjiw tʉpaxael, besias wʉti japi kolenje.

⁶ Japi kolenje naewʉajan wʉt Dios pejjamechan, xajʉpaxael Dios pijaxtat piach iam thilna-elaliajwa. Xajʉpaxaelbejpi min jal itxaliaxaliajwa. Japi kolenje nejxasink wʉt asew jiw chapasliajwas pachaema-elpoxan, japi jiw chalechkal chapasaxaes japoxan.

⁷ Do jawʉx, japi kolenje Dios pejjamechan naewʉajnax bʉxtoet wʉt, pejmachoe fan, babejkolan, nakolsaxoen pinamʉthxotsin, chinax matdukael-mʉthxot. Jawʉt pejmachoe fan nabeyaxael, japi kolenje sʉapich. Pejmachoe fan malechaxael japi kolenje, naba wʉton, japi sʉapich. Samata, japi kolenje tʉpaxael, baes wʉti.

⁸ Japi kolenje tʉp wʉt, oelaxael pinjiyax, Jerusalén paklowaxthialaxxot. Japapaklowaxxot majt wajpaklon kimatamatlas cruztat. Asew jiw jum-aech Jerusalén paklowaxliajwa: “Sodoma paklowax” —aech jiw. O, jum-aechbejpi: “Egipto tʉajnu” —aechbej jiw Jerusalén paklowaxliajwa, Jerusalén paklowaxpijiw, xabich babijaxan is xot.

⁹ Japi kolenje tres matkoi y medio oelaxael paklowaxthialaxxot. Potʉajnʉchanpijiw taeyaxaespi, oel wʉt. Jiw tapae yaxil japi mʉthaliajwas.

¹⁰ Japi kolenje be-esal wutfuk, japi naewuajan wut jiw Dios pejjamechan, japi, me-ama jiw xabich taliat wut, jachiyaxaeli. Samata, xabich jiw ne-jchachaemlaxael, taens wuti baespox. Do jawut, japi kolenje tɔp wut, padaelmajiw, jiw babejchow, fiesta isaxael. Jawutbej nakaewa malech nachaxduiyaxaeli.

¹¹ Jawux, tres matkoi y medio wut, japi kolenje Dios mat-eyaxaes pejme duilaliajwa. Japi nana wut, jiw belwanaxael, japox taen wut.

¹² Do jawux, japi kolenje jumtaeyaxael, pinjame athulelsik jumentiskas wuti: “Julaman xanlensan!” –tiskas wuti. Jawut japi kolenje julaxoei itloejentat. Padaelmajiw fultaeyaxaesi, julach wut.

¹³ Japi kolenje athu poxase julach wut, jawut sat xabich najaesaxael. Samata, jawut Jerusalén paklowaxxot bachan xabich tatkpaxael. Jawut sat xabich naejaesaxtat tɔpaxael siete mil jiw. Jiw namapi ampathatat xabich belwaxael. Samata, Dios kawuajnaxael wut, jumchiyaxaelpi: “Dios, xam xabich mamnikam!” –chiyaxaeli Dios, athupijinliajwa.

¹⁴ Japox jachiyaxael, wachakalpijax babijax. Pefuk we'p asababijax. Japoxdo' asamatkoi pasaxael.

Ángel, sietepijin, nababapox trompeta

¹⁵ Ángel, sietepijin, nababa wut trompeta, jawut xan jumtaenx Diosxotse pinjametat najum-aechsikpox:

“Wajpaklon Dios, Cristo suapich, japi tato'laxael potuajnuchanpijiw. Jachiyaxaes pomatkoicha jiwliajwa” –aechi.

¹⁶ Veinticuatro ancianos, chalakpi tua-ekaxantat Dios pejwuajnael, japi brixtat nuil. Makxabijniki sat. Jawut chimiajamechan jum-aechi Diosliajwa itpaeliajwa sitaeyax.

¹⁷ Jum-aechi ampox Diosliajwa:

“Tajpaklon Dios, xanal gracias-an xamliajwa, tudutam xot puexa ampathatpijiw tato'laliajwam. Xabich xajupam puexa isliajwam. Xam chajia wuajna dukam. Amwutjelbej nakiowa dukam.

¹⁸ Puexa ampathatpijiw, nejjamechan naexasis-eli, japi jiw xabich palala xamliajwa. Xam markampox, matkoi, pat japi jiw kastikaliajwam, xabich nalala xot. Jiw, matxoelatupi, kastikaxaelam. Profetas, xamliajwa nabisti, chaxduiyaxaelam pachaempoxan. Chiekal nabist wuti xamliajwa, ja-aech wut, chiekal chaxduiyaxaelam. Chiekal nabichel wut, xam chiekal chaxduiyaxamil. Asew jiwbej, xam sitaenpi, paklochow, pamakbej, xam japi chaxduiyaxaelam pachaempoxan. Xamlax jiw toesaxaelam, asew jiw bapi” –aech ancianos Diosliajwa.

¹⁹ Diosxotse Dios pejtemplobafafa pajut nafafat. Templobatutat xan taenx Dios pejbaúl. Japabaúltutat cha-ek Dios tato'alpoxan, matxoelalelspox. Japatato'laxanxot Dios jum-aech asamatkoi pejjiw bu'welijaewapox. Jawutbej taenx chamx nakliafbalapox, jumse'balapoxbej. Jawutbej sat xabich najaetbej. Taenxbej granizo, xabich natacholan wut. Me-ama iam thilan wut, ja-aech granizo, xabich natacholan wut.

12

Juan taenpox pawis, Satanásbej

¹ Thatbaxotat kaeow atow natulaelt. Japox xan taenx matabijsliajwan asamatkoi jachiyaxaelpoxliajwa. Japow puexa chaponaitliak. Me-ama juimt matkoipijin, chaponaaechow. Japow nuk juimt madoipijinmatwuajtat. Japow corona matlua't, doce ithaejpijax.

² Japow moejow. Xabich chanowpow, boejpuns xot naxuwllaliajwa.

³ Do jawut, jaxot pinjikolan dragón natulaelt. Japon maklej kabuan-aech. Japon pasoeyan, siete matnaetjepon, diez mat-etjebejpon. Kaenanula pejmatnaetanxot matua'a corona.

⁴ Pejto'thit xawilcha wut, xabich pi'chapon ithaej. Jawut una tercera parte ithaej natacholan that poxadik. Jawut dragón nukjaba japow pejwujnalel, yamxuch nalaelt wut kamta xaeliajwapon yamxuch.

⁵ Naxuwal wutow, faenow poich. Japoch yamxuch asamatkoi tato'laxael pothatapijiw. Jiw tato'al wut, chiekal tato'laxaelon. Yamxuch nalaelt wut, kamta bu'fos Dios poxade, Dios suapich chalakaliajwa.

⁶ Jawut najaetow pajilaxlelde, Dios chaemt poxade. Jaxotde pomatkoicha japow naxaeyaxan chaxduiflas mil doscientos sesenta matkoiyanliajwa japow xaeliajwa.

⁷ Baxael, athuxotse Miguel, Dios pej-ángelespaklon, Dios pej-ángelesbej, naba, dragón suapich, dragón pej-ángeles suapichbej.

⁸ Miguel, pej-ángeles suapich, malechapi. Samata, dragón, pej-ángeles suapich, kaes athuxotaxili.

⁹ Jasoxtat pinjin dragón fo'akas that poxadik, pej-ángeles suapich. Dragón asawul Satanás. Japon puexa dep pejpaklon. Chajiakolaxtat natulaelton jomtat. Japonlap xabich jiw pothata naekichachajba.

¹⁰ Do jawux, jumtaenx athuxotse pinjametat jum-aechpox:

“Satanás pomatkoicha, pomadoichabej, Dios pejwujnalel xabich tasalaful jiw, Dios naexasiti. Japonlap fo'akas that poxadik. Samata, matkoi pat Dios xatis nakbu'welijaewa babijaxan isaspoxanliajwa. Dios nakitpaeyaxaelbej pejpamamax. Matkoi patbej Dios pajut jiw chalaliajwa, tato'laliajwabejpon. Cristobej jiw tato'laxael.

¹¹ Wajkoew, naexasitpi Cristo tuppox japi babijaxan ispoxanliajwa, japi chaepaeibej asew jiw Cristo pejwujajan naexasitpox. Ja-aech wut, pejlwaeli tupaliajwa. Samata, malechapi Satanás.

¹² Xamal athuxot duilampim, jnejchachaemilde, Satanás fo'akas xot that poxadik! Xamallax, japathatxot duilampim, marxotbej, xabich nabijasaxaelam. Jachiyaxaelam Satanás pijaxtat. Japon pajut chiekal matabijt, kaematkoiyan suapich, wewe'paspox Dios kastikaliajwas” — aech athuxotse pinjametat jumtaenxpo.

¹³ Dragón that poxadik fo'akas wut, wulchakal najaeton pawis jaelsliajwa, naxuwalpow.

¹⁴ Jawut japow ba'duchas, kakoefba'. Samata, japow punjala pajilax poxade, dukaxael poxade. Jawut dragón xabich atuj waeltas. Japow pajilaxxot tres waechan y medio naxaeyaxan pomatkoicha chaxduiyaxaes japow xaeliajwa.

¹⁵ Do jawut, dragón min pinjiyax xul wut, japox nawel nadofa japow bu'laliajwa japoxtat.

¹⁶ Pe jawut, Dios pijaxtat sat tawakfula. Jawut japamin natoek, sat tawakfula poxadik.

¹⁷ Samata, dragón xabich palala, japow wia xot. Jawut dragón fulaech nabeliajwa, japow pamojiw suapich, japi naexasiti Dios tato'alpoxan, Jesús pejwujajan naexasitibej.

¹⁸ Do jawux, dragón nuk marbabu'tat wullallasliajwapon asan marpijin, japon kajachawaesliajwas.

13

Kolenje pejmachoe fan, babijaxan ispipox

¹ Xan taenx marxot pinjikolan pejmachoeфан, xabich babijaxan ispon, matlasan wut, julan wutbejpon. Japon nuk marbabu'tat. Japon siete matnaetan, diez mat-etjebejpon. Kaenanula pejmat-etxot matlua'as corona. Pejmachoeфан pejmatnaetantat lels pawulan. Japawulan jum-aech babejjamechan Diosliajwa.

² Pejmachoeфан, taenxpon, marxot julan wut, japon, me-ama nuth nacheklan, jakabuan-aechon. Pejtuakbej, oso pejtuak wut, jatuaak-aechon. Pejkaechabej, nuth pejkaecha wut, jakaecha-aechon. Dragón chaxdut pejtuaekax, malis pamamaxbej, pejmachoeфанliajwa. Dragón tapaeibej japon pejmachoeфан xabich jiw tato'laliajwa.

³ Japon pejmachoeфан kaematnaetxot xabich pinmatnae-itfapon. Puexa jiw japox taen wut, nejchaxoeli: “Ampon bej tuxaxaelbej amwut” —aechi, nejchaxoel wut. Do jawut, japa-itfa kamta chiekal koel. Pothatapijiw japox taen wut, nejchaxoelanuili. Samata, xabich japi jiw japon pejjiw nadofapi.

⁴ Japi jiw nuil brixtat dragón pejwujnalel itpaeliajwa sitaeyax. Jasox ja-aech, japi jiw pajut chiekal matabija xot dragón chaxdutpox pamamax pejmachoeфанliajwa. Nuilbejpi brixtat pejmachoeфан pejwujnalel. Nakaewa najum-aechi: “Pejmachoeфан xabich mamnik. Kaen malechaxisal, naba wut, japon suapich” —na-aechi nakaewa.

⁵ Dios tapaei pejmachoeфан jumchiliajwa babejjamechan Diosliajwa. Dios tapaeibej pejmachoeфан jiw tato'laliajwa tres waechan y medio.

⁶ Samata, pejmachoeфан jum-aechful babejjamechan Diosliajwa, Dios pejtemplobaliajwabej, Diosxotsepjiwliajwabej.

⁷ Tapaeisbejpon nabeliajwa, Dios pejjiwpi suapich, malechaliajwabejpon japi jiw. Tapaeisbejpon xabich jiw tato'laliajwa.

⁸ Xabich ampathatpijiw nuilaxael brixtat pejmachoeфан pejwujnalel itpaeliajwa sitaeyax. Japi jiw pejwulan lela-esal Cordero pejpelfutat, kimatamatlaspon cruztat. Japapelfutat wallelspikal duilaxael Diosxotse pomatkoicha. Japawulan chajia lels, Dios ampathat is-el wutfuk.

⁹ Xamal chiekal matabijasiam wut ampox, chiekal naewesaxaelam xan jumchiyaxaelenpox:

¹⁰ “Jiw jiapi jiw jebatat, japibej asamatkoi jeyaxaes jiw jebatat. Jiw asew bapi espadatat, japibej asamatkoi beyaxaes espadatat.”

Samata, Dios pejjiw nabijat wut asew jiw pijaxtat, japi jiw boejtaliasfulaxael. Japi xanaboejafulaxaelbej Dios chajia jum-aechpox japiliajwa jachiyaxaelpox.

¹¹ Do jawux, xan taenx asan pejmachoeфан, babejkolan, satlel nakolsan wut. Japon kolemat-etje. Me-ama cordero wut, jamat-e-aechon. Naksiya wut, naksiyapon, me-ama dragón.

¹² Pejmachoeфан, marxot matxoelanakolsanpon, japon pijaxtat satlel nakolsanpon puexa jiw tato'al. Jawut satlel nakolsanpon puexa jiw to'a japi jiw jumchiliajwa marxot nakolsanponliajwa: “Xam xabich pachaemam” —chiliajwa japi jiw. Japon majt pinmatnae-itfa. Asew jiw japox taen wut, nejchaxoeli japonliajwa: “Amwut bej tuxaxaelbejpon” —aechi, nejchaxoel wut. Pe jawut, japox itfa kamta chiekal koel.

¹³ Satlel nakolsanpon is koechaxan jiw taeliajwa. To'abejpon jit natacholnaliajwa athulelsik.

¹⁴ Japoxan japon is, marxot nakolsanpon suapich, xabich jiw, ampathatpijiw, naekichachajbaliajwa. Satlel nakolsanpon, japon jiw kito'a marxot nakolsanpon, me-ama japon pej-ael isliajwapi, japi jiw japox kawujnalialiajwa.

¹⁵ Jiw kitoet wut japox isax, satlel nakolsanpon pijaxtat japox, ídolo, pajut laeje. Do jawut, japox ídolo jiw to'a nuilaliajwa brixtat kawuajnalajwapi japox. Kito'abejpon beliajwa jiw nuila-eli brixtat japox wuajnalel jumchiliajwa: “Xam xabich pachaemam” –chiliajwa.

¹⁶ Satlel nakolsanpon kito'a puexa jiw kimarkaliajwas poklalel. Ja-el wut, makmarkaliajwas. Jakitis, puexa jiw markas wut, paklochowpi, paklochowa-elpibej, kimaeyow, kijilabej, esclavospi, esclavos-elpibej.

¹⁷ Jiw marka-esalpi, japi kitapae-esal pejew mowaliajwa, wuajsliajwabej. Pejmachoefan pejwultat markaspi, japikallax tapaeis pejew mowaliajwa, wuajsliajwabej. Pejmachoefan pejwula-el wut, japon pejnúmero markaspi, japilax tapaeis pejew mowaliajwa, wuajsliajwabej.

¹⁸ Jiw nej nejchaxoele chiekal matabijaliajwa! Ja-aech wut, matabijaxaeli marxot nakolsanpon pejnúmero. Japon pejnúmero, seiscientos sesenta y seis. Japanúmero jiw matabijaliajwa japon pejwul.

14

Jajuwpi, puexa 144.000 jiw

¹ Xan taenx Cordero, nuk wut muaxmatwuajtat. Jaramuax pawul Sión. Jaramuaxmatwuajtat Cordero bu'nuk pejiw, ciento cuarenta y cuatro mil jiw. Japi pejmaktat lels Cordero pejwul, Cordero pax pejwulbej.

² Jawux thiataenx, thia-okafulik wut. Xabich minafurt wut, jathia-aechox. Najubala wut, jathia-aechbejpox. Xan thiataenxpox, xabich jiw arpa daka wut, jathia-aechox.

³ Cordero pejiw pajeljajuit jajuw Dios pejwuajnalel, cuatro choef kabuan-aechpi wuajnalelbej, ancianos wuajnalelbej. Asew jiw, asamutpijiw, matabija-el jajuiliajwa japajajuit. Ciento cuarenta y cuatro mil jiw, bu'wiaspi ampathatat, japikal matabija japot jajuit jajuiliajwa.

⁴ Japi poejiw chinax watho' nos-el. Chinax asew watho' bu'moejs-elbejpi. Cordero fulaeyaxael poxade, japi jiw fulaeyaxael japoxade. Cordero tup wut cruztat, japon mot japi jiw babijaxan ispoxanliajwa. Japi jiwlis Dios bu'wias. Japi matxoela bu'wias Dios pejiwaliajwa, Cordero pejiwaliajwabej.

⁵ Japi chinax kichachajba-el. Samata, chiekal bu'wuajanjillisi Diosliajwa.

Tres ángeles jum-aechpox asamatkoi jachiyaxaelpoxan ampathatat

⁶ Do jawut, asan ángel xan taenx, athu fulaen wut. Chimiawuajan japon xalaen chapaeliajwa puexa ampathatpijiw. Japawuajan pomatkoichaliajwa ampathatpijiwliajwa.

⁷ Japon ángel pinjemetat jum-aech jiwliajwa: “¡Xamal sitaem Dios! jumchisfulde: ‘Xam xabich pachaemam’ –amsfulde Diosliajwa! Patlisox Dios kastikaxaelpox jiw, babijaxan isfulpi. Dios is thatbaxo. That, marbej, ispon. Isbejpon satlel minan nakakolsanpoxan. Samata, jnuilde brixtat Dios kawuajnalajwam!” –aech ángel jiwliajwa.

⁸ Do jawux, asan ángel taenx, athu wachakal fulaen wut. Japon pinjemetat jum-aech: “Babilonia paklowaxpijiw chiekal toejwas, pomatkoicha ídolos kawuajan xoti. Samata, xabich asew jiwbej, potuajnuchanpijiw, nakxataeful ídolos kawuajnaxan. Japi jiw, Dioskal kawuajna-el. Samata, japi, me-ama pawis pamalkal bu'moejs-el, ja-aech japi jiw” –aech japon ángel.

⁹⁻¹¹ Do jawux, asan ángel taenx. Japon trespijin. Japon ángel athu fulaen wut, pinjemetat jum-aechfuldinpon: “Jiw sitaen wut, nuil wutbejpi brixtat marxot nakolsanpon pejwuajnalel, japon pej-ael isaspox, ídolo, wuajnalelbej, ja-aech wut, Dios xabich palalaxael japi jiwliajwa. Kitapaei wutbejpi makmarkaliajwas, o, kimarkaliajwasbej, ja-aech wut, Dios xabich kaes pejme

palalaxael japi jiwliajwa. Japi jiw xabich Dios kastikaxaes. Kakamwaxaesi jit, azufre s̄apich, tamdadutpox. Japoxantat japi jiw xabich nabijasaxael Dios pej-ángel pejiw̄ajnael, Cordero w̄ajnaelbej. Japajit pomatkoicha ath̄a itnum julaxael. Pomatkoicha japi jiw nabijasaxael, matkoi, madoibej. Japox nabijasax toepaxil. Jachiyaxaes, japi jiw Dios kastikas w̄at” –aech ángel, trespijin, ath̄a f̄ulaen w̄at.

¹² Samata, Dios pejiw̄ boejtaliasf̄ulaxael, nabijat w̄at. Japi chiekal naexasif̄ulaxaelbej Dios. Japi kofaxilbej Jesús pejiw̄ajan naexasitpox.

¹³ Pejme jum̄taenx, ath̄aelsik kaejame jum̄-aech w̄at xanliajwa: “¡Lelde Cristo pejiw̄ajan naexasitiliajwa! Jiw Cristo pejiw̄ajan naexasit w̄at, hasta japi t̄up w̄at, japi jiw xabich nejchachaemlaxael” –aech ath̄aelsik xanliajwa najum̄-aechsikpox.

Esp̄iritu Santobej najum̄-aech: “Diachw̄ajnakolax japi jiw nejchachaemlaxael. Cristo pejiw̄ajan naexasiti damlath̄ulaxael nabistpoxanliajwa Diosliajwa. Japi is pachaempoxan asew̄ jiwliajwa ampathat. Samata, Dios chaxduiyaxaes malechpoxan Diosxotse” –aech Esp̄iritu Santo.

Dios kastikaxaelpox babijaxan ispi

¹⁴ Pejme taenx itloejen, xabich papoeyax. Japa-itloejenmatw̄ajtat aton ek. Mat̄ha'ton orocorona. Xa-ekon paw̄lox hoz. Japox xabich pab̄ha'.

¹⁵ Do jaw̄at, asan ángel nakolt Dios pejtemplobaxot. Japon jum̄-aech pinjametat itloejenmatw̄ajtat ekon jum̄taeliajwa: “Patlisox matkoi xam chatsiapsliajwam that poxadik. ¡Nejhoztat chatsiapde foelpi, pachaem xotlisi chatsiapsliajwam!” –aech ángel, Dios pejtemplobaxot nakoldinpon.

¹⁶ Itloejenmatw̄ajtat ekpon chatsiapdiklison foelpi. Jaw̄at chanotlison japi.

¹⁷ Do jaw̄at, asan ángel nakolt ath̄axot Dios pejtemplobaxot. Japonbej xafol hoz, xabich pab̄ha'pox.

¹⁸ Jaw̄at asan ángel f̄ulaen altarxot. Japonlap altarjit tataeflan. Jaw̄at pinjametat lapon asan ángel, Dios pejtemplobaxot nakoltponliajwa. La w̄at, jum̄-aechon: “¡Xab̄ha'dik that poxadik uvadunan xabich tasiapaliajwam hoztat, xabich foei xotlisi!” –aechon.

¹⁹⁻²⁰ Japon ángel f̄ulaeklison that poxadik uvadunan tasiapaliajwa. Tasiapa w̄at, japa-uvadunan chanoton. Kaeyaxtat thondik xabich pinjikat poxadik uva-ufan jukaliajwa. Japot ek paklowax tathoetlel. Jaxot uva-ufan jukon. Xabich uva-ufan nakola w̄at, at̄haj uffol. Japa-uva-ufan, trescientos kilómetros pakchowax uffolpox. So'nik kaemetro y medio.

15

Siete ángeles kaenan̄la orocopantat chaxfolpox babijaxan, tabejsliajwapi that

¹ Ath̄axot taenx asamatkoi jachiyaxaelpox ampathat. Japox taenx w̄at, xan xabich beljwax. Siete ángeles kaenan̄la orocopantat chaxfol babijaxan, tabejsliajwapi ampathat. Japoxan ja-aech w̄at, Dios kaes palalaxil jiw babijaxan ispiliajwa.

² Do jaw̄at, pejme taenx mar kab̄han-aechpox. Japox vídrio kab̄han-aech. Pe xabich tinkpox. Xabich th̄ajalbejpox. Patuleldik jit kab̄han-aechox. Taenxbej, jiw nuil w̄at marbab̄xot. Japi jiw kaenan̄la arpa xanuil, Dios chaxduwspoxan. Japi jiw malecha pejmachofan. Malechabejpi ídolo, pemachofan-aeltat isaspox. Kitapae-elpi markaliajwas pejmachofan pejnúmero, japon pejiw̄albej.

³ Japi jiw jajuw Moisés pejjajuit, Cordero pejjajuitbej. Japon Moisés, nabistpon Diosliajwa. Japi jajuw wut, jum-aechi Diosliajwa:

“Dios, xam xabich mamnikam. Puexa jiw tato'lamponambej ampathatat. Puexa isampoxan xabich pachaem. Xam jiw naekichachajba-emil.

⁴ Xam puexa jiw sitaeyaxael. Japi jiw jumchiyaxaelbej: ‘Xam xabich pachaemam’ —chiyaxaeli. Xam kaenam chinax babijax is-emil. Potuajnuhanpijiw xamxot pasaxael. Jiw nuilaxael brixtat xam nejwujnalel kawujnaliajwa. Japox japi jiw isaxael xamliajwa, pajut taen xot xam isampoxan, xabich pachaempoxan” —aechi, jajuw wut jajuitat.

⁵ Do jawux, taenx athuxot Dios pejtemploba, pajut nafafasful wut. Samata, templobatutat taenx kaepiezax. Japox pawal Lugar Santísimo.

⁶ Templobaxot siete ángeles nakola. Japi ángeles kaenanula xafol babijaxan that tabesliajwa. Japi pejnaxoe xabich chimia, xabich papoeikolaxanbej. Xabich nakliafanbej japi pejnaxoe. Kaenanula pejmatiafanxot duw orocinturónmhatan.

⁷⁻⁸ Do jawux, cuatro choef kabuan-aechpi, kaen japixot chaxduw orocopan kaenanula siete ángelesliajwa. Japacopan kaenanula wulus. Japoxan jiw taen wut matabijaliajwa, Dios jiw babejchow xabich kastikaxaelpox. Jawut, Dios pejtemploba xabich itnumsful wut, itnum wulukaful japatemplobatat. Japox jiw taen wut matabijaliajwa, japon xabich mamnikpon, xabich pachaempontbej. Samata, chinax kaen aton leyaxil Dios pejtemploba. Chiekal toet wut siete babijaxan ampathatat, ja-aech wut, Dios pejme tapaeyaxael jiw leliajwa japon pejtemploba.

16

Dios kastikaxaelpox babijaxan ispi

¹ Do jawux, jumtaenx pinjamentat jum-aechpox Dios templobaxotdin siete ángeles jumtaeliajwa: “¡Xalaemk siete copan that poxadik! ¡Japacopan kaenanula chafa'balam thatxotdik!” —aech japajame Dios pejtemplobaxotdin.

² Do jawut, kaen ángel pejcopa chafakcha thatadik. Ángel japox is wut, ampathatpijiw, pejmachofan markaspi, japi jiw pobu'ta wenaduws bu'xaxaeflawaxae. Xabich pinaboejsbejpi. Jatisbej kawujjanpi ídolo, pemachofan-aeltat isaspox.

³ Do jawux, asan ángel, wachakalpijin, chafakcha pejcopa mar poxadik. Jawut mar jal nadofa. Me-ama aton, xua'laspon, pejjal wut, ja-aech mar. Samata, puexa choef, baxibej, tur, marpijiw.

⁴ Do jawux, asan ángel, trespijin, pejcopa chafakcha nawelanxotdik, pinala-janxotdikbej, satlel minan nakakolsanxotdikbej. Puexa japaminan jal nadofa.

⁵ Do jawux, pejme jumtaenx asan ángel, japon puexa minan tataefulpon, jum-aech wut Diosliajwa:

“Dios, xam babijax is-emil. Xam amwutjel dukam. Xamlap majt dukambej, is-emil wutfuk that. Xabich jiw kastikam, japi jiw babijaxan is wut. Xabich babijaxan is-el wut, bijiat kastikam japi jiw. Samata, xam xabich pachaemam.

⁶ Amwutjel xam jiw kastikam, japi jiw chajiakolaxtat nejjiw xabich ba xoti. Japibej ba nejprofetas. Samata, amwutjel xam min itxalixam jal nadofaliajwa, japi jiw feliajwa japajal. Jasoxtat japi jiw xam kastikam” —aechon Diosliajwa, japon ángel, puexa minan tataefulpon.

⁷ Pejme jumtaenx asan ángel, altarxotdin jum-aech wut Diosliajwa: “Xam xabich mamnikam. Jiw xabich kastikam, xabich babijaxan is wut. Babijax is-el wut, japi jiw kastika-emil” —aech ángel Diosliajwa.

⁸ Do jawux, asan ángel, cuatropijin, pejcopa chafakcha juimt matkoipijin poxadik. Jawut xabich kaes pejme tujnik jiw kakamwaliajwas.

⁹ Samata, puexa jiw xabich bu'forwas masxaeyax. Japi jiw nakiowa Dios naexaxis-el. Diosliajwa jumchi-elbejpi: “Xam xabich mamnikam” —chili. Japi jiw lax asbuan jumch babejjamechan jum-aech Diosliajwa, japon xajupon xabich jiw kastikaliajwa, babijaxan ispi.

¹⁰ Do jawux, asan ángel, cincopijin, chafakcha pejcopa pejmachofan pejtua-ekax poxadik. Jawut xabich itkua'nik pejmachofan tato'altujnuxot. Japatujnupijiw xabich boejtaliat paxaechax.

¹¹ Jasoxtat japi jiw xabich nabijat wut, nakiowa asbuan jumch babijaxan isful. Japi jiw xabich nabijat paxaechaxtat. Waeisbejpi bu'xaxaeflawaxae. Samata, japi jiw babejjamechan jum-aechful Diosliajwa, athuxotse dukponliajwa.

¹² Do jawux, asan ángel, seispijin, pejcopa chafakcha nawel poxadik. Japox nawel pawul Éufrates. Jawut nawel kamta siow likaliajwa reyes, xabich pejsoldaw suapich. Japi fulaen juimt julanlelsan.

¹³ Jawux taenx tres dep. Japi kaboethyl kabuan-aech. Kaen kaboethyl nakolt dragón pejkaechatat. Asan kaboethyl nakolt pejmachofan, babejkolan, pejkaechatat. Asan kaboethyl nakolt profeta-elpon pejkaechatat.

¹⁴ Japi kaboethyl isful koechaxan. Jawut kaboethyl fulaech puexa reyes tamejaliajwa, nabeliajwabejpi, Dios suapich. Pe Dios kaes pejme xabich mamnik. Me-ama puexa ampathatpijiw, reyes, jachi-el Dios. Diachwujnakolax pat Dios markpox, matkoi, nabeliajwapon dragón, pejjiw suapich.

¹⁵ Jawut jumtaenx, Jesús jum-aech wut asamatkoi jachiyaxaelpoxliajwa: “¡Chiekal naewe'e! Pejme fuloekx wut, asamatkoi chalechkal pasaxoekan. Me-ama kithakan chalechkal pat, xan jachiyaxaelen, chalechkal pasaxoekan wut. Aton pajut chiekal natataeflax wut, is-el wutbejpon asaxan babijaxan, asamatkoi xan paskax wut, japon aton xabich nejchachaemlaxael. Japon padalaxil xanliajwa, babijax is-el xoton” —aech Jesús, jum-aech wut asamatkoi jachiyaxaelpoxliajwa.

¹⁶ Do jawux, japi dep tameja puexa reyes. Reyes tamejas, pejsoldaw suapich. Natamejaxot pawul hebreojametat Armagedón.

¹⁷ Do jawux, asan ángel, sietepijin, chafakcha pejcopa joewa poxadik. Jawut, Dios pejtemplobatat Dios pejtua-ekaxtat ek wut, pinjametat jum-aechon: “Puexa tuadutliso, xan jum-anpoxan” —aechon.

¹⁸ Do jawut, xabich chamx nakliafbala. Jumse'balabej. Sat xabich kaes najaetbej. Ampathatxot majt jasox jachi-el, sat najaet wut.

¹⁹ Jawut pinjiyax, Babilonia paklowax, tawakfula wut, trestafaje nadijan. Asapaklowaxanxotbej bachan xabich jawal. Jawut Dios tuadut Babilonia paklowaxpijiw kastikaliajwa. Dios xabich palala japapaklowaxpijiwliajwa, xabich babijaxan is xoti.

²⁰ Sat xabich najaet wut, puexa tanaetan, pinamuxanbej, kijchas.

²¹ Jawut xabich granizo natacholanbej. Xabich pinjitan. Japi granizo jaera. Xabich thunkbejpi. Japotan kaenanula dewnik, me-ama kaes cuarenta kilos. Samata, japatujnupijiw jum-aech babejjamechan Diosliajwa, xabich kastikas xoti Dios.

17

Dios kastikaxaelpox ídolos kawhajanpi

¹ Siete ángelesxot, kaen japixot xan napa'an. Japon, ángel, najum-aech: “¡Xabua't! Xam itraeyaxaelen Dios kastikaxaelpox pinjiyax, Babilonia paklowaxpijiw. Japapaklowax isas nawelanbabu'antat. Japapaklowaxpijiw, me-ama pawis, poejiw bu'moejtpow plata kanaliajwa, ja-aech japapaklowaxanpijiw, kawhajanaful xoti ídolos.

² Puexa ampathatpijiw, reyes, japi majt Dioskal kawhajan. Japi reyes Babilonia paklowaxxot papat wut, japiwej ídolos kawhajanaful. Kaen Dioskal kawhajanafula-ellisi” —na-aech ángel xanliajwa.

³ Do jawux, xan Espíritu Santo pijaxtat masoxtat taenx, ángel nabu'fol wut pajilax poxade. Jaxotde taenx kaeow pawis, tua-ek wut pejmachofan, pasoeyan. Pejmachofan siete matnaetje, diez mat-etjebejpon. Pobu'ta xabich pawulan lels. Japawulan jum-aech babejjamechan Diosliajwa.

⁴ Japow pejyiaf xabich pasoe yax. Xatafals, asacolor sapich. Japacolor pawul púrpura. Pejyiaf xabich duws oro chapachaemaliajwa, ia' ommaenkpiwej, asewbej, pawuli perlas. Japow chaxfol orocopa. Xan japacopa taenx wut, chiekal matabijtax japow xabich babijaxan ispoxan, ídolos kawhajanpoxanbej.

⁵ Japow pejmaktat kaewul lels. Japawul jum-aechpox puexa jiw matabijael. Pe japawul amprox jumchiliajwa: “Pinjiyax, Babilonia paklowax, japapaklowaxpijiw kofa Dios kawhajanpoxan. Amwutjel japi jiw kawhajanaful ídolos. Isfulbejpi kaes asaxan, babijaxan. Ja-aech wut, puexa asapaklowaxanpijiw nakxataeful japoxan isaxan” —chiliajwa japawul, japow pejmaktat lels pox.

⁶ Do jawut, xan tajut chiekal matabijtax, japow saxtas Dios pejjiw pejjal, japi baespi, Jesús pejwhajan naewhajan wut.

Japox taenx wut, xan xabich nejchaxoelx.

⁷ Do jawut, ángel najum-aech: “¿Ma-aech xotkat xam xabich nejchaxoelam? Xam amwut chiekal chanaekabuanaxaelen asew jiw matabijael-poxfuk amprox pawisliajwa, pejmachofanliajwabej, japon siete matnaetje, diez mat-etjebejpon.

⁸ Pejmachofan, xam taenampon, majt japon duk. Pe amwutjel, japon amxota-el. Japon asamatkoi nakolsaxoen muthxot. Japox muth xabich funiachdik. Jiw matdukax tae-esal. Jiw, wullela-esalpi Cordero pejfatat, kimatamatlaspon cruztat, japi jiw pejme taen wuti pejmachofan, xabich nejchaxoelaxaeli. Pe nakiowa, pejmachofan asamatkoi, Dios pejkastikatkoipat wut, japon pejmachofan kastikaxaesbej” —na-aech ángel.

⁹ Ángel pejme najum-aech: “Jiw matabijapi, japi jiw matabijaxael xan jumchiyaxaelenpox. Pejmachofan, siete matnaetjepon, japon pejmatnae japi jiw taen wut nejchaxoelaliajwa siete muxanmatwhajantat isaspox Babilonia paklowax. Japon pejmachofan pejmatnae, siete matnaetjepon, japi jiw taen wut nejchaxoelaliajwa siete reyes tato'alpox japapaklowaxpijiw.

¹⁰ Cinco reyes, Babilonia paklowaxpijiw tato'alpi, japolis kaenanula nakolaful. Amwutjel asan reywich tato'al japapaklowaxpijiw. Japontat seis reyes. Tato'la-elfuk sietepijin. Asamatkoi, japon sietepijin rey wut, xabich piach tato'laxilon.

¹¹ Pejmachofan, majt tato'alpon, japonliajwa amwutjel chiekal matabijael, chiekal ajil wut, o, nakiowa wuton. Japonlap asamatkoi ochopijnaxael, rey wuton. Siete reyesxot, japon kaen majt rey nadofa. Japon pejme rey wut, japonlap Dios chiekal toesaxaeson” —na-aech ángel xanliajwa.

¹² Do jawut, pejme ángel najum-aech: “Diez mat-etje taenamxox, jiw japox taen wut, nejchaxoelaliajwa diez reyes tato'laxaelpoxliajwa. Japi reyes tãadui-elfuk jiw tato'lax. Asamatkoi japi reyes kamta kaewutje jiw tato'al wut, asbuun jumch tapaeyaxaes kaehora jiw tato'laliajwa. Japi reyes tato'al wut, tato'laxaeli, pejmachoeffan sãapich.

¹³ Diez reyes asamatkoi tato'al wut, japi kaenejchaxoelaxael. Japi kaenanula tapaeyaxael pejmachoeffan tato'laliajwa pejjiw.

¹⁴ Japi reyes nabeyaxael, Cordero sãapich. Pe Cordero malechaxael, puexa jiw tato'lan xot, japon puexa reyes tato'lan xotbej. Puexa jiw, Dios makanochpi japon pejjiwaliajwa, japi jiw, Cordero sãapich, malechaxaeli pejmachoeffan, japon pejjiwbej” —na-aech ángel.

¹⁵ Ángel pejme najum-aech: “Nawelan mox xam taenampi Babilonia paklowaxxot, japi nawelan, jumchiliajwa ampox: ‘Ampathatpijiw’ —chiliajwapox.

¹⁶ Japi, diez reyes, pejmachoeffan sãapich, japi xabich nejweslaxael Babilonia paklowaxpijiw. Samata, japi Babilonia paklowaxpijiw ba wuti, japapaklowaxpijiw pejew xabich nosaxaeli. Do jawux, japapaklowax lausaxaelbejpi.

¹⁷ Diez reyes asamatkoi kaenejchaxoelaxael tapaeliajwapi japon pejmachoeffan tato'laliajwa puexa ampahatpijiw. Japox jachiyaxael, me-ama Dios chajiakolaxtat jum-aech japoxliajwa.

¹⁸ Xam taenampow, pawis, tãa-ekpow pejmachoeffan, pasoeyan, japow taenam wut, nejchaxoelaliajwam: ‘Ampow, me-ama Babilonia paklowaxpijiw, ja-aechow’ —chiliajwam, nejchaxoelam wut. Babilonia paklowaxpijiw tato'al puexa ampahatpijiw, reyes” —na-aech ángel xanliajwa.

18

Babilonia paklowaxpijiw toejafaspox

¹ Do jawux, taenx, asan ángel faloek wut athulelsik. Japon ángel xabich asew ángeles tato'al. Japonbej chaponaitliak. Japox itliakax itliak thatat.

² Japon ángel pinjametat jum-aech:

“¡Pinjiyax, Babilonia paklowax, toejafas! Amwutjel japapaklowax dep pejpaklowax nadofa. Japapaklowaxxot xabich thũtha, kakan, pejmachoeff. Japikal amwutjel naliaxa, Babilonia paklowax toejafas wut.

³ Babilonia paklowaxpijiw, japi jiw kawũajan ídolos. Reyesbej ja-aech, pejjiw sãapich. Babilonia paklowaxpijiw ídolos kawũajan wut, kaes asaxan babijaxan isbejpi. Samata, Babilonia paklowaxpijiw asapaklowaxanpijiw xabich tabejt. Babilonia paklowaxpijiw xabich kimaenk. Japi xabich kimaenk wut, asapaklowaxanpijiw nejmachpejew xapapat mowaliajwa. Samata, japi mowa wut pejew, japibej kimaeya nadofa. Babilonia paklowaxpijiw Diosliajwa babijaxan is xot, toejafas” —aech ángel.

⁴ Do jawux, pejme jumtaenx athulelsik, asan ángel jum-aech wut: “Tajjiwampim, ¡nakolim Babilonia paklowaxxot nak-isasamatam babijaxan, japi jiw ispoxan! ¡Ja-amde xamal, Dios kastika wut japi jiw, xamalbej matkastikasamata, japi jiw sãapich!

⁵ Babilonia paklowaxpijiw xabich babijaxan is. Samata, japi ispoxan babijaxan kaeyaxtat thũch tamejafulas wut, japoxan babijaxan pasaxael thatbaxo. Dios nejkiowa-el Babilonia paklowaxpijiw babijaxan ispoxanliajwa.

6 Babilonia paklowaxpijiw japoxan is xot, asew jiw nabijat japoxantat. Samata, asamatkoi Babilonia paklowaxpijiw Dios kastikas wut, xabich kaes pejme nabijasaxael.

7-8 Babilonia paklowaxpijiw nejchaxoel: 'Xatis kaes pejme pachaems. Me-ama asew jiw, jachi-esal' —aechi, nejchaxoel wut. Japi xabich babijaxan isfalpoxantat xabich plata kanapi. Samata, japi xabich ommaeyaxan wuajti. Nejchaxoelbejpi: 'Xatis, me-ama reyes wut, jatis, xabich xot wejew. Chinax kaeyax xatis nakwewe'pa-el. Kaematkoi nejchaemilaxisalbej' —aechi, nejchaxoel wut Babilonia paklowaxpijiw. Japi asbuan jumch japox nejchaxoel xot, Dios xabich kastikaxaesi. Samata, asamatkoi chalechkal wepasaxaes babijaxan. Pejjiw wetups wut, xabich wunoeyaxaeli. Xabich litaxaelaxaelbejpi. Chalausaxaesbejpi toejafaliajwas. Jasoxtat japi jiw kastikaxaes wajpaklon Dios, xabich mamnikpon" —aech ángel athuxotsik.

9 Babilonia paklowaxpijiw pijaxtat, puexa ampathatpijiw, reyes, kawuajanbejpi ídolos. Samata, Babilonia paklowax lautax wut, itnum taen wuti, japi reyes xabich wunoeyaxael.

10 Japi reyes atuaj natachaemanuilaxael, pejlwla xoti, Babilonia paklowaxpijiw kastikas wut. Japi reyes jumchiyaxael:

"¡Xabich jiw nabijat, pinjiyax Babilonia paklowaxpijiw, japi majt puexa jiw xabich sitaenspi! Japi jiw kastikas wut Dios, kaehoratat puexa japi jiw chiekal toejafas" —chiyaxael reyes Babilonia paklowaxpijiwliajwa.

11 Asatujnuchanpijiw xalalaenapi pejew mowaliajwa, japi jiwbej wunoeyaxael japapaklowaxpijiwliajwa. Jasoxtat wunoeyaxaeli, ajilaxael xot wuajsiw.

12 Japi jiw majt xalalaena pejew, oro, platabej, mowaliajwa. Xalalaenabejpi chimia-ia', ommaenkpi, perlasbej. Xalalaenabejpi chimiabu'an, asabu'anbej, pabujabu'an. Japabu'an pasoeibu'an. Asacolorpi, purpurabu'anbej. Xalalaenabejpi nejmachtablafachan, xabich xabejniki. Xalalaenabejpi isaspi marfiltat, isaspibej chimianaechantat. Xalalaenabejpi isaspi broncetax, anaeltatbej, mármoltatbej.

13 Xalalaenabejpi canela, asaxanbej, naxaeyaxan chaxsipi. Xalalaenabejpi xabejniki, incienso, mirra, perjumaminanbej. Xalalaenabejpi vinominan, olivosiminan, harinabulan, trigobulanbej. Buflaenbejpi pak, ovejas, kawaei. Xalalaenabejpi carrozas jiw chananamsliajwa. Buflaenbejpi jiw mowaliajwa, japi jiw esclavosliajwa, nabichliajwapi japatujnutat.

14 Asatujnuchanpijiw, xalalaenapi pejew mowaliajwa, japi nakaewa najumchiyaxael Babilonia paklowaxpijiwliajwa:

"Babilonia paklowaxpijiw laelp wut, ¡puexa naebaech kaechnejxasink xaeliajwa! Amwutjel japi tup xot, ¡kaes xaeyaxillisi kaechnejxasinkbaech xaeliajwa! ¡Japi pejew plata, ponan, xabich chimiapibej, puexa japoxan chiekal nafo'a!" —nachiyaxael japi jiw nakaewa Babilonia paklowaxpijiwliajwa.

15 Pejew xabich mowaxpoxantat Babilonia paklowaxxot, japi kimaeya nadofalisi, japi taen wut Babilonia paklowaxpijiw kastikasxot, japilap pejlwut atuj natachaemanuilaxael. Japibej wunoeyaxael japapaklowaxpijiwliajwa.

16 Jumchiyaxaeli:

"¡Babilonia paklowaxpijiw xabich nabijat! Majt japi jiw, me-ama kaeow pawis, xabich chamoeyax naxoelpow. Japow pejyiaf, me-ama pasoeiyax, xatafasox color purpura. Japow pejyiafxot, me-ama duws

oro japow chimiowliajwa. Japow pejyiafxotbej, me-ama duws ia' ommaenkpi, perlasbej.

¹⁷ ¡Babilonia paklowaxpijiw chalechkal wetoeps kimaeyax!” —chiyaxael japi jiw, pejew majt mowapi Babilonia paklowaxxot.

Puexa paklochow, japi barkammochanpijiw, marinerosbej, nakxananampibej pejew mowaliajwa, puexa japi atúaj chaduilaxael natachaemaliajwa, Babilonia paklowax lautas wut.

¹⁸ Puexa japi barkamtat nanamtpi, Babilonia paklowax-itnum taen wuti, jumchiyaxaeli: “¡Аmpox, kaeyax paklowax, pinjiyax! ¡Do kaes asapaklowax, pinjiyaxpox ajil, me-ama ampapaklowax, jasox!” —chiyaxael japi jiw japapaklowaxliajwa.

¹⁹ Japi puexa Babilonia paklowax-itnum taen wut, thumba pajut namatnaetholaxaeli, asew jiw japox taen wut matabijaliajwas japi xabich nejxaejwaspox. Wunoeyaxaelbejpi Babilonia paklowaxpijiw. Barkammochanpijiw pinjametat jumchiyaxael:

“¡Xabich nabijat Babilonia paklowaxpijiw! Barkamtat nanamti Babilonia paklowaxxot pejew mowaliajwa, japi xabich kimaeya nadofa. Chalechkal Babilonia paklowaxpijiw Dios kastikas wut, ¡puexa japi chiekal toejafas!” —chiyaxael barkammochanpijiw.

²⁰ Jasoxtat Babilonia paklowaxpijiw Dios kastikaxaes, japi pijaxtat Dios pejiw nabijat xot. Ja-aech wut, puexa jiw, Diosxotsepi, xabich nejchachaemlaxael. Xabich nejchachaemlaxaelbej puexa Dios pejiw, ampathatpijiw. Nejchachaemlaxaelbej apóstoles, profetasbej.

²¹ Do jawux, ángel, xabich mamnikpon, ia't pinjit xachot, me-ama trigofu xatkianapot, jasot. Japot ia't fo'ak wuton mar poxadik, japot ia't kaes tae-esal. Jawut ángel jum-aech:

“Me-ama japot ia't jiw kaes pejme taeyaxil, jachiyaxaesbej Babilonia paklowax.

²² Babilonia paklowaxxot jiw chiekal toejafaxaes wut, thiakijlanikaxael arpa dakapoxan. Thiajilaxaelbej flauta nababapoxan, trompeta nababapoxanbej. Jaxot chiekal ajilaxaelbej nabistpi. Samata, thiajilaxaelbej trigo xatkianapoxan ia'tat.

²³ Babilonia paklowaxxot lámpara itliakax itdeljilaxaelbej. Japapaklowaxxot jiw chiekal ajilaxael xot, ajilaxaelbej nakjiyaxan. Samata, atúaj jum-okpoxan fiesta is wut, japoxbej chiekal jumjisnikaxael. Asatúajnanchanpijiw, pejew mowapi potúajnácha, japibej ajilaxael. Pinjoe'iwbej, jiw naekichachajbapi, japi ajilaxael” —aech ángel, jum-aech wut asamatkoi jachiyaxaelpox Babilonia paklowaxliajwa.

²⁴ Dios matabijt, Babilonia paklowaxpijiw ba wuti profetas, asew jiwbej, Dios pejiwpi. Japapaklowaxpijiw pijaxtatbej Dios pejiwpi baes potúajnácha. Samata, Dios xabich kastikaxael Babilonia paklowaxpijiw.

19

¹ Do jawux, jumtaenx Diosxotse, xabich Dios pejiw jum-aech wut. Jum-aechi ampox:

“Xatis Dios jumchiyaxaes: ‘Xam xabich pachaemam’ —chiyaxaes. Dios nakbu'wiapon, japon kaen paklon, puexa jiw tato'lan. Japon xabich mamnik. Samata, xajup puexa isliajwa.

² Dios matabijt puexa pachaempoxan isliajwa. Jiw xabich babijaxan is wut, Dios xabich kastika. Samata, Dios xabich kastika Babilonia paklowaxpijiw, japi pijaxtat pothatapijiw is xot babijaxan. Japi pijaxtatbej Dios pejiwpi baes” —aech Dios pejiw Diosxotse.

³ Do japi Diosxotse pejme jum-aech: “Xatis Dios jumchiyaxaes: ‘Xam xabich pachaemam’ —chiyaxaes. Babilonia paklowax toejwas wut, makach itnum toepaxil. Pomatkoicha itnumaxael” —aech Dios pejjiw Diosxotse.

⁴ Veinticuatro ancianos, cuatro choef kabuan-aechpibej, Dios ekxot wuajnalel nukapa-oeli itpaeliajwa sitaeyax Diosliajwa. Jum-aechi Diosliajwa: “iPachaem xam isampox Babilonia paklowaxpijiwliajwa! iXam xabich pachaemambej!” —aechi Diosliajwa.

⁵ Do jawut, Dios ekxot kaejame jumtaenx, jum-aech wut japajame: “Puexa xamal Dios sitaenampim, paklochwam, paklochwam-emilpimbej, jum-amde Diosliajwa: ‘iXam xabich pachaemam!’ —amde!” —aech wut japajame.

Diosxotse fiesta ispox Corderoliajwa

⁶ Do jawut, xan pejme jumtaenxbej, me-ama jiw xabich jumxan-el wut, jajum-aechpox. Japox, minaposnik wut, jathia-aech. Japoxbej, xabich chamx jumse'bala wut, jathia-aechbej. Jawut japi jum-aech:

“WajDios, japon xabich mamnik. Japon xajup puexa isliajwa. Japon pajut tãadutbej pothatapijiw tato'laliajwa. Samata, xatis japon jumchiyaxaes: ‘iXam xabich pachaemam!’ —chiyaxaeson.

⁷ Nejchachaemlaxaes. Asew jiwliajwa jumchiyaxaesbej: ‘Kaen Dios xabich mamnik’ —chiyaxaes. Japox jumchiyaxaes, pat xot Cordero pejnakiyamatkoi. Japon pijwaxaelpow, thiltisow.

⁸ Japow naxoelox xabich chamoeyax, xabich papoeikolax, nakliafanbej. Yiaf, xabich papoeikolax, japox jiw taen wut nejchaxoelaliajwa: ‘Japi Dios pejjiw laelp wut, isfula-eli babijaxan’ —chiliajwapi, nejchaxoel wut” —aechox, me-ama jiw xabich jumxan-el wut, jajum-aechpox.

⁹ Do jawux, japon ángel xan najum-aech: “Lelde xan jumchiyaxaelenpoxan: ‘Taduchpi naktaeliajwa Cordero pejnakiyafiesta, japi jiw nejchachaemlaxael’ ” —na-aech ángel xanliajwa.

Do jawut, japon ángel jum-aech xanliajwa: “Japajamechan diach chiekal wuajnakolax, Dios pejjamechan xot” —aech japon ángel xanliajwa.

¹⁰ Do jawut, japon ángel pejwuajnalel xan brixtat nukx, sitaenx xot. Jawut najum-aechon: “iXam nabej nuke' brixtat xan tajwuajnalel! Xanbej nabistax Diosliajwa. Me-ama xam, asew jiwbej nabisti Diosliajwa, xanbej, ja-an. Kaen Dios sitaeyaxaelam” —aech ángel xanliajwa.

Nejmachjiw naewuajan wut Jesús pejwuajan asew jiwliajwa, japi Dios.

Jesús tua-ekpox kawaei, papoeyan

¹¹ Do jawut, taenx, thatbaxo pajut nafafat wut. Jawut natulaelt kawaei papoeyan. Kawaei papoeyan tua-ekpon, japon jiw tato'lan. Japon kichachajbael, jiw tato'al wut. Naba wutbejpon, japon naba babejchow toesliajwa. Samata, japon pawul, Fiel y Verdadero.

¹² Japon pej-ifu, me-ama jitkaech-ia'an, ja-ifu-aechon. Xabich corona, pin-iat, matlua'apon. Pejmakat kaewul maklelson. Japawul asew jiw matabija-el. Japon kaen pajut chiekal matabijit.

¹³ Japon naxoelpox, jal xathochpox wut, ja-aechox. Japon pawul, Dios Pejjame.

¹⁴ Japon xabich ángeles fulalaelpas. Japi ángeles naxoei papoei, pabujabu'an. Japi ángeles chalaelp kawaei papoeitat.

¹⁵ Matxoelachafolpon kawaeitat, kaechmataluspon espada, xabich pabua'powa. Japowa espadatat nabeyaxaelon, ampathatpijiw suapich, chiekal naexaxisliajwas. Japon chiekal tato'laxaelbej potuajnanchanpijiw.

Me-ama aton uva sae'en, uva-ufan nakolaliajwa, jachiyaxael Dios, jiw babejchow kastika wut. Jawut xabichaxael jal. Dios, xabich mamnikpon, jasox jachiyaxael, xabich palala xot jiw babejchowliajwa.

¹⁶ Matxoelachafolpon kawaeitat thuch naxoelaxxot, jaxot japon pejwul lels. Japon pejbetat pejwul lels. Japawul lelspon jum-aech: "Ampon puexa jiw tato'lan. Puexa reyes tato'lanbej" –aech japawul.

¹⁷ Do jawux, asan ángel taenx, nuk wuton juimt matkoipijinmatwujtat. Japon pinjametat jum-aech puexa thuthaliajwa, kakanliajwabej, kaboerliajwabej, jiwchoelliajwabej: "¡Xabua't natamejaliajwam, Dios pinjiyax fiesta is xot!

¹⁸ ¡Xabua't jiw patupa xaeliajwam! Xaeyaxaelam reyes. Xaeyaxaelambej soldawpaklochow. Xaeyaxaelambej poejiw, pejlewla-elpi nabeyaxanliajwa. Xaeyaxaelambej soldaw, japi pejkawaeibej. Xaeyaxaelambej puexa esclavos, esclavos-elpibej, paklochow, paklochowa-elpibej" –aech ángel puexa japiliajwa.

¹⁹ Do jawut, xan taenx pejmachofan, babejkolan. Jawut taenxbej, puexa reyes natameja wut, pejsoldaw suapich, nabeliajwa kawaei papoeyan chafolpon suapich, japon pejjiw suapichbej.

²⁰ Kawaei papoeyan chafolpon jaelt pinjin pejmachofan, marxot nakol-sanpon. Jaeltbejpon profetakolna-elpon, japon xabich jiw naekichachajbapon. Do jawut, japi peldikon jitpuka poxadik, jit xabich tamdadutxot, azufre suapich. Japon profetakolna-elpon, majt koechaxan is pejmachofan pejwujajnael. Koechaxan is xot, jiw xabich naekichachajbapon. Samata, jiw kitapaei makmarkaliajwas pejmachofan pejmarkaxtat. Nuilbejpi brixtat kawujajnaiajwa pejmachofan pej-ael, japox ídolo isaspon.

²¹ Jawut kawaei papoeyantat chafolpon espada kaechmataluspon. Japowatat xabich bapon pejmachofan pejjiw. Do jawux, puexa, japi jiw, xabich xaeslisi thutha, kakan, kaboer, jiwchoelbej. Jawut japi jiw, patupa, xabich winafniaspi.

20

Mil waechan Cristo tato'laxaelpox ampathatpijiw

¹ Xan pejme taenx ángel, fuloek wut athulelsik. Japon xaloek llave, pinamuthfapajax. Japox muth chinax matduka-el. Xaloekbejpon pinamuat, cadenamuat.

² Japon ángel jaelt dragón. Xawaeton dragón cadenamuatat mil waechanliajwa. Dragón, japon Satanás. Chajiakolaxtat jomtat natulaeltpon.

³ Do jawut, japon ángel fo'akpon Satanás xabich pinjiyax, muth, poxadik. Chafaxawaechbejpon. Chafaxape'tason sello. Samata, Satanás mil waechan jiw naekichachajbaxil. Mil waechan xent wut, jolsaxaeson kaematkoianliajwa pejme jiw naekichachajbaliajwa.

⁴ Do jawux, xan pejme taenx, asew jiw chalak wut paklochow chalakpox-antat. Japi jiw Dios to'as kastikaliajwapi jiw babejchow. Taenxbej asew jiw pej-aelan, chajiakolaxtat taxtasiapbalaspi. Japi jiw laelp wutfuk, asew jiw naewujajnalap Jesús pejwujajan, Dios pejjamechanbej. Japi kawujajna-elbej pejmachofan. Kawujajna-elbejpi japox ídolo. Kitapae-elbejpi makmarkaliajwas pejmachofan pejmarkaxtat. Kitapae-elbejpi pejke-echan wemarkaliajwas. Samata, taxtasiapbalas japi jiw. Taenxbej japi jiw, Cristo suapich, asew jiw tato'al wut mil waechanliajwa.

⁵ Pe asew jiw, tupi, mat-e-esalfuk pejme duilaliajwa, mil waechan toepa-el xotfuk. Pe mil waechan toep wut, jawut japi jiw mat-eyaxaes pejme duilaliajwa. Japox jachiyaxael, tupi matxoela mat-eyaxaes wut pejme duilaliajwa.

⁶ Japi jiw matxoela mat-eyaxaes wut pejme duilaliajwa, japi xabich ne-jchachaemlaxael, Dios pejjiw xoti. Asamatkoi, Dios jiw kastika wut, babej-chow, Dios pejjiw kastikaxisal xabich jit tamdadutxot. Japi jiwlap Dios pejsacerdotsaxael kawajnafulaliajwapi Dios, Cristobej. Japi sapich, Cristo asamatkoi jiw tato'laxael mil waechan ampathatat.

Satanás fo'axaeks pox pomatkoicha jaxotdik kastikaliajwaspon Dios

⁷⁻⁸ Mil waechan toep wut, Satanás tapaeyaxaes nakolsliajwa muth, pinjiyax, chinax matduka-elxotsin. Japon nakolsaxael pejme naekichachajbaliajwa potajnanchanpijiw, Dios naexasis-eli. Puexa japi jiw pawul Gog, Magogbej. Do jawut, Satanás xabich japi jiw tamejaxael nabeliajwa, Dios pejjiw sapich. Me-ama thaejfu marxot xabich pin-iakola, jachiyaxael japi jiw, naexasis-elpi Dios.

⁹ Japi jiw chakipasaxael Jerusalén paklowaxpijiw. Japi chamasajoeyaxael Dios pejjiw beliajwapi, japi jiw nejxasinkpi Dios. Jawut chalechkal jit, pinjiyax, jopaxoek masajoeyapi pejmatwajasik puexa japi toejwaliajwas.

¹⁰ Do jawut, Satanás, jiw naekichachajbapijin, fo'axaes jitpuka poxadik, xabich jit tamdadut poxadik, azufrebej. Pe japajitpuka poxadik matxoela fo'axaeks pejmachoeffan, profetakolna-elponbej. Jaxotdik Dios japi pomatkoicha kastikaxaes. Samata, japi xabich nabijasaxael pomatkoicha.

Asamatkoi jiw, babijaxan ispi, nuilaxael pox Dios pejwajnalel

¹¹ Taenx pinjiyax tua-ekax, papoeikolax Diosxotse. Taenxbej Dios, ek wut japatua-ekaxtat. Do jawut, japon pijaxtat that chiekal ajisnat, thatbaxobej. Japoxan pejme tae-enil asalel.

¹² Taenxbej jiw, naexasiti Jesús pejwajan, ampathatat tapi, paklochow, paklochowa-elibej, nuil wut Dios pejwajnalel. Taenxbej pel-ufan, falfaspoxan, oel wut. Japapel-ufantat lels puexa pachaempoxan, japi jiw ispoxan asew jiwliajwa, laelp wuti ampathatat. Taenxbej asafut. Japapelfutbej fach. Japafutat pejwulan lels, duilaxaelpi Diosxotse pomatkoicha.

¹³⁻¹⁴ Xabich jiw, tapi marxot, japibej Dios pejwajnalel nuil. Puexa asew jiw, ampathatxot chajia tapi, jaxotse nuilbej. Puexa japi kastikas, babijaxan is xot. Babijaxan kaes ispi, japi kaes xabich kastikas. Japi jiw pomatkoicha jitpukaxot kastikas. Japoxlap wachakalpijax, patupax wulxael.

¹⁵ Japafutat jiw wallela-esalpi, japikal peltas jitpuka poxadik.

21

Dios isaxael pox pajelthat, pajelthatbaxobej

¹ Baxael, pejme taenx pajelthat, pajelthatbaxobej. Dios matxoela-ispoxan, that, thatbaxobej, marbej, puexa japoxan chiekal ajil.

² Jawutbej, xan taenx Dios pejpaklowax, Jerusalén paklowax, pajelax, fulaeflik wut Diosxotsik. Dios xabich chaemt japapaklowax pachaemaliajwa, puexa pejjiw duilaliajwa japapaklowaxxot. Me-ama pawis chiekal nachaemt wut chamiowaliajwa pejbabijnaw wuljaesax wajna, ja-aech amwutjel Dios pejpaklowax.

³ Do jawux, jumtaenx, pinjemetat jum-aech wut athulelsik Dios pejtua-ekaxtat. Jum-aechox: “Dios pajut amwutjel dukaxael pejjiwtat. Japon Dios pomatkoicha japi jiw pejdiosnaxaelon. Japi jiwbej Dios pejjiwaxael.

⁴ Ajilaxael noeyax. Ajilaxaelbej patupax. Ajilaxaelbej wunoeyax. Ajilaxaelbej bu'xaeyax. Puexa japoxan chiekal ajilaxael” –aech athulelsik.

⁵ Dios ek wut pejtua-ekaxtat, jum-aechon: “Puexa nejmach matxoela-isxroxan, japoxan chiekal toetx. Do jawux, puexa pejme pajel isx” — aech Dios. Jum-aechbejpon: “¡Lelde ampawuajan puexa jiw naexasisliajwa, diachwuajnakolax xot!” — aech Dios.

⁶ Do jawut, Dios pejme jum-aech xanliajwa: “Puexa xan chajia jum-anpoxan, japoxan ja-aechlisox. Xan akasestat puexa isx. Xan tajut pejme japoxan puexa toesaxaelenbej. Jiw, minsilapi, japi jiw xan malech chaxduiyaxaelen min, satlel nakakolsanmin. Japamin japi jiw af wut, duilaxael pomatkoicha.

⁷ Xan nanaexasiti, is-el wut babijaxan, Satanás tato'laspoxan, ja-aech wut, xan japi pejdiosnaxaelen, me-ama chajia jum-an. Japi jiwbej tajjiwaxael.

⁸ Asew jiw xan to'axaelen jitpuka poxadik, xabich jit tamdadutxot, azufre suapich. Jaxot jiw kastikax wut, japoxlap wachakalpijax, patupax. Jaxot pomatkoicha jiw babejchow kastikaxaelen. Jaxotaxaelbej jiw xan nanaexasis-elpi, japi pejlowlapi nabijasliajwa asew jiw pijaxtat. Jaxotaxaelbej jiw kofapi, majt xan nanaexasitpi. Jaxotaxaelbej xabich babijaxan ispi xanliajwa. Jaxotaxaelbej asew jiw bapi. Jaxotaxaelbej poejiw, asew watho' bu'moejtpi. Jaxotaxaelbej pinjoe'iw. Jaxotaxaelbej jiw ídolos kawuajanpi. Jaxotaxaelbej jiw kichachajbapijiw” — aech Dios japox xanliajwa.

Pajelpaklowax, Jerusalén paklowax

⁹ Siete ángelesxot, kaen japixot xan napa'an. Japi kaenanula copa. Japacopa wulus siete matdukababijaxan toesliajwapi ampathat. Japon ángel xanxot pat wut, najum-aechon: “¡Xabu't! Xam itpaeyaxaelen Cordero pijwaxaelpow” — na-aech ángel.

¹⁰ Jawut Espiritu Santo pijaxtat masoxtat taenx, ángel nabu'fol wut xabich pinamux poxase. Japamuxmatwuajtase ángel na-itpaei pajelpaklowax, Jerusalén paklowax, Dios pejpaklowax, fulaeflikpaklowax Diosxotsik.

¹¹ Japapaklowax itliak Dios pejitliakaxtat. Japa-itliakax, me-ama ia't, ommaenkpot, pawulpot jaspe, ja-itdel-aech, itliak wut japapaklowax. Japox paklowax xabich thujal, me-ama vídrio, jakabuan-aechbejpo.

¹²⁻¹³ Japapaklowax tathoetlel ia'kal chaxxajajials. Japox xabich da'nik. Xabich athubejpo. Puexa doce fafajebejpo. Be'klel tres fafaje. Bi'alel tres fafajebej. Beselel tres fafajebej. Asalel, bi'alel, tres fafajebejpo. Kaenanula fafachanxot kaen ángel nuk wesliajwa. Japafafachanxot Israel paxi, docepijiw, wallelspi.

¹⁴ Japapaklowax chaxxajajials wut, ia' matxoela owas, pinanul, doce ia'. Japa-ia' fuletlelan lels doce apóstoles pejwulan. Japi Cordero pejjiwpi.

¹⁵ Japon ángel, xan najum-aechpon, japon xafol oronaeya japapaklowax xajajuiliajwa, doce fafachanbej, paklowax chaxxajajialsxotbej.

¹⁶ Do jawut, japon ángel naeyatat xajajupon japapaklowax. Kaelel paklowax xajajupon dos mil doscientos kilómetros. Japapaklowax puexa fuletlelan chiekal najup. Najupbej athulel.

¹⁷ Do jawux, xajajulison paklowax chaxxajajialsxot. Japox xajajupon sesenta y cinco metros athulel. Me-ama xatis xajajus wut métrotat, ja-aechbej japon ángel, xajaju wut.

¹⁸ Japox paklowax chaxxajajials ia', pawulpitat jaspe. Japapaklowax isasbej chiekal orokratat. Japa-oro, me-ama vídrio bujaspi wut, jakabuan-aechi.

¹⁹ Doce ia', pinanul, nasala-owas chaxxajajialaliajwas Jerusalén paklowax. Japa-ia'lelanxot, xape'as asat ia't, ommaenkpot, pachaemaliajwa. Matxoelapijt ia't, xape'tas ia't, pawulpot jaspe. Wuchakalpijt ia't, xape'tas ia't,

pawulpot zafiro. Trespijt ia't, xape'tas ia't, pawulpot ágata. Cuatropijjt ia't, xape'tas ia't, pawulpot esmeralda.

²⁰ Cincopijjt ia't, xape'tas ia't, pawulpot ónice. Seispijt ia't, xape'tas ia't, pawulpot cornalina. Sietepijjt ia't, xape'tas ia't, pawulpot crisólito. Ochopijjt ia't, xape'tas ia't, pawulpot berilo. Nuevepijt ia't, xape'tas ia't, pawulpot topacio. Diezpijt ia't, xape'tas ia't, pawulpot crisoprasa. Oncepijt ia't, xape'tas ia't, pawulpot jacinto. Docepijt ia't, xape'tas ia't, pawulpot amatista.

²¹ Puexa kaenanala doce fafachan isas kaeperlatat. Japapaklowax xabich pathialaxan maenk. Kaethiala pinathiala. Asathialaxan wut, jachi-el. Japapaklowaxthialaxan, chiekal orothialaxankal. Xabich thajal. Me-ama vídrio wut, kabuan-aech japapaklowaxthialaxan.

²² Dios, xabich mamnikpon, jaxot duk, Cordero suapich, japapaklowaxxot tae-enil temploba, puexa japapaklowax, me-ama Dios pejtemploba wut, jakabuan-aech xot.

²³ Dios pej-itliakaxtat, Cordero pej-itliakaxtatbej, japaklowax xabich itliak. Samata, japapaklowaxpijiw wewe'pa-esal juimt matkoipijin, madoipijinbej, itliakaliajwa.

²⁴⁻²⁶ Potuajnuchanpijiw, Dios bu'weyaxaesi, japi duilaxael japapaklowax-itliakaxtat. Puexa reyes xalaeyaxael pejew, xabich ommaenkpi, malech chaxduiliajwapi Dios. Japapaklowax pejfafachan pomatkoicha fafa jumch nuilaxael. Jaxot ajilaxael madoi, pomatkoicha itliakaxael Dios pej-itliakaxtat.

²⁷ Pe jiw, babijaxan ispi, leyaxil japapaklowax. Asew jiw, ídolos kawuajanpi, naekichachajbapibej asew jiw, japi leyaxil japapaklowax. Cordero pejfatat wullelspikal, japikal japapaklowax leyaxael, pomatkoicha duilaliajwa Diosxotse.

22

¹ Do jawut, ángel, Jerusalén paklowax xajajupon naeyatat, japon nitraeipon nawel xabich itat'alpox. Jiw, japamin afpi, laelpaxael pomatkoichaliajwa. Japamin nakolan Dios ekxot, Cordero suapich.

² Japanawel falaek pinathialatuchadik. Japanawel nataelachanuifal naebaechnaechan. Japabaech jiw xael wut, pomatkoicha laelpaxaeli. Kaejuimsfal wut, japanaebaechnaechan naboesfal. Japanae-uafbej pachaem potuajnuchanpijiw nawoeliajwa.

³ Japapaklowaxxot ajilaxael jiw babejchow kastikaliajwas. Dios, Cordero suapich, japi pejtua-ekax jaxotaxael. Dios pejjiwpi, puexa japi jiw nuilaxael brixtat Dios pejwuajnalel, Cordero wuajnalelbej, kawuajnalijwa.

⁴ Dios pejjiw, maklelspi japon pejwul, japi jiw pajut chiekal taeyaxaeli Dios.

⁵ Japapaklowaxxot ajilaxael madoi, Dios itliakafal xot. Samata, japapaklowaxxot duilpi wewe'paxisal lámparas. Juimt wewe'paxisalbejpi. Jaxot duilpi pomatkoicha nakaewa natato'laxael.

Jesucristo pejfulaeyax mox pawuajnapox

⁶ Do jawux, ángel pejme najum-aech xanliajwa: “Xan jumchixaxaelenpox diachwuajnakolax. Samata, pachaem xam chiekal naexaxisliajwam. Chajiakolaxtat Dios kajachawaet profetas jumchiliajwa asamatkoi jachiyaxaelpoxan. Amwutjel Dios to'a pej-ángel jumchiliajwa Dios pejjiw matabijaliajwa mox pawuajnapox jachiyaxaelpoxan ampathatat” —na-aech japon ángel.

⁷ Do jawut, ángel pejme najum-aech xanliajwa Jesús jum-aechpox: “Xan piach kijlaxinil. Kamtalejen pasaxoekan pejme. Tajwuajan chiekal naexasitpi, japi jiw asamatkoi nejchachaemlaxael, nejchaxoel wuti ampapelfutat

lelspxoxanliajwa: ‘Diachwujnakolax asamatkoi japoxan jachiyaxael’ –aech wuti japoxanliajwa” –aech ángel xanliajwa Jesús jum-aechpox.

⁸ Xan Juan, taenxproxan, jumtaenxproxanbej, lelx ampapelfutat. Japoxan ángel na-itpaei wut, xan brixtat nukx japon pejwujnalel jumchiliajwan: “Xam xabich pachaemam” –chiliajwan.

⁹ Pe jawut, ángel najum-aech: “¡Tajwujnalel brixtat xam nabej nuke! Xanbej nabichnan Diosliajwa. Me-ama xam, asew profetasbej, ja-an xan Diosliajwa. Asew jiwbej, japi naexaxisaxaeli xam lelampoxan ampapelfutat, nabichaxaelpi Diosliajwa, ja-anlap-is xan Diosliajwa. Kaen Dios pejwujnalel brixtat nukaxaelam jumchiliajwam: ‘Xam xabich pachaemam’ –chiliajwam” –aech ángel xanliajwa.

¹⁰ Do jawut, ángel pejme najum-aech xanliajwa: “Diachwujnakolax asamatkoi japoxan jachiyaxael, xam ampapelfutat lelampoxan. Japawujanliajwa xanaliyaximil, mox pawujna xot japoxan jachiliajwa.

¹¹ Samata, ampthatat laejam wut, jiw babejchow is wut babijaxan, japoxan japi jiw nej isfule! Asew jiw, nejchaxoelpi pachaema-elpoxan, japijapibej japoxan nej nejchaxoelafule! Jiw lax, isfulpi pachaempoxan, Dios nejxasinkproxan, japi jiw nej isfule japoxan! Asew jiwbej chiekal naexaxisasiapi Dios, japi chiekal nej naexaxisfule Dios!” –na-aech ángel.

¹² Do jawut, ángel pejme najum-aech xanliajwa Jesús jum-aechpox: “Xan piach kijlaxinil. Kamta pejme pasaxoekanlejen. Xapasaxoekan kaenanala malech chaxduiliajwan. Xabich kaes nabisti xanliajwa, japi jiw kaes chaxduiyaxaelen. Chiekal nabich-elpi xanliajwa, xabich chaxduiyaxinillejen.

¹³ Diachwujnakolax xan jum-an: ‘Matxoela-isxproxan, puexa toesaxaelen ajilaliajwa’ –aech Jesús” –na-aech ángel.

¹⁴ Jiw nejchachaemil, naexasit xoti Cordero tuppox buweliajwas japi babijaxan isproxanliajwa. Jiw, papoei naxoeipi, japi Dios buwiaspi. Japi tapaejaxaes pasliajwa Dios pejpaklowaxxotse. Kaectapaejaxaesbejpi naebaech xaeliajwa, duilaliajwa pomatkoicha Diosxotse.

¹⁵ Asew jiw, Jesús pejwujan naexaxis-eli, leyaxil japapaklowaxxotse. Namaeyaxaeli tathoetat. Jiw leyaxil japapaklowax, xabich babijaxan ispi, pinjoe'iwbej. Leyaxilbej poejiw, asew watho' bu'moejtpi. Leyaxilbej watho', asew poejiw bu'moejtpi. Leyaxilbej asew jiw bapi. Leyaxilbej jiw, ídolos kawujanpi, asew jiw naekichachajbapibej.

¹⁶ Do jawux, Jesús pajut chiekal xan najum-aechon: “Xan to'ax taj-ángel, japon xam kito'aliajwa lelaliajwampoxan tajwujan naexaxisaxaelpiliajwa. Xan, rey David pamonan, me-ama ithaejt, nalianapijin, xabich itliak wut, ja-an xan” –na-aech Jesús.

¹⁷ Espíritu Santo jum-aech, Jesús pejwujan naexasiti suapich, Jesúsliajwa: “¡Xam nabej kijle' piach ampthatxot pejme pasliajwam!” –aechi Jesúsliajwa. Asew jiw, jumtaenpibej japajame, japi jiwbej nej jum-aech Jesúsliajwa: “¡Xam xabua'chmik!” –nej aecheipi. Jiw wesia wut, japi jiw nej xabuaata Dioslel malech buweliajwas babijaxan isproxanliajwa, duilaliajwapi pomatkoicha Diosxotse!

¹⁸ Puexa jiw jumtaenpi xan lelxproxan ampapelfutat, japi jiw chiekal naewe'e amprox! Asan aton kaes lel wut asaxan xan lelxwujanxot, japon aton Dios xabich kastikaxaes. Me-ama Dios chajia jum-aech ampapelfutat babejchow kastikaliajwas, japon atonbej jasoxtat kastikaxaes.

¹⁹ Asan aton kaejame joei wutbej xan lelxprox ampapelfutat, japon atonbej Dios xabich kastikaxaes. Tapaeyaxisalbejpon leliajwa Dios pejpaklowaxxotse pomatkoicha dukaliajwa.

²⁰ Jesús pejme xan najum-aech: “Diachwajnakolax xan xabich piach kijlaxinil. Kamtalejen pasaxoekan” —aech Jesús xanliajwa.

¡Japox nej ja-aeché! ¡Xabaa't paklon Jesús!

²¹ Xan wajpaklon Jesús kawajna x puexa xamal kajachawaesliajwa.